


परमेश्वर उन खरा
वचन



The Holy Bible in the Holiya language of India: परमेश्वर उन
खरा वचन

परमेश्वर उन खरा वचन

The Holy Bible in the Holiya language of India: परमेश्वर उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023
3943f9d0-5b35-54ad-8e8f-1b7bf74924c6

Contents

मत्ती	1
मरकुस	52
लूका	87
यूहन्ना	141
पूरतिगोळ	176
रोमियों	222
१ कुरन्थि	242
२ कुरन्थि	262
गलातगोळ	275
इफसिगोळ	282
फलिप्पिगोळ	289
कुलुससगोळ	294
१ थसिसलुनीका	300
२ थसिसलुनीका	305
१ तीमुथयिस	308
२ तीमुथयिस	314
तीतुस	319
फलिमोन	322
इब्रानगोळ	324
याकूब	340
१ पतरस	346
२ पतरस	353
१ यूहन्ना	357
२ यूहन्ना	363
३ यूहन्ना	365
यहूदा	367
प्रकाशतिवाक्य	369

मत्ती रचति यीशु मसीह का सुसमाचार मत्ती इन द्वारा लखिसद यीशु मसीह अन्द खुशखबरी परचिय

मत्ती इन अनुसार खुशखबरी व्हाशोद नयिम दा नाक कतिबगोळ दा टु ऊंद हुन जो यीशु मसीह अन्द जीवन इन बारा दा हेळतद. अदुर दा टु हर ऊंद कतिब इक “खुशखबरी अनकु आगतद, यदुरद मतलब खुशखबरी.” अवरी मत्ती, मरकुस, लूका अदकि यूहन्ना द्वारा यीशु उन सोत्तुर बाददा लखिसकु आग्याद. याग मत्ती इन अनुसार खुशखबरी लखिसकु आगीत, रा ग्यानी लांकुरी सही तारीख मालूम हैलेच, लेकीन आग सकतद ईद यीशु मसीह इन जनम इन लगभग ६० साल इन बाददा आगीत. इदुर अलावा, अद जागा येल आद ईद लखिसकु आगीत, मालूम हैलेच, लेकीन हापाळ सा लांकुर अनुमान हचतार कि ईद फलिसितीन दा लखिसकु आग्याद अदकि शायद आग सकतद कयिरूशलेम नगर दा भी लखिसकु आग्याद.

लेखक मत्ती हुन, जो यीशु से पयले ऊंद कर ताकोमावाळा ईरोन, आव आंदरी तान चेला बनसोर साटी अंदुन. आंदरी लेवी हेसुर देल भी अरोर. मत्ती हन्नेळ प्रेरतिगोळ दा टु ऊंद ईरोन अदकि आव यहूदी लांकुर साटी लखिसीदुन. ईद हाळोद नयिम इन शास्त्रगोळद ६० से यक्कुल संदर्भगोळ देल साफ रूप देल नोळकु आग सकतद. आव ईद तोरसोद इरादा माळदुन कयिीशु मसीह ईरोन, परमेश्वर उन नविळुस्त उद्धारकर्ता, यार बारा दा भवषियवाणी माळकु आगीत. मत्ती भी परमेश्वर उन राज्य अन्द बारा दा हापाळ येनारा लखिस्यान. यहूदीगोळ इक उम्मीद ईरोद कि मसीह ऊंद राजनीतकि राज्य अन्द राजा बनस्यान. मत्ती परमेश्वर उन आध्यात्मकि साम्राज्य अन्द वर्णन माळकु आ वशिवास इक चुनौती कोळोर साटी हापाळ सावधानी बरतुसतान.

मत्ती इन अनुसार खुशखबरी व्हाशोद नयिम इक शूर माळोर साटी ऊंद वळलीद कतिब आद, यतकी हाळोद नयिम इन सप्पा संदर्भगोळद कारण. ईव येदद नयिमगोळ इक जोळसताव. ग्यानी लांकुर ईद भी सुझाव कोट्टुर कि मत्ती मूसा अन्द कतिबगोळद रूप इन नकल माळोद कोशशि माळतीदार, जो हाळोद नयिम इन पयला अईद कतिबगोळ हु. पहाळी मा यीशु उन उपदेश ५-७ इन तुलना परमेश्वर उक मूसा अन नयिम कोळोर सांगुळ आग सकतद. व्यवस्थावविरण १९:३-२३:२५.

रूप रेखा

1. मत्ती खुशखबरी इक यीशु मसीह अन्द जनम अदकि आंदुर मंत्रालय इन सुरूवात इन बारा दा हेळकु सुरू माळतान. १-४
2. इदुर बाददा मत्ती यीशु उन बारा दा अदकि आंदुर हापाळ सा उपदेशगोळद वर्णन माळ्यान ५-२५
3. मत्ती अन्द आखरी खंड आंदुर सायोद अदकि पुनरूत्थान दा यीशु मसीह अन्द मंत्रालय इन शखिर इन बारा दा आद २६-२८

यीशु उन लखिसद वंशावली
(लूका ३:२३-३८)

- 1 अब्राहम उन पार, दाऊद उन पार, यीशु मसीह अन्द वंशावली ई प्रकार देल आद.
- 2 अब्राहम देल इसहाक पैदा आदुन, इसहाक देल याकूब, याकूब देल यहूदा अदकि आऊन वार्दुर पैदा आदुर. 3 यहूदा अदकि तामार देल फरिसि अदकि जोरह पैदा आदुर, फरिसि देल हसितरोन, अदकि हसितरोन देल एराम पैदा आदुन. 4 एराम देल अम्मीनादाब पैदा आदुन, अम्मीनादाब देल नहशोन, अदकि नहशोन देल सलमोन पैदा आदुन. 5 सलमोन अदकि राहाब देल बोअज पैदा आदुन, बोअज अदकि रूत देल ओबेद, अदकि ओबेद देल यशै पैदा आदुन.

6 *अदकि यशै देल दाऊद राजा पैदा आदुन. अदकि दाऊद देल सुलैमान, आ आरत इन व्हाट्या टु पैदा आदुन जो पयले उरयियाह अन्द हगिस ईरोर. 7 सुलैमान देल रहबाम पैदा आदुन, रहबाम देल अबयियाह, अदकि अबयियाह देल आसाफ पैदा आदुन. 8 आसाफ देल यहोशाफात पैदा आदुन, यहोशाफात देल योराम, अदकि योराम देल उज्जियाह पैदा आदुन. 9 उज्जियाह देल योताम पैदा आदुन, योताम देल आहाज, अदकि आहाज देल हजिकयियाह पैदा आदुन. 10 हजिकयियाह देल मनशशहि पैदा आदुन, मनशशहि देल आमोन, अदकि आमोन देल योशयियाह पैदा आदुन. 11 अदकि बाक इस्त्राएल इन लॉकुरी बंदी माळकु बेबीलोन ओया होती योशयियाह देल यकुन्याह, अदकि आऊन वार्दुर पैदा आदुर.

12 बंदी आगकु बेबीलोन पोहचुसदुर बाददा यकुन्याह देल शालतएल पैदा आदुन, अदकि शालतएल देल जरूबाबलि पैदा आदुन. 13 जरूबाबलि देल अबीहूद पैदा आदुन, अबीहूद देल इल्याकीम, अदकि इल्याकीम देल अजोर पैदा आदुन. 14 अजोर देल सदोक पैदा आदुन, सदोक देल अखीम, अदकि अखीम देल इलीहूद पैदा आदुन, 15 इलीहूद देल इलयाजार पैदा आदुन, इलयाजार देल मत्तान, अदकि मत्तान देल याकूब पैदा आदुन. 16 याकूब देल यूसुफ पैदा आदुन, जो मरयिम इनव गांड् ईरोन, अदकि मरयिम देल यीशु जो मसीह कहलुस्तान, पैदा आदुन.

17 ईद प्रकार अब्राहम टु हुळकु दाऊद ताका चौदा पीढी आदव, अदकि दाऊद टु बेबीलोन इक बंदी आगकु पोहचुस्कु आगासताका चौदा पीढी, अदकि बंदी आगकु बेबीलोन इक पोहचुस्कु आगा समय टु मसीह ताका चौदा पीढी आदव.

यीशु उन जनम

(लूका १:२६-३८; २:१-७)

18 *यीशु मसीह अन्द जनम इत्ता प्रकार देल आत, कयाग आऊन मोय मरयिम इन सगाई यूसुफ उन सांगुळ आगेत, रा आंदुरद मलिन आगोर से पयले अच आक पवत्रि आत्मा दी टु व्हाट्या दी ईरोर. 19 इदुरसाटी आकनि गांड् यूसुफ जो न्यायी मंळसा ईरोन अदकि आकी बदनाम माळोद ईला चाहासोन, आकी चुपचाप बटिट बुळोद वचिर माळदुन. 20 याग आव ईव मातगोळ्द सोच दा का ईरोन रा प्रभु उन स्वर्गदूत आऊक कान्सा दा कांळसकु अनली कुरतुन, “हे यूसुफ! दाऊद उन पार, नी मरयिम उक हगिस माळली अंजबाळ, यतकी जो आकनि गर्भ दा आद, अद पवत्रि आत्मा दी टु आद. 21 *आक पार उक हाळदार अदकि नी आऊन हेसुर यीशु ईटेत, यतकी आव तान लॉकुरी आंदुर पापगोळ देल बळिस्यान.”

22 *ईद सब इदुरसाटी आत कजि जो वचन प्रभु भवषियवक्ता अन्द द्वारा अंददिन, अद पुरा आगुल: 23 “ऊंद कुवारा पोर व्हाट्या दी ईत्तार अदकि ऊंद पार उक हाळदार, अदकि आऊन हेसुर इम्मानुएल ईटकु आदीत,” यदुरद मतलब आद, “परमेश्वर नाम सांगुळ.”

24 आग यूसुफ जप दा टु यदकु प्रभु अन्द स्वर्गदूत उन आग्या अन्द अनुसार मरयिम उक हगिस माळकु मान्या तंदुन; 25 *अदकि यागासताका आक पार हाळददिल आगासताका यूसुफ आकनि हात्ती होगीदलि: अदकि आव आ पार उन हेसुर यीशु ईटदुन.

2

पूर्व दशिया नोर पाऊनागोळ्द यीशु से मुलाकात

1 हेरोदेस राजा अन्द दनिगोळ दा याग यहूदिया प्रदेश इन बैतलहम ऊरा यीशु उन जनम आत, रा नोळी, पूर्व दशिया टु हापाळ सा जानकार लॉकुर यरूशलेम दा बंदकु केळली कुरतुर, 2 “यहूदीगोळव राजा यार्द जनम आग्याद, यल आन? यतकी नाव पूर्व दा आऊन तारा नोळेव, अदकि नाव आऊक प्रणाम माळली बंदेव.”

3 ईद केळकु हेरोदेस राजा अदकि आऊन सांगुळ पुरा यरूशलेम घबरूसेत. 4 आग आव यहूदी समाज इन सप्पा प्रधान याजकगोळी अदकि शास्त्रीगोळी जमा माळकु आंदुर से केळदुन, “कजि

मसीह अनन्द जनम यल आग पायजे.” 5 आंदुर आऊन से अंदुर, “यहूदिया अनन्द बैतलहम दा, यतकी परमेश्वर उन भवषियवक्ता अनन्द द्वारा ईद लखिसकु आग्याद: 6 हे बैतलहम, नी जो यहूदा अनन्द प्रदेश दा आय, नी यातोदारा भी रीति देल यहूदा अनन्द अधिकारीगोळ दा सब से स्याणेव हैलेच; यतकी नीन दा टु ऊंद अधपिती होटान, जो नान प्रजा इस्त्राएल इन रखवाली माळ्यान.’ ”

7 आग हेरोदेस जानकारगोळी चुपचाप कारूकु आंदुर से केळदुन क्ति तारा ठीक याता समय दा कांळसीत, 8 इदुरसाटी आव ईद अनकु आंदरी बैतलहम कळदुन, “होगी, आ पार उन बारा दा बेस-बेस मालूम माळी, अदकि याग आव सकिकेदान रा नानी बातणी कोळी ताकी ना भी बंदकु आऊक प्रणाम माळाईन.”

9 आंदुर राजा अनन्द मात केळकु होटोदुर, अदकि जो तारा आंदुर पूर्व दी नोळीदुर अदा तारा आंदुर मुंद-मुंद नळोद; अदकि यल चगिद ईरोद, आ जागा अनन्द म्याकुच पोहचुस्कु रूकसेत. 10 आ तारा अक नोळकु आंदुर हापाळ खुश आदुर. 11 आंदुर आ मानना दा पोहचुस्कु आ पार उक आऊन मोय मरयिम इन सांगुळ नोळदुर, अदकि बांगकु आ पार उक प्रणाम माळदुर, अदकि तान-तान झ्वारा खोल्सकु आऊक वहानना, लुबान, अदकि गन्धरस इन भेट येरसदुर.

12 आग परमेश्वर कानसा दा आंदरी चेतावनी कोटकु ईद अंदुन क्ति हेरोदेस उन हात्ती मात्त होगबाळेतीर, आंदुर दुसरा हादी देल तान द्याश दा होटोदुर.

मसित्त्र द्याश इक होगोद

13 आंदुर होगदुर बाददा प्रभु उन ऊंद स्वर्गदूत कानसा दा यूसुफ उक कांळसकु अंदुन, “येळ, आ पार उक अदकि आऊन मोय इक हुळकु मसित्त्र द्याश इक ओळग; अदकि यागासताका ना नीन से अनालीन, आगासताका अल्या ईरेत; यतकी हेरोदेस ई पार उक हुंढसेत्यान क्ति आऊक कोन्सुस बुळुल.”

14 आग आव ईळलकी इच यदकु पार अदकि आऊन मोय इक हुळकु मसित्त्र द्याश इक ओळेदुन, 15 अदकि हेरोदेस उन सायास्ताका अल्या ईत्तुन. इदुरसाटी क्ति अद वचन जो प्रभु भवषियवक्ता अनन्द द्वारा अंददिन अद पुरा आगुल: “ना तान पार उक मसित्त्र द्याश टु कारसदिन.”

चकिरी कोननोद

16 याग हेरोदेस ईद नोळदुन, क्ति तारागोळद बारा दा जानकारी ताकोमावाळेर जानकार लॉकुर आऊन सांगुळ ध्वाका माळदुर, आग आव सट्टि देल बेक्की घाई आगेदुन, अदकि लॉकुरी कळकु जानकार लॉकुर द्वारा तारा नोळोद समय इन अनुसार बैतलहम अदकि अदुर आसपास इन जागा अनन्द सप्पा चकिरी जो येढ्ढ वर्ष इनोर या आंदुर से स्याणेव ईरोर, कोन्सुस बुटुन. 17 आग अद वचन जो यरिमयाह भवषियवक्ता अनन्द द्वारा अंदकु आगीत, अद पुरा आत: 18 “रामाह ऊर दा दुख भरा ऊंद आवाज केळ बत्त, वोरलोद अदकि हापाळ गयरा वलाप इन ईरोद; राहेल तान चकिर साटी वोरलोर, अदकि शांत आगोद ईला चाहासोर, यतकी ईंग आ चकिर सोतोगीदुर.”*

मसित्त्र द्याश टु वापस बरोद

19 हेरोदेस उन सोत्तुर बाददा, प्रभु उन स्वर्गदूत मसित्त्र दा यूसुफ उक कानसा दा कांळसकु अंदुन. 20 “येळ, पार उक अदकि आऊन मोय इक हुळकु इस्त्राएल इन द्याश दा होटोग, यतकी जो पार उन जीव ताकोमोद चाहासोर, आंदुर सोतोग्यार.”

21 यूसुफ येददुन, अदकि पार उक अदकि आऊन मोय इक सांगुळ हुळकु इस्त्राएल इन द्याश दा बंदुन. 22 लेकीन ईद केळकु क्ति अरखलाउस तान आप्प हेरोदेस उन जागा दा यहूदिया मा राज्य माळेत्यान, अल होगोर से अंजदुन. बाक कानसा दा परमेश्वर उन दी टु बातणी ताकोमकु गलील प्रदेश दा होटोदुन. 23 *आव अल नासरत हेसुर इन नगर दा होगकु कुरतुन, ताकी अद वचन पुरा आगुल, जो भवषियवक्तागोळ द्वारा अंदकु आगीत: “आव नासरी कहलुस्यान.”*

* 2:15 २:१५ होशे ११:१ * 2:18 २:१८ यरिमयाह ३१:१५ * 2:23 २:२३ मरकुस १:२४; लूका २:३९; यहूदिया १:४५ * 2:23 २:२३ लूका ८:१७

३

बपतस्मा कोळावाळा यूहन्ना अन्द उपदेश
(मरकुस १:१-८; लूका ३:१-१८; यूहन्ना १:१९-२८)

१ आ दनिगोळ दा बपतस्मा कोळावाळा यूहन्ना बंदकु यहूदयिया अन्द आळी दा ईद प्रचार माळली कुरतुन: २ * “पापगोळ देल मन तरिगुसी, यतकी स्वर्ग इन राज्य हात्ती होट बंदाद.”

३ इव आवा हुन यार्द मातकात यशायाह भवषियवक्ता अन्द द्वारा माळकु आग्याद:

“आळी दा ऊंद कारावाळा अन्द आवाज केळ बरेत्याद,

का प्रभु उन हादी तयार माळी,

आऊन सळकगोळी सरका माळी.”*

४ * ईव यूहन्ना ऊट इन चुट्टीगोळ्द फळक्या हाक्कु अदकि नेळु मा तोगुल इन पट्टा कटकु ईरतोगोन. फाफा* अदकि आळी दाकळोद शयद तनितोगोन. ५ आग यरूशलेम अदकि पुरा यहूदयिया प्रदेश, अदकि यरदन गांगा अन्द आस-पास इन सप्पा क्षेत्र अन ईरावाळेर लॉकुर आऊंद हात्ती बंदकु जमा आदुर. ६ आंदुर तान-तान पापगोळी मान्सकु यरदन गांगा दा आऊन से बपतस्मा ताकोडुर.

७ * याग आव हापाळ सा फरीसी अदकि सद्कीगोळी बपतस्मा ताकोमोर साटी तान हात्ती बरत नोळदुन, रा यूहन्ना अंदुन, “हे हाव इन चकिरा, याव नीमी चतरा माळ बुटुन का परमेश्वर उन बरावाळा प्रकोप देल ओळी? ८ इदुरसाटी हगि मातगोळ माळी जो नीम पश्चाताप इक तोरसतद, ९ * अदकि तान-तान मन दा ईद वचिरा माळबाळी का नाम आप्प अब्राहम हुन; यतकी ना नीम से अनतीन का परमेश्वर ई कल्लगोळ देल भी अब्राहम उन साटी औलाद पैदा माळ सकतान. १० * ईग कोळ्ली मार्रगोळ्द जळी मा ईटकु आद, इदुरसाटी जो-जो मार्र वळ्लीद काय तराल, अदरी कळकु अदकि बेक्की दा हाक्कु आदीत. ११ ना रा नीर देल नीमी मन तरिगुसोद बपतस्मा कोळतीन, लेकीन जो नान बाद्दा बरावाळा आन, आव नान से ताकतवर आन; ना रा आऊन केरू तेगा लायक भी हैलेच. आव नीमी पवतिर आत्मा अदकि बेक्की देल बपतस्मा कोट्टान. १२ आऊन मार्र आऊन कय दा आद, अदकि आव तान केई वळ्लीद तरीका देल साफ माळ्यान, अदकि तान गोदीगोळी रा द्वाला दा जमा माळ्यान, लेकीन भूसा अन्द गवान्डा अक आ बेक्की दा होताक्यान जो यागलु नुनाल्द.”

यीशु उन बपतस्मा

(मरकुस १:९-११; लूका ३:२१,२२; यूहन्ना १:३१-३४)

१३ आ समय यीशु गलील टु यरदन गांगा अन्द कनिरा मा बपतस्मा कोळावाळा यूहन्ना अन्द हात्ती आऊन से बपतस्मा ताकोमली बंदुन. १४ लेकीन यूहन्ना ईद अनकु आऊक रोकसली कुरतुन, “नानी रा नीद कय देल बपतस्मा ताकोमोद जरवत आद, अदकि नी नान हात्ती बंद्या?”

१५ यीशु आऊक ईद उत्तर कोट्टुन, “ईग रा हगि अच आगगोळ, यतकी नामी ईदा रीतदेल सप्पा न्यायीपन इन क्याल्सागोळी पुरा माळोद उचति आद.” आग यूहन्ना आऊन मात मान्स कोडुन.

१६ अदकि यीशु बपतस्मा ताकोमकु तुरन्त नीर दा टु म्याकुच बंदुन, अदकि अदा समय आऊन साटी स्वर्ग खुल्सेत, अदकि आव परमेश्वर उन आत्मा अक कबूतर इन घाई ईळुतेला अदकि तान म्याकुच बरतेला नोळदुन. १७ * अदकि स्वर्ग टु ईद आकाशवाणी आत “ईव नान प्रयि पार हुन, ईऊन से ना हापाळ खुश आईन.”

४

यीशु उन परीक्षा

(मरकुस १:१२-१३; लूका ४:१-१३)

* 3:2 ३:२ मत्ती ४:१७; मरकुस १:१५ * 3:3 ३:३ यशायाह ४०:३ * 3:4 ३:४ २ राजा १:८ * 3:4 ३:४ फाफा-मतलब टड्डियॉ * 3:7 ३:७ मत्ती १२:३४; २३:३३ * 3:9 ३:९ यूहन्ना ८:३३ * 3:10 ३:१० मत्ती ७:१९ * 3:17 ३:१७ मत्ती १२:१८; १७:५; मरकुस १:११; लूका ९:३५

1 ✨आग पवत्रि आत्मा यीशु उक सुनसान जागा दा ओईत ताकी शैतान उन द्वारा आऊन परीक्षा आगुल. 2 आव चालीस दिन, अदकि चालीस ईळलक, उपास माळ कोंडुन, आग आऊक हशु हत्त. 3 आग परखुसावाळा शैतान हात्ती बंदकु आऊन से अंदुन, “अगर नी परमेश्वर उन पार हुय, रा अंदकोम, कर्ई कल्ल रोट्टगोळ बंसेगुल.”

4 यीशु उत्तर कोट्टुन: “शास्त्र दा लखिसकु आद, ‘मंळसा सर्फि रोट्टी देल अच जत्तिता ईरतीदील, लेकीन हर ऊंद वचन देल जो परमेश्वर उन बाय देल होळतद.’”

5 आग शैतान यीशु उक यरूशलेम इन पवत्रि नगर दा ओईत अदकि मंदरि इन स्यांडा मा नीदरूस्त, 6 ✨अदकि आऊन से अंत, “अगर नी परमेश्वर उन पार हुय, रा तान तान इक ल्यालमा केळदबुळ; यतकी शास्त्र दा लखिसकु आद: ‘आव नीन बारा दा तान स्वर्गदूतगोळी आग्या कोट्टान, अदकि आंदुर नीनी कयगोळ दा नेगु कोंडार; ईलारा हगि आगबाळुल कर् नीन कालगोळी कल्ल देल ठेस हत्तुल.’”

7 ✨यीशु आऊन से अंदुन, शास्त्र दा ईद भी लखिसकु आद: “नी प्रभु तान परमेश्वर उन परीक्षा माळबाळ.”

8 बाक शैतान यीशु उक ऊंद हापाळ ऊंचा पहाळी मा ओईत अदकि पुरा दुनया अन्द राज्य अदकि अदुरद वैभव तोरसकु, 9 आग शैतान यीशु से अंत, “अगर नी बांगकु नानी प्रणाम माळ्या, रा ना ईद सब कुछ नीनी कोट बुळाईन.”

10 ✨आग यीशु आ शैतान उक उत्तर कोट्टुन, “हे शैतान दुर आगेग, यतकी शास्त्र दा लखिसकु आद: नी तान प्रभु परमेश्वर उन भक्ती माळ, अदकि सर्फि आऊंदा उपासना माळ.”

11 अदकि नोळी शैतान आऊन हात्ती टु होटोत, अदकि स्वर्गदूत बंदकु आऊन स्यावा माळली कुरतुर.

यीशु उन स्यावा-कार्य अन्द सुरूवात
(मरकुस १:१४,१५; लूका ४:१४; १५)

12 ✨याग यीशु ईद केळदुन कर् बिपतसिमा कोळावाळा यूहन्ना बंदी माळकु आगेग्यान, रा आव गलील इक होटोदुन. 13 ✨अदकि आव नासरत इक बटिकु कफरनहूम नगर दा बंदुन, जो झील इन कनिरा जबूलून अदकि नप्ताली इन द्याश दा आद, होगकु ईरली कुरतुन; 14 ताकी जो यशायाह भवषियवक्ता अन्द द्वारा अंदकु आगीत, अद पुरा आगुल:

15 “जबूलून अदकि नप्ताली इन द्याश,
झील इन हादी देल यरदन इन आप्पाटी,
गैरयहूदीगोळ द्याश गलील दा!

16 जो लॉकर अंधार जदिगी माळोर,
आंदुर ऊंद धोळ्द महान ज्योर्ता नोळदुर;
अदकि जो मृत्यु उन द्याश अदकि सावली दा कुर्तकु ईरोर,
आंदुर मा ज्योर्ता चमकुस्त.”

17 ✨आ समय टु यीशु प्रचार माळोद अदकि ईद अनोद सुरूवात माळदुन, “तान पापगोळ देल मन तरिगुसी यतकी स्वर्ग इन राज्य हात्ती होट बंदाद.”

नाक मेन हुडावाळेरी कारोद
(मरकुस १:१६-२०; लूका ५:१-११; यूहन्ना १:३५-४२)

18 गलील इन झील इन कनिरा वयाळतेला यीशु येढ्ढ वार्टुरी मतलब शमौन उक जो पतरस कहलुस्तान, अदकि आऊन वार्ट अन्रियास उक झील दा जार हाक्त नोळदुन; यतकी आंदुर मेन हुडावाळेर ईरोर. 19 यीशु आंदुर से अंदुन, “नान हदि बरी, रा ना नीमी मंळसागोळी ह्यांग परमेश्वर उन राज्य दा तरतार अद कलसाईन.” 20 आंदुर तुरन्त जारगोळी बटिकु आऊन हदि होटोदुर.

✨ 4:1 ४:१ इब्रानगोळ २:१८; ४:१५ ✨ 4:6 ४:६ भजन संहिता ११:११-१२ ✨ 4:7 ४:७ व्यवस्थाविरण ६:१६ ✨ 4:10 ४:१० व्यवस्थाविरण ६:१३ ✨ 4:12 ४:१२ मत्ती १४:३; मरकुस ६:१७; लूका ३:१९,२० ✨ 4:13 ४:१३ यूहन्ना २:१२ ✨ 4:17 ४:१७ मत्ती ३:२

21 अल टु मुंद वाळुसकु, यीशु मातत येदढ वार्टुरी मतलब जब्दी इन पार याकूब अदकि आऊन वार्ट यूहन्ना अक नोळदुन. आंदुर तान आप्प जब्दी इन सांगुळ ड्वांगा मा तान जारगोळी सुधारसोर. आव आंदरी भी कारदुन. 22 आंदुर तुरन्त ड्वांगा अदकि तान आप्प उक बटिकु आऊन हदि होटोदुर.

यीशु उन सखि, उपदेश अदकि चंगाई
(लूका ६:१७-१९)

23 *यीशु पुरा गलील दा वयाळतेला आंदुरद सभागूहगोळ दा उपदेश कोळोन, अदकि राज्य अनूद खुशखबरी प्रचार माळोन, अदकि लॉकुरद हर प्रकार इन बमिरगोळी चंगा माळदुन अदकि कमजोरी इक दुर माळतेला ईत्तुन. 24 अदकि पुरा सीरया द्याश दा आऊन यश फैलुसेत; अदकि लॉकुर सब बमिरगोळी जो नाना प्रकार इन बमिरगोळ अदकि दुखगोळ दा जकळुसकु ईरोर, अदकि यारदा दुष्टआत्मागोळ ईरव, अदकि मरिगीवाळेर अदकि लकवा नोर रोगीगोळी, आऊन हात्ती तंदुर अदकि आव आंदरी चंगा माळदुन. 25 गलील अदकि दिकापुलसि*, यरूशलेम, यहूदीया अदकि यरदन गांगा अनूद आप्पाटी टु भीळ इन भीळ आऊन हदि आगेत.

5

यीशु उन पहाळी उपदेश

1 यीशु भीळ इक नोळकु पहाळी मा येरेदुन, अदकि याग कुरतोदुन रा आऊन चेलागोळ आऊन हात्ती बंदुर. 2 अदकि आव आंदरी ईद उपदेश कोळली कुरतुन:

धन्य वचन
(लूका ६:२०-२३)

- 3 धन्य आर आंदुर, जो मन देल गरीब आर,
यतकी स्वर्ग इन राज्य आंदुर दा आद.
- 4 “धन्य आर आंदुर, जो शोक माळतार,
यतकी आंदरी दलिासा सकिकीत.
- 5 धन्य आर आंदुर, जो नम्र आर,
यतकी आंदुर धरती इन वारीसदार आदार.”
- 6 “धन्य आर आंदुर, जो न्यायीपन इन हस्तकु अदकि नरिळककु आर,
यतकी आंदुर संतुष्ट माळकु आदार.”
- 7 “धन्य आर आंदुर, जो दयालु आर,
यतकी आंदुर मा दया माळकु आदीत.”
- 8 धन्य आर आंदुर, यारद मन शुद्ध आव,
यतकी आंदुर परमेश्वर उक नोळ्यार.
- 9 धन्य आर आंदुर, जो मेल माळावाळेर आर,
यतकी आंदुर परमेश्वर उन चकिोर कहलुस्यार.
- 10 *धन्य आर आंदुर, जो न्यायीपन इन कारण सतुस्कु आगतार,
यतकी स्वर्ग इन राज्य आंदुरद अच हुन.

11 *धन्य आईर नीव, याग मंळसा नान कारण नीमूद अपमान माळ्यान, अदकि सतुस्यान अदकि ख्वाटा माताळ माताळकु नीमूद वरिध दा सब प्रकार इन बुरा मात अंदान. 12 *आग खुश अदकि मगन ईरेतीर, यतकी नीम साटी स्वर्ग दा धोळ्द प्रतफिल आद. यतकी आंदुर आ भवषियवक्तागोळी भी जो नीम से पयले ईरोर ईदा रीत दिल सतुसीदुर.

ऊप्प अदकि ज्योर्त
(मरकुस ९:५०; लूका १४:३४,३५)

* 4:23 ४:२३ मत्ती ९:३५; मरकुस १:३९ * 4:25 ४:२५ दिकापुलसि इन मतलब हत्त नगरगोळ्द शयर * 5:10 ५:१०
१ पतरस ३:१४ * 5:11 ५:११ १ पतरस ४:१४ * 5:12 ५:१२ प्रेरतिगोळ ७:५२

13 *नीव पृथ्वी इन ऊप्प हुईर, लेकीन अगर ऊप्प इन स्वाद बगिळुसेदति, रा अद बाक याता चजि देल नमकीन माळकु आदीत? बाक अद यातोदु क्याल्सा अन्द हैलेच, सर्फि इदुरद किव्हार्या भटिकु आगुल अदकि मंळसागोळ्द काल देल मेटकु आगुल.”

14 *नीव दुनया अन्द ज्योति हुईर. जो नगर पहाळी मा बसुस्कु आद अद होचकु ईरसकाल. 15 *अदकि लॉकुर दगिया होत्ताकु बर्तन इन ल्यालमा ईटालुर लेकीन दीवट* मा ईटतार, आग अदुर देल मान्ना अन्द सप्पा लॉकुरी ऊजुळ सकितद. 16 *अदा प्रकार नीम ऊजुळ मंळसागोळ्द मुंद चमकुसुल की आंदुर नीम वळ्ळीद क्याल्सागोळी नोळकु नीम आप्प उन, जो स्वर्ग दा आन, बळाई माळुल.

व्यवस्था अन्द बारा दा शक्तिषा

17 “ईद सम्सबाळी, की ना व्यवस्था या भवषियवक्तागोळ कतिबगोळी नाश माळली बंदीन, नाश माळली ईला, लेकीन पुरा माळली बंदीन. 18 *यतकी ना नीम से खरा माताळतीन, की यागासताका आकाश अदकि पृथ्वी टलुसेगाल, आगासताका व्यवस्था ऊंद ऊंद मात भी बनि पुरा आग्द टलुसतीदलि.” 19 इदुरसाटी जो यावारा इव स्यांळ्द से स्यांळ्द आग्यागोळ दा टु यातोदारा ऊंद आग्या अक मूरुल, अदकि हांग अच लॉकुरी कल्सुल, आव स्वर्ग इन राज्य दा सप्पा मुंदुर से स्याणव कहलुस्यान; लेकीन जो यावारा आ आग्यागोळ्द पालन माळयान अदकि अवरी कलस्यान, आवा स्वर्ग इन राज्य दा महान कहलुस्यान. 20 यतकी ना नीम से अनतीन, की अगर नीम न्यायीपन शास्त्रीगोळ अदकि फरीसीगोळ्द न्यायीपन देल धोळ्द ईरतीदलि, रा नीव स्वर्ग इन राज्य दा यागलु प्रवेश माळ सकतीदलि.

सट्टि अदकि कोन्नोद

21 “नीव केळ कोंडीर, की पूर्वकाल इन लॉकुर से अंदकु आगीत, की ‘कोन्न बाळी’ अदकि ‘जो यावारा कोनतान आव कचेरी दा सजा अन्द लायक ईत्तान.’ 22 *लेकीन ना नीम से ईद अनतीन, की जो यावारा तान वार्ट उन सट्टि माळयान, आव कचेरी दा सजा अन्द लायक ईत्तान, अदकि जो यावारा तांद वार्ट उक नकिम्मा अंदान आव महासभा दा सजा अन्द लायक ईत्तान; अदकि जो यावारा अंदान ‘थै मूरख’ आव नरक इन बेक्की दा सजा अन्द लायक ईत्तान. 23 इदुरसाटी अगर नी तान भेट वेदी मा तंद्या, अदकि अल नी याद माळ्या, की नीन वार्ट उन मन दा नीन साटी येनारा वरिध आद, 24 रा तान भेट अल्या वेदी इन मुंद बटि बुळ, अदकि होगकु पयले तान वार्ट उन से मेल मलाप माळ अदकि राजी आगकु बर अदकि तान भेट येर्स.”

25 यागासताका नी तान आरोप हचावाळा अन सांगुळ हादी मा का आय, आऊन से झटपट मेल मलाप माळकोम ईदारा हगि आगबाळुल की आरोप हचावाळा नीनी न्यायाधीश उक सोप्सुल, अदकि न्यायाधीश नीनी कत्तीहुडावाळा अक सोप्स बुळुल, अदकि नीनी जयल दा हाक्कु आगुल. 26 ना नीन से खरा माताळतीन की यागासताका नी कवळी-कवळी तुम कोळाल आगासताका अल टु बळि सकतीदलि.

व्यभचार इन बारा दा शक्तिषा

27 “नीव केळ कोंडीर की अंदकु आगीत, ‘व्यभचार माळबाळेतीर.’ 28 लेकीन ना नीम से ईद अनतीन, की जो यावारा यातारा आर्त इक बुरा नजर देल नोळतान आव तान मन दा आकनि से व्यभचार माळ कोंडुन. 29 *अगर नीन ऊम्मा कण्ण नीनी ठोकर तनिसुल, रा अदरी तेगुकु भीट बुळ; यतकी नीन साटी ईदा वळ्ळीद आद की नीन शरीर दा टु ऊंद अंग नाश आगोगुल अदकि नीन पुरा शरीर नरक दा हाक्कु आगबाळुल. 30 *अगर नीन ऊमा कय नीनी ठोकर तनिसतद, रा अदरी कळकु भीट बुळ; यतकी नीन साटी ईदा वळ्ळीद आद की नीन मय दा टु ऊंद नाश आगुल अदकि नींद पुरा शरीर नरक दा हाक्कु आगबाळुल.”

* 5:13 ५:१३ मरकुस ९:५०; लूका १४:३४,३५ * 5:14 ५:१४ यूहन्ना ८:१२; ९:५ * 5:15 ५:१५ मरकुस ४:२१; लूका ८:१६; ११:३३ * 5:15 ५:१५ दीवट: मतलब-दगिया ईटोद जागा * 5:16 ५:१६ १ पतरस २:१२ * 5:18 ५:१८ लूका १६:१७ † 5:18 ५:१८ सप्पा चजिगोळ अंत; या इदुरव सप्पा उपदेश खरा आव. ‡ 5:22 ५:२२ जो यावारा सट्टि माळतान; येनारा वचनगोळ दा जो यावारा बनिा कारण देल सट्टि माळतान लखिसकु आद. * 5:29 ५:२९ मत्ती १८:९; मरकुस ९:४७ * 5:30 ५:३० मत्ती १८:८; मरकुस ९:४३

छोळचट्टी अन्द बारा दा शक्शा

(मत्ती १९:९; मरकुस १०:११; लूका १६:१८)

31 ✨“ईद भी अंदकु आगीत, ‘जो यावारा तान हगिस उक बळिद चाहास्यान, रा आकी छोळचट्टी कोळुल.’ 32 ✨लेकीन ना नीम से ईद अनतीन की जो यावारा तान हगिस उक व्यभचार इन शवाय अदकि दुसरा कारण देल बट्टि बुळतान, रा आव आकनि से व्यभचार माळसुसतान; अदकि जो यावारा आ आरुत इन से जो गांड उक बट्टिकु आर मदा माळतान, रा आव भी व्यभचार माळतान.”

करिया अन्द बारा दा शक्शा

33 “बाक नीव केळ कोंडीर कि पूर्वकाल इन लॉकुर से अंदकु आगीत, ‘ख्वाटा करिया तनिबाळेतीर, लेकीन प्रभु उन साटी तान करिया अक पुरा माळेतीर.’ 34 ✨लेकीन ना नीम से ईद अनतीन कि यागलु करिया तनिबाळेतीर; ना रा स्वर्ग इन, यतकी अद परमेश्वर उन सहिसन हुन; 35 ना धरती अन्द, यतकी अद आऊन कालगोळद पायदान हुन; ना यरूशलेम इन, यतकी अद महान राजा अन्द नगर हुन. 36 तान तालला अन्द भी करिया तनिबाळेतीर यतकी नीव ऊंद चुट्टी इक भी ना बळिद, ना करीद माळ सकतीर. 37 लेकीन नीमद मात ‘हव’ इन ‘हव,’ या ‘ईला’ अन्द ‘ईला’ आगुल; यतकी जो येनारा इदुर से यककुल आगतद अद बुराई देल आगतद.”

बदला ताकोमोद बारा दा शक्शा

(लूका ६:२९,३०)

38 “नीव केळ कोंडीर कि अंदकु आगीत, ‘कण्ण इन बदला कण्ण, अदकि हल्ल इन बदला हल्ल.’ 39 लेकीन ना नीम से ईद अनतीन कि जो नीम से बुरा व्यवहार माळतान आऊन सामना माळबाळेतीर; लेकीन जो यावारा नीमद ऊम्मा गाल्ला मा क्याबरा बळदान, रा आऊन दी दुसरा गाल्ला भी तरिगुस बुळी. 40 अगर यावारा नीम मा जबरदसती माळकु नीमद कुळता बेळोद चाहास्यान, रा आऊक कोट भी कोट्ट बुळी. 41 जो यावारा नीमी कोस तमि जागा दा वोतान, रा आऊन सांगुळ येढ्ढ कोस होटोग. 42 जो यावारा नीम से बेळ्यान, आऊक कोळी; अदकि जो नीम से उदार बेळोद चाहासतान, आऊन से बाय तरिगुसबाळी.”

दुश्मनगोळ से प्यार

(लूका ६:२७,२८,३२-३६)

43 “नीव केळ कोंडीर कि अंदकु आगीत, ‘तान मानना हातळोर से प्यार ईटेतीर, अदकि दुश्मनगोळ से दुश्मनी.’ 44 लेकीन ना नीम से ईद अनतीन कि तान दुश्मनगोळ से प्यार ईटी अदकि जो नीमी सतुसतार आंदुर साटी प्रार्थना माळी, 45 यदुर देल नीव तान स्वर्गीय आप्प उन औलाद ठहरूसीर यतकी आव तान सुर्य वळलीद अदकि बुरा येढ्ढु मा उदय माळतान, न्यायी अदकि अन्यायी येढ्ढु मा नीर बरसुसतान. 46 यतकी अगर नीव तान प्यार इट्टावाळेरे से अच प्यार ईट्टीर, रा नीम साटी येन फल आदीत? येन कर ताकोमावाळेरे भी हगि माळालुर?” 47 “अगर नीव सरिफ तान वारटुर्द अच भलाई माळीर, रा यातोद धोळ्द क्याल्सा माळतीर? येन गैरयहूदी लॉकुर भी हगि माळालुर? 48 इदुरसाटी नीव सद्धि आगी, ह्यांग नीमव स्वर्गीय आप्प सद्धि आन.”

6

गुप्त दान इन शक्शा

1 ✨“सावधान ईरी! नीव मंळसागोळी तोरसोर साटी तान न्याय इन क्याल्सा माळबाळेतीर, ईलारा नीव तान स्वर्गीय आप्प उन से येनु उच प्रतफिल ताकोम सकतीदलि.”

2 “इदुरसाटी याग नीव दान माळी, रा तान मुंद सैनाई मुरसुसबाळी, ह्यांग कपटी लॉकुर, सभागोळ अदकि गलीगोळ दा माळतार, ताकी लॉकुर आंदुर बळाई माळुल. ना नीम से खरा माताळतीन कि आंदुर तान प्रतफिल ताकोम कोंडार. 3 लेकीन याग नीव दान माळी, रा जो नीम

✨ 5:31 ५:३१ मत्ती १९:७; मरकुस १०:४ ✨ 5:31 ५:३१ व्यवस्थाविरण २४:१-१४ ✨ 5:32 ५:३२ मत्ती १९:९; मरकुस १०:११,१२; लूका १६:१८; १ कुरनिथि ७:१०,११ ✨ 5:34 ५:३४ याकूब ५:१२; मत्ती २३:२२ ✨ 6:1 ६:१ मत्ती २३:५

ऊम्मा कय माळतद, अद नीव तान डाक्या कय इक मालूम नळुगोळ बाळेंतीर. 4 क् नीम दान होचकु ईरूल, अदकि आग नीम आप्प जो होचकु नोळतान, नीमी प्रतफिल कोट्टान.”

प्रार्थना अनंद शक्तिषा (लूका ११:२-४)

5 * “याग नीव प्रार्थना माळीर, रा कपटीगोळ घाई आगबाळी, यतकी लॉकुरी तोरसोर साटी सभागूह दा अदकि सळक इन मोळ मा नदिरकु प्रार्थना माळोद आंदरी वळ्लीद हततद. ना नीम से खरा माताळतीन क् आंदुर तान प्रतफिल ताकोम कौडार. 6 लेकीन याग नीव प्रार्थना माळी, रा तान कमरा दा होगी; अदकि कवाळ बंद माळकु तान आप्प उन से गुप्त दा प्रार्थना माळीर. आग नीम आप्प जो होचकु नोळतान नीमी प्रतफिल कोट्टान.”

7 प्रार्थना माळाहोती गेरयहूदीगोळ घाई घळी-घळी माताळ बाळेंतीर, यतकी आंदुर सोचतार क् आंदुरद हापाळ माताळदुर देल आंदुरद केळकु आदीत. 8 इदुरसाटी नीव आंदुरद घाई आगबाळी, यतकी नीम आप्प नीम बेळा से पयला अच जानसतान क् नीम येन येन जरवतगोळ आव. 9 इदुरसाटी नीव ईत्ता रीतदेल प्रार्थना माळतोगी:

“हे नाम आप्प, नी जो स्वर्ग दा आय;

नीन हेसुर पवतिर मान्सकु आगुल.

10 दुनय्या दा नीन राज्य बरूल.

नीन इच्छा ह्यांग स्वर्ग दा पुरा आगताव, हांग अच पृथ्वी मा भी आगुल.

11 * नाम हागुल तरिमुद रोट्टी ईद नामी कोळ.

12 अदकि यात्ता प्रकार देल नाव तान अपराधीगोळ माफ माळेव,
हांग अच नी भी नाम पापगोळी माफ माळ.

13 † अदकि नामी परीक्षा दा तरबाळ,
लेकीन बुराई देल ऊळस.”

14 * “इदुरसाटी अगर नीव मळसागोळ्द अपराध माफ माळीर, रा नीम स्वर्गीय आप्प भी नीमी माफ माळयान. 15 अदकि अगर नीव मळसागोळ्द अपराध माफ माळतीदील, रा नीम स्वर्गीय आप्प भी नीमव अपराध माफ माळतीदील.”

उपास इन शक्तिषा

16 “याग नीव उपास माळीर, रा कपटीगोळ घाई नीम मार्रा मा उदासी ईरबाळुल, यतकी आंदुर तान मार्रा हांग अच माळकु ईटतार, यतकी लॉकुर आंदरी उपासी समसुल. ना नीम से खरा माताळतीन क् आंदुर तान प्रतफिल ताकोम कौडार. 17 लेकीन याग नीव उपास माळीर रा तान ताल्ला मा याण्णा ऊदी अदकि मार्रा तोळी, 18 ताकी लॉकुर ईला लेकीन नीन आप्प जो गुप्त आन, नीनी उपासी जान्सुल ई दशा दा नीन आप्प जो गुप्त कर्मगोळी नोळकु, नीनी अऊर्द प्रतफिल कोट्टान.”

स्वर्गीय धन (लूका १२:३३,३४)

19 * “तान साटी पृथ्वी मा धन जमा माळबाळेंतीर, यल कळिा अदकि जंग नाश माळताव, अदकि यल काळलुर तजिरी वडुतार अदकि काळलपनी माळतार. 20 लेकीन तान साटी स्वर्ग दा धन जमा माळी, यल न रा कळिा, अदकि जंग नाश माळीत, अदकि यल काळलुर ना तजिरी वळदार अदकि ना चोरी माळ्यार. 21 यतकी यल नीम धन आद अल नीम मन भी हतकु ईत्तीत.”

मय इन ज्योर्त (लूका ११:३४-३६)

* 6:5 ६:५ लूका १८:१०-१४ * 6:11 ६:११ तानीक जरवत आद; या ईद इन साटी, या नाळ इन साटी. † 6:13 ६:१३ येनारा वचनगोळ दा कारण राज्य, सामर्थ्य अदकि गौरव सदा अन साटी नीमव आव. आमीन. * 6:14 ६:१४ मरकुस ११:२५,२६
* 6:19 ६:१९ याकूब ५:२,३

22 “नीन मय इन दगिया कण्ण हुन: इदुरसाटी अगर नीन कण्ण नरिमल आव रा नीन सप्पा मय भी ऊजुळ इन घाई आदीत. 23 लेकीन अगर नीन कण्ण बुरा ईरूल, रा नीन पुरा मय भी अंधकारमय आदीत; ईद कारण अद ऊजुळ जो नीन दा आद अगर अंधकारमय आद रा अद अंधार याट खोल आदीत!”

परमेश्वर अदकि धन
(लूका १६:१३; १२:२२-३१)

24 “थावारा मंळसा येदुद स्वामीगोळ्द स्यावा माळ सकालुन, यतकी आव ऊंद मंळसा से दुश्मनी अदकि दुसरा मंळसा से प्यार ईट्यान, या ऊंद से मेल मलिाप माळ्यान अदकि दुसरा मंळसा अक नीच जानस्यान. नीव परमेश्वर अदकि धन येदुद स्यावा सांगुळल्या माळ सकालीर.”

25 “इदुरसाटी ना नीम से अनतीन कितान जीवा अन्द साटी ईद चन्ता माळबाळी कनिाव येन तनिदेव अदकि येन कुळदेव; अदकि तान मय इन साटी फळक्यागोळ्द चन्ता माळबाळी. येन जीव भोजन देल, अदकि मय फळक्यागोळ देल अनमोल हैलेच? 26 आकाश ईनव पक्षीगोळी नोळी! अव ना बीजा हचताव, ना कोयताव, अदकि ना तान तनिा जागा दा संगरूसकु ईटताव: तरी भी नीम स्वर्गीय आप्प अवरी पालसतान. येन नीम कमित अऊर से यक्कुल हैलेच? 27 नीम दा टु हगि याव आन, जो चन्ता माळकु तान जदिगी दा ऊंद घळी भी वाळुस सकतान?”

28 “अदकि फळक्यागोळ साटी येती चन्ता माळतीर? आळी दाकळव फूलगोळ मा ध्यान माळी क्ति अव हयांग वाळुसताव; अव ना रा मयनत माळताव, ना तान साटी फळक्यागोळ माळताव. 29 तरी भी ना नीम से अनतीन कसिलैमान राजा भी, तान पुरा जीवन दा अऊर दा टु यारदु घाई कपळागोळ हाक्कु ईला ईरोन. 30 इदुरसाटी याग परमेश्वर मैदान इन काड्डा अक, जो ईद आद अदकि नाळ बेक्की दा झोक्सकु आदीत, हगि कपळा हाकसुसतान, रा हे अल्पवशिवासीगोळा, आव नीमी ईऊर से वळ्ळीद येती हाकसुसतदिलि?”

31 “इदुरसाटी नीव वचार माळकु ईद अनबाळी कनिाव येन तनिदेव, या येन कुळदेव, या येन हाक्केव. 32 यतकी गैरयहूदी ई सप्पा वस्तुगोळ्द खोज दा ईरतार, पर नीम स्वर्गीय आप्प जानसतान क्ति नीमी ई सप्पा वस्तुगोळ्द जरवत आद. 33 इदुरसाटी पयले नीव परमेश्वर उन राज्य अदकि आऊन न्याय इन खोज माळी रा ई सप्पा वस्तुगोळ भी नीमी सकिकेदव. 34 इदुरसाटी नाळ इन चन्ता माळबाळी, यतकी नाळ इन दनि तान चन्ता खुद माळ कोडीत; ईद इन साटी ईद इन दा दुख काफी आद.

7

दुसरा मा दोष हचोदाल
(लूका ६:३७,३८,४१,४२)

1 “दोष हचबाळी क्ति नीम मा भी दोष हचकु आगुल. 2 यतकी या प्रकार देल नीव दोष हचतीर, अदा प्रकार देल नीम मा भी दोष हचकु आदीत; अदकि याता नाप देल नीव आळुतीर, अदा प्रकार देल नीम साटी भी आळुकु आदीत.” 3 “नी येती तान वार्ट उन कण्ण इन तनिका अक नोळत्या, अदकि तान कण्ण इन लट्टा नीनी ऊमसाल? 4 याग नीद अच कण्ण दा लट्टा आद, रा नी तान वार्ट उन से हयांग अन सकत्या, ‘ता ना नीन कण्ण दा टु तनिका तेगु कोळतीन?’ 5 हे कपटी, पयले नी तान कण्ण दा टु लट्टा तेगु कोम, आग नी तान वार्ट उन कण्ण दा टु तनिका वळ्ळीसा नोळकु तेगु सकत्या. 6 पवतिर वस्तु नायगोळी कोळबाळी, अदकि तान मोती हंदीगोळ मुंद हाक्कबाळी; हगि आगबाळुल क्ति अव अवरी कालगोळ ल्यालमा मेटबुळुल अदकि तरिगकु नीमी हर्द बुळुल.”

प्रार्थना अन महत्व
(लूका ११:९-१३)

7 “बेळीर, रा नीमी कोटकु आदीत; दुंदसीर रा नीमी सक्कीत; ठोकसीर, रा नीम साटी तेरूकु आदीत. 8 यतकी जो यावारा बेळ्यान, आऊक कोटकु आदीत; अदकि जो दुंदस्यान, आऊक सक्कीत; अदकि जो ठोकस्यान आऊन साटी तेरूकु आदीत.”

9 “नीम दा टु हागि याता मळसा आन, क्कि अगर आऊन पार आऊक रोटी बेळुल, रा आव आऊक कल्ल कोट्टान? 10 या मेन बेळुल, रा आव आऊक हाव कोट्टान? 11 इदुरसाटी याग नीव बुरा ईतकु, तान चकिरी वळ्ळीद वस्तु कोळोद जान्सीर, रा नीम स्वर्गीय आप्प तान बेळावाळेरी वळ्ळीद वस्तु यती कोळतीदील! 12 *ईद कारण जो येनारा नीव चाहासतीर क्किल्लोर नीम सांगुळ बरताव माळुल, नीव भी आंदुर सांगुळ हांग अच बरताव माळी; यतकी मूसा अन व्यवस्था अदकि भवषियवक्ता अन्द शक्किा ईदा हुन.”

स्याळ्द अदकि चौळा हादी
(लूका १३:२४)

13 “स्याळ्द हादी टु होगोद-बरोद माळी, यतकी चौळा आद अद फाटक अदकि आसान आद अद हादी जो वनाश दी ओयतद; अदकि हापाळ सा आर जो अल टु होगोद-बरोद माळतार. 14 यतकी स्याळ्द आद अद फाटक कठनि आद अद हादी जो जीवन दी ओयतद; अदकि थ्वाळासा अच लॉकुर आर जो आ हादी इक हासलि माळतार.

हयांग मार्र हांग काय
(लूका ६:४३, ४४; १३:२५-२७)

15 “ख्वाटा भवषियवक्तागोळ से सावधान ईरी, जो म्यांडागोळ्द भेष दा नीम हात्ती बरतार, लेकीन आंदुर बुळ्क टु हरूकु तनावाळेर म्यांडागोळ उर. 16 आंदुर करनी देल नीव आंदरी अरू कौडीर. येन लॉकुर झाळीगोळ दा टु अंगुर, मुळ्गोळ दा टु अंजीर कोयतार? 17 ईदा प्रकार देल हर ऊंद वळ्ळीद मार्र वळ्ळीद काय तरतद अदकि बेकार मार्र बेकार काय तरतद. 18 वळ्ळीद मार्र बेकार काय तर सकाल, अदकि ना बेकार मार्र वळ्ळीद काय तर सकतद. 19 *जो जो मार्र वळ्ळीद काय तरतदील, अद कळकु अदकि बेक्की दा हाक्कु आदीत. 20 *ईद प्रकार देल नीव आंदुर क्वालसागोळ्द कर्मगोळ देल ख्वाटा भवषियवक्तागोळी अरूत कौडीर.

ना नीमी यागलु अरालीन
(लूका १३:२५-२७)

21 “जो नान से, ‘हे प्रभु! हे प्रभु!’ अनतान, आंदुर दा टु हर ऊंद स्वर्ग इन राज्य दा प्रवेश माळतीदील, लेकीन आवा जो नान स्वर्गीय आप्प उन इच्छा मा नळुतान. 22 न्याय इन दनि हापाळ सा लॉकुर नान से अंदार, ‘हे प्रभु! हे प्रभु!’ येन नाव नीन हेसुर देल भवषियवाणी माळीदील, अदकि नीन हेसुर देल दुष्टआत्मागोळी तेगददील, अदकि नीन हेसुर देल हापाळ सा आश्चर्य चकति क्वालसा माळीदील?’ 23 आग ना आंदुर से खुला शब्द दा अंद बुळाईन, ‘ना नीमी यागलु अरतीदलि. हे कुकर्म माळावाळेरा, नान हात्ती टु होटोगी.’

मान्ना कटावाळेर येद्व मळसा: बुद्धमिान अदकि मूर्र
(लूका ६:४७-४९)

24 “इदुरसाटी जो यावारा नान ई मातगोळी केळकु अवरी माळतान, आव आ बुद्धमिान मळसा अन्द घाई ठहरूस्यान याव तान मान्ना चट्टान मा कटदुन. 25 अदकि माळ बत्त, अदकि बाळ बत्त, अदकि आंधी तुफान नळुत, अदकि आ मान्ना से टकरूसत, फरि भी अद बदिदील, यतकी अदुरद पायवा चट्टान मा अगुळकु आगीत. 26 लेकीन जो यावारा नान ई मातगोळी केळतान अदकि अऊर मा नळालुन, आव आ मूर्र मळसा अन्द घाई ठहरूस्यान याव तान मान्ना धुळा मा कटदुन. 27 अदकि माळ बत्त, अदकि बाळ बत्त, अदकि आंधी तुफान नळुत, अदकि आ मान्ना से टकरूसत अदकि अद जोर देल बदिक् सत्यानाश आगेत.”

यीशु उन अधकार

28 *याग यीशु ई मातगोळी माताळ कोडुन, रा हगि आत कभीळ आऊन उपदेश देल सट्ट आत,
29 यतकी आव आंदुर शास्त्रीगोळ घाई ईला लेकीन अधिकारीगोळ घाई उपदेश कोळतोगोन.

8

कोढ इन रोगी इक चंगा माळोद
(मरकुस १:४०-४५; लूका ५:१२-१६)

1 याग यीशु आ पहाळी मा टु ल्यालमा ईळदुन, रा ऊंद धोळद भीळ आऊन हदि आगेत. 2 अदकि नोळी, ऊंद कोढ इन रोगी मंळसा हात्ती बंदकु आऊक प्रणाम माळदुन अदकि अंदुन*, “हे प्रभु, अगर नी चाहास्या, रा नानी शुद्ध माळ सकत्या.”

3 यीशु कय मुंद माळकु आऊक मुटदुन, अदकि अंदुन, “ना चाहसतीन, नी शुद्ध आगेत.” अदकि आव तुरन्त कोढ इन रोग देल शुद्ध आगेदुन. 4 बाक यीशु आऊन से अंदुन, “नोळ, यारीकु हेळबाळेत, लेकीन होगकु तान तान इक याजक उक तोर्स अदकि मूसा अन आदेश इन अनुसार भेंट येर्स, ताकी लॉकुर साटी गवाही आगुल.”

रोमी सूबेदार उन दास उक चंगा माळोद
(लूका ७:१-१०)

5 याग यीशु कफरनहूम नगर दा बंदुन रा ऊंद रोमी सपिाहीगोळद सुबेदार आऊन हात्ती बंदकु आऊन से वनिती माळदुन, 6 “हे प्रभु, नान दास उक लकवा होळद बुटाद अदकि आव हापाळ दुख दा आन.”

7 आग यीशु सुबेदार से अंदुन, “ना बंदकु आऊक चंगा माळाईन.”

8 सुबेदार उत्तर कोट्टुन, “हे प्रभु, ना ई लायक हैलेच कनि नांद मानना ताका बंद्या, लेकीन सरिफ आग्या कोटबुळ रा नान सेवक चंगा आगेदान. 9 यतकी ना भी जमिमेदार मंळसा हुईन, अदकि सपिाही नान हात्ती आर. याग ना ऊंद से अनतीन, ‘होग!’ रा आव होगतान; अदकि दुसरा से अनतीन, ‘बर!’ रा आव बरतान; अदकि याग तान दास से अनतीन, ‘ईद माळ!’ रा आव माळतान.”

10 ईद कोळकु यीशु उक अचम्भा आत, अदकि जो आऊन हदि बरोर आंदुर से अंदुन, “ना नीम से खरा माताळतीन कनि ना इस्त्राएल दा भी हगि मजबुत वशिवास नोळीदील. 11 *अदकि ना नीम से अनतीन कनि पूर्व अदकि पश्चिमि टु हापाळ सा लॉकुर बंदार अदकि आंदुर भोज दा अब्राहम, इसहाक अदकि याकूब उन सांगुळ स्वर्ग इन राज्य दा कुरतार. 12 *लेकीन राज्य अन्द औलाद व्हार्या अंधार दा हाककु आदार: अल वोरलोद अदकि हल्लगोळद कचचोद आदीत.” 13 आग यीशु सुबेदार से अंदुन, “होग, ह्यांग नीन वशिवास आद, हांग अच नीन साटी आगुल.” अदकि आऊन दास अदा घळी दा चंगा आगेदुन.

यीशु हापाळ रोगीगोळी चंगा माळतान
(मरकुस १:२९-३४; लूका ४:३८-४१)

14 यीशु याग पतरस उन मान्या बंदुन, रा आव आऊन आत्ता अक तेज मय देल बदि कु नोळदुन. 15 यीशु आकनि कय मुटदुन अदकि आकनि मय ईळदोदव, अदकि आक यदकु आऊन स्यावा माळली कुरतुर.

16 याग द्याव आत आग आंदुर आऊन हात्ती हापाळ सा लॉकुरी तंदुर यारदा दुष्टआत्मागोळ ईरव अदकि यीशु आ दुष्टआत्मागोळी तान वचन देल तेगद बुट्टुन; अदकि सपपा रोगीगोळी चंगा माळदुन. 17 *यतकी जो वचन यशायाह भवषियवकतागोळ द्वारा अंदकु आगीत अद पुरा आगुल: “यीशु खुद नाम कमजोरीगोळी हुळदुन अदकि नाम बमारगोळी नेगुकु दुर माळदुन.”

यीशु उन चेला बनसोद कमित
(लूका ९:५७-६२)

* 7:28 ७:२८ मरकुस १:२२; लूका ४:३२ * 8:2 ८:२ नानी साफ माळ; हगि मानसोर कनि ईद बमारी मंळसा अक न्यायवधी इन प्रती मैला माळोद. * 8:11 ८:११ लूका १३:२९ * 8:12 ८:१२ मत्ती २२:१३; २५:३०; लूका १३:२८ * 8:17 ८:१७ यशायाह ५३:४

18 यीशु याग तान नाकु दी ऊंद धोळद भीळ नोळदुन रा चेलागोळी झील इन आप्पाटी होगोद आग्या कोट्टुन. 19 आग ऊंद शास्त्री हात्ती बंदकु आऊन से अंदुन, “हे गुरु, नी यल होदया, ना नीन हदि होट्ट बराईन.”

20 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव; लेकीन मळसा अन पार उन साटी ताल्ला होचकोमोद भी जागा हैलेच.”

21 मात्त ऊंद चेला आऊन से अंदुन, “हे प्रभु, नानी पयले होगोळ कनि ना तान आप्प उक नळसाईन.”

22 यीशु आऊन से अंदुन, “नी नान हदि आगेग, अदकि सोद्द मळसागोळी तान मुर्दा नळसगोळ.”

तुफान इक शांत माळोद

(मरकुस ४:३५-४१; लूका ८:२२-२५)

23 याग यीशु इवांगा मा येरदुन, रा आऊन चेलागोळ आऊन हदि आगेदुर. 24 अदकि नोळी, अचानक झील दा ऊंद हगि धोळद तुफान येळत कडिवांगा लयरगोळ से मुचली हत, लेकीन यीशु मगिन. 25 आग चेलागोळ हात्ती बंदकु आऊक येब्सदुर अदकि अंदुर, “हे प्रभु, नामी ऊळस, नाव मुळकेतेव.”

26 यीशु आंदुर से अंदुन, “हे अवशिवासीगोळा, यती अंजेतीर?” आग आव यदकु आँधी अदकि नीर इक डटकारसदुन, अदकि सप्पा शांत आगेत. 27 अदकि आंदुर अचम्भा माळकु अनली कुरतुर, “ईव हयांग मळसा हुन कनि आँधी अदकि नीर भी ईऊन आग्या मानसताव.”

दुष्टआत्मा-ग्रस्त मळसागोळी चंगा माळोद

(मरकुस ५:१-२०; लूका ८:२६-३९)

28 याग यीशु आप्पाटी गदरेनयिों अन प्रदेश दा पोहचुसदुन, रा येढ्द मळसागोळ यारदा दुष्टआत्मागोळ ईरव कब्रगोळ दा टु होटकु आऊक सकिदुर. आंदुर ईट भयानक ईरोर कनि याऊ आ हादी देल होग ईला सकोन. 29 आंदुर चलिळासकु अंदुर, “हे परमेश्वर उन पारा, नाम्द नीन से येन क्यालसा? येन नी समय से पयले नामी दुख कोळली इल बंदया?”

30 आंदुर से थ्वाळासा दुर मा हापाळ सा हंदीगोळद ऊंद झुण्ड आळोद. 31 दुष्टआत्मागोळ आऊन से ईद अंदकु वनिती माळदव, “अगर नीनी नामी तेगोद अच आद, रा आ हंदीगोळद झुण्ड दा कळुबुळ.”

32 आव आ दुष्टआत्मागोळ से अंदुन, “होगी!” अदकि आ दुष्टआत्मागोळ होटकु हंदीगोळ दा होक्केदव अदकि नोळी, पुरा झुण्ड ऊतार मा टु झील इन नीर दा होगकु बतित्त अदकि मुळककु सोतोत.

33 आ हंदीगोळी आळसावाळेर अल टु ओळदुर, अदकि नगर दा होगकु ई सप्पा मातगोळी अदकि यारदा दुष्टआत्मागोळ ईरव आंदुरद सप्पा हाल केळसदुर. 34 आग पुरा नगर इन लॉकुर यीशु से भेंट माळोर साटी होटकु बंदुर, अदकि आऊक नोळकु वनिती माळदुर कनि नाम क्षेत्र दा टु व्हार्या होटोग.

9

लकवा अनन्द रोगी इक चंगा माळोद

(मरकुस २:१-१२; लूका ५:१७-२६)

1 बाक यीशु इवांगा मा कुरतकु समुद्र अन आप्पाटी होदुन, अदकि तान नगर* दा बंदुन. 2 अदकि नोळी, हापाळ लॉकुर ऊंद लकवा अनन्द रोगी इक व्हारस मा मगिसकु आऊन हात्ती तंदुर. यीशु आंदुर वशिवास नोळकु, आ लकवा अनन्द रोगी से अंदुन, “हे पारा, हमिमत ईट; नीन पाप माफ आदव.”

3 इदुर मा हापाळ शास्त्रीगोळ माताळली कुरतुर, “इव रा परमेश्वर उन अपमान माळतान.”

* 9:1 ९:१ आऊंद खुद इन ऊर; कफरनहूम

4 यीशु आंदुरद मन इन मातगोळी अरूकु अंदुन, “नीव लाँकुर तान-तान मन दा बुरा वचिार येती माळेतीर? 5 आसान येन आद? ईद अनोद, ‘नीन पाप माफ आदव,’ या ईद अनोद क, ‘येळ नळु अदकि टेट.’ 6 लेकीन इदुरसाटी कनीव जान्स कोमी क मंळसा अन्द पार उक पृथ्वी मा पाप माफ माळोद अधिकार आद.” इदुरसाटी यीशु लकवा अन्द रोगी से अंदुन, “येळ, तान व्हरस नेगु, अदकि तान मान्नी होटोग.”

7 आग लकवा अन रोगी यदकु तान मान्नी होटोदुन. 8 लाँकुर ईद नोळकु अंजेदुर अदकि परमेश्वर उन बळाई माळली कुरतुर याव मंळसा अक हगि अधिकार कोटान.

यीशु मत्ती इक कारूतान

(मरकुस २:१३-१७; लूका ५:२७-३२)

9 अल टु मुंद होगकु यीशु मत्ती हेसुर इन ऊंद मंळसा अक कर ताकोमोद चौकी मा कुरतकु नोळदुन, अदकि आऊन से अंदुन, “नान हदि आगेग.”

आव यदकु आऊंद हदि आगेदुन.

10 *याग यीशु मत्ती इन मान्या ऊमोर साटी कुरतुन रा कर ताकोमावाळेर अदकि पापी बंदकु यीशु अदकि आऊन चेलागोळ सांगुळ ऊमली कुरतुर. 11 ईद नोळकु फरीसीगोळ आऊन चेलागोळ से अंदुर, “नीम गुरु कर ताकोमावाळेर अदकि पापीगोळद सांगुळ येती तनितान?”

12 ईद केळकु यीशु आंदुर से अंदुन, वैद्य भला चंगागोळ साटी ईला लेकीन बमिारगोळ साटी जरूरी आन. 13 *इदुरसाटी नीव होगकु इदुरद अर्थ कलत कोमी: ‘ना बलदान ईला लेकीन दया चाहासतीन.’ यतकी ना न्यायी लाँकुरी ईला, लेकीन पापीगोळी कारूली बंदीन.”

उपास इन प्रश्न

(मरकुस २:१८-२२; लूका ५:३३-३९)

14 आग बपतसिमा कोळावाळा यूहन्ना अन्द चेलागोळ आऊन हात्ती बंदकु अंदुर, “येन कारण आद कनिाव अदकि फरीसी ईट उपास ईटतेव, पर नीन चेलागोळ उपास ईटालुर?”

15 यीशु आंदुर से अंदुन, “येन वराती, यागासताका मंळगार आंदुर सांगुळ आन, शोक माळ सकतार? पर अव दनि बंदव याग मंळगार आंदुर से ब्यार माळकु आदान, आ समय आंदुर उपास माळ्यार.”

16 “क्वारा कपळा अन्द थगिर हाळोद कपळा मा याऊ हचालुन, यतकी अद थगिर आ कपळा से येनारा मात्त जेडु कोमतद, अदकि बाक अद यक्कुल हर्दोगतद. 17 अदकि लाँकुर व्हाशोद अंगुर इन रास्सा हाळोद तोगुल इन चलिा दा तुमालुर, यतकी हगि माळदुर देल तोगुल इन चलिा हर्दोगताव अदकि अंगुर इन रास्सा चेल्लेगतद अदकि तोगुल इन चलिा नाश आगेगताव; लेकीन व्हाशोद अंगुर इन रास्सा व्हाशोद तोगुल इन चलिा दा तुमतार अदकि अव येदुदु उळदकु ईरताव.”

सोतकु पोर अदकि बमिार आर्त

(मरकुस ५:२१-४३; लूका ८:४०-५६)

18 यीशु आंदुर से इव मातगोळ अनतेला अच ईरोन, कनिोळी यहूदी सभागृह अन ऊंद सरदार बंदकु आऊक प्रणाम माळदुन अदकि अंदुन, “नान पोर ईगल्या सोतार, लेकीन नळुकु तान कय आकनि मा ईट, रा आक जतित्ता आगेदार.”

19 यीशु यदकु तान चेलागोळ सांगुळ आऊन सांगुळ होटोदुन.

20 अदकि नोळी, ऊंद आर्त ईरोर आक इक हनुनेळ वर्ष टु खुन होगोद रोग ईरोद, हदि टु बंदकु आऊन कपळा अन्द कनिरा अक मुटदुर. 21 यतकी आक तान मन दा अनतोगोर, “अगर ना आऊन कपळा का मुट बुळाईन रा चंगा आगेगाईन.”

22 यीशु तरिगकु आकी नोळदुन अदकि अंदुन, “पोरी धीरज ईट; नीन वशिवास नीनी वळ्लीद माळ्याद. इदुरसाटी आक आर्त आटोटीका चंगा आगेदुर.”

23 याग यीशु आ सरदार उन मान्या पोहचुसुदुन अदकि कोळल ऊयावाळेर इक अदकि भीळ इक सोरसराबा मचुस्त नोळदुन, 24 आग आव लाँकुर से अंदुन, “सरकुसेगी, पोर सायली आर, लेकीन

* 9:10 ९:१० लूका १५:१२, † 9:10 ९:१० मत्ती इन मान्या; या आऊन मतलब यीशु उन मान्या * 9:13 ९:१३ मत्ती १२:१७

मगित्यार.” इदुर मा आंदुर आऊन मज्याक हारसली कुरतुर. ²⁵ लेकीन याग भीळ इक व्हार्या तेगुकु आत, रा आव बुळ्क होगकु पोर इन कय हुळदुन, अदकि पोर यदकु कुरतोदुर. ²⁶ अदकि ई मात इन चर्चा द्याश इन सप्पा प्रदेश दा फैलुसेत.

येढ्ढ कुढ्ढगोळी दृष्टीदान

²⁷ याग यीशु अल टु मुंद वाळुसदुन, रा येढ्ढ कुढ्ढ मंळसागोळ आऊन हदि ईद कारूतेला नळदुर, “हे दाऊद उन औलाद, नाम मा दया माळ!”

²⁸ याग आव मान्या बुळ्क पोहचुसदुन, रा आ कुढ्ढगोळ आऊन हात्ती बंदुर, अदकि यीशु आंदुर से अंदुन, “थेन नीमी वशिवास आद कि ना चंगा माळ सकतीन?” आंदुर आऊन से अंदुर, “हव, प्रभु!” ²⁹ आग आव आंदुरद कण्णगोळी कय हचकु अंदुन, नीम वशिवास इन अनुसार नीम साटी हांगा आगुल “ह्यांग नीव चाहासतीर.” ³⁰ अदकि आंदुरद कण्णगोळ देल कांळसली हत्त. यीशु आंदरी चेतावनी कोटकु अंदुन, “सावधान, ईदुर बारा दा यारीकु मालूम ईला नळु पायजे.”

³¹ लेकीन आंदुर अल टु होटकु पुरा द्याश दा आ समाचार इक फैलुस बुटुर.

ऊंद मुक्का अक चंगा माळोद

³² याग आंदुर व्हार्या होगोर, रा नोळी, लॉकुर ऊंद मुक्का अक यारदा दुष्टआत्मा ईरोद, आऊन हात्ती तंदुर; ³³ अदकि याग दुष्टआत्मा तेगुद बुट्टुन, रा मुक्का मंळसा माताळली हत्तेदुन. इदुर मा भीळ अचम्भा माळकु अंत, “इस्त्राएल दा हगि यागलु नोळकु आगीदील.”

³⁴ *लेकीन फरीसीगोळ अंदुर, “इव रा दुष्टआत्मागोळ्द सरदार उन मदत देल दुष्टआत्मागोळी तेगुतान.”

यीशु उन दया

³⁵ *यीशु सप्पा नगरगोळ अदकि ऊरगोळ दा वयाळतोगोन, अदकि राज्य अनूद खुशखबरी प्रचार माळतोगोन, अदकि हर प्रकार इन बमिारी अदकि कमजोरी इक दुर माळतेला ईततुन. ³⁶ *याग आव भीळ इक नोळदुन रा आऊक लॉकुर मा दया बत्त, यतकी आंदुर आ म्यांडागोळ घाई ईरोर यारद याऊ रखवाला ईला ईरोन, आंदुर व्याकुल अदकि भटकुसकु ईरोर. ³⁷ *आग आव तान चेलागोळ से अंदुन, “हण्ण केई रा हापाळ आव पर क्याल्सा माळावाळेर मजदुर गोर्त आर. ³⁸ इदुरसाटी फसल इन स्वामी से वनिती माळी कि आव केई इन फसल कडोर साटी मजदूर कळु बुळुल.”

10

यीशु उन हन्नेळ चेलागोळ

(मरकुस ३:१३-१९; लूका ६:१२-१६)

¹ बाक यीशु तान हन्नेळ चेलागोळी तान हात्ती कारदुन, आंदरी दुष्टआत्मागोळ मा अधिकार कोट्टुन कि अवरी तेगुल अदकि सप्पा प्रकार ईनव बमिारगोळ अदकि सप्पा प्रकार ईनव कमजोरीगोळी अक दुर माळुल. ² इंदुर हन्नेळ प्रेरतिगोळ्द हेसुर हगि आव: पयला शमौन, आऊक पतरस भी अनतान, अदकि आऊन वार्ट अनर्द्रियास; जब्दी इन पार याकूब, अदकि आऊन वार्ट यूहन्ना; ³ फलिप्पुस, अदकि बरतुल्मै, थोमा, अदकि कर ताकोमावाळा मत्ती, हलफई नव पार याकूब, अदकि तद्दै, ⁴ शमौन कनानी, अदकि यहूदा इस्करियोती याव यीशु उक ध्वाका देल हुळसुस बुटीदुन.

हन्नेळ प्रेरतिगोळ्द स्यावा-कार्य

(मरकुस ६:७-१३; लूका ९:१-६; १०:४-१२)

⁵ ई हन्नेळ प्रेरतिगोळी यीशु आग्या कोटकु कळुदुन: “गैरयहूदीगोळ दी होगबाळेतीर, अदकि सामरीगोळ्द यात्तोदु नगर दा प्रवेश माळबाळेतीर. ⁶ लेकीन इस्त्राएल इन घराना अनूद अच काळ्द म्यांडागोळ्द हात्ती होगोतीर. ⁷ अदकि नळुत-नळुत ईद प्रचार माळी: कि स्वर्ग अन

* 9:34 ९:३४ मत्ती १०:२५; १२:२४; मरकुस ३:२२; लूका ११:१५ * 9:35 ९:३५ मत्ती ४:२३; मरकुस १:३९; लूका ४:४४

* 9:36 ९:३६ मरकुस ६:३४ * 9:37 ९:३७ लूका १०:२

राज्य हात्ती होट बंदाद.' 8 बमारिगोळी चंगा माळी, सोदद मंळसागोळी जत्तिता माळी, कोढी मंळसा अक शुद्ध माळी, दुष्टआत्मागोळी तेगी. नीमी फुकट दा सकियाद, नीव भी फुकट दा वाटसी. 9 तान खसिा दा ना रा व्हान्ना, अदकि ना बेळ्ली, अदकि ना तांबा ईटेतीर; 10 हादी इन साटी ना झ्वारा, ना दुसरा कुळता, ना जुता अदकि ना कोल हुडी, यतकी क्याल्सा माळावाळा मजदूर उक आऊन मजदूरी सकि पायजे.

11 "येल्यारा यातोदारा नगर या ऊरा दा होगी, रा पता हची क् अल याव लायक आन. अदकि यागासताका अल टु होळालीर, अदा मान्या ईरेतीर. 12 मान्या प्रवेश माळाहोती आऊक आशीष कोळेतीर. 13 अगर आ मान्या नोर लॉकुर योग्य ईतीदार रा नीम आशरिवाद आंदुर ताका पोहचुसीत, लेकीन अगर आंदुर योग्य ईला इतीदार रा नीम आशरिवाद नीम हात्ती वापस होट बंदीत. 14 जो यावारा नीमी ग्रहण माळतीदील अदकि नीम मात केळतीदलि, आ मान्ना या आ नगर टु होळावती तान काल इन धुळा झाळ्स बुळी. 15 ना नीम से खरा माताळतीन क् न्याय इन दनि आ नगर इन दशा से सदोम अदकि गमोरा अन्द द्याश इन दशा यक्कुल सहन माळा लायक ईत्तीत.

बरावाळा संकट

(मरकुस १३:९-१३; लूका २१:१२-१७)

16 "नोळी, ना नीमी म्यांडागोळ घाई लांडग्यागोळ न्याड्या कळुतीन, इदुरसाटी हावगोळ घाई बुद्धमिन अदकि कवूतरगोळ घाई भोला बनसी. 17 लेकीन लॉकुर से सावधान ईरी, यतकी आंदुर नीमी महासभागोळ दा सोपस्यार, अदकि तान पंचायतगोळ दा नीमी क्वाळा देल बळदार. 18 नीव नान साटी हाकमिगोळ अदकि राजागोळ मुंद आंदुर मा, अदकि गैरयहूदीगोळ मा गवाह आगोर साटी पोहचुस्कु आदीर. 19 याग आंदुर नीमी हुळसुस्यार रा ईद चन्तिता माळबाळेतीर क् नाव याता रीत दिेल या येन अंदेव, यतकी जो येनारा नीमी अनोद ईत्तीत, अद अदा घळी नीमी हेळकु आदीत. 20 यतकी माताळावाळेर नीव आल्लच, लेकीन नीम स्वर्गीय आप्प उन आत्मा नीम दा माताळतद.

21 "वार्ट, वार्ट उक अदकि आप्प पार उक, कोन्नोर साटी सोपस्यार, अदकि चकिोर मोय-आप्पुर वरिध दा यदकु आंदरी कोन्सुस बुट्टार. 22 नान हेसुर इन कारण सप्पा लॉकुर नीम से दुश्मनी माळ्यार, लेकीन जो आखरी ताका धीरज हुडुकु ईत्तान आऊंदा उद्धार आदीत. 23 याग आंदुर नीमी ऊंद नगर दा सतुस्यार, रा नीव दुसरा दी ओळेगेतीर. ना नीम से खरा माताळतीन, नीव इस्त्राएल इन सप्पा नगरगोळ दा होगा से पयले अच मंळसा अन्द पार होट बंदांन.

24 "चेला तान गुरु से धोड्डेव ईरालुन; अदकि न दास तान स्वामी से. 25 चेला तान गुरु अक अदकि दास तान स्वामी इन बराबर आगोद अच काफी आद. याग आंदुर मान्ना अन स्वामी इक शैतान अंदुर रा आऊन मान्नावाळेर इक येन येनारा अनतीदलि!

यार देल अंजेव

(लूका १२:२-७)

26 "इदुरसाटी मंळसागोळ से अंजबाळी; यतकी येनारा होचकु हेल्लेच जो तेर्दकु आगतीदील, अदकि न येनारा रहस्यमय आद जो प्रगट आगतीदील. 27 जो ना नीम से अंधार दा अनतीन, अद नीव ऊजुळ दा अनी; अदकि जो ना नीम कवि दा अंदीन, अदरी नीव आळा मा टु प्रचार माळी. 28 आंदुर से अंजबाळी जो मय इक नुकसान माळतार, लेकीन आत्मा अक नुकसान माळ सकालुर; लेकीन परमेश्वर से अच अंजी, जो आत्मा अदकि शरीर येदुदु नरक दा नष्ट माळ सकतान. 29 येन ऊंद पैस्या दा येदुदु चमिणी पक्षी मारालव? तरी भी नीम आप्प उन इच्छा अन्द अलावा अऊर दा टु ऊंद भी धरती मा बळिसकाल. 30 नीम ताल्ला अन चुट्टी भी सप्पा आळुकु आव. 31 इदुरसाटी अंजबाळी; नीव हापाळ चमिणीगोळ से भी बार् आईर.

✧ 10:10 १०:१० १ कुरन्थि ९:१४; १ तीमुथयिस ५:१८ ✧ 10:14 १०:१४ प्रेरतिगोळ १३:५१ ✧ 10:15 १०:१५ मत्ती ११:२४
 ✧ 10:15 १०:१५ लूका १०:४-१२ ✧ 10:16 १०:१६ लूका १०:३ ✧ 10:17 १०:१७ मरकुस १३:९-११; लूका १२:११,१२; २१:१२-१५
 ✧ 10:21 १०:२१ मरकुस १३:१२; लूका २१:१६ ✧ 10:22 १०:२२ मत्ती २४:९; मरकुस १३:१३; लूका २१:१७; मत्ती २४:१३; मरकुस १३:१३ ✧ 10:24 १०:२४ लूका ६:४०; यूहन्ना १३:१६; १५:२० ✧ 10:25 १०:२५ मत्ती ९:३४; १२:२४; मरकुस ३:२२; लूका ११:१५ ✧ 10:26 १०:२६ मरकुस ४:२२; लूका ८:१७

यीशु उक स्वीकार या अस्वीकार माळोद
(लूका १२:८; ९)

32 “जो यावारा मंळसागोळ मुंद नानी मान्स कोंडान, आऊक ना भी तान स्वरगीय आप्प उन मुंद मान्स कोमाईन. 33 *लेकीन जो यावारा मंळसागोळ मुंद नान इनकार माळ्यान, आऊक ना भी तान स्वरगीय आप्प उन मुंद इनकार माळाईन.

यीशु उन बरोद परणाम
(लूका १२:५१-५३; १४:२६,२७)

34 “ईद समसबाळी कनि धरती मा शांती तरली बंदीन; ना शांती तरली ईला, पर तलवार नळसोर साटी बंदीन. 35 ना रा बंदीन का: ‘पार उक आऊन आप्प उन से, अदकि पोर इक आकनि मोय इन से, अदकि सासुसा अक आकनि आत्ता से ब्यार माळ कोमाईन; 36 *मंळसा अनूद दुश्मन आऊन मान्या अन लाँकुर अच ईत्तार.’

37 “जो तान मोय या आप्प उक नान से यक्कुल प्रयि जान्सतान, आव नान लायक हैलेच; अदकि जो तान पार या पोर इक नान से यक्कुल प्रयि जान्सतान, आव नान लायक हैलेच; 38 *अदकि जो तान क्रूस नेगुकु नान हदि नळालुर आंदुर नान लायक हैलेच. 39 *जो तान जीव ऊळसोद चाहास्यान, आव अदरी खोऊस्यान; अदकि जो नान कारण तान जीव खोऊस्यान, आव अदरी हासलि माळ्यान.

प्रतफिल
(मरकुस ९:४१)

40 * “जो नीमी ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान. 41 जो भवषियवक्ता अक भवषियवक्ता जान्सकु ग्रहण माळुल, आव भवषियवक्ता अन प्रतफिल हासलि माळ्यान; अदकि जो न्यायी इक न्यायी जान्सकु ग्रहण माळुल, आव न्यायी इन प्रतफिल हासलि माळ्यान. 42 जो यावारा ई स्याणेरे दा टु ऊंद मंळसा अक नान चेला जान्सकु सरिफ ऊंद वाटी नीर कुळस्यान, ना नीम से खरा माताळतीन, आव यातोदु रीतादेल तान प्रतफिल खोऊसतदिलि.”

11

बपतस्मा कोळावाळा यूहन्ना दी टु बातणी कोळावाळेर
(लूका ७:१८-३५)

1 याग यीशु तान हन्नेळ चेलगोळी नरिदेश कोट बुटुन, रा आव आंदुरद नगरगोळ दा उपदेश अदकि प्रचार माळली अल टु होटोदुन.

2 बपतस्मा कोळावाळा यूहन्ना याग बंदीगृह दा मसीह अन क्याल्सागोळद समाचार केळदुन अदकि तान चेलगोळी आऊन से ईद केळली कळुदुन, 3 “येन बरावाळा नीना हुय, या नाव यावारा दुसरा अनूद हादी कादेव?”

4 यीशु उत्तर कोट्टुन, “जो येनारा नीव केळतीर अदकि नोळतीर, अद सप्पा होगकु बपतस्मा कोळावाळा यूहन्ना अक हेळबुळी, 5 का कुदुदगोळ नोळतार अदकि लंगळागोळ नळुतार वयाळतार, कोदी शुद्ध माळकु आगतार अदकि बयरागोळ केळतार, मुर्दागोळ जित्ता माळकु आगताव, अदकि कंगालगोळी खुशखबरी केळसकु आगतद. 6 अदकि धन्य आर आंदुर, जो नान कारण ठोकर तनिलुर.”

7 याग बपतस्मा कोळावाळा यूहन्ना अन चेलगोळ अल टु होदुर, रा यीशु यूहन्ना अनूद बारा दा लाँकुर से अनली कुरतुन, “नीव आळी दा येन नोळली होगीदरि? येन हवा देल हालुसतेला सरकण्डा अक? 8 बाक नीव येन नोळली होगीदरि? येन मुलायम कपळा हागद मंळसा अक? नोळी जो मुलायम कपळा हाकतार, आंदुर राजभवनगोळ दा ईरतार. 9 रा बाक येती येन नोळली होगीदरि? येन यावारा भवषियवक्ता अक? हव, ना नीम से खरा अनतीन का भवषियवक्ता से

* 10:33 १०:३३ २ तीमुथियुस २:१२ * 10:36 १०:३६ मीका ७:६ * 10:38 १०:३८ मत्ती १६:२४; मरकुस ८:३४; लूका ९:२३ * 10:39 १०:३९ मत्ती १६:२५; मरकुस ८:३५; लूका ९:२४; १७:३३; यूहन्ना १२:२५ * 10:40 १०:४० लूका १०:१६; यूहन्ना १३:२०; मरकुस ९:३७; लूका ९:४८

भी धोड्डेव उक. 10 ईव आवा हुन यार्द बारा दा लखिसकु आदः 'नोळ, ना तान दूत उक नीन मुंद कळुतीन, जो नीन मुंद नीन हादी तयार माळ्यान.'* 11 ना नीम से खरा माताळतीन कजि जो आर्तेर से पैदा आग्यार, आंदुरदा टु यूहन्ना बपतस्मा कोळावाळा से याऊ धोड्डेव आगीदील; पर जो स्वर्ग इन राज्य दा स्याणेव से स्याणेव आन आव यूहन्ना से धोड्डेव आन. 12*यूहन्ना बपतस्मा कोळावाळा अन्द दनिगोळ टु ईगासताका स्वर्ग इन राज्य दा बलपूर्वक प्रवेश आगतेला ईताद, अदकि बलवान अदरी कसुकोमतार. 13 यूहन्ना अन बरासताका सप्पा भवषियवक्तागोळ अदकि मूसा अन व्यवस्था भवषियवाणी माळीत. 14*अदकि मानसोद चाहासतीर रा मान्सी कएलियाह जो बरावाळा ईरोन, आव यूहन्ना अच हुन. 15 यार कवि आव, आव केळ कोमुल."

16 "ना ई पीढी इन लॉकुरद तुलना यार देल माळाईन? आंदुर आ चकिरगोळ घाई आर, जो सात्तागोळ दा कुरतकु आबुर दाबुर से कारूकु अनतार."

17 "नाव नीम साठी कोळ्ल मुरसदेव,

अदकि नीव कृणदीदलि; नाव वलिाप माळदेव,

अदकि नीव दुखी आगीदील."

18 "यतकी यूहन्ना बपतस्मा कोळावाळा ना रा रोटी तति बंदुन अदकि ना अंगुर इन रास्सा कुडुत बंदुन, लेकीन लॉकुर अनतार, 'आऊन दा दुष्टआत्मा आद.' 19 मंळसा अन्द पार तति कुडुत बंदुन, अदकि लॉकुर अनतार 'नोळी, व्हाट्टा तुम्मावाळा अदकि सारा कुडावाळा मंळसा, कर ताकोमावाळे अदकि पापीगोळव संगी!' लेकीन परमेश्वर उन ग्यान तान क्याल्सा देल सही ठहरूसकु आग्याद."

अवशिवासी नगरगोळ

(लूका १०:१३-१५)

20 आग यीशु आ नगरगोळी धक्कारसली कुरतुन, यऊरदा यीशु हापाळ सा सामर्थ्य ईनव क्याल्सा माळीदुन, यतकी आंदुर तान मन ईला तरिगुसीदुर. 21 "हे खुराजीन! नीन मा हाय! हे बैतसैदा! नीन मा हाय! यतकी जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा अव हापाळ पयले बॉरा* होदुकु अदकि राख मा कुरतकु तान पापगोळ देल तरिगोगायदव. 22 लेकीन ना नीम से अनतीन कजि न्याय इन दशी नीम दशा से सूर अदकि सैदा अन्द दशा यक्कुल सहन माळा लायक ईत्तीत. 23 अदकि हे कफरनहूम, येन नी स्वर्ग ताका म्याकुच नेगुकु आदया? नी पाताल लोक ताका ल्यालमा होदया! यतकी जो सामर्थ्य ईनव क्याल्सा नीन दा माळकु आदव, अगर अव सदोम दा माळकु आगायदव, रा अद नगर ईगासताका बनस्कु ईराईत. 24*लेकीन ना नीम से अनतीन कजि न्याय इन दशी नीम द्याश से सूर अदकि सैदा अन्द दशा यक्कुल सहन माळा लायक ईत्तीत."

नान हात्ती बरी अदकि आराम माळी

(लूका १०:२१,२२)

25 आटा होती यीशु अंदुन, "हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन कजिनी ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईट्टद, अदकि चकिरगोळ मा प्रगट माळ्द. 26 हव, हे आप्पा, यतकी नीनी ईदा वळ्लीद हत्त."

27* "नान आप्पा नानी सप्पा येनारा सोप्स बुटान; आप्पा उन अलावा पार उक याऊ अरालुन, सर्फ आप्पा; अदकि न पार उन अलावा आप्पा उक यावारा अरूतान, सर्फ पार; या आवा यार साठी पार आऊक प्रगट माळतान."

28 "हे सप्पा मयनत माळावाळे अदकि कर्ज देल मुळककु लॉकुरा, नान हात्ती बरी; ना नीमी आराम कोळाईन. 29 नान भार तान म्याकुच नेगु कोमी, अदकि नान से कली; यतकी ना नम्र अदकि मुलायम आईन: अदकि तान मन दा वशिराम नोळीर. 30 यतकी नान भार आसान अदकि नान ओझा हल्का आद."

* 11:10 ११:१० मलाकी ३:१ * 11:12 ११:१२ लूका १६:१६ * 11:14 ११:१४ मत्ती १७:१०-१३; मरकुस ९:११-१३ * 11:21 ११:२१ टाट-चददर, दुख इन हासक्या या कतळी * 11:24 ११:२४ मत्ती १०:१५; लूका १०:१२ * 11:27 ११:२७ यूहन्ना ३:३५; यूहन्ना १:१८; १०:१५

12

आराम इन दनि इन बारा दा प्रश्न
(मरकुस २:२३-२८; लूका ६:१-५)

1 आ समय यीशु आराम इन दशिी केईगोळ दा टु आगतेला होगोन, अदकि आऊन चेलागोळी हसु हत्त रा आंदुर गोदी नव लॉम्बा मूर मूरूकु तनिली कुरतुर. 2 फरीसीगोळ ईद नोळकु आऊन से अंदुर, “नोळ, नीन चेलागोळ अद क्याल्सा माळीत्यार, जो आराम इन दशिी माळोद मूसा अन व्यवस्था अन अनुसार उचिति हैलेच.”

3 यीशु आंदुर से अंदुन, “येन नीव वाचुसीदील, कि दाऊद, याग आऊक अदकि आऊन संगीगोळी हसु हत रा येन माळदुर? 4 आव हयांग परमेश्वर उन भवन दा होदुन, अदकि भेंट येरसद रोटीगोळी तदिन, यवरी तनोद दाऊद उक अदकि आऊन संगीगोळी उचिति ईला ईरोद लेकीन सरिफ याजकगोळी उचिति ईरोद? 5 येन नीव मूसा अन व्यवस्था दा वाचुसीदील कि याजक आराम इन दशिी सभागूह दा आराम इन दनि इन वधिी इक मुरदुर मा भी नरिदोष ठहरूसतार?” 6 पर ना नीम से अनतीन कि ईल आव आन जो सभागूह से भी धोड्डेव आन. 7 *अगर नीव शास्त्रगोळ दा लखिसद मातगोळद मतलब जानसायदीर, “ना दया देल संतुष्ट आगतीन, बलदान देल ईला, रा नीव नरिदोष उक दोषी ईला ठहरूसायदीर. 8 मळसा अन पार रा आराम इन दनि ईनव भी स्वामी हुन.”

लकवा ग्रस्त मळसा अन चंगाई
(मरकुस ३:१-६; लूका ६:६-११)

9 अल टु नळकु यीशु आंदुरद यहूदी लॉकुरद सभागूह दा बंदुन. 10 अल ऊंद मळसा ईरोन, यार कय वळगकु ईरोद. फरीसीगोळ यीशु मा दोष हचोर साटी आऊन से केळदुर, “येन आराम इन दशिी चंगा माळोद मूसा अन व्यवस्था अन अनुसार उचिति आद?”

11 *यीशु आंदुर से अंदुन, “नीम दा हगि याव आन यारद ऊंद अच म्यांडा ईरूल, अदकि अद आराम इन दशिी ख्वॉद्रा दा बदिगुल, रा आव अदरी हुळकु व्हार्या तेगुतदील? 12 भला मळसा अन्द कमित म्यांडा से याट यककुल आद! इदुरसाटी आराम इन दशिी भलाई माळोद उचिति आद.”

13 आग आव आ मळसा से अंदुन, “तान कय मुंद माळ.”

आव मुंद माळदुन, अदकि आ कय बाक दुसरा कय इन घाई वळलीद आगेत. 14 आग फरीसीगोळ व्हार्या होगकु आऊन वरिध दा योजना माळदुर कि आऊक याता प्रकार देल कोंदेव.

परमेश्वर उन नविळुसद सेवक

15 ईद जानसकु यीशु अल टु होटोदुन. अदकि हापाळ लॉकुर आऊन हदि आगेदुर, अदकि आव सप्पा मुंदुरी चंगा माळदुन, 16 अदकि आंदरी चेतावनी कोट्टुन कि नानी प्रगट माळबाळेतीर, 17 ताकी जो वचन यशायाह भवषियवक्ता अन्द द्वारा अंदकु आगीत, अद पुरा आगुल:*

18 “नोळी, ईव नान सेवक हुन, यारी ना नविळुसीन;

नान प्रयि, यार देल नान मन संतुष्ट आद:

ना तान आत्मा आऊन मा हाकाईन,

अदकि आव गैरयहूदीगोळी न्याय इन खुशखबरी कोट्टान.

19 आव ना रा झगळा माळ्यान, अदकि ना धूम मचुस्यान,

अदकि ना रा सात्यागोळ दा यावारा आऊन आवाज केळ्यान.

20 आव मेड्द सरकण्डागोळी मूरूतदिलि,

अदकि धुंगा कोळद बत्ती इक भी नुनाकतदिलि,

यागासताका आव न्याय इक वजिय माळ कोमालुन.

21 अदकि गैरयहूदी लॉकुर आऊन हेसुर मा आशा ईट्यार.”

यीशु अदकि बालजबूल

22 आग लॉकुर ऊंद कुढ्ठ अदकि मुक्का अक यारदा दुष्टआत्मा ईरोद, यीशु उन हात्ती तंदुर; अदकि आव आऊक चंगा माळदुन, अदकि आव माताळली अदकि नोळली कुरतुन. 23 ईदुर मा सप्पा लॉकुर चकति आगकु अनली कुरतुर, “ईव येन दाऊद उन औलाद हुन?”

24 *लेकीन फरीसीगोळ ईद केळकु अंदुर, “ईव रा दुष्टआत्मागोळव सरदार बालजबूल उन मदत देल दुष्टआत्मागोळी तेगुतान.”

25 आव आंदुरद मन इन मात अरूकु आंदुर से अंदुन, “अगर यातोदारा राज्य दा फूट बळितद, अद ऊजाळसेगतद; अदकि यातोदारा नगर या घराना दा फूट बळितद, अद टीकुसकु ईरतीदील. 26 अदकि अगर शैतान अच शैतान उक तेगदीत, रा अद खुद इन दा वरीधी आगोग्याद; बाक अदुरद राज्य ह्यांग टीकुसकु ईत्तीत? 27 भला, अगर ना शैतान उन सरदार उन सहायता देल दुष्टआत्मागोळी तेगुतीन, रा नीम अनुयायीगोळ यार सहायता देल तेगुतार? इदुरसाटी आंदुर अच नीम न्याय माळ्यार. 28 पर अगर ना परमेश्वर उन आत्मा अन्द सहायता देल दुष्टआत्मागोळी तेगुतीन, रा परमेश्वर उन राज्य नीम हात्ती होट बंदाद.”

29 या ह्यांग यावारा मंळसा यातोवारा ताकतवर मंळसा अन्द मान्या होक्कु आऊन माल कदू सकतान यागासताका कि पयले आव आ ताकतवर मंळसा अक कट कोमालुन? आगासताका आव आऊन मान्या होक्कु माल कदू सकालुन.

30 *जो नान सांगुळ हेल्लेच आव नान वरीध दा आन, अदकि जो नान सांगुळ जमा माळालुन आव बगरस्तान. 31 इदुरसाटी ना नीम से अनतीन कि मंळसा अन्द सब प्रकार इन पाप अदकि अपमान माफ माळकु आदीत, लेकीन जो यावारा पवतिर आत्मा अन अपमान माळतान आऊक माफ माळकु आगतीदील. 32 *जो यावारा मंळसा अन्द पार उन वरीध दा येनारा मात अंदान, आऊन ईद अपराध माफ माळकु आदीत, लेकीन जो यावारा पवतिर आत्मा अन्द वरीध दा येनारा अंदान, आऊन अपराध न रा ई युग दा अदकि न बरावाळा युग दा माफ माळकु आगतीदील.

मारर अदकि अदुरद काय
(लूका ६:४३-४५)

33 *अगर मारर वळ्लीद आद, रा अदुरद काय भी वळ्लीद ईत्तीत, या मारर नकिम्मा आद, रा अदुरद काय भी नकिम्मा ईत्तीत; यतकी मारर तान काय देल अच अरतकु आगतद. 34 *हे हाव ईनव चकिोरा, नीव बुरा आगकु ह्यांग वळ्लीद मातगोळी अन सकतीर? यतकी जो मन दा तुमकु आद, अदा बाय दा बरतद. 35 वळ्लेव मंळसा तान मन इन वळ्लीद भंडार दा टु वळ्लीद मातगोळी तेगुतान, अदकि बेकार मंळसा बेकार भंडार दा टु बेकार मातगोळी तेगुतान.”

36 “अदकि ना नीम से अनतीन कि जो जो नकिम्मा मातगोळी मंळसागोळ अंदार, न्याय इन दशी आंदुर हर ऊंद आ मात इन लेखा कोट्टार. 37 यतकी नी तान मातगोळ कारण नरिदोष, अदकि तान मातगोळ दा कारण दोषी ठहरूस्कु आद्या.”

स्वर्गीय चनिह अन्द मांग
(मरकुस ८:११-१२; लूका ११:२९-३२)

38 *ईदुर मा थ्वाळासा शास्त्रीगोळ अदकि फरीसीगोळ यीशु से अंदुर, “हे गुरु, नाव नीन कय देल ऊंद चमत्कार नोळोद चाहासतेव.”

39 *आव आंदरी उत्तर कोट्टुन, “ई दुनया अन्द बेकार अदकि व्यभिचारी लॉकुर योना अन्द चमत्कार ढुंढसतार, लेकीन योना भवषियवक्ता अन्द चमत्कार इक बटिकु यातोदु दुसरा चमत्कार आंदरी कोट्टु आगतीदील. 40 योना मुर दनि अदकि मुर ईळ्लक आ समुदर अन धोळ मेन इन व्हाट्या ईत्तुन, हांग अच मंळसा अन्द पार मुर दनि अदकि मुर ईळ्लक धरती इन बुळ्क ईत्तान. 41 नीनवे नगर इन लॉकुर न्याय इन दशी ई दुनया अन्द लॉकुर सांगुळ यदकु आंदरी दोषी ठहरूस्यार, यतकी आंदुर योना अन्द प्रचार केळकु मन तरिगुसीदुर; अदकि नोळी, ईल आव आन

* 12:24 १२:२४ मत्ती ९:३४; १०:२५ * 12:30 १२:३० मरकुस ९:४० * 12:32 १२:३२ लूका १२:१० * 12:33 १२:३३ मत्ती ७:२०; लूका ६:४४ * 12:34 १२:३४ मत्ती ३:७; २३:३३; लूका ३:७; मत्ती १५:१८; लूका ६:४५ * 12:38 १२:३८ मत्ती १६:१; मरकुस ८:११; लूका ११:१६ * 12:39 १२:३९ मत्ती १६:४; मरकुस ८:१२

जो योना से भी धोड्डेव आन. 42 दक्षणि इन रानी न्याय इन दशिी ई दुनया अनन्द लॉकुर सांगुळ यदकु आंदरी दोषी ठहूरस्यार, यतकी आक सुलैमान उन ग्यान केळोर साटी धरती इन क्वाना टु बंदुर; अदकि नोळी, ईल आव आन जो सुलैमान से भी धोड्डेव आन.

दुष्टआत्मा अन वापसी
(लूका ११:२४-२६)

43 “याग दुष्टआत्मा मंळसा दा टु होट बुळतद, रा वंळगींद जागागोळ दा आराम दुंडसली वयाळतद, अदकि अदरी सकाल. 44 आग अनतद, ‘ना तान अदा मान्ना दा यल टु होटोदीन, होटोगाईन.’ अदकि होटकु अदरी सूना, झाळ-झुळसकु अदकि सजुसकु नोळतद. 45 आग अद होगकु तान से मात्त बेकार येळ आत्मागोळी तान सांगुळ तरतद, अदकि अव आ मान्या समुसकु अल ईरताव, अदकि आ मंळसा अनन्द दशा पयला टु भी बेकार आगोगतद. ई दुनया अन बुरा लॉकुरद दशा भी हगि अच आदीत.”

यीशु उन मोय अदकि वार्दुर
(मरकुस ३:३१-३५; लूका ८:१९-२१)

46 याग यीशु भीळ से मातगोळी हेळत अच ईरोन, आग आऊन मोय अदकि वार्दुर व्हार्या नदिरकु ईरोर अदकि आऊन से मात हेळोद चाहासोर. 47 *यावारा आऊन से अंदुन, “नोळ, नीन मोय अदकि नीन वार्दुर व्हार्या नदिरकु आर, अदकि नीन से मात हेळोद चाहासतार.”

48 ईद केळकु आव अनावाळेर इक उत्तर कोट्टुन, “याक हुळ नान मोय? अदकि यार उर नान वार्दुर?” 49 अदकि तान चेलागोळ दी तान कय वाळुसकु अंदुन, “नोळी, नान मोय अदकि नान वार्दुर इंदुरा उर. 50 यतकी जो यावारा नान स्वर्गीय आप्प उन इच्छा मा नळदान, आवा नान वार्दुर, अदकि नान आकतींग, अदकि नान मोय हुळ.”

13

बीजा बोऊसावाळा अनन्द उदाहरण
(मरकुस ४:१-९; लूका ८:४-८)

1 अदा दशिी यीशु मान्या टु होटकु झील इन कनिरा मा होगकु कुरतुन. 2 *अदकि आऊन हात्ती हगि धोळद भीळ जमा आत कर् आव ड्वांगा मा येरेदुन, अदकि सप्पा भीळ कनिरा मा नदिरकु ईत्त. 3 अदकि आव आंदुर से उदाहरणगोळ दा हापाळ सा मातगोळी अंदुन:

“ऊंद बोऊसावाळा बीजा बोऊसली होट्टुन. 4 बोऊसा होती थ्वाळासा बीजा हादी इन कनिरा मा बदिदव अदकि पक्षीगोळ बंदकु अवरी तनिली कुरतव. 5 येनारा बीजा कलल इन जागा मा बदिदव, यल अवरी यक्कुल मुण्ण सकिदिल अदकि गहरा मुण्ण ईला सकिदुर कारण अव जलदी बेळदोदव. 6 पर सुर्य होळदुर मा अव होत्तेदव, अदकि जळ ईला हुळदुर देल वंळगेदव. 7 थ्वाळासा बीजा मार्र दा बदिदव अदकि मार्रगोळ वाळुसकु अवरी वत्त बुट्टव. 8 पर थ्वाळासा बीजा वळ्लीद जागा मा बदिदव, अदकि काय तनदव, यातारा सौ गुणा, यातारा साठ गुणा, अदकि यातारा तीस गुणा.”

9 यार कवि आव आव केळ कोमुल.

उदाहरणगोळ्द उद्देश
(मरकुस ४:१०-१२; लूका ८:९,१०)

10 चेलागोळ हात्ती बंदकु यीशु से अंदुर, “नी लॉकुर से उदाहरण दा येती मातगोळ माळत्या?”

11 यीशु उत्तर कोट्टुन, “नीमी परमेश्वर उन राज्य अनन्द भेदगोळ्द समझ कोटकु आग्याद, पर आंदरी ईला. 12 *यतकी यार हात्ती आद, आऊक मात्त कोटकु आदीत, अदकि आऊन हात्ती यक्कुल आगेदीत; पर यार्द हात्ती येनु हैलेच, अदुर से जो येनारा आऊन हात्ती आद, अद भी ताकोमकु आगेदीत. 13 ना आंदुर से उदाहरणगोळ दा इदुरसाटी मातगोळी माळतीन कर् आंदुर

* 12:47 १२:४७ हाळोद नयिम दा ईद वचन लखिसकु हैलेच * 13:2 १३:२ लूका ५:१-३ * 13:12 १३:१२ मत्ती २५:२९; मरकुस ४:२५; लूका ८:१८; १९:२६

नोळकु भी नोळालुर अदकि केळकु भी केळालुर, अदकि समसालुर.” 14 आंदुर बारा दा यशायाह अनन्द ईद भवषियवाणी पुरा आगतदः

“नीव कविगोळ देल रा केळतीर, पर समसालीर;
अदकि कण्णगोळ देल रा नोळतीर, पर नीमी काळसाल.”*

15 “यतकी ई लॉकुरद मन कट्टर आगोग्याद,
अदकि आंदुर केळकु भी अनसुना माळतार
अदकि आंदुर तान कण्णगोळी मुच्च बुळतार;
ईलारा हगि आगबाळुल की आंदुर कण्णगोळ देल नोळुल,
अदकि कविगोळ देल केळुल
अदकि मन देल समसुल,
अदकि आंदुर तरिगकु बरूल,
अदकि ना आंदरी चंगा माळाईन.”

16 *पर धन्य आव नीमव कण्णगोळ, की अव नोळताव; अदकि नीमव कवि अद केळताव.
17 यतकी ना नीम से खरा माताळतीन की हापाळ सा भवषियवक्तागोळ अदकि न्यायीगोळ याता मातगोळी नोळोद चाहासोर अवरी नीव नोळेतीर. लेकीन आंदुर अवरी नोळ सकदील, अदकि याता मातगोळी आंदुर केळोद चाहासोर, अवरी नीव केळेतीर. लेकीन आंदुर अवरी केळ सकदील.

बीजा बोऊसावाळा उदाहरण इन व्याख्या
(मरकुस ४:१३-२०; लूका ८:११-१५)

18 “इग नीव बीजा बोऊसावाळा अनन्द उदाहरण इन अर्थ केळी. 19 जो यावारा राज्य अनन्द वचन केळकु समसालुन, आऊन मन दा जो येनारा बोऊसकु आगीत, अदरी आ दुष्ट बंदकु कसुकु वोयतान. ईद अदा हुन, जो हादी इन कनिरा मा बोऊसकु आगीत. 20 अदकि जो कल्ल इन जागा मा बोऊसकु आत, ईद अद हुन, जो वचन केळकु तुरन्त खुशी इन सांगुळ मान्स कोमतान. 21 पर तांदुर दा जळ ईला ईटदुर कारण आंदुर ध्वाळासा अच दनी नोर आर, अदकि याग वचन इन कारण क्लेश या उपद्रव आगतद, रा आंदुर तुरन्त ठोकर तनितार. 22 जो झाळीगोळ दा बोऊसकु आत, ईद अद हुन, जो वचन इक केळतार, पर ईद दुनया अन चन्ता अदकि धन इन ध्वाका वचन इक वत्त बुळतद, अदकि आंदुर काय तरसकालुर. 23 जो वळ्ळीद जागा दा बोऊसकु आत, ईद अद हुन, जो वचन इक केळकु समसतार, अदकि काय तरतार; यारारा सौ गुणा, यारारा साठ गुणा, अदकि यारारा तीस गुणा.”

आळी दाकळोद बीजा अन उदाहरण

24 यीशु आंदरी मातत ऊंद उदाहरण कोट्टुन: “स्वर्ग इन राज्य आ मळसा अनन्द घाई आद याव तान केई दा वळ्ळीद बीजा बोऊसुदुन. 25 पर याग लॉकुर मगोर रा आऊन दुश्मन बंदकु गोदी इन न्याय्या आळी दाकळोद बीजा बोऊसकु होटोदुन. 26 याग कोम होट्टव अदकि लॉम्बागोळ हतदव, रा आळी दाकळोद बीजागोळ्द मार्रगोळ भी काळसदव. 27 ईदुर मा मान्ना अनन्द दासगोळ बंदकु आऊन से अंदुर, ‘हे स्वामी, येन नी तान केई दा वळ्ळीद बीजा बोऊसीदलि? बाक आळी दाकळोद बीजा अनन्द मार्रगोळ अदुरदा यल टु बंदव?’ 28 आव आंदुर से अंदुन, ‘ईद यावारा दुश्मन उन क्याल्सा हुन.’ दासगोळ आऊन से अंदुर, ‘येन नीन इच्छा आद, कनिाव होगकु अवरी कति बुटेव?’ 29 आव अंदुन, ‘ईला, हगि आगबाळुल की आळी दाकळोद बीजा अनन्द मार्रगोळ कति होती नीव अऊर सांगुळ गोदी भी कति कोमी. 30 कटाई ताका येदु उक ऊंद सांगुळ वाळुसगोळी, अदकि कटनी इन समय दा ना कडावाळेर से अनाईन की पयले आळी दाकळोद बीजा अनन्द मार्रगोळी जमा माळकु होताकोर साटी अऊर गट्टा कट कोमी, अदकि गोदी इक नान केई दा जमा माळी.’”

राई इन बीजा अनन्द उदाहरण
(मरकुस ४:३०-३२; लूका १३:१८,१९)

31 यीशु आंदरी मात्त ऊंद उदाहरण कोट्टुन: “स्वर्ग इन राज्य राई इन ऊंद बीजा अन घाई आद, यदरी यातोवारा मंळसा हुडुकु तान केई दा बोऊस कौंडुन. 32 अद सप्पा बीजागोळ से स्यांळद रा ईरतद लेकीन याग धोळ्द आगेगतद आग सप्पा काण्णा-कस से धोळ्द आगेगतद; अदकि हगि मार्र आगेगतद की आकाश ईनव पक्षी बंदकु अदुर डगालगोळ मा ग्वादा माळ कोमताव.”

खमीर इन उदाहरण
(लूका १३:२०,२१)

33 यीशु आंदरी मात्त ऊंद उदाहरण केळ्सदुन: “स्वर्ग इन राज्य खमीर इन घाई आद यदरी यातोदारा आर्र हुडुकु हन्नेळ कलिो हीट्ट दा मीलुस बुटुर अदकि आग्त-आग्त अद सप्पा हीट खमीर आगेत.”

यीशु उन द्वारा उदाहरणगोळ्द प्रयोग
(मरकुस ४:३३,३४)

34 ईव सप्पा मातगोळ यीशु उदाहरणगोळ दा लॉकुर से अंदुन, अदकि बनिा उदाहरण देल आव आंदुर से येनु ईला अनतोगोन, 35 कजिो वचन भवषियवक्ता अन्द द्वारा अंदकु आगीत, अद पुरा आगुल:

“ना उदाहरण अनली तान बाय खोलसाईन:

ना आ मातगोळी जो दुनया अन्द उत्पत्तट्टि होचकु ईताव प्रगट माळाईन.” *

आळी दाकळोद बीजा अन्द उदाहरण इन व्याख्या

36 आग यीशु भीळ इक बटिकु माननी बंदुन, अदकि यीशु उन चेलागोळ आऊन हात्ती बंदकु अंदुर, “केई इन आळी दाकळोद बीजा अन्द उदाहरण नामी समझुसबुळ.”

37 यीशु आंदरी उत्तर कोट्टुन, “याव वळ्लीद बीजा अक बोऊसीदुन आव मंळसा अन्द पार हुन. 38 केई दुनया हुन, वळ्लीद बीजा राज्य अन्द औलाद हुन, अदकि आळी दाकळोद बीजा दुष्ट इन औलाद हुन. 39 या दुश्मन अवरी बोऊस्यान आव शैतान हुन; कटनी दुनया अन्द अन्त हुन, अदकि कडावाळेर स्वर्गदूत उर. 40 इदुरसाटी ह्यांग आळी दाकळोद कचरा जमा माळकु होताककु आगताव हांग अच दुनया अन्द आखरी दा आदीत. 41 मंळसा अन्द पार तान स्वर्गदूतगोळ इक कळ्यान, अदकि आंदुर आऊन राज्य दा टु सप्पा ठोकर इन कारणगोळी अदकि कुकर्म्म माळावाळेरी इक जमा माळ्यार, 42 अदकि आंदरी बेक्की इन कुण्ड दा हाक्यार, यल आंदुर वरल्यार अदकि हल्ल कच्यार. 43 आ समय न्यायी तान आप्प उन राज्य दा सुर्य अन्द घाई चमकुस्यार. यार कवि आव आव केळ कोमुल.”

होचकु खजाना अन्द उदाहरण

44 “स्वर्ग इन राज्य केई दा होचकु धन इन घाई आद, या यावारा मंळसा अक सक्ति अदकि आव अदरी मात होचकु ईटदुन, अदकि हापाळ खुश आदुन अदकि होगकु तान सब येनारा मार बुट्टुन अदकि आ केई इक कौंड कौंडुन.”

अनमोल मोती अन्द उदाहरण

45 “बाक स्वर्ग इन राज्य ऊंद व्यापारी इन घाई आद जो वळ्लीद मोतीगोळ्द खोज दा ईरोन. 46 याग आऊक ऊंद बहूमुल्य मोती सक्ति रा आव होगकु तान सब कुछ मार बुट्टुन अदकि अदरी कौंड कौंडुन.”

जार इन उदाहरण

47 “बाक स्वर्ग इन राज्य आ धोळ्द जार इन घाई आद जो समुद्र दा हाक्कु आत, अदकि हर प्रकार इन जीवगोळी जमा माळकु तर्त. 48 अदकि याग जार मेनगोळ देल तुम्मेत, रा मेन हुडावाळेर अदरी कनिरा मा जेडुकु तंदुर, अदकि कुरतकु वळ्लेव-वळ्लेव बर्तनगोळ दा जमा माळदुर अदकि बेकार-बेकार मेनगोळी भीट बुटुर. 49 दुनया अन्द आखरी दा हगि अच आदीत. स्वर्गदूत बंदकु पापीगोळी न्यायी लॉकुर से अलग माळ्यार, 50 अदकि आंदरी बेक्की इन कुण्ड दा हाक्यार. यल आंदुर वरल्यार अदकि हल्ल कच्यार.”

* 13:35 १३:३५ नरिगमन; भजन संहिता ७८:२

हाळोद अदकि व्हाशोद शक्षिा अन्द महत्व

51 यीशु तान चेलागोळ से केळदुन, “येन नीव ई सप्पा मातगोळ समसदीर?”

चेलागोळ उत्तर कोट्टुर, “हव.”

52 यीशु आंदुर से अंदुन, “इदुरसाटी हर ऊंद शास्त्री जो स्वर्ग इन राज्य अन्द चेला बनस्यान, आव आ मान्नावाळा अन्द घाई आन जो ताम भंडार दा टु व्हाशोद अदकि हाळोद वस्तुगोळी तेगुतान.”

नासरत दा यीशु उन अनादर

(मरकुस ६:१-६; लूका ४:१६-३०)

53 याग यीशु ई सप्पा उदाहरण अंद कौडुन, रा अल टु होटोदुन. 54 अदकि तान नगर दा बंदकु आंदुरद यहूदी लॉकुरद सभागृह दा आंदरी हगि उपदेश कोळली कुरतुन कि आंदुर चकति आगकु अनली कुरतुर, “ईऊक ईद ग्यान अदकि सामर्थ्य अन्द क्याल्सा यल टु सकिदव? 55 येन ईव व्हर्स हुळ्ळी माळावाळा अन पार आलच? अदकि येन ईऊन मोय इन हेसुर मरयिम अदकि ईऊन वार्दुरद हेसुर याकूब, यूसुफ, शमौन अदकि यहूदा हैलेच? 56 अदकि येन ईऊन सप्पा आकतीगेर नाम न्याड्या दा ईरालुर? बाक ईऊक ईद सप्पा ग्यान यल टु सकित?” 57 ईद प्रकार आंदुर आऊन कारण ठोकर तदुर,

यीशु आंदुर से अंदुन, “भवषियवक्ता अन्द तान द्याश अदकि तान मान्ना अक बटिकु अदकि यल उच अपमान आगाल.”* 58 अदकि आव अल आंदुरद अवशिवास इन कारण हापाळ सा सामर्थ्य इन क्याल्सा माळीदील.

14

यूहन्ना बपतस्मा कोळावाळा अक कोनसुसोद

(मरकुस ६:१४-२९; लूका ९:१७-९)

1 आ समय दा चौथाई द्याश इन राजा हेरोदेस यीशु उन बारा दा चर्चा केळदुन, 2 अदकि तान सेवकगोळ से अंदुन, “ईव यूहन्ना बपतस्मा कोळावाळा हुन! आव सोत्तुर दा टु जत्तिता आग्यान, इदुरसाटी आऊन से सामर्थ्य नव क्याल्सा प्रगट आगताव.”

3 यतकी हेरोदेस राजा तान वार्ट फलिपुस उन हगिस हेरोदय्यास इन कारण, बपतस्मा कोळावाळा यूहन्ना अक हुडुकु कटसुसदुन अदकि जयलखाना दा हाक्क बुट्टुन. 4 यतकी यूहन्ना आऊन से अंददिन कितान स्याळ्द वार्ट उन हगिस उक ईटोद नीन साठी उचति हैलेच. 5 इदुरसाटी आव आऊक कौद बुळोद चाहासोन, पर लॉकुर से अंजतोगोन यतकी आंदुर बपतस्मा कोळावाळा यूहन्ना अक भवषियवक्ता मान्सतोगोर.

6 लेकीन याग हेरोदेस उन जनम दनि बत्त, रा हेरोदय्यास इनोर पोर हाब्व दा तान नाच तोर्सकु हेरोदेस उक खुश माळदुर. 7 ईदुर मा आव करिया तनिकु वचन कोट्टुन, “जो येनारा नी नानी बेळ्या, ना नीनी कोळाईन.”

8 आक तान मोय इन भळकुसदुर देल ईद अंदुर, “यूहन्ना बपतस्मा कोळावाळा अन्द ताल्ला टाटी दा ईटकु ईगल्या नानी ईल तंदकोळ.”

9 राजा दुखी आदुन, लेकीन तान करिया अन, अदकि सांगुळ कुरावाळेर कारण, आग्या कोट्टुन कि जो ई पोर अंदुर अद कोटकु आगुल. 10 अदकि आव जयलखाना दा लॉकुरी कळुकु यूहन्ना अन्द ताल्ला कळसुस बुट्टुन; 11 अदकि आऊन ताल्ला टाटी दा तनकु आत अदकि पोर इक कोटकु आत, अदरी आक तान मोय इन हात्ती ओतुर. 12 आग यूहन्ना नोर चेलागोळ बंदुर अदकि आऊन लाश इक ओतकु नळसदुर, अदकि होगकु यीशु उक ईद समाचार कोट्टुर.

अईद हजार मंळसागोळी तनिसोद

(मरकुस ६:३०-४४; लूका ९:१०-१७; यूहन्ना ६:१-१४)

13 याग यीशु यूहन्ना अन बारा दा केळदुन, रा आव इवांगा मा येरकु अल टु यातोदारा सुनसान जागा अक, आबना दा होटोदुन. लॉकुर ईद केळकु नगर-नगर टु पैदल अच आऊन हदि आगेदुर.

14 यीशु होटकु ऊंद धोळ्द भीळ नोळदुन अदकि आंदुर मा तरस तदिन, अदकि आंदुरद बमिर मंळसागोळी चंगा माळदुन.

15 याग द्याव आत रा आऊन चेलागोळ आऊन हात्ती बंदकु अंदुर, “ईद सुनसान जागा आद अदकि समय आगेग्याद; लॉकुरी वदि माळकु अन क्ति आंदुर मोह्लागोळ दा होगकु तान साठी ऊमोद कोमुल.”

16 पर यीशु आंदुर से अंदुन, “आंदुरद होगोद जरूरी हैलेच! नीव अच इंदरी तनिली कोळी.”

17 आंदुर आऊन से अंदुर, “ईल नाम हात्ती अईद रोटी अदकि येढ्द मेनगोळी बटिकु मात्त येनु हैलेच.”

18 यीशु अंदुन, “अवरी नान हात्ती ईल तरी.” 19 आग यीशु लॉकुरी काड्डा मा कुरली हेळदुन, अदकि आ अईद रोटीगोळी अदकि येढ्द मेनगोळी हुळदुन; अदकि स्वर्ग दी नोळकु धन्यवाद माळदुन अदकि रोटीगोळी मूरू मूरूकु चेलागोळी कोट्टुन, अदकि चेलागोळ लॉकुरी कोट्टुर. 20 याग सप्पा लॉकुर तनिकु संतुष्ट आगेदुर, रा चेलागोळ मक्कि तुकळागोळ दा टु तुमकु हन्नेळ फुटीगोळी नेगदुर. 21 अदकि तनिवाळेर आर्तेर अदकि चकिोरगोळी बटिकु, अईद हजार मंळसागोळ हात्तीपास ईरोर.

यीशु उन नीर मा नळोद

(मरकुस ६:४५-५२; यूहन्ना ६:१५-२१)

22 आग आव तुरन्त तान चेलागोळी इवांगा मा येरोरसाटी मजबुर माळदुन क्ति आंदुर आऊन से पयला आप्पाटी होटोगुल, आगासताका आव लॉकुरी सार माळ्यान. 23 यीशु लॉकुरी सार माळकु, प्रार्थना माळली अलग पहाळ मा होटोदुन; अदकि द्यावगा आव अल आबना ईरोन. 24 आ समय इवांगा कनिरा टु दुर ईरोद अदकि झील इन न्याड्या दा नीर इन लयर देल लयरगोळ देल ईत्त आत्त आलगाळोद, यतकी आँधी इवांगा अन्द ऊलट ईरोद.

25 अदकि यीशु हुंजकुका अन मुर टु आर मुरा अन दरम्यान झील मा नळुतेला आंदुर हात्ती बंदुन.

26 चेला आऊक झील मा नळुतेला नोळकु घबरूसेदुर. अदकि अनली कुरतुर, “ईव भूत हुन!” अदकि अंज्क इन मारा देल चलिळास कुरतुर.

27 आग यीशु तुरन्त आंदुर से मातगोळी माळदुन अदकि अंदुन, “हमिमत ईटी! ना हुईन, अंजबाळी!”

28 पतरस आऊक उत्तर कोट्टुन, “हे प्रभु, अगर नीच हुय, रा नानी तान हात्ती नीर मा नळुकु बरोद आग्या कोळ.”

29 आव अंदुन, “बा!” आग पतरस इवांगा मा टु ईळुकु यीशु उन हात्ती होगली नीर मा नळुली कुरतुन. 30 पर हवा अक नोळकु अंजेदुन, अदकि याग मुळ्कली कुरतुन रा चलिळासकु अंदुन, “हे प्रभु, नानी ऊळ्स!”

31 यीशु तुरन्त कय वाढुस्कु आऊक हुडुकोडुन अदकि आऊन से अंदुन, “हे अल्पवशिवासी, नी येती शंका माळ्द?”

32 याग आंदुर इवांगा मा येरदुर, रा हवा रूकसेत. 33 ईदुर मा आंदुर जो इवांगा मा ईरोर, आऊक दण्डवत माळकु अंदुर, “खराखुरा, नी परमेश्वर उन पार हुय.”

गन्नेसरत दा रोगीगोळी चंगा माळोद

(मरकुस ६:५३-५६)

34 आंदुर आप्पाटी ईळुकु गन्नेसरत इन भूमी मा पोहचुसदुर. 35 अलेर लॉकुर आऊक अर्त कौडुर अदकि आस-पास इन पुरा प्रदेश दा समाचार कळुदुर, अदकि सब बमिर मंळसागोळी आऊन हात्ती तंदुर, 36 अदकि आऊन से वनिती माळली कुरतुर क्ति आव आंदरी तान कपळा अन्द पल्लाक अच मुट गोळुल; अदकि यास मुंदुर आऊक मुटदुर, आंदुर चंगा आगेदुर.

15

पुर्वजगोळ्द शक्षिा
(मरकुस ७:१-१३)

1 आग यरूशलेम टु थ्वाळासा फरीसी अदकि शास्त्री यीशु उन हात्ती बंदकु अनली कुरतुर,
2 “नीन चेलागोळ पुर्वजगोळ्द परंपरागोळी येती टाल्सतार, कर्नि बनिा कय तोळ्कु रोटी तनितार?”

3 यीशु आंदरी उत्तर कोट्टुन, “नीव भी तान परंपरागोळ कारण येती परमेश्वर उन आग्या टाल्सतीर? 4 यतकी परमेश्वर अंदान, ‘तान आप्प अदकि तान मोय इन आदर माळेत,’ अदकि ‘जो यावारा आप्प या मोय इक बुरा भला अंदान, आऊक कोदकु आदीत.’ 5 लेकीन नीव अनतीर कर्नि अगर यावारा तान आप्प या मोय से अनुल, ‘जो येनारा नीनी नान से लाभ पोहचुस सकोद, अद परमेश्वर उक भेट येरसकु आगोग्याद,’ 6 रा आव तान आप्प उन आदर माळालुन, ईद प्रकार नीव तान परंपरा अन्द कारण परमेश्वर उन वचन टाल्स बुट्टीर. 7 हे कपटीगोळा, यशायाह नीम बारा दा ईद भवषियवाणी खरा अच माळयान.”

8 “ई लॉकुर टुटगोळ देल रा नान आदर माळतार,
लेकीन ईदुर मन नान से दुर ईरतद.

9 अदकि आंदुर बेकार नान उपासना माळतार,
यतकी मंळसागोळ वधीगोळी नयिम शास्त्र बन्सकु कल्सतार.”

अशुध्द माळावाळा मातगोळ
(मरकुस ७:१४-२३)

10 आग यीशु लॉकुरी तान हात्ती कारूकु आंदुर से अंदुन, “केळी, अदकि समसी: 11 जो बाय दा होगतद, अद मंळसा अक अशुध्द माळाल, पर जो बाय टु होळतद, अदा मंळसा अक अशुध्द माळतद.”

12 आग चेलागोळ बंदकु आऊन से अंदुर, “येन नी जान्सत्या कर्नि ईद वचन केळकु फरीसीगोळ्द भावनागोळी ठेस पोहचुस्त?”

13 यीशु उत्तर कोट्टुन, “हर मारर जो नान स्वर्गीय आप्प हचीदलि, कतिकु आदीत. 14 आंदरी होगोळी; आंदुर कुढ्द मार्गदर्शक आर अदकि कुढ्द अगर कुढ्द मंळसा अक हादी तोरसुल, रा येढ्दु मुंदुर खॉदरा दा बदिदार.”

15 ईद केळकु पतरस आऊन से अंदुन, “ईद उदाहरण नामी समजुस बुळ.”

16 यीशु अंदुन, “येन नीव भी ईगासताका ना समझ आईर? 17 येन नीव जान्सालीर कर्नि जो येनारा बाय दा होगतद अद व्हाट्टा दा होगतद, अदकि शरीर टु होट्ट बुळतद? 18 पर जो येनारा बाय दा टु होळतद, अद मन देल होळतद, अदकि अदा मंळसा अक अशुध्द माळतद. 19 यतकी बुरा वचिार, कोननोद, परस्त्रीगमन, व्यभचिार, काळ्लपनी, ख्वाटा गवाही अदकि अपमान मन देल अच होळतद. 20 ईवा हुव जो मंळसा अक अशुध्द माळताव, लेकीन बनिा कय तोळ्द ऊमली कुरोद मंळसा अक अशुध्द माळाल.”

आरुत इन वशिवास
(मरकुस ७:२४-३०)

21 यीशु अल टु होट्टकु, सूर अदकि सैदा अन्द प्रदेश दी होटोदुन. 22 आ प्रदेश टु ऊंद कनानी आरुत होट्टुर, अदकि चळिलासकु अनली कुरतुर, “हे प्रभु! दाऊद उन पारा, नान मा दया माळ! नान पोेर इक दुष्टआत्मा हापाळ सतुसीत्याद.”

23 पर यीशु आकी येनु उत्तर कोटीदील. आग आऊन चेलागोळ बंदकु आऊन से वनिती माळदुर, “ईकी सार माळ, यतकी आक नाम हदि चळिलासतेला बरेत्यार.”

24 आव उत्तर कोट्टुन, “इस्त्राएल इन घराना अन्द काळ्द म्यांडागोळी बटिकु ना यारदु हात्ती कळ्कु आगीदील.”

25 लेकीन आक बंदुर, अदकि यीशु उक प्रणाम माळकु अनली कुरतुर, “हे प्रभु, नान मदत माळ.”

26 आव उत्तर कोट्टुन, “चकिरगोळ्द रोटी हुळकु नायगोळ्द मुंद हाक्कोद उचति हैलेच.”

27 आक अंदुर, “खरा आद प्रभु, पर नायगोळ भी अद चुराचारा तनिताव, जो अऊर्द स्वामीगोळ मेज मा टु बळितद.”

28 ईदुर मा यीशु आकी उत्तर कोट्टुन, “हे आर्त, नीन वशिवास धोळ्द आद. ह्यांग नी चाहसत्या, नीन साठी हांगा आगुल.” अदकि आकनि पोर अदा घळी चंगा आगेदुर.

अनेक रोगीगोळी चंगा माळोद

29 यीशु अल टु गलील इन समुद्र अनूद हात्ती बंदुन अदकि पहाळी मा येरकु कुरतोदुन. 30 आग भीळ इन भीळ आऊंद हात्ती बत्त. आंदुर तान सांगुळ लंगळागोळी, कुढगोळी, मुक्कागोळी, डुण्डागोळी अदकि मात्त हापाळ सा मुंदरी आऊन हात्ती तंदुर, अदकि आंदरी आऊन कालगोळ मा हाक्क बुदुर, अदकि आव आंदरी चंगा माळदुन. 31 याग लॉकुर नोळदुर कि मुक्कागोळ माताळतार, अदकि डुण्डागोळ चंगा आगतार, अदकि लंगळागोळ नळुतार, अदकि कुढ नोळतार रा लॉकुर अचम्भा माळदुर अदकि इस्त्राएल इन परमेश्वर उन बळाई माळदुर.

नाक हजार लॉकुरी तनिसोद

(मरकुस ८:१-१०)

32 यीशु तान चेलागोळी हात्ती कारूकु आंदुर से अंदुन, “नानी ई भीळ मा हापाळ दया बरेत्याद, यतकी आंदुर मुर दनि टु नान सांगुळ आर अदकि आंदुर हात्ती येनु तनिली हैलेच. ना आंदरी उपासा सार माळोद चाहसालीन, ईलारा हगि आगबाळुल कि आंदुर हादी मा थक्सकु ईतोगुल.”

33 चेलागोळ आऊन से अंदुर, “नामी ई आळी दा यल टु ईस रोटीगोळ सकियाव कनिाव ईट धोळ्द भीळ इक संतुष्ट माळेव?”

34 यीशु आंदुर से केळदुन, “नीम हात्ती यास रोटीगोळ आव?” आंदुर अंदुर,

“येळ, अदकि थ्वाळासा स्याणेव मेनगोळ.”

35 आग यीशु लॉकुरी ल्यालमा कुरोद आग्या कोट्टुन. 36 अदकि आ येळ रोटीगोळी अदकि मेनगोळी हुळदुन, धन्यवाद माळकु मुरदुन, अदकि तान चेलागोळी कोळतोदुन, अदकि चेलागोळ लॉकुरी. 37 ईद प्रकार देल सप्पा तनिकु संतुष्ट आगेदुर अदकि चेलागोळ मगिद तुकळागोळ दा टु येळ फुट्टी नेगदुर. 38 तनिावाळेर आर्तेर अदकि चकिरी बटिकु नाक हजार मंळसा ईरोर.

39 याग आव भीळ इक सार माळकु ड्वांगा मा येरेदुन, अदकि मगदन प्रदेश दा बंदुन.

16

स्वर्गीय चनिह अनूद मांग

(मरकुस ८:११-१३; लूका १२:५४-५६)

1 *फरीसीगोळ अदकि सडूकीगोळ हात्ती बंदकु यीशु उक परखुसोर साठी आऊन से अंदुर, “नामी स्वर्ग इन येनारा तरी चमत्कार इन चनिह तोरस.”

2 यीशु आंदरी उत्तर कोट्टुन, “दयावमुळका अक नीव अनतीर, भौसम वळ्ळीद ईत्तीत, यतकी आकाश क्याचांद आद,’ 3 अदकि व्हातर्या अक अंतीर, ‘ईद आंधी बंदीत, यतकी आकाश क्याचांद अदकि करीद आद.’ नीव आकाश इन लक्षण नोळकु हवामान इन अंदाजा हच सकतीर, पर समय इन चनिह अन अंदाज येती हच सकालीर? 4 *ई युग इन बेकार मंळसा अदकि व्यभचिारी लॉकुर चनिह दुंदसतार, पर योना अनूद चमत्कार इन चनिह अक बटिकु आंदरी मात्त यातोदु चनिह कोटकु आगतीदिल.” अदकि यीशु आंदरी बटिकु होटोदुन.

फरीसीगोळ अदकि सडूकीगोळ्द शक्शा अनूद खमीर

(मरकुस ८:१४-२१)

5 चेलागोळ झील इन आप्पाटी पोहचुसदुर, पर आंदुर रोटी हुडोद मारतोगीदुर. 6 *यीशु आंदुर से अंदुन, “नोळी, फरीसीगोळ अदकि सडूकीगोळ्द खमीर देल सावधान ईरेतीर.”

7 आंदुर आपस दा मातचीत माळली कुरतुर, “नाव रोटी तंददिल अनकु आव हगि अनेत्यान.”

8 ईद जानसकु, यीशु आंदुर से अंदुन, “हे अल्पवश्वासीगोळा, नीव आपस दा यती वचिर माळतीर कनि नाम हात्ती रोटी हैलेच? 9 *येन नीव ईगासताका समसीदील? येन नीमी आ अईद हजार इन अईद रोटीगोळ याद हैलेच, अदकि ना ईद कनि नीव यास फुटीगोळ नेगददीर? 10 *अदकि ना आ नाक हजार लाँकुर साटी येळ रोटीगोळ, अदकि ना ईद कनि नीव यास फुटीगोळ नेगददीर? 11 नीव यती समसालीर कनि ना नीम से रोटीगोळ बारा दा अंददिल, लेकीन ईद कनि नीव फरीसीगोळ अदकि सद्कीगोळ खमीर देल सावधान ईरेतीर.”

12 आग आंदुर समझ दा बत्त कनि आव रोटी इन खमीर देल ईला, पर फरीसीगोळ अदकि सद्कीगोळ्द शकिषा देल सावधान ईरली हेळीदुन.

पतरस उन यीशु उक मसीह स्वीकार माळोद

(मरकुस ८:२७-३०; लूका ९:१८-२१)

13 यीशु कैसरिया फलिप्पी इन प्रदेश दा बंदुन, अदकि तान चेलागोळ से केळली कुरतुन, “लाँकुर मळसा अन पार उन बारा दा येन अनतार?”

14 *आंदुर अंदुर, “यारारा यूहन्ना बपतस्मा कोळावाळा अंतार, अदकि यारारा एलिय्याह, अदकि यारारा यरिमयाह या भवषियवक्तागोळ दा टु ऊंद यावारा अंतार.”

15 यीशु आंदुर से अंदुन, “लेकीन नीव नानी येन अंतीर?”

16 *शमौन पतरस उत्तर कोट्टुन, “नी जत्तिता परमेश्वर उन पार मसीह हुय.”

17 यीशु आऊक उत्तर कोट्टुन, “हे शमौन, योना अन्द पारा, नी धन्य आय; यतकी मास अदकि खुन देल ईला, लेकीन नान आप्प जो स्वर्ग दा आन, ईद मात नीन मा प्रगट माळ्यान. 18 अदकि ना भी नीन से अनतीन कनि नी पतरस हुय, अदकि ना ईद कल्ल मा तान मंडली माळाईन, अदकि अधोलोक इन फाटक अदुर मा प्रबल आगतीदील. 19 *ना नीनी स्वर्ग इन राज्य इन चाबीगोळ कोळाईन: अदकि जो येनारा नी धरती मा कट्टया, अद स्वर्ग दा कट्टीत; अदकि जो येनारा नी पृथ्वी मा खोलसया, अद स्वर्ग दा खुलसीत.”

20 आग यीशु चेलागोळी चेतावनी कोट्टुन कियारदु से अनबाळेतीर कनि ना मसीह हुईन.

तान सायोद बारा दा यीशु उन भवषियवाणी

(मरकुस ८:३१-३३; लूका ९:२२)

21 आ समय टु यीशु तान चेलागोळी हेळली कुरतुन, “जरूरी आद कनि ना यरूशलेम इक होगईन अदकि पुरनियों, अदकि प्रधान याजकगोळ, अदकि शास्त्रीगोळ कय देल हापाळ दुख नेगाईन; अदकि कांदकु आगाईन; अदकि मुर दनि इन बाददा जत्तिता आगाईन.”

22 इदुर मा पतरस यीशु उक अलग दनकुसकु अंदुन, “हे प्रभु, परमेश्वर माळबाळुल! नीन सांगुळ हगि यागलु आगतीदील.”

23 यीशु तरिगकु पतरस से अंदुन, “हे शैतान, नान मुंद टु दुर आग! नी नान साटी ठोकर इन कारण आय; यतकी नी परमेश्वर उन मातगोळ मा ईला, लेकीन मळसा अन मातगोळ मा मन हचत्त्या.”

यीशु उन हदि नळोद मतलब

(मरकुस ८:३४-९:१; लूका ९:२३-२७)

24 *आग यीशु तान चेलागोळ से अंदुन, “अगर यावारा नान हदि बरोद चाहासतान, रा तान तान इन इनकार माळुल अदकि तान कूस नेगुल, अदकि नान हदि आगोगुल. 25 *यतकी जो यावारा तान जीव ऊळसोद चाहास्यान, आव अदरी खोऊस्यान; अदकि जो यावारा नान साटी तान जीव खोऊस्यान, आव अदरी हासलि माळ्यान. 26 अगर मळसा पुरा दुनया अक हासलि माळ्यान, अदकि तान जीव इन हानि नेगदान, रा आऊक येन लाभ आदीत? या मळसा तान जीव इन बदला येन कोट्टान? 27 *मळसा अन पार तान स्वर्गदूतगोळ सांगुळ तान आप्प उन महमा दा बंदान, अदकि आ समय ‘आ हर ऊंद मळसा अक आऊन क्याल्सा अन्द अनुसार प्रतफिल कोट्टान.’

* 16:9 १६:९ मत्ती १४:१७-२१ * 16:10 १६:१० मत्ती १५:३४-३८ * 16:14 १६:१४ मत्ती १४:१,२; मरकुस ६:१४,१५; लूका ९:७,८ * 16:16 १६:१६ यूहन्ना ६:६८,६९ * 16:19 १६:१९ मत्ती १८:१८; यूहन्ना २०:२३ * 16:24 १६:२४ मत्ती १०:३८; लूका १४:२७ * 16:25 १६:२५ मत्ती १०:३९; लूका १७:३३; यूहन्ना १२:२५ * 16:27 १६:२७ मत्ती २५:३१; रोमियों २:६

28 ना नीम से खरा माताळतीन कि जो इल नदिरकु आर, आंदुर दा टु यारारा हगि आर कि आंदुर यागासताका मंळसा अन पार उक आऊन राज्य दा बरत नोळतीदलि, आगासताका मृत्यु उन स्वाद यागलु नेकतीदलि.”

17

यीशु उन रूप बदलुसोद

(मरकुस ९:२-१३; लूका ९:२८-३६)

1 आर दनि इन बाददा यीशु पतरस अदकि याकूब अदकि आऊन वार्ट यूहन्ना अक सांगुळ हुळदुन, अदकि आंदरी आबना दा यातोदारा ऊंचा पहाळ मा ओतुन. अदकि आंदुर अलावा अल याऊ ईला ईरोन. 2 अल आंदुरद मुंद यीशु उन रूप बदलुसेत, अदकि आऊन बाय सुर्य अन्द घाई चमकुस्त अदकि आऊन कपळा ज्योत इन घाई उजुळ आगेदव. 3 अदकि मूसा अदकि एलयियाह आऊन सांगुळ मातगोळ हेळतेला आंदरी कांळसदुर. 4 इदुर मा पतरस यीशु से अंदुन, “हे प्रभु, नाम ईल ईरोद ठीक आद. अगर नीन इच्छा आद रा ना इल मुर हांद्रा माळाईन; ऊंद नीन साटी, ऊंद मूसा अन साटी, अदकि ऊंद एलयियाह अन साटी.”

5 ✨यीशु माताळतेला अच ईरोन कि ऊंद उजला बादल आंदरी झाक्स बुळत, अदकि आ बादल दा टु ईद शब्द होळत: “ईव नान प्रयि पार हुन, ईऊन से ना खुश आईन: ईऊन केळी.”

6 चेलागोळ ईद केळकु बाय इन भार देल बदिदुर अदकि हापाळ अंजेदुर. 7 यीशु हात्ती बंदकु आंदरी मुटदुन, अदकि अंदुन, “येळी, अंजबाळी.” 8 आग आंदुर तान कण्णगोळ नेगदुर अदकि यीशु उक बटिकु अदकि यारीकु नोळीदील.

9 याग आंदुर पहाळी मा टु ईळा होती यीशु आंदरी ईद आग्या कोट्टुन, “यागासताका मंळसा अन्द पार सोत्तुर दा टु जत्ता आगालुन, आगासताका जो येनारा नीव नोळीर यारीकु हेळबाळेतीर.”

10 इदुर मा यीशु उन चेलागोळ आऊन से केळदुर, “बाक शास्त्री यती अनतार कि एलयियाह अन्द पयले बरोद जरूरी आद?”

11 यीशु उत्तर कोट्टुन, “एलयियाह जरूर बंदान, अदकि सप्पा येनारा सुधूस्यान. 12 ✨लेकीन ना नीम से अनतीन कि एलयियाह होटबंदुन, अदकि लाँकुर आऊक अरतीदलि; लेकीन ह्यांग चाहासदुर हांग अच आऊन सांगुळ माळदुर. ईदा रीतदिल मंळसा अन्द पार भी आंदुरद कय देल दुख नेगदान.”

13 आग चेलागोळ समसदुर कियीशु नाम से यूहन्ना बपतस्मा कोळावाळा अन्द बारा दा अंदुन.

दुष्टआत्माग्रस्त पार उक चंगा माळोद

(मरकुस ९:१४-२९; लूका ९:३७-४३)

14 याग आंदुर भीळ इन हात्ती पोहचुसदुर, रा ऊंद मंळसा यीशु उन हात्ती बंदुन, अदकि ट्वांगारा टेकसकु अनली कुरतुन, 15 “हे प्रभु, नान पार उन मा दया माळ! यतकी आऊक मरिगी बरतद, अदकि आव हापाळ दुख नेगुतान; अदकि घळी-घळी बेक्की दा अदकि घळी-घळी नीर दा बीळतोगतान. 16 ना तान पार उक नीन चेलागोळ हात्ती तंददीन, पर आंदुर आऊक चंगा माळ सकदील.”

17 यीशु अंदुन, “हे अवशिवासी अदकि हठीला लाँकुरगोळा, ना यागासताका नीम सांगुळ ईराइन? यागासताका नीमद सहन माळाईन? आ पार उक ईल नान हात्ती तरी.” 18 आग यीशु दुष्टआत्मा अक आग्या कोट्टुन, अदकि अद आऊन दा टु होट बुळत; अदकि पार अदा घळी चंगा आगेदुन.

19 आग चेलागोळ आबना दा यीशु उन हात्ती बंदकु अंदुर, “नाव आ दुष्टआत्मा अक यती तेगु सकदील?”

20 ✨यीशु आंदुर से अंदुन, “तान वशिवास इन कमी इन कारण, यतकी ना नीम से खरा अनतीन, अगर नीमद वशिवास राई इन दाना अन बराबर भी आद, रा ईद पहाळी से अन सककीर, ईल

✨ 17:5 १७:५ मत्ती ३:१७; १२:१८; मरकुस १:११; लूका ३:२२ ✨ 17:5 १७:५ २ पतरस १:१७,१८ ✨ 17:12 १७:१२ मत्ती ११:१४ ✨ 17:20 १७:२० मत्ती २१:२१; मरकुस ११:२३; १ कुरन्थि १३:२

टु सरकुसकु अल होटोग, रा अद होटोदीत; अदकि यातोदु मात नीम साटी असंभव ईरतीदील.
21 लेकीन ईव दुष्टआत्मागोळ प्रार्थना अदकि उपास इन अलावा यातोदु उपाय देल होळालव.*

तान सायोद बारा दा यीशु उन मातूत: भवषियवाणी
(मरकुस ९:३०-३२; लूका ९:४३-४५)

22 याग आंदुर गलील क्षेत्र दा ईरोर, रा यीशु आंदुर से अंदुन, “ना मंळसा अन पार मंळसागोळ्द कय देल हुळसुसकु आगाईन अदकि सौप्सकु आगाईन; 23 अदकि आंदुर आऊक कोंद बुट्टार, अदकि आव तीसरा दशी जत्तिता आदान.” ई मात मा चेलागोळ हापाळ उदास आदुर.

सभागृह अन कर

24 याग यीशु अदकि आऊन चेलागोळ कफरनहूम दा पोहचुसदुर, रा सभागृह अन कर ताकोमावाळेर पतरस उन हात्ती बंदकु केळली कुरतुर, “येन नीम गुरु सभागृह अन कर कोळालुन?”

25 पतरस अंदुन, “हव, कोळतान.”

याग आव मान्या बंदुन, रा यीशु आऊन केळा पयले अच आऊन से अंदुन, “हे शमौन, नी येन सोचत्या? पृथ्वी इन राजा महसूल या कर यार से ताकोमतार? तान चकिोर से या परायागोळ से?”

26 पतरस आऊन से अंदुन, “परायागोळ से.” यीशु आऊन से अंदुन, “आग अच रा चकिोर कर कोळदुर देल ऊळ्दोदुर. 27 तरी भी इदुरसाटी कानाव आंदरी ठोकर तनिसतीदील, नी समुद्र अनूद कनिरा मा होगकु गरी हाक, अदकि जो मेन पयले होट्टीत, अदरी हुडु; अदुरद बाय तेरदुर मा नीनी ऊंद सकिका सकिकीत, अदरी का हुडुकु नान अदकि तान कर आंदरी कोटबुळत.”

18

स्वर्ग इन राज्य दा धोड्डेव याव?
(मरकुस ९:३३-३७; लूका ९:४६-४८)

1 *अदा घळी चेलागोळ यीशु उन हात्ती बंदकु केळली कुरतुर, “स्वर्ग इन राज्य दा धोड्डेव याव आन?”

2 इदुर मा यीशु ऊंद पार उक हात्ती कारूकु आंदुरद न्याड्या दा नीदूरसदुन, 3 *अदकि अंदुन, “ना नीम से खरा अनतीन कानागासताका नीव बदलुसालीर अदकि चकिोर घाई बनसालीर, नीव स्वर्ग इन राज्य दा प्रवेश माळ सकालीर. 4 जो यावारा तान तान इक ई पार उन घाई स्याणेव माळ्यान, आव स्वर्ग इन राज्य दा धोड्डेव आदान. 5 अदकि जो यावारा नान हेसुर देल ऊंद हगि पार उक ग्रहण माळतान आव नानी ग्रहण माळतान.

पाप माळोद परीक्षा
(मरकुस ९:४२-४८; लूका १७:१,२)

6 “पर जो यारारा ई स्याणेर दा टु जो नान मा वशिवास माळतार ऊंद मंळसा अक ठोकर तनिस्यार, आऊन साटी भला आगाईत काना धोळ्द चक्की इन पट्टा आऊन कुतक्या दा लटकुसकु आगाईत, अदकि आऊक खोल समुद्र दा मुळकुसकु आगाईत. 7 ठोकरगोळ्द कारण दुनया मा हाय! ठोकरगोळ्द हत्तोद जरूरी आद; पर हाय आ मंळसा मा यार्द कारण ठोकर हततद.

8 *अगर नीन कय या नीन काल नीनी ठोकर तनिस्याव, रा अवरी कळकु भटिबुळ; डुण्डा या लंगळा आगकु जीवन दा प्रवेश माळोद नीन साटी इदुर से वळ्लीद आद कियेदद कय या येदद काल ईतकु नी अननूत बेक्की दा हाक्कु आगाईद. 9 *अगर नीनव कण्णगोळ नीनी ठोकर तनिस्याव, रा अवरी तेगुकु भटिबुळ; कुदद आगकु जीवन दा प्रवेश माळोद नीन साटी इदुर से वळ्लीद आद काना येदद कण्ण ईतकु नी नरक इन बेक्की दा हाक्कु आगाईद.

काळ्द म्यांडागोळ्द उदाहरण
(लूका १५:३-७)

* 17:21 १७:२१ ईद वचन दस्तावेज दा सकाल ✨ 18:1 १८:१ लूका २२:२४ ✨ 18:3 १८:३ मरकुस १०:१५; लूका १८:१७
✨ 18:8 १८:८ मत्ती ५:३० ✨ 18:9 १८:९ मत्ती ५:२९

10 *नीव ई स्याणेर दा टु यारीकु तुच्छ जानसबाळेतीर; यतकी ना नीम से अनतीन कि स्वरग दा आंदुर स्वरगदूत नान स्वरगीय आप्प उन मार्रा हमेशा नोळतार. 11 यतकी मंळसा अनंद पार काळद मंळसागोळी उळसली बंदान.

12 “नीव येन सोचतीर? अगर यावारा मंळसा अनंद सौ म्यांडागोळ आव, अदकि अदुरदा टु ऊंद भटकुसेगुल, रा येन आव ननियानबे अक बटिकु, अदकि पहाळीगोळ मा होगकु, आ भटकुसुद म्यांडा अक दुँदसतीदलि? 13 अदकि अगर हगि आत कि अद आऊक सकित, रा ना नीम से खरा माताळतीन कि आव आ ननियानबे म्यांडागोळ साटी जो भटकुसकु ईला ईरव, आट खुश आगतीदील याट कि ई म्यांडा अनंद साटी आदान. 14 हगि अच नीम आप्प उन जो स्वरग दा आन ईद इच्छा हैलेच कि ई स्याणेर दा टु ऊंद भी नाश आगुल.

वारटुर अदकि आकतगिर्द पाप

15 *अगर नीन वारट नीन खलिाप अपराध माळुल, रा होग अदकि आबना दा मातचीत हेळकु आऊक समजुस; अगर आव नींद केळ्यान रा नी तान वारट उक हासलि माळ कोड. 16 अगर आव केळालुन, रा ऊंद या येदद मुंदरी तान सांगुळ मातत वोय, कि हर ऊंद मात येदद या मुर गवाहगोळद बाय देल नश्चिति माळोद आगुल. 17 अगर आव आंदुरद भी केळालुन, रा मंडली से अंदकोम, लेकीन अगर आव मंडली अन भी केळालुन रा नी आऊक गैरयहूदी अदकि कर ताकोमावाळेर घाई मानस कोम.

रोकसोद अदकि मौका कोळोद

18 *ना नीम से खरा माताळतीन, जो येनारा नीव पृथ्वी मा कट्टीर, अद स्वरग दा कट्टीत अदकि जो येनारा नीव धरती मा कट्टया, अद स्वरग दा खुलसीत. 19 बाक ना नीम से अनतीन, अगर नीम दा टु येदद मुंदुर पृथ्वी मा यातोदारा मात इन साटी ऊंद मन आगकु अदरी बेळीर, रा अद नान आप्प उन दी टु जो स्वरग दा आन, आंदुरद साटी आगेदीत. 20 यतकी येल येदद या मुर मुंदुर नान हेसुर मा जमा आगतार, अल ना आंदुर न्याड्या दा ईरतीन.”

नरिदयी सेवक उन उदाहरण

21 *आग पतरस हात्ती बंदकु यीशु से अंदुन, “हे प्रभु, अगर नान वारट अपराध माळतेला ईततान, रा ना यास अनली आऊक माफ माळाईन? येन येळ घन ताका?”

22 यीशु आऊन से अंदुन, “ना नीन से ईद अनालीन कियेळ घन ताका लेकीन येळ घन इन सत्तर गुणा ताका.”

23 “इदुरसाटी स्वरग इन राज्य आ राजा अनंद घाई आद, याव तान दासगोळ से हसिब ताकोमोद चाहासदुन. 24 याग आव हसिब ताकोमली कुरतुन, रा ऊंद मंळसा आऊन मुंद तनकु आदुन जो करोळो नव करजदार ईरोन. 25 याग आऊन हात्ती पैस्या खणुळसली येनु ईला ईरोद, रा आऊन स्वामी अंदुन, ‘ईव अदकि ईऊन हगिस अदकि चकिोर चणिग अदकि जो येनारा ईऊन आद सप्पा मारकु आगुल, अदकि करज तुमकु आगुल.’ 26 इदुर मा आ दास बदि कु आ स्वामी इक प्रणाम माळदुन, अदकि अंदुन, ‘हे स्वामी धीरज हुडु, ना सब कुछ तुम बुळाईन.’ 27 आग आ दास उन स्वामी तरस तनिकु आऊक बटि बुट्टुन, अदकि आऊन करजा भी माफ माळ बुट्टुन.

28 “लेकीन याग आव दास व्हार्या होट्टुन, रा आऊन संगी दासगोळ दा टु ऊंद आऊक सकिदुन जो आऊन सौ दीनार इन करजदार ईरोन; आव आऊक हुडुकु आऊन कुतक्या ओतदुन अदकि अंदुन, ‘जो येनारा नीन मा करज आद तुमकोम.’ 29 इदुर मा आऊन संगी दास बदि कु आऊन से वनिती माळली कुरतुन, ‘धीरज हुडु, ना सब तुम बुळाईन.’ 30 आव मानसदिलि, लेकीन होगकु आऊक बंदीगृह दा हाक बुट्टुन कियेगासताका करज तुम कोमालुन, आगासताका अल्या ईरुल. 31 आऊन संगी दास ईद जो आगीत नोळकु हापाळ उदास आदुर, अदकि होगकु तान स्वामी इक पुरा हाल हेळ बुट्टुर. 32 आग आऊन स्वामी आऊक कारूकु आऊन से अंदुन, ‘हे दुष्ट दास, नी जो नान से वनिती माळद, रा ना नींद अद पुरा करज माफ माळदीन. 33 इदुरसाटी ह्यांग ना नीन मा दया माळदीन,

हांग अच नीनी भी तान संगी दास मा दया ईला माळोद हुन? 34 अदकि आऊन स्वामी गुस्सा दा बंदकु आऊक सजा कोळावाळेरद कय दा सौप्स बुट्टुन, कि यागासताका आव पुरा करज तुम कोमालुन, आगासताका आंदुरदा कय दा ईरूल.

35 “ईदा प्रकार अगर नीम दा टु हर ऊंद तान वार्ट उक मन देल माफ माळ्यान, रा नान आप्प जो स्वर्ग दा आन, नीम से भी हांग अच माळ्यान.”

19

छोळचट्टी इन बारा दा यीशु उन शक्तिषा
(मरकुस १०:१-१२)

1 याग यीशु ईव मातगोळ अंद कौडुन, रा गलील टु होटोदुन; अदकि यरदन गांगा अन्द आप्पाटी यहूदिया अन्द प्रदेश दा बंदुन. 2 आग धोळद भीळ यीशु उन हदि आगेत, अदकि आव अल आंदरी चंगा माळदुन.

3 आग फरीसी आऊन परीक्षा माळोर साटी हात्ती बंदकु अनली कुरतुर, “येन यातोदारा भी कारण देल तान हगिस् उक छोळ चट्टी कोळोद उचति आद?”

4 यीशु आंदरी उत्तर कोट्टुन, “येन नीव शास्त्र दा वाचुसीदील कि याव आंदरी माळ्यान, आव सुरूवात टु गंळस अदकि आर्त इन रूप दा माळदुन, 5 अदकि अंदुन, ‘इदुरसाटी मंळसा तान मोय-आप्प उक बटिकु तान हगिस् उन सांगुळ ईततान अदकि आंदुर येदुदु मुंदुर ऊंद तन आदार.’* 6 इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मंळसा अलग माळबाळुल.”

7 *आंदुर यीशु से अंदुर, “बाक मूसा ईद यती ठहूसदुन कि छोळचट्टी कोटकु तान हगिस् उक बटि बुळी?”

8 यीशु आंदुर से अंदुन, “मूसा नीम मन इन कठोरता अन्द कारण नीमी तान-तान हगिस् उक बटि बुळोद आग्या कोटीदुन, लेकीन सुरूवात टु हगि ईला ईरोद. 9 *अदकि ना नीम से अनतीन, कि जो यावारा व्यभचार इक बटिकु अदकि याता कारण देल तान हगिस् उक त्यागस्कु दुसरा अन सांगुळ मदा माळुल, रा आव व्यभचार माळतान; अदकि जो आ बटिकु आर्त से मदा माळुल, रा आव भी व्यभचार माळतान.”

10 चेलागोळ यीशु से अंदुर, “अगर गंळस उन आर्त इन सांगुळ हगि संबंध आव, रा मदा माळोद वळलीद हैलेच.”

11 यीशु आंदुर से अंदुन, “सब मदा अन बनिा ईर सकालुर, सर्फि आंदुर यारीक ईद दान कोटकु आग्याद. 12 यतकी यारारा नपुंसक हगि आर, जो मोय इन व्हाट्या टु उच हगि पैदा आग्यार; अदकि यारारा नपुंसक हगि आर, यारी लॉकुर नपुंसक माळ्यार; अदकि यारारा हगि आर, यार स्वर्ग इन राज्य अन्द साटी तान तान इक नपुंसक माळ्यार. जो इदरी ग्रहण माळ सकतान, आव ग्रहण माळुल.”

चकिोरगोळी आशरिवाद
(मरकुस १०:१३-१६; लूका १८:१५-१७)

13 आग लॉकुर चकिोर इक यीशु उन हात्ती तंदुर कि आव आंदुर मा कय ईटुल अदकि प्रार्थना माळुल, पर चेलागोळ लॉकुरी दनकुसदुर. 14 यीशु अंदुन, “चकिोरी नान हात्ती बरगोळी, अदकि आंदरी मना माळबाळी, यतकी स्वर्ग इन राज्य हगि अच चकिोर्द हुन.”

15 अदकि यीशु आंदुर ताल्ला मा कय ईटकु आंदरी आशरिषित माळदुन अदकि अल टु होटोदुन.

धनी मंळसा
(मरकुस १०:१७-३१; लूका १८:१८-३०)

16 ऊंद धनी मंळसा यीशु उन हात्ती बंदुन अदकि आऊन से अंदुन, “हे गुरु, ना यातोद वळलीद क्याल्सा माळाईन कि नानी अनन्त जीवन सकिल?”

17 यीशु आऊन से अंदुन, “नी नान से भलाई इन बारा दा यती केळत्या? भला रा ऊन्दा आद, पर अगर नी जीवन दा प्रवेश माळोद चाहासत्या, रा आग्यागोळी मान्सतोग.”

18 आव यीशु से अंदुन, “यातव आग्यागोळ?”

यीशु अंदुन, “ईद कियारीकारा कोन्न बाळी, व्यभचारि माळबाळी, काळपनी माळबाळी, खाटा गवाही कोळबाळी, 19 तान आप्प अदकि तान मोय इन आदर माळी, अदकि तान मान्ना हातळोर से तान घाई प्यार ईटी.”

20 आ हारोदव मळसा आऊन से अंदुन, “ई सब रा ना मानसीन; ईग नान दा याता मात इन कमी आद?”

21 यीशु आऊन से अंदुन, “अगर नी सदिध आगोद चाहसत्या रा होग, तान माल मारकु कंगालगोळी कोळ, अदकि नीनी स्वर्ग दा धन सकिकीत; अदकि बंदकु नान हदि आगोग.”

22 लेकीन आव हारोदव मळसा ईद मात केळकु उदास आगकु होटोदुन, यतकी आव हापाळ धनी ईरोन.

23 आग यीशु तान चेलागोळ से अंदुन, “ना नीम से खरा अनतीन कियेनवान मळसा अन स्वर्ग इन राज्य दा प्रवेश माळोद मुश्कलि आद. 24 नीन से मात्त अनतीन कियेपरमेश्वर उन राज्य दा धनवान उन प्रवेश माळदुर देल ऊँट इन मुग्ग इन खाँदरा दा टु चुजी होटबुळोद आसान आद.”

25 ईद केळकु चेलागोळ हापाळ चकति आगकु अंदुर, “बाक यार्द उद्धार आग सकतद?”

26 यीशु आंदुर दी नोळकु अंदुन, “मळसागोळ से रा ईद आगसकाल, लेकीन परमेश्वर से सब कुछ आग सकतद.”

27 इदुर मा पतरस आऊन से अंदुन, “नोळ, नाव रा सप्पा येनारा बटिकु नीन हदि आगीदेव: रा नामी येन सकिकीत?”

28 यीशु आंदुर से अंदुन, ना नीम से खरा अनतीन कियेव्हाशोद सृष्टी दा याग मळसा अनद पार तान महिमा अनद सहिसन मा कुरतान, रा नीव भी जो नान हदि आगेगीर, हन्नेळ सहिसनगोळ मा कुरतकु इस्त्राएल इन हन्नेळ वंशगोळद न्याय माळीर. 29 अदकि जो यावारा नान साटी तान मान्नागोळ, या वार्दुर, या आकतीगेर, या आप्प, या मोय, या चकिोर-चणिगेर, या केईगोळी नान हेसुर साटी बटि बुटान, आऊक सौ गुणा सकिकीत, अदकि आव अनन्त जीवन इन अधिकारी आदान. 30 लेकीन हापाळ मुंदुर जो पयला आर, हदिळोर आदार; अदकि जो हदिळोर आर, आंदुर पयला आदार.

20

अंगुर इन बेली इन कयाल्सा माळावाळेर उदाहरण

1 “स्वर्ग इन राज्य यातोवारा मान्नावाळा अन घाई आद, जो व्हातर्या होटदुन कियेतांद अंगुर इन बेली दा मजदूरगोळी कयाल्सा मा हचुल. 2 आव मजदूरगोळी प्रती ऊंद मळसा अक ऊंद दीनार रोजी मा ईददुन अदकि आंदरी तान अंगुर इन बेली दा कळुदुन. 3 व्हातर्या अक लगभग ऊंमवत मुरा आव व्हातर्या होटदुन रा दुसरा लॉकुरी सात्ता दा बेकार नदिरुत नोळकु, 4 अदकि आव आंदुर से अंदुन, ‘नीव भी अंगुर इन बेली दा होगी, अदकि जो येनारा वळलीद आद, नीमी कोळाईन.’ अदकि आंदुर भी होटोदुर. 5 आग आ लॉकुर भी होटोदुर बाक हन्नेळ मुरा अदकि मुर मुरा अन हात्तीपास आव व्हातर्या होटकु हांग अच माळदुन. 6 अईद मुरा आव मात्त व्हातर्या होटकु दुसरा अक नदिरुत नोळदुन, अदकि आंदुर से अंदुन, ‘नीव यती हागुल तीम बेकार नदिरुत ईरतीर?’ 7 आंदुर आऊन से अंदुर, ‘इदुरसाटी कियेऊ नामी कयाल्सा मा हचीदलि.’ आव आंदुर से अंदुन, ‘नीव भी नान अंगुर इन बेली दा होगी.’”

8 “दयावमुळका अंगुर इन बेली इन स्वामी तान मुनीम से अंदुन, ‘कयाल्सा माळावाळेर इक कारूक आखरी मजदूर हात्ती टु पयला मजदूर ताका आंदरी मजदूरी कोटबुळ.’ 9 कम से कम अईद मुरा जो कयाल्सा मा हचकु आगीदुर रा आंदरी ऊंद ऊंद दीनार सकित. 10 जो पयले बंदीदुर आंदुर ईद सम्सदुर कियेनामी यक्कुल सकिकीत, लेकीन आंदरी भी ऊंद ऊंद दीनार अच सकित. 11 याग आंदरी ऊंद दीनार सकित रा ईद अनकु केईवाळा मा बळबुळसकु अनली कुरतुर, 12 ई जो बाददा

बंदार ईदुर रा ऊंद घंटा अच कयालसा माळदुर, अदकि नी आंदरी भी नाम बराबर रोजी कोट, यार हागुल तीम ओझा नेगदुर अदकि बसिल झेल्सदुर.’”

13 आव आंदुर दा टु ऊंद मळसा अक उत्तर कोट्टुन, “हे संगी, ना नीन सांगुळ येनु अन्याय माळालीन. येन नी नान सांगुळ ऊंद दीनार इन मजदूरी पक्का ईला माळीद? 14 जो नींद आद, नेगु कोम अदकि होटोग; नान इच्छा ईद आद कयाट नीनी कोटीन आट अच ई हदिळावाळा अक भी कोळाईन. 15 येन ईद उचति हैलेच काना तान माल से जो चाहसाईन अद माळाईन? येन नान भला ईरोद नीन कण्णगोळी नळतद? 16 *ई प्रकार देल जो हदिळोर आर, आंदुर पयले आदार; अदकि जो पयले आर, आंदुर हदिळोर आदार.”

तान सायोद बारा दा यीशु उन तीसरा भवषियवाणी
(मरकुस १०:३२-३४; लूका १८:३१-३४)

17 यीशु यरूशलेम इक होगोहोती हन्नेळ चेलगोळी आवना दा ओतुन, अदकि हादी मा आंदुर से अनली कुरतुन, 18 “नोळी, नाव यरूशलेम इक होगीतेव; अदकि मळसा अन पार प्रधान याजकगोळ अदकि शास्त्रीगोळद कय दा हुळसुस्कु आदान, अदकि आंदुर आऊक मृत्यु इन लायक ठहरूस्यार. 19 अदकि आंदुर आऊक गैरयहूदीगोळ कय दा सोपस्यार कान आंदुर आऊन मज्याक हारसुल, अदकि क्वाळा बडुल, अदकि कूस मा येरसुल, अदकि आव तसिरा दनि जतिता आदान.”

ऊंद मोय इन वनिती
(मरकुस १०:३५-४५)

20 आग जब्दी इन पारगोळद मोय, तान पारगोळ सांगुळ यीशु उन हात्ती बंदकु प्रणाम माळदुर, अदकि आऊन से येनारा तरी बेळली कुरतुर.

21 यीशु आकनि से अंदुन, “नी येन चाहासत्या?”

आक आऊन से माताळदुर, “ईद वचन कोळ कानानोर ई येद्व चकिोर नीन राज्य दा ऊंद नीन ऊमा कय अदकि ऊंद नीन डाक्या कय दी कुरतार.”

22 यीशु उत्तर कोट्टुन, “नीव जान्सालीर कयानेन बेळेतीर. येन नीव अद प्याला कुडू सकतीर यदरी ना कुडोर मा आईन?”

आंदुर आऊन से अंदुर, “कुडू सकतेव.”

23 आव आंदुर से अंदुन, “नीव नान प्याला रा कुळदीर, पर तान ऊमा कय अदकि डाक्या कय दी यारीकारा कुरसोद नान कयालसा आलच, लेकीन यार्द साटी नान आप्प उन दी टु तयार माळकु आग्याद, आंदुर दा साटी हुन.”

24 ईद केळकु हत्त चेलगोळ आ येद्व वार्दुर मा नाराज आदुर. 25 *यीशु आंदरी हात्ती कारूकु अंदुन, “नीव जानसतीर कान गैरयहूदीगोळ हाकमि आंदुर मा वशिवास माळतार; अदकि जो धोड्डेर आर, आ लॉकुर आंदुर मा अधिकार जतुसतार. 26 *लेकीन नीम दा हगि आगतीदील; लेकीन जो यावारा नीम दा धोड्डेव आगोद चाहास्यान, आव नीम सेवक आगुल; 27 अदकि जो नीम दा प्रधान आगोद चाहासतान, आव नीम दास आगुल; 28 ह्यांग कानिमळसा अन पार; ना इदुरसाटी बंददील कान आऊन स्यावा माळकु आगुल, लेकीन इदुरसाटी बंदान कखुद स्यावा टहल माळ सकुल, अदकि हापाळ लॉकुरद छुटकारा साटी तान जीव कोळ सकुल.”

येद्व कुद्वगोळी दृष्टीदान
(मरकुस १०:४६-५२; लूका १८:३५-४३)

29 याग यीशु अदकि आऊन चेलगोळ यरीहो नगर टु होळोर, रा ऊंद धोळद भीळ आऊन हदि आगेत. 30 अदकि येद्व कुद्वगोळ, जो हादी इन कनिरा मा कुरतकु ईरोर, ईद केळकु कान यीशु होगेत्यान, हेसुर ताकोमकु अनली कुरतुर, “हे प्रभु, दाऊद उन औलाद, नाम मा दया माळ.”

31 लॉकुर आंदरी दनकुसदुर कानसुंगा ईरूल; पर आंदुर मात्त जोर देल चळिलासकु अंदुर, “हे प्रभु, दाऊद उन औलाद, नाम मा दया माळ.”

* 20:16 २०:१६ मत्ती १९:३०; मरकुस १०:३१; लूका १३:३० * 20:25 २०:२५ लूका २२:२५,२६ * 20:26 २०:२६ मत्ती २३:११; मरकुस ९:३५; लूका २२:२६

32 आग यीशु नदिरकु, आंदरी कारदुन अदकि अंदुन, “नीव येन चाहासतीर कि ना नीम साटी माळाईन?”

33 आंदुर यीशु उक अंदुर, “हे प्रभु, ईद कि नाव कण्णगोळ देल नोळ सक्केव.”

34 यीशु दया माळकु आंदुर कण्णगोळी मुटदुन, अदकि आंदुर तुरन्त नोळली कुरतुर, अदकि आऊन हदि आगोदुर.

21

यरूशलेम दा वजिय प्रवेश

(मरकुस ११:१-११; लूका १९:२८-४०; यूहन्ना १२:१२-१९)

1 याग आंदुर यरूशलेम इन हात्ती पोहचुसदुर अदकि जैतून पहाळ मा बैतफगे नगर इन हात्ती बंदुर, रा यीशु येदद चेलागोळी ईद अनकु कळुदुन, 2 “मुंदळोद ऊर दा होगी. अल होगतेला ऊंद गधा कटक, अदकि अदुर सांगुळ पाड्डा नीमी सक्कीत. अवरी खोल्सकु नान हात्ती तरी. 3 अगर नीम से यावारा येनारा अनुल, रा अनेतीर कि प्रभु अक ईऊरद जरवत आद, आग आव तुरन्त अवरी कळु बुटटान.” 4 ईद इदुरसाटी आत कि जो वचन भवषियवक्ता अन्द द्वारा अनकु आगीत, अद पुरा आगुल:

5 “सयियोन इन पोर इन से अनी,

‘नोळ, नीन राजा नीन हात्ती बरेतयान;

आव नम्र आन, अदकि गधा मा कुरतकु आन;

मतलब गधा इन पाड्डा मा.’”*

6 चेलागोळ होगकु, हयांग यीशु आंदरी अंददिन, हांग अच माळदुर. 7 अदकि गधा अदकि अदुरद पाड्डा अक तनकु, अऊर मा तान कपळा हाकदुर, अदकि आव आ पाड्डा मा कुरतुन. 8 आग हापाळ सा लॉकुर तान कपळा हादी मा हासदुर, अदकि दुसरा लॉकुर मार्रगोळ्द डगाली कडुकु हादी मा हासदुर. 9 जो भीळ मुंद-मुंद होगतोगोद अदकि हदि-हदि बरतोगोद, कारू-कारूकु अनतोगोर, “दाऊद उन औलाद उक स्तुति, धन्य आन आव जो प्रभु उन हेसुर देल बरतान, दाऊद उन औलाद उन स्तुति आगुल.”

10 याग यीशु यरूशलेम दा प्रवेश माळदुन, रा पुरा नगर दा हलचल मचुसेत, अदकि लॉकुर अनली कुरतुर, “ईव याव हुन?”

11 लॉकुर अंदुर, “ईव गलील इन नासरत उन भवषियवक्ता यीशु हुन.”

मंदरि इन शुद्धीकरण

(मरकुस ११:१५-१९; लूका १९:४५-४८; यूहन्ना २:१३-२२)

12 यीशु परमेश्वर उन मंदरि दा होगकु आ सप्पा मुंदरी, जो मंदरि दा लेन-देन माळोर, तेगद बुट्टुन, अदकि सर्राफागोळ्द पांळ्सीगोळ अदकि कबूतर मारावाळेर्द चौकगोळ उलटुस बुट्टुन; 13 अदकि आंदुर से अंदुन, “शास्त्र दा लखिसकु आद, ‘नान मान्ना प्रार्थना अन्द मान्ना कहलुसीत,’ लेकीन नीव अदरी डाकूगोळ्द हड्डा माळतीर.”*

14 आग कुदद अदकि लंगळागोळ, मंदरि दा आऊन हात्ती बंदुर, अदकि आव आंदरी चंगा माळदुन. 15 लेकीन याग प्रधान याजकगोळ अदकि शास्त्रीगोळ ई अदभुत क्याल्सागोळी, जो आव माळदुन, अदकि चकिोर इक मंदरि दा “दाऊद उन औलाद उक स्तुति” अनतेला नोळदुर, रा आंदुर गुस्सा आदुर, 16 अदकि आऊन से अनली कुरतुर, “सयेन नी केळत्या कि इंदुर येन अंतार?”

यीशु आंदुर से अंदुन, “हव; येन नीव ईद यागलु वाचुसीदील: चकिोर अदकि हाल कुडुत चगिद उर बाय देल अपार स्तुति माळसुसद?”

17 आग यीशु आंदरी बटिकु नगर इन व्हार्या बैतनयियाह अक होदुन अदकि अल आव ईळ्लक बतिसदुन.

यीशु द्वारा श्रापति अंजीर इन मार्र

(मरकुस ११:१२-१४; ११:२०-२४)

* 21:5 २१:५ जकर्याह ९:९ * 21:13 २१:१३ यशायाह ५६:७; यर्मियाह ७:११

18 व्हातरया का याग यीशु नगर इक वापस बरोन रा आऊक हसु हत्त. 19 हादी इन कनिरा अंजीर इन ऊंद मार्र नोळकु यीशु अदुर हात्ती होदुन, अदकि याल्ला अक बटिकु अद मार्र मा मात्त येनु ईला ईरोद आव आ मार्र इक अंदुन, “ईग टु नीन दा बाक यागलु काय हततदील.” अदकि अंजीर इन मार्र तुरन्त वंळगेत.

20 ईद नोळकु चेलागोळी अचम्भा आत अदकि आंदुर अंदुर, “ईद अंजीर इन मार्र तुरन्त ह्यांग वंळगेत?”

21 *यीशु आंदरी उत्तर कोट्टुन, “ना नीम से खरा अंतीन, अगर नीव वशिवास ईटी अदकि संदेह माळबाळी, रा न सर्रिफ ईद माळोतीर जो ईद पहाळी इक भी अंदीर, ‘कत्तिगे, अदकि समुद्र दा होगकु बळि,’ रा ईद आगेदीत. 22 अदकि जो येनारा नीव प्रार्थना दा वशिवास देल बेळतीर अद सब नीमी सकिकीत.”

यीशु उन अधिकार मा प्रश्न

(मरकुस ११:२७-३३; लूका २०:१-८)

23 यीशु मंदिर दा मात्त होगकु उपदेश कोळली कुरतुन, रा प्रधान याजकगोळ अदकि लाँकुरद पुरनयागोळ आऊन हात्ती बंदकु केळदुर, “नी ईद क्याल्सा यार्द अधिकार देल माळत्या? अदकि नीनी ईद अधिकार याव कोटान?”

24 यीशु आंदरी उत्तर कोट्टुन, “ना भी नीम से ऊंद मात केळतीन; अगर अद नानी हेळेतीर, रा ना भी नीमी हेळाईन का ईव क्याल्सा यातोद अधिकार देल माळतीन. 25 यूहन्ना अन्द बपतस्मा यल टु ईरोद? स्वर्ग दी टु या मंळसागोळ दी टु?”

आग आंदुर आपस दा मातगोळ माळली कुरतुर, “अगर नाव अंदेव ‘स्वर्ग दी टु,’ रा आव नाम से अंदान, ‘बाक नीव आऊन वशिवास यती माळीदलि?’ 26 अदकि अगर अंदेव ‘मंळसागोळ दी टु,’ रा नामी भीळ इन अंज्क आद, यतकी आंदुर सप्पा यूहन्ना अक भवषियवक्ता मान्सतार.” 27 इदुरसाटी आंदुर यीशु उक उत्तर कोट्टुर, “नाव अरालेव.”

आव भी आंदुर से अंदुन, “रा ना भी नीमी हेळालीन का ई क्याल्सा ना याता अधिकार देल माळतीन.

येढ्ढ पारगोळद उदाहरण

28 “नीव येन सोचेतीर? यावारा मंळसा अन येढ्ढ पारगोळ ईरोर; आव पयला पार उन हात्ती होगकु अंदुन, ‘हे पारा, ईद अंगुर इन बेली दा क्याल्सा माळ.’ 29 आव उत्तर कोट्टुन, ‘ना होग सकालीन,’ लेकीन बाद्दा पसतास्कु होदुन. 30 बाक आप्प दुसरा पार उन हात्ती होगकु हगि अच अंदुन, आव उत्तर कोट्टुन, ‘हव जी होगतीन,’ लेकीन होगीदलि. 31 इंदुर येढ्ढु दा टु यार तान आप्प उन इच्छा पुरा माळदुर?”

आंदुर अंदुर, “पयला पार.”

यीशु आंदुर से अंदुन, “ना नीम से खरा अनतीन किकिर ताकोमावाळेर अदकि वेश्या नीम से पयले परमेश्वर उन राज्य दा प्रवेश माळतार. 32 *यतकी यूहन्ना न्यायीपन इन हादी दर्शुसतेला नीम हात्ती बंदुन, अदकि नीव आऊन वशिवास माळीदील; पर कर ताकोमावाळेर अदकि वेश्यागोळ आऊन वशिवास माळदुर: अदकि नीव ईद नोळदीर, लेकीन नीव पश्चाताप माळीदील अदकि आऊन मा वशिवास माळीदील.”

दुष्ट कसानगोळद उदाहरण

(मरकुस १२:१-१२; लूका २०:९-१९)

33 “मात्त ऊंद उदाहरण केळी: ऊंद केई इन मालकि ईरोन, आव अंगुर इन बेली हचीदुन, अदुरद नाकु दी भाळा कटदुन, अदुरदा रास्सा अन्द कुंड अगुळदुन अदकि मचान माळदुन, अदकि कसानगोळी अदुरद त्याका कोटकु परदेश होटोदुन. 34 याग काय इन समय हात्ती बत्त, रा आव तान दासगोळी अदुरद काय तरोरसाटी कसानगोळ हात्ती कळुदुन. 35 पर कसानगोळ आऊन दासगोळी हुडुकु, यारीकारा रा बळदुर, अदकि यारीकारा कौद बुदुर, अदकि तसिरा अक कल्लगोळ

बळदुर. ³⁶बाक आव पयले टु यक्कुल अदकि दासगोळी कळुदुन, अदकि आंदुर आ दासगोळ सांगुळ भी हांग अच माळदुर. ³⁷आखरी दा आव तान पार उक आंदुर हात्ती ईद सोचकु कळुदुन कि आंदुर नान पार उन आदर माळ्यार. ³⁸लेकीन कसिनगोळ पार उक नोळकु आपस दा अंदुर, 'ईव रा वारीस हुन, बरी, ईऊक कोंद बुळाता अदकि ईऊन धन संपत्ती हुडु कोमाता.' ³⁹इदुरसाटी आंदुर आऊक हुळदुर अदकि अंगुर इन बेली टु व्हार्या तेगुकु कोंद बुदुर. ⁴⁰इदुरसाटी याग अंगुर इन बेली इन मालकि बंदान, रा आ कसिनगोळ सांगुळ येन माळ्यान?"

⁴¹आंदुर आऊन से अंदुर, "आव आ बुरा लॉकुरी बुरा रीत दिेल नाश माळ्यान; अदकि अंगुर इन बेली इन ट्याका दुसरा कसिनगोळी कोट्टान, जो उचति समय मा काय तनकु कोट्टार."

⁴²यीशु आंदुर से अंदुर, "येन नीव यागलु पवतिरशास्त्र दा ईद वाचुसीदील: 'याता कल्ल इक राजमस्त्रिगोळ बेकार ठहूरसेदुर, अदा कोना अन्द सरि अन्द कल्ल आगेत? ईद प्रभु उन दी टु आगीत, अदकि नाम नजर दा अदभुत आद.' ⁴³इदुरसाटी ना नीम से अनतीन कि परमेश्वर उन राज्य नीम से ताकोमकु आदीत अदकि हगि लॉकुरी कोटकु आदीत जो ईदुर प्रतफिल तरतार. ⁴⁴जो ईद कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत."

⁴⁵प्रधान याजक अदकि फरीसी यीशु उन उदाहरणगोळी केळकु समसेदुर कि आव आंदुर बारा दा अनतान. ⁴⁶अदकि आंदुर आऊक हुडोद चाहासोर, लेकीन लॉकुर से अंजेदुर यतकी आंदुर आऊक भवषियवक्ता मान्सतोगोर.

22

मदा अन भोजन इन उदाहरण
(लूका १४:१५-२४)

¹यीशु मात्त आंदुर से उदाहरणगोळ दा अनली कुरतुन, ²"स्वर्ग इन राज्य आ राजा अन घाई आद, जो तान पार उन मदा अन भोजन कोट्टुन. ³अदकि आव तान दासगोळी ईद अनकु कळुदुन कि आमन्त्रति लॉकुरी मदा दा ऊमली कारी; लेकीन आंदुर बरोद चाहासीदलि. ⁴बाक आव मात्त दासगोळी ईद अनकु कळुदुन, 'आमन्त्रति लॉकुरी अनेतीर: नोळी ना ऊमोद तयार माळ कोंडीन, नान वस्ता अदकि नानव पालसदव जनावर कडुकु आदव, अदकि सब कुछ तयार आद; मदा अन्द भोज दा बरी.' ⁵लेकीन आंदुर ध्यान कोटीदील अदकि तान हादी इक होटोदुर: यावारा तान केई दा रा यावारा तान व्यापार इक. ⁶दुसरा लॉकुर जो मक्कि ईरोर आऊन दासगोळी हुडुकु आंदुरद अपमान माळदुर अदकि आंदरी कोंद बुदुर. ⁷आग राजा अक सट्टि बत्त, अदकि आव तान सेना अक कळुकु आ कोन्नावाळेद नाश माळदुन, अदकि आंदुरद नगर इक होताक बुट्टुन."

⁸"आग आव तान दासगोळ से अंदुर, 'मदा अन्द भोज रा तयार आद लेकीन नमिन्त्रति लॉकुर आ लायक ईला ईरोर. ⁹इदुरसाटी हादी इन कनिरा मा होगी अदकि यास लॉकुर नीमी सकियार, सप्पा लॉकुरी मदा अन्द भोजन दा कारूकु तरी.' ¹⁰इदुरसाटी आ दासगोळ हादी इन कनिरा मा होगकु जो भी वळ्लेर या बेकार लॉकुर आंदरी सकिदुर जमा माळदुर; अदकि मदा अन्द मान्ना पावनागोळ देल तुम्मेत."

¹¹"याग राजा पाऊनागोळी नोळली बंदुन, रा आव अल ऊंद मंळसा अक नोळदुन, जो मदा अन्द कपळा हाक्कु ईला ईरोन. ¹²राजा आऊन से केळदुन, 'हे संगी; नी मदा अन्द कपळा हागद बनि इल यती बंद्या?' आऊन बाय बंद आगेत. ¹³आग राजा नवकरगोळ से अंदुर, 'ईऊन कय-काल कटकु ईऊक व्हार्या अंधार दा हाक बुळी, अल वोरलोद अदकि हल्ल कचचोद आदीत.' ¹⁴यतकी कारदोर रा हापाळ आर लेकीन नीवळुसदोर थ्वाळासा अच आर."

कर कोळोद बारा दा प्रश्न
(मरकुस १२:१३-१७; लूका २०:२०-२६)

¹⁵आग फरीसीगोळ होगकु आपस दा वचारि माळदुर कि यीशु उक याता प्रकार देल मातगोळ दा फसुसेव. ¹⁶इदुरसाटी आंदुर तान चेलागोळी हेरोदिया अन सांगुळ आऊन हात्ती ईद अनली कळुदुर,

“हे गुरु, नाव जानसतेव कानी खरा आय, अदकि परमेश्वर उन हादी सच्चाई देल कलसत्या, अदकि यारदु परवा माळाल, यतकी नी मळसागोळ्द मार्रा नोळकु मातगोळ माळाल. 17 इदुरसाटी नामी हेळ नी येन सोचत्या? रोमी सरकार उक कर कोळोद उचति आद की हैलेच.”

18 यीशु आंदुरद कपट पन नोळकु अंदुन, “हे कपटीगोळा, नानी येती परखुसेतीर? 19 नानी अद ऊंद दीनार तोर्स, यदुर देल कर कोटकु आगतद.”

आग आंदुर आऊन हात्ती ऊंद चांदी इन सकिका तंदुर. 20 आव आंदुर से केळदुन, “ईद छाप अदकि हेसुर यारद हुन?”

21 आंदुर यीशु से अंदुर, “कैसर सरकार उन हुन.” आग आव आंदुर से अंदुन, “जो कैसर सरकार उन हुन, अद कैसर सरकार उक; अदकि जो परमेश्वर उन हुन, अद परमेश्वर उक कोळी.”

22 ईद केळकु आंदुर अचम्भति आदुर, अदकि आऊक बटिकु होटोदुर.

पुनरूथान इन बारा दा प्रश्न

(मरकुस १२:१३-१७; लूका २०:२०-२६)

23 ☆अदा दिन सद्की जो पुनरूथान इक मानसालुर, यीशु उन हात्ती बंदुर अदकि आऊन से केळदुर, 24 “हे गुरु, मूसा अंददिन की अगर यावारा मळसा बनि औलाद सोतोदान, रा आऊन वार्ट आऊन हगिंस उन सांगुळ मदा माळकु तान वार्ट उन साटी औलाद पैदा माळ्यान. 25 ईग नाम मान्या येळ वार्टुर ईरोर; पयला मदा माळकु सोतोदुन, अदकि औलाद ईला आगदुर कारण तान रांड्या हगिंस उक तांद वार्ट उन साटी बटिकु बुटुन. 26 ईदा प्रकार देल दुसरा अदकि तसिरा भी माळदुन, अदकि येळु वार्टुर ताका हगि अच आत. 27 आखरी दा सप्पा मुंदुरद बाददा आ आर्त भी सोतोदुर. 28 इदुरसाटी जतिता आगदुर मा आ आर्त येळु दा टु यारोर हगिंस आदार? यतकी आक सप्पा मुंदुरद हगिंस आगदुर.”

29 यीशु आंदरी उत्तर कोट्टुन, “नीव पवतिरशास्त्र अदकि परमेश्वर उन महमि जानसालीर; ई कारण नीव भूल दा बदिक्ु आईर. 30 यतकी जतिता आगदुर मा आंदुर न मदा माळ्यार अदकि न मदा दा कोटकु आदार लेकीन स्वर्ग दा परमेश्वर उन स्वर्गदूतगोळ घाई आदार. 31 लेकीन सोत्त मळसा अन्द जतिता आगोद बारा दा येन नीव ईद वचन वाचुसीदील जो परमेश्वर नीम से अंदुन: 32 ‘ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?’ आव सोत्त मळसा नव आलच? लेकीन जतिता लॉकुरद परमेश्वर हुन.”☆

33 ईद केळकु लॉकुर आऊंद उपदेश देल चकति आदुर.

सब से धोळद आग्या

(मरकुस १२:२८-३४; लूका १०:२५-२८)

34 याग फरीसीगोळ केळदुर की यीशु सद्कीगोळ्द बाय बंद माळ बुट्टुन, रा आंदुर जमा आदुर. 35 आंदुर दा टु ऊंद यहूदी व्यवस्था अन शकिषक यीशु उक परखुसोर साटी आऊक केळदुन, 36 “हे गुरु, व्यवस्था दा यातोद आग्या सब से धोळद आद?”

37 यीशु आऊन से अंदुन, “नीव परमेश्वर तान प्रभु से तान पुरा मन अदकि तान पुरा जीव अदकि तान पुरा बुद्धी इन सांगुळ प्यार ईट. 38 सब से धोळद अदकि मुख्य आग्या रा ईदा हुन. 39 अदकि अदुरदा घाई ईद दुसरा आग्या भी आद कीनी तान मान्ना हातळोर से तान घाई प्यार ईट. 40 ☆ईवा येद्व आग्यागोळ पुरा व्यवस्था अदकि भवषियवक्तागोळ्द आधार आद.”

मसीह यार पार हुन?

(मरकुस १२:३५-३७; लूका २०:४१-४४)

41 याग फरीसी लॉकुर जमा ईरोर, रा यीशु आंदुर से केळदुन, 42 “मसीह अन्द बारा दा नीव येन सोचतीर? आव यार औलाद हुन?”

आंदुर यीशु उक अंदुर, “दाऊद ईनव.”

43 यीशु आंदुर से केळदुन, रा दाऊद आत्मा दा ईत्तकु आऊक प्रभु यती अनतान?

44 “प्रभु, नान प्रभु से अंदुन,

नान ऊम्मा कय दी कुर,

यागासताका कनिाव नींद दुश्मनगोळी नींद काल इन ल्यालमा तंदकोमालेव.”*⁴⁵

⁴⁵ “याग दाऊद आऊक प्रभु अनतान, रा आव आऊन पार ह्यांग आदान?” ⁴⁶ इदुरद उत्तर दा याऊ भी ऊंद मात अन सकदील. आ दनि टु यारीकु बाक आऊन से येनु केळोद हम्मिमत आगीदील.

23

शास्त्रीगोळ अदकि फरीसीगोळ देल सावधान ईरी

(मरकुस १२:३८-३९; लूका ११:४३-४६; २०:४५-४६)

¹ आग यीशु भीळ से अदकि तान चेलागोळ से अंदुन, ² “न्याय कल्सावाळेरे शास्त्री अदकि फरीसी मूसा अन्द गददी मा कुर्तकु आर; ³ इदुरसाटी आंदुर नीम से जो येनारा अंदार अद माळेतीर अदकि मानसेतीर, लेकीन आंदुर घाई क्याल्सा माळबाळेतीर; यतकी आंदुर अंतार पर माळालुर. ⁴ आंदुर ऊंद भारी ओझा अक यदरी नेगोद मुश्कलि आद, कटकु अदरी मंळसागोळ्द खांदा मा ईटतार; लेकीन खुद अदरी तान बेळल देल सरकुसोद चाहासालुर. ⁵ *आंदुर तान सप्पा क्याल्सा लॉकुरी तोरसोर साटी माळतार” आंदुर तान ताबीजगोळी चौळा माळतार अदकि तान कपळा अन्द झालर ऊदान माळतार ताकी लॉकुर आंदरी न्यायात्मा समसुल. ⁶ आंदुर हाबबगोळ दा मुख्य-मुख्य जागा हासलि माळोद चाहासतार, सभागोळ दा मुख्य-मुख्य आसनगोळ मा कुरोद चाहासतार. ⁷ सात्तागोळ दा आदर सत्कार चाहसोद, अदकि मंळसागोळ दा गुरु अंदकु आगोद आंदरी वळ्दीद हततद. ⁸ लेकीन नीव गुरु अनबाळेतीर, यतकी नीमव ऊंदा गुरु आन, अदकि नीव सप्पा वार्दुर हुईर.

⁹ पृथ्वी मा यारीकु आप्प अनबाळेतीर, यतकी नीमव ऊंदा आप्प आन, जो स्वरग दा आन. ¹⁰ अदकि स्वामी भी अनबाळेतीर, यतकी नीमव ऊंदा स्वामी आन, मतलब मसीह. ¹¹ *जो नीम दा धोड्डेव आगव चाहास्यान आव नीमव सेवक आगुल. ¹² *जो यावारा तान तान इक धोळ्द माळ्यान, आव स्याण माळकु आदान: अदकि जो यावारा तान तान इक नम्र माळ्यान, आव धोळ्द माळकु आदान.

यीशु उन द्वारा पाखंडीगोळ्द भर्त्सना

(मरकुस १२:४०; लूका ११:३९-४२, ४४, ५२; २०:४७)

¹³ “हे कपटी शास्त्रीगोळा अदकि फरीसीगोळा, नीम मा हाय! नीव मंळसागोळ साटी स्वरग इन राज्य अन्द दरवाजा बंद माळतीर, अदकि न रा खुद अदुरदा होगतीर अदकि न रा अदुरदा होगवाळेरी होगगोळालीर. ¹⁴ *हे कपटी शास्त्री अदकि फरीसीगोळा, नीम मा हाय! नीव रांड्यागोळ्द मान्नागोळी बरबाद माळ कोमतीर, अदकि आ लॉकुर दखावा माळोर साटी हापाळ होत ताका प्रार्थना माळतेला ईरतीर: इदुरसाटी नीमी यक्कुल दण्ड सकिकीत.

¹⁵ “हे कपटी शास्त्री अदकि फरीसीगोळा, नीम मा हाय, नीव ऊंद मंळसा अक तान मत दा तरोरसाटी पुरा जल अदकि थल मा टेटीर, अदकि याग आव नीम मत दा होट बरतान रा आऊक तान से येदुद गुणा कपटी माळ कोमतीर.

¹⁶ “हे कुदुद अगुवागोळा†, नीम मा हाय! जो अनतार क्ति अगर यावारा मंदरि इन करिया तदिान रा येनु ईला, लेकीन अगर यावारा मंदरि इन वहान्ना अन्द करिया तदिान रा अऊर देल कट्टोदान. ¹⁷ हे मूरखगोळा अदकि कुदुदगोळा, याव धोड्डेव आन; वहान्ना या अद मंदरि यदुर देल वहान्ना पवतिर आगतद? ¹⁸ बाक अनतीर क्ति अगर यावारा वेदी इन करिया तदिान रा येनु ईला, लेकीन जो भेंट अदुर मा आद, अगर यावारा अदुरद करिया तदिान रा अदुर देल कट्टोदान. ¹⁹ हे कुदुदगोळा, याव धोड्डेव आन; भेंट या वेदी यदुर देल भेंट पवतिर आगतद? ²⁰ इदुरसाटी जो वेदी इन करिया तनितान, आव अऊरद भी करिया तनितान जो आ वेदी मा आद. ²¹ जो मंदरि इन करिया तनितान,

* 22:44 २२:४४ भजन संहिता ११०:१ * 23:5 २३:५ मत्ती ६:१ * 23:11 २३:११ मत्ती २०:२६,२७; मरकुस ९:३५; १०:४३,४४; लूका २२:२६ * 23:12 २३:१२ लूका १४:११; १८:१४ * 23:14 २३:१४ ईद वचन हाळोद हस्तलेखगोळ दा सकाल्द † 23:16 २३:१६ स्याणा, नायक

आव मंदरि अदकि अदुर दा ईरावाळा परमेश्वर उन भी करिया तनितान. 22 *जो स्वर्ग इन करिया तनितान, आव परमेश्वर उन सहिसन इन अदकि अदुर मा कुरावाळेरु भी करिया तनितान.

23 “हे कपटी शास्त्री अदकि फरीसीगोळा, नीम मा हाय, नीव पदीना, अदकि सौफ, अदकि जीरा अनूद दसवा अंश रा कोळतीर, लेकीन नीव व्यवस्था अनूद गंभीर मातगोळी मतलब न्याय, अदकि दया, अदकि विश्वास इक बटिबुटीर; आगली पायजे होता क इवरी भी माळतेला ईरायदीर अदकि अवरी भी ईला बळायदरि. 24 हे कुदुद अगुवागोळा, नीव मच्छर इक रा दुदुस कोमतीर, लेकीन ऊँट इक तीन कोमतीर.

25 “हे कपटी शास्त्री अदकि फरीसीगोळा, नीम मा हाय, नीव वाटी अदकि तंळग्या अक म्याक म्याकुच टु रा ऊदतीर लेकीन अव बुळ्क करेव अदकि लालच खुद इन दा भला माळदुर दा तुमकु आव. 26 हे कुदुद फरीसी, पयले कटोरा अदकि तंळग्या अक बुळ्क टु ऊद क इव व्हाऱ्या टु भी वळ्लेव काळसुल.

27 * “हे कपटी शास्त्री अदकि फरीसीगोळा, नीम मा हाय, नीव चुना हज्द मटगोळ घाई आईर जो म्याकुच टु रा सुंदर काळसताव, लेकीन बुळ्क मुर्दा अनूद येलुगोळ अदकि सब प्रकार इन गंदगी देल तुमकु आव. 28 ईदा रीतदेल नीव भी म्याकुच टु मंळसागोळी न्यायी काळस तोगतीर, लेकीन बुळ्क कपट अदकि बुराई देल तुमकु आईर.

शास्त्रीगोळ अदकि फरीसीगोळ मा दण्ड इन भवषियवाणी (लूका ११:४७-५१)

29 “हे कपटी शास्त्री अदकि फरीसीगोळा, नीम मा हाय, नीव भवषियवक्तागोळ्द कब्रगोळी सुधारसतीर अदकि न्यायीगोळ्द कब्रगोळी सजुसतीर, 30 अदकि अनतीर, ‘अगर नाव तान आज्ञा बाबागोळ्द जमानानोर ईरायदेव रा भवषियवक्तागोळी कोन्नोर दा भागीदार ईला ईरायदेव.’ 31 इदुर देल रा नीव खुद अच गवाही कोळतीर क नीव भवषियवक्तागोळी कोन्नावाळेर औलाद हुईर. 32 इदुरसाटी नीव तान आज्ञा बाबागोळ्द पाप इन माळका पुरा तरीका देल तुमकोमी. 33 * हे हावगोळा, हे हावगोळ चकिोरगोळा, नीव नरक इन दण्ड देल हयांग ऊळदीर? 34 इदुरसाटी नोळी, ना नीम हात्ती भवषियवक्तागोळ अदकि बुद्धमिानगोळी अदकि शास्त्रीगोळी कळुतीन; अदकि नीव आंदुर दा टु यावारा अक कौद बुट्टीर अदकि क्रूस मा येरसीर, अदकि यावारा तान सभागूहगोळ दा क्वाळा बळदीर अदकि ई नगर टु आ नगर दा जेडुतेला ओयाळीर. 35 याव न्यायी हाबील टु हुडुकु बरिक्कियाह अनूद पार जकरयाह ताका, यारी नीव मंदरि अदकि वेदी इन न्याड्या दा कौद बुटीदीर, यास न्यायीगोळ्द खुन धरती मा वाहुसकु आग्याद अद सप्पा नीम ताल्ला मा बदिदीत. 36 ना नीम से खरा माताळतीन, ई सप्पा मातगोळ ईद समय इन लॉकुर मा बंदकु बदिदीत.

यीशु उन यरूशलेम इन साटी प्यार (लूका ११:४७-५१)

37 “हे यरूशलेम, हे यरूशलेम! नी भवषियवक्तागोळी कौद बुळ्त्या, अदकि जो नीद हात्ती कळुकु आग्यार, आंदुर मा कल्लगोळ देल हमला माळ्त्या. यास अनली ना चाहासदीन क हयांग कोळी तान पाडगोळी तान पकिकागोळ्द ल्यालमा जमा माळतद, हांग अच ना भी नीन चकिोरगोळी जमा माळ कोमाईन, लेकीन नी चाहासीदलि. 38 नोळी, नीम मान्ना नीम साटी सुनसान बटिकु आगतद. 39 यतकी ना नीम से अनतीन क ईगी टु आगासताका नीव नानी बाक यागलु नोळतीदलि यागासताका नीव अनतीदलि, ‘धन्य आन आव, जो प्रभु अनूद हेसुर देल बरतान.’ ”

24

मंदरि इन वनिश इन भवषियवाणी (मरकुस १३:१-२; लूका २१:५-६)

1 याग यीशु मंदिर टु होटकु होगोन, रा आऊन चेलागोळ आऊक मंदिर इन रचना तोरसोर साटी आऊन हातती बंदुर. 2 यीशु आंदुर से अंदुन, “नीव ईद सप्पा नोळेतीर ना! ना नीम से खरा माताळतीन, ईल कल्ल मा कल्ल भी ईला बळितीदील जो मळसकु आगतीदील.”

संकट अदकि क्लेश

(मरकुस १३:३-१३; लूका २१:७-१९)

3 याग यीशु जैतून पहाळी मा कुर्तकु ईरोन, रा चेलागोळ आवना अंदा आऊन हातती बंदकु अंदुर, “नामी हेळ कर्ई सब मातगोळ याग आदव? नीन बरोद अदकि दुनया अनूद आखरी इन येन चमत्कार ईत्तीत?”

4 यीशु आंदरी उत्तर कोट्टुन, “सावधान ईरी! याऊ नीमी भरमुस बाळुल, 5 यतकी हापाळ सा लॉकुर हगि ईत्तार जो नान हेसुर देल बंदकु अंदार, ‘ना मसीह हुईन,’ अदकि हापाळ मुंदरी भरमुस्यार. 6 नीव लळाईगोळ मातचीत केळीर अदकि लळाईगोळद बारा दा अफवाह केळीर, रा घबरूस बाळेतीर यतकी इदुरद आगोद जरूरी आद, लेकीन आ समय दा अनूत आगतीदील. 7 यतकी दयाश मा दयाश, अदकि राज्य मा राज्य चढाई माळेव, अदकि हर जागा दा अकाल बदिदव, अदकि भूकम्प आदव. 8 ईव सप्पा मातगोळ दुखगोळद सुरूवात माळेव.”

9 आग आंदुर क्लेश कोळोर साटी नीमी हुळसुसकु सोपस्यार, अदकि नीमी कोंद बुट्टार, अदकि नान हेसुर इन कारण सप्पा जातीगोळ लॉकुर नीम से दुश्मनी ईट्यार. 10 आग हापाळ सा लॉकुर ठोकर तदार, अदकि आबुर दाबुर हुळसुस्यार, अदकि आबुर दाबुर से दुश्मनी ईट्यार. 11 हापाळ सा ख्वाटा भवषियवक्तागोळ बंदार, अदकि हापाळ मुंदरी भरमुस्यार. 12 अन्याय इन वाळुसदुर देल हापाळ मुंदुरद प्यार ठंडा बदिदीत, 13 लेकीन जो आखरी ताका धीरज हुळकु ईत्तान, आऊंदा उद्धार आदीत. 14 अदकि राज्य इन ईद खुशखबरी पुरा दुनया दा प्रचार माळकु आदीत, कसिप्पा जातीगोळ मा गवाही आगुल, आग अनूत होट्ट बंदीत.

महासंकट इन सुरूवात

(मरकुस १३:१४-२३; लूका २१:२०-२४)

15 “इदुरसाटी याग नीव आ उजुळसावाळा बेकार वस्तुगोळद यदुरद चर्चा दानयियेल भवषियवक्ता अनूद द्वारा आगीत, पवतिर जागा दा नीदुरकु आद हगि नोळी, वाचुसावाळा खुद अच समसुल कर्ईदुर येन मतलब आद. 16 आग जो यहूदिया प्रदेश दा ईतीदार आंदुर पहाळगोळ मा ओळेगुल. 17 जो छत मा ईतीदार, आव तान मानना दा टु सामान ताकोमली ईळुबाळुल; 18 अदकि जो केई दा ईतीदार, आंदुर तान कपळा ताकोमली हदि होगवाळुल. 19 आ आर्तेर साटी हाय जो आ दनिगोळ दा व्हाट्या दी ईत्तार अदकि जो हाल कुळसतेला ईत्तार! 20 प्रार्थना माळतेला ईरी कर् नीमी सोळ इन दनिगोळ दा या आराम इन दनि ओळोद बळिवाळुल. 21 यतकी आ समय दा हगि भारी क्लेश आदीत, जसा न रा दुनया अनूद सुरूवात टु ईग ताका आगदील अदकि न यागलु आदीत. 22 अदकि अगर परमेश्वर आ दनिगोळी घटुसोद नश्चय ईला माळायदुन रा ऊंद भी जीव ईला ऊळाईत, लेकीन तान नविळुसद लॉकुर साटी आव दनिगोळी गोरत माळयान.

23 “आ समय अगर यावारा नीम से अनुल, ‘नोळी, मसीह इल आन’ या ‘आव अल आन,’ रा वश्वास माळबाळेतीर. 24 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि धोळद चनिह, अदकि लॉकुरी ध्वाका कोळोर साटी अदभुत क्यालसा तोरस्यार की अगर आग सकुल रा नविळुसकु आग्यार आंदरी भी बैकुश बुळुल. 25 नोळी, ना नीमी सप्पा मातगोळ पयले टु ना हेळ बुटीन.”

26 “इदुरसाटी अगर आंदुर नीम से अनुल, ‘नोळी, आव आळी दा आन,’ रा व्हार्या होळबाळेतीर; या ‘नोळी, आव कोठरीगोळ दा आन,’ रा वश्वास माळबाळेतीर. 27 यतकी जसा सुर्य अनूद करिण पूर्व टु होटकु पश्चिम ताका चमकुसतद, हांग अच मळसा अन पार उन भी बरोद आदीत.”

28 “थल लाश ईत्तीत, अल्या गीधाळ जमा आदव.”

✱ 24:9 २४:९ मत्ती १०:२२ ✱ 24:13 २४:१३ मत्ती १०:२२ ✱ 24:17 २४:१७ लूका १७:३१ ✱ 24:21 २४:२१ प्रकाशतिवाक्य ७:१४ ✱ 24:21 २४:२१ दानयियेल १२:१; प्रकाशतिवाक्य ७:१४ ✱ 24:26 २४:२६ लूका १७:२३,२४ ✱ 24:28 २४:२८ लूका १७:३७ ✱ 24:28 २४:२८ लूका १७:३७

मंळसा अन पार उन दुबारा बरोद
(मरकुस १३:२४-२७; लूका २१:२५-२८)

29 *अचानक आ दनिगोळ दा क्लेश इन तुरन्त बाददा सुर्य अन्धकारमय आगेदीत, अदकि चन्द्रमा अन्द प्रकाश होगतेला ईत्तीत, अदकि तारा आकाश टु बीळतेला ईत्तव अदकि आकाश इन शक्तगिोळी हालुस्कु आदीत. 30 *आग ना मंळसा अन पार उन चन्ह आकाश दा कांळसीत, अदकि आग पृथ्वी इन सप्पा कुलगोळ लॉकुर याद्दा पीटस्यार; अदकि मंळसा अन पार उक धोळ्द सामर्थ्य अदकि महिमा अन सांगुळ आकाश इन बादलगोळ मा बरतेला नोळ्यार.* 31 आव तुरही इन धोळ्द आवाज इन सांगुळ तान स्वरगदूतगोळी कळ्यान, अदकि आंदुर आकाश इन ईद छोर टु आ छोर ताका, नाकु क्वाना टु आऊन नविळुसद लॉकुरी जमा माळ्यार.

अंजीर इन मार्र इन उदाहरण
(मरकुस १३:२८-३१; लूका २१:२९-३३)

32 “अंजीर इन मार्र देल ईद शक्षिा ताकोमी: याग अदुरद डगाली मुलायम आगताव अदकि याल्ला होळली कुरताव, रा नीव जान्स कोमतीर की बसिल इन दनि हात्ती आद. 33 ईदा रीर्ता देल याग नीव ईव मातगोळी आगतेला नोळीर, रा जान्स कोमी की अद दरवाजा मा का आद*, अदकि अद दरवाजा मा का आद. 34 ना नीम से खरा अनतीन की यागासताका इव सप्पा मातगोळ पुरा आगालव, आगासताका ईद पीढी इन अन्त आगतीदील. 35 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.”

अनजान दनि अदकि समय
(मरकुस १३:३२-३७; लूका १७:२६-३०,३४-३६)

36 “लेकीन आ दनि अदकि आ समय इन बारा दा यारू जान्सालुर, न स्वरगदूतगोळ अदकि ना मंळसा अन पार, लेकीन सर्रि आप्प जान्सतान.” 37 “ह्यांग नूह अन दनि ईरव, हांग अच मंळसा अन पार उन भी बरोद आदीत. 38 ह्यांग नीर इन बाळ बरा से पयला अन्द दनिगोळ ताका लॉकुर तति-कुडुत ईत्तुर, अदकि मदा माळ्त्त ईत्तुर यागासताका नूह जहाज मा येरीदलि. 39 अदकि यागासताका जल प्रलय बंदकु आ सप्पा मुंदरी वाहुसकु ओतीदलि, आगासताका आंदरी येनु उच पता नळददील; हांग अच मंळसा अन पार उन भी बरोद आदीत. 40 आ समय दा येदढ मुंदुर केई दा क्यालसा माळ्त्त ईत्तार, ऊंद नेगुकु आदान अदकि दुसरा बटिकु आदान. 41 येदढ आर्तेर जाता दा पीसुसतेला ईत्तार, ऊंद नेगुकु आदार अदकि दुसरा बटिकु आदार”

42 “इदुरसाटी जागसतेला ईरी, यतकी नीव जान्सालीर क्नि नीम प्रभु याता दशिी बंदान. 43 *लेकीन ईद जान्स कोमी क्नि अगर मान्ना अन्द स्वामी जान्स कोमायदुन क्नि चोर यास मुरा बंदान रा च्याता ईरायदुन, अदकि तान मान्ना अन काळ्लपनी ईला आग गोळायदुन. 44 इदुरसाटी नीव भी तयार ईरी, यतकी याता घळी आऊन बरोद बारा दा नीव सोच भी सकालीर, अदा घळी मंळसा अन पार होट बंदान.”

वश्वासयोग्य दास अदकि दुष्ट दास
(लूका १२:४१-४८)

45 “इदुरसाटी आव वश्वासयोग्य अदकि बुध्मिान दास याव हुन, यारी स्वामी तान नौकर-चाकरगोळ मा अधिकारी ठहरूसदुन क्नि समय मा आंदरी ऊमली कोळुल? 46 धन्य आन आव दास, यारी आऊन स्वामी बंदकु हगि अच माळतेला नोळुल. 47 ना नीम से खरा अनतीन, आ स्वामी आऊक तान सप्पा संपत्ती मा अधिकारी नयिक्त माळ्यान.” 48 लेकीन अगर आ दुष्ट दास ईद सोचुल क्नि नान स्वामी इक बरली समय आद, 49 अदकि तान संगी दासगोळी बडुली हतुल, अदकि सारा कुडावाळेरे सांगुळ तनिल-कुडुल. 50 रा आ दास उन स्वामी ईत्ता दनि दा बंदान, याग आव आऊन हादी ईला कायतीदान, अदकि हगि समय यदरी आव जान्सालुन, 51 आग स्वामी आऊक

* 24:29 २४:२९ प्रकाशतिवाक्य ६:१२; प्रकाशतिवाक्य ६:१३ * 24:30 २४:३० प्रकाशतिवाक्य १:७ * 24:30 २४:३० दानयियेल ७:१३; जकर्याह १२:१०-१४ * 24:33 २४:३३ समय हात्ती बरेत्याद * 24:43 २४:४३ लूका १२:३९,४०

कठोर दण्ड कोट्टान अदकि आऊन पापगोळी कपटीगोळ सांगुळ आळदान: यल लॉकुर सर्फि वरलतोदार अदकि हल्ल कचतोदार.

25

हत्त कुवारा पोरगोळ्द उदाहरण

1 ***“स्वर्ग इन राज्य आ हत्त कुवारा पोरगोळ घाई ईत्तीत जो तान मशाल हुडुकु मंळगार से भेट माळली होटार. 2 आंदुर दा टु अईद मूरख अदकि अईद समझदार ईरोर. 3 आ अईद मूरख पोरगोळ तान मशालगोळ रा हुळदुर, लेकीन तान सांगुळ याण्णा हुळदीदलि; 4 लेकीन समझदार पोरगोळ तान मशालगोळ सांगुळ तान चाळीगोळ दा याण्णा भी तुम कोंडुर. 5 याग मंळगार उक बरली समय आत्त, रा आंदुर सप्पा पोरगोळ जपस्ली कुरतुर अदकि मगिदुर.”**

6 **“आर्धा ईळ्लक इक धूम मचुस्त: ‘नोळी, मंळगार बरेत्यान! आऊन से भेट माळोर साटी नळी.’ 7 आग आंदुर सप्पा कुवारा पोरगोळ यदकु तान मशालगोळी ठीक माळली कुरतुर. 8 अदकि मूरख पोरगोळ समझदार पोरगोळ से अंदुर, ‘तान याण्णा दा टु थ्वाळासा नामी भी कोळी, यतकी नाम मशालगोळ नूनेत्याव.’ 9 लेकीन समझदार पोरगोळ उत्तर कोट्टुर, ईला! नाव कोळ सकालेव. कदाचति ईद नाम अदकि नीम साटी पुरा आगदील, ‘भला रा ईद आद क् नीव याण्णा मारावाळेर हात्ती होगकु तान साटी कोंडकु तंदकोमी.’ 10 याग आंदुर याण्णा कोमोर साटी होगोर रा मंळगार होटबंदुन, अदकि जो तयार ईरोर, आंदुर आ मंळगार उन सांगुळ यल मदा आगताव आ मान्ना दा होटोदुर अदकि दरवाजा बंद माळकु आगीत.”**

11 ***“इदुर बाददा आंदुर दुसरा कुवारा पोरगोळ भी बंदकु अनली कुरतुर, ‘हे स्वामी, हे स्वामी, नाम साटी दरवाजा तेरू अदकि नामी बुळ्क बरगोळ!’ 12 आ मंळगार उत्तर कोट्टुन, ‘ना नीम से खरा अनतीन, ना नीमी अरालीन.’ ”**

13 **इदुरसाटी जागसतेला ईरी, यतकी नीव न आ दनि इक जान्सतीर, न आ समय इक.***

मुर दासगोळ्द उदाहरण

(लूका १९:११-२७)

14 ***“स्वर्ग इन राज्य आ मंळसा अनद घाई ईत्तीत याव परदेश होगाहोती तान दासगोळी कारूकु तान धन आंदरी सौप्स बुट्टुन. 15 आव पयला अक अईद हजार व्हान्ना अन सक्कागोळ कोट्टुन, दुसरा अक येढ्ढ, अदकि तीसरा अक ऊंद; मतलब हर ऊंद मंळसा अक आऊन सामर्थ्य इन अनुसार कोट्टुन, अदकि आग परदेश होटोदुन. 16 आग, याऊक अईद हजार व्हान्ना अन सक्कागोळ सक्कीदव, आव तुरन्त होगकु सक्कागोळ देल लेन देन माळदुन, अदकि अईद हजार सक्का मात्त कमुसदुन. 17 ईदा रीत दिल याऊक येढ्ढ हजार सक्कागोळ सक्कीदव, आव भी येढ्ढ हजार सक्कागोळ मात्त कमुसदुन. 18 लेकीन याऊक ऊंद हजार व्हान्ना अन सक्कागोळ सक्कीदव, आव होगकु मुण्ण अगुळदुन, अदकि तान स्वामी इन धन मुण्ण दा होचकु ईटदुन.”**

19 **“हापाळ दनि इन बाददा आ दासगोळ्द स्वामी बंदकु आंदुर से हिसाब ताकोमली कुरतुन. 20 याऊक अईद हजार व्हान्ना अन सक्कागोळ सक्कीदव, आव अईद हजार सक्कागोळ मात्त तनकु अंदुन, ‘हे स्वामी, नी नानी अईद हजार व्हान्ना अन सक्का कोटीद, नोळ, ना अदुर मा अईद हजार सक्कागोळ मात्त कमुसीन.’ 21 आऊन स्वामी आऊन से अंदुन, ‘शाब्बास, हे वळ्लेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधिकारी माळाईन. तान स्वामी इन खुशी दा सहभागी आग.’ ”**

22 **“अदकि याऊक येढ्ढ हजार सक्कागोळ सक्कीदव, आव भी बंदकु अंदुन, ‘हे स्वामी, नी नानी येढ्ढ हजार सक्कागोळ सौप्सीद, नोळ, ना येढ्ढ हजार सक्कागोळ मात्त कमुसदनि.’ 23 आऊन स्वामी आऊन से अंदुन, ‘शाब्बास, हे वळ्लेव अदकि वशिवासयोग्य दास, नी थ्वाळासा दा वशिवासयोग्य ईत्त; ना नीनी हापाळ वस्तुगोळ्द अधिकारी माळाईन. तान स्वामी इन खुशी दा सहभागी आग.’ ”**

24 “आग याऊक ऊंद हजार वहानना अन सक्कागोळ सक्कीदव, आव बंदकु अंदुन, हे स्वामी, ना नीनी अरूतीन कनि कठोर मंळसा आय: नी यल टु बोऊसाल अल टु कडुत्या, अदकि यल बीजा हाकाल अल टु ताकोमत्या. 25 इदुरसाटी ना अंजेदीन अदकि होगकु नीन वहानना अन सक्कागोळ मुण्ण दा होचकु इटदीन. नोळ, जो नींद आद, अद ईद हुन:”

26 आऊन स्वामी आऊक उत्तर कोट्टुन, “हे दुष्ट अदकि आलसी दास, याग नी ईद जानस्या कनि यल ना बोऊसीदलि अल टु कडुतीन, अदकि यल ना बीजा हाकीदील अल टु ताकोमतीन; 27 आग नी ईद माळाईद कनि नान धन सावकार उन हात्ती ईट बुळाईद, आग ना बंदकु तान धन ब्याज समेत आऊन से ताकोम कोमायदीन. 28 इदुरसाटी आऊन से अव ऊंद हजार सक्कागोळ ताकोमकोमी, अदकि यार्द हात्ती हत्त हजार सक्कागोळ आव, आऊक कोटबुळी. 29 यतकी यार हात्ती आद, आऊक मात्त कोटकु आदीत; अदकि आऊन हात्ती हापाळ आगेदीत: लेकीन याऊन हात्ती हैलेच, आऊन से अद भी जो आऊन हात्ती आद, ताकोमकु आदीत. 30 अदकि ई नकिम्मा दास उक व्हार्या अंधार दा हाक्क बुळी, यल वोरलोद अदकि हल्ल कचचोद आदीत.”

आखरी न्याय

31 “याग मंळसा अन पार तान महमा दा बंदान अदकि सप्पा स्वरगदूत आऊन सांगुळ बंदार, रा आव तान महमा अन्द सहिसन मा वरिजमान आदान. 32 अदकि सप्पा राज्य अन लॉकुर आऊन मुंद जमा माळकु आदार; अदकि ह्यांग चरवाह लांडग्यागोळी मरगोळ से अलग माळ बुळतान, हांग अच आव आंदरी आबुर दाबुर से अलग माळ्यान. 33 आव लांडग्यागोळी ऊम्मा कय मा अदकि मरगोळी डाक्या कय मा नीदरूस्यान. 34 आग राजा तान ऊम्मा कय दी नीदरावाळेर से अंदान, हे नांद आप्प उन धन्य लॉकुरा, बरी, आ राज्य अन्द अधिकारी आगेगी, जो दुनिया अन्द पयला टु उच नीम साटी तयार माळकु आग्याद. 35 यतकी ना हस्तकु ईरीन, अदकि नीव नानी तनिली कोट्टीर; ना नरिळ्कु ईरीन, अदकि नीव नानी नीर कुळसदीर; ना अनजान ईरीन, अदकि नीव नानी ताम मान्या ईटदीर; 36 ना ऊगळा ईरीन, अदकि नीव नानी कपळा हाक्सुसदीर; ना बमिार ईरीन, अदकि नीव नान देखभाल माळदीर, ना बंदीगूह दा ईरीन, अदकि नीव नान से भेट ताकोमली बंदीर.”

37 “आग न्यायी लॉकुर आऊक उत्तर कोट्टार, हे प्रभु, नाव याग नीनी हस्तकु नोळदेव अदकि तीन्सदेव? या नरिळ्कु नोळदेव अदकि नीर कुळसदेव? 38 नाव याग नीनी अनजाना नोळदेव अदकि तान मान्या ईटदेव? या ऊगळा नोळदेव अदकि कपळा हाक्सुसदेव? 39 नाव याग नीनी बमिार या बंदीगूह दा नोळदेव अदकि नीन से भेट माळली बंदेव?” 40 आग राजा आंदरी उत्तर कोट्टान, ‘ना नीम से खरा अनतीन कनि नीव जो नान स्यांळद से स्यांळद वार्दुर दा टु यावारा ऊंद मंळसा अन्द सांगुळ माळदीर, अद नांदा सांगुळ माळदीर.’”

41 “आग आव डाक्या कय दी नीदरावाळेर से अंदान, हे शापति लॉकुरा, नान मुंद टु अद अनन्त बेक्की दा होटोगी, जो शैतान अदकि आऊन दूतगोळ साटी तयार माळकु आग्याद. 42 यतकी ना हस्तकु ईरीन, अदकि नीव नानी तनिली कोटीदील; ना नरिळ्कु ईरीन, अदकि नीव नानी नीर कुळसदील; 43 ना अनजाना ईरीन, अदकि नीव नानी तान मान्या ईटीदील; ना ऊगळा ईरीन, अदकि नीव नानी कपळा हाक्सुसीदलि; ना बमिार अदकि बंदीगूह दा ईरीन, अदकि नीव नान देखभाल माळीदील.”

44 “आग आंदुर उत्तर कोट्टार, हे प्रभु, नाव नीनी याग उपासा, या नरिळ्कु, या परदेशी, या ऊगळा, या बमिार, या बंदीगूह दा नोळदेव, अदकि नींद स्यावा टहल माळीदलि?” 45 आग आव आंदरी उत्तर कोट्टान, ‘ना नीम से खरा अनतीन कनि नीव जो ई स्यांळद टु स्याणेर दा टु यावारा ऊंद मंळसा अन सांगुळ माळीदलि, अद नांद सांगुळ भी माळीदलि.’ 46 अदकि इंदुर अनन्त दण्ड भोगसोर साटी कळुकु आदार लेकीन न्यायी लॉकुर अनन्त जीवन दा प्रवेश माळ्यार.”

✧ 25:29 २५:२९ मत्ती १३:१२; मरकुस ४:२५; लूका ८:१८ ✧ 25:30 २५:३० मत्ती ८:१२; २२:१३; लूका १३:२८ ✧ 25:31 २५:३१ मत्ती १६:२७; मत्ती १९:२८

26

यीशु उन खलिाप साजीश

(मरकुस १४:१-२; लूका २२:१-२; यूहन्ना ११:४५-५३)

1 याग यीशु इव सप्पा मात अंद बुट्टुन रा तान चेलागोळ से अनली कुरतुन, 2 “नीव जान्सतीर की येढ्ढ दनि इन बाद्दा फसह अन्द हाब्ब आद, अदकि मंळसा अन्द पार क्रूस मा येरसोर साटी हुळसुसकु आदान.”*

3 आग प्रधान याजक अदकि प्रजा अन्द पुरनणि कैफा हेसुर इन महायाजक उन भवन दा जमा आदुर, 4 अदकि आपस दा वचिर माळली कुरतुर की यीशु उक गुप्त तरीका देल हुळकु कोंद बुटेव. 5 लेकीन आंदुर अनतोगोर, “हाब्बा अन समय दा ईला, ईलारा हगि आगबाळुल की लांकुर दा दंगा फसाद आगेगुल.”

बैतनयियाह दा यीशु उन अभषिक

(मरकुस १४:३-९; यूहन्ना १२:१-८)

6 याग यीशु बैतनयियाह दा शमौन कोढी इन मान्या ईरोन, 7 *रा ऊंद आरत संगमरमर इन बाटुल दा बार ईत्तर हुळकु यीशु उन हात्ती बंदुर, अदकि याग आव ऊमोर साटी कुरतीदुन रा आऊन ताल्ला मा ऊलटुसदुर. 8 ईद नोळकु आऊन चेलागोळी सट्टि बत्त अदकि आंदुर अनली कुरतुर, “ई ईत्तर येती बरबाद माळकु आग्याद? 9 इदरी रा वळ्ळीद दाम दा मारकु कंगालगोळ दा वाटस्कु आग सकोद.”

10 ईद जान्सकु यीशु आंदुर से अंदुन, “आ आरत इक येती सतुसतीर? आक नान साटी भलाई इन क्याल्सा माळ्यार. 11 कंगाल रा नीम सांगुळ हमेशा ईरतार, लेकीन ना नीम सांगुळ हमेशा ईर सकालीन. 12 आक नान मय मा जो ईत्तर हाक्यार, अद नान सोत्तुर बाद्दा नळसकु आगोद तयारी हुन. 13 ना नीम से खरा माताळतीन, की सप्पा दुनया दा येल्यारा भी ईद खुशखबरी प्रचार माळकु आदीत, अल आकनि ईद क्याल्सा अन्द वर्णन भी आकनि याद दा माळकु आदीत.”

यहूदा इस्करयिोती इन वश्वासघात

(मरकुस १४:१०-११; लूका २२:३-६)

14 आग यहूदा इस्करयिोती, जो हन्नेळ चेलागोळ दा टु ऊंद ईरोन, प्रधान याजकगोळ्द हात्ती होदुन, 15 अदकि आव अंदुन, “अगर ना आऊक नीम कय दा हुळसुस कोळाईन रा नानी येन कोट्टीर?” आंदुर आऊक तीस चाँदी नव सक्कागोळ आळुकु कोट बुटुर. 16 अदकि आव अदा समय टु आऊक हुळसुसोद सही मवका ढुंढसली कुरतुन.

चेलागोळ्द सांगुळ फसह हाब्ब इन आखरी भोज

(मरकुस १४:१२-२१; लूका २२:७-१३, २१-२३; यूहन्ना १३:२१-३०)

17 अखमीरी रोट्टी इन हाब्बा इन पयला दनि, चेलागोळ यीशु उन हात्ती बंदकु केळली कुरतुर, “नी येन चाहासत्या की नाव नींद साटी फसह तनिोद तयारी माळेव?”

18 यीशु अंदुन, “नगर दा अमुक मंळसा अन्द हात्ती होगकु आऊन से अनी, ‘गुरु अनेत्यान की नांद समय हात्ती आद. ना तान चेलागोळ्द सांगुळ नीन मान्या फसह हाब्ब मानसाईन.’”

19 इदुरसाटी चेलागोळ यीशु उन आग्या स्वीकार माळदुर अदकि फसह तयार माळदुर.

20 याग द्याव आत रा आव हन्नेळ चेलागोळ सांगुळ ऊमली कुरतीदुन. 21 याग आंदुर तीनोर रा यीशु अंदुन, “ना नीम से खरा अनतीन की नीम दा टु ऊंद नानी हुळसुस्यान.”

22 इदुर मा आंदुर च्याच उदास आदुर, अदकि हर ऊंद चेला यीशु से केळली कुरतुन, “हे गुरु, येन आव ना हुईन?”

23 यीशु उत्तर कोट्टुन, “आव जो नान सांगुळ तंळग्या दा ऊमतान, आवा नानी हुळसुसकु सोपस्यान. 24 ना मंळसा अन्द पार ह्यांग नान बारा दा शास्त्र दा लखिसकु आद, अद आदीत अच; लेकीन आ मंळसा अन्द साटी शोक आद याऊन द्वारा मंळसा अन पार हुळसुसकु आदान: अगर आ मंळसा अन्द जनम अच ईला आगाईत, रा आऊन साटी भला आगाईत.”*

* 26:2 २६:२ नरिगमन १२:१-२७ * 26:7 २६:७ लूका ७:३७,३८ * 26:24 २६:२४ भजन संहिता २२:७-८; यशायाह ५३:९

25 आग यीशु उक हुळसुसकु सौपसावाळा यहूदा अंदुन, “हे गुरु, येन आव ना हुईन?”
यीशु आऊन से अंदुन, “नी रा अंदबुट.”

प्रभु भोज

(मरकुस १४:२२-२६; लूका २२:१४-२०; १ कुरनिथि ११:२३-२५)

26 “याग आंदुर ऊमोर रा यीशु रोटी ताकोडुन, अदकि आशीष बेळकु मुरदुन, अदकि चेलागोळी कोटकु अंदुन, हुडी, तनी; ईद नांद मय हुन.”

27 बाक यीशु कटोरा हुळकु धन्यवाद माळदुन, अदकि आंदरी कोटकु अंदुन, “नीव सप्पा लॉकुर इदुर दा टुकुडी, 28 यतकी ईद वाचा अन्द नान अद रक्ता हुन, जो सप्पा लॉकुर पापगोळ माफ अन्द साटी वाहुसकु आगतद. 29 ना नीम से खरा अनतीन की अंगुर इन ईद रास्सा आ दनि ताका यागलु कुढालीन, यागासताका नीम सांगुळ तान आप्प उन राज्य दा व्हाशोद रास्सा कुडू कोमालीन.”

30 बाक आंदुर भजन हाळ्त्त-हाळ्त्त जैतून पहाळी मा होदुर.

पतरस उन इनकार इन भवषियवाणी

(मरकुस १४:२७-३१; लूका २२:३१-३४; यूहन्ना १३:३६-३८)

31 आग यीशु चेलागोळ से अंदुन, “नीव सप्पा मुंदुर ईदल्या ईळ्लक इक नांद बारा दा ठोकर तदिर, यतकी शास्त्र दा लखिसकु आद: ‘ना चरवाह अक कोनाईन, अदकि झुण्ड इन म्यांडागोळ ततिर-बतिर आगोदव.’* 32 *लेकीन ना तान जतिता आगदुर बाददा नीम से पयले गलील इक होगईन.”

33 इदुर मा पतरस यीशु से अंदुन, “अगर सप्पा मुंदुर नीन बारा दा ठोकर तदिर रा तदिर, लेकीन ना यागलु ठोकर तनितीदील.”

34 यीशु आऊन से अंदुन, “ना नीन से खरा अनतीन की ईदल्या ईळ्लकी हुंज इन कुग्गोर से पयले, नी मुर घन नांद इनकार माळ्या.”

35 पतरस यीशु से अंदुन, “अगर नानी नीन सांगुळ सायोद भी बदिदीत, तरी ना नींद यागलु इनकार माळतीदील.” अदकि हगि अच सप्पा चेलागोळ भी अंदुर.

गतसमनी दा प्रार्थना

(मरकुस १४:३२-४२; लूका २२:३९-४६)

36 आग यीशु तान चेलागोळद सांगुळ गतसमनी हेसुर इन ऊंद जागा दा बंदुन अदकि तान चेलागोळ से अनली कुरतुन, “ईल्या कुरतकु ईरेतीर, आगासताका ना अल होगकु प्रार्थना माळतीन.” 37 यीशु पतरस अदकि जब्दी इन येदुदु पारगोळी सांगुळ ओतुन, अदकि उदास अदकि व्याकुल आगली कुरतुन. 38 आग यीशु आंदुर से अंदुन, “नान मन च्याच उदास आद. इल ताका की नान जीव होळतेला आद. नीव ईल्या ठहूसी अदकि नांद सांगुळ च्याता ईरी.”

39 बाक यीशु थ्वाळासा मात्त मुंद होगकु बाय इन भार देल बदिदुन, अदकि ईद प्रार्थना माळदुन, “हे नांद आप्पा, अगर आग सकुल रा ईद संकट नान मा टु टलसेगुल, तौभी ह्यांग ना चाहासतीन हांग ईला, लेकीन ह्यांग नी चाहासत्या हांग अच आगुल.”

40 बाक यीशु चेलागोळद हात्ती बंदकु आंदरी मगितेला नोळदुन अदकि पतरस से अंदुन, “येन नीव नान सांगुळ ऊंद घळी भी च्याता ईला ईर सकीर? 41 नीव परीक्षा दा बळितीदील इदुरसाटी च्याता ईरी, अदकि प्रार्थना माळतेला ईरी: आत्मा रा तयार आद, लेकीन शरीर कमजोर आद.”

42 बाक यीशु दुसरा बार होगकु ईद प्रार्थना माळदुन, “हे नांद आप्पा, अगर ईद नांद कुढा बना ईला हटसतीदाद रा नींद इच्छा पुरा आगुल.” 43 आग यीशु बंदकु आंदरी मात्त मगितेला नोळदुन, यतकी आंदुरव कण्णगोळ जप देल तुमकु ईरव.

44 आंदरी बटिकु यीशु मात्त होटोदुन, अदकि अवा आवाजगोळ दा मात्त तीसरा बार प्रार्थना माळदुन. 45 आग यीशु चेलागोळद हात्ती बंदकु आंदुर से अंदुन, “ईग मगितेला ईरी, अदकि आराम माळी: नोळी, घळी होट बंदाद, अदकि ना मळसा अन्द पार पापीगोळ कय देल हुळसुसकु आगाईन. 46 येळी, होगता; नोळी, नानी ध्वाका देल हुळसुसकु सौपसावाळा नान हात्ती होट्ट बंदान.”

* 26:31 २६:३१ जकर्याह १३:७ * 26:32 २६:३२ मत्ती २८:१६

यीशु उन धवाका देल हुळसुसकु आगोद

(मरकुस १४:४३-५०; लूका २२:४७-५३; यूहनना १८:३-१२)

47 यीशु ईद अनतेला अच ईरोन कऱि यहूदा जो हन्नेळ चेलगोळ दा टु ऊंद ईरोन बंदुन, अदकि आऊन सांगुळ प्रधान याजकगोळ अदकि लॉकुरद पुरनयागोळ दी टु धोळ भीळ तलवारगोळ अदकि कोलगोळ हुळकु बंदुर. 48 यीशु उक हुळसुसावाळा आंदरी ईद संकेत कोटीदुन: “यार्द ना चुम्मा ताकोमाईन आवा हुन; आऊक हुडु कोमेतीर.”

49 अदकि तुरन्त यीशु उन हात्ती बंदकु अंदुन, “हे गुरु, नमस्कार!” अदकि आऊंद हापाळ चुम्मा ताकोडुन.

50 यीशु आऊन से अंदुन, “हे संगी, या कयालसा अन्द साटी नी बंद्या, अदरी माळकोम.”

आग आंदुर हात्ती बंदकु यीशु मा कय हाकदुर अदकि आऊक हुडुकोडुर. 51 यीशु उन संगीगोळ दा टु ऊंद संगी कय मुंद माळकु तान तलवार जेडु कोडुन अदकि महायाजक उन दास मा नळसकु आऊन कवि हारस बुट्टुन. 52 आग यीशु आऊन से अंदुन, “तान तलवार मयान दा ईट कोम यतकी जो तलवार नळसतार आंदुर सप्पा मुंदुर तलवार देल नाश माळकु आदार. 53 येन नी जानसाल कऱि ना तान आप्प उन से वनिती माळ सकतीन, अदकि आव स्वर्गदूतगोळ्द हन्नेळ पलटन से यक्कुल नान हात्ती ईगल्या उपस्थति माळ बुटान? 54 लेकीन पवतिरशास्त्र नव अव मातगोळ कऱि हगि अच आगोद जरूरी आद, हयांग पुरा आदव?”

55 *आ समय यीशु भीळ से अंदुन, येन नीव तलवारगोळ अदकि कोलगोळी हुळकु नानी डाकूगोळ घाई हुडुली होटीर? ना हर रोज मंदिर दा कुर्तकु उपदेश कोळतोगीन, आग रा नीव नानी हुळददिल.

56 “लेकीन ई सप्पा इदुरसाटी आग्याद कऱि भवषियवक्तागोळ्द वचन पुरा आगुल.” आग सप्पा चेलगोळ यीशु उक बटिकु वोळेदुर.

महासभा अन्द मुंद यीशु

(मरकुस १४:५३-६५; लूका २२:५४-५५,६३-७१; यूहनना १८:१३-१४,१९-२४)

57 आग यीशु उक हुडावाळेर आऊक कैफा हेसुर इन महायाजक उन हात्ती ओतुर, यल नयिम इन गुरु अदकि पुरवजगोळ जमा आगीदुर. 58 पतरस दुर दुर टु उच आऊन हदि-हदि महायाजक उन आंगुळ ताका होदुन, अदकि बुळ्क होगकु यीशु उन अन्त नोळली सपिाहीगोळ सांगुळ कुरतोदुन. 59 प्रधान याजक अदकि सप्पा महासभा यीशु उक कोननोर साटी आऊन वरिध दा ख्वाटा गवाही इन खोज दा ईरोर, 60 लेकीन हापाळ सा ख्वाटा गवाहगोळ बंदुर मा भी आंदरी येनु हासलि आगीदिल. आखरी दा येढ्ढ मुंदुर बंदुर, 61 *अदकि अंदुर, “ईव अंदान कऱि ना परमेश्वर उन मंदिर इक केडु सकतीन अदकि अदरी मुर दनि दा माळ सकतीन.”

62 आग महायाजक नीदुरकु यीशु से अंदुन, “येती नी येनु उत्तर कोळाल? ई लॉकुर नीन वरिध दा येन गवाही कोळेत्यार?” 63 लेकीन यीशु सुंगा ईततुन. आग महायाजक यीशु से अंदुन, “ना नीनी जत्तिता परमेश्वर उन करिया कोळतीन कऱि अगर नी परमेश्वर उन पार मसीह हुय, रा नाम से अंद बुळ.”

64 यीशु आऊन से अंदुन, “नी रा खुद अच अंदबुट; लेकीन ना नीम से ईद भी अनतीन कऱि ईगी टु नीव मंळसा अन पार उक सर्वशक्तमान उन ऊमा कय दी कुर्त, अदकि आकाश इन बादलगोळ मा बर्त नोळीर.”

65 इदुर मा महायाजक तानव कपळा हरदुन अदकि अंदुन, “ईव परमेश्वर उन अपमान माळ्यान, ईग नामी गवाहगोळ्द येन जरवत आद? नोळी, नीव ईगल्या ईद अपमान केळीर! 66 नीव येन सोचेतीर?”

आंदुर उत्तर कोट्टुर, “ईव मृत्यु दण्ड इन योग्य आन.”

67 आग आंदुर यीशु उन बाय मा ऊगुळदुर अदकि आऊक बुक्की बळदुर, दुसरा लॉकुर क्याबरा बळकु अंदुर, 68 “हे मसीह, नाम से भवषियवाणी माळकु अन कऱि यार नीनी बळदुर?”

पतरस उन इनकार

(मरकुस १४:६६-७२; लूका २२:५६-६२; यूहनना १८:१५-१८,२५-२७)

69 पतरस व्हार्या आंगुळ दा कुरतकु ईरोन कज्जंद दासी आऊन हात्ती बंदुर अदकि अंदुर, “नी भी यीशु गलीली इन सांगुळ ईर्या.”

70 आव सप्पा मुंदुर्द मुंद ईद अनतेला इनकार माळदुन, “ना जान्सालीन नी येन अनीत्या.”

71 याग आव व्हार्या दरवाजा मा होदुन, रा दुसरा दासी आऊक नोळकु आंदुर से अंदुर जो अल ईरोर, “ईव भी रा आ यीशु नासरी इन सांगुळ ईरोन.”

72 आव करिया तनिकु मात्त इनकार माळकु अंदुन: “ना आ मळसा अक अरालीन.”

73 घळी तमिर बाददा लॉकुर जो अल नीदुरकु ईरोर, पतरस उन हात्ती बंदकु आऊन से अंदुर, “खराखुरा नी भी आंदुर दा टु ऊंद हुय, यतकी नीन बोली भाषा नीद भेद खोलस बुळतद.”

74 आग आव मना माळली अदकि करिया तनिली कुरतुन: “ना आ मळसा अक अरालीन.” अदकि तुरन्त हुंज कुगत. 75 आग पतरस उक यीशु उन आ मात याद बत्त: “हुंज इन कुगगोर से पयले नी मुर घन नान इनकार तुम्या.” अदकि आव व्हार्या होगकु हापाळ दुखी आगकु वरलदुन.

27

पलातुस उन मुंद यीशु

(मरकुस १५:१; लूका २३:१,२; यूहन्ना १८:२८-३२)

1 याग व्हातुर आत रा सब प्रधान याजक लॉकुरद पुरनएिगोळ यीशु उक कोंद बुळोद साटगाट माळदुर. 2 आंदुर आऊक कटदुर अदकि वोतकु पलातुस न्यायाधीश उन कय दा कोट बुट्टुन.

यहूदा तान कय देल सोत्तुन

(प्रेरतिगोळ १:१८,१९)

3 *याग यहूदा, याव यीशु उक हुळसुसीदुन, ईद नोळदुन कज्जि यीशु उक दोषी ठहरूसकु आग्याद, रा आव पछ्तासदुन, अदकि चाँदी नव तीस सक्कागोळी प्रधान याजक अदकि पुरनएिगोळी वापस माळदुन 4 अदकि अंदुन, “ना ऊंद नरिदोष मळसा अक ध्वाका देल कोन्नोर साटी हुळसुसकु पाप माळदीन!” आंदुर अंदुर, “नामी येन माळोद आद? नी तान जान्स.”

5 आग आव आ सक्कागोळी मंदिर दा भटिकु होटोदुन, अदकि होगकु खुद तान-तान इक फाँसी हचदुन.

6 प्रधान याजकगोळ आ सक्कागोळी हुळकु अंदुर, “इवरी, दान भंडार दा ईटोद उचति हैलेच, यतकी ईद खुन इन दाम हुन.” 7 अदकि आंदुर आपस दा साटगाट माळदुर अदकि आ पैस्यागोळ देल परदेशीगोळी नळसोर साटी गळग्या माळावाळा अन्द केई कोंडुर. 8 इदुर कारण आ केई ईगासताका खुन इन केई कहलुसतद.

9 आग आ वचन यरिमयाह भवषियवक्ता अन्द द्वारा अंदकु आगीत अद पुरा आत: “आंदुर आ तीस सक्का मतलब आ जो ठहरूसद दाम इक (यदरी इस्त्राएल इन औलाद दा टु यास मुंदुर ठहरूसीदुर) ताकोम कोंडुर, 10 अदकि ह्यांग प्रभु नानी आग्या कोटीदुन हांग अच अवरी गळग्या माळावाळेरद केई इन दाम दा कोट बुट्टुन.”

पलातुस उन प्रश्न

(मरकुस १५:२-५; लूका २३:३-५; यूहन्ना १८:३३-३८)

11 याग यीशु न्यायाधीश उन मुंद नदुरकु ईरोन रा न्यायाधीश आऊन से केळदुन, “येन नी यहूदीगोळ्द राजा हुय?”

यीशु आऊन से अंदुन, “नी खुद अच अनेत्या.” 12 याग प्रधान याजक अदकि पुरनएि आऊन मा दोष हचचोर, रा यीशु येनु उत्तर कोटीदील.

13 इदुर मा पलातुस यीशु से अंदुन, “येन नी येनु केळाल कज्जि इंदुर नीन वरिध दा याट गवाही कोळेत्यार?”

14 लेकीन यीशु आऊक ऊंद मात इन भी उत्तर कोटीदील, इल ताका कज्जि न्यायाधीश उक हापाळ आश्चर्य आत.

यीशु उक मृत्यु-दण्ड इन आग्या

(मरकुस १५:६-१५; लूका २३:१३-२५; यूहन्ना १८:३९; १९:१६)

15 न्यायाधीश उन ईद रीति ईरोद की आ हाबब दा लॉकुरद साटी यावारा ऊंद कैदी इक यारी आंदुर चाहासतोगोर, बळितोगोन. 16 आ समय दा आंदुर बंदीगृह दा बरअब्बा हेसुर ईनव ऊंद जाना माना कैदी ईरोन. 17 इदुरसाटी याग आंदुर जमा आदुर, रा पलातुस आंदुर से अंदुन, “नीव यार इक चाहासतीर की ना नीम साटी बटि बुळाईन? बरअब्बा अक, या यीशु उक जो मसीह कहलुस्तान?” 18 यतकी आव जानसोन की आंदुर यीशु उक ध्वाका देल हुळसुसकु सोपस्यार.

19 याग पलातुस राजा न्याय इन गद्दी मा कुरतकु ईरोन रा आऊन हगिस आऊक बुलावा कळुदुर की, “नी आ न्यायी मळसा अनंद मामला दा कय हाकबाळ, यतकी ना ईद कान्सा दा आऊन कारण हापाळ दुख नेगदीन.”

20 प्रधान याजकगोळ अदकि पुरनएगोळ लॉकुरी भळकुसदुर की आंदुर बरअब्बा अक बेळ कोमुल, अदकि यीशु उन नाश माळसुसुल. 21 न्यायाधीश आंदुर से केळदुन, “इंदुर येदुदु मुंदुर दा टु यार इक चाहासतीर की ना नीम साटी बटि बुळाईन? आंदुर अंदुर, बरअब्बा अक.”

22 पलातुस आंदुर से केळदुन, “बाक यीशु उक जो मसीह कहलुस्तान, येन माळाईन?”

सप्पा मुंदुर पलातुस राजा से अंदुर, “आऊक क्रूस मा येर्स बुळ!”

23 न्यायाधीश अंदुन, “यती, आव येन बुराई माळ्यान?”

लेकीन आंदुर मातत चलिळास-चळिलासकु अनली कुरतुर, “आऊक क्रूस मा येर्स बुळ.”

24 याग पलातुस नोळदुन कनिन से येनु आगसकाल लेकीन उलटा झगळा वाळुसेत्याद, रा आव नीर हुडुकु भीळ इन मुंद तान कय तोळदुन अदकि अंदुन, “ना ई मळसा अनंद रक्ता देल नरिदोष आईन; नीव अच नोळी.”

25 सप्पा लॉकुर उत्तर कोट्टुर, “ईऊन खुन नाम मा अदकि नाम औलाद मा आगुल!”

26 इदुर मा पलातुस राजा बरअब्बा अक आंदुर साटी बटि बुट्टुन, अदकि यीशु उक क्वाळा बळदकु सौप्स बुट्टुन, की आऊक क्रूस मा येर्सकु आगुल.

सपिहीगोळ द्वारा यीशु उन अपमान माळोद

(मरकुस १५:१६-२०; यूहन्ना १९:२-३)

27 आग न्यायाधीश ईनोर सपिहीगोळ यीशु उक कलिा दा वोतकु सप्पा पलटन आऊन नाकु दी जमा माळदुर, 28 अदकि आऊन कपळा ईळसकु आऊक क्याचांद रंग इन कपळा हाक्सुसदुर, 29 अदकि मुळल इन मुकुट तयार माळकु यीशु उन ताल्ला मा ईटदुर, अदकि आऊन ऊम्मा कय दा सरकण्डा कोट्टुर अदकि आऊन मुंद ट्वांगारा टेक्सकु आऊन मज्याक हार्सली कुरतुर अदकि अंदुर, “हे यहूदीगोळ्द राजा, नमस्कार!” 30 अदकि आऊन मा ऊगुळदुर; अदकि अदा सरकण्डा हुळकु आऊन ताल्ला मा बडुली कुरतुर. 31 याग आंदुर यीशु उन मज्याक हार्स बुट्टुर, रा अद च्वांगगा आऊन मा टु ईळसकु आऊन अच कपळा आऊक हाक्सुसदुर, अदकि क्रूस मा येरसोर साटी वयली कुरतुर.

यीशु उक क्रूस मा येर्सकु आगोद

(मरकुस १५:२१-३२; लूका २३:२६-४३; यूहन्ना १९:१७-२७)

32 याग आंदुर व्हार्या होळोर रा आंदरी शमौन हेसुर ईनव ऊंद कुरेनी मळसा सकिदुन. आंदुर आऊक बेकार दा हुळदुर की आऊन क्रूस नेगुकु नळुल. 33 अदकि याग आंदुर आ जागा मा बंदुर जो गुलगुता कहलुसतद, मतलब खोपळी इन जागा, पोहचुस्कु, 34 आंदुर पतित मलिसकु अंगुर इन रास्सा यीशु उक कुडुली कोट्टुर, लेकीन आव नेकदुन रा आऊक केय हत्त अनकु आव हुळदीदलि.

35 आग आंदुर आऊक क्रूस मा येर्सदुर, अदकि चिट्ठी हाक्कु आऊन कपळागोळ वाटा माळदुर, 36 अदकि अल कुरतकु आऊक कायली कुरतुर. 37 अदकि आऊन दोषपत्र आऊन ताल्ला अनंद म्याकुच हचदुर, की “इव यहूदीगोळ्द राजा यीशु हुन.” 38 आग आऊन सांगुळ येदुदु डाकूगोळ ऊंद ऊम्मा कय दी अदकि ऊंद डाक्या कय दी, क्रूस मा येर्सकु आदुर.

39 होगा-बरावाळेर ताल्ला आलगाळ्स-आलगाळ्सकु आऊन अपमान माळतोगोर, 40 अदकि ईद अनतोगोर, “हे मंदरि इक केळावाळा अदकि मुर दनि दा माळावाळा, तान तान इक रा ऊळ्स! अगर नी परमेश्वर उन पार हुय, रा क्रूस मा टु ईळ्दकु बर.”

41 ईदा रीता देल प्रधान याजक भी नयिम इन गुरुगोळ अदकि पुरनयागोळ्द सांगुळ मज्याक माळ माळकु अनतोगोर, 42 “ईव रा च्याच मुंदुर इक ऊळ्स्यान, अदकि तान तान इक ऊळ्स सकालुन. इव रा ‘इस्त्राएल इन राजा’ हुन. ईग क्रूस मा टु ईळ्कु बंदान रा नाव आऊन मा वशिवास माळेव. 43 आव परमेश्वर मा भरोसा ईटदुन; अगर आव ईऊक चाहासतान, रा ईग इऊक बळ्िस कोमुल, यतकी ईव अंददिन, ‘ना परमेश्वर उन पार हुईन.’”

44 ईदा प्रकार डाकू भी जो आऊन सांगुळ क्रूस मा येर्सकु आगीदुर, आऊन अपमान माळतोगोर.

यीशु उन जीव त्यागसोद

(मरकुस १५:३३-४१; लूका २३:४४-४९; यूहन्ना १९:२८-३०)

45 हन्नेळ मुरा टु रा मुर मुरास ताका आ सप्पा प्रदेश दा अंधार आगकु ईत्त. 46 मुर मुरा अन्द हात्तीपास यीशु धोळ्द आवाज दा चळिलासकु अंदुन, “एली, एली, लमा शबक्तनी?” मतलब “हे नान परमेश्वर, हे नान परमेश्वर, नी नानी येती बटिबुट?”

47 जो अल नीदुरकु ईरोर, आंदुर दा टु यास मुंदुर ईद केळकु अंदुर, “आव रा एलियाह अक कारूतान.” 48 आंदुर दा टु ऊंद मंळसा तुरन्त हरदुन, अदकि स्पंज हुळकु सरिका दा डोब्सदुन, अदकि सरकण्डा मा ईटकु आऊक नेक्सदुन.

49 अदकि च्याच मुंदुर अंदुर, “ईल्या ईरी, नोळाता एलियाह आऊक ऊळ्सली बरतान का ईला.”

50 आग यीशु मात्त धोळ्द आवाज देल चळिलासकु जीव बटि बुटुन.

51 अदकि नोळी, मंदरि इन परदा म्याकुच टु ल्यालमा ताका हर्दकु येढ्द तुकळा आगेत: अदकि धरती डोलसेत अदकि चट्टानगोळ तळकुसेदव, 52 अदकि कब्रगोळ तेरदोदव, अदकि जो कब्रगोळ दा मगिकु ईरोर आ पवतिर लॉकुरद हापाळ सा लाश जत्तिता आदव, 53 अदकि आऊन जत्तिता आगदुर बाददा आंदुर कब्रगोळ दा टु होटकु पवतिर नगर दा होदुर अदकि हापाळ मुंदुर इक काळसदुर.

54 आग सूबेदार अदकि जो लॉकुर आऊन सांगुळ यीशु उक कायोर, याग आंदुर भूकम्प अदकि जो येनारा आगीत अदरी नोळकु हापाळ अंजेदुर अदकि अंदुर, “खराखुरा ईव परमेश्वर उन पार ईरोन!”

55 अल हापाळ सा आर्तर जो गलील टु यीशु उन स्यावा माळतेला आऊन सांगुळ बंदीदुर, दुर टु ईद नोळोर. 56 आंदुरदा मरयिम मगदलीनी, अदकि याकूब अदकि योसेस उन मोय मरयिम, अदकि जब्दी इन चकिोरगोळ्द मोय ईरोर.

यीशु उक नळसोद

(मरकुस १५:४२-४७; लूका २३:५०-५६; यूहन्ना १९:३८-४२)

57 याग द्याव आत रा यूसुफ हेसुर ईनव अरमितिया अन्द ऊंद धनी मंळसा, जो खुद अच यीशु उन चेला ईरोन, बंदुन. 58 आव पलातुस उन हात्ती होगकु यीशु उन लाश बेळदुन. इदुर मा पलातुस कोळोद आग्या कोट्टुन. 59 आग यूसुफ लाश इक वोतकु बळ्िद मलमल इन चद्दर दा गुंळसदुन, 60 अदकि यीशु उक तान व्हाशोद कब्र दा ईटदुन, जो आव चट्टान दा अगळुसीदुन, अदकि कब्र अन्द दरवाजा मा धोळ्द कल्ल ढकलुसकु होटोदुन.

61 मरयिम मगदलीनी अदकि दुसरा मरयिम अल कब्र अन्द मुंद कुरतकु ईरोर.

कब्र मा पहरा कोळोद

62 दुसरा दशी जो तयारी इन दनि इन बाद इन दनि ईरोद, प्रधान याजकगोळ अदकि फरीसीगोळ पलातुस उन हात्ती जमा आगकु अंदुर, 63 “हे स्वामी, नामी याद आद क् आ भरमुसावाळा याग आव जत्तिता ईरोन, अंददिन, ‘ना मुर दनि इन बाददा जत्तिता आगाईन.’ 64 इदुरसाटी आग्या कोळ क् तीसरा दनि ताका कब्र अन्द रखवाली माळकु आगुल, हगि आगवाळुल क् आऊन चेलागोळ

✳ 27:40 २७:४० मत्ती २६:६१; यूहन्ना २:१९ ✳ 27:55 २७:५५ लूका ८:२३ ✳ 27:63 २७:६३ मत्ती १६:२१; १७:२३; २०:१९; मरकुस ८:३१; ९:३१; १०:३३,३४; लूका ९:२२; १८:३१-३३

बंदकु आऊक काळताना माळकु वीयुल अदकि लॉकुर से अनली हतुल, 'आव सोत्तुर दा टु जतिता आग्यान.' आग हदिळोद ध्वाका पयला टु भी बुरा आदीत."

65 पलातुस आंदुर से अंदुन, "नीम हात्ती पहरेदार रा आन. होगी, तान समझ इन अनुसार रखवाली माळी."

66 इदुरसाटी आंदुर पहरेदारगोळी सांगुळ ओतुर, अदकि कल्ल मा मोहर हचकु कबर अन्द रखवाली माळदुर.

28

यीशु उन पुनरूत्थान

(मरकुस १६:१-१०; लूका २४:१-१२; यूहन्ना २०:१-१०)

1 आराम इन दनि इन बाददा हप्ता अन्द पयला दनि व्हातुर आगतेला अच मरयिम मगदलीनी अदकि दुसरा मरयिम कबर अक नोळली बंदुर. 2 अदकि नोळी, ऊंद हापाळ अच भारी भूकम्प आत, यतकी परमेश्वर उन ऊंद स्वर्गदूत स्वर्ग टु ईळकु बंदुन अदकि आव कल्ल इक अलग ढकलुसकु अदुर मा कुरतुन. 3 आऊन रूप बजिली इन घाई अदकि आऊन कपळा बरफ इन घाई बळिव ईरव. 4 आऊन अंजक देल पहरेदार नळगली कुरतुर, अदकि सोत्तुर घाई आगेदुर.

5 स्वर्गदूत आ येढ्ढ आर्तेर से अंदुर, "अंजबाळी ना जान्सतीन की नीव यीशु उक जो कूरस मा येरसकु आगीदुन आऊक ढुंढसेतीर. 6 आव ईल हैलेच, तान वचन इन अनुसार जतिता आग्यान. बरी, आ जागा अक नोळी यल प्रभु बदि कु ईरोन. 7 आऊन चेलागोळी इक तुरन्त होगकु हेळी की आव सोत्तुर दा टु जतिता आग्यान, अदकि नोळी, आव नीम से पयला गलील इक होदान. अल नीमी आऊन अव दर्शन सकिकेव अदकि नीव आऊक नोळ सकीर. नोळी, ना नीमी हेळ बुटीन."

8 इदुर मा आंदुर अंजक अदकि बळा खुशी इन सांगुळ तुरन्त कबर टु वापस आगकु अदकि चेलागोळी इक ईद समाचार कोळोर साटी वोळली कुरतुर.

9 आग यीशु आंदरी सकिदुन. अदकि अंदुन, "सलाम." आंदुर हात्ती बंदकु अदकि आऊन नव काल हुळकु प्रणाम माळदुर. 10 आग यीशु आ आर्तेरी अंदुन, "अंजबाळी; नांद वार्दुरी होगकु अनी की गलील इक होगी, अल नानी नोळ्यार."

पहरेदारगोळ्द सुचना कोळोद

11 आंदुर होगतेला अच ईरोर की पहरेदारगोळ दा टु थ्वाळासा पहरेदारगोळ बंदकु पुरा हाल प्रधान याजकगोळ से अनकु केळसदुर. 12 आग आंदुर पुर्वजगोळ सांगुळ जमा आगकु सम्मर्ता माळदुर अदकि सपिाहीगोळी हापाळ चाँदी नव सकिकागोळ कोटकु अंदुर, 13 "ईद अनेतीर की ईळ्लक इक याग नाव मगिकु ईरेव, रा आऊन चेलागोळ बंदकु आऊक काळताना माळकु ओतुर. 14 अदकि अगर ईद मात न्यायाधीश उन कवि ताका पहचुसीत, रा नाव आऊक समझुस बुटेव अदकि नीमी जोखमि टु वाचुस कोडेव."

15 इदुरसाटी आंदुर पैस्या ताकोमकु हयांग आंदरी कलसकु आगीत. हांग अच माळदुर. ईद मात यहूदीगोळ दा दुर दुर ताका फैलुसेत अदकि ईगासताका प्रचलति आद.

यीशु उन काळसोद अदकि आखरी आग्या

(मरकुस १६:१४-१८; लूका २४:३६-४९; यूहन्ना २०:१९-२३; प्रेरतिगोळ १:६-८)

16 *हन्नेळ चेलागोळ गलील इन आ पहाळ मा होदुर, यारी यारी यीशु हेळीदुन. 17 आंदरी यीशु नव दर्शन सकिदव अदकि आऊक प्रणाम माळदुर, पर यारीकारा यारीकारा शंका आत. 18 यीशु आंदुर हात्ती बंदकु अंदुन, "स्वर्ग अदकि पृथ्वी इन पुरा अधिकार नानी कोटकु आग्याद. 19 *इदुरसाटी नीव होगी, सप्पा जातीगोळ लॉकुरी चेला माळी; अदकि आंदरी आप्प, पार अदकि पवतिर आत्मा अन्द हेसुर देल बपतसिमा कोळी, 20 अदकि जो आग्यागोळ ना नीमी कोट्टीन अदुरद पालन हयांग माळतार अद कल्सी. अदकि नोळी, ना युग इन अन्त ताका सदा नीम सांगुळ आईन."

मरकुस रचति यीशु मसीह का सुसमाचार मरकुस उन लखिसद यीशु मसीह अन बारा दा खुशखबरी परचिय

यीशु उन जीवन इन वर्णन माळोद नाक कतिब दा टु ऊंद कतिब मतलब मरकुस उन लखिसद खुशखबरी परचिय ईव नाक कतिबगोळी खुशखबरी अनतार यदुर्द सोपा मतलब वळ्ळीद कल्याणकारी बातणी या वार्ता आगतद

यीशु उन सोत्तुर बाददा ईव नाक खुशखबरी अनुक्रम मत्ती मरकुस लूका अदकि यूहन्ना इंदुर लखिस्यार ईव नाकु दा टु मरकुस रचति खुशखबरी सब से स्यांळ्द कतिब आद हापाळ ग्यानी लॉकुरद मान्यता आद कि मरकुस रचति खुशखबरी बाकी नव मुर खुशखबरी इन पयले यीशु उन जनम इन ६५ टु ७० वर्ष इन बाददा लखिसकु आग्याद लखिसोद हदिळोद कारण मतलब रोम ईलीद मसीह अन मंडली अन्द मनोबल वाढुसोद अदकि प्रोत्साहन माळोर साटी ताकोमकु आत.

ईव मरकुस याव हुन? प्रेरति पौलुस अदकि बरनबास इंदुरद ईव हारोदव सहकारी ईवा रा यूहन्ना मतलब मरकुस रचति खुशखबरी इन लेखक मरकुस आंदुर सांगुळ पयला मशिनरी यात्रा अन न्याड्या दा अच बटिकु होगदुर देल आऊन प्रतष्ठा अक टेस हत प्रेरतिगोळ १३:१३ बाददा ईवा मरकुस बरनबास उन सांगुळ संवकाई दा शामिल आग्त कांळसदुन. प्रेरतिगोळ १५:३७-३९, अनुसार मरकुस, पतरस ऊंद हात्ती नव संगी ईरोन. १ पतरस ५:१३ ग्यानी लॉकुरद हगि मान्यता आद कियोग मरकुस यीशु उन जीवन इन अदकि सेवाकार्य अक आमने सामने नोळीदील तरी भी पतरस उन साक्षी अन आधार मा आव आऊंद खुशखबरी लखिसदुन. ईद मरकुस उन खुशखबरी इन आधार इन माते हुन.

मरकुस रचति खुशखबरी इन येदुद बारा दा मतलब, यीशु उन खरा चेला बनसोद अदकि आखरी इन भवषिय अन बारा दा यीशु उन द्वारा कोळ्द शक्ति.

मरकुस रचति खुशखबरी दा यीशु उन “वनिम्र दास, सेवक” अदकि तान आप्प उन इच्छा पुरा माळोर साटी हमेशा तयार हगि “परमेश्वर उन प्रिय पार” ईव येदुद रूप दा दरसुसकु आन. हांग अच मरकुस दा यीशु उन द्वारा माळ्द चमत्कार इन बारा दा यक्कुल से यक्कुल लखिसकु आग्याद. ईद खुशखबरी इन समापन यीशु उन चेलागोळी कोटकु आत “महान आदेश कोटकु आग्याद.”

रूप-रेखा

१. बपतस्मा कोळावाळा यूहन्ना अदकि यीशु उन बपतस्मा १:१-१३
२. यीशु उन द्वारा गलील प्रदेश अदकि परसिर दा चमत्कार माळोद १:१४-९:५०
३. गलील टु यरूशलेम ताका यीशु उन यात्रा अदकि मंदिर दा बरोद १०:१-१२:४४
४. यीशु उन द्वारा भवषिय अन्द बारा दा बातणी कोळोद १३:१-३७
५. यीशु उन मृत्यु अदकि पुनरूत्थान अदकि महान आदेश १४:१-१६:२०

यूहन्ना बपतस्मा कोळावाळा अन्द प्रचार
(मत्ती ३:१-१२; लूका ३:१-१८; यूहन्ना १:१९-२८)

१ परमेश्वर उन पार, यीशु मसीह अन्द खुशखबरी* इन सूरवात. २ जसा यशायाह भवषियवक्ता† अन्द कतिब दा लखिसकु आद, परमेश्वर अंदुन,

“नोळ, ना नीन मुंद तान बातणी कोळावाळा अक कळुतीन,
जो नीन साटी हादी तयार माळ्यान.”

३ आळी दा ऊंद कारावाळा अन्द आवाज केळ बरेत्याद: कि

“प्रभु उन हादी तयार माळी, अदकि
आऊक होगोर साटी सळकगोळी सरका माळी.”

* 1:1 १:१ शुभ बातणी † 1:2 १:२ भवषिय अन्द बारा दा हेळावाळा

4 बपतस्मा कोळावाळा यूहन्ना आळी दा बंदुन, “जो बपतस्मा‡ अनन्द प्रचार माळतोगोन, अदकि पापगोळ्द माफ अनन्द साठी मन तरिगुसोद बपतस्मा कोळतोगोन अदकि अनतोगोन, परमेश्वर नीम पापगोळी माफ माळ्यान.” 5 पुरा यहूदया अनन्द प्रदेश, अदकि यरूशलेम इन सप्पा ईरावाळेर नवासी होटकु आऊन हात्ती होदुर, “अदकि तान पापगोळी मान्सकु यरदन गांगा दा आऊन से बपतस्मा ताकोडुर.”

6 यूहन्ना ऊँट इन चुट्टीगोळ्द फळक्या हाककु अदकि नेळु मा तोगुल इन पट्टा कटकु ईरतोगोन. फाफा§ अदकि आळी दाकळोद शयद तनितोगोन, 7 अदकि हगि अंद अंदकु प्रचार माळतोगोन कि, “नान बाददा आव बरावाळा आन, जो नान से यककुल ताकतवर आन, ना रा ई लायक भी हैलेच कि बांगकु आऊन काल ईनव केरू तेगु सकाईन. 8 ना रा नीमी नीर दा बपतस्मा कोट्टीन, लेकीन आव नीमी पवतिर आत्मा देल बपतस्मा कोट्टान.”

यीशु उन बपतस्मा

(मत्ती ३:१३-४:११; लूका ३:२१-२२; ४:१-१३)

9 आ दनिगोळ दा हगि आत कि यीशु गलील इन नासरत नगर टु बंदकु, यरदन गांगा दा बपतस्मा कोळावाळा यूहन्ना से बपतस्मा ताकोडुन. 10 अदकि याग आव नीर दा टु होटकु म्याकुच बंदुन, रा तुरन्त आव स्वर्ग इक खुल्सत अदकि पवतिर आत्मा अक कबूतर इन घाई तान म्याकुच ईळुतेला नोळदुन. 11 *आग स्वर्ग दा टु ईद आकाशवाणी आत कि, “नी नान प्रयि पार हुय, ना नीन देल हापाळ खुश आईन.”

यीशु उन परीक्षा

(मत्ती ३:१३-४:११; लूका ३:२१; २२; ४:१-१३)

12 आग पवतिर आत्मा तुरन्त यीशु उक आळी दी कळुत. 13 अदकि चालीस दनि ताका सुनसान जागा दा आऊन परीक्षा, शैतान उन द्वारा आगतेला ईरोद; अदकि आव आळी दाकळव पशुगोळ सांगुळ ईत्तुन, अदकि आग स्वर्गदूत बंदकु आऊन स्यावा माळतेला ईत्तुर.

यीशु उन स्यावा माळोद क्याल्सा अन सुरूवात

(मत्ती ४:१२-१७; लूका ४:१४,१५)

14 बपतस्मा कोळावाळा यूहन्ना अक बंदी माळदुर बाददा यीशु गलील दा बंदकु परमेश्वर उन राज्य अनन्द खुशखबरी प्रचार माळदुन, 15 *अदकि अंदुन, “समय पुरा आगोग्याद, ‘अदकि परमेश्वर उन राज्य हात्ती होट्ट बंदाद; मन तरिगुसी अदकि खुशखबरी मा वशिवास माळी.’”

यीशु उन द्वारा नाक मेन हुडावाळेर इक कारोद आत

(मत्ती ४:१२-२२; लूका ४:१४-१५; ५:१-११)

16 याग यीशु गलील इन झील इन कनारा कनारा होगोन, रा आव शमौन अदकि आऊन वार्ट अनद्रयास उक झील दा जार हाकत नोळदुन; यतकी आंदुर मेन हुडावाळेर ईरोर. 17 यीशु आंदुर से अंदुन, “नान हदि बरी; ना नीमी मंळसागोळी परमेश्वर उन हात्ती ह्यांग तरतार अद कलसाईन.” 18 आंदुर तुरन्त जारगोळी बटिकु आऊंद हदि नळुली कुरतुर.

19 थ्वाळासा मुंद होगदुर मा, आव जब्दी इन पार याकूब, अदकि आऊन वार्ट यूहन्ना अक, ड्वांगा मा कुरतकु जारगोळी सुधूसतेला नोळदुन. 20 ह्यांग यीशु आंदरी नोळदुन हांगा तुरन्त कारदुन; अदकि आंदुर तान आप्प जब्दी इक मजदूरगोळ्द सांगुळ ड्वांगा मा बटिकु, आऊन हदि होटोदुर.

दुष्टआत्मा हतकु मंळसा अक चंगा माळोद

(लूका ४:३१-३७)

‡ 1:4 १:४ नीर दा मुळकुसोद अदकि तेगोद वधी § 1:6 १:६ टड्डियाँ * 1:11 १:११ मत्ती ३:१७; १२:१८; मरकुस ९:७; लूका ३:२२ * 1:15 १:१५ मत्ती ३:२

21 आग आंदुर कफरनहूम नगर दा बंदुर, अदकि आव तुरन्त आराम इन दनि यहूदी लॉकुरद सभागृह दा होगकु उपदेश कोळली कुरतुन. 22 *अदकि लॉकुर आऊन उपदेश केळकु सट्ट आगेदुर; यतकी आव आंदरी शास्त्रीगोळ्द घाई ईला, लेकीन अधिकारीगोळ्द घाई उपदेश कोळतोगोन.

23 आटोटीका, आंदुरद यहूदी लॉकुरद सभागृह दा ऊंद मंळसा ईरोन, यारदा ऊंद दुष्टआत्मा ईरोद. 24 आव ईद अनकु चलिळास कुरतुन, “हे यीशु नासरी, नामी नीन से येन क्याल्सा? येन नी नामी नाश माळली बंद्या? ना नीनी अरूतीन, नी याव हुय? परमेश्वर उन पवतिर जन!”

25 यीशु आऊक दनकुसकु अंदुन, “सुंगा ईर; अदकि आ मंळसा दा टु होटबुळ.”

26 आग दुष्टआत्मा आऊक मुरकुळ्सकु, अदकि धोळ्द आवाज देल चळिळासकु आऊन दा टु होट बुळ्त. 27 इदुर मा सप्पा लॉकुर आश्चर्य माळतेला आपस दा मातचीत माळली कुरतुर, “ईद येन मात आद? ईद रा ऊंद व्हाशोद उपदेश आद! आव अधिकार देल दुष्टआत्मागोळी भी आग्या कोळतान, अदकि दुष्टआत्मा भी आऊन आग्या मानसताव.”

28 अदकि यीशु उन हेसुर इन बारा दा ईद बातणी तुरन्त गलील इन आसपास इन सप्पा प्रदेश दा फैलुसेत.

यीशु हापाळ सा बमिर मंळसागोळी चंगा माळदुन

(मत्ती ८:१४-१७; लूका ४:३८-४१)

29 यीशु अदकि आऊन चेलागोळ यहूदी लॉकुरद सभागृह दा टु होटकु याकूब अदकि यूहनना अनन्द सांगुळ शमौन अदकि अनर्द्रयास उन मान्या बंदुर. 30 अल शमौन उन आत्त मय देल व्हर्स मा बदिकु ईरोर; अदकि आंदुर तुरन्त यीशु उन बारा दा आकी हेळदुर. 31 आग आव हात्ती होगकु आकनि कय हुळकु आक इक येब्सदुन; अदकि आकनि मय तुरन्त ईळदोदव, अदकि आक यीशु अदकि आऊन चेलागोळ्द स्यावा-पानी माळली कुरतुर.

32 द्यावगान होती याग सुर्य मुळकेत रा आग लॉकुर सब बमिरगोळी अदकि आंदरी, यारदा दुष्टआत्मागोळ ईरव, आंदरी भी यीशु उन हात्ती तंदुर. 33 अदकि सप्पा नगर इन लॉकुर शमौन उन मान्या अनन्द दरवाजा मा बंदकु जमा आदुर. 34 यीशु च्याच मुंदरी जो अलग अलग प्रकार इन बमिरी देल दुखी ईरोर, चंगा माळदुन, हापाळ सा दुष्टआत्मागोळी तेगदुन, अदकि दुष्टआत्मागोळी माताळ गोटीदील, यतकी अव आऊक अरव.

आबना दा यीशु उन प्रार्थना माळोद

(लूका ४:४२-४४)

35 अदकि यीशु व्हातुर आगोर से हापाळ पयले, मान्या टु यदकु व्हार्या होटुन, अदकि ऊंद सुनसान जागा दा होगकु प्रार्थना माळली कुरतुन. 36 आग शमौन अदकि आऊन संगीगोळ यीशु उन खोज दा होदुर. 37 याग आव सकिदुन, रा आऊक अंदुर, “सप्पा लॉकुर नीनी दुंदसेत्यार.”

38 यीशु आंदुर से अंदुन, “बरी; नाव मात्त येल्यारा आसपास इन ऊरगोळ दा होगता, कनि अल भी प्रचार माळाईन, यतकी ना इदुरदा साटी बंदीन.”

39 *इदुरसाटी आव पुरा गलील दा यहूदी लॉकुरद सभागृहगोळ दा होग होगकु प्रचार माळदुन अदकि दुष्टआत्मागोळी तेगुतेला ईत्तुन.

कोढ इन रोग इक चंगा माळोद

(मत्ती ८:१-४; लूका ५:१२-१६)

40 ऊंद कोढ* इन रोगी मंळसा यीशु उन हात्ती बंदुन, अदकि आऊन मुंद ट्वांगरा टेक्सकु आऊन से वनिती माळदुन, क “अगर नी चाहास्या रा नानी शुद्ध माळ सकत्या.”

41 यीशु आऊन मा तरस तनिकु तान कय वाळुसदुन, अदकि आऊक मुटकु अंदुन, “ना चाहासतीन कनि नी शुद्ध आगेग.” 42 अदकि तुरन्त आऊंद कोढ इन बमिरी वळलीद आगेत अदकि आव शुद्ध आगेदुन. 43 आग यीशु आऊक चेतावनी कोटकु तुरन्त सार माळदुन, 44 अदकि आऊन से अंदुन,

* 1:22 १:२२ मत्ती ७:२८,२९

* 1:39 १:३९ मत्ती ४:२३; ९:३५

* 1:40 १:४० कृष्ट रोग

“नोळ, यारीकु येनु हेळबाळेत, लेकीन होगकु तान तान इक याजका† उक तोर्स, अदकि तान शुद्ध आगोद बारा दा जो येनारा मूसा ठहरूस्यान अदरी भेंट येर्स, कां आंदुर मा गवाही आगुल.”

45 लेकीन आव मंळसा व्हार्या होगकु ईद मात इन हापाळ प्रचार माळली अदकि ईल ताका फैलुसली कुरतुन कां यीशु बाक खुलेआम नगर दा ईला होग सकोन, लेकीन व्हार्या आळी दा ईरोन; अदकि नाकु दकिळोर लांकुर आऊन हात्ती बरतेला ईरोर.

2

लकवा अनूद रोग इक चंगा माळोद
(मत्ती ९:१-८; लूका ५:१७-२६)

1 हापाळ दनि इन बाद्दा यीशु बाक कफरनहूम दा बंदुन, अदकि खबर फैलुस्त कां आव मान्या आन. 2 बाक ईस लांकुर जमा आदुर कां दरवाजा अनूद हात्ती भी जागा ईला ईरोद; अदकि आव आंदरी वचन केळसोन. 3 अदकि लांकुर ऊंद लकवा अनूद रोग इक नाक मंळसागोळ कय देल नेगुकु आऊन हात्ती तंदुर. 4 लेकीन याग आंदुर भीळ इन कारण आऊन हात्ती होग सकदील, रा आंदुर आ छत इक यदुर ल्यालमा आव नीदुरकु ईरोन, खोलस बुटुर; अदकि याग आंदुर अदरी बचिछ बुटुर, रा आ व्हर्स इक यदुर मा लकवा अनूद रोगी बदिकु ईरोन, आऊक ल्यालमा ईळसदुर अदकि व्हर्स इक हलिगुस बुटुर. 5 यीशु आंदुर वशिवास नोळकु आ लकवा अनूद रोग इक अंदुन, “हे नान पारा, नीन पाप माफ आदव.”

6 आग हापाळ नयिमगोळ गुरु जो अल कुरतकु ईरोर, आंदुर तान-तान मन दा वचार माळली कुरतुर, 7 “इव मंळसा येती हगि अनेत्यान? इव रा परमेश्वर उन अपमान माळीत्यान! परमेश्वर उक बटिकु अदकि याव पाप माफ माळ सकतान?”

8 यीशु तुरन्त खुद तान आत्मा दा ईद जान्स कौडुन कां आंदुर तान-तान मन दा हगि वचार माळीत्यार, इदुरसाटी आव आंदुर से अंदुन, “नीव येती तान-तान मन दा ईद मात इन वचार माळेतीर? 9 आसान येन आद? येन लकवा अनूद रोगी से ईद अनोद कां नीन पाप माफ आदव, या ईद अनोद कां येळ तान व्हर्स नेगुकु नळ अदकि टेटाळ? 10 ना नीम मुंद साबति माळ बुळाईन, कां मंळसा अन पार उक ईद पृथ्वी मा पाप माफ माळोद भी अधकार आद.” 11 यीशु आ लकवा अनूद रोगी से अंदुन, “ना नीन से अनेतीन, येळ, तान व्हर्स नेगु अदकि तान मान्नी होटोग.”

12 बाक आव येदुन अदकि तुरन्त तांद व्हर्स नेगुकु सप्पा मुंदुर मुंद टु होटकु ओळेदुन, इदुर मा सप्पा लांकुर सट्ट आदुर, अदकि परमेश्वर उन बळाई माळकु अनली कुरतुर, “नाव रा हगि यागलु नोळीदील!”

यीशु लेवी इक कारदुन
(मत्ती ९:९-१३; लूका ५:२७-३२)

13 यीशु बाक अल टु होटकु क्यार्रा अनूद कनिरा मा होदुन, अदकि सप्पा भीळ आऊन हात्ती बत्त, अदकि आव आंदरी उपदेश कोळली कुरतुन. 14 अल टु होगावती यीशु हलफई नव पार लेवी इक कर ताकोमोद चौकी मा कुरतकु नोळदुन, अदकि यीशु आऊन से अंदुन, “नान हदि आगोग.” अदकि आव यदकु आऊन हदि आगोदुन.

15 बाक हगि आत कां याग यीशु तान चेलागोळ सांगुळ आऊन मान्या ऊमली कुरतुन, आग हापाळ मुंदुर कर ताकोमावाळेर अदकि पापी लांकुर, यीशु अदकि आऊन चेलागोळ सांगुळ ऊमली कुरतुर; यतकी आंदुर हापाळ मुंदुर ईरोर, अदकि आऊन हदि आगोगीदुर. 16 नयिम इनोर गुरुगोळ अदकि फरीसीगोळ ईद नोळदुर कां आव रा पापीगोळ अदकि कर ताकोमावाळेर सांगुळ ऊमेत्यान, रा आऊन चेलागोळी अंदुर, “आव रा कर ताकोमावाळेर अदकि पापीगोळ सांगुळ तनितान-कुडुतान?”

17 ईद केळकु यीशु आंदुर से अंदुन, “भला चंगा मंळसागोळी वैदयगोळ्द जरवत हैलेच, लेकीन बमिर मंळसागोळी आद: ना न्यायीगोळी ईला, लेकीन पापी लांकुरी कारूली बंदीन.”

† 1:44 १:४४ मंदरि इन भेंट ताकोमावाळा

उपास इन प्रश्न

(मत्ती ९:१४-१७; लूका ५:३३-३९)

18 बपतस्मा कोळावाळा यूहन्ना अन्द चेलागोळ, अदकि फरीसी लॉकुर चेलागोळ उपास माळतोगोर. अदकि थ्वाळासा लॉकुर बंदकु यीशु से अनली कुरतुर, “यूहन्ना अन्द चेलागोळ अदकि फरीसी नोर चेलागोळ येती उपास ईटतार? लेकीन नीन चेलागोळ येती उपास ईटालुर?”

19 यीशु आंदुर से अंदुन, “येन नीव उम्मीद माळतीर कऱुंद मदा दा वरातीगोळ बनि ऊंडुर तदिर देल होदार? बलिकुल ईला! यागासताका मळगार आंदुर सांगुळ आन, आगासताका आंदुर उपासा होग सकालुर. 20 लेकीन अव दनि बंदव याग मळगार उक आंदुर से अलग माळकु आदीत; अदकि आ दनि आंदुर उपास माळ्यार.”

21 “कवारा कपळा अन्द थगिर * हाळोद कपळा मा यारू हचालुर. ईलारा अद थगिर अदुर दा टु येनारा जेडु कौडीत, आग व्हाशोद, हाळोद से, अदकि अद पयले से यक्कुल हरदोदति.” 22 व्हाशोद अंगुर इन रास्सा अक हाळोद तोगुल इन चलि † दा यारू ईटालुर, ईलारा अंगुर इन रास्सा तोगुल इन चलि अक हर्द बुट्टीत, अदकि अंगुर इन रास्सा अदकि तोगुल इन चलि येदुदु नाश आगेदव, “लेकीन व्हाशोद अंगुर इन रास्सा व्हाशोद तोगुल इन चलि दा तुमकु आगतद.”

आराम दनि इन प्रश्न

(मत्ती १२:१-८; लूका ६:१-५)

23 अदकि हगि आत कऱि यीशु आराम इन दशी केई दी टु आगतेला होगोन; अदकि आऊन चेलागोळ नळुतेला गोदी नव लॉम्बागोळी मूर कुरतुर. 24 आग फरीसीगोळ आऊन से अंदुर, “नोळ, इंदुर आराम इन दनि दा अद क्याल्सा येती माळतार जो नयिम इन अनुसार माळोद उचति हैलेच?”

25 यीशु आंदरी उत्तर कोट्टुन, येन नीव ईद यागलु वाचुसीदील, कऱि याग दाऊद उक जरवत ईरोद, याग आव अदकि आऊन संगीगोळ हस्तकु ईरोर, आग आव येन माळीदुन? 26 “आव हयांग अबयितार महायाजक उन समय दा, परमेश्वर उन भवन दा होगकु भेट इन रोट्टीगोळी तदिन, यदुर्द तनीद याजकगोळी बटिकु अदकि यारीकु भी उचति हैलेच, अदकि तान संगीगोळी भी कोट्टुन?”

27 आग यीशु आंदुर से अंदुन, “आराम इन दनि मळसागोळ्द साठी माळकु आग्याद, ना कऱि मळसा आराम दनि इन साठी. 28 इदुरसाठी मळसा अन पार आराम दनि इन भी स्वामी आन.”

3

यीशु वळगीद कयवाळा मळसा अक चंगा माळदुन

(मत्ती १२:९-१४; लूका ६:६-११)

1 अदकि यीशु बाक यहूदी लॉकुरद सभागूह दा होदुन; अदकि अल ऊंद मळसा ईरोन यारुद कय वळ्गेगीत, 2 अदकि आंदुर यीशु मा दोष हचोर साठी आऊन ताक मा हतकु ईरोर कऱि नोळाता, आव आराम दनि दा आऊक चंगा माळतान का ईला. 3 यीशु वळगीद कयवाळा मळसा से अंदुन, “येळ, लॉकुर न्याड्या दा नीदरेग.”

4 अदकि यीशु आंदुर से अंदुन, “येन आराम इन दनि दा नयिम इन अनुसार भलाई माळोद उचति आद या बुरा माळोद? जीव इक उळसोद उचति आद या कोन्नोद?” लेकीन आंदुर सुंगा ईत्तुर. 5 बाक यीशु आंदुर मन इन कठोरता देल उदास आगकु, आंदरी सट्टि देल नाकु दी नोळदुन, अदकि आ मळसा से अंदुन, “तान कय मुंद वाळुस.” आव वाळुसदुन, अदकि आऊंद कय पयले अन्द घाई वळ्लीद आगेत. 6 आग फरीसीगोळ यहूदी लॉकुरद सभागूह दा टु व्हार्या होगकु तुरन्त हेरोदयिों लॉकुर सांगुळ यीशु उन वरिध दा साठगाठ माळली कुरतुर कऱि आऊक याता प्रकार देल नाश माळेव.

यीशु उन हदि भीळ इन नळोद

* 2:21 २:२१ व्हाशोद कपळा अन्द चट्टी थगिर † 2:22 २:२२ तोगुल इन चलि दा नीर

7 बाक यीशु तान चेलागोळ सांगुळ क्यार्रा दी होटोदुन. अदकि गलील दा टु ऊंद धोळ्द भीळ आऊन हदि नळुली कुर्त, 8 अदकि यहूदया, अदकि यरूशलेम, अदकि इदूमया, अदकि यरदन गांगा अन आप्पाटी, अदकि सूर अदकि सैदा अन्द आसपास टु ऊंद धोळ्द भीळ ईद केळकु आऊन हात्ती बंदुर क्, आव ह्यांग अचम्भा अन्द क्याल्सा माळतान. 9 *अदकि बाक यीशु तान चेलागोळ से अंदुन, “भीळ इन कारण ऊंद स्यांळ्दतुसा ड्वांगा नान साटी तयार ईरूल ताकी आंदुर नानी वत्त ईला सकुल.” 10 यतकी आव हापाळ मुंदरी चंगा माळीदुन; इदुरसाटी अल यास लॉकुर रोग देल बमिर ईरोर, आऊक मुट्टोर साटी आऊन मा बळिली आगोर. 11 अदकि दुष्टआत्मागोळ देल ग्रस्त लॉकुर भी, याग आऊक नोळतोगोर, अरा आऊन मुंद बळितोगोर, अदकि चळिलासकु अनतोगोर क् “नी परमेश्वर उन पार हुय.”

12 यीशु दुष्टआत्मागोळी आदेश कोट्टुन क् अव यारीकु भी ईद हेळतीदील क् आव याव हुन.

हन्नेळ चेलागोळी नविळसोद
(मत्ती १०:१-४; लूका ६:१२-१६)

13 बाक यीशु पहाळ मा येरेदुन अदकि यारी आव चाहासोन, आंदरी तान हात्ती कारदुन. अदकि आंदुर आऊन हात्ती बंदुर. 14 आग यीशु आंदुर दा टु हन्नेळ मंळसागोळ्द नविळ माळदुन, यारी आव प्रेरतिगोळ हेसुर कोट्टुन. अदकि अंदुन, “क् ना नीमी तान सांगुळ ईटोरसाटी नीवळुसदीन, ना नीमी प्रचार माळली व्हार्या कळाईन, 15 अदकि नीम हात्ती दुष्टआत्मागोळी तेगोद अधिकार ईत्तीत.”

16 ई प्रकार देल आव हन्नेळ चेलागोळ्द नविळ माळदुन. शमौन यार्द हेसुर आव पतरस ईटदुन, 17 अदकि जब्दी इन पार याकूब, अदकि याकूब उन वार्द यूहन्ना, यार्द हेसुर आव बुअनरगसि मतलब “गर्जन उन पार” ईटदुन, 18 अदकि अन्दरयास, फलिपिपुस, बरतुलमै, मत्ती, थोमा, हलफई इन पार याकूब, तद्दै अदकि शमौन कनानी जो रोमन सरकार उन खलिाप ईरोन. 19 अदकि यहूदा इस्करियोती, जो यीशु उक ध्वाका देल हुळसुसीदुन.

यीशु अदकि बालजबूल
(मत्ती १२:२२-३२; लूका ११:१४-२३; १२:१०)

20 बाक यीशु अदकि आऊन चेलागोळ मान्नी बंदुर; अदकि हगि भीळ जमा आगेत, क् आंदुर रोटी भी तनि सकदील 21 याग आऊन मान्यागोळोर लॉकुर ईद केळदुर, रा आंदुर आऊक हुडोर साटी होट्टुर, यतकी आंदुर अनतोगोर, क् आऊन मन ठकान मा हैलेच.

22 *अदकि शास्त्री भी जो यरूशलेम टु बंदीदुर, ईद अनतोगोर, क् “आऊन दा बालजबूल* शैतान समुस्कु आन, अदकि ईद भी, क् आव दुष्टआत्मागोळव सरदार उन मदत देल दुष्टआत्मागोळी तेगुतान.”

23 इदुरसाटी यीशु आंदरी हात्ती कारूकु, आंदुर से उदाहरण दा अनली कुरतुन, “शैतान ह्यांग शैतान उक तेगु सकतान?” 24 अदकि अगर यातोदारा राज्य दा फूट बळिल, रा अद राज्य ह्यांग संची ईर सकतद? 25 अदकि अगर यातोदारा मान्ना दा फूट बळिल, रा अद मान्ना ह्यांग संची ईर सककीत? 26 इदुरसाटी अगर शैतान तान अच राज्य अन्द वरिधी आगकु तान दा फूट केडुल, रा आव तान राज्य अक ह्यांग सुरक्षति ईट सकतान? आऊंद रा अनत् अच आगेदीत.

27 लेकीन यावारा मंळसा यातोवारा ताकतवर मंळसा अन्द मान्या होक्कु आऊंद माल हगि अच कदू सकालुन, पयले आव आ ताकतवर मंळसा अक कट्यान; अदकि आग आ मंळसा आ ताकतवर मंळसा अन्द मान्ना अन्द बुळक ईड्द सामान इक कदू सकतान.

28 ना नीम से खरा माताळतीन, क् मंळसागोळ्द औलाद ईनव सप्पा पाप अदकि अपमान जो आंदुर माळतार, माफ माळकु आदव. 29 *लेकीन जो यावारा पवतिर आत्मा अन्द खलिाप अपमान माळतान, आऊक यागलु माफ माळकु आगतीदील, “यतकी आव अनन्त पाप इन अपराधी आन.”

* 3:9 ३:९ मरकुस ४:१; लूका ५:१-३
* 3:29 ३:२९ लूका १२:१०

* 3:22 ३:२२ मत्ती ९:३४; १०:२५

* 3:22 ३:२२ बालजबूल-दुष्टआत्मागोळव

30 यीशु आ लॉकुरी इदुरसाटी ईव सब मातगोळ अंदुन “यतकी लॉकुर अनतोगोर, की आऊन दा दुष्टआत्मा आद.”

यीशु नोर मोय आकतींग अदकि वार्ट
(मत्ती १२:४६-५०; लूका ८:१९-२१)

31 अदकि यीशु उन मोय आकतींग अदकि वार्ट बंदुर अदकि व्हार्या नीदुरकु यीशु उक कारूली कळुदुर. 32 अदकि भीळ यीशु उन आसपास कुरतकु ईरोद, अदकि आंदुर आऊन से अंदुर, “नोळ, नीन मोय नीन वार्ट अदकि आकतींग व्हार्या नीनी कारेत्यार.”

33 यीशु आंदरी उत्तर कोट्टुन, की “नान मोय नान वार्ट अदकि नान आकतींग याक हुळ?”
34 अदकि आव तान आसपास कुरतकु ईरोर आ लॉकुरी नोळदुन अदकि अंदुन, “नोळी! नान मोय, आकतींग अदकि वार्टुर इंदुरा उर. 35 यतकी जो यावारा भी परमेश्वर उन इच्छा मा नळदान, आवा नान वार्ट, आकतींग, अदकि मोय हुळ.”

4

बीजा बोऊसावाळा अन्द उदाहरण
(मत्ती १३:१-९; लूका ८:४-८)

1 *यीशु बाक झील इन कनिरा मा उपदेश कोळली कुरतुन: अदकि हगि धोळ्द भीळ आऊन हात्ती जमा आगेत की आव झील इन ऊंद इवांगा मा येरकु कुरतोदुन अदकि सप्पा भीळ भूमी मा झील इन कनिरा मा नीदुरकु ईत्त. 2 अदकि यीशु आंदरी उदाहरणगोळ दा हापाळ सा मात कलसली कुरतुन, अदकि तान उपदेश दा आंदुर से अंदुन.

3 “केळी! ऊंद घन ऊंद मंळसा ईरोन जो बीजा बोऊसोर साठी होतीदुन. 4 अदकि आव केई दा बीजा भट्टिन आटोटी येनारा बीजा हादी मा बदिदव, अदकि पक्षीगोळ बंदकु अवरी तनि कोंडोव. 5 अदकि येनारा बीजा कल्ल इन जागा मा बदिदव यल अदरी यक्कुल मुण्ण सकदिल. अदकि गहरा मुण्ण ईला सकिदुर देल अव राटनेरी अंकुर हुळदव. 6 बाक याग सुर्य होळ्त; रा स्याणव माररगोळी होताक बुळ्त; यतकी जळीगोळ जादा गयरा ईला आगीदव, अदकि माररगोळ जलदी अच वंळगेदव. 7 अदकि थ्वाळासा बीजा मुळल इन झुनकुळ दा बदिदव, अदकि धोड्डेव आगकु बेळुकु बीजा अक वत्त बुट्टव अदकि आ बीजागोळी काय हत सकदिल. 8 लेकीन थ्वाळासा बीजा वळ्ळीद जागा मा बदिदव, अदकि अव बेळदव अदकि बेळुकु अनाज पैदा माळदव; यातोवारा तीस गुणा, यातोवारा साठ गुणा अदकि यातोवारा सौ गुणा फसल तंदव.”

9 आग यीशु अंदुन, “यार हात्ती केळोर साटी कवि आव, आव केळ कोमुल.”

उदाहरणगोळ्द कारण
(मत्ती १३:१०-१७; लूका ८:९,१०)

10 याग यीशु आबना ईरोन, रा याता लॉकुर आऊन उदाहरण केळीदुर, आंदुर दा टु येनारा लॉकुर हन्नेळ चलागोळ सांगुळ आऊन हात्ती बंदुर अदकि आऊक उदाहरण इन मतलब येन आद. 11 यीशु आंदुर से अंदुन, नीमी परमेश्वर उन राज्य अन्द भेदगोळ्द समझ कोटकु आग्याद, लेकीन व्हार्या नोर लॉकुर साटी, सप्पा मातगोळ उदाहरणगोळ दा अंदकु आग्याद:

12 यतकी आंदुर नोळुल अदकि
नोळतेला अच ईरूल, लेकीन आंदरी येनु समसबाळुल,
केळुल अदकि केळतेला अच ईरूल
लेकीन येनु समसबाळुल.
हगि आगबाळुल की आंदुर मन परमेश्वर उन दी तरिगुल
अदकि आंदरी माफ माळकु आगुल.

बीजा बोऊसावाळा उदाहरण इन व्याख्या
(मत्ती १३:१८-२३; लूका ८:११-१५)

13 बाक यीशु आंदुर से अंदुन, येन नीव ईद उदाहरण समसालीर? रा बाक दुसरा यातोदारा उदाहरणगोळी ह्यांग समसीर? 14 केईवाळा जो बोऊसतान, अद परमेश्वर उन वचन हुन. 15 येनारा लॉकुर हादी माकळोर बदिक् बीजा अन्द घाई आर जो परमेश्वर उन वचनगोळी केळतार. रा शैतान तुरन्त बंदकु वचन रूपी बीजा जो आंदुरदा बोऊस्कु आग्याद नेगुकु वोयतान. 16 दुसरा लॉकुर बीजागोळ घाई ईरतार जो कलवाळा जागा मा बीळताव. ह्यांग आंदुर बातणी केळतार, आंदुर इदरी खुशी देल ग्रहण माळ कोमतार. 17 लेकीन तान बुळ्क जळ ईला ईटदुर कारण आंदुर थवाळासा अच दनिगोळ साटी ईरतार; इदुरद बाददा याग वचन इन कारण आंदुर मा क्लेश या उपद्रव आगताव, रा आंदुर तुरन्त ठोकर तनितार. 18 दुसरा लॉकुर मुळ्वाला झुनकुळ दा बोऊस्कु बीजा अन घाई आर. इंदुर वचन केळावाळेर उर. 19 अदकि दुनया अन चनिता, धन इन धवाका, अदकि च्याच वस्तुगोळ्द लोभ आंदुरदा तुमकु वचनगोळी वत्त बुळतद. अदकि अद नष्फल ईतोगतार. 20 लेकीन यारारा लॉकुर वळ्लीद जागा अन्द घाई आर, जो वचन केळकु ग्रहण माळतार अदकि वळ्लीद फसल तरतार, यारारा तीस गुणा, यारारा साठ गुणा, अदकि यारारा सौ गुणा.

दगिया अन्द उदाहरण (लूका ८:१६-१८)

21 *अदकि यीशु आंदुर से अंदुन; येन दगिया अक इदुरदा साटी तरतार क्ति बरतन या व्हरस इन ल्यालमा ईटुल? येन अदरी दीवट* मा ईट सकालुर? 22 *जो येनारा भी होचकु आद अदरी व्हार्या तनकु आदीत, अदकि जो येनारा भी कवर माळकु आग्याद, अदरी उजागर माळकु आदीत. 23 अगर यारोवारा केळव कवि आव, रा आव केळ कोमुल.

24 *बाक यीशु आंदुर से अंदुन, “जो नीव केळतीर अदुर मा ध्यान कोळी. याता नाप देल नीव दुसरा अक आळुतीर अदा नयिम देल नीमी भी आळुकु आदीत, अदकि नीम साटी अदुरदा यक्कुल जोळ्सकु आदीत. 25 *यतकी यार हात्ती आद, आऊक मात्त यक्कुल कोटकु आदीत; अदकि यार हात्ती हैलेच, आऊन से अद भी जो आऊन हात्ती आद, ताकोमकु आदीत.”

कोम होळोद बीजा अन्द उदाहरण

26 बाक यीशु अंदुन, “परमेश्वर उन राज्य हगि आद, जसा यावारा मंळसा तान केई इन भूमी दा बीजा भळितान, 27 अदकि आव इळ्ळकी मगिदुन अदकि व्हातर्या येदुन अदकि अद बीजा अंकुरीत आगकु हगि बेळुत, क्ति आव अरू सकदिल क्ति ईद ह्यांग आत. 28 पृथ्वी तान ताना अनाज तरतद. पयले अंकुर, बाक लॉम्बा, अदकि आग अदुर बाददा लॉम्बा दा तयार बीजा. 29 लेकीन याग बीजा हण्ण आगेगतद, आग आव केईवाळा तुरन्त कुळगुल देल कडुली हततान, यतकी फसल इन कटाई होट्ट बंदाद.”

राई इन दाना अन्द उदाहरण (मत्ती १३:३१-३२,३४; लूका १३:१८-१९)

30 बाक यीशु केळदुन, “नाव परमेश्वर उन राज्य ह्यांग आद इदुर उपमा यार देल कोट्टेव. अदकि याता उदाहरण देल आऊन वर्णन माळेव? 31 आव राई इन दाना अन्द घाई आन याग पृथ्वी मा बोऊस्कु आगतद रा पृथ्वी इन सप्पा बीजागोळ से स्याळ्द ईरतद. 32 लेकीन याग बीजा बेळदोगतद, रा बेळुकु सप्पा मारगोळ से धोळ्द आगेगतद, अदकि अदुरद हगि धोळ्द डगालगोळ होळताव यल आकाश इन पक्पी अदुरद सावली दा ग्वादा माळकु ईरताव.”

33 यीशु आंदरी ईत्ता प्रकार ईनव हापाळ सा उदाहरण कोट-कोटकु आंदुरद समझ इन अनुसार यक्कुल से यक्कुल समझ दा बरूल ई प्रकार देल वचन केळसतोगोन, 34 अदकि बनिा उदाहरण अंदकु यीशु लॉकुरी येनु ईला कल्सतोगोन. लेकीन आवना दा आव तान नजी चेलगोळी सप्पा मातगोळ्द मतलब हेळतोगोन.

* 4:21 ४:२१ मत्ती ५:१५; लूका ११:३३ * 4:21 ४:२१ दगिया ईटोद जागा * 4:22 ४:२२ मत्ती १०:२६; लूका १२:२
* 4:24 ४:२४ मत्ती ७:२; लूका ६:३८ * 4:25 ४:२५ मत्ती १३:१२; २५:२९; लूका १९:२६

यीशु आँधी इक शांत माळदुन
(मत्ती ८:२३-२७; लूका ८:२२-२५)

35 अदा दशिी द्यावगा अक, यीशु तान चेलागोळ से अंदुन, “बरी, नाव झील इन आप्पाटी होगता.” 36 आंदुर भीळ इक बट्टुर, याता इवांगा दा यीशु ईरोन अदा इवांगा मा चेलागोळ भी बंदुर अदकि यीशु उक तान सांगुळ झील इन आप्पाटी ओतुर; अदकि अल आऊन सांगुळ, मात हापाळ सा इवांगा भी ईरव. 37 अचानक आग ऊंद भयानक आँधी बत्त, अदकि लयरगोळ इवांगा देल टकरूसली हत्त ईल ताका क्नीर इवांगा दा तुमली हत्त. 38 अदकि यीशु इवांगा अनंद हदिळोद भाग दा ऊसी मा ताल्ला ईटकु मगिोन. अदकि आंदुर आऊक येव्सदुर अदकि अंदुर, “हे गुरु, येन नीनी चन्तिता हैलेच क्नीनाव मुळ्केतेव?”

39 आग यीशु यदकु आँधी अक दनकुसदुन, अदकि लयरगोळ से अंदुन, “शांत आगोग, थामसेग!” अदकि आँधी थामसेत अदकि नाकु दी हापाळ सन्नाटा आगेत. 40 अदकि यीशु तान चेलागोळ से अंदुन, “नीव येती अंजेतीर? येन नीमी ईगासताका वशिवास हैलेच?”

41 अदकि चेलागोळ हापाळ अंजेदुर अदकि आपस दा अनली कुरतुर, “ईव मळसा याव हुन ईल ताका क्नी आँधी अदकि लयरगोळ भी ईऊन आग्या मान्सताव?”

5

दुष्टआत्मा हतकु मळसा अक चंगा माळोद
(मत्ती ८:२८-३४; लूका ८:२६-३९)

1 यीशु अदकि आऊन चेलागोळ झील इन आप्पाटी गरिसेनयागोळ्द प्रदेश दा पोहचुसदुर. 2 याग यीशु इवांगा मा टु ईळदुन रा तुरन्त ऊंद मळसा जो क्नी यारदा दुष्टआत्मा हतकु ईरोद, कब्रस्तान दा टु होटकु यीशु से मलिसदुन. 3 आव कब्रस्तान दा ईरतोगोन अदकि याऊ आऊक शंकलीगोळ देल भी कटकु ईला ईट सकोन, 4 यतकी आऊक बेळीगोळ अदकि शंकलीगोळ देल कटकु आगीत, लेकीन आव हापाळ अनली शंकलीगोळी मुरद बुटीदुन अदकि बेळीगोळ्द तुकळा-तुकळा माळ कोंडीदुन, अदकि यारू आऊक बस दा ईला माळसकोर. 5 आव लगातार ईळलक-हागुल कब्रस्तान अदकि पहाळीगोळ दा वयाळोन अदकि कीटुरतोगोन, अदकि तान तान इक कलगोळ देल घायल माळतोगोन.

6 आव यीशु उक दुर टु उच नोळदुन, अदकि आव ओळतेला यीशु उन हात्ती बंदुन अदकि टवांगरा अनंद भार देल बदिक्कू प्रणाम माळदुन. 7 अदकि आव धोळ आवाज देल चळिलासकु अंदुन, “हे यीशु, महान परमेश्वर उन पारा, नानी नीन से येन क्नीयाल्सा? ना नीनी परमेश्वर उन करिया कोळतीन, क्नी नी नानी दुख कोळबाळ.” 8 आव यीशु से इदुरसाटी हगि अंदुन यतकी यीशु आऊन से अंददुन, “हे दुष्टआत्मा, ई मळसा अनंद मय दा टु होटबुळ!”

9 यीशु आ दुष्टआत्मा से केळदुन, “नीन येन हेसुर आद?”

अद यीशु से अनंत, “नान हेसुर सेना आद; यतकी नाव हापाळ सा आयेव.” 10 अदकि दुष्टआत्मा यीशु से च्याच वनिती माळकु अनंत, क्नी नामी ई प्रदेश टु व्हारया कळुबाळ.

11 हात्तीगोळ्द पहाळ इन ढलान मा हंदीगोळ्द ऊंद धोळ्द झुण्ड आळोद. 12 दुष्टआत्मागोळ यीशु से वनिती माळकु अंदव, “नामी आ हंदीगोळ्द झुण्ड दा कळुबुळ क्नी नाव आंदुर बुळक होक्केव.” 13 इदुरसाटी यीशु आंदरी आग्या कोटुन अदकि दुष्टआत्मा आ मळसा दा टु होटकु हंदीगोळ्द बुळक होकदव अदकि झुण्ड, जो लगभग येढ्ढ हजार इन ईरोद, ढलान मा टु घसरूसकु झील दा होगकु बत्तित. अदकि अल्या मुळककु सोत्तव.

14 हंदीगोळी आळसावाळेर ओळकु नगर अदकि ऊरगोळ दा ईद खबर केळसदुर, अदकि जो आगीत, लॉकुर अदरी नोळली बंदुर. 15 यीशु उन हात्ती लॉकुर बंदकु, आ मळसा अक नोळदुर यारदा दुष्टआत्मागोळ ईरव, मतलब सेना समुसकु ईरोद, कपळा हाक्कु अदकि गुमसुम कुरत नोळकु अंजेदुर. 16 या लॉकुर ईद घटना अक पयले नोळीदुर रा हेळदुर क्नी नोळावाळेर आऊन, यारदा दुष्टआत्मागोळ ईरव, अदकि हंदीगोळ्द पुरा हाल आंदरी अंदकु हेळदुर.

17 आग लॉकुर यीशु से वनिती माळकु अनली कुरतुर क्नी नाम प्रदेश दा टु होटोग.

18 अदकि याग यीशु ड्वांगा मा येरली कुरतुन रा आव यारदा पयले दुष्टआत्मागोळ ईरव, यीशु से वनिती माळली कुरतुन, “नानी तान सांगुळ ईरगोळ.”

19 लेकीन यीशु आऊक आग्या कोटीदील, अदकि आऊन से अंदुन, “तान मान्या होगकु तान परवार इक हेळ का नीन मा दया माळकु प्रभु नीन साठी ह्यांग धोड्डेव क्याल्सा माळ्यान.”

20 बाक आव होगकु दकिापुलसि* दा ई मातगोळी हेळली कुरतुन का यीशु नान साठी ह्यांग धोड्डेव क्याल्सा माळ्यान; अदकि सप्पा लॉकुर ईद केळकु चकति आदुर.

सोत्त पोर अदकि ऊंद रोगी आरत
(मत्ती ९:१८-२६; लूका ८:४०-५६)

21 याग यीशु बाक ड्वांगा देल झील इन आप्पाटी होदुन, रा ऊंद धोळ्द भीळ आऊन हात्ती बंदकु जमा आगेत. आव झील इन कनिरा मा का ईरोन. 22 याईर हेसुर ईनव ऊंद यहूदी मंळसा, जो यहूदी लॉकुरद सभागृह अनंद सरदारगोळ दा टु ऊंद सरदार बंदुन, अदकि यीशु उक नोळकु आऊन कालगोळ मा बदिदुन, 23 अदकि ईद अंदकु यीशु से हापाळ वनिती माळदुन, “नान स्याण पोर सायापरी आगेग्यार: नी बंदकु आकनि मा कय ईट का आक वळ्लीद आगकु जतिता ईरूल.”

24 आग यीशु आऊन सांगुळ नळदुन अदकि ऊंद धोळ्द भीळ आऊन हदि आगेत, ईल ताका का लॉकुर आऊन मा बळिली आगेर.

25 अल्या ऊंद आरत ईरोर, आक इक हन्नेळ वर्ष टु खुन होगोद रोग ईरोद. 26 आ आरत हापाळ परेशान ईरोर आक हापाळ वैद्यगोळ से तान ईलाज माळीदुर तरी भी यक्कुल दुखी आगेगीदुर. अदकि तान सप्पा धन लुट्सदुर बाद्दा भी आकी येनु आराम सकिदिल, लेकीन मात यक्कुल रोगी आगेगीदुर. 27 आक यीशु उन बारा दा चर्चा केळीदुर, अनकु “भीळ दा हदि टु बंदकु आऊन कपळा अनंद कनिरा अक मुटदुर.” 28 यतकी आक मन मन दा अच अनतोगोर, “अगर ना आऊन कपळा अक मुटाईन, रा वळ्लीद आगेगाईन.”

29 आग आक यीशु उन कपळा अक मुटदुर अदकि तुरन्त आकनि खुन होगोद बंद आगेत, अदकि आ आरत तान शरीर दा ईद जान्स कौडुर का ना तान आ बमिरी देल वळ्लेर आगेदीन. 30 यीशु तुरन्त तान मन दा जान्स कौडुन का नान दा टु ईद सामर्थ्य होताद. अदकि आव भीळ दा हदि तरिगकु केळदुन, “नान कपळा अक यार मुटदुर?”

31 आग आऊन चेलागोळ आऊक अंदुर, नी नोळत्या का भीळ नीन मा बळिली इक आगतद, अदकि नी अनत्या का यार नानी मुटदुर?

32 लेकीन यीशु आक इक नोळेर साठी नाकु दी कण्ण नेगुकु नोळदुन, का यार नानी मुटदुर. 33 आग आ आरत जो आकनि सांगुळ आगीत आक ईद जान्सकु का नान ह्यांग भलाई आग्याद, अंज्त अदकि नळगतिला बंदुर, अदकि आऊन कालगोळ मुद ट्वांगरा टेक्सकु आऊक सब हाल खरा-खरा हेळ बुटुर. 34 यीशु आकनि से अंदुन, “हे पोरी, नीन वशिवास नीनी वळ्लीद माळ्याद: खुशी देल होग, अदकि तान ईद बमिरी देल ऊळ्दकु ईर.”

35 यीशु ईद अनतेला अच ईरोन का यहूदी लॉकुरद सभागृह अनंद सरदार उन मान्या टु थ्वाळासा लॉकुर बंदकु अंदुर, “नीन पोर रा सोतोग्यार, ईग गुरु उक येतरी दुख कोळत्या?”

36 लेकीन जो मात आंदुर अनोर, अदरी यीशु केळदुन पर ध्यान कोटीदील, यहूदी लॉकुरद सभागृह अनंद सरदार से अंदुन, “अंजबाळ, सर्फ वशिवास ईट.” 37 अदकि यीशु पतरस अदकि याकूब अदकि आऊन वार्ट यूहन्ना अक बटिकु, दुसरा यारीकु तान सांगुळ बर गोटीदील. 38 याग आंदुर सप्पा मुंदुर यहूदी लॉकुरद सभागृह अनंद सरदार उन मान्या बंदुर, रा यीशु नोळदुन का अल खलबली मचुसकु आद. अदकि लॉकुरी हापाळ वल्लतेला अदकि चलिळासतेला नोळदुन. 39 आग यीशु मान्या अनंद बुळक होककु आंदुर से अंदुन, “नीव येतरी खलबली मचुसतीर अदकि वल्लेतीर? पोर सायलका आर, लेकीन मगित्यार.”

40 आंदुर यीशु उन मज्याक हारसली कुरतुर, लेकीन आव सप्पा मुंदरी तेगुकु पोर इन मोय-आप्प अदकि तान मुर चेलागोळ सांगुळ बुळ्क यल पोर बदिकु ईरोर, अल होदुर. 41 अदकि आव पोर इन

* 5:20 ५:२० हत्त नगरगोळ्द धोळ्द शयर

कय हुळकु आकनि से अंदुन, “तलीता कुमी!” यदुर्द मतलब आद, “हे पोरी, ना नीन से अनतीन, येळ.”

42 अदकि आ स्याण पोर तुरन्त यदकु नळुली अदकि वयाळली कुरतुर; यतकी आक हन्नेळ वरूष इनोर ईरोर. इदुर मा लॉकुर हापाळ सट्ट आगेदुर. 43 बाक यीशु आंदरी चेतावनी कोटकु आग्या कोटुन की ईद मात यारू जान्स ईला पायजे, अदकि आव अंदुन “पोर इक येनारा तनिली कोळी.”

6

नासरत ऊर दा यीशु उन अनादर

(मत्ती १३:५३-५८; लूका ४:१६-३०)

1 अल टु होटकु यीशु तान प्रदेश दा बंदुन; अदकि आऊन चेलागोळ भी आऊन हदि बंदुर. 2 आराम इन दशी आव यहूदी लॉकुर सभागृह दा उपदेश कोळली होदुन, अल हापाळ सा लॉकुर ईरोर, याग लॉकुर आऊन मातगोळ केळदुर, रा आंदुर सट्ट आगेदुर अदकि अनली कुरतुर, “ईऊक ईव मातगोळ यल टु होटबंदव? अदकि ईद याता ग्यान हुन जो ईऊक कोटकु आग्याद? आव चमत्कार ह्यांग माळतान? 3 येन ईव व्हर्स हुळली माळावाळा अन पार आलच, जो मरयिम उन पार, अदकि याकूब, योसेस, यहूदा, अदकि शमौन उन वार्ट हुन? येन आऊन आकतीगेर ईल नाम न्याड्या दा ईरालुर?” इदुरसाटी लॉकुर आऊंद इनकार माळ बुदुर.

4 *यीशु आंदुर से अंदुन, “भवषियवक्ता अन्द तान नगर, तान परिवार, अदकि तान मान्या मान सम्मान आगाल लेकीन दुसरा लॉकुर आंदुरद मान सम्मान माळतार.”

5 अदकि यीशु अल येनु सामर्थ्य इन क्याल्सा माळीदील, सरिफ थ्वाळासा बमिर लॉकुर मा कय ईटकु आंदरी चंगा माळदुन.

यीशु हन्नेळ चेलागोळी प्रचार माळली कळुदुन

(मत्ती १०:५-१५; लूका ९:१-६)

6 अदकि यीशु उक आंदुरद अवशिवास मा हापाळ आश्चर्य आत, अदकि आव नाकु दाकळव ऊरगोळ दा उपदेश कोळतेला वयाळदुन.

7 यीशु तान हन्नेळ चेलागोळी तान हात्ती कारदुन अदकि आंदरी दुष्टआत्मागोळी तेगोद अर्धकार कोटुन. अदकि येद्व-येद्व माळकु नगर दा कळुदुन 8 अदकि आंदरी आग्या कोटुन, “हादी इन साठी कोल इक बटिकु अदकि येनु हुडुबाळी; ना रा रोटी, ना झ्वारा, अदकि ना नीम खसिा दा पैस्या, 9 लेकीन केरू हाकी अदकि यातोदारा दुसरा कुळता ओयबाळी.” 10 अदकि यीशु चेलागोळ से अंदुन, “येल्यारा नीम्द यारदारा मान्या स्वागत आत, रा यागासताका अल टु सार आगालीर आगासताका अदा मान्या दा रूक्सकु ईरी. 11 *अगर नीव ऊंद ईत्ता नगर दा होगतीर येल लॉकुर नीम्द स्वागत माळालुर या नीम मातगोळी केळालुर, रा अदरी बटि बुळी अदकि तान कालगोळद धुळा झाळस कोमी. ईद आंदुर साटी ऊंद चेतावनी आदीन.”

12 आग आंदुर अल टु होटोदुर. अदकि आंदुर होगकु प्रचार माळदुर, तान पापगोळी बळी अदकि परमेश्वर उन दी तरिगी. 13 *आंदुर हापाळ सा दुष्टआत्मागोळी तेगदुर, अदकि हापाळ सा बमिर मळसागोळ मा जैतून इन याण्णा अन्द मालसि माळकु आंदरी चंगा माळदुर.

यूहन्ना बपतस्मा कोळावाळा अक कोन्नोद

(मत्ती १४:१-१२; लूका ९:७-९)

14 *हेरोदेस राजा भी यीशु उन चरचा केळदुन, यतकी आऊन हेसुर हापाळ फैलुसेगति, अदकि येनारा लॉकुर अंदुर, “यूहन्ना बपतस्मा कोळावाळा सोत्तुर दा टु जतिता आग्यान, इदुरसाटी आऊन से इव सामर्थ्य ईनव क्याल्सा प्रगट आगताव.”

15 दुसरा लॉकुर अंदुर, “इव एलयियाह हुन.”

* 6:4 ६:४ यूहन्ना ४:४४ * 6:11 ६:११ प्रेरतिगोळ १३:५१ * 6:11 ६:११ लूका १०:४-११ * 6:13 ६:१३ याकूब ५:१४

* 6:14 ६:१४ मत्ती १६:१४; मरकुस ८:२८; लूका ९:१९

लेकीन यारारा दुसरा लॉकुर अंदुर, “इव भवषियवक्ता हुन, हाळोद जमाना अन भवषियवक्तागोळ घाई ऊंद.”

16 ईद केळकु हेरोदेस राजा अंदुन, “आव बपतस्मा कोळावाळा यूहन्ना हुन. यार्द ताल्ला ना कळसुसीदीन, आवा सोत्तुर दा टु जत्तिता आग्यान!” 17 हेरोदेस राजा तान सपिाईगोळी कळकु यूहन्ना अक हुळसुसदुन अदकि संकलीगोळ देल कटकु जयल दा हाक बुटीदुन. ईद हेरोदय्यास इन कारण हेरोदेस हगि माळदुन, यतकी हेरोदेस तान वार्ट फलिपिपुस उन हगिस् हेरोदय्यास इन सांगुळ मदा माळ कौडीदुन. 18 बपतस्मा कोळावाळा यूहन्ना घळी घळी हेरोदेस राजा से अनतेला ईत्तुन, “नीन साटी तान वार्ट उन हगिस् उन से मदा माळोद उचति हैलेच.”

19 इदुरसाटी हेरोदय्यास बपतस्मा कोळावाळा यूहन्ना से दुश्मनी ईटतोगोर अदकि ईद चाहासोर का आऊक ह्यांगारा भी कोन्सुस बुळाईन; लेकीन हेरोदेस राजा अन्द कारण देल हगि माळ सकदील. 20 हेरोदेस यूहन्ना से अंजतोगोन. यतकी हेरोदेस जानसतोगोन का बपतस्मा कोळावाळा यूहन्ना ऊंद न्यायी अदकि पवतिर मंळसा आन, इदुरसाटी हेरोदेस आऊक ऊळसकु ईटतोगोन, अदकि यागल्यारा भी आव यूहन्ना अन्द मातगोळ केळतोगोन रा हापाळ अंजेगतोगोन, लेकीन खुशी देल आऊन मातगोळ भी केळतोगोन.

21 आखरी दा हेरोदय्यास इक हेरोदेस उन जनम दनि मा वळलीद मौका सकित. अदकि आंदुर प्रधानगोळी, सेनापतीगोळी, अदकि गलील इन धोळ धोळ लॉकुरी ऊमली कार्सदुर. 22 रा हेरोदय्यास इन पोर बुळक बंदुर, अदकि कुणुकु हेरोदेस उक अदकि आऊन सांगुळ जो कुर्तकु पावनागोळ ईरोर आंदरी खुश माळदुर. रा राजा आ पोर इन से अंदुन, “नी जो चाहास्या अद नान से बेळ, ना नीनी कोळाईन.” 23 अदकि आव करिया तनिकु आकी वचन कोट्टुन, का नी जो भी नान से बेळ्या अद ना नीनी कोळाईन, ईल ताका का नांद आरधा राज्य भी.

24 आग आ पोर व्हार्या होगकु तान मोय इन से केळदुर, “ना येन बेळाईन?” रा आक इन मोय हेरोदय्यास माताळदुर,

“यूहन्ना बपतस्मा कोळावाळा अन्द ताल्ला.”

25 आक तुरन्त राजा हेरोदेस उन हात्ती बुळक बंदुर अदकि आऊन से वनिती माळदुर, “ना चाहासतीन, का नी ईगल्या बपतस्मा कोळावाळा यूहन्ना अन्द ताल्ला ऊंद टाटी दा नानी कारसकु कोळ.”

26 इदुर देल हेरोदेस राजा हापाळ उदास आदुन, लेकीन आव तान सप्पा पाऊनागोळद मुंद वादा माळीदुन अदकि करिया तदिदुन. ई कारण देल आकी मना माळ सकदील. 27 इदुरसाटी राजा तुरन्त ऊंद सपिाही इक आग्या कोटकु कळदुन का बपतस्मा कोळावाळा यूहन्ना अन ताल्ला कळकु तंदान, आग जल्लाद जेलखाना दा होगकु आऊन ताल्ला कळदुन. 28 अदकि ऊंद टाटी दा ईटकु तंदुन अदकि आ पोर इक कोट्टुन, अदकि पोर तान मोय इक कोट्टुर. 29 ईद केळकु यूहन्ना नोर चेला बंदुर, अदकि आऊन लाश इक ओतुर अदकि कवर दा ईटदुर.

हन्नेळ प्रेरतिगोळद वापसी

(मत्ती १४:१३-२१; लूका ९:१०)

30 आग प्रेरतिगोळ वापस बंदुर अदकि यीशु से सकिदुर, अदकि जो भी आंदुर माळीदुर अदकि कलसीदुर, सब यीशु अक हेळदुर. 31 यीशु आंदुर से अंदुन, “नळी अदकि अलग येल्यारा सुनसान जागा दा नळुकु आराम माळी.” यतकी अल हापाळ लॉकुर होगोद-बरोद माळतोगोर, अदकि आंदरी ऊमोद मवका भी ईला सकितोगोद. 32 इदुरसाटी आंदुर ड्वांगा मा येरकु, सुनसान जागा दा अलग होटोदुर.

यीशु भीळ इक भोजन तनिसदुन

(मत्ती १४:१५-२१; लूका ९:११-१७; यूहन्ना ६:१-१४)

33 हापाळ मुंदुर आंदरी होगत नोळदुर अदकि ऊंद घन दा अर्त कौडुर का आंदुर यार उर; अदकि सप्पा लॉकुर नगरगोळ दा टु जमा आगकु अल पैदल हरदुर अदकि यीशु अदकि आऊन चेलागोळ से

पयले होगकु पोहचुसदुर. 34 याग यीशु ड्वांगा दा टु व्हार्या होट्टुन रा ऊंद धोळद भीळ नोळदुन, अदकि आऊक आंदुर मा दया होट्ट बत्त, यतकी आंदुर आ म्यांडागोळ घाई ईरोर, यार्द यारू रखवाला ईरालुर; इदुरसाटी यीशु आंदरी हापाळ सा मातगोळी कल्सली कुरतुन. 35 याग द्याव हापाळ मुळकेत, रा आऊन चेलागोळ आऊन हात्ती बंदकु अनली कुरतुर, “ईद सुनसान जागा आद, अदकि द्याव हापाळ मुळकेग्याद. 36 लॉकुरी सार माळ कानाकु दाकळव ऊरगोळ अदकि मोहल्ला दा होगकु, ताम साटी येनारा तनिली कोंड कोमुल.”

37 लेकीन यीशु आंदरी उत्तर कोट्टुन, “नीवा आंदरी येनारा तनिली कोळी.”

चेलागोळ यीशु से अंदुर, “नाव येढ्ढ सौ दीनार* इन रोटीगोळी कोंडेव, अदकि आंदरी तनिसेव?”

38 इदुरसाटी यीशु आंदुर से अंदुन, “होगकु नोळी नीम हात्ती यास रोटीगोळ आव?”

आंदुर मालूम माळकु अंदुर, “अईद रोटीगोळ अदकि येढ्ढ मेन.”

39 आग यीशु तान चेलागोळी आग्या कोटुन, कानि सब मुंदरी हसीद काड्डा मा पंगत पंगत दा कुरस बुळी. 40 आग आंदुर सौ सौ अदकि पचास पचास माळकु पंगत पंगत दा कुरतोदुर. 41 आव आ अईद रोटीगोळी अदकि येढ्ढ मेनगोळी हुळदुन, अदकि स्वर्ग दी नोळकु परमेश्वर उक धन्यवाद माळदुन, अदकि रोटीगोळ मूरू-मूरूकु चेलागोळी कोळतोदुन कानि आंदुर लॉकुरी वाळसुल, अदकि अव येढ्ढ मेनगोळ भी आ सब मुंदुर दा वाळ्स बुट्टुन. 42 अदकि सब मुंदुर तनिकु संतुष्ट आगोदुर. 43 अदकि चेलागोळ मक्कि रोटीगोळ अदकि मेनगोळद तुकळा देल हननेळ फुट्टीगोळ तुमकु नेगदुर. 44 यार रोटीगोळी तदुर, आंदुरदा सर्फि मंळसागोळद संख्या अईद हजार ईरोद.

यीशु उन नीर मा नळोद

(मत्ती १४:२२-३३; यूहन्ना ६:१५-२१)

45 आग यीशु तुरन्त तान चेलागोळी ड्वांगा मा कुरोर साटी मजबुर माळदुन कानि आंदुर आऊन से पयले झील इन आप्पाटी बैतसैदा नगर इक होटोगुल, कानि आव आगासताका लॉकुरी सार माळयान. 46 लॉकुरी सार माळकु यीशु पहाळी मा प्रार्थना माळली होटोदुन. 47 याग द्याव मुळकेत, रा आग ड्वांगा झील इन न्याड्या दा ईरोद, अदकि यीशु आबना क्याररा अनूद भूमी इन कनारारा मा ईरोन. 48 याग यीशु नोळदुन कानि आंदुर ड्वांगा नळ्स नळ्सकु घबरूसेग्यार, यतकी आंधी ड्वांगा अनूद ऊलट ईरोद, रा ईळलक इन मुर अदकि आर पहर इन हात्ती आव झील मा नळुतेला आंदुर हात्ती बंदुन; अदकि आंदुर से मुंद होटबुळोद चाहासोन. 49 लेकीन आंदुर आऊक झील मा नळुतेला नोळकु रा सम्सदुर कानि ईद ऊंद भूत हुन, अदकि चलिळास कुरतुर;

50 यतकी सप्पा मुंदुर आऊक नोळकु अंजेगीदुर. लेकीन यीशु तुरन्त आंदुर से मात हेळदुन अदकि अंदुन, “हमिमत ईटी: ना हुईन; अंजबाळी!” 51 आग आव आंदुर हात्ती ड्वांगा मा बंदुन, अदकि हवा रूकसेत: अदकि आंदुर हापाळ अच आश्चर्य माळली कुरतुर. 52 आ चेलागोळ अईद हजार लॉकुरी रोटीगोळी तनिसोद मात सम्स ईला सकीदुर, यतकी आंदुर अव मन कट्टर आगेगीदव.

गन्नेसरत दा यीशु रोगीगोळी चंगा माळदुन

(मत्ती १४:३४-३६)

53 यीशु अदकि आऊन चेलागोळ आप्पाटी ईळुकु गन्नेसरत इन भूमी मा पोहचुसदुर, अदकि ड्वांगा घाट इन कनारारा मा हचदुर. 54 याग आंदुर ड्वांगा मा टु ईळदुर, रा लॉकुर तुरन्त यीशु उक अर्त कोंडुर. 55 आसपास इन पुरा प्रदेश दा हरदुर, अदकि बमारगोळी व्हर्स मा मगिसकु, येल येल समाचार केळदुर कानि आव हुन, अल अल हरूतेला वयाळदुर. 56 अदकि येल्यारा यीशु ऊरगोळ, नगरगोळ या मोहल्ला दा होगतोगोन, रा लॉकुर बमारगोळी सात्तागोळ दा ईटकु आऊन से वनिती माळतोगोर, कानि आव आंदरी तान कपळा अनूद पल्लाक अच मुट गोळुल: अदकि यास आऊक मुटतोगोर, आंदुर सब चंगा आगेगोर.

* 6:34 ६:३४ मत्ती १:३६ * 6:37 ६:३७ दीनार-ऊंद चाँदी इन सकिका याने ऊंद दनि इन रोजी

7

पुरवजगोळ्द परंपरा अनन्द प्रश्न
(मत्ती १५:१-९)

1 आग फरीसी अदकि थवाळासा शास्त्री जो यरूशलेम टु बंदीदुर, यीशु उन आसपास जमा आदुर,
2 आंदुर नोळदुर की फरीसीगोळ्द शिक्षा अनन्द अनुसार अशुध्द मतलब बनिा कय तोळ्द आऊन
चेलागोळ रोटीगोळ तनित्यार.

3 यतकी फरीसी अदकि सप्पा यहूदी, तान पुरवजगोळ्द परंपरा मा नळुतार, अदकि आंदुर
आगासताका ऊमालुर यागासताका वळ्लीसा कय तोळ्द कोमालुर. 4 सात्ता टु तर्त यातोदु चजि
इक बनिा तोळ्द तनिलुर, अदकि हगि हापाळ सा दुसरा मातगोळ आव, जो पुरवजगोळ्द शिक्षा
अनन्द अनुसार आंदुर हात्ती मानसोर साठी पोहचुस्कु आग्याद, जसा कटोरा, अदकि गळु, व्हर्स
अदकि तांबा नव बरतनगोळी तोळोद.

5 इंदुरसाटी आ फरीसी अदकि नयिम इन शास्त्रीगोळ आऊन से केळदुर, “नीनोर चेलागोळ
येती पुरवजगोळ्द परंपरा अनन्द पालन माळालुर, अदकि बनिा कय तोळ्द रोटी तनितार?”

6 यीशु आंदुर से अंदुन, यशायाह नीम कपटीगोळ्द बारा दा खरा अच भवषियवाणी माळीदुन;
हयांग लखिसकु आद;

ई लॉकुर टुटगोळ देल रा नान आदर माळतार,
लेकीन इंदुर मन नान से दुर ईरतद.

7 इंदुर बेकार अच नान उपासना माळतार,
यतकी इंदुर खुद इन नयिमगोळी
परमेश्वर उन नयिम माळकु कल्सतार.

8 यतकी नीव परमेश्वर उन आग्या अक टाल्सकु मंळसागोळ्द रीतीगोळी मानसतीर.

9 यीशु आंदुर से अंदुन, नीव परमेश्वर उन आग्या अक टाल्सदुर दा बळा चतुर आगेगीर, की
तान परंपरागोळ्द स्थापना माळ सककीर. 10 यतकी मूसा अंदान, तान आप्प अदकि तान मोय इन
आदर माळी अदकि जो यावारा भी तान आप्प या मोय इक बुरा भला अनुल, रा आऊक जरूर कौद
बुळी. 11 लेकीन नीव अनतीर की अगर यावारा तान आप्प या मोय से अनुल, जो येनारा नीनी नान
से लाभ आग सकोद, अद ना पयले टु उच परमेश्वर उक अर्पति माळ बुटीन. 12 रा नीमी आऊन
आप्प या आऊन मोय इन स्यावा ईला माळोद बहाना सकिकेगतद. 13 ई प्रकार देल नीव लॉकुर
तान परंपरागोळ देल, नयिम ठहूसतीर, अदकि परमेश्वर उन वचन टाल्स बुळतीर; अदकि हगि
हापाळ सा मातगोळ माळतीर.

मंळसागोळी अशुध्द माळव मातगोळ
(मत्ती १५:१०-२०)

14 आग यीशु लॉकुरी तान हात्ती कारूकु आंदुर से अंदुन, “नीव सब नान मातगोळ केळी, अदकि
समसी. 15 हगि रा यातोद भी वस्तु ईलच जो मंळसा दा व्हार्या टु बुळ्क बंदकु आऊक अशुध्द
माळीत लेकीन जो वस्तुगोळ मंळसा अनन्द बुळ्क टु व्हार्या होळताव अव अच रा मंळसा अक
अशुध्द माळताव. 16 *अगर यारोवारा केळव कवि आव रा केळ कोमुल.”

17 याग यीशु भीळ इन हात्ती टु मान्या होदुन, रा आऊन चेलागोळ ईद उदाहरण इन बारा दा
आऊन से केळकु समझुसली हेळदुर. 18 यीशु आंदुर से अंदुन, येन नीव भी हगि नासमज आईर? येन
नीव समसालीर की जो वस्तु व्हार्या टु मंळसा अनन्द बुळ्क होगतद, अद आऊक अशुध्द माळ
सकाल? 19 यतकी अद आऊन मन दा ईला, लेकीन आऊन व्हार्टा दा होगतद अदकि थाळ्लकु
दा टु व्हार्या होट्ट बुळतद! ईद अनकु आव सप्पा भोजन वस्तुगोळी शुद्ध ठहूसदुन.

20 बाक यीशु अंदुन, “जो मंळसा अन मन दा टु होळतद, अदा मंळसा अक अशुध्द माळतद.
21 यतकी बुळ्क टु, मतलब की मंळसा अन मन दा टु, बेकार-बेकार वचार, व्यभचार, दुष्टता,
काळ्लपनी, कोन्नोद, परस्त्रीगमन, 22 लोभ, छल-कपट, लुचपन, बुरानजर, ईर्ष्या, अपमान,

* 7:16 ७:१६ अगर यारोवारा केळव कवि आव रा केळ कोमुल

अभमान, अहंकार अदकि मूरखता होळतद. ²³ ई सप्पा बुरा मातगोळ मन इन बुळ्क टु होळताव अदकि मंळसा अक अशुध्द माळताव.”

गैरयहूदी आर्त इन वश्वास (मत्ती १५:२१-२८)

²⁴ बाक यीशु अल टु यदकु सूर इन आसपास इन प्रदेश दा बंदुन; अदकि ऊंद मान्या होदुन अदकि आव ईला चाहासोन कियारीकु पता नळल; कियारीकु अल आन लेकीन तरी भी आव होचकोम सकदील. ²⁵ अदकि तुरन्त ऊंद आर्त यार्द स्यांळ्द पोर इन दा दुष्टआत्मा ईरोद, आऊन बारा दा केळकु, अदा घनी आऊन हात्ती बंदुर अदकि आऊन कालगोळ मा बदिदुर. ²⁶ ई आर्त गैरयहूदी ईरोर अदकि सीरिया अन्द फनीकी दा पैदा आगीदुर. आक यीशु से वनिती माळदुर कानान पोर इन दा टु दुष्टआत्मा तेगुकोळ. ²⁷ यीशु आकनि से अंदुन, “पयले पारगोळी संतुष्ट आगगोळ, यतकी पारगोळ्द रोटी हुळकु नायगोळ्द मुंद हाक्कोद उचित हैलेच.”

²⁸ लेकीन आ आर्त यीशु उक उत्तर कोट्टुर, “खरा आद प्रभु; तरी भी नायगोळ भी रा मेज इन ल्यालमा चकिरोद रोटी इन चुराचारा तनि कोमताव.”

²⁹ इदुरसाटी यीशु आ आर्त इन से अंदुन, “ई उत्तर इन कारण देल होटोग; दुष्टआत्मा नीन पोर इन मय दा टु होटबुटाद.”

³⁰ अदकि आक तान मान्नी बंदकु नोळदुर कियारीकु पोर व्हर्स मा मगिकु आर, अदकि दुष्टआत्मा आकनि मय दा टु होटबुटाद.

यीशु बयरा अदकि तोतळा मंळसा अक चंगा माळदुन

³¹ बाक यीशु सूर हेसुर इन प्रदेश टु होटकु सैदा टु आगतेला गलील इन क्यार्रा मा बंदकु आव दकिापुलसि ताका बंदुन. ³² रा लॉकुर ऊंद बयरा अक जो तोतळा भी ईरोन, यीशु उन हात्ती तंदकु आंदुर आऊन से वनिती माळदुर कियारीकु तान कय आऊन मा ईटुल. ³³ आग यीशु आऊक भीळ टु अलग आबना दा ओतुन, अदकि तान बेळलगोळी आऊन कवि दा हाकदुन, अदकि ऊगुळकु आऊन ल्यालग्या अक मुटदुन; ³⁴ अदकि स्वर्ग इन दी नोळकु लंबा सास ताकोडुन, अदकि आऊन से अंदुन, “इप्फत्तह!” मतलब “तेरदोग!”

³⁵ अदकि आऊन अव कवि तेरदोदव, अदकि आऊन ल्यालग्या अन्द गाठ भी तेरदोत, अदकि आव साफ साफ माताळली कुरतुन. ³⁶ आग यीशु आंदरी चेतावनी कोट्टुन कियारीकु हेळबाळी; लेकीन याट आव आंदरी चेतावनी कोटीदुन आट अच आंदुर मात प्रचार माळली कुरतुर. ³⁷ आंदुर हापाळ अच आश्चर्य चकति आगकु अनली कुरतुर, “यीशु याट वळ्दीद तरीका देल ई सब येनारा माळतान; आव बयरागोळी भी केळोद, अदकि मुक्कागोळी माताळोद शक्ति कोळतान.”

8

नाक हजार लॉकुरी ऊमली कोळोद (मत्ती १५:३२-३९)

¹ आ दनिगोळ दा याग धोळ्द भीळ जमा आत, अदकि आंदुर हात्ती तनिली येनु ईला ईरोद, रा यीशु तान चेलागोळी हात्ती कारूकु आंदुर से अंदुन, ² “नानी ई भीळ मा हापाळ दया बरेत्याद यतकी इंदुर मुर दनि टु बराबर नान सांगुळ आर, अदकि इंदुर हात्ती तनिली येनु हैलेच! ³ अगर ना आंदरी उपासी मान्या कळाईन, रा हादी मा थक्सकु बदिदार; यतकी आंदुर दा टु यार यारारा हापाळ दुर टु बंदार.”

⁴ यीशु उन चेलागोळ आऊक उत्तर कोट्टुर, “ईल आळी दा ईस रोटी यारारा यल टु तर सकतार कियारीकु संतुष्ट आगुल?”

⁵ यीशु आंदुर से केळदुन, “नीम हात्ती यास रोटीगोळ आव?”
आंदुर अंदुर, “येळ.”

⁶ आग यीशु भीळ इक ल्यालमा कुरोद आदेश कोट्टुन, अदकि आ येळ रोटीगोळी हुळदुन, अदकि परमेश्वर उक धन्यवाद माळकु मुरदुन, अदकि अवरी तान चेलागोळी कोट्टुन कियारीकु आ

27 यीशु अदकि आऊन चेला कैसरिया फलिप्पी इन ऊरगोळ दा होटोदुर! हादी मा आव तान चेलागोळ से केळदुन, “लॉकुर नान बारा दा येन अनतार काना याव हुईन?”

28 *आंदुर उत्तर कोट्टुर, ईव “यूहन्ना बपतस्मा कोळावाळा; पर यारारा ईव एलिय्याह अदकि यारारा ईव भवषियवक्तागोळ दा टु यावारा ऊंद हुन.”

29 *यीशु आंदुर से केळदुन, “लेकीन नीव नानी येन अनतीर?”

पतरस आऊक उत्तर कोट्टुन, “नी मसीह उध्दारक हुय.”

30 आग आव आंदरी आग्या कोटकु अंदुन कानान बारा दा यारीकु हेळबाळेतीर!

तांद मृत्यु अदकि पुनरूत्थान इन बारा दा यीशु उन भवषियवाणी
(मत्ती १६:२१-२८; लूका ९:२२-२७)

31 आग यीशु तान चेलागोळी कल्सली कुरतुन कंमळसा अन पार उन साटी जरूरी आद कं आव हापाळ दुख नेगदान, अदकि स्याणा अदकि प्रधान याजक, अदकि नयिम शासत्रीगोळ द्वारा ठहरूसकु आगकु आऊक तुच्छ सम्सकु कोंदबुटार, लेकीन आव मुर दनि इन बाद्दा जत्तिता आगेदान.

32 आव ईद मात आंदुर से साफ-साफ अंद बुट्टुन. इदुर मा पतरस आऊक दनकुसकु अंदुन हगि आगसकाल. 33 लेकीन यीशु तरिगकु तान चेलागोळ दी नोळदुन, अदकि पतरस उक दनकुसकु अंदुन, “हे शैतान, नान मुंद टु दुर आग; यतकी नी परमेश्वर उन मात मा ईला, लेकीन मळसा अन मातगोळ मा मन हचत्या.”

34 *यीशु भीळ इक तान चेलागोळ सांगुळ हात्ती कारूकु आंदुर से अंदुन, “जो यावारा नान हदि बरोद चाहासतान, आव तान खुद इन इनकार माळुल अदकि आऊक दुख नेगोद बदिदीत अदकि सायोद बदिदीत आवा, तान कूस† नेगुकु, नान हदि आगुल. 35 *यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान अदकि खुशखबरी इन साटी तान जीव खोऊस्यान, आव अदरी ऊळस्यान. 36 अगर मळसा पुरा दुनया अक हासलि माळुल अदकि तान जीव इन नुकसान आगगोळुल, रा आऊक येन लाभ आदीत? 37 मळसा तान जीव इन बदला दा येन कोट्टान? 38 जो यावारा ईद व्यभचारी अदकि पापी जाती इन न्याड्या नान से अदकि नान मातगोळ देल लाजुस्यान, ना मळसा अन पार याग पवतिर स्वर्गदूतगोळ सांगुळ तान आप्प उन महमा अन्द सांगुळ बराईन, आग आव नान से भी लाजुस्यान आंदरी भी ना अपनुसाईन.”

9

1 यीशु आऊन से अंदुन, “ना नीम से खरा-खरा अनतीन कं जो ईल नीदुरकु आर, आंदुर दा टु यारारा-यारारा हगि आर, कं यागासताका परमेश्वर उन राज्य अक सामर्थ्य सहति बरत नोळकोमालुर, आगासताका आंदुर सायतीदील.”

यीशु उन रूप बदलुसोद

(मत्ती १७:१-१३; लूका ९:२८-३६)

2 *आर दनि इन बाद्दा यीशु, पतरस, याकूब अदकि यूहन्ना अक सांगुळ हुळदुन, अदकि आबना अन दा ऊंद धोळ्द पहाळी मा ओतुन. अल आंदुर मुंद आऊन रूप बदलुसेत, 3 अदकि आऊन कपळा हगि चमकुसली हतदव अदकि ईल ताका उजुळ आत, कं पृथ्वी मा यातोवारा धोबी भी हांग उजुळ माळ सकालुन. 4 अदकि आंदरी मूसा अन्द सांगुळ एलिय्याह कांळ्सदुन; आंदुर यीशु उन सांगुळ मात माळतोगोर! 5 इदुर मा पतरस यीशु से अंदुन, “हे गुरु, नाम ईल ईरोद वळ्लीसा आद: इदुरसाटी नाव मुर हांद्रा माळाता; ऊंद नीन साटी, ऊंद मूसा साटी, अदकि ऊंद एलिय्याह अन्द साटी.” 6 पतरस ईला जानसोन कं येन उत्तर कोळाईन, इदुरसाटी कं आंदुर हापाळ अंजेगीदुर!

7 *आग ऊंद बादल आंदरी घेरसकोम्त, अदकि आ बादल दा टु ईद आवाज होळ्त्त, इव नान प्रयि पार हुन, ईऊन केळी. 8 आग आंदुर अचानक नाकु दी नजर माळकु नोळदुर, अदकि यीशु उक बटिकु तान सांगुळ अदकि यारीकु नोळीदील.

* 8:28 द:२८ मरकुस ६:१४,१५; लूका ९:७,८ * 8:29 द:२९ यूहन्ना ६:६८,६९ * 8:34 द:३४ मत्ती १०:३८; लूका १४:२७
† 8:34 द:३४ कूस-दुख इन परतकि * 8:35 द:३५ मत्ती १०:३९; लूका १७:३३; यूहन्ना १२:२५ * 9:2 ९:२ २ पतरस १:१७,१८ * 9:7 ९:७ मत्ती ३:१७; मरकुस १:११; लूका ३:२२

9 पहाळी मा टु ईळा होती यीशु आंदरी आग्या कोट्टुन की यागासताका ना मंळसा अन पार सोत्तुर दा टु जत्तिता आगालीन, आगासताका जो येनारा नीव नोळीर अद यारीकु हेळबाळेतीर.

10 आंदुर आऊन आग्या अक मान्सदुर; अदकि आपस दा चर्चा माळली हतदुर, “सोत्तुर दा टु जत्तिता आगोद येन मतलब आद?” 11 *अदकि आंदुर आऊन से केळदुर, “बाक शास्त्री यती अनतार की एलिय्याह अनद पयले बरोद जरूरी आद?”

12 आव आंदरी उत्तर कोट्टुन, “एलिय्याह खराखुरा पयले बंदकु सब येनारा सुधारसली बंदान, लेकीन मंळसा अन पार उन बारा दा ईद येती लखिसकु आद की आव हापाळ दुख नेगदान, अदकि टुकूसकु आदान? 13 लेकीन ना नीम से अनतीन, की एलिय्याह रा होटबंदुन, अदकि जसा आऊन बारा दा लखिसकु आद, आंदुर ह्यांग चाहासदुर हांग अच आऊन सांगुळ माळदुर.”

यीशु दुष्टआत्मा हतकु पार उक चंगा माळदुन
(मत्ती १७:१४-२१; लूका ९:३७-४३)

14 याग यीशु चेलागोळ हात्ती बंदुन, रा नोळदुन की आंदुरद नाकु दी धोळ्द भीळ हतकु आद, अदकि नयिम इन शास्त्री आंदुर सांगुळ ववाद माळीत्यार. 15 आऊक नोळतेला अच सप्पा लॉकुर हापाळ आश्चर्य माळली कुरतुर, अदकि ह्यांग आंदुर यीशु उक नोळदुर रा आऊन दी ओळकु आऊक नमस्कार माळदुर. 16 यीशु आ चेलागोळ से केळदुन, “नीव इंदुर से येन बहस माळेतीर?”

17 भीळ दा टु ऊंद मंळसा यीशु उक उत्तर कोट्टुन, “हे गुरु, ना तान पार उक, यारदा मुक्की आत्मा समुस्याद, अदकि आव माताळ सकालुन नीन हात्ती तंददीन. 18 आक आऊक येल्यारा भी हुडूतार, अल्या पटकूस बुळतार: अदकि आव बाय दा फेस तरतान, अदकि हल्ल कचतान, अदकि वंळगतेला होगतान. ना नीन चेलागोळ से अंदीन की नीव आ दुष्टआत्मा अक तेगी, लेकीन आंदुर तेगु सकदील.”

19 ईद केळकु यीशु चेलागोळी उत्तर कोटकु अंदुन, “हे अवशिवासी लॉकुरा, ना यागासताका नीम सांगुळ ईराइन? अदकि यागासताका नीमद सहन माळाईन? आ पार उक नान हात्ती तरी.”

20 आग आंदुर आ पार उक आऊन हात्ती तंदुर: अदकि याग आव आऊक नोळदुन, रा अद आत्मा तुरन्त आऊक मुरकुळस्त; अदकि आव जागा मा बदिदुन, अदकि बाय दा टु फेस तेगुतेला गळबळी तनिली कुरतुन.

21 यीशु आऊन आप्प उन से केळदुन, “ईऊंद हगि दशा यागी टु आद?” आव अंदुन, “बचपन टु. 22 आ दुष्टआत्मा ईऊक कोन्नोर साटी यागलु बेक्की दा अदकि यागलु नीर दा केडुकु कोन्नोद कोशशि माळतद; लेकीन अगर नी येनारा माळ सकत्या रा, नाम मा तरस तनिकु नाम सहायता माळ.”

23 यीशु आऊन से अंदुन, “अगर नी माळ सकत्या? रा वशिवास माळ. यतकी वशिवास माळावाळेर साटी सब येनारा आग सकतद.”

24 पार उन आप्प तुरन्त गळिगळिासकु अंदुन, “हे प्रभु, ना वशिवास माळतीन, लेकीन नान वशिवास काफी हैलेच नांद अवशिवास इन उपाय माळ.”

25 याग यीशु नोळदुन की लॉकुर ओळकु भीळ जमा माळीत्यार, रा आव दुष्टआत्मा अक ईद अनकु दनकुसदुन, “हे मुक्की अदकि दुश्मन दुष्टआत्मा, ना नीनी आग्या कोळतीन, आऊन दा टु होळबुळ, अदकि आऊन दा बाक यागलु प्रवेश माळबाळेत.”

26 आग दुष्टआत्मा चळिलासकु अदकि आऊक हापाळ मुरकुळसकु, होट्ट बुळत; अदकि पार सोत्तुर घाई आगोदुन, ईल ताका की हापाळ लॉकुर अंदुर, “आव सोतोदुन.” 27 लेकीन यीशु आऊन कय हुळकु आऊक यंब्सदुन. अदकि आव पार नीदरेदुन.

28 याग यीशु मान्नी बंदुन, रा आऊन चेलागोळ आबना दा आऊन से केळदुर, “नाव आ दुष्टआत्मा अक आ पार उन दा टु यती तेगु सकदील?”

29 आव आंदुर से अंदुन, “ईद प्रार्थना अनद अलावा अदकि दुसरा उपाय देल होळ सकाल.”

तान सायोद बारा दा यीशु उन मात्त: भवषियवाणी
(मत्ती १७:२२-२३; लूका ९:४३-४५)

30 बाक यीशु अदकि आऊन चेला अल टु होटकु, गलील टु आगुत होगोर. आव ईला चाहासोन कियारीकु भी पता आगुल कनि ईल आईन, 31 यतकी आव तान चेलागोळी उपदेश कोळोन अदकि आंदुर से अनतोगोन, “ना मंळसा अन पार, मंळसा अन कयदेला हुळसुस्कु आगाईन, अदकि आंदुर नानी कोंद बुट्टार; अदकि ना सोतकु मुर दनि इन बाद्दा जत्ता आगाईन.”

32 पर ईद मात आंदुरद समझ दा बंददिल, अदकि चेलागोळ यीशु उक केळोर से अंजतोगोर.

सब से धोड्डेव याव?

(मत्ती १८:१-५; लूका ९:४६-४८)

33 बाक आंदुर कफरनहूम दा बंदुर; अदकि मान्ना दा बंदकु यीशु चेलागोळ से केळदुन, “हादी मा नीव याता मात मा बहस माळीर?”

34 *लेकीन आंदुर सुंग्गा ईत्तुर, यतकी हादी मा आंदुर आपस दा ईद बहस माळीदुर कनि नाम दा टु धोड्डेव याव आन. 35 *आग यीशु कुरतकु हननेळ चेलागोळी कारदुन अदकि आंदुर से अंदुन, “अगर यावारा धोड्डेव आगोद चाहासतान, रा आव सब से स्याणेव अदकि सप्पा मुंदुरद सेवक आगुल.” 36 अदकि आव ऊंद पार उक हुळकु आंदुरद न्याड्या दा नीदरूसदुन, अदकि आऊक मोगुल दा हुळकु आंदुर से अंदुन, 37 *जो यावारा नान हेसुर देल ईत्ता पारगोळ दा टु यातोवारा ऊंद पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नानी ईला, लेकीन नानी याव कळ्यान आव आऊक ग्रहण माळतान.”

जो वरीध दा ईरोन, आव पक्ष दा आदुन

(लूका ९:४९-५०)

38 आग यूहन्ना यीशु से अंदुन, “हे गुरु, नाव ऊंद मंळसा अक नीन हेसुर देल दुष्टआत्मागोळी तेगुतेला नोळदेव अदकि नाव आऊक मना माळली कुरतेव, यतकी आव नाम समुह दाकळव ईला ईरोन.”

39 यीशु अंदुन, “आऊक मना माळबाळी; यतकी हगि यारू हैलेच जो नान हेसुर देल सामर्थ्य इन क्याल्सा माळुल, अदकि राटनेरी नानी बुरा अन सकुल, 40 *यतकी आव नाम्द वरीध दा हैलेच, आव नाम्द सांगुळ आन. 41 *जो यावारा नीमी ऊंद वाटी नीर, इदुरसाटी कुळसुल कनि नीव मसीह नोर हुईर, रा ना नीम से खरा माताळतीन क आव तान प्रतफिल यातोदारा भी रीत दिेल खोऊसतदिल.”

पाप माळावाळेरी इशारा

(मत्ती १८:६-९; लूका १७:१-२)

42 “जो यावारा भी स्याणेर दा टु नान मा वशिवास माळतार अदकि आंदरी यारारा ठोकर तनिस्यार रा आऊन साटी वळ्लीद ईद आद क ऊंद धोळद चक्की इन पट्टा आऊन कुतक्या दा लटकुसकु आगुल अदकि आव समुद्र दा हाक्कु आगुल. 43 *अगर नीन कय नीन पाप माळोद कारण बन्सतद रा वळ्लीद आद क अदरी कळद बुळ. डुण्डा आगकु जीवन दा प्रवेश माळेत, नीन साटी इदुर से भला आद क येदद कय ईतकु नी, नरक इन बेक्की दा हाक्कु आदया जो यागलु नुनाल्द. 44 येल कळि सायाल्द अदकि बेक्की नुनाल्द. 45 अगर नीन काल पाप माळोद कारण आगुल रा अदरी कळद बुळ. लंगळा आगकु जीवन दा प्रवेश माळोद नीन साटी इदुर से वळ्लीद आद क नी येदद काल ईतकु नरक दा हाक्कु आदया! 46 येल कळि सायाल्द अदकि बेक्की नुनाल्द!* 47 *अगर नीन कण्ण नीनी ठोकर तनिसतद रा, अदरी तेगुकु भीळ. वळ्लीद आद क कुदद आगकु परमेश्वर उन राज्य दा प्रवेश माळ. अपेक्षा इदुरद क नी येदद कण्णगोळ ईतकु नरक दा हाक्कु आदया! 48 यल कळि शाय्याल अदकि बेक्की नुनाल्द.”

49 यतकी हर ऊंद मंळसा अक बेक्की देल शुद्ध माळकु आदीत? ह्यांग बलदान उक ऊप्प देल शुद्ध माळकु आगतद?

* 9:34 ९:३४ लूका २२:२४ * 9:35 ९:३५ मत्ती २०:२६,२७; २३:११; मरकुस १०:४३,४४; लूका २२:२६ * 9:37 ९:३७ मत्ती १०:४०; लूका १०:१६; यूहन्ना १३:२० * 9:40 ९:४० मत्ती १२:३०; लूका ११:२३ * 9:41 ९:४१ मत्ती १०:४२ * 9:43 ९:४३ मत्ती ५:३० * 9:46 ९:४६ ईद वचन हाळोद नयिम दा लखिसकु हैलेच * 9:47 ९:४७ मत्ती ५:२९

50 ***“ऊप्प रा वळ्लीसा आद; लेकीन अगर ऊप्प इन स्वाद ओळेत, रा अदरी मात नमकीन ह्यांग माळीर?”**

ताम जीवन इक शुद्ध ईटी, जसा यातोदारा वस्तु ऊप्प देल शुद्ध माळकु आगतद, अदकि आपस दा संगीपना माळकु ईटी अदकि शांती देल ईरी.

10

**छोळ चट्टी इन बारा दा यीशु उन शक्तिषा
(मत्ती १९:१-१२; लूका १६:१८)**

1 बाक यीशु अल टु होटकु यहूदिया अनूद प्रदेश टु आगतेला यरदन गांगा अन क्षेत्र अनूद आप्पाटी बंदुन. अदकि भीळ मात्त आऊन हात्ती बंदकु जमा आगेत, अदकि आव तान रीत अनूद अनुसार आंदरी मात्त उपदेश कोळली कुरतुन.

2 आग थ्वाळासा फरीसीगोळ आऊन हात्ती बंदुर अदकि आऊक फसुशोर कोशशि दा आऊन से केळदुर, नामी हेळ **“येन ईद नयिम इन अनुसार सही आद क् यीवारा मंळसा अन साटी ईद उचित आद क् आव तान हगिस उक छोळ चट्टी कोळुल?”**

3 यीशु आंदरी उत्तर कोट्टुन, **“मूसा नीमी यातोद नयिम कोटान?”**

4 ***आंदुर यीशु उक अंदुर, मूसा इजाजत कोटान क् ऊंद मंळसा छोळचट्टी लखिसकु तान हगिस उक बळि सकतान.**

5 यीशु आंदुर से अंदुन, **“मूसा नीम साटी ईद नयिम लखिस्यान यतकी नीमी कलसोद हापाळ मुशकलि आद. 6 लेकीन ह्यांग शास्त्र दा लखिसकु आद, सूरवात दा परमेश्वर आंदरी गंळस अदकि आर्त इन रूप दा माळदुन.” 7 ईद कारण देल ऊंद मंळसा तान मोय-आप्प उक बटिकु तान हगिस उन सांगुळ ईततान. 8 अदकि आंदुर येदुदु मुंदुर ऊंद तन आदार; इदुरसाटी आंदुर ईग येदुदु ईला पर ऊंद तन आर. 9 इदुरसाटी आंदुर ईग येदुदु ईला, लेकीन ऊंद तन आर. इदुरसाटी यारीक परमेश्वर जोळस्यान, अदरी यावारा भी मंळसा अलग माळबाळुल.**

10 याग आंदुर बाक मान्या वापस बंदुर आग चेलागोळ इदुर बारा दा यीशु उक मात्त केळदुर.

11 ***आव आंदुर से अंदुन, ऊंद मंळसा जो तान पयला हगिस उक छोळ चट्टी कोळतान अदकि दुसरा आर्त इन से मदा माळतान, रा आव तान पयला हगिस उन खलिाप व्यभचार माळतान.**

12 **अदुरदा घाई, ऊंद आर्त तान गांड उक छोळ चट्टी कोळतार, अदकि दुसरा मंळसा से मदा माळतार रा आक तान पयला गांड उन खलिाप व्यभचार माळतार.**

यीशु उन चकिरगोळी आशरिवाद

(मत्ती १९:१३-१५; लूका १८:१५-१७)

13 बाक लाँकुर चकिरी यीशु उन हात्ती तरली कुरतुर क् आव आंदुर मा कय ईटुल, पर चेलागोळ लाँकुरी दनकुसदुर. 14 याग यीशु ईद नोळदुन रा सट्टी बंदुन अदकि तान चेलागोळ से अंदुन, **“चकिरी नान हात्ती बरगोळी आंदरी मना माळबाळी, यतकी परमेश्वर उन राज्य इंदुरदा हुन.**

15 ***ना नीम से खरा अनतीन क् जो यावारा परमेश्वर उन राज्य चकिर घाई हासलि माळालुन, रा आव परमेश्वर उन राज्य दा यागलु उच दाखल आग सकालुन.” 16 आग यीशु आ चकिरी क्वारा दा हुळदुन, अदकि आंदुर मा तान कय ईटकु आंदरी आशरिवाद कोट्टुन.**

धनी मंळसा

(मत्ती १९:१६-३०; लूका १८:१८-३०)

17 याग यीशु अल टु होटकु हादी मा टु होगोन, रा ऊंद मंळसा आऊन हात्ती ओळतेला बंदुन, अदकि आऊन मुंद ट्वांगरा टेक्सकु आऊन से केळदुन, **“हे वळ्लेव गुरु, अनन्त जीवन हासलि माळोर साटी नानी येन माळोद बदिदीत?”**

18 यीशु आ धनी मंळसा से अंदुन, **“नी नानी वळ्लेव येती अनत्या? परमेश्वर उन अलावा यारू वळ्लेव हल्लेच. 19 नी परमेश्वर उन आग्यागोळी जान्सत्या: ‘यारीकु कोन्न बाळी, व्यभचार**

* 9:50 ९:५० मत्ती ५:१३; लूका १४:३४,३५ * 10:4 १०:४ मत्ती ५:३१ * 10:11 १०:११ मत्ती ५:३२; १ कुरन्थि ७:१०,११

* 10:15 १०:१५ मत्ती १८:३

माळबाळी, चोरी माळबाळी, यारदारा खलिाप खाटा गवाही कोळबाळी, बयमानी माळबाळी, तान आप्प अदकि तान मोय इन आदर माळी.’”

20 आ मंळसा यीशु से अंदुन, “हे गुरु, ना रा स्याणपणी टु ईव सप्पा मातगोळ्द पालन माळतेला बंदीन.”

21 यीशु आऊक प्यार देल नोळदुन अदकि अंदुन, “नीन दा ईग भी ऊंद मात इन कमी आद जो येनारा नीन हात्ती आद, अदरी मारकु अव पैस्या गरीब लॉकुर दा वाट्स बुळ. नीनी स्वर्ग दा धन सक्कीत, अदकि बंदकु नान हदि आगेग.” 22 याग आ मंळसा ई मातगोळी केळदुन रा आऊन मार्रा अनूद नीर हारेत अदकि आव उदास आगेदुन, यतकी आव हापाळ धनी ईरोन.

23 यीशु नाकु दी नोळकु तान चेलागोळ से अंदुन, “आ लॉकुर साटी, यारद हात्ती धन आद, आंदरी परमेश्वर उन राज्य दा प्रवेश माळोद याट कठनि आद!”

24 चेलागोळ आऊन मातगोळ देल अचम्भति आदुर. इदुर मा यीशु मात्त आंदरी अंदुन, “हे चकिोरगोळा, जो धन मा भरोसा ईटतार, आंदुर साटी परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवान उन प्रवेश माळदुर देल ऊँट इन मुग्ग दा टु चुजी होटबुळोद आसान आद!”

26 इदुर मा चेलागोळ हापाळ चकति आगेदुर अदकि आबुर दाबुर से केळली कुरतुर, “रा बाक यारद उद्धार आग सकतद?”

27 यीशु आंदुर दी नोळकु अंदुन, “ईद मंळसागोळ साटी असंभव आद, लेकीन परमेश्वर उन साटी सब येनारा सम्भव आद; यतकी परमेश्वर से सब येनारा आग सकतद.”

28 आग पतरस यीशु उक अनली कुरतुन, “नोळ, नाव रा सप्पा येनारा बटिकु नीन हदि आगेगेव.”

29 यीशु अंदुन, “ना नीम से खरा अनेतीन कि हगि यारू हैलेच, जो नान साटी अदकि खुशखबरी इन साटी मान्ना या वारटुरी या आकतींगेरी या मोय या आप्प या चकिोर-चळिगेर या केईगोळी बटि बुटीदान, 30 ई वर्तमान युग दा यककुल हापाळ हासलि माळ्यार. आंदुर सौ गुणा यककुल मान्ना, वारटुर, आकतींगेर, मोयगोळ, चकिोर अदकि केईगोळी हासलि माळ्यार. अदकि अऊर सांगुळ हापाळ दुखगोळी भी, अदकि बरावाळा युग दा आंदुर अनन्त जीवन हासलि माळ्यार. 31 *पर हापाळ सा लॉकुर जो पयला आर, आंदुर हदिळोर आदार; अदकि जो हदिळोर आर, आंदुर पयला आदार.”

तान सायोद बारा दा यीशु उन तसिरा भवषियवाणी

(मत्ती २०:१७-१९; लूका १८:३१-३४)

32 यीशु अदकि आऊन चेलागोळ ईग यरूशलेम इक होगोद हादी मा ईरोर. यीशु तान चेलागोळ से मुंद-मुंद होगोन, चेलागोळ घबरूसकु ईरोर अदकि जो लॉकुर आऊन हदि-हदि नळोर आंदुर अंजकु ईरोर. ऊंद धन मात्त यीशु तान हन्नेळ चेलागोळी अलग वोतकु आंदुर से अव मातगोळी अनली कुरतुन, जो आऊन सांगुळ आगव ईरव. 33 आव आंदुर से अंदुन, “केळी, नाव यरूशलेम इक होगोतेव, अदकि मंळसा अन पार प्रधान याजकगोळ अदकि नियम उन शास्त्रीगोळ कय दा कोटकु आदान, अदकि आंदुर आऊक कोन्नोर साटी आऊन मा दोष हच्यार, अदकि आंदुर आऊक गैरयहूदीगोळ कय दा कोट्टार. 34 आंदुर आऊन मज्याक हारस्यार, आऊन मा ऊगळ्यार, आऊक क्वाळागोळ देल बळदार, आऊक जान देल कोंद बुट्टार, अदकि मुर दनि इन बाददा आव जत्तिता आदान.”

याकूब अदकि यूहन्ना अनूद वनिती

(मत्ती २०:२०-२८)

35 आग जब्दी इन पार याकूब अदकि यूहन्ना यीशु उन हात्ती बंदुर अदकि अंदुर, “हे गुरु, नाव चाहासतेव कि जो येनारा नाव नीन से बेळेव, अद नी नाम साटी माळेत.”

36 यीशु आंदुर से अंदुन, “नीव येन चाहासतीर किना नीम साटी माळाईन?”

37 आंदुर यीशु से अंदुर, “नामी ईद अधिकार कोळ कि नीन महमा दा याग नी सहिसन मा कुरत्या, रा नाव चाहासतेव किनाम दा टु ऊंद नीन ऊमा कय दी अदकि दुसरा अपमान डाक्या कय दी कुरूल.”

38 *लेकीन यीशु आंदुर से अंदुन, “नीव जान्सालीर कि नीव येन बेळतीर. जो दुख इन प्याला ना कुडावाळा आईन, येन नीव कुडू सकतीर? अदकि जो बपतस्मा ना ताकोमावाळा आईन येन नीव ताकोम सकतीर?”

39 आंदुर आऊन से अंदुर, “नाम से आग सकतद.” यीशु आंदुर से अंदुन, जो दुख इन प्याला ना कुडावाळा आईन,

नीव कुळदीर अदकि जो बपतस्मा ना ताकोमावाळा आईन अदरी ताकोडीर. 40 लेकीन नान अधकारि दा ईलच कि याव नान ऊमा कय दी अदकि डाक्या कय दी कुरतान. परमेश्वर यार साटी ईद तयार माळदुन, आंदरी बटिकु अदकि यारीकु तान ऊमा कय दी अदकि तान डाक्या कय दी कुरसोद नान क्याल्सा आलच.

41 दुसरा हतत चेलागोळ ईद केळदुर रा आंदुर याकूब अदकि यूहन्ना देल नाराज आदुर! 42 *इदुरसाटी यीशु आ सप्पा मुंदरी हात्ती काहूकु आंदुर से अंदुन, नीव जान्सालीर कि जो गैर यहूदीगोळव शासक समस्तार इंदुर आंदुर मा प्रभुता माळतार; अदकि आंदुरदा जो धोड्डेर आर, आंदुर मा अधकारि जतुसतार, ईद नीव जान्सालीर. 43 *पर नीम दा हगि हैलेच, जो यावारा नीम दा धोड्डेव आगोद चाहासतान, रा नीमी बाकी लॉकुरद सेवक आग पायजे; 44 अदकि जो यावारा नीम दा प्रधान आगोद चाहासतान, आव नीम सप्पा मुंदुर दास आगुल. 45 यतकी ना मळसा अन पार इदुरसाटी बंददिल कि नान स्यावा माळुल, पर ना इदुरसाटी बंदीन कि नीमद सप्पा मुंदुरद स्यावा माळाईन, अदकि लॉकुर अव पापगोळ छुटकारा अन्द साटी तान जीवन कोळ सकाईन!

कुढ बरतमाई इक कण्ण इन ज्योत कोळोद

(मत्ती २०:२९-३४; लूका १८:३५-४३)

46 बाक यीशु अदकि आऊन चेलागोळ यरीहो दा बंदुर, अदकि याग आव अदकि आऊन चेलागोळ ऊंद धोळद भीळ इन सांगुळ यरीहो दा टु होगोर, आग ऊंद कुढ भखिारी, यारद हेसुर तमाई नव पार बरतमाई ईरोद, सळक इन कनिरा मा कुरतकु ईरोन. 47 आव ईद केळकु कि यीशु नासरी हुन, कारू-कारूकु अनली कुरतुन, “हे दाऊद उन पारा यीशु नान मा दया माळ!”

48 आग हापाळ मुंदुर आऊक दनकुसदुर कि सुंगा ईर. पर आव यक्कुल जोर देल कारूली कुरतुन, “हे दाऊद उन पारा नान मा दया माळ!”

49 आग यीशु नदुरकु अंदुन, “आऊक कारी.” अदकि लॉकुर आ कुढ मळसा अक कारूकु आऊन से अंदुर.

हमिमत ईट, येळ! आव नीनी कारेत्यान!

50 आव तान कपळा भटिकु तुरन्त येदुन, अदकि यीशु उन हात्ती बंदुन.

51 इदुर मा यीशु आऊन से अंदुन, “नी येन चाहासत्या कि ना नीन साटी माळाईन?”

कुढ मळसा आऊन से अंदुन, “हे गुरु, ना पयले घाई नोळोद चाहासतीन.”

52 यीशु आऊन से अंदुन, “होटोग, नीन वशिवास नीनी वळ्लीद माळबुटाद.”

आव तुरन्त नोळली कुरतुन, अदकि हादी मा आऊन हदि आगोदुन.

11

यरूशलेम दा वजिय-प्रवेश

(मत्ती २१:१-११; लूका १९:२८-४०; यूहन्ना १२:१२-१९)

1 बाक याग आंदुर यरूशलेम इन हात्ती, जैतून पहाळी मा बैतफगे अदकि बैतनयियाह अन्द हात्ती बंदुर रा यीशु तान चेलागोळ दा टु येदुद मुंदरी ईद सुझाव कोटकु कळुदुन, 2 “कि मुंदळोद ऊर दा होगी, अदकि अदुर दा पोहचुसतेला अच ऊद गधा अन पाड्डा, अदुर मा यागलु यारू कुरतीदील, अद नीमी कटकु सकिकीत. अदरी बटिकु तरी. 3 अगर नीम से यारारा केळ्यार, ईद येती माळतीर?” रा अनेतीर, प्रभु उक इदुरद जरवत आद, अदकि आव तुरन्त अदरी बाक ईल वापस कळु बुटान.”

* 10:38 १०:३८ लूका १२:५० * 10:42 १०:४२ लूका २२:२५,२६ * 10:43 १०:४३ मत्ती २३:११; मरकुस ९:३५; लूका २२:२६

4 आंदुर होगकु आ गधा अन पाड्डा अक व्हार्या द्वारा इन हात्ती चौक दा कटक नोळदुर, अदकि अदरी बळिली कुरतुर. 5 थ्वाळासा लॉकुर जो अल नीदुरकु ईरोर, यारारा यारारा अनली कुरतुर, ईद येन माळेंतीर, गधा अन पाड्डा अक येतरी बळिलीर?

6 अदकि यीशु ह्यांग हेळीदुन आंदुर हांग अच आंदुर से अंद बुदुर; आग लॉकुर आंदरी आ पाड्डा अक वोयगोटुर. 7 आंदुर पाड्डा अक यीशु उन हात्ती तनकु अदुर मा तान कपळा हाकदुर अदकि यीशु अदुर मा कुरतुन. 8 आग हापाळ सा लॉकुर तान कपळा हादी मा हासदुर अदकि हापाळ मुंदुर केईगोळ दा टु खजुर इन डगाली कळ-कळकु हादी मा हासदुर. 9 जो आऊन मुंद-मुंद होगोर अदकि जो हदि-हदि नळुतेला बरोर, कारू-कारूकु अनतेला होगतोगोर, “परमेश्वर उन स्तुती आगुल! जो प्रभु उन हेसुर देल बरतान! 10 नाम आप्प दाऊद उन बरावाळा राज्य इक परमेश्वर आशीष कोळुल अदकि परमेश्वर उन स्तुती आगुल!”

11 यीशु यरूशलेम पोहचुस्कु मंदिर दा बंदुन; अदकि नाकु दी सप्पा वस्तुगोळी नोळकु हननेळ चेलगोळ सांगुळ बैतनय्याह होदुन, यतकी द्याव मुळकेगीत.

यीशु अंजीर इन मार्र इक श्राप कोट्टुन
(मत्ती २१:१८-१९)

12 दुसरा दशी याग यीशु अदकि आऊन चेलगोळ बैतनय्याह टु वापस बरोर रा आऊक हसु हत्त. 13 अदकि याल्ला देल तुमकु ऊंद अंजीर इन मार्र इक दुर टु नोळकु, यीशु अदुर हात्ती होदुन का अल येनारा तनिली सकिकेदति. अल पोहचुस्कु याल्ला गोळी बटिकु अदकि येनु ईला ईरोद, यतकी काय हत्तुद मौसम ईला ईरोद.

14 आग यीशु आ मार्र से अंदुन, “ईगी टु यारू नीद काय यागलु तनितीदील.” अदकि आऊन चेलगोळ केळोर.

यीशु मंदिर इन शुद्धीकरण माळदुन
(मत्ती २१:१२-१७; लूका १९:४५-४८; यूहनना २:१३-२२)

15 बाक यीशु यरूशलेम दा बंदुन अदकि आव मंदिर दा होगकु अल लेन-देन माळावाळेरी तेगुली कुरतुन, अदकि सावकारगोळ्द पांळ्सी अदकि कबूतर मारावाळेर्द चौकीगोळी ऊलटुसदुन; 16 अदकि आव यारीकु भी मंदिर दा टु आगकु सामान वयोद आग्या कोटीदील. 17 अदकि आव आंदरी उपदेश कोळली कुरतुन, “येन ईद शास्त्र दा लखिसकु हैलेच, ‘का नांद मानना सप्पा राष्ट्र अन साटी प्रार्थना अनंद मानना कहलुसीत?’ पर नीव अदरी डाकूगोळ्द हड्डा माळकु ईटीर.”

18 प्रधान याजकगोळ अदकि नियम इन गुरुगोळ ईद केळदुर, रा आंदुर यीशु उक कोन्नोर साटी मवका हुंदसली कुरतुर, यतकी आंदुर आऊन से अंजतोगोर, इदुरसाटी का सप्पा लॉकुर आऊन उपदेश देल चकति ईरोर.

19 अदकि द्यावगा आगतेला अच, यीशु अदकि आऊन चेला नगर टु व्हार्या होटोदुर.

वंळगींद अंजीर इन मार्र टु शिक्षा
(मत्ती २१:२०-२२)

20 बाक दुसरा दशी व्हातर्या का याग आंदुर हादी मा टु होगोर रा आ अंजीर इन मार्र इक म्याकुच टु जळ ताका वंळगींद नोळदुर. 21 पतरस उक अद मात याद बत्त, अदकि आव यीशु से अंदुन, “हे गुरु, नोळ! ईद अंजीर इन मार्र यदरी नी श्राप कोटीद, वंळगेग्याद.”

22 यीशु आंदरी उत्तर कोट्टुन, “परमेश्वर मा वश्वास ईटी. 23 *ना नीम से खरा अनतीन का जो यावारा ई पहाळी से अंदान, ‘नी अल टु कित्तेग, अदकि समुद्र दा होगकु बळि,’ अदकि तान मन दा संक्या ईट बाळुल, लेकीन वश्वास माळुल का जो अनतीन अद आगेदीत, रा आऊन साटी हांग अच आदीन. 24 इदुरसाटी ना नीम से अनतीन, का जो येनारा नीव प्रार्थना माळकु बेळीर, रा वश्वास माळकोमी का अद नीमी सकिकेत, अदकि अद नीमद आगेत. 25 *अदकि याग यागलु नीव नीदुरकु प्रार्थना माळतीर रा अगर नीम मन दा यारदारा प्रती येनारा वरिध आद, रा माफ माळी,

इदुरसाटी कऱि नीम स्वरुगीय आपु परमेशुवर भी नमिोव अपराध माफ माळुल. 26 *अदकि अगर नीव माफ माळतीदील रा नीम आपु भी जो स्वरुग दा आन नीम अपराध माफ ईला माळुयान.”

यीशु उन अधकिार मा प्रश्न

(मत्ती २१:२३-२७; लूका २०:१-८)

27 आंदुर मात्त ऊंद घन यरूशलेम दा बंदुर, अदकि याग यीशु मंदरि दा वयाळोन रा प्रधान याजक अदकि नयिम इन गुरु अदकि स्याणागोळ आऊन हात्ती बंदकु केळली कुरतुर, 28 “नी ईद कयाल्सा याता अधकिार देल माळत्या? अदकि ईद अधकिार नीनी याव कोटान कऱि नी ईद कयाल्सा माळत्या?”

29 यीशु आंदुर से अंदुन, “ना भी नीम से ऊंद प्रश्न केळतीन; नानी उत्तर कोळी रा ना नीमी हेळाईन कऱि ना ईद कयाल्सा यातोद अधकिार देल माळतीन. 30 यूहनना अक बपतस्मा कोळोद अधकिार स्वरुग इन दी टु ईरोद या मंळसागोळ दी टु ईरोद. नानी उत्तर कोळी.”

31 आग आंदुर आपस दा मातगोळ माळली कुरतुर कऱि अगर नाव अंदेव स्वरुग इन दी टु, रा आव अंदान, बाक नीव यूहनना मा वशिवास येती माळीदील? 32 अदकि अगर नाव अंदेव, मंळसागोळ दी टु, रा लॉकुर नाम मा अच सटिट माळ्यार आंदुर नयिम इन गुरु लॉकुर से हापाळ अंजतोगोर यतकी सप्पा लॉक ईद मानसोर कऱि यूहनना वास्तव दा ऊंद भवषियवक्ता आन.

33 इदुरसाटी आंदुर यीशु उक उत्तर कोट्टुर, “नाव जानसालेव.” यीशु आंदुर से अंदुन, “ना भी नीमी हेळालीन कऱि ईद कयाल्सा ना याता अधकिार देल माळतीन.”

12

ट्याका देल कोळ्द अंगुर इन केई इन उदाहरण

(मत्ती २१:३३-४६; लूका २०:९-१९)

1 बाक यीशु उदाहरणगोळ दा आंदुर से मात माळली कुरतुन; ऊंद घन ऊंद मंळसा ईरोन याव ऊंद अंगुर इन केई हचदुन, अदकि बेली इन नाकु दी ज्वाळा कटदुन, अदकि रास्सा अन्द गड्डा अगुळदुन, अदकि मचान माळदुन; अदकि दुसरा केईवाळेरी आ अंगुर इन केई अन्द ट्याका कोटकु दुसरा द्याश दा होटोदुन. 2 बाक काय इन मौसम दा आव केईवाळेर हात्ती ऊंद दास उक कळुदुन, कऱि आ केईवाळेर से अंगुर इन केई इन फसल इन हसिसा ताकोमुल. 3 लेकीन आंदुर आ दास उक हुळकु बळदुर अदकि आऊक खाली कय कळु बुटुर! 4 मालकि मात्त ऊंद दास उक आंदुर हात्ती कळुदुन; आंदुर आऊन ताल्ला ओळ्द बुटुर अदकि आऊन अपमान माळदुर! 5 बाक मालकि ऊंद दास उक अदकि कळुदुन; आंदुर आऊक कोंद बुटुर. अदकि आंदुर हापाळ लॉकुर सांगुळ हांगा व्यवहार माळदुर, आंदुर दा टु आंदुर यारीकारा बळदुर, अदकि यारीकारा कोंद बुटुर! 6 ईग ऊंदा ईरोन, जो आऊन प्रयि पार ईरोन; आखरी दा आव आऊक भी आंदुर हात्ती ईद सोचकु कळुदुन कऱि आंदुर नान पार उन आदर माळ्यार. 7 लेकीन आ केईवाळेर आबुर दाबुर से अंदुर, ईवा रा वारीस हुन; बरी, नाव ईऊक कोंद बुळाता, अदकि आऊन धन दौलत नाम्द आदीत! 8 इदुरसाटी आंदुर आ पार उक हुळ कोंडुर अदकि आऊक कोंद बुटुर, अदकि अंगुर इन केई इन व्हार्या भीट बुटुर!

9 इदुर मा यीशु से केळदुर अंगुर इन केई इन “स्वामी येन माळुयान? आव बंदकु केईवाळेर्द नाश माळुयान अदकि अंगुर इन केई दुसरा अक कोट बुटान.” 10 येन नीव शास्त्र दा ईद वचन वाचुसीदील:

“याता कल्ल इक कारीगरीगोळ बेकार मान्सीदुर,

अदा क्वाना अन्द महत्वपुर्ण कल्ल बनसेत;

11 ईद प्रभु अन्द दी टु आत,

अदकि नाम नजर दा अदभुत आद.”

12 आग नयिम इन गुरुगोळ आऊक हुडोद चाहासदुर; यतकी समसेगदुरि कऱि यीशु नाम वरिध दा ईद उदाहरण अंदान. लेकीन आंदुर लॉकुर से अंजोर, अदकि आऊक बटिकु होटोदुर.

* 11:26 ११:२६ ईद वचन हाळोद नयिम दा हैलेच

सरकार उक कर कोळोद
(मत्ती २२:१५-२२; लूका २०:२०-२६)

13 आग आंदुर आऊक मातगोळ दा फसुसोरसाटी येनारा फरीसीगोळ अदकि हेरोदेस राजा अन्द पक्ष इन येनारा लॉकुरी यीशु उन हात्ती कळुदुर. 14 अदकि आंदुर बंदकु आऊन से अंदुर, “हे गुरु, नाव जान्सतेव, कनि खरा आय, अदकि यारदु परवा माळाल; यतकी नी मळसागोळद बाय नोळकु मात माळाल, लेकीन परमेश्वर उन खरा हादी कल्सत्या! रा येन सरकार उक कर कोळोद उचति आद का ईला?”

15 आव आंदुरद कपट जान्सकु आंदुर से अंदुन, “नानी येती फसुसोद कोशशि माळेतीर? ऊंद दीनार नान हात्ती तरी, कनि अदरी नोळाईन.”

16 आंदुर ऊंद चाँदी इन सकिका आऊन हात्ती तंदुर, अदकि आव आंदुर से अंदुन, “ईद छाप अदकि हेसुर यारद हुन?”

आंदुर अंदुर, “रोमन राजा अन्द हुन.”

17 अदकि यीशु आंदुर से अंदुन, “जो रोमन राजा अन्द हुन अद रोमन राजा अक कोळी, अदकि जो परमेश्वर उन आद अद परमेश्वर उक कोळी.”

अदकि आंदुर यीशु नव मात केळकु चकति आगेदुर.

दुबारा मात्त मदा माळोद
(मत्ती २२:२३-३३; लूका २०:२७-४०)

18 *बाक सद्कीगोळ भी, जो अनतार क् सोत्त मळसागोळद जत्तिता आगोद हई हैलेच, यीशु उन हात्ती बंदकु आऊन से केळ कुरतुर, 19 आंदुर अंदुर, “हे गुरु, आंदुर यीशु उक अंदुर, मूसा इजाजत कोटान क् ऊंद मळसा छोळ चट्टी लखिसकु तान हगिस उक तलाक कोळ सकतान. नाम साटी लखिस्यान क् अगर यारदारा वार्ट बनि औलाद पैदा माळ्त् सोतोदान अदकि आऊनोर हगिस ईतोदार, रा आऊन वार्ट आऊन हगिस उन से मदा माळ कोमुल, अदकि तान वार्ट उन साठी वंश पैदा माळुल. 20 ऊंद जागा दा येळ वार्टुर ईरोर. पयला वार्ट मदा माळकु बनि औलाद सोतोदुन; 21 आग दुसरा वार्ट आ आरत से मदा माळ कौडुन अदकि आव भी बनि औलाद सोतोदुन; अदकि हांग अच तसिरा भी माळदुन. 22 अदकि येळु वार्टुरद ऊंद भी औलाद आगीदील. सप्पा मुंदुर हदि आ आरत भी सोतोदुर. 23 इदुरसाटी पुनरूत्थान आगदुर बाददा आक आंदुर दा टु यारोर हगिस आदार? यतकी आक रा येळु मुंदुर हगिस आगेगीदुर.”

24 यीशु आंदुर से अंदुन, “नीव रा शास्त्र अक जान्सतीर, अदकि ना ही परमेश्वर उन सामर्थ्य इक इदुरसाटी नीव गलती माळतीर? 25 यतकी याग आंदुर सोत्तुर दा टु जत्तिता आदार, रा आंदुर ना मदा माळ्यार अदकि ना मदा दा कोटकु आदार, लेकीन स्वर्ग दा स्वर्गदूतगोळ घाई आदार. 26 सोत्तुर दा टु जत्तिता आगोद बारा दा येन नीव मूसा अन्द कतिाब दा होत्त झाळी इन कात्ता दा वाचुसीदील क् परमेश्वर आऊन से अंदुन, ‘ना अब्राहम उन परमेश्वर, अदकि इसहाक उन परमेश्वर, अदकि याकूब उन परमेश्वर हुईन?’ 27 परमेश्वर जो सोत्तुर आंदुर ईला उलटा जत्तितागोळोव परमेश्वर हुन; इदुरसाटी नीव पुरा पुरा तरीका देल ख्वाटा आईर.”

सब से धोळ्द आग्या
(मत्ती २२:३४-४०; लूका १०:२५-२८)

28 आग शास्त्रीगोळ दा टु ऊंद बंदकु आंदरी ववाद माळ्त् केळदुन, अदकि ईद जान्सकु क् यीशु सद्कीगोळी वळ्लीद रीति देल उत्तर कोट्टुन, आऊन से केळदुन, “सब से मुख्य आग्या यातोद आद?”

29 यीशु आऊक उत्तर कोट्टुन, सब आग्यागोळ दा टु ईद मुख्य आद: “हे इस्त्राएल इन लॉकुरा केळी! प्रभु नामव परमेश्वर ऊंदा प्रभु आन, 30 अदकि नी प्रभु तान परमेश्वर से तान पुरा मन देल, अदकि तान पुरा जीव देल, अदकि तान पुरा बुद्धी देल, अदकि तान पुरा ताकत देल प्यार

ईटेत.” 31 अदकि दुसरा आग्या ईद आद, “नी तान मान्ना हातळोर से तांदा घाई प्यार ईटेत. ईव येढ्ढ आग्यागोळी बटिकु दुसरा यातु धोळ्द आग्या ईलच.”

32 नयिमगोळ गुरु यीशु से अंदुन, “हे गुरु,” हापाळ वळ्लीद! नी खरा अन्द कि परमेश्वर ऊंदा आन, अदकि आऊक बटिकु अदकि याऊ दुसरा परमेश्वर हैलेच. 33 अदकि आऊन से पुरा मन, अदकि पुरा बुद्धी, अदकि पुरा जीव, अदकि पुरा ताकत देल प्यार ईटेत; अदकि बाजुवाळेर से तान घाई प्यार ईटेत, पुरा अग्नि-बलगोळ्द अदकि पशु-बलगोळ से यक्कुल आद.

34 *याग यीशु नोळदुन का आव समझदारी देल उत्तर कोटुन, रा आऊन से अंदुन, “नी परमेश्वर उन राज्य टु दुर हैलेच.”

अदकि यारीकु बाक आऊन से येनु केळोद हमिमत आगीदील.

मसीह दाऊद उन पार हुन?

(मत्ती २२:४१-४६; लूका २०:४१-४४)

35 बाक यीशु मंदिर दा उपदेश माळतेला ईद अंदुन, “नयिम इन गुरुगोळ अंदुर का मसीह ह्यांग दाऊद उन औलाद आग सकतान?” 36 दाऊद तान पवत्रि आत्मा अन्द सामर्थ्य देल हगि अंदुन: प्रभु परमेश्वर नान प्रभु से अंदुन,

“नान ऊमा कय मा कुरूल,

यागासताका कनि नीनोर दुश्मनगोळी अपमान काल दशिी तरालनि.”

37 दाऊद रा खुद अच आऊक प्रभु अनतान, बाक आव आऊन पार ह्यांग आदुन?

नयिम इन गुरुगोळ से सावधान ईरी

(मत्ती २३:१-३६; लूका २०:४५-४७)

अदकि भीळ दाकळोर लॉकुर आऊद मात खुशी देल केळतोगोर. 38 यीशु तान उपदेश दा आंदुर से अंदुन, “शास्त्रीगोळ से सावधान ईरी, सम्मान सकिकोर साटी आंदुर ऊद-ऊद च्वांगा हाककु वयाळतार अदकि सात्तागोळ दा खुद इक नमस्कार माळसुसोद आंदरी वळ्लीद हततद. 39 अदकि यहूदी लॉकुरद सभागृहगोळ दा मुख्य आसन अदकि भोज दा मुख्य जागा भी चाहासतार. 40 आंदुर रांड्यागोळ्द मान्नागोळ इक तदि बुळतार, अदकि लॉकुरी दखावा साटी हापाळ होत्त ताका प्रार्थना माळतेला ईरतार. इंदरी यक्कुल से यक्कुल दण्ड सकिकीत.”

कंगाल रांड्या अन्द दान

(लूका २१:१-४)

41 यीशु मंदिर इन दानपेटी इन मुंद कुरतकु नोळतोगोन का लॉकुर मंदिर इन दानपेटी दा याता प्रकार देल पैस्या हाकतार; अदकि यक्कुल पैस्यावाळेर लॉकुर भी हापाळ येनारा हाकदुर. 42 इदुर दा ऊंद कंगाल रांड्यागीत बंदकु तांबा अन्द येढ्ढ स्याण-स्याणव सकिका हाकदुर यदुर कमित ईतु आतुटु ऊंद पैस्या अन्द बराबर ईतीदाद, हाकदुर. 43 आग यीशु तान चेलागोळी हातती कारूकु आंदुर से अंदुन, “ना नीम से खरा खरा अनतीन, का मंदिर इन दानपेटी दा हाक्कावाळेर दा टु ई कंगाल रांड्यागीत सप्पा मुंदुर से यक्कुल हाकदुर; 44 यतकी सप्पा मुंदुर तान बळोतरी दा टु हाक्यार, लेकीन इक तांद कमी दा टु जो येनारा आकनि ईरोद, इदुर मतलब तांद पुरा जीवका हाक्क बुटार.”

13

मंदिर इन वनिश इन भवषियवाणी

(मत्ती २४:१-२; लूका २१:५-६)

1 याग यीशु मंदिर टु होळोन, रा आऊन चेलागोळ दा टु ऊंद चेला आऊन से अंदुन, “हे गुरु, नोळ, ह्यांग धोड्डेव कल्ल अदकि ह्यांग भव्य भवन आव!”

2 यीशु आऊन से अंदुन, “येन नीव इव धोड्डेव-धोड्डेव भवन नोळतीर: ईल कल्ल मा कल्ल भी ऊळ्दकु ईरतीदील जो ढाऊस्कु आगतीदील.”

यीशु परेशानी अदकि सताव इन बारा दा हेळदुन
(मत्ती २४:३-१४; लूका २१:७-१९)

3 याग यीशु जैतून इन पहाळ मा मंदिर इन मुंद कुरतकु ईरोन, रा पतरस अदकि याकूब अदकि यूहन्ना अदकि अन्दरयास अलग होगकु आऊन से केळदुर, 4 “नामी हेळ कि ईव मात याग आदव? अदकि याग ईव सब मात पुरा आगूत होदव आ समय इन येन चनिह ईत्तीत?”

5 यीशु आंदुर से अनली कुरतुन, सावधान ईरी कि यारू नीमी भरमुस बाळुल. 6 अनेक नान हेसुर देल ईद अनतेला बंदार, “ना मसीह हुईन!” अदकि आंदुर हापाळ मुंदरी भरमुस्यार. 7 याग नीव लळाईगोळ मातचीत केळीर अदकि लळाईगोळद बारा दा अफवाह केळीर, रा घबरूस बाळेतीर; यतकी अव मातगोळद ईरोद जरूरी आद, लेकीन आ समय दा अन्त आगतीदील. 8 यतकी द्याश मा द्याश, अदकि राज्य मा राज्य चढाई माळ्यार. हर जागा दा भूकम्प आदव, अदकि अकाल बदिदव. ईद रा भयानक दुख इन सुरूवात आदीत.

9 *लेकीन नीव तान बारा दा सावधान ईरी; यतकी लॉकुर नीमी महासभागोळ दा सोपस्यार अदकि नीव पंचायतगोळ दा बळसकोंडीर, अदकि नान कारण न्यायाधीशगोळ अदकि राजागोळ मुंद नदिरसकु आदीर, ताकी नीम साटी खुशखबरी केळसोर साटी मौका आदीत.” 10 पर जरूरी आद कि पयला खुशखबरी सब जातीगोळदा प्रचार माळकु आगुल. 11 याग आंदुर नीमी हुळकु न्यायालय दा ओतार, रा पयले टु चिता माळबाळेतीर कि नाव येन अंदेव; पर जो येनारा नीमी आटोटीका हेळकु आदीत अदा अनेतीर; यतकी अनावाळेरे नीव आलच, लेकीन पवतिर आत्मा हुन. 12 वार्ट उक वार्ट धवाका कोटटान, अदकि आप्प तान पार उक कोनोर साटी नदिर्यान, अदकि पार तान आप्प उक बडोर साटी नदिर्यान अदकि चकिोर तान मोय आप्पुर खलिाप यदकु आंदरी कोनसुस बुट्टार. 13 *अदकि नान हेसुर इन कारण पुरा लॉकुर नीम से दुश्मनी माळ्यार; लेकीन जो आखरी ताका आऊन मा वशिवास ईट्यार, आंदुरदा उद्धार आदीत.

महासंकट-काल

(मत्ती २४:१५-२८; लूका २१:२०-२४)

14 लेकीन याग नीव अद बरबाद माळावाळा बेकार वस्तु उक यल उचति ईलच अल नीदुरकु नोळीर, वाचुसावाळा समसेगुल आग जो लॉकुर यहूदिया दा आर आंदुर पहाळी मा ओळेगुल; 15 *जो छत मा आर, आव तान मानना टु येनारा ताकोमोर साटी ल्यालमा ईळुबाळुल अदकि बुळक होगबाळुल; 16 अदकि आंदुर जो केई दा आर, आव तान कपळा तरोरसाटी हदि होगबाळुल. 17 आ दनिगोळ दा जो व्हाट्या दी ईरोर अदकि जो चगिद ऊरी हाल कुळसतेला ईतीदार, आंदुर साटी आ दनि याट भयानक ईत्तव! 18 अदकि परमेश्वर से प्रार्थना माळतेला ईरी कि ईद सोळ इन दनिगोळ दा आगबाळुल. 19 *यतकी आ दनि हगि बरबाद ईनव ईत्तव कि दुनिया अन्द सुरूवात टु, जो परमेश्वर रच्यान, ईगासताका ना रा आग्याव अदकि ना बाक यागलु आदव. 20 अगर प्रभु आ दनिगोळी ईला घटुसायदुन, रा यातोदु प्राणी भी ईला ऊळाईत; लेकीन आ नविळुसकु आग्यार आ लॉकुर कारण यारी आव नविळुसदुन, आ दनिगोळी गोरत माळ्यान.

21 आ समय दा अगर यावारा नीम से अंदान; नोळी, मसीह ईल आन, या नोळी, अल आन, रा वशिवास माळबाळेतीर; 22 यतकी ख्वाटा मसीह अदकि ख्वाटा भवषियवक्ता यदकु नदिर्यार, अदकि हगि-हगि चमत्कार अदकि अदभुत क्यालसा तोरस्यार कि अगर आग सकुल रा नविळुसकु आग्यार आ लॉकुरी भी बैकुश बुळुल. 23 लेकीन नीव सावधान ईरी: नोळी, ना नीमी सप्पा मात पयले टु ना हेळ बुटीन.

मळसा अन पार यीशु उन दुबारा बरोद

(मत्ती २४:२९-३१; लूका २१:२५-२८)

24 *आ दनि दा, आ बरबाद इन बाददा दा सुरज अंधार आगेदीत, अदकि चन्द्रमा उजुळ कोळतीदील; 25 *अदकि आकाश टु तारागन बळिली हत्तेव; अदकि आकाश ईनव शक्तगोळी

* 13:9 १३:९ मत्ती १०:१७-२०; लूका १२:११,१२ * 13:13 १३:१३ मत्ती १०:२२ * 13:15 १३:१५ लूका १७:३१ * 13:19 १३:१९ प्रकाशतिवाक्य ७:१४ * 13:24 १३:२४ प्रकाशतिवाक्य ६:१२ * 13:25 १३:२५ प्रकाशतिवाक्य ६:१३

हालुसेदव.” 26 *आग लॉकुर ना मंळसा अन पार उक धोळ्द सामर्थ्य अदकि महिमा अन्द सांगुळ बादल दा बरतेला नोळ्यार. 27 आ समय आव तानव स्वर्गदूतगोळी कळुकु, पृथ्वी इन ईद भाग टु हुळकु आ भाग ताका, नाकु दशा दी टु परमेश्वर तान नविळुसद लॉकुरी जमा माळ्यान.

अंजीर इन मार इन उदाहरण

(मत्ती २४:३२-३५; लूका २१:२९-३३)

28 “अंजीर इन मार टु ईद उदाहरण कली: याग अदुर्द डगाली मुलायम आगताव, अदकि याल्ला होळली हतताव; रा नीव जान्स कोमतीर कबिसुल इन दनि हात्ती आव.” 29 ईदा प्रकार याग नीव ईव मातगोळी आगतेला नोळीर, रा जान्स कोमी कनिन बरोद समय हात्ती आद. 30 ना नीम से खरा अनतीन कियगासताका इव सप्पा मातगोळ पुरा आगालव, आगासताका ई पीढी नोर लॉकुर सायतीदिल. 31 आकाश अदकि पृथ्वी टलुसेदति, लेकीन नान मातगोळ यागलु टलुसतीदलि.

जागसतेला ईरी

(मत्ती २४:३६-४४)

32 *आ दनि या आ घळी अन्द बारा दा यारू जान्सालुर, ना स्वर्ग इनव स्वर्गदूत अदकि ना मंळसा अन पार; लेकीन सरिफ आप्प जान्सतान. 33 नोळी, सावधान ईरी अदकि जागसतेला ईरी; यतकी नीव जान्सालीर क अद घळी याग बंदीत. 34 *ईद आ मंळसा अन्द ह्यांग दशा आद, जो यात्रा दा होगोहोती तान मान्ना बटिकु होगुल, अदकि तान दासगोळी अधिकार कोळुल: अदकि हर ऊंद मंळसा अक आऊंद कयाल्सा हेळबुळुल, अदकि चौकीदार उक जागसतेला ईरोद आग्या कोळुल.” 35 इदुरसाटी जागसतेला ईरी, यतकी नीव जान्सालीर क मान्ना नव मालकि याग बंदान, द्यावगा या आरधा ईळलकी, या हुंज कुगतद आ घळी या व्हातुर आगोर से पयले. 36 हगि आगबाळुल क आव अचानक बंदकु नामी मगितेला नोळबाळुल. 37 अदकि जो ना नीम से अनेतीन, अदा सप्पा मुंदुर से अनतीन: “जागसतेला ईरी!”

14

यीशु उक कोन्नोद योजना

(मत्ती २६:१-५; लूका २२:१-२; यूहन्ना ११:४५-५३)

1 येढ्ढ दनि इन बाददा फसह अदकि अखमीरी रोटी अन्द हाब्व आगोद ईरोद. प्रधान याजक अदकि नयिम इन गुरु ईद मात इन खोज दा ईरोर क आऊक ह्यांग कपट देल हुळकु कोनदेव; 2 लेकीन अनतोगोर, “हाब्व इन रोज हगि ईला, ईलारा लॉकुर दा झगळा आगेदीत.”

बैतनयियाह नगर दा यीशु उन अत्तर देल स्वागत

(मत्ती २६:६-१३; यूहन्ना १२:१-८)

3 *याग यीशु बैतनयियाह दा शमौन कोढी यारी कोढ इन रोग ईरोद आऊन मान्या ऊमली कुरतकु ईरोन, आग ऊंद आरत संगमरमर इन बाटुल दा जटामांसी अन्द बारर शुद्ध अत्तर हुळकु बंदुर; अदकि बाटुल इक मूरकु अत्तर इक यीशु उन ताल्ला मा लपटुसदुर. 4 लेकीन यारारा यारारा तान मन दा कळकुळुसकु अनली कुरतुर, “ईद अत्तर इन येती सत्यानाश माळकु आत? 5 इदुर मा यीशु अंदुन येती ईद अत्तर इक मुर सौ दीनार* से यक्कुल बारर दा मारकु कंगालगोळ दा वाटसकु आग सकोद.” अदकि आंदुर आक इक दनकुस्ली कुरतुर.

6 यीशु अंदुन, “आकी बटिट बुळी; आकी येती सतुसतीर? आक रा नान सांगुळ भलाई माळदुर. 7 कंगाल नीम सांगुळ हमेशा ईरतार, अदकि नीव याग चाहासीर आग आंदुर से भलाई माळ सकतीर; पर ना नीम सांगुळ हमेशा ईरतीदिल. 8 जो येनारा आक माळसकोर, आक माळदुर; आक नान नळसोद तयारी दा पयले टु ना नांद शरीर मा अत्तर मलुस्यार. 9 ना नीम से खरा माताळतीन क पुरा दुनया दा येल्यारा भी खुशखबरी प्रचार माळदुर दा बंदीत, अल आक इन ईद कयाल्सा अन्द चर्चा भी आक इन याद दा माळकु आदीत.”

* 13:26 १३:२६ प्रकाशतिवाक्य १:७ * 13:32 १३:३२ मत्ती २४:३६ * 13:34 १३:३४ लूका १२:३६-३८ * 14:3

१४:३ लूका ७:३७,३८ * 14:5 १४:५ मुर सौ चाँदी नव सकिका ऊंद वर्ष इन रोजी

यीशु उन वशिवासघात माळोर साटी यहूदा अन्द सहमती
(मत्ती २६:१४-१६; लूका २२:३-६)

10 आग यहूदा इस्करियोती जो हन्नेळ चेलगोळ दा टु ऊंद ईरोन, प्रधान याजकगोळ हात्ती होदुन की यीशु उक आंदुरद कय देल हुळसुसकु आंदरी सौप्स बुळुल. 11 आंदुर ईद केळकु खुश आदुर, अदकि आऊक पैस्या कोळोद स्वीकार माळदुर; अदकि आव मवका नोळोन की आऊक ह्यांगारा भी प्रकार देल हुळसुसकु आंदुरद कय दा सौप्स बुळुल.

चेलगोळ सांगुळ फसह अन्द आखरी भोज
(मत्ती २६:१७-२५; लूका २२:१७-१४; २१-२३; यूहन्ना १३:२१-३०)

12 अखमीरी रोटी इन हाब्व इन पयला दनि, यदुरदा आंदुर फसह दा म्यांडा अन्द पाड्डा अन्द बलदान माळतोगोर, यीशु उन चेलगोळ आऊक केळदुर, “नी येन चाहासत्या की नाव होगकु नीन साटी फसह तनिद तयारी माळेव?”

13 यीशु तान चेलगोळ दा टु येढ्ढ मुंदरी ईद अनकु कळुदुन, “नगर दा होगी, अदकि ऊंद मंळसा नीर इन माळका नेगुत नीमी सकियान, आऊंद हदि आगोतेर; 14 अदकि आव याता मान्या होदान, आ मान्ना अन्द मालकि से अनेतीर, ‘गुरु अनतान की पाऊनागोळ्द ईरोद जागा पाऊनागोळ्द कमरा यल आद यदुरदा ना तान चेलगोळ सांगुळ फसह तनिईन अद जागा यल आद?’ 15 आव नीमी ऊंद सजुसकु सजुसद, अदकि तयार माळ्द धोळ्द म्याकळोद ठकान तोरस्यान, अल नाम साटी फसह तनिद तयारी माळेतीर.”

16 चेलगोळ अल टु होट्टकु नगर दा बंदुर, अदकि ह्यांग यीशु आंदुर से अंददिन, हांग अच सकित; अदकि आंदुर फसह तनिद तयारी माळदुर.

17 याग द्याव आत, रा आव हन्नेळ चेलगोळ सांगुळ बंदुन. 18 याग आंदुर कुरतकु ऊमोर, रा यीशु चेलगोळ से अंदुन, “ना नीम से खरा अनतीन की नीम दा टु ऊंद, जो नान सांगुळ ऊमेत्यान, आव नानी ध्वाका देल हुळसुसकु दुश्मनगोळ कय दा सौप्स कौडान.”

19 अदकि चेलगोळ मा उदासी छासेत अदकि आंदुर ऊंद ऊंद माळकु यीशु उक अनली कुरतुर, “येन आव ना हुईन?”

20 यीशु आंदुर से अंदुन, “आंदुर नीम हन्नेळ दा टु ऊंद आन, जो नान सांगुळ तंळग्या दा कय हाकतान. 21 यतकी ना मंळसा अन पार, ह्यांग नान बारा दा लखिसकु आग्याद, लेकीन आ मंळसा अन मा हाय याऊन द्वारा ना मंळसा अन पार उक हुळसुसकु आदीत अदकि सौप्सकु आदीत! अगर आ मंळसा अन्द जनम अच ईला आगाईत, रा आऊन साटी भला आगाईत.”

प्रभु-भोज
(मत्ती २६:२६-३०; लूका २२:१४-२०; १ कुरनिथि ११:२३-२५)

22 याग यीशु अदकि आऊन चेलगोळ ऊमतेला अच ईरोर, आव रोटी ताकोडुन, अदकि परमेश्वर उक धन्यवाद कोटकु मुरदुन, अदकि आव चेलगोळी भी कोट्टुन, अदकि अंदुन, “हुडी, ईद नान शरीर हुन.”

23 बाक यीशु कटोरा हुळकु परमेश्वर उक धन्यवाद माळदुन, अदकि आंदरी कोट्टुन; अदकि आंदुर सप्पा मुंदुर अदुर दा टु कुळदुर. 24 अदकि यीशु चेलगोळ से अंदुन, “अद नान खुन हुन, जो हापाळ मुंदुर साटी वाहुसकु आगतद,” ईद प्रमाणति माळतद की परमेश्वर अदकि मंळसा अन न्याड्या व्हाशोद वाचा अक दर्शुसतद. 25 “ना नीम से खरा अनतीन की अंगुर इन रास्सा आ दनि ताका बाक यागलु कुडुतीदील, यागासताका परमेश्वर उन राज्य दा ना व्हाशोद अंगुर इन रास्सा ना कुडुतीदील.”

26 बाक आंदुर भजन हाळ हाळकु व्हार्या जैतून पहाळी मा होदुर.

पतरस उन इनकार इन भवषियवाणी
(मत्ती २६:३१-३५; लूका २२:३१-३४; यूहन्ना १३:३६-३८)

27 आग यीशु चेलागोळ से अंदुन, “नीव नानी बटिकु ओळीर, यतकी शास्त्र हगि अच अनतद: ‘ना रखवाला अक कोनाईन, अदकि म्यांडा ततिर-बतिर आगेदव.’ 28 *लेकीन ना तान जतिता आगदुर बाद्दा नीम से पयले गलील इक होगईन.”

29 पतरस आऊन से अंदुन, “अगर सब नीनी बट्टार रा बट्टार, पर ना नीनी बटिकु होगालीन.”

30 यीशु आऊन से अंदुन, “ना नीन से खरा अनतीन कि ईदल्या ईदा ईळ्लक इक हुंज इन येद्व घन कुगुगोर से पयले, नी मुर घन नान इनकार माळ्या.”

31 बाक पतरस अदकि जोर कोटकु अंदुन, “अगर नानी नीन सांगुळ सायोद भी बदिदीत, तरी ना नीन इनकार यागलु माळतीदील.”

ईदा प्रकार देल अदकि सप्पा मुंदुर भी अंदुर.

गतसमनी दा प्रार्थना

(मत्ती २६:३६-४६; लूका २२:३९-४६)

32 बाक यीशु अदकि आऊन चेलागोळ गतसमनी हेसुर इन ऊंद जागा दा बंदुर, अदकि आव तान चेलागोळ से अंदुन, “ईल कुर्तकु ईरी, आगासताका ना प्रार्थना माळतीन.” 33 अदकि आव पतरस अदकि याकूब अदकि यूहन्ना अक तान सांगुळ ओतुन; अदकि च्याच दुखी अदकि व्याकुल आगली कुरतुन, 34 अदकि आंदुर से अंदुन, “नान मन च्याच उदास आद, ईल ताका काना सायोर मा आईन: नीव ईल रूकसी, अदकि जागुसतेला ईरी.”

35 बाक आव थ्वाळासा मुंद होदुन अदकि धरती मा बदिकु प्रार्थना माळली कुरतुन कि अगर आग सकुल रा ईद घळी नान मा टु टलसेगुल, 36 अदकि अंदुन, “हे बाबा, हे आप्पा, नीन से सप्पा येनारा आग सकतद; ईद दुख इन कटोरा अक नान हाती टु हटुसबुळ: तौभी ह्यांग ना चाहासतीन हांग ईला, पर जो नी चाहासत्या अदा आगुल.”

37 बाक यीशु वापस बंदुन अदकि नोळदुन कि मूरू चेलागोळ मगिग्यार ईद नोळकु पतरस से अंदुन, “हे शमौन, नी मगित्या? येन नी ऊंद तास भी जागुस सकदील? 38 जागुसतेला अदकि प्रार्थना माळतेला ईरी कि नीव परीक्षा दा बळिबाळी. आत्मा अन्द रा इच्छा आद, पर मय कमजोर आद.”

39 अदकि यीशु बाक ओळेदुन अदकि अवा शब्दगोळ्दा प्रार्थना माळली कुरतुन. 40 बाक यीशु बंदकु आंदरी मगित नोळदुन, यतकी आंदुर अव कण्णगोळ जप देल तुमकु ईरव; अदकि ईला जानसोर कि आऊक येन उत्तर कोट्टेव.

41 बाक यीशु तसिरा गन बंदकु आंदुर से अंदुन, “ईग भी नीव मगितीर अदकि आराम माळतीर? नोळी, घळी होट्ट बंदाद; नोळी ना मंळसा अन पार पापीगोळ्द कय देल हुळकु सौप्सकु आगाईन. 42 येळी, होगाता! नोळी, नानी ध्वाका देल हुळसुसकु सौप्सावाळा नान हात्ती होट्ट बंदान!”

यीशु उन ध्वाका देल हुळकु सौप्सकु आगोद

(मत्ती २६:४७-५६; लूका २२:४७-५३; यूहन्ना १८:३-१२)

43 यीशु ईद अनतेला अच ईरोन कि यहूदा जो हन्नेळ चेलागोळ दा टु ऊंद ईरोन, आऊन हात्ती बंदुन. अदकि तान सांगुळ प्रधान याजक अदकि शास्त्रीगोळ अदकि स्याणागोळ्द द्वारा ऊंद धोळ्द भीळ कळुकु आगीत, जो तलवार अदकि कोलगोळ हुळकु बंदीदुर. 44 यीशु उक हुळसुसकु सौप्सावाळा आंदरी ईद पता कोटीदुन कि याऊक ना चुम्मा ताकोमाईन आवा मंळसा हुन, आऊक हुळकु शंकलीगोळ देल कटकु सावधानी देल वयेतीर ताकी आव ओळ बाळुल.

45 यहूदा बंदुन, अदकि तुरन्त यीशु उन हात्ती होगकु अंदुन, “हे गुरु!” अदकि आऊन चुम्मा ताकोडुन. 46 आग आंदुर यीशु मा कय हाक्कु आऊक हुडुकोडुर अदकि कठ कोडुर. 47 आंदुर दा टु जो हात्ती नीदुरकु ईरोर, ऊंद मंळसा तलवार जेळकु महायाजक उन सेवक मा नळसदुन, अदकि आऊंद कवि हारस बुट्टुन. 48 यीशु आंदुर से अंदुन, “येन ना यावारा अपराधी हुईन, जो नानी हुडोर साटी तलवार अदकि कोलगोळ हुळकु बंदीर? 49 *ना रा हर रोज मंदरि दा नीम सांगुळ ईतकु उपदेश

कोळतोगीन, अदकि आग नीव नानी हुळदीदलि: लेकीन ईद इदुरसाटी आग्याद कशिशास्त्र अन्द मात पुरा आगुल.”

50 इव मातगोळ केळकु आऊन सप्पा चेलागोळ आऊक आबना बटिकु वोळेदुर.

51 ऊंद हारोदव पार तान दंगदंगा मय मा लुंगी होदुकु यीशु उन हदि-हदि होगोन; अदकि लॉकुर आऊक हुडोद कोशशि माळदुर. 52 अदकि आव लुंगी बटिकु नंगा ओळेदुन.

यहूदीगोळ्द महासभा अन्द मुंद यीशु उक तरोद आत

(मत्ती २६:५७-६८; लूका २२:५४,५५,६३-७१; यूहन्ना १८:१३-१४; १९:२४)

53 बाक आंदुर यीशु उक महायाजक उन मान्नी तंदुर; अदकि सब प्रधान याजक अदकि स्याणा अदकि नयिम इन गुरु आऊन मान्या जमा आगेदुर. 54 पतरस दुर दुर टु आऊंद हदि-हदि महायाजक उन आंगुळ इन बुळक ताका होदुन, अदकि आव पहरेदारगोळ सांगुळ कुर्तकु बेक्की सेक्सली कुरतुन. 55 प्रधान याजक अदकि सप्पा यहूदीगोळ्द महासभा यीशु उक कोंद बुळोरसाटी आऊंद वरिध दा गवाही इन खोज दा ईरोर, पर आऊंद वरिध दा यातोद भी सबुत सकिदिल. 56 यतकी हापाळ सा लॉकुर यीशु उन वरिध दा ख्वाटा गवाही कोळोर, पर आंदुरद गवाही ऊंद सारखा ईला ईरोद.

57 आग येनारा लॉकुर यदकु यीशु उन खलिाप ईद ख्वाटा गवाही कोळली कुरतुर, 58 * “नाव ईऊक ईद अन्त केळेव, ना ईद मंळसागोळ्द कय देल माळ्द ईद मंदरि इक केळद बुळाईन, अदकि मुर दनि दा दुसरा माळाईन, जो मंळसागोळ्द कय देल माळकु ईरतीदिल.” 59 ईदुर मा भी आंदुरद गवाही ऊंद सारखा होतीदलि.

60 आग महायाजक न्याड्या दा नीदुरकु यीशु से केळदुन, “नी येनु उत्तर कोळाल? ई लॉकुर नीन वरिध दा येन गवाही कोळतार?”

61 लेकीन यीशु सुंगा ईततुन, अदकि आव येनु उत्तर कोटीदिल. महायाजक आऊन से मात्त केळदुन, “येन नी आ परमधन्य परमेश्वर उन पार मसीह हुय?”

62 यीशु अंदुन, हाव “ना हुईन: अदकि नीव मंळसा अन पार उक सर्वशक्तमिान इन ऊम्मा कय दी कुर्त, अदकि आकाश इन बादल इन सांगुळ बर्त नोळीर.”

63 आग महायाजक तानव फळक्या हरकु अंदुन, “ईग नामी यक्कुल गवाहगोळ्द येन जरवत आद?”

64 “येन नीव केळीदिल, कि ईव परमेश्वर उन अपमान माळतान. ईग नीम्द येन राय आद?” आ सप्पा लॉकुर आऊक अपराधी ठहरूसतेला अंदुर, कि ईऊक जीव दण्ड सीक पायजे.

65 आग यारारा आऊन मा उगुळली कुरतुर, अदकि यारारा आऊन कण्णगोळ मा पट्टी कटकु आऊक बुक्का बडुली कुरतुर, अदकि आऊन से अनली कुरतुर, “भवषियवाणी माळ.” नीनी यार बळदुर, अदकि पहरेदारगोळ आऊक हुळकु क्याबरा बळदुर.

पतरस उन यीशु उक इनकार माळोद

(मत्ती २६:६९-७५; लूका २२:५६-६२; यूहन्ना १८:१५-१८,२५-२७)

66 याग पतरस ल्यालमा आंगुळ दा ईरोन, रा महायाजक इन दासीगोळ दा टु ऊंद दासी अल बंदुर. 67 अदकि आ दासीगीत पतरस उक बेक्की सेक्सत नोळकु आऊक टकटकी हचकु नोळदुर अदकि अनली कुरतुर, “नी भी रा आ नासरी यीशु उन सांगुळ ईर्या.”

68 अदकि आव बदलुसेदुन, अदकि अंदुन, “ना जानसालीन अदकि ना सम्सालीन कि नी येन अनेत्या.” बाक आव अल टु दरवाजा ताका होदुन; अदकि आटा होती हुंज कुग्त.

69 आ दासी आऊक नोळकु आंदुर से अंदुर जो आऊन हात्ती नीदुरकु ईरोर, “ईव मंळसा आंदुर दा टु ऊंद हुन.”

70 लेकीन आव मात्त बदलुसेदुन. घळी तमिर बाददा दा आंदुर जो हात्ती नीदुरकु ईरोर मात्त पतरस से अंदुर, “खरा दा नी आंदुर दा टु ऊंद हुय; यतकी नी गलीली भी हुय.”

71 आग आव इनकार माळकु अनली कुरतुन कि ना करिया तनिकु खरा अनतीन, “ना आ मंळसा अक, यार्द नीव मातचीत माळतीर, ना अरालीन.”

⁷² बाक तुरन्त दुसरा घन हुंज कुगत. अदकि पतरस उक अद मात जो यीशु आऊन से अंददिन याद बत्त: “हुंज इन येद्व घन कुग्गोर से पयले नी मुर घन नान इनकार माळ्या.” अदकि आव ईद मात इक सोचकु आव वरलली कुरतुन.

15

पलातुस उन मुंद यीशु

(मत्ती २७:१-२; ११:१४; लूका २३:१-५; यूहन्ना १८:२८-३८)

¹ व्हातुर आगतेला अच तुरन्त प्रधान याजकगोळ, स्याणागोळ, अदकि शास्त्रीगोळ उलटा सप्पा यहूदी महासभा आपस दा सलाह माळकु यीशु उक कट्सुसदुर, अदकि आऊक वोतकु पलातुस उन कय दा सौप्सदुर.

² पलातुस आऊन से केळदुन, “येन नी यहूदीगोळ्द राजा हुय?” यीशु आऊक उत्तर कोट्टुन, हव “हयांग नी खुद अच अनत्या.”

³ प्रधान याजक आऊन मा हापाळ मात ईनव दोष हचोर. ⁴ पलातुस यीशु से मात्त केळदुन, “येन नी येनु उत्तर कोळाल? नोळ इंदुर नीन मा यास मात ईनव दोष हचीत्यार!”

⁵ यीशु फरि भी येनु उत्तर कोटीदील; ईल ताका क्ति पलातुस उक बळा आश्चर्य आत.

मृत्यु-दण्ड इन आग्या

(मत्ती २७:१५-२६; लूका २३:१३-२५; यूहन्ना १८:३९; १९:१६)

⁶ हर ऊंद फसह हाब्व इन घळी दा पलातुस यावारा भी ऊंद कैदी इक यारी यहूदी लॉकुर चाहासतोगोर, आऊक आंदुर साठी बट्टिबुळ तोगोन. ⁷ बरअब्बा हेसुर ईनव ऊंद मंळसा ईरोन जो आ वदिरोह इन सांगुळ कैदी ईरोन, जो रोमन सरकार उन खलाप वदिरोह दा हत्या माळीदुर. ⁸ अदकि भीळ म्याकुच हांगकु पलातुस से वनिती माळली कुरत, कहियांग नी नाम साठी माळतेला बंद्या हांग अच माळ. ⁹ पलातुस आंदरी उत्तर कोट्टुन, “येन नीव चाहासतीर क्तिना नीम साठी यहूदीगोळ राजा अक बट्टि बुळाईन?” ¹⁰ यतकी पलातुस जानसोन क्ति प्रधान याजकगोळ आऊक सट्टि देल सौप्सीदुर.

¹¹ लेकीन प्रधान याजकगोळ लॉकुरी येरसदुर क्ति आव बरअब्बा अक अच आंदुर साठी बीटबुळुल.

¹² ईद केळकु पलातुस आंदुर से मात्त केळदुन, “रा यारी नीव यहूदीगोळव राजा अनतीर, आऊक ना येन माळाईन?”

¹³ आंदुर मात्त चळिलासदुर, अदकि अंदुर “आऊक कूरस मा येरसबुळी!”

¹⁴ पलातुस आंदुर से अंदुन, “येती ईव येन बुराई माळ्यान?”

लेकीन आंदुर मात्त अदकि चळिलासदुर, “आऊक कूरस मा येरसबुळी!”

¹⁵ आग पलातुस भीळ इक खुश माळाद इच्छा देल, बरअब्बा अक आंदुर साठी बट्टि बुट्टुन, अदकि यीशु उक कोळागोळ देल बळकु सौप्सदुर क्ति कूरस मा येरसुल.

सैनिकगोळ द्वारा यीशु उन अपमान

(मत्ती २७:२७-३१; यूहन्ना १९:२-३)

¹⁶ सैनिकगोळ यीशु उक क्ति अन्द बुळक राज्यपाल उन मान्ना अन्द आंगुळ दा ओतुर जो प्रीटोरियुम कहलुसतद, अदकि बाकी नोर रोमी सपिाईगोळी कारूकु तंदुर. ¹⁷ आग आंदुर आऊक जांभळा रंग इन कपळा हाक्सुसदुर अदकि मुळल इन मुकुट माळकु आऊन ताल्ला मा मंळसदुर, ¹⁸ अदकि ईद अनकु आऊक नमस्कार माळली कुरतुर, “हे यहूदीगोळ राजा, नीन जय आगुल!” ¹⁹ आंदुर आऊन ताल्ला मा सरकण्डा बडोर, अदकि आऊन मा ऊगळोर, अदकि ट्वांगरा टेक्सकु आऊक प्रणाम माळतेला ईत्तुर. ²⁰ याग आंदुर आऊद मज्याक हारसकौड्डुर, रा आऊन मय मा कळव जांभळा रंग इन फळक्या ईळसकु आऊन अवा कपळा मात हाक्सुसदुर; अदकि आग आऊक कूरस मा येरसोर साठी व्हार्या ओतुर.

यीशु उन कूरस मा येरसोद

(मत्ती २७:३२-४४; लूका २३:२६-४३; यूहन्ना १९:१७-२७)

21 *आंदरी कुरेन ईनव ईरावाळा शमौन हेसुर ईनव मंळसा, हादी मा सकिदुन. आव ऊरी टु बरोन. अदकि आव सकिन्दर अदकि रूफुस उन आप्प ईरोन. सपिाहीगोळ आऊन मा जबरदस्ती दबाव हाकदुर क् आव यीशु उन कूरूस नेगुकु नळदान. 22 आंदुर यीशु उक गुलगुता हेसुर इन जागा मा तंदुर, यदुर मतलब खोपळी इन जागा हुन. 23 अल यीशु उक केय मसाला मीसळुसुद अंगुर इन रास्सा कोळली कुरतुर, लेकीन आव ताकोडीदील. 24 आग आंदुर आऊक कूरूस मा येर्सदुर अदकि आऊन कपळा मा चट्टी गोळ हाक्कु, कियारीक येन सकिकीत, अवरी वाट्स बुटुर. 25 याग आंदुर आऊक कूरूस मा येर्सदुर रा व्हातरी नव ऊम्बत मुरददिव. 26 अदकि आऊन दोषपत्र लखिसकु कूरूस मा आऊंद ताल्ला अनूद म्याकुच चपिकुस बुटुर “यहूदीगोळ राजा.” 27 आंदुर आऊन सांगुळ येदढ डाकूगोळी भी कूरूस मा येर्सदुर, ऊंद डाकू उक ऊमा कय दी अदकि दुसरा डाकू उक डाक्या कय दी कूरूस मा येर्सदुर. 28 आग पवत्रिशस्त्र अनूद अद वचन क् आऊक अपराधीगोळ सांगुळ आळुकु आदीत, पुरा आत.*

29 *अदकि हादी मा टु होगावाळेर ताल्ला हालु-हालुसुकु अदकि ईद अन-अनकु आऊंद अपमान माळतोगोर, “वाह. मंदरि इक केळावाळा, अदकि मुर दनि दा माळावाळा! 30 तान तान इक ऊळस अदकि कूरूस मा टु ईळुकु बा.”

31 ईदा रीत दिेल प्रधान याजक भी, शास्त्रीगोळ सांगुळ, आपस दा आऊंद मज्याक हारसकु अनतोगोर, “ईव रा दुसरा अक ऊळसयान,” लेकीन तान तान इक ऊळस सकालुन.

32 इस्त्राएल इन राजा, मसीह, ईग कूरूस मा टु ईळुदकु बर क् नाव नोळुकु वशिवास माळेव. अदकि जो आऊन सांगुळ कूरूस मा येर्सकु आगीदुर, आंदुर भी आऊन नीम्दा माळतोगोर.

यीशु उन जीव त्यागसोद

(मत्ती २७:४५-५६; लूका २३:४४-४९; यूहन्ना १९:२८-३०)

33 याग दुसरा पहर आत रा पुरा द्याश दा अंधार आगेत अदकि मुर मुरास ताका हांग अच ईतत. 34 अदकि मुर मुरा दी यीशु हापाळ धोळद शब्द दा चलिळासुकु अंदुन, “इलोई, इलोई, लमा शबक्तनी?” यदुरद मतलब हुन, “हे नान परमेश्वर, हे नान परमेश्वर, नी नानी येती बटिबुट?”

35 आग जो आऊन हात्ती ईरोर आंदुर दा टु आरधा लाँकुर ईद केळुकु अनली कुरतुर, “नोळी, आव एलिय्याह अक कारेत्यान.” 36 अदकि ऊंद मंळसा ओळुकु स्पंज इक सरिके दा नेनाकदुन, अदकि सरकण्डे मा ईटकु आऊक नेक्सदुन अदकि अंदुन, “थाम्सेगी, नोळाता एलिय्याह आऊक ईळसोर साटी बरतान का ईला.”

37 आग यीशु धोळद शब्द दा चलिळासुकु जीव बटि बुटुन.

38 अदकि मंदरि इन परदा म्याकुच टु लयालमा ताका हरुकु येदढ तुकळा आगेत. 39 जो सुबेदार आऊन मुंद नीदुरकु ईरोन, याग आऊक हगि चलिळासुकु जीव बीळतेला नोळदुन, रा आव अंदुन, “खरा ई आद ईव मंळसा, परमेश्वर उन पार ईरोन!”

40 *हापाळ आर्तेर भी दुर टु नोळतोगोर: आंदुरदा मरयिम मगदलीनी, स्याणेव याकूब अदकि योसेस उन मोय मरयिम, अदकि सलोमी ईरोर. 41 याग आव गलील दा ईरोन रा इंदुर आऊंद हदि आगेगोर; अदकि आऊंद स्यावा टहल माळतोगोर; अदकि दुसरा हापाळ आर्तेर भी ईरोर, जो आऊन सांगुळ यूरुशलेम दा बंदीदुर.

यीशु उक नळसोद

(मत्ती २७:५७-६१; लूका २३:५०-५६; यूहन्ना १९:३८-४२)

42 याग द्याव मुळकेत रा इदुरसाटी कतियार इन दनि ईरोद, जो आराम इन ऊंद दनि पयले ईरतद, 43 अरमितया नव ईरावाळा यूसुफ बंदुन, जो महासभा दव सदस्य ईरोन अदकि तावा परमेश्वर उन राज्य अनूद हादी कायोन. आव हम्मिमत माळुकु पलितुस उन हात्ती होगकु यीशु उन लाश बेळदुन. 44 पलितुस उक आश्चर्य आत क् आऊंद जीव ईट जल्दी होटोत; अदकि आव सुबेदार उक कारुकु केळदुन, “येन आव सोतोग्यान?” 45 याग आव सुबेदार उन बाय देल हाल केळदुन, रा लाश यूसुफ

* 15:21 १५:२१ रोमियों १६:३३ * 15:28 १५:२८ ईद वचन हाळोद शास्त्र दा लखिसकु हैलेच * 15:29 १५:२९ मरकुस १४:५८; यूहन्ना २:१९ * 15:40 १५:४० लूका ८:२३

उक बेळ कोट्टुन. ⁴⁶ आग आव मलमल इन ऊंद चादर कोडुन, अदकि लाश इक ईळ्स्कु आ चादर दा गुळसदुन, अदकि ऊंद कब्र दा जो चट्टान दा अगुळकु आगीत ईटदुन, अदकि कब्र अनंद दरवाजा मा ऊंद कल्ल ढकलुसदुन. ⁴⁷ मरयिम मगदलीनी अदकि योसेस उन मोय मरयिम नोळतोगोर कर् आऊक येल ईटकु आग्याद.

16

यीशु उन पुनरूत्थान

(मत्ती २८:१-८; लूका २४:१-१२; यूहनना २०:१-१०)

¹ याग आराम इन दनि बतिसेत, रा मरयिम मगदलीनी, अदकि याकूब उन मोय मरयिम, अदकि सलोमी सुगन्धति अत्तर कोडुर अदकि बंदकु यीशु उन लाश मा हच्चेव. ² यहूदीगोळ्द अनुसार हप्ता अनंद पयला दनि आयत्तार इन व्हातर्या अनंद आर मुरा याग सुर्य होळ्त्त, आंदुर कब्र मा बंदुर, ³ अदकि आपस दा अनतोगोर, “नाम साटी कब्र अनंद दरवाजा मा टु कल्ल याव ढकलुस्यान?” ⁴ कल्ल हापाळ धोळ्द ईरोद. याग आंदुर कण्ण नेगुकु नोळदुर रा कल्ल कब्र टु हट्टुस्कु ईरोद. ⁵ आ आर्तेर याग कब्र अनंद बुळ्क होदुर रा आंदुर ऊंद स्वरगदूत उक हारोदव मंळसा अन घाई बळिवे कपळा मा ऊमा कय दी कुर्तकु नोळदुर, अदकि हापाळ अंजेदुर.

⁶ स्वरगदूत आंदुर से अंदुर, “अंजबाळी, नीव नासरत इन यीशु उक ढुंढसेतीर, याऊक कूरस मा येरसकु आगीत. आव जत्तिता आग्यान, ईल हैलेच; नोळी, ईदा अद जागा हुन, यल आंदुर आऊक ईटीदुर. ⁷ *लेकीन नीव होगी, अदकि आऊन चेलागोळ अदकि पतरस से अनी कर् आव नीम से पयले गलील इक होदान. ह्यांग आव नीम से अंददिन, नीव अल्या आऊक नोळीर.” ⁸ अदकि आ आर्तेर होटकु कब्र टु वोळेदुर; यतकी थरथराहट अदकि घबराहट आंदुर मय दा तुम्मेगीत; अदकि आंदुर यारदारा से येनु अंददिल, यतकी आंदुर हापाळ अंजकु ईरोर.

मरयिम मगदलीनी इक यीशु उन कांळसोद

(मत्ती २८:१-१०; यूहनना २०:११-१८)

⁹ आयत्तार इक व्हातुर आगतेला अच यीशु जत्तिता आगकु पयले मरयिम मगदलीनी इक कांळसदुन. आकनि दा टु आव येळ दुष्टआत्मागोळ तेगदीदुन. ¹⁰ आक होगकु यीशु उन संगीगोळी जो शोक दा मुळ्ककु ईरोर अदकि वोरलो, ईद समाचार कोट्टुर. ¹¹ आंदुर ईद केळदुर कर् यीशु जत्तिता आन अदकि मरयिम मगदलीनी आऊक नोळ्यार, रा आंदुर आकनि मातगोळ मा वशिवास माळीदिल.

येढ्ढ चेलागोळी यीशु उन कांळसोद

(लूका २४:१३-३५)

¹² ईदुर बाददा दा यीशु दुसरा रूप दा आंदुर दा टु येढ्ढ चेलागोळी याग आंदुर ऊर इन दी होगोर, कांळसदुन. ¹³ आंदुर भी होगकु दुसरा चेलागोळी ईद समाचार कोट्टुर, लेकीन आंदुर फरि भी आंदुर मातगोळ मा वशिवास माळीदिल.

हनहुंद चेलागोळी यीशु उन कांळसोद

(मत्ती २८:१६-२०; लूका २४:३६-४९; यूहनना २०:११-२३; प्रेरतिगोळ १:६-८)

¹⁴ यीशु आ हनुन चेलागोळी भी कांळसदुन, याग आंदुर ऊमली कुरतीदुर, कांळसदुन, अदकि आंदुर अवशिवास अदकि मन इन कठोरता मा आंदरी दनकुसदुन, यतकी यार आऊंद जत्तिता आगदुर बाददा आऊक नोळीदुर, आंदुर आऊंद वशिवास माळीदलि. ¹⁵ *अदकि यीशु चेलागोळ से अंदुन, “नीव पुरा दुनया दा होगकु पुरा दुनया अन लॉकुरी खुशखबरी प्रचार माळी. ¹⁶ जो वशिवास माळ्यार अदकि बपतसिमा ताकोडार आऊंदा उद्धार आदीत, लेकीन जो वशिवास माळतीदिल आऊंद न्याय आदीत अदकि आऊक दोषी ठहूरस्कु आदीत; ¹⁷ वशिवास माळावाळेर दा ईव चनिह ईत्ताव कर् आंदुर नान हेसुर देल दुष्टआत्मागोळी तेगदार, अदकि व्हासा व्हासा भाषा माताळ्यार,

18 अदकि आंदुर हाव इक नेगु कोंडार, अदकि अगर आंदुर जयर भी कुडु कोंडार रा आंदरी येनु नुकस्यान आगतीदील; आंदुर बमिरगोळ मा कय मंळस्यार, अदकि बमिर चंगा आगेदार.”

यीशु उक स्वर्ग दा नेगुकु आगोद

(लूका २४:५०-५३; प्रेरतिगोळ १:९-११)

19 *प्रभु यीशु आंदुर से माताळदुर बाददा दा स्वर्ग मा नेगुकु आदुन, अदकि परमेश्वर उन ऊम्मा कय दी कुरतुन. 20 अदकि आंदुर होटकु हर जागा मा प्रचार माळदुर, अदकि प्रभु आंदुर सांगुळ क्याल्सा माळतेला ईत्तुन, अदकि आ चन्ह अन्द द्वारा जो सांगुळ सांगुळ आगतोगोव, वचन इक मजबूत माळतेला ईरोन. आमीन.*

* 16:19 १६:१९ प्रेरतिगोळ १:९-११ * 16:20 १६:२० इव आयतगोळ हस्त लखित हाळोद शास्त्र दा सक्कीदील

लूका रचति यीशु मसीह का सुसमाचार लूका अन्द लखिसद यीशु मसीह अन बारा दा खुशखबरी परचिय

लूका अन्द लखिसद खुशखबरी व्हाशोद नयिम दाकळोद आ नाक कतिब दा टु ऊंद कतिब हुन, यदुर्दा यीशु उन जीवन इन वर्णन आद. हर ऊंद कतिब इक “खुशखबरी” अनतार. यीशु उन सोत्तुर बाददा मत्ती, मरकुस, लूका अदकि यूहन्ना ईद कतिब लखिस्यार. लूका सरिफ यीशु उन जीवन इन कहानी इच लखिसदिलि बलकी, आऊन सोत्तुर बाददा आऊन चेलागोळ्द क्याल्सागोळ बारा दा भी लखिस्यान, “प्रेरतिगोळ्द क्याल्सा हेसुर इन कतिब दा इंदुर बारा दा वाचुसली सकितद. लूका अन्द खुशखबरी येल अदकि याग लखिसकु आग्याद इदुर बारा दा नश्चिति जानकारी हैलेच लेकीन यक्कुल अभ्यास माळावाळेर ईद मान्सतार कि लूका कृत खुशखबरी यीशु उन जनम इन लगभग ७० साल इन बाददा लखिसकु आगीदाद.”

ई कतिब इन लेखक खुद लूका हुन जो ऊंद वैद्य ईरोन. आऊन लखिसोद शैली अदकि भाषा देल ईद पता नळुतद कि लूका ऊंद सुशिक्षिति मळसा ईरोन. लूका चाहासोन कि यीशु उन जीवन इन खरा-खरा वर्णन लखिसकु आगुल, अदकि घटनागोळ ह्यांग आग्याव बराबर हांग अच लखिसकु आगुल ताकी आंदुर बारा दा वाचुसकु फायदा आगुल. १:१-३ लूका यहूदी ईला ईरोन कुलुससगोळ ४:१०-१४ आव हगि प्रकार देल लखिसदुन कि यहूदी भी आऊन लखिसद आसानी देल सम्स सकुल यात्ता प्रकार देल यहूदी रीति-रिवाजगोळ्द वर्णन माळकु आग्याद अदुर देल ईद स्पष्ट आगतद. १:८

हापाळ मात्रा दा लूका कृत खुशखबरी मत्ती अदकि मरकुस इन कतिबगोळ्द घाई आद. मूर कतिबगोळ दा अवा घटनागोळ्द वर्णन ऊंद अच घाई माळकु आग्याद. लेकीन लूका अन्द कतिब दा बपतस्मा कोळावाळा यूहन्ना अन्द जनम इन बारा दा सब से यक्कुल जानकारी सकितद. लूका दा “माफ इन बारा दा सब से यक्कुल लखिसकु आद” ३:३,११:४,१७:३-४,२३:३४, २४:४७

प्रार्थना अन्द बारा दा भी सब से यक्कुल लखिसकु आद. ३:२१, ५:१६, ६:१२,११:१-१२, २२:३२ रूप रेखा:

१. लूका रचति खुशखबरी इन भुमकि अदकि लखिसोद कारण हेळतान. १:१-४
२. अदुर बाददा, यीशु उन जनम अदकि आऊन सेवकाई इन तयारी इन बारा दा लखिसकु आद. १:५-४:१३
३. यूहन्ना बपतस्मा कोळावाळा अन्द जनस्यावा ३:१-२०
४. यीशु उन बपतस्मा अदकि परीक्षा ३:२१-४:१३
५. गलील दा यीशु उन जनस्यावा ४:१४-९:५०
६. गलील टु यरूशलेम ताका यात्रा ९:५१-१९:२७
७. यरूशलेम दा आखरी हप्ता १९:२८-२३:५६
८. प्रभु उन पुनरूत्थान, काळसोद, अदकि स्वर्गारोहण २४:१-५३

परचिय

१ श्रीमान थयिफलिस, हापाळ सा लॉकुर आ मातगोळी जो नाम न्याड्या दा घळुस्याव, इतहास लखिसोर साटी कय हच्यार, २ ह्यांग कि आंदुर जो पयले टु ना ई मातगोळव नोळावाळेर अदकि खुशखबरी इन प्रचार माळावाळेर सेवक ईरोर, नाम ताका पोहचुसदुर. ३ इदुरसाटी, थयिफलिस नानी भी ईद उचति मालूम आत कि आ सप्पा मातगोळ्द पुरा हाल सुरू टु वळ्लीसा-वळ्लीसा जाँच माळकु, आंदरी नीन साटी क्रम इन अनुसार लखिसाईन. ४ ना ईद इदुरसाटी लखिसदीन ताकी नीमी पुरा हकगित यकीन मालूम आगेगुल.

यूहन्ना बपतस्मा कोळावाळा अन्द जनम इन भवष्यवाणी

5 यहूदीगोळव राजा हेरोदेस उन समय अबयियाह अनंद दल दा जकरयाह हेसुर ईनव ऊंद याजक ईरोन, अदकि आऊन हगिस् हारून इन वंश इनोर ईरोर आकनि हेसुर इलीशबा ईरोद. 6 आंदुर येदुदु मुंदुर परमेश्वर उन नजर दा न्यायी* ईरोर, अदकि प्रभु उन सप्पा आग्यागोळ मा अदकि सप्पा वधीगोळ मा नरिदोष नळावाळेर ईरोर. 7 आंदुरद यातोदु औलाद ईला ईरोद, यतकी इलीशबा वांझला ईरोर, अदकि आंदुर येदुदु मुंदुर बाट्ट हाळामुंड ईरोर.

8 याग जकरयाह तान दल इन पारी मा परमेश्वर उन मुंद याजक उन क्याल्सा माळोन, 9 रा याजकगोळद रीतर् इन अनुसार आऊन हेसुर मा चट्ठी होळत कर् प्रभु उन मंदरि दा होगकु धूप होताकुल. 10 धूप होताका समय लॉकुरद सप्पा मंडली व्हार्या प्रार्थना माळोद.

11 आ समय प्रभु उन ऊंद स्वर्गदूत धूप इन वेदी इन ऊम्मा कय दी नीदुरकु आऊन मुंद प्रगट आदुन. 12 जकरयाह आऊक नोळकु घबरूदुन अदकि आऊन मा धोळद अंजक तुम्मेत. 13 लेकीन स्वर्गदूत आऊन से अंदुन, “हे जकरयाह, अंजबाळ, यतकी नीन प्रार्थना केळकु आगोर्ग्याद; अदकि नीन हगिस् इलीशबा देल नीन साटी ऊंद पार पैदा आदान, अदकि नी आऊन हेसुर यूहन्ना ईंटेत. 14 आऊन जनम इन कारण नीनी खुशी अदकि हर्ष आदीत: अदकि हापाळ लॉकुर आऊन जनम इन कारण खुश आदार, 15 यतकी आव प्रभु उन नजर दा महान आदान; अदकि अंगुर इन राससा अदकि सारा यागलु कुडुतीदील; अदकि तान मोय इन व्हाट्टा दा टु अच पवतिर आत्मा देल परपिर्ण आगेदान; 16 अदकि इस्त्राएलगोळ दा टु हापाळ लॉकुरी आंदुर प्रभु परमेश्वर उन दी वापस तंदान. 17 आव एल्यियाह अनंद घाई आत्मा अदकि सामर्थ्य दा आगकु आऊन मुंद मुंद नळदान कर् आप्प दादागोळद मन चकिोर-चनिगेर दी हतकु ईरूल; अदकि आग्या ईला मानसावाळेर इक न्यायीगोळद घाई आंदुर समझ दा तरूल; अदकि प्रभु उन साटी ऊंद योग्य प्रजा तयार माळुल.”

18 जकरयाह स्वर्गदूत से केळदुन, “ना ईद ह्यांग जानसाईन? यतकी ना रा हाळाबाट आईन; अदकि नान हगिस् भी हाळामुंड आगेर्ग्यार.”

19 स्वर्गदूत आऊक उत्तर कोट्टुन, “ना जबिराईल हुईन, जो परमेश्वर उन मुंद नदिरकु ईरतीन; अदकि नानी नीन से मातगोळी हेळली अदकि नीनी ईद खुशखबरी केळसली नानी कळुकु आग्याद. 20 नोळ, या दनि ताका ई मातगोळ पुरा आगालव, आ दनि ताका नी मौन अवस्था दा ईत्या अदकि माताळ सकतीदलि, यतकी नी नान मातगोळद जो तान समय मा पुरा आदव, ई नान वचनगोळ मा नी वशिवास माळीदलि.”

21 लॉकुर जकरयाह अनंद हादी कायतेला ईत्तुर अदकि आश्चर्य माळली कुरतुर कर् आऊक मंदरि दा ईट समय येती हत. 22 याग आव व्हार्या बंदुन, रा आंदुर से माताळ सकदील: अत: आंदुर अर्त कोडुर कर् आव मंदरि दा यातोद तरी दर्शन नोळ्यान; अदकि आव अदुर बारा दा आंदुर से संकेत माळतेला ईत्तुन, अदकि मुक्का आगकु ईतोदुन.

23 याग आऊन मंदरि इन स्यावा अनंद दनि पुरा आदव, रा आव तान माननी होटोदुन. 24 ई दनिगोळद बाददा आऊन हगिस् इलीशबा व्हाट्ट्या दी ईत्तुर; अदकि आक ईद अनकु तान तान इक अईद तगिळ ताका होचकु ईटदुर, 25 अदकि इलीशबा खुद अच अनतोगेर, कर् “ई दनिगोळ दा प्रभु नान मा कृपा नजर माळकु, मळसागोळी नान अपमान इक दुर माळोर साटी इच प्रभु नान साटी हगि माळदुन.”

यीशु उन जनम इन घोषणा

26 इलीशबा अनंद गर्भ-अवस्था अनंद आर तगिळ दा परमेश्वर उन दी टु जबिराईल स्वर्गदूत, गलील इन नासरत नगर दा, 27 ऊंद कुवारा पोर इन हात्ती कळुकु आदुन यार्द सगाई यूसुफ हेसुर इन दाऊद उन घराना अनंद ऊंद मळसा से आगीत: आ कुवारा पोर इन हेसुर मरयिम ईरोद. 28 स्वर्गदूत आकनि हात्ती बुळक बंदकु अंदुन, “नी धन्य आय, नीन मा परमेश्वर उन अनुग्रह आग्याद! प्रभु नीन सांगुळ आन!”

* 1:6 न्यायी-न्याय इन क्याल्सा माळावाळा ✨ 1:27 १:२७ मत्ती १:३८

29 मरयिम आ स्वर्गदूत उन वचन देल हापाळ घबरूसेदुर, अदकि मन दा सोचली कुरतुर की ईद याता प्रकार इन अभविादन हुन? 30 स्वर्गदूत आकनि से अंदुन, “हे मरयिम, अंजबाळ, यतकी परमेश्वर उन अनुग्रह नीन मा आग्याद. 31 नोळ, नी व्हाट्या दी ईत्या, अदकि नीनी ऊंद पार पैदा आदान; नी आऊन हेसुर यीशु ईटेत. 32 आव महान ईत्तान अदकि परमेश्वर उन पार जो सब से धोड्डेव आन अंदकु आदान; अदकि प्रभु परमेश्वर आऊन आप्प दाऊद उन सहिसन आऊक कोट्टान, 33 अदकि आव याकूब ऊंद घराना मा हमेशा राज माळ्यान; अदकि आऊन राज्य अन्द अनत यागलु आगतीदील.”

34 मरयिम स्वर्गदूत से अंदुर, “ईद ह्यांग आदीत. ना रा यातोवारा भी मळसा अन्द संपर्क दा हैलेच.”

35 स्वर्गदूत आक इक उत्तर कोट्टुन, “पवतिर आत्मा दी टु नी व्हाट्या दी ईत्या, अदकि परमेश्वर उन सामर्थ्य नीन मा सावली माळीत; इदुरसाटी आ पवतिर जो पैदा आगावाळा आन, परमेश्वर उन पार अंदकु आदान. 36 अदकि नोळ, नीन कुटुम्ब इनोर इलीशबा अक भी बुळपन दा पार आगावाळा आन, ईद आकनि, यारी लॉकुर वांझला अनतोगोर आरवा तगिळ हुन. 37 यतकी परमेश्वर उन साटी येनु असम्भव हैलेच.”

38 मरयिम अंदुर, “नोळ, ना प्रभु उन दासी हुईन, नानी नीन वचन इन अनुसार अच आगुल.” आग स्वर्गदूत आकनि हात्ती टु होटोदुन.

जकरयाह अदकि इलीशबा अन्द हात्ती मरयिम इन होगोद

39 आ दनिगोळ दा मरयिम यदकु तुरन्त अच पहाळी द्याश दा यहूदा अन्द ऊंद नगर इक होदुर, 40 अदकि आव जकरयाह अन्द मान्या होगकु मरयिम इलीशबा अक नमस्कार माळदुर. 41 आग हगि आत की ह्यांग इलीशबा मरयिम इन नमस्कार केळदुर, हांग अच चगिद आकनि व्हाट्या दा हारदुन, अदकि इलीशबा पवतिर आत्मा देल परपुर्ण आगेदुर. 42 अदकि इलीशबा धोळ्द शब्द दा कारूकु अंदुर, “नी आर्तेर दा धन्य आय, अदकि नीन व्हाट्या अन्द चगिद भी धन्य आद! 43 ईद अनुग्रह नानी यल टु आत की नान प्रभु उन मोय नान हात्ती बंदुर? 44 ह्यांग नीन नमस्कार इन शब्द नान कवि मा बतित, हांग अच चगिद नान व्हाट्या दा खुशी देल हारली हत. 45 धन्य आर आक यार विश्वास माळदुर की जो मातगोळ प्रभु उन दी टु आकनि से अंदकु आग्याव, अव पुरा आदव!”

मरयिम इन स्तुति हाळ

- 46 आग मरयिम अंदुर,
 “नान जीवन प्रभु उन बळाई माळतद
 47 अदकि नान आत्मा नान उद्धार माळावाळा परमेश्वर देल खुश आद,
 48 यतकी आव तान दासी मा नजर ईट्यान;
 इदुरसाटी नोळी, ईगी टु सप्पा युग-युग इन पीढी नानी धन्य अंदीत,
 49 यतकी आ शक्तमान प्रभु नान साटी धोळ्द-धोळ्द क्याल्सा माळ्यान.
 आऊन हेसुर पवतिर आद,
 50 अदकि आऊन दया आंदुर मा, जो आऊन से अंजतार,
 पीढी टु पीढी ताका बन्सकु ईरतद.
 51 आव तान भुजा अन्द ताकत तोरसदुन,
 अदकि जो तान मन दा घमण्ड माळतोगोर, आंदरी ततिर-बतिर माळदुन.
 52 आव बलवानगोळी आंदुरद राज सहिसनगोळ मा टु केळ्द बुट्टुन;
 अदकि नम्र लॉकुरी म्याकुच नेगदुन.
 53 आव हस्तकु लॉकुरी वळलीद वस्तुगोळ देल संतुष्ट माळदुन,
 अदकि धनवानगोळी खाली कय तेगद बुट्टुन.
 54 आव तान सेवक इस्त्राएल उक सम्भाल्स कौडुन

कितान आ दया अक याद माळुल,
 55 जो अब्राहम अदकि आऊन वंश मा हमेशा ईत्तीत,
 ह्यांग आव नाम आप्प-दादागोळ से अंददिन.”

56 मरयिम इलीशबा अन्द सांगुळ लगभग मुर तगिळ ईतकु तान मान्नी वापस बंदुर.

यूहन्ना बपतस्मा कोळावाळा अन्द जनम

57 आग इलीशबा अन्द चगिद हाळोद समय पुरा आत, अदकि आक पार उक जनम कोट्टुर.
 58 आकनि मान्ना अन्द हात्तीवाळेर अदकि कुटुम्बीगोळ ईद केळकु का प्रभु आकनि मा हापाळ दया माळयान, आकनि सांगुळ खुशी मनुसुदुर,

59 अदकि हगि आत का आठवा दशी आंदुर आ चगिद ऊंद खतना माळली बंदुर अदकि आऊन हेसुर आऊन आप्प उन हेसुर मा जकरयाह ईटावाळेर ईरोर. 60 इदुर मा आऊन मोय उत्तर कोट्टुर, “ईद ईला; उलटा आऊन हेसुर यूहन्ना ईटकु आगुल.”

61 आंदुर आकनि से अंदुर, “नीन कुटुम्ब दा यारदु हेसुर ईद हैलेच!” 62 आग आंदुर आऊन आप्प उक इशारा माळकु केळदुर का नी आऊन हेसुर येन ईटोद चाहासत्या?

63 आव लखिसोद पट्टी कारस्कु लखिस बुट्टुन, “आऊन हेसुर यूहन्ना आद,” अदकि सप्पा लॉकुरी आश्चर्य आत. 64 आग आ चगिद उन बाय अदकि ल्यालग्या तुरन्त खुलसेत; अदकि आव माताळली अदकि परमेश्वर उन धन्यवाद माळली कुरतुन. 65 आऊन आसपास इनोर सप्पा ईरावाळेर मा अंजक तुम्मेत; अदकि आ सप्पा मातगोळद चर्चा पुरा यहूदी इन पहाळी प्रदेश दा फैलुसेत, 66 अदकि सप्पा केळावाळेर तान-तान मन दा वचिार माळकु अंदुर, “ई पार ह्यांग ईतीदान?” यतकी प्रभु उन कय आऊन मा ईरोद.

जकरयाह अन्द भवषियवाणी

67 आऊन आप्प जकरयाह पवतिर आत्मा देल परपिर्ण आगेदुन, अदकि आव परमेश्वर उन बातणी कोळली कुरतुन:

68 “प्रभु इस्त्राएल ईनव परमेश्वर धन्य ईरूल,
 यतकी आव तान लॉकुर मा नजर ईटदुन अदकि आंदुरद छुटकारा माळदुन,

69 अदकि तान सेवक दाऊद उन घराना दा नाम साटी ऊंद सामर्थ्यकारी उध्दारक कोटान.

70 आव तान पवतिर भवषियवक्तागोळद द्वारा जो दुनिया अन्द सूवात टु आगतेला बंदार, अंददिन.

71 मतलब नाम दुश्मनगोळ से अदकि नाम से नफरत ईटावाळेरद कय देल नाम उध्दार माळदुन,

72 आव तान आप्प-दादागोळ से अंददिन का आव दया माळयान का तान पवतिर वाचा अन्द याद माळुल,

73 अद करिया आव नामव आप्प अब्राहम से तदिदुन,

74 आव नामी ईद कोट्टान का नाव तान दुश्मनगोळद कय दा टु बटिकु,

75 आऊन मुंद पवतिरता अदकि न्यायीपन देल पुरा जीवन टीम नडिर ईतकु आऊन स्यावा माळतेला ईत्तेव.

76 अदकि नी हे पारा, परमेश्वर उन भवषियवक्ता कहलुस्या, यतकी नी प्रभु उन हादी तयार माळोर साटी आऊन मुंद-मुंद नळद्या,

77 का आऊन लॉकुरी उध्दार इन ग्यान कोट्टान, जो आंदुरद पापगोळी माफ माळीत.

78 ईद नाम परमेश्वर उन अदा धोळद करूणा देल आग्याद; यदुर कारण म्याकुच टु नाम मा व्हातुर इन उजुळ उदय आदीत,

79 कऱ अंधकार अदकऱ मृत्यु ऊंद सावली दा कुरावाळेर इक प्रकाश कोळुल, अदकऱ नाम कालगोळी शांती इन हादी मा सरका नळसुल.”

80 अदकऱ आ चगिद धोळ्द अदकऱ आत्मा दा बलवन्त आगतेला ईत्तुन, अदकऱ इस्त्राएल मा प्रगट आगोद दनि ताका आळीगोळ दा ईत्तुन.

2

यीशु उन जनम

(मत्ती १:१८-२५)

1 आ दनिगोळ दा रोम इन राजा औगुस्तुस उन दी टु आग्या होळ्त कऱ पुरा रोमन साम्राज्य अनूद लॉकुरद हेसुर नोंदणी माळकु आगुल. 2 ईद पयला जनगणना आ समय आत, याग सरकारी अधिकारी क्वरिनियुस हेसुर इन मंळसा सीरया हेसुर इन नगर इन शासक ईरोन, 3 सप्पा लॉकुर हेसुर लखिसुसोर साटी तान तान नगर इक होटोदुर.

4 इदुरसाटी यूसुफ भी दाऊद उन घराना नव ईरोन, इदुरसाटी गलील इन नासरत नगर टु यहूदया दा दाऊद उन नगर बैतलहम इक होदुन, 5 कऱ तान हगिस मरयिम इन सांगुळ जो व्हाट्या दी ईरोर हेसुर लखिसुसुल. 6 आंदुरद अल ईरा समय दा मरयिम इन चगिद हाळोद दनि पुरा आदव, 7 अदकऱ मरयिम तान पयला चगिद उक हाळदुर अदकऱ आ चगिद उक कपळा दा लपटुसकु चरनी दा ईटदुर; यतकी आंदुर साटी सरई दा जागा ईला ईरोद.

स्वर्गदूतगोळ द्वारा चरवाहगोळी बातणी

8 अदकऱ आ प्रदेश दा यास चरवाहगोळ ईरोर, जो ईळ्लक इक मैदान दा ईतकु तान तान झुण्ड इन पहरा कोळतोगोर. 9 अदकऱ प्रभु उन ऊंद स्वर्गदूत आंदुर हात्ती बंदकु नीदरेदुन, अदकऱ प्रभु उन तेज आंदुरद नाकु दी चमकुस्त, अदकऱ आंदुर हापाळ अंजेदुर. 10 आग स्वर्गदूत आंदुर से अंदुन, “अंजबाळी; यतकी, ना नीमी हापाळ खुशी इन खुशखबरी केळसतीन जो सप्पा लॉकुर साटी ईत्तीत, 11 कऱ ईद दाऊद उन नगर दा नीम साटी ऊंद उद्धारकर्ता पैदा आग्यान, अदकऱ ईवा मसीह प्रभु हुन. 12 अदकऱ इदुरद नीम साटी ईद चनिह आद कऱ नीव ऊंद पार उक कपळा दा लपटुसकु अदकऱ चरनी दा बदिकु नोळीर.”

13 आग अचानक आ स्वर्गदूत उन सांगुळ स्वर्गदूतगोळ्द दल परमेश्वर उन स्तुतिमाळतेला अदकऱ ईद अनतेला कांळसदव,

14 “आकाश दा परमेश्वर उन महमिा

अदकऱ पृथ्वी मा आ मंळसागोळ देल यार से आव प्रसन्न आन, शांती आगुल.”

15 याग स्वर्गदूत आंदुर हात्ती टु स्वर्ग दी होटोदुर, रा चरवाहगोळ आपस दा अंदुर, “बरी, नाव बैतलहम होगकु ई मात जो आग्याव, अदकऱ यारी प्रभु नाम मा प्रगट माळ्यान, नोळाती.”

16 अदकऱ आंदुर तुरन्त होगकु मरयिम अदकऱ यूसुफ उन हात्ती होदुर, अदकऱ आ चगिद उक चरनी दा बदिकु नोळदुर. 17 ईद नोळकु चरवाहागोळ आ मात इक प्रगट माळ बुदुर, जो ई चगिद उन बारा दा आंदुर से अंदकु आगीत, 18 अदकऱ सप्पा लॉकुर आ मातगोळी केळकु जो चरवाहगोळ आंदुर से अंदुर आश्चर्य माळदुर. 19 लेकीन मरयिम ई सप्पा मातगोळी तान दलि दा ईटकु मन दा वचार माळतेला ईत्तुर. 20 चरवाहगोळ हयांग स्वर्गदूतगोळ हेळीदुर सब येनारा हांग अच केळकु अदकऱ नोळकु परमेश्वर उन महमिा अदकऱ स्तुतिमाळतेला होटोदुर.

यीशु उन हेसुर ईटदोद

21 *हयांग येठठ दनि पुरा आदव अदकऱ आऊन खतना अनूद समय बत्त, रा आऊन हेसुर यीशु ईटकु आत जो स्वर्गदूत आऊन मोय इन गर्भ दा बरोद से पयला अंददिन.

मंदरि दा यीशु उन अर्पण

22 याग आंदुर यीशु उक अंदुर, मूसा इजाजत कोटान कऱ ऊंद मंळसा छोळ चटिठी लखिसकु तान हगिस उक तलाक कोळ सकतान. व्यवस्था अनूद अनुसार यूसुफ अदकऱ मरयिम इन तान खुद इन

शुद्ध आगव दनि पुरा आदव, रा आंदुर यीशु उक यरूशलेम दा ओतुर क्ति प्रभु उन मुंद अर्पण माळुल, 23 ह्यांग क्ति प्रभु उन व्यवस्था अन्द कतिब दा लखिसकु आद: “हर ऊंद पयला पार परमेश्वर उन साटी पवतिर ठहरूस्यान.” 24 अदकि प्रभु उन व्यवस्था अन्द वचन इन अनुसार आंदुर: “फंडकी इन ऊंद ज्वाळा, या कबूतर इन येढ्ढ पाड्डगोळ” तंदकु बली येरसुल.

25 यरूशलेम दा शमौन हेसुर ईनव ऊंद मंळसा ईरोन, अदकि आ मंळसा न्यायी अदकि भक्त ईरोन; अदकि इस्त्राएल इन लॉकुरी ऊळसावाळा अन्द हादी कायोन, अदकि पवतिर आत्मा आऊन मा ईरोद. 26 अदकि पवतिर आत्मा अन्द द्वारा आऊन बारा दा वादा माळकु आगीत क्ति यागासताका नी प्रभु उन प्रगट मसीह अक नोळ कोमाल, आगासताका नी सायतीदील. 27 शमिओन पवतिर आत्मा अन्द प्रेरणा देल मंदिर दा बंदुन; अदकि याग मोय अदकि आप्प व्यवस्था अन्द वधी इक पुरा माळोर साटी चगिद यीशु उक मंदिर दा तंदुर, 28 आग आव यीशु उक क्वारा दा हुळदुन अदकि परमेश्वर उक धन्यवाद माळकु अंदुन:

29 “हे प्रभु, ईग तान दास उक नी जो वादा माळीद अदुर अनुसार शांती देल सायगोळ,

30 यतकी नान कण्णगोळ नीन उद्धार इक नोळ कोंडाद,

31 यदरी नी सप्पा प्रदेश इन लॉकुरद मुंद तयार माळया,

32 क्ति आव अन्य गैरयहूदीगोळी सच्चार्ई प्रगट माळावाळा प्रकाश कोळोर साटी ज्योति, अदकि नीन नज्जी जात इस्त्राएल इन साटी महिमा आगुल.”

33 आऊन आप्प अदकि मोय आ मातगोळ देल जो शमिओन अनतोगोन, आश्चर्य माळतोगोर.

34 आग शमौन आंदरी आशीष कोटकु यीशु उन मोय मरयिम से अंदुन, “नोळ, ई पार उक इस्त्राएल दा हापाळ मुंदुरद बळोद, अदकि येळोद साटी, अदकि ऊंद हगि चमत्कार आगोर साटी ठहरूसकु आग्याद, यार्द वरिोध दा मातगोळ हेळकु आदाव. 35 इदुर देल हापाळ लॉकुर मन दा वचार प्रगट आदव उलटा नीन दलि भी दुखगोळ देल तुमकु आदीत.”

36 आशेर इन गोत्र दा टु हन्नाह हेसुर इन फनूएल उन पोर ऊंद भवषियवक्तागति ईरोर. आक हापाळ हाळामुंड ईरोर, अदकि मदा आगदुर बाददा येळ वर्ष तान गांड उन सांगुळ ईत्तुर बाददा आकनि गांड सोतोगदिन.

37 ईग आक चौर्यासी वर्ष टु रांड्या ईरोर: अदकि आक मंदिर इक ईला बळितोगोर, लेकीन ईळलक-हागुल उपास अदकि प्रार्थना माळ माळकु स्यावा दा हतकु ईरतोगोर. 38 अदकि आक आ घळी अल बंदकु प्रभु उन धन्यवाद माळली कुरतुर, अदकि आ सप्पा मुंदुर से, जो यरूशलेम इन लॉकुरद छुटकारा अन्द हादी कायतोगोर, आ चगिद उन बारा दा मातगोळ हेळली कुरतुर.

यीशु उन नासरत नगर दा वापस बरोद

39 याग आंदुर प्रभु उन व्यवस्था अन्द अनुसार सब येनारा पुरा माळ कोंडुर रा गलील दा तान नगर नासरत इक होटोदुर. 40 अदकि आ चगिद वादुस्त, अदकि बलवन्त आग्त, अदकि बुद्धी देल परपुर्ण आग्त होदुन; अदकि परमेश्वर उन अनुग्रह आऊन मा ईरोद.

यीशु मंदिर दा

41 यीशु उन मोय अदकि आप्प हर वर्ष फसह अन्द हाबब दा यरूशलेम होगतोगोर. 42 याग यीशु हन्नेळ वर्ष ईनव आदुन, रा आंदुर हाबब इन रीति इन अनुसार यरूशलेम इक होदुर. 43 याग आंदुर आ दनिगोळी पुरा माळकु वापस बरली आदुर, रा स्याण पार यीशु यरूशलेम दा ईतोदुन; अदकि ई मात आऊन मोय अदकि आप्प उक मालूम ईला ईरोद. 44 आंदुर ईद सम्सकु क्ति आव दुसरा यात्रीगोळ सांगुळ इतदान, ऊंद रोज इन हादी नळदोदुर: अदकि आऊक तान कुटुम्बगोळ अदकि जान पयचान वाळेरद हात्ती दुंदसली कुरतुर. 45 पर याग आव सकिदिल, रा दुंदसत-दुंदसत मात्त यरूशलेम इक होटोदुर, 46 अदकि मुर दनि इन बाददा आंदुर आऊक मंदिर दा उपदेश कोळावाळेरद न्याड्या दा कुरत, अदकि आंदुर केळत, अदकि आंदुर से प्रश्न माळतेला नोळदुर. 47 यास आऊन केळतोगोर, आंदुर सप्पा आऊन समझ अदकि आऊन उत्तरगोळ देल चकति ईरोर. 48 आग आंदुर

आऊक नोळकु चकति आदुर अदकि आऊन मोय आऊन से अंदुर, “हे पारा, नी नाम से येती हगि व्यवहार माळ्द? नोळ, नीन आप्प अदकि ना व्याकुल आगकु नीनी दुंडसेव?”

49 यीशु आंदुर से अंदुन, “नीव नानी येती दुंडसीर? येन नीव ईला जानसीर कनि नानी तान आप्प उन भवन दा ईरोद जरूरी आद?” 50 लेकीन जो मात आव आंदुर से अंदुन, आंदरी आ मात समसदिलि.

51 आग यीशु आंदुर सांगुळ होदुन, अदकि नासरत नगर दा बंदुन, अदकि आंदुर बस दा ईतुन; अदकि आऊन मोय ई सप्पा मातगोळ तान मन दा ईटदुर. 52 अदकि यीशु बुद्धी अदकि मय देल डील-डोल, अदकि परमेश्वर अदकि मंळसा अनूद अनुग्रह दा वाळुसली कुरतुन.

3

यूहन्ना बपतस्मा कोळावाळा अनूद बातणी

(मत्ती ३:१-१२; मरकुस १:१-८; यूहन्ना १:१९-२८)

1 तबिरियुस रोमन इन राज्य अनूद पंद्रावा वर्ष दा पुन्तयुस पलातुस यहूदिया अनूद न्यायाधीश ईरोन, अदकि गलील दा हेरोदेस, इतुरैया अदकि त्रखोनीतसि द्याश दा आऊन वारट फलिपुस, अदकि अबलिने दा लसानियास, चौथाई इन राजा ईरोर, 2 अदकि याग हन्ना अदकि कैफा महायाजक ईरोर, आ समय दा परमेश्वर उन वचन आळी दा जकरयाह अनूद पार यूहन्ना अनूद हात्ती पोहचुस्त. 3 बपतस्मा कोळावाळा यूहन्ना यरदन इन आसपास इन सप्पा प्रदेश दा होगकु, पश्चाताप माळी, बपतस्मा ताकोमी बाक परमेश्वर नीम पापगोळी माफ माळ्यान, हगि प्रचार माळत टेटदुन.

4 ह्यांग यशायाह भवष्यवक्ता अनूद माताळ्द वचनगोळ कतिब दा लखिसकु आव:

“आळी दा ऊंद कारावाळा अनूद आवाज केळ बरेत्याद क्ति,

‘प्रभु उन हादी तयार माळी,

अदकि आऊन यात्रा अनूद साटी सळकगोळी सरका माळी.

5 हर ऊंद घाटी तुमकु आदीत,

अदकि हर ऊंद पहाळी अदकि टीला ल्यालमा माळकु आदीत;

अदकि जो वाकळा आद अद सीधा, अदकि जो म्याकुच आद अद ल्यालमा अदकि जो ल्यालमा आद अद म्याकुच

अदकि अद चौरस हादी बनसीत.

6 अदकि हर ऊंद मंळसा परमेश्वर उन उद्धार इक नोळीत.’ ”

7 *जो भीळ इन भीळ आऊन हात्ती बपतस्मा ताकोमली होटकु बरतोगोद, आंदुर से यूहन्ना अनतोगोन, “हे हाव इन चकिरा, याव नीमी चतरा माळ बुटुन क्ति परमेश्वर उन बरावाळा प्रकोप देल ओळी? 8 *इदुरसाटी हगि मातगोळ माळी जो नीम पश्चाताप इक तोरसतद, अदकि तान तान मन दा ईद वचार माळबाळी कनि नाम आप्प अब्राहम हुन; यतकी ना नीम से अनतीन क्ति परमेश्वर ई कल्लगोळ देल भी अब्राहम उन साटी औलाद पैदा माळ सकतान. 9 *ईग कोळ्ळी मार्रगोळ्द जळी मा ईटकु आद, इदुरसाटी जो-जो मार्र वळ्ळीद काय तराल, अदरी कळकु अदकि बेक्की दा हाक्कु आदीत.”

10 आग लॉकुर आऊन से केळदुर, “रा नाव येन माळेव?”

11 आव आंदरी उत्तर कोट्टुन, “यार्द हात्ती येदुद कुळता आव, आव आऊक ऊंद कुळता कोळुल यार्द हात्ती हैलेच अदकि यार्द हात्ती तनोद आद, आव भी हगि अच माळुल.”

12 *कर ताकोमावाळेर भी बपतस्मा ताकोमली बंदुर, अदकि आऊन से केळदुर, “हे गुरु, नाव येन माळेव?”

13 आव आंदुर से अंदुन, “जो नीम साटी ठहरूसकु आग्याद, अदुर से यक्कुल ताकोम बाळेतीर.”

14 सपिाहीगोळ भी आऊन से ईद केळदुर, “नाव येन माळेव?”

यूहन्ना आंदुर से अंदुन, “यारदारा मा दबाव हाक्कु आऊन से पैस्या ताकोमबाळी अदकि ख्वाटा दोष हचबाळी, लेकीन तान रोजी देल अच संतुष्ट ईरी.”

15 याग लॉकुर आस हचकु ईरोर, अदकि सप्पा तान तान मन दा यूहन्ना अन्द बारा दा वचिार माळोर कियेन ईवा रा मसीह आलच, 16 रा बपतस्मा कोळावाळा यूहन्ना आ सप्पा मुंदुर से अंदुन, “ना रा नीमी नीर देल बपतस्मा कोळतीन, लेकीन आव बरावाळा आन जो नान से यक्कुल ताकतवर आन; ना रा ई लायक भी हैलेच क्कि आऊन केरू उन बंध खोलस सकाईन. आव नीमी पवत्रि आत्मा अदकि बेक्की देल बपतस्मा कोट्टान. 17 आऊन मारूर, आऊन कय दा आद; अदकि आव तान केई वळ्लीद तरीका देल साफ माळ्यान; अदकि तान गोदीगोळी रा ढवाला दा जमा माळ्यान; लेकीन भूसा अन्द गवान्डा अक आ बेक्की दा होताक्यान जो यागलु नुनाल्द.”

18 इदुरसाटी आव हापाळ सा शक्षिा कोट कोटकु लॉकुरी चेतावनी कोळतोगोन क्कि तान हादी बदलुसुल. 19 *लेकीन याग आव चौथाई द्याश इन राजा हेरोदेस उक आऊन वार्ट फलिपिपुस उन हगिस हेरोदयिस इन बारा दा अदकि सप्पा कुकर्मगोळ्द बारा दा जो आव माळीदुन, फटकारसदुन, 20 रा हेरोदेस आ सप्पा देल वाढुस्कु ईद कुकर्म भी माळदुन क्कि बपतस्मा कोळावाळा यूहन्ना अक बंदीगृह दा हाक बुट्टुन.

यीशु उन बपतस्मा

(मत्ती ३:१३-१७; मरकुस १:९-११)

21 याग सप्पा लॉकुर बपतस्मा ताकोडुर अदकि यीशु भी बपतस्मा ताकोमकु प्रार्थना माळोन, रा स्वर्ग खुलमेत, 22 *अदकि पवत्रि आत्मा कबूतर इन घाई आऊन मय मा ईळुत, अदकि स्वर्ग टु ईद आकाशवाणी आत क्कि: “नी नान प्रयि पार हुय, ना नीन देल हापाळ खुश आईन.”

यीशु उन वंशावली

(मत्ती १:१-१७)

23 याग यीशु खुद उपदेश कोळली कुरतुन, रा लगभग तीस वर्ष ईनव ईरोन हयांग लॉकुर समस्तोगोर अदकि यीशु यूसुफ ईनव पार ईरोन; अदकि यूसुफ एली नव, 24 अदकि एली मत्तात ईनव, अदकि मत्तात लेवी नव, अदकि लेवी मलकी नव, अदकि मलकी यन्ना नव, अदकि यन्ना यूसुफ ईनव, 25 अदकि यूसुफ मत्ततियाह नव, अदकि मत्ततियाह आमोस ईनव, अदकि आमोस नहूम ईनव, अदकि नहूम असल्याह नव, अदकि असल्याह नोगह ईनव, 26 अदकि नोगह मात ईनव, अदकि मात मत्ततियाह नव, अदकि मत्ततियाह शमी नव, अदकि शमी योसेख ईनव, अदकि योसेख योदाह ईनव, 27 अदकि योदाह यूहन्ना नव, अदकि यूहन्ना रेसा नव, अदकि रेसा जरूबाबलि ईनव, अदकि जरूबाबलि शालतएल ईनव, अदकि शालतएल नेरी ईनव, 28 अदकि नेरी मलकी नव, अदकि मलकी अददी नव, अदकि अददी कोसाम ईनव, अदकि कोसाम इलमोदाम ईनव, अदकि इलमोदाम एर ईनव, 29 अदकि एर यहोशू नव, अदकि यहोशू इलाजार ईनव, अदकि इलाजार योरीम ईनव, अदकि योरीम मत्तात ईनव, अदकि मत्तात लेवी नव, 30 अदकि लेवी शमौन ईनव, अदकि शमौन यहूदा नव, अदकि यहूदा यूसुफ ईनव, अदकि यूसुफ योनान ईनव, अदकि योनान इल्याकीम ईनव, 31 अदकि इल्याकीम मलेआह ईनव, अदकि मलेआह मन्निनाह ईनव, अदकि मन्निनाह मत्तात ईनव, अदकि मत्तात नातान ईनव, अदकि नातान दाऊद ईनव, 32 अदकि दाऊद यशै ईनव, अदकि यशै ओबेद ईनव, अदकि ओबेद बोअज ईनव, अदकि बोअज सलमोन ईनव, अदकि सलमोन नहशोन ईनव, 33 अदकि नहशोन अम्मीनादाब ईनव, अदकि अम्मीनादाब अरनी नव, अदकि अरनी हसित्रोन ईनव अदकि हसित्रोन फरिसि ईनव, अदकि फरिसि यहूदा नव, 34 अदकि यहूदा याकूब ईनव, अदकि याकूब इसाहक ईनव, अदकि इसाहक अब्राहम ईनव, अदकि अब्राहम तरिह ईनव, अदकि तरिह नाहोर ईनव, 35 अदकि नाहोर सरूग ईनव, अदकि सरूग रऊ नव, अदकि रऊ फलिगि ईनव, अदकि फलिगि एवरि ईनव, अदकि एवरि शलिह ईनव, 36 अदकि शलिह केनान ईनव, अदकि केनान अरफक्षद ईनव, अदकि अरफक्षद शेम ईनव, अदकि शेम नूह नव, अदकि नूह लमिकि ईनव, 37 अदकि लमिकि मथूशलिह ईनव, अदकि मथूशलिह हनोक ईनव, अदकि हनोक यरिदि ईनव, अदकि यरिदि महललेल ईनव, अदकि महललेल केनान ईनव, 38 अदकि

* 3:19 ३:१९ मत्ती १:४:३,४; मरकुस ६:१७,१८ * 3:22 ३:२२ मत्ती ३:१७; मरकुस १:११; लूका ९:३५

केनान एनोश ईनव, अदकि एनोश शेत ईनव, अदकि शेत आदम ईनव, अदकि आदम परमेश्वर उन पार ईरोन.

4

आळी दा यीशु उन परीक्षा

(मत्ती ४:१-११; मरकुस १:१२,१३)

1 बाक यीशु पवतिर आत्मा देल परपिर्ण आगकु यरदन गांगा टु वापस बंदुन. 2 अदकि चालीस दनि ताका आत्मा अन्द कलसदुर देल सुनसान जागा दा टेटाळतेला ईततुन; अदकि शैतान आऊन परीक्षा माळतेला ईतत. आ दनिगोळ दा यीशु येनु तंददिल, अदकि याग अव दनि पुरा आदव, रा आऊक हसु हत.

3 आग शैतान यीशु उक अंदुन, “अगर नी परमेश्वर उन पार हुय, रा ई कल्ल देल अन, कि रोटी आगेगुल.”

4 यीशु आ शैतान उक उत्तर कोट्टुन, “शास्त्र दा लखिसकु आद: मळसा सर्फि रोटी देल अच जत्तिता ईरतीदिल.”

5 बाक शैतान यीशु उक ऊंद हापाळ ऊंचा पहाळी मा ओईत अदकि आऊक घळी तमिर दा दुनया अन्द सप्पा राज्य तोर्स बुळत, 6 अदकि आग शैतान यीशु से अंत, “ना ई सप्पा अधिकार, अदकि सप्पा वैभव ना नीनी कोट बुळाईन, यतकी अद नानी सोपसकु आग्याद: अदकि ना यारी चाहासतीन आऊक कोट बुळतीन. 7 इदुरसाटी अगर नी बांगकु नानी प्रणाम माळ्या, रा ई सप्पा अपमान आगेदीत.”

8 यीशु आ शैतान उक उत्तर कोट्टुन, “शास्त्र दा लखिसकु आद, ‘नी तान प्रभु परमेश्वर उन भक्ति माळ; सर्फि आऊंदा उपासना माळ.’”

9 आग आ शैतान यीशु उक यरूशलेम दा वोतकु मंदिर इन स्यांडा मा नीदरूस्त, अदकि आऊन से अंत, “अगर नी परमेश्वर उन पार हुय, रा तान तान इक ईल टु ल्यालमा केळ्दबुळ. 10 यतकी शास्त्र दा लखिसकु आद: ‘आव नीन बारा दा तान स्वरगदूतगोळी आग्या कोट्टान, कि आंदुर नीन रक्षा माळुल.’ 11 अदकि हगि भी अंदकु आग्याद, ‘आंदुर नीनी तुरन्त तान कयगोळ दा नेगु कोडार, ताकी नीन कालगोळी कल्ल देल ठेस हतबाळुल.’”

12 यीशु आऊक उत्तर कोट्टुन, “शास्त्र दा ईद भी लखिसकु आद: ‘नी तान प्रभु परमेश्वर उन परीक्षा माळबाळ.’”

13 याग शैतान सप्पा परीक्षा माळकोम्त, आग थ्वाळासा समय इन साटी आऊन हात्ती टु होटोत.

गलील दा यीशु उन स्यावा-कार्य अन्द सूरवात

(मत्ती ४:१२-१७; मरकुस १:१४,१५)

14 बाक यीशु आत्मा अन्द सामर्थ्य देल तुमकु मात्त गलील दा बंदुन, अदकि आऊन चर्चा आसपास इन सप्पा प्रदेश दा फैलुसेत. 15 यीशु आंदुरद यहूदी लांकुर्द सभागृहगोळ दा उपदेश कोळतेला ईततुन, अदकि सप्पा मुंदुर आऊन बळाई माळतोगोर.

नासरत दा यीशु उन अपमान

(मत्ती १३:५३-५८; मरकुस ६:१-६)

16 बाक यीशु नासरत नगर दा बंदुन, यल आव स्याण टु धोड्डेव आगीदुन; अदकि तान रीर्ता इन अनुसार आराम इन दनि यहूदी लांकुर्द सभागृह दा होगकु वाचुसोर साटी नीदुरदुन. 17 अदकि यशायाह भवषियवक्ता अन्द कतिब आऊक कोटकु आत, अदकि आव कतिब खोल्सकु, अद जागा तेगदुन यल हगि लखिसकु ईरोद:

18 “प्रभु उन आत्मा नान मा ईळ्दाद,

इदुरसाटी कि आव कंगालगोळी खुशखबरी केळसोर साटी आव नान अभषिक माळ्यान, अदकि नानी इदुरसाटी कळ्यान कि बंदीगोळी छुटकारा अन्द घोषणा अदकि कुदुदगोळी नोळोद खुशखबरी प्रचार माळाईन

अदकि दलतिगोळी बळिसुसाईन,

19 अदकि परमेश्वर उन कृपा दृष्टी इन वर्ष इन घोषणा माळाईन.”

20 आग आव कतिब बंद माळकु सेवक उन कयगोळ दा कोट बुट्टुन अदकि कुरतोदुन; अदकि यहूदी लॉकुरद सभागृह अनंद सप्पा लॉकुर आऊक तार कोटकु नोळार. 21 आग आव आंदुर से अनली कुरतुन, “ईदल्या अच ईद लेखा ना वाचुसदनि अदकि नीम केळदुर देल पुरा आग्याद.”

22 सप्पा लॉकुर आऊन वाहवाही माळदुर, अदकि जो अनुग्रह नव मातगोळ आऊन बाय दा टु होळतोगोव, आ मातगोळ देल अचम्भति आदुर; अदकि अनली कुरतुर, “येन ईव यूसुफ उन पार आलच?”

23 यीशु आंदुर से अंदुन, “नीव नान बारा दा ई उदाहरण अंदीर कि हे वैद्य, पयले तान तान इक वळ्लीद माळ! नाव केळेव कि जो येनारा नी कफरनहूम दा माळ्या, अद ईल तान नगर दा भी माळ.” 24 *अदकि आव अंदुन, “ना नीम से खरा माताळतीन यावारा भी भवषियवक्ता अक तान द्याश दा मान सम्मान सकाल.”

25 लेकीन ना नीम से जो खरा आद अद माताळतीन कि एलयियाह अनंद दनिगोळ दा याग साळे मुर वर्ष ताका आकाश बंद ईरोद ईल ताका सूखा बतित अदकि इस्त्राएल द्याश दा भयंकर अकाल बतित, रा इस्त्राएल दा हापाळ सा रांड्यागतिर ईरोर. 26 “लेकीन एलयियाह अक आंदुर दा टु यारदारा मंळसा अनंद हातती कळुकु आगीदील, सर्फ सैदा अनंद सारफत नगर दा ऊंद रांड्यागति इन हातती आऊक कळुकु आगीत. 27 अदकि एलीशा भवषियवक्ता अनंद काल दा इस्त्राएल दा ईरतोगोर आंदुर हापाळ लॉकुर कोद इन बमिारी देल ईरोर, लेकीन सीरिया नव ईरावाळा नामान सीरियाई इक बटिकु सप्पा मुदरी शुद्ध माळकु आत.”

28 ईव मातगोळ केळतेला अच यास यहूदी लॉकुरद सभागृह दा ईरोर, सप्पा लॉकुर सट्टि दा बंदुर, 29 अदकि आंदुर यदकु आऊक ऊरा दा टु व्हार्या तेगदुर, अदकि यात्ता पहाळी मा आऊन ऊर बसुसकु ईरोद, अदुरद स्यांडा मा ओतुर कि आऊक अल टु ल्यालमा भीळ सक्केव. 30 लेकीन आव आंदुर न्याड्या दा टु होटकु होटोदुन.

दुष्टआत्माग्रस्त मंळसा अक चंगा माळोद
(मरकुस १:२१-२८)

31 बाक यीशु गलील इन कफरनहूम नगर इक होटोदुन; अदकि आराम इन दनि लॉकुरी उपदेश कोळोन. 32 *आंदुर आऊन उपदेश देल सट्ट आगेदुर यतकी आऊन वचन अधिकार देल माताळव. 33 यहूदी लॉकुरद सभागृह दा ऊंद मंळसा ईरोन, यारदा दुष्टआत्मा ईरोद आ दुष्टआत्मा जो परमेश्वर उन मुंद अशुध्द ठहरसतद, आव धोळ्द शब्द देल चलिळासली कुरतुन, 34 “हे यीशु नासरी, नामी नीन से येन क्याल्सा? येन नी नामी नाश माळली बंद्या? ना नीनी जानसतीन नी याव हुय? नी परमेश्वर उन पवतिर जन हुय!”

35 यीशु आऊक दनकुसकु अंदुन, “सुंगा ईर, अदकि आऊन दा टु होटबुळ!” आग दुष्टआत्मा आऊक न्याड्या दा पटकुसकु बनि हानि पोहचुस्त आऊन दा टु होट्ट बुळ्त.

36 इदुर मा सप्पा लॉकुर इक अचम्भा आत, अदकि आंदुर आपस दा मातचीत माळकु अनली कुरतुर, “ईद ह्यांग वचन हुन? यतकी आव अधिकार अदकि सामर्थ्य इन सांगुळ अशुध्द आत्मागोळी आग्या कोळतान, अदकि आ दुष्टआत्मा आत्मागोळ होट बुळताव.” 37 ई प्रकार देल नाकु दशिा दी यीशु उन चर्चा आगली कुरतव.

यीशु उन हापाळ लॉकुरी चंगा माळोद
(मत्ती ८:१४-१७; मरकुस १:२९-३४)

38 यीशु यहूदी लॉकुरद सभागृह दा टु यदकु शमौन उन मान्नी होदुन. शमौन उन आत्त ज्वर इन बमिारी देल बदिक् ईरोर, अदकि आंदुर आकनि साटी यीशु उक वनिती माळदुर. 39 यीशु आकनि हातती नीदुरकु मय इक दनकुसदुन अदकि मय ईळदोदव, अदकि आक तुरन्त यदकु आंदुरद स्यावा-पानी माळली कुरतुर.

40 द्यावगान होती, याता-याता मान्या लॉकुर अलग अलग प्रकार इन बमिरीगोळ देल बदिक् ईरोर, आंदुर सब आंदरी आऊन हात्ती तंदुर, अदकि यीशु ऊंद ऊंद मा कय ईटकु आंदरी चंगा माळदुन. 41 अदकि दुष्टआत्मागोळ भी चलिळासव अदकि ईद अनतेला क्कि, “नी परमेश्वर उन पार हुय,”

हापाळ मुंदुर दा टु होट बुट्टव. पर यीशु अवरी दनकुसदुन अदकि माताळ गोटीदील, यतकी आ अशुध्द आत्मागोळ जानसव क्कि आव मसीह हुन.

यीशु उन यहूदी लॉकुरद सभागृहगोळ दा प्रचार माळोद
(मरकुस १:३५-३९)

42 याग व्हातुर आत रा यीशु होटकु ऊंद सुनसान जागा दा होटोदुन, अदकि भीळ इन भीळ आऊक दुंदसतेला आऊन हात्ती बत्त, अदकि यीशु उक रोक्सली कुरतुर क्कि आव आंदरी बटिकु होगबाळुल. 43 लेकीन यीशु आंदुर से अंदुन, “नानी दुसरा नगरगोळ दा भी परमेश्वर उन राज्य इन खुशखबरी केळसोद जरूरी आद, यतकी नानी इदुरदा साटी कळुकु आग्याद.”

44 अदकि यीशु गलील इन प्रदेश दा अदकि सप्पा यहूदीगोळ्द यहूदी लॉकुरद सभागृहगोळ दा प्रचार माळतेला ईत्तुन.

5

यीशु उन द्वारा पयला चेलागोळी कारोद आत
(मत्ती ४:१८-२२; मरकुस १:१६-२०)

1 *याग भीळ परमेश्वर उन वचन केळोर साटी आऊन मा बळिली आगतोगोद, अदकि यीशु गन्नेसरत इन झील इन कनिरा मा नीदुरकु ईरोन, रा हगि आत 2 क्कि आव झील इन कनिरा दा येदुद ड्वांगागोळी हतकु ईरव अवरी नोळदुन, अदकि मेन हुडावाळेर अऊर मा टु ईळुकु जार तोळोर. 3 आ ड्वांगागोळ दा टु ऊंद मा, जो शमौन उन ईरोद, येरकु यीशु आऊन से वनिती माळदुन क्कि कनिरा टु थ्वाळासा सरकुसकु नळु. आग आव कुरतकु लॉकुरी ड्वांगा मा टु उपदेश कोळली कुरतुन.

4 याग यीशु उन मातगोळ हेळकु आदव रा आव शमौन उक अंदुन, “खोल नीर दा होग, अदकि मेन हुडोर साटी तान जार हाक्क.”

5 *शमौन यीशु उक उत्तर कोट्टुन, “हे स्वामी, नाव पुरा ईळलक तीम मेहनत माळदेव अदकि येनु सक्कीदील; तरी नीन कयना देल ना जार हाकतीन.” 6 *याग आंदुर हगि माळदुर, रा हापाळ मेनगोळ जार दा बंदव, अदकि आंदुरद जार हरली कुरत. 7 इदुर मा आंदुर तान संगीगोळी जो दुसरा ड्वांगा मा ईरोर, आंदरी कारदुर क्कि बंदकु नाम मदत माळी, अदकि आंदुर बंदकु येदुदु ड्वांगागोळी इल ताका तुमदुर क्कि आ ड्वांगागोळ मुळकली कुरतव. 8 ईद चमत्कार नोळकु शमौन पतरस यीशु उन काल मा बदिदुन अदकि अंदुन, “हे प्रभु, नान हात्ती टु होटोग, यतकी ना पापी मळसा आईन!”

9 यतकी ईस मेनगोळ हुळदुर देल आऊक अदकि आऊन संगीगोळी हापाळ अचम्भा आत, 10 अदकि हांग अच जब्दी इन पार याकूब अदकि यूहन्ना अक भी, जो शमौन उन भागीदार ईरोर, अचम्भा आत. आग यीशु शमौन से अंदुन, “अंजबाळ; ईगी टु नी मळसागोळी परमेश्वर उन राज्य दा तंद्या.”

11 अदकि आंदुर ड्वांगागोळी कनिरा मा तंदुर अदकि सप्पा येनारा बटिकु आऊन हदि होटोदुर.

यीशु उन द्वारा कोद इन रोगी इक चंगा माळोद
(मत्ती ८:१-४; मरकुस १:४०-४५)

12 ऊंद घन याग यीशु यातोदारा तरी नगर दा ईरोन, आग आऊन हात्ती ऊंद मळसा बंदुन; यारी कोद इन रोग हतकु ईरोद, आव यीशु उक नोळकु आऊन काल मा बदिदुन, अदकि वनिती माळदुन, “हे प्रभु, अगर नी चाहास्या रा नानी शुद्ध माळ सकत्या.”

13 यीशु कय मुंद माळकु आऊक मुटदुन अदकि अंदुन, “ना चाहसतीन, क्कि नी शुद्ध आगेग.” अदकि आऊन कोद इन रोग तुरन्त दूर आगेत. 14 यीशु आऊक आग्या कोट्टुन, “यारीकु हेळबाळेत,

लेकीन होगकु तान तान इक याजक उक तोरस, अदकि तान शुद्ध आगोद बारा दा जो येनारा मूसा नीनी आग्या कोटान अदरी भेंट येर्स क आंदुर मा गवाही आगुल.”

15 लेकीन यीशु उन चर्चा दुर दुर ताका फैलुस्तेला होगोद, अदकि भीळ इन भीळ आऊन मातगोळ केळोर साटी अदकि तान बमिारीगोळ देल चंगा आगोर साटी जमा आत. 16 लेकीन आव आळीगोळ दा येल्यारा भी ब्यार्र होगकु प्रार्थना माळतोगोन.

यीशु उन द्वारा लकवा अन्द रोगी इक चंगा माळोद
(मत्ती ९:१-८; मरकुस २:१-१२)

17 ऊंद दनि हगि आत क यीशु उपदेश कोळोन, अदकि फरीसी अदकि व्यवस्थापक अल कुर्तकु ईरोर जो गलील अदकि यहूदिया अन्द हर ऊंद ऊरा टु अदकि यरूशलेम टु बंदीदुर, अदकि चंगा माळोर साटी प्रभु उन सामर्थ्य यीशु उन सांगुळ ईरोद. 18 आ समय हापाळ लाकुर ऊंद मंळसा अक जो लकवा अन्द रोगी ईरोन, व्हर्स मा नेगुकु तंदुर, अदकि आंदुर आऊक बुळ्क वयली अदकि यीशु उन मुंद ईटोद उपाय ढुढसोर. 19 पर याग भीळ इन कारण आऊक बुळ्क वीय सकदिल रा आंदुर मान्ना मा येरकु अदकि खपरेल सरकुसकु, आऊक व्हर्स सांगुळ न्याड्या दा यीशु उन मुंद ईळ्स बुटुर. 20 आग यीशु आंदुर वशिवास नोळकु आऊन से अंदुन, “हे मंळसा, नीन पाप माफ आदव.”

21 आग नयिम इन गुरु अदकि फरीसी तान तान मन दा वचिर माळली कुरतुर, “ईव याव हुन? जो परमेश्वर उन अपमान माळतान! परमेश्वर उक बटिकु अदकि याव पापगोळी माफ माळ सकतान?”

22 यीशु आंदुर मन इन मातगोळ जान्सकु, आंदुर से अंदुन, “नीव तान तान मन दा याता मात इन वचिर माळेतीर? 23 आसान येन आद? येन ईद अनोद क ‘नीन पाप माफ आदव,’ या ईद अनोद क ‘येळ अदकि टेटाळ?’ 24 लेकीन इदुरसाटी क नीव जान्स कोमी क नि मंळसा अन पार उक पृथ्वी मा पाप माफ माळोद भी अधिकार आद.” वाक यीशु आ लकवा अन्द रोगी से अंदुन, “ना नीन से अनतीन, येळ अदकि तान व्हर्स नेगुकु तान मान्नी होटोग.”

25 आव तुरन्त यीशु ऊंद मुंद येदुन, अदकि या व्हर्स मा आव बदि कु ईरोन अदरी नेगुकु, परमेश्वर उन बळाई माळतेला तान मान्नी होटोदुन. 26 आग सप्पा लाकुर चकति आदुर अदकि परमेश्वर उन बळाई माळली हतदुर अदकि हापाळ अंजतेला अनली कुरतुर, “ईद नाव अदभुत क्यालसागोळी नोळेव!”

यीशु लेवी इक कारदुन
(मत्ती ९:१-८; मरकुस २:१-१२)

27 इदुर बाददा यीशु व्हार्या होदुन अदकि लेवी हेसुर इन ऊंद कर ताकोमावाळा अक कर ताकोमोद चौकी मा कुर्तकु नोळदुन, अदकि आऊन से अंदुन, “नान हदि आगेग.” 28 आग लेवी सब येनारा बटिकु येदुन, अदकि आऊन हदि आगेदुन.

29 आग लेवी तान मान्या आऊन साटी ऊंद धोळ्द भोज ईटदुन; अदकि कर ताकोमावाळेर्द अदकि दुसरा लाकुर्द जो आऊन सांगुळ ऊमली कुरतीदुर, ऊंद धोळ्द भीळ ईरोद. 30 *ईदुर मा फरीसी अदकि आंदुर नयिम इन गुरु आऊन चेलागोळ से ईद अंदकु बळबुळस्ली कुरतुर, “नीव कर ताकोमावाळेर्द अदकि पापीगोळ्द सांगुळ येती तीनतीर अदकि कुडुतीर?”

31 यीशु आंदरी उत्तर कोट्टुन, “वैद्य भला चंगागोळ साटी ईला, लेकीन बमिारगोळ साटी जरूरी आन. 32 ना न्यायीगोळी ईला, लेकीन पापीगोळ्द पापगोळी पश्चाताप माळसुसोर साटी कारूली बंदीन.”

उपास इन प्रश्न
(मत्ती ९:९-१३; मरकुस २:१३-१७)

33 आंदुर यीशु उक अंदुर, “बपतस्मा कोळावाळा यूहन्ना अन्द चेलागोळ रा बराबर उपास ईटतार अदकि प्रार्थना माळतार, अदकि हांग अच फरीसी नोर चेलागोळ भी, लेकीन नीन चेलागोळ रा तीनतार अदकि कुडुतार.”

34 यीशु आंदुर से अंदुन, “येन नीव वरातीगोळ से, यागासताका मंळगार आंदुर सांगुळ ईत्तान, उपास माळसुस सकतीर? बलिकुल ईला! 35 लेकीन अव दनि बंदाव, याग मंळगार आंदुर से ब्यार माळकु आदान, आग आंदुर आ दनिगोळ दा उपास माळ्यार.”

36 यीशु मात ऊंद उदाहरण भी आंदुर से अंदुन: “यावारा मंळसा क्वारा व्हाशोद कपळा हरूकु हाळोद कपळा दा थगिर हचालुन, ईलारा व्हाशोद कपळा हर्दोदति अदकि आ थगिर हाळोद कपळा दा मेल भी तनितीदील. 37 अदकि यावारा मंळसा व्हाशोद अंगुर इन रास्सा हाळोद तोगुल इन चलिा दा तुम्मालुन, ईलारा व्हाशोद अंगुर इन रास्सा तोगुल इन चलिागोळी वळकु चेल्लेदति, अदकि तोगुल इन चलिागोळद भी नाश आगेदीत. 38 लेकीन व्हाशोद अंगुर इन रास्सा व्हाशोद तोगुल इन चलिा दा अच तुम्म पायजे. 39 यतकी मंळसा हाळोद अंगुर इन रास्सा कुडुकु व्हाशोद रास्सा अनूद इच्छा माळालुन यतकी आव अनतान, कि हाळोद रास्सा अच वळ्लीद आद.”

6

यहूदीगोळद आराम दनि इन बारा दा प्रश्न
(मत्ती १२:१-८; मरकुस २:२३-२८)

1 बाक ऊंद आराम इन दनि दा हगि आत कि यीशु केईगोळ दा टु आगतेला होगोन, अदकि आऊन चेलागोळ गोदी नव लॉम्बा मूरू-मूरूकु अदकि कय देल मसुस-मसुसकु तति होगतोगोर. 2 आग फरीसीगोळ दा टु थवाळासा लॉकुर अनली कुरतुर, “नीव अद क्याल्सा येती माळतीर जो आराम इन दनि दा नयिम इन वरिद्ध आद.”

3 यीशु आंदरी उत्तर कोट्टुन, “येन नीव ईद वाचुसीदील कि दाऊद, याग आव अदकि आऊन साथी उपासा ईरोर रा येन माळदुन? 4 आव हयांग परमेश्वर उन भवन दा होदुन, अदकि भेट इन रोटीगोळ हुळकु तदिन, यवरी तनिोद याजकगोळी बटिकु अदकि बाकी मुंदुर साटी नयिम इन वरिद्ध आद, अदकि आव तान संगीगोळी भी कोट्टुन?”

5 अदकि यीशु आंदुर से अंदुन, “ना मंळसा अन पार आराम इन दनि ईनव भी स्वामी हुईन.”

यीशु कय इन लकवा वाळा मंळसा अक चंगा माळदुन

6 हगि आत कियतोदारा मात्त दुसरा आराम इन दनि दा यीशु यहूदी लॉकुरद सभागृह दा होगकु उपदेश माळली कुरतुन; अदकि अल ऊंद मंळसा ईरोन जो ऊम्मा कय देल लकवा ग्रस्त ईरोन. 7 आग नयिम इन गुरु अदकि फरीसी यीशु मा दोष हचोद मौका अनूद ताक मा ईरोर कनिोळाता आव आराम इन दनि दा आऊक चंगा माळतान का ईला. 8 लेकीन आव आंदुर वचार जानसोन; इदुरसाटी आव वंळगीद कयवाळा मंळसा से अंदुन, “येळ, न्याड्या दा नीदुर.” आव यदकु नीदरेदुन. 9 यीशु आंदुर से अंदुन, “ना नीम से ईद केळतीन कनि नयिम इन अनुसार आराम इन दनि दा येन उचित आद, भलाई माळोद या बुरा माळोद; जीव इक ऊळसोद या अदुरद नाश माळोद?” 10 आग आव नाकु दी आ सप्पा मुंदुर इक नोळकु आ मंळसा से अंदुन, “तान कय मुंद माळ.” आव हांग अच माळदुन, अदकि आऊन कय मात्त वळ्लीद आगेत.

11 लेकीन आंदुर गुस्सा दा तान सप्पा सुद-बुद मार्तकु आपस दा मातचीत माळकु वचार माळली हतदुर कि “नाव यीशु उन सांगुळ येन माळेव?”

यीशु उन द्वारा हन्नेळ प्रेरतिगोळी नयिक्त माळोद

12 आ दनिगोळ दा यीशु पहाळी मा प्रार्थना माळली होदुन, अदकि ईळलक टीम परमेश्वर ऊंद प्रार्थना माळतेला ईत्तुन. 13 याग व्हातुर आत रा आव तान चेलागोळी कारूकु आंदुर दा टु हन्नेळ मुंदुरद चुनाव माळदुन, अदकि आंदरी प्रेरति हगि हेसुर कोट्टुन; 14 अदकि आंदुर हेसुर हगि आव: शमोन यार्द हेसुर आव पतरस भी ईददुन, अदकि आऊन वार्ट अनूदरयास, अदकि याकूब, अदकि यूहन्ना, अदकि फलिपिपुस, अदकि बरतुलमै, 15 अदकि मत्ती, अदकि थोमा, अदकि हलफई नव पार याकूब, अदकि शमौन याऊक द्याश भक्त भी अनतोगोर, 16 अदकि याकूब उन पार यहूदा, अदकि यहूदा इस्करियोती जो आऊक हुळसुसावाळा आदुन.

यीशु उन द्वारा शिक्षा कोळोद अदकि चंगा माळोद
(मत्ती ४:२३-२५)

17 आग यीशु आंदुर सांगुळ ईळुकु चौरस जागा दा नदिरदुन, अदकि आऊन चेलागोळ्द धोळ्द भीळ, अदकि सप्पा यहूदिया, यरूशलेम, अदकि सूर अदकि सैदा अन्द समुद्र अन्द कनिरा अन्द हापाळ लॉकुर, 18 जो आऊन उपदेश केळली अदकि तान बमिरगोळ देल चंगा आगोर साटी आऊन हात्ती बंदीदुर, जो अल नदिरकु ईरोर. अदकि अशुध्द आत्मागोळ देल परेशान लॉकुर भी आऊन हात्ती चंगा आगतोगोर. 19 सप्पा मुंदुर आऊक मुट्टोद चाहासोर, यतकी आऊन दा टु सामर्थ्य होटकु सप्पा मुंदुर इक चंगा माळतोगोद.

आशीष अदकि सराप इन वचन
(मत्ती ५:१-१२)

20 आग यीशु तान चेलागोळ दी नोळकु अंदुन,
“धन्य आईर नीव जो मन देल गरीब आईर,
यतकी परमेश्वर उन राज्य नीमद हुन.”

21 “धन्य आईर नीव जो हस्तकु आईर,
यतकी नीव संतुष्ट माळकु आदीर.”
“धन्य आईर नीव जो ईग वर्लेतीर,
यतकी बाददा नेग्गीर.”

22 * “धन्य आईर नीव याग ना मंळसा अन पार उन कारण लॉकुर नीम से दुश्मनी ईट्यार,
अदकि नीमी तेगद बुट्टार, अदकि नीम अपमान माळ्यार, अदकि नीम हेसुर इक बेकार जानस्यार.”

23 * “आ दनि खुश आगकु हारेत, यतकी नोळी, नीम साटी स्वर्ग दा धोळ्द प्रतफिल आद; यतकी आंदुर आप्प-दादागोळ भी भवष्यवक्तागोळ सांगुळ हांग अच माळतोगोर.”

24 लेकीन नीम मा हाय जो धनवान आईर,
यतकी नीव तान सुख ताकोम कोडीर.

25 “हाय नीम मा जो ईग संतुष्ट आईर, यतकी बाददा उपासा ईत्तीर, हाय नीम मा जो ईग नेगेतीर,
यतकी शोक माळीर अदकि वरलीर.”

26 हाय नीम मा याग सप्पा मंळसा नीमी भला अनुल, यतकी आंदुर आप्प-दादागोळ भी ख्वाटा भवष्यवक्तागोळ्द सांगुळ भी हगि अच माळतोगोर.

दुश्मनगोळ से प्यार

(मत्ती ५:३८-४८; ७:१२)

27 “लेकीन ना नीव जो केळेतीर नीम से अनतीन कितान दुश्मनगोळ से प्यार ईटी; जो नीम से नफरत माळतार, आंदुरद भला माळी. 28 जो नीमी श्राप कोट्टार, आंदरी आशीष कोळी; जो नीम सांगुळ दुर-व्यवहार माळुल, आंदुर साटी प्रार्थना माळी. 29 जो नीन ऊंद गाल्ला मा क्याबरा बडुल रा आऊन दी दुसरा गाल्ला भी तरिगुस बुळ; अदकि जो नीन कोट कसुल, रा आऊक कुळता ओयोर देल भी रोक्सबाळ. 30 जो यावारा नीन से बेळुल, आऊक कोळ; अदकि जो नीन चीजगोळ कस्तबुळुल, आऊन से बाक वापस बेळबाळ. 31 * ह्यांग नीव चाहासतीर किलॉकुर नीम सांगुळ व्यवहार माळुल, नीव भी आंदुर सांगुळ हांग अच व्यवहार माळी.

32 “अगर नीव तान प्यार ईटावाळेर्द सांगुळ प्यार ईटी, रा नीम येन बळाई? यतकी पापी लॉकुर भी तान प्यार ईटावाळेर्द सांगुळ प्यार ईटतार. 33 अगर नीव तान भलाई माळावाळेर्द सांगुळ भलाई माळतीर, रा नीम येन बळाई? यतकी पापी लॉकुर भी रा हगि अच माळतार. 34 यार्द हात्ती टु वापस सकिकोद आशा आद आंदरी नीव उदार कोट्टीर, रा अदुर दा नीम येन बळाई? याट कोटीर आट वापस सकिकोद आशा देल पापी लॉकुर भी पापी लॉकुरी उदार कोळतार. 35 लेकीन तान दुश्मनगोळ से प्यार ईटी, अदकि आंदुरद भलाई माळी, अदकि उदार कोटकु वापस सकिकोद आशा माळबाळी, अदकि नीम साटी प्रतफिल धोळ्द आदीत अदकि नीव परमप्रधान उन पारगोळ

ठहरूसरि, यतकी आव खुद अच दुष्टगोळ मा उपकार माळतान. ³⁶ ह्यांग नीम स्वर्गीय आप्प दयालु आन, हांग अच नीव भी दयालु बन्सी.

दोष हचबाळी
(मत्ती ७:१-४)

³⁷ “यारदारा मा दोष हचबाळी, रा नीम मा भी दोष हचकु आगतीदील. याऊकु दोषी ठहरूसबाळी रा नीव भी दोषी ठहरूसकु आगतीदील. माफ माळीर रा नीमी भी माफ माळकु आदीत. ³⁸ कोळतोगी, रा परमेश्वर भी नीमी कोट्टान. लॉकुर नीम क्वारा दा पुरा-पुरा नाप, वत्त-वोतकु अदकि आलगाळ-आलगाळसकु सीग हचकु हाक्यार. यतकी या नाप देल नीव दुसरा अन साटी आळेतीर, अदा नाप देल नीम साटी भी आळकु आदीत.”

³⁹ ✨बाक यीशु आंदुर से ऊंद उदाहरण अंदुन: “येन ऊंद कुढ्ढ मंळसा, दुसरा कुढ्ढ मंळसा अक हादी हेळ सकतान? येन आंदुर येढ्ढ मुंदुर खोंदरा दा बळितीदील? ⁴⁰ ✨चेला गुरु से धोड्डेव ईरालुन, लेकीन पुरा तरीका देल सप्पा ग्यान ताकोमकु आगदुर बाददा हर ऊंद चेला गुरु उन घाई आगोगतान.”

⁴¹ नी तान वार्ट उन कण्ण इन तनिका अक येती नोळत्या? येन नी तान कण्ण इन लट्टा नोळ सकाल? ⁴² जब नी तान अच कण्ण इन लट्टा नोळ सकाल, रा तान वार्ट उन से ह्यांग अन सकत्या, “हे वार्ट; थामसेग ना नीन कण्ण दा टु तनिका तेगु कोळतीन?” हे कपटी, पयला तान कण्ण इन लट्टा तेगु, आग जो तनिका नीन वार्ट उन कण्ण दा आद, अदरी वळ्लीसा तरीका देल नोळकु तेगु सक्या.

ह्यांग मार्र हांग अच काय
(मत्ती ७:१६-२०; १२:३३-३५)

⁴³ “यातोदारा वळ्लीद मार्र बेकार काय कोळाल्द अदकि ना यातोदारा बेकार मार्र वळ्लीद काय कोळतद. ⁴⁴ ✨हर ऊंद मार्र तान काय देल अर्तकु आगतद; यतकी लॉकुर मुळ्ळ इन झाळीगोळ दा टु अंजीर कोयालुर अदकि ना मईन काय इन मार्र मा टु अंगुर. ⁴⁵ ✨वळ्लीद मंळसा तान आत्मा अन्द वळ्लीद भंडार दा टु वळ्लीद मातगोळी का तेगुतान, अदकि बुरा मंळसा तान दलि इन बुरा भंडार दा टु बुरा मातगोळी तेगुतान; यतकी जो दलि दा तुमकु आद अदा आऊन बाय दा बरतद.

मान्ना माळावाळेर येढ्ढ मंळसा
(मत्ती ७:२४-२७)

⁴⁶ “याग नीव नान कहना मान्सालरि रा येती नानी ‘हे प्रभु, हे प्रभु,’ अनतीर? ⁴⁷ जो यावारा नान हात्ती बरतान अदकि नान मातगोळ केळकु अवरी मान्सतान, ना नीमी हेळतीन की आव यार घाई आन: ⁴⁸ आव आ मंळसा अन घाई आन, याव मान्ना माळाहोती जमीन खोल अगुळकु चट्टान मा पायवा हाकदुन, अदकि याग बाळ बत्त रा धारा आ मान्ना अक हत्त लेकीन अदरी आलगाळस सकदील; यतकी अद मजबूत माळकु ईरोद. ⁴⁹ लेकीन जो केळकु मान्सालुन आव आ मंळसा अन घाई आन, याव पृथ्वी मुण्ण जागा भूमी जमीन मा बनिा पायवा अन्द मान्ना माळदुन, याग अदुर मा धारा हत्त रा अद तुरन्त बद्दोत अदकि बद्दिकु अदुरद सत्यानाश आगेत.”

7

ऊंद सूबेदार उन वश्वास
(मत्ती ८:५-१३)

¹ याग यीशु लॉकुर से ई सप्पा मातगोळ अंद बुट्टुन, रा कफरनहूम नगर दा होदुन. ² अल यावारा सौ रोमी सपिाहीगोळ्द सूबेदार उन ऊंद दास जो आऊन प्रयि ईरोन, बमिारी देल सायोर मा ईरोन. ³ आव यीशु उन चर्चा केळकु यहूदीगोळ्द हापाळ स्याणागोळी आऊन से ईद वनिती माळली आऊन हात्ती कळुदुन की बंदकु नान दास उक चंगा माळुल. ⁴ आंदुर यीशु उन हात्ती बंदुर, अदकि आऊन से धोळ वनिती माळकु अनली हतदुर, “आव ई लायक आन की नी आऊन साटी ई सप्पा

✨ 6:39 ६:३९ मत्ती १५:१४

✨ 6:40 ६:४० मत्ती १०:२४,२५; यूहन्ना १३:१६; १५:२०

✨ 6:44 ६:४४ मत्ती १२:३३

✨ 6:45 ६:४५ मत्ती १२:३४

माळ सक्या, ⁵ यतकी आव नाम जाती से प्यार ईटतान, अदकि आवा नाम यहूदी लॉकुरद सभागृह कटक कोटान.”

⁶ यीशु आंदुर सांगुळ होदुन, लेकीन याग आव मान्ना अनंद हात्ती पोहचुसदुन, रा सुबेदार आऊन हात्ती तान संगीगोळी ईद अनली कळुदुन, “हे प्रभु नी तान तान इक यक्कुल कष्ट कोळबाळ, यतकी ना ई लायक हैलेच कनि नान मान्ना अनंद छपर्या ताका बर सक्या. ⁷ ईदा कारण ना तान तान इक ई लायक भी समसदिलि कनि नान हात्ती बराईन, लेकीन सर्फि आग्या कोटबुळ रा नान सेवक चंगा आगेदान. ⁸ ना भी वास्तव दा शासन इन हात्ती आईन, अदकि सपिाही नान हात्ती आर; अदकि याग ऊंद सपिाही इक अनतीन, ‘होग,’ रा आव होगतान; अदकि दुसरा से अनतीन, ‘बर,’ रा बरतान; अदकि तान यावारा दास उक अनतीन कनि ‘अमुक क्याल्सा माळ,’ रा आव अदा माळतान.”

⁹ ईद केळकु यीशु उक अचम्भा आत अदकि आव मार्रा तरिगुसकु आ भीळ से जो आऊन हदि बरोद, अंदुन, “ना नीम से अनतीन कनि ना इस्त्राएल दा भी हगि वशिवास नोळीदील.”

¹⁰ अदकि जो कळकु आगदुर आ लॉकुर मान्या बंदकु आ दास उक चंगा नोळदुर.

यीशु रांड्यागीत इन पार उक जत्तिता माळदुन

¹¹ थ्वाळासा दनि इन बाददा यीशु नाईन हेसुर इन ऊंद नगर दा होदुन. अल आऊन चेलागोळ अदकि धोळ्द भीळ आऊन सांगुळ होगोद. ¹² याग यीशु नगर इन फाटक इन हात्ती पोहचुसदुन, रा लॉकुर ऊंद मुर्दा अक व्हार्या वीयोर; जो तान मोय इन ऊंदा पार ईरोन, अदकि आक रांड्या ईरोर; अदकि नगर इन हापाळ सा लॉकुर आकनि सांगुळ ईरोर. ¹³ आकी नोळकु प्रभु उक दया बत्त, अदकि आव आकनि से अंदुन, “वरलबाळ.” ¹⁴ आग आव हात्ती बंदकु सकोली इक मुटदुन, अदकि सकोली नेगावाळेर रूकसेदुर. आग आव अंदुन, “हे जवान, ना नीन से अनतीन, येळ!” ¹⁵ आग आ सोतकु पार यदकु कुरतुन, अदकि आ पार माताळली कुरतुन. बाक आव आ पार उक आऊन मोय इक सोप्स बुट्टुन.

¹⁶ इदुर देल सप्पा मुंदुर मा अंजक तुम्मेत, अदकि आंदुर परमेश्वर उन बळाई माळकु अनली हतदुर, “नाम न्याड्या दा ऊंद धोड्डेव भवषियवक्ता बंदान, अदकि परमेश्वर तान लॉकुर मा कृपा दृष्टी माळ्यान.”

¹⁷ अदकि आऊन बारा दा ईद मात सप्पा यहूदिया अदकि आसपास इन सप्पा प्रदेश दा फैलुसेत.

**यूहन्ना नीर संस्कार कोळावाळा अनंद प्रश्न
(मत्ती ११:२-१९)**

¹⁸ बपतस्मा कोळावाळा यूहन्ना अक आऊन चेलागोळ ई सप्पा मातगोळ्द समाचार कोट्टुर. ¹⁹ आग यूहन्ना तान चेलागोळ दा टु येढ्द मुंदुर इक कारूकु प्रभु उन हात्ती ईद केळली कळुदुन, “येन बरावाळा नीना हुय, या नाव यावारा दुसरा अनंद हादी नोळेव?”

²⁰ आंदुर यीशु उन हात्ती बंदकु अंदुर, “यूहन्ना बपतस्मा कोळावाळा नामी नीन हात्ती ईद केळली कळ्यान कियेन बरावाळा नी अच हुय, या नाव यावारा दुसरा अनंद हादी नोळेव?”

²¹ अदा समय आव हापाळ सा लॉकुरी बमारगोळ देल अदकि दुखगोळ अदकि दुष्टआत्मागोळ देल चंगा माळदुन; अदकि हापाळ सा कुढ्द मंळसागोळी कण्ण कोट्टुन; ²² अदकि आव आंदुर से अंदुन, “जो येनारा नीव नोळीर अदकि केळीर, होगकु बपतस्मा कोळावाळा यूहन्ना से अंदबुळी; किकुढ्दगोळ नोळतार, अदकि लंगळा नळुतार अदकि टेटतार, कोदी लॉकुर शुद्ध माळकु आगतार, बयरागोळ केळतार, मुर्दागोळ जत्तिता माळकु आगताव, अदकि कंगालगोळी खुशखबरी केळ्सकु आगतद. ²³ धन्य आर आंदुर जो नान बारा दा ठोकर तनिलुर.”

²⁴ याग बपतस्मा कोळावाळा यूहन्ना अनंद कळुद लॉकुर होटोदुर रा यीशु यूहन्ना अनंद बारा दा लॉकुर से अनली कुरतुन, “नीव आळी दा येन नोळली होगीदरि? येन हवा देल हालुसद सरकण्डागोळी?” ²⁵ रा बाक नीव येन नोळली होगीदरि? येन मुलायम कपळा हाग्द मंळसा अक? जो भळकीला कपळा हाकतार अदकि सुखवलास देल ईरतार, आंदुर राजभवनगोळ दा ईरतार. ²⁶ रा बाक येन नोळली होगीदरि? येन यावारा भवषियवक्ता अक? हव, ना नीम से

अनतीन, उलटा भवषियवक्ता से भी धोड्डेव उक. 27 ईव आवा यूहन्ना हुन, यार्द बारा दा लखिसकु आद: “परमेश्वर अंदुन, ना तान स्वर्गदूत उक नीन मुंद-मुंद कळुतीन, जो नीन मुंद अपमान हादी सरका माळ्यान.” 28 “ना नीम से अनतीन क्जो आर्तेर दा टु पैदा आग्यार, आंदुर दा टु यूहन्ना बपतस्मा कोळावाळा से धोड्डेव यारू हैलेच. पर जो परमेश्वर उन राज्य दा स्याण से स्याणेव आन, आव आऊन से भी धोड्डेव आन.”

29 *अदकि सप्पा साधारण लॉकुर केळकु अदकि कर ताकोमावाळेर भी यूहन्ना अनद बपतस्मा ताकोमकु परमेश्वर उन हादी इक खरा मान्स कोंडुर. 30 लेकीन फरीसीगोळ अदकि व्यवस्थापकगोळ यूहन्ना से बपतस्मा ईला ताकोमकु तान संबंध दा परमेश्वर उन योजना अक अस्वीकार माळदुर.

31 “इदुरसाटी ना ई पीढी इन लॉकुरद तुलना यार देल कोळाईन क्जो आंदुर यार घाई आर? 32 इंदुर आ चकौर घाई आर जो सात्तागोळ दा कुरतकु ईरतार अदकि आबुर दाबुरी इक कारूकु अनतार, ‘नाव नीम साटी कोळल मुरसदेव, अदकि नीव कुणदीदलि; नाव वलिाप इन हाळ हाळदेव, अदकि नीव वरलीदलि!’ 33 यतकी यूहन्ना बपतस्मा कोळावाळा ना रा रोटी तति बंदुन अदकि ना अंगुर इन रास्सा कुडुत बंदुन, अदकि नीव अनतीर, ‘आऊन दा दुष्टआत्मा आद.’ 34 ना मळसा अन पार तति-कुडुत बंदीन, अदकि नीव अनतीर, ‘नोळी, व्हाट्टा तुम्मावाळा अदकि कुडावाळा मळसा, कर ताकोमावाळेर अदकि पापीगोळव संगी.’ 35 जो लॉकुर परमेश्वर उन ग्यान स्वीकार माळतार आंदुर साबति माळतार क्जो अद ग्यान खरा आद.”

यीशु उन पापी आर्त इक माफ माळोद

36 बाक यावारा ऊंद फरीसी यीशु से वनिती माळदुन क्जो आव आऊन सांगुळ ऊमली कुरल, इदुरसाटी यीशु आ फरीसी इन मान्या होगकु ऊमली कुरतुन. 37 *आ नगर इन ऊंद पापी आर्त ईद जानसकु क्जो आव फरीसी इन मान्या ऊमली कुरतान, संगमरमर इन बाटुल दा ईत्तर तंदुर, 38 अदकि आऊन कालगोळ हात्ती, हदि नदिरकु, वलतेला आऊन कालगोळी आसुगोळ देल नेनाकली अदकि तान ताल्ला अनद चुट्टी देल सटिली हतदुर, अदकि आऊन कालगोळद घळी-घळी चुम्मा ताकोमकु अऊर मा अत्तर मलुसदुर. 39 ईद नोळकु आ फरीसी याव यीशु उक कारददिन, तान मन दा सोचली कुरतुन, “अगर ईव भवषियवक्ता ईरायदुन रा जानसेगायदुन क्जो इक जो आऊक मुटेत्यार, आक यार अदकि ह्यांग आर्त आर, यतकी आक रा पापीगीत आर.”

40 यीशु आऊन उत्तर दा अंदुन, “हे शमौन, नानी नीन से येनारा अनोद आद.”

आव माताळदुन, “हे गुरु, अन.”

41 यीशु अंदुन, “यावारा महाजन उन येढ्ढ करजदार ईरोर, ऊंद अईद सौ चाँदी इन सक्कागोळद अदकि दुसरा पचास सक्का अनद करजदार ईरोन. 42 याग आंदुरद हात्ती चुकुसली येनु ईतीदिल, रा आव येढ्ढ मुंदुर इक माफ माळ बुट्टुन. इदुरसाटी आंदुर दा टु याव आऊन से यक्कुल प्यार ईट्यान?”

43 शमौन उत्तर कोट्टुन, “नान समझ देल आव, यार्द आव यक्कुल बटि बुट्टुन.”

आव आऊन से अंदुन, “नी बराबर वचारि माळ्या.” 44 अदकि आ आर्त इन दी तरिगकु आव शमौन से अंदुन, “येन नी ई आर्त इक नोळीत्या? ना नीन मान्या बंदीन लेकीन नी नान काल तोळोर साटी नीर कोटीदिल, पर इक नान काल आसुगोळ देल नेनाकदुर अदकि तान चुट्टीगोळ देल सटिदुर. 45 नी नानी चुमसीदलि, पर यागी टु ना बंदीन आगी टु इक नान कालगोळद चुम्मा ताकोमोद बटिदलि. 46 नी नान ताल्ला मा याण्णा मलुसदिल, पर इक नान कालगोळी ईत्तर मलुस्यार. 47 इदुरसाटी ना नीन से अनतीन क्जो ईकीन पाप जो हापाळ ईरव, माफ आदव, यतकी इक हापाळ प्यार माळदुर; पर यार्द थ्वाळा पाप माफ आग्याव, आव थ्वाळा अच प्यार माळतान.”

48 अदकि यीशु आ आर्त इन से अंदुन, “नीन पाप माफ आदव.”

49 आग जो लॉकुर यीशु उन सांगुळ ऊमली कुरतकु ईरोर, आंदुर तान-तान मन दा वचारि माळली हतदुर, “ईव याव हुन जो पापगोळी भी माफ माळतान?”

50 बाक यीशु आ आर्त इन से अंदुन, “नीन वशिवास नीनी ऊळसबुटाद, शांती देल होटोग.”

8

यीशु उन स्यावा माकळोर चेलागोळ

1 ईदुर बाददा यीशु नगर-नगर अदकि ऊर-ऊर दा प्रचार माळतेला, अदकि परमेश्वर उन राज्य अनन्द खुशखबरी केळसतेला टेटली कुरतुन, अदकि आ हन्नेळ चेलागोळ आऊन सांगुळ ईरोर, 2 *यीशु उन स्यावा माकळोर आर्तेर भी ईरोर जो दुष्टआत्मागोळ देल अदकि बमिारगोळ देल चंगा माळकु आगीदुर, अदकि ईदुर आंदुर उर: मरयिम जो मगदलीनी अंदकु आगतार, यारदा टु येळ दुष्टआत्मागोळ होटीदव, 3 अदकि हेरोदेस उन सेवक खुजा अनन्द हगिस योअन्ना, अदकि सूसन्नाह, अदकि हापाळ सा दुसरा आर्तेर. ईदुर तान धन सम्पत्ती दा टु आऊन स्यावा माळतोगोर.

बीजा बोऊसावाळा अनन्द उदाहरण

(मत्ती १३:१-९; मरकुस ४:१-९)

4 याग धोळद भीळ जमा आत अदकि नगर-नगर इन लॉकुर यीशु उन हात्ती बरतोगोर, रा यीशु उदाहरण दा अंदुन:

5 “ऊंद बोऊसावाळा बीजा बोऊसली होट्टान. बोऊसतेला येनारा हादी इन कनिरा मा बतित्त, अदकि काल देल मेटकु आत, आकाश इन पक्षीगोळ बंदकु अदरी तनि कौडव. 6 येनारा बीजा कल्ल इन जागा बतित्त, अदकि बेळुतेला अच वळगेत, यतकी अदुरदा नमी ईला ईरोद. 7 थ्वाळासा बीजा मुळलगोळ मारर इन न्याड्या दा बतित्त, अदकि माररगोळ सांगुळ-सांगुळ वाळुसकु अदरी वत्त बुट्टव. 8 थ्वाळासा बीजा वळ्लीद जागा मा बतित्त, अदकि बेळुकु सौ गुणा बीजा तर्त.”

ईद अंदकु आव धोळद आवाज देल अंदुन, “यारव केळव कवि इतदाव आव केळ कौमुल.”

उदाहरणगोळद उद्देश

(मत्ती १३:१०-१७; मरकुस ४:१०-१२)

9 यीशु उन चेलागोळ यीशु से केळदुर कि ई उदाहरण इन मतलब येन आद? 10 आव अंदुन, “नीमी परमेश्वर उन राज्य अनन्द भेदगोळद समझ कोटकु आग्याद, पर दुसरा अक उदाहरणगोळ दा केळसकु आगतद,” इदुरसाटी कि “आंदुर नोळतेला भी ना नोळुल, अदकि केळतेला भी ना समसुल.”

बीजा बोऊसावाळा उदाहरण इन मतलब समझुसोद

(मत्ती १३:१८-२३; मरकुस ४:१३-२०)

11 “उदाहरण इन मतलब ईद आद: बीजा परमेश्वर उन वचन हुन. 12 हादी इन कनिरा दोर आंदुर उर, यार वचन रा केळदुर; लेकीन शैतान बंदकु आंदुर मन दा टु वचन नेगुकु वोयतान कि ईदारा हगि आगबाळुल कि आंदुर वशिवास माळकु आंदुर उद्धार आगुल. 13 कल्ल माकळोर आंदुर उर जो वचन केळदुर मा अदरी हापाळ खुशी देल ग्रहण रा माळतार, पर जळी मजबूत ईला ईदुर कारण घळी तमि रा वशिवास माळतार पर याग परीक्षा बरतद रा बैकुसेगतार. 14 जो मुळलगोळ मारर दा बतित्त, इंदुर आंदुर उर जो केळतार, पर मुंद नळुकु चनिता, अदकि धन, अदकि जीवन इन सुखवलास दा फसुसेगतार अदकि परपिक्वता अनन्द साटी आंदुर काय हण्ण आगाल. 15 लेकीन वळ्लीद जागा मा बदिक्ु बीजा इंदुर उर, जो वचन केळकु तान शुद्ध अदकि वळ्लीद दलि दा अदरी मजबूती देल ईदतार अदकि आंदुर बळा धीरज देल काय तरतार.”

दगिया अनन्द उदाहरण

(मरकुस ४:२१-२५)

16 *याऊ दगिया होत्ताकु बर्तन देल मुचचालुन, अदकि ना व्हर्स इन ल्यालमा ईदतान, लेकीन दीवट मा ईदतान कि बुळ्क बरावाळेर इक ऊजुळ सकिकुल.

17 *यतकी येनु भी होचकु हैलेच जो प्रगट आगतीदील, ना येनारा गुप्त मात आद जो जान्सकु आगतीदील.

18 *इदुरसाटी सावधान ईरी कि नीव याता प्रकार देल केळतीर? यतकी यारद हात्ती आद

* 8:2 द:२ मत्ती २७:५५,५६; मरकुस १५:४०,४१; लूका २३:४९ * 8:16 द:१६ मत्ती ५:१५; लूका ११:३३ * 8:17 द:१७ मत्ती १०:२६; लूका १२:२ * 8:18 द:१८ मत्ती २५:२९; लूका १९:२६

आऊक मात्त कोटकु आदीत, अदकि यार हात्ती हैलेच आऊन से अद भी ताकोमकु आगेदीत, यदरी आव तान सम्सतान.

यीशु उन मोय अदकि वार्दुर

(मत्ती १२:४६-५०; मरकुस ३:३१-३५)

19 यीशु उन मोय अदकि आऊन वार्दुर यीशु उन हात्ती बंदुर, पर भीळ इन कारण आऊन से भेट माळ सकदील. 20 आऊक हेळकु आत, “नीन मोय अदकि नीन वार्दुर व्हार्या नदिरकु आर, आंदुर नीन से मलिसोद चाहास्तार.”

21 यीशु इदुर उत्तर दा आंदुर से अंदुन, “नान मोय अदकि नान वार्दुर इंदुरा उर, जो परमेश्वर उन वचन केळतार अदकि मानस्तार.”

यीशु उन आँधी इक शांत माळोद

(मत्ती ८:२३-२७; मरकुस ४:३५-४१)

22 बाक ऊद दशी यीशु अदकि आऊन चेलागोळ इवांगा मा येरदुर, अदकि यीशु आंदुर से अंदुन, “बरी, झील इन आप्पाटी होगाता.” इदुरसाटी आंदुर इवांगा खोलस बुदुर. 23 लेकीन याग इवांगा नळोद, रा यीशु मगिदुन: अदकि झील दा तुफान बत्त, अदकि इवांगा नीर देल तुमली हत्त अदकि आंदुर जोखमि दा ईरोर. 24 आग आंदुर हात्ती होगकु आऊक येब्सदुर, अदकि अंदुर, “स्वामी! स्वामी! नाव नाश आगतेला होगीतेव.”

आग आव यदकु तुफान इक अदकि नीर इन लयरगोळी दनकुसदुन अदकि अव थामसेदव अदकि सप्पा शांत आगेत. 25 आग आव आंदुर से अंदुन, “नीम वशिवास यल ईरोद?”

लेकीन आंदुर अंजेदुर अदकि अचम्भति आगकु आपस दा अनली हतदुर, “ईव याव हुन जो तुफान अदकि नीर इक भी आग्या कोळतान, अदकि अव सप्पा आऊन मात केळताव?”

यीशु उन दुष्टआत्माग्रस्त मंळसा अक चंगा माळोद

(मत्ती ८:२८-३४; मरकुस ५:१-२०)

26 बाक यीशु अदकि आऊन चेलागोळ गरिसेनयागोळ्द प्रदेश दा पोहचुसदुर, जो गलील इन झील इन आप्पाटी आद. 27 याग यीशु कनिरा मा ईळदुन रा आ नगर इन ऊद मंळसा आऊक सकिदुन यारदा दुष्टआत्मागोळ ईरव. आव हापाळ दनिगोळ टु ना कपळा हाकतोगोन अदकि ना मान्या ईरतोगोन उलटा कब्रगोळ दा ईरतोगोन. 28 आव यीशु उक नोळकु चलिळासदुन अदकि आऊन मुंद बदिक् धोळ्द आवाज दा अंदुन, “हे परमप्रधान परमेश्वर उन पार यीशु! नानी नीन से येन क्याल्सा? ना नीन से वनिती माळतीन, नानी पीळा कोळबाळ.” 29 यतकी आव आ अशुध्द आत्मा अक आ मंळसा दा टु होळोद आग्या कोळोन, इदुरसाटी क्अद आऊन मा घळी घळी प्रगट आगतोगोद. याग क् लॉकुर आऊक शंकलीगोळ अदकि बेळीगोळ देल कटकु आऊन मा पहरा हचीदुर तरी आव बंधनगोळी मूरुकु भळितोगोन, अदकि दुष्टआत्मा आऊक आळी दा वयाळ्स्तेला टेटतोगोद.

30 यीशु आऊक केळदुन, “नीन येन हेसुर आद?”

आव अंदुन, “सेना,” यतकी हापाळ दुष्टआत्मागोळ आऊन दा होक्कोडीदव. 31 आंदुर आऊन से वनिती माळदुर क् नामी अनन्त अधोलोक दा होगोद आग्या कोळबाळ.

32 अल पहाळी मा हंदीगोळ्द ऊद धोळ्द झुण्ड आळोद, इदुरसाटी आंदुर आऊन से वनिती माळदुर क् नामी अऊर दा हाकबुळ. यीशु आंदरी होगोद आग्या कोट्टुन. 33 आग दुष्टआत्मागोळ आ मंळसा दा टु होटकु हंदीगोळ दा होदव अदकि आ झुण्ड ढलान मा टु झपटुसकु झील दा होगकु बदिदव अदकि मुळ्ककु सोत्तव.

34 चरवाहागोळ ईद सप्पा जो आगीत नोळकु ओळदुर, अदकि नगर दा अदकि ऊरगोळ दा होगकु आ घटना अन्द खबर कोट्टुर. 35 लॉकुर ईद जो आगीत अदरी नोळली होट्टुर, अदकि यीशु उन हात्ती बंदकु या मंळसा दा टु दुष्टआत्मागोळ होटीदव, आऊक यीशु उन काल इन हात्ती कपळा हाकत अदकि सचेत अवस्था दा कुरत नोळकु अंजेदुर; 36 अदकि जो यावारा ई सप्पा नोळीदुर आंदुर आ लॉकुरी हेळदुर क् आव दुष्टआत्मा अन्द सतुस्द मंळसा यात्ता प्रकार देल वळ्लेव आग्यान.

37 आग गरिसेनया अनन्द आसपास इन सप्पा लॉकुर यीशु से वनिती माळदुर कनि नाम नगर दा टु होटोग; यतकी आंदुर हापाळ अंजेगीदुर. इदुरसाटी आव ड्वांगा मा येरकु होटोदुन. 38 या मळसा दा टु दुष्टआत्मागोळ होटीदव आव आऊन से वनिती माळली कुरतुन कनि नानी तान सांगुळ ईरगोळ, लेकीन यीशु आऊक वदि माळकु अंदुन, 39 “तान मान्नी होटोग अदकि लॉकुरी हेळ कनि परमेश्वर नीन साटी ह्यांग धोळ धोड्डेव क्याल्सा माळ्यान.”

आव होगकु सप्पा नगर दा प्रचार माळली कुरतुन कनि यीशु नान साटी ह्यांग धोळ-धोड्डेव क्याल्सा माळ्यान.

याईर उन सोत्त पोर अदकि ऊंद रोगी आर्त
(मत्ती ९:१८-२६; मरकुस ५:२१-४३)

40 याग यीशु गलील वापस बंदुन रा लॉकुर आऊन स्वागत माळदुर, यतकी आंदुर सप्पा आऊन हादी कायोर. 41 इदुर दा याईर हेसुर ईनव ऊंद यहूदी मळसा जो यहूदी लॉकुरद सभागृह अनन्द सरदारगोळ दा टु ऊंद सरदार ईरोन, बंदुन अदकि यीशु उन काल मा बदिक् आऊन से वनिती माळली कुरतुन कनि नान मान्नी नळ, 42 यतकी आऊन हन्नेळ वर्ष इन ऊंद ठैसा अच पोर ईरोर, अदकि आक सायोर मा ईरोर.

याग आव होगोन, आग लॉकुर आऊन मा बळिली आगोर. 43 ऊंद आर्त आक इक हन्नेळ वर्ष टु खुन होगोद रोग ईरोद, अदकि जो तान सप्पा पैस्या कवळी वैद्यगोळद हदि बरबाद माळ बुटीदुर, तरी भी यारदु कय देल चंगा आगसकीदलि, 44 हदि टु बंदकु आऊन कपळा अनन्द कनिरा अक मुटदुर, अदकि तुरन्त आकनि खुन होगोद बंद आगेत. 45 इदुर मा यीशु अंदुन, “नानी याव मुटदुन?”

याग सप्पा इनकार माळली कुरतुर, रा पतरस अंदुन, “हे स्वामी, नीनी रा भीळ वोत्तेत्याद अदकि नीन मा बळित्याद.”

46 लेकीन यीशु अंदुन, “यावारा रा नानी मुट्यार, यतकी ना जान्स कोंडीन कनि नान दा टु सामर्थ्य होटाद.” 47 याग आ आर्त नोळदुर कनि होचकोम सकालीन, आग नळगतेला बंदुर अदकि आऊन काल मा बदिक् सप्पा लॉकुरद मुंद हेळदुर कनि आक यात्ता कारण देल आऊक मुटदुर, अदकि ह्यांग तुरन्त चंगा आगेदुर. 48 यीशु आकनि से अंदुन, “पोरी, नीन वशिवास नीनी वळ्ळीद माळ्याद, कुशल देल होटोग.”

49 यीशु ईद अनतेला अच ईरोन कनि यावारा यहूदी यहूदी लॉकुरद सभागृह अनन्द सरदार उन अल टु बंदकु अंदुन, “नीन पोर सोतोदुर: गुरु उक दुख कोळबाळ.”

50 यीशु ईद मात केळकु याईर उक उत्तर कोट्टुन, “अंजबाळ; सरिफ वशिवास ईद, रा आक ऊळदोदार.”

51 मान्या बंदकु आव पतरस, यूहनना, याकूब, अदकि पोर इन मोय-आप्प उक बदिक् दुसरा यारीकु तान सांगुळ बुळक बर गोटीदील. 52 सप्पा आकनि साटी वोरलोर, लेकीन आव अंदुन, “वर्लबाळी; आक सायली आर लेकीन मगित्यार.”

53 आंदुर ईद जान्सकु कनि आक सोतोग्यार आऊन मज्याक हारसली हतदुर. 54 लेकीन आव आऊन कय हुळदुन, अदकि कारूतेला अंदुन, “हे पोरी, येळ!” 55 आग आकनि जीव वापस बत्त अदकि आक तुरन्त यदकु नदिरेदुर. बाक आव आग्या कोट्टुन कनि आकी येनारा तनिली कोळी. 56 आकनि मोय-आप्प चकति आदुर, लेकीन आव आंदरी आदेश कोट्टुन कनि ईद जो आग्याद यारदारा से अनबाळेतीर.

9

यीशु उन द्वारा हन्नेळ प्रेरतिगोळी कळुकु आगोद
(मत्ती १०:५-१५; मरकुस ६:७-१३)

1 बाक यीशु तान हन्नेळ चेलागोळी तान हात्ती कारदुन आंदरी सप्पा दुष्टआत्मागोळ अदकि बमिरगोळी दुर माळोद सामर्थ्य अदकि अधिकार कोट्टुन, 2 अदकि आंदरी परमेश्वर उन स्वर्गीय राज्य अनन्द प्रचार माळली अदकि बमिरगोळी वळ्ळीद माळोद साटी कळुदुन. 3 यीशु आंदुर से अंदुन, “तान यात्रा अनन्द साटी येनु वोयबाळेतीर, ना रा कोल, ना झ्वारा, ना रोटी, ना पैस्या

अदकि ना येद्व-येद्व कुळता. ⁴ जो यातोदु मान्या नीव ईळदीर, अल्या ईरी, अदकि अल टु उच वदि आगी. ⁵ *जो यावारा नीमी ग्रहण माळालुर, आ नगर टु होळावती तान कालगोळ्द धुळा झाळ्स् बुळी कि आंदुर मा गवाही आगुल.”

⁶ इदुरसाटी आंदुर होटकु ऊरा-ऊरा खुशखबरी केळसोर, अदकि हर जागा दा लाँकुरी चंगा माळ्त् टेटतेला ईत्तुर.

राजा हेरोदेस उन परेशानी
(मत्ती १४:१-१२; मरकुस ६:७-२९)

⁷ द्याश इन चौथाई इन राजा हेरोदेस याग ई सप्पा घटनागोळ बारा दा केळदुन रा आव हापाळ घबूसेदुन, यतकी थ्वाळासा लाँकुर अंदुर कियूहन्ना बपतस्मा कोळावाळा सोत्तुर दा टु जत्तिता आग्यान, ⁸ अदकि थ्वाळासा लाँकुर ईद अंदुर कियुलियाह काळस्यान, अदकि थ्वाळासा दुसरा लाँकुर ईद अंदुर कियुहाळोद भवषियवक्तागोळ दा टु यावारा जत्तिता आग्यान. ⁹ लेकीन हेरोदेस अंदुन, “यूहन्ना अनूद रा ताल्ला ना कळसुसीदीन, ईग ई मंळसा याव हुन यार्द बारा दा ना हगि मातगोळ केळेतीन?” अदकि आव यीशु उक नोळोद प्रयत्न माळतेला ईत्तुन.

यीशु अईद हजार लाँकुरी तनिसदुन
(मत्ती १४:१३-२१; मरकुस ६:३०-४४; यूहन्ना ६:१-१४)

¹⁰ बाक प्रेरतिगोळ वापस बंदकु जो येनारा आंदुर माळीदुर, यीशु उक हेळ बुदुर; अदकि यीशु आंदरी अलग माळकु बैतसैदा हेसुर इन नगर दा ओतुन. ¹¹ ईद जान्सकु भीळ आऊन हदि आगेत, अदकि आव खुशी देल आंदुर से मलिसदुन, अदकि आंदुर से परमेश्वर उन राज्य अनूद मातगोळ हेळली कुरतुन, अदकि जो चंगा आगोद चाहासोर आंदरी चंगा माळदुन.

¹² याग द्याव आगली हत्त रा हन्नेळ चेलागोळ बंदकु यीशु से अंदुर, “भीळ इक वदि माळ कियु नाकु दकिळोद ऊरगोळ अदकि ऊरगोळ दा होगकु तान साटी ईरली जागा अदकि तनिली येनारा तरी दुंढ्स सकुल, यतकी नाव ईल सुनसान जागा दा आयेव.”

¹³ यीशु आंदुर से अंदुन, “नीव अच आंदरी तनिली इक कोळी.”

चेलागोळ अंदुर, “नाम हात्ती अईद रोटी अदकि येद्व मेनगोळी बटिकु अदकि येनु हैलेच; लेकीन हव, अगर नी चाहासत्या कियु नाव होगकु ई सप्पा लाँकुर साटी भोजन कोंडेव, रा आग सकतद.” यतकी आ लाँकुर संख्या रा अईद हजार इन हात्तीपास ईरोद. ¹⁴ आग यीशु तान चेलागोळ से अंदुन,

“लाँकुरी पचास-पचास माळकु पंगत-पंगत दा कुरस बुळी.”

¹⁵ आंदुर हगि अच माळदुर, अदकि सप्पा मुंदरी कुरस बुदुर. ¹⁶ आग आव अव अईद रोटीगोळी अदकि येद्व मेनगोळी हुळदुन, अदकि स्वर्ग दी नोळकु परमेश्वर उक धन्यवाद माळदुन, अदकि रोटी मूरू-मूरूकु चेलागोळी कोळ्त्त होदुन कियु लाँकुरी वाळसुल. ¹⁷ आग सप्पा लाँकुर तनिकु संतुष्ट आदुर, अदकि चेलागोळ ऊळ्द टुकळागोळ दा टु हन्नेळ फुटी तुमकु नेगदुर.

पतरस उन यीशु उक “मसीह” स्वीकार माळोद
(मत्ती १६:१३-२०; मरकुस ८:२७-३०)

¹⁸ याग यीशु आबना दा प्रार्थना माळोन अदकि चेलागोळ आऊन सांगुळ ईरोर, रा आव आंदुर से केळदुन, “लाँकुर नान बारा दा येन अनतार?”

¹⁹ *चेलागोळ उत्तर कोट्टुर, “यूहन्ना बपतस्मा कोळावाळा, अदकि यावारा यावारा एलियाह, अदकि यावारा ईद कियु हाळव भवषियवक्तागोळ्द दा टु यावारा जत्तिता आग्यान.”

²⁰ *यीशु आंदुर से केळदुन, “लेकीन नीव नानी येन अनतीर?”

पतरस उत्तर कोट्टुन, “परमेश्वर उन द्वारा कळुद मसीह.”

* 9:5 ९:५ प्रेरतिगोळ १३:५१ * 9:5 ९:५ लूका १०:४-११ * 9:7 ९:७ मत्ती १६:१४; मरकुस ८:२८; लूका ९:१९ * 9:19 ९:१९ मत्ती १४:१२; मरकुस ६:१४,१५; लूका ९:७,८ * 9:20 ९:२० यूहन्ना ६:६८,६९

तान सायोद बारा दा यीशु उन भवषियवाणी
(मत्ती १६:२१-२३; मरकुस ८:३१-३३)

21 आग यीशु आंदरी आदेश कोटकु अंदुन कर् ईद मात इन उल्लेख यारदु से माळबाळेतीर. 22 बाक यीशु अंदुन, “ना मळसा अन पार उन साटी जरूरी आद कर् ना दुख नेगाईन, अदकि स्याणा अदकि प्रधान याजक अदकि नयिम इन गुरु नानी तुच्छ जान्सकु कोंद बुट्टार, अदकि ना मुर दनि दा जत्तिता आगाईन.”

23 यीशु सप्पा मुंदुर से अंदुन, “अगर यावारा नान हदि बरोद चाहासतान, रा आव तान तान इक इनकार माळुल अदकि रोज जो तान जीव नान साटी क्रूस मा समर्पति माळुल आवा नान हदि आगेगुल. 24 यतकी जो यावारा तान जीव ऊळसोद चाहास्यान आव अदरी खोऊस्यान, लेकीन जो यावारा नान साटी तान जीव खोऊस्यान आव अदरी ऊळस्यान. 25 अगर मळसा पुरा दुनया अक हासलि माळुल अदकि तान जीव खोऊस बुळुल या अदुर्द हानिनेगुल, रा आऊक येन लाभ आदीत? 26 जो नान देल अदकि नान वचन देल लज्जति आगतान, आऊन देल ना मळसा अन पार भी, आ समय लज्जति आदान याग आव खुद अदकि तान आप्प उन अदकि पवतिर स्वर्गदूतगोळद महमा दा बंदान. 27 ना नीम से खरा माताळतीन, कर् जो ईल नदिरकु आर, आंदुर दा टु यारारा हगि आर कर् यागासताका परमेश्वर उन राज्य नोळतीदलि, आगासताका सायतीदील.”

यीशु उन रूपान्तर
(मत्ती १७:१-८; मरकुस ९:२-८)

28 ई मातगोळद लगभग येठ्ठ दनि इन बाद्दा यीशु पतरस, यूहन्ना अदकि याकूब उक सांगुळ हुळकु प्रार्थना माळोर साटी पहाळी मा होदुन. 29 याग आव प्रार्थना माळतेला अच ईरोन, रा आऊन चेहरा अनूद रूप बदलुसेत, अदकि आऊन कपळा बळिव आगकु चमकुसली हत्त. 30 अदकि अचानक, मूसा अदकि एलियाह, ई येढ्ढ मळसा आऊन सांगुळ मातगोळ हेळोर. 31 आंदुर स्वर्गीय महमा सहति काळसदुर अदकि यीशु उन सायोद चर्चा माळोर, जो परमेश्वर उन उद्देश यरूशलेम दा पुरा आगोद ईरोद. 32 पतरस अदकि आऊन साथीगोळ कण्णगोळ जप देल तुमकु ईरव, लेकीन याग आंदुर पूर्ण रूप देल च्याता आदुर, रा आंदुर आऊन महमा अक अदकि आ येढ्ढ मळसागोळी, जो यीशु उन सांगुळ नदिरकु ईरोर, नोळदुर. 33 याग आंदुर आऊन हात्ती टु होगली हतदुर, रा पतरस यीशु से अंदुन, “हे स्वामी, नाम्द ईल ईरोद वळलीद आदः इदुरसाटी नाव मुर हांद्रा माळेव, ऊंद नीन साटी, ऊंद मूसा अनूद साटी, अदकि ऊंद एलियाह अनूद साटी.” आव ईला जानसोन कर् आव येन माळेत्थान.

34 आव ईद माताळतेला अच ईरोन कर् ऊंद बादल बंदकु आंदरी होचकोम्त, अदकि याग चेलागोळ आ बादल देल घेरूसली हतदुर रा अंजेदुर. 35 आग आ बादल दा टु आवाज होळ्त्त, “ईव नानव पार अदकि नान चुनुसदव हुन, ईऊंद केळी.”

36 ईव आवाज आगतेला अच यीशु आबना अच काळसदुन; अदकि आंदुर सुंगा ईत्तुर, अदकि जो येनारा नोळीदुर अदुर्द बारा दा आंदुर आ दनिगोळ दा यारदारा से येनु माळीदलि.

दुष्टआत्माग्रस्त पार उक चंगा माळोद
(मत्ती १७:१४-१८; मरकुस ९:१४-२७)

37 दुसरा दनि याग यीशु अदकि आऊन मुर चेलागोळ पहाळ मा टु ईळदुर रा ऊंद धोळ्द भीळ बंदकु यीशु से मळुस्त. 38 अदकि नोळी, भीळ दा टु ऊंद मळसा चळिलासकु अंदुन, “हे गुरु, ना नीन से वनिती माळतीन कर् नान पार उन म्याकुच कृपादृष्टि माळ; यतकी आव नानव ऊंद ठैसा पार आन. 39 अदकि नोळ, ऊंद दुष्टआत्मा आऊक हुडूतद, अदकि आव अचानक चळिलासकु येळतान; अदकि अद आऊक हगि मुरकुळस्तद कर् आव बाय दा फेस तुमकु तरतान; अदकि आऊक कठनाई देल बळितद. 40 ना नीन चेलागोळ से वनिती माळदीन कर् आ दुष्टआत्मा अक तेगुल लेकीन आंदुर तेगु सकर्दील.”

✧ 9:23 ९:२३ मत्ती १०:३८; लूका १४:२७ ✧ 9:24 ९:२४ मत्ती १०:३९; लूका १७:३३; यूहन्ना १२:२५ ✧ 9:35 ९:३५ मत्ती ३:१७; १२:१८; मरकुस १:११; लूका ३:२२ ✧ 9:35 ९:३५ २ पतरस १:१७,१८

41 यीशु आंदरी उत्तर कोट्टुन, “हे अवशिवासी अदकि जदिदी लॉकुरा, ना यागासताका नीम सांगुळ ईराइन अदकि नीम सहन माळाईन? तान पार उक ईल तर.”

42 आव पार बरतेला अच ईरोन कि दुष्टआत्मा आऊक पटकुसकु मुरकुळसुत, लेकीन यीशु अशुध्द आत्मा अक दनकुसदुन अदकि पार उक वळ्ळीद माळकु आऊन आप्प उक सौप्सदुन.

43 आग सब लॉकुर परमेश्वर उन महासामर्थ्य देल चकति आदुर.

तान सायोद बारा दा यीशु उन दुसरा घन भवषियवाणी
(मत्ती १७:२२,२३; मरकुस ९:३०-३२)

लेकीन याग सब लॉकुर आ सब कयाल्सागोळ देल जो यीशु माळतोगोन, अचम्भति ईरोर, रा आव तान चेलागोळ से अंदुन, 44 “नीव ई मातगोळ मा ध्यान कोळी, यतकी ना मंळसा अन पार मंळसागोळद कय दा सौप्सकु आगाईन.” 45 लेकीन आंदुर ई मात इक ईला समसोर, अदकि ईद आंदुर से होचकु ईत कि आंदुर आऊक जान्स ईला सकुल; अदकि आंदुर ई मात इन बारा दा यीशु उक केळली अंजतोगोर.

सब से धोड्डेव याव?

(मत्ती १८:१-५; मरकुस ९:३३-३७)

46 *बाक आंदुरदा ईद वविाद आगली कुरत किनाम दा टु धोळ याव आन. 47 लेकीन यीशु आंदुरद मन इन वचिर जान्स कोंडुन, अदकि ऊंद पार उक हुळकु तान हात्ती नीदूरसदुन, 48 *अदकि आंदुर से अंदुन, “जो यावारा नान हेसुर देल ई पार उक ग्रहण माळतान, आव नानी ग्रहण माळतान; अदकि जो यावारा नानी ग्रहण माळतान, आव नान कळावाळेर इक ग्रहण माळतान, यतकी जो नीम दा सब से स्याणेव टु स्याणेव आन, आवा धोड्डेव आन.”

जो वरिध दा ईला, आव पक्ष दा आन
(मरकुस ९:३८-४०)

49 आग यूहन्ना अंदुन, “हे स्वामी, नाव ऊंद मंळसा अक अपमान हेसुर देल दुष्टआत्मागोळी तेगुतेला नोळदेव, अदकि नाव आऊक मना माळदेव, यतकी आव नाम सांगुळ आगकु अपमान हदि आगालुन.”

50 यीशु यूहन्ना अदकि बाकी चेलागोळ से अंदुन, “आऊक मना माळबाळी; यतकी जो नीम वरिध दा हैलेच, आव नीम्द सांगुळ आन.”

सामरीयागोळ द्वारा यीशु उन वरिध

51 याग यीशु उन स्वर्ग दा नेगुकु आगोद दनि हात्ती बरली हतदव रा आव यरूशलेम होगोद मजबूत नश्चय माळदुन. 52 आव तान मुंद स्वर्गदूत कळुदुन. आंदुर सामरीगोळद ऊंद ऊर दा होदुर कि आऊन साटी जागा तयार माळुल. 53 लेकीन आ लॉकुर आऊक ईळु गोटीदील, यतकी आव यरूशलेम होगोन. 54 ईद नोळकु यीशु उन चेलागोळ याकूब अदकि यूहन्ना अंदुर, “हे प्रभु, येन नी चाहासत्या कि नाव आग्या कोट्टेव, कि आकाश टु बेक्की बळिसुसकु आंदरी भसम माळसुस बुळुल?”

55 लेकीन यीशु तरिगुकु आंदरी दनकुसदुन. 56 यीशु अदकि आऊन चेलागोळ दुसरा ऊर दा होटोदुर.

यीशु उक मानसावाळेर ह्यांग ईर पायजे
(मत्ती ८:१९-२२)

57 याग आंदुर हादी देल होगोर, रा चेलागोळ दा टु यावारा यीशु से अंदुन, “यल-यल नी होद्या, ना नीन हदि आगेगाईन.”

58 यीशु आऊन से अंदुन, “कोल्यागोळ गुफा अदकि आकाश इन पक्षीगोळ ग्वादा ईरताव, लेकीन ना मंळसा अन पार उन साटी ताल्ला होचकोमोर साटी भी जागा हैलेच.”

59 यीशु दुसरा से अंदुन, “नान हदि आगेग.”

आव अंदुन, “हे प्रभु, नानी पयले होगगोळ कतिान आप्प उक नळसाईन.”

60 यीशु आऊन से अंदुन, “सोद्द मंळसागोळी तान मुरदा नळसगोळ, लेकीन नी होगकु परमेश्वर उन राज्य अन्द पुरा प्रचार माळ.”

61 ऊंद मात्त मंळसा भी अंदुन, “हे प्रभु, ना नीन हदि आगोर्गाईन; लेकीन पयले नानी होगगोळ कतिान मान्ना अन्द लॉकुर से वदि ताकोमकु बराईन.”

62 यीशु आऊन से अंदुन, “जो यावारा तान कय नांगर मा ईटकु हदि नोळतान, आव परमेश्वर उन राज्य अन्द लायक हैलेच.”

10

यीशु बहात्तर चेलागोळी कळुदुन

1 ई मातगोळ्द बाद्दा प्रभु यीशु मात्त बहात्तर मंळसागोळी नयिक्त माळदुन, अदकि याता-याता नगर अदकि जागा अक आव होगली ईरोन, अल आंदरी येद्व-येद्व माळकु तान मुंद कळुदुन. 2 *यीशु आंदुर से अंदुन, हण्ण केई हापाळ आव, पर क्याल्सा माळावाळेर मजदुर गोर्त आर; इदुरसाटी फसल इन स्वामी से वनिती माळी क्ति आव तान फसल कडोर साटी मजदूर कळु बुळुल. 3 *होगी; ना नीमी म्यांडागोळ घाई लांडग्यागोळ न्याड्या कळुतीन. 4 इदुरसाटी तान सांगुळ ना चीला, ना झ्वारा, ना केरूगोळ हुडी; अदकि ना हादी मा यारदारा से नमस्कार माळी. 5 यातारा मान्या होगी, पयले अनी, “ई मान्ना मा कल्याण आगुल.” 6 अगर अल यावारा कल्याण इन लायक ईतीदान, रा नीम कल्याण आऊन मा ईत्तीत, ईलारा नीम हात्ती वापस बंदीत. 7 *अदा मान्या ईरी, अदकि जो येनारा आंदुर से सक्कीत, अदा तर्नी-कुडी, यतकी मजदूर उक तान मजदूरी सकि पायजे; मान्या-मान्या टेटवाळेतीर. 8 या नगर दा नीव होगी, अदकि अलेर लॉकुर याग नीम स्वागत माळ्यार रा जो येनारा नीम मुंद ईटकु आदीत अदा तर्नी. 9 अलेर बमिरगोळी चंगा माळी अदकि आंदुर से अनी, “परमेश्वर उन राज्य हात्ती होट बंदाद.” 10 *लेकीन या नगर दा होदरि, अदकि अलेर लॉकुर नीमी ग्रहण माळतीदील, रा आंदुरद गलीगोळ दा होगकु अनी, 11 *नीम वरिध दा नाव नीम नगर इन धुळा अक भी जो नाम कालगोळ मा हत्याद झाळस कोळतेव; फरि भी ईद जान्स कोमी क्ति परमेश्वर उन राज्य नीम हात्ती होट बंदाद.” 12 *ना नीम से अनतीन क्ति आ दनि परमेश्वर न्याय माळ्यान आ दशी सदोम इन दशा आ नगर से हापाळ गुणा सहन माळा लायक ईत्तीत.

अवशिवासी नगरगोळी धक्कार

(मत्ती ११:२०-२४)

13 “हाय खुराजीन! हाय बैतसैदा! जो सामर्थ्य ईनव क्याल्सा नीम दा माळकु आदव, अगर अव सूर अदकि सैदा दा माळकु आगायदव रा बाँरा होदुकु अदकि राख दा कुर्तकु आंदुर यागुटु मन तरिगुसायदुर. 14 लेकीन न्याय इन दनि सूर अदकि सैदा अन्द दशा नीम से यक्कुल सहन माळा लायक ईत्तीत. 15 अदकि हे कफरनहूम, येन नी स्वर्ग ताका म्याकुच नेगुकु आदया? नी पाताल लोक ताका ल्यालमा होदया.”

16 *यीशु तान चेलागोळ से अंदुन, “जो नीम केळतान, आव नान केळतान; अदकि जो नीमी तुच्छ जान्सतान, आव नानी तुच्छ जान्सतान; अदकि जो नानी तुच्छ जान्सतान, आव नान कळावाळेर इक तुच्छ जान्सतान.”

बहात्तर चेलागोळ्द वापस बरोद

17 आंदुर बहात्तर चेलागोळ खुशी माळतेला बंदुर अदकि अनली हतदुर, “हे प्रभु, नीन हेसुर देल दुष्टआत्मा भी नाम आग्या मान्सताव.”

* 10:2 १०:२ मत्ती ९:३७,३८ * 10:3 १०:३ मत्ती १०:१६ * 10:7 १०:७ १ कुरन्थि ११:१४; १ तीमुथियुस ५:१८ * 10:10 १०:१० प्रेरतिगोळ १३:५१ * 10:11 १०:११ मत्ती १०:७-१४; मरकुस ६:८-११; लूका ९:३-५ * 10:12 १०:१२ मत्ती ११:२४; मत्ती १०:१५ * 10:16 १०:१६ मत्ती १०:४०; मरकुस ९:३७; लूका ९:४८; यूहन्ना १३:२०

18 यीशु आंदुर से अंदुन, “ना शैतान उक बजिली इन घाई स्वर्ग टु बळिस नोळीन. 19 केळी, काना नीमी हाव अदकि पुरा सामर्थ्य मा अधिकार कोटीन; अदकि नीमी येनु हानि आगतीदील. 20 फरि भी ईदुर देल खुश आगबाळी काना आत्मा नीम वश दा आद, लेकीन इदुर देल खुश आगी काना नीम हेसुर स्वर्ग दा लखिसकु आद.”

यीशु उन खुश आगोद

(मत्ती ११:२५-२७; १३:१६,१७)

21 आ समय यीशु पवतिर आत्मा दा आगकु खुशी देल तुम्हेदुन, अदकि अंदुन, हे आप्पा, स्वर्ग अदकि पृथ्वी नव प्रभु, ना नीन धन्यवाद माळतीन काना ई मातगोळी आंदुर से जो ग्यानी आर अदकि कलत माळकु लॉकुर से होचकोमकु ईट्ट, अदकि चकिोरगोळ मा प्रगट माळद. हव, हे आप्पा, यतकी नीनी ईदा वळलीद हतत.

22 *नान आप्पा नानी सप्पा येनारा सोप्स बुट्टुन; अदकि याऊ जान्सालुन काना पार याव हुन सरिफ आप्पा, “अदकि आप्पा याव हुन ईद भी याऊ जान्सालुन सरिफ पार अदकि आव यार मा पार अदरी प्रगट माळोद चाहासतान.”

23 आग चेलागोळ दी तरिगकु आबना दा अंदुन, “धन्य आव अव कण्णगोळ, जो ई मातगोळ जो नीव नोळतीर अव नोळताव. 24 यतकी ना नीम से अनतीन काना हापाळ सा भवष्यवक्तागोळ अदकि राजागोळ चाहासदुर काना जो मातगोळ नीव नोळतीर आंदुर नोळुल पर नोळीदील, अदकि जो मातगोळ नीव केळतीर आंदुर केळुल पर केळीदील.”

दयालु सामरी इन उदाहरण

25 *अदकि ऊंद व्यवस्थापक येदुन अदकि ईद अनतेला यीशु उन परीक्षा माळली कुरतुन, “हे गुरु, अनन्त जीवन सकोद साटी ना येन माळाईन?”

26 यीशु आऊन से अंदुन, “मूसा अन्द व्यवस्था दा येन लखिसकु आद? नी ह्यांग वाचुसत्या?”

27 आव उत्तर कोट्टुन, “मूसा अन्द व्यवस्था अनतद, “नी प्रभु तान परमेश्वर से तान सप्पा मन अदकि तान सप्पा जीव अदकि तान सप्पा शक्ति अदकि तान सप्पा बुद्धी इन सांगुळ प्यार ईट अदकि तान मान्ना हातळोर से तान घाई प्यार ईट.”

28 यीशु आऊन से अंदुन, “नी बराबर उत्तर कोट्ट, ईदा माळ रा नी जतित्ता ईत्या.”

29 लेकीन आव तान तान इक न्यायी ठहरसोद इच्छा देल यीशु से केळदुन, “रा नान मान्ना हातळोर याव हुन?”

30 यीशु उत्तर कोट्टुन, “ऊंद मंळसा यरूशलेम टु यरीहो अक होगोन काना डाकूगोळ आऊक घेरसकु आऊन कपळा ईळस बुट्टुर, अदकि बडु माळकु आऊक सायोर साटी बटिकु होटोदुर. 31 अदकि हगि आत काना अदा हादी देल ऊंद याजक होगोन, लेकीन आऊक नोळकु आव अनदेखा माळदुन अदकि होटोदुन. 32 ईदा रीति देल ऊंद लेवी भी आ जागा मा बंदुन, आव भी आऊक अनदेखा माळकु होटोदुन. 33 लेकीन ऊंद सामरी जाती नव यात्री अल टु होगोन, अदकि आऊक नोळकु आऊन मा तरस तदिन. 34 आव आऊन हात्ती बंदकु आऊन जखमगोळ मा याणणा अदकि अंगुर इन रास्सा हाक्कु पट्टी कटदुन, अदकि तान सवारी मा येरसकु आऊक सरई दा ओतुन, अदकि आऊन स्यावा टहल माळदुन. 35 दुसरा दिन आव येदुद बेळली इन सकिका तेगुकु सरई इन मालकि उक कोट्टुन, अदकि अंदुन, ‘ईऊन स्यावा टहल माळेत, अदकि जो येनारा अपमान दी टु हत्तीत, अद ना वापस बंदुर मा नीनी तुम कोळाईन.’”

36 ईग यीशु “नीन वचार देल ई मूरु दा टु आ मंळसा अन्द जो डाकूगोळ कय दा सकिकेगीदुन, याव मान्ना हातळोर आदुन?”

37 आव अंदुन, “आवा याव आऊन मा दया माळदुन.”

यीशु आऊन से अंदुन, “होग, नी भी हगि अच माळ.”

मार्था अदकि मरयिम इन मान्या यीशु

38 *याग आंदुर होगोर रा यीशु ऊंद ऊर दा होदुन, अदकि मार्था हेसुर इनोर ऊंद आरत यीशु उन तान मान्या स्वागत माळदुर. 39 मरयिम हेसुर इनोर आकनि ऊंद आकतींग ईरोर. आक प्रभु उन कालगोळ दी कुरतकु आऊन वचन केळतोगोर. 40 लेकीन मार्था स्यावा माळत-माळत व्याकुल आगेदुर, अदकि आऊन हात्ती बंदकु अनली हतदुर, “हे प्रभु, येन नीनी येनु अच चनिता हैलेच कानान आकतींग नानी स्यावा माळोद साटी आबना अच बटि बुटार? इदुरसाटी आकनि से अन कानान सहायता माळुल.”

41 प्रभु आक इक उत्तर कोट्टुन, “मार्था, हे मार्था; नी हापाळ मातगोळद साटी चनिता माळत्या अदकि व्याकुल आगत्या. 42 लेकीन ऊंद मात जरूरी आद, अदकि आ वळ्लीद भाग इक मरयिम चुनुस कोंडार जो आकनि से कस्तकु आगतीदील.”

11

यीशु आंदरी प्रार्थना माळोद कलसदुन
(मत्ती ६:९-१३)

1 यीशु यातोदारा जागा दा प्रार्थना माळोन. याग यीशु प्रार्थना माळ कोंडुन, रा आऊन चेलागोळ दा टु ऊंद चेला आऊन से अंदुन, “हे प्रभु, ह्यांग नीर-संस्कार कोळावाळा यूहन्ना तान चेलागोळी प्रार्थना माळोद कलस्यान हांग अच नामी भी नी कलसबुळ.”

2 यीशु आंदुर से अंदुन, याग नीव प्रार्थना माळी रा अनी: हे आप्पा:
नीन हेसुर पवतिर मानसकु आगुल,

नीन राज्य बरूल.

3 नाम हागुल तरिमुद रोटी रोज-रोज नामी कोळतोग,

4 ह्यांग नाव तान हर ऊंद अपराधीगोळी माफ माळतेव,
हांग अच नी भी नाम पापगोळी माफ माळ,
अदकि नामी परीक्षा दा तरबाळ.

5 आग यीशु आंदुर से अंदुन, “नीम दा टु याव आन कान आऊन संगी आगुल, अदकि आव आरथा ईळलकी आऊन हात्ती होगकु आऊन से अनुल, हे संगी; नानी मुर रोटीगोळ कोळ. 6 यतकी ऊंद यात्री संगी नान हात्ती बंदान, अदकि आऊन तनिसोर साटी नान हात्ती येनु हैलेच.” 7 अदकि आव तान मन इन बुळक टु उत्तर कोळुल, “नानी माळवाळ; ईग रा दरवाजा बंद आद अदकि नान चकिोर नान हात्ती हासक्या मा आर, इदुरसाटी ना यदकु नीनी रोटी कोळ सकालीन?” 8 ना नीम से अनतीन, अगर आव आऊन संगी हुन तरी भी आव आऊक यदकु रोटी कोळालुन, फरि भी रोटी बेळावाळा तान शरम बटिकु बेळुल रा ईद कारण आव यदकु आऊक याट जरवत आद आस रोटी कोट्टान.

9 अदकि ना नीम से अनतीन कानि बेळी, रा नीमी कोटकु आदीत; दुंडसी, रा नीमी सकिकीत; ठोकसीर, रा नीम साटी तेरूकु आदीत. 10 यतकी जो यावारा बेळतान, आऊक कोटकु आगतद; अदकि जो दुंडसतान, आऊक सकितद; अदकि जो ठोकसतान, आऊन साटी तेरूकु आगतद. 11 नीम दा टु हगि याव आप्प आन, कान आऊन पार मेन बेळतान*, रा मेन इन जागा आऊक हाव कोळतान? 12 या तत्ती बेळुल रा आऊक चेळ कोळुल? 13 इदुरसाटी याग नीव बुरा ईतकु तान चकिोरी वळ्लीद वस्तु कोळोद जानसतीर, रा नीम स्वर्गीय आप्प तान बेळावाळेरी पवतिर आत्मा यती कोळतीदील.

यीशु अदकि बालजबूल

(मत्ती १२:२२-३०; मरकुस ३:२०-२७)

14 बाक यीशु ऊंद दुष्टआत्मा अक जो आऊन बुळक होगदुर मा आ मळसा माताळ ईला सकोन आ दुष्टआत्मा अक तेगदुन. याग दुष्टआत्मा होट बुळत रा मुक्का मळसा माताळली कुरतुन;

* 10:38 १०:३८ यूहन्ना ११:१ * 11:11 ११:११ ईद वाचा हर ऊंद हस्तलेखा दा लखिसकु हैलेच.

अदकि लॉकुरी अचम्भा आत. 15 *लेकीन आंदुर दा टु थ्वाळासा लॉकुर अंदुर, “ईव रा बालजबूल हेसुर ईनव दुष्टआत्मागोळव सरदार उन मदत देल दुष्टआत्मागोळी तेगुतान.”

16 *दुसरा लॉकुर यीशु उन परीक्षा माळोर साटी आऊन से आकाश इन चमत्कार बेळदुर जो हगि तोरसुल कऱि परमेश्वर आऊन सांगुळ आन. 17 लेकीन आव आंदुर मन इन मातगोळी जान्सकु, आंदुर से अंदुन, “या-या राज्य दा फूट बळितद, अद राज्य बरबाद आगोगतद; अदकि या मान्या फूट बळितद, अद नाश आगोगतद. 18 अगर शैतान तान अच वरिधी आगोगुल, रा आऊन राज्य ह्यांग बन्सकु ईत्तीत? यतकी नीव नान बारा दा रा अनतीर कऱि ईव बालजबूल उन सहायता देल दुष्टआत्मा तेगुतान. 19 भला अगर ना बालजबूल उन सहायता देल दुष्टआत्मागोळी नेगुतीन, रा नीम मानसावाळेर यार सहायता देल तेगुतार? इदुरसाटी आंदुर अच नीम न्याय माळावाळेर आदार. 20 लेकीन अगर ना परमेश्वर उन आत्मा अन्द सहायता देल दुष्टआत्मागोळी नेगुतीन, रा परमेश्वर उन राज्य नीम हात्ती होट बंदाद.

21 “याग ताकतवर मंळसा हथयार हुडुकु तान हवेली इन रखवाली माळतान, रा आऊन संपत्ती ऊळदकु ईरतद.” 22 पर याग आऊन से धोडडेव यावारा मात्त ताकतवर मंळसा चढाई माळकु अदरी जीक्स कोमतान, रा आऊन अव हथयार यऊर मा आऊक भरोसा ईरोद, कस्त कोमतान अदकि आऊन संपत्ती कस्तकु वाट्स बुळतान.

23 *जो नान सांगुळ हैलेच आव नान वरिध दा आन, अदकि जो नान सांगुळ जमा माळालुन आव बगरस्तान.

दुष्टआत्मा अन्द वापसी (मत्ती १२:४३-४५)

24 “याग दुष्टआत्मा मंळसा दा टु होट बुळतद रा वंळगीद जागागोळ दा आराम हुंढसतेला टेटतद, अदकि याग जागा सकाल रा अनतद, ‘ना तान अदा मान्या दा यल टु ना होटीदनि होटोगाईन.’ 25 अदकि बंदकु आ मानना अक झाळ-झुळसकु अदकि सजुसकु नोळतद. 26 आग अद होगकु तान से बेकार येळ अदकि आत्मागोळी तान सांगुळ तरतद, अदकि अव आ मान्या होक्कु अल नवास माळताव, अदकि आ मंळसा अन्द दशा पयला टु भी बेकार आगोगताव.”

खरा सुख

27 याग यीशु ईव मातगोळ अनतेला अच ईरोन रा भीळ दा टु यातारा आरुत धोळ्द आवाज देल अंदुर, “धन्य आद अद गर्भ यदुरदा नी इत्या अदकि अव स्तन यार्द हाल नी कुळद्या.”

28 यीशु अंदुन, “हव; लेकीन धन्य आंदुर आर जो परमेश्वर उन वचन केळतार अदकि मान्सतार.”

परमेश्वर दी टु चमत्कार अन्द मांग (मत्ती १२:३८-४२)

29 *याग धोळ्द भीळ जमा आगतोगोद रा यीशु अनली कुरतुन, “ई दुनया अन्द लॉकुर बुरा आर; आंदुर चमत्कार हुंढसतार; पर योना अन्द चमत्कार अक बटिकु यातोदारा दुसरा चमत्कार आंदरी कोटकु आगतीदील. 30 ह्यांग योना नीनवे अन्द लॉकुर साटी चमत्कार ठहरूसदुन, हांग अच मंळसा अन पार भी ई दुनया अन्द लॉकुर साटी ठहरूसयान. 31 दक्षणि इन रानी न्याय इन दशिी ई दुनया अन्द मंळसागोळ्द सांगुळ यदकु आंदरी दोषी ठहरूसयार, यतकी आक सुलैमान उन ग्यान केळली पृथ्वी इन छोर टु बंदार, अदकि नोळी, ईल आव आन जो सुलैमान से भी धोडडेव आन. 32 नीनवे नगर इन लॉकुर न्याय इन दशिी ई दुनया अन्द लॉकुर सांगुळ नदुरकु, आंदरी दोषी ठहरूसयार; यतकी आंदुर योना अन्द प्रचार केळकु पाप माळोद बटि बुटुर, अदकि नोळी, ईल आव आन जो योना से भी धोडडेव आन.

मय इन दगिया

(मत्ती ५:१५; ६:२२,२३)

33 *यावारा मंळसा दगिया होत्ताकु येल्यारा होचकु या बर्तन इन ल्यालमा ईटालुन, लेकीन

* 11:15 ११:१५ मत्ती ९:३४; १०:२५ * 11:16 ११:१६ मत्ती १२:३८; १६:१; मरकुस ८:११ * 11:23 ११:२३ मरकुस ९:४०
* 11:29 ११:२९ मत्ती १६:४; मरकुस ८:१२ * 11:33 ११:३३ मत्ती ५:१५; मरकुस ४:२१; लूका ८:१६

दीवट मा ईटतान कि बुळ्क बरावाळेर इक ऊजुळ सकिल. 34 नीन मय इन दगिया नीन कण्ण हुन, इदुरसाटी याग नीन कण्ण नरिमल आव रा नीन सप्पा मय भी ऊजुळ इन घाई आद; लेकीन याग नीन कण्णगोळ अच बुरा आव रा नीन मय भी अंधार इन घाई आद. 35 इदुरसाटी सावधान ईरेत कि जो ऊजुळ नीन दा आद अद अंधारकूप आगबाळुल. 36 इदुरसाटी अगर नीन सप्पा मय ऊजुळ आगुल अदकि अदुरद यातोदु भाग अंधार ईरबाळुल रा सप्पा अन्द सप्पा हगि ऊजुळ आदीत, हयांग आ समय आगतद याग दगिया तान चमक देल नीनी ऊजुळ कोळतद.”

नयिम इन गुरुगोळ अदकि फरीसीगोळ्द शकिषा
(मत्ती २३:१-३६; मरकुस १२:३८-४०)

37 याग यीशु उन मातगोळ हेळकु आगेगीत रा यातोवारा फरीसी आऊन से वनिती माळदुन कि नान मान्या भोजन माळ. यीशु बुळ्क होगकु भोजन माळली कुरतुन. 38 फरीसी इक ईद नोळकु अचम्भा आत कि आव ऊमोर से पयले यहूदीगोळ्द रीति इन अनुसार कय तोळददिल. 39 प्रभु आऊन से अंदुन, “हे फरीसीगोळा, नीव वाटी अदकि तंळग्या अक म्याक म्याकुच टु रा ऊदतीर, लेकीन नीम बुळ्क अंधार अदकि दुष्टता तुमकु आद. 40 हे नरिबुद्धीगोळा, याव व्हार्या अन्द भाग माळ्यान, येन आव बुळ्क इन भाग माळीदलि? 41 लेकीन हा, जो नीम हात्ती आद अद गरीबगोळी कोटबुळी, रा नोळी, सब येनारा नीम साटी शुद्ध आगेदीत.

42 “पर हे फरीसीगोळा, नीम मा हाय! नीव पदीना अदकि सुदाब इन अदकि हापाळ प्रकार इन साग पात इन दसवा अंश कोळतीर, लेकीन न्याय इक अदकि परमेश्वर उन प्यार इक टाल्स बुळतीर; माळोद रा हुन कि इवरी भी माळतेला ईरायदीर अदकि अवरी भी ईला बळायदरि.”

43 “हे फरीसीगोळा, नीम मा हाय! नीव यहूदी लॉकुरद सभागृहगोळ दा मुख्य-मुख्य आसन अदकि सात्तागोळ दा नमस्कार अदकि प्यार चाहासतीर. 44 हाय नीम मा! यतकी नीव आ होचकोमद कबरगोळ घाई आईर, यार मा लॉकुर नळुतार लेकीन अरालुर.”

45 आग ऊद व्यवस्थापक आऊक उत्तर कोट्टुन, “हे गुरु, ई मातगोळ्द अंदुर देल नी नाम अपमान माळत्या.”

46 आव अंदुन, “हे व्यवस्थापकगोळा, नीम मा भी हाय! नीव हगि ओझा यदरी नेगोद कठनि आद, मंळसागोळ मा रचतीर लेकीन नीव खुद आ ओजागोळी नेगोर साटी तान ऊद बेळ्ळ भी हचालीर. 47 हाय नीम मा! नीव आ भवषियवक्तागोळ्द कबरगोळ माळतीर, यवरी नीमद अच आप्प-दादागोळ कोंद बुटीदुर. 48 इदुरसाटी नीव गवाह आईर, अदकि तान आप्प-दादागोळ्द क्याल्सागोळ देल सयमत आईर; यतकी आंदुर आंदरी कोंद बुट्टर अदकि नीव आंदुरद कबरगोळ माळतीर. 49 इदुरसाटी परमेश्वर उन बुद्धी भी अंदाद, ‘ना आंदुर हात्ती भवषियवक्तागोळ अदकि प्रेरतिगोळी कळाईन, अदकि आंदुर आंदुर दा टु यारारा अक कोंद बुट्टार, अदकि यारारा अक सतुस्यार.’ 50 ताकी यास भवषियवक्तागोळ्द खुन दुनया अन्द उत्पत्ती देल वाहुसकु आग्याद, सप्पा मुंदुरद हसिब ई दुनया अन्द लॉकुर देल ताकोमकु आगुल: 51 हाबील उक कोंदकु आगीत आगुटु हुडुकु जकरयाह अक कोन्नोद ताका, जो वेदी अदकि मंदरि इन न्याड्या दा घात माळकु आगीत. ना नीम से खरा अनतीन, ई सप्पा मुंदुरद हसिब ई समय इन लॉकुर देल ताकोमकु आदीत.

52 “हाय नीव व्यवस्थापकगोळ मा! नीव ग्यान इन कुंजी रा तान हात्ती इच ईटदीर, लेकीन नीव खुद अच प्रवेश माळीदलि, अदकि प्रवेश माळावाळेर इक भी रोक्स बुट्टीर.”

53 याग यीशु अल टु होट्टुन, रा नयिम इन गुरु अदकि फरीसी कय तोळकु आऊन हदि बदिदुर अदकि हापाळ धोळ्द वाद माळली हतदुर कि आव हापाळ सा मातगोळ्द चर्चा माळुल, 54 अदकि घात मा हतकु ईत्तुर कि आऊन बाय इन यातोदारा मात हुडुल.

12

पाखंड इन वरिद्ध चैतावनी
(मत्ती १०:२६,२७)

1 *ईट्टुर दा याग हजारो लाँकुरद भीळ हत्तेत, ईल ताका की आंदुर आबुर दाबुर मा बळिली आगतोगोर, रा यीशु सब से पयले तान चेलागोळ से अनली कुरतुन, “फरीसीगोळ्द कपटरूपी खमीर देल सावधान ईरतीर. 2 *येनु होचकु हैलेच, जो तेरूकु आगतीदील; अदकि ना येनारा होचकु आद, जो जान्सकु आगतीदील. 3 इदुरसाटी जो येनारा नीव अंधार दा अंदीर, अद ऊजुळ दा केळकु आदीत; अदकि जो नीव बुळ्क इन कमरागोळ दा कानो कान अंदीर, अद छत मा टु प्रचार माळकु आदीत.

यार देल अंजेव?
(मत्ती १०:२८-३१)

4 “ना नीम से जो नान संगी हुईर अनतीन कजिो मय इन घात माळतार लेकीन अदुरद हदि मात्त येनु माळ सकालुर, आंदुर से अंजबाळी. 5 ना नीमी चेतावनी कोळतीन कियार से अंज पायजे, घात माळदुर बाददा यार इक नरक दा हाक्कोद अधकार आद, आ परमेश्वर से अच अंजी; हव, ना नीम से अनतीन, आऊन से अच अंजी.

6 “येन येढ्ढ पैस्या अनद अईद चमिणी पक्षी मारालव? तरी भी परमेश्वर अऊर दा टु ऊंद जीव इक भी मारालुन. 7 नीमव ताल्ला अनद सप्पा चुट्टी भी आळुकु आव, इदुरसाटी अंजबाळी, नीव हापाळ चमिणीगोळ से भी कमिती आईर.

यीशु उक स्वीकार या अस्वीकार माळोद
(मत्ती १०:३२,३३; १२:३२; १०:१९,२०)

8 “ना नीम से अनतीन जो यावारा मंळसागोळ मुंद नानी मान्स कोंडान आऊक मंळसा अन पार भी परमेश्वर उन स्वरगदूतगोळ्द मुंद मान्स कोंडान. 9 लेकीन जो मंळसागोळ्द मुंद नान इनकार माळुल आऊन परमेश्वर उन स्वरगदूतगोळ्द मुंद इनकार माळकु आदीत.

10 *जो यावारा मंळसा अन पार उन वरिध दा यातोवारा मात अनुल, आऊन अद अपराध माफ माळकु आदीत, लेकीन जो पवतिर आत्मा अनद अपमान माळुल, आऊन अपराध माफ माळकु आगतीदील.

11 *याग लाँकुर नीमी सभागोळ अदकि न्यायाधीशगोळ अदकि अधिकारीगोळ्द मुंद ओतार, रा चनिता माळबाळेतीर की नाव याता रीति देल या येन उत्तर कोट्टेव, या येन अंदेव. 12 यतकी पवतिर आत्मा अदा समय नीमी कल्स बुट्टीत की येन अनोद आद.”

ऊंद धनवान मूरख मंळसा अनद उदाहरण

13 बाक भीळ दा टु ऊंद मंळसा यीशु से अंदुन, “हे गुरु, नान वार्ट से अन की आप्प उन संपत्ती नान सांगुळ वाट्स कोमुल.”

14 आव आऊन से अंदुन, “हे मंळसा, याव नानी नीन न्यायी या बटवारा माळावाळा नयिक्त माळ्यान?” 15 अदकि आव आंदुर से अंदुन, “सावधान ईरी, अदकि हर प्रकार इन लोभ देल तान तान इक ऊळ्सकु ईटी; यतकी यारदारा जीवन आऊन संपत्ती मा नरिभर ईराल्द.”

16 यीशु आंदुर से ऊंद उदाहरण अंदुन: “यावारा धनवान उन जमीन मा धोळ उपज आत. 17 आग आव तान मन दा वचिार माळली कुरतुन, ‘ना येन माळाईन? यतकी नान अल जागा हैलेच यल तान उपज ईट सकाईन.’ 18 अदकि आव अंदुन, ‘ना ईद माळाईन: ना तान लेल इन खर्यान मुरदकु अदुर से वळ्दीद माळाईन; अदकि अल तान सप्पा अनन अदकि संपत्ती ईटाईन; 19 अदकि ना खुद तान जीव से अनाईन की, नीन हात्ती हापाळ वर्ष इन साटी हापाळ संपत्ती ईटकु आद; चैन ईट, तनि, कुडू, वळ्दीद देल ईर.’ 20 लेकीन परमेश्वर आऊन से अंदुन, हे मूरख! ईदा ईळ्लक नीन जीव नीन से ताकोमकु आदीत; आग जो येनारा नी जमा माळ्या अद यारद आदीत?

21 “हगि अच आव मंळसा भी आन जो तान साटी धन जमा माळतान, लेकीन परमेश्वर उन नजर दा धनी हैलेच.”

परमेश्वर मा भरोसा ईटी
(मत्ती ६:२५-३४)

* 12:1 १२:१ मत्ती १६:६; मरकुस ८:१५ * 12:2 १२:२ मरकुस ४:२२; लूका ८:१७ * 12:10 १२:१० मत्ती १२:३२; मरकुस ३:२९ * 12:11 १२:११ मत्ती १०:१९,२०; मरकुस १३:११; लूका २१:१४,१५

22 बाक यीशु तान चेलागोळ से अंदुन, “इदुरसाटी ना नीम से अनतीन, तान जीव इन चनिता माळबाळी कनिाव येन तनिदेव; ना तान मय इन कयिेन हाक्केव. 23 यतकी भोजन से जीव, अदकि फळक्यागोळ से मय कमिती आद. 24 आकाश ईनव पक्षीगोळी नोळी; अव ना बीजा हचताव, ना कोयताव; ना तान तनिा जागा दा संगरूस्कु ईटताव; तरी भी परमेश्वर अवरी पालसतान. नीम कमित रा पक्षीगोळ से हापाळ यक्कुल आद! 25 नीम दा टु हगि याव आन जो चनिता माळकु तान जदिगी दा ऊंद घळी भी वाळुस सकतान? 26 इदुरसाटी अगर नीव सब से स्याळ्द क्याल्सा भी माळ सकालीर, रा दुसरा मातगोळ्द साटी येती चनिता माळतीर? 27 आळी दाकळव फूलगोळ मा ध्यान माळी कनिाव ह्यांग वाळुसताव, ना तान साटी फळक्यागोळ माळताव; तरी भी ना नीम से अनतीन कनिा सुलैमान राजा भी तान पुरा जीवन दा, अऊर दा टु यारदु घाई कपळा हाक्कु ईला ईरोन. 28 इदुरसाटी अगर परमेश्वर मैदान इन काड्डा अक, जो ईद आद अदकि नाळ बेक्की दा झोक्सकु आदीत, हगि कपळा हाकसुसतान; रा हे अल्पवशिवासीगोळा, आव नीमी येती हाकसुसतदिलि?”

29 “अदकि नीव ई मात इन खोज दा ईरबाळी कनिा येन तनिदेव अदकि येन कुळदेव, अदकि वचिरा भी माळबाळी. 30 यतकी ई दुनया अनूद लॉकुर ई सप्पा वस्तुगोळ्द खोज दा ईरतद: अदकि नीम आप्प जानसतान कनिा नीमी ई वस्तुगोळ्द जरवत आद. 31 लेकीन आऊन राज्य अनूद खोज दा ईरी, रा ई वस्तुगोळ भी नीमी सकिकेदव.”

स्वर्गीय धन

(मत्ती ६:१९-२१)

32 “हे नान स्याळ्द झुण्ड इन लॉकुरा, अंजबाळी; यतकी नीमव आप्प प्रसनता देल, नीमी राज्य कोळोद चाहास्यान. 33 तान संपत्ती मारकु दान माळबुळी; अदकि तान साटी हगि चीलागोळ माळी जो हाळोदव आगालव, मतलब स्वर्ग दा धन जमा माळी जो कम आगाल अदकि यऊर हात्ती काळल होगालुन, अदकि कळी भी बगिळुसाल. 34 यतकी यल नीम धन आद, अल नीम मन भी हतकु ईत्तीत.”

जागसतेला ईरी

35 *नीम नेळुगोळ कटकु ईरूल अदकि नीम दगिया होत्ताकु ईटी, 36 *अदकि नीव आ मंळसागोळ घाई बनसी, जो तान स्वामी इन हादी कायेत्यार कनिाव मदा दा टु याग बंदान, कयाग आव बंदकु दरवाजा ठोकसुल रा तुरन्त आऊन साटी तेरू बुळुल 37 धन्य आर आ दासगोळ यारी स्वामी बंदकु च्याता नोळुल; ना नीम से खरा अनतीन कनिाव नेळु कटकु आंदरी भोजन माळली कुरस्यान, अदकि हात्ती बंदकु आंदुरद स्यावा माळ्यान. 38 अगर आव ईळ्लक इन दुसरा पहर या तसिरा पहर इक बंदकु आंदरी च्याता नोळुल, रा आ दासगोळ धन्य आर.

39 *लेकीन “नीव ईद ध्यान ईटी कनिा अगर मान्ना अनूद स्वामी अरायदुन कनिा काळल याता समय बंदान, रा च्याता ईरायदुन अदकि तान मान्या मान्ना अन काळलपनी ईला आग गोळायदुन.” 40 नीव भी तयार ईरी; यतकी याता घळी नीव भी सोचालीर, अदा घळी ना मंळसा अन पार होट बंदान.

वशिवासलायक या अवशिवासलायक दास

(मत्ती २४:४५-५१)

41 आग पतरस अंदुन, “हे प्रभु, येन ईद उदाहरण नी नाम से अच या सप्पा मुंदुर से अनत्या.” 42 प्रभु अंदुन, आव वशिवासलायक अदकि बुद्धिमान सेवक याव हुन, यारद मुनीम आऊक नौकर चाकरगोळ्द म्याकुच अधिकारी नयिकुत माळुल कनिा आंदरी समय मा भोजन सामग्री कोळुल. 43 धन्य आन आव दास, यारी आऊन स्वामी बंदकु हगि अच माळ्त नोळुल. 44 ना नीम से खरा अनतीन, आव आऊक तान सप्पा संपत्ती मा अधिकारी नयिकुत माळ्यान. 45 लेकीन अगर आ दास तान मन दा ईद अनुल कनिान स्वामी हापाळ समय देल बंदान, अदकि दास अदकि दासीगोळी बडुली-मेटली हतुल अदकि तदिर-कुळदुर दा हत्त ईतकु नशा दा चूर ईरूल. 46 रा आ दास उन स्वामी

हगि दनि, याग आव आऊन हादी ईला कायतीदान, अदकि हगि समय यदरी आव जान्सालुन, बंदान अदकि आऊक भारी दण्ड कोटकु आऊन जागा अवशिवासीगोळ्द सांगुळ ठहरूस्यान.

47 आ दास जो तान स्वामी इन इच्छा जानसोन, पर तयार आगकु आऊन इच्छा अन्द अनुसार कार्य माळीदलि, हापाळ बळ्सकोंडान. 48 लेकीन जो ईद ईला जान्सकु बळ्सकोमोद कार्य माळुल आव कम बळ्सकोंडान. इदुरसाटी यारी हापाळ कोटकु आग्याद, आऊन से हापाळ बेळकु आदीत; अदकि यारी हापाळ सौप्सकु आग्याद, आऊन से हापाळ ताकोमकु आदीत.

यीशु उन कारण फूट बळ्ळोद
(मत्ती १०:३४-३६)

49 “ना पृथ्वी मा बेक्की हचली बंदीन; अदकि नान हापाळ इच्छा आद कि अद बेक्की ईगल्या हत्तेगाईत! 50 नानी रा दुसरा प्रकार देल बपतस्मा ताकोमोद आद, अदकि यागासताका अद पुरा आगाल आगासताका ना ह्यांग दुवधा दा ईराइन! 51 नीव येन सम्सतीर कि ना धरती मा मलिाप माळसुसली बंदीन? ना नीम से अनतीन; ईला, उलटा ब्यार्र माळसुसली बंदीन. 52 यतकी ईगी टु ऊंद मान्या दा अईद मुंदुर आपस दा दुश्मनी ईट्यार, मुर मुंदुर येदढ मुंदुर से अदकि येदढ मुंदुर मुर मुंदुर से. 53 आप्प पार उन, अदकि पार आप्प उन खलिाप होदान; मोय पोर इन, अदकि पोर मोय इन, आत्त सास्सा अन्द, अदकि सास्स आत्ता अन्द खलिाप होदार.”

समय इन चमत्कार
(मत्ती १६:२,३)

54 यीशु भीळ से अंदुन, “याग नीव बादल इक पश्चमि टु येळत नोळतीर रा तुरन्त अनतीर कि माळ बंदीत, अदकि हांग अच आगतद; 55 अदकि याग दक्षणि टु हवा नळुत नोळतीर रा अनतीर कि बसिल हत्तीत, अदकि हांग अच आगतद. 56 हे कपटीगोळा, नीव पृथ्वी अदकि आकाश इन रूप-रंग दा भेद माळ सकतीर, लेकीन ई युग इन बारा दा भेद माळोद येती जान्सालीर?”

सांगुळवाळेर सांगुळ समझौता
(मत्ती ५:२५,२६)

57 “नीव खुद अच नरिणय येती माळ कोमालीर कि उचति येन आद? 58 याग नी तान मुद्दई इन सांगुळ न्यायाधीश उन हात्ती होगेत्या रा हादी मा अच आऊन से बळिसुसोद प्रयत्न माळकोम, हगि आगबाळुल कि आव नीनी न्यायी इन हात्ती जेडुकु वोईल, अदकि न्यायी नीनी सपिाही इक सोप्सुल अदकि सपिाही नीनी बंदीगृह दा हाक बुळुल. 59 ना नीम से अनतीन कि यागासताका नी कवळी-कवळी तुम कोळतीदील आगासताका नी तान तान इक अल टु बळिस सकतीदलि.”

13

पाप माळोद बंद माळी या सोतोगी

1 आ समय थ्वाळासा लांकुर पोहचुसदुर, अदकि यीशु से आ गलीलीगोळ्द बारा दा चर्चा माळली कुरतुर, यारद खुन पलातुस माळीदुन. 2 ईद केळकु यीशु आंदुर से उत्तर दा ईद अंदुन, “येन नीव सम्सतीर कि ई गलीली येन सप्पा गलीलीगोळ से यक्कुल पापी ईरोर कि आंदुर मा हगि वपित्ती बत्ति? 3 ना नीम से अनतीन कि ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतिदेल नाश आगीदीर. 4 या, येन नीव सम्सतीर कि आंदुर अठरा मुंदुर यार मा शीलोह इन गुममट बत्ति, अदकि आंदुर दब्सकु सोतोदुर: यरूशलेम इन अदकि ईरावाळेर से यक्कुल अपराधी ईरोर? 5 ना नीम से अनतीन का ईला; लेकीन अगर नीव पाप माळोद बंद माळतीदील रा नीव सप्पा मुंदुर भी ईदा रीतिदेल नष्ट आदीर.”

बनि काय इन अंजीर इन मार्र इन उदाहरण

6 बाक यीशु ईद उदाहरण भी अंदुन: “यारदारा अंगुर इन केई दा ऊंद अंजीर इन मार्र हत्तकु ईरोद. आव अदुरदा काय ढुंढसली बंदुन, लेकीन नोळीदील. 7 आग आव बेल इन कायावाळा से अंदुन, ‘नोळ, मुर वर्ष टु ना ईद अंजीर इन मार्र दा काय ढुंढसली बरतीन, लेकीन नोळालीन. इदरी

कळद बुळ की ईद जागा अक भी येती रोकसकु ईटुल? 8 आग बेली कायावाळा उत्तर कोट्टुन, 'हे स्वामी, इदरी ई वर्ष अदकि ईरगोळ की ना इदुर नाकु दी अगुळकु खात हाक्काईन. 9 बरावाळा साल दा अगर फलस्त रा भला, ईलारा अदरी कडु कोमेत.' "

आराम इन दनि कुबळी आर्त इक चंगा माळोद

10 वशिराम इन दनि यीशु ऊंद यहूदी लॉकुरद सभागूह दा उपदेश माळोन. 11 अल ऊंद आर्त ईरोद यारी अठरा वर्ष टु ऊंद कमजोर माळावाळा दुष्टआत्मा हतकु ईरोद, अदकि आक कुबळा आगोगीदुर अदकि यातोदु रीत दिेल सीधा ईला आग सकोर. 12 यीशु आक इक नोळकु कारदुन अदकि अंदुन, "हे आर्त, नी तान कमजोरी देल वळलेर आगेद." 13 आग आव आकनि मा कय ईटदुन, अदकि आक तुरन्त सरका आगेदुर अदकि परमेश्वर उन महिमा माळली हतदुर.

14 इदुरसाटी की यीशु वशिराम इन दनि आकी वळलीसा माळीदुन, यहूदी इन यहूदी लॉकुरद सभागूह अन्द सरदार सट्टि दा बंदकु लॉकुर से अनली कुरतुन, "आर: दनि आव यदुरदा क्वाल्सा माळ पायजे अत: आ अच दनिगोळ दा बंदकु चंगा आगुल, लेकीन वशिराम इन दनि दा ईला."

15 ईद केळकु प्रभु उत्तर कोट्टुन, "हे कपटीगोळा, येन वशिराम इन दनि नीम दा टु हर ऊंद मळसा तान वस्ता या गधा अक क्वाटक्या दा टु खोल्सकु नीर कुळसली वयालीर? 16 रा येन उचति ईला ईरोद की ई आर्त जो अब्राहम इन औलाद उर यारी शैतान अठरा वर्ष टु कटकु ईटीदुन, आराम इन दनि ईद बंधन देल बळिसकु आगायदुर?" 17 याग आव ई मातगोळी अंदुन, रा आऊन सप्पा वरीधी सर्मुसेदुर, अदकि सप्पा भीळ अव महिमा अन्द क्वाल्सागोळ से जो आव माळतोगोन, खुश आदुर.

राई इन बीजा अन्द उदाहरण

(मत्ती १३:३१-३२; मरकुस ४:३०-३२)

18 बाक यीशु अंदुन, "परमेश्वर उन राज्य यार घाई आद? अदकि ना आऊन उपमा यार देल कोळाईन? 19 आव राई इन ऊंद बीजा अन्द घाई आन, यारी यावारा मळसा हुळकु तान केई दा बोऊसुदुन: अदकि अद वाळुसकु मार आगेत; अदकि आकाश इन पक्षीगोळ अदुर डगालीगोळ मा बसेरा माळदव."

खमीर इन उदाहरण

(मत्ती १३:३३)

20 यीशु बाक अंदुन, "ना परमेश्वर ऊन राज्य अन्द उपमा यार देल कोळाईन? 21 आव खमीर इन घाई आन, यदरी याकारा आर्त हुळकु हापाळ सा हीट दा मलिसुदुर, अदकि आगूत-आगूत अद सप्पा हीट खमीर आगेत."

स्याळद दरवाजा

(मत्ती ७:१३,१४-२१-२३)

22 यीशु नगर-नगर, अदकि ऊर-ऊर आगकु उपदेश माळतेला यरूशलेम इन दी होगोन, 23 रा यावारा आऊन से केळदुन, "हे प्रभु, यारी उद्धार सकितद आंदुर थ्वाळासा अच आर?"

यीशु आऊन से अंदुन, 24 "स्याळद हादी टु प्रवेश माळोद कोशशि माळी, यतकी ना नीम से अनतीन की हापाळ सा प्रवेश माळोद चाहस्यार, अदकि माळ सकतीदलि. 25 याग मानना अन्द स्वामी यदकु दरवाजा बंद माळ कोडान, अदकि नीव व्हार्या नीदुरकु दरवाजा ठोक्सकु अनी, 'हे प्रभु, नाम साटी खोल्स बुळ,' अदकि आव उत्तर कोळुल, 'ना नीमी अरालीन, नीव येलेर हुईर?' 26 आग नीव अनली हत्तीर, नाव नीन सामने तदिन-कुळदीन अदकि नी नाम सात्तागोळ दा उपदेश माळद. 27 लेकीन आव अंदान, ना नीम से अनतीन, 'ना अरालीन नीव येलेर हुईर. हे अन्याय माळावाळेरा, नीव सब नान से दुर आईर.' 28 *अल वोरलोद अदकि हल्ल कचोद आदीत; याग नीव अब्राहम अदकि इसहाक अदकि याकूब अदकि सब भवषियवक्तागोळी परमेश्वर उन राज्य दा कुरतकु नोळीर, अदकि तान तान इक व्हार्या तेगुत नोळीर. 29 अदकि पूर्व अदकि पश्चमि;

उत्तर अदकि दक्षणि टु लॉकुर बंदकु परमेश्वर उन राज्य अनूद भोज दा भागी आदार. 30 *अदकि आंदुर जो ईग हदिळोर आर आंदुर पयला आदार, अदकि जो ईग पयला आर, आंदुर हदिळोर आदार.”

यीशु उन यरूशलेम इन साटी प्यार

31 अदा घळी येनारा फरीसीगोळ बंदकु यीशु से अंदुर, “ईल टु होटकु येल्यारा अलग होटोग, यतकी हेरोदेस नीनी कोंद बुळोद चाहासतान.”

32 यीशु आंदुर से अंदुन, “होगकु आ कोल्या से अंदबुळी क्ति नोळ, ना ईद अदकि नाळ दुष्टआत्मागोळी नेगुतीन अदकि बमिरगोळी चंगा माळतीन, अदकि तसिरा दनि तांद क्यालसा पुरा माळाईन. 33 तरी नीनी ईद अदकि नाळ अदकि तसिरा दशी नळोद जरूरी आद, यतकी आगसकाल क्ति यावारा भवषियवक्ता यरूशलेम इन व्हार्या कोन्सुसकु आगुल.

34 “हे यरूशलेम! हे यरूशलेम! नी जो भवषियवक्तागोळी कोंद बुळत्या, अदकि जो परमेश्वर उन दी टु अपमान हात्ती कळुकु आग्यार आंदुर मा पथराव माळत्या. यास अच घन ना ईद चाहासदीन क्ति ह्यांग कोळी तान पाडडगोळी तांद पक्किगोळद ल्यालमा जमा माळतद, हांग अच ना भी नीन चकिरगोळी जमा माळाईन, पर नीव ईद चाहासीदलि. 35 नीम मान्ना नीम साटी उजाळ बटिकु होगतद, अदकि ना नीम से अनतीन: यागासताका नीव ईला अंदीर, धन्य आन आव, जो प्रभु ऊंद हेसुर देल बरतान, आगासताका नीव नानी बाक यागलु नोळतीदलि.”

14

आराम इन दशी चंगा माळोद

1 बाक आव आराम इन दनि फरीसीगोळ सरदारगोळ दा टु यारदारा मान्या रोटी तनिली होदुन; अदकि आंदुर आऊंद घात दा ईरोर. 2 अल ऊंद मळसा आऊन सामने ईरोन, यारी मय इन सुजन इन बमिरी ईरोद. 3 ईदुर मा यीशु व्यवस्थापकगोळ अदकि फरीसीगोळ से अंदुन, “नाम नियम इन अनुसार येन आराम इन दनि वळ्ळीद माळोद उचति आद या ईला?”

4 लेकीन आंदुर सुंगा ईततुर. आग आव आऊक मुटकु चंगा माळदुन अदकि होग गोट्टुन, 5 *यीशु आंदुर से अंदुन, “नीम दा टु हगि याव आन, यार्द पार या वस्ता भाय दा बदिगुल अदकि आव आराम इन दनि अदरी तुरन्त व्हार्या तेगुतदिल?”

6 आंदुर ई मातगोळद येनु उत्तर कोळ सकदिल.

नम्रता अदकि अतथी-सत्कार

7 याग यीशु नोळदुन क्ति आमन्त्रति लॉकुर ह्यांग मुख्य-मुख्य जागा नीवळुस कोमतार रा ऊंद उदाहरण कोटकु आंदुर से अंदुन, 8 “याग यावारा नीनी मदा दा कारदान, रा मुख्य जागा मा कुरबाळेत, ईदारा हगि आगबाळुल क्ति आव नीन से भी यावारा धोड्डेव उक नेवता कोटीदान, 9 अदकि याव नीनी अदकि आऊक येदुदु मुंदरी नेवता कोटान, बंदकु नीन से अनुल, ईऊक जागा कोळ, अदकि आग नीनी सरूमदि आगकु सब से ल्यालमा जागा दा कुरोद बदिदीत. 10 पर याग नीनी कारूकु आगुल रा सब से ल्यालमागोळद जागा मा होगकु कुर क्ति याग आव, याव नीनी बावस्या कोटान बरूल, रा नीन से अनुल, ‘हे संगी, मुंद बंदकु कुर,’ आग नीन सांगुळ कुरावाळेर्द मुंद नीन बळाई आदीत. 11 *यतकी जो यावारा तान तान इक धोड्डेव हेळयान, आव स्याणेव माळकु आदान; अदकि जो यावारा तान तान इक स्याणेव हेळयान, आव धोड्डेव माळकु आदान.”

12 आग यीशु तान बावस्या कोळावाळा से भी अंदुन, “याग नी हागुल इन या ईळ्लक इन भोज ईट, रा तान संगीगोळी या वार्दुरी या कुटुम्बगोळ या धनवान मान्ना हातळोर इक कारूबाळ, ईदारा हगि आगबाळुल क्ति आंदुर भी नीनी बावस्या कोळुल, अदकि नीन वाटा खंळ्सेगुल. 13 लेकीन याग नी भोज माळ्या रा कंगालगोळी, लंगळा, लुलागोळी अदकि कुदुदुगोळी कारू. 14 आग नी धन्य आद्या, यतकी आंदुर हात्ती नीनी बदला कोळली येनु हैलेच, लेकीन नीनी न्यायीगोळ जतिता आगदुर मा इदुर प्रतफिल सक्कीत.”

* 13:30 मत्ती १९:३०; २०:१६; मरकुस १०:३१ * 14:5 १४:५ मत्ती १२:११ * 14:11 १४:११ मत्ती २३:१२; लूका १८:१४

धोळ्द भोज इन उदाहरण (मत्ती २२:१-१०)

15 आऊन सांगुळ भोजन माळावाळेर दा टु ऊंद मंळसा ई मातगोळी केळकु यीशु से अंदुन, “धन्य आन आव जो परमेश्वर उन राज्य दा धोळ्द भोज तदान.”

16 यीशु आऊन से अंदुन, “यावारा मंळसा धोळ्द भोज कोट्टुन अदकि हापाळ मुंदुर इक कारदुन. 17 याग भोजन तयार आगेत रा आव ताम दास उन कय देल आमन्त्रति लॉकुरी कारूली कळुदुन ‘बरी, ईग भोजन तयार आद.’ 18 पर आंदुर सब इन सब माफ बेळ्ली कुरतुर. पयला आऊन से अंदुन, ना केई कौंड कौडीन, अदकि जरूरी आद काना अदरी नोळाईन; ना नीन से वनिती माळतीन, नानी माफ माळकोम. 19 दुसरा मंळसा अंदुन, ना अईद जोडी वस्ता कौंड कौडीन, अदकि अऊर जाँच माळली होगतीन; ना नीन से वनिती माळतीन नानी माफ माळ बुळ. 20 ऊंद मंळसा मातूत अंदुन, ना मदा माळीन, इदुरसाटी ना बर सकालीन.

21 “आ दास बंदकु तान स्वामी इक ई मातगोळी अंदकु हेळदुन. आग मान्यागोळ स्वामी सट्टि दा बंदकु तान दास से अंदुन, ‘नगर इन साततागोळ दा अदकि गलीगोळ दा तुरन्त होगकु कंगालगोळी, लुला, लंगळागोळ अदकि कुढ्दगोळी ईल तरी.’ 22 दास मातूत अंदुन ‘हे स्वामी, हयांग नी अंददि, हांग अच माळकु आग्याद; अदकि तरी भी जागा आद.’ 23 स्वामी दास से अंदुन, ‘सळकगोळ मा अदकि वाळागोळ दी होग अदकि लॉकुरी वविश माळकु ता ताकी नान मान्ना तुम्मेगुल. 24 यतकी ना नीम से अनतीन काना आमन्त्रति लॉकुर दा टु यारू नांद भोज इक नेकतीदलि.’”

चेला बनसोद कमित (मत्ती १०:३७,३८)

25 याग धोळ्द भीळ आऊन सांगुळ होगोद, रा यीशु हदि तरिगकु आंदुर से अंदुन, 26 ✨“अगर यावारा नान हातूती बंदान अदकि तान आपप अदकि मोय अदकि हगिस अदकि चकिोर अदकि वारटुर अदकि आकतीगेर उलटा तान जीव इक भी नान से यक्कुल अप्रयि जान्सालुन, रा आव नान चेला आग सकालुन; 27 ✨अदकि जो यावारा मंळसा दुख नेगुकु क्रूस मा सायली तयार आगालुन, अदकि नान हदि बरालुन, आव भी नान चेला आग सकालुन.

28 “नीम दा टु याव आन जो मान्ना माळोद चाहस्तीदान, अदकि पयला कुर्तकु खर्च जोळसालुन काना याट खर्चा आदीत अदरी पुरा माळोद ताकत नान हातूती आद का ईला? 29 ईदारा हगि आगबाळुल काना याग आव पायवा रा हाक्क बुट्टुन पर पुरा तयार माळसकीदलि, रा सप्पा नोळावाळेर ईद अंदकु आऊक मज्याक दा हारसली हतदुर, 30 ईव मंळसा माळली रा कुरतुन पर तयार माळ सकादील!”

31 “या याव हगि राजा आन जो दुसरा राजा से युद्ध माळली होगतान, अदकि पयले कुर्तकु वचिर माळ कोमालुन काना जो ईप्पत हजार सेना हुळकु नान मा येरकु बरतान, येन ना हतत हजार सेना हुडुकु आऊंद सामना माळ सकतीन, या ईला? 32 ईलारा आऊन दुर ईरतेला अच आव स्वर्गदूतगोळ इक कळुकु मलाप माळोद चाहास्यान. 33 ईदा रीति देल नीम दा टु जो यावारा तान सब येनारा त्यागसालुन, आव नांद चेला आग सकालुन.

बनि स्वाद इन ऊप्प (मत्ती ५:१३; मरकुस ९:५०)

34 “ऊप्प रा वळ्लीसा आद, लेकीन अगर ऊप्प इन स्वाद बगिळुसेत, रा अद याता चजि देल नमकीन माळकु आदीत. 35 अद ना रा जागा अनूद अदकि ना खात इन साठी कयाल्सा दा बरतद: अदरी रा लॉकुर व्हार्या भीट बुळतार. यारव केळव कवि आव आव केळ कोमुल.”

15

काळ्द म्यांडा अनूद उदाहरण (मत्ती १८:१२-१४)

1 *सब कर ताकोमावाळेर अदकि पापी यीशु उन हात्ती बंदुर ताकी आऊन केळुल. 2 पर फरीसी अदकि नयिम इन गुरु कुळकुळुस्कु अनली कुरतुर, “ईव पापीगोळ से सकितान अदकि आंदुर सांगुळ तनितान.” 3 आग आव आंदुर से ईद उदाहरण अंदुन:

4 “नीम दा टु याव आन यार्द सौ म्यांडागोळ ईरूल, अदकि अऊर दा टु ऊंद काळ्दोगुल, रा नीन्यानव म्यांडागोळी आळी दा बटिकु, आ काळ्द म्यांडा अक यागासताका सकिकाल आगासताका दुंदसतेला ईरबाळुल? 5 अदकि याग सकिकेगताव, आग आव बळा खुशी देल अदरी खांदा मा नेगु बुळतान; 6 अदकि मान्या बंदकु संगीगोळी अदकि मान्ना हातळोर लॉकुरी जमा माळकु अनतान, ‘नान सांगुळ खुशी माळी, यतकी नान म्यांडा जो काळ्दोगीत सकिकेग्याद.’ 7 ना नीम से अनतीन कि ईदा रीती देल ऊंद मन तरिगुसावाळा पापी इन बारा दा भी स्वर्ग दा ईट अच खुशी आदीत, याट कि नीन्यानव ईत्ता न्यायीगोळ्द बारा दा आगाल्द, जो पाप माळोद पयला अच बटि बुटार.

काळ्द सकिका अनूद उदाहरण

8 “या याक हगि आरूत ईतीदार यार्द हात्ती हत्त सकिकागोळ ईरूल, अदकि अऊर दा टु ऊंद काळ्दोगुल, रा आक दगिया होत्ताकु अदकि मान्ना उळ्ग उळ्गकु, यागासताका आ सकिका सकिकेगाल जी जान हचकु दुंदसतीदलि? 9 अदकि याग सकिकेगताव, रा आक तान सैलीगोळी अदकि मान्ना बाजुवाळेर इक जमा माळकु अनतार, ‘नांद सांगुळ खुशी माळी, यतकी नांद सकिका जो काळ्दोगति सकिकेग्याद.’ 10 ना नीम से अनतीन कि ईदा रीती देल ऊंद मन तरिगुसावाळा पापी अनूद बारा दा परमेश्वर उन स्वर्गदूतगोळ्द मुंद खुशी आगतद.”

काळ्द पार ऊंद उदाहरण

11 बाक यीशु अंदुन, “यावारा मंळसा नव येद्व चकिोर ईरोर. 12 आंदुर दा टु स्याणेव आप्प से अंदुन, ‘हे आप्पा, संपत्ती दा टु जो भाग नांद आद अद नानी कोटबुळी.’ आव आंदरी तान सम्पत्ती वाट्सदुन. 13 यक्कुल दनि बत्तिसलीका ईरव कि स्याणेव पार सब येनारा जमा माळकु दुर द्याश इक होटोदुन, अदकि अल कूर्म इन क्याल्सा दा तान सप्पा सम्पत्ती हारस बुट्टुन. 14 याग आव सब येनारा खर्च माळ कोंडुन, रा आ द्याश दा धोळ्द अकाल बत्तित, अदकि आव कंगाल आगेदुन. 15 इदुरसाटी आव आ द्याश दा अल ईरावाळा ऊंद मंळसा अनूद मान्या क्याल्सा नोळली होदुन. आव आऊक तान केय दा हंदी आळसोर साटी कळुदुन. 16 अदकि आव चाहासोन कि अव फललीगोळ से यवरी हंदी तनिव, तांद व्हाट्टा तुम्मुल; अदकि आऊक याऊ येनु ईला कोळोन. 17 याग आव तान होश दा बंदुन आग अनली कुरतुन, नान आप्प ऊंद यासारा अच मजदूरगोळी व्हाट्टा से यक्कुल रोटी सकिताव, अदकि ना ईल उपास सायेतनि. 18 ना ईग यदकु तान आप्प उन हात्ती होगार्न अदकि आऊन से अनार्न कि हे आप्प, ना स्वर्ग इन वरीध दा अदकि नीन नजर दा पाप माळदीन. 19 ईग ई लायक ईतीदील कि नानी नीन पार अंदकु आगुल, नानी तान ऊंद मजदूर उन घाई ईट कोम. 20 आग आव यदकु, तान आप्प उन हात्ती होदुन:

“आव ईगल्या दुर अच ईरोन कि आऊन आप्प उक आऊक नोळकु दया बत्त, अदकि ओळतेला आऊक तान याददा से हचदुन, अदकि आऊंद हापाळ चुम्मा ताकोंडुन. 21 पार आऊन से अंदुन, ‘हे आप्प, ना स्वर्ग इन वरीध दा अदकि नीन नजर दा पाप माळीन; ना ईग नीन पार अना लायक ईतीदील.’ 22 लेकीन आप्प तान दासगोळ से अंदुन, ‘जल्दी वळ्लीसा सा वळ्लीसा कपळा तेगुकु आऊक हाकसुसी, अदकि आऊंद कय दा ऊंगरा, अदकि कालगोळ दा केरू हाकसुसी, 23 अदकि पाल्सद व्हात तनकु कोण्णी ताकी नाव तनिदेव अदकि खुशी मान्सेव. 24 यतकी नानव ईव पार सोतोगदिन, बाक जत्तिता आग्यान: काळ्दोगदिन, ईग सकिकेग्यान.’ अदकि आंदुर खुशी माळली कुरतुर.

25 “लेकीन आऊन धोळ पार केई दा ईरोन. याग आव बरतेला मानना अनंद हात्ती पोहचुसदुन, रा आव गाना मुरसोद अदकि कुण्णोद आवाज केळदुन. 26 इदुरसाटी आव ऊंद दास उक कारूकु केळदुन, ‘ईद येन आगेत्याद?’ 27 आव आऊन से अंदुन ‘नीन स्याणेव वार्ट बंदान, अदकि नीन आप्प आऊक भला चंगा नोळ्यान, इदुरसाटी नीन आप्प धोळ्द पाल्सद व्हात कळसुस्यान.’

28 “ईद केळकु आव सट्टि देल तुम्मेदुन अदकि बुळ्क होगोद चाहासीदलि, लेकीन आऊन आप्प व्हाण्या बंदकु आऊक मनुस्ली कुरतुन. 29 आव तान आप्प उक उत्तर कोट्टुन, ‘नोळ, ना ईस वर्ष टु नीन स्यावा माळीतीन अदकि ना यागलु भी नीन आग्या टाल्सीदील, तरी नी नानी यागलु ऊंद मर्री इन पाड्डा भी कोटीदील कि ना अदरी वोतकु तान संगीगोळी सांगुळ खुशी माळाईन. 30 लेकीन याग नीनव ईव पार बंदुन, याव नीन सप्पा संपत्ती वेश्यागोळ मा हारस बुट्टुन, तरी आऊन साठी नी धोळ्द पाल्सद पाड्डा कळसुस बुट्टु.’ 31 आप्प तान धोळ पार उन से अंदुन, ‘नान पारा, नी हमेशा नान सांगुळ ईत्या; अदकि जो येनारा नांद आद अद सप्पा अपमान अच हुन. 32 लेकीन नामी ईग खुशी माळोद अदकि मग्न ईरोद आद यतकी नीनव ई वार्ट सोतोगदिन, ईग जत्तिता आगेग्यान; अदकि पयले काळ्दोगदिन, ईग सकिकेग्यान.’ ”

16

चतुर मुनीम

1 बाक यीशु चेलागोळ से भी अंदुन, “यातोवारा धनवान ईनव ऊंद मुनीम ईरोन, अदकि लॉकुर आऊन सामने आऊन मा ईद दोष हचदुर कि आव अपमान सप्पा सम्पत्ति हारस कोमतान. 2 इदुरसाटी आव आऊक कारूकु अंदुन, ईद येन हुन जो ना नीन बारा दा केळेतीन? तांद मुनीमगीरी इन लेखा कोळ, यतकी नी मुंद नळुकु भंडारी ईरसकाल.” 3 आग मुनीम वचिर माळली कुरतुन, “ईग ना येन माळाईन? यतकी नान स्वामी रा ईग इन क्याल्सा नान कय दा टु कसेत्यान. मुण्ण रा नान से अगुळकु आगाल; अदकि भीख वेळदुर दा नानी शरम बरतद. 4 ना सम्सेगीन कि येन माळाईन ताकी याग ना मुनीम इन क्याल्सा मा टु तेगुकु आगाईन रा लॉकुर नानी तान माननागोळ दा ताकोम कोमुल.”

5 “आग आव ताम स्वामी इन देनदारगोळी ऊंद-ऊंद माळकु कारदुन अदकि पयला देनदार उन से केळदुन, नीन मा नान स्वामी इन याट करज आद?” 6 आव अंदुन, “सौ माफ जैतून इन याण्णा,” आग आव आऊन से अंदुन, “तान खाता हुडु अदकि कुरतकु तुरन्त पचास मन लखिस कोम.” 7 बाक आव दुसरा से केळदुन, नीन मा याट करज आद? आव अंदुन, “सौ मन गोदी नव बॉरा,” आग आव आऊन से अंदुन, तान खाता दा येठठ सौ लखिस कोम.

8 “स्वामी आ न्यायी मुनीम उन वाहवाही माळदुन यतकी आव चतुराई देल क्याल्सा माळदुन. ई दुनया अन लॉकुर तान समय इन लॉकुर सांगुळ रीति व्यवहारगोळ दा ऊजुळ दा नळावाळेर लॉकुर से यक्कुल चालाक आर.”

9 अदकि यीशु आंदुर से अंदुन कि दुनया अन धन देल तान साठी संगी माळकोमी, यतकी याग आंदुर होग्त ईत्तार रा आंदुर नीमी अनन्त नवासगोळ दा ताकोम कोमुल. 10 जो थ्वाळासा दा वशिवासलायक आन, आव हापाळ दा वशिवासलायक आन: अदकि जो थ्वाळासा दा अन्यायी आन, आव हापाळ दा भी अन्यायी आन. 11 इदुरसाटी याग नीव दुनया अन धन दा खरा ठहरूसतीदील, रा वशिवासलायक धन नीमी याव सोपस्यान? 12 अदकि अगर नीव दुसरा लॉकुर धन इन प्रती वशिवासयोग्य ईरतीदील रा जो नीमद धन आद, अदरी नीमी यार कोट्टार?

13 * “यावारा दास येढ्ढ स्वामीगोळ्द स्यावा माळ सकालुन: यतकी आव रा ऊंद से दुश्मनी अदकि दुसरा से प्यार ईट्यान; या ऊंद मळसा अक ईमानदार अदकि दुसरा अक नीच जानस्यान. नीव परमेश्वर अदकि धन येढ्ढ स्यावा माळ सकालीर.”

यीशु उन थ्वाळासा उपदेश

(मत्ती ११:१२,१३; ५:३१,३२; मरकुस १०:११,१२)

14 फरीसी जो धन इन लालची ईरोर, ई सब मातगोळी केळकु अवरी मज्याक दा हारसली हतदुर. 15 यीशु आंदुर से अंदुन, नीव रा मंळसागोळ मुंद तान तान इक न्यायी ठहरूसतरि, लेकीन परमेश्वर नीम मन इक जान्सतान, यतकी जो वस्तु मंळसागोळ्द नजर दा महान आद, अद परमेश्वर ऊंद हात्ती बेकार आद.

16 *॥“मूसा अन्द व्यवस्था अदकि भवषियवक्ता यूहन्ना बपतसिमा कोळावाळा ताका ईरूल; आ समय टु परमेश्वर उन राज्य अन्द खुशखबरी केळसकु आगेत्याद, अदकि हर यावारा अदुर दा प्रबलता देल प्रवेश माळतान. 17 *॥आकाश अदकि पृथ्वी इन टलसोद व्यवस्था अन्द ऊंद बदि उन मटिसोर से यककुल आसान आद.”

18 *॥“जो यावारा मंळसा तान हगिस उक छोळ चट्टी कोटकु दुसरा से मदा माळतान, आव व्यभचार माळतान, अदकि जो यावारा हगि छोळ चट्टी वळ्त् आर्त इन से मदा माळतान, आव भी व्यभचार माळतान.”

धनी मंळसा अदकि लाजर

19 “ऊंद धनवान मंळसा ईरोन जो रेशमी धागा अन्द कपळा अदकि मुलायम कपळा हाकतोगोन अदकि हर रोज सुख-विलास देल ईरतोगोन. 20 अदकि लाजर हेसुर नव ऊंद कंगाल मंळसा घावगोळ देल तुमकु आ धनी मंळसा अन्द दरवाजा मा बटिकु आगतोगोन, 21 अदकि आव चाहासोन कि धनवान इन मेज माकळोद बदिद खाना देल तान व्हाट्टा तुम्यान; ईल ताका कि नायगोळ भी बंदकु आऊन घावगोळी नेकतोगव.”

22 “हगि आत कि आव गरीब मंळसा सोतोदुन, अदकि स्वर्गदूतगोळ आऊक वोतकु अब्राहम उन हात्ती पोहचुसदुर. आव धनवान मंळसा भी सोत्तुन अदकि नळसकु आदुन, 23 अदकि मृत्यु अन्द दुनिया दा आव पीळा दा बदिकु तान कण्णगोळी नेगदुन, अदकि दुर अब्राहम उन हात्ती लाजर उक नोळदुन.” 24 आग आव कारूकु अंदुन, “हे आप्प अब्राहम, नान मा दया माळकु लाजर उक कळुबुळ, ताकी आव तान बेळल इन सरि नीर दा नेनाक्कु नान ल्यालग्या अक ठंडा माळुल, यतकी ना ई ज्वाला दा तळपुसेतनि.”

25 लेकीन अब्राहम अंदुन, “हे पारा, याद माळ कि नी तान जीवन दा वळ्लीद वस्तुगोळी कोंड कोंड्या, अदकि हांग अच लाजर बेकार वस्तुगोळी: लेकीन ईग आव ईल सुख ताकोमेत्यान, अदकि नी तळपुसेत्या. 26 ई सब मातगोळी बटिकु नाम्द अदकि नीम्द न्याड्या ऊंद गड्डा ठहरूसकु आग्याद कि जो ईल टु आप्पाटी नीम हात्ती होगोद चाहास्तार, आंदुर होगसकीदलि; अदकि ना यावारा अल टु ईपाटी नाम हात्ती बरसकीदलि.”

27 आ धनी मंळसा अंदुन, “रा हे आप्पा अब्राहम, ना नीन से वनिती माळतीन कि नी लाजर उक नान आप्प उन मान्या कळु, 28 यतकी अल नान अईद वार्दुर आर; आव आंदुर मुंद ई मातगोळ्द चेतावनी कोळुल, हगि आगबाळुल कि आंदुर भी ई पीळा अन्द जागा दा बरूल.”

29 अब्राहम आऊन से अंदुन, “नीन वार्दुर हात्ती रा मूसा अन्द नयिम अदकि भवषियवक्तागोळ्द कतिबगोळ आव जो आंदरी चेतावनी कोळताव, आंदुर अदुर्द केळुल.” 30 आव अंदुन, “ईला, हे आप्प अब्राहम; पर अगर यावारा जत्तिता आगकु आंदुर हात्ती होगुल, रा आंदुर पापगोळी माळोद बंद माळ बुट्टार.” 31 अब्राहम आऊन से अंदुन, “जब आंदुर मूसा अदकि भवषियवक्तागोळ्द केळालुर, रा अगर सोत्तुर दा टु यावारा जत्तिता भी आगुल तरी आऊंद मान्सालुर.”

17

पाप, विश्वास, कर्तव्य

(मत्ती १८:६,७,२१,२२; मरकुस ९:४२)

1 बाक यीशु तान चेलागोळ से अंदुन, “ईद रा आगोद अच आद कि मंळसा थ्वाळासा मातगोळ कारण पाप दा बळुल, लेकीन हाय, आ मंळसा मा यार कारण पाप आगताव! 2 जो ई स्याणेर दा टु

यावारा ऊंद मंळसा अक पाप दा हाकतान, आऊन साटी ईद भला आगाईत कि चक्की इन पट्टा आऊन कुतक्या दा हलिगुसकु आगाईत, अदकि आऊक समुद्र दा हाक्कु आगाईत.” 3 *सचेत ईरी;

अगर “नीन वार्ट अपराध माळुल रा आऊक समझूस, अदकि अगर पसतावा माळतान रा आऊक माफ माळ. 4 अगर हागुल तमि दा आव येळ घन नीन खलिाप पाप माळुल अदकि येळु घन नीन हात्ती बंदकु अनुल, ‘ना पसतावा माळेतीन,’ रा आऊक माफ माळ.”

वश्वास

5 आग प्रेरतिगोळ यीशु से अंदुर, “नामद वश्वास वाळुस.”

6 प्रभु अंदुन, “अगर नीमी राई इन बीजा अनूद बराबर भी वश्वास ईराईत, रा नीव ई शहतूत इन मारर से अनायदीर कि तान ताना जळ सकट कतिकु समुद्र दा हत्तेग, रा अद नीम आग्या मान्स कोमाईत.

वळलेव सेवक बन्सी

7 “नीम दा टु हगि याव आन, यार्द दास नांगर जोत्सतदिान या म्यांडागोळी आळसतदिान, अदकि याग आव केई दा टु बरूल, रा आऊन से अनुल, ‘तुरन्त बंदकु ऊमली कुर?’ 8 नश्चिति अच ईला! आव आऊन से ईला अंदान, ‘नान ऊमोर साटी येनारा माळ अदकि अदकि यागासताका ना तनिद-कुडोद माळ कोमालीन, आगासताका नान स्यावा माळ; अदुर बाद्दा नी भी तनिद-कुडोद माळ कोमेत?’ 9 आग्यागोळ्द पालन माळोर साटी येन आव तान दास उक धन्यवाद कोट्टान? 10 ईदा रीतिले नीव भी याग आ सप्पा क्यालसागोळी माळ कोंडीर यदुर्द आग्या नीमी कोटकु आगीत, रा अनी, ‘नाव साधारण दास अयेव; जो नामी माळ पायजे ईरोद नाव सरिफ अदा माळदेव.’”

कोढ इन हत्त रोगीगोळी चंगा माळोद

11 हगि आत कि यीशु यरूशलेम होगाहोती सामरीया अदकि गलील इन न्याड्या टु आगूत होगोन. 12 यातोदारा ऊर दा प्रवेश माळाहोती आऊक हत्त कोढी लॉकुर सकिदुर जो आऊन से दुर नदिरकु ईरोर. 13 आंदुर धोळ्द आवाज दा कारूकु अंदुर, “हे यीशु, हे स्वामी, नाम मा दया माळ!”

14 यीशु आंदरी नोळकु अंदुन, “होगी, अदकि तान तान इक याजकगोळी तोरसी.”

अदकि होगूत-होगूत अच आंदुर शुद्ध आगेदुर. 15 आग आंदुर दा टु ऊंद ईद नोळकु कि ना चंगा आगेगनि, ऊंचा आवाज देल परमेश्वर उन बळाई माळतेला वापस बंदुन; 16 अदकि यीशु उन कालगोळ मा बाय इन भार बदिक्कु आऊन धन्यवाद माळली कुरतुन; अदकि आव सामरी ईरोन. 17 ईदुर मा यीशु अंदुन, “येन हत्तु मुंदुर शुद्ध आगीदील, रा बाक आंदुर ऊम्बत यल आर? 18 येन ई परदेशी अक बटिकु मात्त यावारा वापस बंददील जो परमेश्वर उन बळाई माळायदुन?” 19 आग यीशु आऊन से अंदुन, “यदकु होटोग; नीन वश्वास नीनी वळ्लीद माळ्याद.”

परमेश्वर उन राज्य अनूद आगमन

(मत्ती २४:२३-२८, ३७-४१)

20 याग फरीसीगोळ यीशु से केळदुर कि परमेश्वर उन राज्य याग बंदीत, रा यीशु आंदरी उत्तर कोट्टुन, “परमेश्वर उन राज्य दृश्य रूप दा बराल. 21 अदकि लॉकुर ईद अनतीदलि, ‘नोळी, ईल आद, या अल आद.’ यतकी, परमेश्वर उन राज्य नीम न्याड्या आद.”

22 बाक आव चेलागोळ से अंदुन, “हगि दनि बंदव, यारदा नीव मंळसा अन पार उन दनिगोळ दा टु ऊंद दनि इक नोळोद चाहासीर, अदकि नीव नोळ सकतीदलि. 23 लॉकुर नीम से अंदार, ‘नोळी, अल आन!’ या ‘नोळी, ईल आन!’ लेकीन नीव होगबाळेतीर अदकि आंदुर हदि भी आगबाळेतीर. 24 यतकी ह्यांग बजिली आकाश इन ऊंद छोर टु दुसरा छोर ताका चमकुसतद, हांग अच मंळसा अन पार भी तान दनि दा प्रगट आदान. 25 लेकीन पयला जरूरी आद कि आव हापाळ दुख नेगदान, अदकि ई समय इन लॉकुर द्वारा आऊक तुच्छ ठहरुसकु आदीत. 26 ह्यांग नूह अनूद दनिगोळ दा आगीत, हांग अच मंळसा अन पार उन दनिगोळ दा भी आदीत. 27 याता दनि ताका नूह जहाज मा येरीदलि, आ दनि ताका लॉकुर तनोर-कुडोर, अदकि आंदुर दा मदा आगतोगोव. आग नीर इन

बाळ बंदकु आ सब मुंदरी नाश माळत. 28 अदकि ह्यांग लूत इन दनिगोळ दा आगीत की लॉकुर तनोर-कुडोर, लेन-देन माळोर, मार्र हचोर अदकि मान्ना माळतोगोर; 29 लेकीन याता दशी लूत सदोम टु होट्टुन, आ दशी बेक्की अदकि गन्धक आकाश टु बरसुस्त अदकि सब मुंदरी नाश माळ बुळत. 30 मंळसा अन पार उन प्रगट आगोद दशी भी हगि अच आदीत.”

31 * “आ दशी जो मान्ना अन्द आळा मा ईत्तान अदकि आऊन सामान मान्या ईत्तीत, आव अदरी नेगुली ईळुबाळुल; अदकि हांग अच जो केई दा आन आव वापस मान्नी होगबाळुल. 32 लूत इन हगिस उक याद ईटी! 33 * जो यावारा तान जीव ऊळसोद चाहास्यान आव अदरी खोऊस्यान, अदकि जो यावारा अदरी खोऊस्यान आव अदरी ऊळस्यान. 34 ना नीम से अनतीन, आ ईळलक इक येढ्ढ मंळसा ऊंद व्हर्स मा मगित ईत्तार; ऊंद ताकोमकु आदान अदकि दुसरा बटिकु आदान. 35 येढ्ढ आर्तेर ऊंद सांगुळ जाता दा पीसुसतेला ईत्तार, ऊंद ताकोमकु आदार अदकि दुसरा बटिकु आदार. 36 येढ्ढ मुंदुर केई दा ईत्तार, ऊंद ताकोमकु आदान अदकि दुसरा बटिकु आदान*.”

37 ईद केळकु आंदुर आऊन से केळदुर, “हे प्रभु ईद यल आदीत?” आव आंदुर से अंदुन, “यल लाश बटिकु आद, अल गीधाळ जमा आदव.”

18

न्यायी न्यायाधीश अदकि रांड्या आर्त इन उदाहरण

1 बाक यीशु चेलागोळ से इदुर बारा दा लगातार प्रार्थना माळ पायजे अदकि हम्मिमत ईला बळि पायजे, हगि उदाहरण अंदुन: 2 “यातोदारा नगर दा ऊंद न्यायी ईरतोगोन, जो ना परमेश्वर से अंजतोगोन अदकि ना यातोवारा मंळसा अन्द परवा माळतोगोन. 3 अदा नगर दा ऊंद रांड्या भी ईरतोगोर, जो आऊन हात्ती बंद-बंदकु अनतोगोर, ‘नांद न्याय माळकु नानी आरोपी देल ऊळस.’ 4 थ्वाळासा समय ताका रा आव मानसदिलि लेकीन आखरी दा आव तान तान इक अंदुन, ‘यतकी ना परमेश्वर से अंजतीन, अदकि ना मंळसागोळ्द येनारा परवा माळतीन; 5 तरी ई रांड्या नानी सतुसतेला ईरतार, इदुरसाटी ना आकनि न्याय माळाईन, ईदारा हगि आगबाळुल की घळी-घळी बंदकु अनत दा नांद मुगुग दा दम माळुल.’”

6 प्रभु अंदुन, “केळी, ईव न्यायी येन अनतान? 7 इदुरसाटी येन परमेश्वर तान नविळुसद लॉकुरद न्याय माळतीदिल, जो ईळलक-हागुल मदत साटी वरलूत ईरतार? येन आव आंदुरद बारा दा समय माळ्यान? 8 ना नीम से अनतीन, आव तुरन्त आंदुरद न्याय माळ्यान. तरी मंळसा अन पार याग बंदान, रा येन आव पृथ्वी मा वशिवास नोळ्यान?”

फरीसी अदकि कर ताकोमावाळा अन्द उदाहरण

9 यीशु आंदुर से जो तान म्याकुच भरोसा ईटतोगोर, कानाव न्यायी आयेव, अदकि दुसरागोळी तुच्छ जानसतोगोर, ईद उदाहरण अंदुन: 10 “येढ्ढ मंळसा मंदरि दा प्रार्थना माळोर साठी होदुर; ऊंद फरीसी ईरोन अदकि दुसरा कर ताकोमावाळा.”

11 फरीसी नीदुरकु तान मन दा ईद प्रार्थना माळली कुरतुन, “हे परमेश्वर, ना अपमान धन्यवाद माळतीन की ना दुसरा मंळसागोळ्द घाई लोभी, बयमान अदकि व्यभचिारी हैलेच, अदकि ई कर ताकोमावाळा अन्द घाई भी हैलेच. 12 ना हप्ता दा येढ्ढ गण उपास ईटतीन; ना तान सप्पा कमाई इन दसवा हसिसा भी कोळतीन.”

13 “लेकीन कर ताकोमावाळा दुर नीदुरकु, स्वर्ग दी कण्णगोळी नेगोद भी चाहासीदलि, उलटा तान याददा पटिस-पटिसकु अंदुन, ‘हे परमेश्वर, ना पापी मंळसा मा दया माळ!’ 14 * ना नीम से अनतीन की आव दुसरा आलच, लेकीन ईवा कर ताकोमावाळा मंळसा न्यायी ठहरूसकु आदुन अदकि तान मान्नी होदुन; यतकी जो यावारा तान तान इक महान माळ्यान, आव नम्र माळकु आदान; अदकि जो तान तान इक नम्र माळ्यान, आव महान माळकु आदान.”

* 17:31 १७:३१ मत्ती २४:१७,१८; मरकुस १३:१५,१६ * 17:33 १७:३३ मत्ती १०:३९; १६:२५; मरकुस ८:३५; लूका ९:२४; यूहन्ना १२:२५ * 17:36 १७:३६ ईद वचन हाळोद शास्त्र लेख दा लखिसकु हैलेच. * 18:14 १८:१४ मत्ती २३:१२; लूका १४:११

चकिोर इक आशरिवाद

(मत्ती १९:१३-१५; मरकुस १०:१३-१६)

15 बाक लॉकुर तान चकिोरी भी आऊन हात्ती तरली कुरतुर की आव आंदुर मा कय ईदुल; लेकीन चेलागोळ नोळकु आंदरी चलिळासली कुरतुर. 16 यीशु चकिोरी हात्ती कारूकु अंदुन, “चकिोरी नान हात्ती बरगोळी, अदकि आंदरी मना माळबाळी: यतकी परमेश्वर उन राज्य आंदुर अच घाई आद. 17 ना नीम से खरा अनतीन की जो यावारा परमेश्वर उन राज्य अक चगिद उन घाई ग्रहण माळतीदील आव अदुरदा यागलु प्रवेश माळ सकतीदलि.”

धनी मंळसा अदकि अनन्त जीवन

(मत्ती १९:१६-३०; मरकुस १०:१७-३१)

18 ऊंद यहूदी अधिकारी यीशु से केळदुन, “हे वळ्लीद गुरु, अनन्त जीवन इन अधिकारी आगोर साटी ना येन माळाईन?”

19 यीशु आऊन से अंदुन, “नी नानी वळ्लीद येती अनत्या? याऊ वळ्लीद हैलेच, सरिफ ऊंद, मतलब परमेश्वर उक बटिकु याऊ वळ्लीद हैलेच. 20 नी आग्यागोळी रा जानसत्या: ‘व्यभचार माळबाळी, यारीकु कोन्न बाळी, अदकि काळ्लपनी माळबाळी, यारदु ख्वाटा कोळबाळी, तान आप्प अदकि तान मोय इन आदर माळी.’”

21 यहूदी अधिकारी अंदुन, “ना रा ई सप्पा आग्यागोळी स्याणपणी टु अच मानसतेला बंदीन.”

22 ईद केळकु यीशु आऊन से अंदुन, “नीन दा ईग भी अदकि ऊंद मात माळोद आद, तान सब येनारा मारकु कंगालगोळ दा वाट्स बुळ; नीनी स्वर्ग दा धन सकिकीत, अदकि बंदकु नान हदि आगेग.” 23 आव ईद केळकु हापाळ उदास आदुन, यतकी आव हापाळ धनी ईरोन.

24 यीशु आऊक नोळकु अंदुन, “धनवानगोळद परमेश्वर उन राज्य दा प्रवेश माळोद याट कठनि आद! 25 परमेश्वर उन राज्य दा धनवानगोळ साटी प्रवेश माळदुर दैल ऊंट इन मुग्ग दा टु चुजी होटबुळोद आसान आद.”

26 ईदुर मा केळावाळेर अंदुर, “रा बाक यारद उदधार आग सकतद?”

27 यीशु अंदुन, “जो मंळसा अन्द साटी असंभव आद, अद परमेश्वर उन साटी संभव आद.”

28 पतरस अंदुन, “नोळ, नाव रा मान्न-मार बटिकु नीन हदि आगेगेव.”

29 आव आंदुर से अंदुन, “ना नीम से खरा माताळतीन की हगि याऊ हैलेच जो परमेश्वर उन राज्य अन्द साटी मान्न मार, या हगिस, या वारदुर, या मोय-आप्प, या चकिोर चळिगेर बटि बुटीदान; 30 याऊक ई समय हापाळ यक्कुल अदकि बरावाळा युग दा अनन्त जीवन सकतीदलि हगि याऊ हैलेच.”

तान सायोद बारा दा यीशु उन तसिरा भवषियवाणी

(मत्ती २०:१७-१९; मरकुस १०:३२-३४)

31 बाक यीशु हन्नेळ चेलागोळी बाजु दा वोटकु आंदुर से अंदुन, “नोळी, नाव यरूशलेम इक होगतेव, अदकि यास मातगोळ मंळसा अन पार उन साटी भवषियवक्तागोळ द्वारा लखिसकु आग्याव, अव सप्पा पुरा आदव. 32 यतकी आव गैरयहूदीगोळ कय दा सोपस्कु आदान, अदकि आंदुर आऊक मज्याक दा हारस्यार; अदकि आऊंद अपमान माळ्यार, अदकि आऊन मा ऊगळ्यार, 33 अदकि आऊक क्वाळा बळदार, अदकि घात माळ्यार; अदकि आव तसिरा दशी जतिता आदान.”

34 पर चेलागोळी ई मातगोळ दा टु जो यीशु अंदुन यातोदु मात उमसीदलि; अदकि ई मात आंदुर से होचकु ईत्त, अदकि जो अंदकु आगीत अद आंदुरद समझ दा बंददील.

कुदुद भखिरी इक दृष्टीदान

(मत्ती २०:२९-३४; मरकुस १०:४६-५२)

35 याग यीशु यरीहो अन्द हात्ती पोहचुसदुन, रा ऊंद कुदुद मंळसा सळक इन कनिरा मा कुरतकु भीख बेळोन. 36 आव लॉकुरद भीळ इन नळोद आवाज केळकु केळली कुरतुन, “ईद येन आगेत्याद?”

37 आंदुर आऊक हेळदुर, “यीशु नासरी होगेत्यान.”

38 आग आव कारूकु अंदुन, “हे यीशु, दाऊद उन औलाद, नान मा दया माळ!”

39 जो मुंद मुंद होगोर, आंदुर आऊक दनकुसली कुरतुर की आव सुंगा ईरूल; लेकीन आव अदकि जोर से चलिळासली कुरतुन, “हे दाऊद उन औलाद नान मा दया माळ!”

40 आग यीशु नीदुरकु आग्या कोट्टुन की आ कुद्व मंळसा अक नान हात्ती तरी, अदकि याग आव हात्ती बंदुन रा आव आऊन से केळदुन, 41 “नी येन चाहासत्या की ना नीन साटी माळाईन?” आव अंदुन, “हे प्रभु, ईद की ना मात्त नोळली हत्तुल.”

42 यीशु आऊन से अंदुन, “नोळली हत्त; नीन वशिवास नीनी वळ्ळीद माळबुटाद.”

43 आग आव तुरन्त नोळली कुरतुन अदकि परमेश्वर उन बळाई माळतेला आऊन हदि आगेदुन; अदकि सप्पा लॉकुर नोळकु परमेश्वर उन स्तुति माळदुर.

19

कर ताकोमावाळा जक्कई

1 यीशु यरीहो दा प्रवेश माळकु होगोन. 2 अल जक्कई हेसुर ईनव ऊंद मंळसा ईरोन जो कर ताकोमावाळेर प्रधान ईरोन अदकि धनी ईरोन. 3 आव यीशु अक नोळोद चाहासोन की आव याव हुन. लेकीन भीळ इन कारण नोळ ईला सकोन, यतकी आव गुड्ड ईरोन. 4 आग आऊक नोळोर साटी आव मुंद ओळकु ऊंद उम्बर इन मार मा येरेदुन, यतकी यीशु अदा हादी देल होगवाळा ईरोन. 5 याग यीशु आ जागा पोहचुसदुन, रा म्याकुच दृष्टी माळकु आऊन से अंदुन, “हे जक्कई, झट से ल्यालमा ईळकु बर; यतकी ईद नानी नीन मान्या ईरोद जरूरी आद.”

6 आव तुरन्त ईळकु खुशी देल आऊंद स्वागत माळदुन.

7 ईद नोळकु सप्पा लॉकुर कुळकुळुस्कु अनली कुरतुर, “आव रा ऊंद पापी मंळसा अन मान्या पाऊना बनसकु ईळदान.”

8 जक्कई नीदुरकु प्रभु से अंदुन, “हे प्रभु, नोळ, ना तान आर्धा सम्पत्त की गालगोळी कोळतीन, अदकि अगर यारदारा येनारा भी अन्याय माळकु ताकोम कौडीन रा अदरी नाकगुना वापस माळ बुळतीन.”

9 आग यीशु आऊन से अंदुन, “ईद ई मान्या उद्धार बंदान, इदुरसाटी की ईव भी अब्राहम उन ऊंद औलाद हुन. 10 *यतकी मंळसा अन पार जो काळ्दोग्यार आंदरी दुंदसली अदकि आंदुर उद्धार माळली बंदान.”

हत्त व्हान्ना नव सक्कागोळ्द उदाहरण

(मत्ती २५:१४-३०)

11 याग आंदुर ई मातगोळी केळोर, रा यीशु उन उदाहरण अंदुन, इदुरसाटी की आव यरूशलेम इन हात्ती ईरोन, अदकि आंदुर सम्सतोगोर की परमेश्वर उन राज्य प्रगट आगोद आद. 12 इदुरसाटी आव अंदुन, “ऊंद धोळ पद इन मंळसा दुर राज्य दा होदुन ताकी राजपद हासलि माळकु बर सकुल. 13 आव तान दासगोळ दा टु हत्त मुंदुर इक कारूकु आंदरी हत्त व्हान्ना अनद सक्का कोट्टुन अदकि आंदुर से अंदुन, ‘नांद वापस बरासताका ताका लेन देन माळेतीर.’ 14 लेकीन आऊन खुद इन लॉकुर आऊन से दुश्मनी ईटतोगोर, अदकि आऊन हदि स्वर्गदूतगोळ द्वारा खबर कळुदुर, ‘नाव चाहासालेव की ईव नाम मा राज्य माळुल.’ ”

15 “याग आव राजपद हासलि माळकु बंदुन, रा हगि आत की आव तान दासगोळी यारी व्हान्ना अनद सक्का कोटीदुन, तान हात्ती कारसदुन ताकी आऊक मालूम नळुल की आंदुर लेन देन देल येन-येन कमुसदुर. 16 आग पयला दास बंदकु अंदुन, ‘हे स्वामी, नीन व्हान्ना अनद सक्का देल ना मात्त हत्त व्हान्ना नव सक्का कमुसीन.’ 17 आव आऊन से अंदुन, ‘शाब्बास, हे वळ्लेव अदकि विश्वासयोग्य दास! नी हापाळ अच गोरत दा विश्वासलायक होट्ट ईग हत्त नगरगोळ मा अधिकार ईट.’ 18 दुसरा दास बंदकु अंदुन, ‘हे स्वामी, नीन सक्का देल अईद मात्त सक्का कमुसीन.’ 19 स्वामी आऊन से भी अंदुन, ‘नी भी अईद नगरगोळ मा अधिकार ईट.’ ”

20 तसिरा बंदकु अंदुन, “हे स्वामी, नोळ नीन सक्का ईद हुन, यदरी ना कपळा अनद तुकळा दा कटकु ईटदीन. 21 यतकी नी कठोर मंळसा आय, इदुरसाटी ना नीन से अंजतोगीन: जो नी ईटीदील

अदरी नेगु कोमत्या, अदकि जो नी बोऊसीदलि, अदरी भी कळ्द बुळत्या.” 22 आव आऊन से अंदुन, “हे दुष्ट दास, ना नीन आवाज देल अच नीनी दोषी ठहरूसतीन. नी नानी अरूतोर्ग्या क्कि कठोर मंळसा आईन, जो ना ईटीदील अदरी नेगु कोमतीन, अदकि जो ना बोऊसीदलि अदरी कळ्द बुळतीन; 23 रा नी नान सक्का सावकार उन हात्ती येती ईट कोंडीदलि क्कि ना बंदकु ब्याज समेत ताकोम कोमयदीन?”

24 अदकि जो लॉकुर हात्ती नीदुरकु ईरोर, आव आंदुर से अंदुन, “अद सक्का आऊन से ताकोमकोमी, अदकि यार्द हात्ती हत्त व्हानना नव सक्का आव आऊक कोट्ट बुळी.” 25 आंदुर आऊन से अंदुर, “हे स्वामी, आऊन हात्ती रा पयले टु अच हत्त सक्कागोळ आव.” 26 “ना नीम से अनतीन क्कि यार्द हात्ती आद, आऊक मात्त कोटकु आदीत; अदकि यार हात्ती हैलेच, आऊन से अद भी जो आऊन हात्ती आद ताकोमकु आदीत. 27 *लेकीन नानोर आ दुश्मनगोळ जो ईला चाहासोर क्कि ना आंदुर मा राज्य माळाईन, आंदरी ईल तनकु नान मुंद घात माळी.”

यरूशलेम दा वजिय प्रवेश

(मत्ती २१:१-११; मरकुस ११:१-११; यूहन्ना १२:१२-१९)

28 ईव मातगोळी अंदकु यीशु यरूशलेम इन दी आंदुर मुंद मुंद नळदुन. 29 याग आव जैतून हेसुर इन पहाळ मा बैतफगे अदकि बैतनयियाह अन हात्ती पोहचुसदुन, रा आव तान चेलागोळ दा टु येद्व मुंदरी ईद अनकु कळ्दुन, 30 “मुंदळोद ऊर दा होगी; अदकि अल होग्त अच ऊंद गधा अन्द पाड्डा यदुर मा याऊ यागलु सवार आगीदील, कटकु नीमी सक्कीत, अदरी खोल्सकु तरी. 31 अगर यावारा नीम से केळ्यान क्कि येती खोल्सतीर, रा ईद अंद बुळेतीर क्कि प्रभु अक इदुर्द प्रयोजन आद.”

32 जो कळ्कु आगीदुर, आंदुर होगकु ह्यांग यीशु आंदुर से अंददिन, हांग अच नोळदुर. 33 याग आंदुर गधा अन्द पाड्डा अक खोलसोर, रा गधा अन्द मालकि आंदुर से केळदुन, “ई पाड्डा अक येती खोल्सतीर?”

34 आंदुर अंदुर, “प्रभु उक ईदुर्द जरवत आद.” 35 आंदुर अदरी यीशु उन हात्ती तंदुर, अदकि तान कपळा आ पाड्डा मा हाक्कु यीशु उक अदुर मा कुरस बुटुर. 36 याग आव होगोन, रा आंदुर तान कपळा हादी मा हासतेला होगतोगोर.

37 हात्ती बरतेला याग आव जैतून पहाळ इन ढलान मा पोहचुसदुन, रा चेलागोळ्द सप्पा मंडली आ सप्पा सामर्थ्य अन्द क्याल्सागोळ्द कारण जो आंदुर नोळीदुर, खुश आगकु धोळ्द आवाज देल परमेश्वर उन स्तुति माळली हतदुर: 38 “परमेश्वर आ राजा अक आशीष कोळुल, जो प्रभु अन हेसुर देल बरतान! स्वर्ग दा शांती अदकि आकाश मंडल दा महमा आगुल!”

39 आग भीळ दा टु येनारा फरीसी आऊन से अनली कुरतुर, “हे गुरु, तान चेलागोळी आग्या कोटकु दनकुस.”

40 आव उत्तर कोट्टुन, “ना नीम से अनतीन, अगर इंदुर सुंगा ईत्तुर रा कल्ल चलिळासली हत्तेव.”

यरूशलेम इन साटी वलिाप

41 “याग आव हात्ती बंदुन रा नगर इक नोळकु अदुर मा वल्लदुन 42 अदकि अंदुन, अगर नी, ईद इन दशी शांती नव मातगोळ जानस कोमाईद, रा याट वळ्दीद आगेगाईत, लेकीन ईग अव नीन कण्ण इन हात्ती टु गुप्त ईटकु आगेग्याव. 43 यतकी अव दनि नीन मा बंदव क्कि नीन से दुश्मनी ईटावाळेर मोर्चा कटकु नीनी घेरस कोंडार, अदकि नाकु दी टु नीनी वत्त बुट्टार; 44 अदकि नीनी अदकि नीन चकिोरगोळी जो नीन दा आर, मुण्ण दा मल्लुस्यार, अदकि नीन दा ऊंद कल्ल मा दुसरा कल्ल भी बळितीदील; यतकी परमेश्वर नीमी ऊळ्सली बंदीदुन ई समय इक नीव अरतीदलि.”

मंदरि टु व्यापारीगोळ्द तेगुकु आगोद

(मत्ती २१:१२-१७; मरकुस ११:१५-१९; यूहन्ना २:१३-२२)

45 आग यीशु मंदिर दा होगकु व्यापारीगोळी व्हार्या तेगुली कुरतुन, 46 अदकि परमेश्वर अनतान, “शास्त्र दा लखिसकु आद, ‘नान मान्ना प्रार्थना अन्द मान्ना आदीत,’ लेकीन नीव अदरी डाकूगोळ्द हड्डा माळ बुट्टीर.”

47 *यीशु रोज मंदिर दा उपदेश माळतोगोन; अदकि प्रधान याजक अदकि नयिम इन गुरु अदकि लाँकुर्द प्रमुख आऊक कोनोद चाहासोर. 48 लेकीन याऊ उपाय तेगु सकदील कर्ईव याता प्रकार माळेव, यतकी सप्पा लाँकुर बळा चाह देल आऊंद केळतोगोर.

20

यीशु उन अधिकार मा प्रश्न

(मत्ती २१:२३-२७; मरकुस ११:२७-३३)

1 ऊंद दशी हगि आत कियोग यीशु मंदिर दा लाँकुरी उपदेश कोळोन अदकि खुशखबरी केळसोन, रा प्रधान याजक अदकि नयिम इन गुरु, पुरनयागोळ्द सांगुळ हात्ती बंदकु नदिरदुर; 2 अदकि अनली हतदुर, “नामी हेळ, नी ई क्याल्सागोळी याता अधिकार देल माळत्या, अदकि आव याव हुन याव नीनी ईद अधिकार कोटान?”

3 यीशु आंदरी उत्तर कोट्टुन, “ना भी नीम से ऊंद सवाल केळतीन; नानी हेळी 4 यूहन्ना अक बपतसिमा कोळोद अधिकार स्वर्ग दी टु ईरोद या मंळसागोळ दी टु ईरोद?”

5 “आग आंदुर आपस दा चर्चा माळली कुरतुर, नाव येन अंदेव, अगर स्वर्ग इन दी टु,” रा आव अंदान, “बाक नीव आऊंद वशिवास येती माळीदलि?” 6 अदकि अगर नाव अंदेव, मंळसागोळ दी टु, रा सप्पा लाँकुर नाम मा कलगोळ भटार, यतकी आंदुर खराखुरा अरूतार कियूहन्ना भवषियवक्ता ईरोन. 7 इदुरसाटी आंदुर उत्तर कोट्टुन, “नाव अरालेव किय आव यार दी टु ईरोन.”

8 यीशु आंदुर से अंदुन, “रा ना भी नीमी हेळालीन किय ना ईद क्याल्सा याता अधिकार देल माळतीन.”

दुष्ट कसानगोळ्द उदाहरण

(मत्ती २१:३३-४६; मरकुस १२:१-१२)

9 आग यीशु लाँकुर से ईद उदाहरण अनली कुरतुन: “यावारा मंळसा अंगुर इन केई हचदुन, अदकि कसानगोळी अदरी बटई दा कोट बुट्टुन अदकि हापाळ दनिगोळ्द साटी परदेश होटोदुन. 10 याग अंगुर इन जमा माळोद समय बत्त रा मालक कसानगोळ हात्ती ऊंद दास उक कळुदुन किय आंदुर अंगुर इन केई अन येनारा कायगोळ भाग आऊक कोळुल, पर कसानगोळ आऊक बळकु खाली कय कळु बुट्टुन. 11 बाक आव ऊंद अदकि दास उक कळुदुन, अदकि आंदुर आऊक भी बळकु अदकि आऊन अपमान माळकु खाली कय कळु बुट्टुन. 12 बाक आव तसिरा दास उक कळुदुन, अदकि आंदुर आऊक भी घायल माळकु व्हार्या तेगु बुट्टुन. 13 आग अंगुर इन केई नव स्वामी अंदुन, ‘ना येन माळाईन? ना तान प्रिय पार उक कळाईन, जरूर अच आंदुर आऊन आदर माळ्यार.’ 14 याग कसानगोळ आऊक नोळदुर रा आपस दा वचिर माळली कुरतुर, ‘ईव रा वारीस हुन; बरी, नाव ईऊक कोंद बुळाती रा बाक आऊन जायदाद नाम्द आगेदीत.’ 15 अदकि आंदुर आऊक अंगुर इन केई टु व्हार्या तेगुकु कोंद बुट्टुन.”

“इदुरसाटी अंगुर इन केई इन स्वामी आंदुर्द सांगुळ येन माळ्यान? 16 आव बंदकु आ कसानगोळी नाश माळ्यान, अदकि अंगुर इन केई दुसरा अक सोपस्यान.”

ईद केळकु आंदुर अंदुर “परमेश्वर माळुल हगि आगबाळुल.”

17 यीशु आंदुर दी नोळकु अंदुन, बाक ईद येन लखिसकु आद:

“याता कल्ल इक राजमहल माळावाळेर बेकार ठहरुसीदुर,

अदा क्वाना अन्द सरि आगेत.”

18 “जो यातोदारा कल्ल मा बदिदान आव चकनाचुर आगेदान; अदकि यदुर मा अद बदिदीत, अदरी पीसुस बुट्टीत.”

कर कोळोद प्रश्न

(मत्ती २२:१५-२२; मरकुस १२:१३-१७)

19 आटा होती नयिम इन गुरुगोळ अदकि प्रधान याजकगोळ आऊक हुडोद चाहासदुर, यतकी आंदुर समसेगदुरि क्वा आव नाम मा ईद उदाहरण अंदान, लेकीन आंदुर लॉकुर से अंजदुर. 20 अदकि आंदुर आऊन ताक दा हतदुर अदकि भेद ताकोमावाळेरी कळुदुर क्वा न्याय इन भेष हुळकु यीशु उक आंदुर सवाल दा हुडुल, ताकी बाक आऊक रोमन शासक उन कय दा सौप्स बुळुल. 21 आ जासुसगोळ यीशु से केळदुर, “हे गुरु, नाव जान्सतेव क्वा नी बराबर अनतया अदकि कल्सत्या, अदकि यारदु पक्षपात माळाल, उलटा परमेश्वर उन हादी सच्चाई देल हेळत्या. 22 येन नामी कैसर सरकार उक कर कोळोद उचति आद या ईला?”

23 आव आंदुरद चतुराई इक अरूकु आंदुर से अंदुन, 24 “ऊंद चाँदी इन सकिका नानी तोरसी. ईदुर मा यारदु छाप अदकि हेसुर आद?”

आंदुर अंदुर “कैसर सरकार उन.”

25 यीशु आंदुर से अंदुन, “रा जो कैसर सरकार उन हुन, अद सरकार उक कोळी; अदकि जो परमेश्वर उन आद, अद परमेश्वर उक कोळी.”

26 आंदुर लॉकुरद मुंद ईद मात दा यीशु उक फसुस सकदील, उलटा आऊन उत्तर देल अचम्भति आगकु सुंगा आगदुर.

पुनरूत्थान अदकि मदा

(मत्ती २२:२३-३३; मरकुस १२:१८-२७)

27 *बाक सद्कीगोळ जो अनतार क्वा सोत्तुर दा टु जत्तिता आगोद अच हैलेच, आंदुरदा टु थ्वाळासा लॉकुर आऊन हात्ती बंदकु केळदुर, 28 “हे गुरु, मूसा नाम साठी हगि नयिम लखिस्यान: अगर यारोवारा धोळ वार्ट तान हगिस उन ईतकु भी बनि औलाद सोतोदान, रा आऊन वार्ट आ रांड्यागति इन से मदा माळ कोमुल, अदकि तान वार्ट उन साठी वंश पैदा माळुल. 29 येळ वार्टुर ईरोर, पयला वार्ट मदा माळकु बनि औलाद सोतोदुन. 30 बाक दुसरा वार्ट भी आकनि से मदा माळदुन, 31 अदकि तसिरा वार्ट भी अदा आरूत से मदा माळ कोंडुन. ईदा रीति देल येळु वार्टुर बनि औलाद देल सोतोदुर. 32 आखरी दा आ आरूत भी सोतोदुर. 33 इदुरसाटी जत्तिता आगदुर मा आक आंदुरदा टु यारो हगिस आदार? यतकी आ येळु वार्टुर आकनि से मदा माळीदुर.”

34 यीशु आंदुर से अंदुन, “ई युग इन लॉकुर दा रा मदगोळ आगताव, 35 लेकीन जो लॉकुर ई लायक ठहरूस्यार क्वा आ युग इक अदकि सोत्तुर दा टु जत्तिता आगोद प्राप्त माळुल, आंदुर ना मदा माळ्यार अदकि ना मदा दा कोटक आदार. 36 बाक आंदुर ना रा यागलु सोत्तार, यतकी आंदुर पुनरूत्थान इन औलाद बनसकु स्वर्गदूतगोळद घाई अदकि सोत्तुर दा टु जत्तिता आगदुर कारण देल परमेश्वर उन औलाद ईत्तार. 37 लेकीन ई मात इक क्वा सोत्तुर जत्तिता आगताव, मूसा भी होत्त झाळी इन उदाहरण दा प्रगट माळ्यान क्वा आव प्रभु अक ‘अब्राहम उन परमेश्वर, अदकि इसहाक उन परमेश्वर अदकि याकूब उन परमेश्वर’ अनतान. 38 परमेश्वर रा मुरदागोळ ईला लेकीन जत्तितागोळद परमेश्वर हुन: यतकी आऊन हात्ती सप्पा जत्तिता आर.”

39 आग ईद केळकु शास्त्रीगोळ दा टु येनारा ईद अंदुर, “हे गुरु, नी बराबर उत्तर कोट्ट.” 40 अदकि आ सद्कीगोळी बाक आऊन से येनारा अदकि केळोद हम्मित आगीदील.

मसीह यार पार हुन?

(मत्ती २२:४१-४६; मरकुस १२:३५-३७)

41 बाक यीशु आंदुर से केळदुन, “मसीह अक दाऊद उन औलाद हयांग अनतार?” 42 दाऊद तान भजन संहति अन कतिाव दा अनतान:

“प्रभु नान प्रभु से अंदुन,

43 नान ऊम्मा कय दी कुर,

यागासताका क्वा ना नीन से दुश्मनी ईटावाळेर इक नीन काल दशी माळ कोमालीन.”

44 “दाऊद रा आऊक प्रभु अनतान; रा बाक आव आऊन औलाद ह्यांग ठहूसदुन?”

शास्त्रीगोळ से सावधान

(मत्ती २३:१-३६; मरकुस १२:३८-४०)

45 याग सप्पा लॉकुर केळोर, रा यीशु तान चेलागोळ से अंदुन, 46 “शास्त्रीगोळ से सावधान ईरी, यारी ऊद्द-ऊद्द च्वांगा हाक्कु वयाळोद वळ्लीद हततद, अदकि यारी सात्तागोळ दा नमस्कार अदकि आदर, अदकि यहूदी लॉकुरद सभागूहगोळ दा मुख्य आसन अदकि भोज दा मुख्य जागा प्रयि हतताव. 47 आंदुर रांड्यागोळ्द मान्नागोळ इक तदि बुळतार अदकि आंदुर फायदा नेगुतार, अदकि लॉकुरी दखावा साटी हापाळ होत्त ताका प्रार्थना माळतेला ईरतार: इंदरी यक्कुल से यक्कुल दण्ड सकिकीत.”

21

कंगाल रांड्यागीत इन दान

(मरकुस १२:४१-४४)

1 बाक यीशु नाकु दी कण्ण नेगुकु पैस्यावाळेर लॉकुर इक तान मंदरि इन दानपेटी दा दान हाक्त नोळदुन. 2 आव ऊंद कंगाल रांड्या अक भी अदुर्दा येढ्ढ तांबा नव सकिका हाक्त नोळदुन. 3 आग यीशु आंदुर से अंदुन, “ना नीम से खरा अनतीन कि ई कंगाल रांड्यागीत सप्पा मुंदुर से यक्कुल हाक्यार. 4 यतकी आ सप्पा मुंदुर तान तान बचत दा टु दान कोट्टुर, लेकीन इक तान कंगालपन दा टु तान सप्पा जीवकि, हाक्क बुटुर.”

मंदरि इन वनिश इन भवषियवाणी

(मत्ती २४:१,२; मरकुस १३:१,२)

5 याग चेलागोळ दा टु थ्वाळासा चेलागोळ मंदरि इन बारा दा अनोर कि अद ह्यांग सुंदर कल्लगोळ अदकि परमेश्वर उक कोळ्द भेट इन वसतुगोळ से सवारसकु आग्याद, रा यीशु अंदुन, 6 “अव दनि बंदव, यारदा ईद सप्पा जो नीव नोळतीर, अऊर्दा टु ईल ऊंद कल्ल मा कल्ल भी ईरतीदील जो केडुकु आगतीदील.”

संकट अदकि सताप

(मत्ती २४:३-१४; मरकुस १३:३-१३)

7 आंदुर यीशु से केळदुर, “हे गुरु, ई सब याग आदीत? अदकि ई मातगोळ याग पुरा आगदुर मा ईत्तव, रा आ समय इन येन चमत्कार ईत्तीत?”

8 आव अंदुन, “सावधान ईरी कि नीव भरमुसकु आगतीदील, यतकी हापाळ सा नान हेसुर देल बंदकु अंदार, ‘ना आवा हुईन,’ अदकि ईद भी कि, ‘समय हात्ती होट्ट बंदाद.’ नीव आंदुर हदि होगबाळेतीर. 9 याग नीव लळाईगोळ मातचीत केळीर अदकि लळाईगोळ्द बारा दा अफवाह केळीर रा घबरूस बाळेतीर, यतकी ईऊर्द आगोद जरूरी आद; लेकीन आ समय तुरन्त अन्त आगतीदील.”

10 आग आव आंदुर से अंदुन, “दयाश मा दयाश अदकि राज्य मा राज्य चढाई माळीत, 11 अदकि धोड्डेव-धोड्डेव भूकम्प आदव, अदकि जागा जागा मा अकाल अदकि महामारी बदिदव, अदकि आकाश टु भयंकर मातगोळ अदकि धोड्डेव-धोड्डेव चमत्कार प्रगट आदव. 12 लेकीन इव सप्पा मातगोळ से पयले आंदुर नान हेसुर इन कारण नीमी हुळदार, अदकि सतुस्यार, अदकि पंचायतगोळ दा सोपस्यार, अदकि बंदीगूह दा हाकसुस्यार, अदकि राजागोळ अदकि शासकगोळ मुंद ओतार. 13 पर ईद नीम साटी खुशखबरी इन गवाही कोळोद मवका आगेदीत. 14 *इदुरसाटी तान तान मन दा ठानस्कू ईटी कनिाव पयले टु तान तान इक ऊळसोर साटी येन अंदेव ईदुर चनिता माळबाळेतीर. 15 यतकी ना नीमी हगि बोल अदकि बुद्धी कोळाईन कि नीम यावारा भी वरिधी सामना या खंडन माळ सकतीदलि. 16 नीम मोय आप्प, अदकि वारटुर, अदकि रशितेदार, अदकि संगी भी नीमी हुळसुस्यार; ईल ताका कि नीम दा टु थ्वाळासा मुंदुर इक कौसुस बुट्टार. 17 नान कारण सप्पा

* 21:14 २१:१४ लूका १२:११,१२

लॉकुर नीम से दुश्मनी ईट्यार. 18 लेकीन नीम ताल्ला अन्द ऊंद चुट्टी भी कति सकतीदलि. 19 धीरज ईट्टीर रा नीव तान जीवगोळी ऊळस्क ईट्टीर.

यरूशलेम इन वनिाश इन भवषियवाणी
(मत्ती २४:१५-२१; मरकुस १३:१४-१९)

20 “याग नीव यरूशलेम इक सेनागोळ से घेरस्क नोळीर, रा जान्स कोमेतीर कि अदुरद बरबाद आगोद हात्ती आद. 21 आग जो यहूदिया दा आर आंदुर पहाळीगोळ मा ओळ्गेगुल; अदकि जो यरूशलेम इन बुळ्क आर आंदुर व्हार्या होट्ट बुळ्क; अदकि जो ऊरगोळ दा आर आंदुर नगरगोळ दा होगबाळ्क. 22 यतकी ईव बदला ताकोमव हगि दनि ईत्तव, यदुर दा वचन दा लखिस्क अव सप्पा मातगोळ पुरा आगेदव. 23 आ दनिगोळ दा जो व्हाट्या दी अदकि हाल कुळसतीदार, आंदुर साटी हाय, हाय! यतकी पृथ्वी मा धोळ्द क्लेश अदकि ई लॉकुर मा धोळ्द प्रकोप ईत्तीत. 24 आंदुर तलवार देल कौसुसकु आदार, अदकि सप्पा द्याशगोळ लॉकुर दा बंदी आगकु पोहचुसकु आदार; अदकि यागासताका गैरयहूदीगोळ्द समय पुरा आगाल्द, आगासताका यरूशलेम गैरयहूदीगोळ देल मेटकु आदीत.

मंळसा अन पार उन दुबारा बरोद
(मत्ती २४:२९-३१; मरकुस १३:२४-२७)

25 *सूरज, अदकि चंद्र, अदकि तारागोळ दा चमत्कार काळसेव; अदकि पृथ्वी मा द्याश-दयाश इनोर लॉकुरी संकट आदीत, यतकी आंदुर समुद्र अन गर्जन अदकि लयरगोळ आवाज देल घबूसेदार. 26 अजुक इन कारण अदकि दुनिया मा बरोद घटनागोळ्द हादी नोळ्त्त-नोळ्त्त लॉकुरद जीव दा जीव ईरतीदिल, यतकी आकाश इन शक्तगोळी आलगाळ्स्क आदीत. 27 *आग आंदुर मंळसा अन पार उक सामर्थ्य अदकि धोळ्द महमा अन्द सांगुळ बादल मा बरतेला नोळ्यार. 28 याग ई मातगोळ आगली कुरतव, रा नदिरकु तान ताल्ला म्याकुच नेगेतीर; यतकी नीम छुटकारा हात्ती आदीत.”

अंजीर इन मार्र इन उदाहरण
(मत्ती २४:३२-३५; मरकुस १३:२८-३१)

29 यीशु आंदुर से ऊंद उदाहरण भी अंदुन: “अंजीर इन मार्र अदकि सप्पा मार्रगोळी नोळी. 30 ह्यांग अऊर्दा कोम होळताव, रा नीव नोळकु खुद अच जान्स कोमेतीर कि बसिल इन दनि हात्ती आव. 31 ईदा रीर्त देल याग नीव ईव मातगोळी आगतेला नोळीर, आग जान्स कोमी कि परमेश्वर उन राज्य हात्ती आद.

32 “ना नीम से खरा अनतीन कि यागासताका इव सप्पा मातगोळ आगालव, आगासताका ईद पीढी इन यागलु अन्त आगतीदिल. 33 आकाश अदकि पृथ्वी टलुसेदति, लेकीन नान मात्तगोळ यागलु टलुसतीदलि.”

वशिवास दा ईरी
(मत्ती २४:३६-४४; मरकुस १३:३२-३७)

34 “इदुरसाटी सावधान ईरी, हगि आगबाळ्क कि नीम मन दुराचार, पयिक्कळपन अदकि जीवन इन चनितागोळ्द भार देल वत्तेगुल, अदकि अद दनि अचानक नीम मा फंदा अन्द घाई होट्ट बरूल. 35 यतकी अद सप्पा पृथ्वी अन सब ईरावाळेर मा ईदा प्रकार देल बंदकु बदिदीत. 36 इदुरसाटी जागसतेला ईरी अदकि हर घळी वनिती माळ्त्त ईरी कि नीव ई सप्पा बरावाळा घटनागोळ देल वुळ्ळी अदकि मंळसा अन पार उन मुंद नदिरोद लायक आगी.”

37 *यीशु हर रोज मंदिर दा शक्षिा कोळतोगोन, अदकि हर रोज द्यावगा होगकु जैतून हेसुर इन पहाळी मा ईळ्ळक कडुतोगोन; 38 अदकि रोज हुंजकुका सप्पा लॉकुर आऊंद शक्षिा केळोर साटी मंदिर दा आऊन हात्ती बरतोगोर.

22

यीशु उन वरिद्ध साजीश

(मत्ती २६:१-५; मरकुस १४:१-२; यूहन्ना ११:४५-५३)

1 अखमीरी रोटी अन हाब्व जो फसह कहलुसतद, हात्ती ईरोद; 2 अदकि प्रधान याजक अदकि नयिम इन गुरु ई मात इन खोज दा ईरोर कां यीशु उक ह्यांग कोद बुटेव, पर आंदुर लाँकुर से अंजतोगोर.

यहूदा अन्द वशिवासघात

(मत्ती २६:१४-१६; मरकुस १४:१०,११)

3 आग शैतान यहूदा दा समुस्त, जो इस्करियोती कहलुस्तान अदकि हन्नेळ चेलागोळ दा आळुकु आगतोगोन. 4 आव यहूदा दा होगकु प्रधान याजकगोळ अदकि मंदिर इन पहरदारगोळद सरदारगोळ सांगुळ मातचीत माळदुन कियीशु उक याता प्रकार आंदुर कय देल हुळसुस्यार. 5 आंदुर खुश आदुर, अदकि आऊक पैस्या कोळोर साठी तयार आदुर. 6 आव मान्स कौडुन, अदकि मौका दुंदसली कुरतुन कियोग भीळ ईरतीदील रा आऊक आंदुर कय देल हुळसुस कोडेव.

चेलागोळद सांगुळ फसह अन आखरी भोज

(मत्ती २६:१७-२५; मरकुस १४:१२-२१; यूहन्ना १३:२१-३०)

7 आग अखमीरी रोटी इन हाब्व इन दनि बत्त, यारदा फसह म्यांडा अन्द पाड्डा अन्द बलर्न कोळोद जरूरी ईरोद. 8 यीशु पतरस अदकि यूहन्ना अक ईद अनकु कळुदुन: “होगकु नाम फसह अन्द ऊमोद तयारी माळी.”

9 आंदुर आऊन से केळदुर, “नी यल चाहासत्या कानाव इदरी तयार माळेव?”

10 आव आंदुर से अंदुन, “नोळी, नगर दा प्रवेश माळतेला अच ऊंद मळसा नीर इन माळका नेगुकु नीमी सकियान; याता मान्ना दा आव होदान नीव आऊन हदि होटोगेतीर, 11 अदकि आ मान्ना अन स्वामी से अनेतीर: ‘गुरु नीन से अनतान कां अद पाऊनागोळद कमरा यल आद यदुर दा ना तान चेलागोळ सांगुळ फसह अन्द भोजन तनिईन?’ 12 आव नीमी ऊंद सजुसद धोळद म्याकुच इन कमरा तोरसयान; अल्या तयारी माळेतीर.

13 “आंदुर होगकु, ह्यांग यीशु आंदुर से अंददिन, हांग अच नोळदुर अदकि फसह अन्द भोजन तयार माळदुर.”

प्रभु उन आखरी भोज

14 याग घळी होट्ट बत्त, रा आव चेलागोळ सांगुळ ऊमली कुरतुन. 15 अदकि आव आंदुर से अंदुन, “नान हापाळ इच्छा ईरोद कां दुख भोगसोर से पयले ईद फसह अन्द भोजन नीम सांगुळ तनिईन. 16 यतकी ना नीम से अनतीन कियोगासताका अद परमेश्वर उन राज्य दा पुरा आगाल आगासताका ना अदरी यागलु तनितीदील.”

17 आग यीशु कटोरा हुळकु धन्यवाद माळदुन अदकि अंदुन, “इदरी हुडी अदकि आपस दा वाट्स कोमी. 18 यतकी ना नीम से अनतीन कां यागासताका परमेश्वर उन राज्य बराल्द आगासताका ना अंगुर इन रास्सा ईगी टु यागलु कुडुतीदील.”

19 बाक आव रोटी हुळदुन, अदकि धन्यवाद माळकु मुरदुन, अदकि आंदरी ईद अनतेला कोट्टुन, “ईद नांद शरीर हुन जो नीम साठी कोटकु आगतद: नांद याद इन साठी ईदा माळतोगी.” 20 ईदा रीर्ता देल आव भोजन इन बाददा कटोरा भी ईद अनतेला कोट्टुन, “ईद कटोरा नांद आ खुन इन व्हाशोद वाचा हुन. जो नीम साठी वाहुसकु आगतद.

21 “पर नोळी, नानी हुळसुसावाळा अन कय नान सांगुळ मेज मा आद. 22 यतकी मळसा अन पार रा जसा आऊन साठी ठहरूसकु आग्याद, हांग अच आव सोत्तान, पर हाय आ मळसा मा यार्द द्वारा आव हुळसुसकु आदान!”

23 आग आंदुर आपस दा वचिर माळली कुरतुन कां नाम दा टु याव आन, जो ईद क्याल्सा माळयान.

सब से यक्कुल महान याव?

24 ✨आंदुरदा ईद वाद-ववाद भी आत की आंदुर दा टु याव धोड्डेव समसकु आगतान. 25 यीशु आंदुर से अंदुन, “गैरयहूदीगोळ्द राजा आंदुर मा प्रभुता माळतार; अदकि जो आंदुर मा अधिकार ईटतार, आंदुर उपकार माळावाळेर कहलुस्तार. 26 ✨लेकीन नीव हांगि आगबाळेतीर; उलटा जो नीम दा धोड्डेव आन, आव स्याणेव उन घाई अदकि जो स्याणा आन, आव सेवक उन घाई आगुल. 27 ✨धोड्डेव याव आन, आव जो ऊमोर साटी कुरतकु आन, या आव जो स्यावा माळतान? येन आव ईला जो ऊमली कुरतकु आन? लेकीन ना नीम न्याड्या सेवक उन घाई आईन.

28 “नीव आंदुर हुईर, जो नान परीक्षागोळ दा लगातार नान सांगुळ ईतीर; 29 अदकि ह्यांग नान आप्प नानी राज्य मा अधिकार कोटान, हांग अच ना भी नीमी हांग अच अधिकार कोळतीन, 30 ✨ताकी नीव नान राज्य दा नान मेज मा तर्नी-कुडी, उलटा सहिसनगोळ मा कुरतकु इस्त्राएल इन हन्नेळ वंशगोळ्द न्याय माळी.

पतरस उन इनकार

(मत्ती २६:३१-३५; मरकुस १४:२७-३१; यूहन्ना १३:३६-३८)

31 “शमौन, हे शमौन! शैतान नीम लॉकुरी परखुसोर साटी आग्या बेळ कोंडान की बेकार दा टु वळ्लेर इक अलग माळुल ह्यांग केईवाळा गोदी दा टु फरकंडा अलग माळतान, 32 लेकीन ना नीन साठी वनिती माळदीन की नीन वशिवास गोर्त आगबाळुल; अदकि याग नी वापस बंद्या, रा तान वारटुर इक हम्मिमत कोळेत.”

33 पतरस यीशु से अंदुन, “हे प्रभु, ना नीन सांगुळ बंदीगृह दा होगली, अदकि सायली भी तयार आईन.”

34 यीशु अंदुन, “हे पतरस, ना नीन से अनतीन की ईद हुंज कुग्गतदील आगासताका नी मुर घन नांद इनकार माळ कोंड्या की नी नानी जान्साल.”

चीला, झ्वारा, अदकि तलवार

35 ✨बाक यीशु आंदुर से अंदुन, “याग ना नीमी चीला, झ्वारा, अदकि जुता बनि कळीदीन, रा येन नीमी यातोदारा वस्तु उन कमी आगीत?”

“आंदुर अंदुर, यातोदु वस्तु उन ईला.”

36 आव आंदुर से अंदुन, “लेकीन ईग यार्द हात्ती चीला आद आव अदरी हुडुल अदकि हांग अच झ्वारा भी, अदकि यार्द हात्ती तलवार ईला ईतीदाद आव तान कपळा मारकु ऊंद कोंड कोमुल.”

37 यतकी ना नीम से अनतीन, की ईद जो लखिसकु आद: “अद अपराधीगोळ सांगुळ आळुकु आग्याद, अदुरद नान दा पुरा आगोद जरूरी आद; यतकी नान बारा दा लखिसद मातगोळ पुरा आगदुर मा आव.”

38 आंदुर अंदुर, “हे प्रभु, ईल येदद तलवारगोळ आव.”

आव आंदुर से अंदुन, “हापाळ आव.”

जैतुन इन पहाळी मा यीशु उन प्रार्थना

(मत्ती २६:३६-४६; मरकुस १४:३२-४२)

39 आग यीशु व्हार्या होटकु तान रीतइन अनुसार जैतून इन पहाळी मा होदुन, अदकि चेलागोळ आऊन हदि आगदुर. 40 आ जागा दा होगकु आव आंदुर से अंदुन, “प्रार्थना माळी की नीव परीक्षा दा बळिबाळी.”

41 आव आंदुर से अलग लगभग कल्ल भीळोद ईट दुर ताका होदुन अदकि ट्वांगरा टेक्सकु प्रार्थना माळली कुरतुन, 42 “हे आप्पा, अगर नी चाहास्या रा ईद दुख देल तुमद कटोरा अक नान हात्ती टु सर्कुसबुळ, तरी भी नान ईला लेकीन नीन इच्छा पुरा आगुल.” 43 आग स्वर्ग दा टु ऊंद स्वर्गदूत आऊक काळसदुन जो आऊक सामर्थ्य कोळतोगोन. 44 आव हापाळ व्याकुल आगकु मातत यक्कुल वेदना देल प्रार्थना माळली कुरतुन; अदकि आऊन पच्ची रा खुन इन धोळ्द-धोळ्द बुंद इन घाई धरती मा बळितोगोद.

✨ 22:24 २२:२४ मत्ती १८:१; मरकुस ९:३४; लूका ९:४६ ✨ 22:26 २२:२६ मत्ती २३:११; मरकुस ९:३५ ✨ 22:26 २२:२६ मत्ती २०:२५-२७; मरकुस १०:४२-४४ ✨ 22:27 २२:२७ यूहन्ना १३:१२-१५ ✨ 22:30 २२:३० मत्ती १९:२८ ✨ 22:35 २२:३५ मत्ती १०:९,१०; मरकुस ६:८,९; लूका ९:३; १०:४

45 आग आव प्रार्थना माळकु येदुन अदकि तान चेलागोळद हात्ती बंदकु आंदरी उदासी इन मारा देल मगित नोळदुन 46 अदकि आंदुर से अंदुन, “येती मगितीर? येळी, प्रार्थना माळी कनीव परीक्षा दा बळिवाळी.”

यीशु उक ध्वाका देल हुडुकु आगोद

(मत्ती २६:४७-५७; मरकुस १४:४३-५०; यूहन्ना १८:३-१२)

47 यीशु ईद अंत अच ईरोन कि ऊंद भीळ बत्त, अदकि आ हन्नेळ दा टु ऊंद यार्द हेसुर यहूदा ईरोद आंदुर मुंद मुंद बरोन. आव यीशु उन हात्ती बंदुन कि आऊन गाल्ला अन्द चुम्मा ताकोम सकुल. 48 यीशु आऊन से अंदुन, “हे यहूदा, येन नी चुम्मा ताकोमकु मळसा अन पार उक हुळसुसली बंद्या?”

49 आऊन चेलागोळ जो यीशु उन सांगुळ ईरोर याग नोळदुर कियेन आगावाळा आद, रा अंदुर, “हे प्रभु, येन नाव तलवार नळसेव?” 50 अदकि आंदुर दा टु ऊंद मळसा महायाजक ऊंद दास मा तलवार नळसकु आऊन ऊम्मा कवि हारस बुट्टुन.

51 इदुर मा यीशु अंदुन, “ईग बस माळी.” अदकि आऊन कवि इक मुटकु आऊक वळ्लीद माळदुन.

52 आग यीशु प्रधान याजकगोळ अदकि मंदरि इन पहरेदारगोळ सरदारगोळ अदकि पुरनयागोळ से, जो आऊन मा येरकु बंदीदुर, अंदुन, “येन नीव नानी वदिरोह जान्सकु तलवारगोळ अदकि कोलगोळ हुडुकु होटीर? 53 *याग ना मंदरि दा हर रोज नीम सांगुळ ईरीन, रा नीव नानी हुडोद कोशशि माळीदील; पर ईद नीम समय आद, अदकि अंधकार इन राज आद.”

पतरस उन इनकार

(मत्ती २६:५७,६९-७५; मरकुस १४:५३,५४,६६-७२; यूहन्ना १८:२५-२७)

54 बाक आंदुर यीशु उक हुडुकु ओतुर, अदकि महायाजक उन मान्या तंदुर. पतरस दुर दुर टु उच आऊन हदि-हदि नळुतोगोन; 55 अदकि याग आंदुर आंगुळ दा बेक्की होत्ताकु ऊंद ऊज्या कुरतुर, रा पतरस भी आंदुर न्याड्या दा कुरतोदुन. 56 आग ऊंद दासी आऊक सगिळी इन उजुळ दा कुरत नोळकु अदकि आऊक वळ्लीसा नोळकु अनली कुरतुर, “ईव भी रा यीशु उन सांगुळ ईरोन.”

57 लेकीन पतरस ईद अंदकु इनकार माळदुन, “हे आर्त, ना आऊक अरालीन.”

58 थ्वाळासा समय इन बाददा यावारा दुसरा मळसा आऊक नोळकु अंदुन, “नी भी रा आंदुर दा टु ऊंद हुय.”

पतरस अंदुन, “हे मळसा, ना आलच.”

59 बाक मात्त ऊंद घंटा अन्द बाददा ऊंद मळसा भरोसा माळकु अंदुन, “जरूर ईव भी रा आऊन सांगुळ ईरोन, यतकी ईव गलीली हुन.”

60 पतरस अंदुन, “हे मळसा, ना जान्सालीन कि नी येन अनेत्या!”

आव अनतेला अच ईरोन कि तुरन्त हुंज कुगत. 61 आग प्रभु तरिगकु पतरस उन दी नोळदुन, अदकि पतरस उक प्रभु उन आ मात याद बत्त जो आव अंददिन: “ईद हुंज इन कुग्गोर से पयला, नी मुर घन नान इनकार माळ्या.” 62 अदकि आव व्हार्या होटकु हुदक्या कोट कोटकु वरलदुन.

यीशु उन अपमान

(मत्ती २६:६७,६८; मरकुस १४:६५)

63 जो मळसागोळ यीशु उक हुडुकु ईरोर, आंदुर आऊन मज्याक हारसकु आऊक बडुली कुरतुर; 64 आंदुर आऊन कण्णगोळ मा पट्टी कटकु आऊन से केळदुर, “भवषियवाणी हेळ कि नीनी याव बळदुन!” 65 अदकि आंदुर आऊन अपमान माळकु आऊन वरिध दा हापाळ सा मातगोळ अंदुर.

महासभा अन्द मुंद यीशु

(मत्ती २६:५९-६६; मरकुस १४:५५-६४; यूहन्ना १८:१९-२४)

66 याग हागुल आत रा लाकुरद स्याणा अदकि प्रधान याजक अदकि नयिम इन गुरु जमा आदुर, अदकि यीशु उक तान महासभा दा तनकु केळदुर, 67 “येन नी मसीह हुय? रा नाम से अंद बुळ!”

यीशु आंदरी उत्तर कोट्टुन, “अगर ना नीम से अनाईन, तरी भी नीव वशिवास माळतीदील; 68 अदकि अगर ना सवाल केळाईन रा नीव उत्तर कोळतीदील. 69 लेकीन ईगी टु ना मंळसा अन पार सर्वशक्तमान परमेश्वर उन ऊमा कय दी कुरतकु ईराइन.”

70 इदुर मा सप्पा मुंदुर अंदुर, “रा येन नी परमेश्वर उन पार हुय?”

यीशु उत्तर कोट्टुन, “नीव खुद अच अंतीर, कनि ना हुईन.”

71 आग आंदुर अंदुर, “ईग नामी गवाही इन येन जरवत आद; यतकी नाव खुद आऊन बाय देल केळ कोंडेव.”

23

पलातुस उन मुंद यीशु

(मत्ती २७:१,२,११-१४; मरकुस १५:१-५; यूहन्ना १८:२८-३८)

1 आग सप्पा सभा यदकु यीशु उक पलातुस उन हात्ती ओतुर. 2 आंदुर ईद अनकु आऊन मा दोष हचली कुरतुर: “नाव ईऊक यहूदी लॉकुरी बयकुस्त, अदकि रोमन सम्राट उक कर कोळोद से मना माळत, अदकि तान तान इक मसीह, अन राजा अनतेला केळेव.”

3 पलातुस यीशु उक केळदुन, “येन नी यहूदीगोळ्द राजा हुय?”

यीशु आऊक उत्तर कोट्टुन, “नी खुद अच अनेत्या.”

4 आग पलातुस प्रधान याजकगोळ अदकि लॉकुर से अंदुन, “ना ई मंळसा अनद बुळ्क यातोदु दोष नोळालीन.”

5 लेकीन आंदुर मात्त यककुल यकीन देल अनली कुरतुर, “ईव गलील टु ईल ताका, सप्पा यहूदी प्रदेश दा उपदेश कोट कोटकु लॉकुरी भळकुस्तान.”

हेरोदेस उन मुंद यीशु

6 ईद केळकु पलातुस केळदुन, “येन ईव मंळसा गलीली हुन?” 7 अदकि याग पलातुस ईद जान्सदुन कनि आव हेरोदेस उन रयासत ईनव हुन, रा आऊक हेरोदेस उन हात्ती कळु बुट्टुन, यतकी आ दनिगोळ दा हेरोदेस भी यरूशलेम दा ईरोन. 8 हेरोदेस यीशु उक नोळकु हापाळ खुश आदुन, यतकी आव हापाळ दनी टु आऊक नोळोद चाहासोन; यतकी हेरोदेस आऊन बारा दा केळीदुन, अदकि आऊन से येनारा चमत्कार नोळोद आशा ईटोन. 9 आव आऊन से हापाळ सा प्रश्न केळ्त् ईत्तुन, पर आव आऊक येनु उत्तर कोटीदील. 10 प्रधान याजक अदकि नियम इन गुरु नदिरकु आऊन मा गंभीर आरोप हचतेला ईत्तुर. 11 आग हेरोदेस तान सपिाहीगोळ्द सांगुळ आऊन अपमान माळकु आऊक मज्याक दा हारसदुन, अदकि सुंदर कपळा हाकसुस्कु आऊक पलातुस उन हात्ती कळु बुट्टुन. 12 अदा दशी पलातुस अदकि हेरोदेस संगी आगेदुर; इदुर से पयले आंदुर आबुर दाबुर्द दुश्मन ईरोर.

पलातुस द्वारा यीशु उक मृत्यु दण्ड

(मत्ती २७:१५-२६; मरकुस १५:६-१५; यूहन्ना १८:३९-१९:१६)

13 पलातुस प्रधान याजकगोळ अदकि सरदारगोळ अदकि लॉकुरी कारदुन, 14 अदकि आंदुर से अंदुन, “नीव ई मंळसा अक लॉकुरी बयकुसावाळा सम्सकु नान हात्ती तंदीर, अदकि नोळी, ना नीम मुंद आऊन जाँच माळदीन, लेकीन या मातगोळ्द नीव आऊन मा दोष हचेतीर आ मातगोळ्द बारा दा रा ना आऊन बुळ्क दा येनु अच दोष नोळीदील; 15 अदकि ना रा हेरोदेस राजा आऊन दा येनारा दोष नोळदुन, यतकी आव आऊक नाम हात्ती कळु बुट्टुन; अदकि नोळी, आऊन से हगि यातोदु दोष आगीदील कनि आऊक मृत्यु दण्ड कोटकु आगुल. 16 इदुरसाटी ना आऊक बळसुस्कु बटि बुळतीन.” 17 यतकी आ हाब्व इन समय दा पलातुस उक आंदुर साटी ऊंद बंदी इक बळोद बळितोगोद*.

18 आग सप्पा मुंदुर गुट माळकु चळिलासकु येददुर, “ईऊक कोंद बुळ, अदकि नाम साटी बरअब्बा अक बटि बुळ!” 19 बरअब्बा दंगा फसाद इन कारण जो नगर दा आगीत, अदकि हत्या अनद कारण बंदीगृह दा हाक्कु आगीदुन.

* 23:17 २३:१७ ईद वचन हाळोद हस्तलेखा दा लखिसकु हैलेच

20 लेकीन पलातुस यीशु उक बळिोद इच्छा देल लॉकुरी मात्त समजुसदुन, 21 लेकीन आंदुर मात्त चलिळासकु अंदुर, “आऊक क्रूस मा येर्स, क्रूस मा!”

22 आव तसिरा घन आंदुर से अंदुन, “येती, आव याता गुणा माळ्यान? ना आऊन बुळ्क मृत्यु दण्ड इन लायक यातोदु दोष नोळीदील. इदुरसाटी ना आऊक क्वाळा बळसुसकु बटि बुळतीन.”

23 लेकीन आंदुर चलिळास-चलिळासकु आऊन हदि हत्तेदुर क्वाळा क्रूस मा येर्सकु आगुल, अदकि आखरी दा आंदुर चलिळासोद सफल आगेत. 24 इदुरसाटी ह्यांग लॉकुर चाहासदुर हांग अच पलातुस आंदुर मांग इन अनुसार सहमती कोट्टुन. 25 आव आ मळसा अक जो दंगा फसाद अदकि हत्या अन्द कारण बंदीगूह दा हाककु आगीदुन, अदकि यारी आ लॉकुर बेळोर, आऊक बटि बुट्टुन; अदकि यीशु उक आ लॉकुर इच्छा अन्द अनुसार सौप्स बुट्टुन, क्वाळा आंदुर जो चाहस्यार अद आऊन सांगुळ माळ सकुल.

यीशु उक क्रूस मा येर्सोद

(मत्ती २७:३२-४४; मरकुस १५:२१-३२; यूहन्ना १९:१७-२७)

26 याग आंदुर यीशु उक ओयोर, रा आंदुर शमौन हेसुर इन ऊंद कुरेनी मळसा जो नगर दी टु बरोन, आऊक हुडुकु आऊन मा क्रूस मळस बुटुर क्वाळा यीशु ऊंद हदि-हदि वोय सकुल.

27 लॉकुर धोळ्द भीळ आऊन हदि आगेत अदकि अदुरदा हापाळ सा आर्तेर भी ईरोर जो आऊन साटी याददा-पटिसोर अदकि वलिाप माळतोगोर. 28 यीशु आंदुर दी तरिगकु अंदुन, “हे यरूशलेम इन पोरगोळा, नान साटी वरलबाळी; लेकीन तान अदकि तान चकिोरगोळ साटी वरली. 29 यतकी नोळी, अव दनि बरताव, या दनि दा लॉकुर अंदार, “धन्य आर आंदुर जो वांझला आर अदकि अव गर्भ जो हाळददील अदकि अव स्तन जो हाल कुळसदील.” 30 *आ समय ‘आंदुर पहाळीगोळ से अंदार क्वाळा मा बळी, अदकि ट्याकरागोळ से अंदार क्वाळा नामी मुच्च बुळी.’ 31 यतकी याग आंदुर हविरा मारर इन सांगुळ हगि माळतार, रा वळगींद मारर इन सांगुळ येन-येन माळतीदील?”

32 आंदुर अन्य येदद मळसागोळी जो अपराधी ईरोर आंदरी भी यीशु उन सांगुळ कोनली ओतुर. 33 याग आंदुर आ जागा यारी खोपळी अनतार होदुर, रा आंदुर अल यीशु उक अदकि आ अपराधीगोळी भी, ऊंद मळसा अक ऊमा कय दी अदकि दुसरा मळसा अक डाक्या कय दी क्रूसगोळ मा येर्सदुर. 34 आग यीशु अंदुन, “हे आप्पा, इंदरी माफ माळ, यतकी इंदुर जान्सालुर क्वाळा इंदुर येन माळीत्यार.”

अदकि आंदुर चट्टी गोळी हाककु आऊन कपळा वाट्स कोडुर. 35 लॉकुर नदुर-नदुरकु नोळोर, अदकि सरदार भी मज्याक माळ माळकु अनतोगोर: “ईव दुसरा अक ऊळसदुन, अगर ईव परमेश्वर उन मसीह हुन, अदकि आऊन नविळुसदव हुन, रा तान तान इक ऊळस कोमुल.”

36 सपिाही भी हात्ती बंदकु अदकि कैय हुळलग अंगुर इन रास्सा कोटकु आऊन मज्याक हारसकु अनतोगोर, 37 “अगर नी यहूदीगोळ्द राजा हुय, रा तान तान इक ऊळस!”

38 अदकि आऊन म्याकुच ऊंद दोष चट्टी भी हच बुटुर: “ईव यहूदीगोळ्द राजा हुन.”

39 जो अपराधीगोळ अल लटकुसकु आगदुर, आंदुर दा टु ऊंद अपराधी यीशु उन अपमान माळकु अंदुन, “येन नी मसीह आलच? रा बाक तान तान इक अदकि नामी ऊळस!”

40 ईदुर मा दुसरा अपराधी आऊन मा चळिलासकु अंदुन, “येन नी परमेश्वर से भी अंजाल? नीनी भी रा अदा दण्ड सकिकेत्याद, 41 अदकि नामी रा न्यायनुसार दण्ड सकिकेत्याद, यतकी नामी तान क्यालसागोळ्द बराबर फल सकिकेत्याद; लेकीन ईव रा यातोदु अपराध माळीदलि.” 42 आग आव अंदुन, “हे यीशु, याग नी तान राज्य दा बंद्या, रा नांद याद माळेत.”

43 यीशु आऊन से अंदुन, “ना नीन से खरा माताळतीन क्वाळा इंदल्या अच नी नान सांगुळ सुखदलोक दा ईत्या.”

यीशु उन जीव त्यागसोद

(मत्ती २७:४५-५६; मरकुस १५:३३-४१; यूहन्ना १९:२८-३०)

44 ईग ईद हागुल इन लगभग हननेळ मुरांद समय ईरोद अदकि हागुल इन मुर मुरास ताका सप्पा द्याश दा अंधार आगकु ईत्त, 45 अदकि सुर्य अन्द उजुळ होग्त ईत्त, अदकि मंदरि इन परदा न्याड्या दा टु हरदोत, 46 अदकि यीशु धोळ्द आवाज देल कारूकु अंदुन, “हे आप्प, ना तान आत्मा नीन कय दा सौप्सतीन.” अदकि ईद अंदकु सोतोदुन.

47 सपिाहीगोळव अधिकारी, जो येनारा आगीत नोळकु परमेश्वर उन स्तुति माळदुन, अदकि अंदुन, “नश्चय ई मंळसा न्यायी ईरोन.”

48 अदकि भीळ जो ई येनारा आगीत नोळली जमा आगीत, ई घटना अक नोळकु याद्दा बडुत वापस होटोत. 49 *लेकीन आऊनोर सप्पा जान पयचान वाळेर, अदकि जो आर्तेर गलील टु आऊन हदि बंदीदुर, दुर नदिरकु ई सप्पा नोळोर.

यीशु उक नळसोद

(मत्ती २७:५७-६१; मरकुस १५:४२-४७; यूहन्ना १९:३८-४२)

50 अल यूसुफ हेसुर ईनव महासभा अन्द ऊंद वळ्ळीद सदस्य ईरोन जो सज्जन अदकि न्यायी ईरोन. 51 अदकि आंदुरद फैसला देल अदकि आंदुरद ई क्याल्सा देल सयमत ईला ईरोन. आव यहूदीगोळ्द अरमितया नगर इन ईरावाळा अदकि परमेश्वर उन राज्य अन्द हादी कायावाळा ईरोन. 52 आव पलातुस उन हात्ती होगकु यीशु ऊंद लाश बेळदुन; 53 अदकि आग यीशु उक कूस मा टु ईळसकु मलमल इन चद्दर दा गुंळसदुन, अदकि ऊंद कबर दा ईटदुन, जो कल्ल इन जागा दा अगुळकु ईरोद; अदकि आ जागा दा यावारा अक भी यागलु ईटकु आगीदील. 54 अद तयारी इन दनि ईरोद, अदकि आराम इन दनि सूरु आगोद ईरोद.

55 मरयिम मगदलीनी जो यीशु उन सांगुळ गलील टु बंदीदुर, यूसुफ उन हदि हदि होगकु आ कबर अक नोळदुर, अदकि ईद भी नोळदुर क्क आऊन लाश इक याता रीति देल ईटकु आग्याद. 56 आग आंदुर वापस मान्या बंदकु सुगन्धति अत्तर अदकि मसालागोळ तयार माळदुर; अदकि आराम इन दनि आंदुर आग्या अन्द अनुसार आराम माळदुर.

24

यीशु उन पुनरूत्थान

(मत्ती २८:१-१०; मरकुस १६:१-८; यूहन्ना २०:१-१०)

1 लेकीन हप्ता अन्द पयला दशी हापाळ व्हातर्या का आंदुर आ सुगन्धति सामानगोळी जो आंदुर तयार माळीदुर, हुळकु कबर मा बंदुर. 2 आंदुर जो कल्ल कबर अन्द दरवाजा मा झाक्सकु ईरोद अदरी सरकुसकु नोळदुर, 3 पर याग आंदुर बुळक होदुर रा आंदरी प्रभु यीशु उन लाश कांळ्सीदील. 4 याग आंदुर ई मात देल चकति आगोर रा नोळी, येदुद मंळसा बरफ इन घाई बळिव चमकदार झलकुसत कपळा हाक्कु आंदुर हात्ती बंदकु नदिरदुर. 5 याग आंदुर अंजेदुर अदकि पृथ्वी इन दी बाय बांग्सोर रा आ स्वर्गदूतगोळ आंदुर से अंदुर, “नीव जतिता मंळसा अक सोत्तकु मंळसा दा येती दुंदसेतीर? 6 *आव ईल हैलेच, लेकीन जतिता आग्यान. याद माळी क्क आव गलील दा ईतकु नीम से येन अंददिन, 7 ‘जरूरी आद क्क ना मंळसा अन पार पापीगोळ्द कय दा हुळसुसकु आगाईन, अदकि कूस मा येरसकु आगाईन, अदकि तसिरा दशी मात्त जतिता आगाईन.’”

8 आग यीशु जो मातगोळ आंदरी अंददिन अव मातगोळ आंदरी याद बंदव, 9 अदकि कबर टु बंदकु आंदुर आ हनुन मुंदरी, अदकि अन्य सप्पा मुंदरी, इव मातगोळी अनकु केळसदुर. 10 आंदुर प्रेरतिगोळ से ईव मातगोळी अंदुर आंदुर मरयिम मगदलीनी अदकि योअन्ना अदकि याकूब उन मोय मरयिम अदकि आंदुर सांगुळ इन दुसरा आर्तेर भी ईरोर. 11 लेकीन आंदुर मातगोळ आंदरी फालतु हतदव, अदकि आंदुर आंदुरद वश्वास माळीदील. 12 आग पतरस यदकु कबर दी ओळतेला होदुन, अदकि बांगकु सरिफ कफन इन कपळा बदिक्कु नोळदुन, अदकि जो आगीत अदुर देल अचम्भा माळतेला तान मान्नी होटोदुन.

* 23:49 २३:४९ लूका ८:२३ * 24:6 २४:६ मत्ती १६:२१; १७:२२,२३; २०:१८,१९; मरकुस ८:३१; ९:३१; १०:३३,३४; लूका ९:२२; १८:३१-३३

इम्माऊस ऊर इन हादी मा यीशु तान चेलागोळ सांगुळ
(मरकुस १६:१२-१३)

13 अदा दशिी आंदुर दा टु येदढ मुंदुर इम्माऊस हेसुर इन ऊंद ऊर इक होगोर, जो यरूशलेम टु येनारा येळ कोस इन दुरी मा ईरोद. 14 आंदुर इव सप्पा मातगोळ मा जो आगीदव, आपस दा मातचीत माळतेला होगोर, 15 अदकि याग आंदुर आपस दा मातचीत अदकि जाँच माळोर, रा यीशु खुद हातती बंदकु आंदुर सांगुळ आगेदुन. 16 आंदुर आऊक नोळदुर लेकीन अरू सकदील. 17 यीशु आंदुर से केळदुन, “ईव येन मातगोळ आव, जो नीव नळुत नळुत आपस दा माळतीर?”

आंदुर उदास सा नदिरकु ईतोदुर. 18 ईद केळकु आंदुर दा टु क्लयियोपास हेसुर ईनव ऊंद मंळसा अंदुन, “येन नी यरूशलेम दा आबना परदेशी आय, जो जान्सालुन कि ई दनिगोळ दा अदुरदा येन येन आग्याद?”

19 आव आंदुर से केळदुन, “यातव मातगोळ?”

आंदुर आऊन से अंदुर, “यीशु नासरी इन बारा दा जो परमेश्वर अदकि सप्पा लाँकुर हातती क्याल्सा अदकि वचन दा सामर्थी भवषियवक्ता ईरोन, 20 अदकि प्रधान याजकगोळ अदकि नाम सरदारगोळ आऊक हुळसुस बुटुर कि आऊन मा मृत्यु ऊंद आग्या कोटकु आगुल; अदकि आऊक कूरस मा येरसुसदुर. 21 लेकीन नामी आशा ईरोद कि ईवा इस्त्राएल द्याश इक छुटकारा कोट्टान. इव सब मातगोळद अलावा ईद घटना अक आत तसिरा दनि हुन, 22 अदकि नाम दा टु हापाळ आर्तेर भी नामी आश्चर्य दा हाक बुटार, जो हुंजकुका अच कबर मा होगीदुर; 23 अदकि याग यीशु उन लाश नोळीदील रा ईद अनतेला बंदुर कि नाव स्वर्गदूतगोळद दर्शन माळदेव, यार अंदुर कि आव जत्तिता आन. 24 आग नाम साथीगोळ दा टु हापाळ मुंदुर कबर मा होदुर, अदकि हयांग आर्तेर अंदीदुर हांग अच नोळदुर; लेकीन आऊक नोळीदील.”

25 आग यीशु आंदुर से अंदुन, “हे नरिबुद्धीगोळा, अदकि भवषियवक्तागोळद सब मातगोळ मा वशिवास माळदुर दा याट धीर आईर! 26 येन जरूरी ईला ईरोद कि मसीह ईद दुख नेगुकु तान महमा दा प्रवेश माळुल?” 27 आग आव मूसा से अदकि सप्पा भवषियवक्तागोळ से सूरुवात माळकु सप्पा पवतिरशास्त्र दा टु तान बारा दा लखिसदव मातगोळद अर्थ, आंदरी समझुस बुट्टुन.

28 इटुर दा आंदुर आ ऊर इन हातती पोहचुसदुर यल आंदुर होगोर, अदकि आऊन ढंग देल हगि समझ दा बरोद कि आव मुंद आगोद चाहासतान. 29 लेकीन आंदुर ईद अनकु आऊक वनिती माळकु रोक्सदुर, “नाम सांगुळ ईर, यतकी द्याव मुळकत बरेत्याद अदकि हागुल हापाळ ढलुसीग्याद.” आग आव आंदुर सांगुळ ईरोर साठी बुळक होदुन. 30 याग आव आंदुर सांगुळ ऊमली कुरतुन, रा आव रोटी हुळकु परमेश्वर उन धन्यवाद माळदुन अदकि अदरी मूरु आंदरी कोळली कुरतुन. 31 आग आंदुरद कण्णगोळ तेदोदव; अदकि आंदुर आऊक अर्त कौडुर, अदकि आव आंदुर कण्णगोळ देल पचचेदुन. 32 आंदुर आपस दा अंदुर, “याग आव हादी मा नाम से मातगोळी माळतोगोन अदकि पवतिरशास्त्र अनद अर्थ नामी समझुस तोगोन, रा येन नाम मन दा उत्तेजना पैदा आगीदील?”

33 आंदुर अदा समय यदकु मातत यरूशलेम इक होटोदुर, अदकि आ हनुन चेलागोळी अदकि आंदुर संगीगोळी जमा नोळदुर. 34 आंदुर अनतोगोर, “प्रभु खराखुरा जत्तिता आग्यान, अदकि शमौन उक काळस्यान.”

35 आग आंदुर हादी इन मातगोळी आंदरी हेळ बुटुर अदकि ईद भी कि येदढ मुंदुर यीशु उक रोटी मुरा होती हयांग अरतुर.

यीशु चेलागोळी काळसदुन

(मत्ती २८:१६-२०; मरकुस १६:१४-१८; यूहन्ना २०:१९-२३; प्रेरतिगोळ १:६-८)

36 आंदुर ई मातगोळी अनतेला अच ईरोर कि आव खुद अच आंदुर न्याड्या दा नदिरदुन, अदकि आंदुर से अंदुन, “नीमी शांती सकिल.”

37 लेकीन आंदुर घबरूसेदुर अदकि अंजेदुर, अदकि समसेदुर कि नाव यातोदारा भूत इक नोळीतेव. 38 आव आंदुर से अंदुन, “येती घबरूसेतीर? अदकि नीम मन दा येती संदेह येळताव? 39 नान कय

अदकि नान कालगोळी नोळी की ना आवा हुईन. नानी मुटकु नोळी, यतकी भूत इन येलु दा मास ईराल ह्यांग नान दा नोळतीर.”

40 ईद अंदकु यीशु आंदरी तान कय काल तोर्सदुन. 41 आंदरी खुशी इन मारा देल वशिवास ईला आगोद, अदकि आंदुर आश्चर्य माळतोगोर, रा आव आंदुर से केळदुन, “येन ईल नीम हात्ती येनारा ऊम्मोद आद?” 42 आंदुर आऊक सुळ्द मेन इन तुकळा कोट्टुर. 43 आव हुडुकु आंदुर मुंद तदिन.

44 बाक आव आंदुर से अंदुन, “ईव नानव अव मातगोळ हु, जो ना नीम सांगुळ ईरतेला नीम से अंददीन की जरूरी आद की यास मातगोळ मूसा अन व्यवस्था अदकि भवष्यवक्तागोळ अदकि भजनगोळ कतिबगोळ दा नान बारा दा लखिसकु आव, सप्पा पुरा आगुल.”

45 आग यीशु पवतिरशास्त्र जानसोर साटी आंदुर समझ खोल्सदुन, 46 अदकि यीशु अंदुन, “ईद लखिसकु आद की मसीह दुख नेगदान, अदकि तसिरा दशी सोत्तुर दा टु जत्तिता आदान, 47 अदकि यरूशलेम टु हुळकु सप्पा जातीगोळ्द लॉकुर दा आंदुर हगि प्रचार माळली कुरतुर की आंदुर तान पाप माळोद बंद माळुल अदकि परमेश्वर आंदरी माफ माळुल. 48 नीव ई सप्पा मातगोळ्द गवाह आईर. 49 *अदकि नोळी, जो ईनाम नान आप्प नानी कोळोद वादा माळीदुन, ना अदरी नीम मा ईळसाईन अदकि यागासताका म्याकुच स्वर्ग टु सामर्थ्य सकाल, आगासताका नीव ईदा नगर दा रूक्सकु ईरी.”

यीशु उन स्वर्गारोहण

(मरकुस १६:१९,२०; प्रेरतिगोळ १:९-११)

50 *आग यीशु आंदरी बैतनय्याह ताका नगर इन व्हार्या ओतुन, अदकि तान कय नेगुकु आंदरी आशीष कोट्टुन; 51 अदकि आंदरी आशीष कोळतेला आव आंदुर से अलग आगोदुन अदकि स्वर्ग मा नेगुकु आदुन. 52 आग आंदुर आऊक दण्डवत माळकु बळा खुशी देल यरूशलेम इक मात्त वापस बंदुर; 53 अदकि आंदुर लगातार मंदरि दा उपस्थिति आगकु परमेश्वर उन धन्यवाद माळतोगोर.

यूहन्ना रचति यीशु मसीह का सुसमाचार यूहन्ना अन्द लखिसद यीशु मसीह अन बारा दा खुशखबरी परचिय

ईद यूहन्ना अन लखिसद ई खुशखबरी इन कतिब व्हाशेव नयिम इन नाक खुशखबरी इन कतिबगोळ दा टु ऊंद हुन, जो यीशु मसीह अन जीवन इन बारा दा हेळतद. यीशु मसीह अन सोत्तुर बाददा, मत्ती, मरकुस, लूका, अदकि यूहन्ना अन द्वारा ई कतिबगोळी लखिसकु आग्याद. ई सप्पा कतिबगोळी खुशखबरी इन कतिब अनतार. मसीह अन जनम इन १० वर्ष इन बाददा ईद खुशखबरी प्रेरति यूहन्ना लखिस्यान. ई कतिब दा ईद लखिसकु हैलेच कि इदरी लखिसावाळा लेखक यूहन्ना हुन, तरी भी पयला यूहन्ना, दुसरा यूहन्ना अदकि तसिरा यूहन्ना अन लखावट देल मेल तनितद. आ समय यूहन्ना इफसिस शयर दा ईरतोगोन इदुरसाटी ई कतिब इफसिस दा लखिसकु आग्याद हगि येनारा स्याणा लेखकगोळ मानसतार.

यूहन्ना ई कतिब लखिसोद उद्देश सफाई देल ईटतान कल्लोकुरी, यीशु मसीह हुन अदकि जित्ता परमेश्वर उन पार हुन यूहन्ना २०:३१ ई मात मा वशिवास माळोर साटी लॉकुरी मदत सकिल. आऊन मा वशिवास माळदुर द्वारा आऊन हेसुर देल नामी जीवन सकि सकुल. ईद कतिब यहूदी अदकि गैरयहूदी येदुदु मुंदुर साटी लखिसकु आग्याद. यूहन्ना अन खुशखबरी दा बाकी नव मुर खुशखबरी दा टु येनारा मातगोळ अलग आव. यीशु मसीह अन माळद चमत्कारगोळ मा यूहन्ना ऊजुळ हाकतान अदकि आऊन उदाहरणगोळ बारा दा यक्कुल लखिसकु आगीदील. यीशु अन बपतस्मा अदकि सुनसान जागा दा परीक्षा, ऊंदा घाई जरूरी घटनागोळी ई खुशखबरी दा लखिसकु आगीदील. रूप रेखा:

१. यूहन्ना खुशखबरी इन सूरवात १:१-१८
२. बाददा आव आ चमत्कारगोळ बारा दा लखिसतान जो यीशु माळ्यान १:१९-१२:५०
३. मुंद आव हापाळ घटनागोळ बारा दा हेळतान जो यीशु मसीह इन जीवन इक मृत्यु अदकि पुनरूत्थान ताका ओयताव १३:१-२०:३१
४. यूहन्ना अन २१ आ पाठ दा खुशखबरी खतम माळतान, यदुर दा यीशु सोत्तुर दा टु जित्ता आगकु लॉकुर मुंद बरतान. अदकि आखरी दा तान कतिब लखिसोद उद्देश हेळतेला खतम माळतान.

जीवन इन शब्द

१ सूरवात दा शब्द ईरोद, अदकि शब्द परमेश्वर उन सांगुळ ईरोद, अदकि शब्द परमेश्वर ईरोन. २ ईदा शब्द सूरवात टु परमेश्वर उन सांगुळ ईरोद. ३ सप्पा येनारा शब्द इन द्वारा पैदा आत, अदकि जो येनारा पैदा आग्याद अदुर दा टु यातोदारा भी चजि आऊन सवाय बनसीदील. ४ शब्द जीवन इन स्त्रोत ईरोद अदकि अद जीवन लॉकुर साटी ऊजुळ तर्त. ५ ऊजुळ अंधार दा चमकुसतद, अदकि अंधार यागलु इदरी हारूस सकाल.

६ परमेश्वर ऊंद बातणी कोळावाळा कळुदुन यार्द हेसुर यूहन्ना ईरोद. ७ आव गवाही कोळली बंदुन कि ऊजुळ इन गवाही कोळुल, ताकी सप्पा मुंदुर आऊन बातणी केळकु वशिवास माळुल. ८ आव खुद रा ऊजुळ ईला ईरोन, लेकीन आ ऊजुळ इन गवाही कोळोर साटी बंदीदुन. ९ खरा ऊजुळ जो हर ऊंद मंळसा अक प्रकाशति माळतद, दुनयिा दा बरावाळा ईरोद.

१० अद शब्द दुनयिा दा ईरोद, अदकि परमेश्वर आऊन द्वारा दुनयिा माळदुन, तरी भी दुनयिा आऊक अरतीदलि. ११ आव तान खुद इन लॉकुर हाती बंदुन लेकीन आऊन खुद इन लॉकुर आऊक ग्रहण माळीदील. १२ लेकीन यास मुंदुर आऊक ग्रहण माळदुर, मतलब आंदरी जो आऊन हेसुर मा वशिवास ईटतार, आव आंदरी परमेश्वर उन औलाद आगोद अधिकार कोट्टुन. १३ आंदुर ना

✳ 1:6 १:६ मत्ती ३:१; मरकुस १:४; लूका ३:१,२

रा स्वाभाविक तरीका देल परमेश्वर उन औलाद बनसदुर, मतलब मानवीय आप्प उन देल पैदा आगीदील बल्की परमेश्वर खुद आंदुरव आप्प ईरोन.

14 अदकि वचन देहधारी आत; अदकि अनुग्रह अदकि सच्चाई देल परपुर्ण आगकु नाम न्याड्या ड्यारा हाकत, अदकि नाव अदुर्द हगि महमिा नोळदेव, जसा आप्प उन ऊंद ठैसा अनंद महमिा.

15 यूहन्ना आऊन बारा दा गवाही कोट्टुन, अदकि कारूकु अंदुन, “ईव आवा हुन, यार्द वर्णन ना माळदीन कि जो नान बाददा बरेत्थान, आव नान से वाळुसकु आन यतकी आव नान से पयले ईरोन.”

16 यतकी आऊन परपुर्णता दा टु नाव सप्पा मुंदुर प्राप्त माळदेव मतलब अनुग्रह मा अनुग्रह प्राप्त माळदेव. 17 इदुरसाटी कि व्यवस्था रा मूसा अनंद द्वारा कोटकु आत, लेकीन अनुग्रह अदकि सच्चाई यीशु मसीह अनंद द्वारा बत्त. 18 परमेश्वर उक याऊ यागलु नोळीदील, ऊंद ठैसा पार जो आप्प उन क्वारा दा आन, आवा परमेश्वर उक प्रगट माळदुन.

यूहन्ना बपतस्मिा कोळावाळा अनंद बातणी

(मत्ती ३:१-१२; मरकुस १:१-८; लूका ३:१-१८)

19 यूहन्ना अनंद गवाही ईद आद, कि याग यहूदीगोळ यरूशलेम टु याजकगोळ अदकि कर ताकोमावाळेर इक आऊन से ईद केळोर साटी कळुदुर, “नी याव हुय?”

20 रा आव ईद मान्स कोडुन अदकि इनकार माळीदलि, लेकीन मान्स कोडुन, “ना मसीह आलच.”

21 आग आंदुर आऊन से केळदुर, “रा बाक नी याव हुय? येन नी एलयियाह हुय?”

आव अंदुन, ईला, “ना एलयियाह आलच.”

“रा येन नी आ भवषियवक्ता हुय?”

आव उत्तर कोट्टुन, “ईला.”

22 आग आंदुर आऊन से केळदुर, “बाक नी हुय याव? यतकी नाव तान कळावाळेर इक उत्तर कोट्टेव. नी तान बारा दा येन हेळत्या?”

23 यूहन्ना अंदुन, “ह्यांग यशायाह भवषियवक्ता अंदान:

“ना आळी दा ऊंद कारावाळा अनंद आवाज हुईन

कि नीव प्रभु उन हादी सरका माळी.”

24 आंदुर फरीसीगोळद दी टु कळुकु आगीदुर. 25 आंदुर आऊन से केळदुर, “अगर नी मसीह आलच, अदकि ना एलयियाह, अदकि ना आ भवषियवक्ता हुय, रा बाक बपतस्मिा येती कोळत्या?”

26 बपतस्मिा कोळावाळा यूहन्ना आंदरी उत्तर कोट्टुन, “ना रा नीर देल बपतस्मिा कोळतीन, लेकीन नीम बीच दा ऊंद मंळसा नदिरकु आन यारी नीव अरालीर. 27 मतलब नान बाददा बरावाळा आन, आऊन केरू उन बन्ध भी ना खोलसा लायक हैलेच.”

28 “ई मातगोळ यरदन गांगा अनंद आप्पाटी बैतनयियाह नगर दा आदव, यल यूहन्ना बपतस्मिा कोळतोगोन.”

परमेश्वर उन मेमना*

29 “दुसरा दशिी यूहन्ना यीशु उक तान दी बर्त नोळकु अंदुन, नोळी ईव परमेश्वर उन म्यांडा अन पाड्डा हुन जो दुनया अनंद पाप नेगुकु वोयतान. 30 ईव आवा हुन यार्द बारा दा ना अंददीन, ऊंद मंळसा नान हदि बरतान जो नान से श्रेष्ट आन, यतकी आव नान से पयले ईरोन. 31 ना भी रा आऊक ईला अरीन, लेकीन इदुरसाटी ना नीर देल बपतस्मिा कोळतेला बंदीन कि आव इस्त्राएल मा प्रगट आगेगुल.”

32 अदकि बपतस्मिा कोळावाळा यूहन्ना ईद गवाही कोट्टुन: “ना पवतिर आत्मा अक कबूतर इन घाई स्वर्ग टु ईळुतेला नोळीन, अदकि नोळदीन कि आ आत्मा आऊन मा बंदकु ठेहरूसेत.

33 ना रा आऊक ईला अरीन, लेकीन याव नानी नीर देल बपतस्मिा कोळली कळुदुन, आवा नान से

* 1:28 १:२९ म्यांडा अन पाड्डा

अंदुन, 'थार मा नी आत्मा अक ईळुत अदकि ठेहरूसत नोळ्या, आवा पवतिर आत्मा देल बपतस्मा कोळावाळा हुन.' 34 अदकि ना नोळदीन, अदकि गवाही कोट्टीन का ईवा परमेश्वर उन पार हुन."

यीशु नोर पयला चेलागोळ

35 दुसरा दनि मात्त यूहन्ना तान येदढ चेलागोळ सांगुळ नदिरकु ईरोन, 36 अदकि आव यीशु उक होग्त नोळदुन, अदकि अंदुन, "नोळी, ईव परमेश्वर उन म्यांडा अन पाड्डा हुन."

37 आग आंदुर येदढु चेलागोळ आऊन मातगोळ केळकु यीशु उन हदि आगेदुर. 38 यीशु तरिगकु आंदरी बरत नोळदुन अदकि आंदुर से अंदुन, "नीव यार्द खोज दा आईर?"

आंदुर आऊन से अंदुर, "हे गुरु, नी यल ईरत्या?"

39 यीशु आंदुर से अंदुन, "नळी, रा नोळ कोंडीर." आग आंदुर होगकु आऊन ईरोद जागा नोळदुर, अदकि आ दनि आऊन सांगुळ ईत्तुर. यतकी द्यावमुळका नव लगभग नाक मुरदोगदिव.

40 आ येदढु मुंदुर दा टु, जो यूहन्ना अनद मात केळकु हदि आगेगीदुर, ऊंद शमौन पतरस उन वार्द अन्दर्यास ईरोन. 41 आव पयले तान सग्गा वार्द शमौन से सकिकु आऊन से अंदुन, "नामी खरसित, मतलब मसीह, सकिकेग्यान." 42 अन्दर्यास आऊक यीशु उन हात्ती तंदुन.

यीशु आऊन मा दृष्टी माळकु अंदुन, "नी यूहन्ना अनद पार शमौन हुय: नीनी कैफा मतलब पतरस अंदकु आदीत.

फलिपिपुस अदकि नतनएल उक कारूकु आगेद

43 "दुसरा दशी यीशु गलील नगर इक होगोद चाहासदुन. यीशु फलिपिपुस से भेंट माळदुन अदकि अंदुन, 'नान हदि आगेग.' " 44 फलिपिपुस, अन्दर्यास अदकि पतरस उन नगर बैतसैदा नव ईरावाळा ईरोन. 45 फलिपिपुस नतनएल से भेंट माळदुन अदकि आऊन से अंदुन, "थार्द वर्णन मूसा व्यवस्था अनद कतिब दा अदकि भवषियवक्तागोळ माळ्यार, आव नामी सकिकेदुन; आव यूसुफ उन पार, यीशु नासरी हुन."

46 नतनएल आऊन से अंदुन, "येन येनारा वळलीद वस्तु भी नासरत नगर टु होळ सकतद?"

फलिपिपुस आऊन से अंदुन, "नळकु नोळ कोम."

47 यीशु नतनएल उक तान दी बरत नोळकु आऊन बारा दा अंदुन, "नोळी, ईव सही दा इस्त्राएली हुन: ईऊन बुळक कपट हैलेच."

48 नतनएल आऊन से अंदुन, "नी नानी ह्यांग अरूत्या?"

यीशु आऊक उत्तर कोट्टुन, "इदुर से पयले का फलिपिपुस नीनी कारदुन, याग नी अंजीर इन मारर इन ल्यालमा ईर्या, आग ना नीनी नोळीदीन."

49 नतनएल आऊक उत्तर कोट्टुन, "हे गुरु, नी परमेश्वर उन पार हुय; नी इस्त्राएल इन राजा हुय."

50 यीशु आऊक उत्तर कोट्टुन, "ना जो नीन से अंदीन कनि नीनी अंजीर इन मारर इन ल्यालमा नोळदीन, येन नी इदुरसाटी नान मा वशिवास माळत्या? नी इदुर से भी धोड्-धोड्डेव क्याल्सा नोळ्या." 51 बाक आऊन से अंदुन, "ना नीम से खरा खरा माताळतीन कनिनीव स्वर्ग इक तेरूतेला, अदकि परमेश्वर उन स्वर्गदूतगोळ इक मंळसा अन पार उन म्याकुच ईळुत अदकि म्याकुच होग्त नोळीर."

2

काना नगर दा मदा

1 तसिरा दशी गलील इन काना नगर दा थारदारा मदा ईरोद, अदकि यीशु उन मोय भी अल ईरोर. 2 यीशु अदकि आऊन चेलागोळ भी आ मदा दा आमंत्रति ईरोर. 3 याग अंगुर इन रास्सा खतम आगेत, रा यीशु उन मोय यीशु से अंदुर, "आंदुर हात्ती अंगुर इन रास्सा मकिदिलि."

4 यीशु आकनि से अंदुन "हे आरत, नानी नीन से येन क्याल्सा? ईगल्या नान समय बरली आद."

5 आऊन मोय सेवकगोळ से अंदुर, "जो येनारा आव नीम से अंदान, अदा माळेतीर."

6 अल यहूदीगोळद कय-काल तोळोद प्रथा अनद अनुसार कल्लगोळद आर: माळका ईटकु ईरव, हर ऊंद माळका दा लगभग येदढ-येदढ, मुर-मुर मन तुमकु आगेद. 7 यीशु सेवकगोळ से

अंदुन, “माळकागोळ दा नीर तुम बुळी.” आंदुर अवरी सीगासीग तुम बुटुर. 8 आग आव आंदुर से अंदुन, “ईग थ्वाळासा नीर तेगुकु सयपाक माळावाळा प्रधान उन हात्ती ओई.” अदकि आंदुर ओतुर. 9 याग सयपाक माळावाळा प्रधान अद नीर इक नेकदुन, जो अंगुर इन रास्सा बनसेगति अदकि आव ईला अरोन का अद यल टु बंदाद लेकीन जो सेवकगोळ नीर तेगददुर आंदुर अरोर, रा सयपाक माळावाळा प्रधान मंळगार उक कारूकु आऊन से अंदुन, 10 “हर ऊंद मंळसा पयले वळ्लीद अंगुर इन रास्सा कोळतान, अदकि याग लॉकुर कुडुकु संतुष्ट आगेगतार, आग थ्वाळासा मध्यम प्रकार इन रास्सा कोळतान; लेकीन नी रा वळ्लीद अंगुर इन रास्सा ईगासताका मक्सकु ईट्या.”

11 यीशु गलील इन काना नगर दा तान ईद पयला चमत्कार तोरसकु तान महमा प्रगट माळदुन अदकि आऊन चेलागोळ आऊन मा वशिवास माळदुर.

12 *इदुर बाद्दा यीशु अदकि आऊन मोय अदकि आऊन वार्दुर अदकि आऊन चेलागोळ कफरनहूम नगर इक होदुर अदकि अल थ्वाळासा दनि ईत्तुर.

यीशु उन मंदरि दा होगोद

(मत्ती २१:१२,१३; मरकुस ११:१५-१७; लूका १९:४५,४६)

13 यहूदीगोळद फसह अन्द हाब्व हात्ती ईरोद, अदकि यीशु यरूशलेम इक होदुन. 14 आव मंदरि दा वस्ता, म्यांडा अदकि कबूतर मारावाळेर अदकि व्हान्ना मारावाळेर लॉकुरी कुर्तकु नोळदुन. 15 आग आव जाळीगोळद क्वाळा माळकु, सप्पा म्यांडागोळ अदकि वस्तागोळी मंदरि टु तेगद बुट्टुन, अदकि व्हान्ना मारावाळेर लॉकुरद पैस्या भटिकु सळा माळ बुट्टुन अदकि पांळसीगोळी उलटुस बुट्टुन, 16 अदकि कबूतरमारावाळेर से अंदुन, “इवरी ईल टु राटनेरी ओई. नान आप्प उन मान्ना अक व्यापार इन मान्ना माळबाळी.” 17 *आग आऊन चेलागोळी याद बत्त कलिखिसकु शास्त्र आद, “नीन मान्ना अन्द धुन नानी तदि बुट्टीत.”

18 इदुर मा यहूदीगोळ आऊन से अंदुर, “नी जो ईद माळत्या रा नामी यातोद चमत्कार तोरसत्या?”

19 *यीशु आंदरी उत्तर कोट्टुन, “ई मंदरि इक केळद बुळी, अदकि ना इदरी मुर दनि दा नदिरूस बुळाईन.”

20 यहूदीगोळ अंदुर, “ई मंदरि इक माळदुर दा छ्यालीस वर्ष हत्याव, अदकि येन नी ईदरी मुर दनि दा नदिरूस बुट्ट्या?”

21 लेकीन यीशु तान मय इन मंदरि इन बारा दा अंददिन. 22 इदुरसाटी याग आव सोत्तुर दा टु जत्तिता आदुन रा आऊन चेलागोळी याद बत्त का आव ईद अंददिन; अदकि आंदुर पवत्रिशस्त्र अदकि आ वचन इन जो यीशु अंददिन, वशिवास माळदुर.

यीशु मंळसा अन्द मन इक अरूतान

23 याग यीशु यरूशलेम दा फसह अन्द समय हाब्व दा ईरोन, रा हापाळ मुंदुर आ चमत्कारगोळी जो आव तोरसतोगोन नोळकु आऊन हेसुर मा वशिवास माळदुर. 24 लेकीन यीशु तान तान इक आंदुर भरोसा मा बटिदलि, यतकी आव सप्पा मुंदुर मनगोळी अरूतोगोन; 25 अदकि आऊक जरवत ईला ईरोद का मंळसा अन्द बारा दा यावारा गवाही कोळुल, यतकी आव खुद अच अरोन का मंळसा अन्द मन दा येन आद?

3

यीशु अदकि नीकुदेमुस

1 फरीसीगोळ दा नीकुदेमुस हेसुर ईनव ऊंद मंळसा ईरोन, जो यहूदी लॉकुरव सरदार ईरोन. 2 आव ईळलक इक यीशु उन हात्ती बंदकु आऊन से अंदुन, “हे गुरु, नाव जान्सतेव का नी परमेश्वर दी टु गुरु आगकु बंद्या, यतकी ई चनिहगोळी जो नी तोरसत्या, अगर परमेश्वर नीन सांगुळ ईला ईरायदुन रा नी ई चनिहगोळी ईला तोरस सकाईद.”

* 2:12 २:१२ मत्ती ४:१३

* 2:17 २:१७ भजन संहिता ६ ९:९

* 2:19 २:१९ मत्ती २६:६१; २७:४०; मरकुस १४:५८;

१५:२९

3 यीशु आऊक उत्तर कोट्टुन, “ना नीन से खरा खरा अनतीन, अगर यावारा व्हाशोद रीति देल पैदा आगालुन रा आव परमेश्वर उन राज्य नोळ सकालुन.”

4 नीकुदेमुस यीशु उक अंदुन, “मंळसा याग हाळाबाट आगेदुन, रा ह्यांग पैदा आग सकतान? येन आव तान मोय इन गर्भ दा दुसरा घन प्रवेश माळकु पैदा आग सकतान?”

5 यीशु उत्तर कोट्टुन, “ना नीन से खरा खरा अनतीन, यागासताका यावारा मंळसा नीर अदकि आत्मा देल पैदा आगालुन आगासताका आव परमेश्वर उन राज्य दा प्रवेश माळ सकालुन. 6 यतकी जो मय देल पैदा आग्याद, अद मय हुन; अदकि जो आत्मा देल पैदा आग्याद, अद आत्मा हुन. 7 अचम्भा माळबाळ कना नीन से अंदीन, ‘नीनी व्हाशोद रीति देल पैदा आगेद जरूरी आद.’ 8 हवा यात चाहासतद आत नळुतद अदकि नी अदुर्द शब्द केळत्या, लेकीन अरू सकाल कना अद यातु टु बरतद अदकि यात होगतद? जो यावारा आत्मा देल पैदा आग्यान आव हगि अच आन.”

9 नीकुदेमुस आऊक उत्तर कोट्टुन, “ईव मातगोळ ह्यांग आग सकताव?”

10 ईद केळकु यीशु आऊन से अंदुन, “नी इस्त्राएलीगोळ्द गुरु ईतकु भी येन ई मातगोळी समसाल? 11 ना नीन से खरा खरा अनतीन कनाव जो अरूतेव अद माताळतेव, अदकि यदरी नाव नोळेव अदुर्द गवाही कोळतेव, अदकि नीव नाम गवाही ग्रहण माळालीर. 12 याग ना नीम से पृथ्वी इन मातगोळ माळदीन अदकि नीव वशिवास माळीदलि, रा अगर ना नीम से स्वर्ग इन मातगोळ माळीन रा बाक ह्यांग वशिवास माळीर? 13 याऊ स्वर्ग मा येरीदलि, सर्फ आवा जो स्वर्ग टु ईळदान, मतलब मंळसा अन पार जो स्वर्ग दा आन.”

14 अदकि याता रीति देल मूसा आळी दा हाव इक ऊँचाई मा येरसदुन, अदा रीति देल जरूरी आद किमंळसा अन पार भी ऊँचाई मा येरसकु आगुल; 15 ताकी जो यावारा आऊन मा वशिवास माळ्यान आऊक अनन्त जीवन सकिल. 16 “यतकी परमेश्वर दुनया से हगि प्यार ईटदुन कनाव तान ऊँद ठैसा पार कोट बुट्टुन, ताकी जो यावारा आऊन मा वशिवास माळ्यान आऊन नाश आगबाळुल, लेकीन आऊक अनन्त जीवन सकिल. 17 परमेश्वर तान पार उक दुनया दा इदुरसाटी कळीदलि कना दुनया मा दण्ड इन आग्या कोळुल, लेकीन इदुरसाटी कळ्यान कना दुनया अक आऊन द्वारा उद्धार सकिल.

18 “जो आऊन मा वशिवास माळतान, आऊन मा दण्ड इन आग्या आगाल, लेकीन जो आऊन मा वशिवास माळालुन, आव दोषी ठहूसतान; इदुरसाटी कनाव परमेश्वर उन ऊँद ठैसा पार उन हेसुर मा वशिवास माळीदलि. 19 अदकि दण्ड इन आग्या अनन्द कारण ईद आद कना ज्योतदि दुनया दा बंदाद, अदकि मंळसागोळ अंधार इक ज्योतसे यककुल प्रयि समसदुर यतकी आंदुर कयाल्सा बुरा ईरव. 20 यतकी जो यावारा बुराई माळतान, आव ज्योतसे दुश्मनी ईटतान, अदकि ज्योतसे इन हात्ती बरालुन, हगि आगबाळुल कना आऊन कयाल्सागोळ मा दोष हचकु आगुल. 21 लेकीन आव जो सच्चाई मा नळुतान, अदकि ज्योतदि इन हात्ती बरतान, यदुर देल ईद प्रगट आगेगुल कना आऊन कयाल्सा परमेश्वर उन दी टु माळकु आग्याव.”

यीशु अदकि यूहन्ना

22 इदुर बाद्दा यीशु अदकि आऊन चेलागोळ यहूदिया द्याश दा बंदुर; अदकि यीशु अल आंदुर सांगुळ ईतकु बपतस्मा कोळली कुरतुन. 23 यूहन्ना भी शालेम नगर इन हात्ती ऐनोन दा बपतस्मा कोळतोगोन, यतकी अल हापाळ नीर ईरोद, अदकि लॉकुर बंदकु बपतस्मा ताकोम तोगोर. 24 *यूहन्ना आ समय ताका बंदीगृह दा हाक्कु आगली ईरोन.

25 अल यूहन्ना अनन्द चेलागोळ्द यावारा यहूदी इन सांगुळ शुद्धीकरण इन बारा दा वाद-ववाद आत. 26 अदकि आंदुर यूहन्ना अनन्द हात्ती बंदकु आऊन से अंदुर, “हे गुरु, जो मंळसा यरदन इन आपपाटी नीन सांगुळ ईरोन, अदकि यार्द नी गवाही कोट्या; नोळ, आव बपतस्मा कोळतान, अदकि सप्पा मुंदुर आऊन हात्ती बरतार.”

27 यूहन्ना उत्तर कोट्टुन, “यागासताका मंळसा अक स्वर्ग इन दी टु कोटकु आगाल, आगासताका आव येनु हासलि माळ सकालुन. 28 *नीव रा खुद अच नान गवाह हुईर कनि ना अंदीन, ‘ना मसीह आलच, लेकीन आऊन मुंद कळुकु आगीन.’ 29 यार्द मंळगीत आर, आवा मंळगार हुन; लेकीन मंळगार उन संगी जो नदिरकु आऊन केळतान, मंळगार उन शब्द केळकु हापाळ खुश आगतान: ईग नान ईद खुशी पुरा आग्याद. 30 जरूरी आद की आव धोड्डेव आगुल अदकि ना स्याणेव.

स्वर्ग टु बरावाळा आव याव हुन

31 “जो म्याकुच टु बरतान आव सब से वळ्लेव आन; जो पृथ्वी टु बरतान आव पृथ्वी नव हुन, अदकि पृथ्वी इन मातगोळी हेळतान: जो स्वर्ग टु बरतान, आव सप्पा मुंदुर्द म्याकुच आन. 32 जो येनारा आव नोळयान अदकि केळयान, अदुरदा गवाही कोळतान; अदकि याऊ आऊन गवाही ग्रहण माळालुन. 33 याव आऊन गवाही ग्रहण माळ कोंडुन आव ई मात मा छाप हच बुट्टुन की परमेश्वर खरा आन. 34 यतकी यारी परमेश्वर कळयान, आव परमेश्वर उन मातगोळ अनतान; यतकी आव आत्मा आळु आळुकु कोळालुन. 35 *आप्प पार से प्यार ईटतान, अदकि आव सप्पा वस्तुगोळ आऊन कय दा ईट बुटान. 36 जो पार मा वशिवास माळतान, अनन्त जीवन आऊन हुन; लेकीन जो पार उन मातगोळी मान्सालुन, आव जीवन इक नोळतीदलि, लेकीन परमेश्वर उन सट्टि आऊन मा ईरतद.”

4

यीशु अदकि सामरी आर्त

1 फरीसीगोळ केळ्यार की यीशु बपतस्मा माळावाळा यूहन्ना से यक्कुल चेलागोळी बपतस्मा कोळतान. 2 यीशु खुद यागलु ईला उलटा आऊन चेलागोळ बपतस्मा कोळतोगोर. 3 याग यीशु अक पता नळुत की फरीसीगोळ हगि मातगोळी माळतार रा आव यहूदिया बटिकु गलील इक ओळेदुन, 4 अदकि आऊक सामरीया टु आगकु होगोद जरूरी ईरोद. 5 इदुरसाटी आव सूखार हेसुर इन सामरीया अन्द ऊंद नगर ताका बंदुन, जो आ भूमी इन हात्ती आद यदरी याकूब तान पार यूसुफ उक कोटीदुन; 6 अदकि याकूब उन भाय भी अल्या ईरोद. इदुरसाटी यात्रा टु थकस माळकु यीशु भाय इन हात्ती हगि अच कुरतोदुन. आ समय लगभग हागुल इनव हन्नेळ मुरददिव. 7 इदुर दा ऊंद सामरी जाती नोर आर्त नीर तुमली बंदुर. यीशु आकनि से अंदुन, “नानी नीर कुळस.” 8 यतकी आऊन चेलागोळ रा नगर दा भोजन कोम्मोर साटी होगीदुर. 9 आ सामरी जात इन आर्त आऊन से अंदुर, “नी यहूदी ईतकु ना सामरी जाती नोर आर्त इन से नीर येती वेळत्या?” यतकी यहूदी सामरी जात इन लांकुर सांगुळ यातोदु प्रकार इन व्यवहार ईटालुर. 10 यीशु उत्तर कोट्टुन, “अगर नी परमेश्वर उन वरदान इक जानसाईद, अदकि ईद भी जानसाईद की आव याव हुन जो नीन से अनतान, ‘नानी नीर कुळस,’ रा नी आऊन से वेळाईद, अदकि आव नीनी जीवन इन नीर कोळायदुन.” 11 आर्त आऊन से अंदुर, “हे प्रभु, नीन हात्ती नीर तुमली रा बाल्टी भी हैलेच, अदकि भाय खोल आद; रा बाक अद जीवन इन नीर नीन हात्ती यल टु बत्त? 12 येन नी नाम आप्प याकूब से धोड्डेव आय, याव नामी ईद भाय कोट्टुन; अदकि खुद अच तान औलाद, अदकि तान जनावरगोळ सांगुळ इदुर दा टु नीर कुळदुन?” 13 यीशु आक इक उत्तर कोट्टुन, “जो यावारा ईद नीर कुळदान आव मात्त प्यासा ईत्तान, 14 लेकीन जो यावारा आ नीर इक कुळदान जो ना आऊक कोळाईन, आव बाक अनन्त काल ताका प्यासा आगतीदिल; लेकीन जो नीर ना आऊक कोळाईन, अद आऊन दा ऊंद झरना बनसेदति जो अनन्त जीवन इन साटी उमळुसतेला ईत्तीत.” 15 आर्त आऊन से अंदुर, “हे प्रभु, अद नीर नानी कोळ ताकी ना प्यासा आगबाळुल अदकि ना नीर तुमली ईट दुर बराईन.” 16 यीशु आकनि से अंदुन, “होग, तान गांडड उक ईल कारूकु तर.” 17 आर्त उत्तर कोट्टुन, “ना बनि गांडड उन आईन.” यीशु आकनि से अंदुन, “नी ठीक अनत्या, ‘ना बनि गांडड उन आईन.’ 18 यतकी नी अईद गांडुरी माळ कोंड्या, अदकि यार हात्ती नी ईग आय आव भी नीन गांडड आल्लच. ईद नी सही अच अनत्या.” 19 आर्त आऊन से अंदुर, “हे प्रभु, नानी हततद की नी भवषियवक्ता

हुय. 20 नाम आप्प दादागोळ ईदा पहाळी मा आराधना माळदुर, अदकि नीव अनतीर कि अद जागा यल आराधना माळ पायजे यरूशलेम दा आद.” 21 यीशु आकनि से अंदुन, “हे आरत, नान मात इन वशिवास माळ कि अद समय बरतद कि नीव ना रा ईद पहाळी मा आप्प उन आराधना माळीर, ना यरूशलेम दा. 22 नीव यारी जान्सालीर, आऊन आराधना माळतीर; अदकि नाव यारी जान्सतेव आऊन आराधना माळतेव; यतकी उद्धार यहूदीगोळ दा टु आद. 23 लेकीन अद समय बरतद, लेकीन ईग भी आद, यारदा खरा भक्त आप्प उन आराधना आत्मा अदकि सच्चाई देल माळेव, यतकी आप्प तान साटी हगि अच आराधकगोळी दुंदुसतान. 24 परमेश्वर आत्मा आन, अदकि जरूरी आद कि आऊन आराधना माळावाळेरे आत्मा अदकि सच्चाई देल आराधना माळुल.” 25 आरत आऊन से अंदुर, “ना जानसतीन कि मसीह जो खरसित कहलुस्तान, बरावाळा आन; याग आव बंदान, रा नामी सप्पा मातगोळी हेळ बुट्टान.” 26 यीशु आकनि से अंदुन, “ना जो नीन से अनेतीन, आवा हुईन.”

27 इदुर दा यीशु उन चेलागोळ होट्ट बंदुर, अदकि अचम्भा माळली कुरतुर कि आव आरत से मातगोळी हेळेत्यान; तरी याऊ केळीदील, “नी येन चाहासत्या?” या “यदुर साटी आकनि से मातगोळी हेळेत्या?” 28 आग आरत तान घागरी बटिकु नगर दा वोळेदुर, अदकि लॉकुर से अनली कुरतुर, 29 “बरी, ऊंद मंळसा अक नोळी, याव सप्पा येनारा जो ना माळीन नानी हेळ बुट्टन. येनारा ईवा रा मसीह आल्लच?” 30 इदुरसाटी लॉकुर नगर टु होटकु आऊन हात्ती बरली कुरतुर. 31 इदुर बीच दा आऊन चेलागोळ यीशु से ईद वनिती माळदुर, “हे गुरु, येनारा तनि कोम.” 32 लेकीन आव आंदुर से अंदुन, “नान हात्ती तनोर साटी हगि भोजन आद यदरी नीव जान्सालीर.” 33 आग चेलागोळ आपस दा अंदुर, “येन यावारा आऊन साटी येनारा तनिली तंदान?” 34 यीशु आंदुर से अंदुन, “नान भोजन ईद आद कि तान कळावाळा अनूद इच्छा अन अनुसार नळाईन अदकि आऊन कयाल्सा पुरा माळाईन. 35 येन नीव अनालीर, ‘कटनी आगदुर दा ईग भी नाक तगिळ बाकी आव?’ नोळी, ना नीम से अनतीन, तान कण्णगोळी नेगुकु केयगोळ मा नजर हाक्की कि अव कटाई इन साटी फसल पकसेग्याद. 36 फसल कडावाळा अक मजदूरी सकितद अदकि अनन्त जीवन इन साटी काय जमा माळतान, ताकी हचावाळा अदकि कडावाळा येदुदु मुंदुर मलिसकु आनन्द माळुल. 37 यतकी ईल ईद कहावत सही कुरतद: ‘फसल हचावाळा दुसरा आन अदकि कडावाळा दुसरा.’ 38 ना नीमी अद केई कडोर साटी कळुदीन यदुरदा नीव मेहनत माळीदील: दुसरागोळ मेहनत माळदुर अदकि नीव आंदुरद मेहनत इन फल दा हसिसेदार आदीर.”

39 आ नगर इन हापाळ सा सामरी लॉकुर आ आरत इन अंदुर देल यीशु मा वशिवास माळदुर; यतकी आक ईद गवाही कोटीदुर: आव सप्पा येनारा जो ना माळदीन, नानी हेळ बुट्टन. 40 इदुरसाटी याग ई सामरी लॉकुर आऊन हात्ती बंदुर, रा आऊन से वनिती माळली कुरतुर कि नाम ईल ईर. इदुरसाटी आव अल येदुदु दनि ताका ईत्तुन. 41 आऊन वचन इन कारण अदकि भी हापाळ सा लॉकुर वशिवास माळदुर 42 अदकि आ आरत से अंदुर, “ईग नाव नीन अंदुर देल अच वशिवास माळालेव; यतकी नाव खुद अच केळ कोडेव, अदकि जान्सतेव कि ईवा सही दा दुनया अन उद्धारकर्ता हुन.”

यीशु अधिकारी अन पार उक चंगा माळदुन

43 बाक आ येदुदु दनिगोळ बाददा यीशु अल टु होटकु गलील इक होदुन, 44 यतकी यीशु खुद अच गवाही कोट्टुन कि भवषियवक्ता अनूद तान द्याश दा आदर आगाल्द. 45 यथाग आव गलील दा बंदुन, रा गलीली लॉकुर खुशी देल आऊन सांगुळ मलिसदुर; यतकी यास कयाल्सा आव यरूशलेम दा हाब्व इन समय माळीदुन, आंदुर आ सप्पा अक नोळीदुर, यतकी आंदुर भी हाब्व दा होगीदुर.

46 आग यीशु बाक गलील इन काना नगर दा बंदुन, यल आव नीर इक अंगुर इन रास्सा माळीदुन. अल राजा अन ऊंद कर्मचारी ईरोन यार पार कफरनहूम नगर दा बमिार ईरोन. 47 आव ईद केळकु कि यीशु यहूदिया टु गलील दा होट बंदान, आऊन हात्ती होदुन अदकि आऊन से ईद वनिती माळली कुरतुन कि नळुकु नान पार उक चंगा माळुल: यतकी आव सोत्तुर मा ईरोन. 48 यीशु आऊन

से अंदुन, “यागासताका नीव चमत्कार अदकि अदभुत क्याल्सा नोळालीर आगासताका यागलु वशिवास माळतीदील.” 49 राजा अन कर्मचारी आऊन से अंदुन, “हे प्रभु, नान पार उन सायोर से पयले नळ.” 50 यीशु आऊन से अंदुन, “होग, नीन पार जत्तिता आन.” आ मंळसा यीशु उन अंद मात इन भरोसा माळदुन अदकि ओळ्देदुन. 51 आव हादी मा का ईरोन की आऊन दास आऊन से बंदकु सकिदुर अदकि अनली कुरतुर, “नीन पार जत्तिता आन.” 52 आव आंदुर से केळदुन, “याता घळी आव वळ्लेव आगली कुरतुन?” आंदुर आऊन से अंदुर, “नाळ सातवा तास दा आऊन मय ईळदव.” 53 आग आप्प जान्स कौडुन की ईद अदा घळी आत याता घळी यीशु आऊन से अंदुन, “नीन पार जत्तिता आन,” अदकि आव अदकि आऊन सप्पा परिवार वशिवास माळदुर. 54 ईद दुसरा आश्चर्यकर्म ईरोद जो यीशु यहूदिया टु गलील दा बंदकु तोरसदुन.

5

अळतीस वर्ष इन रोगी अक चंगा माळोद

1 ई मातगोळ बाददा यहूदीगोळद ऊंद हाब्ब आत, अदकि यीशु यरूशलेम इक होदुन. 2 यरूशलेम दा भेट-फाटक इन हात्ती ऊंद कुण्ड आद जो इब्रानी भाषा बैतसैदा कहलुसतद; अदुर अईद छपर्या आव. 3 इऊर दा हापाळ सा बमिर, कुदढ, लंगळा अदकि लकवा अन रोगी लाँकुर बदिक् ईरतोगोर. 4 यतकी नविळुसद समय मा परमेश्वर उन स्वर्गदूत कुण्ड दा ईळुकु नीर इक हालुसतोगोर. नीर हालुसतेला अच जो यावारा पयले ईळुतोगोन आव चंगा आगोग तोगोन बाक आऊक यातोदारा बमिरी येती आगबाळुल. 5 अल ऊंद मंळसा ईरोन, जो अळतीस वर्ष टु बमिरी देल बदिक् ईरोन. 6 यीशु आऊक बदिक् नोळकु अदकि ईद जान्सकु की आव हापाळ दनि टु ई दशा दा बदिक् आन, आऊन से केळदुन, “येन नी चंगा आगोद चाहासत्या?” 7 आ बमिर मंळसा आऊक उत्तर कोट्टुन, “हे प्रभु, नान हात्ती याऊ मंळसा हैलेच की जो नीर हालुसकु आगुल, रा नानी कुण्ड दा ईळस्यान; लेकीन नान पोहचुस ताका यावारा दुसरा नान से पयले ईळदोगतान.” 8 यीशु आऊन से अंदुन, “येळ, तान व्हर्स नेगु, नळु अदकि वयाळ.” 9 आव मंळसा तुरन्त चंगा आगोदुन, अदकि तान व्हर्स नेगुकु नळुली कुरतुन.

10 अद आराम इन दनि ईरोद. इदुरसाटी यहूदी आऊन से जो चंगा आगीदुन, अनली कुरतुर, “ईद रा आराम इन दनि आद, नीनी व्हर्स नेगोद उचति हैलेच.” 11 आव आंदरी उत्तर कोट्टुन, “याव नानी चंगा माळदुन, आवा नान से अंदुन, ‘तान व्हर्स नेगु, नळु अदकि वयाळ.’ ” 12 आंदुर आऊन से केळदुर, “आव याव मंळसा हुन याव नीन से अंदुन, ‘व्हर्स नेगु, नळु अदकि वयाळ.’ ” 13 लेकीन जो चंगा आगोदुन आव ईला जानसोन की आव याव हुन, यतकी आ जागा दा भीळ इन कारण यीशु अल टु हटसेगदिन. 14 ई मातगोळ बाददा आव यीशु अक मंदरि दा सकिदुन. यीशु आऊन से अंदुन, “नोळ, नी चंगा आगेग्या: मात्त पाप माळबाळेत, हगि आगबाळुल की इदुर देल यातोदारा भारी परेशानी नीन मा बंदकु बळुल.” 15 आ मंळसा होगकु यहूदी लाँकुर से अंद बुटुन की याव नानी चंगा माळदुन आव यीशु हुन. 16 ईद कारण यहूदी यीशु अक सतुसली कुरतुर, यतकी आव ईत्ता क्याल्सा आराम इन दशी माळतोगोन. 17 इदुर मा यीशु आंदुर से अंदुन, “नान आप्प ईगासताका क्याल्सा माळतान, अदकि ना भी क्याल्सा माळतीन.” 18 ईद कारण यहूदी अदकि भी यक्कुल आऊक कौद बुळोद कोशशि माळली कुरतुर, यतकी आव ना सरिफ आराम इन दनि इन वधी अक मुरोन, लेकीन परमेश्वर उक तान आप्प अंदकु तान तान इक परमेश्वर उन घाई भी ठहरूसतोगोन.

पार उन अधकार

19 इदुर मा यीशु आंदुर से अंदुन, “ना नीम से खरा खरा अनतीन, पार खुद देल येनु माळ सकालुन, सरिफ आव जो आप्प उक माळत नोळतान; यतकी याता याता क्याल्सागोळी आव माळतान अवरी पार भी अदा रीत देल माळतान. 20 यतकी आप्प पार उन से प्यार ईटतान अदकि जो जो क्याल्सा आव खुद माळतान, आव सप्पा आऊक तोरसतान; अदकि आव इऊर से भी धोड्डेव क्याल्सा आऊक तोरसतान, ताकी नीव अचम्भा माळीर. 21 ह्यांग आप्प सोत्तुरी नेगुतान अदकि जत्तिता माळतान, हांग अच पार भी यारी चाहासतान आंदरी जत्तिता माळतान. 22 आप्प यारदु न्याय माळालुन, लेकीन न्याय माळोद सप्पा क्याल्सा पार उक कोट्ट बुटुन, 23 की सप्पा लाँकुर

ह्यांग आप्प उन आदर माळतार हांग अच पार उन भी आदर माळलुन. जो पार आदर माळालुन, आव आप्प उन यारी आव कळ्यान, आदर माळालुन. 24 ना नीम से खरा खरा अनतीन, जो नान वचन केळकु नान कळावाळा मा वशिवास माळतान, अनन्त जीवन आऊंद हुन; अदकि आऊन मा दण्ड इन आग्या आगाल्द लेकीन आव मृत्यु टु आप्पाटी आगकु जीवन दा प्रवेश माळ कोंडान.

25 “ना नीम से खरा खरा अनतीन अद समय बरतद, अदकि ईग आद, यारदा सायावाळेर परमेश्वर उन पार उन आवाज केळ्यार, अदकि जो केळ्यार आंदुर जत्तिता ईत्तार. 26 यतकी याता रीतदिल आप्प तान तान दा जीवन ईटतान, अदा रीतदिल आव पार उक भी ईद अधकार कोटान कितान तान दा जीवन ईटुल; 27 लेकीन आऊक न्याय माळोद भी अधकार कोटान, इदुरसाटी क्ति आव मंळसा अन पार हुन. 28 इदुर देल अचम्भा माळबाळी; यतकी अद समय बरतद क्तियास कब्रगोळ दा आर आंदुर आऊन आवाज केळकु व्हार्या होटकु बंदार. 29 यार वळ्तीद माळ्यार आंदुर जीवन इन पुनरूत्थान इन साटी जत्तिता आदार अदकि यार बुराई माळ्यार आंदुर दण्ड इन पुनरूत्थान इन साटी जत्तिता आदार.

यीशु अन बारा दा गवाही

30 “ना तान तान देल येनु माळ सकालीन; ह्यांग केळतीन, हांगा न्याय माळतीन; अदकि नान न्याय खरा आद, यतकी ना तान इच्छा देल ईला लेकीन तान कळावाळा अनद इच्छा चाहासतीन. 31 अगर ना खुद अच तान गवाही कोळाईन, रा नान गवाही खरा हैलेच. 32 दुसरा अदकि आन जो नान गवाही कोळतान, अदकि ना जान्सतीन क्ति नान जो गवाही आव कोळतान, अद खरा आद. 33 *नीव यूहन्ना से केळसुसदीर अदकि आव सच्चाई इन गवाही कोट्टुन. 34 लेकीन ना तान बारा दा मंळसा अन गवाही चाहासालीन; तरी ना ई मातगोळी इदुरसाटी अनतीन क्ति नीमी उद्धार सकिकुल. 35 आव रा होत्ततेला अदकि चमकुसतेला दगिया ईरोन, अदकि नीमी येनारा समय ताका आऊन ज्योत्तिदा मग्न आगोद वळ्तीद हत. 36 लेकीन नान हात्ती जो गवाही आद अद यूहन्ना अन गवाही देल धोळ्द आद; यतकी जो क्याल्सा आप्प नानी पुरा माळोर साटी कोटान मतलब ईदा क्याल्सा जो ना माळतीन, अव नान गवाह आव क्ति आप्प नानी कळ्यान. 37 *अदकि आप्प याव नानी कळ्यान, आवा नान गवाही कोटान. नीव ना यागल्यारा आऊंद आवाज केळदीर, अदकि ना आऊंद रूप नोळदीर; 38 अदकि आऊन वचन इक मन दा जमा ईटालीर, यतकी आव यारी कळ्यान नीव आऊंद वशिवास माळालीर. 39 नीव पवतिरशास्त्र दा ढुंढसतीर, यतकी सम्सतीर क्ति अदुरदा अनन्त जीवन नीमी सकितद; अदकि ईव आवा हुन जो नान गवाही कोळतान; 40 तरी भी नीव जीवन साटी नान हात्ती बरोद चाहासालीर. 41 ना मंळसागोळ से आदर चाहासालीन. 42 लेकीन ना नीमी जान्सतीन क्ति नीम दा परमेश्वर उन प्यार हैलेच. 43 ना तान आप्प उन हेसुर देल बंदीन, अदकि नीव नानी ग्रहण माळालीर; अगर दुसरा यावारा तांद अच हेसुर देल बंदान, रा आऊक ग्रहण माळ कोंडीर. 44 नीव जो आबुर दाबुर से आदर चाहासतीर अदकि अद आदर जो ऊंद मात्र परमेश्वर उन दी टु आद, चाहासालीर, याता प्रकार वशिवास माळ सकतीर? 45 ईद सम्सबाळी क्ति ना आप्प उन मुंद नीम मा दोष हचाईन; नीम मा दोष हचावाळा रा मूसा हुन, यार मा नीव भरोसा ईटीर. 46 यतकी अगर नीव मूसा अन वशिवास माळायदीर, रा नान भी वशिवास माळायदीर, इदुरसाटी क्ति आव नान बारा दा लखिस्यान. 47 लेकीन अगर नीव आऊन लखिसद मातगोळ मा वशिवास माळालीर, रा नान मातगोळ मा ह्यांग वशिवास माळीर?”

6

अईद हजार मंळसागोळी तनिसोद

(मत्ती १४:१३-२१; मरकुस ६:३०-४४; लूका ९:१०-१७)

1 ई मातगोळ्द बाददा यीशु गलील इन झील* मतलब तबिरिय्यास इन झील इन आप्पाटी होदुन. 2 अदकि ऊंद धोळ्द भीळ आऊन ह्दि आगेत यतकी जो आश्चर्यकर्म आव बमारगोळ मा तोरसतोगोन आंदुर अवरी नोळतोगोर. 3 आग यीशु पहाळी मा येरकु तान चेलागोळ सांगुळ

* 5:33 ५:३३ यूहन्ना १:१९-२७; ३:२७-३०

* 5:37 ५:३७ मत्ती ३:१७; मरकुस १:११; लूका ३:२२

* 6:1 ६:१ झील इन

मतलब धोळ क्यार्रा हुन

अल कुरतोदुन. 4 यहूदीगोळ्द फसह अन हाब्व हात्ती ईरोद. 5 याग यीशु तान कण्णगोळी नेगुकु ऊंद धोळ्द भीळ इक तान हात्ती बर्त नोळ्दुन, रा फलिप्पुस से अंदुन, “नाव इंदुर भोजन इन साटी यल टु रोटी कोंडकु तंदेव?” 6 आव ईद मात आऊक परखुसोर साटी अंदुन, यतकी आव खुद जानसोन कर् आव येन माळ्यान. 7 फलिप्पुस आऊक उत्तर कोट्टुन, “येढ्ढ सौ दीनार इन रोटी भी आंदुर साटी पुरा आगतीदील कर् आंदुर दा टु हर ऊंद इक थ्वाळा-थ्वाळा सकिकेगुल.” 8 आऊन चेलागोळ दा टु शमौन पतरस उन वार्ट अन्दरियास आऊन से अंदुन, 9 “ईल ऊंद पार आन यार हात्ती जवारी इन अईद रोटी अदकि येढ्ढ मेनगोळ आव; लेकीन ईस लॉकुर साटी अव येन आव?” 10 यीशु अंदुन, “लॉकुरी कुरस बुळी.” आ जागा दा हापाळ काड्डा ईरोद: आग लॉकुर यारदा गळसुर्द संख्या लगभग अईद हजार इन ईरोद, कुरतोदुर. 11 आग यीशु रोटीगोळी हुळ्दुन, अदकि धन्यवाद माळकु कुरावाळेर इक वाट्स बुटुन; अदकि हांग अच मेनगोळ दा टु यास आंदुर चाहासोर वाट्स बुटुन. 12 याग आंदुर तनिकु संतुष्ट आगेदुर रा आव तान चेलागोळ से अंदुन, “मक्कि कुळागोळी जमा माळबुळी कर् येनु भटिकु आगबाळुल.” 13 इदुरसाटी आंदुर जमा माळदुर, अदकि जवारी इन अईद रोटीगोळ तुळागोळ से जो तनिवाळेर ऊळोर, हन्नेळ फुट्टी तुमदव. 14 आग जो आश्चर्यकर्म आव माळकु तोरसदुन अदरी आ लॉकुर नोळकु अनली कुरतुर, “आव भवषियवक्ता जो दुनया दा बरावाळा ईरोन नशिचय ईवा हुन.” 15 यीशु ईद जानसकु कर् आंदुर नानी राजा माळोर साटी हुडोद चाहासतार, बाक पहाळी मा आबना ओळ्दुन.

यीशु उन नीर मा नळोद

(मत्ती १४:२२-३३; मरकुस ६:४५-५२)

16 याग द्याव मुळकत, रा यीशु उन चेलागोळ झील इन कनिरा मा होदुर, 17 अदकि ड्वांगा मा येरकु झील इन आप्पाटी कफरनहूम इक होगली कुरतुर. आ समय अंधार आगेगीत, अदकि यीशु ईगासताका आंदुर हात्ती ईला बंदीदुन. 18 आंधी अन कारण झील दा लयरगोळ येळली कुरतव. 19 याग आंदुर कई कई अईद-आर कोस इन लगभग होटोदुर, रा आंदुर यीशु उक झील मा नळुत अदकि ड्वांगा अन हात्ती बर्त नोळदुर, अदकि अंजेदुर. 20 लेकीन आव आंदुर से अंदुन, “ना हुईन; अंजवाळी.” 21 इदुरसाटी आंदुर आऊक ड्वांगा मा येरसोर साटी तयार आदुर अदकि तुरन्त अद ड्वांगा आ जागा मा पोहचुसेत यल आंदुर होगेर.

लॉकुरद यीशु उक ढुंढसोद

22 दुसरा दशी आ भीळ, जो झील इन आप्पाटी नदिरकु ईरोद, ईद नोळदुर कर् ईल ऊंद इक बटिकु अदकि यातोदु ड्वांगा ईला ईरोद; अदकि यीशु तान चेलागोळ सांगुळ आ ड्वांगा मा ईला येरीदुन, लेकीन सरिफ आऊन चेलागोळ अच होगीदुर. 23 आग हापाळ ड्वांगागोळ तबिरियास टु आ जागा अन हात्ती बंदव, यल आंदुर प्रभु उक धन्यवाद माळदुर बाद्दा रोटी तदिदुर. 24 इदुरसाटी याग भीळ नोळ्त्त कर् ईल ना यीशु आन अदकि ना आऊन चेलागोळ, रा आंदुर भी ड्वांगागोळ मा येरकु यीशु उक ढुंढसतेला कफरनहूम पोहचुसदुर.

यीशु जीवन इन रोटी

25 झील इन आप्पाटी याग लॉकुरद भीळ यीशु से सकिदुर रा अंदुर, “हे गुरु, नी ईल याग बंद?” 26 यीशु आंदरी उत्तर कोट्टुन, “ना नीम से खरा खरा अनतीन, नीव नानी इदुरसाटी ढुंढसालीर कर् नीव आश्चर्यकर्म नोळदीर, लेकीन इदुरसाटी कर् नीव रोटीगोळी तनिकु संतुष्ट आदीर. 27 नाशवान भोजन इन साटी मेहनत माळबाळी, लेकीन आ भोजन इन साटी जो अनन्त जीवन ताका ठहरूसतद, यारी मंळसा अन पार नीमी कोट्टान; यतकी आप्प मतलब परमेश्वर अदुर मा छाप हच्यान.” 28 आंदुर आऊन से अंदुर, “परमेश्वर उन क्याल्सा माळोर साटी नाव येन माळेव?” 29 यीशु आंदरी उत्तर कोट्टुन, “परमेश्वर उन क्याल्सा ईद आद कर् नीव आऊन मा वशिवास माळी, यारी आव कळ्यान.” 30 आग आंदुर आऊन से अंदुर, “बाक नी यातोद चमत्कार तोरसत्या कर् नाव अदरी नोळकु नीन वशिवास माळेव? नी यातोद क्याल्सा तोरसत्या?” 31 नाम आप्प दादागोळ आळी दा मनना तदिर; ह्यांग लखिसकु आद, “आव आंदरी तनिर साटी स्वरग टु रोटी कोट्टुन.” 32 यीशु आंदुर से अंदुन, “ना नीम से खरा खरा अनतीन कर् मूसा नीमी अद रोटी स्वरग

टु कोटीदील, लेकीन नान आप्प नीमी खरा रोट्टी स्वरुग टु कोळतान. 33 यतकी परमेश्वर उन रोट्टी अदा हुन जो स्वरुग टु ईळुकु दुनया अक जीवन कोळतद.” 34 आग आंदुर आऊन से अंदुर, “हे परभु, ईद रोट्टी नामी हमेशा कोळतेला ईर.”

35 यीशु आंदुर से अंदुन, “जीवन इन रोट्टी ना हुईन: जो नान हात्ती बरतान आव यागलु उपासा ईरतीदील, अदकि जो नान मा वशिवास माळतान आव यागलु प्यासा ईरतीदील. 36 लेकीन ना नीम से अंददिन की नीव नानी नोळ भी कोंडीर तरी वशिवास माळालीर. 37 जो येनारा आप्प नानी कोळतान अद सप्पा नान हात्ती बंदीत, अदकि जो यावारा नान हात्ती बंदान आऊक ना यागलु तेगुतदील. 38 यतकी ना तान इच्छा ईला लेकीन तान कळावाळा अनद इच्छा पुरा माळोर साटी स्वरुग टु ईळदीन; 39 अदकि नान कळावाळा अन इच्छा ईद आद की जो येनारा आव नानी कोटान, अदुर दा टु ना येनारा खोऊसालीन, लेकीन आऊक आखरी दशी बाक जतिता माळाईन. 40 यतकी नान आप्प उन इच्छा ईद आद की जो यावारा पार उक नोळुल अदकि आऊन मा वशिवास माळुल, आऊक अनन्त जीवन सकिकीत; अदकि ना आऊक आखरी दशी बाक जतिता माळाईन.” 41 “इदुरसाटी यहूदी लॉकुर आऊन मा कुळकुळसली हतदुर, यतकी आव अंददिन, जो रोट्टी स्वरुग टु ईळुत, अद ना हुईन.” 42 अदकि आंदुर अंदुर, “येन ईव यूसुफ उन पार यीशु आल्लच, यार मोय-आप्प उक नाव अरूतेव? रा आव ह्यांग अनतान की ना स्वरुग टु ईळदीन?” 43 यीशु आंदरी उत्तर कोट्टुन, आपस दा कुळकुळसबाळी. 44 याऊ नान हात्ती बर सकालुन यागासताका आप्प, याव नानी कळ्यान, आऊक जेडु कोमालुन; अदकि ना आऊक आखरी दशी बाक जतिता माळाईन. 45 भवषियवक्तागोळद लेखगोळ दा ईद लखिसकु आद: “†आंदुर सप्पा परमेश्वर उन दी टु कलसकु ईत्तार.” जो यावारा आप्प से केळ्यान अदकि कलतान, आव नान हात्ती बरतान. 46 ईद ईला की यावारा आप्प उक नोळ्यान; लेकीन जो परमेश्वर उन दी टु आन, सरिफ आवा आप्प उक नोळ्यान. 47 “ना नीम से खरा खरा अनतीन की जो यावारा वशिवास माळतान, अनन्त जीवन आऊंदा हुन. 48 जीवन इन रोट्टी ना हुईन. 49 नीम आप्प दादागोळ आळी दा मन्ना तदुर लेकीन आंदुर सोतोदुर. 50 लेकीन ईद अद रोट्टी हुन जो स्वरुग टु ईळुतद ताकी मंळसा अदरी तनिल अदकि सायबाळुल. 51 जीवन इन रोट्टी जो स्वरुग टु ईळुत, ना हुईन. अगर यावारा ईद रोट्टी दा टु तदान, रा सदा जतिता ईत्तान; अदकि जो रोट्टी ना दुनया अक जतिता ईरोरसाटी कोळाईन, अद नान मय हुन.”

52 इदुर मा यहूदी ईद अनकु आपस दा झगळा माळली कुरतुर, “ईव मंळसा ह्यांग नामी तान मय तनिली कोळ सकतान?” 53 यीशु आंदुर से अंदुन, “ना नीम से खरा खरा अनतीन की यागासताका नीव मंळसा अन पार उन मय तनिलीर, अदकि आऊन खुन कुडालीर, नीम दा जीवन हैलेच. 54 जो नान मास तनितान अदकि नान खुन कुडुतान, अनन्त जीवन आऊंदा आद; अदकि ना आऊक आखरी दशी बाक जतिता माळाईन. 55 यतकी नान मास सही दा तनिद चजि हुन, अदकि नान खुन सही दा कुडोद चजि हुन. 56 जो नान मास तनितान अदकि नान खुन कुडुतान आव नान दा संची बन्सकु ईरतान, अदकि ना आऊन दा. 57 ह्यांग जतिता आप्प नानी कळ्यान, अदकि ना आप्प उन कारण जतिता आईन, हांगा आव भी जो नानी तदान नान कारण जतिता ईत्तान. 58 जो रोट्टी स्वरुग टु ईळुत अदा हुन, आ रोट्टी अन घाई यारी आप्प दादागोळ तदुर अदकि सोतोदुर; जो यावारा ईद रोट्टी तदान, आव सदा जतिता ईत्तान.” 59 ई मातगोळी आव कफरनहूम इन ऊंद यहूदी लॉकुरद सभागूह दा उपदेश कोळाहोती अंदुन.

अनन्त जीवन इन वचन

60 यीशु उन चेलागोळ दा टु हापाळ मुंदुर ईद केळकु अंदुर, “ईद कठोर मात आद; इदरी याव केळ सकतान?” 61 यीशु तान मन दा ईद जान्सकु की नान चेलागोळ आपस दा ईद मात मा कुळकुळसतार, आंदुर से केळदुन, “येन ईद मात देल नीमी ठोकर हततद? 62 अगर नीव मंळसा अन पार उक येल आव पयले ईरोन, अल म्याकुच होगूत नोळीर, रा येन आदीत? 63 आत्मा रा जीवनदायक आद, मय देल येनु लाभ हैलेच; जो मातगोळी ना नीम से अंदीन अव आत्मा हु, अदकि जीवन भी हुन. 64 लेकीन नीम दा टु येनारा हगि आर जो वशिवास माळालुर.” यतकी यीशु

पयले टु अच जानसोन कि जो वशिवास माळालुर, आंदुर यार उर; अदकि याव नानी हुळसुसयान. 65 अदकि आव अंदुन, “इदुरदा साटी ना नीम से अंददिन कि यागासताका यारीकारा आप्प उन दी टु ईद वरदान कोटकु आगालुद आगासताका आव नान हात्ती बर सकालुन.”

66 इदुर मा आऊन चेलागोळ दा टु हापाळ मुंदुर वापस आगेदुर अदकि अदुर बाददा आऊन सांगुळ होगीदील. 67 आग यीशु आ हन्नेळ चेलागोळी अंदुन, “येन नीव भी होगोद चाहासतीर?” 68 *शमौन पतरस आऊक उत्तर कोट्टुन, “हे प्रभु, नाव यार हाती होदेव? अनन्त जीवन इन मातगोळ रा नीद अच हाती आव; 69 अदकि नाव वशिवास माळदेव अदकि जान्स कोडेव कि परमेश्वर उन पवतिर जन नीना हुय.” 70 यीशु आंदरी उत्तर कोट्टुन, “येन ना नीव हन्नेळ मुंदरी नीवळुसीदील? तरी नीम दा टु ऊंद मंळसा शैतान आन.” 71 ईद आव शमौन इस्करियोती इन पार यहूदा अन बारा दा अंददिन, यतकी आवा जो हन्नेळ चेलागोळ दा टु ऊंद ईरोन, आऊक हुळसुसोद ईरोद.

7

यीशु अदकि आऊन वार्दुर

1 ई मातगोळ्द बाददा यीशु गलील दा टेटाळतेला ईत्तुन; यतकी यहूदी लॉकुर आऊक कोंद बुळोद कोशशि माळोर, इदुरसाटी आव यहूदिया दा टेटाळोद ईला चाहासोन. 2 यहूदीगोळ्द झोपळीगोळ्द हाब्ब* हात्ती ईरोद. 3 इदुरसाटी आऊन वार्दुर आऊन से अंदुर, “ईल टु यहूदिया अक होग, कि जो कयाल्सा नी माळत्या अवरी नीन चेलागोळ अल भी नोळुल. 4 यतकी हगि याऊ ईला ईतीदान जो प्रसद्धि आगेद चाहासुल, अदकि होचकु कयाल्सा माळुल. अगर नी कयाल्सा माळत्या, रा तान तान इक दुनया मा प्रगट माळ.” 5 यतकी आऊन वार्दुर भी आऊन मा वशिवास ईला माळतोगोर. 6 आग यीशु आंदुर से अंदुन, “नान समय ईगासताका बंददिंल, लेकीन नीम साटी सप्पा समय आद. 7 दुनया नीम से दुश्मनी माळ सकाल, लेकीन अद नान से दुश्मनी माळतद यतकी ना अदुर वरिध दा ईद गवाही कोळतीन कि अदुर कयाल्सा बुरा आद. 8 नीव हाब्ब दा होगी; ना ईगल्या ईद हाब्ब दा होगालीन, यतकी ईगासताका नान समय पुरा आगीदील.” 9 आव आंदुर से ई मातगोळी अनकु गलील दा अच ईतोदुन.

झोपळीगोळ्द हाब्ब दा यीशु

10 लेकीन याग आऊन वार्दुर हाब्ब दा वोळेदुर रा आव खुद भी, प्रगट दा ईला लेकीन मान्सी गुप्त रूप देल होदुन. 11 यहूदी हाब्ब दा आऊक ईद अनकु दुंदसली कुरतुर, “आव यल आन?” 12 अदकि लॉकुर दा आऊन बारा दा सुंगा मुंगा हापाळ सा मातगोळ आदव: यारारा अनतोगोर, “आव वळलेव मंळसा आन.” अदकि यारारा अनतोगोर, “ईला, आव लॉकुरी भरमुसतान.” 13 तरी यहूदीगोळ्द अंजक इन कारण याऊ मंळसा आऊन बारा दा खुल्सकु ईला माताळोन.

14 याग हाब्ब इन आर्धा दनि बतसेदव; रा यीशु मंदिर दा होगकु उपदेश माळली कुरतुन. 15 आग यहूदीगोळ चकति आगकु अंदुर, “ईऊक बनि वाचुसद अक्कल हयांग होटबत?” 16 यीशु आंदरी उत्तर कोट्टुन, “नान उपदेश नांद ईला, लेकीन नान कळावाळा अन हुन. 17 अगर यावारा आऊन इच्छा मा नळोद चाहासतान, रा आव ईद उपदेश इन बारा दा जान्स कोंडान कि ईद परमेश्वर उन दी टु हुन या तान दी टु अनतीन. 18 जो तान दी टु येनारा अनतान, आव तांद अच बळाई चाहासतान; लेकीन जो तान कळावाळा अन बळाई चाहासतान आवा खरा आन, अदकि अदुर दा अन्याय ईला. 19 येन मूसा नीमी व्यवस्था कोटीदील? तरी नीम दा टु याऊ व्यवस्था मा नळालुन. नीव येती नानी कोंद बुळोद चाहासतीर?” 20 लॉकुर उत्तर कोट्टुन, “नीन दा दुष्टआत्मा आद! याव नीनी कोंद बुळोद चाहासतान?” 21 यीशु आंदरी उत्तर कोट्टुन, “ना ऊंद कयाल्सा माळदीन, अदकि नीव सप्पा आश्चर्य माळतीर. 22 ईदा कारण मूसा नीमी खतना अन आग्या कोटान ईद ईला कि अद मूसा अन दी टु आद लेकीन आप्प दादागोळ टु नळुत बंदाद, अदकि नीव आराम इन दनि मंळसा अन खतना माळतीर. 23 *याग आराम इन दनि मंळसा अन खतना माळकु आगतद ताकी मूसा अन

* 6:68 ६:६८ मत्ती १६:१६; मरकुस ८:२९; लूका ९:२०

* 7:2 ७:२ हाब्ब इन मतलब त्योंहार

* 7:23 ७:२३ यूहन्ना

व्यवस्था अन आग्या टलुस बाळुल, रा नीव नान मा येती इदुरसाटी सट्टि माळतीर कनि आराम इन दनि ऊंद मळसा अक पुरा रीतदिल चंगा माळदीन. ²⁴ बाय नोळ्द न्याय माळबाळी, लेकीन ठीक ठीक न्याय माळी.”

येन यीशु अच मसीह हुन?

²⁵ आग येनारा यरूशलेम इन लॉकुर अनली कुरतुर, “येन ईव आवा आल्लच यारी कोंद बुळोद कोशशि माळकु आगेत्याद? ²⁶ लेकीन नोळी, आव रा मसीहगोळ घाई खुल्लम खुल्ला मातगोळी माळतान अदकि याऊ सरदार आऊन से येनु अनालुर. ²⁷ ईऊक रा नाव जान्सतेव कि ईव येलेव हुन; लेकीन मसीह याग बंदान रा याऊ जान्सतीदील कि आव येलेव हुन.” ²⁸ आग यीशु मंदिर दा उपदेश कोळतेला कारूकु अंदुन, “नीव नानी जान्सतीर, अदकि ईद भी जान्सतीर कनि येलेव हुईन. ना रा खुद देल बंददिल, लेकीन नानी कळावाळा खरा आन, आऊक नीव जान्सालीर. ²⁹ ना आऊक जान्सतीन यतकी ना आऊन दी टु आईन अदकि आवा नानी कळ्यान.” ³⁰ इदुर मा आंदुर आऊक हुडोद चाहासदुर, तरी याऊ आऊन मा कय हाकदिल यतकी आऊन सही समय ईगासताका बरली का ईरोद. ³¹ तरी भी भीळ दा टु हापाळ सा लॉकुर आऊन मा वशिवास माळदुर, अदकि अनली कुरतुर, “मसीह याग बंदान रा येन इदुर से यक्कुल आश्चर्यकर्म तोरस्यान जो ईव तोरसदुन?”

यीशु उक हुडोद कोशशि

³² फरीसीगोळ लॉकुरी यीशु उन बारा दा ई मातगोळ सुंगा मुंगा अंत केळदुर; अदकि प्रधान याजकगोळ अदकि फरीसीगोळ आऊक हुडोर साटी सपिाही कळुदुर. ³³ इदुर मा यीशु अंदुन, “ना थ्वाळासा समय ताका अदकि नीम सांगुळ आईन, आग तान कळावाळा अन हात्ती होटोगाईन. ³⁴ नीव नानी दुंडसीर, लेकीन नीमी सकितीदील; अदकि येल ना आईन, अल नीव बर सकालीर.”

³⁵ इदुर मा यहूदीगोळ आपस दा अंदुर, “ईव येल होदान कि नामी सकितीदील? येन ईव आंदुर हात्ती होदान जो ग्रीकगोळ दा ततिर-बतिर आगकु ईरतार, अदकि ग्रीकगोळी भी उपदेश कोट्टान? ³⁶ ईद येन मात आद जो आव अंदुन, कि ‘नीव नानी दुंडसीर, लेकीन सकितीदील; अदकि येल ना आईन, अल नीव बर सकालीर.’ ”

जीवन नीर इन गांगा

³⁷ हाब्व इन आखरी दशिी, जो मुख्य दनि आद, यीशु नदिरदुन अदकि कारूकु अंदुन, “अगर यावारा प्यासा आन रा नान हात्ती बरूल अदकि कुडुल. ³⁸ जो नान मा वशिवास माळ्यान, हयांग पवतिरशास्त्र दा बंदाद, ‘आऊन दलि दा टु जीवन इन नीर इन गांगा वाहुसकु होट्टीत.’ ” ³⁹ आव ईद वचन पवतिर आत्मा अन बारा दा अंदुन, यारी आऊन मा वशिवास माळावाळेरी सकिकोद ईरोद; यतकी आत्मा ईगासताका ईला ईळदीत, यतकी यीशु ईगासताका तान महमिा अक ईला पोहचुसीदुन.

लॉकुर दा भेदभाव

⁴⁰ आग भीळ दा टु यारारा यारारा ई मातगोळी केळकु अंदुर, “सही दा ईवा आव भवषियवक्ता हुन.” ⁴¹ दुसरागोळ अंदुर, “ईव मसीह हुन.” लेकीन येनारा लॉकुर अंदुर, “येती? येन मसीह गलील टु बंदान? ⁴² येन पवतिरशास्त्र दा ईद बंददिल कि मसीह दाऊद इन वंश टु अदकि बैतलहम ऊर टु बंदान, यल दाऊद ईरतान?” ⁴³ इदुरसाटी आऊन कारण लॉकुर दा फूट बतित. ⁴⁴ आंदुर दा टु यारारा आऊक हुडोद चाहासोर, लेकीन याऊ आऊन मा कय हाकीदील.

यहूदी अधिकारीगोळ्द अवशिवास

⁴⁵ आग सपिाही प्रधान याजक अदकि फरीसीगोळ हात्ती वापस बंदुर; आंदुर सपिाहीगोळ से अंदुर, “नीव आऊक येती तंददिल?” ⁴⁶ सपिाहीगोळ उत्तर कोट्टुर, “यावारा मळसा यागलु हगि मातगोळी माळीदील.” ⁴⁷ फरीसीगोळ आंदरी उत्तर कोट्टुर, “येन नीव भी भरमुसकु आगीर? ⁴⁸ येन सरदारगोळ या फरीसीगोळ दा टु यारारा आऊन मा वशिवास माळ्यार? ⁴⁹ लेकीन ई लॉकुर जो व्यवस्था जान्सालुर, शापति आर.” ⁵⁰ *नीकुदेमुस, जो पयले आऊन हात्ती बंदीदुन अदकि

आंदुर दा टु ऊंद ईरोन, आंदुर से अंदुन, ⁵¹ “येन नाम व्यवस्था यावारा मंळसा अक, यागासताका पयले आऊंद केळकु जान्स कोमालुर क् आव येन माळतान, दोषी ठहरूसतार?” ⁵² आंदुर आऊक उत्तर कोट्टुर, “येन नी भी गलील इन हुय? हुंद्स अदकि नोळ कगिलील टु यावारा भवष्यवक्ता प्रगट ईला आगोद.” ⁵³ आग सप्पा लाकुर तान तान मान्नी वोळदुर.

8

व्यभचारिणी इक माफ

¹ लेकीन यीशु जैतून इन पहाळी मा होदुन. ² व्हातर्या आव मात्त मंदरि दा बंदुन; सप्पा लाँकुर आऊन हात्ती बंदुर अदकि आव कुर्तकु आंदरी उपदेश कोळली कुरतुन. ³ आग शास्त्री अदकि फरीसी ऊंद आर्त इक तंदुर जो व्यभचारि दा हुळकु आगीदुर, अदकि आकी बीच दा नदिरूसकु यीशु से अंदुर, ⁴ “हे गुरु, ई आर्त व्यभचारि माळत हुळकु आदुर. ⁵ व्यवस्था दा मूसा नामी आग्या कोटान क् हिगि आर्तेर मा पथराव माळुल. इदुरसाटी नी ई आर्त इन बारा दा येन अनत्या?” ⁶ आंदुर आऊक परखुसोर साटी ईद मात अंदुर ताकी आऊन मा दोष हचोर साटी येनारा मात सक्कुल. लेकीन यीशु बांगकु बेळ्ल देल जागा मा लखिसली कुरतुन. ⁷ याग आंदुर आऊन से केळतेला अच ईत्तुर, रा आव सधा नदिरकु आंदुर से अंदुन, “नीम दा जो नषिपाप आन, आवा पयले आकी कल्ल होळदान.” ⁸ अदकि बाक बांगकु जागा मा बेळ्ल देल लखिसली कुरतुन. ⁹ लेकीन आंदुर ईद केळकु धोडडेर टु हुळकु स्याणेर ताका, ऊंद ऊंद माळकु होट्ट बुदुर, अदकि यीशु आबना ईतोदुन, अदकि आर्त अल्या बीच दा नदिरकु ईतोदुर. ¹⁰ यीशु सरका आगकु आकनि से अंदुन, “हे आर्त, आंदुर येल होदुर? येन यारारा दण्ड इन आग्या कोटीदील?” ¹¹ आक अंदुर, “हे प्रभु, याऊ ईला.” यीशु अंदुन “ना भी नीनी दण्ड इन आग्या कोळालीन; होग, अदकि बाक पाप माळबाळेत.”

यीशु दुनया अन ज्योर्त

¹² ✨यीशु बाक लाँकुर से अंदुन, “दुनया अन ज्योर्तना हुईन; जो नान हदि आगेदान आव अंधकार दा नळुतीदील; लेकीन जीवन इन ज्योर्त सकिकीत.” ¹³ ✨फरीसीगोळ आऊन से अंदुर, “नी तान गवाही खुद अच कोळत्या, नीन गवाही सही हैलेच.” ¹⁴ यीशु आंदरी उत्तर कोट्टुन, “भला ही ना तान गवाही खुद अच कोळतीन, तरी भी नान गवाही खरा आद, यतकी ना जान्सतीन क् ना यल टु बंदीन अदकि यल होगतीन? लेकीन नीव जान्सालीर क् ना यल टु बरतीन या यल होगतीन. ¹⁵ नीव मय इन अनुसार न्याय माळतीर; ना यारदु न्याय माळालीन. ¹⁶ अदकि अगर ना न्याय माळईन भी, रा नान न्याय खरा आद; यतकी ना आबना हैलेच, लेकीन ना हुईन, अदकि आप्प आन याव नानी कळुदुन. ¹⁷ नीम व्यवस्था दा भी लखिसकु आद क् येदुद मुंदुर गवाही मलिसकु सही आगतद; ¹⁸ ऊंद रा ना खुद तान गवाही कोळतीन, अदकि दुसरा आप्प नान गवाही कोळतान याव नानी कळयान.” ¹⁹ आंदुर आऊन से अंदुर, “नीन आप्प यल आन?” यीशु उत्तर कोट्टुन, “ना नीव नानी जान्सतीर, ना नान आप्प उक, अगर नानी जान्सायदीर रा नान आप्प उक भी जान्सायदीर.” ²⁰ ई मातगोळी आव मंदरि दा उपदेश कोळतेला भंडार मान्या अंदुन, अदकि याऊ आऊक हुळदीदलि, यतकी आऊन समय ईगासताका ईला बंदीत.

तान बारा दा यीशु उन कथन

²¹ यीशु बाक आंदुर से अंदुन, “ना होगतीन, अदकि नीव नानी हुंदसीर अदकि तान पाप दा सोत्तीर; यल ना होगतीन, अल नीव बर सकालीर.” ²² इदुर मा यहूदीगोळ अंदुर, “येन आव तान तान इक कौद बुटान, जो अनतान, ‘यल ना होगतीन अल नीव बर सकालीर.’ ” ²³ आव आंदुर से अंदुन, “नीव ल्यालमा नोर हुईर, ना म्याकुच इनव हुईन; नीव दुनया नोर हुईर, ना दुनया इनव आल्लच. ²⁴ इदुरसाटी ना नीम से अंदीन क् तान पापगोळ दा सोत्तीर, यतकी अगर नीव वशिवास माळतीदील क् ना आवा हुईन रा तान पापगोळ दा सोत्तीर.” ²⁵ आंदुर आऊन से अंदुर, “नी याव हुय?” यीशु आंदुर से अंदुन, “आवा हुईन जो सूरवात टु नीम से अनतेला बंदीन. ²⁶ नीम बारा दा नानी हापाळ येनारा अनोद अदकि नरिणय माळोद आद; लेकीन नान कळावाळा खरा आन, अदकि जो ना

आऊन से केळदीन अदा दुनया अक अनतीन.” 27 आंदुर ईद समसीदील कि नाम से आप्प उन बारा दा अनतान. 28 आग यीशु अंदुन, “याग नीव मंळसा अन पार उक म्याकुच येरसीर, रा जानसीर कि ना आवा हुईन; ना तान तान से येनु माळालीन लेकीन ह्यांग नान आप्प नानी कलस्यान हांग अच ई मातगोळी अनतीन. 29 नान कळावाळा नान सांगुळ आन; आव नानी आबना बटीदलि यतकी ना सदा अदा क्याल्सा माळतीन यदुर देल आव प्रसन्न आगतान.” 30 आव ईव मातगोळी अनतेला अच ईरोन कि हापाळ मुंदुर आऊन मा वशिवास माळदुर.

सच्चार्ई नीमी स्वतंत्र माळीत

31 आग यीशु आ यहूदीगोळ से यार आऊन मा वशिवास माळीदुर, अंदुन, “अगर नीव नान वचन दा बन्सकु ईत्तीर, रा सही दा नान चेलागोळ ठहरूसीर. 32 नीव सही अक जानसीर, अदकि सही नीमी स्वतंत्र माळीत.” 33 आंदुर आऊक उत्तर कोट्टुर, “नाव रा अब्राहम उन वंश टु आयेव, अदकि यागलु यारदु दास आगीदील. बाक नी ह्यांग अनत्या कि नीव स्वतंत्र आगेदीर?” 34 यीशु आंदुरी उत्तर कोट्टुन, “ना नीम से खरा खरा अनतीन कि जो यावारा पाप माळतान आव पाप इन दास आन. 35 दास सदा मान्या ईरालुन; पार सदा ईरतान. 36 इदुरसाटी अगर पार नीमी स्वतंत्र माळ्यान, रा सचमुच नीव स्वतंत्र आगेदीर. 37 ना जानसतीन कि नीव अब्राहम उन वंश टु आईर; तरी नान वचन नीम दलि दा जागा हुडालद, इदुरसाटी नीव नानी कोद बुळोद चाहासतीर. 38 ना अदा अनतीन, जो तान आप्प उन मान्या नोळदीन; अदकि नीव अदा माळतेला ईरतीर जो नीव तान आप्प उन से केळदीर.” 39 आंदुर आऊक उत्तर कोट्टुर, “नाम आप्प रा अब्राहम हुन.” यीशु आंदुर से अंदुन, “अगर नीव अब्राहम उन औलाद आगयदीर, रा अब्राहम उन घार्ई क्याल्सा माळायदीर. 40 लेकीन ईग नीव नान घार्ई मंळसा अक कोद बुळोद चाहासतीर, याव नीमी अद सही वचन हेळदुन जो परमेश्वर से केळदेव; हगि रा अब्राहम ईला माळीदुन. 41 नीव तान आप्प उन घार्ई क्याल्सा माळतीर.” आंदुर आऊन से अंदुर, “नाव व्यभचारि देल पैदा आगीदील, नाम ऊंद आप्प आन मतलब परमेश्वर.” 42 यीशु आंदुर से अंदुन, “अगर परमेश्वर नीम आप्प ईरायदुन, रा नीव नान से प्यार ईटायदीर; यतकी ना परमेश्वर उन दी टु बंदीन. ना खुद देल बंदीदलि, लेकीन आवा नानी कळ्यान. 43 नीव नान मात येती समसालीर? इदुरसाटी कि नीव नान वचन केळ सकालीर. 44 नीव तान आप्प शैतान उन दी टु आईर अदकि तान आप्प उन लालसागोळी पुरा माळोद चाहासतीर. आव रा सूरवात टु हत्यारा आन अदकि सही मा संची ईतीदील; यतकी सही आऊन दा हैलेच. याग आव ख्वाटा माताळतान, रा तान स्वभाव देल अच माताळतान; यतकी आव झुठा आन अदकि झुठ इन आप्प आन. 45 लेकीन ना जो खरा माताळतीन, इदुरदा साटी नीव नांद वशिवास माळालीर. 46 नीम दा टु याव नानी पापी ठहरूसतान? अगर ना खरा माताळतीन, रा नीव नान वशिवास येती माळालीर? 47 जो परमेश्वर टु आगतान, आव परमेश्वर उन मातगोळी केळतान; अदकि नीव इदुरसाटी केळालीर कि परमेश्वर उन दी टु आल्लच.”

यीशु अदकि अब्राहम

48 ईद केळकु यहूदीगोळ यीशु से अंदुर, “येन नाव खरा अनालेव किनी सामरी हुय, अदकि नीन दा दुष्टआत्मा आद?” 49 यीशु उत्तर कोट्टुन, “नान दा दुष्टआत्मा हैलेच; लेकीन ना तान आप्प उन आदर माळतीन, अदकि नीव नान नरिादर माळतीर. 50 लेकीन ना तान प्रतषिठा चाहासालीन; हव, ऊंद आन जो चाहासतान अदकि न्याय माळतान. 51 ना नीम से खरा खरा अनतीन कि अगर यावारा मंळसा नान वचन मा नळदान, रा आव अनन्त काल ताका मृत्यु अक नोळतीदलि.” 52 यहूदीगोळ आऊन से अंदुर, “ईग नाव जान्स कौडेव किनीन दा दुष्टआत्मा आद. अब्राहम सोतोदुन, अदकि भवषियवक्तागोळ भी सोतोग्यार; अदकि नी अनत्या, ‘अगर यावारा नान वचन मा नळदान रा आव अनन्त काल ताका मृत्यु नोळतीदलि.’ 53 नाम आप्प अब्राहम रा सोतोदुन. येन नी आऊन से धोड्डेव आय? अदकि भवषियवक्तागोळ भी सोतोदुर. नीमी येन हततद कि नीव येन हुईर?” 54 यीशु उत्तर कोट्टुन, “अगर ना खुद तान महमि माळाईन, रा नान महमि येनु ईला; लेकीन नान महमि माळावाळा नान आप्प आन, यारी नीव अनतीर कि आव नीम परमेश्वर हुन. 55 नीव रा

आऊक जानसीदील: लेकीन ना आऊक जान्सातीन. अगर ना अनाईन की ना आऊक जान्सालीन, रा ना नीम घाई ख्वाटा ठहरूसाईन; लेकीन ना आऊक जान्सातीन अदकि आऊन वचन मा नळुतीन. 56 नीम आप्प अब्राहम नान हागुल नोळोद आशा देल हापाळ मग्न ईरोन; अदकि आव नोळदुन अदकि खुश आदुन.” 57 यहूदीगोळ आऊन से अंदुर, “ईगासताका नी पचास वर्ष इन हैलेच, तरी भी नी अब्राहम उक नोळ्या?” 58 यीशु आंदुर से अंदुन, “ना खरा खरा अनतीन, की पयले इदुरद की अब्राहम पैदा आदुन, ना आईन.” 59 आग आंदुर आऊक बडोर साटी कल्ल नेगदुर, लेकीन यीशु होचकु मंदरि टु होटबुटुन.

9

जनम इन कुद्व उक कण्ण कोळोद

1 होगाहोती यीशु ऊंद मंळसा अक नोळदुन जो जनम टु कुद्व ईरोन. 2 आऊन चेलागोळ आऊन से केळदुर, “हे गुरु, याव पाप माळीदुन की ईव कुद्व पैदा आदुन, ई मंळसा या ईऊन मोय या ईऊन आप्प?” 3 यीशु उत्तर कोट्टुन, “ना रा ईव पाप माळीदुन, ना ईऊन मोय ना आप्प; लेकीन ईद इदुरसाटी आत की परमेश्वर उन क्वालसा आऊन मा प्रगट आगुल. 4 याव नानी कळ्यान, नामी आऊन क्वालसा हागुल ईरतेला अच माळोद जरूरी आद; अद ईळलक बरोद आद यदुरदा याऊ क्वालसा माळ सकतीदलि. 5 *यागासताका ना दुनयाि दा आईन, आगासताका दुनयाि अन ज्योर्ता आईन.” 6 ईद अनकु आव जागा मा ऊगुळदुन, अदकि आ ऊगळा देल मुण्ण इक काल्सदुन, अदकि अद मुण्ण आ कुद्व उन कण्णगोळ मा हचकु 7 *आऊन से अंदुन, “होग, शीलोह अन कुण्ड दा तोळकोम” आव होगकु तोळदुन, अदकि नोळतेला वापस बंदुन. 8 आग आऊन बाजुवाळे अदकि यार पयले आऊक भीख वेळतेला नोळीदुर, अनली कुरतुर, “येन ईव आवा आल्लच, जो कुरतकु भीख वेळतोगोन?” 9 येनारा लॉकुर अंदुर, “ईव आवा हुन,” दुसरागोळ अंदुर, “ईला, लेकीन आऊन घाई आन.” आव अंदुन, “ना आवा हुईन.” 10 आग आंदुर आऊन से केळली कुरतुर, “नीन कण्णगोळ ह्यांग खुलसेदव?” 11 आव उत्तर कोट्टुन, “यीशु हेसुर इन ऊंद मंळसा मुण्ण काल्सदुन, अदकि नान कण्णगोळ मा हचकु नान से अंदुन, ‘शीलोह दा होगकु तोळकोम,’ इदुरसाटी ना होदीन अदकि तोळदनि अदकि नोळली कुरतीन.” 12 आंदुर आऊन से केळदुर, “आव यल आन?” आव अंदुन, “ना जान्सालीन.”

फरीसीगोळ द्वारा चंगाई इन जाँच पळताल

13 लॉकुर आऊक जो पयले कुद्व ईरोन फरीसीगोळ हात्ती ओतुर. 14 याता दशिी यीशु मुण्ण काल्सकु आऊन कण्णगोळी तेरदीदुन, अद आराम इन दनि ईरोद. 15 बाक फरीसीगोळ भी आऊन से केळदुर की आऊन कण्णगोळ याता रीतदिल खुलसेदव. आव आंदुर से अंदुन, “आव नान कण्णगोळ मा मुण्ण हचदुन, बाक ना तोळु कौडीन, अदकि ईग ना नोळ सकतीन.” 16 इदुर मा येनारा फरीसी अनली कुरतुर, “ई मंळसा परमेश्वर उन दी टु आल्लच, यतकी आव आराम इन दनि मानसालुन.” दुसरागोळ अंदुर, “पापी मंळसा हगि चमत्कार ह्यांग तोरस सकतान?” इदुरसाटी आंदुर दा फूट बदिता. 17 आंदुर आ कुद्व मंळसा से मात्त अंदुर, “आव नीन कण्णगोळी खोलस्यान. नी आऊन बारा दा येन अनत्या?” आव अंदुन, “आव भवषियवक्ता आन.”

18 लेकीन यहूदीगोळी वशिवास आगीदील की आव कुद्व ईरोन अदकि ईग नोळतान, यागासताका आंदुर आऊन, यार्द कण्णगोळ खुलसेगीदव, आऊन मोय-आप्प उक कारूकु 19 आंदुर से केळीदील, “येन ईव नीम पार हुन, यारी नीव अनतीर की कुद्व पैदा आगीदुन? बाक ईग ह्यांग नोळतान?” 20 आऊन मोय-आप्प उत्तर कोट्टुन, “नाव रा जान्सातेव की ईव नाम पार हुन, अदकि कुद्व पैदा आगीदुन: 21 लेकीन नाव ईद जानसालेव की ईग ह्यांग नोळतान, अदकि ना ईद जान्सातेव की याव आऊन कण्णगोळी तेरदुन. आव स्याणा आन, आऊन से अच केळ कोमी: आव तान बारा दा खुद अंद बुटान.” 22 ई मातगोळी आऊन मोय आप्प इदुरसाटी अंदुर यतकी आंदुर यहूदीगोळ से अंजोर, यतकी यहूदी ऊंद मत आगेगीदुर की अगर यावारा अंदान की आव मसीह हुन, रा आव

* 9:5 ९:५ मत्ती ५:३४; यूहन्ना ८:३२

* 9:7 ९:७ शीलोह अन मतलब “कळुकु आगोद” हुन.

सभागृह टु तेगुकु आदान. 23 ईदा कारण आऊन मोय आप्प अंदुर, “आव स्याणा आन, आऊन से अच केळ कोमी.”

24 आग आंदुर आ मळसा अक जो कुढ्ढ ईरोन, दुसरा घन कारूकु आऊन से अंदुर, “परमेश्वर उन स्तुती माळ. नाव रा जान्सतेव की आ मळसा पापी आन.” 25 आव उत्तर कोट्टुन, “ना जानसालीन की आव पापी आन या हैलेच; ना ऊंद मात जानसतीन की ना पयले कुढ्ढ ईरीन अदकि ईग नोळतीन.” 26 आंदुर आऊन से मात्त अंदुर, “आव नीन सांगुळ येन माळदुन? अदकि याता प्रकार देल नीन कण्णगोळी खोल्सदुन?” 27 आव आंदुर से अंदुन, “ना रा नीम से अंद कोडीन, अदकि नीव केळीदील; ईग दुसरा घन येती केळोद चाहासतीर? येन नीव भी आऊन चेला बनसोद चाहासतीर?” 28 आग आंदुर आऊक बुरा भला अनली कुरतुर, “नी अच आऊन चेला आय, नाव रा मूसा अन चेला हुयेव. 29 नाव जान्सतेव की परमेश्वर मूसा से मातगोळी हेळदुन; लेकीन ई मळसा अक जानसालेव की येलेव हुन.” 30 आव आंदुरी उत्तर कोट्टुन, “ईद रा आश्चर्य अन मात आद की नीव जानसालीर की आव येलेव हुन, लेकीन आव नान कण्णगोळी खोल्स बुटुन. 31 नाव जान्सतेव की परमेश्वर पापीगोळद केळालुन, लेकीन अगर यावारा परमेश्वर उन भक्त आन अदकि आऊन इच्छा मा नळुतान, रा आव आऊन केळतान. 32 दुनया अन सूरुवात देल ईद यागलु केळदुर दा बंददील की यावारा जनम इन कुढ्ढ उन कण्णगोळी खोल्सदुन. 33 अगर ईव मळसा परमेश्वर उन दी टु ईला ईरायदुन, रा येनु भी ईला माळ सकायदुन.” 34 आंदुर आऊक उत्तर कोट्टुर, “नी रा बलिकुल पापगोळ दा पैदा आग्या, नी नामी येन कल्सत्या?” अदकि आंदुर आऊक व्हार्या तेगद बुटुर.

आत्मिक कुढ्ढपन

35 यीशु केळदुन की आंदुर आऊक व्हार्या तेगद बुटुर, अदकि याग आऊन से भेंट आत रा अंदुन, “येन नी परमेश्वर उन पार उन मा वश्वास माळत्या?” 36 आव उत्तर कोट्टुन, “हे प्रभु, आव याव हुन, की ना आऊन मा वश्वास माळाईन?” 37 यीशु आऊन से अंदुन, “नी आऊक नोळ्या, अदकि जो नीन सांगुळ मातगोळी हेळेत्यान आव आवा हुन.” 38 आव अंदुन, “हे प्रभु, ना नीन मा वश्वास माळतीन.” अदकि आऊक बांगकु प्रणाम माळदुन. 39 आग यीशु अंदुन, “ना ई दुनया दा न्याय इन साटी बंदीन, ताकी जो नोळालुर आंदुर नोळुल, अदकि जो नोळतार आंदुर कुढ्ढ आगेगुल.” 40 जो फरीसी आऊन सांगुळ ईरोर आंदुर आऊन ई मातगोळी केळकु आऊन से अंदुर, “येन नाव भी कुढ्ढ आयेव?” 41 यीशु आंदुर से अंदुन, “अगर नीव कुढ्ढ ईरायदीर रा पापी ईला ठहरूसायदीर; लेकीन ईग अनतीर की नाव नोळतेव, इदुरसाटी नीम दा पाप बनसकु ईरतद.

10

चरवाहा अदकि म्यांडागोळद उदाहरण

1 “ना नीम से खरा खरा अनतीन की जो यावारा दरवाजा टु म्यांडाशाला दा प्रवेश माळालुन, लेकीन दुसरा दी टु येरतान, आव काल्ळ अदकि डाकू हुन. 2 लेकीन जो दरवाजा टु बुळ्क प्रवेश माळतान आव म्यांडागोळद चरवाहा हुन. 3 आऊन साटी चौकीदार दरवाजा खोल्स बुळतान, अदकि म्यांडा आऊन आवाज केळताव, अदकि आव तान म्यांडागोळी हेसुर ताकोम ताकोमकु कारूतान अदकि व्हार्या वोयतान. 4 याग आव तान सप्पा म्यांडागोळी व्हार्या तेगु कोमतान, रा अऊर मुंद मुंद नळुतान, अदकि म्यांडागोळ आऊन हदि हदि आगेगताव, यतकी अव आऊन आवाज अरूताव. 5 लेकीन अव दुसरा अन हदि होगतीदील, लेकीन आऊन से दुर ओळेव, यतकी अव दुसरा अन आवाज अरालव.” 6 यीशु आंदुर से ईद उदाहरण अंदुन, लेकीन आंदुर समसीदील की ईव याता मातगोळ हु जो आव नाम से अनतान.

यीशु वळलेव चरवाहा

7 आग यीशु आंदुर से मात्त अंदुन, “ना नीम से खरा खरा अनतीन, म्यांडागोळ दरवाजा ना हुईन. 8 यास नान से पयले बंदुर आंदुर सप्पा काल्ळुर अदकि डाकू उर, लेकीन म्यांडागोळ आंदुरद केळीदील. 9 दरवाजा ना हुईन; अगर यावारा नान द्वारा बुळ्क प्रवेश माळ्यान, रा उद्धार

सक्कीत, अदकि बुळ्क व्हार्या होगत बरत ईततान अदकि चारा सक्कीत. 10 कालळ यातोदारा क्याल्सा अन साटी ईला लेकीन सरिफ चोरी माळली अदकि घात माळली अदकि नाश माळली इक बरतान; ना इदुरसाटी बंदीन का आंदरी जीवन सक्कुल, अदकि हापाळ जीवन सक्कुल.”

11 “वळ्लेव चरवाहा ना हुईन; वळ्लेव चरवाहा म्यांडागोळ साटी तान जीव कोळतान. 12 मजदूर जो ना चरवाहा आन अदकि ना म्यांडागोळ मालकि आन, लांडग्या अक बरत नोळ म्यांडागोळी बटिकु वोळगतान; अदकि लांडग्या अवरी हुडुतद अदकि ततिर बतिर माळ बुळतद. 13 आव इदुरसाटी वोळगतान का आव मजदूर हुन, अदकि आऊक म्यांडागोळ चति हाँलेच. 14 वळ्लेव चरवाहा ना हुईन; ना तान म्यांडागोळी जान्सतीन, अदकि नान म्यांडागोळ नानी जान्सताव. 15 ह्यांग आप्प नानी जान्सतान अदकि ना आप्प उक जान्सतीन अदकि ना म्यांडागोळ साटी तान जीव कोळतीन. 16 नान अदकि भी म्यांडागोळ आव, जो ई म्यांडाशाला अन आल्लच. नानी अवरी भी तरोद जरूरी आद. अव नान आवाज केळेव, आग ऊंद अच झुण्ड अदकि ऊंद अच चरवाहा ईततान. 17 आप्प इदुरसाटी नान से प्यार ईततान का ना तान जीव कोळतीन का अदरी मात्त ताकोम कोमाईन. 18 याऊ अदरी नान से कसालुन, लेकीन ना अदरी खुद अच कोळतीन. नानी आऊंद कोळोद भी अधिकार आद, अदकि अदरी बाक ताकोम कोमोद भी अधिकार आद: ईद आग्या नान आप्प उन देल नानी सकियाद.”

19 ई मातगोळ कारण यहूदीगोळ दा मात्त फूट बंदित. 20 आंदुर से हापाळ सा लाँकुर अनली कुरतुर, “आऊन दा दुष्टआत्मा आद, अदकि आव येर आन; आऊंद येती केळतीर?” 21 अनय लाँकुर अंदुर, “ई मातगोळ ईतता मंळसा नव आल्लच यारदा दुष्टआत्मा आद. येन दुष्टआत्मा कुद्वगोळ कण्णगोळी खोल्स सकतद?”

यीशु उक नकारसोद

22 यरूशलेम दा स्थापना हाब्व मनुस्कु आगोद; अदकि सोळ इन दनि ईरव. 23 यीशु मंदिर दा सुलैमान उन छपर्या दा टेटाळोन. 24 आग यहूदीगोळ आऊक बंदकु घेरसदुर अदकि केळदुर, “नी नाम मन इक यागासताका दुवधा दा ईट्या? अगर नी मसीह हुय रा नाम से साफ साफ अंद बुळ.” 25 यीशु आंदरी उत्तर कोट्टुन, “ना नीम से अंद बुटीन पर नीव वशिवास अच माळालीर. जो क्याल्सा ना तान आप्प उन हेसुर देल माळतीन अव अच नान गवाह हु, 26 लेकीन नीव इदुरसाटी वशिवास माळालीर यतकी नीव नान म्यांडागोळ दा टु आल्लच. 27 नान म्यांडागोळ नान आवाज केळताव; ना अवरी जान्सतीन, अदकि अव नान हदि हदि नळुताव; 28 अदकि ना अवरी अनन्त जीवन कोळतीन. अव यागलु नाश आगतीदील, अदकि याऊ अवरी नान कय दा टु कसु सकालुन. 29 नान आप्प, याव अवरी नानी कोटान, सप्पा से धोड्डेव आन अदकि याऊ अवरी आप्प उन कय देल कसु सकालुन. 30 ना अदकि नान आप्प ऊंद आयेव.” 31 यहूदीगोळ आऊन मा पथराव माळोर साटी मात्त कल्लगोळी नेगदुर. 32 इदुर मा यीशु आंदुर से अंदुन, “ना नीमी तान आप्प उन दी टु हापाळ सा भला क्याल्सा तोरसदीन; अऊर दा टु याता क्याल्सा अन साटी नीव नान मा पथराव माळतीर?” 33 यहूदीगोळ आऊक उत्तर कोट्टुन, “भला क्याल्सा अन साटी नाव नीन मा पथराव माळालेव लेकीन परमेश्वर उन अपमान माळोद कारण; अदकि इदुरसाटी का नी मंळसा आगकु भी तान तान इक परमेश्वर माळत्या.” 34 यीशु आंदरी उत्तर कोट्टुन, “येन नीम व्यवस्था दा लखिसकु हाँलेच, ‘ना अंदीन, नीव मय हुईर?’ 35 अगर आव आंदरी मय अंदुन यार हात्ती परमेश्वर उन वचन पोहचुसत अदकि शास्त्र अन मात ख्वाटा आग सकालव. 36 रा यारी आप्प पवतिर ठहूरस्कु दुनया दा कळुदुन, नीव आऊन से अनतीर, ‘नी अपमान माळत्या,’ इदुरसाटी का ना अंदीन, ‘ना परमेश्वर उन पार हुईन?’ 37 अगर ना तान आप्प उन क्याल्सा माळालीन, रा नान वशिवास माळबाळी. 38 लेकीन अगर ना माळतीन, रा चाहे नान वशिवास भी माळबाळी, लेकीन आ क्याल्सागोळद रा वशिवास माळी, ताकी नीव जानसी अदकि समसी का आप्प नान दा आन अदकि ना आप्प दा आईन.” 39 आग आंदुर मात्त आऊक हुडोद कोशशि माळदुर लेकीन आव आंदुर कय दा टु होटबुटुन.

40 ✨बाक आव यरदन इन आप्पाटी आ जागा मा ओळेंदुन, यल यूहन्ना पयले बपतस्मा कोळतोगोन, अदकि अल्या ईत्तुन. 41 हापाळ सा लॉकुर आऊन हात्ती बंदकु अनतोगोर, “यूहन्ना रा यातोदु चमत्कार तोरसीदील, लेकीन जो येनारा यूहन्ना ईऊंद बारा दा अंददिन, अद सप्पा सही ईरोद.” 42 अदकि अल हापाळ सा लॉकुर यीशु मा वश्वास माळदुर.

11

लाज़र उन मृत्यु

1 ✨मरयिम अदकि आकनि आकतींग मारथा अनूद ऊर बैतनय्याह अनूद लाज़र हेसुर इन ऊंद मंळसा बमिर ईरोन. 2 ✨इक आका मरयिम ईरोर यार प्रभु मा अत्तर हाककु आऊन कालगोळी तान चुट्टीगोळ देल सट्टीदुर, ईकी नवा वार्ट लाज़र बमिर ईरोन. 3 इदुरसाटी आऊन आकतींगेर यीशु उक बातणी कळदुर, “हे प्रभु, नोळ, यार से नी प्यार ईटत्या, आव बमिर आन.”

4 ईद केळकु यीशु अंदुन, “ईद बमिरी सायोद आलच; लेकीन परमेश्वर उन महिमा अनूद साटी हुन, क्क आऊन द्वाारा परमेश्वर उन पार ऊंद महिमा आगुल.”

5 यीशु मारथा अदकि आकनि आकतींग अदकि लाज़र से प्यार ईटतोगोन. 6 तरी भी याग आव केळदुन क्क आव बमिर आन, रा याता जागा मा आव ईरोन, अल येढ्ढ दनि मात्त रूकसेदुन. 7 ईदुर बाददा आव चेलागोळ से अंदुन, “बरी, नाव मात्त यहूदिया नगर इक होगता.”

8 चेलागोळ यीशु से अंदुर, “हे गुरु, ईगल्या रा यहूदी लॉकुर नीन मा कल्लगोळी होडोद चाहासोर, अदकि येन नी मात्त अल्या होगोद चाहासत्या?”

9 यीशु उत्तर कोट्टुन, “येन हागुल ईनव हन्नेळ घंटा ईरालव? अगर यावारा हागुल इन होती नळुतान रा ठोकर तनिलुन, यतकी ई दुनया अनूद उजुळ नोळतान. 10 लेकीन अगर यावारा ईळ्लक इन होती नळुतान रा ठोकर तनितान, यतकी अदुरदा उजुळ हैलेच.” 11 आव ई मातगोळ अंदुन, अदकि ईदुर बाददा आंदुर से अनली कुरतुन, “नाम संगी लाज़र मगिग्यान, लेकीन ना आऊक येब्सली होगतीन.”

12 आग चेलागोळ आऊन से अंदुर, “हे प्रभु, अगर आव मगिग्यान, रा वळ्लेव आगेदान.” 13 यीशु रा आऊन मृत्यु ऊंद बारा दा अंददिन, लेकीन आंदरी हगि हत्त क्क आव जप देल मगोद बारा दा अंदान. 14 आग यीशु आंदुर से साफ साफ अंद बुट्टुन, “लाज़र सोतोग्यान; 15 अदकि ना नीम कारण खुश आईन क्क ना अल ईला ईरीन यदुर देल नीव वश्वास माळी. लेकीन ईग बरी, नाव आऊन हात्ती होगता.” 16 आग थोमा यारी ददिमुस अनतार, तान साथी चेलागोळ से अंदुन, “बरी, नाव भी आऊन सांगुळ सायली होगता.”

यीशु ऊंद पुनरूत्थान अदकि जीवन

17 अल होगदुर मा यीशु उक ईद मालूम आत क्क लाज़र उक कब्र दा ईटकु नाक दनि आगेग्याव. 18 बैतनय्याह यरूशलेम इन हात्ती येढ्ढ मील इन दुरी मा ईरोद. 19 हापाळ सा यहूदी मारथा अदकि मरयिम इन हात्ती आकनि वार्ट ऊंद मृत्यु मा शांती कोळोर साटी बंदीदुर.

20 याग मारथा यीशु ऊंद बरोद समाचार केळदुर रा आऊन से मुलाकात माळली होदुर, लेकीन मरयिम मान्या अच ईत्तुर. 21 मारथा यीशु से अंदुर, “हे प्रभु, अगर नी ईल ईराईद, रा नान वार्ट ईला सायायदुन. 22 लेकीन ना ईग भी जान्सतीन क्क नी जो येनारा परमेश्वर से बेळ्या, परमेश्वर नीनी कोट्टान.”

23 यीशु आकनि से अंदुन, “नीन वार्ट मात्त जत्तिता आदान.”

24 मारथा आऊन से अंदुर, “ना जान्सतीन क्क आखरी दनिगोळ दा पुनरूत्थान इन समय आव जत्तिता आदान.”

25 यीशु आकनि से अंदुन, “पुनरूत्थान अदकि जीवन ना अच हुईन; जो यावारा नान मा वश्वास माळतान आव अगर सोतो भी दान तरी भी जत्तिता आदान, 26 अदकि जो यावारा जत्तिता आन

अदकि नान मा वशिवास माळतान, आव अनन्त काल ताका सायतीदील. येन नी ई मात मा वशिवास माळत्या?”

27 आक आऊन से अंदुर, “हे प्रभु, ना वशिवास माळतीन कऱि परमेश्वर उन पार मसीह जो दुनया दा बरावाळा ईरोन, आव नी अच हुय.”

यीशु वरलदुन

28 ईद अनकु आक होटोदुर, अदकि तान आकतीग मरयिम इक कारूकु सुंगासुंग अंदुर, “गुरु ईवा हुन अदकि नीनी कारूतान.” 29 ईद केळत अच आक तुरन्त यदकु आऊन हात्ती बंदुर. 30 यीशु ईगल्या ऊर दा बरली इक ईरोन लेकीन अदा जागा मा ईरोन यल मार्या आऊन से मुलाकात माळीदुर. 31 आग जो यहूदी आऊन सांगुळ मानया ईरोर अदकि आऊक शांती कोळोर, ईद नोळकु कऱि मरयिम तुरन्त यदकु व्हार्या होग्यार आंदुर ईद समसदुर कऱि आक कबर मा वरली होगेत्यार, रा आकनि हदि आगेदुर.

32 याग मरयिम अल पोहचुसदुर यल यीशु ईरोन, रा आऊक नोळत अच आऊन कालगोळ मा बदिदुर अदकि अंदुर, “हे प्रभु, अगर नी ईल ईराईद रा नान वार्ट ईला सायायदुन.”

33 याग यीशु आक इक अदकि आ यहूदीगोळी जो आकनि सांगुळ बंदीदुर, वरलतेला नोळदुन, रा तान आत्मा दा हापाळ अच उदास अदकि व्याकुल आदुन, 34 अदकि अंदुन, “नीव आऊक यल ईटीर?”

आंदुर आऊन से अंदुर, “हे प्रभु, नळकु नोळ कोम.”

35 यीशु वरलदुन. 36 आग यहूदी अनली हतदुर, “नोळी, आव आऊन से याट प्यार ईटतान.”

37 लेकीन आंदुर दा टु थ्वाळासा यहूदीगोळ अंदुर, “येन ईव याव कुढ मंळसा अनंद कण्णगोळ तेरदुन, येन ईद भी माळ सकदील कऱि ई मंळसा ईला सायायदुन?”

यीशु लाजर उक जत्तिता माळदुन

38 यीशु तान मन दा मात्त हापाळ अच उदास आगकु कबर मा बंदुन. अद ऊंद गुफा ईरोद अदकि ऊंद कलल आ गुफा मा ईटकु ईरोद. 39 यीशु अंदुन, “कलल सरकुसी.”

जो सोतकु ईरोन आऊन आकतीग मार्या आऊन से अनली हतदुर, “हे प्रभु, आऊन दा टु ईग वास बरतद, यतकी आऊक सोतकु नाक दनि आगेग्याव.”

40 यीशु आकनि से अंदुन, “येन ना नीन से ईला अंददीन कऱि अगर नी वशिवास माळ्या, रा परमेश्वर ऊंद महमा अक नोळ्या.” 41 आग आंदुर आ कलल इक सरकुसदुर. यीशु तान कण्णगोळ नेगुकु अंदुन, “हे आप्पा, ना नीद धन्यवाद माळतीन कऱि नी नांद केळ कोड्या. 42 ना जानसीन कऱि नी हमेशा नांद केळत्या, लेकीन जो भीळ आसपास नदिरकु आद, आंदुर कारण ना हगि अंदीन, यदुर देल कऱि आंदुर वशिवास माळल कऱि नी नानी कळ्या.” 43 ईद अंदकु आव धोळद आवाज देल कारदुन, “हे लाजर, व्हार्या बा!” 44 जो सोतोगदिन आव कबर दा टु हयांग आऊनव कय काल कटकु ईरव हांगा व्हार्या बंदुन, अदकि आऊन बाय गमछा देल होचकु ईरोद. यीशु आंदुर से अंदुन, “आऊक तेरू बुळी अदकि होगगोळी.”

यीशु उन खलिाप साजीश

(मत्ती २६:१-५; मरकुस १४:१,२; लूका २२:१,२)

45 आग जो यहूदी मरयिम इन हात्ती बंदीदुर अदकि यीशु उन ईद कयाल्सा नोळीदुर, आंदुर दा टु हापाळ मुंदुर आऊन मा वशिवास माळदुर. 46 लेकीन आंदुर दा टु थ्वाळासा यहूदीगोळ फरीसीगोळद हात्ती होगकु यीशु उन कयाल्सागोळद बातणी कोट्टुर. 47 ईदुर मा प्रधान याजकगोळ अदकि फरीसीगोळ महासभा कारसदुर, अदकि अंदुर, “नाव येन माळेतेव? ई मंळसा रा हापाळ चमत्कार तोरसतान. 48 अगर नाव आऊक हगि अच बटि बुटेव, रा सप्पा आऊन मा वशिवास माळ कोडार, अदकि रोमी साम्राज्य अनंद लॉकुर बंदकु नाम जागा अदकि जाती येढु मा अधिकार माळ कोडार.”

49 आग आंदुर दा टु कैफा हेसुर ईनव ऊंद मंळसा जो आ वर्ष ईनव महायाजक ईरोन, आंदुर से अंदुन, “नीव येनु अच जानसालीर; 50 अदकि ना नीमी ईद ऊम्सतद कऱि नीम साटी ईद वळ्ळीद

आद कनिनाम लॉकुर द साटी ऊंद मंळसा सायुल, अदकि सप्पा जाती इन नाश आगवाळुल.” 51 ईद मात आव तान दी टु अंददिल, लेकीन आ वर्ष इन महायाजक आगकु भवषियवाणी माळदुन, की यीशु आ जाती इन साटी सोत्तान; 52 अदकि ना सरिफ आ जाती इन साटी, उलटा इदुरसाटी भी की परमेश्वर उन जो ततिर-बतिर औलाद आव अवरी ऊंद माळ सकुल.

53 इदुरसाटी अदा दनि टु आंदुर आऊक कोद बुळोद साजीश माळली कुरतुर. 54 इदुरसाटी यीशु आ समय टु यहूदीगोळ दा प्रगट आगकु टेटीदलि, लेकीन अल टु आळी इन हात्तीपास इन प्रदेश इन इफ्राईम हेसुर इन ऊंद नगर इक होटोदुन; अदकि तान चेलागोळ्द सांगुळ अल्या ईरली कुरतुन.

55 यहूदीगोळ्द फसह अन्द हाब्ब हात्ती ईरोद, अदकि हापाळ सा लॉकुर फसह से पयले देहात टु यरूशलेम इक होदुर की तान तान इक शुद्ध माळुल. 56 इदुरसाटी आंदुर यीशु उक दुंडसली हतदुर अदकि मंदरि दा नदिरकु आपस दा अनली हतदुर, “नीव येन सोचतीर? येन आव हाब्ब दा बरतीदिल?” 57 प्रधान याजकगोळ अदकि फरीसीगोळ ईद आदेश कोटक ईटीदुर की यावारा यीशु उक नोळुल रा खबर कोळुल, की आंदुर आऊक हुडु सकुल.

12

यीशु उन कालगोळ मा अत्तर हाककोद

(मत्ती २६:६-१३; मरकुस १४:३-९)

1 यीशु फसह हाब्ब इन आर दनि पयले बैतनयियाह दा बंदुन यल लाजर ईरोन, यारी यीशु सोत्तुर दा टु जतिता माळीदुन. 2 अल आंदुर आऊन साठी भोजन तयार माळदुर; अदकि मारथा स्यावा माळोर, अदकि लाजर आंदुर दा टु ऊंद ईरोन जो आऊन सांगुळ भोजन माळली कुरतीदुन. 3 *आग मरयिम जटामांसी इन आर्धा लीटर कमिती शुद्ध अत्तर तनकु यीशु उन कालगोळ मा हाकदुर, अदकि तान चुट्टीगोळ देल आऊन काल सटिदुर; अदकि अत्तर इन वास देल सप्पा मान्ना सुगन्धति आगेत. 4 लेकीन आऊन चेलागोळ दा टु यहूदा इस्करियोती हेसुर ईनव ऊंद चेला जो आऊक हुळसुसदुर मा ईरोन, अनली कुरतुन, 5 “ईद अत्तर मुर सौ दीनार दा मारकु कंगालगोळी येती कोटक आगीदिल?” 6 आव ईद मात इदुरसाटी अंददिल की आऊक कंगालगोळ्द चनिता ईरोद लेकीन इदुरसाटी की आव काळ्द ईरोन, अदकि आऊन हात्ती आंदुरद् झ्वारा ईरतोगोद अदकि अदुरदा जो येनारा भी हाककु आगतोगोद, आव तेगु कोम तोगोन.

7 यीशु अंदुन, “आऊक ईरगोळी. आऊक ईद नांद नळसा दशिी इन साठी ईटगोळी. 8 यतकी कंगाल रा नीम सांगुळ सदा ईरतार, लेकीन ना नीम सांगुळ सदा ईरतीदिल.”

लाजर इन वरिद्ध साजीश

9 याग यहूदीगोळ्द धोळ्द भीळ जान्सेत की आव अल आन, रा आंदुर ना सरिफ यीशु उन कारण बंदुर लेकीन इदुरसाटी भी की लाजर उक नोळुल, यारी आव सोत्तुर दा टु जतिता माळदुन. 10 आग प्रधान याजकगोळ लाजर उक भी कोद बुळोद साजीश रचुसदुर. 11 यतकी आऊन कारण हापाळ सा यहूदी होटोदुर अदकि यीशु मा वशिवास माळदुर.

यरूशलेम दा वजिय-प्रवेश

(मत्ती २१:१-११; मरकुस ११:१-११; लूका १९:२८-४०)

12 दुसरा दशिी हापाळ सा लॉकुर जो हाब्ब दा बंदीदुर ईद केळदुर की यीशु यरूशलेम दा बरेतयान. 13 इदुरसाटी आंदुर खजुर इन डगालगोळी हुळदुर अदकि आऊन से भेट माळोर साठी होट्टुर, अदकि कारूली कुरतुर, “होशाना*! धन्य इस्त्राएल ईनव राजा, जो प्रभु उन हेसुर देल बरतान.”

14 याग यीशु उक गधा अन्द पाड्डा सकित; रा आव अदुर मा कुरतुन, ह्यांग शास्त्र दा लखिसकु आद,

15 “हे सयियोन इन पोरी, अंजबाळ;

नोळ, नीन राजा

गधा अन्द पाड्डा मा येरकु नीन हात्ती बरेतयान.”

* 12:3 १२:३ लूका ७:३७,३८ * 12:13 १२:१३ प्रभु अन्द जय

16 आऊन चेलागोळ ई मातगोळी पयले सम्स सकदील, लेकीन याग यीशु उन महमिा प्रगट आत रा आंदरी याद बत्त की ई मातगोळ आऊन बारा दा लखिसकु ईरोव अदकि लॉकुर आऊन से ईदा प्रकार इन व्यवहार माळीदुर. 17 आग भीळ इन आ लॉकुर गवाही कोट्टुर, जो आ समय आऊन सांगुळ ईरोर याग आव लाजर उक कबर दा टु कारूकु सोत्तुर दा टु जतिता माळदुन. 18 ईदा कारण लॉकुर आऊन से मुलाकात माळली बंदीदुर यतकी आंदुर केळीदुर की आव ईद आश्चर्यकरम तोरस्यान. 19 आग फरीसीगोळ आपस दा अंदुर, “सोची रा सही की नीम से येनु बनसाल. नोळी, दुनया आऊन हदि आगेत्याद.”

गैरयहूदीगोळद यीशु उक दुंदसोद

20 जो लॉकुर आ हाबब दा आराधना माळली बंदीदुर आंदुर दा टु येनारा गैरयहूदी ईरोर. 21 आंदुर गलील इन बैतसैदा नोर ईरावाळेर फलिपिपुस उन हात्ती बंदकु आऊन से वनिती माळदुन, “श्रीमान, नाव यीशु से मुलाकात माळोद चाहासतेव.”

22 फलिपिपुस बंदकु अन्रियास से अंदुन, आग अन्रियास अदकि फलिपिपुस होगकु यीशु से अंदुन. 23 ईदुर मा यीशु आंदुर से अंदुन, “आ समय होट बंदाद कमिळसा अन पार उन महमिा आगुल. 24 ना नीम से खरा खरा अनतीन की यागासताका गोदी इन बीजा जमीन मा बंदकु सोतोगाल, अद आबना ईरतद; लेकीन याग सोतोगतद, रा हापाळ फसल तरतद. 25 *जो तान जीव इक प्रयि जान्सतान, आव अदरी खोऊस बुळतान; अदकि जो ई दुनया दा तान जीव इक अप्रयि जान्सतान, आव अनन्त जीवन इन साठी अदुरद रक्षा माळ्यान. 26 अगर यावारा नान स्यावा माळ्यान, रा नान हदि आगेगुल; अदकि यल ना आईन, अल नान सेवक भी ईत्तान. अगर यावारा नान स्यावा माळ्यान, रा नान आप्प आऊन आदर माळ्यान.

कूस इन मृत्यु इन इशारा

27 “ईग नान जीव व्याकुल आद. इदुरसाटी ईग ना येन अनाईन, हे आप्पा, नानी ई घळी देल ऊळस?” ईला, यतकी ना ईदा कारण ई घळी इक पोहचुसीन. 28 हे आप्पा, तान हेसुर इन महमिा माळ.”

“आग ईद आकाशवाणी आत, ना आऊंद महमिा माळीन, अदकि मात्त माळाईन.”

29 आग जो लॉकुर नदिरकु केळोर आंदुर अंदुर की बादल गरजुस्त. दुसरागोळ अंदुर, येनारा स्वर्गदूत आऊन से माताळदुन.

30 ईदुर मा यीशु अंदुन, “ईद आवाज नान साटी ईला, लेकीन नीम साटी बंदाद. 31 ईग ई दुनया अन न्याय आगतद, ईग ई दुनया अन सरदार तेगुकु आदान; 32 अदकि ना अगर पृथ्वी मा टु म्याकुच येरसकु आगाईन, रा सप्पा मुंदुरी तान हात्ती जेडाईन.” 33 हगि अंदकु आव ईद प्रगट माळ बुट्टुन की आव ह्यांग मृत्यु देल सोत्तान.

34 इदुर मा लॉकुर आऊन से अंदुर, “नाव व्यवस्था अन्द ईद मात केळेव कमिसीह हमेशा ईत्तान, बाक नी येती अनत्या कमिळसा अन्द पार उक म्याकुच येरसोद जरूरी आद? ईव मळसा अन पार याव हुन?”

35 यीशु आंदुर से अंदुन, “ज्योती ईग थ्वाळासा देर ताका नीम बीच दा आद. यागासताका ज्योती नीम सांगुळ आद आगासताका नळुतेला ईरी, हगि आगबाळुल की अंधकार नीमी बंदकु घेरसुल; जो अंधकार दा नळुतान आव जानसालुन की यात्त होगतान. 36 यागासताका ज्योती नीम सांगुळ आद, ज्योती मा वशिवास माळी ताकी नीव ज्योती अन औलाद आगी.”

यहूदीगोळ अवशिवास दा बनसकु ईरेतीर

ईव मातगोळी अंदकु यीशु ओळेदुन अदकि आंदुर से होचकु ईत्तुन 37 आव आंदुर मुंद ईस चमत्कार† तोरसदुन, तरी आंदुर आऊन मा वशिवास माळीदलि; 38 ताकी यशायाह भवषियवक्ता अन्द वचन पुरा आगुल जो आव अंदुन:

“हे प्रभु, नाम बातणी इन याव वशिवास माळ्यान?

अदकि प्रभु अन्द ताकत यार मा प्रगट आग्याद?”

* 12:25 १२:२५ मत्ती १०:३९; १६:२५; मरकुस ८:३५; लूका ९:२४; १७:३३ † 12:37 १२:३७ चमत्कार

39 ई कारण आंदुर वशिवास माळ सकर्दिल, यतकी यशायाह ईद भी अंदान:

40 “आव आंदुर कण्णगोळी कुदुद,

अदकि आंदुर मन कठोर माळ बुटुन;

येल्यारा हगि आगबाळुल कि आंदुर कण्णगोळ देल नोळुल,

अदकि मन देल समसुल,

अदकि तरिगुल,

अदकि ना आंदरी चंगा माळाईन.”

41 यशायाह ई मातगोळी इदुरसाटी अंदुन कि आव आऊन महमिा नोळदुन, अदकि आव आऊन बारा दा मातगोळी हेळदुन.

42 तरी अधिकारीगोळ दा टु हापाळ लॉकुर आऊन मा वशिवास माळदुर, लेकीन फरीसीगोळ कारण प्रगट दा ईला मानसोर, येल्यारा हगि आगबाळुल कि आंदुर यहूदी लॉकुरद सभागृह दा टु तेगुकु आदार: 43 यतकी मळसागोळ दी टु प्रशंसा आंदरी परमेश्वर उन दी टु प्रशंसा अन्द अपेक्षा यक्कुल प्रयि हततोगोद.

यीशु नव वचन: न्याय इन आधार

44 यीशु कारूकु अंदुन, “जो नान मा वशिवास माळतान, आव नान मा ईला उलटा नान कळावाळा मा वशिवास माळतान. 45 अदकि जो नानी नोळतान, आव नान कळावाळा अक नोळतान. 46 ना दुनया दा ज्योती आगकु बंदीन, ताकी जो यावारा नान मा वशिवास माळुल आव अंधकार दा ईरबाळुल. 47 अगर यावारा नान मातगोळी केळकु मान्सालुन, रा ना आऊक दोषी ठहूसालीन; यतकी ना दुनया अक दोषी ठहूसोर साटी ईला, लेकीन दुनया अन्द उद्धार माळोर साटी बंदीन. 48 जो नानी तुच्छ जानस्तान अदकि नान मातगोळी ग्रहण माळालुन आऊक दोषी ठहूसवाळा रा ऊंद आन: मतलब जो वचन ना अंदीन, अदा हदिळोव दनि दा आऊक दोषी ठहूसीत. 49 यतकी ना तान दी टु मातगोळी माळीदलि; लेकीन आप्प याव नानी कळयान आवा नानी आग्या कोटान कि येन येन अनाईन अदकि येन येन माताळाईन? 50 अदकि ना जान्सतीन कि आऊन आग्या अनन्त जीवन आद. इदुरसाटी ना जो येनारा माताळतीन, अद ह्यांग आप्प नान से अंदान हांगा माताळतीन.”

13

यीशु उन चेलागोळद काल तोळोद

1 फसह इन हाब्ब से पयले, याग यीशु जान्स कौडुन कि नांद आ घळी होट्ट बंदाद कि दुनया बटिकु आप्प उन हात्ती होगईन, रा तान लॉकुर से जो दुनया दा ईरोर ह्यांग प्यार आव ईटतोगोन, आखरी ताका हांग अच प्यार ईटतेला ईत्तुन. 2 याग शैतान शमौन उन पार यहूदा इस्करयोती इन मन दा ईद हाक बुटीदुन कि आऊक हुळसुसुल, रा भोजन इन समय 3 यीशु, ईद जान्सकु कि आप्प सप्पा येनारा नांद कय दा माळ बुटान अदकि ना परमेश्वर उन हात्ती टु बंदीन अदकि परमेश्वर उन हात्ती होगतीन, 4 भोजन मा टु यदकु तान म्याकळव कपळागोळी ईळ्स बुट्टुन, अदकि गमछा हुडुकु तान नेळु कटदुन. 5 आग बरतन दा नीर तुमकु चेलागोळद काल तोळुली अदकि याता गमछा देल आऊन नेळु कटकु ईरोद अदुर देल अच सीटली कुरतुन. 6 याग आव शमौन पतरस उन हात्ती बंदुन, आग पतरस आऊन से अंदुन, “हे प्रभु, येन नी नांद काल तोळुत्या?” 7 यीशु आऊक उत्तर कोट्टुन, “जो ना माळतीन, नी अदरी ईगल्या जान्साल, लेकीन ईदुर बाददा नीनी ऊमसीत.” 8 पतरस आऊन से अंदुन, “नी नान काल यागलु तोळु सकतीदलि!” ईद केळकु यीशु आऊन से अंदुन, “अगर ना नीन काल तोळुतीदलि, रा नांद सांगुळ नींद येनु संबंध हैलेच.” 9 शमौन पतरस आऊन से अंदुन, “हे प्रभु, रा बाक नान काल अच ईला, उलटा कय अदकि तालला भी तोळु कोळ.” 10 यीशु आऊन से अंदुन, “जो मय तोळु कौडान आऊक काल इन अलावा अदकि येनु तोळोद जरवत हैलेच, लेकीन आव बलिकुल शुद्ध आन; अदकि नीव शुद्ध आईर, लेकीन सप्पा अन्द सप्पा मुंदुर ईला.” 11 आव रा तान हुळसुसावाळा अक अरोन इदुरसाटी आव अंदुन, “नीव

सप्या मुंदुर शुद्ध हैलेच.” 12 *याग आव आंदुर काल तोळ्द बुट्टुन, अदकि तान कपळा हाक्कु मात्त कुरतोदुन, रा आंदुर से अनली कुरतुन, “येन नीव समसदीर काना नीम सांगुळ येन माळदीन? 13 नीव नानी गुरु अदकि प्रभु अनकु कार्तीर, अदकि ठीक अच अनतीर, यतकी ना आवा हुईन. 14 अगर ना प्रभु अदकि गुरु ईतकु नीम काल तोळदनि, रा नीमी भी आबुर दाबुर काल तोळु पायजे. 15 यतकी ना नीमी नमुना तोरस बुटीन कि ह्यांग ना नीम सांगुळ माळदीन, नीव भी हांग अच माळतोगी. 16 *ना नीम से खरा खरा माताळतीन, दास तान स्वामी देल धोड्डेव हैलेच, अदकि ना कळुदव तान कळावाळा से. 17 नीव ई मातगोळ जानसतीर, अदकि अगर अऊर मा नळी रा धन्य आईर. 18 ना नीम सप्या मुंदुर बारा दा अनालीन; यार्द ना चुनाव माळीन, आंदरी ना अरूतीन; लेकीन ईद इदुरसाटी हुन कि पवतिरशास्त्र अनद अद वचन पुरा आगुल, ‘जो नांद रोटी तनितान, आव नान मा ल्यात नेगदुन.’ 19 ईग ना अदुर आगोर से पयले नीमी हेळ बुळतीन कि याग ईद पुरा आगेदीत रा नीव वशिवास माळेतीर काना आवा हुईन. 20 *ना नीम से खरा खरा माताळतीन कि जो नानी कळावाळा अक ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान.”

यीशु अन वशिवासघात माळावाळा अन दी इशारा

(मत्ती २६:२०-२५; मरकुस १४:१७-२१; लूका २२:२१-२३)

21 ई मातगोळ अंदकु यीशु आत्मा दा व्याकुल आदुन अदकि ईद गवाही कोट्टुन, “ना नीम से खरा खरा अनतीन कि नीम दा टु ऊंद मंळसा नानी हुळसुस्यान.” 22 चेलागोळ संदेह देल, आबुर दाबुर दी नोळली कुरतुर कि आव यार बारा दा अनेत्यान. 23 आऊन चेलागोळ दा टु ऊंद यार से यीशु प्यार ईटतोगोन, यीशु उन याददा अनद दी बांगकु कुरतकु ईरोन. 24 शमौन पतरस आऊन दी इशारा माळकु आऊन से केळदुन, “रा हेळ, आव यार बारा दा अनेत्यान?” 25 आग आव हांग अच यीशु उन याददा अनद दी बांगकु आऊन से केळदुन, “हे प्रभु, आव याव हुन?” 26 यीशु उत्तर कोट्टुन, “यारी ना ईद रोटी इन तुकळा तंळग्या दा डोब्सकु कोळाईन आवा हुन.” अदकि आव तुकळा डोब्सकु शमौन इसकरयोती इन पार यहूदा अक कोट्टुन. 27 तुकळा ताकोमत्त अच शैतान आऊन दा समुसेत. आग यीशु आऊन से अंदुन, “जो नी माळत्या, तुरन्त माळ.” 28 लेकीन कुरावाळेरे दा टु यावारा भी जानसीदलि कि आव ईद मात आऊन से यदुर साठी अंदुन. 29 यहूदा अनद हात्ती झ्वारा ईरतोगोद, इदुरसाटी यारारा यारारा समसदुर कि यीशु आऊन से अनेत्यान कि जो येनारा नामी हाबब इन साठी पायजे अद कोंड कोम, या ईद कि कंगालगोळी येनारा कोळ. 30 इदुरसाटी आव तुकळा हुळकु तुरन्त व्हार्या होटोदुन; अदकि ईद ईळलक इन समय ईरोद.

व्हाशोद आग्या

31 याग आव व्हार्या होटोदुन रा यीशु अंदुन, “ईग मंळसा अन पार उन महमि आग्याद, अदकि परमेश्वर उन महमि आऊन दा आग्याद; 32 अगर परमेश्वर उन महमि आऊन द्वारा आत, रा परमेश्वर भी तान द्वारा आऊन महमि प्रगट माळ्यान अदकि तुरन्त माळ्यान. 33 *हे चकिरगोळा, ना मात्त घळी तमि नीम हात्ती आईन: बाक नीव नानी दुंडसीर, अदकि ह्यांग ना यहूदीगोळ से अंदीन, ‘यल ना होगतीन अल नीव बर सकालीर,’ हांग अच ना ईग नीम से भी अनतीन. 34 *ना नीमी ऊंद व्हाशोद आग्या कोळतीन कि आबुर दाबुर से प्यार ईटी; ह्यांग ना नीम से प्यार ईटीन, हांग अच नीव भी आबुर दाबुर से प्यार ईटी. 35 अगर नीव आपस दा प्यार ईटीर, रा ईदुर देल सप्या मुंदुर जानस्यार कानि नीव नांद चेलागोळ हुईर.”

यीशु उन द्वारा पतरस उन इनकार इन इशारा

(मत्ती २६:३१-३५; मरकुस १४:२७-३१; लूका २२:३१-३४)

36 शमौन पतरस यीशु से अंदुन, “हे प्रभु, नी यल होगत्या?” यीशु उत्तर कोट्टुन, “यल ना होगतीन अल नी ईगल्या नान हदि बर सकाल; लेकीन बाददा नी नान हदि बंद्या.” 37 पतरस

* 13:12 १३:१२ लूका २२:२७ * 13:16 १३:१६ मत्ती १०:२४; लूका ६:४०; यूहन्ना १५:२० * 13:20 १३:२० मत्ती १०:४०; मरकुस ९:३७; लूका ९:४८; १०:१६ * 13:33 १३:३३ यूहन्ना ७:३४ * 13:34 १३:३४ यूहन्ना १५:१२,१७; १ यूहन्ना ३:२३; २ यूहन्ना १:५

आऊन से अंदुन, “हे प्रभु, ईगल्या ना नीन हदि येती बर सकालीन? ना रा नीन साठी तान जीव भी कोट्ट बुळाईन.” 38 यीशु उत्तर कोट्टुन, “येन नी नान साठी तान जीव कोट्ट्या? ना नीन से खरा खरा माताळतीन की हुंज कुग्गोर से पयले ताका नी नांद मुर घन इनकार माळ कोड्या.

14

परमेश्वर ताका होगोद हादी

1 “नीम मन व्याकुल आगबाळुल; परमेश्वर मा वशिवास ईटी अदकि नान मा भी वशिवास ईटी. 2 नान आप्प उन मानया हापाळ सा ईरोद जागा आद, अगर ईला ईराईत रा ना नीम से अनबुळायदनि; यतकी ना नीम साठी जागा तयार माळली होगतीन. 3 अदकि अगर ना होगकु नीम साठी जागा तयार माळाईन, रा बाक बंदकु नीमी तान मानया ओयाईन की ना यल इराईन नीव भी अल ईरी. 4 ना यल होगतीन नीव अल ईद हादी अरूतीर.” 5 थोमा आऊन से अंदुन, “हे प्रभु, नाव ईद अरालेव की नी यल होगेत्या; रा हादी ह्यांग अरतेव?” 6 यीशु आऊन से अंदुन, “हादी अदकि सच्चाई अदकि जीवन ना अच हुईन; बनिा नान द्वारा याऊ आप्प उन हात्ती होग सकालुन. 7 आव आंदुर से अंदुन अगर नीव नानी अरूत कोमायदीर, रा नान आप्प उक भी अरायदरि; अदकि ईग आऊक अरूतीर, अदकि आऊक नोळीर भी.”

8 फलिपिपुस आऊन से अंदुन, “हे प्रभु, आप्प उक नामी तोरस बुळ, ईदा नाम साठी हापाळ आद.” 9 यीशु आऊन से अंदुन, “हे फलिपिपुस, ना ईस दनि टु नीम सांगुळ आईन, अदकि येन नी नानी जान्साल? याव नानी नोळ्यान आव आप्प उक नोळ्यान. नी येती अनत्या की आप्प उक नामी तोरस?” 10 येन नी वशिवास माळाल की ना आप्प दा आईन अदकि आप्प नान दा आन? ई मातगोळी जो ना नीम से अनतीन, तान दी टु अनालीन, लेकीन आप्प नान दा ईतकु तान क्याल्सा माळतान. 11 नान वशिवास माळी की ना आप्प उन दा आईन अदकि आप्प नान दा आन; ईदारा क्याल्सागोळ्द अच कारण नान वशिवास माळी. 12 “ना नीम से खरा खरा अनतीन की जो नान मा वशिवास ईटतान, ई क्याल्सा जो ना माळतीन आव भी माळ्यान, बल्की ईऊर से भी धोड्डेव क्याल्सा माळ्यान, यतकी ना आप्प उन हात्ती होगतीन. 13 जो येनारा नीव नान हेसुर देल बेळीर, अदा ना माळाईन की पार उन दरवाजा मा आप्प उन महमिा आगुल. 14 अगर नीव नान से नान हेसुर देल येनारा बेळीर, रा ना अदरी माळाईन.”

पवतिर आत्मा अन वादा

15 “अगर नीव नान से प्यार ईटतीर, रा नान आग्यागोळी मानसीर. 16 ना आप्प उन से वनिती माळाईन, अदकि आव नीमी ऊंद अदकि सहायक कोट्टान की आव सदा नीम सांगुळ ईरूल. 17 मतलब खरा अन आत्मा, यारी दुनया ग्रहण माळ सकाल्द, यतकी आव ना आऊक नोळतान अदकि ना आऊक अरूतान; नीव आऊक अरूतीर, यतकी आव नीम सांगुळ ईरतान, अदकि आव नीम दा ईत्तान. 18 ना नीमी अनाथ बळितीदिल; ना नीम हात्ती बरतीन. 19 अदकि थ्वाळासा समय ईतोग्याद की बाक दुनया नानी नोळतीदिल, लेकीन नीव नानी नोळीर; इदुरसाठी की ना जत्तिता आईन, नीव भी जत्तिता ईत्तीर. 20 आ दशी नीव जानसीर की ना तान आप्प दा आईन, अदकि नीव नान दा, अदकि ना नीम दा. 21 यार हात्ती नान आग्यागोळ आव अदकि आव अवरी मान्सतान, आवा नान से प्यार ईटतान; अदकि जो नान से प्यार ईटतान आऊन से नान आप्प प्यार ईट्यान, अदकि ना आऊन से प्यार ईटाईन अदकि तान तान इक आऊन मा प्रगट माळाईन.” 22 आ यहूदा जो इसकरियोती ईला ईरोन, आऊन से अंदुन, “हे प्रभु, येन आत की नी तान तान इक नाम मा प्रगट माळोद चाहासत्या अदकि दुनया मा ईला?” 23 यीशु आऊक उत्तर कोट्टुन, “अगर यावारा नान से प्यार ईट्यान रा आव नान वचन इक मानस्यान, अदकि नान आप्प आऊन से प्यार ईट्यान, अदकि नाव आऊन हात्ती बंदेव अदकि आऊन सांगुळ वास माळेव. 24 जो नान से प्यार ईटालुन, आव नान वचन मानसालुन; अदकि जो वचन नीव केळतीर अद नांद ईला लेकीन आप्प उन हुन, याव नानी कळुदुन.” 25 “ई मातगोळी ना नीम सांगुळ ईतकु नीम से अंदीन. 26 लेकीन सहायक मतलब पवतिर आत्मा यारी आप्प नान हेसुर देल कळ्यान, आव सप्पा मातगोळी कलस्यान, अदकि जो येनारा ना नीम से अंदीन, आव सप्पा नीमी याद माळसुस्यान. 27 ना नीमी शांती कोट्टकु होगतीन,

तान शांती नीमी कोळतीन; ह्यांग दुनया कोळतद, ना नीमी हांग कोळालीन: नीम मन व्याकुल आगबाळुल अदकि अंजबाळुल.” 28 नीव केळदीर काना नीम से अंदीन, “ना होगतीन, अदकि नीम हात्ती मात्त बराईन.” अगर नीव नान से प्यार ईटायदीर, रा ई मात देल खुश आगायदीर काना आप्प उन हात्ती होगतीन, यतकी आप्प नान से धोड्डेव आन. 29 अदकि ना ईग इदुरद आगोर से पयले नीम से अंद बुटीन, कयाग अद आगेदीत, रा नीव वशिवास माळी. 30 ना ईग नीम सांगुळ अदकि हापाळ मातगोळी माळतीदील, यतकी ई दुनया अन सरदार बरतान. नान मा आऊन येनु अधकार हैलेच; 31 लेकीन ईद इदुरसाटी आगतद काना दुनया जानसुल काना आप्प से प्यार ईटतीन, अदकि ह्यांग आप्प नानी आग्या कोट्टुन ना हांग अच माळतीन. येळी, ईल टु नळी.

15

यीशु खरा दाखलता

1 “खरा दाखलता ना हुईन, अदकि नान आप्प कसान आन. 2 जो खांदी नान दा आद अदकि फलसालद, अदरी आव कळद बुळतान; अदकि जो फलसतद, अदरी आव छाट्सतान ताकी अदकि फलसुल. 3 नीव रा आ वचन इन कारण जो ना नीम से अंदीन, शुद्ध आईर. 4 नीव नान दा बन्सकु ईरी, अदकि ना नीम दा. ह्यांग खांदी अगर दाखलता दा बन्सकु ईरतीदील रा तान तान देल फलस सकालद, हांगा नीव भी अगर नान दा बन्सकु ईरतीदील रा फलस सकालीर. 5 ना दाखलता हुईन: अदकि नीव खांदीगोळ हुईर. जो नान दा बन्सकु ईरतान अदकि ना आऊन दा, अद हापाळ काय तरतद, यतकी नान से अलग आगकु नीव येनु माळ सकालीर. 6 अगर यावारा नान दा बन्सकु ईरूल, रा आव खांदी अन घाई भटिकु आगतान, अदकि वंळगेगतान; अदकि लाँकुर अवरी सकलुसकु बेक्की दा भीट बुळतार, अदकि अव होत्तेगताव. 7 अगर नीव नान दा बन्सकु ईत्तीर अदकि नान वचन नीम दा बन्सकु ईत्तीत, रा जो चाहासीर बेळी अदकि अद नीम साटी आगेदीत. 8 नान आप्प उन महमा ईदुर देल आगतद काना नीव हापाळ सा काय तरी, आग अच नीव नान चेला ठहूसीर.” 9 ह्यांग आप्प नान से प्यार ईटदुन, हांग अच ना नीम से प्यार ईटदीन; नान प्यार दा बन्सकु ईरी. 10 अगर नीव नान आग्यागोळी मानसीर, रा नान प्यार दा बन्सकु ईत्तीर; ह्यांग काना तान आप्प उन आग्यागोळी मानसदीन, अदकि आऊन प्यार दा बन्सकु ईरतीन. 11 ना ई मातगोळी नीम से इदुरसाटी अंदीन, काना नान खुशी नीम दा बन्सकु ईरूल, अदकि नीम खुशी पुरा आगेगुल. 12 *नान आग्या ईद आद, काना ह्यांग ना नीम से प्यार ईटदीन, हांग अच नीव भी आबुर दाबुर से प्यार ईटी. 13 इदुर से धोळद प्यार यारदु ईला काना यावारा तान संगीगोळ साटी तान जीव कोळुल. 14 जो आग्या ना नीमी कोळतीन, अगर अदरी मानसीर रा नीव नान संगी हुईर. 15 ईगी टु ना नीमी दास अनतीदलि, यतकी दास जानसालुन काना आऊन मालकि येन माळतान; लेकीन ना नीमी संगी अंदीन, यतकी जो मातगोळी ना तान आप्प से केळदीन, अव सप्पा नीमी हेळ बुटीन. 16 नीव नानी नीवळुसीदील लेकीन ना नीमी नीवळुसदीन काना नीव होगकु काय तरी अदकि नीम काय बन्सकु ईरूल, काना नीव नान हेसुर देल जो येनारा आप्प से बेळी, अद नीमी कोळुल. 17 ई मातगोळ आग्या ना नीमी इदुरसाटी कोळतीन काना नीव आबुर दाबुर से प्यार ईटी.”

दुनया अन दुश्मनी

18 “अगर दुनया नीम से दुश्मनी ईटतद, रा नीव जानसतीर काना आव नीम से पयले नान से दुश्मनी ईटदुर. 19 अगर नीव दुनया नोर आगायदीर, रा दुनया तानोर से प्यार ईटाईत; लेकीन ईद कारण काना नीव दुनया अन आल्लच, लेकीन ना नीमी दुनया दा टु नीवळुस कोंडीन, इदुरसाटी दुनया नीम से दुश्मनी ईटतद. 20 *जो मात ना नीम से अंददीन, ‘दास तान स्वामी से धोड्डेव ईरालुन,’ अदरी याद ईटी. अगर आंदुर नानी सतुसदुर, रा नीमी भी सतुस्यार; अगर आंदुर नान मात मानसदुर, रा नीमद भी मानस्यार. 21 लेकीन ईद सप्पा येनारा आंदुर नान हेसुर इन कारण नीम सांगुळ माळ्यार, यतकी आंदुर नानी कळावाळा अक जानसालुर. 22 अगर ना ईला बरायदीन अदकि आंदुर से मातगोळी ईला माळायदीन, रा आंदुर पापी ईला ठहूसयदुर; लेकीन ईग आंदरी पाप

* 15:12 १५:१२ यूहन्ना १३:३४; १५:१७; १ यूहन्ना ३:२३; २ यूहन्ना १:५ * 15:20 १५:२० मत्ती १०:२४; लूका ६:४०; यूहन्ना १३:१६

इन साटी येनु बहाना हैलेच. ²³ जो नान से दुश्मनी ईटतान, आव नान आप्प से भी दुश्मनी ईटतान. ²⁴ अगर ना आंदुर दा आंदुर कयाल्सा ईला माळायदीन जो अदकि याऊ माळीदील, रा आंदुर पापी ईला ठहूसयदुर; लेकीन ईग रा आंदुर नानी अदकि नान आप्प येदुदु मुंदरी नोळदुर अदकि येदुदु से दुश्मनी माळदुर. ²⁵ ईद इदुरसाटी आत क्कि अद वचन पुरा आगुल, जो आंदुरद व्यवस्था दा लखिसकु आद, 'आंदुर नान से फालतु दुश्मनी माळदुर.' ²⁶ लेकीन याग आव मदतगार बंदान, यारी ना नीम हाती आप्प उन दी टु कळाईन, मतलब सच्चाई अन आत्मा जो आप्प उन दी टु होळतान, रा आव नान गवाही कोट्टान; ²⁷ अदकि नीव भी नान गवाह आईर यतकी सूरवात टु नान सांगुळ ईतीर."

16

¹ "ई मातगोळी ना नीम से इदुरसाटी अंदीन क्कि नीव ठोकर तनिबाळी. ² आंदुर नीमी यहूदी लॉकुरद सभागृहगोळ दा टु तेगु बुट्टार, लेकीन अद समय बंदाद, क्कि जो यावारा नीमी कोंद बुट्टान आव समस्यान क्कि ना परमेश्वर उन स्यावा माळतीन. ³ हगि आंदुर इदुरसाटी माळ्यार क्कि आंदुर ना आप्प उक जानस्यार अदकि ना नानी जानसतार. ⁴ लेकीन ई मातगोळी ना इदुरसाटी अंदीन, क्कि याग इंदुर समय बंदीत रा नीमी याद होट बंदीत क्कि ना नीम से पयले अच अंद बुटीदीन."

पवतिर आत्मा अन कयाल्सा

"ना सूरवात टु नीम से ई मातगोळी इदुरसाटी अंददील यतकी ना नीम सांगुळ ईरीन. ⁵ लेकीन ईग ना तान कळावाळा अन हात्ती होगतीन; अदकि नीम दा टु याऊ नान से केळालुन, क्कि 'नी येल होगत्या.' " ⁶ लेकीन ना जो ई मातगोळी नीम से अंदीन, इदुरसाटी नीम मन शोक देल तुम्मेग्याद. ⁷ तरी ना नीम से खरा माताळतीन क्कि नांद होगोद नीम साटी वळलीद आद, यतकी अगर ना होगतीदील रा आव सहायक नीम हात्ती बरतीदील; लेकीन अगर ना होगीन, रा आऊक नीम हात्ती कळाईन. ⁸ आव बंदकु दुनया अक पाप अदकि न्यायीपन अदकि न्याय इन बारा दा समझुस्यान. ⁹ पाप इन बारा दा इदुरसाटी क्कि आंदुर नान मा वश्वास माळालुर; ¹⁰ अदकि न्यायीपन अन बारा दा इदुरसाटी क्कि ना आप्प उन हात्ती होगतीन, अदकि नीव नानी बाक नोळतीदलि; ¹¹ न्याय इन बारा दा इदुरसाटी क्कि दुनया अन सरदार दोषी ठहूसकु आग्यान. ¹² "नानी नीम से अदकि भी हापाळ सा मातगोळी अनोद आद, लेकीन ईगल्या नीव अवरी सहन माळ सकालीर. ¹³ लेकीन याग आव मतलब सच्चाई अन आत्मा बंदान, रा नीमी सप्पा सच्चाई अन हादी हेळ्यान, यतकी आव तान दी टु ईला अंदान लेकीन जो येनारा केळ्यान अदा अंदान, अदकि बरावाळा मातगोळी नीमी हेळ्यान. ¹⁴ आव नांद महमा माळ्यान, यतकी आव नान मातगोळ दा टु हुळकु नीमी हेळ्यान. ¹⁵ जो येनारा आप्प उन आद, अद सप्पा नान हुन; इदुरसाटी ना अंदीन क्कि आव नान मातगोळ दा टु हुळकु नीमी हेळ्यान.

दुख सुख दा बदलुसेदीत

¹⁶ "घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर." ¹⁷ आग आऊन येनारा चेलागोळ आपस दा अंदुर, "ईद येन हुन जो आव नाम से अनतान, 'घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?' अदकि ईद 'इदुरसाटी क्कि ना आप्प उन हात्ती होगतीन.' " ¹⁸ आग आंदुर अंदुर, "ईद 'घळी तीमुर' जो आव अनतान, येन मात आद? नाव जानसालेव क्कि आव येन अनतान." ¹⁹ यीशु ईद जानसकु क्कि आंदुर नान से केळोद चाहासतार, आंदुर से अंदुन, "येन नीव आपस दा नान ई मात इन बारा दा जाँच माळतीर, 'घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?' ²⁰ ना नीम से खरा खरा अनतीन क्कि नीव वरलीर अदकि दुख माळीर, लेकीन दुनया खुशी माळीत; नीमी शोक आदीत, लेकीन नीम शोक खुशी दा बदलुसेदीत. ²¹ चगिद हाळोद समय आरत इक दुख आगतद, यतकी आकनि दुख इन घळी होट बंदाद, लेकीन याग आक चगिद उक जनम कोट बुळतार, रा ईद खुशी देल क्कि दुनया दा ऊंद मंळसा पैदा आदुन, आ संकट इक बाक याद माळालुर. ²² अदा प्रकार नीमी भी ईग रा दुख आद, लेकीन ना नीम से बाक सकाईन अदकि नीम मन खुशी देल तुम्मेदव; अदकि नीम खुशी याऊ नीम से कसु सकतीदलि. ²³ आ दशी नीव नान से येनु कोळतीदील. ना नीम से

खरा खरा माताळतीन, अगर आप्प उन से येनारा बेळीर, रा आव नान हेसुर देल नीमी कोट्टान. 24 ईगासताका नीव नान हेसुर देल येनु बेळीदील; बेळीर रा नीमी सक्कीत ताकी नीम खुशी पुरा आगेगुल.

दुनया मा वजिय

25 “ना ई मातगोळी नीम से उदाहरणगोळ दा अंदीन, लेकीन अद समय बंदीत क्नि ना नीम से बाक उदाहरणगोळ दा अनतीदलि, लेकीन खुल्सकु नीमी आप्प उन बारा दा हेळाईन. 26 आ दशिी नीव नान हेसुर देल बेळीर; अदकि ना नीम से ईद अनालीन क्नि ना नीम साटी आप्प उन से वनिती माळाईन; 27 यतकी आप्प रा खुद अच नीव से प्यार ईटतान, इदुरसाटी क्नि नीव नान से प्यार ईटदीर अदकि ईद भी वशिवास माळदीर क्नि आप्प उन दी टु बंदीन. 28 ना आप्प उन दी टु दुनया दा बंदीन; ना मातत दुनया अक बटिकु आप्प उन हात्ती होगतीन.” 29 आऊन चेलागोळ अंदुर, “नोळ, ईग रा नी खुल्सकु अनत्या, अदकि येनु उदाहरण अनाल. 30 ईग नाव जान्स कोडेव क्नि नी सब येनारा जान्सत्या, अदकि इदुर जरवत हैलेच क्नि यावारा नीन से येनारा केळुल; इदुर देल नाव वशिवास माळतेव क्नि नी परमेश्वर उन दी टु बंद्या.” 31 ईद केळकु यीशु आंदुर से अंदुन, “येन नीव ईग वशिवास माळतीर? 32 नोळी, अद घळी बरतद बल्की होट बंदाद क्नि नीव सप्पा ततिर बतिर आगकु तान तान हादी हुळदीर, अदकि नानी आबना बटि बुट्टीर; तरी ना आबना ईला यतकी आप्प नान सांगुळ आन. 33 ना ई मातगोळी नीम से इदुरसाटी अंदीन क्नि नीमी नान दा शांती सकुल. दुनया दा नीमी दुख आगतद, लेकीन हमिमत ईटी, ना दुनया अक जीत्स कोडीन.”

17

यीशु उन महायाजकीय प्रार्थना: खुद इन साटी

1 यीशु ई मातगोळी अंदुन अदकि तान कणणगोळी आकाश इन दी म्याकुच नेगुकु अंदुन, “हे आप्पा, अद घळी होट बंदाद; तान पार उन महमि माळ क्नि पार भी नीन महमि माळुल, 2 यतकी नी आऊक सप्पा प्राणीगोळ मा अधकार कोट्या, क्नि यारी नी आऊक कोट्या आ सप्पा अक आव अनन्त जीवन कोळुल. 3 अदकि अनन्त जीवन ईद आद क्नि आंदुर नीन ऊद मात्र खरा परमेश्वर उक अदकि यीशु मसीह अक, यारी नी कळ्या, जानसुल. 4 जो क्वालसा नी नानी माळली कोटीद, अदरी पुरा माळकु ना पृथ्वी मा नीन महमि माळीन. 5 ईग हे आप्प, नी तान सांगुळ नान महमि आ महमि देल माळ जो दुनया अन दुनया से पयले, नांद नीन सांगुळ ईरोद.

6 “ना नीन हेसुर आ मळसागोळ मा प्रगट माळीन यारी नी दुनया दा टु नानी कोट्ट. आंदुर नीनोर ईरोर अदकि नी आंदरी नानी कोट्ट, अदकि आंदुर नीन वचन इक मान्स कोंडुर. 7 ईग आंदुर जान्स कोंडुर क्नि जो येनारा नी नानी कोट्या अद सप्पा नीन दी टु आद; 8 यतकी जो वचन नी नानी कोट्ट, ना अवरी आंदुर हाती पोहचुस बुटीन; अदकि आंदुर अवरी ग्रहण माळदुर, अदकि खरा खरा जान्स कोंडुर क्नि ना नीन दी टु बंदीन, अदकि वशिवास माळ कोंडुर क्नि नी अच नानी कळ्या. 9 ना आंदुर साटी वनिती माळतीन; दुनया अन साटी वनिती माळालीन लेकीन आंदुरदा साटी यारी नी नानी कोट्या, यतकी आंदुर नीनोर उर; 10 अदकि जो येनारा नांद आद अद सप्पा नींद हुन, अदकि जो नींद हुन अद नांद हुन, अदकि ईऊर देल नांद महमि प्रगट आग्याद. 11 ना ईग दुनया दा ईरतीदील, लेकीन इंदुर दुनया दा ईत्तार, अदकि ना नीन हात्ती बरतीन. हे पवतिर आप्प, तान आ हेसुर देल जो नी नानी कोट्या, अऊरद रक्षा माळ क्नि अव नाम घाई ऊंद आगुल. 12 *याग ना आंदुर सांगुळ ईरीन, रा ना नीन अद हेसुर देल, जो नी नानी कोट्या अदुरद रक्षा माळदीन. ना आंदुरद सावधानी माळदीन, अदकि वनिश इन पार उक बटिकु आंदुर दा टु याऊ नाश आगीदील, इदुरसाटी क्नि जो पवतिरशास्त्र दा अंदकु आग्याद अद पुरा आगुल. 13 ईग ना नीन हात्ती बरतीन, अदकि ई मातगोळी दुनया* दा अनतीन, क्नि आंदुर नान खुशी तान दा पुरा आगुल. 14 ना नीन वचन आंदरी पोहचुस बुटीन; अदकि दुनया आंदुर से दुश्मनी माळत, यतकी ह्यांग ना दुनया नव आल्लच, हांग अच आंदुर भी दुनया नोर आल्लच. 15 ना ईद वनिती माळालीन क्नि नी आंदरी दुनया टु नेगु कोम; लेकीन ईद क्नि नी आंदरी आ दुष्ट टु ऊळ्सकु ईट. 16 ह्यांग ना दुनया नव आल्लच, हांगा

* 17:12 १७:१२ यूहन्ना १३:१८ * 17:13 १७:१३ पुरा दुनया

आंदुर भी दुनयिा नोर आल्लच. 17 सचचाई अन द्वारा आंदरी पवत्रि माळः नीन वचन सही आद. 18 ह्यांग नी नानी दुनयिा दा कळुद, हांगा ना भी आंदरी दुनयिा दा कळुदीन; 19 अदकि आंदुर साटी ना तान तान इक पवत्रि माळतीन, ताकी आंदुर भी सही अन द्वारा पवत्रि माळकु आगुल.

20 “ना सर्फि इंदुरदा साटी वनिती माळालीन, लेकीन आंदुर साटी भी जो इंदुर वचन इन द्वारा नान मा वशिवास माळ्यार, 21 कि आंदुर सप्पा ऊंद आगुल; ह्यांग नी हे आप्प नान दा आय, अदकि ना नीन दा आईन, हांग अच आंदुर भी नाम दा आगुल, यार से दुनयिा वशिवास माळुल कि नी अच नानी कळ्या. 22 अद मह्मिा जो नी नानी कोट्या ना आंदरी अद कोट्टीन, कि आंदुर हांग अच ऊंद आगुल ह्यांग कि नाव ऊंद आयेव, 23 ना आंदुर दा अदकि नी नान दा कि आंदुर सदिध आगकु ऊंद आगुल, अदकि दुनयिा जानसुल कि नी अच नानी कळ्या, अदकि ह्यांग नी नान से प्यार ईट्ट हांग अच आंदुर से प्यार ईट्ट. 24 हे आप्प, ना चाहासतीन कि यारी नी नानी कोट्या, येल ना आईन अल आंदुर भी नान सांगुळ ईरूल, कि आंदुर नान आ मह्मिा अक नोळुल जो नी नानी कोट्या, यतकी नी दुनयिा अन उत्पत्ती से पयले नान से प्यार ईट्ट. 25 हे न्यायी आप्प, दुनयिा नानी जानसीदील, लेकीन ना नीनी जानसदीन; अदकि इंदुर भी जानसदुर कि नी अच नानी कळ्या. 26 ना नीन हेसुर आंदरी हेळदीन अदकि हेळत ईराइन कि जो प्यार नीनी नान से ईरोद अद आंदुर दा ईरूल, अदकि ना आंदुर दा ईरूल.”

18

यीशु उक हुळसुसकु आगोद

(मत्ती २६:४७-५६; मरकुस १४:४३-५०; लूका २२:४७-५३)

1 यीशु ई मातगोळी अनकु तान चेलागोळ सांगुळ कदिरोन नाला अन आप्पाटी होदुन. अल ऊंद बेली ईरोद, यदुरदा आव अदकि आऊन चेलागोळ होदुर. 2 आऊक हुळसुसावाळा यहूदा भी अद जागा जानसोन, यतकी पयले हापाळ घन यीशु तान चेलागोळ सांगुळ अल होगीदुन. 3 आग यहूदा, सैनिकगोळद ऊंद दल इक अदकि प्रधान याजकगोळी अदकि फरीसीगोळ दी टु चौकीदारगोळी हुळकु, कंदीलगोळ, मशालगोळी अदकि हथियारगोळी हुळकु अल बंदुन. 4 आग यीशु, आ सप्पा मातगोळी जो आऊन मा बरावाळा ईरव जानसकु, होट्टुन अदकि आंदुर से अंदुन, “यारी हुंदसतीर?” 5 आंदुर आऊक उत्तर कोट्टुर, “यीशु नासरी अक.” यीशु आंदुर से अंदुन, “ना हुईन.” आऊक हुळसुसावाळा यहूदा भी आंदुर सांगुळ नदिरकु ईरोन. 6 आऊंद ईद अनतेला अच, “ना हुईन,” आंदुर हदि सरकुसकु जागा मा बदिदुर. 7 आग आव मात्त आंदुर से केळदुन, “नीव यारी हुंदसतीर.” आंदुर अंदुर, “यीशु नासरी अक.” 8 यीशु उत्तर कोट्टुन, “ना रा नीम से अंद कोडीन कि ना हुईन, अगर नानी हुंदसतीर रा इंदरी होगोळी.” 9 ईद इदुरसाटी आत कि अद वचन पुरा आगुल जो आव अंददिन: “यारी नी नानी कोट्या आंदुर दा टु ना ऊंद इक भी खोऊसीदील.” 10 आग शमौन पतरस तलवार, जो आऊन हात्ती ईरोद, जेळदुन अदकि महायाजक उन दास मा नळसकु आऊन ऊमा कवि हारस बुटुन. आ दास उन हेसुर मलखुस ईरोद. 11 आग यीशु पतरस से अंदुन, “तान तलवार म्यान दा ईट. जो कटोरा आप्प नानी कोटान, येन ना अदरी कुडुतीदील?”

हन्ना अन पयले यीशु

12 आग सैनिकगोळ अदकि आंदुर सूवेदार अदकि यहूदीगोळ चौकीदारगोळ यीशु उक हुळकु कट बुटुर, 13 अदकि पयले आऊक हन्ना अन हात्ती ओतुर, यतकी आव आ वर्ष इन महायाजक कैफा अन मॉव ईरोन. 14 ईव आवा कैफा ईरोन, यार यहूदीगोळी सलाह कोटीदुन कि नाम लॉकुर साटी ऊंद मळसा अन सायोद वळ्लीद आद.

पतरस उन इनकार

(मत्ती २६:६९,७०; मरकुस १४:६६-६८; लूका २२:५५-५७)

15 शमौन पतरस अदकि ऊंद अनय चेला भी यीशु उन हदि आगोदुर. ईव चेला महायाजक उन जाना पयचाना ईरोन, इदुरसाटी आव यीशु उन सांगुळ महायाजक उन आंगुळ दा होदुन, 16 लेकीन

पतरस व्हार्या दरवाजा मा नदिरकु ईततुन. आग आव दुसरा चेला जो महायाजक उन जान पयचान इनव ईरोन, व्हार्या होट्टुन अदकि चौकीदारगीत इन से अनकु पतरस उक बुळ्क तंदुन. ¹⁷ आ दासी जो चौकीदारगीत ईरोर, पतरस से अंदुर, “येनारा नी भी ई मंळसा अन चेलागोळ दा टु रा हैलेच?” आव अंदुन, ईला “ना आल्लच.” ¹⁸ दास अदकि चौकीदार सोळ इन कारण काँसा होत्ताकु नदिरकु बेक्की सेकसोर, अदकि पतरस भी आंदुर सांगुळ नदिरकु बेक्की सेकसोन.

महायाजक उन द्वारा यीशु उन जाँच

(मत्ती २६:५९-६६; मरकुस १४:५५-६४; लूका २२:६६-७१)

¹⁹ आग महायाजक यीशु से आऊन चेलागोळ बारा दा अदकि आऊन उपदेश इन बारा दा जाँच माळदुन. ²⁰ यीशु आऊक उत्तर कोट्टुन, “ना दुनिया अन सांगुळ खुल्सकु मातगोळी हेळदीन; ना सभागृहगोळ अदकि मंदिर दा, यल सप्पा यहूदी जमा आगतोगोर, सदा उपदेश माळदीन अदकि गुप्त दा येनु अंददिल. ²¹ नी नान से येती केळत्या? केळावाळेर से केळ कनि आंदुर से येन अंदीन. नोळ, आंदुर जानस्तार कनि येन येन अंदीन.” ²² याग आव ईद अंदुन, रा चौकीदारगोळ दा टु ऊंद जो हात्ती नदिरकु ईरोन, यीशु उक क्याबरा बळकु अंदुन, “येन नी महायाजक उक ईत्ता प्रकार देल उत्तर कोळत्या?” ²³ यीशु आऊक उत्तर कोट्टुन, “अगर ना बुरा अंदीन, रा आ बुराई अन गवाही कोळ; लेकीन अगर भला अंदीन, रा नानी येती बडुत्या?” ²⁴ हन्ना आऊक कटक कैफा महायाजक उन कळु बुटुन.

पतरस उन दुबारा इनकार

(मत्ती २६:७१-७५; मरकुस १४:६९-७२; लूका २२:५८-६२)

²⁵ शमौन पतरस नदिरकु बेक्की सेकसोन. आग आंदुर आऊन से अंदुर, “येनारा नी भी रा आऊन चेलागोळ दा टु रा हैलेच?” आव इनकार माळकु अंदुन, “ना आल्लच.” ²⁶ महायाजक उन दासगोळ दा टु ऊंद, जो परवार दा टु ईरोन यार्द कवि पतरस कोद बुटीदुन, अंदुन, “येन ना नीनी आऊन सांगुळ बेली दा ईला नोळीदिनि?” ²⁷ पतरस मात्त इनकार माळदुन, अदकि तुरन्त हुंज कुत्त.

पलातुस उन मुंद यीशु

(मत्ती २७:१,२,११-१४; मरकुस १५:१-५; लूका २३:१-५)

²⁸ आग आंदुर यीशु उक कैफा अन हात्ती टु कलिा अक ओतुर, अदकि वहातुर इन समय ईरोद, लेकीन आंदुर खुद कलिा अन बुळ्क होगीदिल ताकी अशुध्द आगबाळुल लेकीन फसह तनि सकुल. ²⁹ आग पलातुस आंदुर हात्ती व्हार्या होटकु बंदुन अदकि अंदुन, “नीव ई मंळसा मा याता मात इन आरोप हचतीर?” ³⁰ आंदुर आऊक उत्तर कोट्टुन, “अगर आव कुकर्मि ईला ईरायदुन रा नाव आऊक नीन कय दा ईला कोळायदेव.” ³¹ पलातुस आंदुर से अंदुन, “नीव अच ईऊक वोतकु तान व्यवस्था अन अनुसार आऊंद न्याय माळी.” यहूदीगोळ आऊन से अंदुर, “नामी अधिकार हैलेच कनि यारदारा जीव ताकोडेव.” ³² ईद इदुरसाटी आत कनि यीशु उन अद मात पुरा आगुल जो आव ईद संकेत कोळाहोती अंददिन कनि आऊंद मृत्यु ह्यांग आदीत.

³³ आग पलातुस मात्त कलिा अन बुळ्क होदुन, अदकि यीशु उक कारूकु आऊन से केळदुन, “येन नी यहूदीगोळ राजा हुय?” ³⁴ यीशु उत्तर कोट्टुन, “येन नी ईद मात तान दी टु अनत्या या दुसरागोळ नान बारा दा नीन से ईद अंदार?” ³⁵ पलातुस उत्तर कोट्टुन, “येन ना यहूदी हुईन? अपमान अच जाती अदकि प्रधान याजकगोळ नीनी नान कय दा कोटार. नी येन माळ्या?” ³⁶ यीशु उत्तर कोट्टुन, “नान राज्य ई दुनिया अन आल्लच; अगर नान राज्य ई दुनिया अन आगाईत, रा नान सेवकगोळ लळाई माळायदुर कनि नानी यहूदीगोळ कय दा कोटकु आगबाळुल: लेकीन नान राज्य ईल ईद आल्लच.” ³⁷ पलातुस आऊन से अंदुन, “रा येन नी राजा हुय?” यीशु उत्तर कोट्टुन, “नी अनत्या कनि ना राजा हुईन. ना इदुरसाटी पैदा आदीन अदकि इदुरसाटी दुनिया दा बंदीन कनि सच्चाई इन गवाही कोळाईन. जो यावारा सच्चाई नव आन, आव नान आवाज केळतान.” ³⁸ पलातुस आऊन से अंदुन, “सही येन आद?”

मृत्यु दण्ड इन आग्या

(मत्ती २७:१५-३१; मरकुस १५:६-२०; लूका २३:१३-२५)

ईद अनकु आव मात्त यहूदीगोळ हात्ती होदुन अदकि आंदुर से अंदुन, “नानी रा आऊन दा येनु दोष सकिकीदील. 39 लेकीन नीमद ईद रीत आद कनिा फसह दा नीमद साटी ऊंद मळसा अक बटि बुळाईन. इदुरसाटी येन नीव चाहासतीर कनिा नीम साटी यहूदीगोळ राजा अक बटि बुळाईन?” 40 आग आंदुर मात्त चलिळासकु अंदुर, “ईऊक ईला, लेकीन नाम साटी बरअब्बा अक बटि बुळ.” अदकि बरअब्बा डाकू ईरोन.

19

1 इदुर मा पलातुस यीशु उक क्वाळा बळसुसदुन. 2 सपिाहीगोळ मुळलगोळ मुकुट माळकु आऊन ताल्ला मा ईटदुर, अदकि जांभळा कलर इन कपळा हाकसुसदुर. 3 अदकि आऊन हात्ती खुशी देल बंद बंदकु अनली कुरतुर, “हे यहूदीगोळ राजा, प्रणाम!” अदकि आऊक क्याबरा भी बळदुर. 4 आग पलातुस मात्त व्हार्या होटकु लॉकुर से अंदुन, “नोळी, ना आऊक नीम हात्ती मात्त व्हार्या तरतीन; ताकी नीव जान्सी कनिा आऊन दा नानी येनु भी दोष सकिकीदील.” 5 आग यीशु मुळलगोळ मुकुट अदकि जांभळा कलर इन कपळा हाककु व्हार्या होटदुन; अदकि पलातुस आंदुर से अंदुन, “नोळी, ईव मळसा!” 6 “याग प्रधान याजकगोळ अदकि चौकीदारगोळ आऊक नोळदुर, रा चलिळासकु अंदुर, आऊक क्रूस मा येर्स, क्रूस मा!” पलातुस आंदुर से अंदुन, “नीव अच आऊक हुळकु क्रूस मा येरसी, यतकी नानी आऊन दा येनु दोष सकिकीदील.” 7 यहूदीगोळ आऊक उत्तर कोट्टुर, “नामद भी व्यवस्था आद अदकि आ व्यवस्था अन अनुसार आव कोद बुळोद योग्य आन, यतकी आव तान तान इक परमेश्वर उन पार माळदुन.” 8 याग पलातुस ईद मात केळदुन रा अदकि भी अंजेदुन, 9 अदकि मात्त कलिा अन बुळक होदुन अदकि यीशु से अंदुन, “नी येलेव हुय?” लेकीन यीशु आऊक येनु भी उत्तर कोटीदील. 10 इदुर मा पलातुस आऊन से अंदुन, “नान से येती माताळाल? येन नी जान्साळ कनिनी बटि बुळोद अधिकार नानी आद, अदकि नीनी क्रूस मा येरसोद भी अधिकार नानी आद.” 11 यीशु उत्तर कोट्टुन, “अगर नीनी म्याकुच टु कोटकु ईला आगाईत, रा नीन नान मा येनु अधिकार ईला ईराईत; इदुरसाटी याव नानी नीन कय दा हुळसुस्यान आऊन पाप यक्कुल आव.” 12 इदुर मा पलातुस आऊक बटि बुळोद चाहासदुन, लेकीन यहूदीगोळ चलिळास चलिळासकु अंदुर, “अगर नी ईऊक बटिबुट्या, रा नीन भक्ती कैसर सरकार उन दी हैलेच. जो यावारा तान तान इक राजा माळतान आव कैसर सरकार इन सामना माळतान.” 13 ई मातगोळी केळकु पलातुस यीशु उक व्हार्या तंदुन अदकि आ जागा कल्ल इन ऊंद चबूतरा ईरोद जो इब्रानी भाषा दा “गबता” कहलुसतद, अदकि अल न्याय आसन मा कुरतुन. 14 ईद फसह अन तयारी इन दनि ईरोद, अदकि सहावा घंटा अन लगभग ईरोद. आग आव यहूदीगोळ से अंदुन, “नोळी नीम राजा!” 15 लेकीन आंदुर चलिळासदुर, “ओय! ओय! आऊक क्रूस मा येर्स!” पलातुस आंदुर से अंदुन, “येन ना नीम राजा अक क्रूस मा येरसाईन?” प्रधान याजकगोळ उत्तर कोट्टुर, “कैसर सरकार उक बटिकु नाम याऊ राजा हैलेच.” 16 आग पलातुस यीशु उक आंदुर कय दा कोट बुटुन ताकी आव क्रूस मा येर्सकु आगुल.

यीशु उक क्रूस मा येर्सकु आगोद

(मत्ती २७:३२-४४; मरकुस १५:२१-३२; लूका २३:२६-४३)

इदुरसाटी आंदुर आऊक तान कबजा दा माळदुर. 17 आग आंदुर यीशु उक ओतुर, अदकि आव तान क्रूस नेगुकु आ जागा ताका व्हार्या होदुन, जो “खोपळी इन जागा” अनकु आगतद अदकि इब्रानी भाषा दा “गुलगुता.” 18 अल आंदुर आऊक अदकि आऊन सांगुळ अदकि येदढ मळसागोळी क्रूस मा येर्सदुर, ऊंद इक इत्त अदकि ऊंद इक आत्त, अदकि न्याड्या दा यीशु उक. 19 पलातुस ऊंद दोष चट्टी लखिसकु क्रूस मा हच बुटुन, अदकि अदुर दा ईद लखिसकु ईरोद, “यीशु नासरी, यहूदीगोळ राजा.” 20 ईद दोष चट्टी हापाळ सा यहूदीगोळ वाचुसदुर, “यतकी अद जागा यल यीशु क्रूस मा येर्सकु आगीदुन नगर इन हाती ईरोद; अदकि चट्टी इब्रानी अदकि लतीनी अदकि ग्रीक भाषा दा लखिसकु ईरोद. 21 आग यहूदीगोळ प्रधान याजकगोळ पलातुस से अंदुर,

‘यहूदीगोळ राजा’ लखिसबाळ लेकीन ईद की ‘आव अंदुन’ ना यहूदीगोळ राजा हुईन.”²² पलातुस उत्तर कोट्टुन, “ना जो लखिस बुटीन, अद लखिस बुटीन.”²³ याग सैनिकि यीशु उक क्रूस मा येर्स बुटुर, रा आऊन कपळा हुळकु नाक भाग माळदुर, हर सैनिकि उन साटी ऊंद भाग, अदकि कुळता. भी ताकोंडुर, लेकीन कुळता. बनिा होल्दकु म्याकुच टु ल्यालमा ताका बनसकु ईरोद.²⁴ इदुरसाटी आंदुर आपस दा अंदुर, “नाव इदरी हरा लेव, लेकीन इदुर मा चट्टी हाक्केव की ईद यार्द आदीत.” ईद इदुरसाटी आत की पवत्रिशास्त्र दा जो लखिसकु आद पुरा आगुल

“आंदुर नान कपळा आपस दा वाट्स बुटुर अदकि नान कपळा मा चट्टी हाकदुर.”²⁵ इदुरसाटी सैनिकिगोळ हगि अच माळदुर. यीशु उन क्रूस इन हाती आऊन मोय, अदकि आऊन मोय इन आकतींग, क्लोपास उन हगिस् मरयिम, अदकि मरयिम मगदलीनी नदुरकु ईरोर.²⁶ याग यीशु तान मोय, अदकि आ चेला अक यार से आव प्यार ईटतोगोन हात्ती नदुरकु नोळदुन रा तान मोय से अंदुन, “हे आर्त, नोळ, ईव नीन पार हुन.”²⁷ आग आव चेला से अंदुन, “ईक नीन मोय उर.” अदकि अदा समय टु आव चेला आकी तान मान्या ओतुन.

यीशु उन मृत्यु

(मत्ती २७:४५-५६; मरकुस १५:३३-४१; लूका २३:४४-४९)

²⁸ इदुर बाददा यीशु ईद जान्सकु की ईग सप्पा येनारा पुरा आगेग्याद, इदुरसाटी की पवत्रिशास्त्र दा जो अदकु आगीत अद पुरा आगुल, अंदुन, “ना प्यासा आईन.”²⁹ अल हुळलग अंगुर इन रास्सा देल तुमकु ऊंद बरतन ईटकु ईरोद, इदुरसाटी आंदुर सरिका दा नेनाकद ऊंद संपज इक हसिसप इन डगालगोळ मा ईटदुर अदकि म्याकुच नेगुकु, आऊन बाय इक हचदुर.³⁰ याग यीशु अद सरिका हुळदुन अदकि अंदुन, “पुरा आत.” अदकि ताल्ला ल्यालमा माळकु जीव बटि बुटुन.

भाला देल छेद माळोद

³¹ इदुरसाटी की अद तयारी अन दनि ईरोद यहूदीगोळ पलातुस से वनिती माळदुर की आंदुर कालगोळी मुरदकु आगुल अदकि आंदुर ईळसकु आगुल, ताकी आराम इन दशी आंदुर क्रूस मा ईरबाळुल, यतकी अद आराम इन दनि धोळद दनि ईरोद.³² इदुरसाटी सैनिकिगोळ बंदकु आ मंळसागोळ दा टु पयला मंळसा अन कालगोळी मुरदुर आग दुसरा अन भी, जो यीशु उन सांगुळ क्रूस मा येर्सकु आगीदुर;³³ लेकीन यीशु उन हात्ती बंदकु नोळदुर की आव सोतोग्यान, रा आऊन कालगोळी मुरदीदील.³⁴ लेकीन सैनिकिगोळ दा टु ऊंद सैनिकि बरची देल आऊंद हतरी दा छेद माळदुन, अदकि अदुर दा टु तुरन्त खुन अदकि नीर होळत.³⁵ याव ईद नोळदुन, आव गवाही कोटान, अदकि आऊन गवाही खरा आद; अदकि आव जान्सतान की आव सही अनतान की नीव भी वशिवास माळी.³⁶ ई मातगोळ इदुरसाटी आदव की पवत्रिशास्त्र दा जो अनकु आगीत अद पुरा आगुल, “आऊंद यातोदु येलु मूरकु आगीतीदील.”³⁷ *मात्त ऊंद अदकि शास्त्र दा ईद लखिसकु आद, “थारी आंदुर छेद माळ्यार, अदुर मा आंदुर नजर हाक्यार.”

यीशु उक नळसकु आगोद

(मत्ती २७:५७-६१; मरकुस १५:४२-४७; लूका २३:५०-५६)

³⁸ ई मातगोळ बाददा अरमितया अन यूसुफ जो यीशु उन चेला ईरोन, लेकीन यहूदीगोळ अंजक देल ई मात इक होचकु ईटतोगोन, पलातुस से वनिती माळदुन की येन आव यीशु उन लाश ओय सकतान. पलातुस आऊन वनिती केळदुन, अदकि आव बंदकु आऊन लाश ओतुन.³⁹ *नीकुदेमुस भी, जो यीशु उन हात्ती ईळलकी होगीदुन, पचास सेर इन लगभग मलिसुद अत्तर अदकि एलवा तंदुन.⁴⁰ आग आंदुर यीशु उन लाश ताकोंडुर, अदकि यहूदीगोळ नळसोद रीति अन अनुसार आऊक सुगन्ध द्रव इन सांगुळ मलमल इन चददुर दा गुंळसदुन.⁴¹ आ जागा मा यल यीशु क्रूस मा येर्सकु आगीदुन, ऊंद बेली ईरोद, अदकि आ बेली दा ऊंद व्हाशोद कब्र ईरोद यल यागलु यारदु लाश ईटकु ईला आगीत.⁴² इदुरसाटी यहूदीगोळ तयारी अन दनि इन कारण आंदुर यीशु उक अदुर दा ईटदुर, यतकी अद कब्र हाती ईरोद.

20

खाली कब्र

(मत्ती २८:१-८; मरकुस १६:१-८; लूका २४:१-१२)

1 हप्ता अन पयला दशी मरयिम मगदलीनी व्हातर्या का अंधार ईरतेला अच कब्र मा बंदुर, अदकि कलल इक कब्र मा टु हटुस्कु नोळदुर. 2 आग आक ओळतेला होदुर अदकि शमौन पतरस अदकि आ दुसरा चेला अन हात्ती यार से यीशु प्यार ईटतोगोन, बंदकु अंदुर, “आंदुर प्रभु उक कब्र दा टु तेगुकु ओतुर, अदकि नाव जानसालेव क् आऊक येल ईट बुटार.” 3 आग पतरस अदकि आव दुसरा चेला होटकु कब्र अन दी होदुर. 4 आंदुर येदुदु मुंदुर सांगुळ सांगुळ ओळोर, लेकीन दुसरा चेला पतरस से मुंद वाळुसकु कब्र मा पयले पोहचुसदुन; 5 अदकि बांगकु कफन इन कपळा बदिक् नोळदुन, तरी आव बुळ्क होगीदील. 6 आग शमौन पतरस आऊन हदि हदि पोहचुसदुन, अदकि कब्र अन बुळ्क होदुन अदकि कफन इन कपळा बदिक् नोळदुन; 7 अदकि अद गमच्छा जो आऊन ताल्ला अक कटकु ईरोद, कफन इन कपळागोळ सांगुळ बदिक् ईला ईरोद, लेकीन अलग ऊंद जागा दा लपटुसकु ईटकु नोळदुन. 8 आग दुसरा चेला भी जो कब्र मा पयले पोहचुसीदुन, बुळ्क होदुन अदकि नोळकु वशिवास माळदुन. 9 आंदुर रा ईगासताका पवत्रिशास्त्र अन अद मात ईला समसीदुर क् आऊक सोत्तुर दा टु जत्तिता आगोद बदिदीत. 10 आग ई चेलागोळ तान मान्नी होटोदुर.

मरयिम मगदलीनी मा प्रगट आगोद

(मत्ती २८:९,१०; मरकुस १६:९-११)

11 लेकीन मरयिम वरलतेला कब्र अन हात्ती अच व्हातर्या नदिरकु ईत्तुर, अदकि वरलत वरलत कब्र अन दी बांगकु, 12 येदुदु स्वर्गदूतगोळ इक बळिवे कपळा हाक्कु ऊंद इक ताल्ला अन दी अदकि दुसरा अक काल इन दी कुरतकु नोळदुर, यल यीशु उन लाश ईटकु आगीत. 13 आंदुर आकनि से अंदुर, “हे नारी, नी येती वरलत्या?” आक आंदुर से अंदुर, “आंदुर नान प्रभु उक नेगुकु ओतुर अदकि ना जानसालीन क् आऊक येल ईट्यार.” 14 ईद अनकु आक हदि नोळदुर अदकि यीशु उक नदिरकु नोळदुर, लेकीन पहचानसीदील क् ईव यीशु हुन. 15 यीशु आकनि से अंदुर, “हे नारी, नी येती वरलत्या? यारी ढुंढसत्या?” आक माली समसकु आऊन से अंदुर, “हे महाराज, अगर नी आऊक नेगु कोड्या रा नानी हेळ क् आऊक येल ईट्या, अदकि ना आऊक ओयाईन.” 16 यीशु आकनि से अंदुर, “मरयिम!” आक हदि नोळकु आऊन से इब्रानी भाषा दा अंदुर, “रब्बूनी!” मतलब “हे गुरु.” 17 यीशु आकनि से अंदुर, “नानी मुटबाळ, यतकी ना ईगासताका आप्प उन हात्ती म्याकुच होगली आईन, लेकीन नान वारटुर हात्ती होगकु आंदुर से अंद बुळ, क् ना तान आप्प अदकि नीम आप्प, अदकि तान परमेश्वर अदकि नीम परमेश्वर उन हात्ती म्याकुच होगतीन.” 18 मरयिम मगदलीनी होगकु चेलागोळी हेळदुर, “ना प्रभु उक नोळदीन, अदकि आव नान से ई मातगोळी अंदुन.”

चेलागोळ मा प्रगट आगोद

(मत्ती २८:१६-२०; मरकुस १६:१४-१८; लूका २४:३६-४९)

19 अदा दशी जो हप्ता अन पयला दनि ईरोद, द्यावगा अन होती याग अलेव दरवाजा येल चेलागोळ ईरोर, यहूदीगोळ अंज्क इन मारा देल बंद ईरव, आग यीशु बंदुन अदकि आंदुर न्याड्या दा नदिरकु आंदुर से अंदुर, “नीमी शांती सकिल.” 20 अदकि ईद अनकु आव तान कय अदकि तान हतौरी आंदरी तोरसदुन. आग चेलागोळ प्रभु उक नोळकु खुश आदुर. 21 यीशु आंदुर से मात्त अंदुर, “नीमी शांती सकिल; ह्यांग आप्प नानी कळ्यान, हांग अच ना भी नीमी कळुतीन.” 22 ईद अनकु आव आंदुर मा ऊरदुन अदकि आंदुर से अंदुर, “पवत्रि आत्मा हुडी. 23 *यार पाप नीव माफ माळी, अव आंदुर साटी माफ माळकु आग्याव; यार नीव ईटी, अव ईटकु आग्याव.”

थोमा मा प्रगट आगोद

24 लेकीन हनुनेळ दा टु ऊंद, मतलब थोमा जो ददिमुस कहलुस्तान, याग यीशु बंदुन रा आंदुर सांगुळ ईला ईरोन. 25 याग अन्य चेलागोळ आऊन से अनली कुरतुर, “नाव प्रभु उक नोळेव,”

आग आव आंदुर से अंदुन, “यागासताका ना आऊन कयगोळ दा खल्लिागोळ छेद नोळ कोमालीन, अदकि खल्लिागोळ छेद दा तान बेळ्ल हाक्क कोमालीन, अदकि आऊन हतोरी दा तान कय हाक्क कोमालीन, आगासताका ना वशिवास माळतीदील.” 26 येदठ दनि इन बाददा आऊन चेलागोळ मात्त मान्ना अन बुळ्क ईरोर, अदकि थोमा आंदुर सांगुळ ईरोन; अदकि दरवाजा बंद ईरव, आग यीशु बंदुन अदकि आंदुर बीच दा नदिरकु अंदुन, “नीमी शांती सकिल.” 27 आग आव थोमा से अंदुन, “तान बेळ्ल ईल तनकु नान कयगोळी नोळ अदकि तान कय तनकु नान कुसी दा हाक्क, अदकि अवशिवासी ईला लेकीन वशिवासी आग.” 28 ईद केळकु थोमा उत्तर कोट्टुन, “हे नान प्रभु, हे नान परमेश्वर!” 29 यीशु आऊन से अंदुन, “नी नानी नोळ्या, येन इदुरसाटी वशिवास माळद? धन्य आंदुर आर यार बनि नोळ्द वशिवास माळदुर.”

ई कतिाव इन उद्देश

30 यीशु अदकि भी हापाळ सा चमत्कार चेलागोळ मुंद तोरसदुन, जो ई कतिाव दा लखिसकु आगीदील; 31 लेकीन ईव इदुरसाटी लखिसकु आदव कनिीव वशिवास माळी कियीशु अच परमेश्वर उन पार मसीह हुन, अदकि वशिवास माळी कनि आऊन हेसुर देल जीवन सकिकुल.

21

तबिरियास झील इन कनिरा चेलागोळ मा प्रगट आगोद

1 ई मातगोळ बाददा यीशु तान तान इक तबिरियास झील इन कनिरा चेलागोळ मा प्रगट माळदुन, अदकि ई रीतदिल प्रगट माळदुन: 2 शमौन पतरस, अदकि थोमा जो ददिमुस कहलुस्तान, अदकि गलील इन काना नगर इन नतनएल, अदकि जब्दी अन पार, अदकि आऊन चेलागोळ दा टु येदठ मुंदुर जमा ईरोर. 3 शमौन पतरस आंदुर से अंदुन, “ना मेन हुडुली होगेतीन.” आंदुर आऊन से अंदुर, “नाव भी नीन सांगुळ बरतेव.” इदुरसाटी आंदुर होटकु ड्वांगा मा येरदुर, लेकीन आ ईळ्लकी येनु हुळदीदील. 4 व्हातुर आगतेला अच यीशु कनिरा मा बंदकु नदिरदुन; तरी चेलागोळ पहचानसीदील कनि ईव यीशु हुन. 5 आग यीशु आंदुर से अंदुन, “हे चकिोरगोळा, येन नीम हात्ती येनारा मेनगोळ आव?” आंदुर उत्तर कोट्टुर, “ईला.” 6 आव आंदुर से अंदुन, “ड्वांगा अन ऊमा कय इन दी जार हाक्की रा सकिकेव.” इदुरसाटी आंदुर जार हाकदुर, अदकि सप्पा मेनगोळ बहुतायत इन कारण अदरी जेडु सकदिील. 7 आग आ चेला यार से यीशु प्यार ईटतोगोन, पतरस से अंदुन, “ईव रा प्रभु हुन!” शमौन पतरस ईद केळकु कनि आव प्रभु हुन, नेळु मा गमच्छा कसुसदुन, यतकी आव बनिा कपळा नव ईरोन, अदकि झील दा हारेदुन. 8 लेकीन दुसरा चेलागोळ ड्वांगा मा मेनगोळ देल तुमकु जार जेडुतेला बंदुर, यतकी आंदुर कनिरा टु यक्कुल दुर ईला ईरोर, लेकीन येनारा येदठ सौ कय मा ईरोर.

9 याग आंदुर कनिरा मा ईळदुर, रा आंदुर कौरसा अन बेक्की अदकि अदुर मा मेन ईटकु, अदकि रोट्टी नोळदुर. 10 यीशु आंदुर से अंदुन, “जो मेनगोळी नीव ईगलया हुळदीर, अऊर दा टु येनारा तरी.” 11 रा शमौन पतरस ड्वांगा मा येरकु ऊंद सौ तरिपन धोड्डेव मेनगोळ देल तुमकु जार कनिरा मा जेळदुन, अदकि ईस मेनगोळ ईत्तुर मा भी जार हरदीदील. 12 यीशु आंदुर से अंदुन, “बरी, भोजन माळी.” चेलागोळ दा टु यारकु साहस आगीदील कनि आऊन से केळुल, “नी याव हुय?” यतकी आंदुर जानसोर कनि ईव प्रभु अच हुन. 13 यीशु बंदुन अदकि रोट्टी हुळकु आंदरी कोट्टुन, अदकि हांग अच मेन भी. 14 ईद तसिरा बार हुन कनि यीशु सोत्तुर दा टु जत्तिता आगदुर बाददा चेलागोळी काळसदुन.

यीशु अदकि पतरस

15 भोजन माळदुर बाददा यीशु शमौन पतरस से अंदुन, “हे शमौन, यूहन्ना अन पार, येन नी इंदुर से वाळुसकु नान से प्यार ईटत्या?” आव आऊन से अंदुन, “हव, प्रभु; नी रा जानसत्या कनि ना नीन से प्यार ईटतीन.” आव आऊन से अंदुन, “नान म्यांडा अन पाड्डागोळी आळस.” 16 आव मात्त दुसरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?”

आव आऊन से अंदुन, “हव, प्रभु; नी रा जानसत्या की ना नीन से प्यार ईटतीन.” आव आऊन से अंदुन, “नान म्यांडागोळ रखवाली माळ.” ¹⁷ आव तसिरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” पतरस उदास आदुन की यीशु आऊन से तसिरा घन अंदुन, “येन नी नान से प्यार ईटत्या?” अदकि आऊन से अंदुन, “हे प्रभु, नी रा सप्पा येनारा जानसत्या; नी ईद जानसत्या की ना नीन से प्यार ईटतीन.” यीशु आऊन से अंदुन, “नान म्यांडागोळी आळ्स. ¹⁸ ना नीन से सही सही अनतीन, याग नी हारोदव ईर्या रा तान नेळु कटकु येल चाहस्या अल टेटाळ्या; लेकीन नी याग हाळाबाट आद्या रा तान कय फैलुस्या, अदकि दुसरा नीन नेळु कटकु येल नी चाहासतीदील अल नीनी वोतान.” ¹⁹ आव ई मातगोळ देल इशारा कोट्टुन की पतरस ह्यांग मृत्यु देल परमेश्वर उन महिमा माळ्यान. अदकि आग आव आऊन से अंदुन, “नान हदि आगोग.”

यीशु अदकि आऊन प्रयि चेला

²⁰ *पतरस पलटुस्कु आ चेला अक हदि बरतेला नोळदुन, यार से यीशु प्यार ईटतोगोन, अदकि याव भोजन इन समय आऊन याद्दा अन दी बांगकु केळीदुन, “हे प्रभु, नीनी हुळसुसावाळा याव हुन?” ²¹ आऊक नोळकु पतरस यीशु से अंदुन, “हे प्रभु, ईऊंद येन हाल आदीत?” ²² यीशु आऊन से अंदुन, “अगर ना चाहासाईन की आव नान बरासताका रूक्सकु ईरूल, रा नीनी इदुर से येन? नी नान हदि आगोग.” ²³ इदुरसाटी वारटुर दा ईद मात फैलुसेत की आव चेला सायतीदील, तरी यीशु आऊन से ईद अंददील की आव सायतीदील, लेकीन ईद की “अगर ना चाहासाईन की आव नान बरासताका रूक्सकु ईरूल, रा नीनी इदुर से येन?”

²⁴ ईव आवा चेला हुन जो ई मातगोळ गवाही कोळतान अदकि याव ई मातगोळी लखिस्यान, अदकि नाव जानसतेव की आऊन गवाही खरा आद.

उपसंहार

²⁵ अदकि भी हापाळ सा क्याल्सा आव, जो यीशु माळदुन; अगर अव ऊंद ऊंद माळकु लखिसकु आगायदव, रा ना सम्सतीन की कतिबगोळ जो लखिसकु आगायदव अव दुनया दा भी ईला समुसयदव.

प्रेरतिं के कामों का वर्णन प्रेरतिगोळ क्याल्सागोळ्द वर्णन परचिय

प्रेरतिगोळ क्याल्सागोळ्द कतिब मंडली अन्द सुरूवात इन कात्ता हुन अदकि ईद यरूशलेम टु यहूदिया, सामरीया अदकि अदुर मुंद ताका ह्यांग फैलुस्त, जसा यीशु तान चेलागोळी स्वर्ग दा होगा से पयले हेळीदुन १:८ इदरी लूका लखिस्यान, आव ऊंद डाक्टर ईरोन अदकि ऊंद सीधा खाता ईटोरसाटी हापाळ सावधान ईरोन. आंदुर तान खुशखबरी अदकि अधनियिमगोळ्द कतिब थयिफलिस् उक संभोधति माळदुर, जो ऊंद ग्रीक ईरोन, लेकीन कतिबगोळ्द उद्देश शायद मसीह समुदायगोळ साटी भी ईरोद यदुर दा ग्रीक अदकि यहूदी येदुदु शामिल ईरोर १:१

प्रेरतिगोळ क्याल्सा आग सकतद यीशु मसीह अन जनम इन बाददा ६०-६४ साल इन बीच दा लखिसकु आगीदव यतकी कतिब, कैद टु पौलुस उन रीहाई से पयले खतम आगतद. लूका भी प्रेरति पौलुस उन सांगुळ यात्रा माळदुन अदकि शायद अनताकिया नगर दा अधनियिम लखिसदुन. प्रेरतिगोळ लूका अन खुशखबरी इक चालु ईट्यार अदकि यीशु उन स्वर्ग दा होगगा सांगुळ सुरू आगतद. लेखन दा लूका अन उद्देश आंदुर खुशखबरी इन घाई अच आद. ईद थयिफलिस् चाहासोन, सांगुळ अच मसीहगोळ्द वाळुस्त गनिती देल नश्चिति आद क आंदरी येन कल्सकु आगीत अदकि इदुरसाटी आंदुर यीशु उन जीवन अदकि मसीह न्याय प्रचार इन ऊंद सीधा लेख लखिसदुर.

प्रेरतिगोळ्द कतिब नाम साटी सुरूवाती मंडली अन उदाहरण प्रदान माळतद अदकि यीशु दा वश्वास दा जीवन जीऊसोर साटी ईद ह्यांग तोरसतद. प्रेरतिगोळ्द उदाहरण नामी तोरसताव क्दिसरागोळी खुशखबरी बातणी फैलुसदुर दा पवत्रि आत्मा अन शक्तिमा भरोसा ह्यांग माळोद आद.

रूप रेखा:

१. पयले आत्मा चेलागोळ मा बरतद अदकि मंडली वाळुसली हततद १:१-८:१
२. इदुर बाददा मंडली अक सतुस्कु आगतद अदकि यरूशलेम टु मुंद फैलुसली हततद ८:२-१२:२३
३. अदुर बाददा पौलुस तान पयला प्रचार यात्रा मा होगतान १२:२४-१४:२८
४. इदुर बाददा मंडली यरूशलेम दा बाक माळकु ईद तय माळत किव्हाशोर वश्वासीगोळ्द येन जरवत आव १५:१-३५
५. बाक पौलुस तान दुसरा प्रचार यात्रा मा होगतान १५:३६-१८:२२
६. इदुर बाददा आव तान तसिरा प्रचार यात्रा मा होगतान १८:२३-२०:३८
७. आग पौलुस उक यरूशलेम दा गरिफ्तार माळकु आत २१:२६
८. आखरी दा पौलुस उक रोम शयर दा पोहचुस्कु आत. २७-२८

परचिय

1 *हे प्रिय, थयिफलिस्:

ना पयला कतिब आ सप्पा मातगोळ्द बारा दा लखिसीन जो यीशु सुरूवात टु माळतेला अदकि कल्सतेला ईत्तुन 2 आ दशी ताका यागासताका आव आ प्रेरतिगोळी यारी आव नीवळुसदिन पवत्रि आत्मा अन्द द्वारा आग्या कोटकु म्याकुच नेगुकु आगीदील, नरिदेश कोळतेला ईत्तुन 3 आव सोत्तुर बाददा हापाळ सा पक्का प्रमाणगोळ देल तान-तान इक आंदरी जत्तिता तोरसदुन, अदकि चालीस दिन ताका आव आंदरी काळसतेला ईत्तुन, अदकि परमेश्वर उन राज्य अन्द मातगोळी हेळतेला ईत्तुन. 4 *अदकि आंदुर से सीककु आंदरी आग्या कोट्टुन, “यरूशलेम इक बळिबाळी, लेकीन आप्प उन आ वादा अन्द पुरा आगोद हादी कायतेला ईरी, यार्द बारा दा ना

नीमी हेळीदनि. 5 *यतकी बपतस्मा कोळावाळा यूहन्ना रा नीर दा बपतस्मा कोटान लेकीन थ्वाळासा दनिगोळ्द बाद्दा नीव पवतिर आत्मा देल बपतस्मा ताकोंडीर.”

यीशु उन स्वर्गारोहण

6 इदुरसाटी आंदुर जमा आगकु आऊन से केळदुर, “हे प्रभु, येन नी ईदा समय इस्त्राएल इक राज्य मात्त वापस माळ कोंड्या?”

7 यीशु आंदुर से अंदुन, “आ समयगोळी या कालगोळी जानसोद, यारी आप्प तांद अच अधिकार दा ईट्यान, नीमद क्याल्सा आलच. 8 *लेकीन याग पवतिर आत्मा नीम मा बंदीत आग नीमी सामर्थ्य सक्कीत; अदकि यरूशलेम अदकि पुरा यहूदिया अदकि सामरीया दा, अदकि पृथ्वी इन आखरी ताका नान गवाह ईत्तार.” 9 *ईद अनकु आव आंदुर नोळ्त्त-नोळ्त्त अच म्याकुच नेगुकु आदुन, अदकि आकाश इन ढग आऊक आंदुर कण्णगोळ देल होच बुळ्त्त.

10 यीशु उन होगोहोती याग आंदुर आकाश दी तार हचकु नोळोर, रा नोळी, येढ्ढ मंळसागोळ बळिव चमकदार कपळा हाक्कु आंदुर हात्ती बंदकु नदिरदुर, 11 अदकि आंदुर से अंदुर, “हे गलीली लॉकुरा, नीव येती नदिरकु आकाश दी नोळेतीर? ईवा यीशु, जो नीम हात्ती टु स्वर्ग मा नेगुकु आदुन, याता रीतदिल नीव आऊक स्वर्ग इक होग्त्त नोळदीर अदा रीतदिल आव मात्त बंदान.”

यहूदा अन्द जागा मा मत्तियाह अन्द नविळ

12 आग प्रेरति जैतून हेसुर इन पहाळी टु ईळदुर जो यरूशलेम नगर इन हात्ती आरधा कोश इन दुरी मा आद, यरूशलेम इक मात्त वापस बंदुर. 13 *याग आंदुर अल पोहचुसदुर रा आ म्याकुच इन कमरा दा होदुर, यल पतरस अदकि यूहन्ना अदकि याकूब अदकि अन्दरियास अदकि फलिप्पुस अदकि थोमा अदकि बरतुल्मै अदकि मत्ती अदकि हलफई नव पार याकूब अदकि द्याश भक्त शमौन अदकि याकूब उन पार यहूदा ईरतोगोर. 14 ई सप्पा मुंदुर हापाळ आरतेर अदकि यीशु उन मोय मरयिम अदकि आ वार्दुर सांगुळ ऊंद मन अदकि जमा आगकु प्रार्थना दा हतकु ईत्तुर.

15 अवा दनिगोळ दा पतरस, वशिवासी वार्दुर बीच दा जो ऊंद सौ ईप्पत मंळसागोळ लगभग ईरोर, नदिरकु अनली कुरतुन, 16 “हे नान वार्दुरा,” यीशु अक बंदी माळावाळेर अगुवा यहूदा अन बारा दा पवतिरशास्त्र अन अद लेख यारी दाऊद उन बाय देल पवतिर आत्मा हापाळ पयले अच अंद बुटीत, अदुर पुरा आगोद जरूरी ईरोद.

17 यतकी यहूदा रा नाम दा टु ऊंद ईरोन, अदकि ई क्याल्सा दा सहभागी आगोर साटी आऊक नविळुस्कु आगीत. 18 *आव अन्याय इन कमाई देल ऊंद केई कोंड कोंडुन, अदकि ताल्ला अन्द भार देल बदिदुन अदकि आऊन व्हाट्टा वळदोत अदकि आऊन कळलपचचीगोळ होटकु बदिदव. 19 ई मात इक यरूशलेम ईनोर सप्पा ईरावाळेर अर्त्त कोंडुर, ईल ताका कर् आ केई इन हेसुर आंदुर भाषा दा हकलदमा, मतलब “खुन इन केई” बदिदत.

20 * “भजन संहिता अन्द कतिाब दा लखिसकु आद,”

आऊन मान्ना बरबाद आगेदीत;

अदकि अदुर दा यारू ईरबाळी.

अदकि आऊन पद यावारा

दुसरा ताकोम कोमुल.

21 *इदुरसाटी यास दनि ताका प्रभु यीशु नाम सांगुळ होग्त्त बर्त्त ईत्तुन, मतलब यूहन्ना अन्द बपतस्मा टु हुडुकु आऊन नाम हात्ती टु नेगासताका जो लॉकुर बराबर नाम सांगुळ ईत्तुर,

22 उचति आद कर् आंदुर दा टु ऊंद मंळसा नाम सांगुळ प्रभु अन्द जत्तिता आगोद गवाह आगेगुल.

23 आग आंदुर येढ्ढ मुंदुर इक नदिरूसदुर, ऊंद यूसुफ उक यार इक बरसब्बा अंदकु आगतद, आऊन दुसरा हेसुर यूस्तुस आद, दुसरा मत्तियाह अक, 24 अदकि ईद प्रार्थना माळदुर, “हे प्रभु, नी जो

* 1:5 १:५ मत्ती ३:११; मरकुस १:८; लूका ३:१६; यूहन्ना १:३३ * 1:8 १:८ मत्ती २८:१९; मरकुस १६:१५; लूका २४:४७,४८

* 1:9 १:९ मरकुस १६:१९; लूका २४:५०,५१ * 1:13 १:१३ मत्ती १०:२-४; मरकुस ३:१६-१९; लूका ६:१४-१६ * 1:18 १:१८

मत्ती २७:३-८ * 1:20 १:२० भजन संहिता ६९:२५, भजन संहिता १०९:८ * 1:21 १:२१ मत्ती ३:१६; मरकुस १:९; लूका

३:२१; मरकुस १६:१९; लूका २४:५१

सप्या मुंदुरद मन अरूत्या, ईद प्रगट माळ की ई येदुदु मुंदुर दा टु नी यार इक नीवळुस्या, ²⁵ ताकी आव ई सेवकाई अदकि प्रेरति पद इन जागा ग्रहण माळुल, यदरी यहूदा बटिकु तान जागा अक होटोदुन.” ²⁶ आग आंदुर तान साटी चटिठी गोळ हाकदुर, अदकि चटिठी मत्तयिह अन्द हेसुर देल होळत. इदुरसाटी आव आ हनुन प्रेरतिगोळ्द सांगुळ आळुकु आदुन.

2

पवतिर आत्मा अन्द ईळोद

¹ याग पनितेकुसत उन दनि बंदव, “मतलब फसह अन हाब्ब खतम आगतद आग टु पचासवा दनि” बत्त, रा आंदुर सप्या वशिवासी ऊंद जागा मा जमा ईरोर. ² अचानक आकाश दी टु धोळ्द आंधी घाई सनसनाहट इन शब्द केळ बत्त, अदकि आ शब्द देल सप्या मानना यल आंदुर सप्या मुंदुर कुरतकु ईरोर, तुम्मेत. ³ अदकि आंदरी बेक्की इन घाई ल्यालग्या हरूतेला अदकि फैलुसतेला काळ्सात अदकि आंदुर दा टु हर ऊंद मंळसा मा बंदकु रूकसेत. ⁴ आंदुर सप्या मुंदुर पवतिर आत्मा देल तुम्मेदुर, अदकि या प्रकार देल आत्मा आंदरी माताळोद सामर्थ्य कोळत, आंदुर अलग-अलग भाषा दा माताळली कुरतुर.

⁵ आकाश इन ल्यालमा नोर सप्या द्याशगोळ दा टु बरावाळेर अलग-अलग प्रकार इन भाषा माताळावाळेर यहूदी भक्त आ समय यरूशलेम दा ईरतोगोर. ⁶ याग ईद शब्द आत रा हापाळ भीळ हत्तेत अदकि लाँकुर चकति आगेदुर, यतकी हर ऊंद मंळसा अक ईदा केळ बरतोगोद की ईदुर नांद अच मात दा माताळेत्यार. ⁷ आंदुर सप्या मुंदुर चकति अदकि अचम्भति आगकु अनली कुरतुर, “नोळी, ईदुर जो माताळेत्यार येन सप्या गलीली आल्लच? ⁸ रा बाक येती नाम दा टु हर ऊंद मंळसा तान-तान जनम भूमी इन भाषा केळतान? ⁹ नाव जो पारथी अदकि मेदी अदकि एलामी अदकि मेसोपोटामिया अदकि यहूदयिा अदकि कपपूदकयिा अदकि पुन्तुस अदकि आसयिा, ¹⁰ अदकि फ्रूगयिा अदकि पंफूलयिा अदकि मसित्तर अदकि लीबयिा द्याश जो कुरेन इन आसपास आद, ई सप्या द्याश इनोर ईरावाळेर अदकि रोमी प्रवासी, ¹¹ मतलब यहूदी अदकि यहूदी मत धारण माळावाळेर, कुरेती अदकि अरबी भी आर, लेकीन तान-तान भाषा दा आंदुर से परमेश्वर उन धोळ्द-धोळ्द क्यालसागोळ्द चर्चा केळतार.” ¹² अदकि आंदुर सप्या मुंदुर चकति आदुर अदकि घबूसकु आबुर दाबुर से अनली कुरतुर, “ईद येन आगेत्याद?”

¹³ लेकीन दुसरा लाँकुर मज्याक माळकु अंदुर, “आंदुर रा कुडुकु नशा दा चूर आर.”

पतरस उन बातणी

¹⁴ आग पतरस आ हनुन प्रेरतिगोळ्द सांगुळ नदिरदुन अदकि धोळ्द शब्द दा अनली कुरतुन, “हे यहूदी अदकि हे यरूशलेम इनोर सप्या ईरावाळेर लाँकुरा, ईद अरत कोमी अदकि कवि हचकु नान मातगोळ केळी. ¹⁵ ह्यांग नीव समसेतरि; ई लाँकुर नशा दा हैलेच, यतकी ईगलया रा व्हातुर ईनव ऊंम्बत अच मुरदाव. ¹⁶ लेकीन ईद अद मात हुन, जो परमेश्वर उन दी टु बातणी तरावाळा योएल उन द्वारा अंदकु आगीत” ¹⁷ परमेश्वर अनतान:

की आखरी इन दनिगोळ दा हगि आदीत की

ना तान आत्मा सप्या मंळसा जाती मा हाक्काईन.

अदकि नीम पारगोळ अदकि पोरगोळ

परमेश्वर उन दी टु बातणी कोट्टार, अदकि नीम हारोदोर मंळसागोळ दर्शन नोळ्यार,

अदकि नीम स्याणागोळ कानसा नोळ्यार.

¹⁸ ना तान दासगोळ अदकि तान दासीगोळ मा भी

आ दनिगोळ दा तान आत्मा दा टु हाक्काईन,

अदकि आंदुर परमेश्वर उन दी टु बातणी कोट्टार.

¹⁹ अदकि ना म्याकुच आकाश मा अदभुत क्यालसा

अदकि ल्यालमा पृथ्वी मा चमत्कारगोळी तोरसाईन,

मतलब खुन अदकि बेक्की अदकि धुंगा अन्द बादल तोरसाईन.

²⁰ प्रभु उन महान अदकि तेजस्वी दनि इन बरोर

से पयले सुर्य करीद अदकि चंद्र खुन घाई क्याचांद
आगेदीत.

21 अदकि जो यावारा परमेश्वर उन हेसुर देल प्रार्थना माळ्यान, आऊन उद्धार आदीत.

22 हे इस्त्राएलगोळा, ई मातगोळी केळी: यीशु नासरी ऊंद मळसा ईरोन यार्द परमेश्वर उन दी टु आगोद प्रमाण आ सामर्थ्य अनंद क्याल्सागोळ अदकि आश्चर्य अनंद क्याल्सागोळ अदकि चमत्कारगोळ देल प्रगट आद, जो परमेश्वर नीम न्याड्या आऊन द्वारा माळकु तोरस्यान यदरी नीव खुद अच अरूतीर. 23 *अदकि नीव आवा यीशु उक, जो परमेश्वर उन ठहरूसद योजना अदकि पूर्व ग्यान इन अनुसार हुळसुसकु आदुन, नीव अन्यायीगोळद कय देल क्रूस मा येरसुसकु कोंद बुट्टीर. 24 *लेकीन आऊका परमेश्वर मृत्यु उन बंधन दा टु बळिसकु जतिता माळदुन; यतकी ईद अशक्य ईरोद क् यीशु परमेश्वर उन वश दा ईरायदुन. 25 यतकी दाऊद आऊन बारा दा अनतान, ना परमेश्वर उक हमेशा तान मुंद नोळतेला ईततीन:

यतकी आव नांद ऊम्मा कय दी आन, कानान मनोबल कम आगेगबाळुल.

26 ईदा कारण नान मन खुश आत,

अदकि नान ल्यालग्या मग्न आत;

उलटा नान मय इक भी

आशा देल आराम सकिकीत.

27 यतकी नी नान जीव इक मृत्यु अन दुनया दा बळितीदील;

अदकि ना तान पवतिर जनगोळी कब्रगोळ दा हुळु गोट्या.

28 नी नानी जीवन इन हादी हेळ्या;

नी नानी तान दर्शन इन द्वारा खुशी देल तुम बुट्या.

29 हे वारटुरा, ना नाम पुर्वज दाऊद उन बारा दा नीम से हमिमत देल अन सकतीन क् आव रा सोतोदुन अदकि नळसकु भी आदुन लेकीन आऊन कब्र ईद भी नाम अल उपस्थिति आद. 30 यतकी आव परमेश्वर उन दी टु बातणी तरावाळा ईरोन, आव जानसोन क् परमेश्वर नान से हगि करिया तदान क् ना नीद वंश दा टु ऊंद मळसा अक नीन सहासन मा कुरसाईन; 31 आव आगावाळा मात इक पयले टु अच नोळकु मसीह अनंद जतिता आगोद बारा दा भवषियवाणी माळदुन क् ना रा आऊन जीव

मृत्यु अनंद दुनया दा बटिकु आदीत अदकि

ना आऊन मय हुळतति.

32 ईवा यीशु उक परमेश्वर सोत्तुर दा टु जतिता माळदुन, यार्द नाव सप्पा मुंदुर गवाह आयेव.

33 ई प्रकार आव नेगुकु आदुन अदकि परमेश्वर उन उजवा कय देल सर्वोच्च पद ताकोमकु, अदकि आप्प से अद पवतिर आत्मा हासलि माळकु यदुर्द वादा माळकु आगीत, आव ईद रचिस बुटान जो नीव नोळतीर अदकि केळतीर. 34 यतकी दाऊद रा स्वर्ग मा येरीदलि; लेकीन आव खुद अनतान, प्रभु नान परमेश्वर से अंदुन,

नान ऊमा कय दी कुर,

35 यागासताका काना नीन से दुश्मनी ईटावाळेर इक नीन काल दशी तनकु आंदरी नीन काल इन आशन माळ कोमालीन.

36 “इदुरसाटी ईग इस्त्राएल इन सप्पा घराना नश्चिती रूप देल अर्त कोमुल क् परमेश्वर आवा यीशु अक यारी नीव क्रूस मा येरसदरि, प्रभु भी ठहरूसदुन अदकि मसीह भी.”

37 आग केळावाळेर मन तुम्मेदव, अदकि आंदुर पतरस अदकि मक्कि कु प्रेरतिगोळ से केळली कुरतुर, “हे वारटुरा, नाव येन माळेव?”

38 पतरस आंदुर से अंदुन, “मन तरिगुसी, अदकि नीम दा टु हर ऊंद मळसा तान-तान पापगोळद माफ अनंद साटी यीशु मसीह अनंद हेसुर देल बपतस्मा ताकोम; रा नीमी पवतिर आत्मा अनंद दान सकिकीत. 39 यतकी ईद वादा नीम, अदकि नीम औलादगोळ, अदकि आ सप्पा दुर-दुर इन लॉकुर साटी भी हुन यारी प्रभु नाम परमेश्वर तान हात्ती कारस्यान.”

* 2:23 २:२३ मत्ती २७:३५; मरकुस १५:२४; लूका २३:३३; यूहन्ना १९:१८
लूका २४:५

* 2:24 २:२४ मत्ती २८:५,६; मरकुस १६:६;

40 आव मात्त हापाळ मातगोळ देल भी गवाही कोट कोटकु समजुसदुन की “तान-तान इक ई बेकार पीढी देल ऊळसकु ईटी.” 41 इदुरसाटी यार आऊन वचन ग्रहण माळदुर आंदुर बपतस्मा ताकोंडुर; अदकि अदा दशी मुर हजार मंळसागोळ हात्तीपास आंदुरदा जमा आगेदुर. 42 अदकि आंदुर प्रेरतिगोळ से शक्शा ताकोमली, अदकि संगत ईटली, अदकि भोजन माळली, अदकि प्रार्थना माळदुर दा मग्न ईरतोगोर.

वश्वासीगोळ्द जीवन

43 अदकि सप्पा लॉकुर मा अंज्क तुममेत, अदकि हापाळ सा अदभुत क्वाल्सा अदकि चमत्कार प्रेरतिगोळ द्वारा प्रगट आगतोगोव. 44 *अदकि सप्पा वश्वास माळावाळेर ऊंदा ऊज्या जमा ईरतोगोर, अदकि आंदुर सप्पा वस्तुगोळ गुट दा ईरव. 45 आंदुर तान-तान सम्पत्ती अदकि सामान मार मारकु यार्द ह्यांग जरवत ईरतोगोद वाट्सतोगोर. 46 आंदुर हर दशी ऊंद मन आगकु मंदरि दा ऊंदा ऊज्या जमा आगतोगोर, अदकि मानोन माननी खुशी अदकि पवतिर मन देल ऊमतोगोर, 47 अदकि परमेश्वर उन स्तुती माळतोगोर, अदकि सप्पा लॉकुर आंदुर से खुश ईरोर: अदकि यारी उद्धार सकितोगोद, आंदरी प्रभु हर दशी आंदुर दा जमा माळ बुळतोगोन.

3

लंगळा भीख बेळावाळा अन्द वळ्लीद आगोद

1 पतरस अदकि यूहन्ना मदणी अन्द मुर मुरा प्रार्थना अन्द होती आंदुर म्याकुच मंदरि दी होगोर. 2 अदकि लॉकुर ऊंद पैयदायसी लंगळा अक तरोर, यारी आंदुर रोज मंदरि इन आ दरवाजा मा यदरी सुंदर अंदकु आगतद, कुरस बुळतोगोर की आव मंदरि दा होगवाळेर से भीख बेळ सकुल. 3 याग आव पतरस अदकि यूहन्ना अक मंदरि दा होगूत नोळदुन, रा आंदुर से भीखा बेळदुन. 4 पतरस यूहन्ना अन्द सांगुळ आऊन दी ध्यान देल नोळकु अंदुन, “नाम दी नोळ!” 5 इदुरसाटी आव आंदुर से येनारा ताकोमोद लालसा ईटतेला आंदुर दी तार हचकु नोळली कुरतुन. 6 लेकीन पतरस अंदुन, “व्हान्ना बेळ्ली रा नान हाती हैलेच, लेकीन जो नान हाती आद अद नीनी कोळतीन; यीशु मसीह नासरी इन हेसुर देल नळु अदकि ओयाळ.” 7 अदकि पतरस आऊन ऊमा कय हुडुकु आऊक नेगदुन; अदकि तुरन्त आऊन कालगोळ अदकि ट्वांगरागोळ दा जोर होट बत्त. 8 आव यदकु नदिरेदुन अदकि नळुली कुरतुन; अदकि नळुतेला, हारतेला अदकि परमेश्वर उन स्तुती माळतेला आंदुर सांगुळ मंदरि दा होदुन. 9 सप्पा लॉकुर आऊक नळुत टेटाळ्त्त अदकि परमेश्वर उन स्तुती माळत्त नोळकु, 10 आऊक अर्त कोंडुर की ईव आवा हुन जो मंदरि इन सुंदर फाटक मा कुरतकु भीखा बेळतोगोन; अदकि आ घटना देल जो आऊन सांगुळ आगीत आंदुर हापाळ अचम्भति अदकि चकति आदुर.

मंदरि दा पतरस उन उपदेश

11 याग आव पतरस अदकि यूहन्ना अक हुडुकु ईरोन, रा सप्पा लॉकुर हापाळ आश्चर्य माळतेला आ छपर्या दा यदरी सुलैमान उन छपर्या अंदकु आगतद, आंदुर हाती ओळतेला बंदुर. 12 ईद नोळकु पतरस लॉकुर से अंदुन, “हे इस्त्राएलगोळा, नीव ई मंळसा मा येती आश्चर्य माळेतीर, अदकि नाम दी हगि येती नोळेतीर जसा नाव अच तान सामर्थ्य या भक्ति देल ईऊक नळोद अदकि टेटाळोद लायक माळ बुटेव. 13 अब्राहम अदकि इसहाक अदकि याकूब उन परमेश्वर, नाम आप्प दादागोळ परमेश्वर तान सेवक यीशु उन महिमा माळदुर, यारी नीव हुळसुस बुट्टीर, अदकि याग पलातुस आऊक बळोद वचिर माळदुन, आग नीव आऊन मुंद आऊन इनकार माळदीर. 14 *नीव आ पवतिर अदकि न्यायी मंळसा अन्द इनकार माळदीर, अदकि वनिती माळदीर की ऊंद हत्थारा अक नीम साटी बटिकु आगेगुल; 15 अदकि नीव जीवन इन कर्ता धर्ता अक कोंद बुट्टीर, यारी परमेश्वर सोत्तुर दा टु जतिता माळदुन; अदकि ई मात इन गवाह नाव आयेव. 16 अदकि आऊंदा हेसुर, आ वश्वास इन द्वारा जो आऊन हेसुर मा आद, ई मंळसा अक यारी नीव नोळतीर

अदकि अरूतीर सामर्थ्य कोटान. अदा वशिवास जो आऊन द्वारा आद, ईऊक नीम सप्पा मुंदुर मुंद बलिकुल भला चंगा माळ बुटान.

17 “ईग हे वारटुरा, नानी मालूम आद की ईद क्याल्सा नीव अग्यानता दा माळदीर, अदकि हांगा नीम अधिकारीगोळ भी माळदुर. 18 लेकीन याता मातगोळी परमेश्वर सप्पा भवषियवक्तागोळ बाय देल पयले अच हेळ बुटीदुन, की आऊन मसीह दुख नेगदान, अवरी आव ई रीती देल पुरा माळदुन. 19 इदुरसाटी, मन तरिगुसी अदकि वापस बरी की नीम पाप माफ माळकु आदव, 20 ताकी आत्मकिता शांती इन समय प्रभु उन देल बरूल अदकि आव यीशु अक कळुल जो नीम साटी पयले टु ना मसीह ठहरूसकु आग्यान, 21 जरूरी आद की आव स्वर्ग दा आ समय ताका ईरूल यागासताका की आव सप्पा मातगोळ्द सुधार माळ कोमालुन यदुर्द चर्चा स्याणा लॉकुर काल टु परमेश्वर तान पवतिर भवषियवक्तागोळ बाय देल माळयान. 22 * ह्यांग की मूसा अंदुन, ‘प्रभु परमेश्वर नीम वारटुर दा टु नीम साटी नान घाई ऊंद भवषियवक्ता पैदा माळयान, जो येनारा आव नीम से अंदान, नीव आऊन केळी. 23 लेकीन हर ऊंद मळसा जो आ भवषियवक्ता अनूद केळतीदलि, परमेश्वर उन लॉकुर दा टु ब्यार माळकु नाश माळकु आदान.’ 24 अदकि शमूएल इन हात्ती टु हुडुकु रा आऊन बादवाळेर ताका यास भवषियवक्ता माताळदुर आ सप्पा ई दनिगोळ बारा दा बातणी कोटार. 25 नीव भवषियवक्तागोळ औलाद अदकि आ वादा अन भागी हुईर, जो परमेश्वर नीम आपप दादागोळ से कटदुन, याग आव अब्राहम से अंदुन, ‘नीन घराना अनूद द्वारा पृथ्वी इन सप्पा लॉकुरी आर्शवािद सक्कीत.’ 26 परमेश्वर तान सेवक उक नेगुकु पयले नीम हात्ती कळुदुन, की नीम दा टु हर ऊंद मळसा अक आऊन बुराईगोळ देल तरिगुसकु आर्शवािद कोळुल.”

4

महासभा अन मुंद पतरस अदकि यूहन्ना

1 याग पतरस अदकि यूहन्ना लॉकुर से ईद अनोर, रा याजक अदकि मंदरि इन रखवाली माळावाळेरद शासक अदकि सद्की आंदुर मा येरकु बंदुर. 2 यतकी आंदुर हापाळ सटिटी बंदुर की पतरस अदकि यूहन्ना लॉकुरी उपदेश कोळतेला यीशु उन सोत्तुर दा टु जतिता आगोद द्वारा अदकि यीशु उन उदाहरण कोट कोटकु सोत्तुर दा टु जीत्ता आगोद प्रचार माळतोगोर. 3 आंदुर आंदरी हुडुकु दुसरा दनि ताका जयल दा ईटदुर यतकी द्याव मुळकेगति. 4 लेकीन वचन इक केळावाळेर दा टु हापाळ मुंदुर वशिवास माळदुर, अदकि आंदुर गनिती अईद हजार मळसागोळ्द हात्तीपास आगेत.

5 दुसरा दशी यरूशलेम दा यहूदी अधिकारीगोळ अदकि स्याणा लॉकुर अदकि न्यायशास्त्र अनूद गुरुगोळ, 6 अदकि महायाजक हन्ना अदकि कैफा अदकि यूहन्ना अदकि सकिन्दर अदकि यास महायाजक इन घराना नोर ईरोर, सप्पा यरूशलेम दा जमा आदुर. 7 आंदुर पतरस अदकि यूहन्ना अक न्याय्या नदिरूसकु केळली कुरतुर की “नीव ईद क्याल्सा याता सामर्थ्य देल अदकि याता हेसुर देल माळीर.”

8 आग पतरस पवतिर आत्मा देल परपिर्ण आगकु आंदुर से अंदुन, “हे लॉकुरदव अधिकारी अदकि स्याणा लॉकुरा. 9 ई लंगळा मळसा अनूद सांगुळ जो भलाई माळकु आग्याद, अगर ईद नाम से आऊन बारा दा केळकु आगतद, की आव ह्यांग वळ्लेव आदुन. 10 रा नीव सप्पा अदकि पुरा इस्त्राएली लॉकुर जान्स कोमी की यीशु मसीह नासरी इन हेसुर दा जो सामर्थ्य आद अदुर द्वारा ई लंगळा मळसा नीम मुंद भला चंगा नदिरकु आन, या यीशु अक नीव कूरस मा येरसदरि, अदकि परमेश्वर सोत्तुर दा टु जतिता माळदुन. 11 शास्त्र दा लखिसकु आद, ईव यीशु अदा कल्ल हुन यारी नीव राजमस्तिरीगोळ बेकार मान्सदरि अदकि

आव हापाळ महत्वपुर्ण कल्ल आगेदुन.

12 यावारा दुसरा अनूद द्वारा उद्धार ईला; यतकी स्वर्ग इन ल्यालमा मळसागोळ दा अदकि यातोदु दुसरा हेसुर कोटकु आगीदील, यार्द द्वारा नामी उद्धार सकिल.”

* 3:22 ३:२२ व्यवस्थाविरण १८:१५,१८

13 याग आंदुर पतरस अदकि यूहन्ना अन्द हम्मित नोळदुर, अदकि ईद अरतुर कि इंदुर अनपद अदकि साधारण मंळसा आर, रा आश्चर्य माळदुर; बाक आंदरी अरतुर, कि इंदुर यीशु उन सांगुळ ईतार. 14 आ लंगळा मंळसा अक जो वळ्लेव आगीदुन, पतरस अदकि यूहन्ना अन्द सांगुळ नदिरत नोळकु, आंदुर वरिध दा येनु अन सकदील. 15 लेकीन आंदरी सभा अन्द व्हार्या होगोद आग्या कोटकु, आंदुर तांदुर दा वचार माळली कुरतुर, 16 अदकि अनली कुरतुर, “नाव ई मंळसागोळ सांगुळ येन माळेव? यतकी यरूशलेम इन सप्पा ईरावाळेर मा प्रगट आद, कि इंदुर द्वारा ऊंद प्रसदिध चमत्कार तोरसकु आग्याद, अदकि नाव अदुरद इनकार माळ सकालेव. 17 इदुरसाटी कि ई मात लॉकुर दा मातत यक्कुल फैलुस बाळुल, नाव आंदरी धमकुसेव, कि आंदुर यीशु उन हेसुर देल बाक यातोदु मंळसा से मातगोळी हेळतीदील.”

18 आग आंदुर पतरस अदकि यूहन्ना अक कारदुर अदकि चेतावनी कोटकु ईद अंदुर, “यीशु उन हेसुर देल येनु अच माताळ बाळेतीर अदकि कल्स बाळेतीर.” 19 लेकीन पतरस अदकि यूहन्ना आंदरी उत्तर कोट्टुर, “नीवा न्याय माळी; येन ईद परमेश्वर उन नजर दा भला आद कि नाव परमेश्वर उन मात से यक्कुल नीम मात केळेव. 20 यतकी ईद रा नाम से आगसकाल कि जो नाव नोळेव अदकि केळेव, अद अनतीदलि.” 21 आग आंदुर आंदरी मातत यक्कुल धमकी कोटकु बटि बुदुर, यतकी आंदरी समझ दा बंददील कि आंदरी ह्यांग दण्ड कोट्टेव, यतकी जो घटना आगीत अदुर कारण सप्पा लॉकुर परमेश्वर उन बळाई माळतोगोर. 22 आ लंगळा मंळसा, यार मा ईद चंगाई इन चमत्कार तोरसकु आगीत, चालीस साल से यक्कुल उमर ईनव ईरोन.

वशिवासीगोळद साटी हम्मित इन प्रार्थना

23 पतरस अदकि यूहन्ना बटिकु तान संगीगोळ हात्ती बंदुर, अदकि जो येनारा प्रधान याजकगोळ अदकि स्याणा लॉकुर आंदुर से अंदीदुर, आंदरी केळस बुदुर. 24 ईद केळकु वशिवासीगोळ ऊंद मन आगकु धोळद आवाज देल परमेश्वर से अंदुर, हे स्वामी, नी आवा हुय याव स्वर्ग अदकि पृथ्वी अदकि समुद्र अदकि जो येनारा अऊर्दा आद माळ्या. 25 नी पवतिर आत्मा अन द्वारा तान सेवक नाम पुर्वज दाऊद उन बाय देल अंद, गैरयहूदीगोळ हल्ला येती मचुसदुर? अदकि द्याश-द्याश इन लॉकुर

येती बनिा मतलब इन मातगोळद वचार माळदुर?

26 प्रभु अदकि आऊन मसीह अन्द वरिध दा

पृथ्वी इन राजा नदिरदुर,

अदकि अधिकारीगोळ ऊंद सांगुळ जमा आगेदुर.

27 यतकी खराखुरा नीन पवतिर सेवक यीशु उन खलिाप दा, यार्द नी अभषिक माळद, हेरोदेस अदकि पुन्तयुस पल्लितुस भी गैरयहूदीगोळ अदकि इस्त्राएलीगोळ सांगुळ ई नगर दा जमा आदुर, 28 आंदुर जमा आदुर यतकी नीन ताकत अदकि इच्छा अन अनुसार जो येनारा पयले अच नश्चिति आगेगीत अद पुरा आगुल. 29 ईग हे प्रभु, आंदुर धमकीगोळी नोळ; अदकि तान दासगोळी ईद इजाजत कोळ कि नीन वचन हापाळ हम्मित देल केळसुल. 30 चंगा माळोर साटी नी तान कय मुंद माळ कि चमत्कार अदकि अदभुत कयाल्सा नीन पवतिर सेवक यीशु उन हेसुर देल माळकु आगुल.

31 याग आंदुर प्रार्थना माळ कोंडुर, रा अद जागा यल आंदुर जमा ईरोर हालुसेत, अदकि आंदुर सप्पा मुंदुर पवतिर आत्मा देल परपुर्ण आगेदुर, अदकि परमेश्वर उन वचन हम्मित देल केळसतेला ईततुर.

वशिवासीगोळद एकता अन जीवन

32 वशिवास कळावारळेद मंडली ऊंद चतित अदकि ऊंद मन इन ईरोद, ईल ताका कि यावारा भी तान धन सम्पत्तति तान ईला अनतोगोन, लेकीन सप्पा येनारा गुट दा ईरोद. 33 प्रेरति बळा सामर्थ्य देल प्रभु यीशु उन जतिता आगेद गवाही कोळत ईततुर अदकि आ सप्पा मुंदुर मा हापाळ अनुग्रह ईरोद. 34 आंदुर दा याऊ भी गरीब बेळावाळा ईला ईरोन; यतकी यार्द हात्ती

✧ 4:27 ४:२७ लूका २३:७-११; मत्ती २७:१,२; मरकुस १५:१; लूका २३:१; यूहन्ना १८:२८,२९

✧ 4:32 ४:३२ प्रेरतिगोळ

२:४४,४५

जागा अदकि माननागोळ ईरव, आंदुर अवरी मार-मोटकु, मारुद वस्तुगोळ्द दाम तरोर, ³⁵ अदकि अवरी प्रेरतिगोळ्द कालगोळ मा ईटतोगोर; अदकि ह्यांग यारी जरवत ईरतोगोद, अदुर अनुसार हर ऊंद मंळसा अक कोट बुळतोगोर.

³⁶ यूसुफ हेसुर ईनव साइप्रस नगर इन ऊंद लेवी ईरोन यारुद हेसुर प्रेरतिगोळ बरनबास मतलव हम्मित कोळावाळा ईटीदुर. ³⁷ आऊन थ्वाळासा जागा जमीन ईरोद, यदरी आव मारदुन, अदकि दाम इन पैस्या तनकु प्रेरतिगोळ्द कालगोळ मा ईट बुटुन.

5

हनन्याह अदकि सफीरा

¹ हनन्याह हेसुर इन ऊंद मंळसा ईरोन, अदकि आव तान हगिस सफीरा अन सांगुळ तान थ्वाळासा जागा मारदुन. ² अदकि आव आ जागा अन दाम दा टु थ्वाळासा पैस्या ईट बुटुन; अदकि ईद मात आऊन हगिस भी जानसोर, अदकि अदुर मगिद भाग तनकु प्रेरतिगोळ्द कालगोळ मुंद ईट बुटुन. ³ पतरस अंदुन, “हे हनन्याह! शैतान नीन मन दा ईद मात ह्यांग हाकत कनि पवतिर आत्मा से ख्वाटा माताळ्या, अदकि जागा अन दाम दा टु येनारा ईट्या? ⁴ यागासताका अद नीन हात्ती ईत्त, येन अद जागा अपमान ईतीदील? अदकि याग अद मारेत रा येन अदुर कमित नीन अधकार दा ईला ईरोद? अदकि नी ई मात इन तान मन दा येती बचार माळ्द? नी मंळसागोळ से ईला, लेकीन परमेश्वर से ख्वाटा माताळ्द.” ⁵ ई मातगोळ केळकु हनन्याह बदिदुन अदकि जीव बटि बुटुन, अदकि सप्पा केळावाळेर मा धोळ्द अंजक तुम्मेत. ⁶ बाक हारोद मंळसागोळ यदकु आऊन सकोली तयार माळदुर अदकि आऊन लाश व्हार्या ओतकु नळ्स बुटुर.

⁷ लगभग मुर तास इन बाददा आऊन हगिस, जो येनारा आगीत ईला जान्सकु, बुळक बंदुर.

⁸ आग पतरस आकनि से अंदुन, “नानी हेळ येन नीव अद जागा इटुर दा अच मार बुटीदीर?” आक अंदुर, “हव, इटुर दा अच.”

⁹ पतरस आकनि से अंदुन, “ईद येन मात हुन कनि नीव येदुदु मुंदुर प्रभु अन्द आत्मा अन परीक्षा साटी ऊंद मन माळदीर? नोळ, नीन गांड उक नळसावाळेर दरवाजा मा अच नदिरकु आर, अदकि नीनी भी व्हार्या ओतार.” ¹⁰ आग आक तुरन्त आऊन कालगोळ मा बदिदुर, अदकि सोतोदुर; अदकि हारोद मंळसागोळ बुळक बंदकु आकी सोतकु नोळदुर, अदकि व्हार्या वोटकु आकनि गांड उन हात्ती नळ्स बुटुर. ¹¹ सप्पा मंडली मा अदकि ई मातगोळ्द सप्पा केळावाळेर मा धोळ्द अंजक तुम्मेत.

चमत्कार अदकि अदभुत क्याल्सा

¹² प्रेरतिगोळ्द कयगोळ देल हापाळ चमत्कार अदकि अदभुत क्याल्सा लॉकुर न्याड्या दा तोरसकु आगतोगोव, अदकि आंदुर सप्पा ऊंद मन आगकु सुलैमान उन छपर्या दा जमा आगतोगोर. ¹³ लेकीन हापाळ दा टु यारीकु ईद हम्मित ईला आगतोगोद क आंदुर दा होगकु मलिसेव; तरी लॉकुर आंदुरद बळाई माळतोगोर. ¹⁴ वशिवास माळावाळेर हापाळ सा मंळसा अदकि आर्तेर मंडलीगोळ दा धोळ्द संख्या दा सकित ईत्तुर. ¹⁵ ईल ताका काल्लोकर बमारगोळी सळकगोळ मा तन तनकु, व्हारसगोळ मा मगिस बुळतोगोर कियाग पतरस बंदान, रा आऊन सावली अच आंदुर दा टु यारदारा मा बदिगुल. ¹⁶ यरूशलेम इन आसपास इन नगरगोळ से भी हापाळ लॉकुर बमारगोळ अदकि अशुध्द आत्मागोळ्द सतुसद लॉकुरी तन तनकु, जमा आगतोगोर, अदकि सप्पा वळ्लेर माळकु आगोर.

प्रेरतिगोळ्द गरिफ्तारी

¹⁷ आग महायाजक अदकि आऊन सप्पा संगी जो सदकीगोळ्द पंथ नोर ईरोर, जलनखोरी देल तुम्मेदुर. ¹⁸ अदकि प्रेरतिगोळी हुडुकु बंदीगृह दा बंद माळ बुटुर. ¹⁹ लेकीन ईळ्ळ इक प्रभु उन ऊंद स्वर्गदूत बंदीगृह अन्द दरवाजा तेरूकु आंदरी व्हार्या तनकु अंदुन, ²⁰ “होगी, मंदरि दा नदिरकु ई व्हाशोद जीवन इन सप्पा मातगोळ लॉकुरी केळसी.” ²¹ आंदुर ईद केळकु व्हातुर आगतेला अच मंदरि दा होगकु शकिषा कोळली कुरतुर.

लेकीन महायाजक अदकि आऊन साथीगोळ बंदकु इस्त्राएलगोळ सप्पा स्याणा लॉकुर पुरा सभा अक जमा माळदुर, अदकि बंदीगृह दा बातणी कळुदुर की आंदरी तरूल. ²² लेकीन अधिकारीगोळ अल पोहचुस्कु आंदरी बंदीगृह दा नोळीदील, अदकि वापस बंदकु बातणी कोट्टुर, ²³ “नाव बंदीगृह अक हापाळ सावधानी देल बंद माळकु, अदकि पहरेदारगोळी व्हार्या दरवाजागोळ मा नदिरकु नोळदेव; लेकीन याग तेरदेव, रा बुळ्क याऊ सकिकीदील.” ²⁴ याग मंदिर इन सरदार अदकि प्रधान याजक ई मातगोळी केळदुर, आंदरी समझ दा बंदीदलि की प्रेरतिगोळ्द येन आत अदकि ईग येन आदीत! ²⁵ ईटुर दा यावारा बंदकु आंदरी हेळदुन, “नोळी, यारी नीव बंदीगृह दा बंद ईटीदीर, आ मळसागोळ मंदिर दा नदिरकु लॉकुरी शक्किा कोळेत्यार.” ²⁶ आग सरदार, अधिकारीगोळ सांगुळ होगकु, आंदरी तंदुन, लेकीन ताकत देल ईला, यतकी आंदुर लॉकुर से अंजतोगोर कनिा मा पथराव माळबाळुल.

²⁷ आंदुर प्रेरतिगोळी तनकु महासभा अनूद मुंद नदिरूस बुटुर; अदकि महायाजक आंदुर से पूछताछ माळदुन, ²⁸ “येन नाव नीमी कठोर आग्या कोटीदील की नीव ई हेसुर देल शक्किा कोळ बाळेतीर? तरी भी नोळी, नीव सप्पा यरूशलेम इक तान शक्किा देल तुम बुट्टीर अदकि आ मळसा अनूद खुन नाम कुतक्या मा तरोद चाहासतीर.”

²⁹ आग पतरस अदकि दुसरा प्रेरतिगोळ उत्तर कोट्टुर, “मळसागोळ्द आग्या से वाळुसकु परमेश्वर उन आग्या अनूद पालन माळोद अच नाम्द करतव्य आद. ³⁰ नाम आप्प दादागोळ्द परमेश्वर यीशु उक सोत्तुर दा टु जतिता माळदुन, यारी नीव कूस मा येरसकु कोंद बुटीदीर. ³¹ आऊक अच परमेश्वर शासक अदकि उद्धारकर्ता ठहरूसकु, तान ऊमा कय मा नेगद बुट्टुन, की आव इस्त्राएलगोळी मन तरिगुसोद ताकत अदकि पापगोळ्द माफ प्रदान माळुल. ³² नाव ई मातगोळ गवाह आयेव अदकि हांगा पवतिर आत्मा भी, यारी परमेश्वर आंदरी कोटान जो आऊन आग्या मान्सतार.”

³³ ईद केळकु आंदुर सट्टी होट बंदुर, अदकि प्रेरतिगोळी कोंद बुळोद चाहासदुर. ³⁴ लेकीन गमलीएल हेसुर इन ऊंद फरीसी जो व्यवस्था अन शक्किा अदकि सप्पा लॉकुर दा मानवाईक ईरोन, न्याय सभा दा नदिरकु प्रेरतिगोळी थ्वाळासा समय इन साटी व्हारया माळोद आग्या कोट्टुन. ³⁵ आग आव अंदुन, “हे इस्त्राएलगोळा, नीव जो येनारा ई मळसागोळ सांगुळ माळोद चाहासतीर, सोच वचिर माळकु माळेतीर. ³⁶ यतकी ई दनिगोळ से पयले थयूदास ईद अनतेला अच वदिरोह अनूद झंडा नेगदीदुन, कनिा भी येनारा आईन; अदकि कम से कम नाक सौ मळसा आऊन सांगुळ आगेदुर, लेकीन आव कोन्सुसकु आदुन अदकि यास लॉकुर आऊक मान्सतोगोर, सप्पा ततिर बतिर आदुर अदकि मट्टिसेदुर. ³⁷ अदुर बाददा जनगणना अनूद दनिगोळ दा गलील दा ईरावाळा यहूदा वदिरोह दा ताल्ला नेगदुन, अदकि थ्वाळासा लॉकुरी तान दी माळ कोंडुन; अदकि आव भी नाश आगेदुन अदकि यास लॉकुर आऊक मान्सतोगोर, सप्पा ततिर बतिर आगेदुर. ³⁸ इदुरसाटी ईग ना नीम से अनतीन, ई मळसागोळ से दुर अच ईरी अदकि इंदरी होगोळी; यतकी अगर ईद न्याय या क्याल्सा मळसागोळ दी टु आद आग रा मट्टिसेदीत; ³⁹ लेकीन अगर परमेश्वर उन दी टु आद, रा नीव आंदरी यागलु मट्टिस सकतीदलि. ईलारा हगि आगबाळुल कनिा परमेश्वर से भी लळुसावाळेर ठहरूसी. आग सभा अन लॉकुर गमलीएल उन मात मान्स कोंडुर.” ⁴⁰ अदकि प्रेरतिगोळी कार्सकु बळसुसदुर; अदकि ईद आदेश कोटकु बटि बुटुर की यीशु उन हेसुर देल बाक यातोदु मात माळबाळेतीर. ⁴¹ प्रेरतिगोळ ई मात देल खुश आगकु महासभा अनूद मुंदु टु अनतेला होटोदुर, कनिाव यीशु उन हेसुर इन साटी अपमानीत आगेद लायक रा ठहरूसदेव. ⁴² आंदुर रोज मंदिर दा अदकि मानोन मान्नी लगातार खुशखबरी इन प्रचार माळतोगोर अदकि कल्सतोगोर की यीशु उच मसीह हुन.

6

येळ सेवक

1 आ दनिगोळ दा चेलागोळ्द संख्या हापाळ वाळुसली कुरत, आग गैरयहूदी भाषा माताळावाळेर इब्रानी भाषा मातावाळेर मा कुळकाळ माळली हतदुर, कऱि रोज इन दान दा नाम रांड्यागोळ्द बारा दा वचिार माळकु आगाल्द. 2 आग आ हन्नेळ प्रेरतिगोळ चेलागोळ्द मंडली इक तान हात्ती कारूकु अंदुर, “ईद ठीक हैलेच कऱि नाव परमेश्वर उन वचन बटिकु तनिसदुर कुळसदुर स्यावा दा ईत्तेव. 3 इदुरसाटी, हे वार्दुरा अदकि आकतींगेरा, तान दा टु येळ मानवाईक मळसागोळी जो पवतिर आत्मा अदकि बुद्धी देल परपुर्ण आर, नविळुस कोमी, कऱि नाव आंदरी ई क्वालसा मा ठहरूस बुटेव. 4 लेकीन नाव रा प्रार्थना दा अदकि वचन केळसोद सेवकाई दा हतकु ईत्तेव.”

5 ईद मात सप्पा मंडली इक वळलीद हत, अदकि आंदुर स्तफिनुस हेसुर इन ऊंद मळसा अक जो वशिवास अदकि पवतिर आत्मा देल परपुर्ण ईरोन, अदकि फलिप्पुस, अदकि पुरुखूस, अदकि नीकानोर, अदकि तीमोन, अदकि परमनास, अदकि अन्ताकिया वासी नीकुलाउस उक जो यहूदी मत दा होट्ट बंदीदुन, नीवळुस कोडुर. 6 इंदरी प्रेरतिगोळ्द मुंद नदिरूसदुर अदकि आंदुर प्रार्थना माळकु आंदुर मा कय ईटदुर.

7 परमेश्वर उन वचन फैलुस्तेला होत अदकि यरूशलेम दा चेलागोळ गनिती हापाळ वाळुसेत; अदकि याजकगोळ्द ऊंद धोळ्द समाज ई मत इक मानसावाळा आगेत.

स्तफिनुस उन गरिफ्तारी

8 स्तफिनुस अनुग्रह अदकि सामर्थ्य देल परपुर्ण आगकु लॉकुर दा धोळ धोडडेव अदभुत क्वालसा अदकि चमत्कार तोरसतोगोन. 9 आग आ सभागूह दा टु जो लबिरितीन इन कहलुसतोगोद, अदकि कुरेनी अदकि सकिन्दरिया अदकि कलिकिया अदकि आसिया अन लॉकुर दा टु थ्वाळासा लॉकुर यदकु स्तफिनुस से झगळा माळली हतदुर. 10 लेकीन आ ग्यान अदकि आ आत्मा अन्द यार देल प्रेरति आगकु स्तफिनुस मातगोळी माळतोगोन, आंदुर सामना माळ सकदील. 11 इदुर मा आंदुर थ्वाळासा लॉकुरी भळकुसदुर जो अनली कुरतुर, “नाव ईऊक मूसा अदकि परमेश्वर उन वरिध दा तरिस्कार इन मातगोळी अनतेला केळेव.” 12 अदकि लॉकुर अदकि स्याणागोळ अदकि शास्त्रीगोळी भळकुसदुर अदकि आंदुर आऊक हुडुकु महासभा दा तंदुर. 13 अदकि ख्वाटा गवाह नदिरूसदुर, आंदुर अंदुर, “ईव मळसा ई पवतिर जागा अदकि व्यवस्था अन्द वरिध दा माताळोद बळालुन. 14 यतकी नाव आऊक ईद अनतेला केळेव कऱि ईवा यीशु नासरी ई मंदिर इक केळ्द बुट्टान, अदकि आ रीतीगोळी बदलुस बुट्टान जो मूसा नामी सोपस्यान.” 15 आग सप्पा लॉकुर जो सभा दा कुरतकु ईरोर, स्तफिनुस मा नजर हाकदुर रा आऊन बाय स्वर्गदूत उन घाई नोळदुर.

7

स्तफिनुस उन भाषण

1 आग महायाजक स्तफिनुस से अंदुन, “येन ई मातगोळ सही आव?”

2 स्तफिनुस अंदुन, “हे वार्दुरा, अदकि आप्पगोळा केळी. नाम स्याणा अब्राहम हारान द्याश दा कुरोर से पयले मेसोपोटामिया दा ईरोन; रा तेजोमय परमेश्वर आऊक दर्शन कोट्टुन, 3 अदकि आऊन से अंदुन, ‘नी तान द्याश अदकि तान कुटुम्ब टु होटकु आ द्याश दा होग, यदरी ना नीनी तोरसाईन.’ 4 आग आव कसदियागोळ द्याश दा टु होटकु हारान द्याश दा होगकु कुरतुन. अब्राहम उन आप्प उन सोत्तुर बाददा परमेश्वर आऊक अल टु ई द्याश दा तनकु कुरसदुन यदुरदा ईग नीव कुरतीर, 5 अदकि आऊक येनारा मीरास मतलब काल ईटली भी आऊक जागा कोटीदील, लेकीन वादा माळदुन कऱि ना ईद द्याश नीद अदकि नीन बाददा नीन वंश इन कय दा माळ बुळाईन; लेकीन आ समय आऊन यातोदु औलाद भी ईला ईरोद. 6 अदकि परमेश्वर ईद अंदुन, ‘नीन औलाद इन लॉकुर दुसरा द्याश दा परदेशी आदार, अदकि लॉकुर आंदरी दास माळ्यार अदकि नाक सौ वर्ष ताका सतुस्कु आदार.’ 7 बाक परमेश्वर अंदुन, ‘था राष्ट्र इन आंदुर दास आदार, आंदरी ना दण्ड कोळाईन, अदकि इदुर बाददा आंदुर होटकु ईदा जागी नान स्यावा माळ्यार.’ 8 अदकि

परमेश्वर आऊन से खतना अनूद वादा माळदुन; अदकि ईदा दशा दा इसहाक आऊन से पैदा आदुन अदकि आऊन जनम इन बाददा आठवा दशी आऊन खतना माळकु आत; अदकि इसहाक से याकूब पैदा आदुन अदकि याकूब से हन्नेळ पारगोळ पैदा आदुर ईदुरद भी खतना माळकु आत आंदुर नाम कुलपती बन्सदुर.

9 “कुलपतगोळ यूसुफ से जलन माळकु आऊक मसित्त्र द्याश होगवाळेर इक मारदुर. लेकीन परमेश्वर आऊन सांगुळ ईरोन, 10 अदकि आऊक आऊन सप्पा दुखगोळ देल बळिसकु मसित्त्र अनूद राजा फरौन उन नजर दा अनुग्रह अदकि बुद्धी प्रदान माळदुन, अदकि आव आऊक मसित्त्र मा अदकि तान सप्पा मानना मा शासक नयिकुत माळदुन. 11 आग मसित्त्र अदकि कनान इन सप्पा द्याश दा अकाल बत्तित; यदुर देल भारी दुखगोळ बंदव, अदकि नाम आप्प दादागोळी तनिली ईला सकितोगोद. 12 लेकीन याकूब ईद केळकु कर्मसित्त्र द्याश दा अनाज आद, नाम आप्प दादागोळी पयला घन कळुदुन. 13 दुसरा घन यूसुफ खुद इक तान वार्दुर मा प्रगट माळदुन अदकि यूसुफ उन जाती फरौन उक मालूम आगेत. 14 आग यूसुफ तान आप्प याकूब अदकि तान सप्पा कुटुम्ब इक, जो पच्यात्तर मळसा ईरोर, बातणी कळुदुन. 15 आग याकूब मसित्त्र दा ल्यालमा होदुन; अदकि अल आव अदकि आऊन चकिोर सोतोदुर. 16 आंदुर लाश शकेम नगर दा पोहचुसकु आ कबर दा ईटकु आदव, यारी अब्राहम चाँदी इन सकिका कोटकु शकेम दा हमोर उन औलाद से कोंडीदुन.

17 “लेकीन याग आ वादा अनूद पुरा आगोद घळी हात्ती बत्त जो परमेश्वर अब्राहम से माळीदुन, रा मसित्त्र द्याश दा आ लॉकुर वाळुसेदुर अदकि हापाळ आगेदुर. 18 आग मसित्त्र दा दुसरा राजा आदुन जो यूसुफ उक ईला अरोन. 19 आव नाम जाती से चालाकी माळकु नाम आप्प दादागोळ सांगुळ ईल ताका बुरा व्यवहार माळदुन, कर्म आंदरी तान चकिोरी भीट बुळोर साटी मजबुर माळदुन. 20 आ समय मूसा पैदा आदुन. आव परमेश्वर उन नजर दा हापाळ अच सुंदर ईरोन. आव मुर तगिळ ताका तान आप्प उन मान्या पालसकु आदुन. 21 याग भटिकु आदुन रा फरौन उन पोर आऊक नेगु कोंडुर, अदकि तान पार उन घाई पालसदुर. 22 मूसा अक मसित्त्रीगोळ सप्पा वदिया कल्सकु आत, अदकि आव वचन अदकि कर्म येदुदु दा ताकतवर ईरोन.

23 “याग आव चालीस वर्ष इनव आदुन, रा आऊन मन दा बत्त कर्म ना इस्त्राएली वार्दुर से मुलाकात माळीन. 24 आव ऊंद मळसा मा अन्याय आगूत नोळकु आऊक ऊळसदुन, अदकि मसित्त्री इक कोंदकु अत्याचार माळदु मळसा अनूद बदला ताकोंडुन. 25 आव वचिर माळदुन कर्म आऊन लॉकुर समस्यार कर्म परमेश्वर आऊन कयगोळ देल आंदुर उद्धार माळयान, लेकीन आंदुर समसीदील. 26 दुसरा दशी याग आंदुर आपस दा झगळा माळोर, रा आव अल बंदुन; अदकि ईद अनकु आंदरी मलिसोर साटी समजुसदुन, हे मळसागोळा, आव अंदुन, ‘नीव रा वार्दुर-वार्दुर हुईर,’ आबुर दाबुर मा येती अन्याय माळतीर? 27 लेकीन जो तान बाजुवाळा मा अन्याय माळीन, आव आऊक ईद अनकु हटुस बुटुन, ‘नीनी याव नाम मा अधिकार अदकि न्याय माळावाळा ठहरूसयान? 28 येन याता रीत देल नी नीन मसित्त्री इक कोंद बुट नानी भी कोंद बुळोद चाहासत्या?’ 29 ईद मात केळकु मूसा ओळदुन अदकि मदियान द्याश दा परदेशी आगकु ईरली कुरतुन, अदकि अल आऊन येदुदु पारगोळ पैदा आदुर.

30 “याग पुरा चालीस वर्ष बतिसेदव, रा ऊंद स्वर्गदूत सीनै पहाळी इन आळी दा आऊक होततेला झाळी इन बेक्की अन लपेट दा दर्शन कोटदुन. 31 मूसा अक ईद दर्शन नोळकु आश्चर्य आत, अदकि याग नोळोर साटी आव हात्ती होदुन, रा प्रभु अनूद ईद आवाज बत्त, 32 ना नीन आप्प दादागोळ, अब्राहम, इसहाक अदकि याकूब उन परमेश्वर हुईन. आग रा मूसा नळगली कुरतुन, ईल ताका कर्म आऊक नोळोद हम्मिमत आगीदील. 33 आग प्रभु आऊन से अंदुन, ‘तान कालगोळ दा टु केरू तेगु कोम, यतकी याता जागा दा नी नदिरकु आय, अद पवतिर जागा हुन. 34 ना सचमुच तान लॉकुरद जो मसित्त्र द्याश दा आर, दुर्दशा अक नोळीन; अदकि आंदुरद आह अदकि आंदुरद वोरलोद केळीन; इदुरसाटी आंदरी बळिसोर साटी ईळदीन. ईग बा, ना नीनी मसित्त्र द्याश दा कळाईन.’

35 “या मूसा अक आंदुर ईद अनकु असवीकार माळीदुर, ‘नीनी यार नाम मा अधकार अदकि न्याय माळावाळा ठहरूस्यार?’ आऊक अच परमेश्वर शासक अदकि बळिसावाळा ठहरूसकु, आ स्वर्गदूत उन द्वारा यार आऊक झाळी दा दर्शन कोटीदुन, कळुदुन. 36 ईवा मंळसा मसित्त्र द्याश अदकि क्याचांद समुद्र अदकि आळी दा चालीस वर्ष ताका अदभुत क्याल्सा अदकि चमत्कार तोर्स तोर्सकु आंदरी तेगुकु तंदुन. 37 ईव आवा मूसा हुन, याव इस्त्राएलगोळ से अंदुन, ‘परमेश्वर नीम वार्दुर दा टु नीम साटी नान घाई ऊंद बातणी तरावाळा नेगदान.’ 38 ईव आवा हुन, याव आळी दा मंडली अन न्याड्या आ स्वर्गदूत उन सांगुळ सीनै पहाळी मा आऊन से मातगोळी हेळदुन अदकि नाम आप्प दादागोळ सांगुळ ईरोन, आऊक अच जीवति वचन सकियाव कि नाम ताका पोहचुसुल. 39 लेकीन नाम आप्प दादागोळ आऊन मानसोद चाहसीदील, बल्की आऊक हटुसकु तान मन मसित्त्र दी फेरसदुर, 40 अदकि हारून से अंदुन, ‘नाम साटी हगि देवता माळ, जो नाम मुंद-मुंद नळुल, यतकी ईव मूसा जो नामी मसित्त्र द्याश टु तेगुकु तंदुन, नाव जानसालेव आऊक येन आग्याद?’ 41 आ दनिगोळ दा आंदुर ऊंद वस्ता अन घाई कांळसावाळा मूर्ति माळदुर, अदकि अदुर मा बली येर्सदुर, अदकि तान कयगोळ देल पाऊनचार माळकु खुशी मान्सदुर. 42 इदुरसाटी परमेश्वर अनदेखा माळकु आंदरी बटि बुटुन, कि आकाशगण इन पुजा माळुल, ह्यांग भवषियवक्तागोळ कतिाब दा लखिसकु आद, ‘हे इस्त्राएल इन घराना, येन नीव आळी दा चालीस वर्ष ताका पशुबली अदकि अननबली नान इक अच येर्सत ईत्तीर?

43 नीव मोलेक इन तम्बू

अदकि रफान देवता अनद तारा अक हुडुकु टेटाळ तोगीर,
मतलब आ मूर्तगोळी यारी नीव दण्डवत माळोर साटी माळदीर.

इदुरसाटी ना नीमी बेबीलोन इन हात्ती ओतकु कुरसाईन.’

44 “नाम आप्प दादागोळ हात्ती परमेश्वर उन सानधिय अनद तम्बू, ह्यांग परमेश्वर मूसा अक हेळदुन हांग माळीदुन. अद आ नमुना अन घाई ईरोद जो मूसा अक तोर्सकु आगीत.” 45 अदा तम्बू अक नाम आप्प दादागोळ पूर्वकाल टु हुडुकु यहोशू अनद सांगुळ ईल तंदुर; याता समय इन आंदुर आ गैरयहूदीगोळ मा अधकार माळदुर, यारी परमेश्वर नाम आप्प दादागोळ मुंद टु तेगु बुटुन, अदकि अद तम्बू दाऊद उन समय ताका ईत्त. 46 आऊन मा परमेश्वर अनुग्रह माळदुन; इदुरसाटी आव वनिती माळदुन कि आव याकूब उन परमेश्वर उन साटी नवास स्थान माळुल. 47 आव ईला लेकीन सुलैमान आऊन साटी मान्ना माळदुन.

48 लेकीन परमप्रधान कय इन माळद मान्नागोळ दा ईरालुन, ह्यांग कि भवषियवक्ता अंदुन,

49 प्रभु अनतान, स्वर्ग नांद सहिसन

अदकि पृथ्वी नान कालगोळ तल्ला अनद आशन हुन,
नान साटी नीव याता प्रकार इन मान्ना माळीर?

अदकि नांद आराम इन साटी यातोद जागा ईत्तीत?

50 येन ई सप्पा वस्तुगोळ नान कय इन माळदव आल्लच?

51 “नीव याट जीद्दी आईर, अदकि मन अदकि कवि इन खतनारहति लॉकुरा, नीव हमेशा पवतिर आत्मा अनद वरिध माळतीर. ह्यांग नीम आप्प दादागोळ माळतोगोर, हांगा नीव भी माळतीर.

52 भवषियवक्तागोळ दा टु यारी नीम आप्प दादागोळ सतुसीदील? आंदुर आ न्यायी अनद आगमन इन पूर्वकाल टु बातणी कोळावाळेर इक कोंद बुटुर; अदकि ईग नीव भी आ न्यायी मंळसा अक हुळसुसावाळेर अदकि कोन्सुसावाळेर आदीर. 53 नीव स्वर्गदूतगोळ द्वारा ठहरूसद व्यवस्था रा नोळदीर, लेकीन अदुर पालन माळदीर.”

स्तफिनस कल्लगोळ होळदुर देल सोत्तुन

54 ई मातगोळी केळकु आंदुर होत्तेदुर अदकि आऊन मा हल्ल कचली कुरतुर. 55 लेकीन आव पवतिर आत्मा से परपुर्ण आगकु स्वर्ग दी नोळदुन अदकि परमेश्वर उन महमा अक अदकि

यीशु उक परमेश्वर उन ऊमा कय दी नदिरुत नोळकु अंदुन, ⁵⁶ “नोळी, ना स्वर्ग इक तेरूत अदकि मंळसा अन पार उक परमेश्वर उन ऊमा कय दी नदिरुत नोळतीन.”

⁵⁷ आग आंदुर धोळ्द आवाज देल चळिलासकु कवि बंद माळ बुटुर, अदकि सभा अन सभासदगोळ ऊंद सांगुळ आऊन मा झपट्टा होळदुर; ⁵⁸ अदकि आऊक नगर इन व्हार्या तेगुकु आऊन मा कल्लगोळी होडुली कुरतुर. गवाहगोळ तान कपळा शाऊल हेसुर ईनव ऊंद हारोद मंळसा अन कालगोळ हात्ती तेगुकु ईट बुटुर. ⁵⁹ आंदुर स्तफिनस मा कल्लगोळी होडुतेला ईत्तुर, अदकि आव ईद अनकु प्रार्थना माळतेला ईत्तुन, “हे प्रभु यीशु, नान आत्मा अक ग्रहण माळ.” ⁶⁰ बाक ट्वांगारा टेकसकु धोळ्द आवाज देल कारदुन, “हे प्रभु, ईद पाप आंदुर मा हचबाळ.” अदकि ईद अनकु आव सोतोदुन.

8

1 शाऊल आऊक कोन्नोर दा सहमत ईरोन.

मंडली मा अत्याचार

अदा दशी टु यरूशलेम इन मंडली मा धोळ्द दुख इन सूरुवात आत अदकि प्रेरतिगोळी बटिकु सप्पा अनूद सप्पा मुंदुर यहूदया अदकि सामरीया द्याशगोळ दा ततिर बतिर आगोदुर. ² येनारा भक्तगोळ स्तफिनस उक कब्र दा ईटदुर अदकि आऊन साटी जोर जोर देल वरलदुर.

³ *शाऊल मंडली अक बरबाद माळोन; अदकि मानोन माननी होक्कु मंळसागोळी अदकि आर्तेर इक जेडु जेडुकु बंदीगृह दा हाक्क तोगोन.

सामरीया दा फलिप्पुस उन प्रचार

⁴ जो वशिवासी लॉकुर ततिर बतिर आगीदुर, आंदुर खुशखबरी केळसतेला टेटाळोर; ⁵ अदकि फलिप्पुस लयालमा सामरीया नगर दा होगकु लॉकुर दा मसीह अनूद प्रचार माळली कुरतुन. ⁶ जो मातगोळी फलिप्पुस अंदुन अवरी लॉकुर केळकु अदकि जो चमत्कार आव तोरसतोगोन अवरी नोळ नोळकु, ऊंद चित्त आगकु मन हचदुर. ⁷ यतकी हापाळ दा टु अशुध्द आत्मागोळ धोळ्द शब्द दा चलिळासतेला होट्ट बुटव, अदकि हापाळ सा लकवा अनूद रोगी अदकि लंगळागोळ भी वळ्लेर माळकु आदुर; ⁸ अदकि आ नगर दा धोळ्द खुशी छासेत.

⁹ इदुर से पयले आ नगर दा शमौन हेसुर ईनव ऊंद मंळसा ईरोन, जो जादू टोना माळकु सामरीया अनूद लॉकुरी चकति माळतोगोन अदकि तान तान इक ऊंद धोळ्द मंळसा हेळतोगोन. ¹⁰ स्याणेर से धोड्डेर ताका सप्पा आऊंद सम्मान माळकु अनतोगोर, “ईव मंळसा परमेश्वर उन अद ताकत हुन, जो महान कहलुसतद.” ¹¹ आव हापाळ दनिगोळ टु आंदरी तान जादू अनूद क्याल्सागोळ देल चकति माळकु ईटीदुन, इदुरसाटी आंदुर आऊक हापाळ मानसोर. ¹² लेकीन याग आंदुर फलिप्पुस उन बातणी इन वशिवास माळदुर जो परमेश्वर उन राज्य अदकि यीशु मसीह अनूद हेसुर इन खुशखबरी केळसतोगोन, रा लॉकुर, येन मंळसा, येन आर्तेर, बपतस्मा ताकोमली कुरतुर. ¹³ आग शमौन खुद भी वशिवास माळदुन अदकि बपतस्मा ताकोमकु फलिप्पुस उन सांगुळ ईरली कुरतुन. आव धोड्डेव-धोड्डेव चमत्कार अदकि चमत्कार इन क्याल्सा आगूत नोळकु चकति आगतोगोन.

¹⁴ याग प्रेरतिगोळ जो यरूशलेम दा ईरोर, केळदुर क्क सामरीयागोळ परमेश्वर उन वचन मानस कोंडार रा पतरस अदकि यूहन्ना अक आंदुर हाती कळुदुर. ¹⁵ आंदुर होगकु वशिवासीगोळ साटी प्रार्थना माळदुर क्क पवतिर आत्मा सकिकुल. ¹⁶ यतकी ईगासताका आंदुर दा टु यारदु मा पवतिर आत्मा ईळदीदलि; आंदुर रा सरिफ प्रभु यीशु अनूद हेसुर देल बपतस्मा ताकोडीदुर. ¹⁷ आग पतरस अदकि यूहन्ना आंदुर मा कय ईटदुर अदकि आंदरी पवतिर आत्मा सकित.

¹⁸ याग शमौन नोळदुन क्क प्रेरतिगोळ कय ईटदुर देल पवतिर आत्मा कोटकु आगतद, रा आंदुर हात्ती पैस्या तनकु अंदुन, ¹⁹ “ईद अधिकार नानी भी कोळी, क्क जो यावारा मंळसा मा कय ईटाईन आऊक पवतिर आत्मा सकिकुल.”

20 पतरस आऊन से अंदुन, “नीन पैस्या नीन सांगुळ नाश आगुल, यतकी नी परमेश्वर उन दान पैस्यागोळ देल कोंड कोमोद वचिर माळ्द. 21 ई मात दा ना नान हसिसा आद, ना भाग; यतकी नीन मन परमेश्वर उन मुंद वळ्लीद हैलेच. 22 इदुरसाटी तान ई बुराई देल मन तरिगुस प्रभु से प्रार्थना माळ, आग सकतद कर् अपमान मन इन वचिर माफ माळकु आगुल. 23 यतकी ना नोळतीन कर् नी पतित घाई केयजोर अदकि अन्याय अन्द बंधन दा बदिक् आय.”

24 शमौन, पतरस अदकि यूहन्ना से अंदुन, “नीव नान साटी प्रभु से प्रार्थना माळी कर् जो मातगोळी नीव अंदीर, अऊर दा टु यातोदारा नान मा बंदकु बळिबाळुल.”

25 इदुरसाटी आंदुर गवाही कोटकु अदकि प्रभु उन वचन केळ्सकु यरूशलेम इक होटोदुर, अदकि सामरीगोळ्द हापाळ सा ऊरगोळ दा खुशखबरी केळ्सत होदुर.

फलिपिपुस अदकि कूश द्याश इन अधिकारी

26 बाक प्रभु अन्द ऊंद स्वर्गदूत फलिपिपुस से अंदुन, “येळ, अदकि दक्षणि दी आ हादी मा होग, जो यरूशलेम टु गाजा अक होगतद.” ईद धुळा अन्द हादी हुन. 27 आव यदकु होटोदुन, अदकि नोळी, कूश द्याश इन ऊंद मंळसा बरोन जो खोजा जाती अदकि कूश इन रानी कन्दाके अन्द मंत्री अदकि पैस्या अन्द हसिाब ईटावाळा खजांची ईरोन. आव आराधना माळली यरूशलेम बंदीदुन. 28 आव तान रथ मा कुर्तकु ईरोन, अदकि यशायाह भवषियवक्ता अन्द कतिाब वाचुसतेला वापस होगोन. 29 आग पवतिर आत्मा फलिपिपुस से अन्त, “हात्ती होगकु ई रथ इन सांगुळ आगेग.” 30 फलिपिपुस आऊन दी हरदुन अदकि आऊक यशायाह भवषियवक्ता अन्द कतिाब वाचुसतेला केळदुन, अदकि आऊन से केळदुन, “नी जो वाचुसतिया येन अदरी नी सम्सत्या भी?”

31 आव अंदुन, “यागासताका यावारा नानी समझुसतीदील रा ना ह्यांग समसाईन?” अदकि आव फलिपिपुस से वनिती माळदुन कर् आव येरकु आऊन हात्ती कुरूल. 32 पवतिरशास्त्र अन्द जो अध्याय आव वाचुसोन,

अद ईद ईरोद: “आव म्यांडा अन घाई बली आगली पोहचुसकु आदुन,

अदकि ह्यांग म्यांडा अन पाड्डा तान चुट्टी कातरूसावारूदे मुंद चुपचाप ईरतद,

हांगा आव भी तान बाय खोलसीदील.

33 आऊन दीनता दा आऊंद न्याय ईला आग पायजे

आऊंद समय इन लॉकुरद वर्णन याव माळ्यान?

यतकी पृथ्वी टु आऊंद जीव तेगुकु आगेत.”

34 इदुर मा खोजा जाती इन ऊंद अधिकारी मंळसा फलिपिपुस से केळदुन, “ना नीन से वनिती माळतीन, ईद हेळ कर् भवषियवक्ता ईद यार बारा दा अनतान, तांद या यावारा दुसरा अन्द बारा दा?” 35 आग फलिपिपुस तान बाय खोलसदुन, अदकि ईद शास्त्र भाग से सूरवात माळकु आऊक यीशु उन खुशखबरी केळ्सदुन. 36 हादी मा नळुत नळुत आंदुर यातोदारा नीर इन जागा मा पोहचुसदुर. आग खोजा जाती इन अधिकारी मंळसा अंदुन, “नोळ ईल नीर आद, ईग नानी बपतस्मा ताकोडुर दा येन रोक आद.” 37 फलिपिपुस अंदुन, “अगर नी पुरा मन देल वशिवास माळत्या रा ताकोम सकत्या.” आव उत्तर कोट्टुन, “ना वशिवास माळतीन कर् यीशु मसीह परमेश्वर उन पार हुन.”

38 आग आव रथ नदिरूसोद आग्या कोट्टुन, अदकि फलिपिपुस अदकि खोजा नीर दा ईळदुर, अदकि आव खोजा अक बपतस्मा कोट्टुन. 39 याग आंदुर नीर दा टु होटकु म्याकुच बंदुर, रा प्रभु अन्द आत्मा फलिपिपुस उक नेगुकु ओईत, अदकि खोजा जाती इन अधिकारी आऊक बाक नोळीदील, अदकि आव खुशी माळतेला तान हादी मा होटोदुन. 40 फलिपिपुस उक हगि हत्त कर् आव अशदोद नगर दा आन, अदकि यागासताका कैसरिया दा पोहचुसीदील, आगासताका नगर नगर खुशखबरी केळ्सतेला होदुन.

9

शाऊल उन दलि इन बदलाव

1 शाऊल जो ईगासताका प्रभु अन्द चेलागोळी धमकुसोद अदकि कोद बुळोद धुन दा ईरोन, महायाजक उन हात्ती होदुन 2 अदकि आऊन से दमशिक इन सभागृहगोळ दा हेसुर मा ई अभपिराय इन चटिठी गोळी बेळदुन का येन गंळ्स येन आरत, यारी आव ई पंथ मा नोळ्यार आंदरी कटक यरूशलेम तरूल.

3 लेकीन नळुत नळुत याग आव दमशिक इन हात्ती पोहचुसदुन, रा अचानक आकाश टु आऊंद नाकु दी ज्योती चमकुस्त, 4 अदकि आव जमीन मा बदिदुन अदकि ईद शब्द केळदुन, “हे शाऊल, हे शाऊल, नी नानी येती सतुसेत्या?”

5 शाऊल केळदुन, “हे प्रभु, नी याव हुय?”

आव अंदुन, “ना यीशु हुईन, यारी नी सतुसेत्या. 6 लेकीन ईग यदकु नगर दा होग, अदकि जो नीनी माळोद आद अद नीन से अंदकु आदीत.”

7 जो मंळसागोळ आऊन सांगुळ ईरोर, आंदुर सट्ट ईतोदुर; यतकी शब्द रा केळ बरतोगोद लेकीन याऊ कांळसतोगोन ईला. 8 आग शाऊल भूमी मा टु येदुन, लेकीन याग कण्णगोळी तेरदुन रा आऊक येनु कांळसीदील, अदकि आंदुर आऊन कय हुडुकु दमशिक नगर दा ओतुर. 9 आव मुर दनि ताका नोळ सकदील, अदकि ना तदिन अदकि ना कुळदुन.

10 दमशिक दा हनन्याह हेसुर इन ऊंद चेला ईरोन, आऊन से प्रभु दर्शन दा अंदुन, “हे हनन्याह!” आव अंदुन, “प्रभु, ना हुईन.”

11 आग प्रभु आऊन से अंदुन, “यदकु आ गली दा होग जो ‘सरका’ कहलुसतद, अदकि यहूदा अन्द मानना दा शाऊल हेसुर इन ऊंद तरसुसवासी इक केळ; नोळ, आव प्रार्थना माळेत्यान, 12 अदकि आव हनन्याह हेसुर इन ऊंद मंळसा अक बुळक बरत अदकि तान म्याकुच कय ईटतेला उदाहरण दा नोळदुन; ताकी दुबारा नोळ सकुल.”

13 हनन्याह उत्तर कोट्टुन, “हे प्रभु, ना ई मंळसा अन्द बारा दा हापाळ मुंदुर से केळीन का ईव यरूशलेम दा नीन पवतिर लॉकुर सांगुळ धोळ्द-धोळ्द बुराईगोळ माळ्यान; 14 अदकि ईल भी ईऊक प्रधान याजकगोळ्द दी टु अधिकार सकियाद का जो लॉकुर नीन हेसुर ताकोमतार, आ सप्पा मुंदरी कटबुळ.”

15 लेकीन प्रभु आऊन से अंदुन, “नी होटोग; यतकी आव रा गैरयहूदीगोळी अदकि राजागोळी अदकि इस्त्राएलीगोळ्द मुंद नान हेसुर प्रगट माळोर साटी नान नीवळुसद पात्र हुन. 16 अदकि ना आऊक हेळाईन का निन हेसुर इन साटी आऊक ह्यांग-ह्यांग दुख नेगोद बदिदीत.”

17 आग हनन्याह यदकु आ मानना दा होदुन, अदकि आऊन मा तान कय ईटकु अंदुन, “हे वार्ट शाऊल, प्रभु, मतलब यीशु, जो आ हादी मा, याता हादी देल नी बंद्या नीनी कांळसीदुन, आवा नानी कळ्यान का नीनी मात्त कण्णगोळ देल कांळसुल अदकि नी पवतिर आत्मा देल परपिर्ण आगेगुल.” 18 अदकि तुरन्त आऊन कण्णगोळ दा टु छलिका घाई बतित्त अदकि आव नोळली कुरतुन, अदकि यदकु बपतस्मा ताकोडुन; 19 बाक भोजन माळकु आऊक आऊंद ताकत वापस सकित्त.

दमशिक दा शाऊल द्वारा प्रचार

शाऊल हापाळ दनि ताका आ चेलागोळ्द सांगुळ ईत्तुन जो दमशिक दा ईरोर. 20 अदकि आव तुरन्त यहूदी लॉकुर सभागृहगोळ दा यीशु उन प्रचार माळली कुरतुन का आव परमेश्वर उन पार हुन.

21 सप्पा केळावाळेर चकति आगकु अनली कुरतुर, “येन ईव आवा मंळसा आल्लच जो यरूशलेम दा आंदरी जो यीशु उन उपासना माळावाळेर इक, नाश माळतोगोन; अदकि ईल भी इदुरसाटी बंदीदुन का आंदरी कटक प्रधान याजकगोळ्द हात्ती तरूल?”

22 लेकीन शाऊल मात्त ताकतवर आगतेला होदुन, अदकि ई मात इन प्रमाण कोट कोटकु का मसीह ईवा हुन, दमशिक इन ईरावाळेर यहूदीगोळी आश्चर्य चकति माळ्त ईत्तुन.

23 *याग हापाळ दनि बतिसेदव, रा यहूदीगोळ मल्लसकु आऊक कोद बुळोद साजीश रचुसदुर.

24 लेकीन आंदुर साजीश शाऊल उक मालूम नळदोत. आंदुर रा आऊक कोन्नोर साटी ईळ्लक

हागुल नगर इन फाटकगोळ मा तयार ईरतोगोर. ²⁵ लेकीन ईळलकी आऊन चेलागोळ आऊक फुट्टी दा कुरसदुर, अदकि दविर इन ख्वादरा दा टु हलिगुकसकु ईळस बुटुर.

यरूशलेम दा शाऊल

²⁶ यरूशलेम दा पोहचुसकु शाऊल चेलागोळ सांगुळ मलिसोद कोशशि माळदुन; लेकीन सप्पा आऊन से अंजतोगोर, यतकी आंदरी वशिवास ईला आगतोगोद, क्क आव भी चेला हुन. ²⁷ लेकीन बरनबास आऊक तान सांगुळ प्रेरतिगोळ हात्ती ओतकु आंदरी हेळदुन क्क ईव याता रीतदेल हादी मा प्रभु उक नोळदुन, अदकि आव ईऊन से मातगोळी हेळदुन; बाक दमशिक दा ईव ह्यांग हम्मिमत देल यीशु उन हेसुर देल प्रचार माळदुन. ²⁸ आव आंदुर सांगुळ यरूशलेम दा होगूत बरत अदकि पुरा हम्मिमत देल प्रभु उन हेसुर इन प्रचार माळली कुरतुन. ²⁹ अदकि गैरयहूदी भाषा माताळावाळेर यहूदीगोळद सांगुळ मातचीत अदकि झगळा माळतोगोन; लेकीन आंदुर आऊक कोद बुळोद कोशशि माळली कुरतुर. ³⁰ ईद जान्सकु वारटुर आऊक कैसरया बंदरगाह दा तंदुर, अदकि तरसुस नगर इक कळु बुटुर.

³¹ ई प्रकार सप्पा यहूदया, गलील, अदकि सामरीया दा मंडली अक शांती सकित, अदकि अदुरद उननती आगूत ईतत; अदकि अद प्रभु उन अंजक अदकि पवतिर आत्मा अन्द शांती दा नळुत अदकि वाळुसत ईतत.

लुद्दा अदकि याफा नगर दा पतरस

³² बाक हगि आत क्क पतरस हर जागा टेटाळतेला, परमेश्वर उन पवतिर लॉकुर हात्ती भी पोहचुसदुन जो लुद्दा नगर दा ईरतोगोर. ³³ अल आऊक एनयास हेसुर इन लकवा अन्द ऊंद रोगी मळसा सकिदुन, जो येठठ वर्ष टु व्हर्स मा बदिकु ईरोन. ³⁴ पतरस आऊन से अंदुन, “हे एनयास! यीशु मसीह नीनी चंगा माळतान. येळ, तान हासक्या नेगु.” आग आव तुरनत यदकु नदिरदुन. ³⁵ आग लुद्दा अदकि शारोन इन सप्पा ईरावाळेर आऊक नोळकु प्रभु उन दी तरिगदुर.

³⁶ याफा दा तबीता गैरयहूदी दा दोरकास मतलब हरिण हेसुर इनोर ऊंद वशिवासनी ईरतोगोर. आक हापाळ सा वळ्लेव क्याल्सा अदकि दान माळतोगोर. ³⁷ अवा दनिगोळ दा आक बमिर आगकु सोतोदुर; अदकि आंदुर आकनि मय तोळसकु म्याकुच इन कमरा दा ईट बुटुर. ³⁸ इदुरसाटी क्क लुद्दा याफा अन हात्ती ईरोद, चेलागोळ ईद केळकु क्क पतरस अल आन, येढ मळसा कळुकु आऊन से वनिती माळदुर, “नाम हाती बरोर साटी देर माळबाळ.” ³⁹ आग पतरस यदकु आंदुर सांगुळ आगेदुन, अदकि याग आव पोहचुसदुन रा आंदुर आऊक आ अटारी म्याकुच मा ओतुर. सप्पा रांड्यागतिर वरलतेला आऊन हात्ती बंदकु नदिरदुर, अदकि जो कूळता गोळ अदकि कपळागोळ दोरकास याग आक जतिता ईरोर आंदुर सांगुळ ईरतेला माळीदुर, तोरसली कुरतुर. ⁴⁰ आग पतरस सप्पा मुंदरी व्हार्या माळ बुटुन, अदकि ट्वांगरा टेक्सकु प्रार्थना माळदुन अदकि लाश इन दी तरिगकु नोळदुन अदकि अंदुन, “हे तबीता, येळ.” आग आक तान कण्णगोळी तेरदुर; अदकि पतरस उक नोळकु यदकु कुरतुर. ⁴¹ आव कय कोटकु आकी नेगदुन, अदकि परमेश्वर उन पवतिर लॉकुर अदकि रांड्यागतिर इक कारूकु आकी जतिता तोरस बुटुन. ⁴² ईद मात सप्पा याफा दा फैलुसेत; अदकि हापाळ सा लॉकुर प्रभु मा वशिवास माळदुर. ⁴³ अदकि पतरस याफा दा शमौन हेसुर इन यावारा तोगुल इन धंदा माळावाळा अन्द मान्या हापाळ दनि ताका ईततुन.

10

कुरनेलयिस अदकि पतरस

¹ कैसरया दा कुरनेलयिस हेसुर इन ऊंद मळसा ईरोन, जो इटालयिन सेनादल इन अध्यक्ष ईरोन. ² आव परमेश्वर उक अंजावाळा भक्त ईरोन, अदकि तान सप्पा घराना सांगुळ परमेश्वर उन आराधना माळतोगोन, अदकि यहूदी लॉकुरी हापाळ दान कोळतोगोन, अदकि रोज परमेश्वर उन से प्रार्थना माळतोगोन. ³ आव मदणी लगभग मुर मुरा अन हात्ती दर्शन दा स्पष्ट रूप देल नोळदुन क्क परमेश्वर उन ऊंद स्वर्गदूत आऊंद हात्ती बुळक बंदकु अनतान, “हे कुरनेलयिस!”

⁴ कुरनेलयिस स्वर्गदूत उक ध्यान देल नोळदुन अदकि अंजक अंदुन, “हे प्रभु, येन हुन?”

स्वर्गदूत आऊन से अंदुन, “नीन प्रार्थनागोळ अदकि नीन दान न्याय इन क्याल्सा हिसाब कोळोर साटी परमेश्वर उन मुंद पोहचुस्याव; 5 अदकि ईग याफा दा मंळसा कळुकु शमौन उक, जो पतरस कहलुस्तान, कार्स कोमी. 6 आव शमौन हेसुर इनव मंळसा जो तोगुल इन धंदा माळतान आऊन मान्या पतरस पाऊना आन, यार्द मान्ना समुद्र अन्द कनिरा मा आद.” 7 याग आव स्वर्गदूत याव आऊन से मातगोळी हेळीदुन होटोदुन, रा आव येद्व सेवक, जो आऊन हात्ती मौजूद ईरतोगोर आंदुर दा टु ऊंद भक्त सपिाही इक कारदुन, 8 अदकि आंदरी सप्पा मातगोळी हेळकु याफा नगर इक कळुदुन.

9 दुसरा दशी याग आंदुर नळुत नळुत याफा नगर इन हात्ती पोहचुसदुर, रा मदणी इन हात्ती पतरस छत मा प्रार्थना माळली येरदुन. 10 आऊक हसु हत अदकि येनारा तनोद चाहासोन, लेकीन याग ऊम्मोद बनसोद आग अच आऊक दर्शन आत; 11 अदकि आव नोळदुन, क आकाश खुलसेत; अदकि ऊंद पात्र धोळ्द चादर इन घाई नाकु क्वाना टु लटकुसतेला, पृथ्वी इन दी ईळेत्याद. 12 आ चादर दा पृथ्वी इन सप्पा प्रकार इन नाक कालवाळा पशु अदकि रेंगसावाळा जनतु अदकि आकाश इन पक्षी ईरव. 13 आऊक ऊंद हगि शब्द केळ बत्त, “हे पतरस येळ, कोन अदकि तीन.”

14 लेकीन पतरस अंदुन, “ईला प्रभु, यागलु ईला; यतकी ना यागलु यातोदु अपवतिर या अशुध्द वस्तु तंददिल.”

15 बाक दुसरा घन आऊक शब्द केळ बत्त, “जो येनारा परमेश्वर शुध्द ठहूरस्यान, अदरी नी अशुध्द मान्सबाळ.” 16 मुर घन हगि अच आत; अदकि तुरन्त अद चादर आकाश मा नेगुकु आगेत.

17 याग पतरस तान मन दा दुवधा दा ईरोन, क ईद दर्शन जो ना नोळदीन अद येन आग सकतद, रा नोळी, आ मंळसागोळ यारी कुरनेलयिस कळीदुन, शमौन उन मान्ना अन्द पता हचकु दरवाजा मा बंदकु नदिरदुर, 18 अदकि कारूकु केळली कुरतुर, “येन शमौन जो पतरस कहलुस्तान, ईवा पाऊना हुन?”

19 पतरस रा आ दर्शन मा सोचतेला अच ईरोन, क आत्मा आऊन से अंदुन, “नोळ, मुर मंळसा नीन खोज दा आर. 20 इदुरसाटी यदकु ल्यालमा होग, अदकि बनिा संकोच देल आंदुर सांगुळ आगेग; यतकी ना अच आंदरी कळीन.” 21 आग पतरस ईळुकु आ मंळसागोळ से अंदुन, “नोळी, यार्द खोज नीव माळेतीर, आव ना अच हुईन. नीमद बरोद येन कारण आद?”

22 आंदुर अंदुर, “कुरनेलयिस सूबेदार नामी कळयान जो न्यायी अदकि परमेश्वर उन उपासना माळावाळा अदकि सप्पा यहूदी लांकुर दा मानवा ईक मंळसा आन, आऊक ऊंद परमेश्वर उन पवतिर स्वर्गदूत से ईद नरिदेश सकियाद क नीनी तान मान्या कारूकु नीन से वचन केळुल.”

23 आग पतरस आंदरी बुळ्क कारूकु आंदुर पाऊनचार माळदुन. दुसरा दशी आव आंदुर सांगुळ होदुन, अदकि याफा अन्द वार्दुर दा टु येनारा आऊन सांगुळ आगेदुर. 24 दुसरा दशी आंदुर कैसरया पोहचुसदुर, अदकि कुरनेलयिस तान परवार अदकि हात्तीगोळोर संगीगोळी जमा माळकु आंदुर हादी कायोन. 25 याग पतरस बुळ्क बरोन, रा कुरनेलयिस आऊन से भेट माळदुन, अदकि आऊन कालगोळ मा बदिक् आऊक प्रणाम माळदुन; 26 लेकीन पतरस आऊक नेगुकु अंदुन, “नदिर, ना भी रा सरिफ मंळसा हुईन.” 27 अदकि पतरस कुरनेलयिस उन सांगुळ मातचीत माळतेला बुळ्क होदुन, यल आव हापाळ सा लांकुरी जमा नोळदुन. 28 आंदुर से अंदुन, “नीव जान्सतीर क गैरयहूदी अन्द संगत माळोद या आऊन मान्या होगोद यहूदीगोळ इन साटी अन्याय आद, लेकीन परमेश्वर नानी हेळदुन कियावारा मंळसा अक अपवतिर या अशुध्द अनबाळेत. 29 इदुरसाटी ना याग कारूकु आदीन रा बनिा येनारा माताळोद होटबंदीन. ईग ना केळतीन क नानिनी याता क्याल्सा अन्द साटी कारूकु आग्याद?”

30 कुरनेलयिस अंदुन, “ईदा घळी टु पुरा नाक दनि पयले, ना तान मान्या मदणी इन मुर मुरा अन लगभग प्रार्थना माळीन; रा नोळी, अचानक ऊंद मंळसा चमकीला कपळा हाक्कु, नान मुंद बंदकु नदिरदुन 31 अदकि अनली कुरतुन, हे कुरनेलयिस, नीन प्रार्थना केळकु आगेग्याद अदकि नीन दान न्याय इन स्यावा परमेश्वर उन मुंद याद माळकु आग्याव. 32 इदुरसाटी यारीकारा याफा कळुकु शमौन उक जो पतरस कहलुस्तान, कारू. आव समुद्र अन्द कनिरा मा शमौन जो तोगुल इन धंदा माळतान अन्द मान्या पाऊना आन. 33 आग ना तुरन्त नीन हात्ती लांकुरी कळुदीन, अदकि नी

भला माळ्द जो होटबंद. ईग नाव सप्पा ईल परमेश्वर उन मुंद आयेव, ताकी जो येनारा परमेश्वर नीन से माताळोर साटी अंदान अदरी केळेव.”

पतरस उन भाषण

34 आग पतरस अंदुन, “ईग नानी सही दा पता नळुत कि परमेश्वर यारदु पक्षपात माळालुन, 35 लेकीन हर राष्ट्र अनूद लॉकुर दा जो आऊन से अंजतार अदकि न्याय इन क्याल्सा माळतार, आंदुर आऊक भाऊस्तार. 36 अद वचन नीव जानसतीर, जो वचन आव इस्त्राएलगोळ हात्ती कळुदुन, याग आव यीशु मसीह अनूद द्वारा जो सप्पा मुंदुर प्रभु आन शांती इन खुशखबरी केळसदुन, 37 नीव आ महान घटना अक जानसतीर, जो इस्त्राएल इन जागा मा आगीत, गलील दा सुरूवात आगकु यूहन्ना अन द्वारा बपतस्मा कोट्टुर बाददा टु यदुर्द प्रचार माळकु आगीत: 38 नीव नासरी यीशु उन बारा दा जानसायदीर किह्यांग परमेश्वर आऊन मा पवतिर आत्मा अदकि सामर्थ्य पलटुसीदुन, अदकि यीशु वळ्लेव क्याल्सा माळतेला अदकि आ सप्पा मुंदरी जो शैतान उन वश दा ईरोर चंगा माळतेला नाकु दी आव ह्यांग ओयाळोन, यतकी परमेश्वर आऊन सांगुळ ईरोन. 39 नाव आ सप्पा क्याल्सागोळ्द गवाह आयेव; जो आव इस्त्राएल इन भूमी मा अदकि यरूशलेम दा भी माळदुन, अदकि आंदुर आऊक क्रूस मा येरसकु कौद बुटुर. 40 लेकीन आऊक परमेश्वर तसिरा दशी मातत जतिता माळदुन, अदकि प्रगट भी माळ बुटुन; 41 सप्पा लॉकुर मा ईला लेकीन आ गवाहगोळ मा यारी परमेश्वर पयले टु नविळुस कौडीदुन, मतलब नाम मा यार आऊन सोत्तुर दा टु जतिता आगदुर बाददा आऊन सांगुळ तनिदेव कुळदेव; 42 अदकि आव नामी आग्या कोट्टुन कि लॉकुर दा प्रचार माळी अदकि गवाही कोळी, कि ईव आवा हुन यारी परमेश्वर जीवति अदकि सोतकु लॉकुरद न्यायी ठहरूस्यान. 43 आऊंद सप्पा भवषियवक्ता गवाही कोळतार किजो यावारा आऊन मा वशिवास माळ्यान, आऊक आऊंद हेसुर इन ताकत इन द्वारा पापगोळ्द माफ सकिकीत.”

गैरयहूदीगोळ मा पवतिर आत्मा ईळुत

44 पतरस ई मातगोळी अनतेला अच ईरोन कि पवतिर आत्मा वचन इन सप्पा केळावाळेर मा ईळुकु बतत. 45 अदकि यास यहूदी वशिवासी जो याफा टु पतरस उन सांगुळ बंदीदुर, आंदुर सप्पा चकति आदुर कि गैरयहूदीगोळ मा भी पवतिर आत्मा अनूद दान पलटुस्कु आग्याद. 46 यतकी आंदुर आंदरी अलग अलग भाषा माताळत अदकि परमेश्वर उन बळाई माळत केळदुर. इदुर मा पतरस अंदुन, 47 “येन यावारा इंदरी नीर देल बपतस्मा ताकोमली रोक्स सकतान, यारी नाम घाई पवतिर आत्मा सकियाद?” 48 अदकि आव आग्या कोट्टुन कि आंदरी यीशु मसीह अनूद हेसुर देल बपतस्मा कोटकु आगुल, आग आंदुर पतरस से वनिती माळदुर कि आव येनारा दनि अदकि आंदुर सांगुळ ईरूल.

11

पतरस उन यरूशलेम इन मंडली अक तान क्याल्सागोळ बारा दा हेळोद

1 बाक प्रेरतिगोळ अदकि वशिवासी वार्दुर जो यहूदिया दा ईरोर केळदुर कि गैरयहूदीगोळ भी परमेश्वर उन वचन मान्स कौडार. 2 इदुरसाटी याग पतरस यरूशलेम दा बंदुन, रा यहूदी वशिवासी खतना माळ्द लॉकुर आऊन से झगळा माळली कुरतुर, 3 “नी खतना ईला माळ्द गैरयहूदी लॉकुर मान्या होगकु आंदुर सांगुळ तदि.” 4 आग पतरस आंदरी सुरूवात टु येन येन आत अद सप्पा हेळदुन: 5 “ना याफा नगर दा प्रार्थना माळीन, आग ऊंद दर्शन नोळदीन कि ऊंद वस्तु, धोळ्द चादर इन घाई नाकु क्वाना टु लटकुस्द, आकाश टु ईळुकु नान हात्ती बतत. 6 याग ना अदुर मा ध्यान माळदीन, रा अदुर्दा पृथ्वी इन नाक कालवाळा पालतु पशुगोळ अदकि वनपशु अदकि रोगसावाळा जन्तु अदकि आकाश इन पक्षी नोळदीन; 7 अदकि ईद शब्द भी केळदीन, ‘हे पतरस येळ, कोनन अदकि तनि!’ 8 लेकीन ना अंदीन, ‘ईला प्रभु, ईला; यतकी यातोदु अपवतिर या अशुध्द भोजन नान बाय दा यागलु होगीदील.’ 9 इदुर उत्तर दा आकाश टु दुसरा घन आवाज आत, ‘जो येनारा परमेश्वर शुध्द ठहरूस्यान, अदरी अशुध्द अनबाळ.’ 10 मुर घन हांगा आत; आग सप्पा येनारा बाक आकाश

मा जेडुकु आगेत. 11 अदकि नोळी, तुरन्त मुर मंळसा जो कैसरया टु नान हात्ती कळुकु आगीदुर, आ मान्या यल नाव ईरेव, बंदकु नदिरदुर. 12 आग आत्मा नान से आंदुर सांगुळ बनि संकोच देल आगली हेळत, अदकि याफा दा टु आर वशिवासी वारदुर भी नान सांगुळ कैसरया बंदुर; अदकि नाव कुरनेलयिस उन मान्या होदेव. 13 कुरनेलयिस नामी हेळदुन, क्वा आव ऊंद स्वरगदूत उक तान मान्या नदिरकु नोळदुन, याव आऊन से अंदुन, 'याफा दा यातारा मंळसा अक कळुकु शमौन उक जो पतरस कहलुस्तान, कारसुस बुळ. 14 आव नीम से हगि मातगोळी अंदान, यार द्वारा नीनी अदकि अपमान सप्पा परवार इक उदधार सकिकीत.' 15 याग ना मातगोळी हेळली कुरतीन, रा पवतिर आत्मा आंदुर मा अदा रीर्ता देल ईळुत याता रीर्ता देल सूरवात दा नाम मा ईळदीत. 16 *आग नानी प्रभु उन अद वचन याद बत्त; जो आव अंददुन, 'बपतसिमा कोळावाळा यूहनना रा नीर देल बपतसिमा कोट्टुन, लेकीन नीमी पवतिर आत्मा देल बपतसिमा सकिकीत.' 17 इदुरसाटी याग परमेश्वर गैरयहूदीगोळी भी अदा दान कोट्टुन, जो नामी प्रभु यीशु मसीह मा वशिवास माळदुर देल सकिकीत; रा ना याव ईरीन जो परमेश्वर उक रोकस सकीन?"

18 ईद केळकु आंदुर अपमान माळोद बंद माळकु, अदकि परमेश्वर उन बळाई माळकु अनली कुरतुर, "आग रा परमेश्वर गैरयहूदीगोळी भी जीवन इन साटी मन तरिगुसोद दान कोटान."

अन्ताकिया अन्द मंडली

19 *वशिवासीगोळ दा टु थ्वाळासा लॉकुर आ दुख इन मारा देल जो स्तफिनस उन मृत्यु उन समय दा बदीत, ततिर बतिर आगेगीदुर, आंदुर वयाळत-वयाळत फनीकी अदकि साइप्रस अदकि अन्ताकिया दा बंदुर; लेकीन यहूदीगोळी बटिकु यारीकु वचन ईला केळसतोगोर. 20 लेकीन आंदुर दा टु थ्वाळासा साइप्रस नवासी अदकि कुरेनी ईरोर, जो अन्ताकिया दा बंदकु गैरयहूदीगोळी भी प्रभु यीशु उन खुशखबरी इन मातगोळी केळसली कुरतुर. 21 प्रभु उन सामर्थ्य आंदुर सांगुळ ईरोद, अदकि हापाळ लॉकुर वशिवास माळकु प्रभु उन दी तरिगदुर.

22 याग आंदुर चर्चा यरूशलेम इन मंडली अन्द केळदुर दा बत्त, रा आंदुर बरनबास उक अन्ताकिया कळुदुर. 23 याग आव अल पोहचुसदुन अदकि नोळदुन क्वा परमेश्वर लॉकुरी हयांग आशषीत माळ्यान, अदकि आव खुश आदुन अदकि आंदुर से वनिती माळदुन क्वा तान सप्पा मन इन सांगुळ पुरा सच्चाई देल अदकि वशिवासयोग्य प्रभु उन सांगुळ बन्सकु ईरी. 24 बरनबास ऊंद वळ्लेव मंळसा ईरोन, अदकि पवतिर आत्मा अदकि वशिवास देल परपुर्ण ईरोन; अदकि अन्य हापाळ सा लॉकुर प्रभु दा बंदकु मलिसदुर.

25 आग आव शाऊल उक नोळोर साटी तरसुस नगर इक होटोदुन. 26 याग आव आऊन से मलिसदुन रा आऊक अन्ताकिया तंदुन; अदकि हगि आत क्वा आंदुर ऊंद वर्ष ताका मंडली अन्द सांगुळ सकोर अदकि हापाळ सा लॉकुरी उपदेश कोळतेला ईत्तुर; अदकि सब से पयले अन्ताकिया दा ईदा चेलागोळी मसीह अंदकु आत.

27 अवा दनिगोळ दा थ्वाळासा भवषियवक्ता यरूशलेम टु अन्ताकिया बंदुर. 28 *आंदुर दा टु अगबुस हेसुर इन ऊंद मंळसा नदिरकु आत्मा अन्द अगुवाई दा भवषियवाणी माळदुन क्वा सप्पा दुनिया दा धोळद अकाल बदिदीत. अद अकाल क्लौदयिस उन समय दा बत्त. 29 आग चेलागोळ नरिणय माळदुर क्वा हर ऊंद तान तान पूंजी इन अनुसार यहूदिया दा ईरावाळे वशिवासी वारदुर मदत अन्द साटी येनारा कळुल. 30 आंदुर हांगा माळदुर; अदकि बरनबास अदकि शाऊल उन कय मंडली अन्द स्याणागोळ हात्ती थ्वाळासा पैस्या कळुदुर.

12

अदकि छल

1 आ समय हेरोदेस राजा मंडली अन्द थ्वाळासा सदस्यगोळी सतुसोद सूरवात माळदुन. 2 आव यूहनना अन्द वार्ट याकूब उक तलवार देल कोनसुस बुट्टुन. 3 याग आव नोळदुन क्वा यहूदी लॉकुर आऊन से खुश आगतार, रा आव पतरस उक भी हुडुकोडुन. अवा दनि अखमीरी रोटी इन हाब्व

ईनव दनि ईरव. 4 आव पतरस उक हुडुकु बंदीगृह दा हाकदुन, अदकि रखवाली माळोर साटी नाक नाक सपिाहीगोळ्द नाक समुह माळीदुन; ईद वचिार देल का फसह अन बाद्दा आऊक लाँकुर मुंद तरूल. 5 बंदीगृह दा पतरस बंद ईरोन; लेकीन मंडली आऊन साटी मन हचकु परमेश्वर से प्रार्थना माळोद.

पतरस उन बंदीगृह दा टु बळोद

6 याग हेरोदेस आऊक लाँकुर मुंद तरली ईरोन, अदा ईळ्ळकी पतरस येढ्ढ शंकलीगोळ देल कटकु येढ्ढ सपिाहीगोळ्द बीच दा मगिन; अदकि पहेरेदारगोळ दरवाजा मा बंदीगृह अन्द रखवाली माळोर. 7 रा नोळी, प्रभु उन ऊंद स्वर्गदूत बंदकु नदिरदुन अदकि आ कोठरी दा ज्योतीचमकुस्त, अदकि आव पतरस उन पासळी मा कय बळकु आऊक येदुन अदकि अंदुन, “येळ, जल्दी माळ.” अदकि आऊन कयगोळ दा टु शंकलीगोळ बटिकु बदिोदव. 8 आग स्वर्गदूत आऊन से अंदुन, “नेळु कट, अदकि तान केरू हाक्क कोम.” आव हांगा माळदुन. बाक स्वर्गदूत आऊन से अंदुन, “तान कपळा हाक्कु नान हींद आगोग.” 9 पतरस होटकु आऊन हींद नळुत नळुत बंदीगृह टु व्हार्या बंदुन; लेकीन ईद ईला जानसोन का जो येनारा स्वर्गदूत माळेत्यान अद सही आद, लेकीन ईद सम्सदुन का ना दर्शन नोळेतान. 10 आग आंदुर पयला अदकि दुसरा पहरा टु होटकु आ लोवा अन्द फाटक मा पोहचुसदुर, जो नगर दी हादी होगतद. अद फाटक आंदुर साटी तान ताना खुलसेत, अदकि आंदुर होटकु ऊंद अच गली टु आगकु ऊंद हादी मा बंदुर, अदकि तुरन्त अच स्वर्गदूत आऊक बटिकु होटोदुन.

11 आग पतरस सावधान आगकु अंदुन, “ईग ना जान्स कौडीन का प्रभु तान स्वर्गदूत कळुकु नानी हेरोदेस उन कय देल अदकि यहूदीगोळ्द सप्पा आशा टु बळिस बुट्टुन.”

12 ईद जान्सकु पतरस आ यूहन्ना अन्द मोय मरयिम इन मान्या बंदुन, जो मरकुस कहलुसतान. अल हापाळ सा लाँकुर जमा आगकु प्रार्थना माळोर. 13 याग आव फाटक इन खळिकी ठोकुसदुन, रा रूदे हेसुर इन ऊंद दासी दरवाजा तेरोर साटी बंदुर. 14 पतरस उन शब्द केळकु आक खुशी अन मारा देल फाटक तेर्ददिल, लेकीन ओळकु बुळ्क होदुर अदकि हेळदुर का पतरस दरवाजा मा नदिरकु आन. 15 आंदुर आकनि से अंदुर, “नी यर्र आय.” लेकीन आक हमिमत माळकु अंदुर का हिगि अच आद, “आग आंदुर अंदुर आऊन स्वर्गदूत आगीदान.”

16 लेकीन पतरस ठोकुसतेला अच ईत्तुन: आखरी दा आंदुर खळिकी खोलुसदुर, अदकि आऊक नोळकु चकति ईतोदुर. 17 आग आव आंदरी कय देल इशारा माळदुन का चुप ईरूल; अदकि आंदरी हेळदुन का प्रभु याता रीता देल आऊक बंदीगृह दा टु तेगुकु तंदान. बाक अंदुन, “याकूब अदकि बाकी वशिवासी वारट्टुरी ईद मात हेळ बुळेतीर.” आग होटकु येल्यारा दुसरा जागा अक होटोदुन.

18 हुंजकुका अच सपिाहीगोळ दा बळा हलचल मचुसेत का पतरस उन येन आत.

19 याग हेरोदेस सपिाहीगोळ से आऊन खोज माळोद आदेश कोट्टुन लेकीन पतरस सक्कीदील, रा पहेरेदारगोळ जाँच माळकु आग्या कोट्टुन का आंदरी कौदकु आगुल: अदकि आव यहूदिया अक बटिकु कैसरिया दा होगकु ईरली कुरतुन अदकि अल आव थ्वाळासा समय बतिसदुन.

हेरोदेस उन सायोद

20 हेरोदेस सूर अदकि सैदा अन्द लाँकुर से हापाळ सट्टि दा ईरोन. इदुरसाटी आंदुर ऊंद समुह माळकु राजा से मलिसली बंदुर, पयले आंदुर बलास्तुस उक जो राजा अन्द ऊंद सेवक ईरोन, समझुसकु मेल माळोद चाहासदुर; यतकी हेरोदेस राजा अन्द द्याश देल आंदुर द्याश इन पालन पोषण आगतोगोद.

21 ठहरूसद दशिी हेरोदेस राजा अन कपळा हाक्कु सहिसन मा कुरतुन, अदकि आंदरी भाषण कोळली कुरतुन. 22 आग लाँकुर चलिळास कुरतुर, “ईद रा मळसा अन्द ईला परमेश्वर उन आवाज हुन.” 23 अदा घळी प्रभु उन ऊंद स्वर्गदूत तुरन्त आऊक बळदुन, यतकी आव परमेश्वर उक महिमा कोटीदील; अदकि आव कळिा हतकु सोतोदुन अदकि अव कळिागोळ आऊक तनिली हतदव.

24 लेकीन परमेश्वर उन वचन लगातार वाळुस्त अदकि फैलुसतेला होत.

25 याग बरनबास अदकि शाऊल यरूशलेम दा तान क्याल्सा पुरा माळकु यूहन्ना अक जो मरकुस कहलुस्तान, सांगुळ हुडुकु अन्ताकिया वापस बंदुर.

13

बरनबास अदकि शाऊल उक नविळुसोद अदकि कळोद

1 अन्ताकिया अन्द मंडली दा कई भवषियवक्ता अदकि गुरु ईरोर; जसा: बरनबास, शमौन जो (नीगर) करेव कहलुस्तान; अदकि लूकयुस कुरेनी, अदकि मनाहेम जो हेरोदेस शासक उन सांगुळ दा धोडेर आदुन, अदकि शाऊल. 2 याग आंदुर उपास सहति प्रभु उन स्यावा माळोर, रा पवतिर आत्मा आंदुर से अन्त, “नान साटी बरनबास अदकि शाऊल उक आ क्याल्सा अन्द साटी अलग माळी यार साटी ना आंदरी कार्सीन.”

3 आग आंदुर उपास अदकि प्रार्थना माळकु अदकि आंदुर मा कय ईटकु आंदरी सार माळदुर.

कुप्रा दा बरनबास अदकि शाऊल

4 इदुरसाटी बरनबास अदकि शाऊल पवतिर आत्मा अन कळुद सल्लूकिया अक होदुर; अदकि अल टु जहाज मा कुरतकु साइप्रस इक होदुर; 5 अदकि सलमीस दा पोहचुसकु, परमेश्वर उन वचन यहूदीगोळ्द सभागृहगोळ दा केळसदुर. यूहन्ना जो मरकुस कहलुसोन, मदत माळावाळा अन रूप दा आंदुर सांगुळ ईरोन.

6 आंदुर आ सप्पा टापू दा आगतेला पाफुस ताका पोहचुसदुर. अल आंदरी बार-यीशु हेसुर इन ऊंद यहूदी जादूगर अदकि ख्वाटा भवषियवक्ता सकिदुन. 7 आव शासक सरिगयुस पौलुस उन संगी ईरोन, जो बुद्धमिान मंळसा ईरोन. आव बरनबास अदकि शाऊल उक तान हात्ती कारूकु परमेश्वर उन वचन केळोद चाहासदुन. 8 लेकीन इलीमास जादूगर, यतकी गैरयहूदीगोळ दा ईदा आऊन हेसुर इन मतलब आद, आंदुर वरिध माळकु शासक उक वशिवास माळोर से रोकसोद चाहासदुन. 9 आग शाऊल यार्द हेसुर पौलुस भी आद, पवतिर आत्मा देल परपिर्ण आगकु इलीमास जादुगर उन दी टकटकी हचकु नोळदुन अदकि अंदुन, 10 “हे सप्पा कपट अदकि सप्पा चतुराई देल तुमकु शैतान उन औलाद, सप्पा न्यायीपन अन्द दुश्मन, येन नी प्रभु उन सरका हादीगोळी वाकळा माळोद बळितीदील? 11 ईंग नोळ, प्रभु उन कय नीन वरिध दा येदोग्याद; अदकि नी थ्वाळासा समय ताका कुढ ईत्या अदकि सुर्य अन्द उजुळ नोळतीदलि.”

आग तुरन्त धूंधरापन अदकि अंधार आऊन कण्णगोळ मा छासेत, अदकि आव ईत्त आत्त ताळु कुरतुन ताकी यावारा आऊन कय हुडुकु आऊक संभाळसुल. 12 आग शासक जो येनारा अल आगीत अदरी नोळकु अदकि प्रभु उन उपदेश देल चकति आगकु वशिवास माळदुन.

पसिदिया अन्द अन्ताकिया दा

13 पौलुस अदकि आऊन संगी पाफुस टु जहाज इन द्वारा पंफूलिया प्रदेश इन परिगा नगर दा बंदुर; अदकि यूहन्ना आंदरी बटिकु यरूशलेम इक होटोदुन. 14 परिगा नगर टु मुंद वाळुसकु आंदुर पसिदिया अन्द अन्ताकिया दा पोहचुसदुर; अदकि आराम इन दनि यहूदी लाँकुरद सभागृह दा होगकु कुरतोदुर. 15 मूसा अन्द व्यवस्था अदकि भवषियवक्तागोळ कतिाब देल वाचुसदुर बाददा यहूदी लाँकुरद सभागृह अन्द अधिकारीगोळ आंदुर हात्ती बातणी कळुदुर, “हे वार्दुरा अदकि आकतींगेरा, नाव चाहासतेव किल्लोँकुरी प्रोत्साहति माळोर साटी नीम मन दा येनारा मात आद रा अनी.”

16 आग पौलुस नदिरकु अदकि कय देल इशारा माळकु अंदुन, “हे इस्त्राएलगोळा, अदकि सप्पा गैरयहूदीगोळा जो परमेश्वर उन आराधना माळतीर, केळी: 17 ई इस्त्राएली लाँकुरद परमेश्वर नाम आप्प दादागोळी नीवळुस कोंडीदुन, अदकि याग ई लाँकुर मसिर् द्याश दा परदेशी आगकु ईरतोगोर, रा आंदुरद उन्नती माळदुन; अदकि धोळ्द सामर्थ्य देल आंदरी इजपित टु तेगुकु तंदुन. 18 आव येनारा चालीस वर्ष ताका रेगसितान दा आंदुरद सहन माळतेला ईत्तुन, 19 अदकि कनान द्याश दा येळ राष्ट्रगोळ्द नाश माळकु परमेश्वर अद पृथ्वी इस्त्राएल इन लाँकुरी अत्तरधिकारी इन रूप दा कोट बुट्टुन. 20 इदुर बाददा आव शमूएल भवषियवक्ता ताका आंदुर

दा न्यायी ठहूसदुन. 21 अदुर बाददा आंदुर ऊंद राजा बेळदुर: आग परमेश्वर चालीस वर्ष इन साटी बनियामीन इन जाती दा टु ऊंद मंळसा; मतलब कीश उन पार शाऊल उक आंदुर मा राजा ठहूसदुन. 22 बाक आऊक अलग माळकु दाऊद उक आंदुर राजा माळदुन; यार बारा दा आव गवाही कोट्टुन, 'नानी ऊंद मंळसा, यशै उन पार दाऊद, नान मन इन अनुसार सकिकेदुन; आवा नांद सप्पा इच्छा पुरा माळ्यान.' 23 दाऊद उन वंश दा टु परमेश्वर तान वादा अन्द अनुसार इस्त्राएल इन हात्ती ऊंद उद्धारकर्ता, मतलब यीशु उक कळुदुन. 24 *यीशु तान कार्यगोळद सुरूवात माळोर से पयले यूहन्ना सप्पा इस्त्राएलगोळ दा मन तरिगुसोद प्रचार माळदुन अदकि बपतस्मा माळदुन. 25 *याग बपतस्मा कोळावाळा यूहन्ना तांद स्यावा पुरा माळदुर मा ईरोन, रा आव अंदुन, 'नीव नानी येन समसतीर? ना आव आललच यार हादी नीव कायेतीर. उलटा नोळी, नान बाददा ऊंद बरावाळा आन, आऊन कालगोळ केरू उन बंध भी ना खोल्सा लायक हैलेच.'

26 'हे इस्त्राएली वारटुरा, नीव जो अब्राहम उन औलाद हुईर; अदकि सप्पा गैरयहूदी जो परमेश्वर उन आराधना माळतार, नीम हात्ती ई उद्धार इन वचन कळुकु आग्याद. 27 यतकी यरूशलेम इन ईरावाळेर अदकि आंदुर अधिकारीगोळ ना उद्धारकर्ता अक अरतुर अदकि ना भवषियवक्तागोळद अव मातगोळ जो हर ऊंद आराम इन दनि वाचुसकु आगतद आऊक समसत. अदकि यीशु उक दोषी ठहूसदुर द्वारा भवषियवक्तागोळद मातगोळी सही साबति माळद. 28 *आंदरी कोंद बुळोद लायक येनु दोष आऊन दा सकिकीदील, तरी भी पलातुस से वनिती माळदुर का आव कोंदकु आगुल. 29 *याग शास्त्र दा आऊन बारा दा लखिसद सप्पा मातगोळ आंदुर पुरा माळदुर, रा आऊक क्रूस मा टु ईळसकु कबर दा ईटदुर." 30 लेकीन परमेश्वर आऊक सोत्तुर दा टु जतिता माळदुन, 31 *अदकि आव आंदरी जो आऊन सांगुळ गलील टु यरूशलेम बंदीदुर, हापाळ दनिगोळ ताका काळसतेला ईत्तुन; इस्त्राएल लॉकुरद मुंद ईग आंदुर अच आऊन गवाह आर. 32 नाव नीमी आ वादा अन्द बारा दा जो नाम आप्प दादागोळ से माळकु आगीत, ईद खुशखबरी केळसतेव, 33 का परमेश्वर यीशु उक जतिता माळकु, अदा वादा नाम औलाद इन साटी पुरा माळदुन; ह्यांग भजन संहिता दा भी लखिसकु आद, नी नान पार हुय;

ईद ना अच नीनी पैदा माळीन.

34 अदकि परमेश्वर आऊक सोत्तुर दा टु जतिता माळकु येब्सदुन ताकी सळुसोर साटी कबर दा बदिकु ईला ईरूल, इदुरसाटी आव ईद अंदुन, ना नीनी पवतिर अदकि अटल आशीष कोळाईन

जो ना दाऊद उन सांगुळ वादा माळीन.

35 इदुरसाटी आव भजन संहिता दा भी अंदान, नी तान वशिवासयोग्य सेवक उक कबर दा सळुस गोळतीदील.

36 यतकी दाऊद रा परमेश्वर उन इच्छा अन्द अनुसार तान समय दा स्यावा माळकु सोतोदुन, अदकि तान आप्प दादागोळ सांगुळ दा नळसकु आदुन, अदकि आऊन मय कबर दा सळुसेत. 37 लेकीन यारी परमेश्वर सोत्तुर दा टु जतिता माळदुन, आव सळुसीदील. 38 इदुरसाटी, हे नान इस्त्राएली संगीगोळा, नीव जान्स कोमी का यीशु उन द्वारा पापगोळद माफ अन्द बातणी नीमी कोटकु आगतद; 39 अदकि याता मातगोळ दा नीव मूसा अन्द व्यवस्था अन्द द्वारा पापगोळ देल मुक्त आग सकालीर, अवा सप्पा दा हर ऊंद यीशु मा वशिवास माळावाळा पापगोळ देल मुक्त आगतान. 40 इदुरसाटी सावधान ईरी, हगि आगबाळुल का जो भवषियवक्तागोळ कतिब दा बंदाद, नीम मा भी अद घटुस बाळुल:

41 हे अपमान माळावाळेरा, नोळी, चकति आगी, अदकि सोतोगी; यतकी ना नीम दनिगोळ दा ऊंद क्याल्सा माळतीन,

हगि क्याल्सा का अगर यावारा नीम से आऊन बारा दा मातचीत माळुल,

* 13:24 १३:२४ मरकुस १:४; लूका ३:३ * 13:25 १३:२५ यूहन्ना १:२०; मत्ती ३:११; मरकुस १:७; लूका ३:१६; यूहन्ना १:२७
* 13:28 १३:२८ मत्ती २७:२२,२३; मरकुस १५:१३,१४; लूका २३:२१-२३; यूहन्ना १९:१५ * 13:29 १३:२९ मत्ती २७:५७-६१; मरकुस १५:४२-४७; लूका २३:५०-५६; यूहन्ना १९:३८-४२ * 13:31 १३:३१ प्रेरतिगोळ १:३

रा नीव यागलु वशिवास माळतीदील.

42 पौलुस अदकि बरनबास उन यहूदी सभागूह टु व्हार्या होळा समय लाँकुर आंदुर से वनिती माळली कुरतुर की अगला आराम इन दनि नामी ई मातगोळी बाक केळसकु आगुल. 43 याग सभा येदोत रा यहूदीगोळ अदकि गैरयहूदी मत दा बरावाळेर भक्तगोळ दा टु हापाळ सा पौलुस अदकि बरनबास इन हदि आगेदुर; अदकि प्रेरतिगोळ आंदुर से मातगोळी हेळकु प्रोत्साहति माळदुर की परमेश्वर उन अनुग्रह दा जीवन बन्सकु ईटी.

44 अगला आराम इन दनि नगर इन सप्पा लाँकुर परमेश्वर उन वचन केळोर साटी जमा आगेदुर. 45 लेकीन यहूदी भीळ इक नोळकु जलन देल तुम्मेदुर, अदकि अपमान माळतेला पौलुस उन मातगोळ्द वरिध दा अपशब्द अनली कुरतुर. 46 आग पौलुस अदकि बरनबास नडिर आगकु अंदुर, जरूरी ईरोद की परमेश्वर उन वचन पयले नीमी केळसकु आगाईत; लेकीन याग नीव अदरी टुकूस बुळतीर, अदकि खुद इक अनन्त जीवन इन योग्य ठहरूसालीर, रा नोळी, नाव नीमी बटिकु गैरयहूदी लाँकुर दी तरिगतेव. 47 यतकी प्रभु नामी ईद आग्या कोटान, ना नीनी गैरयहूदीगोळ साटी ज्योत ठहरूसीन, ताकी पुरा संसार ऊळसकु आगुल.

48 ईद केळकु गैरयहूदीगोळ खुश आदुर, अदकि परमेश्वर उन वचन इन बळाई माळली कुरतुर; अदकि यास अनन्त जीवन इन साटी ठहरूसकु आगीदुर, आंदुर वशिवास माळदुर.

49 आग प्रभु उन वचन आ सप्पा द्याश दा फैलुसली कुरत. 50 लेकीन यहूदीगोळ परमेश्वर उन आराधना माळावाळेर अदकि प्रसदिध गैरयहूदी आर्तेर इक अदकि नगर इन प्रमुख लाँकुरी उकसुसदुर, अदकि पौलुस अदकि बरनबास इन वरिध उपद्रव माळसुसकु आंदरी तान सीमा दा टु तेग्द बुटुर. 51 आग प्रेरति आंदुर मुंद आंदुर वरिध दा तान कालगोळ धुळा झाळसकु इकुनयिुम नगर इक होटोदुर. 52 अदकि अन्ताकयिा नोर वशिवासी पुरा खुशी देल अदकि पवतिर आत्मा देल परपुर्ण आगतेला होदुर.

14

इकुनयिुम दा पौलुस अदकि बरनबास

1 इकुनयिुम दा हगि आत की पौलुस अदकि बरनबास यहूदीगोळ्द सभागूहगोळ दा सांगुळल्या होदुर, अदकि ई प्रकार देल मातगोळी हेळदुर की यहूदीगोळ अदकि गैरयहूदीगोळ येदुदा दा टु हापाळ मुंदुर वशिवास माळदुर. 2 लेकीन वशिवास ईला माळावाळेर यहूदीगोळ गैरयहूदी लाँकुरद मन दा वशिवासी वार्दुर वरिध दा उकसुसदुर अदकि आंदुर मन दा कळवाहटपन पैदा माळ कौडुर. 3 पौलुस अदकि बरनबास हापाळ दनि ताका अल ईततुर, अदकि प्रभु उन बारा दा नरिभयता देल प्रचार माळत ईततुर आंदुरद द्वारा प्रभु अदभुत चनिह अदकि आश्चर्यगोळी माळसुसतेला तान अनुग्रह अन्द बातणी ईद पुरा सच्चाई देल आद इदरी प्रगट माळतेला ईततुन. 4 लेकीन नगर इन लाँकुर दा फूट बदिोत, इदुर देल यास रा यहूदीगोळ दी अदकि यास प्रेरतिगोळ्द दी आगेदुर.

5 आग थ्वाळासा गैरयहूदी अदकि यहूदी तान अधिकारीगोळ सांगुळ मलिसकु आंदुर सांगुळ बुरा व्यवहार माळली अदकि आंदुर मा कल्लगोळ भळोद चाल नळदुर. 6 आग पौलुस अदकि बरनबास उक ई मात इन पता नळुत आग आंदुर लुकाउनयिा अन्द लुस्त्रा अदकि दरिबे घाई नगरगोळ दा अदकि अदुरद आसपास इन क्षेत्त्रगोळ दा ओळदुर. 7 अदकि आंदुर अल खुशखबरी केळसली कुरतुर.

लुस्त्रा अदकि दरिबे दा पौलुस अदकि बरनबास

8 लुस्त्रा दा ऊंद मंळसा कुरतकु ईरोन, जो कालगोळ देल अपंग ईरोन. आव जनम टु अच लंगळा ईरोन अदकि यागलु नळु ईला सकोन. 9 आव पौलुस उक मातगोळी माळत केळोन. पौलुस आऊंद दी तार हचकु नोळदुन की आऊक वळ्लेव आगोद वशिवास आद, 10 अदकि धोळ शब्द देल अंदुन, “तान कालगोळ बल देल सीधा नदुर.” आग आव हारकु नळुली टेटाळली कुरतुन. 11 लाँकुर पौलुस उन ईद क्याल्सा नोळकु लुकाउनयिा अन्द भाषा दा धोळ्द आवाज देल अंदुर, “द्यावगोळ

✧ 13:51 १३:५१ मत्ती १०:१४; मरकुस ६:११; लुका ९:५; १०:११

मंळसागोळ्द रूप दा आगकु नाम हात्ती ईळ्ळु कु बंदार.” 12 आंदुर बरनबास उक ज्यूस, अदकि पौलुस उक हरिमेस अंदुर, यतकी पौलुस मातगोळ हेळदुर दा मुख्य ईरोन. 13 ज्यूस द्याव उन आ मंदरि इन पुजारी जो आंदुर नगर इन मुंद ईरोन, वस्ता अदकि फूलगोळ हार फाटकगोळ मा तनकु लॉकुर सांगुळ बलदान माळोद चाहासोन.

14 लेकीन बरनबास अदकि पौलुस प्रेरतिगोळ याग ईद केळदुर, रा तान कपळा हरदुर अदकि भीळ दा होदुर, अदकि कारूकु अनली कुरतुर, 15 “हे लॉकुरा, नीव ईद येती माळेतीर? नाव भी रा नीम घाई मंळसा हुयेव, अदकि नीमी परमेश्वर उन खुशखबरी केळसोर साटी नाव ईल आयेव, कनीव ई बेकार वस्तुगोळ देल अलग आगकु जतिता परमेश्वर उन दी तरिगी, याव स्वर्ग अदकि पृथ्वी अदकि समुद्र अदकि जो येनारा अऊर्दा आद माळदुन. 16 आव बतिसुद समयगोळ दा सप्पा लॉकुरी तान तान हादीगोळ दा नळु गोट्टुन. 17 लेकीन आव हमेशा भला क्यालसा माळदुर द्वारा तान असततिव अक प्रमाणति माळदुन: आव नीमी आकाश टु माळ कोट्टुन अदकि मौसम इन अनुसार फसल कोट्टुन; आवा नीमी तनिली कोळतान अदकि नीम दलिगोळी खुशी देल तुम्म बुळतान.” 18 ईद अनकु भी प्रेरतिगोळ लॉकुरी धोळ्द परेशानी देल रोक्सदुर क् आंदुर साटी बलदान माळबाळुल.

19 लेकीन येनारा यहूदीगोळ पसिदिया अन्द अन्ताकिया अदकि इकुनयिम टु बंदकु लॉकुरी तान दी माळ कोंडुर, अदकि पौलुस मा कल्लगोळ देल बळदुर, अदकि सोतकु समसकु आऊक नगर इन व्हार्या जेडुकु ओतुर. 20 पर याग चेलागोळ आऊन नाकु दी बंदकु नदिरदुर, रा आव यदकु मात्त नगर दा होदुन अदकि दुसरा दशी बरनबास उन सांगुळ दरिबे अक होटोदुन.

सीरया अन्द अन्ताकिया दा वापस बरोद

21 पौलुस अदकि बरनबास दरिबे नगर इन लॉकुरी खुशखबरी केळसकु, अदकि हापाळ सा चेलागोळी माळकु, लुस्त्रा अदकि इकुनयिम अदकि पसिदिया अन्द अन्ताकिया अक वापस बंदुर, 22 अदकि चेलागोळ मन इक संची माळ्त् ईत्तुर अदकि ईद प्रोत्साहन कोळोर क् विश्वास दा सच्चाई देल बन्सकु ईरी; अदकि ईद शकिषा कोळतोगोर, “नामी बळा दुख नेगुकु परमेश्वर उन राज्य दा प्रवेश माळोद आद.” 23 अदकि आंदुर हर ऊंद मंडली दा आंदुर साटी स्याणा लॉकुरी नयिकुत्त माळदुर अदकि उपास सहति प्रार्थना माळकु आंदरी प्रभु उन कय दा सौप्सदुर यार मा आंदुर विश्वास माळतोगोर.

24 आग पसिदिया टु आगतेला आंदुर पंफूलया पोहचुसदुर; 25 बाक परिगा दा वचन केळसकु अत्तलया दा बंदुर, 26 अदकि अल टु आंदुर जहाज मा अन्ताकिया होदुर, यल आंदुर आ क्यालसा अन्द साटी जो आंदुर पुरा माळीदुर परमेश्वर उन अनुग्रह दा कोटकु आगीदुर.

27 याग आंदुर अन्ताकिया बंदुर रा आंदुर मंडली अन लॉकुर जमा माळकु जो परमेश्वर आंदुर सांगुळ माळदुन अद केळसदुर अदकि हेळदुर क् ह्यांग परमेश्वर गैरयहूदीगोळ्द विश्वास माळोर साटी दरवाजा तेरदुन. 28 अदकि आंदुर विश्वासीगोळ सांगुळ हापाळ दनि ताका अल ईत्तुर.

15

यरूशलेम इन सभा

1 बाक थ्वाळासा लॉकुर यहूदिया टु अन्ताकिया बंदकु विश्वासी वार्टुरी कल्सली हतदुर: “अगर मूसा अन्द व्यवस्था अन अनुसार नीम्द खतना ईला आगाईत रा नीमी उद्धार सकि सकाल.” 2 इदुर बारा दा पौलुस अदकि बरनबास आंदुर से सहमत ईला ईरोर ईदा कारण देल आंदुर सांगुळ आंदुरद हापाळ धोळ्द झगळा आत रा ईद टहूरसकु आत क् पौलुस अदकि बरनबास अदकि आंदुर दा टु थ्वाळासा संगीगोळ ई मात इन समाधान माळोर साटी प्रेरतिगोळ अदकि मंडली नोर स्याणा मंळसागोळ हात्ती यरूशलेम इक कळुकु आगुल.

3 इदुरसाटी मंडली आंदरी येनारा दुर ताका सफर माळोर साटी पोहचुसदुर; अदकि आंदुर फर्नीकी अदकि सामरीया टु आगतेला गैरयहूदी लॉकुर ह्यांग परमेश्वर उन दी तरिगदुर इदुरद जानकारी केळसतेला होदुर, अदकि ई जानकारी देल विश्वासी वार्टुर हापाळ खुश आदुर. 4 याग आंदुर यरूशलेम पोहचुसदुर, रा मंडली अदकि प्रेरति अदकि मंडली नोर स्याणा लॉकुर आंदुर स्वागत

माळदुर, अदकि आंदुर हेळदुर की परमेश्वर आंदुर सांगुळ आगकु येन-येन क्याल्सा माळीदुन. 5 लेकीन फरीसीगोळ समुह दा टु थ्वाळासा लॉकुर जो यार वशिवास माळीदुर, आंदुर यदकु अंदुर, “गैरयहूदीगोळद खतना आग अच पायजे अदकि आंदुर मूसा अन्द व्यवस्था अन पालन माळ पायजे.”

6 आग प्रेरति अदकि मंडली अन स्याणा लॉकुर ई मात इन बारा दा वचिर माळोर साटी जमा आदुर. 7 आग पतरस हापाळ झगळा आगदुर बाददा नदिरकु आंदुर से अंदुन, “हे वार्दुरा, नीव जानसतीर की हापाळ दनि पयले परमेश्वर नीम दा टु नानी नीवळुस कोंडुन की नान बाय देल गैरयहूदीगोळी खुशखबरी इन वचन केळसुसुल ताकी आंदुर केळकु वशिवास माळुल. 8 सप्पा मुंदुरद मन अरावाळा परमेश्वर आंदरी भी नाम घाई पवतिर आत्मा कोटकु आंदुर गवाही कोटकु आंदुरद संबंध दा तान समर्थन दर्शुसदिन; 9 अदकि वशिवास इन द्वारा आंदुर पापगोळी माफ माळदुन आंदुरद अदकि नामद न्याड्या येनु भेदभाव ईटीदलि. 10 रा ईग नीव येती परमेश्वर उन परीक्षा माळतीर की वशिवासीगोळ कुतक्या मा हगि जुआळी ईटी, यारी ना नाम आप्प दादागोळ नेगु सकीदुर अदकि ना नाव नेगु सकतेव? 11 ईला, नामद ईद वशिवास आद की जसा ह्यांग नाम प्रभु यीशु उन अनुग्रह देल उद्धार आग्याद; हांगा आंदुरद भी आग्याद.”

12 आग सप्पा सभा चुपचाप बरनबास अदकि पौलुस उन केळली कुरतुर, की परमेश्वर आंदुर द्वारा गैरयहूदीगोळ दा ह्यांग धोळ धोळ चमत्कार अदकि अदभुत क्याल्सा तोरसदुन. 13 याग आंदुर चुप आदुर रा याकूब अनली कुरतुन, हे वार्दुरा, अदकि आकतीगेरा, नांद केळी. 14 शमौन ईगल्या हेळदुन की परमेश्वर पयले गैरयहूदीगोळ मा ह्यांग कृपा दृष्टी माळदुन, की आंदुर दा टु तान हेसुर इन साटी ऊंद लॉकुर माळ कोमुल. 15 इदुर देल भवषियवक्तागोळ वचन भी समर्थन माळताव, जसा की शास्त्र दा लखिसकु आद,

16 इदुर बाददा ना मात्त बंदकु दाऊद उन

बदिकु राज्य मात्त स्थापति माळाईन,

अदकि आऊन खंडरगोळी मात्त

मजबूत कटाईन,

17 इदुरसाटी की मगिद मंळसागोळ, मतलब सप्पा

गैरयहूदी जो नान हेसुर इन कहलुस्तार, प्रभु अक दुंदसुल,

18 ईद आवा प्रभु अनतान जो दुनया अन उत्पत्ति देल ई मातगोळी प्रगट माळतेला बंदान.

19 “इदुरसाटी नान वचिर ईद आद की गैरयहूदीगोळ दा टु जो लॉकुर परमेश्वर उन दी तरिगतार, नाव आंदरी दुख कोळतीदिल; 20 बल्की नामी आंदुर हात्ती चट्टी लखिसकु कळु पायजे: की आंदुर भोजन तनिबाळुल जो प्रथा अन अनुसार अशुध्द आद यतकी अद मूर्तीगोळ मा येरसद हुन, व्यभचिर देल आंदुर दुर ईरूल अदकि कुतक्या ओतकु कोंद यातोदु पशु उन मास अदकि खुन तनिबाळुल. 21 यतकी स्याणा लॉकुर काल टु नगर नगर मूसा अन्द व्यवस्था अन्द प्रचार माळावाळेर आगत् बंदार, अदकि अद हर आराम इन दनि सभागृह दा वाचुसकु आगतद.”

गैरयहूदी वशिवासीगोळी चट्टी

22 आग सप्पा मंडली सहति प्रेरतिगोळ अदकि मंडली अन्द स्याणागोळ नश्चय माळदुर की नाम दा टु येनारा येदढ मंळसागोळी नीवळुसुल, मतलब यहूदा जो बरसब्बा कहलुस्तान, अदकि सीलास उक जो वार्दुर दा स्याणा ईरोन; अदकि आंदरी पौलुस अदकि बरनबास उन सांगुळ अन्ताकिया कळुल.

23 आंदुर आंदुरद कय दा ईद चट्टी लखिसकु कळुदुर: “अन्ताकिया अदकि सीरिया अदकि कलिकिया अन्द ईरावाळेर वार्दुर इक जो गैरयहूदीगोळ दा टु आर, प्रेरतिगोळ अदकि स्याणा लॉकुर वार्दुरद नमस्कार. 24 नाव ईद केळदेव की नाम दा टु यावारा आदेश हासलि माळद बनिा अच नाम दा टु थ्वाळासा लॉकुर होगकु, तान शब्दगोळ देल नीमी परेशानी अदकि दुख पोहचुस्यान. 25 नाव सप्पा मुंदुर आपस दा सहमत आगकु ईद नश्चय माळदेव की नाम दा टु

नविळुसद मंळसागोळी तान प्रयि बरनबास अदकि पौलुस उन सांगुळ नीम हात्ती कळेव. 26 ई हगि मंळसा आर यार तान जीव नाम प्रभु यीशु मसीह अनूद कयाल्सागोळ साटी जोखमि दा हाक्यार. 27 इदुरसाटी नाव यहूदा अदकि सीलास उक कळेव, जो मातगोळ नाव लखिसेतेव, आंदुर ऊंद आगकु नीमी ईवा मातगोळ हेळ्यार. 28 पवत्रि आत्मा अक अदकि नामी उचति जान्सकु बतित्ति की ई जरूरी मातगोळी बटिकु, नीम मा बोझ हाकबाळुल; 29 की नीव मूर्तीगोळ मा बली माळावाळेर से अदकि खुन देल, अदकि कुतक्या वत्त पशुगोळ्द मास देल, अदकि व्यभचार देल दुर ईरी. ईऊर से दुर ईरी रा नीमूद भला आदीत. नाम शुभकामनागोळ मुंद नीम सांगुळ ईरूल.”

30 बाक आंदुर सार आगकु अन्ताकया पोहचुसदुर, अदकि वशिवासीगोळ्द सभा अक जमा माळकु अद चट्टी आंदरी कोट्ट बुदुर. 31 आ लाँकुर चट्टी जोर देल वाचुसकु अद प्रोत्साहन सकिकावाळा बातणी इन द्वारा हापाळ खुश आगेदुर. 32 यहूदा अदकि सीलास जो खुद भी भवषियवक्ता ईरोर, हापाळ मातगोळ देल वारटुरी शकिषा कोटकु प्रोत्साहति अदकि संची माळदुर. 33 आंदुर येनारा दनि ईतकु, वशिवासी वारटुर आंदरी शांती देल आंदुर दा हात्ती वापस होगली वदि माळदुर जो आंदरी कळीदुर. 34* लेकीन सीलास उक अल ईरोद वळ्लीद हत.

35 लेकीन पौलुस अदकि बरनबास अन्ताकया दा ईतोदुर: अदकि अन्य हापाळ सा लाँकुरद सांगुळ प्रभु उन वचन केळसतेला ईत्तुर.

पौलुस अदकि बरनबास उन अलग आगोद

36 थ्वाळासा दनि बाद्दा पौलुस बरनबास से अंदुन, “या नगर दा नाव प्रभु उन वचन केळसीदेव, बरी, बाक आंदुर दा नळुकु तान वारटुरी अदकि आकतीगेरी नोळाता की आंदुर ह्यांग आर.” 37 आग बरनबास यूहन्ना अक जो मरकुस कहलुस्तान, सांगुळ हुडोद वचार माळदुन. 38* लेकीन पौलुस ईद वळ्लीद समसीदील की आऊक तान सांगुळ हुळदेव, यतकी यूहन्ना जो मरकुस कहलुस्तान, पंफूलिया टु आंदुर हात्ती वापस हदि तरिगेगदिन अदकि आंदुर स्यावा कार्य पुरा आगासताका आंदुर सांगुळ ईला ईरोन. 39 इदुर मा बरनबास अदकि पौलुस उन दा धोळ्द वरिध पैदा आगेत अदकि परणाम ईद सकित्ति की आंदुर आपस दा आबुर दाबुर से अलग आगेदुर; बरनबास, मरकुस उक हुडुकु जहाज मा साइप्रस होटोदुन. 40 लेकीन पौलुस सीलास उक नविळुस कोंडुन, अदकि वशिवासी वारटुर से परमेश्वर उन अनुग्रह दा कोटकु अल टु होटोदुन; 41 अदकि आव मंडलीगोळी संची माळतेला सीरिया अदकि कलिकिया टु आगतेला होटुन.

16

तीमुथयिस उन पौलुस अदकि सीलास उन सांगुळ होगोद

1 बाक पौलुस दरिबे अदकि लुसूत्रा दा भी होदुन. अल तीमुथयिस हेसुर इन ऊंद मसीह ईरोन, आऊन मोय यहूदी वशिवासी ईरोर, लेकीन आऊन आप्प गैरयहूदी ईरोन. 2 आव लुसूत्रा अदकि इकुनयिम उन वारटुर दा वळलेव मंळसा ईरोन. 3 पौलुस उन इच्छा ईरोद की तीमुथयिस आऊन सांगुळ बरूल; अदकि जो यहूदी लाँकुर आ जागागोळ दा ईरोर आंदुर कारण आव आऊंद खतना माळदुन, यतकी आंदुर सप्पा जानसोर, की आऊन आप्प गैरयहूदी ईरोन. 4 अदकि नगर नगर होगतेला आंदुर आ नयिमगोळी जो यरूशलेम इन प्रेरतिगोळ अदकि स्याणागोळ ठहरूसीदुर, मानसोर साटी आंदरी हेळकु आगोद. 5 ई प्रकार मंडलीगोळ वशिवास दा संची आगतेला होत अदकि संख्या दा रोज वाळुस्त होत.

त्रोआस दा पौलुस उन दर्शन

6 आंदुर फ्रूगिया अदकि गलातिया प्रदेशगोळ दा टु आगकु होदुर, यतकी पवत्रि आत्मा आंदरी आसयाि दा वचन केळसोर से मना माळत्त. 7 आंदुर मूसयाि अनूद सीमा अन हात्ती पोहचुसकु, बतूनिया क्षेत्र दा होगोद चाहासदुर; लेकीन यीशु उन आत्मा आंदरी इजाजत कोटीदील. 8 इदुरसाटी आंदुर मूसयाि टु आगकु त्रोआस दा बंदुर. 9 अल पौलुस ईळ्लकी ऊंद दर्शन नोळदुन

* 15:34 १५:३४ येनारा हस्तलेखगोळ दा ईद वचन सकाल्द ✱ 15:38 १५:३८ प्रेरतिगोळ १३:३३

कऱुंद मकदिनी मंळसा नदिरकु आऊन से वनिती माळकु अनेत्यान, “ईपाटी ईळुकु मकदिनयािा दा बा, अदकि नाम्द मदत माळ.” 10 आऊन ईद दर्शन नोळतेला अच नाव तुरन्त मकदिनयािा होगोद चाहासदेव, ईद सम्सकु कऱि परमेश्वर नामी आंदरी खुशखबरी केळसोर साटी कारस्यान.

फलिपिपी दा: लुदयािा अन्द मन-बदलुसोद

11 इदुरसाटी तुरोआस टु जहाज कुरतकु नाव सधािा सुमात्राके होदेव अदकि दुसरा दशीिा नयािापुलसिा दा बंदेव. 12 अल टु नाव फलिपिपी पोहचुसदेव, जो मकदिनयािा द्याश इन मुख्य नगर अदकि रोमीगोळ्द ऊर हुन; अदकि नाव आ नगर दा थवाळासा दनि ताका ईत्तेव. 13 आराम इन दनि नाव नगर इन फाटक इन व्हार्या गांगा अन्द कनिरा ईद सम्सकु होदेव कऱि अल प्रार्थना माळोद जागा ईतीदाद, अदकि कुरतकु आ आर्तेर से जो जमा आगीदुर, मातगोळी माळली कुरतेव. 14 लुदयािा हेसुर इन थुआतीरा नगर इन जांभळा रंग इन कपळा मारावळत ऊंद भक्त आर्त केळोर. प्रभु आकनि मन खोलसदुन कऱि आक पौलुस उन मातगोळ मा मन हचुल. 15 याग लुदयािा तान घराना समेत बपतस्मा ताकोडुर, रा आक नाम से वनिती माळदुर, “अगर नीव नानी प्रभु उन वशि्वासनी समसतीर, रा नळुकु नान मान्या ईरी,” अदकि आक नामी मान्सकु ओतुर.

पौलुस अदकि सीलास बंदीगृह दा

16 ऊंद दशीिा याग नाव प्रार्थना माळोद जागा मा होगेव, रा नाम मुलाकात ऊंद हारोद आर्त दासी से आत यारदा भवषिय हेळावाळा दुष्टआत्मा ईरोद; अदकि लॉकुरद भवषिय हेळदुर देल स्वामीगोळ साटी हापाळ पैस्या कमसकु तरतोगोद. 17 आक पौलुस उन दी नाम हींद बंदकु चलिळासली कुरतुर, “ई मंळसा परमप्रधान परमेश्वर उन दास हुय, जो नामी उद्धार इन हादी इन कात्ता केळसतार.” 18 आक हापाळ दनि ताका हगि अच माळतेला ईत्तुर; लेकीन पौलुस परेशान आदुन, अदकि पलटुसकु आ दुष्टआत्मा से अंदुन, “ना नीनी यीशु मसीह अन्द हेसुर देल आग्या कोळतीन कऱि आकनि दा टु होटबुळ.” अदकि अद आत्मा अदा घळी होट बुळत. 19 याग आ पोेर इन स्वामीगोळ नोळदुर कनि नाम्द कमाई इन आशा होग्त् ईत्त, रा पौलुस अदकि सीलास उक हुळकु चौक दा प्रधानगोळ हात्ती जेडुकु ओतुर; 20 अदकि आंदरी रोमन अधिकारीगोळ हात्ती ओतुर अदकि अंदुर, “ई लॉकुर जो यहूदी आर, नाम नगर दा बळा अशांती फैलुसेत्यार; 21 अदकि हगि रीतरिा रवाजगोळी कलसेत्यार, यारी ग्रहण माळोद या मानसोद नाम रोमीगोळ साटी वळलीद हैलेच अदकि नाव ईदुर्द पालन भी माळ सकालेव अदकि मान्स भी सकालेव.”

22 आग भीळ इन लॉकुर आंदुर्द वरिध दा जमा आगकु पौलुस अदकि सीलास उन मा येरतेला बंदुर, अदकि शासकगोळ आंदुर कपळा हरदुर अदकि अदकि आंदरी कोळागोळ बडोद आग्या कोट्टुर. 23 हापाळ कोळा बळसुसकु आंदुर आंदरी बंदीगृह दा हाक बुटुर अदकि दरोगा अक आग्या कोट्टुर कऱि आंदरी कळक बंदोबस्त दा ईटुल. 24 आऊक हगि आग्या सक्तेला अच आव आंदरी बुळक इन कोठरी दा ईटदुन अदकि आंदुर कालगोळ कोल इक टोक्स बुटुन.

25 आर्धा ईळ्लक इन लगभग पौलुस अदकि सीलास प्रार्थना माळतेला परमेश्वर उन भजन हाळोर, अदकि कैदी आंदुर्द केळोर. 26 इटुर दा अचानक धोळद भूकम्प बत्त, ईल ताका कऱि बंदीगृह अन्द पायवा हालुसेदव अदकि तुरन्त सप्पा दरवाजा खुलसेदव; अदकि सप्पा कैदीगोळव बंधन खुलसेदव. 27 दरोगा जप दा टु येददुन, अदकि बंदीगृह अन्द दरवाजा खुला नोळकु सम्सदुन कऱि कैदी ओळेग्यार, इदुरसाटी आव तलवार तेगुकु तान तान इक कौद बुळोद चाहासदुन. 28 लेकीन पौलुस धोळ शब्द दा कारूकु अंदुन, “तान तान इक येनु हानपिहचुसबाळ, यतकीिा नाव सप्पा ईल्या आयेव.”

29 आग बंदीगृह अन्द दरोगा दगिया कार्सदुन अदकि राटनेरी बुळक होदुन, अदकि अंजुक देल नळ्गतेला पौलुस अदकि सीलास उन मुंद बदिदुन; 30 अदकि आंदरी व्हार्या तनकु अंदुन, “हे सज्जनगोळा, उद्धार सक्किोर साटी ना येन माळाईन?”

31 आंदुर अंदुर, “प्रभु यीशु मसीह मा वशि्वास माळ, रा नीनी अदकि नीन घराना अक उद्धार सक्किीत.” 32 अदकि आंदुर आऊक अदकि आऊंद सप्पा मान्ना अन्द लॉकुरी प्रभु उन वचन केळसदुर. 33 ईळ्लकी अदा घळी दरोगा आंदरी ओतकु आंदुर्द जखमगोळी तोळदुन, अदकि आव

तान सप्पा घराना समेत तुरन्त बपतसिमा ताकोडुन. 34 आग आव पौलुस अदकि बरनबास उक तान मान्या ओतकु आंदुर मुंद भोजन ईटदुन, अदकि सप्पा घराना समेत परमेश्वर मा वशिवास माळकु खुशी माळदुन.

35 याग हागुल आत आग रोमन शासकगोळ तान सपिाहीगोळ अधिकारीगोळ्द कय देल बातणी कळुदुर का आ मळसागोळी बटि बुळी.

36 दरोगा ईद मातगोळी पौलुस से अंदुन, “शासकगोळ नीमी बटि बुळोद आग्या कळु बुटार. इदुरसाटी ईग होटकु शांती देल होटोगी.”

37 लेकीन पौलुस सपिाहीगोळ अधिकारीगोळ से अंदुन, “आंदुर नामी जो रोमी मळसा आर, दोषी ठहरूस्द बनिा लाँकुर मुंद बळदुर अदकि बंदीगूह दा हाकदुर. ईग येन नामी चुपचाप तेगेत्यार? हगि ईला; लेकीन आंदुर खुद बंदकु नामी व्हार्या तेगुल.”

38 सपिाहीगोळ्द अधिकारीगोळ ई मातगोळ्द रोमी शासकगोळी जानकारी कोट्टुर, अदकि आंदुर ईद केळकु का पौलुस अदकि सीलास रोमन नागरीत्वावाळेर लाँकुर उर, अंजेदुर, 39 आग रोमन अधिकारीगोळ बंदकु आंदुर से माफ वनिती माळदुर, अदकि आंदरी बंदीगूह टु व्हार्या तनकु नगर बटिकु होगली हेळदुर. 40 पौलुस अदकि सीलास बंदीगूह टु होटकु लुदया अनंद ईल होदुर, अदकि वशिवासी वार्दुर से भेट माळकु आंदरी प्रोत्साहन कोटकु होटोदुर.

17

थसिसलुनीके नगर दा

1 बाक पौलुस अदकि सीलास अम्फपुलसि अदकि अपुल्लोनया आगकु थसिसलुनीके दा बंदुर, यल यहूदीगोळ्द ऊंद यहूदी लाँकुर्द सभागूह ईरोद. 2 पौलुस तान रीता इन अनुसार सभागूह दा होदुन, अदकि मुर आराम इन दनि नयिम शास्त्रगोळ देल यहूदी लाँकुर सांगुळ झगळा माळदुन; 3 अदकि अऊर अर्थ आसान भाषा दा समझुस तोगोन का मसीह अक दुख नेगोद, अदकि सोततुर दा टु जतिता माळोद, जरूरी ईरोद; अदकि “ईवा यीशु यार्द बारा दा ना नीमी हेळतीन, मसीह हुन.” 4 आंदुर दा टु येनारा लाँकुर वशिवास माळदुर अदकि पौलुस अदकि सीलास उन सांगुळ मीलुसेदुर. परमेश्वर उन आराधना माळावाळेर हापाळ पुरा गैरयहूदीगोळ भी आंदुर दा मीलुसेदुर, ईदुर दा मुख्य आर्तेर भी ईरोर,

5 लेकीन यहूदीगोळ जलन देल तुमकु बाजारू लाँकुर दा टु येनारा दुष्ट मळसागोळी तान सांगुळ दा हुळदुर, अदकि भीळ जमा माळकु नगर दा हल्ला मचुसली कुरतुर, अदकि यासोन उन मानना मा चढाई माळकु अदकि कोशशि माळली कुरतुर का ह्यांगारा तरी पौलुस अदकि सीलास उक लाँकुर मुंद तंदेव. 6 आंदरी अल ईला नोळकु आंदुर ईद चलिळासतेला यासोन अदकि येनारा वशिवासी वार्दुरी नगर इन शासकगोळ मुंद जेडुतेला तंदुर अदकि अंदुर, “ई लाँकुर यार सप्पा दी मुसीबत पैदा माळ बुटार, आंदुर नाम नगर दा भी होट बंदार. 7 अदकि यासोन आंदरी तान मानया ईट्यान. ई सप्पा च्या सप्पा ईद अनतार का यीशु राजा आन, अदकि कैसर उन नयिमगोळ्द वरिध माळतार.” 8 आंदुर लाँकुरी अदकि नगर इन शासकगोळी ईद केळसकु भळकुस बुटुर. 9 इदुरसाटी आंदुर यासोन अदकि बाकी लाँकुर से जमानत ताकोमकु आंदरी बटि बुटुर.

बरीया नगर दा

10 वशिवासी वार्दुर तुरन्त ईळलक इन ईळलक इच पौलुस अदकि सीलास उक बरीया कळु बुटुर; अदकि आंदुर अल पोहचुसकु यहूदीगोळ्द सभागूह दा होदुर. 11 आ लाँकुर रा थसिसलुनीके अनंद लाँकुर से भला ईरोर, अदकि आंदुर धोळ लालसा देल वचन ग्रहण माळदुर, अदकि रोज शास्त्रगोळ दा अध्ययन माळ माळकु नोळेर का जो ई मातगोळ पौलुस हेळदुन अव सही आव का ईला. 12 अदकि इदुर परणाम स्वरूप हापाळ सा यहूदीगोळ अदकि मानवाईक यूनानी आर्तेर मळसागोळ भी वशिवास ग्रहण माळदुर. 13 लेकीन याग थसिसलुनीके अनंद यहूदी जान्स कोंडुर का पौलुस बरीया दा भी परमेश्वर उन वचन केळसतान, रा अल भी बंदकु लाँकुरी भळकुसली अदकि दंगा माळली कुरतुर. 14 आग वशिवासी वार्दुर तुरन्त पौलुस उक वदिा माळदुर का समुद्र अनंद

कनिरा होटोगुल; लेकीन सीलास अदकि तीमुथयिस अल्या ईतोदुर. 15 पौलुस उक वशिवासी वारदुर एथेंस ताका ओतुर; अदकि सीलास अदकि तीमुथयिस उन साटी आंदुर पौलुस उन से ईद आग्या ताकोमकु वदि आदुर क् आंदरी नान हात्ती जल्दी से जल्दी कळुल.

एथेंस नगर दा

16 याग पौलुस एथेंस दा तीमुथयिस अदकि सीलास उन हादी कायोन, अदकि एथेंस नगर इक मूर्तीगोळ देल तुमकु नोळकु आव हापाळ नरिश आगेदुन. 17 इदुरसाटी आव यहूदी लॉकुरद सभागृह दा यहूदीगोळ अदकि गैरयहूदीगोळ जो परमेश्वर उन आराधना माळतोगोर, अदकि चौक दा होगा बरावाळेर लॉकुर आऊन से सकितोगोर आंदुर से हर रोज झगळा माळतोगोन.

18 आग इपक्रीरी अदकि स्तोईकी गुरुगोळ दा टु थ्वाळासा गुरु आऊन से तर्क माळली कुरतुर, अदकि येनारा अंदुर, “ईव अग्यानी येन अनोद चाहासतान?” लेकीन दुसरा अंदुर, आव “अन्य देवतागोळ्द प्रचारक मालूम बळितान.” यतकी आव यीशु उन अदकि आऊन पुनरूत्थान इन खुशखबरी केळसतोगोन. 19 आग आंदुर पौलुस उक तान सांगुळ अरयिपगुस इन नगर दा ओतुर अदकि केळदुर, “येन नाव जान्स सकतेव क् ईद व्हाशोद शक्शा जो नी हेळत्या, येन हुन? 20 यतकी नी अनोखा मातगोळी नामी केळसत्या, इदुरसाटी नाव जानसोद चाहासतेव क् ईऊरद अर्थ येन आद.” 21 इदुरसाटी क् सप्पा एथेंसवासी अदकि परदेशी जो अल ईरतोगोर, सप्पा आऊन व्हासा व्हासा मातगोळी केळली अदकि हेळदुर दा समय बतिसतोगोर.

22 आग पौलुस अरयिपगुस उन नगर इन सभा अन न्याड्या दा नदिरकु अंदुन, हे एथेंस इन लॉकुरा, ना नोळतीन क् नीव हर प्रकार देल धार्मिक आईर. 23 यतकी ना नगर दा टेटाळतेला याग नीमद आराधना माळोद जागागोळी नोळीन, रा ऊंद हगि वेदी भी नोळदीन, यदुर मा लखिसकु ईरोद, अनजाना परमेश्वर उन साटी. इदुरसाटी यार्द नीव बनि नोळ्द आराधना माळतीर, ना नीमी आऊंद बारा दा हेळतीन. 24 *या परमेश्वर पृथ्वी अदकि अदुर सप्पा वस्तुगोळी माळदुन, आव स्वर्ग अदकि पृथ्वी इन स्वामी आन, अदकि आव कय इन माळ्द मंदरिगोळ दा ईरालुन; 25 ना यातोदु वस्तु उन जरवत इन कारण मंळसागोळ्द कयगोळ्द स्यावा ताकोमतान, यतकी आव खुद अच सप्पा मुंदरी जीवन अदकि श्वास अदकि सप्पा येनारा कोळतान. 26 आव ऊंद अच मंळसा द्वाारा पुरा मंळसागोळ्द पैदा माळदुन अदकि सप्पा पृथ्वी मा आव ईरसकुल इदुरसाटी आव माळदुन. अदकि आव पयले टुच लॉकुरद समय नश्चिति माळ कोडान अदकि आंदुर नवास इन यल आंदुर ईरतार अदुरद सीमागोळी कट बुट्टुन, 27 ईद इदुरसाटी माळदुन क् लॉकुर परमेश्वर उक दुंढमुल, आग सकतद क् आंदुर आऊन ताका पोहचुस्कु हासलि माळ कोमुल, तरी भी आव नाम दा टु यारदु से दुर हैलेच. 28 जसा यावारा अंदान क् नाव आऊंदा जत्तिता ईरतेव, अदकि नळुतेला वयाळतेला ईरतेव, अदकि आऊन दा अच नाम अस्तत्तिव आद.

ईदा प्रकार खुद नीमद अच थ्वाळासा कवगिोळ भी अंदार, नाव रा आऊंदा औलाद हुयेव.

29 इदुरसाटी परमेश्वर उन औलाद आगकु नामी ईद समसोद उचति हैलेच क् परमेश्वर उन दविय रूप वहान्ना या पैस्या या कल्ल इन घाई आद, जो मंळसा अन्द कारीगरी अदकि कल्पना देल माळकु आगीदाव. 30 “इदुरसाटी परमेश्वर याग लॉकुर परमेश्वर उक ईला जानसोर आ समयगोळ मा ध्यान कोटीदील, लेकीन ईग हर जागा सप्पा मंळसागोळी मन तरिगुसोद आग्या कोळतान. 31 परमेश्वर ऊंद दनि नश्चिति माळ्यान आ दशी आव तान नविळुसुद ऊंद मंळसा अन द्वाारा सच्चाई देल दुनया अन न्याय माळ्यान अदकि ई मात इन प्रमाण आव आ मंळसा अक सोत्तुर दा टु जत्तिता माळकु सप्पा मुंदरी कोटान.”

32 सोत्तुर दा टु जत्तिता आगेदुन इन मात केळकु थ्वाळासा लॉकुर पौलुस से मज्याक माळली कुरतुर, लेकीन दुसरा थ्वाळासा लॉकुर अंदुर, “नाव ईद मातगोळ नीन से केळोद चाहासतेव.” 33 ईदुर मा पौलुस आंदुर न्याड्या दा टु होटबुट्टुन. 34 लेकीन थ्वाळासा मंळसा आऊन सांगुळ मीलुसेदुर,

अदकि विश्वास माळदुर; यारदा दयिनुसयिस जो नगर सभा अन सदस्य ईरोन, अदकि दमरसि हेसुर इन ऊंद आरुत ईरोर, अदकि आंदुर सांगुळ मातत दुसरा लॉकुर ईरोर.

18

कुरन्थुस नगर दा पौलुस

1 इदुर बाददा पौलुस एथेस नगर इक बटिकु कुरन्थुस नगर दा बंदुन. 2 अल आऊक अक्वलिा हेसुर इन ऊंद यहूदी सकिदुन, यारद जनम पुन्तुस दा आगीत. आव तान हगिस प्रसिकलिला अनूद सांगुळ इटली टु ईग ईग अच बंदीदुन, यतकी क्लौदयिस सप्पा यहूदीगोळी रोम टु होट्ट बुळोद आग्या कोटीदुन. इदुरसाटी आव आंदुर अल होदुन. 3 आंदुर ऊंदा ऊजूया ईरतोगोर अदकि आंदुर क्याल्सा ऊंदा ईरोद आंदुर तान कमाई इन साटी तम्बू माळोद क्याल्सा माळतोगोर. 4 आव हर ऊंद आराम इन दनि यहूदी लॉकुरद सभागृह दा झगळा माळकु यहूदीगोळ अदकि गैरयहूदीगोळी भी समझुस तोगोन.

5 याग सीलास अदकि तीमुथयिस मकदिनया टु बंदुर, रा पौलुस वचन केळसदुर दा पुरा समय कोट्टुन अदकि यहूदीगोळी गवाही कोळली कुरतुन की यीशु उच मसीह हुन. 6 लेकीन याग आंदुर वरिध अदकि अपमान माळली कुरतुर, रा आव तान कपळा झाळसकु आंदुर से अंदुन, “नीम सायोद कारण नीव खुद आईर! ना नरिदोष आईन. अदकि इदुर जमिंदार ना हैलेच, ईग टु ना गैरयहूदीगोळद हाती होगईन.” 7 अल टु होटकु आव तीतुस यूस्तुस हेसुर इन परमेश्वर उन आराधना माळावाळा ऊंद मंळसा अनूद मान्या बंदुन; यारद मान्ना यहूदी सभागृह टु हतकु ईरोद. 8 आग सभागृह अन सरदार क्रसिपुस तान सप्पा घराना समेत प्रभु मा विश्वास माळदुन; अदकि हापाळ सा कुरन्थुवासी ईद बातणी केळकु विश्वास माळदुर अदकि बपतसिमा ताकोडुर.

9 प्रभु ऊंद ईळलकी दर्शन इन द्वारा पौलुस से अंदुन, “अंजबाळ, उलटा अनतेला ईर अदकि सुंगा ईरबाळ; 10 यतकी ना नीन सांगुळ आईन, अदकि याऊ नीन मा चढाई माळकु अपमान हाना माळतीदील; यतकी ई नगर दा नान हापाळ सा लॉकुर आर.” 11 इदुरसाटी आव आंदुरदा परमेश्वर उन वचन कल्सतेला दळि वर्ष ताका ईत्तुन.

12 याग गल्लियो अक अखाया द्याश इन शासक माळकु आत, आग यहूदी लॉकुर ऊंद आगकु पौलुस मा येरतेला बंदुर, अदकि आऊक न्याय आसन इन मुंद तंदुर, 13 अदकि अनली कुरतुर, “ईव लॉकुरी समझुस्तान की परमेश्वर उन उपासना हगि रीति देल माळी, जो नाम्द व्यवस्था अनूद वपिरीत आद.”

14 याग पौलुस माताळदुर मा अच ईरोन, रा गल्लियो यहूदीगोळ से अंदुन, “हे यहूदीगोळा, अगर ईद येनारा अन्याय या दुष्टता अनूद मात आगाईत, रा उचति ईरोद की ना नीमूद केळायदनि. 15 लेकीन अगर ईद झगळा शब्दगोळ, अदकि हेसुरगोळ, अदकि नीम खुद इन व्यवस्था अनूद बारा दा आद, रा नीव अच खुद सुलझुसी; यतकी ना ई मातगोळद न्यायी बनसोद चाहासालीन.” 16 अदकि आव आंदरी न्याय आसन इन मुंद टु तेगसुसबुदुन. 17 आग सप्पा लॉकुर सभागृह अन अध्यक्ष सोस्थनिस उक हुळकु न्याय आसन इन मुंद बळदुर. लेकीन गल्लियो ई मातगोळ मा ध्यान कोटीदील.

अन्ताकिया अक वापस होगोद

18 पौलुस हापाळ दनि ताका कुरन्थुस दा ईत्तुन. बाक विश्वासी वार्दुर से वदिा ताकोमकु जहाज देल सीरया होदुन आग आऊन सांगुळ प्रसिकलिला अदकि अक्वलिा भी ईरोर. पौलुस कखिरया दा तान मुंडन माळदुन, यतकी आव ऊंद मन्नत बेळीदुन. 19 आव इफसिस पोहचुसकु प्रसिकलिला अदकि अक्वलिा अक अल बट्टुन, अदकि खुद सभागृह दा होगकु यहूदीगोळ से झगळा माळली कुरतुन. 20 याग अलेर लॉकुर आऊन से वनिती माळदुर, “नाम सांगुळ अदकि थ्वाळासा दनि ईर.” रा आव स्वीकार माळीदील; 21 लेकीन ईद अनकु आंदुर से सार आदुन, “अगर परमेश्वर चाहास्यान रा ना नीम हात्ती मातत बराईन.” आग आव इफसिस टु जहाज मा कुरतकु होटोदुन;

22 अदकि कैसरिया दा ईळुकु यरूशलेम इक होदुन अदकि मंडली अक मुलाकात माळकु अन्ताकिया दा बंदुन. 23 बाक येनारा दनि अन्ताकिया दा ईतकु गलातिया अदकि फरूगिया क्षेत्त्र टु आगतेला होट्टुन, अदकि सप्पा चेलागोळी वशिवास दा संची माळतेला तरिगदुन.

इफसिस अदकि कुरनिथुस दा अपुल्लोस

24 अपुल्लोस हेसुर इन ऊंद यहूदी ईरोन, यार्द जनम सकिन्दरिया दा आगीत, जो अक्कलवाळा मळसा ईरोन अदकि शास्त्र अक वळ्ळीद तरीका देल जानसोन, इफसिस दा बंदुन. 25 आव प्रभु उन हादी इन शिक्षा ताकोडदिन, अदकि मन हचकु अदकि पुरा उत्साह देल यीशु उन बारा दा वळ्ळीद-वळ्ळीद केळसोन अदकि कलसोन, लेकीन आव सरिफ यूहन्ना अनन्द बपतसिमा अनन्द मात जानसोन. 26 आव सभागृह दा नडिर आगकु माताळली कुरतुन, लेकीन प्रसिकलिला अदकि अक्वला आऊंद मातगोळी केळकु आऊक तान मान्या ओतुर अदकि परमेश्वर उन हादी आऊक मात वळ्ळीद-वळ्ळीद हेळदुन. 27 याग अपुल्लोस नशिचय माळदुन क आपपारी ईळुकु अखाया अक होदेव इफसिस उन वशिवासी वार्दुर आऊन हमिमत वाळुसदुर अदकि अखाया अन अनुयायीगोळी आऊन स्वागत माळोर साटी ऊंद चट्टी कळुदुर; अदकि आव अल पोहचुसकु आ लॉकुरद बळा सहायता माळदुन जो परमेश्वर उन अनुग्रह अन कारण वशिवास दा बंदीदुर. 28 यतकी आव शास्त्र देल प्रमाण कोट कोटकु क यीशु उच मसीह हुन, धोळ प्रबलता देल यहूदीगोळद सप्पा मुंदुर मुंद बोलती बंद माळत ईत्तुन.

19

इफसिस नगर दा पौलुस

1 याग अपुल्लोस कुरनिथुस दा ईरोन, रा पौलुस म्याकुच इन सप्पा प्रदेश टु यात्रा माळतेला इफसिस दा बंदुन. अल आऊक थ्वाळासा चेलागोळ सकिदुर

2 आव आंदुर से केळदुन, “येन नीव वशिवास माळावती पवतिर आत्मा अक नोळदीर?” आंदुर आऊन से अंदुर, “नाव रा पवतिर आत्मा अनन्द चर्चा भी केळीदील.”

3 आव आंदुर से अंदुन, “रा बाक नीव यार्द बपतसिमा ताकोडीर?” आंदुर अंदुर, “यूहन्ना अनन्द बपतसिमा.”

4*पौलुस अंदुन, यूहन्ना आंदरी बपतसिमा कोट्टुन क आंदुर तान पापगोळ देल तरिगुल, क जिो नान बाददा बरावाळा आन, आऊन मा मतलब यीशु मा वशिवास माळेतीर.

5 ईद केळकु आंदुर प्रभु यीशु उन हेसुर दा बपतसिमा ताकोडुर. 6 याग पौलुस आंदुर मा कय ईटदुन, रा पवतिर आत्मा आंदुर मा ईळुत, अदकि आंदुर अलग-अलग भाषा माताळली अदकि भवषियवाणी माळली कुरतुर. 7 इंदुर सप्पा लगभग हन्नेळ मळसा ईरोर.

8 आव यहूदी सभागृह दा होगकु मुर तगिळ ताका नडिर आगकु माताळतेला ईत्तुन, अदकि परमेश्वर उन राज्य अनन्द बारा दा झगळा माळतेला अदकि समझुसतेला ईत्तुन. 9 लेकीन याग येनारा लॉकुर कठोर आगकु आऊंद मान्सीदील उलटा लॉकुर मुंद ई हादी अक बेकार अनली कुरतुर, रा आव आंदरी बटि बुटुन अदकि चेलागोळी अलग माळ बुटुन, अदकि रोज तुरन्नुस उन शिक्षा अन मान्ना दा झगळा माळतोगोन. 10 येद्व वरष ताका ईदा आगतेला ईत्त, ईल ताका क आसिया नोर ईरावाळेरे येन यहूदी येन गैरयहूदी सप्पा प्रभु उन वचन केळ कोडुर.

स्केवा अन पार

11 परमेश्वर पौलुस उन कयगोळ देल सामर्थ्य अनन्द अनोखा कयाल्सा तोरसतोगोन. 12 ईल ताका किरूमाल अदकि गमछा आऊन मय देल स्पर्श माळसुसकु बमिरगोळ मा हाकतोगोर, अदकि आंदुर बमिरीगोळ होग्त ईरतोगोव; अदकि दुष्टआत्मागोळ आंदुर दा टु होट बुळतोगव. 13 लेकीन येनारा यहूदी जो झाळ फुक माळत टेटाळोर, आंदुर प्रभु यीशु मसीह अन हेसुर इस्तेमाल माळली कुरतुर आंदुर दुष्टआत्मागोळी अनतोगोर, “या यीशु उन प्रचार पौलुस माळतान, ना नीमी आ

* 19:4 १९:४ मत्ती ३:११; मरकुस १:४,७,८; लूका ३:४,१६; यूहन्ना १:२६,२७

यीशु उन हेसुर देल आग्या कोळतीन.” 14 अदकि स्क्कवि हेसुर इन ऊंद यहूदी प्रधान याजक उन येळ चकिोर ईरोर, जो हगि माळतोगोर.

15 लेकीन दुष्टआत्मा आंदरी उत्तर कोळ्त, “यीशु उक ना अरूतीन, अदकि पौलुस उक भी अरूतीन, लेकीन नीव यार हुईर?”

16 अदकि आ मंळसा यारदा दुष्टआत्मा ईरोद आंदुर मा हावी आगकु अदकि आंदरी वश दा तनकु, आंदरी हगि बडुत की आंदुर ऊगळा अदकि घायल आगकु आ मान्या टु होटकु ओळदुर. 17 ईद मात इफसिस इन ईरावाळेर सप्पा यहूदी अदकि गैरयहूदी भी जान्स कोंडुर, अदकि आ सप्पा मुंदुर दा अंज्क तुममेत; अदकि प्रभु यीशु उन हेसुर इन बळाई आत. 18 यार वशिवास माळीदुर, आंदुर दा टु हापाळ मुंदुर बंदकु तान तान बेकार क्याल्सागोळी मान्स कोंडुर अदकि अल बंदुर. 19 जादू माळावाळेर दा टु हापाळ मुंदुर तान तान पोथळीगोळी जमा माळकु सप्पा मुंदुर मुंद होताक बुदुर, अदकि याग अऊरद दाम जोळ्सकु आत, रा पचास हजार बेळ्ली इन सक्कागोळ बराबर होळ्त. 20 ई प्रकार प्रभु उन वचन बलपूर्वक फैलुस्त अदकि मजबूत आगतेला होत.

इफसिस नगर दा दंगा

21 याग ई मातगोळ आगेदव रा पौलुस मन दा ठान्सदुन कि मकदिनया अदकि अखाया टु आगकु यूरुशलेम इक होगार्न, अदकि अंदुन, “अल होगदुर बाददा नानी रोम इक भी नोळोद जरूरी आद.” 22 इदुरसाटी तान स्यावा माळावाळेर दा टु तीमुथयुस अदकि इरास्तुस उक मकदिनया कळुकु खुद थ्वाळासा दनि आसया दा ईतोदुन.

23 आ समय इफसिस दा प्रभु उन हादी इन बारा दा बळा हंगामा आत. 24 अल बेळ्ली इन क्याल्सा माळावाळा देमेत्रयुस हेसुर इनव ऊंद सोनार ईरतोगोन आव देवी अरतमिसि इन बेळ्ली इन मंदरि माळतोगोन, यदुर देल कारीगरगोळी हापाळ फायदा सकितोगोद. 25 आव आंदरी अदकि हगि अच वस्तुगोळ्द कारीगरगोळी जमा माळकु अंदुन, “हे मंळसागोळा, नीव जान्सतीर की ई क्याल्सा देल नामी याट धन सकितद. 26 नीव नोळतीर अदकि केळतीर की सरिफ इफसिस अच दा ईला, उलटा सप्पा आसया क्शेत्तर दा ईद अन अनकु ई पौलुस हापाळ सा लॉकुरी समझुसदुन, की जो कय इन कारीगरी आद, आंदुर परमेश्वर आल्लच. 27 इदुर देल ईग सरिफ ईदा मात इन अच अंज्क हल्लेच की नाम ई धंदा अनद महत्व होग्त् ईत्तीत, उलटा ईद की महान देवी अरतमिसि इन मंदरि तुच्छ समसकु आदीत, अदकि यारी सप्पा आसया अदकि दुनया पुजा माळतद आकनि महत्व भी होग्त् ईत्तीत.”

28 आंदुर ईद केळकु सट्टि देल तुममेदुर अदकि चलिळास चळिलासकु अनली कुरतुर, इफसिगोळ अरतमिसि देवी, महान आर! 29 अदकि सप्पा नगर दा धोळ्द हंगामा मचुसेत, अदकि लॉकुर गयुस अदकि अरसिर्खुस उक जो पौलुस उन संगी यात्री ईरोर जो मकदिनया टु बंदीदुर, आंदरी हुळ्द बुदुर, अदकि नाटक घर दा ओतुर. 30 याग पौलुस लॉकुर हात्ती बुळ्क होगोद चाहासदुन रा चेलागोळ आऊक होग गोटीदील. 31 आसया नोर शासकगोळ दा टु भी आऊन कई संगीगोळ आऊन हात्ती बातणी कळुदुर अदकि वनिती माळदुर की नाटक घर दा होगकु जोखमि नेगुबाळेत. 32 अल यावारा येनारा चलिळासोन रा यावारा येनारा, यतकी सभा दा बळा गळबळी आगोद, अदकि हापाळ सा लॉकुर रा ईद जानसोर भी ईला की नाव यदुर साटी जमा आगेव. 33 आग आंदुर सकिन्दर उक, यारी यहूदीगोळ नदिरसदुर, भीळ दा टु मुंद वाळुसदुर. सकिन्दर कय देल इशारा माळकु लॉकुर मुंद खुद इन बचाव इन साटी भाषण कोळोद चाहासोन. 34 लेकीन याग आंदुर जान्स कोंडुर की आव यहूदी हुन, रा सप्पा च्या सप्पा ऊंद आवाज देल कम से कम येढ्ढ तास ताका चलिळासतेला ईत्तुर, “इफसिगोळ अरतमिसि, महान आर.”

35 आग नगर इन लेखा जोखा ईटावाळा लॉकुरी शांत माळकु अंदुन, “हे इफसिस इन लॉकुरा, येन दुनया दा हगि यावारा मंळसा आन जो जान्सालुन की इफसिगोळ नगर इन महान देवी अरतमिसि, मंदरि इन अदकि स्वरुग टु बळिवाळा पवतिर कल्ल इन रक्षा माळावळ्त उर. 36 इदुरसाटी जब की ई मातगोळ्द खंडन अच आगसकाल, रा उचति आद की नीव शांत ईरी अदकि बनि सोचद समद येनु माळबाळी. 37 यतकी नीव ई मंळसागोळी तंदीर जो ना मंदरि इन लुटसावाळेर आर ना नाम

देवी इन अपमान माळावाळेर उर. 38 अगर देमेत्रयुस अदकि आऊन संगी कारीगरगोळी यारदारा से शकियत आद रा कचेरी खुला आद अदकि शासक भी आन; अल होगकु आंदुर आबुर दाबुर मा आरोप हचुल. 39 लेकीन अगर नीव यातोदारा दुसरा मात इन बारा दा येनारा केळोद चाहास्तीर, रा कानूनी सभा दा फैसला माळकु आदीत. 40 यतकी ईद इन दंगा अनंद कारण नाम मा दोष हचुद अंजक आद, इदुरसाटी कि इदुर येनु कारण हैलेच, अदकि नाव ई भीळ इन जमा आगोद येनु उत्तर कोळ सकालेव.” 41 ईद अनकु नगर इन लेखा जोखा कोळावाळा सभा अक सार माळदुन.

20

मकदिनया अदकि अखाया दा पौलुस

1 याग दंगा थामसेत रा पौलुस चेलागोळी कारसुसकु हमिमत वाळुसदुन, अदकि आंदुर से सार आगकु मकदिनया अनंद दी होटोदुन. 2 आ सप्पा प्रदेश दा टु आगकु अदकि चेलागोळी हापाळ उत्साहीत माळकु आव अखाया दा बंदुन. 3 याग मुर तगिळ ईतकु आव अल टु जहाज मा सीरया अन दी होगोन, रा यहूदी आऊक कोनली ताक दा हतकु ईरोर, इदुरसाटी आव ईद नश्चय माळदुन कमिदिनया आगकु वापस आगेगुल. 4 बरीया अनंद पुरसुस उन पार सोपतरुस अदकि थसिसलुनीके अनंद अरसितरुसुस अदकि सकिन्दुस, अदकि दरिबे अनंद गयुस, अदकि तीमुथयुस, अदकि आसया अनंद तुखकुस अदकि त्रुफमिस आसया ताका आऊन सांगुळ ईरोर. 5 आंदुर मुंद होटोदुर अदकि त्रुआस दा नाम हादी कायतेला ईत्तुर. 6 अदकि नाव अखमीरी रोटी इन हाब्व खतम आगदुर बाददा फलिपिपी टु जहाज देल होटकु अईद दनि इन बाददा त्रुआस दा बंदकु आंदुर से मुलाकात माळदेव, अदकि ऊद हप्ता अल्या ईत्तेव.

पौलुस उन त्रुआस दा आखरी मुलाकात

7 बाक नाव शण्यार इन द्यावगा याग ऊमोर साटी आपस दा जमा आदेव, रा पौलुस आंदुर से मातचीत हेळली कुरतुन, आऊक दुसरा दशी इच होगोद ईरोद, इदुरसाटी आव आर्धा ईळलक ताका मातगोळी हेळतेला ईत्तुन. 8 या म्याकुच इन कमरा दा नाव जमा ईरेव, अदुर दा हापाळ दगिया होत्तव. 9 अदकि यूतुसुस हेसुर इन ऊद हारोदव खळिकी मा कुरतकु भर जप्प देल डोलसोन. याग पौलुस हापाळ होत ताका मातगोळी हेळतेला ईत्तुन रा आव जप्प इन झवाका देल तसिरा मंजील मा टु ल्यालमा बदिदुन, अदकि याग आंदुर आऊक नेगदुर रा आव सोतोगीदुन. 10 लेकीन पौलुस ल्यालमा ईळदुन अदकि आऊन से लपटुसेदुन, अदकि कुतक्या हतकु अंदुन, “घबरूसबाळी; यतकी आव जत्तिता आन.” 11 अदकि पौलुस म्याकुच होगकु ऊंडुन अदकि ईट होत ताका आंदुर से मातगोळी हेळतेला ईत्तुन कि व्हातुर आगेत. बाक आव होटोदुन. 12 अदकि आंदुर आ हारोदव पार उक जत्तिता तंदुर अदकि हापाळ शांती सकित.

त्रुआस टु मलितुस इक होगोद

13 नाव पयले अच जहाज मा कुरतकु अस्सुस इक ईद वचिर देल मुंद होदेव कि अल टु नाव पौलुस उक सांगुळ हुडुकोडेव, यतकी आव ईद इदुरसाटी ठहरीसीदुन कि खुद अच पैदल बरोद चाहासोन. 14 याग पौलुस अस्सुस दा नामी सकिदुन रा नाव आऊक जहाज दा कुरसकु मलितुलेने नगर दा वळेदेव. 15 अल टु जहाज दा कुरतकु नाव दुसरा दशी खयुस नगर इन मुंद पोहचुसदेव, अदकि दुसरा दशी सामुस नगर दा बंदेव; बाक अदुर दुसरा दशी नाव मलितुस नगर दा बंदेव. 16 यतकी पौलुस इफसिस उन हात्ती टु आगकु होगोद नश्चय माळीदुन कि येल्यारा हगि आगबाळुल कि आऊक आसया दा समय हतुल; यतकी आव जल्दी दा ईरोन कि अगर आग सकुल रा आव पन्तिकुस्त हाब्व दशी यरूशलेम दा ईरूल.

पौलुस उन इफसिस उन स्याणागोळी आखरी भाषण

17 पौलुस मलितुस नगर टु इफसिस नगर दा बातणी कळुदुन, अदकि मंडली अनंद स्याणागोळी कारसुसदुन. 18 याग आंदुर आऊन हात्ती बंदुर, रा आव अंदुन: नीव जानसतीर कि पयला अच दशी टु याग ना आसया दा पहचुसदीन, ना हर समय नीम सांगुळ याता प्रकार देल ईत्तीन. 19 मतलब

बळा नम्रता देल, अदकि वरल वरलकु, अदकि आ परीक्षागोळ दा जो यहूदीगोळद साजीश इन कारण नान मा बंदकु बतित, ना प्रभु उन स्यावा माळतेला अच ईत्तीन; ²⁰ अदकि जो जो मातगोळ नीम फायदा नव ईरव, आंदरी हेळली अदकि लॉकुरद मुंद अदकि मानोन माननी कलसोर से यागलु हदि आगीदील, ²¹ उलटा यहूदीगोळ अदकि गैरयहूदीगोळद मुंद गवाही कोळत ईत्तुन क्तिपरमेश्वर उन दी मन तरिगुसोद अदकि नाम प्रभु यीशु मसीह मा वशिवास माळ पायजे. ²² ईग नोळी, ना पवतिर आत्मा अन आग्या अन अनुसार यरूशलेम इक होगतीन, अदकि जान्सालीन क्तिअल नान मा येन येन बतिसीत; ²³ ना रा बस ईट चाहासतीन क्तिहिर ऊंद नगर दा पवतिर आत्मा नानी चेतावनी कोळतद क्तिबंदीगृह अदकि मुश्कलि घळीगोळ नान हादी कायताव. ²⁴ *लेकीन ना तान जीव इक येनु समसालीन, सरिफ ईट चाहासतीन क्तिप्रभु यीशु उन कोळद क्तियाल्सा अक पुरा माळाईन, जो क्तियाल्सा आव नानी कोटान, अदकि अद क्तियाल्सा ईद क्तिपरमेश्वर उन अनुग्रह अन्द खुशखबरी इन घोषणा माळाईन.

²⁵ ना परमेश्वर उन राज्य अन प्रचार नीम सप्पा मुंदुर दा माळत ओयाळदनि, अदकि ना जानसतीन क्तिनीम दा टु नानी यावारा भी यागलु नोळ सकतीदलि. ²⁶ इदुरसाटी ना ईद इन दशिी पुरा रीत अदकि सफाई देल नीम से अनतीन, क्तिनीम नाश इन जमिमेदार ना आल्लच ना नरिदोष आईन. ²⁷ यतक्ती ना परमेश्वर उन पुरा योजना जो नीम साटी आव, पुरा रीतदिल हेळोर साटी हदि आगीदील. ²⁸ तान अदकि तान लॉकुरद पुरा गुट इन देखभाल माळावाळेर बनसी यतक्ती पवतिर आत्मा आंदुर दा टु नीमी आंदुरद च्तिता माळावाळा माळ्यान, क्तिनीव परमेश्वर उन मंडली अन्द रखवाली माळी, यारी आव तान खुन देल कौंडीदुन. ²⁹ ना जानसतीन क्तिनान होगदुर बाददा भयंकर लांडग्यागोळ नीम लॉकुर न्याड्या होक्केव अदकि अव ई भोला भाला लॉकुर गुट इक बळितीदील. ³⁰ हगि समय बंदीत क्तिनीमद अच न्याड्या दा टु भी हगि-हगि लॉकुर येददार जो चेलागोळी तान हींद जेडुली उलटा सधिा मातगोळी हेळ्यार. ³¹ इदुरसाटी सावधान ईरी, अदकि याद ईटेतीर क्तिना मुर वर्ष ताका ईळ्ल हागुल वरल वरलकु हर ऊंद मळसा अक कलसीन.

³² अदकि ईग ना नीमी परमेश्वर उक, अदकि आऊन अनुग्रह अन्द बातणी इन कय दा सोप्स बुळतीन; जो नीमी पवतिर माळ सकतान अदकि सप्पा लॉकुर दा सप्पा आशीष कोळ सकतान. ³³ ना यारदारा बेळ्ली, व्हानना या कपळा अन लालच माळीदील. ³⁴ नीव खुद अच जानसतीर क्तिईवा कयगोळ नान अदकि नान संगीगोळद जरवत पुरा माळदव. ³⁵ ना नीमी सप्पा येनारा माळकु तोरसदीन क्तिईद रीतदिल मेहनत माळतेला नरिबलगोळी संभालसोद अदकि प्रभु यीशु उन वचन याद ईटोद जरूरी आद, जो आव खुद अच अंददिन: ताकोमोर से कोळोद वळलीद आद.

³⁶ ईद अनकु पौलुस आंदुर सांगुळ ट्वांगरा टेक्सदुन प्रार्थना माळदुन. ³⁷ आग आंदुर सप्पा मुंदुर हापाळ वरलदुर अदकि पौलुस उन कृतक्या हुडुकु आऊन चुम्मा ताकोमली कुरतुर अदकि सार माळदुर. ³⁸ आंदुर खास माळकु ई मात देल शोक दा ईरोर जो आव अंददिन क्तिनीव नान मार्रा वाक नोळतीदलि. आग आंदुर आऊक जहाज ताका पोहचुसदुर.

21

पौलुस उन यरूशलेम इक होगोद

¹ याग नाव आंदुर से अलग आगकु जहाज खोलसदेव, रा सरका हादी देल कोस नगर दा बंदेव, अदकि दुसरा दशिी रूदुस दा अदकि अल टु पतरा दा होदेव. ² अल ऊंद जहाज फनीकी अक होगतेला सकित, अदकि नाव अदुर मा येरकु अदुर मा कुरतोदेव. ³ याग साइप्रस काळसत, रा नाव अदरी डाक्या कय दी बट्टेव, अदकि सीरिया अक नळुकु सूर दा ईळदेव; यतक्ती अल जहाज इन माल ईळसोद ईरोद. ⁴ अल नामी थ्वाळासा वशिवासीगोळ सकिदुर अदकि नाव अल येळ दनि ताका ईत्तेव. आंदुर आत्मा अन्द सामर्थ्य अन द्वारा पौलुस से अंदुर क्तियरूशलेम होगबाळेत. ⁵ वाक अल रूकसोद नाम समय पुरा आगेत, रा नाव आंदुर से वदिा ताकोमकु अल टु सार आगेदेव; अदकि सप्पा मुंदुर आर्तेर अदकि च्तिकोर समेत नामी नगर इन व्हार्या ताका पोहचुसदुर; अदकि नाव

कनिरा मा ट्वांगरा टेक्सकु प्रार्थना माळदेव, ⁶ आग आबुर दाबुर से वदि आगकु, नाव रा जहाज मा येरदेव अदकि आंदुर तान तान मान्नी वापस होटोदुर.

⁷ आग नाव सूर टु जलयात्रा पुरा माळकु पतुलमियसि दा पोहचुसदेव, अदकि वशिवासी वार्टुरी नमस्कार माळकु आंदुर सांगुळ ऊंद दनि ईत्तेव. ⁸ दुसरा दशी नाव अल टु नळुकु कैसरया दा बदेव, अदकि फलिपिपुस खुशखबरी प्रचारक उन मान्या जो नविळुसद वशिष येळ सेवकगोळ दा टु ऊंद ईरोन; होगकु आऊन मान्या ईत्तेव. ⁹ आऊन नाक कुवारा पोरगोळ ईरोर, जो परमेश्वर उन दी टु बरावाळा बातणी कोळतोगोर. ¹⁰ याग नाव अल हापाळ दनि ईत कोडेव, रा अगबुस हेसुर इन ऊंद भवषियवक्ता यहूदया टु बंदुन. ¹¹ आव नाम हात्ती बंदकु पौलुस उन पट्टा ताकोडुन, अदकि तान कय काल कटकु अंदुन, “पवतिर आत्मा ईद अनतद की याता मंळसा अनद ईद पट्टा हुन, आऊक यरूशलेम दा यहूदी ईदा रीतदिल कट्यार, अदकि गैरयहूदीगोळ कय दा सोपस्यार.”

¹² याग नाव ई मातगोळ केळदेव, रा नाव अदकि अलेर लॉकुर आऊन से वनिती माळदुर की यरूशलेम इक होगबाळुल. ¹³ लेकीन पौलुस उत्तर कोट्टुन, “नीव येन माळतीर, हगि वरूल वरूलकु नान मन मूरतीर? ना रा प्रभु यीशु उन हेसुर इन साटी यरूशलेम दा सरिफ कटकु आगोर साटी अच ईला उलटा सायोर साटी भी तयार आईन.”

¹⁴ याग आव मान्सीदिल रा नाव ईद अनकु चुप आगेदेव, “प्रभु उन इच्छा पुरा आगुल.”

¹⁵ अल काईक दनि ईत्तुर बाददा नाव तयारी माळदेव अदकि यरूशलेम इक होटोदेव. ¹⁶ कैसरया टु भी थ्वाळासा चेलागोळ नाम सांगुळ आगेदुर, अदकि नामी मनासोन हेसुर इन साइप्रस इन ऊंद हाळव चेला अनद मान्या तंदुर, की नाव आऊन मान्या इत्तेव.

पौलुस उन याकूब उन से मुलाकात

¹⁷ याग नाव यरूशलेम दा पोहचुसदेव, रा वशिवासी वार्टुर बळा खुशी इन सांगुळ नाम स्वागत माळदुर. ¹⁸ दुसरा दशी पौलुस नामी हुळकु याकूब उन हात्ती होदुन, यल सप्पा स्याणा लॉकुर जमा ईरोर. ¹⁹ आग पौलुस आंदरी नमस्कार माळकु, जो जो क्याल्सा परमेश्वर आऊन सेवकाई इन द्वारा गैरयहूदीगोळ दा माळीदुन, ऊंद ऊंद माळकु सप्पा हेळदुन. ²⁰ आंदुर ईद केळकु परमेश्वर उन महिमा माळदुर, बाक आऊन से अंदुर, “हे वार्ट पौलुस, नी नोळत्या की यहूदीगोळ दा टु कई हजार लॉकुर वशिवास माळदुर; अदकि सप्पा व्यवस्था अन साटी धुन हचकु आर. ²¹ आंदरी नीन बारा दा कल्सकु आग्याद की नी गैरयहूदीगोळ दा ईरावाळेर यहूदीगोळी मूसा अन व्यवस्था अक बटि बुळोद कल्सत्या, अदकि अनत्या, की ना तान चकिोर्द खतना माळसुसी अदकि ना रीतगोळ मा नळी. ²² रा बाक येन माळ पायजे? लॉकुर जरूर केळ्यार की नी बंद्या. ²³ इदुरसाटी जो नाव नीन से अनतेव, अद माळ. नाम ईल नाक मंळसा आर यार मननत बेळ्यार. ²⁴ आंदरी हुळकु आंदुर सांगुळ तान तान इक शुद्ध माळ; अदकि आंदुर साटी खर्चा माळ की आंदुर मुंडन आगुल. आग सप्पा जान्स कोडार की जो मातगोळ आंदरी नीन बारा दा हेळकु आग्याद, अऊर्दा येनु सच्चार्च हैलेच लेकीन नी खुद भी मूसा अन व्यवस्था अक मान्सकु अदुर अनुसार नळुत्या. ²⁵ लेकीन आ गैरयहूदीगोळद बारा दा यार वशिवास माळ्यार, नाव ईद नरिणय माळकु आंदरी चट्टी लखिसकु कळुदेव की आंदरी येनारा ईत्ता भोजन ईला तनि पायजे जो मूरतीगोळ मा बली येर्सकु आग्याद, अदकि खुन देल अदकि कुतक्या वत्त पशु उन मास देल, अदकि व्यभचार देल ऊळदकु ईरूल.”

²⁶ ई प्रकार पौलुस आ मंळसागोळी तान सांगुळ हुळदुन, अदकि दुसरा दशी आंदुर सांगुळ शुद्धीकरण इन रीत ईन अनुसार तान तान इक शुद्ध माळदुन अदकि मंदरि दा होदुन यल आव घोषणा माळदुन, की शुद्धीकरण इन दनि याग पुरा आदव अदकि नाम दा टु हर ऊंद मंळसा अन साटी चढावा याग येर्सकु आदीत.

मंदरि दा पौलुस उक हुडुकु आगोद

²⁷ याग अव येळ दनि पुरा आगदुर मा ईरव, रा आसया अन यहूदीगोळ पौलुस उक मंदरि दा नोळकु सप्पा भीळ इक भळकुस बुटुर, अदकि पौलुस उक हुडुकोडुर, ²⁸ आंदुर चळिलासकु अनली

कुरतुर, “हे इस्त्राएलगोळा, सहायता माळी; ईव आवा मंळसा हुन, जो इस्त्राएली लॉकुरद, अदकि मूसा अन व्यवस्था अन, अदकि ई मंदरि इन वरिध दा हर जागा सप्पा लाकुरी कलसतान, ईल ताका कर्गैरयहूदीगोळी भी मंदरि दा तनकु आव ई पवतिर जागा अक अपवतिर माळ्यान.”
 29 *आंदुर हगि इदुरसाटी अंदुर, यतकी आंदुर इदुर से पयले इफसिसवासी तुरफमिस उक आऊन सांगुळ नगर दा नोळीदुर, अदकि समसीदुर कर्गौलुस आऊक मंदरि दा हुळकु बंदान.

30 आग सप्पा नगर भळकुसेत, अदकि लॉकुर ओळकु जमा आदुर अदकि पौलुस उक हुळकु मंदरि इन व्हार्या जेडुकु तंदुर, अदकि तुरन्त दरवाजा बंद माळकु आदव. 31 याग भीळ इन लॉकुर आऊक कौद बुळोद चाहासोर, रा रोमी तुकळी इन सेनानायक उक खबर सकित कर्गपुरा यरूशलेम दा खलबली मचुसेग्याद. 32 आग आव तुरन्त सैनकिगोळी अदकि सूबेदारगोळी हुळकु आंदुर हात्ती ल्यालमा ओळकु बंदुन; अदकि आंदुर पलटन इन सूबेदार उक अदकि सैनकिगोळी नोळकु पौलुस उक बडोद बटि बुटुर. 33 आग रोमी सेनानायक पौलुस उन हात्ती बंदुन अदकि आऊक बंदी माळ कौडुन; अदकि आव आऊक येढढ शंकलीगोळ देल कटोद आग्या कोटकु केळदुन, “ईव याव हुन अदकि ईव येन माळ्यान?” 34 लेकीन भीळ दा टु यावारा येनारा रा यावारा येनारा चलिळासतेला ईत्तुर. याग आव दंगा इन कारण नश्चिति रूप देल सचचाई जान्स सकदील, रा आऊक कलिा दा ओयोद आग्या कोट्टुन. 35 याग आव सीळी मा पोहचुसदुन, रा हगि आत कर्गभीळ इन दबाव इन कारण सैनकिगोळी आऊक नेगुकु ओयोद बत्त, 36 यतकी लॉकुरद भीळ ईद चलिळासतेला आऊन हदि बदिक् ईरोद, “आऊक कौद बुळी.”

पौलुस उन खुद इक ऊळसोद

37 याग सैनकि पौलुस उक कलिा दा ओयोर मा ईरोर, रा आव रोमी सेनानायक से अंदुन, “येन नानी आग्या आद कर्गना नीन से येनारा अनाईन?”

आग सेनानायक आव अंदुन, “येन नी ग्रीक भाषा माताळत्या? 38 येन नी आव मसित्री मंळसा रा आल्लच, याव थ्वाळासा समय पयले वदिरोह सूर माळसुसदिन, अदकि जो ईल रेगसितान दा नाक हजार कटारबन्द आतंकवादीगोळ्द अगुवाई माळोन?”

39 आग पौलुस अंदुन, “ना रा तरसुस इन यहूदी मंळसा हुईन! कलिकिया अनूद प्रसदिध नगर इन नवासी हुईन. ना नीन से वनिती माळतीन कर्गनानी लॉकुर से मातगोळी हेळगोळ.”

40 याग आव आग्या कोट्टुन, रा पौलुस सीळी मा नदिरकु लॉकुरी कय देल इशारा माळदुन. याग आंदुर चुप आगेदुर रा आव इब्रानी भाषा दा माताळली कुरतुन:

22

1 “हे वारटुरा अदकि आप्प उन घाई सज्जनगोळा, नान बचाव दा जो नानी माताळोद आद अदरी केळी, जो ना ईग नीम मुंद प्रस्तुत माळतीन.” 2 आंदुर ईद केळकु कर्गआव नाम से इब्रानी भाषा दा माताळतान, रा आंदुर मात्त यक्कुल चुप आगेदुर. आग आव अंदुन:

3 *ना रा ऊंद यहूदी मंळसा हुईन, कलिकिया अन तरसुस दा पैदा आदीन; लेकीन ईदा यरूशलेम नगर दा गमलीएल इन कालगोळ्द हात्ती कुरतकु पुर्वजगोळ्द नयिमगोळी कठनि नरिदेशगोळी प्राप्त माळदीन, अदकि परमेश्वर उन साटी हगि धुन हचकु ईरीन, ह्यांग नीव सप्पा ईद हचकु आईर. 4 *ना मंळसा अदकि आर्तेर येढु मुंदरी कैदी माळ माळकु बंदीगृह दा हाकदीन, ई हादी मा नळावाळेर इक ईल ताका सतुसदीन कर्गआंदरी कोनसुस भी बुटीन. 5 ना सही माताळतीन ई मात इन साटी महायाजक अदकि सप्पा स्याणागोळ गवाह आर, ना दमशिक दा यहूदी वारटुरद हेसुर देल ईदुर से चटिठी भी ताकोडीदिन, कर्गजो लॉकुर ई हादी मा नळुतार आंदरी बंदी माळकु यरूशलेम दा तराईन कर्गआंदरी ना दण्ड कोळसुस सकाईन.

पौलुस तान मन परविरतन इन बारा दा हेळतान

6 “याग ना यात्रा माळतेला दमशिक इन हात्ती प्हुचुसदीन, रा हगि आत कर्गलिंगभग मदणी इक अचानक ऊंद तेज उजुळ आकाश टु नान नाकु दी चमकुस्त. 7 अदकि ना जागा मा बदिदीन

अदकि ईद आवाज केळदीन, 'हे शाऊल, हे शाऊल, नी नानी येती सतुसत्या?' 8 ना उत्तर कोटीन, 'हे प्रभु, नी याव हुय?' आव नान से अंदुन, 'ना यीशु नासरी हुईन, यारी नी सतुसत्या.' 9 नान संगीगोळ ज्योतरा नोळदुर, लेकीन जो नान से माताळोन आऊन आवाज केळीदील. 10 आग ना अंदीन, 'हे प्रभु, ना येन माळाईन?' प्रभु नान से अंदुन, 'यदकु दमशिक दा होग, अदकि जो येनारा नीन माळोर साटी ठहूसकु आग्याद अल नीन से सप्पा हेळकु आगेदीत.' 11 आ तेज ऊजुळ इन कारण ना कुढ्ढ आगेगदीन, रा नान संगीगोळ नान कय हुडुकु दमशिक दा तंदुर.

12 "आग हनन्याह हेसुर इन व्यवस्था अन अनुसार नळावाळा ऊंद भक्त मंळसा, जो अल ईरावाळेर सप्पा यहूदीगोळ दा सुनाम ईरोन, नान हात्ती बंदुन, 13 अदकि नदिरकु नान से अंदुन, 'हे वार्ट शाऊल, बाक नोळली हत.' अदा घळी नान कण्णगोळ खुलसेदव अदकि ना आऊक नोळदीन. 14 आग आव अंदुन, 'नाम आप्प दादागोळ परमेश्वर नीनी इदुरसाटी ठहूसेव का नी आऊन इच्छा अक जानसया, अदकि आ न्यायी सेवक उक नोळ्या अदकि आऊन बाय देल मातगोळी केळ्या. 15 यतकी नी आऊन दी टु सप्पा मंळसागोळद मुंद आ मातगोळद गवाह आदया जो नी नोळ्या अदकि केळ्या. 16 ईग येती देर माळत्या? येळ, बपतस्मा ताकोम, अदकि आऊन हेसुर ताकोमकु तान पापगोळी तोळ्द बुळ.'

पौलुस उन गैरयहूदीगोळ दा प्रचार इन बुलावा

17 "याग ना बाक यरूशलेम दा बंदकु मंदरि दा प्रार्थना माळीन, रा ऊंद दर्शन नोळदीन, 18 अदकि यदुर दा ना प्रभु उक नोळदीन का आव नान से अनतान, 'जल्दी माळकु यरूशलेम टु राटनेरी होटबुळ; यतकी आ लॉकुर नान बारा दा नीन गवाही मानसतीदील.' 19 ना अंदीन, 'हे प्रभु, अद रा नीव जानसतीर का ना नीन मा वशिवास माळावाळेरी बंदीगूह दा हाक तोगीन अदकि जागा जागा सभागूह दा बळसुस तोगीन. 20 *याग नीन गवाह स्तफिनुस उक कोनसुसकु आत आग ना भी अल नदिरकु ईरीन अदकि ई मात दा सयमत ईरीन, अदकि आऊन कोननावाळेर्द कपळागोळ रखवाली माळ तोगीन.' 21 अदकि प्रभु नान से अंदुन, 'होटोग: यतकी ना नीनी गैरयहूदीगोळ हात्ती दुर दुर कळाईन.'

22 आंदुर ईद मात ताका पौलुस उन केळतेला ईत्तुर, आग ऊँचा आवाज दा चलिळासदुर, "हगि मंळसा अन अनत्त माळी, आऊन ई संसार दा जतिता ईरोद उचति हैलेच!" 23 याग आंदुर चलिळास तोगोर अदकि कपळा भीळतोगोर अदकि हवा दा धुळा हारस तोगोर; 24 रा रोमी सेनानायक अंदुन, "इऊक कलिा दा ओयी, अदकि क्वाळा बळकु जाँच माळी, का ना जानसाईन का यहूदी लॉकुर याता कारण आऊन वरिध दा हगि चलिळासेत्यार." 25 याग आंदुर आऊक बडोर साटी कटदुर रा पौलुस आ सूबेदार से अंदुन जो हात्ती नदिरकु ईरोन, "येन ईद उचति आद का नीव ऊंद रोमी मंळसा अक, अदकि आव भी बनिा दोषी ठहूसद, क्वाळा बडी?"

26 सूबेदार ईद केळकु सेनानायक उन हात्ती होगकु अंदुन, "नी ईद येन माळत्या? ईव रा रोमी मंळसा हुन."

27 आग रोमी सेनानायक आऊन हात्ती बंदकु अंदुन, "नानी हेळ, येन नी रोमी मंळसा हुय?" आव अंदुन, "हव."

28 ईद केळकु सेनानायक अंदुन, "नानी रोमी नागरीक आगोद पद हापाळ पैस्या कोटकु सकियाद." पौलुस अंदुन, ना रा जनम टु रोमी मंळसा हुईन.

29 आग जो लॉकुर आऊक जाँच माळावाळेर ईरोर, आंदुर तुरन्त आऊन हात्ती टु हटसेदुर; अदकि रोमी सेनानायक भी ईद जानसकु का ईव रोमी हुन अदकि ना ईऊक कट्टीन, अंजेदुन.

महासभा अन मुंद पौलुस

30 दुसरा दशी रोमी सेनानायक ठीक ठीक जानसोद इच्छा देल का यहूदी आऊन मा येती दोष हचतार, आऊन बंधन खोल्स बुट्टुन; अदकि प्रधान याजकगोळ अदकि पुरा महासभा अक जमा आगोद आग्या कोट्टुन, अदकि पौलुस उक ल्यालमा ओतकु आंदुरद मुंद नदिरूस बुट्टुन.

23

1 पौलुस महासभा दी टकटकी हचकु नोळदुन अदकि अंदुन, “हे इस्त्राएल इन वार्दुरा, ना ईद ताका परमेश्वर उन साटी बलिकुल वळ्ळीद वविक देल जीवन बत्तिसीन.” 2 इदुर मा हनन्याह महायाजक आंदरी जो आऊन हाती नदिरकु ईरोर, आऊन बाय मा क्याबरा बडोद आग्या कोट्टुन. 3 *आग पौलुस आऊन से अंदुन, “हे चुना हचद भीती, परमेश्वर नीनी बळदान. नी व्यवस्था अन अनुसार नान न्याय माळली कुरत्या, अदकि नी खुद व्यवस्था अन वरूध नानी बडोद आग्या कोळत्या?”

4 जो पौलुस उन हात्ती नदिरकु ईरोर आंदुर अंदुर, “येन नी परमेश्वर उन महायाजक उक बुरा भला अनत्या?”

5 पौलुस अंदुन, “हे नान इस्त्राएल इन वार्दुरा, ना ईला जानसीन कि ईव महायाजक हुन; यतकी शास्त्र दा लखिसकु आद: ‘तान लांकुर्द अधिकारी इक बुरा माताळबाळेत.’”

6 *आग पौलुस ईद जानसकु कि ऊंद दल सद्कीगोळ अदकि दुसरा फरीसीगोळ्द हुन, सभा दा कारूकु अंदुन, “हे इस्त्राएल इन वार्दुरा, ना फरीसी अदकि फरीसीगोळ्द वंश इन हुईन, सोत्तुर आंदुर आशा अदकि पुनरूत्थान इन बारा दा नान मुकदमा आगेत्याद.”

7 याग आव ईद मात अंदुन रा फरीसीगोळ अदकि सद्कीगोळ दा झगळा आगली कुरत; अदकि सभा दा फूट बदिोत. 8 *यतकी सद्की रा ईद अनतार, काना सोत्तुर दा टु जतिता आगोद आद, ना स्वर्गदूत अदकि ना आत्मा आद; लेकीन फरीसी ईव सप्पा अक मानसतार. 9 आग बळा हलला मचुसत अदकि येनारा नयिम इन गुरुगोळ जो फरीसीगोळ दल इन ईरोर, यदकु नदिरदुर अदकि ईद अनकु झगळुस्ली कुरतुर, “नाव ई मळसा दा येनु बुराई नोळालेव, अदकि अगर यातोदारा आत्मा या स्वर्गदूत आऊन से माताळ्यान रा बाक येन?”

10 याग हापाळ झगळा आत, रा पलटन इन सरदार ईद अंजक देल कि आंदुर पौलुस उन तुकळा तुकळा माळबाळुल, पलटन इक आग्या कोट्टुन कि ईळुकु आऊक आंदुर न्याड्या दा टु जबरदस्ती तेगुल, अदकि गढ दा ओयुल.

11 अदा ईळुकी प्रभु आऊन हात्ती नदिरकु अंदुन, “हे पौलुस, हम्मित ईट; यतकी ह्यांग नी यरूशलेम दा नान गवाही कोट्ट, हांग अच नीनी रोम दा भी गवाही कोळोद बदिीत.”

पौलुस उन हत्या अन साजीश

12 दुसरा दशी थ्वाळासा यहूदीगोळ मलिसकु साजीश रचदुर अदकि करिया तदिर कि यागासताका नाव पौलुस उक कोंद बुळालेव, आगासताका नाव येनारा तनिदेव या कुळदेव. 13 यार आपस दा ईद साजीश रचुसीदुर, आंदुर चालीस मुंदुर से यक्कुल ईरोर. 14 आंदुर प्रधान याजकगोळ अदकि स्याणागोळ हात्ती होगकु अंदुर, “नाव ईद ठान्स कोंडेव कि यागासताका नाव पौलुस उक कोंद बुळालेव, आगासताका येनु तनितीदील अदकि कुडुतीदील. 15 इदुरसाटी ईंग महासभा समेत पलटन इन सरदार उक समझुसी कि आऊक नीम हात्ती तरूल, मानसी कि नीव आऊन बारा दा यक्कुल अच वळ्ळीसा जाँच माळोद चाहासतीर; अदकि नाव आऊन पोहचुसोर से पयले अच आऊक कोन्नोर साटी तयार ईत्तेव.”

16 पौलुस उन आकतींग इन पार केळदुन कि आंदुर आऊन घात दा आर, रा गढ दा होगकु पौलुस उक बातणी कोट्टुन. 17 पौलुस सूबेदारगोळ दा टु ऊंद मळसा अक तान हात्ती कारूकु अंदुन, “ईव आऊन से येनारा अनोद चाहासतान.” 18 इदुरसाटी आव आऊक पलटन इन सरदार उन हात्ती ओतकु अंदुन, “बंदी पौलुस नानी कारूकु वनिती माळदुन कि ईव जवान पलटन इन सरदार से येनारा अनोद चाहासतान; ईऊक आऊन हाती ओय.”

19 पलटन इन सरदार आऊन कय हुडुकु अदकि अलग ओतकु केळदुन, “नी नान से येन अनोद चाहासत्या?”

20 आव अंदुन, “यहूदीगोळ साजीश रचुस्यार कि नीन से वनिती माळुल कि नाळ पौलुस उक महासभा दा तरूल, आंदुर हगि दखावा माळ्यार कि अदकि ठीक देल आऊंद जाँच माळोद

* 23:3 २३:३ मत्ती २३:२७,२८ * 23:6 २३:६ प्रेरतिगोळ २६:५; फलिपिगोळ ३:५ * 23:8 २३:८ मत्ती २२:२३; मरकुस १२:१८; लूका २०:२७

चाहासतार. ²¹लेकीन आंदुरद मानसबाळेत, यतकी आंदुर दा टु चालीस से म्याकुच मंळसा आऊन घात दा आर, यार ठान्स कोंडार कियगासताका आंदुर पौलुस उक कोंद बुळालुर, आगासताका ना तदार अदकि ना कुळदार. अदकि ईग आंदुर तयार आर अदकि नीन फैसला अन हादी कायेतयार.”

²²आग पलटन इन सरदार जवान उक ईद आग्या कोटकु सार माळदुन, “यारदु से अनबाळेत कर् नी नान ईक ई मातगोळ हेळ्या.”

पौलुस उक फेलक्स शासक उन हात्ती कळोद

²³आग आव येढढ सूबेदारगोळी तान हात्ती कारूकु अंदुन, “कैसरया होगोर साटी ईळ्ळकी ऊंमवत मुरा ताका येढढ सौ सैनकि, सत्तर घोळसवार, अदकि येढढ सौ भालावाळेर इक तयार ईटी.” ²⁴अदकि पौलुस उन सवारी साटी घ्वाळागोळी तयार ईटी, कर् आऊक फेलक्स शासक उन हात्ती वळ्ळीसा पोहचुस बुळुल. ²⁵आव ई प्रकार इन चट्टी भी लखिसदुन:

²⁶“महामहमि फेलक्स शासक उक क्लौदियुस लूसयास उन नमस्कार. ²⁷ई मंळसा अक यहूदीगोळ हुडुक् कोंद बुळोद चाहासदुर, लेकीन याग ना जान्सदीन कर् रोमी हुन, रा पलटन हुळकु बळिसकु तंदीन. ²⁸ना जान्सोद चाहासीन कर् आंदुर आऊन मा याता कारण दोष हचतार, इदुरसाटी आऊक आंदुरद सभा दा वोतीन. ²⁹आग ना जान्स कोंडीन कर् आंदुर तान व्यवस्था अन वविदगोळ बारा दा आऊन मा दोष हचतार, लेकीन कोंद बुळोद या शंकलीगोळ देल कटकु आगोद योग्य आऊन दा येनु दोष हैलेच. ³⁰याग नानी हेळकु आत कर् आंदुर ई मंळसा अन घात दा हतकु आर रा ना तुरन्त आऊक नीन हात्ती कळु बुटीन; अदकि आऊन मा दोष हचावाळेर इक भी आग्या कोट्टीन कर् आंदुरद हचद दोष आव नीन मुंद ईटुल.”

³¹इदुरसाटी हयांग सैनकिगोळी आग्या कोटकु आगीत, हांग अच आंदुर पौलुस उक हुळकु ईळ्ळकी इन ईळ्ळकी अनतपितरसि उन हात्ती तंदुर. ³²दुसरा दशी घ्वाळा अन सवारगोळी पौलुस उन सांगुळ मुंद होगोर साटी पैदल नळावाळेर सपिहीगोळ बटि बुटुर अदकि आंदुर वापस कलिा दा होट बंदुर. ³³आंदुर कैसरया पोहचुसकु शासक उक चट्टी कोट्टुर; अदकि पौलुस उक भी आऊन मुंद नदिरूसदुर. ³⁴आव चट्टी वाचुसकु केळदुन, ईव याता द्याश इन हुन? अदकि याग जान्स कोंडुन कर् कलिकिया अन हुन, ³⁵रा आव अंदुन, “याग नान दोष हचावाळेर बंदार, आग ना नीन केळाईन.” अदकि आव आग्या कोट्टुन कर् आऊक हेरोदेस शासक उन कलिा दा सुरक्षा दा ईटकु आगुल.

24

पौलुस उन खलिाप कारवाई

¹अईद दनि इन बाददा हनन्याह महायाजक कई स्याणागोळ अदकि तरितुल्लुस हेसुर इन वकील उक सांगुळ हुळकु बंदुन. आंदुर शासक फेलक्स उन मुंद पौलुस मा आरोप हचदुर. ²याग पौलुस उक कारूकु आत रा तरितुल्लुस आऊन मा दोष हचकु अनली कुरतुन:

“हे महामहमि फेलक्स, नीन अगुवाई दा नाव हापाळ समय टु धोळ्द शांती इन सांगुळ ईरेतेव, अदकि नीन दुर दृष्टी देल द्याश दा हापाळ वळ्लेव सुधार आग्याव. ³फेलक्स शासक उक नाव हर जागा अदकि हर प्रकार देल इदुरद स्वागत माळतेव अदकि नाव नीम प्रती हापाळ आभारी आयेव. ⁴ना नीमद हापाळ यक्कुल समय ताकोमोद चाहासालीन, रा ना नीन से वनिती माळतीन कर् कृपया नीव थ्वाळासा दा नाम्द केळकोम. ⁵यतकी नाव ई मंळसा अक उपद्वी अदकि दुनया दा सप्पा यहूदीगोळ दा फूट हाकावाळा, अदकि नासरीगोळी समुह दा स्याणा मान्सतेव. ⁶आव मंदरिगोळी अपवतिर माळोद चाहासदुन, लेकीन नाव आऊक हुडुकोंडेव. ⁷लेकीन पलटन इन सरदार लूसयास आऊक जबरदस्ती नाम कय दा टु कसु कोंडुन, ⁸ई सप्पा मातगोळी यदुरद बारा दा नाव आऊन दोष हचतेव, नी खुद अच आऊक जाँच माळकु जान्स कोंड्या.” ⁹यहूदीगोळ भी इदुर दा शामिल आगकु हम्मिमत देल सांगुळ कोटकु अंदुर, कर् ई मातगोळ सप्पा सही आव.

फेलक्स उन मुंद पौलुस उन बचाव

¹⁰याग शासक पौलुस उक माताळोद इशारा माळदुन, रा आव उत्तर कोट्टुन:

“ना ईद जान्सकु की नी हापाळ साल टु ई जाती इन न्याय माळेत्या, ईद जान्सकु ना खुशी देल तान बचाव साटी थ्वाळासा मातगोळी माताळोद चाहासतीन. 11 नी खुद जान्स सकत्या की यागी टु ना यरूशलेम दा आराधना माळली बंदीन, नानी हन्नेळ दनि से यक्कुल आगीदील. 12 यहूदीगोळ नानी ना रा यहूदी सभागृह दा अदकि ना रा नगर दा लॉकुर भीळ दा दंगा माळत नोळदुर. 13 अदकि ना रा आंदुर आ मातगोळी, यार्द बारा दा नान मा दोष हचतार, नीन मुंद सच प्रमाणति माळ सकतार. 14 लेकीन ना नीन मुंद ईद मान्स कोमतीन कियता हादी इक आंदुर ख्वाटा अनतार, अदुरदा रीति मा ना तान आप्प दादागोळ परमेश्वर उन आराधना माळतीन. लेकीन ना ईद भी वशिवास माळतीन जो मातगोळ मूसा अन व्यवस्था अदकि भवषियवक्ता अन कतिब दा लखिसकु आद. 15 अदकि परमेश्वर उन मा हांगा आशा ईटतीन ह्यांग आंदुर खुद भी ईटतार, की वळ्लेर अदकि बेकार येदुद लॉकुरद भी पुनरूथान आदीत. 16 इदुर से ना खुद भी कोशशि माळतीन की परमेश्वर उन, अदकि मंळसागोळ दी नान वविक हमेशा नरिदोष ईरूल.

17 * “हापाळ वर्ष इन बाददा ना तान गरीब लॉकुरी पैस्या कोळली, अदकि बलदान येर्सली बंददीन. 18 याग आंदुर नानी हासलि माळदुर आग ना शुद्धीकरण इन रीति इक पुरा माळीन अदकि ना नान हात्ती यातोदारा भीळ ईरोद अदकि ना यातोदारा अव्यवस्था फैलुसदीन. 19 लेकीन अल आसया क्पेत्र अन थ्वाळासा यहूदी भी ईरोर. आंदरी जरूरी ईरोद, की अगर नान वरिध दा आंदुर हात्ती येनारा मात आद रा ईल नीन मुंद बंदकु नान मा दोष हचायदुर. 20 या ईद खुद अच हेळुल की याग ना महासभा अन मुंद नदुरकु ईरीन, रा आंदुर नान दा यातोद अपराध नोळदुर? 21 * सवाय ईदुरद की याग आंदुर न्याइया दा ईरीन आग ना धोळ दण दा अंददीन ‘सोत्तुर दा टु जतिता आगोद बारा दा नान वशिवास इन कारण नान न्याय माळकु आगेत्याद.’ ”

22 फेलक्स, जो ई हादी इन बारा दा ठीक ठीक जानसोन, आंदरी ईद अनकु टाल्स बुटुन, “याग पलटन इन सरदार लूसयिास बंदान, रा नीम मात इन नरिणय माळाईन.” 23 अदकि सूबदार उक आग्या कोट्टुन की पौलुस उक येनारा छुट कोटकु रखवाली माळेत, अदकि आऊन संगीगोळ दा टु यारीकु भी आऊन स्यावा माळोर से रोकसबाळेत.

फेलक्स अदकि दुरसल्लिला अन मुंद पौलुस

24 थ्वाळासा दनिगोळ बाददा फेलक्स तान हगिस दुरसल्लिला अक, जो यहूदीनी ईरोर, सांगुळ हुळकु बंदुन अदकि पौलुस उक कार्सुसकु आ वशिवास इन बारा दा जो मसीह यीशु मा आद, आऊन से केळदुन. 25 याग आव वळ्लेव मातगोळ, अदकि संयम, अदकि बरावाळा न्याय इन दनि इन चर्चा माळोन, रा फेलक्स अंजकु उत्तर कोट्टुन, “ईग नी होग; मवका नोळकु ना नीनी मात्त काराईन.” 26 आऊक पौलुस टु येनारा पैस्या सीकोव भी आशा ईरोद, इदुरसाटी घळी घळी कारूकु आऊन से मातगोळ हेळतोगोन.

27 लेकीन याग येदुद वर्ष बीतसेदव रा पुरकयिस फेस्तुस, फेलक्स इन जागा मा वहासा शासक बनसकु बंदुन; अदकि फेलक्स यहूदीगोळी खुश माळोद इच्छा देल पौलुस उक बंदी इच बटिकु होदुन.

25

पौलुस उन रोमी साम्राज्य अक अपलि

1 फेस्तुस आ द्याश दा पोहचुसोद मुर दनि बाददा कैसरया टु यरूशलेम इक होदुन. 2 आग प्रधान याजकगोळ अदकि यहूदीगोळ्द प्रमुख लॉकुर आऊन मुंद पौलुस उन मा आरोप हचदुर; अदकि आऊन से वनिती माळदुर. 3 की आव पौलुस उक यरूशलेम दा कारसुल की आंदुर आऊक हादी मा अच कोंदबुळुल. 4 फेस्तुस उत्तर कोट्टुन, “पौलुस कैसरया अन्द कैद दा आन, अदकि ना खुद राटनेरी अल होगार्ईन.” 5 बाक अंदुन, “नीम दा जो अधिकार ईटतार आंदुर नान सांगुळ कैसरया नळुल, अदकि अगर ई मंळसा येनारा अनुचति क्याल्सा माळ्यान रा आऊन मा दोष हचुल.”

6 आंदुर न्याय्या येनारा येठ्ट हत्त दनि ईतकु फेस्तुस कैसरया होटोदुन; अदकि दुसरा दशी न्याय आसन मा कुर्तकु पौलुस उक तरोद आग्या कोट्टुन. 7 याग पौलुस बंदुन रा जो यहूदी यूरुशलेम टु बंदीदुर, आंदुर आसपास नदिरकु आऊन मा हापाळ सा गंभीर आरोप हचदुर, यदरी आंदुर साबति ईला माळसकोर. 8 लेकीन पौलुस खुद इन बचाव दा उत्तर कोट्टुन, “ना रा ना यहूदीगोळ्द व्यवस्था अन अदकि ना मंदरि इन, अदकि ना रोमन शासक कैसर उन वरूद्ध येनारा पाप माळीन.”

9 आग फेस्तुस यहूदीगोळी खुश माळोद इच्छा देल पौलुस से अंदुन, “येन नी चाहासत्या कि यूरुशलेम इक होदया; अदकि अल नान मुंद नीन ईद मुकदमा तय माळकु आगुल?”

10 पौलुस अंदुन, “ना कैसर इन न्याय आसन इन मुंद नदिरकु आईन; नान मुकदमा अन्द ईल्या फैसला आग पायजे. ह्यांग नी वळ्ळीद तरीका देल जान्सत्या, यहूदीगोळ्द ना येनु अपराध माळीदील. 11 अगर ना अपराधी आईन अदकि कोद बुळोद लायक येनारा क्याल्सा माळीन, रा सायोर से मार्रा तरिगुसालीन लेकीन याता मातगोळ्द ईदुर नान मा दोष हचतार, अगर अऊर दा टु यातोदारा भी मात सही आगीदील, रा नानी याऊ आंदुर कय दा कोळ सकालुन. हगि ना कैसर उन से वनिती माळतीन.”

12 आग फेस्तुस सलाहकारगोळ से सलाह मसवरा माळकु उत्तर कोट्टुन, “नी कैसर उन से वनिती माळ्या, इदुरसाटी नीनी कैसर उन हात्ती इच ओतकु आदीत.”

राजा अग्रपिपा अदकि बरनकि अन मुंद पौलुस

13 येनारा दनि बतिसदुर बाददा अग्रपिपा राजा अदकि बरिनीके कैसरया दा बंदकु फेस्तुस से भेट माळदुर. 14 आंदुर हापाळ दनि अल ईत्तुर बाददा फेस्तुस पौलुस उन बारा दा राजा अक हेळदुन: “ऊंद मंळसा आन, यारी फेलकिस बंदीगृह दा बटिकु होटोग्यान. 15 याग ना यूरुशलेम होगीदीन, रा प्रधान याजक अदकि यहूदीगोळ्द स्याणागोळ आऊन मा आरोप हचदुर अदकि चाहासदुर कि ना आऊक दोषी साबति माळाईन. 16 लेकीन ना आंदरी उत्तर कोटीन कि रोमीगोळ्द ईद रीति हैलेच कि यावारा मंळसा अक दण्ड इन साटी यारदारा कय दा कोट्ट बुळुल, यागासताका आरोपी इक तान दोष हचावाळेर मुंद नदिरकु दोष इन उत्तर कोळोद मवका सकाल. 17 इदुरसाटी याग आंदुर नान सांगुळ ईल बंदुर, रा ना येनु देर माळीदील, लेकीन दुसरा अच दशी न्याय आसन मा कुर्तकु पौलुस उक तरोद आग्या कोटीन. 18 याग आऊन दोष हचावाळेर नदिरदुर, रा आंदुर हगि अनुचति मातगोळ्द दोष हचीदलि, ह्यांग ना समसीन. 19 लेकीन यहूदी रीति इन अनुसार अदकि यीशु हेसुर इनव यावारा मंळसा अन बारा दा, जो सोतोगदिन अदकि पौलुस आऊक जीवति हेळतोगोन, वविाद माळतोगोर. 20 ना उलझन दा ईरीन कि ई मातगोळ्द पता ह्यांग हचाईन? इदुरसाटी ना आऊन से केळदीन, येन नी यूरुशलेम होदया कि अल ई मातगोळ्द फैसला आगुल?” 21 लेकीन याग पौलुस वनिती माळदुन कि आऊंद मुकदमा अन फैसला कैसर उन अल आगुल, रा ना आग्या कोटीन कि यागासताका आऊक कैसर उन हात्ती कळालीन, आऊक कैद दा ईटकु आगुल.”

22 आग अग्रपिपा फेस्तुस से अंदुन, “ना भी आ मंळसा अन केळोद चाहासतीन.” आव अंदुन, “नी नाळ केळ कोड्या.”

23 इदुरसाटी दुसरा दशी याग अग्रपिपा अदकि बरिनीके बळा धूमधाम देल बंदुर अदकि पलटन इन सरदारगोळ अदकि नगर इन प्रमुख लॉकुरद सांगुळ दरबार दा पोहचुसदुर. आग फेस्तुस आग्या कोट्टुन कि आंदुर पौलुस उक तरूल. 24 फेस्तुस अंदुन, “हे राजा अग्रपिपा, अदकि हे सप्पा मंळसागोळा जो ईल नाम सांगुळ आईर, नीव ई मंळसा अक नोळतीर, यार्द बारा दा सप्पा यहूदीगोळ यूरुशलेम दा अदकि ईल भी चलिळास चळिलासकु नान से वनिती माळदुर कि ईऊंद जतिता ईरोद उचति हैलेच. 25 लेकीन ना जान्स कोडीन कि आव हगि येनु माळीदील कि कोंदकु आगुल; अदकि जब कि आव खुद अच कैसर उन से नान न्याय आगुल हगि वनिती माळदुन, रा ना आऊक रोम दाकळोद नरिणय माळदीन. 26 लेकीन ना आऊन बचाव इन बारा दा यातोदु नश्चति मात नोळीदील कि कैसर उन हात्ती लखिसकु कळाईन. इदुरसाटी ना आऊक नीम मुंद अदकि खास माळकु हे राजा अग्रपिपा, नीन मुंद तंदीन कि जाँचसदुर बाददा नानी येनारा रा आऊन बारा दा

लखिसली सकिल. 27 यतकी बंदी इक कळोद अदकि जो दोष आऊन मा हचकु आग्याव, अवरी स्पष्ट रीत दिेल ईला हेळोद, नानी बेकार जान्सकु बळितद.”

26

पौलुस उन अग्रपिपा से खुद इन बचाव इन मातगोळ

1 अग्रपिपा पौलुस से अंदुन, “नीनी तान बारा दा माताळोद आग्या आद.” आग पौलुस कय वाळुसकु उत्तर कोळली कुरतुन:

2 “हे राजा अग्रपिपा, यास मातगोळ्द यहूदी नान मा दोष हचतार, ईद नीन मुंद आंदुरद उत्तर कोळोर दा ना तान इक धन्य समसतीन, 3 खास माळकु इदुरसाटी की नी यहूदीगोळ्द सप्पा रीत रवाजगोळी अदकि झगळागोळी जान्सत्या. इदुरसाटी ना वनिती माळतीन, धीरज देल नांद केळ.”

4 “नान चाल चलन सूरवात टु तान लॉकुर न्याइया अदकि यरूशलेम दा ह्यांग ईरोद, अद सप्पा यहूदी जान्सतार. 5 *आंदुर नानी हापाळ समय टु अरूतार अदकि अगर आंदुर चाहासतदिर रा ई मात इन गवाही कोळ सकतार की ना तान रीत इन सब से कट्टर फरीसी समुह अन ऊंद सदस्य अन रूप दा जीवन जीऊसीन. 6 अदकि ईग आ वादा दा आशा अन कारण जो परमेश्वर नाम आप्प दादागोळ से माळीदुन, नान मा मुकदमा नळेत्याद. 7 अदा वादा अन पुरा आगोद आशा हचकु, नाम हन्नेळ गोत्र तान पुरा मन देल ईळलक-हागुल परमेश्वर उन स्यावा माळतेला बंदार. हे राजा, ईदा आशा अन बारा दा यहूदी नान मा दोष हचतार. 8 याग की परमेश्वर सोत्तुरी जतिता माळ्यान, रा नीम मान्या ईद मात येती वशिवास इन योग्य समसालुर?” 9 * “ना भी खुद वचिर माळ तोगीन की यीशु नासरी इन हेसुर इन वरिध दा ना हापाळ येनारा माळाईन. 10 अदकि ना यरूशलेम दा हगि अच माळदीन; अदकि प्रधान याजकगोळ से अधिकार ताकोमकु हापाळ सा पवतिर लॉकुरी बंदीगृह दा हाकदीन, अदकि याग आंदुर कोंदकु आगतोगोर रा ना भी आंदुरद वरिध दा तान सममती कोळतोगीन. 11 हर यहूदी सभागृह दा ना आंदरी हापाळ अनली सजा कोळसुसकु यीशु उन माकळोद वशिवास इक नकार माळली हेळ तोगीन, आंदुर प्रती नान सटिट यक्कुल ईरोद की आंदरी सतुसोर साटी ईल ताका की ना वदिशी नगरगोळ दा भी होदीन.

पौलुस उन मन परविरतन इन वर्णन

(पूरेरतिगोळ ९:१-१९; २२:६-१६)

12 “ईदा उददेश इक हुडुकु ना प्रधान याजकगोळ से अधिकार अदकि आग्या-चटिठी ताकोमकु दमशिक इक होगीन; 13 रा हे राजा, हादी दा मदणी इन समय ना आकाश टु सुर्य अन तेज से भी वाळुसकु ऊंद ज्योती, तान अदकि तान सांगुळ नळावाळेरद नाकु दी चमकुसतेला नोळदीन. 14 याग नाव सप्पा जागा मा बदिदेव, रा ना इब्रानी भाषा दा, नान से ईद अनतेला ऊंद शब्द केळदीन, ‘हे शाऊल, हे शाऊल, नी नानी येती सतुसत्या? नी हगि माळकु तान तान इक का दुख कोळेत्या ह्यांग वस्ता तान ल्यात तुतारी इन आरू मा होडेत्याद.’ 15 ना अंदीन, ‘हे प्रभु, नी याव हुय?’ प्रभु अंदुन, ‘ना यीशु हुईन, यारी नी सतुसत्या. 16 लेकीन नी येळ, तान कालगोळ मा नदिर; यतकी ना नीनी इदुरसाटी दर्शन कोटीन की नीनी आ मातगोळ्द भी सेवक अदकि गवाह ठहूरसाईन, जो नी ईद नोळया, अदकि अदुर साटी भी जो ना नीनी भवषिय दा हेळाईन. 17 अदकि ना नीनी नीन लॉकुर यहूदीगोळ से अदकि गैरयहूदीगोळ से बळिसाईन, यार हात्ती ना ईग नीनी कळाईन 18 की नी आंदुरद कण्णगोळी तेरदया की आंदुर अंधकार देल ज्योतीदी, अदकि शैतान इन अधिकार देल परमेश्वर उन दी तरिगुल; की आंदुरद वशिवास इन द्वारा जो नान मा आद आंदुर आंदुरद पापगोळ्द माफ अदकि परमेश्वर उन नविळुसद लॉकुर सांगुळ पवतिर स्थान हासलि माळ्यार.’

पौलुस उन तान क्याल्सागोळ बारा दा हेळोद

19 “इदुरसाटी हे राजा अग्रपिपा, ना आ स्वरगीय दर्शन इन आग्या टालसीदील, 20 *लेकीन पयले दमशिक इन, बाक यरूशलेम इन, अदकि आग यहूदिया अन सप्पा द्याश इन ईरावाळेर इक,

* 26:5 २६:५ पूरेरतिगोळ २३:६; फलिपिगोळ ३:५

* 26:9 २६:९ पूरेरतिगोळ ८:३; २२:४,५

* 26:20 २६:२०

पूरेरतिगोळ ९:२०,२८,२९

अदकि गैरयहूदीगोळी समझुसतेला ईत्तीन, की पापगोळ से पश्चाताप माळी अदकि परमेश्वर उन दी तरिगु कु मन तरिगुसोद लायक क्याल्सा माळी. ²¹ ई मातगोळ्द कारण यहूदी नानी मंदिर दा हुडुकु कैद दा हाकदुर अदकि कोंद बुळोद कोशशि माळतोगोर. ²² लेकीन परमेश्वर उन सहायता देल ना ईद ताका बन्सकु आईन अदकि स्याणेरे धोड्डेर सप्पा मुंदुर मुंद ईल नदिरकु गवाही कोळतीन, अदकि आ मातगोळी बटिकु येनु अनालीन जो भवषियवक्तागोळ अदकि मूसा भी अंदुन की आगावाळा आद, ²³ *की मसीह अक दुख नेगोद बदिदीत, अदकि आवा सब से पयले सोत्तुर दा टु जित्ता आगकु, नाम यहूदी लॉकुर दा अदकि गैरयहूदीगोळ दा मुक्ती इन ऊजुळ इन बातणी कोट्टान.”

²⁴ याग पौलुस तान बचाव दा ई मातगोळी माताळोन, रा फेस्तुस धोळ्द शब्द देल चळिलासकु अंदुन, “हे पौलुस, नी यर्र आय. हापाळ अक्कल नीनी यर्र माळबुटाद.”

²⁵ लेकीन पौलुस अंदुन, “हे ग्यानी फेस्तुस, ना यर्र हैलेच, लेकीन सही अदकि सम्सावाळा मातगोळी अनतीन. ²⁶ खुद राजा अग्रपिपा भी ई मातगोळी जान्सतान अदकि ना पुरा हमिमत इन सांगुळ ई मातगोळ आऊन से हेळतीन यतकी ना पक्का जान्सतीन की ईऊर दा टु यातोदु मात आंदरी पता हैलेच हगि हैलेच ना हगि इदुरसाटी अनेतीन की ईव मात यातोदारा क्वाना दा होचकोमकु आगीदील. ²⁷ हे राजा अग्रपिपा, येन नी भवषियवक्तागोळ्द वशिवास माळत्या? हव, ना जान्सतीन की नी वशिवास माळत्या.”

²⁸ आग अग्रपिपा पौलुस से अंदुन, “येन नी ईद वचिर माळत्या की ईट सरलता देल अदकि कम समय दा नी नानी मसीह माळ सकत्या?”

²⁹ पौलुस उत्तर कोट्टुन, थ्वाळा समय दा अन या यक्कुल समय दा, “परमेश्वर से नान प्रार्थना आद की ना सरिफ नी हांगा आगेग ह्यांग ना आईन लेकीन सवाय ई शंकलीगोळ्द.”

³⁰ आग राजा, शासक, बरिनीके अदकि आंदुर सांगुळ कुरावाळेर नदिरदुर; ³¹ अदकि ब्यार्र होगकु आपस दा अनली कुरतुर, “ईव मळसा हगि रा येनु माळालुन, जो मृत्यु दण्ड या बंदीगृह दा हाककु आगोद लायक ईरूल.” ³² अग्रपिपा फेस्तुस से अंदुन, “अगर ईव मळसा कैसर उक न्याय ईला बेळायदुन, रा बळि सकोन.”

27

पौलुस उन रोम दा कळुकु आगोद

¹ याग ईद तय आगेत की नाव जहाज द्वारा इटली होदेव, रा आंदुर पौलुस अदकि थ्वाळासा दुसरा बंदीगोळी भी यूलयुस हेसुर ईनव औगुस्तुस उन पलटन इन ऊंद सुबेदार उन कय दा कोट्ट बुटुर. ² याग ना आसया क्षेत्र अन कनिरा मा जो ऊंद बंदरगाह ईरोद अल टु होगावाळेर अद्रमुत्तयुम हेसुर इन नगर इन ऊंद जहाज मा कुर्तकु होट्टुर आग मकदिनया अन थसिसलुनीके नगर इन ऊंद अरसित्खुस हेसुर इन मळसा नाम सांगुळ ईरोन. ³ दुसरा दनि नाव सैदा नगर दा जहाज टु ईळदेव, अदकि यूलयुस पौलुस मा कृपा माळकु आऊक संगीगोळ अल होग गोट्टुन की आऊक जो वस्तुगोळ हतताव अदुरद पुरती माळ सकुल. ⁴ अल टु नाव समुद्र अन हादी देल होट्टेव हवा नाम वरिद्ध दशा दा ईरोद ई कारण नाव साइप्रस टापू उन बाजु दा टु आगकु होदेव; ⁵ अदकि कलिकिया अदकि पंफूलया नगर इन हात्तीगोळ्द समुद्र दा टु आगत् लूसया अन्द मूरा नगर दा ईळदेव. ⁶ अल सेनानायक उक सकिन्दरया अन्द ऊंद जहाज इटली होगतेला सकित, अदकि आव नामी अदुर मा येर्रस बुट्टुन.

⁷ याग नाव हापाळ दनि ताका धीरू-धीरू नळुतेला कठनाई देल कनदिस नगर इन मुंद पोहचुसदेव, रा इदुरसाटी की हवा नामी मुंद वाळुस ईला गोळोद, नाव सलमोने नगर इन मुंदु टु आगत् क्रेते टापू उन आड्ड आगतेला नळदेव. ⁸ अदकि अदुर कनिरा-कनिरा कठनाई देल नळुकु सुरक्षति बंदरगाह हेसुर इन ऊंद जागा दा पोहचुसदेव, यल टु लूसया नगर हात्ती ईरोद.

9 याग नाव हापाळ समय अल बीतुसदेव अदकि जहाज इक मुंद वाळुसोर साटी इदुरसाटी तकलीफ आगोद यतकी उपास इन दनि ईग खतम आगोगीदव. इदुरसाटी पौलुस आंदरी ईद अंदकु समजुसदुन, 10 “हे लॉकुरा, नानी हगि हतेत्याद कि ईद समुद्र यात्रा हापाळ खतरनाक आदीत, ना सरिफ माल मत्ता अदकि जहाज इन साटी अच उलटा नाम जीवन इन साटी भी.” 11 लेकीन सुबेदार पौलुस उन मातगोळ से यक्कुल जहाज नळसावाळा अदकि जहाज इन मालकि इन मातगोळी वाळुसकु मान्सदुन. 12 ईद बंदरगाह सोळ इन समय कडोद साटी वळ्ळीद ईला ईरोद, इदुरसाटी हापाळ मुंदुरद आग सकुल रा फीनक्स पोहचुसोद कोशशि माळोद अच ठान्सदुर अदकि सोळ इन समय अल्या कडोद नश्चय माळदुर. ईद रा क्रेते अनंद ऊंद बंदरगाह आद जो दक्षणि-पश्चमि अदकि उत्तर पश्चमि येढ्ढु दशा अन दी खुल्सतद.

समुद्र दा तुफान

13 याग थ्वाळा-थ्वाळा दक्षणि टु हवा बरली हत, रा ईद सम्सकु कि नाम योजना पुरा माळ सकुकेव, लंगर नेगदेव अदकि क्रेते अन कनिरा टु नळुतेला जहाज इक मुंद वाळुसली हतदेव. 14 लेकीन घळी तमिर दा जमीन दी टु ऊंद धोळ्द तुफान येळ्त्त, यदरी उत्तर पूर्व तुफान अंदकु आगतद. 15 याग तुफान जहाज से टकरूसत रा आ जहाज अदुर कारण मुंद ईला वाळुस सकोद, अदकि नाव कोशशि माळोद बटि बुटेव अदकि जहाज इक हवा सांगुळ यात होगोद आत होग गोट्टेव. 16 आग कौदा हेसुर इन ऊंद स्याळ्दतुसा टापू उन आळ दा वाहुसत-वाहुसत नाव कठनिई देल जहाज इक वश दा माळदेव. 17 बाक जहाज नळसावाळेर अदरी नेगुकु अनेक उपाय माळकु जहाज इक ल्यालमा टु कटदुर, अदकि सुरतसि इन चोरबालु मा टकिसोद अंज्क देल पाल अदकि सामान ईळ्सकु जहाज इक नीर दा वाहुस गोट्टुर. 18 याग नाव तुफान देल हापाळ ऊफान अदकि धक्कागोळ तनिदेव, रा दुसरा दनि आंदुर जहाज इन माल भीळली हतदुर; 19 अदकि तसिरा दनि आंदुर तान कयगोळ देल जहाज इन साज-सामान भी भीट बुटुर. 20 याग हापाळ दनिगोळ ताका ना सुर्य अदकि तारागोळ काळ्सीदील अदकि धोळ्द तुफान नळुतेला ईत्त, रा आखरी दा तान ऊळोद सप्पा आशा नाव बटि बुटेव.

21 याग आंदुर हापाळ दनिगोळ ताका उपासा ईतोदुर, रा पौलुस आंदुर न्याड्या नदिरकु अंदुन, “हे लॉकुरा, अगर क्रेते टु रवाना ईला आगोद नान सलाह नीव मान्स कोमायदीर रा ई वनिश अदकि नुकसान देल ऊळ्दोगायदीर. 22 लेकीन ईग ना नीम से वनिती माळतीन कि तान हम्मिमत कटकु ईटी, यतकी नीम दा टु यारदु जीव इन हानि आगतीदील, पर सरिफ ईद जहाज नष्ट आगेदीत. 23 यतकी अंसी इन ईळ्ळकी, याता परमेश्वर उन ना हुईन अदकि यारद ना आराधना माळतीन आऊन ऊंद स्वर्गदूत नान हात्ती बंदुन, 24 अदकि अंदुन हे पौलुस, अंजबाळ! नीनी कैसर उन मुंद नदिरोद जरूरी आद. नोळ, परमेश्वर सप्पा मुंदुरी जो नीन सांगुळ यात्रा माळेत्यार, आंदुर भी जीवन नीन सांगुळ आद.” 25 इदुरसाटी, हे लॉकुरा, हम्मिमत ईटी; यतकी ना परमेश्वर उन वशिवास माळतीन, कि ह्यांग आव नान से अंदान, हांग अच आदीत. 26 लेकीन नामी यातोदारा टापू मा होगकु टकिसोद बदिदीत.”

27 याग चौदावा ईळ्ळक बत्त, अदकि नाव भूमध्य समुद्र दा भटकूसतेला टेटाळेव, रा आर्धा ईळ्ळक इन हात्ती जहाज नळसावाळेर अनुमान हचकु जान्सदुर कि नाव यातोदारा जमीन इन हात्ती पोहचुसेतेव. 28 नीर इन गहराई अन अंदाज ताकोंडुर मा ऊंद सौ ईप्पत फूट इन गहराई ईरोद, अदकि थ्वाळा मुंद वाळुसकु बाक गहराई अन अंदाज ताकोंडुर रा नब्बे फूट गहराई ईरोद. 29 आग कल्ल इन जागागोळ देल टकरूसोद अंज्क देल आंदुर जहाज इन हदिळोद भाग दा नाक लंगर हाकदुर, अदकि व्हातुर आगोद प्रार्थना माळोर. 30 लेकीन याग जहाज नळसावाळेर जहाज मा टु ओळोद कोशशि माळोर, अदकि गली टु लंगर हाक्कोद बहाना देल जहाज समुद्र दा ईळ्स बुटुर; 31 लेकीन पौलुस सूबेदार अदकि सैनकिगोळ से अंदुन, “अगर इंदुर जहाज मा ईतीदील, रा नीव भी ऊळु सकालीर.” 32 आग सैनकिगोळ जाळी कडुकु जहाज समुद्र दा होग गोट्टुर.

33 याग व्हातुर आगदुर मा ईरोद, आग पौलुस ईद अनकु, सप्पा मुंदुरी ऊम्मोर साटी वनिती माळदुन, “ईद चौदा दनि आदव कि नीव हादी काईत काईत उपास ईतीर, अदकि येनु तंददील.

34 ना इदुरसाटी नीमी तनोर साटी वनिती माळेतीन कनिमी जतिता ईरोरसाटी जर्री आद; यतकी नीम दा टु यारदु ताल्ला अनद ऊंद चुट्टी भी बळिबाळुल.” 35 ईद अनकु आव रोट्टी हुडुकु सप्पा मुंदुर मुंद परमेश्वर उन धन्यवाद माळदुन अदकि मूरुकु तनिली कुरतुन. 36 आग आंदुर सप्पा मुंदुर भी हमिमत कटकु ऊमली कुरतुर. 37 नाव सप्पा मलिसकु जहाज मा येदढ सौ छ्यात्तर मुंदुर ईरेव. 38 याग आंदुर ऊंडकु संतुष्ट आदुर, रा गोदी इक समुद्र दा भटिकु जहाज इक हल्का माळली कुरतुर.

जहाज इन बरबादी

39 याग व्हातुर आत रा आंदुर आ द्याश इक अरतीदलि, लेकीन ऊंद खाळी इन कनिरा कांळसत, अदकि वचिर माळदुर कनि अगर आग सकुल रा इदुर मा जहाज इक टेकसेव. 40 आग आंदुर लंगरगोळी खोलसकु समुद्र दा बटि बुटुर अदकि अदा समय जाळीगोळद बंधन खोलस बुटुर, अदकि जहाज इन मुंद मुंदळाद पाल येरसकु कनिरा दी होटोदुर. 41 लेकीन येदढ समुद्र अन संगम इन जागा हुडुकु आंदुर जहाज इक टेकसदुर, अदकि जहाज इन मुंदळोद हिसा धक्का तनिकु नट्टोत अदकि आलगाळ सकदील; लेकीन हदिळोद लयरगोळद बल देल मूरुली हत.

42 आग सैनकिगोळ ईद वचिर आत कनि बंदीगोळी कोद बुटेव, हगि आगबाळुल कनि यावारा तैरसकु ओळेगुल. 43 लेकीन सूबेदार पौलुस उक सुरक्षति माळोद इच्छा देल आंदरी ईद वचिर देल रोकसदुन अदकि उल्टा ईद आग्या कोट्टुन, कनि जो तैरस सकतार, पयले हारकु कनिरा मा होट बुळुल; 44 अदकि बाकी यारारा पट्टीगोळ मा, अदकि यावारा जहाज इन मुरद तुकळा गोळद सहारा देल होट बुळुल. ईद रीति देल सप्पा मुंदुर कनिरा मा सुरक्षति ऊळदकु होट्टुर.

28

माल्टा टापू दा पौलुस

1 याग नाव कनिरा मा सुरक्षति पोहचुसदेव, आग पता नळुत कनि ईद टापू उक माल्टा अंदकु आगतद. 2 अलेर नवासीगोळ नाम मा अनोखा कृपा माळदुर; यतकी माळ बरोद कारण सोळ इन ईरोद, इदुरसाटी आंदुर बेक्की होत्ताकु नाम सप्पा मुंदुरद स्वागत माळदुर. 3 याग पौलुस वळ्गेव हुळ्ळीगोळद गट्टा सकलुसकु बेक्की मा ईटदुन, रा ऊंद हाव बेक्की इन आच देल होळत अदकि आऊन कय इक गुणसेत. 4 याग आ नवासीगोळ हाव इक आऊन कय इक गुंडसकु नोळदुर, रा आपस दा अंदुर, “सचमुच ईव मळसा हत्यारा आन लेकीन ईऊन कसिमत वळ्लेव आव जो समुद्र दा ऊळदोदुन, तरी भी न्याय जीवति ईर गोटीदील.” 5 आग आव हाव इक बेक्की दा झटकुस बुटुन, अदकि पौलुस उक येनु हानि भी पोहचुसीदील. 6 लेकीन आंदुर हादी कायतोगोर कनि आव बातोदान या एकाएक बदिकु सोतोदान, लेकीन याग आंदुर हापाळ होत ताका नोळत ईत्तुर अदकि नोळकु आऊक असाधारण रूप दा भी येनु आगदील, रा तान वचिर बदलुसकु अनली हतदुर, “ईव रा यावारा देवता हुन.”

7 आ जागा अन आसपास आ टापू उन प्रधान अधिकारी पुबलियुस उन जागा ईरोद. आव नामी तान मान्या ओतकु नाम स्वागत माळदुन मुर दनि संगीभाव देल पाऊनचार माळदुन. 8 पुबलियुस उन आप्प मय देल अदकि आव खुन देल रोगी बदिकु ईरोन. इदुरसाटी पौलुस आऊन हात्ती मान्या होगकु प्रार्थना माळदुन अदकि आऊन मा कय ईटकु आऊक चंगा माळदुन. 9 याग हगि आत रा आ टापू उन बाकी बमिर बंदुर अदकि चंगा माळकु आदुर. 10 आंदुर नामद हर प्रकार देल आदर माळदुर, अदकि याग नाव होगली कुरतेव रा जो येनारा नाम साटी जर्री ईरोद, जहाज मा ईट बुटुर.

माल्टा टापू टु रोम दी

11 मुर तगिळ इन बाद्दा नाव सकिन्दरिया अनद ऊंद जहाज मा येरदेव, अदकि ई जहाज ईदा टापू दा सोळ इन दनिगोळ कारण ईल्या रूक्सकु ईरोद, आ जहाज इक जुळवा ईश्वर अंदकु आगोद. 12 नाव सुरकूसा दा पोहचुसदेव अदकि मुर दनि ताका अल्या ईत्तेव. 13 अल टु नाव रवाना आगकु रेगियुम नगर दा बंदेव; अदकि दुसरा दशिी दक्षिण टु हवा नळुत, अदकि नाव दुसरा दशिी पुतयिली नगर दा बंदेव. 14 अल नामी वशिवासी वारटुर सकिदुर, अदकि आंदुर कहना देल नाव आंदुर अल येळ दनि ताका ईत्तेव; अदकि ई रीति देल नाव रोम इक होटोदेव. 15 याग रोम इन वशिवासी वारटुर

इक नाम सुचना सकित रा अप्पयिस इन सात्ता अदकि मुर-सराए ताका नाम से मुलाकात माळली बंदुर, यारी नोळकु पौलुस परमेश्वर उन धन्यवाद माळदुन अदकि प्रोत्साहति आदुन.

रोम दा पौलुस

16 याग नाव रोम दा पोहचुसदेव, रा पौलुस उक ऊंद सैनिकि उन सांगुळ जो आऊन रखवाली माळतोगोन, आबना ईरोद आग्या सकिकेत.

17 मुर दनि इन बाददा आव यहूदीगोळ्द प्रमुख लॉकुरी कारदुन, अदकि याग आंदुर जमा आदुर रा आंदुर से अंदुन, “हे वारटुरा, ना तान लॉकुरद या आप्प दादागोळ व्यवहारगोळ्द वरिध दा येनु अच माळीदील, तरी नानी बंदी माळकु यरूशलम टु रोमीगोळ्द कय दा कोटकु आत. 18 आंदुर नान जाँच माळदुर अदकि नानी बटि बुळोद चाहासदुर, यतकी नान दा मृत्यु उन योग्य येनु दोष ईला ईरोद. 19 *लेकीन याग यहूदी ईदुरद वरिध दा माताळली कुरतुर, रा नानी कैसर से न्याय बेळोद प्रार्थना माळोद बतित: इदुरसाटी ईला कनि नानी तान लॉकुर मा येनारा दोष हचोद ईरोद. 20 इदुरसाटी ना नीमी कारदनि कनि नीम से मलिसाईन अदकि मातचोत हेळाईन; यतकी आ मंळसा अन साटी ना ई शंकली देल जकळुसकु आईन यार्द इस्त्राएल इन लॉकुर आशा माळतोगोर.”

21 आंदुर आऊन से अंदुर, “ना नामी नीन बारा दा यहूदीगोळ से चट्टी गोळ सकिदव, अदकि ना वारटुर दा टु यावारा बंदकु नीन बारा दा येनारा हेळदुर अदकि ना बुरा अंदुर. 22 लेकीन नीन वचिर येन आद? अदा नाव नीन से केळोद चाहासतेव, यतकी नाव जान्सतेव कनि नी याता समुह टु बरत्या अद समुह अन वरिध सप्पा दी लॉकुर माळतार.”

23 आग आंदुर आऊन साटी ऊंद दनि ठहूरसदुर, अदकि हापाळ सा लॉकुर जमा आदुर, अदकि आव परमेश्वर उन राज्य अन गवाही कोळतेला, अदकि मूसा अन व्यवस्था अदकि भवषियवक्तागोळ्द कतिबगोळ देल यीशु उन बारा दा समझुस समझुसकु वहातर्या टु द्यावगा ताका वरणन माळतेला ईततुन. 24 आग थ्वाळासा लॉकुर आ मातगोळी मान्स कोंडुर, अदकि थ्वाळासा लॉकुर वशिवास माळीदील. 25 बाक आंदुर आपस दा आबुर दाबुर देल असयमत आगतेला आंदुर अल टु होग कुरतुर, आग पौलुस ईद ऊंद मात अंदुन अदकि यशायाह भवषियवक्ता अन द्वारा पवतिर आत्मा नीम आप्प दादागोळ से याट सही अंदीत, 26 यतकी आव अंदुन,

होगकु ई लॉकुर से अन,

कनि नीव केळीर, लेकीन समसतदील,

अदकि नीव नोळतेला अच ईत्तीर, लेकीन नीमी कांळसतदील;

27 यतकी ई लॉकुरद मन कठोर अदकि आंदुर तान कवि बंद माळ बुटार,

अदकि आंदुर कण्णगोळ बंद आगेग्याव,

हगि आगबाळुल कनि आंदुर यागलु कण्णगोळ देल नोळुल अदकि कविगोळ देल केळुल

अदकि मन देल समसुल अदकि नान दी तरिगुल,

अदकि ना आंदरी चंगा माळाईन.

28 अदकि पौलुस ई मात देल ईदुरद समापन माळदुन कनि “नीमी जान्स कोम पायजे कनि परमेश्वर उन ई उद्धार इन बातणी गैरयहूदीगोळ हात्ती कळुकु आगेग्याद, आंदुर ईदरी केळ्यार.” 29 * याग आव ईद अंदुन रा यहूदी आपस दा हापाळ झगळा माळली कुरतुर अदकि अल टु होटोदुर.

30 पौलुस पुरा येढढ वर्ष तान करिया अन मान्या ईततुन, अदकि जो आऊन हात्ती आऊन से मुलाकात माळली बरतोगोर, आ सप्पा मुंदुरद स्वागत माळत ईततुन. 31 अदकि पुरा स्वतंत्रता अदकि हमिमत इन सांगुळ परमेश्वर उन राज्य अन्द प्रचार माळोन अदकि प्रभु यीशु मसीह अन बारा दा कलसतेला ईततुन.

* 28:19 २८:१९ प्रेरतिगोळ २५:११

* 28:29 २८:२९ येनारा हस्तलेख दा ईद वचन सकाल्द

रोमियों के नाम पौलुस प्रेरति की पत्री रोमियों अन्द हेसुर पौलुस प्रेरति उन चट्ठी परचिय

रोमियों अन्द कतिब आग सकतद प्रेरति पौलुस ५४-५८ वर्षगोळ बीच दा यीशु मसीह अन्द जनम इन बाददा लखिसकु आगीत. पौलुस ईगासताका रोमियोंगोळद दवरा ईला ताकोडीदुन, इदुरसाटी आंदुर ईद चट्ठी रोम दा ईसाईगोळी नरिदेश कोळोर साटी कळुदुर, येदुदु यहुदी अदकि गैरयहुदी. आंदुर कुरून्थियों शयर टु चट्ठी लखिसीदुर, येल आंदुर आ समय ईरतोगोर. पौलुस लखिसदुन कसिपपा राष्ट्र यीशु मसीह १६:२६ मा वशिवास अदकि पालन माळ सकुल.

रोमियोंगोळद कतिब हर जागी अदकि हर समय ईसाईगोळ साटी ऊंद खास कतिब आद यतकी पौलुस आसान रूप देल अदकि वळ्लीद तरीका देल समझुसतान कनि नाव यीशु मसीह अन्द उद्धार इन बारा दा हेळ सकतार. पौलुस यीशु मसीह अन्द खुशखबरी इक हाळोद नयिम देल भी जोळसदुन. हापाळ ग्यानी लॉकुरद तर्क आद कनि कतिब दा सब से खास कवति १:१६ आद जो अनतद, “नानी खुशखबरी देल येनु शरम हैलेच, यतकी ईद सपपा मुंदुरद उद्धार इन साटी परमेश्वर उन ताकत हुन, पयले यहुदीगोळ साटी बाक गैरयहुदीगोळ साटी जो हगि मान्सतार.” रोमियोंगोळद पयला भाग रोमियों १-१२ गयरा न्यायशास्त्र आद अदकि दुसरा भाग १३-१५ दा ईसाई जीवन इन साटी हापाळ व्यावहारिक नरिदेश आव.

रूप-रेखा

१. पौलुस साधारण रूप देल तान पयचान कोळतेला तान चट्ठी अन्द सुरूवात माळतान अदकि अनतान कनि आव यारी लखिसेत्यान १:१-१५
२. इदुर बाददा आव यीशु मसीह अन्द जरीया देल मळसा जाती अन्द स्थिति अदकि संभावति उद्धार इन बारा दा लखिसतान १:१६-११:३६
३. इदुर बाददा पौलुस ईसाई जीवन जीऊसोर साटी हापाळ व्यावहारिक नरिदेश कोळतान १२:१-१५:१३
४. आव रोम इन अध्याय १६ दा मंडली अन्द लॉकुरी हापाळ शुभकामना कोटकु रोमियों अन्द कतिब इक खतम माळतान.

1 पौलुस उन दी टु जो यीशु मसीह अन दास आन, अदकि यारी परमेश्वर प्रेरति आगोर साटी कारस्यान, अदकि परमेश्वर उन आ खुशखबरी इन प्रचार इन साटी अलग माळकु आत. 2 यारी पयले अच संदेश कोळावाळेरद द्वारा प्रतगिया माळकु आत, ह्यांग पवतिरशास्त्र दा लखिसकु आग्याद. 3 अद आऊन पार उन बारा दा हुन; आव मय इन भाव देल रा दाऊद उन वंश देल पैदा आदुन. 4 अदकि पवतिरता अन आत्मा अन भाव देल सोत्तुर दा टु जित्ता आगोद कारण सामर्थ्य अन सांगुळ परमेश्वर उन पार ठहरूस्कु आदुन; आव यीशु मसीह नाम प्रभु हुन. 5 आऊंदा द्वारा परमेश्वर नामी अनुग्रह कोट्टुन कनि प्रेरतिई सकिल, ताकी सपपा गैरयहुदी लॉकुर आऊन हेसुर मा वशिवास माळुल अदकि आग्या अन पालन माळुल. 6 इदुर दा नीव भी शामलि आईर जो रोम दा ईरतीर, यारी परमेश्वर यीशु मसीह नोर आगोर साटी कारस्यान. 7 आ सपपा मुंदुर हेसुर ना लखिसेतीन जो रोम दा परमेश्वर उन प्रिय आर, अदकि आंदरी परमेश्वर तान लॉकुर आगोर साटी कारस्यान. नाम आपप परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

8 पयले ना नीम सपपा मुंदुर साटी यीशु मसीह अन द्वारा तान परमेश्वर उन धन्यवाद माळतीन, यतकी नीम वशिवास इन बारा दा पुरा दुनया दा चर्चा आगेत्याद. 9 परमेश्वर यारद स्यावा ना तान आत्मा देल आऊन पार उन खुशखबरी इन बारा दा माळतीन, आवा नान गवाह आन कनि ना नीमी याता प्रकार लगातार याद माळत ईरतीन, 10 अदकि लगातार तान प्रार्थनागोळ दा ना

हमेशा अच वनिती माळतीन की यातोदारा रीती देल ईंग नीम हाती बरोद नान यात्रा परमेश्वर उन इच्छा देल सफल आगुल. 11 यतकी ना नीम से मलिसोद इच्छा हापाळ ईटतीन की नीम सांगुळ आत्मकी आशीषगोळ वाट्स सकाईन यदुर देल नीमी सामर्थ्य सकिल; 12 मतलब ईद की याग ना नीम बीच दा आगाईन, रा नामी आ वशिवास इन द्वारा जो नान दा अदकि नीम दा आद, आबुर दाबुर से प्रोत्साहन सकिल. 13 *हे वार्दुरा अदकि आकतीगेरा, ना घळी घळी नीम हाती बरोद चाहासदीन, की ह्यांग नानी गैरयहूदीगोळ दा व्हासा वशिवासीगोळ्द काय सकित, हांग अच नीम दा भी सकिल, लेकीन ईगासताका रूकावटगोळ बंदव. 14 ना सप्पा लॉकुरद कर्जदार आईन यूनानीगोळ्द अदकि गैर यूनानीगोळ्द, कलतकु अदकि अशक्तिगोळ्द. 15 इदुरसाटी ना नीमी भी जो रोम नगर दा ईरतीर, खुशखबरी केळसोर साटी हापाळ उत्साहीत आईन.

खुशखबरी इन सामर्थ्य

16 *यतकी ना खुशखबरी देल नाचालीन, इदुरसाटी की अद हर ऊंद वशिवास माळावाळा अन साटी, पयले रा यहूदी बाक गैरयहूदी, यतकी ईद उद्धार तरावाळा परमेश्वर उन सामर्थ्य हुन. 17 यतकी खुशखबरी ईद प्रगट माळतद की परमेश्वर मंळसागोळी तान प्रती सही ह्यांग माळतान ईद सूरवात टु आखरी ताका वशिवास इन द्वारा अच आद. ह्यांग की शास्त्र दा लखिसकु आद, “जो मंळसा परमेश्वर उन सांगुळ न्यायी आन आव वशिवास इन द्वारा जतिता ईततान.”

मंळसा जाती इन पाप

18 परमेश्वर उन सटिट रा आ लॉकुरद पाप अदकि बुराई मा स्वर्ग टु प्रगट आगतद, जो सत्य अक बुराई देल वोतकु ईटतार. 19 इदुरसाटी की परमेश्वर उन ग्यान आंदुरद मनगोळ दा प्रगट आद, यतकी परमेश्वर आंदुर मा प्रगट माळयान. 20 यागी टु परमेश्वर दुनिया अनद रचना माळदुन आगी टु आऊन अदृश्य विशेषतागोळ, मतलब अनन्त ताकत अदकि आऊन दैविक स्वभाव आ वस्तुगोळ दा जो परमेश्वर रचयान पुरा रीती देल साफ काळसकु बळितद. इदुरसाटी आ लॉकुर हात्ती येनु बहाना हैलेच. 21 *यतकी आंदुर परमेश्वर उक अरूतार लेकीन जो आऊन सम्मान आद अद आऊक कोळालुर अदकि ना धन्यवाद माळतार. लेकीन आऊन जागा आंदुर वचिर पुरा रीती देल नरिर्थक आग्याव अदकि आंदुरव खाली दमिक अंधार देल तुम्मेग्याव. 22 आंदुर तान तान इक बुद्धमिान सम्सतार लेकीन मूर्ख आर, 23 अदकि अवनिशी परमेश्वर उन महमिा अक नाशवान मंळसागोळ, पक्षीगोळ, नाक कालवाळा जनावरगोळ, अदकि रेंगसावाळा कळिागोळ मूर्ति इन समानता दा आंदुर बदलुस बुदुर. 24 ई कारण परमेश्वर आंदरी आंदुर मन इन अभलिाषागोळ अनुसार अशुध्दता अन साटी बटिट बुदुन की आंदुर आपस दा तान शरीर इन अनादर माळुल. 25 यतकी आंदुर परमेश्वर उन सचचाई अक बदलुसकु खवाटा माळ बुदुर, अदकि परमेश्वर उन बदला दुनिया अन उपासना अदकि स्यावा माळदुर यदरी आव घळुस्यान, ना की आ माळावाळा अनद जो हमेशा धन्य आन! आमीन. 26 इदुरसाटी परमेश्वर आंदरी नीच वासनागोळ कय दा सोप्स बुट्टुन; ईल ताका की आंदुर आर्तेर स्वाभाविकी यौन संबंघगोळ बदला अस्वभाविकी यौन संबंघ ईटली कुरतुर. 27 हांग अच गंळसुर भी आर्तेर सांगुळ स्वाभाविकी व्यवहार बटिकु आपस दा कामातुर आगकु होतली हतदुर, अदकि गंळसुर दुसरा गंळसुर सांगुळ नरिलज क्याल्सा माळकु तान गलत कर्मगोळ्द सजा ताकोंडुर. 28 याग आंदुर परमेश्वर उक अरोद चाहासीदील, रा परमेश्वर भी आंदरी आंदुरद भ्रष्ट मन मा बटि बुट्टुन की आंदुर अनुचति क्याल्सा माळली हतुल जो ईला माळ पाहीजे होता. 29 इदुरसाटी आंदुर सप्पा प्रकार इन अन्याय, दुष्टता, लोभ, अदकि अनैतिकता देल तुम्मेग्यार; अदकि आंदुर जलन, हत्या, अदकि झगळा, छल कपट, अदकि बुराईगोळ देल तुम्मेदुर, अदकि चुगलीखोर आगेदुर, 30 अदकि आबुर दाबुर बुराई माळावाळे, परमेश्वर उन अपमान माळावाळे, अदकि अय्यासी माळावाळे, घमण्डी अदकि अहंकारी, अदकि बुराई माळोर साटी अनेक हादी दुंडसावाळे, अदकि मोय आप्पुरद आग्या ईला मानसावाळे बनसतार, 31 आंदुर मन इन कमजोर, अदकि तान कोळ्द वचन मुरावाळे, अदकि आबुर दाबुरद

परती नरिदयी आगेग्यार. 32 आंदुर जानसतार क्ति परमेश्वर उन व्यवस्था येन अनतद जो लॉकुर ई हादी मा नळुतार आंदुर मृत्यु दण्ड इन लायक आर, तरी भी ई लॉकुर ना सरिफ आ क्याल्सागोळी माळतार उलटा हांग माळावाळेर इक साथ भी कोळतार.

2

परमेश्वर उन न्याय

1 *इदुरसाटी हे दोष हचावाळा, नी यावारा येती आगबाळुल, नी नरित्तर आय; यतकी याता मात दा नी दुसरा मा दोष हचत्या अदा मात दा तान तान इक भी दोषी ठहरूसत्या, इदुरसाटी क्ति नी जो दोष हचत्या खुद अच अद क्याल्सा माळत्या. 2 यतकी नाव जानसतेव क्ति जो लॉकुर हगि क्याल्सा माळतार, परमेश्वर आदुरद सच्चाई देल न्याय माळतान. 3 लेकीन हे मळसा, नी जो हगि-हगि क्याल्सा माळावाळेर मा दोष हचत्या अदकि खुद अच अव क्याल्सा माळत्या; येन ईद समसत्या क्ति नी परमेश्वर उन न्याय देल ऊळदोदया? 4 येन नी आऊन महान दया, अदकि शहनशीलता, अदकि धीरज इक तुच्छ जानसत्या? येन नी सही दा ईद समसाल क्ति परमेश्वर उन दया नीनी मन फराव दी ओयतद? 5 लेकीन नी तान कठोरता अदकि जीददी मन इन कारण आ दनि इन साटी, जो दनि परमेश्वर उन सटिट अदकि खरा न्याय प्रगट आदीत, नी तान साटी दण्ड तयार माळेत्या. 6 परमेश्वर नाम सप्पा मुंदुरी तान कर्मगोळद हिसाब देल प्रतफिल कोट्टान: 7 जो लॉकुर वळ्ळीद क्याल्सा दा हतकु ईरतार परमेश्वर उन दी टु सीकतद महमि, आदर, अदकि अमरता अन खोज दा आर, आंदरी परमेश्वर अनन्त जीवन कोट्टान; 8 लेकीन जो लॉकुर मतलबी आर अदकि जो सच्चाई इक स्वीकार माळतार. ताकी बुरा क्याल्सा माळ सकुल ईतता लॉकुर मा परमेश्वर तान सटिट अदकि प्रकोप पलटुसयान. 9 दुख अदकि परेशानी हर ऊंद मळसा मा जो बुराई माळतान बंदीत, पयले यहूदी मा बाक गैरयहूदीगोळ मा; 10 लेकीन परमेश्वर जो वळ्ळेव क्याल्सा माळतार आंदरी महमि, आदर अदकि शांती प्रदान माळयान, पयले यहूदीगोळ इक बाक गैरयहूदीगोळ इक. 11 यतकी परमेश्वर बनिा पक्षपात देल सप्पा मुंदुरद न्याय माळतान.

12 गैरयहूदीगोळ हात्ती मूसा अनद व्यवस्था हैलेच अदकि आंदुरद न्याय भी बनिा व्यवस्था देल आदीत, यहूदीगोळ हात्ती मूसा अनद व्यवस्था आद अदकि आंदुरव माळदव पापगोळ न्याय व्यवस्था अन अनुसार अच आदीत. 13 यतकी परमेश्वर उन मान्या व्यवस्था अक केळावाळेर न्यायी हैलेच, लेकीन व्यवस्था मा नळावाळेर न्यायी ठहरूसकु आदार. 14 गैरयहूदी लॉकुर यार हात्ती व्यवस्था हैलेच, लेकीन आंदुर तान तान दा व्यवस्था मा नळुतार, इदुरसाटी आंदुर तान तान दा अच व्यवस्था आर, जब की आंदुर हात्ती मूसा अनद व्यवस्था हैलेच. 15 आ लॉकुरद चाल चलन तोरसतद क्ति व्यवस्था आंदुरद दलिगोळ दा लखिसकु आग्याद. अदकि आंदुरव मन भी अनताव क्ति ईदा सत्य हुन, अदकि ईदरी हुडुकु आंदुरव वचार आंदरी यागलु नरिदोष या यागलु अपराधी ठहरूसताव; 16 आ दशी परमेश्वर नान प्रचार माळ्द खुशखबरी इन अनुसार परमेश्वर यीशु मसीह अन द्वारा मळसागोळ गुप्त वचारगोळद न्याय माळयान.

यहूदी अदकि व्यवस्था

17 अगर नी तान तान इक यहूदी अनत्या, अदकि नीनी तान परमेश्वर मा अभमान आद, 18 अदकि नीनी मालूम आद क्ति परमेश्वर नीन से येन माळसुसोद चाहासतान अदकि सही मातगोळ इक नविळुसोद नी व्यवस्था देल कलत्या; 19 अदकि तान तान मा भरोसा ईटतान क्ति ना कुढ्ढगोळव अगुवा, अदकि अंधकार दा बदिकु आर आंदुर ज्योती, 20 मुखगोळ इक नरिदेश कोळावाळा, अदकि भोला मळसा गोळोव शकिषक आन. अदकि नी सही आय क्ति जो नयिम शास्त्र नीन हात्ती आद, अदुरदा पुरा सत्यता अदकि पुरा ग्यान इन समावेश आद. 21 इदुरसाटी येन नी जो दुसरागोळी कलसत्या, तान तान मा येती लागु माळाल? येन नी जो काळलपन ईला माळोद शकिषा कोळत्या, खुद अच काळलपन येती माळत्या? 22 नी जो अनत्या, “व्यभचार ईला माळ पायजे,” रा खुद अच व्यभचार येती माळत्या? नी जो मूर्तीगोळ से घृणा माळत्या,

येन खुद अच मंदरिगोळी येती लुट्सत्या? 23 नी जो व्यवस्था अन बारा दा घमण्ड माळत्या, रा खुद परमेश्वर उन व्यवस्था ईला मान्सकु परमेश्वर उन अनादर माळत्या? 24 “यतकी नीम कारण गैरयहूदीगोळ दा परमेश्वर उन हेसुर इन अपमान माळकु आगतद,” ह्यांग शास्त्र दा लखिसकु आद.

25 अगर नी व्यवस्था अनूद पालन माळ्या रा खतना देल लाभ रा आद, लेकीन अगर नीव व्यवस्था अन उल्लंघन माळत्या रा नीद खतना बनिा खतना अनूद दशा ठहूरूस्त. 26 इदुरसाटी अगर गैरयहूदी यार्द खतना आगीदील तरी भी व्यवस्था अनूद पालन माळतान रा येन आऊन खतनारहति आगदुर मा भी खतना माळकु आत आळुकु आगतीदील? 27 अदकि खुद यहूदीगोळी गैरयहूदीगोळ द्वारा दोषी ठहूरूस्तु आदीत जब की नीम हात्ती लखिसद व्यवस्था अदकि खतना माळकु आगीर लेकीन गैरयहूदी व्यवस्था अन पालन माळतार जब की आंदुरद शारीरकि रूप देल खतना आगीदील. 28 ऊंद खरा यहूदी यार्द सही दा खतना आग्याद, आव याव हुन? खरा यहूदी आव आलच जो सरिफ बाहरी रूप देल यहूदी आन, यार्द खतना सरिफ शारीरकि आद. 29 लेकीन खरा यहूदी आवा हुन जो बुळक टु यहूदी आन; यार्द दलि देल खतना आग्याद अदकि ईद परमेश्वर उन आत्मा अनूद क्याल्सा हुन, ना कलिखिसद व्यवस्था अनूद. ईत्ता मंळसा परमेश्वर उन दी टु प्रशंसा पाऊस्यान ना की मंळसा अन दी टु.

3

1 इदुरसाटी गैरयहूदीगोळ मुंद नीमूद यहूदी आगोद येन फायदा? अदकि नीमूद खतना अनूद येन लाभ? 2 सप्पा प्रकार देल हापाळ लाभ आद. पयले रा ईद की परमेश्वर उन वचन यहूदीगोळी कोटकु आग्याव. 3 अगर येनारा यहूदी वशिवासघाती होट्टुर भी रा येन आत? येन आंदुर वशिवासघाती आगदुर देल परमेश्वर उन सच्चाई बेकार ठहूरूसीत? 4 यागलु ईला! लेकीन परमेश्वर खरा आन अदकि हर ऊंद मंळसा खवाटा ठहूरूस सकतान, ह्यांग शास्त्र दा लखिसकु आद, “याग नी खुद इन बचाव दा माताळ्या आग नी सही ठहूरूसया अदकि न्याय माळावती नीनी जीत प्राप्त आदीत.” 5 इदुरसाटी अगर नाम गलत क्याल्सा परमेश्वर उक सही ठहूरूस बुळतद, रा नाव येन अंदेव? येन ईद की परमेश्वर जो दण्ड कोळतान गलत माळतान? ईद रा ना साधारण सवाल केळीतीन. 6 यागलु ईला! ईदारा परमेश्वर ह्यांग दुनया अन न्याय माळ्यान? 7 अगर नान झुठ इन कारण परमेश्वर उन सच्चाई आऊन महिमा अन साटी, यक्कुल माळकु प्रगट आत रा बाक येती पापी अन घाई ना दण्ड इन साटी ठहूरूस्तु आगतीन? 8 “नाव येती बुराई माळेव की भलाई होळुल?” ह्यांग नाम मा ईदा दोष हचकु भी आगतद, अदकि येनारा अनतार की इंदुरद ईदा अनोद आद. लेकीन ईत्तरी दोषी ठहूरूसोद ठीक आद.

याऊ न्यायी हैलेच

9 रा बाक येन आत? येन नाव यहूदी आ गैरयहूदीगोळ से वळलेर आयेव? यागलु ईला; यतकी नाव यहूदीगोळ अदकि गैरयहूदीगोळ येदुदु मा ईद दोष हच कोडेव की आंदुर सप्पा च्या सप्पा पाप इन वश दा आर. 10 ह्यांग शास्त्र दा लखिसकु आद:

“याऊ न्यायी हैलेच, ऊंद भी हैलेच.

11 याऊ समझदार हैलेच;

याऊ परमेश्वर उक दुंडसावाळा हैलेच.

12 सप्पा परमेश्वर उन से भटकुसेग्यार, सप्पा च्या सप्पा नकिम्मा बनसेग्यार;

याऊ भलाई माळावाळा हैलेच, ऊंद भी हैलेच.

13 आंदुरद कुतक्या खुलसद कबर हुन,

आंदुर तान ल्यालग्यागोळ देल छल माळ्यार,

आंदुरद टुट्टीगोळ दा हावगोळद जहर आद.

14 आंदुरद बाय श्राप अदकि कळवाहट देल तुमकु आद.

15 आंदुर काल खुन वाहुस्ली फुरतीला आव,

16 आंदुर हादीगोळ मा नाश अदकि क्लेश आद,

17 आंदुर शांती इन हादी अरालुर.

18 *आदुरद कण्णगोळ मुंद परमेश्वर उन अंज्क हैलेच.”

19 नाव जान्सतेव कि व्यवस्था जो येनारा अनतद आंदुर से अच अनतद, जो व्यवस्था अन हात्ती आर; इदुरसाटी किहर ऊंद बाय बंद माळकु आगुल अदकि पुरा दुनया परमेश्वर उन न्याय इन लायक ठहूसुल; 20 *यतकी व्यवस्था अन क्याल्सागोळ देल यातोदु मळसा परमेश्वर उन मुंद न्यायी ठहूसतीदील, इदुरसाटी कि व्यवस्था अन द्वारा पाप इन पयचान आगतद.

वश्वास द्वारा न्यायीपन

21 लेकीन ईग व्यवस्था टु अलग परमेश्वर उन अद न्यायीपन प्रगट आग्याद, यदुरद गवाही मूसा अन व्यवस्था अदकि भवषियवक्ता कोळतार, 22 *मतलब परमेश्वर उन अद न्यायीपन जो यीशु मसीह मा वश्वास माळदुर देल सप्पा वश्वास माळावाळेरे साटी आद. यतकी येनु फरक हैलेच; 23 इदुरसाटी कि सप्पा मुंदुर पाप माळ्यार अदकि परमेश्वर उन महिमा देल हापाळ दुर आर, 24 लेकीन आऊन अनुग्रह देल आ छुटकारा अन द्वारा जो मसीह यीशु दा आद, सप्पा च्या सप्पा न्यायी ठहूसकु आगतार. 25 यीशु उक परमेश्वर आऊन रक्ता अन द्वारा ऊंद हगि प्रायश्चति बली ठहूसदुन, जो वश्वास माळदुर देल कार्यकारी आगतद, कि जो पाप पयले माळकु आग्याव अदकि यऊर मा परमेश्वर तान सहनशीलता अन कारण ध्यान कोटीदील. यीशु उन रक्ता अन बारा दा आव तान न्यायीपन प्रगट माळुल. 26 लेकीन ईदा समय आऊन न्यायीपन प्रगट आगुल कि यदुर देल आव खुद अच न्यायी ठहूसुल, अदकि जो यीशु मा वश्वास माळुल आऊन भी न्यायी ठहूसवाळा ईरूल. 27 रा घमण्ड येल आद? अदकि घमण्ड इक व्हार्या माळकु आत? येन नाव व्यवस्था अन पालन माळतेव? ईला, लेकीन नाव वश्वास माळतेव इदुरसाटी. 28 इदुरसाटी नाव ईद परणाम मा पोहचुसतेव कि मळसा व्यवस्था अन क्याल्सागोळ से अलग आन, मळसा परमेश्वर मा वश्वास इन द्वारा अच न्यायी ठहूसतान. 29 या परमेश्वर सरिफ यहूदीगोळव अच हुन? येन गैर यहूदीगोळव परमेश्वर हैलेच? नश्चिति अच आव गैर यहूदीगोळव भी परमेश्वर हुन. 30 *यतकी ऊंद अच परमेश्वर आन, जो यहूदीगोळी वश्वास देल अदकि गैरयहूदीगोळी भी वश्वास इन द्वारा न्यायी ठहूस्यान. 31 रा येन नाव व्यवस्था अक वश्वास इन द्वारा बेकार ठहूसतेव? यागलु ईला! लेकीन व्यवस्था अक कायम ईटतेव.

4

अब्राहम उन उदाहरण

1 इदुरसाटी नाव येन अंदेव नाम शारीरिक आप्प अब्राहम उक येन हासलि आत? 2 यतकी अगर अब्राहम क्याल्सागोळ देल न्यायी ठहूसकु आगायदुन, रा आऊक घमण्ड माळोद जागा ईराईत, लेकीन परमेश्वर उन नजर दा ईला. 3 *पवतिरशास्त्र येन अनतद? ईद कि “अब्राहम परमेश्वर मा वश्वास माळदुन, अदकि आऊन वश्वास इन कारण परमेश्वर आऊक न्यायी ठहूसदुन.” 4 क्याल्सा माळावाळा अन्द मजदूरी कोळोद दान आलच, लेकीन हक्क सम्सकु आगतद. 5 लेकीन जो वश्वास मा नरिभर ईरतान ना कि क्याल्सागोळ मा, अदकि परमेश्वर मा वश्वास माळतान जो परमेश्वर अभक्तहिनि उक भक्तहिनि माळतान, आऊन ईदा वश्वास देल परमेश्वर आऊक न्यायी ठहूसतान. 6 यारी परमेश्वर बनिा कर्मगोळ्द न्यायी ठहूसतान, आऊक दाऊद भी धन्य अनतान:

7 धन्य आर आंदुर यारव अन्याय माफ आदव, अदकि यारव पाप होतुरसकु आदव.

8 धन्य आन आ मळसा यारी परमेश्वर पापी ठहूसतीदील.

9 “जो धन्य आगोद मात दाऊद अनेत्यान, येन खतना माळद यहूदीगोळ्द साटी अच हुन या बनिा खतना माळद गैरयहूदीगोळ्द साटी भी हुन. अब्राहम परमेश्वर मा वश्वास माळदुन अदकि आऊन वश्वास इन कारण अच परमेश्वर आऊक न्यायी स्वीकार माळदुन.” 10 रा ईद याग आत?

* 3:18 ३:१८ भजन संहिता ३६:१ ✨ 3:20 ३:२० गलातगोळ २:१६ ✨ 3:22 ३:२२ गलातगोळ २:१६ ✨ 3:30 ३:३० गलातगोळ ३:२० ✨ 4:3 ४:३ गलातगोळ ३:६

येन याग आऊन खतना आगेगीत या आव बनिा खतना अन्द ईरोन. ईला, खतना अन बाददा ईला उलटा खतना आगा पयले हगि आत. 11 अदकि आऊन खतना आगोद अद ऊंद चनिह बन्सत क्ति तोरस सकुल क्ति परमेश्वर आऊक खतना आगा पयले अच आऊन वशिवास इन द्वारा न्यायी स्वीकार माळदुन. अदकि अब्राहम सप्पा वशिवासीगोळ्द आत्मकि आप्प बन्सदुन यतकी आंदुर बनिा खतना नोर आर लेकीन वशिवासी आर, इदुरसाटी आंदुर भी न्यायी ठहूसकु आदार. 12 अदकि आव आंदुर भी आप्प हुन यार्द खतना आग्याद, आ लॉकुर सरिफ खतना माळकु ना ईला ईरोर उलटा नाम आप्प अब्राहम उन वशिवास इन पद चनिहगोळ मा नळावाळेर ईरोर आव अब्राहम जो खतना आगोर से पयले नळदुन.

वशिवास इन द्वारा परमेश्वर उन प्रतगिया सकोद

13 *याग परमेश्वर अब्राहम अदकि आऊन वंशजगोळ से प्रतगिया माळदुन क्ति आंदुर दुनया अनद वारीस आदार, ईद प्रतगिया अब्राहम उक व्यवस्था अन पालन माळदुर देल अच सकदील लेकीन आव वशिवास माळदुन अदकि आव परमेश्वर उन द्वारा न्यायी स्वीकार माळकु आदुन ई कारण अच सकित. 14 *अदकि इदुरसाटी अगर नीव मानसतीर क्ति परमेश्वर उन कोळ्द प्रतगिया ईद व्यवस्था अन पालन माळावाळेर कारण सकित रा नीम्द वशिवास बेकार अदकि परमेश्वर उन कोळ्द प्रतगिया भी बेकार आद. 15 यतकी व्यवस्था देल परमेश्वर उन सट्ट पैदा आगतद, लेकीन यल व्यवस्था हैलेच, अल अदुरद उल्लंघन भी हैलेच. 16 *ईदा कारण प्रतगिया वशिवास मा आधारति आद अदकि ईद प्रतगिया ई सप्पा अब्राहम उन वंशजगोळ साटी परमेश्वर उन मुफ्त उपहार हुन, ईद सरिफ व्यवस्था अन पालन माळावाळेर साटी इच ईला लेकीन आंदुर साटी भी आद जो वशिवास माळतार ह्यांग वशिवास अब्राहम माळदुन यतकी अब्राहम नाम सप्पा मुंदुरव आत्मकि आप्प हुन. 17 ह्यांग शास्त्र दा लखिसकु आद, “ना नीनी हापाळ सा द्याशगोळ्द आप्प ठहूसीन” अदकि ईद प्रतगिया परमेश्वर उन नजर दा वळ्दीद आद. ईव आव परमेश्वर हुन यार मा अब्राहम वशिवास माळदुन अदकि जो सोत्तुरी जतिता माळतान, अदकि ईव आव परमेश्वर हुन जो मातगोळ अस्ततिव दा हैलेच आ मातगोळी अस्ततिव दा तरतान. 18 ह्यांग शास्त्र दा लखिसकु आद, “नी हापाळ सा द्याशगोळ्द आत्मकि आप्प आदया. अदकि नीन वंशजगोळ तारागोळ घाई आदार ई मात मा आशा ईटोद येनु कारण ईला ईरोद तरी भी अब्राहम वशिवास अदकि आशा ईटदुन,” 19 यतकी आव लगभग सौ साल इनव आगेगदिन लेकीन आऊन वशिवास आऊन शरीर इन घाई कमजोर ईला आगीत ह्यांग क्ति आऊन शरीर लगभग सायापरी आगेगीत अदकि सच्चाई रा ईद भी आद क्ति सारा अन क्वाता भी चगिद उक हाळु ईला सकोद. 20 तरी भी आव तान वशिवास इक बटिदलि अदकि ना आव परमेश्वर उन प्रतगिया मा सक माळदुन आऊन वशिवास आऊक सामर्थ्य देल तुम्त अदकि आव परमेश्वर उन महिमा माळदुन; 21 अदकि आऊक पुरा भरोसा ईरोद क्ति परमेश्वर आऊक जो प्रतगिया कोटीदुन, आव अदरी पुरा माळदुर दा भी समर्थ आन. 22 ई कारण परमेश्वर अब्राहम उक आऊन वशिवास इन द्वारा न्यायी स्वीकार माळदुन. 23 अदकि ईद वचन, “वशिवास इन द्वारा न्यायी स्वीकार माळोद” सरिफ आऊन आबना अन साटी लखिसकु ईला आगति. 24 ऊलटा ईद नाम साटी भी लखिसकु आत जो नाव न्यायी ठहूसकु आगेव अदकि जो यीशु नाम प्रभु जो सोत्तुर दा टु जतिता आदुन आऊन मा वशिवास माळतार. 25 यतकी आव नाम पापगोळ कारण मृत्यु उन साटी सौप्सकु आदुन अदकि नामी परमेश्वर उन सांगुळ न्यायी ठहूसोर साटी सोत्तुर दा टु जतिता आदुन.

5

परमेश्वर उन से मेल मलिाप

1 ईग जो नाव तान वशिवास इन कारण परमेश्वर उन मुंद न्यायी ठहूसेव, रा नाम प्रभु यीशु मसीह अन कारण परमेश्वर नामी शांती कोटान. 2 अदकि ईग आऊंदा द्वारा वशिवास इन कारण नाव परमेश्वर उन अनुग्रह दा जीवन व्यतीत माळतेव. अदकि नाव आ आशा मा घमण्ड माळतेव

यदुर द्वारा नामी परमेश्वर उन महिमा अन सांगुळ भागीदारी सकियाद. ³ सरिफ ईटा ईला, यतकी नाव तान आपदगोळ मा घमण्ड माळतेव यतकी नामी मालूम आद नाम आपद धीरज इक उत्पन्न माळतद. ⁴ अदकि धीरज देल वळ्लीद चरतिर बन्सतद, अदकि वळ्लीद चरतिर देल आशा उत्पन्न आगतद; ⁵ अदकि ईद आशा नामी नरिश माळाल, यतकी परमेश्वर आऊन प्यार नाम मनगोळ दा हाक्यान, मतलब पवतिर आत्मा जो नाम साटी परमेश्वर उन उपहार हुन.

⁶ यतकी याग नाव आशाहीन ईरेव, रा ठीक समय मा नाव भक्तहीनगोळ साटी मसीह तान बलदान माळदुन. ⁷ यावारा न्यायी जन इन साटी यावारा सायुल, ईद रा दुर्लब आद; लेकीन आग सकतद यावारा वळ्लेव मंळसा अन साटी यावारा सायुद भी हम्मिमत माळुल. ⁸ लेकीन परमेश्वर नाम मा तान प्यार इन भलाई ई रीति देल प्रगट माळतान कि याग नाव पापी अच ईरेव आग भी मसीह नाम साटी सोत्तुन. ⁹ इदुरसाटी याग कि नाव ईग आऊन रक्ता अन कारण न्यायी ठहूसदेव, रा आऊन द्वारा परमेश्वर उन सट्टि देल येती ऊळसकु आगतीदील? ¹⁰ यतकी याग नाव परमेश्वर उन दुश्मन ईरेव लेकीन परमेश्वर तान पार उन मृत्यु उन द्वारा नाम सांगुळ मेल मलिाप माळदुन, रा ईग नाव परमेश्वर उन संगी आयेव रा आ मसीह अन जीवन इन द्वारा नाम हापाळ यक्कुल उद्धार आदति. ¹¹ सरिफ ईदा ईला, लेकीन नाव तान प्रभु यीशु मसीह से, यार्द द्वारा नाम परमेश्वर उन सांगुळ मेल मलिाप आत, परमेश्वर दा खुश आगतार.

आदम अदकि मसीह

¹² इदुरसाटी ह्यांग ऊंद मंळसा अन द्वारा पाप दुनिया दा बत्त, अदकि पाप इन द्वारा मृत्यु बत्त, अदकि ई रीति देल मृत्यु सप्पा मंळसागोळ दा फैलुसेत, यतकी सप्पा मुंदुर पाप माळदुर. ¹³ व्यवस्था अन कोटक आगोर से पयले ताका पाप दुनिया दा रा ईरोद, लेकीन येल व्यवस्था हैलेच अल पाप आळदकु आगाल्द. ¹⁴ लेकीन आग भी आदम टु मूसा ताका पुरा मृत्यु आ लॉकुर मा राज्य माळत याग कि आ लॉकुर आदम घाई आग्या मुरोद पाप माळीदलि तरी भी पापी ठहूसीदील, जो आ बरावाळा अन चमत्कार हुन, आ अपराध घाई पाप माळीदलि.

¹⁵ लेकीन ह्यांग अपराध इन दशा आद, हांगा अनुग्रह अन वरदान इन हैलेच, यतकी याग ऊंद आदम उन अपराध देल हापाळ लॉकुर सोत्तुर, रा परमेश्वर उन अनुग्रह अदकि आऊन जो दान ऊंद मंळसा अन, मतलब यीशु मसीह अन अनुग्रह देल हापाळ लॉकुरी कृपा सकित. ¹⁶ अदकि परमेश्वर उन भेंट अदकि ऊंद मंळसा अन पाप ई येदुदु दा फरक आद. तरी भी पाप इन कारण दोष इन न्याय बत्त, लेकीन हापाळ पुरा पापगोळ्द बाददा अदकि नरिदोष आगोद यदुरद नाव लायक ईला ईरेव अद भेंट बत्त. ¹⁷ यतकी याग ऊंद मंळसा अन अपराध इन कारण मृत्यु आ ऊंद मंळसा अन द्वारा अच राज्य माळत, रा जो लॉकुरी अनुग्रह अदकि न्यायरूपी वरदान बहुतायत देल सकितद आंदुर ऊंद मंळसा अन, मतलब यीशु मसीह अन द्वारा जरूरी अच अनन्त जीवन दा राज्य माळ्यार.

¹⁸ इदुरसाटी ह्यांग ऊंद अपराध सप्पा मंळसागोळ साटी दण्ड इन आग्या अन कारण आत, हांग अच ऊंद न्यायीपन इन क्याल्सा भी सप्पा लॉकुरी मुक्त माळतद अदकि आंदरी जीवन कोळतद. ¹⁹ यतकी ह्यांग ऊंद मंळसा अन आग्या ईला मानसदुर देल हापाळ लॉकुर पापी ठहूसदुर, हांग अच ऊंद मंळसा अन आग्या मानसोद कारण सप्पा लॉकुर परमेश्वर उन मुंद न्यायी ठहूसकु आदार. ²⁰ व्यवस्था अन पयचान इदुरसाटी आत कि अपराध वाळुसेगुल, लेकीन यल पाप वाळुस्त अल परमेश्वर अनुग्रह अदकि यक्कुल वाळुस्त, ²¹ कि ह्यांग पाप मृत्यु फैलुसतेला राज्य माळत, हांग अच नाम प्रभु यीशु मसीह अन द्वारा अनुग्रह भी अनन्त जीवन इन साटी न्यायीपन इन द्वारा राज्य माळीत.

6

पाप इन साटी मृतक: मसीह दा जीवति

¹ रा नाव ईग येन अंदेव? येन नाव लगातार पाप माळतेला ईत्तेव कि परमेश्वर उन अनुग्रह आगुल? ² नश्चिति अच ईला! नाव याग पाप इन साटी सोतोदेव रा बाक ईदुर मुंद अदुर दा ह्यांग जीवन बतिसेव? ³ येन नीव जान्सालीर कि नाव सप्पा यार मसीह यीशु दा बपतस्मा ताकोडेव,

आऊन मृत्यु उन भागीदारी दा बपतसिमा ताकोडेव. ⁴ इदुरसाटी आ मृत्यु उन बपतसिमा ताकोडुर देल नाव आऊन सांगुळ नळस्कु आदेव, ताकी ह्यांग मसीह आप्प उन महिमा अन द्वारा सोत्तुर दा टु जत्तिता आदुन, हांग अच नाव भी व्हाशोद जीवन इन घाई चाल नळदेव.

⁵ यतकी अगर नाव आऊन मृत्यु उन समानता दा आऊन सांगुळ जमा आगेगेव, रा नश्चय आऊन जत्तिता आगेद समानता दा भी जमा आगेदेव. ⁶ नाव जान्सतेव की नाम हाळोद मनुष्यत्व आऊन सांगुळ क्रूस मा येस्कु आत ताकी पाप इन मय बेकार आगेगुल, अदकि नाव मुंद पाप इन दासत्व दा ईरतीदील. ⁷ यतकी जो सोतोदुन, आव पाप इन बंधन देल न्यायी आगेदुन. ⁸ इदुरसाटी अगर नाव मसीह अन सांगुळ सोतोदेव, रा नाम वश्वास ईद आद की आऊन सांगुळ जत्तिता भी ईत्तेव. ⁹ यतकी ईदुर जान्सतार की मसीह सोत्तुर दा टु जत्तिता आगकु मात्त सायतीदील; आऊन मा मात्त मृत्यु उन प्रभुता आगतीदील. ¹⁰ अदकि आव सोतोदुन आऊन मा पाप इन बंधन हैलेच अदकि ईग आव परमेश्वर उन सांगुळ आऊन जीवन व्यतीत माळतान. ¹¹ हगि अच नीव भी तान बारा दा ईद समसी की नीव भी पाप इन साटी सोतोगीर, लेकीन मसीह यीशु उन द्वारा परमेश्वर दा जत्तिता समसी.

¹² इदुरसाटी पाप नीम मरनहार शरीर दा राज्य माळबाळुल, की नीव अदुर लालसागोळ हात्ती ईरी; ¹³ तान शरीर इन अंगगोळी अर्धम इन स्यावा अन साटी पाप इन हवाला माळबाळी, उलटा सोत्तुर दा टु जत्तिता आगावाळेर घाई परमेश्वर उन हवाला माळबुळी, अदकि तान शरीर इन अंगगोळी न्यायीपन इन स्यावा अन साधन इन रूप दा परमेश्वर उन हवाला माळबुळी. ¹⁴ आग नीम मा पाप इन प्रभुता आगतीदील, यतकी नीव व्यवस्था अन हात्ती ईला उलटा परमेश्वर उन अनुग्रह अन हात्ती आईर.

न्यायीपन इन दास

¹⁵ रा नाव येन माळेव? येन नाव पाप माळेव यतकी नाव व्यवस्था अन हात्ती हैलेच उलटा परमेश्वर उन अनुग्रह अन हात्ती जीऊसतेव? नश्चिति अच ईला! ¹⁶ येन नीव जान्सालीर की यावारा ऊंद मळसा अन आग्या मानसोर साटी नीव तान तान इक दासगोळ घाई सोप्स बुळतीर रा यार्द आग्या मान्सतीर आऊंदा दास बन्सेगतीर: चाहे बाक पाप इन, यदुरद परणाम मृत्यु आद, चाहे बाक आग्या मानसावाळेर्द, यार्द अन्त न्यायीपन आद? ¹⁷ लेकीन परमेश्वर उन धन्यवाद आगुल की नीव जो पाप इन दास ईरीर ईग मन देल आ सच्चाई इक ग्रहण माळदीर अदकि उपदेश मानसावाळेर आगेदीर, यार्द साचा दा ढलस्कु आगेदीर, ¹⁸ अदकि नीव पाप देल बटिकु न्याय इन दास आगेदीर. ¹⁹ ना नीम शारीरकि कमजोरी अन कारण मळसागोळ रीति मा अनतीन. ह्यांग नीव तान अंगगोळी कुकर्म अदकि अशुध्दता अन दास माळकु सौप्सदीर, हांग अच ईग तान अंगगोळी पवत्रिता अन साटी न्यायीपन इन दास माळकु सोप्स बुळी.

²⁰ याग नीव पाप इन दास ईरीर, रा न्याय इन दी टु स्वतंत्र ईरीर. ²¹ इदुरसाटी याता मातगोळ देल ईग नीव लज्जति आगतीर, अऊर से आ समय नीमी येन काय सकितोगोद? यतकी आ मातगोळ अन्त रा मृत्यु आद. ²² लेकीन ईग पाप देल स्वतंत्र आगकु परमेश्वर उन दास बन्स्कु नीमी काय सकित यदुर देल पवत्रिता हासलि आगतद, अदकि अदुर अन्त अनन्त जीवन आद. ²³ यतकी पाप इन मजदूरी रा मृत्यु आद, लेकीन नाम परमेश्वर उन अनुग्रह अन भेट नाम प्रभु मसीह यीशु दा अनन्त जीवन आद.

7

मदा जीवन इन उदाहरण

¹ हे वार्दुरा अदकि आकतीगेरा, येन नीव जान्सालीर, ना व्यवस्था अन जानसावाळेर से अनतीन, कयागासताका मळसा जत्तिता ईरतान, आगासताका आऊन मा व्यवस्था अन अधिकार ईरतद? ² उदाहरण इन साटी ऊंद मदावळत आर्त तान मान्नावाळा अन व्यवस्था अन अनुसार आगासताका बंधन दा आर यागासताका आकनि मान्नावाळा जत्तिता आन लेकीन अगर आकनि मान्नावाळा सोतोगतान रा आक मदा संबंधी व्यवस्था देल मुक्त आगेगतार. ³ इदुरसाटी अगर

गांडू उन जीते जी आक यावारा दुसरा गंळस उन आगेगुल, रा व्यभचारिणी अंदकु आदार, लेकीन अगर गांडू सोतोगुल, रा आक आ व्यवस्था देल बट्टोदुर, ईल ताका कअगर यावारा दुसरा गंळस उन आगेदुर तरी भी व्यभचारिणी ठहरूसतीदील. ⁴ हांग अच हे नान वार्दुरा अदकि आकतीगेरा, नीव भी मसीह अन मय इन द्वारा व्यवस्था अन साटी सोतकु बनसेदीर, कअ आ दुसरा अन आगेगी, जो सोत्तुर दा टु जतिता आदुन: ताकी नाव परमेश्वर उन स्यावा दा उपयोगी ठहरुसुल. ⁵ यतकी याग नाव शारीरकि स्वभाव इन हात्ती ईरेव, रा पापगोळ अभलिषागोळ जो व्यवस्था अन द्वारा ईरोद, मृत्यु अन काय पैदा माळोर साटी नाम अंगगोळ दा क्यालसा माळोद. ⁶ लेकीन यार्द बंधन दा नाव ईरेव आऊन साटी सोतकु, ईग व्यवस्था देल हगि बट्टोदेव, कअ शास्त्र लेख इन हाळोद रीर्ता मा ईला, उलटा आत्मा अन व्हाशोद रीर्ता मा स्यावा माळतेव.

व्यवस्था अदकि पाप

⁷ रा नाव येन अंदेव? येन व्यवस्था पाप आद? यागलु ईला! उलटा बनिा व्यवस्था अन ना पाप इक अरालीन: व्यवस्था अगर ईला अनाईत, कअ लालच माळबाळ रा ना लालच इन बारा दा ईला जान्स सकायदनि. ⁸ लेकीन पाप मौका नोळकु आग्या अन द्वारा नान दा सप्पा प्रकार इन लालच पैदा माळत, यतकी बनिा व्यवस्था अन पाप मुरदा आद. ⁹ ना रा व्यवस्था अन बनिा पयले जतिता ईरीन, लेकीन याग आग्या बत्त, रा पाप जतिता आगेत, अदकि ना सोतोदीन. ¹⁰ अदकि अदा आग्या जो जीवन तरोरसाटी ईरोद, नान साटी मृत्यु उन कारण ठहरूसुत. ¹¹ यतकी पाप मवका नोळकु आग्या अन द्वारा नानी बहकुसुत, अदकि अदुरदा द्वारा नानी कोंद भी बुळत.

¹² *इदुरसाटी व्यवस्था पवतिर आद, अदकि आग्या भी सही अदकि वळलीद आद. ¹³ रा येन अद जो वळलीद ईरोद, नान साटी मृत्यु ठहरूसुत? यागलु ईला! लेकीन पाप आ वळलीद वसुत उन द्वारा नान साटी मृत्यु उक पैदा माळावाळा आत कअ अदुर पाप आगेद प्रगट आगुल, अदकि आग्या अन द्वारा पार्प हापाळ अच पापमय ठहरूसुल.

बुळक इन लळाई

¹⁴ नाव जान्सतेव कअ व्यवस्था रा आत्मकि आद, लेकीन ना शारीरकि अदकि पाप इन कय देल मारकु आईन. ¹⁵ *जो ना माळतीन अदरी अरालीन; यतकी जो ना चाहासतीन अद माळालीन, लेकीन यदुर देल नानी घृणा बरतद अदा माळतीन. ¹⁶ अगर जो ना चाहासालीन अदा माळतीन, रा ना मान्स कोमतीन कअ व्यवस्था भला आद. ¹⁷ रा हगि दशा दा अदुरद माळावाळा ना आल्लच, उलटा पाप हुन जो नान दा कुरतकु आद. ¹⁸ यतकी ना जान्सतीन कअ नान दा मतलब नान मय दा यातोदु वळलीद वसुत वास माळालद. इच्छा रा नान दा आद, लेकीन वळलीद क्यालसा नान से आग सकालव. ¹⁹ यतकी यातोद वळलीद क्यालसा अन ना इच्छा माळतीन, अद रा माळालीन, लेकीन यातोद बुराई अन इच्छा माळालीन, अदा माळतीन. ²⁰ इदुरसाटी अगर ना अदा माळतीन यदुरद इच्छा माळालीन, रा अदुरद माळावाळा ना ईतीदील, लेकीन पाप जो नान दा कुरतकु आद.

²¹ ई प्रकार ना ईद अनुभव ताकोमतीन कअ याग भलाई माळोद इच्छा माळतीन, रा बुराई नान से आगतद. ²² यतकी ना अंतर आत्मा देल रा परमेश्वर उन नयिम देल हापाळ खुश ईरतीन. ²³ लेकीन नानी तान शरीर दा दुसरा प्रकार इन व्यवस्था कांळसकु बळितद, जो नान दमाक इन नयिम देल लळाई माळतद अदकि नानी पाप इन नयिम इन बंधन दा हाकतद जो नान शरीर दा आद. ²⁴ ना हयांग दुखी मंळसा आईन! नानी ई मृत्यु उन मय देल याव बळिस्यान? ²⁵ जो नानी पापगोळ देल छुटकारा कोळतान आ प्रभु यीशु मसीह अन द्वारा आ परमेश्वर उन धन्यवाद माळतीन. ईतता प्रकार बुद्धी देल परमेश्वर उन नयिम इन पालन माळतीन.

8

पवतिर आत्मा अन द्वारा जीवन

¹ इदुरसाटी ईग जो मसीह यीशु दा जीवन व्यतीत माळतार, आंदुर मा दण्ड इन आग्या हैलेच. ² यतकी जीवन इन आत्मा अन व्यवस्था मसीह यीशु दा नानी पाप इन अदकि मृत्यु अन

* 7:12 ७:१२ हाळोद नयिम दा ईद वचन सकालद * 7:15 ७:१५ गलातगोळ ५:१७

व्यवस्था देल स्वतंत्र माळबुटाद. ³यतकी जो क्यालसा व्यवस्था शरीर इन कारण दुर्बल आगकु माळ सकदील, अदरी परमेश्वर माळदुन, मतलब तांद अच पार उक पापमय शरीर इन समानता दा अदकि पाप बली आगोर साटी कळुकु, शरीर दा पाप मा दण्ड इन आग्या कोट्टुन. ⁴इदुरसाटी क्ति व्यवस्था अन आवश्यकतागोळ नाम दा शरीर इन अनुसार ईला उलटा आत्मा अन अनुसार नळुतार, पुरा माळकु आगुल. ⁵यतकी शारीरकि मंळसागोळ शरीर इन मातगोळ मा मन हचतार; लेकीन जो आत्मा अन मातगोळ मा मन हचतार. ⁶शरीर मा मन हचोद रा मृत्यु हुन, लेकीन आत्मा मा मन हचोद जीवन अदकि शांती हुन; ⁷यतकी शरीर मा मन हचोद रा परमेश्वर उन से दुश्मनी ईटोद हुन, यतकी ना रा परमेश्वर उन व्यवस्था अन हात्ती आद अदकि ना आग सकतद; ⁸अदकि जो शरीर इन हात्ती आर, आंदुर परमेश्वर उक खुश माळ सकालुर.

⁹लेकीन याग क्ति परमेश्वर उन आत्मा नीम दा वास माळतद, रा नीव शारीरकि दशा दा ईला लेकीन आत्मकि दशा दा आईर. अगर यारदारा दा मसीह अन आत्मा हैलेच रा आंदुर आऊन लाँकुर आल्लच. ¹⁰अगर मसीह नीम दा आन, रा शरीर पाप इन कारण सोतकु आद; लेकीन आत्मा न्यायीपन इन कारण जत्तिता आद. ¹¹अगर आऊंदा आत्मा याव यीशु उक सोत्तुर दा टु जत्तिता माळदुन, नीम दा वास माळेत्याद; रा याव मसीह अक सोत्तुर दा टु जत्तिता माळदुन आव नीम सोतकु शरीरगोळी भी तान आत्मा अन द्वारा जो नीम दा वास माळेत्याद, जत्तिता माळयान.

¹²इदुरसाटी हे वारटुरा अदकि आकतीगेरा, नाम मा भौतिकि शरीर इन कर्जा रा आद लेकीन ईदुरद ईद मतलब हैलेच क्ति नाव ईदुर अनुसार जीत्ता ईत्तेव, ¹³यतकी नीव मय इन अनुसार दनि कळदीर रा सोत्तीर, अगर आत्मा देल मय इन क्यालसागोळी कोदीर रा जत्तिता ईत्तीर. ¹⁴इदुरसाटी क्ति यास लाँकुर परमेश्वर उन आत्मा अन अनुसार नळुतार, आंदुर अच परमेश्वर उन चकिोर उर. ¹⁵अतकी नीमी दासगोळ्द आत्मा सकदील क्ति मात्त अजबाळुल, लेकीन परमेश्वर उन सन्तान इन आत्मा सकियाद, यदुर देल नाव हे अब्बा, हे आप्पा अनकु कारूतेव. ¹⁶परमेश्वर उन आत्मा खुद अच नाम आत्मा अन सांगुळ गवाही कोळतद, क्ति नाव परमेश्वर उन सन्तान हुयेव; ¹⁷अदकि अगर सन्तान आर रा वारीस भी आर, उलटा परमेश्वर उन वारीस अदकि मसीह अन सांगुळ वारीस आयेव, क्ति याग नाव आऊन सांगुळ दुख नेगदेव रा आऊन सांगुळ महिमा भी सकिल.

भवष्यि दा प्रगट आगावाळा महिमा

¹⁸यतकी ना समझुसतीन क्ति ई समय इन दुख अदकि क्लेश आ महिमा अन मुंद, जो नाम मा प्रगट आगावाळा आद, येनु अच हैलेच. ¹⁹यतकी दुनया हापाळ आशा तुम्द नजर देल परमेश्वर उन पारगोळ प्रगट आगोद हादी कायेत्याद. ²⁰यतकी दुनया तान इच्छा देल ईला लेकीन हात्ती माळावाळा अन दी टु, व्यर्थया अन हात्ती ई आशा देल माळकु आग्याद ²¹कि दुनया भी खुद अच वनिाश इन दासत्व देल छुटकारा ताकोमकु, परमेश्वर उन चकिोरद महिमा अन स्वतंत्रता प्रापत माळीत. ²²यतकी नाव जान्सतेव क्ति सप्पा दुनया ईगासताका मल्लिसकु कन्नासतेला अदकि दुखगोळ दा बदिकु तळपुसतद; ह्यांग क्ति चिगिद पैदा आगा समय मा तळपुसतान. ²³अदकि सरिफ आवा ईला लेकीन नाव भी यार हाती आत्मा अन पयला काय आद, खुद अच तांदुर दा कन्नासतेव; अदकि लेपालक आगोद, मतलब तान मय इन छुटकारा अन हादी कायतेव. ²⁴ई आशा अन द्वारा नाम उद्धार आग्याद; लेकीन याता वस्तु अन आशा माळकु आगतद, याग अद नोळदुर दा बंदीत रा बाक आशा येल ईत्त? यतकी याता वस्तु अक यावारा नोळत्यान अदुर आशा येन माळ्या? ²⁵लेकीन याता वस्तु अक नाव नोळ सकालेव, अगर अदुरद आशा ईटतेव, रा धीरज देल अदुरद हादी भी कायतेव.

²⁶ईदा रीति देल आत्मा भी नाम कमजोरी दा सहायता माळतद: यतकी नाव जानसालेव क्ति प्रार्थना याता रीति देल माळ पायजे, लेकीन आत्मा खुद अच हगि आहट तुम तुमकु, जो बयान देल व्हार्या आद, नाम साटी वनिती माळतद; ²⁷अदकि परमेश्वर जान्सतान क्ति नाम मनगोळ दा

✧ 8:11 द:११ १ कुरन्थि ३:१६

✧ 8:15 द:१५ गलातगोळ ४:५-७

✧ 8:15 द:१५ मरकुस १४:३६; गलातगोळ ४:६

✧ 8:23 द:२३ २ कुरन्थि ५:२-४

येन आद, की परमेश्वर आत्मा अन मनसा येन आद? यतकी आव पवत्रि लॉकुर साटी परमेश्वर उन इच्छा अन अनुसार वनिती माळतान.

28 नाव जान्स्तेव की जो लॉकुर परमेश्वर से प्यार ईटतार, आंदुर साटी सप्पा मातगोळ मलिसकु वळ्लीद इका पैदा माळतान; मतलब आंदुरदा साटी जो आऊन इच्छा अन अनुसार कार्सकु आग्यार. 29 यतकी यारी आव पयले टु जान्स कौडान आंदरी पयले टु अच ठहूस्यान की आऊन पार उन स्वरूप दा आगुल, ताकी आव हापाळ वार्दुर दा पयला ठहूसुल. 30 बाक यारी आव पयले टु ठहूसदुन, आंदरी कार्सदुन भी; अदकि यारी कार्सदुन, आंदरी न्यायी भी ठहूसदुन अदकि आंदरी महिमा भी कोट्टुन.

परमेश्वर उन प्यार

31 इदुरसाटी नाव ई मातगोळ बारा दा येन अंदेव? अगर परमेश्वर नाम दी आन, रा नाम खल्लिप याव आग सकतान? 32 याव तान नजि पार उक भी ईटीदील, लेकीन आऊक नाम सप्पा मुंदुर साटी कोट्ट बुटुन, आव आऊन सांगुळ नामी अदकि सप्पा येनारा मुफ्त दा येती कोळतीदील? 33 परमेश्वर उन नविळुसद लॉकुर मा दोष याव हचयान? परमेश्वर अच आन जो आंदरी न्यायी ठहूसवाळा आन. 34 बाक याव आन जो दण्ड इन आग्या कोट्टान? यीशु मसीह अच आन जो सोतोदुन लेकीन मुर्दागोळ दा टु जत्तिता भी आदुन, अदकि परमेश्वर उन ऊमा कय इन दी आन, अदकि नाम साटी समझौता भी माळतान. 35 याव नामी मसीह अन प्यार देल अलग माळयान? येन क्लेश, या कठनि समय, या सताव, या अकाल, या गरीबी, या जोखमि, या मृत्यु? 36 ह्यांग शास्त्र दा लखिसकु आद,

नीन साटी नाव हागुल तीम घात माळकु आगतेव;
नाव वध आगावाळा म्यांडागोळ घाई आळुकु आगेव.

37 लेकीन ई सप्पा मातगोळ दा नाव आऊन द्वारा याव नाम से प्यार माळयान, पुरा तरीका देल वजिय प्राप्त माळतेव. 38 यतकी ना नश्चय जान्स्तीन की याऊ नामी आऊन प्यार देल अलग माळ सकालुन ना मृत्यु, ना जीवन, ना स्वरुगदूत, ना दुष्ट शासन, ना वर्तमान, ना भवषिय, ना सामर्थ्य, ना ऊंचाई, 39 ना धरती इन गहराई, अदकि ना धरती इन ऊंचाई अदकि ना संसार इन यातोदु नर्मिति वस्तु नामी परमेश्वर उन प्यार देल जो नाम प्रभु मसीह यीशु दा आद, अलग माळ सककीत.

9

परमेश्वर अदकि आऊन नविळुसदोर लॉकुर

1 ना मसीह दा सही अनतीन, ना ख्वाटा माताळालीन अदकि नान मन भी पवत्रि आत्मा दा गवाही कोळतद 2 की नानी बळा दुख आद, अदकि नान मन हमेशा दुखी ईरतद, 3 यतकी ना ईल ताका चाहासीन की तान वार्दुर साटी जो मय इन भाव देल नान कुटुम्बी आर, खुद अच परमेश्वर देल श्रापति अदकि मसीह से अलग आगेगतद. 4 आंदुर इस्त्राएली उर, अदकि परमेश्वर उन पार उन अधिकार अदकि महिमा अदकि वादागोळ अदकि व्यवस्था अन उपहार अदकि परमेश्वर उन उपासना अदकि प्रतगियागोळ आंदुरवा हुव. 5 पुर्वज भी आंदुरदा उर, अदकि मसीह भी मय इन भाव देल आंदुर दा टु आदुन. परमेश्वर जो सप्पा मुंदुर म्याकुच राज्य माळतान आव हमेशा हमेशा धन्य ईरूल. आमीन.

6 लेकीन ईद ईला की परमेश्वर उन वचन टलसेत, इदुरसाटी की जो इस्त्राएल इन वंश आर, आंदुर सप्पा इस्त्राएली आल्लच; 7 अदकि ना अब्राहम उन वंश आगेद कारण सप्पा आऊन औलाद ठहूसदुर, लेकीन शास्त्र दा लखिसकु आद, “इसहाक टु अच नीन वंश कहलुस्यान.” 8 मतलब मय इन औलाद परमेश्वर उन औलाद आल्लच, लेकीन प्रतगिया अन औलाद वंश आळुकु आगतद. 9 यतकी प्रतगिया अन वचन ईद हुन: “ना उचति समय इन अनुसार बराईन, अदकि सारा अक पार आदान.” 10 अदकि सरिफ ईदा ईला, लेकीन याग रबिका भी ऊंद देल मतलब नाम आप्प इसहाक देल येदद पारगोळ आदुर, 11 लेकीन आकनि ऊंद चगिद उक नविळुसोद ईद पुरा तरीका देल

परमेश्वर उन खुद इन उपदेश इन परणाम ईरोद, परमेश्वर आकनि से अंदुन, धोड्डेव स्याणेव उन स्यावा माळ्यान. ¹² ई मातगोळ परमेश्वर आंदुर जनम इन पयले अदकि आंदुर येनारा बुरा भला माळ से पयले अंदुन रा परमेश्वर उन पसंद आऊन कारदुर मा नरिभर आद, ना अदुर मा कर् आंदुर येन माळदुर. ¹³ ह्यांग शास्त्र दा लखिसकु आद, “ना याकूब से प्यार माळदीन, लेकीन एसाव उक अप्रयि जान्सदीन.”✧

¹⁴ इदुरसाटी नाव येन अंदेव? येन परमेश्वर उन हाती अन्याय आद? यागलु ईला. ¹⁵ यतकी आव मूसा से अनतान, “ना याता मंळसा मा दया माळोद चाहासाईन आऊन मा अच दया माळाईन, अदकि याता मंळसा मा कृपा माळोद चाहासाईन, आऊन मा का कृपा माळाईन.”

¹⁶ इदुरसाटी ईद ना रा चाहासावाळा अन, ना मयनत माळावाळा अन लेकीन दया माळावाळा परमेश्वर मा नरिभर आद. ¹⁷ यतकी शास्त्र दा फरौन से अंदकु आत, “ना नीनी इदुरदा साटी नदिरूसीन कर् नीन दा तान सामर्थ्य तोरसाईन, अदकि नान हेसुर इन प्रचार पुरा पृथ्वी मा आगुल✧.” ¹⁸ इदुरसाटी आव यार मा चाहासतान आऊन मा दया माळतान, अदकि यारी चाहासतान आऊक कठोर माळ बुळतान.

परमेश्वर उन सट्टि अदकि आऊन दया

¹⁹ इदुरसाटी नीम दा टु यावारा नानी ईद अंदान, “रा बाक परमेश्वर नामी दोषी येती ठहूसतान? याव परमेश्वर उन इच्छा अन सामना माळ सकतान?” ²⁰ हे मंळसा, नी याव हुय जो परमेश्वर उन वरिध दा माताळत्या? ऊंद घळुसद वस्तु तान घळुसावाळा से केळ सकतद, “नी नानी हगि येती माळ्या?” ²¹ येन कुंभार उक मुण्ण मा अधिकार हैलेच कर् ऊंद अच ल्वांदा दा टु ऊंद बरतन आदर इन साटी अदकि दुसरा अक अनादर इन साटी माळ्यान? ²² परमेश्वर तान सट्टि तोरसली अदकि तान सामर्थ्य प्रगट माळोद इच्छा देल सट्टि इन बरतनगोळद, जो वनिश इन साटी तयार माळकु आगीदव, बळा धीरज देल सहन माळदुन; ²³ अदकि दया अन बरतनगोळ मा, यवरी आव महमिा अन साटी पयले टु तयार माळदुन, तान महमिा अन धन इक प्रगट माळोद इच्छा माळदुन? ²⁴ मतलब नाम मा यारी आव ना सरिफ यहूदीगोळ दा टु, उलटा गैरयहूदीगोळ दा टु भी कारदुन. ²⁵ ह्यांग आव होशे अन कतिाब दा भी अनतान, “जो नान लॉकुर ईला ईरोर, आंदरी ना तान लॉकुर अनाईन; अदकि याता लॉकुर मा प्यार ईला ईरोद, आंदरी प्रयि अनाईन. ²⁶ अदकि हगि आदीत कर् याता जागा दा आंदुर से ईद अनकु आगीत कर् नीव नान लॉकुर आल्लच, अदा जागा आंदुर जत्तिता परमेश्वर उन औलाद अंदकु आदार.”

²⁷ अदकि यशायाह इस्त्राएल इन बारा दा कारकु अनतान, “चाहे इस्त्राएल इन औलादगोळ गनिती समुद्र अन धुळा अन बराबर ईरूल, तरी भी आंदुर दा टु थ्वाळासा अच ऊळसकु आदार. ²⁸ यतकी प्रभु तान वचन पृथ्वी मा पुरा माळकु, राटनेरी अदरी सदिध माळ्यान.”

²⁹ ह्यांग यशायाह पयले भी अंददिन,
“अगर सेनागोळ प्रभु नाम साटी येनारा वंश बळिलुन,
रा नाव सदोम उन घाई आगोगायदेव, अदकि गमोरा अन सदृश ठहूसायदेव.”

इस्त्राएल इन अवश्वास

³⁰ इदुरसाटी नाव येन अंदेव? ईद कर् गैरयहूदीगोळ जो न्यायीपन इन खोज ईला माळतोगोर, न्यायीपन हाशील माळदुर मतलब आ न्यायीपन इक वश्वास देल हाशील माळ्यार; ³¹ लेकीन इस्त्राएली, जो न्यायीपन इन व्यवस्था अन खोज माळतोगोर आ व्यवस्था ताका पोहचुसीदील. ³² यदुर साटी? इदुरसाटी कर् आंदुर वश्वास देल ईला, लेकीन कर्मगोळ देल अदुर खोज माळतोगोर. आंदुर आ ठोकर इन कल्ल मा ठोकर तदुर, ³³ ह्यांग पवत्रिशास्त्र दा लखिसकु आद, “नोळी, ना सयियोन दा ऊंद चट्टान ईटतीन, अदकि जो परमेश्वर उन वचन मा वश्वास माळ्यान आव लज्जति आगतीदील✧.”

10

1 हे वार्टुरा अदकि आकतींगेरा, नान मन इन अभलिषा अदकि आंदुर साटी परमेश्वर से नान प्रार्थना आद कि आंदरी उद्धार सकिकुल. 2 यतकी ना ई मात देल गवाही कोळतीन आंदुर परमेश्वर दा मगन ईरतार, लेकीन आंदुर भक्ति खरा ग्यान मा आधारति हैलेच. 3 यतकी आंदुर परमेश्वर उन न्यायीपन देल अनजान आगकु, अदकि तान न्यायीपन स्थापति माळोद कोशशि माळकु, परमेश्वर उन न्यायीपन इन हात्ती आगीदील. 4 मसीह व्यवस्था अन अन्त माळदुन कि हर ऊंद जो वशिवास माळतान परमेश्वर उन साटी न्यायी आगुल.

उद्धार सप्पा मुंदुर साटी

5 यतकी मूसा ईद लखिस्यान कि जो मळसा आ न्यायीपन मा जो व्यवस्था देल आद, नळुतान, आव अदुर देला जतिता ईततान. 6 लेकीन जो न्यायीपन वशिवास देल आद, अदुर बारा दा शास्त्र ईद अनतद, “नी तान मन दा ईद अनबाळेत कि, मसीह अक ईळसकु तरोरसाटी स्वर्ग मा याव येर्यान?” मतलब मसीह अक ल्यालमा तरोरसाटी, 7 या “मसीह अक सोत्तुर दा टु जतिता माळकु मयाकुच तरोरसाटी अधोलोक दा याव ईळदान?” मतलब मसीह अक सोत्तुर बाददा मयाकुच ओयोर साटी. 8 लेकीन अद येन अनतद? ईद कि “वचन नीन हाती आद, नीन बाय दा अदकि नीन मन दा आद,” ईद अदा वशिवास इन वचन हुन, जो नाव प्रचार माळतेव, 9 कि अगर नी तान बाय देल यीशु उक प्रभु जान्सकु अंगीकार माळ्या, अदकि तान मन देल वशिवास माळ्या कि परमेश्वर आऊक सोत्तुर दा टु जतिता माळदुन, रा नीन जरूर उद्धार आदति. 10 यतकी वशिवास माळदुर देल नाव परमेश्वर उन सांगुळ सही संबंध दा बरतेव अदकि बाय देल कबुल माळदुर देल नामी मुक्ती सकितद. 11 यतकी पवतिरशास्त्र ईद अनतद, “जो यावारा आऊन मा वशिवास माळतान आव लज्जति आगतीदील.” 12 यहूदीगोळ अदकि गैरयहूदीगोळ दा येनु फरक हैलेच, इदुरसाटी कि आव परमेश्वर सप्पा मुंदुर प्रभु हुन अदकि आव सप्पा मुंदुरी बहूतायत देल आशषीत माळतान जो आऊक कारूतार. 13 यतकी शास्त्र दा लखिसकु आद, “जो यावारा प्रभु उक मदत साटी कारूतान, आव ऊळसकु आदान.”

14 लेकीन यार मा आंदुर वशिवास माळीदील, आंदुर आऊक ह्यांग मदत साटी कारदान? अदकि यार संदेश केळीदील आऊन मा ह्यांग वशिवास माळ्यार? अदकि प्रचारक बना ह्यांग केळ्यार? 15 अदकि अगर संदेश केळसावाळेर कळुकु आगतीदील, रा ह्यांग प्रचार माळ्यार? ह्यांग शास्त्र दा लखिसकु आद, “आंदुर काल येन सुहावना आव, जो खुशखबरी हुडुकु बरतार☆” 16 लेकीन सप्पा मुंदुर आ खुशखबरी मा कवि हचीदलि: यशायाह अनतान, “हे प्रभु, याव नाम समाचार मा वशिवास माळयान☆?” 17 इदुरसाटी वशिवास संदेश इन केळदुर देल अदकि संदेश मसीह अन वचन देल आगतद.

18 लेकीन ना अनतीन, येन आंदुर केळीदील? केळोद रा जरूरी आद; यतकी शास्त्र दा लखिसकु आद,

“आंदुर स्वर सप्पा पृथ्वी मा,

अदकि आंदुर वचन दुनया अन आखरी ताका पोहचुसेग्याव.”

19 ना मात्त अनतीन, येन इस्त्राएली ईला जानसोर? पयले रा मूसा अनतान,

“ना आंदुर द्वारा जो लॉकुर ईला, नीम मन दा जलन उपजुसाईन;

ना ऊंद मूळ लॉकुर द्वारा नीमी सटिट तोरसाईन☆.”

20 बाक यशायाह हापाळ हम्मिमत इन सांगुळ अनतान,

“जो नानी ईला ढुंढसोर, आंदरी ना सकिकेदीन;

अदकि जो नानी केळतोगोर भी ईला, आंदुर मा ना प्रगट आगेदीन☆.”

21 लेकीन इस्त्राएल इन बारा दा आव ईद अनतान,

“ना पुरा दनि तान कय ऊंद आग्या ईला मानसावाळेर अदकि झगळा माळावाळेर लॉकुर दी पसरूसकु ईततीन☆.”

☆ 10:15 १०:१५ यशायाह ५२:७ ☆ 10:16 १०:१६ यशायाह ५३:१ ☆ 10:19 १०:१९ व्यवस्थाविवरण ३२:२१ ☆ 10:20 १०:२० यशायाह ६५:१ ☆ 10:21 १०:२१ यशायाह ६५:२

11

इस्त्राएल मा परमेश्वर उन दया

1 इदुरसाटी ना अनतीन, येन परमेश्वर तान लॉकुरी त्याग्स बुटुन? यागलु ईला! ना भी रा इस्त्राएली हुईन; अब्राहम उन वंश अदकि बनियामीन उन गोत्र दा टु आईन. 2 परमेश्वर तान लॉकुरी त्यागसीदील, यारी आव पयले टु अच नविळुसदुन. येन नीव जान्सालीर कि शास्त्र एलयियाह अन बारा दा येन अनतद, याग आव इस्त्राएल इन वरिध दा परमेश्वर से वनिती माळतान? 3 “हे प्रभु, आंदुर नीन भवषियवक्तागोळ्द घात माळदुर, अदकि नीन वेदीगोळी केळ्द बुटार; अदकि ना अच आवना ऊळदीन, अदकि आंदुर नानी भी कोन्नोर साटी खोज माळेत्यार.” 4 लेकीन परमेश्वर से आऊक येन उत्तर सकित्त? “ना तान साटी येळ हजार गंळसुरी ईटकु बटिन, यार ख्वाटा बाअल भगवान उन उपासना माळीदलि.” 5 ठीक ईदा रीति देल ई समय भी, अनुग्रह देल नविळुसद थ्वाळासा लॉकुर मक्कि आर. 6 अगर ईद अनुग्रह देल आग्याद, रा बाक कर्मगोळ देल ईला; ईदारा अनुग्रह बाक अनुग्रह ईतीदील.

7 इदुरसाटी परणाम येन आत? ईद कि इस्त्राएल यार्द खोज दा ईरोर, अद आंदरी सकदील; लेकीन नविळुसद लॉकुरी सकित्त, अदकि बाकी लॉकुर कठोर माळकु आदुर. 8 ह्यांग शास्त्र दा लखिसकु आद,

“परमेश्वर आंदुर मन अदकि दलिगोळी चेतना शुन्य माळ बुटान, अदकि हगि कण्णगोळी कोट्टुन जो नोळबाळुल अदकि हगि कवि जो केळबाळुल.”

9 अदकि दाऊद अनतान,
“आंदुर भोजन आंदुर साटी जाल अदकि फासा,
ताकी आंदुर बळिल अदकि आंदरी दण्ड सकिल.
10 आंदुर कण्णगोळ मा अंधार छासेगुल ताकी नोळ ईला सकुल,
अदकि नी हमेशा आंदुर बेन इक बांग्सकु ईट.”

11 इदुरसाटी ना अनतीन येन आंदुर इदुरसाटी ठोकर तदुरि कि बदिगुल? यागलु ईला! लेकीन आंदुर बळिद कारण गैरयहूदीगोळी उद्धार सकित्त, कि आंदरी जलन आगुल. 12 इदुरसाटी अगर आंदुर बळिद दुनिया अन साटी धन अदकि आंदुर घटी गैरयहूदीगोळ साटी सम्पत्ति इन कारण आत, रा आंदुर भरपुरी देल येन आगतीदील.

गैरयहूदीगोळ्द उद्धार

13 ईग ना नीव गैरयहूदीगोळ से ई मातगोळी अनतीन. यागासताका ना वशिष रूप देल गैरयहूदीगोळ साटी प्रेरति आईन, रा ना तान स्यावा अन प्रती बळाई माळतीन, 14 ताकी यातोदारा रीतिदेल ना तान कुटुम्बगोळ दा जलन पैदा माळसुसकु आंदुर दा टु थ्वाळासा लॉकुर उद्धार माळसुसाईन. 15 यतकी अगर परमेश्वर उन द्वारा आंदुर नकार माळकु आगोद इदुर देल परमेश्वर उन सांगुळ मेल मलिाप आगतद रा बाक आंदुर अपनुसदुर देल येन सोत्तुर दा टु जतिता आगोद आगतीदील? 16 याग भेंट इन पयला लोई पवतिर ठहरूसत, रा पुरा काल्सद हीट भी पवतिर आद; अदकि याग मारर इन जळ पवतिर ठहरूसत, रा खांदीगोळ भी हगि अच आव.

17 लेकीन अगर थ्वाळासा खांदीगोळ मूरुकु आदव, अदकि नी आळी दाकळोद जैतून आगकु अऊर्दा हचकु आद, अदकि जैतून इन जळ इन चकिनाई इन भागी आग्या, 18 रा खांदीगोळ मा घमण्ड माळबाळेत; अदकि अगर नी घमण्ड माळया रा जान्स कोम कि नी जळ इक ईला लेकीन जळ नीनी संभाल्सतद. 19 बाक नी अंद्या, “खांदीगोळ इदुरसाटी मूरुकु आदव कि ना अल हचकु आगाईन.” 20 ठीक आद, अव रा अवशिवास इन कारण मूरुकु आदव, लेकीन नी रा वशिवास देल बनसकु ईरत्या इदुरसाटी अभिमानी आगबाळ, लेकीन अंजक मान्स, 21 यतकी परमेश्वर स्वाभाविक खांदीगोळी बटीदलि रा नीनी भी बळितीदील. 22 इदुरसाटी परमेश्वर उन कृपा अदकि कठोरता अक नोळ! जो बदिदुर आंदुर मा कठोरता, लेकीन नीन मा कृपा, अगर नी आऊन दा बनसकु ईत्या, रा ठीक आद ईदारा नी भी कळकु आद्या. 23 अगर यहूदी भी अवशिवास दा ईतीदील,

रा हचकु मार्र से जोळ्सकु आदार; यतकी परमेश्वर समर्थ आन अदकि आंदरी मात्त जोळ्स सकतान. ²⁴ यतकी अगर गैरयहूदी आ जैतून देल, जो स्वभाव देल आळी दाकळोद आद, कळकु आत अदकि स्वभाव इन वरिद्ध वळ्लीद जैतून दा जोळ्सकु आत, रा ईव जो यहूदी खांदीगोळ आव, तांद अच जैतून दा येती हचकु आगतीदील.

पुरा इस्त्राएल इन उद्धार

²⁵ हे वार्टुरा अदकि आकतीगेरा, ईदारा हगि आगबाळुल कनिव तान तान इक बुद्धमिान सम्स कोमी; इदुरसाटी ना चाहासालीन कनिव ई भेद देल अनजान ईरी कियगासताका गैरयहूदीगोळ पुरा रीतदि देल प्रवेश माळ कोमालुर, आगासताका इस्त्राएल इन ऊंद भाग हगि अच कठोर ईत्तीत. ²⁶ अदकि ई रीतदि देल सप्पा इस्त्राएल इक उद्धार सक्कीत. हयांग शास्त्र दा लखिसकु आद, “बळिसावाळा सयियोन टु बंदान, अदकि अभक्ती इक याकूब उन वंशगोळ से दुर माळ्यान;” ²⁷ अदकि आंदुर सांगुळ नान ईदा वादा आग आदति, याग ना आंदुर पापगोळी दुर माळ बुळाईन.” ²⁸ यतकी आंदुर खुशखबरी इक अस्वीकार माळदुर अदकि गैरयहूदीगोळ हेसुर इन कारण यहूदी परमेश्वर उन दुश्मन आगेदुर, लेकीन नविळुसकु आगदुर देल आंदुर आंदुरद आप्प दादागोळद कारण परमेश्वर उन प्रयि आर. ²⁹ यतकी परमेश्वर तान वरदानगोळ देल यागलु बदलुसालुन अदकि आशीषगोळ अटल आव. ³⁰ यतकी हयांग नीव गैरयहूदीगोळ पयले परमेश्वर उन आग्या मान्सीदील, लेकीन हांगा ईग यहूदीगोळद आग्या ईला मान्सदुर देल नीम मा दया आत; ³¹ नीम मा जो दया आत अदुर कारण यहूदी ईग परमेश्वर उन आग्या मान्सालुर, इदुरसाटी क् ईग नीम घाई दया आंदुर मा भी आगुल. ³² यतकी परमेश्वर सप्पा मुंदरी आग्या उल्लंघन माळदुर कारण बंदी माळकु ईटदुन, ताकी आव सप्पा मुंदुर मा दया माळुल.

परमेश्वर उन स्तुति

³³ आहा! परमेश्वर उन धन अदकि दमिाक अदकि ग्यान येन महान आद! आऊन फैसलागोळी याव स्पष्ट माळ सकतान अदकि आऊन हादीगोळी याव सम्स सकतान!

³⁴ हयांग शास्त्र दा लखिसकु आद, “प्रभु उन मन इक याव जान्स सकतान? अदकि आऊक याव सलाह कोळ सकतान? ³⁵ येन यावारा परमेश्वर उक येनारा कोटान यदरी आव मात्त आऊक वापस कोळुल?”

³⁶ *यतकी आऊंदा दी टु, अदकि आऊंदा द्वारा, अदकि आऊंदा साटी सब कुछ माळकु आग्याद. आऊन महिमा हमेशा हमेशा आगतेला ईरूल: आमीन.

12

परमेश्वर उन स्यावा अन जीवन

¹ इदुरसाटी हे वार्टुरा अदकि आकतीगेरा, ना नीम से परमेश्वर उन दया याद तोरसकु वनिती माळतीन क् तान शरीर इक जित्ता, अदकि पवतिर, अदकि परमेश्वर उक संतोष कोळावाळा बलदान माळकु येरसी. अगर नीमद खरा उपासना आद. ² ई दुनया अन घाई आगबाळी; लेकीन नीम मन इन व्हाशोद आगदुर देल नीम चाल चलन भी बदलुसतेला ईरूल, यदुर देल नीव परमेश्वर उन भला, अदकि भावती, अदकि सदिध इच्छा अनुभव देल मालूम माळतेला ईत्तीर.

³ यतकी ना आ अनुग्रह अन कारण जो नानी सक्याद, नीम दा टु हर ऊंद मळसा से अनतीन क् हयांग सम्स पायजे अदुर देल यक्कुल यावारा भी तान तान इक सम्सबाळुल; लेकीन हयांग परमेश्वर हर ऊंद मळसा अक वशिवास परणाम इन अनुसार वाट्स बुटान, हांग अच सुबुधर्दा इन सांगुळ तान इक समसुल. ⁴ *यतकी हयांग नाम शरीर दा हापाळ सा अंग आव, अदकि सप्पा अंगगोळद ऊंदा घाई कयाल्सा हैलेच; ⁵ हांग अच नाव जो हापाळ अंग ईतकु भी मसीह दा आबुर दाबुर अंग आयेव. ⁶ *याग क् आ अनुग्रह अन अनुसार जो नामी कोटकु आग्याद, नामी संदेश हेळोद वरदान सक्याद, रा यारी भवषियवाणी इन दान सक्याद, आव वशिवास इन परणाम इन

* 11:26 ११:२६ यशायाह ५१:२०-२१ * 11:36 ११:३६ १ कुरन्थिद:६ * 12:4 १२:४ १ कुरन्थि १२:३२ * 12:6 १२:६ १ कुरन्थि १२:४-११

अनुसार भवषियवाणी माळुल; 7 अगर स्यावा माळोद दान सकीदाद, रा स्यावा दा हतकु ईरूल; अगर यावारा कल्सावाळा आन, रा कल्सदुर दा हतकु ईरूल; 8 जो प्रोत्साहन कोळवाळा आन, आव प्रोत्साहन कोळुल; दान कोळावाळा उदारता देल कोळुल; अदकि जो अगुवाई माळावाळा आन, आव लगन इन सांगुळ अगुवाई माळुल; अदकि यारी दया तोरसोद दान आद, माळुल, आव खुशी देल दान माळुल.

9 नीम प्यार नषिकपट ईरूल; बुराई देल घृणा माळी; अदकि भलाई दा हतकु ईरी. 10 भाईचारा अन भाव देल आबुर दाबुर से प्यार ईटी; परस्पर आदर माळदुर दा आबुर दाबुर से वाळुसकु नळी. 11 कोशशि माळदुर दा आलसी ईरबाळुल; आत्मकि उत्सुक दा तुमकु ईरी; प्रभु उन स्यावा माळतेला ईरी. 12 आशा दा खुश ईरी; क्लेश दा स्थरि ईरी; हर समय प्रार्थना दा हतकु ईरी. 13 पवतिर लॉकुरी जो येनारा जरूरी आद, अदुर दा आदुर्द मदत माळी; पाहुनचार माळदुर दा हतकु ईरी.

14 ✨तान सतुसावाळेरी आशीष कोळी; आशीष अच कोळी श्राप कोळबाळी. 15 आनन्द माळावाळेरे सांगुळ आनन्द माळी, अदकि वर्ला वाळेरे सांगुळ वर्ली. 16 आपस दा ऊंद घाई मन ईटी; अभिमानी आगबाळी, लेकीन गरीबगोळ सांगुळ संगत ईटी; तान नजर दा तान तान इक बुद्धमिान समसबाळी. 17 बुराई इन बदला यारदु से बुराई माळबाळी; जो मातगोळ सप्पा लॉकुर नजर दा भला आव, अवरी माळोद कोशशि माळी. 18 येल ताका आग सकुल, नीव सप्पा मंळसागोळ सांगुळ शांती देल ईरी. 19 हे प्रयिगोळा, बदला ताकोम बाळेतीर, लेकीन परमेश्वर उन सट्टि इक मौका कोळी, यतकी शास्त्र दा लखिसकु आद, “बदला ताकोमोद नान क्याल्सा आद, प्रभु अनतान ना अच बदला ताकोमाईन.” 20 लेकीन “अगर नीन दुश्मन उपासा आन रा आऊक तनिली कोळ, अगर नीरअळक देल आन रा आऊक नीर कुळस; यतकी हगि माळदुर देल आव खुद अच नीन से शर्मदा आदान.” 21 बुराई देल हारूसबाळी, लेकीन भलाई देल बुराई इक जीतुस कोमी.

13

राज्य अन अधिकारीगोळ प्रती कर्तव्य

1 हर ऊंद मंळसा शासकीय अधिकारीगोळ हात्ती ईरूल, यतकी यातोदु अधिकार हगि हैलेच जो परमेश्वर उन दी टु ईला ईतीदाद; अदकि जो अधिकार आद, अद परमेश्वर उन दी टु ठहरूसकु आव. 2 इदुरसाटी जो यावारा अधिकार इन वरिध माळतान, आव परमेश्वर उन वधी इन वरिध माळतान, अदकि वरिध माळावाळेरी दण्ड सकीत. 3 यतकी शासक वळ्लीद क्याल्सा नोर हैलेच, लेकीन बेकार क्याल्सा अन साटी अंजक इन कारण आर; इदुरसाटी अगर नी शासक से नडिर ईरोद चाहासत्या, रा वळ्लीद क्याल्सा माळ, अदकि आऊन दी टु नीन बळाई आदति; 4 यतकी आव नीन भलाई इन साटी परमेश्वर उन सेवक आन. लेकीन अगर नी बुराई माळ्या, रा अंज, यतकी आव तलवार बेकार हुळकु हैलेच; अदकि परमेश्वर उन सेवक हुन की आऊन सट्टि इन अनुसार बेकार क्याल्सा माळावाळा अक दण्ड कोळुल. 5 इदुरसाटी नीव अधिकारीगोळ्द आग्या मानसी, सरिफ परमेश्वर उन दण्ड इन कारण ईला, लेकीन नाम मन इन कारण देल. 6 ✨इदुरसाटी कर भी कोळी यतकी शासन माळावाळेरे परमेश्वर उन सेवक उर अदकि हमेशा ईदा क्याल्सा दा हतकु ईरतार. 7 इदुरसाटी हर ऊंद मंळसा अन हक्क चुक्ता माळी; यारी कर पायजे, आऊक कर कोळी; यारी महसूल पायजे, आऊक महसूल कोळी; यारी मान पायजे, आऊक मान कोळी; यार्द आदर माळ पायजे, आऊन आदर माळी.

आबुर दाबुर प्रती प्यार

8 आपस इन प्यार इक बटिकु अदकि यातोदु मात दा यारदु करजदार आगबाळी; यतकी जो दुसरा से प्यार ईततान, आवा व्यवस्था अन पालन माळयान. 9 यतकी ईद की “व्यभचारि माळबाळेतीर, कोनन बाळेतीर, चोरी माळबाळेतीर, लालच माळबाळेतीर,” अदकि इवरी बटिकु अदकि यातोद भी आग्या ईतीदाद रा सप्पा अन सारांश ई आग्या दा सकितद, “तान मानना हात्तीवाळेरे से तान

घाई प्यार ईट.” 10 प्यार तान संगी इन यागलु बुरा माळाल्द, इदुरसाटी प्यार माळोद ईद व्यवस्था अन पालन माळोद हुन.

11 समय इक अरूकु हगि अच माळी, इदुरसाटी की ईग नीम साटी जप्प दा टु येळोद समय होट बंदाद; यतकी याता समय नाव वशिवास माळीदेव, आ समय इन वचार देल ईग नाम उद्धार हात्ती आव. 12 ईळ्लक हापाळ आगेग्याद, अदकि व्हातुर आगदुर मा आद; इदुरसाटी नाव अंधकार इन क्याल्सागोळी त्यागस्कु ज्योर्ता इन हथयार कट कोंडेव. 13 ह्यांग हागुल इक शोभा कोळतद, हांग अच नाव सीधा चाल ईट्टेव, ना किकामवासना अदकि पयिक्कळपन दा, ना व्यभचार अदकि लुचपन दा, अदकि ना झगळा अदकि डाह दा. 14 लेकीन प्रभु यीशु मसीह अन हथयार हुडु कोमी, अदकि तान मानव स्वभाव इन शरीर इन अभलिषागोळी पुरा माळदुर दा हतकु ईरबाळी.

14

आबुर दाबुरद न्याय माळबाळी

1 *जो वशिवास दा नरिबल आन, आऊक तान संगती दा ताकोमकोमी, लेकीन आऊन व्यक्तगित वचारगोळ मा झगळा माळोर साटी ईला. 2 ऊंद मळसा अक वशिवास आद कसिप्पा येनारा तनिोद उचति आद, लेकीन जो वशिवास दा नरिबल आन आव साग पात अच तनितान. 3 तनिवाळा जो तनिलुन आऊक तुच्छ जान्स बाळुल, अदकि जो तनिलुन आव तनिवाळा मा दोष हचबाळुल; यतकी परमेश्वर आऊक ग्रहण माळ्यान. 4 नी याव हुय जो दुसरा अन सेवक मा दोष हचत्या? आऊन स्थरि ईरोद या बदिगोद आऊन स्वामी से अच संबंध ईटतद; बल्की आव स्थरि अच माळकु आदान, यतकी प्रभु आऊक स्थरि ईट सकतान.

5 यावारा रा ऊंद दनि इक दुसरा दनि से यक्कुल महत्वपुर्ण मान्सतान, अदकि यावारा सप्पा दनिगोळी ऊंदा घाई मान्सतान. हर ऊंद तांद अच मन दा नश्चय माळ कोमुल. 6 जो यातोदारा दनि इक महत्वपुर्ण मान्सतान, रा आव प्रभु उक महत्वपुर्ण मान्सतान. अदकि जो सब कुछ तनितान, आव प्रभु उन साटी तनितान, यतकी आव आंदुर भोजन इन द्वारा परमेश्वर उन धन्यवाद माळतान, अदकि जो मास बटिकु साग पात तनितान, आव प्रभु उन साटी तनिलुन अदकि परमेश्वर उन धन्यवाद माळतान. 7 यतकी नाम दा टु यावारा तान साटी जत्तिता आन, अदकि ना यावारा तान साटी सायतान. 8 अगर नाव जत्तिता आयेव, रा प्रभु उन साटी जत्तिता आयेव; अदकि अगर सायतेव, रा प्रभु उन साटी सायतेव; इदुरसाटी नाव जत्तिता ईत्तेव या सोत्तेव, नाव प्रभु नोर अच हुयेव. 9 यतकी मसीह इदुरदा साटी सोत्तुन अदकि जत्तिता भी आग्यान की आव सोत्तुरी अदकि जत्तिता आग्यार येद्धु मुंदुर प्रभु आगुल.

10 *नी तान वार्ट उन मा येती दोष हचत्या? या नी बाक येती तान वार्ट उक तुच्छ जान्सत्या? नाव सप्पा च्या सप्पा मुंदुर परमेश्वर उन न्याय सहिसन इन मुंद नदिरेव. 11 यतकी शास्त्र दा लखिसकु आद,

“प्रभु अनतान, नान जीवन इन करिया कहर ऊंद ट्वांगरा नान मुंद टकिसीत,

अदकि हर ऊंद ल्यालग्या ईद कबुल माळीत की ना परमेश्वर हुईन.”

12 इदुरसाटी नाम दा टु हर ऊंद मळसा परमेश्वर उक तान तान लेखा जोखा कोट्टान.

तान वार्ट उन कमजोर आगोद कारण बन्सबाळी

13 इदुरसाटी मुंद टु नाव आबुर दाबुर मा दोष हचतदिल, लेकीन नीव ईद ठान्स कोमी की यावारा तान वार्ट उन मुंद ठोकर तनिकु पाप दा बळोद कारण बन्सबाळुल. 14 प्रभु यीशु दा ऊंद आगदुर नाता देल ना नश्चिति जान्सतीन यातोदारा वस्तु तांदुर देल अशुध्द हैलेच, लेकीन जो अदरी अशुध्द सम्सतान आऊन साटी अशुध्द आद. 15 अगर नीन वार्ट या आकतींग नीन भोजन इन कारण दुखी आगतार, रा बाक नी प्यार इन रीतदिल नळाल; यदुर साटी मसीह सोत्तुन, आऊक नी तान भोजन इन द्वारा नाश माळबाळ. 16 यारी नीव भला मान्सतीर आऊक यारीकु बुरा माताळगोळ बाळेतीर. 17 यतकी परमेश्वर उन राज्य तनिोद कुडोद ईला, लेकीन न्यायीपन,

शांती अदकि आनन्द जो पवत्रि आत्मा कोळतद. 18 जो यावारा ई रीतदिल मसीह अन स्यावा माळतान, आव परमेश्वर उक भाऊस्तान अदकि मळसागोळ दा ग्रहण माळा लायक ठहरूस्तान. 19 इदुरसाटी नाव आ मातगोळ दा हतकु ईत्तेव यऊर देल मेल मलिाप अदकि आबुर दाबुरी आत्मकि उन्नती दा मदत सकितद. 20 भोजन इन साटी जो परमेश्वर माळ्यान अदरी नष्ट माळबाळी. सप्पा येनारा शुद्ध रा आद, लेकीन आ खाना देल यारीकारा ठोकर हततद रा अद बेकार आद. 21 भला रा ईद आद कनि नी नारा मास तनि अदकि ना रा सारा कुडू, अदकि ना रा हगि येनारा माळेत यदुर देल नीन वशिवासी वार्ट या आकतींग ठोकर तनिल. 22 नीन जो वशिवास ईरूल, अदरी परमेश्वर उन मुंद तांद अच मन दा ईट. धन्य आन आव जो आ मात दा, यदरी आव ठीक समस्तान, तान तान इक दोषी ठहरूसालुन. 23 लेकीन जो लॉकुर संदेह माळकु तनितार आंदरी परमेश्वर दोषी ठहरूसतान, यतकी आंदुर कार्य वशिवास इन आधार मा हैलेच; अदकि जो येनारा वशिवास इन आधार मा हैलेच, अद पाप हुन.

15

दुसरा अक संतुष्ट माळी

1 इदुरसाटी नाव बलवानगोळी पायजे कि नरिबलगोळद नरिबलतागोळी सहन माळेव, ना कि तान तान इक संतुष्ट माळेव. 2 नाम दा टु हर ऊंद तान मान्ना अन आंदुरद भलाई इन साटी खुश माळेव ताकी आंदुरद वशिवास दा उन्नती आगुल. 3 यतकी मसीह तान तान इक खुश माळीदिल, लेकीन ह्यांग शास्त्र दा लखिसकु आद: “नीन अपमान माळावाळेर्द अपमान नान मा बंदकु बदिद.” 4 यास मातगोळ पयले टु लखिसकु आग्याव, अव नामद अच शकिषा अन साटी लखिसकु आग्याव कि नाव धीरज अदकि शास्त्र अन प्रोत्साहन द्वारा आशा ईटुल. 5 धीरज अदकि शांती अन दाता परमेश्वर नीमी ईद वरदान कोळुल कि मसीह यीशु अन अनुसार आपस दा ऊंद मन ईरी. 6 ताकी नीव ऊंद मन अदकि ऊंद स्वर दा नाम प्रभु यीशु मसीह अन आप्प परमेश्वर उन स्तुति माळी.

7 इदुरसाटी, ह्यांग मसीह परमेश्वर उन महमा अन साटी नीमी ग्रहण माळ्यान, हांग अच नीव भी आबुर दाबुर इक ग्रहण माळी. 8 इदुरसाटी ना अनतीन कि जो वादागोळ आप्प दादागोळी कोटकु आगीदव अवरी मजबूत माळोर साटी मसीह, परमेश्वर उन सच्चाई इन प्रणाम कोळोर साटी, यहूदी लॉकुरद सेवक बन्सदुन; 9 अदकि गैरयहूदीगोळ भी दया अन कारण परमेश्वर उन स्तुतिमाळुल; ह्यांग शास्त्र दा लखिसकु आद, “इदुरसाटी पुरा राष्ट्र दा नीन धन्यवाद माळाईन, अदकि नीन हेसुर इन भजन हाळाईन.”

10 बाक अंदान,
“हे गैरयहूदीगोळ,
परमेश्वर उन नविळुसद लॉकुर सांगुळ आनन्द माळी.”

11 अदकि बाक,
“हे गैरयहूदीगोळ सप्पा लॉकुर, प्रभु उन स्तुति माळी;
अदकि हे राष्ट्र अन लॉकुरा, आऊक समसी.”

12 अदकि बाक यशायाह अनतान,
“यशै अन ऊंद वंशज प्रगट आदीत,
अदकि आव गैरयहूदीगोळ मा शासन माळ्यान,
अदकि आ लॉकुर आऊन मा आशा ईट्यार.”

13 परमेश्वर जो आशा अन दाता आन नीमी वशिवास माळदुर दा सप्पा प्रकार इन आनन्द अदकि शांती देल परपुर्ण माळुल, कि पवत्रि आत्मा अन सामर्थ्य देल नीम आशा वाळुसतेला होगुल.

साहस देल लखिसोद कारण

14 हे नान वार्दुरा अदकि आकतीगेरा, ना खुद नीम बारा दा सही दा जान्सतीन कि नीव भी खुद अच भलाई देल तुमकु अदकि ईश्वरीय ग्यान देल भरपुर आईर, अदकि आबुर दाबुर इक कल्स

सकी. 15 तरी भी ना येल्यारा-येल्यारा याद दलिसोर साटी नीमी जो हापाळ हमिमत माळकु चट्टी लखिसदीन. ईद आ अनुग्रह अन कारण आत जो परमेश्वर नानी कोट्टान, 16 क्ना गैरयहूदीगोळ साटी मसीह यीशु उन सेवक आगकु परमेश्वर उन खुशखबरी इन स्यावा याजक उन घाई माळाईन, यदुर देल गैरयहूदीगोळ मान्सी चळुस्कु आगोद, पवतिर आत्मा देल पवतिर बन्सकु ग्रहण माळकु आगुल. 17 इदुरसाटी आ मातगोळ बारा दा जो परमेश्वर उन से संबंध ईटताव, ना मसीह यीशु दा बळाई माळ सकतीन. 18 यतकी आ मातगोळी बटिकु नानी अदकि यातोदु मात इन बारा दा अनोद हमिमत हैलेच, जो मसीह गैरयहूदीगोळ हातती ता अन साटी वचन, अदकि कर्म, 19 अदकि चमत्कारगोळ, अदकि अदभुत क्यालसागोळ सामर्थ्य देल, अदकि पवतिर आत्मा अन सामर्थ्य देल नांद अच द्वारा माळकु आदव; ईल ताका क्ना यरूशलेम टु ताकोमकु नाकु दी इल्लुरकुम ताका मसीह अन खुशखबरी इन पुरा पुरा प्रचार माळदीन. 20 लेकीन नान मन इन उमंग आद क्ना येल येल मसीह अन हेसुर ताकोमकु आगीदील, अदा खुशखबरी केळसाईन ताकी हगि आगबाळुल क्ना दुसरा अन पायवा मा मान्ना माळाईन. 21 लेकीन ह्यांग शास्त्र दा लखिसकु आद हांग अच आगुल, “यारी आऊन खुशखबरी पोहचुसीदील, आंदुर अच नोळ्यार अदकि यार केळीदील आंदुर अच समस्यार.”

रोम यात्रा अन पौलुस उन योजना

22 इदुरदा साटी ना नीम हाती बरोर से घळी घळी थाम्सकु ईततीन. 23 लेकीन ईग ई द्याशगोळ दा नान क्यालसा अन साटी अदकि जागा ईतीदील, अदकि हापाळ साल टु नानी नीम हाती बरोद लालच आद. 24 इदुरसाटी याग ना स्पेन इक होगार्न रा नीम हाती टु आगतेला होगार्न, यतकी नानी आशा आद क्ना आ यात्रा दा नीम से मुलाकात आदीत, अदकि याग नीम से सीकाईन रा नीव नानी येनारा दुर मुंद पोहचुस बुळेतीर. 25 लेकीन ईगल्या रा ना परमेश्वर उन लॉकुरद स्यावा माळोर साटी यरूशलेम इक होगतीन. 26 यतकी मकदिनया अदकि अखाया अन लॉकुरी ईद वळलीद हत्त क्ना यरूशलेम इन पवतिर लॉकुर दा नरिधनगोळ साटी येनारा चंदा माळुल. 27 आंदरी वळलीद रा हत्त, लेकीन आंदुर आंदुरद कर्जदार भी आर, यतकी अगर गैरयहूदीगोळ आंदुरद आत्मकि मातगोळ दा भागी आदुर, रा आंदरी भी उचति आद क्ना शारीरकि मातगोळ दा आंदुरद स्यावा माळुल. 28 इदुरसाटी ना ईद क्यालसा पुरा माळकु अदकि आंदरी ईद भेट कोटकु नीम हाती टु आगतेला स्पेन इक होगार्न. 29 अदकि ना जान्सतीन क्ना याग ना नीम हाती बराईन, रा मसीह अन पुरा आर्शवादगोळ सांगुळ बराईन.

30 हे वारटुरा अदकि आकतींगेरा, नाम प्रभु यीशु मसीह अन अदकि पवतिर आत्मा अन प्यार इन याद दलिस्कु ना नीम से वनिती माळतीन, क्ना नान साटी परमेश्वर से प्रार्थना माळदुर दा नान सांगुळ हतकु ईरी 31 क्ना यहूदिया अन अवशिवासी लॉकुर से ऊळदकु ईराइन, अदकि नान अद स्यावा जो यरूशलेम इन साटी आद, परमेश्वर उन लॉकुरी पंसद बरूल; 32 अदकि ना परमेश्वर उन इच्छा देल नीम हाती आनन्द इन सांगुळ बंदकु नीम सांगुळ आराम माळाईन. 33 शांती अन परमेश्वर नीम सप्पा मुंदुर सांगुळ ईरूल. आमीन.

16

व्यक्तगित अभिवादन

1 ना नीम से फीबे अन साटी जो नाम आकतींग अदकि कस्त्रिया अन मंडली नोर सेवका आर, वनिती माळतीन 2 क्ना नीम, ह्यांग क्ना परमेश्वर उन लॉकुरी पायजे, आकी प्रभु दा ग्रहण माळी; अदकि यातोदारा मात दा आकी नाम जरवत आद, आकनि मदत माळी, यतकी आक भी हापाळ मुंदुरद बल्की नान भी मदत माळावळत ईतार.

3 प्रसिका अदकि अक्विला अक जो मसीह यीशु दा नान सहकर्मी आर, नमस्कार. 4 आंदुर नान जीव इन साटी तांद अच जीवन जोखमि दा हाक बुटीदुर; अदकि सरिफ ना अच ईला, बल्की गैरयहूदीगोळद सप्पा मंडलीगोळ भी आंदुरद धन्यवाद माळतद. 5 आ मंडली अक भी नमस्कार जो

☆ 15:22 १५:२२ रोमियों १:३३ ☆ 15:25 १५:२५ १ कुरिन्थि १६:१-४ ☆ 15:27 १५:२७ १ कुरिन्थि ९:११ ☆ 16:3 १६:३ प्रेरतिगोळ १८:२

आंदुर मान्या आद. नान प्रयि इपैनतिस उक, जो मसीह अन साटी आसिया प्रांत इन पयला फल आद, नमस्कार. 6 मरियम इक, याक नीम साटी हापाळ मयनत माळदुर, नमस्कार. 7 अनर्दुनीकुस अदकि यूनियास उक जो नान घरजनी नोर आर, अदकि नान सांगुळ कैद आगीदुर अदकि प्रेरतिगोळ दा हेसुर वाळेर आर, अदकि नान से पयले मसीह आगीदुर, नमस्कार. 8 अम्पलियातुस उक, जो प्रभु दा नान प्रयि संगी आन, नमस्कार. 9 उरबानुस उक, जो मसीह दा नाम सहकर्मी आन, अदकि नान प्रयि इस्तखुस उक नमस्कार. 10 अपुल्लोस उक जो मसीह दा सही होट्टुन, नमस्कार. अरसितुबुलुस उन घराना इक नमस्कार. 11 नान रशितेदार हेरोदयोन यहूदी संगी इक नमस्कार. नरकसिसुस उन घराना इन जो लॉकुर प्रभु दा आर, आंदरी नमस्कार. 12 त्रूफेना अदकि त्रूफोसा अक जो प्रभु दा मेहनत माळतार, नमस्कार. प्रयि परिसिसि उक, याव प्रभु दा हापाळ मेहनत माळदुन नमस्कार. 13 रूफुस उक जो प्रभु दा नविळुस्कु आन अदकि आऊन मोय इक, जो नान भी मोय उर, येद्धु मुंदरी नमस्कार. 14 असुंक्रतिस, फलिगोन, हरिमेस, पत्रुबास, हरिमास अदकि आंदुर सांगुळ इन वार्टुर अदकि आकतीगेरी नमस्कार. 15 फल्लितुगुस, यूलिया, नेर्युस अदकि आकनि आकतीग, अदकि उलुम्पास अदकि आंदुर सांगुळ इन सप्पा परमेश्वर उन लॉकुरी नमस्कार. 16 आपस दा पवतिर चुम्बन देल नमस्कार माळी. नीमी मसीह अन सप्पा मंडलीगोळ दी टु नमस्कार.

आखरी नरिदेश

17 ईग हे वार्टुरा अदकि आकतीगेरा, ना नीम से वनिती माळतीन, कजि लॉकुर आ शक्तिषा अन वपिरीत, जो नीमी सकियाद, फूट हाक्कोद अदकि ठोकर तनिसोद कारण बनसतार, आंदरी अर्त कोमी अदकि आंदुर से दुर ईरी. 18 यतकी हगि लॉकुर नाम प्रभु मसीह नोर आल्लच, लेकीन तान व्हाट्टा अन स्यावा माळतार; अदकि चकिना चुपळा मातगोळ देल सीधा साधा मन इन लॉकुरी बयकुस बुळतार. 19 नीम आग्या मानसोद चर्चा सप्पा लॉकुर दा फैलुसेत, इदुरसाटी ना नीम बारा दा आनन्द माळतीन, लेकीन ना ईद चाहासतीन कजि नीव भलाई इन साटी बुद्धमिान लेकीन बुराई इन साटी भोला बनसकु ईरी. 20 शांती इन परमेश्वर शैतान उक नीम कालगोळ देल राटनेरी मेटसुस बुट्टान.

नाम प्रभु यीशु मसीह अन अनुग्रह नीम मा आगतेला ईरूल. 21 *नान सहकर्मी तीमुथियुस उन, अदकि नान घराना इन लूकियुस, यासोन अदकि सोसपितरुस ई नान यहूदी संगीगोळद नीमी नमस्कार. 22 ना चट्टी लखिसावाळा तरितियुस उन, प्रभु दा नीमी नमस्कार. 23 (२४) *गयुस जो नान अदकि मंडली अन पाहुनचार माळावाळा आन, आऊन नीमी नमस्कार. इरास्तुस जो नगर इन भंडारी आन, अदकि वार्ट क्वारतुस उन नीमी नमस्कार. 24

परमेश्वर उन स्तुति

25 आ परमेश्वर उन महिमा आगुल नीम वशिवास ईग जो नीमी नान खुशखबरी मतलब यीशु मसीह अन संदेश इन प्रचार इन अनुसार स्थरि माळ सकतद, परमेश्वर उन ई रहस्य पूर्ण सत्य युगयुग टु होचकु ईरोद, 26 लेकीन ईग प्रगट आगकु सनातन परमेश्वर उन आग्या देल भवषियवक्तागोळद कतिबगोळ द्वारा सप्पा जातीगोळी हेळकु आग्याद कजि आंदुर वशिवास देल आग्या मानसावाळेर आगेगुल, 27 आवा सरिफ ऊंद बुद्धमिान परमेश्वर उन यीशु मसीह अन द्वारा हमेशा हमेशा महिमा आगतेला ईरूल. आमीन.

कुरन्थियों के नाम पौलुस प्रेरति की पहली पत्री कुरन्थिगोळ्द हेसुर पौलुस प्रेरति उन पयला चट्टी परचिय

प्रेरति पौलुस पयला कुरन्थि ईद चट्टी यीशु उन जनम इन ५५ साल इन बाददा लखिसदुन. १:१ पौलुस कुरन्थिवासीगोळी येद्व चट्टी लखिस्यान पौलुस उन ईद इच्छा ईरोद की आव मकदिनया होगईन अल होगा समय अदकि वापस बरा समय कुरन्थिवासीगोळ से मुलाकात माळाईन मकदिनया अक होगा से पयले पौलुस ईद चट्टी लखिसदुन आग आव इफसियों दा ईरतोगोन. १६:५-९

पौलुस उक कुरन्थिगोळ मंडली दा जो फूट, व्यभचार, अनैतकता घाई अलग अलग समस्यागोळ नळव अऊरुद अहवाल आऊक सकीत ई अहवाल इक प्रतिसाद कोळोर साटी पौलुस ईद चट्टी लखिसदुन. कुरन्थिनगर व्यभचार घाई अनैतकता दा प्रसदिध ईरोद. इदुरसाटी ईद स्वाभाविक अच ईरोद की हगि समस्यागोळ मंडली दा भी प्रवेश माळ्याव. पयला कुरन्थिगोळ्द ईद चट्टी दा प्यार इन बारा दा जो सुप्रसदिध अध्याय आद, अदुरद भी समावेश आद. १३ रूप-रेखा:

१. पौलुस उन दी टु कुरन्थिवासीगोळी नमस्कार १:१-९
२. कुरन्थिगोळ्द मंडली दा आगावाळा दलबन्दी इन बारा दा पौलुस उन उत्तर १:१०-४:२१
३. लैगकि अदकि अनैतकता अन अळचन अदकि आबुर दाबुर न्यायालयीन झगळा ५-६
४. मदा अन समस्या अदकि मुरतपिजक चढावा, सामुहिक आराधना, आत्मिक दान अदकि पुनरूत्थान ७-१५
५. व्यावहारिक अदकि व्यक्तगित मुद्दागोळ बारा दा पौलुस उन सलाह १६

1 पौलुस उन दी टु जो परमेश्वर उन इच्छा देल यीशु मसीह अन्द प्रेरति आगोर साटी कारूकु आत अदकि वार्ट सोस्थनिस दी टु,

2 *परमेश्वर उन आ मंडली अन्द हेसुर जो कुरन्थिस दा आद, मतलब आंदुर हेसुर जो मसीह यीशु दा पवत्रि माळकु आग्यार, अदकि पवत्रि आगोर साटी कारूकु आग्यार; अदकि आ सप्पा मुंदुर हेसुर भी जो हर जागा दा आंदुर अदकि नाम प्रभु यीशु मसीह अन्द हेसुर देल प्रार्थना माळतार.

3 नाम आप् परमेश्वर अदकि प्रभु यीशु मसीह अन्द दी टु नीमी अनुग्रह अदकि शांती सकितेला ईरूल.

यीशु मा वशिवास ईटावाळेर मा आशीषगोळ

4 ना नीमद बारा दा तान परमेश्वर उन धन्यवाद हमेशा माळतीन, इदुरसाटी की परमेश्वर उन ईद अनुग्रह नीम मा यीशु मसीह दा आत. 5 की नीव यीशु मसीह दा ऊंद आगदुर कारण नीव हर मात दा, मतलब सप्पा वचन अदकि सप्पा ग्यान दा धनी माळकु आदीर. 6 यीशु मसीह अन्द बारा दा बातणी नीम दा पक्का होळुल. 7 इदुरसाटी कियतोदारा वरदान दा नीमी कमी ना आगुल, ह्यांग नीव नाम प्रभु यीशु मसीह अन्द बरोद हादी नोळतेला ईरतीर. 8 आव नीमी आखरी ताका पक्का भी माळ्यान की नीव नाम्द प्रभु यीशु मसीह अन्द वापस बरोद दनि दा नरिदोष ठहरूसी. 9 परमेश्वर वशिवास इन लायक आन, याव नीमी तान पार नाम्द प्रभु यीशु मसीह इन संगत दा कारस्यान.

वशिवासीगोळ्द मंडली दा दरार

10 हे वार्टुरा, ना नीम से नाम प्रभु यीशु मसीह अन्द हेसुर देल वनिती माळतीन की नीव सप्पा मुंदुर ऊंद अच मात अनी, अदकि नीम दा फूट बळिबाळुल, लेकीन ऊंद अच मन अदकि ऊंद अच मत आगकु मलिसकु ईरी. 11 हे नान वार्टुरा अदकि आकतींगेरा, खलोए अन्द घराना अन्द लॉकुर

नानी नीमद बारा दा हेळदुर कि नीम दा झगळा आगेत्याव. 12 *नांद अनोद मतलब ईद आद कि नीम दा टु यावारा रा तान तान इक “पौलुस उन,” यावारा “अपुल्लोस उन,” यावारा “कैफा अन,” रा यावारा “मसीह अनंद” अनुयायी अनतार. 13 येन मसीह अनंद वाटा हसिसा आगेत? येन पौलुस नीम साटी क्रूस मा येरूसकु आदुन? या नीमी पौलुस उन हेसुर मा बपतस्मा सक्ति?

14 *ना परमेश्वर उन धन्यवाद माळतीन कि क्रिसिपुस अदकि गयुस उक बटिकु ना नीम दा टु याऊकु भी बपतस्मा कोटीदील, 15 इदुरसाटी हगि आगबाळुल कि यावारा अनुल कि नीमी नान हेसुर मा बपतस्मा सक्ति. 16 *अदकि हा, ना स्तफिनास इन घराना अक भी बपतस्मा कोट्टीन; इंदरी बटिकु ना जान्सालीन कि ना अदकि यारीक बपतस्मा कोट्टीन. 17 यतकी मसीह नानी बपतस्मा कोळली ईला, लेकीन खुशखबरी केळसली कळुदुन, अदकि ईद भी मंळसा अनंद ग्यान इन आवाजगोळ्द अनुसार ईला, हगि आगबाळुल कि यीशु मसीह अनंद क्रूस बेकार ठहरूसुल.

मसीह परमेश्वर उन ग्यान अदकि सामर्थ्य हुन

18 यतकी क्रूस इन कात्ता नाश आगावाळेर साटी मूर्खता आद, लेकीन नाव उद्धार ताकोमावाळेर साटी परमेश्वर उन सामर्थ्य आद. 19 यतकी शास्त्र दा लखिसकु आद, “ना ग्यानवंतगोळ ग्यान इक नाश माळाईन,

अदकि समझदार गोळ्द समझ इक सब से बेकार माळ बुळाईन.”

20 येल आन ग्यानवान? येल आन नयिम इन गुरु? येल आन ई दुनया अन ववाद माळावाळा? येन परमेश्वर ई दुनया अन ग्यान इक मूर्खता ठहरूसीदील?

21 यतकी याग परमेश्वर उन ग्यान इन अनुसार ईद दुनया तान ग्यान देल परमेश्वर उक जान्स सकदील, रा परमेश्वर उक ईद वळलीद हत कि ई प्रचार इन “मूर्खता” अनंद द्वारा वशिवास माळावाळेर इक उद्धार कोळुल. 22 यहूदी रा चमत्कार इन चमत्कार चाहासतार, अदकि ग्रीक ग्यान इन खोज दा आर, 23 लेकीन नाव रा आ क्रूस मा येरूसकु आग्यान आ मसीह अनंद प्रचार माळतेव, जो यहूदीगोळ्द साटी ठोकर इन कारण अदकि गैरयहूदीगोळ साटी मूर्खता आद; 24 लेकीन जो कारूकु आग्यार, येन यहूदी येन गैरयहूदी, आंदुर हात्ती मसीह परमेश्वर उन सामर्थ्य अदकि परमेश्वर उन ग्यान आद. 25 यतकी परमेश्वर उन मूर्खता मंळसागोळ्द ग्यान देल ग्यानवान आद, अदकि परमेश्वर उन कमजोरी मंळसागोळ्द ताकत देल हापाळ बलवान आद.

26 हे वार्टुरा अदकि आकतींगेरा, तान कारूकु आगोद मा रा सोची कि ना मय इन अनुसार हापाळ ग्यानवान, अदकि ना हापाळ सामर्थी, अदकि ना हापाळ वळलीद घराना टु कारूकु आग्यार. 27 लेकीन परमेश्वर दुनया अन मूर्खगोळी नीवळुसदुन कि ग्यानवंतगोळी शर्मदा माळुल, अदकि परमेश्वर दुनया अन कमजोर मंळसागोळी नविळुसदुन कि बलवानगोळी शर्मदा माळुल; 28 अदकि परमेश्वर दुनया अन नीचगोळी अदकि तुच्छगोळी इक भी जो खुद ईला अनंद बराबर समसतार आंदरी भी नीवळुसदुन, ताकी महत्वपुर्ण मातगोळ आंदरी व्यर्थ ठहरूसुल. 29 परमेश्वर हगि माळदुन ताकी यातोदु प्राणी आऊन मुंद घमण्ड माळबाळुल. 30 लेकीन परमेश्वर नामी यीशु मसीह दा ऊंद माळदुन, जो परमेश्वर उन दी टु नाम साटी ग्यान ठहरूसुत. आऊन द्वारा नाव परमेश्वर उन मुंद न्यायी ठहरूसुल, अदकि पवतिर अदकि स्वतंत्र माळकु आदेव; 31 ताकी हयांग शास्त्र दा लखिसकु आद, हांग अच आगुल, “जो घमण्ड माळ्यान आव प्रभु दा घमण्ड माळुल.”

2

क्रूस मा येरूसकु आग्यान मसीह अनंद बारा दा बातणी

1 हे वार्टुरा अदकि आकतींगेरा, याग ना परमेश्वर उन रहस्यमय सच्चाई अदकि भेद केळसतेला नीमद हात्ती बंदीन, रा आवाजगोळ या ग्यान इन उत्तमता अनंद सांगुळ बंददील. 2 यतकी ना ईद ठान्स कोंडीदिनि कि नीमद न्याड्या यीशु मसीह बल्की क्रूस मा येरूसकु आदुन मसीह अदकि आऊन मृत्यु इक बटिकु यातोदु अदकि मात इक जान्सतीदील. 3 *ना कमजोरी अदकि अंजक

* 1:12 १:१२ प्रेरतिगोळ १८:२४ * 1:14 १:१४ प्रेरतिगोळ १८:८; प्रेरतिगोळ १९:२९; रोमथि १६:२३ * 1:16 १:१६ १ कुरनिथि १६:१५ * 2:3 २:३ प्रेरतिगोळ १८:९

इन सांगुळ, अदकि हापाळ नळगत-नळगत नीम हात्ती बंदीन; 4 अदकि नान वचन, अदकि नान प्रचार दा ग्यान इक लूभावना मातगोळ ईला, बल्की आत्मा अदकि सामर्थ्य इन प्रमाण ईरोद, 5 इदुरसाटी कनि नीमद वशिवास मंळसागोळ्द ग्यान मा ईला, लेकीन परमेश्वर उन सामर्थ्य मा नरिभर ईरूल.

परमेश्वर उन ग्यान

6 तरी भी जानकार लॉकुर दा नाव ग्यान केळसतेव; लेकीन ई दुनया अन अदकि ई दुनया अन नाश आगावाळेर शासकगोळ्द ग्यान ईला; 7 लेकीन नाव परमेश्वर उन अद होचकु ग्यान, भेद इन रहस्य अनद वर्णन माळतेव मतलब आ होचकु ग्यान इक यारी परमेश्वर दुनया माळोद पयले टु ना नाम्द महिमा अनद साटी ठहरूस्यान, 8 यारी ई दुनया अन शासकगोळ दा टु यारू जान्सीदलि, यतकी अगर आंदुर जान्सायदुर रा महिमा माळावाळा प्रभु उक कूस मा ईला येरसायदुर. 9 लेकीन हयांग लखिसकु आद,

“जो मात कण्णगोळ नोळीदील अदकि कविगोळ केळीदील,

अदकि जो मातगोळ मंळसा अनद मगज दा तुमीदलि,

आंदुर अच उर जो परमेश्वर तान प्यार ईटावाळेर साटी तयार माळयान.”

10 लेकीन परमेश्वर आंदरी तान आत्मा अनद द्वारा नाम मा प्रगट माळदुन, यतकी आत्मा सप्पा मातगोळ, उलटा परमेश्वर उन रहस्यमय मातगोळ भी जाँच तान. 11 मंळसागोळ दा टु याव यावारा मंळसा अनद मातगोळी जान्सतान, सर्फि मंळसा अन आत्मा जो आऊंदा आद? हांग अच परमेश्वर उन मातगोळ भी याऊ जान सकालुन, सर्फि परमेश्वर उन आत्मा अच जान सकतद. 12 लेकीन नामी दुनया अन आत्मा ईला, लेकीन अद आत्मा सकियाद जो परमेश्वर उन दी टु आद कनि नाव आ मातगोळी जानसेव जो परमेश्वर नामी कोटान.

13 यारी नाव मंळसागोळ्द ग्यान इन कलसद मातगोळ दा ईला, लेकीन परमेश्वर उन आत्मा अनद कलसद मातगोळ मा, यारी परमेश्वर उन आत्मा आद आंदरी आत्मकि मातगोळ केळसतेव.

14 जो मंळसा परमेश्वर उन आत्मा अनद मातगोळी ग्रहण माळालुन, यतकी अव आऊन नजर दा मूरखता नव मातगोळ आव, अदकि ना आव आंदरी जान्स सकतान यतकी आंदुर जाँच आत्मा अनद रीतदिल आगतद. 15 यारी परमेश्वर उन आत्मा आद आव मंळसा सप्पा येनारा जाँच तान, लेकीन आव खुद यारदु से जाँच कु आगालुन. 16 हयांग पवतिरशास्त्र दा लखिसकु आद, “याव जान्स सकतान प्रभु उन मन इक?

याव आऊक सलाह कोळ सकतान?”

लेकीन नाम दा मसीह अनद मन आद.

3

परमेश्वर उन सेवक

1 हे वारटुरा अदकि आकतीगेरा, ना नीम से ई रीतदिल मातगोळ माळ सकदिल हयांग कि आत्मकि लॉकुर से, लेकीन हयांग कि दुनया अन लॉकुर से, अदकि आंदुर से जो मसीह दा चकिोर आर. 2 *ना नीमी हाल कुळसदीन, अनाज तनिसदील; यतकी नीव अदरी पचुस ईला सकीर; सही दा नीव ईगास ताका अदरी पचुस सकालीर, 3 यतकी नीव ईगास ताका दुनया अन लॉकुर घाई आईर. यागासताका नीम दा मतभेद अदकि झगळा आद, रा येन नीव ई दुनया नोर आल्लच? अदकि येन मंळसा अनद रीतमा नळालीर? 4 *यतकी याग पयला अनतान, “ना पौलुस उन हुईन,” अदकि दुसरा अनतान, “ना अपुल्लोस उन हुईन,” रा येन नीव दुनया अन मंळसागोळ्द घाई जीऊस सकालीर?

5 येन हुन अपुल्लोस? अदकि येन हुन पौलुस? सर्फि सेवक, याऊन द्वारा नीव वशिवास माळदीर, हयांग हर ऊंद मंळसा अक प्रभु सौप्सदुन हांग आंदुर क्याल्सा माळ पायजे. 6 *ना हचदीन, अपुल्लोस सच्चिसदुन, लेकीन परमेश्वर वाळुसदुन. 7 इदुरसाटी ना हचावाळा येनारा

आन अदकि अदरी सचिवावाळा, लेकीन परमेश्वर अच सप्पा येनारा आन जो वाळुसावाळा आन. 8 हचावाळा अदकि सचिवावाळा येदुदु ऊंद सारखा आर; लेकीन हर ऊंद मळसा अक तान अच मेहनत इन अनुसार आऊक परमेश्वर आऊन क्याल्सा अन्द अनुसार आऊक मजदूरी कोट्टान. 9 यतकी नाव परमेश्वर उन सहकर्मी आयेव; नीव परमेश्वर उन केई

अदकि परमेश्वर उन रचना हुईर. 10 परमेश्वर उन आ अनुग्रह अन्द अनुसार जो नानी कोटकु आग्याद, ना बुद्धमिान राजमसित्त्री इन घाई पायवा हाकदनि, अदकि दुसरा अदुर मा रद्दा मळसतान. लेकीन हर ऊंद मळसा सावधान ईरूल कि आव आऊन मा ह्यांग रद्दा ईटतान. 11 यतकी आ पायवा अक बटिकु जो बदिकु आद, अदकि अद यीशु मसीह हुन, याऊ दुसरा पायवा हाक सकालुन. 12 अगर यावारा मळसा ई पायवा मा व्हान्ना, बेळ्ली, बारर कल्ल, हुळ्ली या काड्डा देल रद्दा मळस्यान, 13 रा हर ऊंद मळसा अन्द क्याल्सा प्रगट आगेदीत; यतकी न्याय इन अद दनि आऊक हेळीत, इदुरसाटी कि बेक्की इन सांगुळ प्रगट आदान अदकि अद बेक्की हर ऊंद मळसा अन्द क्याल्सा परखुसीत कि ह्यांग आद. 14 याऊन क्याल्सा आ नीव मा माळकु स्थरि ईत्तीत, रा आऊक मजदूरी सकिकीत. 15 अगर यावारा मळसा अन्द क्याल्सा होतेदति, रा आव घाटा नेगदान; लेकीन आव खुद ऊळदोदान लेकीन व्हत्तेला-व्हत्तेला.

16 येन नीव जानसालीर कि नीव परमेश्वर उन मंदरि हुईर, अदकि परमेश्वर उन आत्मा नीम दा वास माळतद? 17 अगर यावारा मळसा परमेश्वर उन मंदरि इक नाश माळ्यान रा परमेश्वर आऊक नाश माळ्यान; यतकी परमेश्वर उन मंदरि पवतिर आद, अदकि अद नीव हुईर.

18 याऊ तान तान इक ध्वाका कोळबाळुल. अगर नीम दा टु यावारा ई दुनया दा तान तान इक ग्यानी समसतान, रा आव मूरख बनसुल कि ग्यानी आगेगुल. 19 यतकी ई दुनया अन ग्यान परमेश्वर उन हात्ती मूरखता आद, ह्यांग शास्त्र दा लखिसकु आद, “आव ग्यानीगोळी आंदुरद चतुराई दा फसुस कोमतान,” 20 शास्त्र दा हगि लखिसकु आद कि, “प्रभु ग्यानीगोळद वचारगोळी इक जानसतान कि अव व्यर्थ आव.” 21 इदुरसाटी मळसागोळ बारा दा यारू घमण्ड माळबाळी, यतकी सप्पा येनारा नीम दा हुन: 22 येन पौलुस, येन अपुल्लोस, येन कैफा, येन दुनया, येन जीवन, येन सायोद, येन वर्तमान, येन भवषिय, सप्पा येनारा नीमदा हुन: 23 नीव मसीह नव हुईर, अदकि मसीह परमेश्वर उन हुन.

4

मसीह अन्द प्रेरति

1 मळसा नामी मसीह अन सेवक अदकि परमेश्वर उन मातगोळद मुनीम समसुल. 2 बाक ईल भंडारी दा ईद मात जरूरी आद कि भंडारी देखरेख माळावाळा मुनीम वशिवासलायक ईरूल. 3 लेकीन नांद नजर दा ईद हापाळ स्याळद मात आद कि नीव या मळसागोळद यावारा न्यायालय नानी न्याय दलिसुल, बल्की ना खुद तान तान इक न्याय दलिस सकालीन. 4 यतकी नांद मन नान न्याय माळालद, लेकीन इदुर देल ना नरिदोष ठहरूसालीन, यतकी नांद जाँच माळावाळा प्रभु आन. 5 इदुरसाटी यागासताका प्रभु बरालुन, समय टु पयला यातोदु मात इन न्याय माळबाळी: आवा अंधकार इन होचकु मातगोळ ज्योति दा तोरस्यान, अदकि मनगोळ अभपिरायगोळी इक प्रगट माळ्यान, आग परमेश्वर उन दी टु हर ऊंद मळसा अन्द प्रशंसा आदीत.

6 हे वारटुरा अदकि आकतीगेरा, ना ई मातगोळ दा नीम साटी तान अदकि अपुल्लोस उन मातगोळ उदाहरण इन रीति मा माळीन, इदुरसाटी कि नीव नाम द्वारा ईद कली कि जो शास्त्र दा लखिसकु आद अदुर से मुंद आगबाळेतीर, अदकि ऊंद मळसा अन्द वरिध दा अदकि दुसरा मळसा अन्द वरिध दा गर्व माळबाळेतीर. 7 नीन दा अदकि दुसरा मळसा दा याव भेद माळतान? अदकि नीन हात्ती येन आद जो नीनी परमेश्वर देल सकिकीदील? अदकि याग कि नीनी परमेश्वर देल सकियाद, रा हगि घमण्ड येती माळत्या कि मानसी नानी सकिकीदील?

8 नीव रा संतुष्ट आगीदीर, नीव धनी आगीदीर, नीव नाम बनि राज्य माळदीर; लेकीन भला आगाईत कि नीव राज्य माळायदीर कि नाव भी नीम सांगुळ राज्य माळायदेव. 9 नान समझ दा

परमेश्वर नाव परेरतिगोळी सब मुंदुरद बाद्दा आ लॉकुर घाई ठहूरूस्यान, यार्द सायोद आग्या आगोग्याद; यतकी नाव दुनिया अदकि स्वरगदूतगोळ अदकि मंळसागोळ साटी ऊंद तमाशा ठहूरसकु आयेव. 10 नाव मसीह अन साटी मूरख आयेव, लेकीन नीव मसीह दा बुद्धमिान आईर! नाव कमजोर आयेव, लेकीन नीव बलवान आईर! नीमी आदर सकितद, लेकीन नाम्द अपमान आगतद! 11 नाव ई घळी ताका हस्तकु नीरअळ्क अदकि हरकु कपळा हाकतेव, नाम सांगुळ बुरा तरीका देल व्यवहार माळतार अदकि नाव मारा मारा टेटतेव; 12 *अदकि तान अच कयगोळ देल क्यालसा माळकु मेहनत माळतेव. लॉकुर नामी बुरा अनतार, नाव आशीष कोळतेव; आंदुर सतुस्तार, नाव सहन माळतेव. 13 आंदुर बदनाम माळतार, नाव वनिती माळतेव. नाव ईद ताका दुनिया अन मईल अदकि सप्पा वस्तुगोळ्द खात कचरा अन घाई ठहूरसकु आयेव.

14 ना नीमी शर्मदा माळोर साटी ईव मातगोळ लखिसालीन, लेकीन नानव प्रयि चकिोर घाई सम्सकु नीमी चेतावनी कोळतीन. 15 यतकी अगर मसीह दा नीमी कल्सावाळेर हत्त हजार भी ईरायदुर, तरी भी नीमव गुरुगोळ हापाळ सा हैलेच; इदुरसाटी कि मसीह यीशु दा खुशखबरी इन द्वाारा ना नीमव आप्प आदीन. 16 *इदुरसाटी ना नीम से वनिती माळतीन कि नीव नान अनुकरण माळी. 17 ईदा कारण ना तीमुथयिस उक, जो प्रभु दा नानव प्रयि पार अदकि वशिवासयोग्य सेवक आन, नीम हात्ती कळुदीन. आव नीमी मसीह दा नान आचरण इन याद माळ्यान, ह्यांग कि ना हर जागा दा, हर ऊंद मंडली अक उपदेश कोळतीन.

18 येनारा लॉकुर घमण्ड देल हगि बातोग्यार, मान्सी ईग ना नीम हात्ती बरातीदील. 19 लेकीन प्रभु चाहास्यान रा ना नीम हात्ती राटनेरी इच बराईन, अदकि आ बातकुगोळ्द मातगोळ इक ईला, लेकीन आंदुर सामर्थ्य इक जान्स कोमाईन. 20 यतकी परमेश्वर उन राज्य मातगोळ दा ईला लेकीन सामर्थ्य दा आद. 21 नीव येन चाहासतीर? येन ना कोल हुळकु नीम हात्ती बराईन, या प्यार अदकि नम्रता अन सांगुळ?

5

मंडली दा अनैतकिता

1 ईद सही दा केळ सकियाद कि नीम बीच दा व्यभचार आगतद, अदकि हगि व्यभचार जो गैरयहूदीगोळ दा भी आगाल्द, मतलब ऊंद मंळसा तान आप्प उन हगिस उक ईटतान. 2 पर नीव घमण्ड देल बातोगीर, अदकि नीव इदुर बदला दुख माळालीर, यदुर देल कि हगि क्यालसा माळावाळा नीम बीच दा टु तेगुकु आगायदुन. 3-4 ना रा मय देल दुर ईरीन, लेकीन आत्मा देल नीम सांगुळ आगकु मान्सी उपस्थिती इन दशा दा हगि क्यालसा माळावाळेरद बारा दा ईद आग्या कोटबुट्टीन कि याग नीव अदकि नांद आत्मा, नामव प्रभु यीशु उन सामर्थ्य इन सांगुळ जमा आगुल, रा हगि मंळसा नामव प्रभु यीशु उन हेसुर देल 5 रा हगि मंळसा मय इन वनिाश इन साटी भूत इक सौप्सकु आगुल, कि आऊन आत्मा अक प्रभु यीशु उन दनि दा उद्धार सकिकुल.

6 *नीमद घमण्ड माळोद वळ्ळीद ईलच; येन नीव जान्सालीर किथ्वाळासा खमीर पुरा कालस्कु हीट इक खमीर माळ बुळतद? 7 हाळोद खमीर तेगुकु तान तान इक शुद्ध माळी कि वहाशोद कालस्कु हीट आगेगी; मतलब नीव अखमीरी हीट आगेगी ह्यांग नीव सही दा आईर. यतकी नाम्द भी फसह, जो मसीह आन, आऊन बलदान आग्याद. 8 इदुरसाटी बरी, नाव हाब्व दा खुशी मानसाता, ईदारा हाळोद खमीर टु अदकि ना बुराई अदकि दुष्टता अन खमीर टु, लेकीन सीधाई अदकि सच्चाई इन अखमीरी रोट्टी देल.

9 ना तान चट्टी दा नीमी लखिसीन कि व्यभचारीगोळ्द संगती माळवाळेत. 10 ईद ईला कि नीव ई दुनिया अन व्यभचारीगोळ, या लोभ माळावाळेर, या अंधार माळावाळेर, या मूर्त इन पुजा माळावाळेरद संगती माळवाळी; यतकी ईद दशा दा टु होटबुळोद अच बळ्ळीत. 11 पर नान कहना ईद आद कि अगर यावारा वारट अंदकु, व्यभचारी, या लोभ माळावाळा, या मूर्त इन पुजा माळावाळा, या बोयावाळा, या सारा कुडावाळा, या अंधार माळावाळा हुन, रा आऊन संगती माळवाळेत; उलटा हगि मंळसा अन्द सांगुळ ऊम भी बाळेतीर.

12 यतकी नानी व्हार्यावाळेर्द न्याय माळदुर देल येन क्याल्सा? येन नीमी आंदुरद न्याय माळोद ईलच जो मंडली दा आर? 13 लेकीन व्हार्यावाळेर्द न्याय परमेश्वर माळतान. इदुरसाटी आ कुकर्मी अक तान बीच दा टु तेगु बुळी.

6

मसीहगोळ दा मुकदमेबाजी

1 याग नीम न्याड्या आपस दा झगळा आगतद रा येन नीम दा टु हगि यावारा आन जो पवतिर लॉकुर हात्ती होगोद बदला अवशिवासीगोळ देल न्याय माळसुसोद दुस्साहस माळतान? 2 येन नीव जान्सालीर किवशिवासी पवतिर लॉकुर दुनया अन न्याय माळ्यार? इदुरसाटी याग नीमी दुनया अन न्याय माळोद आद, रा येन नीव स्याळद से स्याळद झगळागोळद भी नरिणय माळोद लायक ईलच? 3 येन नीव जान्सालीर कानाव स्वरगदूतगोळ न्याय माळेव? रा येन सांसारकि मातगोळद नरिणय माळतीदील? 4 अगर नीमी सांसारकि मातगोळद नरिणय माळोद ईतीदाद, रा येन आंदरी अक अच कुरसेतीर यार्द मंडली दा येनु भी संबंघ ईलच? 5 ना नीमी शर्मदा माळोर साटी ईद अनतीन. येन खराखुरा नीम दा ऊंद भी बुद्धमिान सकालुन, जो तान वार्दुर नरिणय माळ सकुल? 6 नीम दा वार्दुर वार्दुर दा मुकदमा आगतद, अदकि अद भी अवशिवासीगोळ मुंद.

7 लेकीन सही दा नीम दा हापाळ दोष रा ईद आद क्वापस दा मुकदमा माळतीर. अन्याय येती सहन माळालीर? तान हानि येती सहन माळालीर? 8 लेकीन नीव रा खुद अच अन्याय माळतीर अदकि हानि पहुचुसतीर, अदकि अद भी वार्दुरी का. 9 येन नीव जान्सालीर क्वा अन्यायी लॉकुर परमेश्वर उन राज्य अन्द वारीस आगसकालुर? ध्वाका तनिबाळी; ना यौन संबंघ, ना मूर्ति इन पुजा माळावाळा, ना परस्त्रीगामी, ना गळसगामी, 10 ना काळल, ना लोभी, ना सारा कुडावाळा, ना बोयावाळा, अदकि ठगुसावाळेर परमेश्वर उन राज्य अन्द वारीस आदार. 11 अदकि नीम दा टु यास हगि अच ईरोर, लेकीन नीव प्रभु यीशु मसीह अन्द हेसुर देल अदकि नाम परमेश्वर उन आत्मा देल तोळुकु आदव अदकि पवतिर आदुर अदकि न्यायी ठहरूसदुर.

मय परमेश्वर उन महिमा अन्द साटी

12 *सप्पा वस्तुगोळ नान साटी उचति रा आद, लेकीन सप्पा वस्तुगोळ लाभ इन आलच; सप्पा वस्तुगोळ नान साटी उचति आद, लेकीन ना यार्दु मात इन हात्ती आगालीन. 13 आमली काण्णा व्हाट्टा अन्द साटी, अदकि व्हाट्टा आमली काण्णा अन्द साटी आद, लेकीन परमेश्वर इदरी अदकि अदरी येदु उक नाश माळ्यान. लेकीन शरीर व्यभचार इन साटी ईला, बल्की प्रभु उन साटी हुन, अदकि प्रभु शरीर इन देखभाल माळोर साटी आन. 14 परमेश्वर तान सामर्थ्य देल प्रभु उक जतिता माळदुन, अदकि नामी भी जतिता माळ्यान.

15 येन नीव जान्सालीर क्वा नीमद मय मसीह अन्द मय इन अंग हुन? रा येन ना मसीह अन्द मय इन अंग हुळुकु आंदरी वेश्या अन्द अंग माळाईन? यागलु ईला. 16 येन नीव जान्सालीर क्वा जो यावारा वेश्या से संगती माळतान, आव आकनि सांगुळ ऊंद तन आगेगतान? यतकी शास्त्र दा लखिसकु आद: “आंदुर येदु मुंदुर ऊंद तन आदार.” 17 अदकि जो प्रभु उन संगती दा जोळ्सकु आग्यार, आव आऊन सांगुळ ऊंद आत्मा बनसेगुल.

18 व्यभचार देल ऊळदकु ईरी. यास अन्य पाप मळसा माळतान अव मय इन व्हार्या आद, लेकीन व्यभचार माळावाळा तान अच मय इन वरिद्ध पाप माळतान. 19 *येन नीव जान्सालीर क्वा नीमद मय पवतिर आत्मा अन्द मंदिर आद, जो नीम दा कुर्तकु आद अदकि नीमी परमेश्वर उन दी टु सकियाद; अदकि नीव तानव आलच? 20 यतकी परमेश्वर नीमी दाम कोटकु कौडुन, इदुरसाटी तान मय इन द्वारा परमेश्वर उन महिमा माळी.

7

मदा से संबंघति प्रश्न

1 आ मातगोळ बारा दा जो नीव लखिसीर,

ईद वळ्ळीद आद कि गंळस आर्त इक मुठबाळुल. 2 लेकीन व्यभचार इन अंज्क देल हर ऊंद गंळस उन हगिस, अदकि हर ऊंद आर्त इन गांड्ड ईरूल. 3 गांड्ड तान हगिस उन हक्क पुरा माळुल; अदकि हांग अच हगिस भी तान गांड्ड उन हक्क पुरा माळुल. 4 हगिस उक तान मय मा अधिकार हैलेच लेकीन आकनि गांड्ड उन अधिकार आद; हांग अच गांड्ड उक भी तान मय मा अधिकार हैलेच, लेकीन हगिस उन आद. 5 नीव आबुर दाबुरी ई अधिकार देल वंचति माळवाळी, लेकीन सरिफ आपसी सहमती देल थवाळासा समय ताका अलग ईरी कि प्रार्थना अनूद साटी मवका सकिकुल, अदकि बाक ऊंद सांगुळ आगेगी, ईदारा हगि आगबाळुल कि नीमूद असंयम इन कारण भूत नीमूद परीक्षा ताकोमुल.

6 लेकीन ना इजाजत इन रूप दा ईद अनतीन, आदेश इन रूप दा ईला. 7 ना ईद चाहासतीन कि ह्यांग ना आईन, हांग अच सप्पा मंळसा ईरूल; लेकीन हर ऊंद मंळसा अक परमेश्वर उन दी टु वशिष वशिष वरदान सकियाव; यारीकारा यातोदारा प्रकार इन, अदकि यारीकारा यातोदारा अलग प्रकार इन.

8 ईग ना कुवारा अदकि रांड्यागीतेर बारा दा अनतीन कि आंदुर साटी हगि अच ईरोद वळ्ळीद आद, ह्यांग ना आईन. 9 लेकीन अगर आंदुर संयम ईट सकालुर, रा मदा माळुल; यतकी मन दा गलत बचारि माळदुर देल मदा माळोद भला आद.

10 यारूद मदा आगेग्याद, आंदरी ना ईला, बलकी प्रभु आग्या कोळतान कि हगिस तान गांड्डुन से अलग आगबाळुल. 11 अदकि अगर अलग भी आदार, रा दुसरा मदा माळबाळुल हांगा ईरूल; या तान गांड्ड उन से बाक मेल माळ कोमुल, अदकि ना गांड्ड तान हगिस उक बळिबाळुल.

12 दुसरा से प्रभु ईला लेकीन ना अच अनतीन, अगर यावारा वार्ट उन हगिस विश्वास ईला ईटतीदार अदकि आऊन सांगुळ ईततुर देल खुश ईतीदार, रा आव आक इक बळिबाळुल. 13 या आर्त इन गांड्ड अवशिवासी ईतीदान, अदकि आकनि सांगुळ ईततुर देल खुश ईरूल; रा आक तान गांड्ड उक बळिबाळुल. 14 यतकी हगि गांड्ड जो अवशिवासी ईतीदान, आव हगिस उन कारण पवतिर ठहरूसतान; अदकि हगि हगिस जो विश्वास ईला ईटतीदार, गांड्ड उन कारण पवतिर ठहरूसतार; ईदारा नीमव चकिर-चळिगेर अशुध्द ईरायदुर, लेकीन ईग रा पवतिर आर. 15 लेकीन जो गंळस अवशिवासी ईतीदान, अगर आव अलग आदान रा अलग आगगोळी, हगि दशा दा याऊ वार्ट या आकतींग बंधन दा ईला. परमेश्वर नामी मेल मलिाप माळोर साटी कारस्यान. 16 यतकी हे आर्त, नी येन जान्सत्या कि नी तान गांड्ड उन उद्धार माळसुस कोंड्या? अदकि हे गंळसा, नी येन जान्सत्या कि नी तान हगिस उन उद्धार माळसुस कोंड्या?

परमेश्वर ह्यांग कारूतान अदुर अनुसार नळी

17 ह्यांग प्रभु हर ऊंद मंळसा अक जीवन कोट्टुन, अदकि ह्यांग परमेश्वर हर ऊंद मंळसा अक कारदुन, हांग अच आव नळुल. ना सप्पा मंडलीगोळ दा हगि अच कलसतीन. 18 येन यावारा खतना अनूद दशा दा कारूकु आग्यान, अदकि परमेश्वर ह्यांग यारी कारस्यान, आव खतनारहति बन्सबाळुल. जो खतनारहति दशा दा कारूकु आग्यान? आव खतना माळबाळुल? 19 ना खतना येनु आद अदकि ना खतनारहति, लेकीन परमेश्वर उन आग्यागोळ अनुसार नळोद सप्पा येनारा आद. 20 हर ऊंद मंळसा या दशा दा परमेश्वर कारदान, आव अदा दशा दा ईरूल. 21 अगर नी दास उन दशा दा कारूकु आगीद्या रा चन्ति माळबाळ; लेकीन अगर नी आज्ञाद आगोद चाहासत्या, रा हगि अच क्याल्सा माळ. 22 यतकी जो दास उन दशा दा प्रभु दा कारूकु आग्यान, आव प्रभु उन स्वतंत्र माळकु जन हुन. हांग अच जो स्वतंत्रता अनूद दशा दा कारूकु आग्यान, आव मसीह अनूद दास हुन. 23 नीमी परमेश्वर दाम कोटकु कोंडुन; मंळसागोळद दास बन्सबाळी. 24 हे वार्टुरा अदकि आकतीगेरा, जो यावारा या दशा दा कारूकु आग्यान, आव परमेश्वर उन मुंद ईरूल.

बनि मदावळत अदकि रांड्यागीतेर

25 कुवारा पोरगोळ बारा दा प्रभु उन यातोदु आग्या नानी सक्कीदील, लेकीन वशिवासयोग्य आगोर साटी ह्यांग दया प्रभु नान मा माळदुन, ना अदुरदा अनुसार सममती कोळतीन.

26 नांद समझ दा ईद वळ्ळीद आद कि ईद नाळ क्लेश इन कारण, मंळसा ह्यांग आन हांग अच ईरूल. 27 अगर नीन हगिस आर, रा आकनि से अलग आगोद प्रयास माळबाळ; अदकि अगर नीन हगिस ईलच, रा हगिस उन खोज माळबाळ. 28 लेकीन अगर नी मदा भी माळ्या रा पाप माळाल. अदकि अगर कुवारा पोर मदा माळुल, रा आक पाप माळालुर. तरी भी मदा माळतार आंदरी ई जीवन दा शारीरकि दुख आदीत, अदकि ना नीमी ऊळसोद चाहासतीन.

29 हे वारटुरा अदकि आकतींगेरा, ना ईद अनतीन कि समय कम माळकु आग्याद, इदुरसाटी ईग टु यार हगिस आर आंदुर हगि ईरी मान्सी कि आंदुरद हगिस ईलच; 30 अदकि वरला वाळेर हगि ईरूल मान्सी वरलालुर, अदकि खुशी माळावाळेर हगि ईरूल मान्सी खुशी माळालुर. अदकि जो पैस्या कोटकु कोमावाळेर आर आंदुर हगि ईरूल मान्सी आंदुर हात्ती येनु हईच ईलच. 31 अदकि ई दुनिया अन सांगुळ व्यवहार माळावाळेर हगि ईरूल, मान्सी कि आंदुर आ व्यवहार होचकु हैलेच; यतकी ई दुनिया अन रीति अदकि व्यवहार खतम आगोगताव.

32 लेकीन ना ईद चाहासतीन कि नीमी चिता आगवाळुल. बनि मदावाळा गंळस प्रभु उन मातगोळद चिता दा इरतान कि प्रभु उक ह्यांग खुश ईटुल. 33 लेकीन मदावाळा मंळसा दुनिया अन मातगोळद चिन्ता दा इरतान कि तान हगिस उक याता रीति देल खुश ईटुल. 34 मदावळत अदकि बनि मदावळत पोर दा भी भेद आद: बनि मदावळत पोर प्रभु उन चिन्ता दा ईरतार कि आक मय अदकि आत्मा येदुदा पवतिर ईरूल, लेकीन मदावळत दुनिया अन चिन्ता दा ईरतार कि तान गांडड उक खुश ईटुल.

35 ना ईद मात नीमदा लाभ साटी अनतीन, ना कि नीम मा बंधन हचोर साटी, बल्की इदुरसाटी कि ह्यांग शोभा कोळतद हांग अच माळ पायजे, कि नीव ऊंद मगज आगकु प्रभु उन स्यावा दा हतकु ईरी.

36 या सगाई माळत ज्वाळा मदा ईला माळोद नरिणय ताकोंडाद, लेकीन अगर आ मंळसा अक हततद, कि आऊन व्यवहार आ कुवारा पोर इन प्रती वळ्ळीद हैलेच, अदकि आऊन भावनागोळ हापाळ मजबूत आव अदकि आऊक हततद, कि आंदरी मदा माळकोम पायजे, रा आंदरी जरूर मदा माळ पायजे ह्यांग आव चाहासतान, ईदुर दा येनु पाप हैलेच. 37 लेकीन याव ईद मामला अक तान दमिक दा तय माळदुन, जो यातोदारा भी मजबुरी अन हात्ती हैलेच, लेकीन तान इच्छा मा काबु ईटतान, अदकि याव कुवारा पोर इन से मदा ईला माळोद तान मन माळ कौडान, आव मंळसा भी वळ्ळीद माळतान. 38 जो मदा माळतान, आव वळ्ळीद माळतान, अदकि जो मदा माळालुन, आव मातत अदकि भी वळ्ळीद माळतान.

39 यागासताका यातारा आरूत इन गांडड जतिता इरतान, आगासताका आ आरूत आऊन बंधन दा ईरतार; लेकीन अगर आकनि गांडड सोतोदान रा यारी चाहस्यार आऊन से मदा माळ सकतार, लेकीन प्रभु दा वशिवासी ईर पायजे. 40 लेकीन अगर आक बनि मदा माळदुर देल ईरूल, रा नान वचार दा अदकि भी धन्य आर; अदकि ना समसतीन कि परमेश्वर उन आत्मा नान दा भी आद.

8

मूर्तगोळी येर्सकु आगोद आमली काण्णा

1 ईग मूर्तगोळद मुंद बली माळद भोजन वस्तुगोळद बारा दा नाव जान्सतेव कि नाव सप्पा मुंदरी ग्यान आद.

ग्यान घमण्ड पैदा माळतद, लेकीन प्यार देल उन्नती आगतद. 2 अगर यावारा समसुल कि ना येनारा जान्सतीन, रा ह्यांग जान्सोद पायजे हांगा ईग ताका जान्सालुन. 3 लेकीन अगर यावारा परमेश्वर से प्यार ईटतान, रा परमेश्वर आऊक अरूतान.

4 इदुरसाटी मूर्तीगोळद मुंद बली माळद वस्तुगोळद तनिोद बारा दा नाव जान्सतेव कि मूर्ति इन दुनिया दा येनु अस्ततिव ईलच, अदकि आऊक बटिकु याऊ परमेश्वर ईलच. 5 इदुरसाटी आकाश दा अदकि पृथ्वी मा हापाळ सा “द्याव” कहलुसतार. ह्यांग कि हापाळ सा द्याव अदकि

हापाळ सा “प्रभु” आर. 6 तौभी नाम साटी रा ऊंद अच परमेश्वर आनः मतलब आप्प याऊन दी टु सप्पा वस्तुगोळ माळकु आग्याव, अदकि नाव आऊन साटी आयेव. अदकि आव ऊंद अच प्रभु आन, मतलब यीशु मसीह याऊन द्वारा सप्पा वस्तुगोळ माळकु आव, अदकि नाव भी आऊन द्वारा माळकु आगेव.

7 लेकीन सप्पा मंळसागोळी ईद ग्यान ईलच, लेकीन येनारा लॉकुर ईग ताका मूर्ति इन संपर्क दा ईत्तुर कारण ईग ताका बली कोळ्द वस्तु अक हगि तनितार मान्सी खराखुरा मूर्ति इन मुंद बली माळकु आग्याद, अदकि आऊन वविक नरिबल आगोद कारण अशुध्द आगोगतान. 8 ऊमोद नामी परमेश्वर उन हातती पहुचुसाल्द. अगर नाव तनितीदील रा नाम्द येनु हाना ईलच, अदकि अगर तनिदेव रा येनु लाभ ईलच.

9 लेकीन सावधान! हगि आगबाळुल कि नीम्द ईद आजादी ईदारा नरिबलगोळ साटी ठोकर इन कारण आगोगुल. 10 अगर यावारा मंळसा नीन घाई ग्यानी इक मूर्ति इन मंदरि दा ऊमतेला नोळ्यान अदकि आव नरिबल जन आगुल रा येन इदुर देल आऊन वविक इक मूर्ति इन मुंद बली माळ्द वस्तु तनिोद हम्मिमत आगतीदील. 11 ई रीति देल अपमान ग्यान इन कारण आव नरिबल वार्ट यार्द साटी मसीह सोत्तुन, नाश आगोदान. 12 ई प्रकार वार्टगोळ वरिद्ध अपराध माळदुर देल अदकि आदुर्द नरिबल मन इक दुख पोहचुसदुर देल, नीव मसीह अन्द वरिद्ध अपराध माळतीर. 13 ई कारण अगर ऊमोद नान वार्ट उक ठोकर तनिसीत, रा ना यागलु यातारा रीति देल माँदरा तनितीदील, ना आगुल कि ना तान वार्ट उन साटी ठोकर इन कारण बनसाईन.

9

प्रेरतिगोळ्द अधिकार अदकि कर्तव्य

1 येन ना आजाद हैलेच? येन ना भी प्रेरति आल्लच? येन ना यीशु उक जो नामव प्रभु हुन, नोळीदील? येन नीव प्रभु दा नांद मेहनत इन प्रतफिल आल्लच. 2 अगर ना दुसरा अन्द साटी प्रेरति आल्लच, तरी भी नीम साटी रा हुईन; यतकी ना परमेश्वर उन क्याल्सा माळदीन, नीम प्रभु दा एकता अच नान प्रेरति आगोद प्रमाण आद.

3 जो नानी जाँच तार, आंदुर साटी ईदा नांद उत्तर आद. 4 येन नामी कमाई माळकु तनिोद कुडोद अधिकार ईलच? 5 येन नामी ईद अधिकार ईलच, कि यातारा मसीह आकतींग इन सांगुळ मदा माळकु आक इक हुळकु टेटेव, ह्यांग दुसरा प्रेरति अदकि प्रभु उन वार्ट अदकि कैफा माळतार? 6 या सर्फि नानी अदकि बरनबास उक अच कमाई माळकु तनिोद अधिकार ईलच. 7 हगि याव आन जो तांद अच खर्च मा सेना दा स्यावा माळतान? याव आन जो अंगुर इन केई हचकु अदुर्द काय तनालुन? हगि याव आन जो म्यांडागोळ्द रखवाली माळकु अऊर्द हाल कुडालुन?

8 येन ना ईव मातगोळ मंळसागोळ्द अच रीतिमा अनतीन? यतकी व्यवस्था अन्द कतिब दा ईदा मात लखिसकु आद. 9 *येन व्यवस्था ईद अनाल्द? यतकी मूसा अन्द व्यवस्था दा लखिसकु आद, “दावन दा नळुतेला वस्ता अन्द बाय कट बाळेतीर.” येन परमेश्वर वस्तागोळ्द अच चनिता माळतान? 10 या वशिष माळकु नाम साटी अनतान. हा नाम साटी अच लखिसकु आग्याद, यतकी उचति आद कि नांगर नळसावाळा आशा देल केई नळसुल, अदकि दावन कोळावाळा फसल सकिकोद आशा देल दावनी माळुल. 11 *याग नाव नीम्द साटी आत्मकि मातगोळ बोऊसदेव, अदकि अगर नाव आ शारीरिक वस्तुगोळ्द फसल कडुतेव, रा येन अद धोळ्द मात आद. 12 अगर नीम मा दुसरा लॉकुर अधिकार जतुसतार, रा येन नाम्द नीम मा यक्कुल अधिकार हैलेच?

तरी भी नाव ई अधिकार इन इस्तेमाल माळीदलि, लेकीन नाव सब येनारा सहन माळतेव कि नाम्द द्वारा मसीह अन खुशखबरी दा अळचन बरबाळुल. 13 येन नीव जान्सालीर कि जो मंदरि दा स्यावा माळतार, आंदुर मंदरि दा टु तनितार; अदकि जो वेदी इन स्यावा माळतार, आंदुर वेद इन भेट इन सहभागी आगतार? 14 *ईदा रीति देल प्रभु भी ठहरूसदुन कि जो लॉकुर खुशखबरी केळसतार, आंदुर जीविका खुशखबरी देल आगुल.

15 लेकीन ना इदुर दा टु यातोदारा भी मात इक क्यालसा दा तंददिल, अदकि ना ईव मातगोळ इदुरसाटी लखिसीदलि कनिनांद साटी हगि माळुल, यतकी इदुर देल रा नांद सायोद अच भला आद कि यावारा नांद घमण्ड इक बेकार ठहरूसुल. 16 अगर ना खुशखबरी केळसाईन, रा नांद साटी येनु घमण्ड इन मात आलच; यतकी ईद रा नांद साटी जरूरी आद. अगर ना खुशखबरी ईला केळसाईन, रा नान मा हाय! 17 यतकी अगर तान इच्छा देल ईद माळतीन रा मजदूरी नानी सकितद, अदकि अगर तान इच्छा देल माळालीन तरी भी परमेश्वर नानी ईद सौप्सदुन अदकि ईदा नांद कर्तव्य हुन. 18 रा नांद मजदूरी येन हुन? ईद कि याग ना खुशखबरी प्रचार माळाईन रा अदरी फुकट दा माळाईन, अदकि खुशखबरी दा जो नान अधिकार आद अदरी पुरा रीतदिल उपयोग दा ईला तराईन.

19 यतकी ना मंळसागोळ से आजाद आईन तरी भी ना तान तान इक सप्पा मुंदुरद दास माळ कोडीन कि हापाळ लॉकुरी परमेश्वर उन राज्य दा तर सकुल. 20 ना यहूदीगोळ साटी यहूदी आदीन कि यहूदीगोळी परमेश्वर उन राज्य दा तर सकुल. जो लॉकुर मूसा अन्द व्यवस्था अन्द हात्ती आर आंदुर साटी ना व्यवस्था अन्द हात्ती ईला आगदुर मा भी व्यवस्था अन्द हात्ती आदीन कि आंदरी जो व्यवस्था अन्द हात्ती आर, आंदरी भी परमेश्वर उन राज्य दा तर सकुल. 21 जो व्यवस्थारहति आर आंदुर साटी ना यीशु मसीह जो परमेश्वर उन व्यवस्था देल रहति आईन, व्यवस्थारहति-सा आगेदीन कि जो व्यवस्थारहति आर आंदरी भी परमेश्वर उन राज्य दा तर सकुल. 22 ना नरिबलगोळ साटी नरिबल सा आगेदीन कि नरिबलगोळी जकिसकु तराईन. ना सब मंळसागोळ साटी सब येनारा बन्सदीन कि यातोद ना यातोद रीतदिल यावारा ऊंद मंळसा अन्द उद्धार माळसुसाईन.

23 ना ईद सब येनारा खुशखबरी इन साटी माळतीन कि दुसरा अन्द सांगुळ अदुरद भागी आगेगाईन. 24 येन नीव जान्सालीर कि दवळ दा रा सप्पा अच वोळतार, लेकीन ईनाम ऊंदा मंळसा वोयतान? नीव भी ई प्रकार देल वोळी कि नीव जीत्स सकी. 25 आळोद प्रतियोगिता दा भाग ताकोमावाळा हर ऊंद खलिाळी सप्पा प्रकार इन संयम ईटतान. आव रा नाश आगेद हार इन प्राप्ती इन साटी ईद सप्पा येनारा माळतार, लेकीन नाव रा आ मुकुट साटी माळतेव जो मुरझुसाल. 26 इदुरसाटी ना रा ईदा रीतदिल हरूतीन, लेकीन लक्ष्यहीन ईलच; ना भी ईदा रीतदिल देल बुक्की देल आळतीन, लेकीन अदुर घाई ईला जो हवा पीटसतेला आळतान. 27 लेकीन ना तान मय इक बडुतीन कुटतीन अदकि वश दा तरतीन, यागल्यारा हगि ना आगबाळुल कि दुसरा अक प्रचार माळकु ना खुद अच यातोदारा रीतदिल नकिम्मा ठहरूसुसाईन.

10

इस्त्राएल इन इतहास देल चेतावनी

1 हे वार्दुरा अदकि आकतींगेरा, ना चाहसालीन कि नीव ई मात देल अनजान ईरी कनिनाम सप्पा आपपुर मुतीगोळ बादल इन ल्यालमा ईरोर, अदकि सप्पा च्या सप्पा समुद्र अन्द न्याड्या टु आप्पाटी होटोदुर; 2 अदकि सप्पा मुंदुर बादल दा अदकि समुद्र दा, मूसा अन्द बपतस्मा ताकोडुर; 3 अदकि सप्पा मुंदुर ऊंद अच आत्मकि भोजन माळदुर; 4 अदकि सप्पा मुंदुर ऊंद अच आत्मकि नीर कुळदुर, यतकी आंदुर आ आत्मकि चट्टान देल कुडोर जो आंदुर सांगुळ-सांगुळ नळोद, अदकि अद चट्टान मसीह ईरोन. 5 लेकीन परमेश्वर आंदुर दा टु हापाळ सा मंळसागोळ देल खुश आगीदिल, इदुरसाटी आंदुर आळी दा सोतकु ढेर आगेदुर.

6 ई मातगोळ नाम साटी उदाहरण ठहरूसदव, कि ह्यांग आंदुर लालच माळदुर, हांग नाव बेकार वस्तुगोळद लालच माळतीदिल; 7 अदकि मूर्ति इन पुजा माळावाळेर आगबाळी जसा कि आंदुर दा टु यास मुंदुर आगेगीदुर, ह्यांग शास्त्र दा लखिसकु आद, “लॉकुर तनिली-कुडुली कुरतुर, अदकि बाददा आबुर दाबुर सांगुळ कुरम माळली कुरतुर.” 8 अदकि नाव व्यभचार माळालेव, ह्यांग आंदुर दा टु यास मुंदुर माळदुर; अदकि ऊंद दनि दा तेवीस हजार मंळसागोळ सोतोदुर. 9 नामी प्रभु यीशु मसीह अक परीक्षा दा हाक्कोद हैलेच, ह्यांग आंदुर दा टु यास मुंदुर माळदुर, जसा कि आंदुर दा टु थ्वाळासा मुंदुर हगि माळीदुर अदकि आंदुर हावगोळ द्वारा नाश माळकु आदुर. 10 अदकि

नीव कळकुळुस बाळ्तेर, या रीतदिल आंदुर दा टु यास कुळकुळुसदुर अदकि स्वरगदूत उन द्वारा नाश माळकु आदुर.

11 लेकीन ई सप्पा मातगोळ, जो आंदुर मा घळुसदव, उदाहरण इन रीतमा ईरव; अदकि आंदुर नाम चेतावनी इन साटी जो दुनया अन आखरी समय दा ईरतार लखिसकु आगीदव.

12 इदुरसाटी जो समस्तान, “ना स्थरि आईन,” आव सावधान ईरूल कि येल्यारा बळिबाळुल. 13 नीव यातोदारा हगि परीक्षा दा बळिबाळी, जो मळसागोळ्द सहन इन व्हार्या आद. परमेश्वर खरा आन अदकि आव नीमी सामर्थ्य देल व्हार्या परीक्षा दा बळिगोळालुन, बल्की परीक्षा अन्द सांगुळ ऊळसोद उपाय भी माळयान कनीव अदरी सहन माळ सककीर.

14 ई कारण, हे प्रयि नान वार्दुरा अदकि आकतीगेरा, मूर्तपूजा देल ऊळुकु ईरी. 15 ना नीमी बुद्धमिान जान्सकु नीम से अनतीन: जो ना अनतीन, अदरी नीव परखुसी. 16 *जो प्याला प्रभु भोज दा उपयोग माळतार यदुर दा टु नाव कुडुतेव प्रभु उन धन्यवाद माळतेव; अद रोटी यदरी नाव मूरुतेव, येन अद मसीह अन्द मय इन सहभागी ईलच? 17 इदुरसाटी कि ऊंद अच रोटी आद रा नाव भी जो हापाळ आयेव, ऊंद शरीर आयेव: यतकी नाव सब अदा ऊंद रोटी दा भागीदार आगतेव.

18 जो इस्त्राएली आर, आंदरी नोळी: येन बलदान इन तनिवाळेर परमेश्वर उन वेदी इन सहभागी ईलच? 19 नांद अनोद मतलब येन आद? येन ईद कि मूर्तीगोळ्द मुंद बली येरसद वस्तु येनारा दुसरा आद, या मूर्ति येनारा दुसरा आद? 20 ईला, पर ना ईद अनतीन कि प्रभु उक ईला जानसावाळेर लॉकुर जो बलदान माळतार; आंदुर परमेश्वर उन साटी ईला लेकीन दुष्टआत्मागोळ साटी बलदान माळतार अदकि ना चाहसालीन कनीव दुष्टआत्मागोळ्द सहभागी आगी. 21 नीव प्रभु उन प्याला अदकि दुष्टआत्मागोळ्द प्याला येदुदा दा टु कुडू सकालीर. नीव प्रभु उन मेज अदकि दुष्टआत्मागोळ्द मेज येदुदा मुंदुर सहभागी आग सकालीर. 22 येन नाव प्रभु उक सट्टि तरसुसोद चाहसतेव? येन नाव आऊन से ताकतवर आयेव?

23 *येनारा लॉकुर अनतार, सप्पा वस्तुगोळ्द उपयोग माळोद नान साटी उचति आद, लेकीन सप्पा फायदा अन्द ईलच: लेकीन दुसरा लॉकुर अनतार, “सप्पा वस्तुगोळ नांद साटी सही रा आव.” लेकीन सप्पा वस्तुगोळ देल उन्नती ईलच. 24 याऊ तान हति इन चनिता माळबाळुल लेकीन दुसरा अन्द हति इन चनिता माळुल.

25 जो मॉदरा कसाई सात्ता दा मारतान, अदरी तनी, अदकि वविक इन कारण येनु केळबाळी? कि नीमद मन नीमी मन इन मन दा अच तनिबाळुल. 26 यतकी पवतिरशास्त्र अनतद, पृथ्वी अदकि जो येनारा अदुर दा आद सप्पा प्रभु उन हुन.

27 अगर अवशिवासीगोळ दा टु यावारा नीमी बावस्या कोळुल, अदकि नीव होगोद चाहासीर, रा जो येनारा नीमद मुंद ईटकु आगुल अदा तनी; अदकि मन इन कारण येनु केळबाळी. 28 लेकीन अगर यावारा नीम से अनुल, “ईद रा मूर्ति इक बली माळ्द वस्तु हुन,” रा आवा हेळावाळा अन्द कारण अदकि मन इन कारण तनिबाळी. 29 नान मतलब नीन मन से हैलेच लेकीन आ दुसरा मळसा अन्द मन देल आद.

“भला नांद,” आजादी आ दुसरा अन्द मन देल येती परखुसकु आदीत. 30 अगर ना परमेश्वर उक धन्यवाद माळकु सहभागी आगतीन, रा यार मा ना धन्यवाद माळतीन आऊन कारण नान बदनामी येती आगतद?

31 इदुरसाटी नीव चाहे तनी, चाहे कुडी, चाहे जो येनारा माळी, सप्पा येनारा परमेश्वर उन महिमा अन्द साटी माळी. 32 नीव ना यहूदीगोळ, ना गैरयहूदीगोळ, अदकि ना परमेश्वर उन मंडली अन्द साटी ठोकर इन कारण बन्सी. 33 हयांग ना भी सप्पा मातगोळ दा सप्पा मुंदुरी खुश ईटतीन, अदकि तान ईला लेकीन हापाळ मुंदुरद फायदा दुंदसतीन कि आंदरी उद्धार सकिल.

11

1 *हयांग ना मसीह अन्द अनुकरण माळतीन, हांग अच नीव भी नांद अनुकरण माळी.

आराधना दा ताल्ला होचचोद

2 हे वार्दुरा अदकि आकतींगेरा, ना नीम्द बळाई माळतीन की सप्पा मातगोळ दा नीव नानी याद माळतीर; अदकि जो शकिषागोळ इक ना नीमी सौप्सदीन, अदुरद पालन माळतीर. 3 लेकीन ना चाहासतीन की नीव ईद जान्स कोमी की हर ऊंद गंळस उन ताल्ला मसीह हुन, अदकि आर्त इन ताल्ला गंळस हुन, अदकि मसीह अनंद ताल्ला परमेश्वर हुन. 4 जो गंळस ताल्ला होचकु प्रार्थना या परमेश्वर उन दी टु बातणी कोळतान, आव तान ताल्ला अनंद अपमान माळतान. 5 लेकीन जो आर्त ताल्ला तेरूकु प्रार्थना या परमेश्वर उन दी टु बातणी कोळतार, आक तान ताल्ला अनंद अपमान माळतार, यतकी आक हगि आर्त इन घाई आर आकनि ताल्ला मुंडन माळकु आग्याद. 6 अगर आर्त ओढनी देल शेरग्या हाकालुर रा चुट्टी भी कळद बुळुल; अगर आर्त इन साटी चुट्टी कळसुसोद या मुंडन माळसुसोद शरम इन मात आद, रा ओढनी देल शेरग्या हाकुल. 7 हा, गंळस उक तान ताल्ला होचचोद बराबर ईलच, यतकी आव परमेश्वर उन स्वरूप अदकि महमा हुन; लेकीन आर्त रा गंळस उन महमा हुळ. 8 यतकी गंळस आर्तेर देल आगीदील, लेकीन आर्त गंळस देल आग्यार; 9 अदकि गंळस आर्त इन साटी माळकु आगीदील, लेकीन आर्त गंळस उन साटी माळकु आग्यार. 10 ई कारण अदकि स्वर्गदूतगोळद कारण आर्त इक जरूरी आद की अधिकार इन चनिह समसकु तान ताल्ला मा ईटुल. 11 तरी भी, प्रभु दा एकता अनंद कारण, आर्त बनिा गंळस उन अलग ईलच अदकि गंळस उन बनिा आर्त अलग ईलच. 12 यतकी ह्यांग आर्त गंळस देल आर, हांग अच गंळस आर्त इन द्वारा जनम ताकोमतान; लेकीन सप्पा वस्तुगोळ परमेश्वर उन द्वारा बंदाद.

13 नीव खुद अच बचारि माळी, येन आर्त इक बनिा शेरग्या देल परमेश्वर से प्रार्थना माळोद शोभा कोळतद? 14 येन स्वाभाविकी रीत देल भी नीव जान्सालीर की अगर गंळस ऊदद चुट्टी ईटुल, रा आऊन साटी अपमान आद. 15 लेकीन अगर आर्त ऊदद चुट्टी ईरूल रा आक इक शोभा कोळतद यतकी चुट्टी आक इक शेरग्या हाककोर साटी कोटकु आग्याव. 16 लेकीन अगर यावारा झगळा माळोद चाहस्यान, रा ईद जान्स कोमुल की ना नाम्द अदकि ना परमेश्वर उन मंडलीगोळद हगि रीत आद.

प्रभु भोज इन बारा दा

(मत्ती २६:२६-२९; मरकुस १४:२२-२५; लूका २२:१४-२०)

17 याग नीव परमेश्वर उन आराधना माळोर साटी जमा आगतीर. रा ईद आग्या कोळतेला ना नीम्द ईज्जत माळालीन, इदुरसाटी की नीम जमा आगदुर देल भलाई आगाल्द, लेकीन नुसक्यान आगतद. 18 यतकी पयला रा ना ईद केळतीन, की याग नीव मंडली दा जमा आगतीर रा नीम दा फूट बळितद, अदकि ना ईदुर मा थ्वाळा-थ्वाळा विश्वास भी माळतीन. 19 यतकी गुटबन्दी भी नीम दा जरूरी ईतीदाद, इदुरसाटी की जो लॉकुर नीम दा सही आर आंदुर प्रगट आगेगुल. 20 इदुरसाटी नीव जो ऊंद जागा दा जमा आगतीर रा ईदुर मतलब प्रभु-भोज तनोर साटी आल्लच, 21 यतकी तनोद समय ऊंद मंळसा दुसरा मंळसा से पयला तान भोज तनि कोमतान, ई प्रकार यावारा रा हस्तकु ईरतान अदकि यावारा मस्त आगेगतान. 22 येन तनोद-कुडोद साटी नीम्द मान्ना हल्लेच? या परमेश्वर उन मंडली अक तुच्छ जान्सतीर, अदकि यार्द हात्ती हल्लेच आंदरी शर्मदा माळतीर? ना नीम से येन अनाईन? येन ई मात दा नीम्द प्रशंसा माळाईन? ईला, ना प्रशंसा माळालीन.

23 यतकी ईद शकिषा नानी जो प्रभु दी टु सकित, अदकि ना नीम दी भी पहचुस बुटीन की प्रभु यीशु या ईळलक आव हुळसुसकु आगीदुन, रोट्टी ताकोडुन, 24 अदकि परमेश्वर उन धन्यवाद माळकु अदरी मुरदुन अदकि अंदुन, “ईद नान शरीर हुन, जो नीम साटी कोटकु आग्याद: नांद याद साटी ईदा माळतेला ईरी.” 25 ईदा रीत देल आव कटोरा भी हुळदुन अदकि अंदुन, “ईद कटोरा नांद खुन दा व्हाशोद वादा हुन: जब यागल्यारा कुडी, रा नांद याद साटी ईदा माळतेला ईरी.”

26 यतकी जब यागलु नीव ईद रोट्टी तीनतीर अदकि ई कटोरा दा टु कुडुतीर, रा प्रभु उन मृत्यु इक यागासताका आव बरालुन, प्रचार माळतेला ईरी. 27 इदुरसाटी जो यावारा अनुचति रीत देल प्रभु उन रोट्टी तनिल या आऊन कटोरा दा टु कुडुल, आव प्रभु उन मय अदकि खुन उन पापी

ठहूरस्यान. 28 इदुरसाटी मंळसा तान तान इक जाँच कोमुल अदकि ईदा रीतदिेल ई रोटी दा टु तनिल, अदकि ई कटोरा दा टु कुडुल. 29 यतकी जो तनिद-कुडोद समय प्रभु उन मय इक अरालुन, आव ई तनिद अदकि कुडोर देल तान म्याकुच दण्ड तरतान. 30 ईदा कारण नीम दा हापाळ सा नरिबल अदकि रोगी आर, अदकि हापाळ सा सोतोग्यार. 31 अगर नाव तान तान इक जाँचायदेव रा दण्ड ईला सकाईत. 32 लेकीन प्रभु नामी दण्ड कोटकु नाम्द न्याय माळतान, इदुरसाटी का नाव दुनिया अन सांगुळ दोषी ईला ठहूरसुल.

33 इदुरसाटी, हे नांद वारटुरा अदकि आकतींगेरा, याग नीव प्रभु भोज तनोर साटी जमा आगतीर रा आबुर दाबुर साटी थाम्सी. 34 अगर यावारा हस्तकु ईरूल रा तान मान्या तनिल, यदुर देल नीम्द जमा आगोद दण्ड इन कारण आगबाळुल. मकिदव मातगोळी ना बंदकु वळ्ळीद माळाईन.

12

आत्मकि वरदान

1 हे वारटुरा अदकि आकतींगेरा, ना चाहसालीन का नीव पवतिर आत्मा अन्द वरदानगोळ बारा दा अनजान ईरी. 2 नीव जानसतीर का याग नीव खरा परमेश्वर उक अरालीर, हापाळ मुक्का मूर्तीगोळ्द पुजा माळकु अदकि अवरी मान्सोर अदकि अऊर हदि नळोर. 3 इदुरसाटी ना नीमी चैतावनी कोळतीन का जो यावारा परमेश्वर उन आत्मा अन्द अगुवाई देल माताळतान, आव अनालुन का यीशु स्रापति आन; अदकि ना यावारा पवतिर आत्मा अन बनिा अन सकतान का यीशु प्रभु आन.

4 ✨वरदान रा हापाळ प्रकार इन आव, लेकीन पवतिर आत्मा ऊंद अच आद; 5 अदकि स्यावा भी हापाळ प्रकार इन आव, लेकीन प्रभु ऊंद अच आन; 6 अदकि प्रभावशाली क्याल्सा हापाळ प्रकार ईनव आव, लेकीन परमेश्वर ऊंद अच आन, जो सब दा हर प्रकार इन प्रभाव पैदा माळतान. 7 लेकीन सप्पा मुंदरी लाभ पहुचुसोर साटी हर ऊंद इक परमेश्वर उन पवतिर आत्मा अन प्रगट आगोद. 8 यतकी ऊंद अक आत्मा अन्द द्वारा बुद्धी इन मातगोळ कोटकु आगतव, अदकि दुसरा अक अदा आत्मा अन्द अनुसार ग्यान इन मातगोळ. 9 यावारा अक अदा आत्मा देल वशिवास, अदकि यावारा अक अदा ऊंद आत्मा देल चंगा माळोद वरदान कोटकु आगतद. 10 बाक यावारा अक सामर्थ्य अन्द क्याल्सा माळोद शक्ति, अदकि यावारा अक परमेश्वर उन वचन कोळोद दान कोट्टुन, अदकि यावारा अक परमेश्वर उन आत्मा अन्द दान इक परखुशोर साटी, अदकि यावारा अक अनेक प्रकार इन भाषा माताळोर साटी, अदकि यारीकारा अग्यात भाषागोळ्द अर्थ हेळोर साटी. 11 लेकीन ईव सप्पा प्रभावशाली क्याल्सा अदा ऊंद अच परमेश्वर उन पवतिर आत्मा माळसुसतद, अदकि यारी जो चाहासतान अद वाट्स कोमतान.

मय ऊंद: अंग हापाळ

12 ✨यतकी या प्रकार शरीर रा ऊंद आद अदकि अदुरव अंग हापाळ सा आव, अदकि आ ऊंद शरीर इन सप्पा अंग हापाळ आगदुर मा भी सप्पा मलिसकु ऊंद अच शरीर आद, अदा प्रकार मसीह अन्द मय भी आद. 13 यतकी नाव सप्पा मुंदुर येन यहूदी आगुल येन गैरयहूदी, येन दास आगुल येन स्वतंत्र, ऊंद अच आत्मा अन्द द्वारा ऊंद शरीर आगोर साटी बपतस्मा ताकोडेव, अदकि नाव सप्पा मुंदरी ऊंद अच परमेश्वर उन आत्मा कोटकु आग्याद.

14 इदुरसाटी का शरीर दा ऊंद अच अंग ईला लेकीन हापाळ सा आव. 15 अगर काल अनुल, “ना कय आलच, इदुरसाटी शरीर इन आलच,” रा येन अद ई कारण शरीर इन आलच? 16 अदकि अगर कवि अनुल, “ना कण्ण आलच, इदुरसाटी शरीर इन आलच,” रा येन अद ई कारण शरीर इन आलच? 17 अगर पुरा शरीर कण्ण अच आगाईत रा केळोद यल टु आगाईत? अगर पुरा शरीर कवि अच आगाईत, रा सूँघसोद यल टु आगाईत? 18 लेकीन परमेश्वर अंगगोळी तान इच्छा अन्द अनुसार ऊंद ऊंद माळकु मय दा ईट्यान. 19 अगर आंदुर सप्पा ऊंद अच अंग ईरायदुर, रा मय यल ईराईत? 20 लेकीन ईंग अंग रा हापाळ सा आव, लेकीन मय ऊंद अच आद.

21 कण्ण कय देल अन सकालद, “नानी नीद जरवत हैलेच,” अदकि ना ताल्ला कालगोळ देल अन सकतद, “नानी नीमद जरवत हैलेच.” 22 लेकीन मय इन आ अंग जो दुसरागोळ देल नरिबल हतताव, हापाळ अच जरवत आद; 23 अदकि मय इन या अंगगोळी इक यदरी तोरसोर देल नामी शरम बरतद हगि अंगगोळी नाव वळ्ळीद तरीका देल मुचतेव. अदरी नाव आदर इन योग्य समसालेव आंदरी अक अच नाव यक्कुल आदर कोळतेव; अदकि नामव जंग अंग अदकि भी हापाळ सुंदर आगेगताव. 24 तरी भी नाम्द सुंदर अंगगोळी इक इदुर जरवत हैलेच. लेकीन परमेश्वर मय इक हगि माळ कौंडुन कयि आंग इक आदर इन कमी ईरोद अदरी का अदकि भी हापाळ आदर सकितद. 25 ताकी मय दा फूट बळि बाळुल, लेकीन अंग इन अवयव आबुर दाबुर बराबर चन्तिता माळुल. 26 इदुरसाटी अगर ऊंद अंग इन हसिसा अक दुख सकितद, रा सब अंगगोळ हसिसा अक अदुर सांगुळ दुख सकिताव; अदकि अगर ऊंद अंग इनव हसिसा अन बळाई आगतद, रा अदुर सांगुळ सब अंग आनन्द माळताव.

27 ई प्रकार नीव सब मलिसकु मसीह इन मय हुईर, अदकि अलग अलग आऊनव अंग हुईर; 28 *अदकि परमेश्वर मंडली दा अलग अलग मळसागोळ्द नविळ माळदुन: पयला प्रेरति, दुसरा भवषियवक्ता, तसिरा गुरु, बाक सामर्थ्य इन क्याल्सा माळावाळेर, बाक चंगा माळावाळेर, अदकि उपकार माळावाळेर, अदकि व्यवस्था अन वरदान माळावाळेर, अदकि अग्यात प्रकार इन भाषा माताळावाळेर. 29 येन सब प्रेरति आर? येन सब भवषियवक्ता आर? येन सब शक्तिषा कोळावाळा गुरु हुन? येन सब सामर्थ्य अन्द क्याल्सा माळावाळेर आर? 30 येन सप्पा मुंदरी चंगा माळोद वरदान सकियाद? येन सप्पा मुंदुर अग्यात प्रकार इन भाषा माताळतार? येन सप्पा मुंदुर अग्यात भाषा अन्द अनुवाद माळ सकतार? 31 नीव धोळ से धोळ वरदानगोळ्द लालसा ईटतीर. लेकीन ना नीमी अदकि भी सब से वळ्ळीद हादी हेळतीन.

13

प्यार-सब से वळ्ळीद हादी

1 अगर ना मळसागोळ अदकि स्वर्गदूतगोळ्द भाषागोळ माताळाईन अदकि प्यार ईटालीन, रा ना ठनठनासकु पीतल इन धोळ घंटी अदकि झनझनासकु झाँझ हुईन. 2 *अदकि अगर ना परमेश्वर उन दी टु बरावाळा बातणी इन प्रचार माळ सकाईन, अदकि सब भेदगोळ अदकि सब प्रकार इन ग्यान इक समसाईन, अदकि नानी ईल ताका पुरा वशिवास आगेदीत कनि पहाळगोळी सरकुस बुळाईन, लेकीन प्यार ईटालीन, रा ना येनु अच हैलेच. 3 अगर ना तान पुरा धन संपत्ती कंगालगोळी तनिस् बुळाईन, या तान मय होताकोर साटी कोट बुळाईन, अदकि प्यार ईटालीन, रा नानी येनु अच लाभ हैलेच.

4 प्यार धीरजवन्त आद, अदकि कृपालु आद; प्यार जलन माळाल्द; प्यार तान बळाई माळाल्द, अदकि बायाल्द, 5 अद अनरीतनिळाल्द, अद तान भलाई चाहसाल्द, चळिसाल्द, प्यार दुसरा अन्द बुरा मातगोळ लेखा ईटाल्द. 6 अन्याय देल खुश आगाल्द, लेकीन सच्चाई देल खुश आगतद. 7 आव सप्पा मातगोळ सहन माळतान, सप्पा मातगोळ मा वशिवास माळतान, सप्पा मातगोळ्द आशा ईटतान, सप्पा मातगोळ दा धीरज ईटतान.

8 प्यार यागलु खतम आगाल्द; परमेश्वर उन दी टु बरावाळा बातणी खतम आगेदव; अग्यात भाषागोळ दा सकिकावाळा दान आगुल रा होगतेला ईत्तव; ग्यान आगुल, रा मटिसेदाव. 9 यतकी नाम्द ग्यान अधूरा आद, अदकि परमेश्वर उन दी टु बरावाळा बातणी अधूरा आद; 10 लेकीन याग परमेश्वर सप्पा पुरा माळ्यान, रा अधूरा पन मटिसेदति.

11 याग ना चगिद ईरीन, रा ना चगिदुरगोळ घाई माताळीन, चगिदुरगोळ घाई मन ईरोद, चगिदुर घाई समझ ईरोद; लेकीन याग समझदार आगेदीन रा स्यानपनी नव मातगोळ बटि बुटीन. 12 ईग नामी आरसा दा धुंधला सा काळसतद, लेकीन आ समय आमने सामने नोळेव; ई समय नांद ग्यान अधूरा आद, लेकीन आ समय हगि पुरा रीति देल अराईन, हयांग नानी परमेश्वर अरतुन.

13 पर ईग वशिवास, आशा, प्यार ईव मूर नाम सांगुळ आव, पर इऊर दा सब से धोळ्द प्यार आद.

14

पवत्रि आत्मा अन्द वरदान इन बारा दा यक्कुल शक्षिागोळ

1 प्यार इन अनुकरण माळोर साटी कोशशि माळी, अदकि आत्मकि वरदानगोळ्द भी धुन दा ईरी, खास माळकु परमेश्वर उन दी टु बरावाळा बातणी इन दान माळी. 2 यतकी जो अग्यात भाषा दा मातगोळ माळतान आव मंळसागोळ से ईला लेकीन परमेश्वर से मातगोळ माळतान; इदुरसाटी क् आऊन मातगोळी याऊ समसालुन, यतकी आव भेद इन मातगोळ पवत्रि आत्मा अन्द सामर्थ्य दा आगकु माताळतान. 3 लेकीन जो परमेश्वर उन बातणी वाळस्तान, आव मंळसागोळ से उन्नती अदकि उपदेश अदकि दलिासा अन्द मातगोळ माताळतान. 4 जो अग्यात भाषा दा मातगोळ माळतान, आव तांद अच उन्नती माळतान; लेकीन जो भवषियवाणी माळतान, आव मंडली अन्द उन्नती माळतान.

5 ना चाहासतीन क् नीव सप्पा मुंदुर अग्यात भाषागोळ दा मातगोळ माळी लेकीन इदुर से यक्कुल ईद चाहासतीन क् परमेश्वर उन दी टु बरावाळा बातणी इन मातगोळ माळी: यतकी अगर अग्यात भाषा माताळावाळा मंडली अन्द उन्नती इन साटी अनुवाद माळबाळुल रा परमेश्वर उन दी टु बरावाळा बातणी अग्यात भाषा टु वाळुसकु आद. 6 इदुरसाटी हे वारटुरा अदकि आकतीगेरा, अगर ना नीम हात्ती बंदकु अग्यात भाषागोळ दा मातगोळ माळाईन, रा नान से नीनी येन लाभ आदीत. अदकि ऊजूळ या ग्यान या परमेश्वर उन दी टु बरावाळा बातणी या उपदेश इन मातगोळ माळाईन, रा नीमी यक्कुल फायदा आदीत,

7 ईदा प्रकार अगर नरिजीव वसतुगोळ भी यदुर देल आवाज होळतद, जसा कोळ्ल या बीन, अगर अऊर्द स्वरगोळ दा भेद ईरतीदील रा जो कोळ्ल ऊयकु या बनि मुरसकु आगतद, आ हाळ इक ह्यांग अरूकु आदीत? 8 अदकि अगर तुरही इन आवाज साफ ईरतीदील, रा याव लळाई इन साटी तयारी माळ्यान? 9 हगि अच नीव भी अगर ल्यालग्या देल साफ मातगोळ अनतीदलि, रा जो येनारा अंदकु आगतद अद ह्यांग समसकु आदीत? नीव रा हवा देल मातगोळ हेळावाळेर ठहूसीर. 10 दुनिया दा यासारा अच प्रकार इन भाषागोळ येती ईला इतदाव, लेकीन अऊर दा टु यातोदारा भी बनि मतलब इन ईला ईतीदाद. 11 इदुरसाटी अगर ना यातोदारा भाषा अन्द मतलब समसालीन, रा माताळावाळा अन्द नजर दा ना परदेशी ठहूसीर अदकि माताळावाळा नान नजर दा परदेशी ठहूस्यान. 12 इदुरसाटी नीव भी याग आत्मकि वरदानगोळ्द धुन दा आईर, रा हगि कोशशि माळी क् या वरदानगोळ देल मंडली अन्द उन्नती आगतद. आ वरदानगोळ्द कोशशि माळी.

13 ई कारण जो अग्यात भाषा माताळुल, आव दान सक्कोद साटी प्रार्थना माळुल क् अदुरद अनुवाद भी माळ सकुल. 14 इदुरसाटी अगर ना अग्यात भाषा दा प्रार्थना माळाईन, रा नान आत्मा प्रार्थना माळतद लेकीन नान दमाक क्याल्सा कोळाल. 15 इदुरसाटी येन माळ पायजे? ना आत्मा देल भी प्रार्थना माळाईन, अदकि दमाक देल भी प्रार्थना माळाईन; ना आत्मा देल भी हाळाईन, अदकि दमाक देल भी हाळाईन. 16 ईलारा अगर नी आत्मा देल अच धन्यवाद माळ्या, रा बाक लॉकुर नीन धन्यवाद मा आमीन अनकु सहमत ह्यांग आदार? यतकी आव रा अरालुन क् नी येन अनत्या? 17 नी रा सही देल धन्यवाद माळत्या, लेकीन दुसरा अन्द उन्नती आगाल.

18 ना तान परमेश्वर उन धन्यवाद माळतीन, क् ना नीम सप्पा मुंदुर से यक्कुल अग्यात भाषागोळ दा माताळतीन. 19 लेकीन मंडली दा अग्यात भाषा दा हत्त हजार मातगोळ माताळदुर देल नानी ईद वळ्लीद समसतद, क् दुसरा मंळसागोळी कलसोर साटी दमाक देल अईद अच मातगोळ अनाईन.

20 हे वारटुरा अदकि आकतीगेरा, नीव समझदारी दा चकिोर घाई आगवाळी: बुराई दा रा चकिोर घाई अनजान ईरी, लेकीन समझदारी दा स्याणा मंळसा घाई आगी. 21 व्यवस्था दा लखिसकु आद क् प्रभु अनतान,

“ना अपरचिति भाषा माताळावाळेरद द्वारा,

अदकि पराया बाय देल माताळावाळेर लॉकुर द्वारा

ई लॉकुर से मातगोळ माळाईन
तरी भी आंदुर नांद केळतीदलि.”

22 इदुरसाटी अग्यात भाषागोळ माताळोद वरदान वशिवासीगोळ साटी ईला, लेकीन अवशिवासीगोळ साटी चमत्कार इन चमत्कार हुन; लेकीन परमेश्वर उन दी टु बरावाळा बातणी अवशिवासीगोळ साटी ईला, लेकीन वशिवासीगोळ साटी चमत्कार इन चमत्कार हुन.

23 इदुरसाटी अगर मंडली ऊंद जागा दा जमा आगुल, अदकि सप्पा च्या सप्पा मुंदुर अग्यात भाषागोळ माताळुल, अदकि व्हार्यावाळेरे या अवशिवासी लॉकुर बुळ्क होट बरूल रा येन आंदुर नीमी पागल अनतीदलि? 24 लेकीन अगर सप्पा मुंदुर परमेश्वर उन दी टु सकिवाळा बातणी कोळली हत्यार, अदकि यावारा अवशिवासी या व्हार्यावाळा मंळसा बुळ्क होट बरूल, रा सप्पा मुंदुर आऊक दोषी ठहरूस बुट्टार अदकि जाँच कौंडार क्वाव पापी आन; अदकि आव जान्स कौंडान क्वा आऊक पश्चाताप इन जरवत आद. 25 अदकि आऊन मन इन भेद प्रगट आगेदव, अदकि आग आव बाय इन भार देल बदिक् परमेश्वर उक दण्डवत माळ्यान, अदकि कबुल माळ कौंडान क्वा खराखुरा परमेश्वर नाम न्याड्या आन.

मंडली दा आराधना अन्द अनुशासन

26 इदुरसाटी हे वारटुरा अदकि आकतीगेरा, येन माळ पायजे? याग नीव जमा आगतीर, रा हर ऊंद मंळसा अन्द मन दा हाळ या उपदेश या अग्यात भाषा या प्रकाशक या अग्यात भाषा अन्द अर्थ हेळोद ईरतद. सप्पा येनारा मंडली अन्द उन्नती इन साटी आग पायजे. 27 अगर अग्यात भाषा दा मातगोळ माळोद आद रा येद्व या हापाळ मुंदुर ईरूल रा मुर मुंदुर पारी-पारी देल माताळुल, अदकि ऊंद मंळसा अनुवाद माळुल. 28 लेकीन अगर अनुवाद माळावाळा हैलेच, रा अग्यात भाषा माताळावाळा मंडली दा सुंगा ईरूल, अदकि तान मन देल परमेश्वर से मातगोळ माळुल. 29 परमेश्वर उन दी टु बरावाळा बातणी इक माताळावाळेरे दा टु येद्व या मुर मुंदुर माताळुल, अदकि बाकी लॉकुर आंदुर वचन इक परखुसुल. 30 लेकीन जो कुर्तकु आन अगर आऊन मा, येनारा मय उन दी टु बातणी प्रगट आत. रा आव पयला मंळसा सुंगा आगेगुल. 31 यतकी नीव सप्पा मुंदुर ऊंद ऊंद माळकु परमेश्वर उन दी टु सकिकावाळा बातणी इक कलस सकतार, ताकी सप्पा मुंदुर कलुल अदकि सप्पा मुंदुरी शांती सकिल. 32 यतकी परमेश्वर उन दी टु बातणी कोळावाळा अन्द आत्मा बातणी कोळावाळा अन्द वश दा आद. 33 यतकी परमेश्वर अव्यवस्था अन्द ईला, लेकीन शांती इन परमेश्वर हुन.

हयांग पवतिर लॉकुरद सप्पा मंडलीगोळ दा हगि अच आगतद. 34 आरतेर मंडली अन्द सभा दा सुंगा ईरूल, यतकी आंदरी मातगोळ माळोद आग्या हैलेच, लेकीन आंदुर हात्ती ईरोद आग्या आद, हयांग व्यवस्था दा लखिसकु आद. 35 अगर आंदुर येनारा कलोद चाहसतार, रा मान्या तान तान मान्नावाळा से केळुल, यतकी आरत इन मंडली अन्द सभा दा मातगोळ माळोद नाचक इन मात आद.

36 येन परमेश्वर उन वचन नीम दा टु होटाद? या सरिफ नीम ताका अच पोहचुस्युद? 37 अगर यावारा मंळसा तान तान इक परमेश्वर उन दी टु बरावाळा बातणी कोळावाळा समसुल या आऊन हात्ती पवतिर आत्मा अन्द वरदान आद, रा ईद अरत कोमुल क्वा जो मातगोळ ना नीमी लखिसतीन, अव प्रभु उन आग्यागोळ हु. 38 लेकीन अगर यावारा ईद स्वीकार माळालुर, रा आंदरी भी स्वीकार माळकु आगतीदील.

39 इदुरसाटी हे वारटुरा अदकि आकतीगेरा, परमेश्वर उन दी टु बरावाळा बातणी इन धुन दा ईरी अदकि अग्यात भाषा माताळदुर देल मना माळबाळी; 40 पर सप्पा मातगोळ क्रम देल अदकि व्यवस्थिति रूप देल माळकु आगुल.

15

यीशु उन सोत्तुर दा टु जत्तिता आगेद

1 हे वारटुरा अदकि आकतीगेरा, ईग ना नीमी याद दलिसोद चाहसतीन अदा खुशखबरी केळसतीन जो पयला केळस बुटीन, यारी नीव अंगीकार भी माळदीर अदकि यदुर दा नीव स्थरि भी आईर.

2 अदुरदा द्वारा नीमद उदधार भी आगतद, अगर आ खुशखबरी इक जो ना नीमी केळ्सीदिनि ध्यान दा ईटतीर; ईदारा नीम वशिवास माळोद बेकार आत.

3 ईदा कारण ना सब से पयले नीमी अदा मात पहुचुसदीन, जो नान हात्ती पहुचुसीत ईद पयला महत्वपूर्ण हुन कपवतिरशास्त्र अन वचन इन अनुसार यीशु मसीह नाम पापगोळ साटी सोतोदुन, 4 अदकि नळ्सकु आदुन, अदकि पवतिरशास्त्र अन अनुसार तसिरा दशिी जत्तिता भी आदुन, 5 आव कैफा अक अदकि हन्नेळ प्रेरतिगोळी कांळसदुन. 6 बाक आव अईद सौ से यक्कुल वशिवासी वारटुरी सांगुळल्या कांळसदुन, यारदा टु हापाळ सा ईगासताका जत्तिता आर पर येनारा मंळसा सोतोग्यार. 7 बाक आव याकूब उक कांळसदुन आग सप्पा प्रेरतिगोळी कांळसदुन.

8 सप्पा मुंदुर बाददा नानी भी कांळसदुन, जो मान्सी समय इन पयला पैदा आगीदान. 9 यतकी ना प्रेरतिगोळ दा सब से स्याणेव आईन, बल्की प्रेरति अनोद योग्य भी हैलेच, यतकी ना परमेश्वर उन मंडली इक सतुसीदीन. 10 लेकीन ना जो येनारा भी आईन, परमेश्वर उन अनुग्रह देल आईन. आऊन अनुग्रह जो नान मा आत, अद बेकार आगीदील; लेकीन ना आ सप्पा मुंदुर से वाळुसकु मेहनत भी माळदीन: तरी भी ईद नान दी टु आगीदील लेकीन परमेश्वर उन अनुग्रह देल जो नान मा ईरोद. 11 इदुरसाटी चाहे बाक ना आगुल, चाहे बाक आंदुर आगुल, नाव सब ईदा प्रचार माळतेव, अदकि इदुर मा नीव भी वशिवास माळदीर.

नाम जत्तिता आगोद

12 इदुरसाटी याग भी यीशु मसीह अन्द ईद प्रचार माळकु आगतद क आव सोत्तुर दा टु जत्तिता आग्यान, रा नीम दा टु यास मुंदुर ह्यांग अनतार क सोत्तुकु मंळसा जत्तिता आग अच सकालुन? 13 अगर सोत्तुर मंळसा अन्द जत्तिता आगोद अच ईलच, रा मसीह भी जत्तिता आगीदील; 14 अदकि अगर मसीह जत्तिता आगीदील, रा नाम्द प्रचार माळोद भी बेकार आद, अदकि नीमद वशिवास भी बेकार आद. 15 इदुर से भी वाळुसकु नाव परमेश्वर उन खवाटा गवाह ठहरसेव; यतकी नाव परमेश्वर उन बारा दा ईद गवाही कोट्टेव क आव मसीह इक जत्तिता माळदुन, लेकीन सोतकु मंळसा सही दा जत्तिता माळ सकालुर रा आव मसीह अक भी जत्तिता माळीदील. 16 अदकि अगर मुर्दा जत्तिता आगालव, रा मसीह भी जत्तिता आगीदील; 17 अदकि अगर मसीह जत्तिता आगीदील, रा नीमद वशिवास बेकार आद, अदकि नीव ईग ताका तान पापगोळद भागीदार आईर. 18 बल्की जो मसीह मा वशिवास माळतार आंदुर भी सोतोग्यार. 19 अगर नाव सरिफ ईदा जीवन दा मसीह देल आशा ईटतेव रा नाव सब मंळसागोळ देल यक्कुल अभागा आयेव.

20 लेकीन सही दा मसीह सोत्तुर दा टु जत्तिता आग्यान, अदकि जो सोतोग्यार आंदुर भी जत्तिता आदार ईद पयला प्रमाण हुन. 21 यतकी याग ऊंद मंळसा अन्द द्वारा मृत्यु बत्त, रा ऊंद मंळसा अन्द अच द्वारा सोत्तुर मंळसा अन्द पुनरूत्थान भी बत्त. 22 अदकि ह्यांग आदम सब मा मृत्यु तंदुन, हांग अच मसीह भी वशिवास ईटावाळेर इक जत्तिता माळ्यान, 23 लेकीन हर ऊंद तान तान पारी देल: पयला मसीह जत्तिता आदुन, बाक मसीह अन्द वापस बंदुर देल आऊन मा वशिवास माळावाळेर लॉकुर जत्तिता आदार. 24 इदुर बाददा अन्त आदीत. आ समय सब प्रधान माळावाळा दुष्टआत्मा अदकि पुरा अधिकार. अदकि सामर्थ्य अन्द मसीह अन द्वारा अन्त माळकु आदीत अदकि राज्य अक परमेश्वर आप्प उन कय दा सौप्स कौडान. 25 यतकी यागासताका आव तान दुश्मनी ईटावाळेरी तान काल इन ल्यालमा तरतीदील, आगासताका मसीह अन्द राज्य माळोद जरूरी आद. 26 सब से आखरी दुश्मनी माळावाळा जो नाश माळकु आदान, अद मृत्यु हुन. 27 यतकी पवतिर शास्त्र अनतद, “परमेश्वर सप्पा येनारा आऊन काल इन ल्यालमा माळ कौडुन,” लेकीन याग आव अनतान क सप्पा येनारा मसीह अन्द हात्ती माळकु आगयाद रा प्रत्यक्ष आद क यार आऊन हात्ती माळ कौडुन, परमेश्वर खुद अलग ईत्तुन. 28 अदकि याग सप्पा हात्ती आगोदार, रा पारा खुद अच परमेश्वर उन हात्ती आगोदान, याव सप्पा येनारा आऊन हात्ती माळ कौडुन, यदुर देल क परमेश्वर सब वस्तुगोळ मा पुरा तरीका देल राज्य माळ्यान.

✧ 15:4 १५:४ मत्ती १२:४०; प्रेरतिगोळ २:२४-३२ ✧ 15:5 १५:५ लूका २४:३४; मत्ती २८:१६,१७; मरकुस १६:१४; लूका २४:३६; यूहन्ना २०:१९ ✧ 15:8 १५:८ प्रेरतिगोळ ९:३-६ ✧ 15:9 १५:९ प्रेरतिगोळ ८:३

29 ईदारा जो लॉकुर सोतकु मंळसा अनूद साटी बपतसिमा ताकोमतार आंदुर येन माळ्यार? अगर सोतकु मंळसा जतिता आगालुर रा बाक येती आंदुर साटी बपतसिमा ताकोमतार? 30 अदकि नाव भी येती हर घळी जोखमि दा बदिक् ईरतार? 31 हे वारटुरा अदकि आकतींगेरा, नानी आ घमण्ड इन करिया जो नाम्द मसीह यीशु दा ना नीम्द बारा दा माळतीन कि ना हर दनि सायतीन. 32 अगर ना मंळसा अनूद रीतमा इफसिस दा आळी अन पशुगोळ घाई लळाई आळदीन रा नानी येन लाभ आत? अगर मुर्दा जतिता माळकु आगालव, “रा बरी, तनी-कुडी, यतकी नाळ रा सायोद अच आद.”

33 ध्वाका तनिबाळी, “बुरा संगत वळलीद चरतिर अक बगिळुस बुळतद.” 34 सही वचिर माळोद सुरू माळी अदकि पाप इक बटि बुळी; यतकी येनारा हगि आर जो परमेश्वर उक जानसालुर, ना नीमी शर्मदा माळोर साटी ईद अनतीन.

पुनरूत्थान इन मय

35 ईग यावारा ईद अंदान, “मुर्दा या रीतदिल जतिता आगताव, अदकि ह्यांग मय इन सांगुळ बरताव?” 36 हे नरिबुद्धी! जो येनारा नी बोऊसत्या, यागासताका आव सायालुन जतिता माळकु आगालुन. 37 अदकि जो नी बोऊसत्या, ईद अद मारर आलच जो वाळुसावाळा आद, लेकीन सरिफ दाना हुन, चाहे गोदी इन चाहे यातोदु अदकि अनाज इन. 38 लेकीन परमेश्वर तान इच्छा अनूद अनुसार आऊक मय कोळतान, अदकि हर ऊंद बीजा अक अदुर्द वशिष मय.

39 सब मय ऊंद घाई ईलच: मंळसागोळ्द मय अलग आद, पशुगोळ्द मय अलग आद; पक्षीगोळ्द मय अलग आद; मेनगोळ्द मय अलग आद.

40 स्वरगीय मय आद अदकि अलग पार्थवि मय भी आद लेकीन स्वरगीय मयगोळ्द तेज अलग आद, अदकि पार्थवि इन अलग. 41 सुर्य अनूद तेज अलग आद, चंद्रमा अनूद तेज अलग आद, अदकि तारागनगोळ्द तेज अलग आद, यतकी ऊंद तारा से दुसरा तारा अनूद तेज दा फरक आद.

42 मुर्दागोळ्द जतिता आगोद भी हगि अच आद. मय नाशवान दशा दा बोऊसकु आगतद अदकि अवनिशी रूप दा जतिता आगतद. 43 अद अपमान इन सांगुळ बोऊसकु आगतद, अदकि तेज इन सांगुळ जतिता आगतद; नरिबलता अनूद सांगुळ नळसकु आगतद. अदकि सामर्थ्य इन सांगुळ जतिता आगतद. 44 स्वाभाविक मय नळसकु आगतद, अदकि आत्मिक मय जतिता आगतद: जब कि स्वाभाविक मय आद, रा आत्मिक मय भी आद. 45 हगि अच शास्त्र दा लखिसकु आद, कि “पयला मंळसा मतलब आदम जतिता प्राणी आदुन” अदकि आखरी आदम, जीवनदायक आत्मा आदुन. 46 लेकीन पयला आत्मिक मय ईला ईरोद पर स्वाभाविक ईरोद, इदुर बाद्दा आत्मिक आत. 47 पयला मंळसा आदम पृथ्वी टु मतलब मुण्ण इन ईरोन; दुसरा स्वरगीय आन. 48 ह्यांग आव मुण्ण इनव ईरोन, हांग अच आंदुर भी आर जो मुण्ण इनोर आर; अदकि ह्यांग आव स्वरगीय आन, हांग अच आंदुर भी आर जो स्वरगीय आर. 49 अदकि ह्यांग नाव आऊन मय धारण माळदेव जो मुण्ण इन ईरोद हांग अच आ स्वरगीय अनूद मय भी धारण माळेव.

50 हे वारटुरा अदकि आकतींगेरा, ना ईद अनतीन कि मास अदकि खुन परमेश्वर उन राज्य दा प्रवेश माळ सकालव, अदकि ना नाशवान अवनिशी इन प्रवेश आग सकतद.

51 नोळी, ना नीम से भेद इन मात अनतीन: नाव सप्पा मुंदुर सायालेव, लेकीन सब बदलुसेव, 52 अदकि ईद क्षण भर दा, पतनी होडुतेला अच आखरी तुरही ऊएतेला अच ईतीदान. यतकी तुरही ऊयकु आदीत अदकि मुर्दा अवनिशी दशा दा नेगुकु आदाव, अदकि नाव बदलुसेदव. 53 यतकी जरूरी आद कि ईद नाशवान मय अवनिश इक हाक्क कोमुल, अदकि ईद मरनहार मय अमरता अक हाक्क कोमुल. 54 याग अद वचन जो शास्त्र दा लखिसकु आद पुरा आगोदीत: अदकि याग ईद नाशवान अवनिश इक हाक्क कौडीत, अदकि ईद मरनहार अमरता अक हाक्क कौडीत, मृत्यु इन अनूत आत अदकि वजिय प्राप्त आत.

55 हे मृत्यु, अपमान जय यल ईतत?

हे मृत्यु, अपमान डंक यल ईतत?

56 मृत्यु इन डंक पाप आद, अदकि पाप इन बल मूसा अन्द नयिम शास्त्र टु बरतद. 57 लेकीन परमेश्वर उन धन्यवाद आगुल, जो नाम्द प्रभु यीशु मसीह अन्द द्वारा नामी जयवन्त माळतान.

58 इदुरसाटी हे नान प्रयि वार्दुरा अदकि आकतींगेरा, मजबूत अदकि अटल ईरी, अदकि प्रभु उन क्याल्सा दा सदा वाळुसतेला होगी, यतकी ईद जान्सतीर कनिनीम्द मेहनत प्रभु दा बेकार हैलेच.

16

वशिवासीगोळ साटी दान

1 ✨ईग आ चन्दा अन्द बारा दा जो परमेश्वर उन पवतिर यहूदा लॉकुर साटी माळकु आगोद, हयांग आग्या ना गलातया अन्द मंडलीगोळ इक कोट्टीन, हांग अच नीव भी माळी. 2 हप्ता अन्द पयला दनि नीम दा टु हर ऊंद तान आमदनी अन्द अनुसार येनारा तान हात्ती ईटकु ईरूल कनि नान बंदुर मा चन्दा माळोद बळिवाळुल. 3 अदकि याग ना बराईन, रा यारी नीव चाहासीर आंदरी ना चट्टी गोळ कोटकु कळु बुळाईन कनिनीम्द दान यरूशलेम पहुचुस बुळुल. 4 अगर नांद भी होगोद उचति आत, रा आंदुर नांद सांगुळ होदार.

पौलुस उन यात्रा अन्द कार्यक्रम

5 ✨ना मकदिनया आगकु नीम्द हात्ती बराईन, यतकी नानी मकदिनया आगकु होगोद अच आद. 6 लेकीन संभव आद कनि ना नीम्द सांगुळ ठहरूसईन अदकि सोळी इन मौसम दा भी नीम्द सांगुळ ईल कढाईन, आग या दशा दी नांद होगोद आगुल आ दशा दी नीव नानी पहुचुस बुळेतीर. 7 यतकी ना ईग हादी दा नीम से भेंट माळोद चाहसालीन; लेकीन नानी आशा आद कनि अगर प्रभु चाहस्यान रा येनारा समय ताका नीम्द सांगुळ ईराइन.

8 ✨लेकीन ना पनितेकुस्त इन हाब्व ताका इफसिस दा ईराइन, 9 नान साटी अल ऊंद धोळ अदकि उपयोगी दरवाजा तेरकु आद, अदकि वरिधी हापाळ सा आर.

10 ✨अगर तीमुथयिस होट बंदान, रा नोळेतीर कनि आऊक नीम्द अल सम्मान सकिल; यतकी आव नान घाई प्रभु उन क्याल्सा माळतान. 11 इदुरसाटी याऊ आऊक बेकार सम्सबाळी, लेकीन अदरी खुशी देल ईपाटी पोहचुस बुळी कनि नान हात्ती होट बरूल; यतकी ना आऊंद हादी नोळेतीन कनि आव वार्दुर सांगुळ बरूल.

12 वार्ट अपुल्लोस से ना हापाळ वनिती माळदीन कनि नीम्द हात्ती वार्टगोळ सांगुळ होगता; लेकीन आव ई समय होगोद येनु भी इच्छा माळीदलि, लेकीन याग मवका सकिकीत आग होट बंदान.

आखरी आदेश अदकि अभिवादन

13 जागसतेला ईरी, वशिवास दा स्थिर ईरी, हमिमत ईटी, अदकि बलवन्त आगी. 14 जो येनारा माळतीर प्यार देल माळी.

15 ✨हे वार्दुरा, नीव स्तफिनास उन घराना अक जान्सतीर कनि आंदुर अखाया अन्द पयला वशिवासी उर, अदकि परमेश्वर उन पवतिर लॉकुरद स्यावा अन्द साटी तयार ईरतार. 16 इदुरसाटी ना नीम से वनिती माळतीन कनि हगि माळावाळेरद हात्ती ईरी, अदकि हर ऊंद मंळसा अन्द जो ई क्याल्सा दा मेहनती अदकि सहकर्मी आन.

17 ना स्तफिनास अदकि फूरतूनातुस अदकि अखईकुस उन बंदुर देल खुश आईन, यतकी आंदुर नीम्द घट इक पुरा माळदुर. 18 आंदुर नानी अदकि नीम्द आत्मागोळ इक चैन कोट्टुर, इदुरसाटी हगि माळावाळेर इक मान्सी.

19 ✨आसया इन मंडलीगोळद दी टु नीमी नमस्कार; अक्वला अदकि प्रसिका अन्द अदकि आंदुरद मान्ना अन्द मंडली अन्द भी नीमी प्रभु दा हापाळ हापाळ नमस्कार! 20 सप्पा वशिवासी वार्दुरद नीमी नमस्कार.

पवतिर चुम्मा आबुर दाबुर इक कुतक्या अक हचकु आपस दा नमस्कार माळी.

21 ना पौलुस उन तान कय देल लखिसकु ईरोद नमस्कार.

22 अगर यावारा प्रभु से प्यार ईला ईटुल रा आऊन मा हाय.

हे नाम प्रभु, बर!

23 प्रभु यीशु उन अनुग्रह नीम मा आगतेला ईरूल.

24 नांद प्यार मसीह यीशु दा नीव सप्पा मुंदुर सांगुळ ईरूल. आमीन.

कुरन्थियों के नाम पौलुस प्रेरति की दूसरी पत्री कुरन्थिगोळ्द हेसुर पौलुस प्रेरति उन दुसरा चट्ठी परचिय

दुसरा कुरन्थि ईद चट्ठी प्रेरति पौलुस यीशु मसीह अनूद जनम इन ५५-५६ साल इन बाददा लखिसदुन १:१ ईद आ येदद चट्ठी गोळ दा टु दुसरा चट्ठी हुन जो पौलुस कुरन्थिवासीगोळ साटी लखिसदुन. हापाळ पंडीत वधिवान हगि समस्तार की ई चट्ठी इन पयले कुरन्थिगोळी ऊंद धोळद कळक चट्ठी लखिसीदुन इदुर बारा दा आव २:३-४ ई वचन दा उल्लेख माळतान लेकीन ई चट्ठी इन प्रतकि नाम हात्ती हैलेच. ईद दुसरा कुरन्थि इन चट्ठी पौलुस संभव अच मकदिनया नगर दा टु लखिसीदान. २:१३

दुसरा कुरन्थि ई चट्ठी इन विशेषता ईद आद की चट्ठी दा वैक्तिक अदकि भावनात्मक मातगोळद चर्चा माळकु आग्याद ई चट्ठी दा पौलुस जो वळलीद अहवाल आव कुरन्थिगोळ बारा दा तीतुस से हासलि माळदुन अदुर बारा दा खुशी जाहीर माळतान. ई चट्ठी दा वसितार देल शक्ति कोळोद बारा दा वहाशोद नयिम इन दृष्टीकोन देल काळसतद. ईद शक्ति ई वभाग दा सक्तिद याता वभाग दा पौलुस आ चंदा अनूद बारा दा मात हेळतान जो चंदा यरूशलेम इन विश्वासीगोळ्द सहायता साटी ताकोमकु आगीत ८-९ मंडली दा थ्वाळासा लॉकुर पौलुस उन खलिाप ईरोर लेकीन थ्वाळासा मुंदुर अल बरावाळेरे ख्वाटा प्रेरति ई वरिध इन फायदा नेगुकु पौलुस उक वोटकु खुद उननती माळोद चाहासोर. आंदुर पौलुस उन अधिकार माळदुर मा प्रश्न नरिमाण माळदुर इदुरसाटी ई चट्ठी इन आखरी भाग दा यीशु मसीह अनूद प्रेरति आगदुर नाता देल जो अधिकार आऊक सकियाद आ अधिकार मा पौलुस जोर कोळतान.

रूप-रेखा:

१. पौलुस उन मंडलीगोळी नमस्कार १:१-७
२. पौलुस उन तान यात्रा अनूद बारा दा बदलाव अदकि जो अहवाल कुरन्थिगोळ बारा दा हासलि आगीत अदुर बारा दा चर्चा अदकि हदिळा कळक चट्ठी यदुर बारा दा आंदुर प्रश्न नरिमाण माळीदुर अऊर बारा दा हेळोद १:८-७:१६
३. यरूशलेम दा ईरावाळेरे विश्वासीगोळ साटी चंदा माळदुर बारा दा सुचना ८:१-९:१५
४. आखरी दा पौलुस उन तान प्रेरतिपन इन बचाव माळोद अदकि तान बरावाळा मुलाकात इन बारा दा चेतावनी कोळोद १०:१-१३:१०

1 *पौलुस उन दी टु जो परमेश्वर उन इच्छा देल मसीह यीशु उन प्रेरति हुन, अदकि वार्त् तीमुथयिस उन दी टु परमेश्वर उन आ मंडली इन हेसुर,

जो कुरन्थिस दा आद, अदकि सप्पा अखाया नगर इन सप्पा पवतिर लॉकुर हेसुर:

2 नाम आप्प परमेश्वर अदकि प्रभु यीशु मसीह अनूद दी टु नीमी अनुग्रह अदकि शांती सकितेला ईरूल.

परमेश्वर उन धन्यवाद माळोद

3 नामव प्रभु यीशु मसीह अनूद परमेश्वर अदकि आप्प उन धन्यवाद आगुल, जो दया अनूद आप्प अदकि सप्पा प्रकार इन शांती इन परमेश्वर हुन 4 आव नामव सप्पा क्लेशगोळ दा दलिासा कोळतान; ताकी नाव आ दलिासा अनूद कारण जो परमेश्वर नामी कोळतान, आंदरी भी दलिासा कोळ सकुल जो यातारा प्रकार इन क्लेश दा इतीदार. 5 यतकी ह्यांग मसीह अनूद दुखगोळ दा नाव यक्कुल सहभागी आगतेव, हांग अच नाव शांती दा भी मसीह अनूद द्वारा यक्कुल सहभागी आगतेव. 6 अगर नामी क्लेश सकितद, रा ईद नीमूद शांती अदकि उद्धार इन साटी हुन; अदकि अगर शांती सकितद, रा ईद नीमूद शांती इन साटी हुन; यदुर प्रभाव देल नीव धीरज इन सांगुळ

* 1:1 १:१ प्रेरतिगोळ १:८:१

आ क्लेशगोळ इक सहन माळ कोमतीर, यवरी नाव भी सहन माळतेव. 7 नाम्द आशा नीम्द बारा दा मजबूत आद; यतकी नाव अरूतेव कनिव ह्यांग नाम दुखगोळ दा, हांग अच शांती दा भी सहभागी आईर.

8 *हे वारटुरा अदकि आकतींगेरा, नाव चाहसालेव कनिव नाम आ क्लेश देल अनजान ईरी जो आसथिा प्रदेश दा नाम मा बत्ति; नाव ईत्ता भारी बोझ देल वत्तेगीदेव, जो नाम सामर्थ्य अन व्हार्या ईरोद, ईल ताका कनिव जीवन देल भी कय तोळकु कुरतीदेव. 9 अदकि नाव तान मन दा समसंगीदेव कनिव नाम मा मृत्यु उन आग्या आगेग्याद. ताकी नाव तान भरोसा ईटतीदलि बल्की आ परमेश्वर उन जो सोत्तुर इक जत्तिता माळतान. 10 आवा नामी मृत्यु उन हगि धोळ्द संकट देल ऊळ्सदुन, अदकि ऊळ्स्यान; अदकि आऊन मा नामी ईद आशा आद कनिव आव मुंद भी ऊळ्सतेला ईत्तान. 11 नीव भी ऊंद आगकु प्रार्थना अन्द द्वारा नाम सहायता माळीर कनिव जो वरदान नामी हापाळ मुंदुर द्वारा सकित, अदुर कारण हापाळ लौकुर नाम दी टु धन्यवाद माळुल.

पौलुस उन यात्रा-योजना दा परिवर्तन

12 यतकी नाव तान अंतर मन इन ई गवाही मा घमण्ड माळतेव, कनिव दुनिया दा अदकि वशिष माळकु नीम न्याड्या, नाम चरतिर परमेश्वर उन योग्य हगि पवतिरता अदकि सच्चार्ई सहति ईरोद, जो शारीरिक ग्यान देल ईला लेकीन परमेश्वर उन अनुग्रह अन्द सांगुळ ईरोद. 13 नाव अदा लखिसतेव जो नीव वाचुस या समस सकतीर. लेकीन बाक भी नीव नामी थ्वाळासा समसतीर. 14 अदकि नानी आशा आद कनिव या दनि प्रभु यीशु मसीह नीम हात्ती बंदान आ दनि नीव घमण्ड इन दनिगोळ दा अदकि अन्त ताका भी मानसतेला ईत्तीर.

15 ईदा भरोसा देल ना चाहासीन कनिव पयले नीम हात्ती बराईन कनिव नीमी दुगना खुशी सकिल; 16 *ना सोचदनि कनिव नीम हात्ती टु आगकु मकदिनया नगर इक होगतेला, नीम से सीकाईन, अदकि बाक मकदिनया नगर टु नीम हात्ती बराहोती; मात्त सीकाईन; अदकि नीव नानी यहूदीगोळ दी थ्वाळासा दुर ताका सार माळी. 17 इदुरसाटी ना जो ईद इच्छा माळीदनि रा येन ना अनुचित ईरीन? या जो माळोद चाहासतीन येन मय इन अनुसार माळोद चाहासतीन कनिव ना मात दा “हव, हव” भी माळाईन अदकि थ्वाळासा समय दा “ईला ईला” भी माळाईन? 18 परमेश्वर खरा गवाह आन कनिव नाम आ बातणी दा जो नीम से अंदुन “हव” अदकि “ईला” येदुदु शब्द सकिलव. 19 *यतकी परमेश्वर उन पार यीशु मसीह यार्द नाम द्वारा मतलब नान अदकि सलिवानुस अदकि तीमुथयिस उन द्वारा नीम न्याड्या दा प्रचार आत, अदुर दा “हव” अदकि “ईला” येदुदु ईला ईरव, इदुरसाटी परमेश्वर नामव हव हुन. 20 यतकी परमेश्वर उन यास भी वादा आव, अव सप्पा अदुर दा “हव” इन सांगुळ आव. इदुरसाटी आऊन द्वारा “आमीन” भी आत कनिव नाम द्वारा परमेश्वर उन महमा आगुल. 21 अदकि जो नामी नीम सांगुळ मसीह दा ऊंद माळकु मजबूत माळतान, अदकि याव नामी अभषिक माळ्यान आवा परमेश्वर हुन, 22 नाव आऊन नव हुयेव याव नाम मा आऊन आगोद छाप हच्यान अदकि बयाना दा आत्मा अक नाम मनगोळ दा कोटान. जो भवष्य दा सकिोद आद.

23 ना परमेश्वर उक गवाह माळकु अनतीन कनिव ईगासताका कुरन्थुस दा इदुरसाटी बंददिल, कनिव ना ईला चाहासीन कनिव नीमी बोयाईन. 24 ईद ईला कनिव नाव वशिवास इन बारा दा नीम मा प्रभुता जतुसोद चाहासतेव; लेकीन नीम खुशी दा सहायक आयेव यतकी नीव वशिवास देल अच संची ईरतीर.

2

1 ना तान मन दा ईदा ठानस कोडीदनि कनिव बाक मात्त नीम हात्ती नीमी उदास माळली बरतीदिल. 2 यतकी ना अगर नीमी उदास माळाईन, रा नानी खुशी कोळावाळा याव ईत्तान, सरिफ आवा यारी ना उदास माळदीन? 3 अदकि ना ईदा मात नीमी इदुरसाटी लखिसदीन कनिव यागलयारा हगि आगवाळुल कनिव नान बंदुर मा, यार देल नानी खुशी सीक पायजे नानी आंदुर से उदासी सकिल; यतकी नानी नीम सप्पा मुंदुर मा ई मात इन भरोसा आद कनिव जो नान खुशी आद, अदा खुशी नीम सप्पा मुंदुर भी आद. 4 धोळ क्लेश अदकि मन इन दुख देल ना हापाळ सा नीर कण्णगोळ दा टु

वाहुसकु नीमी लखिसीदीन, अद इदुरसाटी ईला की नीव उदास आगी लेकीन इदुरसाटी की नीव नान आ धोळ प्यार इक अर्त कोमी, जो नानी नीम से आद.

गलती माळावाळेर इक माफ

5 अगर यावारा नीमी दुख कोटान, रा नानी का ईला बल्की ना आऊन सांगुळ यक्कुल दुख इन व्यवहार माळालीन थ्वाळा-थ्वाळा नीम सप्पा मुंदरी भी उदास माळ्यान. 6 ईत्ता मळसा अन्द साटी ईद दण्ड जो वार्दुर दा टु हापाळ मुंदुर कोटार, हापाळ आद. 7 इदुरसाटी ईदुर से वळ्लीद ईद आद की आऊन अपराध माफ माळी अदकि आऊक दलिासा कोळी, ईदारा हगि आगबाळुल आ मळसा हापाळ उदासी दा मुळकेगुल. 8 ई कारण ना नीम से वनिती माळतीन की आऊक तान प्यार इन एहसास तोरसी. 9 यतकी ना इदुरसाटी भी लखिसीदीन की नीमी वळ्लीद देल परकुस कोमाईन की नीव नान सप्पा मातगोळ मानसोर साटी तयार आईर का ईला. 10 अगर नीव यारीकारा माफ माळतीर रा आऊक ना भी माफ माळतीन, यतकी ना भी जो येनारा माफ माळीन, अगर हगि माळीन, रा नीम कारण मसीह अन्द जागा दा ईतकु माफ माळीन 11 की नाम मा शैतान उन दावपेच नळु बाळुल, यतकी नाव आऊन युक्तगोळ देल अनजान हैलेच.

त्रोआस दा पौलुस उन व्याकुलता

12 *याग ना मसीह अन्द खुशखबरी केळसली त्रोआस नगर दा बंदीन, अदकि प्रभु नान क्यालसा अक पुरा माळोर साटी ऊंद दरवाजा तेरद बुट्टुन, 13 रा नान मन इक चैन सककीदील, यतकी ना तान वार्ट तीतुस उक अल नोळीदील; इदुरसाटी आंदुर से वदि ताकोमकु ना मकदिनया नगर इक होटोदनि.

मसीह दा वजिय-हाब्व

14 लेकीन परमेश्वर उन धन्यवाद आगुल जो मसीह दा हमेशा नामी जय इन हाब्व दा हुळकु वयाळतान, अदकि मसीह अन्द ग्यान इन वास नाम द्वारा सप्पा जागा दा फैलुसतान. 15 यतकी नाव परमेश्वर उन हात्ती उद्धार ताकोमावाळेर अदकि नाश आगावाळेर येदु मुंदुर साटी मसीह अन्द वास हुयेव. 16 थ्वाळासा लॉकुर साटी रा सोत्तुर घाई मृत्यु उन वास, अदकि हापाळ सा लॉकुर साटी जीवन इन घाई जीवन इन वास. ई मातगोळद लायक याव आन? 17 यतकी नाव आ हापाळ मुंदुर घाई हैलेच जो तान फायदा साटी परमेश्वर उन वचन इस्तेमाल माळतार; परमेश्वर नामी कळयान. मन इन सच्चाई देल अदकि परमेश्वर उन सेवक आगोद नाता देल नाव परमेश्वर उक उपस्थिति जान्सकु मसीह दा माताळतेव.

3

व्हाशोद वाचा अन्द सेवक

1 येन नाव मात्त तान बळाई माळली हत्तेव? या मात्त नामी दुसरा लॉकुर घाई सफारीश इन चट्ठी गोळ नीम हात्ती तरोद या नीम से ताकोमोद आद? 2 नाम चट्ठी नीवा हुईर, जो नाम दलिगोळ मा लखिसकु आद अदकि अदरी सप्पा मळसा अरूतार अदकि वाचुसतार. 3 ईद प्रगट आद की नाम नीम न्याड्या दा सेवकाई इन कारण देल नीव मसीह अन्द चट्ठी हुईर. अदकि जो स्याही देल ईला लेकीन जित्ता परमेश्वर उन आत्मा देल, कल्ल इन पाटीगोळ मा ईला, लेकीन दलि इन मास रूपी पाटीगोळ मा जो मसीह लखिस्यान.

4 नामी मसीह अन्द द्वारा परमेश्वर मा भरोसा आद अदा कारण नाव हगि अनतेव. 5 नाव ई लायक हैलेच की तान दी टु यातारा क्यालसा माळ सक्केव, लेकीन नाम लायकीयत परमेश्वर उन दी टु आद, 6 परमेश्वर नामी व्हाशोद वाचा अन्द सेवक आगोद लायक भी माळदुन, जो लखिसद व्यवस्था अन्द नयिम देल ईला पर आत्मा अन्द नयिम देल आद; यतकी नयिम कोतद, लेकीन आत्मा जित्ता माळतद.

7 मूसा अन्द व्यवस्था यऊर अक्षर कल्लगोळ मा अगुळकु आगीदव, ईल ताका चमकदार आदव की मूसा अन्द मार्रा मा ऊजुळ इन कारण जो गोरत भी आगतोगोद, इस्त्राएली लॉकुर

आऊन मार्रा मा दृष्टी माळ ईला सकोर. 8 ईद गौरव मुरजुसेत रा पवतिर आत्मा अन्द स्यावा अदकि यक्कुल चमकदार येती आगतीदील? 9 याग मृत्यु दण्ड कोळोद क्याल्सा चमकदार आद, रा उद्धार कोळोद क्याल्सा याट चमकदार ईत्तीत? 10 अदकि जो चमकदार ईरोद, अद भी आ तेज इन कारण जो अदुर से यक्कुल चमकदार ईरोद, हाळोद तेज पचेत्याद अदकि व्हाशोद तेज यक्कुल चमकदार आगेत्याद. 11 यतकी याग जो गोर्त आगत होगोद अद चमकदार ईरोद, रा अद जो संची ईत्तीत मात्त यक्कुल चमकदार येती ईरतीदील?

12 इदुरसाटी हगि आशा ईटकु नाव हम्मित इन सांगुळ माताळतेव, 13 अदकि मूसा अन्द घाई ईला, याव तान बाय मा पळदा माळ बुटीदुन ताकी इस्त्राएली लॉकुर आ गोर्त आगावाळा तेज इन अनत्त इक नोळ सकबाळुल. 14 लेकीन आंदुर मतमिन्द आगेदुर, यतकी ईगासताका हाळोद नयिम वाचुसाहोती आंदुर दलिंगोळ मा अदा पळदा बदिक् ईरतोगोद, याग यावारा मंळसा मसीह दा होट बरतान आग अद पळदा येदोगतद. 15 ईगासताका यागलयारा भी मूसा अन्द कतिाब वाचुसकु आगतद, रा आंदुरद दलिंगोळ मा पळदा बदिक् ईरतद. 16 लेकीन याग भी आंदुरद दलि प्रभु उन दी तरिगति, आग अद पळदा येदोदीत. 17 प्रभु रा आत्मा हुन: अदकि येल्यारा भी प्रभु उन आत्मा आद अल आजादी आद. 18 लेकीन याग नाव सप्पा मुंदुरद खुला चेहरा देल प्रभु उन तेज इत्ता प्रकार प्रगट आगतद, ह्यांग आरसा दा, रा प्रभु उन द्वारा जो आत्मा आद, नाव अदा तेजस्वी रूप दा अंश अंश माळकु बदलुस्त होगतेव.

4

मुण्ण इन गळग्यागोळ दा धन

1 इदुरसाटी याग नाम मा हगि दया आत किनामी ईद स्यावा सक्ति, रा नाव हम्मित बळालेव. 2 लेकीन नाव शरम इन होचकु क्याल्सागोळद त्याग माळ बुटेव, अदकि ना चतुराई देल नळुतेव, अदकि ना परमेश्वर उन वचन दा मलिावट माळतेव; लेकीन सच्चाई इक प्रगट माळकु, परमेश्वर उन मुंद हर ऊंद मंळसा अन्द अंतर मन दा तान भलाई कुरसतेव. 3 लेकीन ईद खुशखबरी जो नाव केळसतेव इदुर मा पळदा बदिक् आद, रा ईद नाश आगावाळेर दा साटी बदिक् आद. 4 अदकि आ अवशिवासीगोळद साटी, यार्द बुद्धी ई दुनिया अन मय कुढ्ढ माळ बुटान, ताकी मसीह जो परमेश्वर उन प्रतरूप हुन, आऊन चमकदार खुशखबरी इन उजुळ आंदुर नोळ सकबाळुल. 5 यतकी नाव तान तान इक ईला, लेकीन मसीह यीशु उक प्रचार माळतेव कि आव प्रभु हुन; अदकि तान बारा दा ईद अनतेव कि नाव खुद यीशु मसीह नव सेवक हुयेव. 6 इदुरसाटी कि परमेश्वर अच हुन, याव अंदुन, “अंधार दा टु ज्योती चमकुसुल,” अदकि अदा नाम दलिंगोळ दा चमकुस्त कि परमेश्वर उन महिमा अन्द पयचान इन ज्योती यीशु मसीह अन्द मार्रा मा टु प्रकाशमान आगुल.

7 लेकीन नाव जो मुण्ण इन गळग्यागोळ घाई आयेव यदुर दा अद आत्मकि धन ईटकु आद कि ईद तोरसोर साटी कि ईद असीम सामर्थ्य नाम दी टु ईला, बलकी परमेश्वर उन दी टु अच हुन. 8 नाव नाकु दी टु क्लेश रा भोगसतेव, लेकीन मुसीबत दा बळालेव; नीर उपाय रा आयेव, पर नरिश आगालेव; 9 सतुस्कु रा आगतेव, पर त्यागस्कु आगालेव; केडुकु रा आगतेव; लेकीन नाश आगालेव. 10 नाव यीशु उन मृत्यु उक तान मय मा हर समय हुडुकु वयाळतेव कि यीशु उन जीवन भी नाम मय दा प्रगट आगुल. 11 यतकी नाव जित्ता जी हमेशा यीशु उन कारण मृत्यु उन कय दा सोपस्कु आगतेव कि यीशु उन जीवन भी नाम मरनहार मय दा प्रगट आगुल. 12 ई प्रकार सायोद कार्य नाम मा प्रभाव हाकतद अदकि जीवन नीम मा.

13 इदुरसाटी कि नाम दा अदा वशिवास इन आत्मा आद, यदुर बारा दा शास्त्र दा लखिस्कु आद, “ना वशिवास माळदीन, इदुरसाटी ना माताळदिन.” इदुरसाटी नाव भी वशिवास माळतेव, इदुरसाटी माताळतेव. 14 यतकी नाव जान्सतेव कियेव प्रभु यीशु मसीह अक जित्ता माळदुन, आवा नामी भी मसीह दा भागी जान्सकु जित्ता माळ्यान, अदकि नीमी तान मुंद उपस्थिति माळ्यान. 15 यतकी सप्पा वस्तुगोळ नीम साटी हुव, ताकी अनुग्रह हापाळ मुंदुर द्वारा यक्कुल आगकु परमेश्वर उन महिमा साटी धन्यवाद कोळोद यक्कुल वाळुसति.

वशिवास देल जनिदगी माळोद

16 इदुरसाटी नाव हमिमत बळालेव; यतकी नाम मय इन नाश आग्त ईरतेद, तरी भी नाम बुळ्क इन मंळसातत्व दनि रोज व्हाशोद आग्त होगतद. 17 यतकी नाम घळी तमिर्द स्यांळदतुसा क्लेश नाम साटी हापाळ महत्वपूरण अदकि अनन्त महिमा उत्पन्न माळ्त्त होगतद; 18 अदकि नाव रा नोळ्द वस्तुगोळी ईला लेकीन अनदेखा वस्तुगोळी नोळ्त्त ईरतेव; यतकी नोळ्द वस्तुगोळ् थ्वाळासा अच दनि साटी आव, लेकीन अनदेखा वस्तुगोळ् अनन्त काल ताका बन्सकु ईरताव.

5

1 यतकी नाव जान्सतेव क्कियाग नाम पृथ्वी माकळोद ड्यारा घाई मान्ना केडुकु आदीत, रा नामी परमेश्वर उन दी टु स्वर्ग मा ऊंद हगि भवन सकिकीत जो मान्ना कय देल माळ्कु ईरतीदील, लेकीन अनन्तकालीन आद. 2 ईदुर दा रा नाव यक्कुल श्वास ताकोमकु माताळतेव अदकि हापाळ लालसा ईटतेव क्कितान स्वर्गीय मान्ना अक हाक्क कोडेव 3 क्कईदुर हाकदुर देल नाव दंगदंगा सीक बाळुल. 4 अदकि नाव ई ड्यारा दा ईरतेला बोझ देल वोतकु श्वास ताकोमतेला माताळ्त्त ईरतेव, यतकी नाव ईळसोद ईला बल्की हाक्कोद चाहासतेव, ताकी अद जो मरनहार आद जीवन दा मुळकेगुल. 5 याव नामी ईदा मात इन साटी तयार माळ्यान आव परमेश्वर हुन, याव नामी बयाना दा आत्मा भी कोटान.

6 इदुरसाटी नाव हमेशा हमिमत कटकु ईरतेव अदकि ईद जान्सतेव क्कियागासताका नाव मय दा ईरतेव, आगासताका प्रभु से ब्यार्र आयेव. 7 यतकी नाव रूप इक नोळ्कु ईला, लेकीन वश्वास देल नळुतेव. 8 इदुरसाटी नाव हमिमत कटकु ईरतेव, अदकि मय टु ब्यार्र आगकु प्रभु उन सांगुळ् ईरोद मात्त यक्कुल वळ्लीद सम्सतेव. 9 ईदुर कारण नाम मन इन उमंग ईद आद क्कचाहे सांगुळ् ईत्तेव चाहे ब्यार्र ईत्तेव, लेकीन नाव आऊक भाऊस्त ईत्तेव. 10 यतकी जर्री आद क्कनाव सप्पा मुंदुर्द हाल मसीह अन्द न्याय आसन इन मुंद तेर्दोगुल, क्कहर ऊंद मंळसा तान तान वळ्लीद बुरा क्क्यालसागोळ्द बदला जो आव मय इन द्वारा माळ्यान सकुल.

परमेश्वर से मेल-मलाप

11 इदुरसाटी प्रभु उन अंज्क मान्सकु नाव लॉकुरी समझुसतेव; लेकीन परमेश्वर मा नाम हाल प्रगट आद, अदकि नान आशा ईद आद क्कनीम वविक मा भी प्रगट आगीदाद. 12 नाव तरी भी तान बळाई नीम मुंद माळालेव, बल्की नाव तान बारा दा नीमी घमण्ड माळोद मवका कोळतेव क्कनीव आंदरी उत्तर कोळ सकी, जो मन मा ईला बल्की दखावटी मातगोळ् मा घमण्ड माळतार. 13 अगर नाव बेसुध आयेव रा परमेश्वर उन साटी, अदकि अगर चैतन्य आयेव रा नीम साटी आयेव. 14 यतकी मसीह अन प्यार नामी मजबुर माळ बुळतद; इदुरसाटी क्कनाव ईद सम्सतेव क्कियाग ऊंद सप्पा मुंदुर साटी सोत्तुन रा सप्पा सोत्तुर. 15 अदकि आव ई नमित्त सप्पा मुंदुर साटी सोत्तुन क्कजो जित्ता आर, आंदुर मुंद इक तान साटी जित्ता ईरबाळुल लेकीन आऊन साटी जो आंदुर साटी सोत्तुन अदकि बाक जित्ता आदुन.

16 इदुरसाटी ईग टु नाव यारीकु मय इन अनुसार सम्सतीदील. यतकी नाव मसीह अक भी मय इन अनुसार जान्सीदेव, तरी भी ईग टु आऊक हगि जान्सतीदील. 17 इदुरसाटी अगर यावारा मसीह दा आन रा आव व्हाशोद दुनया आन: हाळोद मातगोळ् बतिसेग्याव; नोळी, सप्पा मातगोळ् व्हाशेव आगेग्याव. 18 ईव सप्पा मातगोळ् परमेश्वर उन दी टु आव, याव मसीह अन द्वारा तान सांगुळ् नाम मेल-मलाप माळ् कौडुन, अदकि मेल-मलाप इन स्यावा नामी सौप्सदुन. 19 मतलब परमेश्वर मसीह अन द्वारा तान सांगुळ् दुनया अन मेल-मलाप माळ् कौडुन, अदकि आंदुर्द अपराधगोळ्द दोष आंदुर मा हचीदलि, अदकि आव मेल-मलाप इन वचन नामी सौप्सदुन.

20 इदुरसाटी, नाव मसीह अन राजस्वर्गदूत हुयेव; मान्सी परमेश्वर नाम द्वारा वनिती माळेत्यान. नाव मसीह अन दी टु नविदन माळतेव क्कपरमेश्वर उन सांगुळ् मेल-मलाप माळकोमी. 21 जो पाप देल अग्यात ईरोन, आऊक अच आव नाम साटी पाप ठहरूसदुन क्कनाव आऊन दा आगकु परमेश्वर उन मुंद नेक मंळसा बनसेगुल.

6

1 नाव जो परमेश्वर उन सहकर्मी आयेव ईद भी हेळतेव कि आऊन अनुग्रह जो नीम मा आत, अदरी वाया होगोळबाळी. 2 यतकी आव रा अनतान, “तान खुश आगोद समय दा ना नीन केळ कौडीन, अदकि उद्धार इन दनि ना नीन सहायता माळदीन.”

नोळी, ईग अद खुश
इन समय आद;

नोळी, ईग अद उद्धार इन दनि आद.

3 नाव यातोदु मात दा ठोकर तनिोद यातोद भी मवका कोळालेव ताकी नाम स्यावा मा यातोद भी दोष बरबाळुल. 4 लेकीन हर मात देल परमेश्वर उन सेवकगोळ्द घाई तान लायकत इक प्रगट माळतेव, बळा धीरज देल, क्लेशगोळ देल, दरदिरगोळ देल, संकटगोळ देल, 5 *क्वाळा तनिोद देल, कैद आगदुर देल, दंगा देल, मयनत देल, च्याता ईरोद देल, उपास माळदुर देल, 6 पवतिरता देल, आ ग्यान देल, धीरज देल, परमेश्वर उन प्यार अदकि कृपा देल, पवतिर आत्मा देल, 7 सही प्यार देल, सच्चाई इन वचन देल, परमेश्वर उन सामर्थ्य देल, न्यायीपन इन हथयारगोळ देल जो उजवा डाक्या कयगोळ दा आव, 8 आदर अदकि नरिादर देल, बेकार कीर्त्ता अदकि वळ्लीद कीर्त्ता देल. अगर भरमुसावाळेर घाई मालूम आगतेव तरी भी सही आयेव; 9 अनजानगोळ्द घाई आयेव, तरी भी प्रसद्धि आयेव; सोत्तुर घाई आयेव अदकि नोळी जतिता आयेव; बळसकोमावाळेरद घाई आयेव पर जीव देल कोनसुस्कु आगालेव; 10 शोक माळावाळेरद घाई आयेव, पर हमेशा खुश ईरतेव; कंगालगोळ्द घाई आयेव, पर हापाळ मुंदुर इक धनवान माळ बुळतेव; हगि आयेव जसा नाम हात्ती येनु हैलेच तरी भी सब येनारा ईटतेव.

11 हे कुरनिथिगोळा, नाव तान मन तेरूकु नीम से मातगोळ हेळेव, नाम मन नीम दी तेरूकु आव
12 नीम साटी नाम मन दा यातोदु संकोच हैलेच, लेकीन नीमद अच मनगोळ दा संकोच आद.
13 लेकीन तान चकिोर जान्सकु नीम से अनतीन कि नीव भी अदुर बदला दा तान मन तेरु बुळी.

देवभक्ति ईला ईटावाळेर से सावधान

14 अवशिवासीगोळ्द सांगुळ संबंध माळकु जुआळी दा जुतसबाळी, यतकी न्यायीपन अदकि अन्याय इन येन मेल-जोल आद? या उजुळ अदकि अंधार इन येन संगती? 15 अदकि मसीह अन्द शैतान उन सांगुळ येन लगाव? या वशिवासी इन सांगुळ अवशिवासी इन येन नाता? 16 *अदकि मूर्तीगोळ्द सांगुळ परमेश्वर उन मंदिर इन येन संबंध? यतकी नाव रा जतिता परमेश्वर उन मंदिर हुयेव; हयांग परमेश्वर अंदान,

“ना आंदुर दा ईराइन

अदकि आंदुर दा नळुतोगाईन;

अदकि ना आंदुर परमेश्वर आगाईन,

अदकि आंदुर नान लॉकुर आदार.”

17 इदुरसाटी प्रभु अनतान,

“आंदुर न्याइया दा टु होळी

अदकि ब्यार ईरी;

अदकि अशुध्द वस्तु उक मुट बाळी,

रा ना नीमी ग्रहण माळाईन;

18 अदकि ना नीम आप्प आगाईन,

अदकि नीव नान पार अदकि पोर आदीर.

ईद सर्वशक्तमिान प्रभु परमेश्वर उन वचन हुन.”

7

1 इदुरसाटी हे परयिगोळा, याग की ई वादागोळ नामी सकियाव, रा बरी, नाव तान तान इक मय अदकि आत्मा अन्द सप्पा मलनिता देल शुद्ध माळेव, अदकि परमेश्वर उन अंज्क ईटतेला पवतिरता अक सदिध माळेव.

पौलुस उन खुशी

2 नामी तान दलि दा जागा कोळी. नाव ना रा यारदु सांगुळ अन्याय माळेव, ना यारीकारा बगिळुसेव अदकि ना यारीकारा ठगुसेव. 3 ना नीनी दोषी ठहरूसोर साटी ईद अनालीन. यतकी ना पयले अच अन बुटीन की नी नाम दलि दा हगि कुरतोग्या की नाव नीन सांगुळ सायोर अदकि ऊळोर साटी तयार आयेव. 4 ना नीम से हापाळ हम्मिमत इन सांगुळ माताळेतनि, नानी नीम मा बळा घमण्ड आद; ना शांती देल तुम्मेगीन. तान सप्पा क्लेश दा ना खुशी देल हापाळ तुमकु ईरतीन.

5 यतकी याग नाव मकदिनया नगर दा बंदेव, आग भी नाम मय इक चैन सकीदील, लेकीन नामी नाकु दी टु क्लेश सकितोगोद; व्हार्या लळाईगोळ ईरव, बुळ्क भयंकर मातगोळ ईरव. 6 फरि भी दनि गरीब मंळसागोळी शांती कोळावाळा परमेश्वर तीतुस उन बंदुर देल नामी शांती कोट्टुन; 7 अदकि ना सरिफ आऊन बंदुर देल लेकीन आऊन आ शांती देल भी, जो आऊक नीम दी टु सकीत. आव नीम लालसा, नीम दुख अदकि नान साटी नीम धुन इन बातणी नामी केळसदुन, यदुर देल नानी मातत खुशी आत.

8 यतकी कदाचति ना तान चट्टी देल नीनी दुखी माळदीन, लेकीन अदुर देल पछतासालनि ह्यांग की पयले पछतासनि, यतकी ना नोळतीन की आ चट्टी देल नीनी दुख रा आत लेकीन अद घळी तमिरुद साटी ईरोद. 9 ईग ना खुश आईन पर इदुरसाटी ईला की नीनी दुख पोहचुसत, उलटा इदुरसाटी की नी आ दुख इन कारण मन तरिगुसद, यतकी नीन दुख परमेश्वर उन इच्छा अन्द अनुसार ईरोद की नाम दी टु नीनी यातोदु मात दा हाना पोहचुस बाळुल. 10 यतकी परमेश्वर-भक्ती इन दुख हगि पश्चाताप पैदा माळतान यदुरद परणाम उद्धार आद अदकि बाक अदुर देल पछतासोद बळाल. लेकीन दुनया अक दुख मृत्यु पैदा माळतद. 11 इदुरसाटी नोळी ईदा मात देल की नीमी परमेश्वर उन दी टु बरोद दुख आत नीम दा याट उत्साह अदकि खुद इक उळसोद इच्छा अदकि हतास, अदकि अंज्क, अदकि लालसा, अदकि आस्था अदकि न्याय कोळोद वचिर पैदा आत? नीव हर प्रकार देल ईद सदिध माळकु तोरसदीर की नीव ई मात दा नरिदोष आईर.

12 बाक ना जो नीम हातती लखिसीदनि, अद ना रा आऊन कारण लखिसदीन याव अन्याय माळदुन अदकि ना आऊन कारण यार मा अन्याय माळकु आत, लेकीन इदुरसाटी की नीम उत्साह जो नाम साटी आद, अद परमेश्वर उन मुंद नीम मा प्रगट आगेगुल. 13 इदुरसाटी नामी दलासा सकित. नाम ई दलासा अन्द सांगुळ तीतुस उन खुशी इन कारण मातत यक्कुल खुशी आत यतकी आऊन जीव नीम सप्पा मुंदुर कारण खुश आगेत. 14 यतकी अगर ना आऊन मुंद नीम बारा दा येनारा घमण्ड तोरसदीन, रा लज्जति आगीदील, लेकीन ह्यांग नाव नीम से सप्पा मातगोळ सही-सही अन बुटदिव, हांग अच नाम घमण्ड तोरसोद तीतुस उन मुंद भी सही होळत. 15 याग आऊक नीम सप्पा मुंदुरद आग्याकारी आगोद याद आगतद की ह्यांग नीव अंज्क अदकि नळगतेला आऊन से मुलाकात माळदीर; रा आऊन प्यार नीम दी मातत यक्कुल वाळुसेगतद. 16 ना खुश आईन यतकी ना हर मात दा नीम मा पुरा भरोसा माळ सकतीन.

8

उदारता पुरवक दान कोळोद

1 ईग हे वारटुरा अदकि आकतीगेरा, नाव नीमी परमेश्वर उन अनुग्रह जो मकदिनया नगर इन मंडलीगोळ मा आत नाव चाहासतेव की नीमी मालूम नळुल. 2 की क्लेश इन धोळ्द परीक्षा दा आंदुरद धोळ्द खुशी अदकि भारी कंगालपन दा आंदुर उदारता हापाळ वाळुसेत. 3 आंदुर बारा दा नान ईद गवाही आद की आंदुर तान सामर्थ्य तुमकु उलटा सामर्थ्य से भी व्हार्या, मन देल कोटार. 4 अदकि ई दान दा अदकि यहूदीगोळ्द परमेश्वर उन पवतिर लांकुरद स्यावा दा सहभागी

आगोद अनुग्रह अन्द बारा दा, नाम से घळी-घळी हापाळ वनिती माळदुर, ⁵ अदकि ह्यांग नाव आशा माळीदेव, हांग अच ईला उलटा आंदुर प्रभु उक बाक परमेश्वर उन इच्छा देल नामी भी तान तान इक कोट बुट्टुर. ⁶ इदुरसाटी नाव तीतुस से वनिती माळीदेव कि ह्यांग आव पयले सुरूवात माळीदुन, हांग अच नीम न्याड्या दा ई दान कोळोद कृपा अन्द क्याल्सा अक लगातार पुरा माळुल. ⁷ इदुरसाटी ह्यांग नीव सप्पा मात दा मतलब वशिवास, वचन, ग्यान अदकि सप्पा प्रकार इन कोशशि दा, अदकि आ प्यार दा जो नाम से ईटतीर, वाळुस्त होगतीर, हांग अच ई दान इन कृपा अन्द क्याल्सा दा भी वाळुस्त होगी.

⁸ ना आग्या अन्द रीतमा रा ईला, लेकीन दुसरा लॉकुरद तोरसद उत्साह देल नीम प्यार इन सचचाई इक परखुसोर साटी अनतीन. ⁹ नीव नाम प्रभु यीशु मसीह अन अनुग्रह अरूतीर कि आव धनी ईतकु भी नीम साटी कंगाल आगेदुन, ताकी आऊन कंगाल आगदुर देल नीव धनी आगेगी.

¹⁰ ई मात दा नान सला ईदा आद: ईद नीम साटी वळ्लीद आद, जो ऊंद साल टु ना रा सरिफ क्याल्सा अक माळदुर दा अच, लेकीन ई मात इन चाहासदुर दा भी पयला आगदुर, ¹¹ इदुरसाटी ईग ईद क्याल्सा पुरा माळी कि ह्यांग इच्छा माळदुर दा नीव तयार ईरीर, हांग अच तान तान पूजी इन अनुसार पुरा भी माळी. ¹² यतकी अगर मन देल कोळोद तयारी आद रा अदुर अनुसार परमेश्वर आ दान इक ग्रहण भी माळ्यान जो आऊन हात्ती आद, ना कि आऊन अनुसार जो आऊन हात्ती हैलेच.

¹³ हगि ईला कि दुसरा अक चैन अदकि नीमी क्लेश सकिल, ¹⁴ लेकीन बराबरी इन वचार देल ई समय नीम बळती आंदुर घटी दा क्याल्सा बरूल, ताकी आंदुर बळती भी नीम घटी दा क्याल्सा बरूल कि बराबरी आगेगुल. ¹⁵ ह्यांग शास्त्र दा लखिसकु आद, “याव हापाळ जेळदुन आऊन ज्यादा होटीदलि, अदकि याव थ्वाळासा जेळदुन आऊन गोरत भी होटीदलि.”

तीतुस अदकि आऊन सहकर्मी

¹⁶ परमेश्वर उन धन्यवाद आगुल, याव नीम साटी अदा उत्साह तीतुस उन दलि दा हाक्क बुटान! ¹⁷ कि आव नाम समजुसोद मान्स कौडुन उलटा हापाळ उत्साही आगकु आव तान इच्छा देल नीम हात्ती होग्याद. ¹⁸ नाव आऊन सांगुळ आ वार्ट उक भी कळेव यार्द हेसुर खुशखबरी इन बारा दा सप्पा मंडली दा फैलुसकु आद; ¹⁹ अदकि ईट अच ईला, लेकीन आव मंडली द्वारा नयिकुत भी आदुन कि ई दान इन क्याल्सा अन्द साटी नाम सांगुळ होगुल. नाव ईद स्यावा इदुरसाटी माळतेव कि प्रभु उन महिमा अदकि नाम मन इन तयारी प्रगट आगेगुल.

²⁰ नाव ई मात दा सावधान ईरतेव कि ई उदारता अन्द क्याल्सा अन्द बारा दा यार स्यावा नाव माळतेव, यावारा नाम मा दोष हच सकबाळुल. ²¹ यतकी जो मातगोळ सरिफ प्रभु उन हात्ती इच ईला, लेकीन मंळसागोळद हात्ती भी भला आव नाव अऊरद चन्तिता माळतेव.

²² नाव आऊन सांगुळ तान वार्ट उक भी कळेव, यारी नाव घळी-घळी परखुसकु हापाळ सा मातगोळ दा उत्साही आगतेला नोळेव; लेकीन ईग नीम मा आऊक हापाळ भरोसा आद, ई कारण आव मातत यक्कुल उत्साही आन. ²³ अगर यावारा तीतुस उन बारा दा केळुल, रा आव नान संगी अदकि नीम साटी नान सहकर्मी हुन; अदकि अगर नाम वार्टुरद बारा दा केळुल, रा आंदुर मंडलीगोळद कळुकु अदकि मसीह अन्द महिमा उर. ²⁴ इदुरसाटी तान प्यार अदकि नाम अद घमण्ड जो नीम बारा दा आद मंडलीगोळद मुंद सदिध माळकु आंदरी तोरसी.

9

संगी-मसीहगोळद साटी सहायता

¹ ईग आ स्यावा अन्द बारा दा जो पवतिर लॉकुरद साटी माळकु आगतद, नानी नीमी लखिसोद जरूरी हैलेच. ² यतकी ना नीम मन इन तयारी इक अरूतीन, यदुर कारण ना नीम बारा दा मकदिनया नगर इन ईरावाळेद मुंद घमण्ड तोरसतनि कि अखाया नगर इन लॉकुर ऊंद साल टु तयार आग्यार, अदकि नीम उत्साह मातत हापाळ मुंदुर इक भी तयार माळ्याद. ³ लेकीन ना वार्टुर इक इदुरसाटी कळीन कि नाव जो घमण्ड नीम बारा दा तोरसदेव, अद ई मात दा व्यर्थ ईरबाळुल; लेकीन ह्यांग

ना अंदीन हांग अच नीव तयार ईरी, ⁴हगि आगबाळुल कि अगर यावारा मकदिनयिया नोर ईरावाळेर नान सांगुळ बरूल अदकि नीमी तयार ईला नोळुल, रा आग सकतद कि ई भरोसा अन्द कारण नाव ईद अनालेव कि नीव लज्जति आदेव. ⁵इदुरसाटी ना वार्दुर से ईद वनिती माळोद जरूरी समसदीन कि आंदुर पयले टु नीम हात्ती होगुल, अदकि नीम उदारता अन्द काय यदुर बारा दा पयले टु वचन कोटक आगीत, तयार माळकु ईटुल कि ई दबाव देल ईला लेकीन उदारता अन्द काय इन घाई तयार आगुल.

⁶लेकीन मात ईद आद: जो थ्वाळासा बोऊसतान, आव थ्वाळा अच कळदान; अदकि जो हापाळ बोऊसतान, आव हापाळ कळदान. ⁷हर ऊंद मंळसा ह्यांग मन दा ठानसयान हांग अच दान माळुल; ना कुळकुळस तेला अदकि ना दबाव देल, यतकी परमेश्वर खुशी देल जो कोळतान आऊन से अच प्यार ईटतान. ⁸परमेश्वर सप्पा प्रकार इन अनुग्रह नीमी हापाळ तरीका देल कोळ सकतान यदुर देल हर मात दा अदकि हर समय, सप्पा येनारा, जो नीमी जरूरी आद, नीम हात्ती ईरूल; अदकि हर ऊंद वळ्ळीद क्याल्सा अन्द साटी नीम हात्ती हापाळ येनारा ईरूल. ⁹ह्यांग शास्त्र दा लखिसकु आद,

“आव सळग्यान माळदुन, आव कंगालगोळी दान कोट्टुन,

आऊन न्याय हमेशा बन्सकु ईत्तीत.”

¹⁰इदुरसाटी जो बोऊसावाळा अक बीजा अदकि ऊमोर साटी रोट्टी कोळतान, आव नीमी बीजा कोट्टान, अदकि आऊक फलवन्त माळयान; अदकि नीम न्याय इन कायगोळी वाळुसयान. ¹¹नीव हर मात दा सप्पा प्रकार इन उदारता अन्द साटी जो नाम द्वारा परमेश्वर उन धन्यवाद माळसुसतद, धनवान माळकु आदीर. ¹²यतकी ई स्यावा अक पुरा माळदुर देल ना सरिफ पवतिर लॉकुरद जरवतगोळ पुरा आगताव, लेकीन लॉकुर दी टु परमेश्वर उन भी हापाळ धन्यवाद आगतद. ¹³यतकी ई स्यावा अक प्रमाण स्वीकार माळकु आंदुर परमेश्वर उन महिमा प्रगट माळतार कि नीव मसीह अन्द खुशखबरी इक मानसकु आऊन हात्ती ईरतीर, अदकि आंदुरद अदकि सप्पा मुंदुरद सहायता माळदुर दा उदारता प्रगट माळतेला ईरतीर. ¹⁴अदकि आंदुर नीम साटी प्रार्थना माळतार; अदकि इदुरसाटी कि नीम मा परमेश्वर उन हापाळ अच अनुग्रह आद, नीम लालसा माळतेला ईरतार. ¹⁵परमेश्वर उन, आऊन आ दान इन साटी जो वर्णन टु व्हाऱ्या आद, धन्यवाद आगुल.

10

पौलुस उन अधिकार

¹ना आवा पौलुस हुईन जो नीम मुंद गरीब आईन लेकीन बेन हदि नीम दी साहस माळतीन, नीमी मसीह अन्द नमरता अदकि कोमलता अन्द कारण समझुसतीन. ²ना ईद वनिती माळतीन कि नीम मुंद नानी नरिभय आगकु साहस माळोद बळिबाळुल, ह्यांग ना थ्वाळासा लॉकुर मा जो नामी मय इन अनुसार नळावाळेर समस्तार, आंदरी साहस तोरसोद वचारि माळतीन. ³यतकी नाव मय इन अनुसार नळुतेव अदकि वयाळतेव, तरी भी नाव मय इन अनुसार लळाई माळालेव. ⁴यतकी नाम लळाई इन हथयार शारीरकि ईला, लेकीन कल्लिागोळ्द नाश माळोर साटी परमेश्वर उन सामर्थ्य देल परपुर्ण आद. ⁵इदुरसाटी नाव कल्पनागोळ्द अदकि हर ऊंद धोळ्द मात इन, जो परमेश्वर उन पयचान इन वरिध दा येळतद, खंडन माळतेव; अदकि हर ऊंद भावना अक कैद माळकु मसीह अन्द आग्याकारी माळ बुळतेव, ⁶अदकि तयार ईरतेव कियोग नीम आग्या पालन पुरा आगेगुल, रा हर ऊंद प्रकार इन आग्या अन्द उल्लंघन माळावाळेर इक दण्डति माळेव.

⁷नीव अवा मातगोळी नोळी, जो कण्णगोळ्द मुंद आव. अगर यारीकारा तान मा ईद भरोसा आद कि ना मसीह नव हुईन, रा आव ईद भी जानस कोमुल कि ह्यांग आव मसीह नव हुन हांग अच नाव भी हुयेव. ⁸यतकी अगर ना आ अधिकार इन बारा दा मात्त यक्कुल घमण्ड तोरसाईन, जो प्रभु नीम बीगळुसोर साटी ईला लेकीन सुधूसोद साटी नामी कोटान, रा ना लज्जति ईला आगाईन. ⁹ईद ना इदुरसाटी अनतीन कि चिट्ठी गोळ्द द्वारा नीमी अंजक्या तोरसावाळा ठहरूसतीदील. ¹⁰यतकी आंदुर अनतार, “आऊन चिट्ठी गोळ रा गंभीर अदकि प्रभावशाली आव; लेकीन याग आव मुंद इरतान, रा आव मय देल कमजोर अदकि माताळदुर दा हल्का अरूकु आगतान.” ¹¹जो

हगि अनतान, आव ईद ऊमसुल कि ह्यांग बेन हदि चट्ठी गोळ दा नामव वचन आव, हांग अच नीम मुंद नामव क्याल्सा भी ईत्ताव.

12 यतकी नामी ईद साहस हैलेच कि नाव तान तान इक आंदुर दा टु येनारा सांगुळ आळुल या आंदुर से खुद इक मीलुसुल, जो तान प्रशंसा खुद माळतार, अदकि तान तान इक आपस दा आळदकु तौलुसकु आबुर दाबुर से मलान माळतार, आ लॉकुर खुद मूर्ख ठहरूस्तार. 13 नाव रा सीमा टु व्हार्या घमण्ड यागलु भी माळतीदील, लेकीन अदा सीमा ताका जो परमेश्वर नाम साटी ठहरूस्यान, अदकि अदुरदा नीव भी होट बंदीर, अदकि आऊंदा अनुसार घमण्ड भी माळ्यार. 14 यतकी नाव तान मर्यादा अन्द व्हार्या होगालेव, जसा कि नीम ताका पोहचुसोद दशा दा ईला ईराईत, उलटा मसीह अन्द खुशखबरी केळसतेला नीम ताका पोहचुसेग्याव. 15 नाव मर्यादा टु व्हार्या दुसरा अन मेहनत मा घमण्ड माळालेव; लेकीन नामी आशा आद कि याग-याग नीम वशिवास वाढुस्तेला होदीत आग-आग नाव तान मर्यादा अन्द अनुसार नीम कारण मात्त वाढुस्त होदेव, 16 ताकी नाव नीम मर्यादा से मुंद वाढुसकु खुशखबरी केळसेव, अदकि ईद ईला कि नाव दुसरा अन मर्यादा अन्द बुळक माळदव क्याल्सा मा घमण्ड माळेव.

17 ह्यांग शास्त्र अनतद, घमण्ड माळोद आद, आव प्रभु मा घमण्ड माळुल. 18 यतकी जो तान बळाई माळतान आव ईला, लेकीन यार्द बळाई प्रभु माळतान, आवा ग्रहण माळकु आगतान.

11

पौलुस अदकि ख्वाटा प्रेरति

1 अगर नीव नान थ्वाळासा मूर्खता सहन माळ कोमायदीर रा येन ईद भला आगाईत; हव, नान सहन भी माळी. 2 ना नीम बारा दा ईर्ष्या ईटतीन ह्यांग परमेश्वर ईटतान, नीव ऊंद पवतिर कुवारा पोर इन घाई आईर, यारी ना सरिफ ऊंद मंळसा अक, खुद मसीह अन्द सांगुळ मदा माळोद वादा माळीदनि. 3 लेकीन ना अंजतीन कि ह्यांग हाव तान चतुराई देल हवा अक बयकुस्त, हांग अच नीम सीधा साधा मन अदकि पवतिरता देल जो मसीह अन्द सांगुळ ईर पायजे, येल्यारा भ्रष्ट माळकु आगबाळुल. 4 अगर यावारा नीम हात्ती बंदकु यावारा दुसरा यीशु उन प्रचार माळुल, यार्द प्रचार नाव माळीदील; या यातारा दुसरा आत्मा नीमी सकुल, जो पयले ईला सकीदाद; या मात्त यावारा खुशखबरी केळसुल यदरी नीव पयले मान्सीदील, रा नीव अदरी स्वीकार माळ कोमतीर.

5 ना रा समसतीन कि ना यातारा मात दा धोळ से धोळ प्रेरतिगोळ से गोरत हैलेच. 6 अगर ना माताळदुर दा अनाळी आईन, तरी भी ग्यान दा गोरत हैलेच. नाव इदरी हर मात दा सप्पा प्रकार देल नीम साटी प्रगट माळेव.

7 येन ईदुर दा ना येनारा पाप माळीन कि ना नीमी परमेश्वर उन खुशखबरी ह्यांगारा-मुंगारा केळसदीन; अदकि तान तान इक नम्र माळदीन कि नीव म्याकुच आगेगी? 8 ना दुसरा मंडलीगोळी लुट्सदनि, मतलब ना आंदुर से मजदूरी ताकोडीन ताकी नीम स्यावा माळाईन. 9 *अदकि याग ना नीम सांगुळ ईरीन अदकि नानी गोरत आत, रा ना यार्दु मा बोझ हाक्कीदलि, यतकी वार्दुर मकदिनया नगर टु बंदकु नान जो गोरत ईरोद अदरी पुरा माळदुर; अदकि ना हर मात दा तान तान इक नीम मा बोझ आगदुर देल रोक्सदनि, अदकि रोक्सकु ईटाईन. 10 अगर मसीह अन्द सच्चाई नान दा आद रा अखाया द्याश दा याऊ नानी ई घमण्ड देल रोक्सतदलि. 11 येती? येन इदुरसाटी कि ना नीम से प्यार ईटालीन? परमेश्वर ईद अरूतान कि ना प्यार ईटतीन.

12 लेकीन जो ना माळतीन, अदा माळत ईराइन कि जो धोळ प्रेरति मवका दुंडुसतार ना आ धोळ सीक गोळालीन, ताकी याता मात दा आंदुर घमण्ड माळतार, अदुरदा आंदुर नामद अच घाई ठहरूसुल. 13 यतकी ईत्ता लॉकुर ख्वाटा प्रेरति, अदकि छल कपट देल क्याल्सा माळावाळे, अदकि मसीह अन्द प्रेरतिगोळद रूप ताकोमावाळे उर. 14 ईद येनु अचम्भा अन्द मात आल्लच यतकी शैतान खुद भी ज्योतरिमय स्वर्गदूत उन रूप धारण माळतान. 15 इदुरसाटी अगर आऊन

सेवक भी न्याय इन सेवकगोळ्द घाई रूप ताकोमुल, रा येनु धोळ्द मात हैलेच, लेकीन आंदुर न्याय आंदुर कर्मगोळ्द अनुसार आदीत.

प्रेरति उन रूप दा पौलुस उन दुख भोगसोद

16 ना मात्त अनतीन, याऊ नानी मूर्ख समसबाळ्द; ईलारा मूर्ख अच समसकु नान सहन माळी, ताकी थ्वाळासा ना भी घमण्ड माळ सकाईन. 17 ई आत्मवशिवास इन घमण्ड दा जो येनारा ना अनतीन, अद प्रभु उन आग्या अनद अनुसार ईला पर मान्सी मूर्खता देल अच अनतीन. 18 याग का हापाळ सा लांकुर मय इन अनुसार घमण्ड माळतार, रा ना भी घमण्ड माळाईन. 19 नीव रा समझदार ईतकु खुशी देल मूर्ख लांकुर सहन माळ कोमतीर. 20 यतकी याग यावारा नीमी दास माळ कोमतान, या फायदा नेगुतान, या फसुस कोमतान, या तान तान इक धोड्डेव माळतान, या नीम बाय मा क्याबरा बडुतान, रा नीव सहन माळ कोमतीर. 21 नान अनोद अनादर इन अच बारा दा आद, मान्सी नाव इदुरसाटी नर्बल घाई ईरेव.

लेकीन याग यावारा यातोदारा मात दा हमिमत माळतान-ना मूर्खता देल अनतीन-रा ना भी हमिमत माळतीन. 22 येन आंदुर अच इब्रानी उर? ना भी हुईन. येन आंदुर अच इस्त्राएली उर? ना भी हुईन. येन आंदुर अच अब्राहम उन वंश उर? ना भी हुईन. 23 *येन आंदुर अच मसीह अनद सेवक उर ना यरूर इन घाई अनतीन ना आंदुर से यक्कुल आईन. यक्कुल मयनत माळदुर दा; घळी घळी कैद आगदुर दा; क्वाळागोळ तदुर दा; घळी घळी मृत्यु उन जोखीमगोळ दा. 24 अईद घन ना यहूदीगोळ्द कय देल उंच्यालीस क्वाळागोळ तनिदनि. 25 *मुर घन ना बळसकोंडडीन; ऊंद घन नान मा कल्लगोळ देल पथराव माळकु आत; मुर घन जहाज, यऊर मा ना येरीदनि, मुरदोदव; ऊंद ईळलक ऊंद हागुल ना समुद्र दा कळदनि. 26 *ना घळी घळी यात्रागोळ दा; गांगागोळ जोखीमगोळ दा; डाकूगोळ जोखीमगोळ दा; तान जातीवाळेरे देल जोखीमगोळ दा; गैरयहूदीगोळ देल जोखीमगोळ दा; नगरगोळ जोखीमगोळ दा; आळी इन जोखीमगोळ दा; समुद्र अनद जोखीमगोळ दा; ख्वाटा वार्दुर न्याड्या जोखीमगोळ दा ईत्तीन. 27 मयनत अदकि कष्ट दा; घळी घळी च्याता ईरदुर दा; हसु-नीरअळक दा; घळी घळी उपास माळदुर दा; सोळ इन दनि दा; बनि फळक्या अनद ईरदुर दा; 28 अदकि दुसरा मातगोळी बटिकु यऊर वर्णन ना माळालीन; सप्पा मंडलीगोळ्द चनिता हर दनि नानी वत्त बुळतद. 29 यार नर्बलता देल ना नर्बल आगालीन? यार्द ठोकर तदुर देल नान जीव नोयाल?

30 अगर घमण्ड माळोद जरूरी आद, रा ना तान नर्बलता अनद मातगोळ मा घमण्ड माळाईन. 31 प्रभु यीशु उन परमेश्वर अदकि आप्प जो हमेशा धन्य आन, अरूतान का ना ख्वाटा माताळालीन. 32 *दमशिक नगर दा अरतास राजा दी टु जो शासक ईरोन, आव नानी हुळसुसोर साटी दमशिकगोळ्द नगर मा पयरा कुरसकु ईटीदुन. 33 लेकीन नानी जाळी इन माळ्द फुट्टी दा कुरसकु ऊंद दवार इन खळिकी टु ईळसकु आत, ईत्ता प्रकार देल ना आऊन कय दा टु ऊळ्दकु होटोदनि.

12

पौलुस उन दविय दर्शन

1 यतकी घमण्ड माळोद नान साटी ठीक हैलेच तरी भी माळोद बळितद; इदुरसाटी ना प्रभु उन कोळ्द दर्शनगोळ अदकि प्रकाशगोळ्द चर्चा माळाईन. 2 ना मसीह दा ऊंद मंळसा अक अरूतीन; जो चौदा वर्ष आग्याव का मालूम ईला शरीर सहति, मालूम ईला शरीर रहति, परमेश्वर अरूतान; हगि मंळसा तसिरा स्वर्ग ताका नेगुकु आदुन. 3 ना हगि मंळसा अक अरूतीन का मालूम ईला शरीर सहति, या मालूम ईला शरीर रहति परमेश्वर अच अरूतान 4 का स्वर्गलोक मा नेगुकु आदुन, अदकि हगि मातगोळ केळदुन जो माताळकु आगालव; अदकि आ मातगोळी बाय मा तरोद बराबर हैलेच. 5 हगि मंळसा मा रा ना घमण्ड माळाईन, लेकीन तान मा तान नर्बलतागोळी

* 11:23 ११:२३ प्रेरतिगोळ १६:२३ * 11:25 ११:२५ प्रेरतिगोळ १६:२२; प्रेरतिगोळ १४:१९ * 11:26 ११:२६ प्रेरतिगोळ ९:२३; प्रेरतिगोळ १४:५ * 11:32 ११:३२ प्रेरतिगोळ ९:२३-२५

बटिकु, तान बारा दा घमण्ड माळतीदील. ⁶ यतकी अगर ना घमण्ड माळोद चाहसाईन भी रा मूर्ख आगतीदील, यतकी ना सही माताळाईन; तरी भी रूक्सेगतनि, हगि आगबाळुल कि ह्यांग नानी यावारा नोळतान या नान से केळतान, नानी अदुर देल यक्कुल समसुल.

⁷ इदुरसाटी कि ना परमेश्वर उन प्रकाशन इन यक्कुलता अन कारण तुम्मेगाईन, नान मय दा ऊंद मुळ्ळ नळ्स्कु आत, मतलब शैतान उन ऊंद स्वरुगदूत नानी बुक्की बडुल अदकि घमण्ड माळदुर देल नानी रोकसकु ईटुल. ⁸ ईदुर बारा दा ना प्रभु से मुर घन वनिती माळीन कि ईद नान से दुर आगोगुल. ⁹ अदकि आव नान से अंदुन, “नान अनुग्रह नीन साटी हापाळ आद; यतकी नान सामर्थ्य नर्बलता दा सद्धि आगतद.” इदुरसाटी ना हापाळ खुशी देल तान नर्बलतागोळ मा घमण्ड माळाईन कमिसीह अन्द सामर्थ्य नान मा सावली माळतेला ईरूल. ¹⁰ ई कारण ना मसीह अन्द साटी नर्बलतागोळ दा, अपमान गोळ दा, अदकि गरीबी दा, अदकि उपद्रवगोळ दा, अदकि संकटगोळ दा खुश आईन; यतकी याग ना नर्बल ईरतीन आग अच सामर्थी आगतीन.

कुरन्थिगोळ्द साटी पौलुस उन चनिता

¹¹ ना मूर्ख रा बनसदीन, लेकीन नीव अच नानी ईद माळोर साटी मजबुर माळदीर. नीव रा नान प्रशंसा माळायदीर, यतकी अगर ना येनु हैलेच, तरी भी आ धोड्डेर से धोड्डेर प्रेरतिगोळ से यातोदारा मात दा गोरत हैलेच. ¹² सही प्रेरतिगोळ्द लक्षण भी नीम न्याड्या सप्पा प्रकार इन धीरज सांगुळ चमत्कारगोळ, अदकि अदभुत कयाल्सागोळ, अदकि सामर्थ्य अन्द कयाल्सागोळ देल तोरसकु आदव. ¹³ नीव याता मात दा दुसरा मंडलीगोळ देल गोरत ईरीर, सरिफ इदुर दा कि ना नीम मा तान भार हाक्कीदलि. नान ईद अन्याय माफ माळी.

¹⁴ ना तसिरा घन नीम हात्ती बरली तयार आईन, अदकि ना नीम मा यातोदारा भार हाकतदलि, यतकी ना नीम धन दौलत ईला उलटा नीमी का चाहासतीन. यतकी चकिरगोळी मोय-आप्प उन साटी धन दौलत जमा माळोद बळाल, पर मोय-आप्प उक चकिरगोळ साटी धन जमा माळोद बळितद. ¹⁵ ना नीम आत्मागोळ साटी हापाळ खुशी देल खर्च माळाईन, उलटा खुद भी खर्च आगोगाईन. येन याट यक्कुल ना नीम से प्यार ईटतीन, आट अच गोरत नीव नान से प्यार ईट्टीर?

¹⁶ हगि आग सकतद कि ना नीम मा भार हाक्कीदलि, लेकीन चतुराई देल नीमी ध्वाका कोटकु फसुस कौडीन! ¹⁷ भला, यारी ना नीम हात्ती कळुदीन, येन आंदुर दा टु यारदारा द्वारा ना छल कपट माळकु नीम से येनारा ताकोम कौडीन? ¹⁸ ना तीतुस उक वनिती माळदीन अदकि आऊन सांगुळ ऊंद वार्ट उक कळुदीन, रा तीतुस छल कपट माळकु नीम से येनारा ताकोडुन का? नाव ऊंद अच आत्मा देल सारखा अच हादी देल नळददील का?

¹⁹ नीव ईगासताका समसतदीर कि नाव नीम मुंद खुद इन बचाव माळतेव. नाव रा परमेश्वर उक उपस्थति जान्सकु मसीह दा माताळतेव, अदकि हे प्रयिगोळा, सप्पा मातगोळ नीम उन्नती साटी अच अनतेव. ²⁰ नानी अंज्क आद, ईदारा हगि आगबाळुल कि ना बंदकु ह्यांग चाहासतीन, हांग नीमी नोळतीदलि; अदकि नानी भी ह्यांग नीव चाहासलीर हांग अच नोळीर; अदकि नीम दा झगळा, जलन, सट्टिट, वरीध, ईर्ष्या, चुगली, अभिमान अदकि चेंगळ आगुल; ²¹ अदकि ईलारा हगि आगबाळुल कि नान परमेश्वर नान मात्त नीम मान्या बंदुर मा नान मा दबाव हाकुल अदकि नानी हापाळ मुंदुर साटी मात्त शोक माळोद बळुल, यार पयले पाप माळीदुर अदकि खराब कयाल्सा अदकि व्यभचार अदकि वासना देल, जो आंदुर माळदुर, मन तरिगुसदील.

13

आखरी चेतावनी

¹ ईग तसिरा बार ना नीम हात्ती बरतीन: हर ऊंद मुकदमा सद्धि माळोर साटी येढ्ढ या मुर गवाहगोळ्द जरवत ईरतद. ² ह्यांग ना दुसरा बार नीम सांगुळ ईरीन, हांगा ईग दुर ईरतेला आ लॉकुर से यार पयले पाप माळ्यार, अदकि अन्य सप्पा लॉकुर से ईग पयले से अन बुळतीन कि अगर ना मात बराईन रा बळितीदील, ³ यतकी नीव रा इदुरद सबुत चाहासतीर कि मसीह नान दा माताळतान, जो नीम साटी कमजोर ईला लेकीन नीम दा सामर्थी आद. ⁴ आव कमजोर इन कारण

कूरस मा येरसकु रा आदुन, तरी भी परमेश्वर उन सामर्थ्य देल जत्तिता आन. नाव भी अदुर्दा कमजोर आयेव, लेकीन परमेश्वर देल जो नीम साटी आन, आऊन सांगुळ ऊळदेव.

⁵ तान तान इक जाच वशिवास दा आईर का ईला. तान तान इक जाच. येन नीव तान बारा दा ईद जान्सालीर कियीशु मसीह नीम दा आन? ईलारा नीव जाच दा नकिम्मा होटीर. ⁶ लेकीन नान आशा आद कनिव जान्स कौडीर कनिव नकिम्मा हैलेच. ⁷ नाव तान परमेश्वर से ईद प्रार्थना माळतेव कनिव येनु बुराई माळबाळी, इदुरसाटी ईला कनिव सही कांळ्सीगेव, लेकीन इदुरसाटी कनिव भलाई माळी, बाक नाव नकिम्मा अच ठहरूसेगुल. ⁸ यतकी नाव सच्चाई इन वरिध दा येनु माळ सकालेव, लेकीन सच्चाई इन साटी इच माळ सकतेव. ⁹ याग नाव कमजोर आयेव अदकि नीव ताकतवर आईर, रा नाव खुश आगतेव, अदकि ईद प्रार्थना भी माळतेव कनिव सदिध आगेगी. ¹⁰ ईदुर कारण ना नीम बेन हींद ई मातगोळी लखिसतीन, कनिव उपस्थिति आगकु नानी आ अधिकार इन अनुसार यदरी प्रभु बीगळुसोर साटी ईला लेकीन नीम भलाई इन साटी कोटान, कटनाई देल येनु माळोद बळिबाळुल.

आखरी अभविदन

¹¹ इदुरसाटी हे वार्दुरा अदकि आकतींगेरा, खुश ईरी; सदिध आगतेला होगी; हमिमत ईटी; ऊंदा मन ईटी; मेल मलिाप देल ईरी. अदकि प्यार अदकि शांती इन दाता परमेश्वर नीम सांगुळ ईत्तान.

¹² परमेश्वर उन शुद्ध प्यार दा आबुर दाबुरी पवतिर चुम्मा देल नमस्कार माळी.

¹³ सप्पा मसीह परमेश्वर उन लॉकुर नीमी प्यार अदकि नमस्कार अनतार.

¹⁴ प्रभु यीशु मसीह अन अनुग्रह अदकि परमेश्वर उन प्यार अदकि पवतिर आत्मा अन सहभागीता नीम सप्पा मुंदुर सांगुळ आगतेला ईरूल.

गलातियों के नाम पौलुस प्रेरति की पत्री गलातगिळ हेसुर पौलुस प्रेरति उन चट्ठी परचिय

गलातिया अन्द ईद चट्ठी प्रेरति पौलुस लखिसदुन १:१ ईद अद चट्ठी हुन जो पौलुस गलातिया अन्द मंडली इक मसीह अन जनम इन बाददा ४८-५७ साल इन बीच दा लखिसदुन, गलातिया आ लॉकुर उर जो गलातिया हेसुर इन रोमी प्रांत दा ईरतोगोर. ग्यानी लॉकुरी ईद चट्ठी सही रूप देल मालूम हैलेच, याग आव ईद चट्ठी लखिसदुन आग आव यल ईरोन. मान्सकु आगतद कर् आव इफसिगिळ कुरनिथानगर दा ईतकु ईद कताब लखिसीदान.

आ यहूदी अदकि गैरयहूदी मसीह लॉकुरद हेसुर जो गलातिया दाकळोर मंडली इन सभासद ईरोर आंदुर हेसुर देल ईद चट्ठी लखिसदुन. मसीहगोळी यहूदी नयिमगोळ्द वशिष रूप देल खतना अन पालन माळ पायजे ईद अनावाळेर ख्वाटा शक्षिकगोळ्द सामना माळोर साटी पौलुस वशिष रूप देल ईद चट्ठी लखिसदुन. ईद मसीहगोळ दा हगि समुह ईरोद यदरी जूळाइजर अंदकु आगोद इंदुर मान्सतोगोर कर् गैरयहूदी मसीहगोळ्द खतना माळोद जरूरी आद, आंदुर पौलुस उन प्रेरतिपन इन अधकार मा प्रश्न चनिह हाकदुर. पौलुस आंदुरद थ्वाळासा जीवन कात्ता अन थ्वाळासा भाग हेळकु तान प्रेरतिपन इन पुष्टी माळदुन. १:११-२:१४ ईद स्पष्ट माळतेला कर् मुक्ती सिर्फ यीशु मसीह मा वशिवास माळदुर देल अच सकितद, आव खुशखबरी इन पुष्टी माळदुन. २:१६ मुक्ती परमेश्वर उन प्यार इन फल हुन अद लॉकुरद कर्मकांड इन फल आल्लच.

रूप-रेखा

१. गलातिया अन मंडली इक नमस्कार अंदकु पौलुस ईद चट्ठी इन सूरवात माळतान. १:१-५
२. तान शक्षि कोळोद अधकार इन पुष्टी माळोर साटी पौलुस तान जीवन इन थ्वाळासा पार्श्वभुमी स्पष्ट माळतान आव ईद हेळोर साटी कर् आव नयिम शास्त्र अन अनुसार ईरोद ईद जीवन इन कोशशि माळदुन, लेकीन आव येनु सफलता हासलि माळीदलि. १:६-२:२१
३. इंदुर बाददा नयिम अदकि कृपा नामी मुक्ती कोळोर साटी येन भुमका नभिसताव ईद आव स्पष्ट माळतान. ३-४
४. वळ्लीद मसीह जीवन इन साटी आव थ्वाळासा साधारण सुचना कोळतान. ५:१-६:१०
५. पौलुस आखरी दा आखरी वनिती माळतान कर् परमेश्वर उन द्वारा व्हाशोद मळसा बनसोद ईद खतना घाई व्हार्यागोळ्द रीति देल हापाळ महत्वपुर्ण आद इदरी याद ईटी अदकि नमस्कार माळकु आव ई चट्ठी इक खतम माळतान. ६:११-१८

१ पौलुस उन दी टु यारी प्रेरति नविळ्स्कु आत जो ना मळसागोळ दी टु अदकि ना मळसा अन द्वारा, उलटा यीशु मसीह अदकि परमेश्वर आप्प उन द्वारा, याव आऊक सोत्तुर दा टु जतिता माळदुन, प्रेरति हुन २ अदकि सप्पा वशिवासी वार्दुर दी टु जो नान सांगुळ आर, गलातिया अन मंडलीगोळी शुभकामनागोळ कळदुर दा शामिल आर:

३ नाम परमेश्वर आप्प अदकि प्रभु यीशु मसीह अन दी टु नीमी अनुग्रह अदकि शांती कोळतेला ईरूल. ४ प्रभु यीशु मसीह तान तान इक नाम पापगोळ साटी कोट बुट्टुन, ताकी नाम परमेश्वर अदकि आप्प उन इच्छा अन अनुसार नामी ई वर्तमान बुरा युग देल बळिसुसुल. ५ परमेश्वर उन स्तुति अदकि महमा हमेशा आगतेला ईरूल. आमीन.

यातोदु दुसरा खुशखबरी हैलेच

६ नानी आश्चर्य आगतद कर् याव नीमी मसीह अन अनुग्रह देल कार्सदुन आऊन से नीव ईट जल्दी तरिगकु दुसरा अच प्रकार इन खुशखबरी इन दी झुक्सली हतदीर. ७ लेकीन अद दुसरा खुशखबरी इच हैलेच: लेकीन मात ईद आद कर् यास हगि आर जो नीमी उलझन दा हाक्क बुळतार, अदकि मसीह अन खुशखबरी इक बगिळुसोद चाहासतार. ८ लेकीन अगर नाव, या स्वर्ग टु यावारा

स्वरगदूत भी खुशखबरी इक बटिकु जो नाव नीमी प्रचार माळकु केळसेव, यावारा अलग खुशखबरी नीमी प्रचार माळकु केळसुल, जो आ खुशखबरी टु अलग आद, रा आंदुर शापति आदार. ⁹ ह्यांग नाव पयले अंद कोंडेव, हांग अच ना ईग मात्त अनतीन की आ खुशखबरी इक बटिकु यदरी नीव ग्रहण माळीर, अगर यावारा मात्त खुशखबरी केळसतान, रा शापति आगुल.

¹⁰ ईग ना येन मंळसागोळी मानसतीन या परमेश्वर उक? येन ना मंळसागोळी समझुसोद चाहासतीन? अगर ना ईगासताका मंळसागोळी इच समझुसतेला ईरायदीन रा मसीह अन दास ईला आगायदीन.

पौलुस ह्यांग प्रेरति बन्सदुन

¹¹ हे वारटुरा अदकि आकतींगेरा, ना नीमी हेळ बुळतीन की जो खुशखबरी ना केळसदीन, अद मंळसागोळ्द आल्लच. ¹² यतकी अद नानी मंळसा अन दी टु पोहचुसीदील, अदकि ना नानी केळसकु आत, लेकीन यीशु मसीह अन प्रकाशन देल सकित. ¹³ यहुदी मत दा जो पयले नांद चाल चलन ईरोद अदुरद बारा दा नीव केळ कोंडीर कीना परमेश्वर उन मंडली इक हापाळ अच सतुसीन अदकि नाश माळ तोगीन. ¹⁴ तान हापाळ सा जातीवाळेर से जो नान अवस्था अन ईरोर, यहुदी मत दा यककुल वाळुसतेला होगतोगोद अदकि तान आप्प दादागोळ परंपरागोळ साटी हापाळ अच उत्साही ईरीन. ¹⁵ लेकीन परमेश्वर उन, याव नान मोय इन गर्भ टु अच नानी ठहूसदुन अदकि तान अनुग्रह देल कार्स बुट्टुन, ¹⁶ याग इच्छा आत कीनान दा तान पार उक प्रगट माळुल की ना गैरयहुदीगोळ दा आऊन खुशखबरी केळसाईन, रा ना मास अदकि रक्ता देल सलाह ताकोंडीन, ¹⁷ अदकि ना यरूशलेम इक आंदुर हाती होदीन जो नान से पयले प्रेरति ईरोर, लेकीन अरब इक ओळेदीन अदकि बाक अल टु दमशिक इक वापस बंदीन.

¹⁸ बाक मुर वर्ष इन बाददा ना कैफा टु मुलाकात माळोर साटी यरूशलेम होदीन, अदकि आऊन हाती पंदरा दिन ताका ईत्तीन. ¹⁹ लेकीन प्रभु उन वार्ट याकूब उक बटिकु अदकि प्रेरतिगोळ दा टु यारूकु नोळीदील. ²⁰ जो मातगोळ ना नीमी लखिसतीन, नोळी, परमेश्वर उक उपस्थति जानसकु अनतीन की अव खाटा हैलेच. ²¹ इदुर बाददा ना सीरिया अदकि कलिकिया अन ऊरगोळ दा बंदीन. ²² लेकीन यहुदिया अन मंडलीगोळ जो मसीह दा ईरोर, नान बाय यागलु ईला नोळीदुर; ²³ लेकीन ईदा केळतोगोर की जो नामी पयले सतुस तोगोन, आव ईग अदा वशिवास इन खुशखबरी केळसतान यारी पयले नाश माळतोगोन. ²⁴ अदकि आंदुर नान बारा दा परमेश्वर उन महिमा माळतोगोर.

2

अन्य प्रेरतिगोळ द्वारा पौलुस उक मान्यता

¹ चौदा वर्ष इन बाददा ना बरनबास उन सांगुळ मात्त यरूशलेम इक होदीन, अदकि तीतुस उक भी सांगुळ ओतीन. ² नान होगोद ईश्वरीय प्रकाशन इन अनुसार आत; अदकि जो खुशखबरी ना गैरयहुदीगोळ दा प्रचार माळतीन, अदरी ना आंदरी हेळ बुटीन, लेकीन आबना दा आंदरी जो धोड्डेर सम्सकु आगोर, ताकी हगि आगबाळुल की नान ई समय इन या पछिला दवळ धूप बेकार ठहूसुल. ³ लेकीन तीतुस उक भी जो नान सांगुळ ईरोन अदकि गैरयहुदी आन, खतना माळसुसोर साटी मजबुर माळकु आगीदील. ⁴ ईद आ खाटा वारटुर कारण आत जो चोरी देल बंदीदुर, की आ स्वतंत्रता अन जो मसीह यीशु दा नामी सकियाद, भेद ताकोमकु नाम मा नयितरण हासलि माळुल. ⁵ ऊंद घळीतीम आंदुरद हात्ती आगोद नाव मानसीदील, इदुरसाटी की खुशखबरी इन उपज नीम दा बन्सकु ईरूल. ⁶ बाक जो लाँकुर येनारा सम्सकु आगोर आंदुर चाहे ह्यांग भी ईतीदार नानी इदुर से येनु लेना-देना हैलेच; परमेश्वर यारदु पक्षपात माळालुन आंदुर से जो येनारा सम्सकु आगोर, नानी येनु भी प्राप्त आगीदील. ⁷ लेकीन इदुर वपिरीत याग आंदुर वशिवास इक नोळदुर की ह्यांग यहुदी लाँकुर साटी खुशखबरी इन कयालसा पतरस उक कोटकु आत, हांग अच गैरयहुदीगोळ साटी नानी खुशखबरी केळसोद कोटकु आत. ⁸ यतकी याव पतरस से खतना माळ्द लाँकुर दा प्रेरतिई

✱ 1:13 १:१३ प्रेरतिगोळ ८:३; २२:४,५; २६:९-११ ✱ 1:14 १:१४ प्रेरतिगोळ २२:३ ✱ 1:15 १:१५ प्रेरतिगोळ ९:३-६; २२:६-१०; २६:१३-१८ ✱ 1:18 १:१८ प्रेरतिगोळ ९:२६-३० ✱ 2:1 २:१ प्रेरतिगोळ ११:३०; १५:२

इन क्याल्सा बळा प्रभाव सहति माळसुसदुन, आवा नान से भी गैरयहूदीगोळ दा प्रभावशाली क्याल्सा माळसुसदुन, ⁹ अदकि याग आंदुर आ अनुग्रह अक जो नानी सक्कीत जान्स कोंडुर, रा याकूब, अदकि कैफा, अदकि यूहन्ना जो मंडली इन खंबा सम्सकु आगोर, नानी अदकि बरनबास उक संगती इन ऊमा कय कोट्टुर कनिाव गैरयहूदीगोळ हात्ती होदेव अदकि आंदुर खतना माळ्द लाँकुर हात्ती; ¹⁰ सर्फ ईद अंदुर कनिाव कंगालगोळ्द सुधी ताकोंडेव, अदकि ईदा क्याल्सा अक माळोद ना खुद भी कोशशि माळीन.

पौलुस द्वारा पतरस उन वरिध

¹¹ लेकीन याग कैफा अनताकयाि दा बंदुन, रा ना आऊन बाय मा आऊन सामना माळदीन, यतकी आव दोषी ठहूसीदुन. ¹² इदुरसाटी क् यीकूब उन दी टु येनारा लाँकुर बरोर से पयले आव गैरयहूदीगोळ सांगुळ तनितोगोन, लेकीन याग आंदुर बंदुर रा खतना माळ्द लाँकुर अंज्क इन कारण आव हदि सरकुसेदुन अदकि कनारा माळली कुरतुन. ¹³ आऊन सांगुळ जमा यहूदीगोळ भी कपट माळदुर, ईल ताका क् बरनबास भी आंदुर कपट दा बदिदुन. ¹⁴ लेकीन याग ना नोळदीन क् आंदुर खुशखबरी इन सच्चाई मा सीधा चाल नळालुर, रा ना सप्पा मुंदुर मुंद कैफा से अंदीन, “याग नी यहूदी आगकु गैरयहूदीगोळ घाई नळुत्या अदकि यहूदीगोळ घाई ईलारा नी गैरयहूदीगोळी यहूदीगोळ घाई नळुली येती अनत्या?”

वश्वास द्वारा न्यायी ठहूसोद

¹⁵ नाव रा जनम टु यहूदी हुयेव, अदकि पापी गैरयहूदीगोळ दा टु हैलेच. ¹⁶ *तरी ईद जान्सकु क् मिळसा व्यवस्था अन क्याल्सागोळ देल ईला, लेकीन सर्फ यीशु मसीह मा वश्वास माळोद द्वारा न्यायी ठहूसतान, नाव खुद भी मसीह यीशु मा वश्वास माळदेव कनिाव व्यवस्था अन क्याल्सागोळ देल ईला, लेकीन मसीह मा वश्वास माळदुर देल न्यायी ठहूसदेव; इदुरसाटी क् व्यवस्था अन क्याल्सागोळ देल यातोदु प्राणी न्यायी ठहूसतीदील. ¹⁷ नाव जो मसीह दा न्यायी ठहूसोद चाहासतेव, अगर खुद अच पापी होट्टेव रा येन मसीह पाप इन सेवक आन? यागलु ईला! ¹⁸ यतकी जो येनारा ना केळ्द बुटीन अगर अदरी मात्त माळतीन, रा तान तान इक अपराधी ठहूसतीन. ¹⁹ ना रा व्यवस्था अन द्वारा व्यवस्था अन साटी सोतोदीन क् परमेश्वर मसीह अन्द साटी जत्तिता ईराइन. ²⁰ ना मसीह अन सांगुळ क्रूस मा येर्सकु आगीन, ईग ना जत्तिता ईतीदील, लेकीन मसीह नान दा जत्तिता आन; अदकि ना मय दा ईग जो जत्तिता आईन रा सर्फ आ वश्वास देल जत्तिता आईन जो परमेश्वर उन पार उन मा आद, याव नान से प्यार माळदुन अदकि नान साटी तान तान इक कोट बुट्टुन. ²¹ ना परमेश्वर उन अनुग्रह अक बेकार ठहूसालीन; यतकी अगर व्यवस्था अन द्वारा न्यायीपन आगाईत, रा मसीह अन सायोद बेकार आगाईत.

3

व्यवस्था या वश्वास

¹ हे नरिबुद्धी गलातगिळा, याव नीमी मोहीत माळ कोंडान? नीम रा मान्सी कण्णगोळ मुंद यीशु मसीह क्रूस मा येर्सकु आदुन! ² ना नीम से सर्फ ईद जानसोद चाहासतीन क् नीमी आत्मा, येन व्यवस्था अन क्याल्सागोळ देल या वश्वास इन समाचार देल सक्कित? ³ येन नीव हगि नरिबुद्धी आईर क् आत्मा अन रीतमा सूरवात माळकु ईग मय इन रीतमा अन्त माळीर? ⁴ येन नीव ईट दुख बेकार अच नेगदीर? लेकीन यागलु बेकार हैलेच. ⁵ जो नीमी आत्मा दान माळतान अदकि नीम दा सामर्थ्य नव क्याल्सा माळतान, आव येन व्यवस्था अन क्याल्सागोळ देल या खुशखबरी मा वश्वास देल हगि माळतान?

⁶ *“अब्राहम रा परमेश्वर मा वश्वास माळदुन अदकि ईद आऊन साटी न्यायीपन आळुक् आत.” ⁷ *इदुरसाटी ईद जान्स कोमी क् जो वश्वास माळावाळेर आर, आंदुर अच अब्राहम उन औलाद उर. ⁸ अदकि पवत्रशास्त्र पयले टु अच ईद जान्सकु क् परमेश्वर गैरयहूदीगोळी

वशिवास देल न्यायी ठहूस्यान, पयले टु अच अब्राहम उक ईद खुशखबरी केळस बुट्टुन की “नीन दा सप्पा जातीगोळी आशीष सकिकीत.” 9 इदुरसाटी जो वशिवास माळावाळेर आर, आंदरी अब्राहम उन सांगुळ आशीष सकिकीत.

10 इदुरसाटी यास लाँकुर व्यवस्था अन क्याल्सागोळ मा भरोसा ईटतार, आंदुर सप्पा श्राप इन हात्ती आर, यतकी शास्त्र दा लखिसकु आद, “जो यावारा व्यवस्था अन कतिब दा लखिसकु सप्पा मातगोळ माळदुर दा स्थरि ईरालुन, आव श्रापति आन.” 11 लेकीन ईद मात प्रगट आद किव्यवस्था अन द्वारा परमेश्वर उन ईल याऊ न्यायी ठहूसालुन, यतकी न्यायी जन वशिवास देल जित्ता ईततान. 12 लेकीन व्यवस्था अन वशिवास देल येनु संबंध हल्लेच; यतकी “जो अवरी मानस्यान, आव अऊर कारण जित्ता ईततान.” 13 मसीह जो नाम साटी श्रापति बन्सदुन, नामी कौडकु व्यवस्था अन श्राप देल बळिसुसदुन, यतकी शास्त्र दा लखिसकु आद, “जो यावारा कूस मा लटकुसकु आगतान आव श्रापति आन.” 14 ईद इदुरसाटी आत की अब्राहम उन आशीष मसीह यीशु दा गैरयहूदीगोळ ताका पोहचुसुल, अदकि नाव वशिवास इन द्वारा आ आत्मा अक प्राप्त माळेव यदुरद वादा आग्याद.

व्यवस्था अदकि वाचा

15 हे वारटुरा अदकि आकतींगेरा, ना मळसा अन रीतमा अनतीन; मळसा अन वाचा जो पक्का आगोगतद, रा ना यावारा अदरी टाल्सतान अदकि ना अदुरदा येनारा वाळुस्तान. 16 इदुरसाटी वादागोळ अब्राहम उक अदकि आऊन वंश इक कोटकु आग्याव. आव ईद अनालुन, “वंशगोळी,” ह्यांग हापाळ मुंदुर बारा दा अंदुन; लेकीन ह्यांग ऊंद इन बारा दा की “नीन वंश इक” अदकि आव मसीह हुन. 17 लेकीन ना ईद अनतीन: जो वाचा परमेश्वर पयले टु पक्का माळीदुन, अदरी व्यवस्था नाक सौ तीस वर्ष इन बाददा बंदकु टाल्स सकाल्द की वादा बंकार ठहूसुल. 18 यतकी अगर मीरास व्यवस्था देल सकियाद रा बाक वादा देल ईला, लेकीन परमेश्वर अब्राहम उक वादा अन द्वारा कोट बुटान.

19 आग बाक व्यवस्था येती कोटकु आत? अद रा अपराधगोळ कारण बाददा कोटकु आत की आ वंश इन बरासताका ईरूल, यारी वादा कोटकु आगीत; अदकि आव स्वर्गदूतगोळ द्वारा ऊंद मध्यस्थ अन कय दा ठहूसकु आत. 20 मध्यस्थ रा ऊंद इन आगाल्द, लेकीन परमेश्वर ऊंद अच आन.

व्यवस्था अन उद्देश

21 रा येन व्यवस्था परमेश्वर उन वादागोळ वरिध दा आद? यागलु ईला! यतकी अगर हगि व्यवस्था कोटकु आगाईत जो जीवन कोळ सकाईत, रा खराखुरा न्यायीपन व्यवस्था देल ईराईत. 22 लेकीन पवत्रिशास्त्र सप्पा मुंदरी पाप इन हात्ती माळ बुळ्त, ताकी अद वादा यदुरद आधार यीशु मसीह मा वशिवास माळोद आद, वशिवास माळावाळेर साटी पुरा आगोगुल.

23 लेकीन वशिवास इन बरोर से पयले व्यवस्था अन हात्ती ता दा नाम रखवाली आगतोगोद, अदकि आ वशिवास इन बरासताका जो प्रगट आगावाळा ईरोद, नाव अदुरदा बंधन दा ईततेव. 24 इदुरसाटी व्यवस्था मसीह ताका पोहचुसोर साटी नाम गुरु आग्याद की नाव वशिवास देल न्यायी ठहूसेव. 25 लेकीन याग वशिवास होट्ट बत्त, रा ईग नाव गुरु उन हात्ती ईतीदील. 26 यतकी नीव सप्पा आ वशिवास इन द्वारा जो मसीह यीशु मा आद, परमेश्वर उन औलाद हुईर. 27 अदकि नीम दा टु यास मुंदुर मसीह दा बपतसिमा ताकोंडार आंदुर मसीह अक हाक्क कोंडार. 28 ईग ना यावारा यहूदी ईततुन अदकि ना यावारा गैरयहूदी, ना यावारा दास ना यावारा स्वतंत्र, ना यावारा नर ना नारी, यतकी नीव सप्पा यीशु मसीह दा ऊंद आईर. 29 अदकि अगर नीव मसीह अन आईर रा अब्राहम उन वंश अदकि वादा अन अनुसार वारीस भी हुईर.

4

1 ना ईद अनतीन की वारीस यागासताका चगिंद आन, बल्की सप्पा वस्तुगोळ्द स्वामी आन, तरी आऊन दा अदकि दास दा यातोदु भेद हल्लेच. 2 लेकीन आप्प उन ठहूसद समय ताका

संरक्षकगोळ अदकि मुनीमगोळ वश दा ईरतान. ³ हांग अच नाव भी, याग चकिोर ईरव, रा दुनया अन पयले टु शकिषा अन वश दा आगकु दास बन्सकु ईरव. ⁴ लेकीन याग समय पुरा आत, रा परमेश्वर तान पार उक कळुदुन जो आर्त देल पैदा आदुन, अदकि व्यवस्था अन हात्ती पैदा आदुन, ⁵ ताकी व्यवस्था अन हात्ती गोळी कोंडकु बळिस कोमुल, अदकि नामी पार आगोद हक्क सकिल. ⁶ अदकि नीव जो पार हुईर, इदुरसाटी परमेश्वर तान पार उन आत्मा अक, जो “हे अब्बा, हे आप्प” अनकु कारूतान, नाम दलिगोळ दा कळ्यान. ⁷ इदुरसाटी नी ईग दास हैलेच, लेकीन पार हुय; अदकि याग पार आद, रा परमेश्वर उन द्वारा वारीस भी आद.

गलतीगोळ बारा दा पौलुस उन चनिता

⁸ पयले रा नीव परमेश्वर उक ईला जान्सकु आंदुर दास ईरोर जो स्वभाव देल परमेश्वर हैलेच, ⁹ लेकीन ईग जो नीव परमेश्वर उक अर्त कोंडीर बल्की परमेश्वर नीमी अरतुन, रा आ नरिबल अदकि नकिम्मा पयले टु शकिषा अन मातगोळ दी येती तरिगतीर, यार्द नीव दुबारा दास आगोद चाहासतीर? ¹⁰ नीव दनिगोळ अदकि तगिळगोळ अदकि नयित समयगोळ अदकि वर्षगोळी मानसतीर. ¹¹ ना नीम बारा दा अंजतीन, येल्यारा हगि आगबाळुल कि जो मेहनत ना नीम साटी माळदीन अद बेकार ठहूसुल.

¹² हे वारटुरा अदकि आकतींगेरा, ना नीम से वनिती माळतीन, नीव नान घाई आगेगी; यतकी ना भी नीम घाई आगेगीन; नीव नांद येनु बगिळुसीदील. ¹³ लेकीन नीव जानसतीर कि पयले पयले ना मय इन नरिबलता अन कारण नीमी खुशखबरी केळसदीन. ¹⁴ अदकि नीव नान शारीरकि दशा अक जो नीम परीक्षा अन कारण ईरोद, तुच्छ जानसीदील; ना अदुर देल घृणा माळदीन; अदकि परमेश्वर उन स्वर्गदूत बल्की खुद यीशु मसीह अन घाई नानी ग्रहण माळदुन. ¹⁵ रा अद नीम खुशी मानसोद येल होत? ना नीम गवाह हुईन कि अगर आग सकाईत रा नीव तान कण्णगोळी भी तेगु कु नानी कोट्ट बुळायदीर. ¹⁶ रा येन नीम से सही माताळोद कारण ना नीम दुशमन बनसेगीन? ¹⁷ आंदुर नीमी संगी माळोद रा चाहासतार, लेकीन भला उद्देश देल ईला; बल्की नीमी ब्यार माळोद चाहासतार कि नीव आंदरी का संगी माळकोमी. ¹⁸ लेकीन ईद भी वळ्लीद आद कि भला मात दा हर समय संगी माळोद कोशशि माळकु आगुल, ना सर्फ अदा समय याग ना नीम सांगुळ ईरतीन. ¹⁹ हे नान चकिोरा, यागासताका नीम दा मसीह अन रूप बनसेगाल्द, आगासताका ना नीम साटी बाक चगिद हाळाहोती जो दुख आगतद अद दुख नेगुतीन. ²⁰ इच्छा रा ईद आगतद कि ईग नीम हाती बंदकु दुसरा अच प्रकार देल माताळाईन, यतकी नीम बारा दा ना उलझन दा आईन.

पुरा अदकि हाजरा अन उदाहरण

²¹ नीव जो व्यवस्था अन हात्ती आगोद चाहासतीर, नानी हेळी, येन नीव व्यवस्था अन केळालीर? ²² शास्त्र दा ईद लखिसकु आद कि अब्राहम उन येदद पारगोळ आदुर; ऊंद दासी देल अदकि ऊंद स्वतंत्र आर्त देल. ²³ लेकीन जो दासी देल आदुन, आव शारीरकि रीति देल पैदा आदुन; अदकि जो स्वतंत्र आर्त देल आदुन, आव वादा अन अनुसार पैदा आदुन. ²⁴ ई मातगोळ दा उदाहरण आद: ई आर्तेर मानसी येदद वाचागोळ आर, ऊंद रा सीनै पहाळ इन यदुर देल दास अच पैदा आगतार; अदकि आक हाजरा हुळ. ²⁵ अदकि हाजरा मानसी अरब इन सीनै पहाळ हुळ, अदकि आधुनकि यरूशलेम आकनि बराबर आद, यतकी आक तान चकिोर समेत दासत्व दा आर. ²⁶ लेकीन म्याकुच इन यरूशलेम स्वतंत्र आद, अदकि अद नाम मोय हुन. ²⁷ यतकी शास्त्र दा लखिसकु आद,

“हे वांझला, नी जो पैदा माळाल खुशी माळ;

नी यारी दुख नेगाल, कुतक्या खोल्सकु जय जयकार माळ;

यतकी त्यागसद मंळसा अनूद औलाद सुहागीन इन औलाद देल भी यक्कुल आद.”

²⁸ हे वारटुरा अदकि आकतींगेरा, नाव इसहाक इन घाई वादा अन औलाद हुयेव. ²⁹ अदकि ह्यांग आ समय मय इन अनुसार पैदा आगद आत्मा अन अनुसार पैदा आगद उक सतुसोद, हांग अच ईग भी आगतद. ³⁰ लेकीन पवतिरशास्त्र येन अनतद? “दासी अदकि आकनि पार उक तेगु बुळ, यतकी

दासी अन पार स्वतंत्र आर्त इन पार उन सांगुळ उत्तराधिकारी आगतीदील.” 31 इदुरसाटी हे वार्दुरा अदकि आकतींगेरा, नाव दासी नोर ईला लेकीन स्वतंत्र आर्त इनोर औलाद हुयेव.

5

स्वतंत्रता अक सुरक्षति ईटी

1 मसीह स्वतंत्रता अन साटी नामी स्वतंत्र माळ्यान; इदुरसाटी इदुरदा अच स्थरि ईरी, अदकि दासत्व अन जुआ दा मात बळिबाळी. 2 नोळी, ना पौलुस नीम से अनतीन कि अगर खतना माळसुसीर, रा मसीह देल नीमी येनु लाभ आगतीदील. 3 तरी भी ना हर ऊंद खतना माळसुसावाळा अक वनिती माळतीन कि आऊक सप्पा व्यवस्था मानसोद बदिदीत. 4 नीव जो व्यवस्था अन द्वारा न्यायी ठहरूसोद चाहासतीर, मसीह देल अलग अदकि अनुग्रह देल बदिगीर. 5 यतकी आत्मा अन कारण नाव वशिवास देल, आशा माळ्द न्यायीपन इन हादी कायतेव. 6 मसीह यीशु दा ना खतना अदकि ना खतनारहति येनारा क्याल्सा अन आद, लेकीन सरिफ वशिवास, जो प्यार इन द्वारा प्रभाव हाकत्या. 7 नीव रा भला भातरीरीर. ईग याव नीमी रोकस बुटुन कि सच्चई इन भरोसा माळबाळी. 8 हगि सीख नीम कारावाळा अन दी टु हैलेच. 9 थ्वाळासा खमीर सप्पा कालसद हीट इक खमीर माळ बुळतद. 10 ना प्रभु मा नीम बारा दा भरोसा ईटतीन कि नीम यातोदारा दुसरा वचार ईरतीदील; लेकीन जो नीमी घबूस बुळतान, आव यावारा येती आगबाळुल फैसला आदीत. 11 लेकीन हे वार्दुरा अदकि आकतींगेरा, अगर ना ईगासताका खतना अन प्रचार माळतीन, रा येती ईगासताका सतुस्कु आगतीन? बाक रा क्रूस इन ठोकर होगतेला ईत्त. 12 भला आगाईत कि जो नीमी डावाडोल माळतार, आंदुर तान मय अच कोद बुळायदुर.

13 हे वार्दुरा अदकि आकतींगेरा, नीव स्वतंत्र आगोर साटी कारसकु आगीर; लेकीन हगि आगबाळुल कि ईद स्वतंत्रता शारीरकि क्याल्सागोळ साटी मवका बनसुल, बल्की प्यार देल आबुर दाबुर दास बनसी. 14 यतकी सप्पा व्यवस्था ई ऊंद अच मात दा पुरा आगेतद, “नी तान हातळोर से तान घाई प्यार ईट.” 15 लेकीन अगर नीव आबुर दाबुर इक हल्ल देल कचतीर अदकि हरूकु तनितीर, रा सावधान ईरी कि आबुर दाबुर सत्यानाश ना माळबुळी.

पवतिर आत्मा द्वारा संचालन

16 लेकीन ना अनतीन, आत्मा अन अनुसार नळदीर रा नीव मय इन लालसा यातोदारा रीत दि देल पुरा माळतीदील. 17 यतकी मय आत्मा अन वरिध दा अदकि आत्मा मय इन वरिध दा लालसा माळतद, अदकि ईव आबुर दाबुर वरिधी आव, इदुरसाटी कि जो नीव माळोद चाहासतीर अद माळ सकबाळी. 18 अदकि अगर नीव आत्मा अन नळसदुर देल नळुतीर रा व्यवस्था अन हातती ईतीदील. 19 मय इन क्याल्सा रा प्रगट आव, मतलब व्यभचार, खराब क्याल्सा, लुचपन, 20 मूर्तपूजा, जादु टोना, दुश्मनी, झगळा, जलन, सटिट, वरिध, फूट, स्वार्थीपन, 21 जलन, मतवालापन, अवैध संबंध, अदकि ईऊर घाई मात दुसरा क्याल्सा आव, ईऊर बारा दा ना नीम से पयले टु अच अंद बुळतीन हयांग पयले अंद भी कौडीन, कि ईत्ता क्याल्सा माळावाळे परमेश्वर उन राज्य अन वारीस आगतीदील. 22 लेकीन आत्मा अन काय, प्यार, खुशी, शांती, धीरज, कृपा, भलाई, वशिवास, 23 नम्रता, अदकि संयम आद; हगि-हगि क्याल्सागोळ वरिध दा यातोदारा भी व्यवस्था हैलेच. 24 अदकि जो मसीह यीशु नोर आर, आंदुर मय इक आऊन लालसागोळ अदकि अभलिषागोळ समेत क्रूस मा येरस बुटार.

25 अगर नाव आत्मा अन द्वारा जतिता आयेव, रा आत्मा अन अनुसार नळदेव भी. 26 नाव घमण्डी आगकु ना आबुर दाबुर इक छेळसेव, अदकि ना आबुर दाबुर से जलनखोरी माळेव.

6

आबुर दाबुर सहायता माळी

1 हे वार्दुरा अदकि आकतींगेरा, अगर यावारा मंळसा यातोदारा अपराध दा हुळकु भी आगतान रा नीव जो आत्मकि आईर, नम्रता अन सांगुळ ईत्ता मंळसा अक संभाळसी, अदकि तांद भी सावधानी ईटी की नीव भी परीक्षा दा बळिबाळी. 2 नीव आबुर दाबुर बोझ नेगी, अदकि ईत्ता प्रकार मसीह अन व्यवस्था अक पुरा माळी. 3 यतकी अगर यावारा येनु ईला ईत्तुर मा भी तान तान इक येनारा समस्तान, रा तान तान इक ध्वाका कोळतान. 4 लेकीन हर ऊंद तांद अच क्याल्सा अक जाच कोमुल, अदकि आग दुसरा अन बारा दा ईला लेकीन तांद अच बारा दा आऊक घमण्ड माळोद मवका सकिकीत. 5 यतकी हर ऊंद मंळसा तांद अच बोझ नेगदान.

6 यारी वचन इन शकिषा सकितद, आव सप्पा वळ्लेव वस्तुगोळ दा कलसावाळा अक भागी माळुल.

7 ध्वाका तनिबाळी; परमेश्वर मज्याक दा हारसकु आगालुन, यतकी मंळसा जो फसल हच्यान आव अदा कळदान. 8 यतकी जो तान मय इन साटी हचतान, आव मय इन द्वारा वनिश इन कटनी कळदान; अदकि जो आत्मा अन साटी हचतान, आव आत्मा अन द्वारा अनन्त जीवन इन कटनी कळदान. 9 नीव भला क्याल्सा माळदुर दा साहस बळिबाळी, यतकी अगर नाव ढलिा ईरतीदील रा ठीक समय मा कटनी कळदेव. 10 इदुरसाटी येल ताका समय सकिकीत नाव सप्पा घराना अन सांगुळ वळ्लीद माळेव, वशिष माळकु वशिवासी वार्दुर सांगुळ.

आखरी चेतावनी अदकि अभविदन

11 नोळी, ना ह्यांग धोळ धोळ अक्षरगोळ दा नीमी तान कय देल लखिसीन. 12 जो लाँकुर शारीरकि दखावा चाहासतार आंदुर अच नीमद खतना माळसुसोर साटी दबाव हाकतार, सरिफ इदुरसाटी की आंदुर मसीह अन क्रूस इन कारण सतुस्कु आगबाळुल. 13 यतकी खतना माळसुसावाळेर खुद रा व्यवस्था मा नळालुर, लेकीन नीम खतना इदुरसाटी माळसुसोद चाहासतार की नीम शारीरकि दशा मा घमण्ड माळुल. 14 लेकीन हगि आगबाळुल की ना दुसरा यातोदारा मात मा घमण्ड माळाईन, सरिफ नाम प्रभु यीशु मसीह अन क्रूस इन, यार्द द्वारा दुनया नान नजर दा अदकि ना दुनया अन नजर दा क्रूस मा येरसकु आगीन. 15 यतकी ना खतना अदकि ना खतनारहति येनारा आद, लेकीन व्हाशोद दुनया. 16 यास ई नयिम मा नळदार आंदुर मा, अदकि परमेश्वर उन इस्त्राएल मा शांती अदकि दया आगतेला ईरूल.

17 मुंद नानी याऊ दुख कोळबाळुल, यतकी ना यीशु अन दागगोळी तान मय दा हुळकु टेटाळतीन. 18 हे वार्दुरा अदकि आकतींगेरा, नाम प्रभु यीशु मसीह अन अनुग्रह नीम आत्मा अन सांगुळ ईरूल. आमीन.

इफसियों के नाम पौलुस प्रेरति की पत्री इफसिगिळ हेसुर पौलुस प्रेरति उन चट्ठी परचिय

मसीह अन जनम इन साठ वर्ष पयले इफसिगिळ चट्ठी अदकि कुलुससगिळ चट्ठी लगभग सांगुळ लखिसकु आगीत.

प्रेरति पौलुस ईद सुचति माळतान कि आवा चट्ठी इन लेखक हुन १:१ कुलुससगिळ चट्ठी इन घाई ईद चट्ठी दा व्यक्तत्व शुभेच्छा नोळकु आगाल. तरी भी ज्यादा तर वधिवानगोळ ईद मानसतार कि पौलुस अच ईद चट्ठी लखिसीदान. ईदा कारण प्रांत इन अलग अलग मंडली दा ईद चट्ठी तरिगुसकु वाचुसकु आगुल हगि पौलुस उन ईरादा आग सकतद, याग आव ईद चट्ठी लखिसदुन आग पौलुस ईद हेळतान कि आव कैद दा ईरोन, ३:१; ४:१ अदकि ६:२० याग तकिकिस इफसिगिळ मंडली इक सकिली इफसियों होगोन आग पौलुस ईद चट्ठी आऊन कय दा कळुदुन ६:२१-२२

इफसियों ऊंद हापाळ धोळद शयर ईरोद, आ समय एशिया माइनर प्रांत इन अद राजधानी ईरोद. शयर दा अर्तमसि हेसुर ईनव ग्रीक द्याव उन ऊंद धोळद मंदरि ईरोद यदुर कारण देल इफसियों अक हापाळ प्रसद्धी सकित, प्रेरतिगोळ १९:२३-३१ ईद इफसिगिळ मंडली सुरुवात वळ्लीद आत लेकीन बाददा कमजोर भी काळसत प्रकाशतिवाक्य २:१-७ परमेश्वर तान लांकुरी नविळुसकु यीशु मसीह अन द्वारा ह्यांग आंदुरव पापगोळ से छुटकारा कोट्टुन ईद मात पौलुस उन चट्ठी इन पयला भाग स्पष्ट माळतद, आव मंडली इन तुलना आ शरीर इन सांगुळ माळतान कि यार्द मस्तक मसीह अच हुन अदकि आव अद क्वाना अनंद कल्ल आ इमारत देल यार्द क्वाना अनंद कल्ल मसीह हुन कतिब इन दुसरा भाग दा मसीह जीवन ह्यांग जीऊस पायजे ईदुर बारा दा हेळतान.

रूप रेखा

१. पौलुस खुद इन परचिय कोटकु इफसियों अक शुभेच्छा कोळतान. अध्याय १:१-२
२. बाददा आ मंडली इन मसीह अन सांगुळ ह्यांग रशिता ईर पायजे १:३-३:२१
३. बाददा पौलुस मसीह जीवन ह्यांग जीऊस पायजे ईदुर बारा दा हेळतान ४:१-६:२०
४. पौलुस आखरी शब्द दा चट्ठी लखिसकु खतम माळतान ६:२१-२४

1 *नान पौलुस उन दी टु जो परमेश्वर उन इच्छा देल यीशु मसीह अन प्रेरति आन, आ पवतिर अदकि मसीह यीशु दा वशिवासी लांकुरद हेसुर जो इफसिस दा आद:

2 नाम्द आप्प परमेश्वर अदकि प्रभु यीशु मसीह अनंद दी टु नीमी अनुग्रह अदकि शांती सकितेला ईरूल.

मसीह दा आत्मकि आशीषगोळ

3 नाम्द प्रभु यीशु मसीह अनंद परमेश्वर अदकि आप्प उन धन्यवाद आगुल कि आव नामी मसीह दा स्वर्गीय जागागोळ दा सब प्रकार इन आत्मकि आशीष कोट्टुन. 4 ह्यांग आव नामी दुनिया अन उत्पत्तट्टु पयला अदुरदा नीवळुस कौडान

कि नाव आऊन हात्ती प्यार दा पवतिर अदकि नरिदोष आगुल. 5 अदकि तान इच्छा अनंद भला अभिप्राय इन अनुसार नामी तान साटी पयला टु ठहूसदुन कि यीशु मसीह अनंद द्वारा नाव आऊन गोद पार आगुल, 6 कि आऊन आ अनुग्रह अनंद महामि अनंद स्तुति आगुल, यारी आव नामी आ प्रियि दा सेंट-मेंत कोट्टुन. 7 *नामी अदुरदा आऊन रक्ता अन द्वारा छुटकारा, मतलब अपराधगोळद माफी, आऊन आ अनुग्रह अनंद धन इन अनुसार सकियाद, 8 यारी आव पुरा ग्यान अदकि समझ सहति

नाम मा बहुतायत देल माळदुन. ⁹ यतकी आव तान इच्छा अन्द भेद आ भला अभपिराय इन अनुसार नामी हेळदुन, यारी आव खुद तान दा ठान्स कोंडीदुन ¹⁰ कऱ समयगोळ्द पुरा आगोद हगि प्रबन्ध आगुल कऱ जो येनारा स्वर्ग दा आद अदकऱ जो येनारा पृथ्वी मा आद, सप्पा येनारा अद मसीह दा जमा माळुल.

¹¹ अदुर्दा यदुर्दा नाव भी आऊन मनसा देल जो तान इच्छा अन्द मत इन अनुसार सप्पा येनारा माळतान, पयला टु ठहरूसकु आगकु मीरास बनसुल ¹² कऱ नाव, यार पयला टु मसीह मा आशा ईटीदेव, आऊन महमा अन्द स्तुति इन कारण आगुल.

¹³ अदकऱ अदुर्दा नीम मा भी, याग नीव सच्चाई इन वचन केळदीर जो नीमूद उद्धार इन खुशखबरी आद अदकऱ यदुर मा नीव वश्वास माळदीर, वादा माळकु आत पवतिर आत्मा अन्द छाप हत्त. ¹⁴ परमेश्वर उन साटी पैस्या देल कोंडकु आग्यार आंदुर्द छुटकारा अन्द साटी नामूद मीरास इन बयाना हुन, कऱ आऊन महमा अन्द स्तुति आगुल.

पौलुस उन प्रार्थना

¹⁵ ई कारण, ना भी आ वश्वास इन बातणी केळकु जो नीम लॉकुर दा प्रभु यीशु मा आन अदकऱ सप्पा पवतिर लॉकुर मा प्यार प्रगट आद, ¹⁶ नीम साटी धन्यवाद माळोद बळालीन, अदकऱ तान प्रार्थनागोळ दा नीमी याद माळतेला ईरतीन ¹⁷ कऱ नामूद प्रभु यीशु मसीह अन्द परमेश्वर जो महमा अन्द आप्प हुन, नीमी तान पहचान दा ग्यान अदकऱ प्रकाश इन आत्मा कोळुल, ¹⁸ अदकऱ नीमूद मन इन कण्णगोळ जुयोतरिमय आगुल कऱ नीव जान्स कोमी कऱ आऊन बुलाहट इन आशा येन आद, अदकऱ पवतिर लॉकुर दा आऊन मीरास इन महमा अन्द धन हयांग आद, ¹⁹ अदकऱ आऊन सामर्थ्य नाम दा जो वश्वास माळतार, याट महान आद, आऊन शक्ती इन प्रभाव इन आ कार्य अन्द अनुसार ²⁰ जो आव मसीह दा माळदुन कऱ आऊक सोत्तुर दा टु जतिता माळकु स्वर्गीय जागागोळ दा तान ऊममा कय दी कुरसदुन ²¹ ताकी सब प्रकार इन प्रधानता, अदकऱ अधिकार, अदकऱ सामर्थ्य, अदकऱ प्रभुता अन्द, अदकऱ हर ऊंद हेसुर इन म्याकुच, जो ना सरिफ ई दुनया दा पर बरावाळा दुनया दा भी ताकोमकु आदीन, कुरसदुन; ²² *अदकऱ सप्पा येनारा आऊन कालगोळ ल्यालमा माळ बुट्टुन; अदकऱ आऊक सब वस्तुगोळ मा श्रेष्ट ठहरूसकु मंडली इक कोट बुट्टुन, ²³ ईद आऊन मय हुन, अदकऱ आऊन परपिरणता आद जो सब दा सब येनारा पुरा माळतीन.

2

मृत्यु टु जीवन दी

¹ *आव नीमी भी जतिता माळदुन, जो तान अपराधगोळ अदकऱ पापगोळ्द कारण सोतकु ईरोर ² यदुर मा नीव पयला ई दुनया अन रीति मा, अदकऱ आकाश इन अधिकार इन शासक मतलब आ आत्मा अन्द अनुसार नळीर, जो ईंग भी आग्या ईला मान्सावाळेर्द कार्य माळतान. ³ इंदुर दा नाव भी सप्पा अच मुंदुर पयला तान मय इन लालसागोळ दा दनि बत्तिसेव, अदकऱ मय अदकऱ मन इन इच्छागोळी पुरा माळेव, अदकऱ अन्य लॉकुर घाई स्वभाव देल सटिट इन औलाद ईरेव.

⁴ लेकीन परमेश्वर जो दया अन्द धनी आन, तान आ धोळ प्यार इन कारण यार देल आव नाम से प्यार माळदुन, ⁵ याग नाव अपराधगोळ्द कारण सोतकु ईरेव रा नामी मसीह अन्द सांगुळ जतिता माळदुन अनुग्रह देल अच नीमूद उद्धार आत, ⁶ अदकऱ मसीह यीशु दा आऊन सांगुळ नेगदुन, अदकऱ स्वर्गीय जागा दा आऊन सांगुळ कुरसदुन ⁷ कऱ आव तान आ कृपा देल जो मसीह यीशु दा नाम मा आद, बरावाळा समय इन दुनया दा तान अनुग्रह अन्द असीम धन तोरसदुन. ⁸ यतकी वश्वास इन भेट इन द्वारा अनुग्रह देल अच नीमूद उद्धार आत, अदकऱ ईद नीमूद दी टु ईला, बल्की परमेश्वर उन दान हुन, ⁹ अदकऱ ना कर्मगोळ्द कारण, हगि आगबाळुल कऱियावारा घमण्ड माळुल. ¹⁰ यतकी आव नामी माळयान, अदकऱ मसीह यीशु दा आ वळलीद क्यालसागोळ्द साटी माळकु आगीर यारी परमेश्वर पयला टु नामी माळोर साटी तयार माळदुन.

मसीह दा ऊंद

11 ई कारण याद माळी कनीव जो शारीरिक रीति देल गैरयहूदी आईर अदकि जो लॉकुर मय दा कय इन माळकु खतना देल खतनावाळेर कहलुस्तार, आंदुर नीम इक खतनारहति अनतार, 12 नीव लॉकुर आ समय मसीह टु अलग, अदकि इस्त्राएल इन प्रजा अनद पद देल अलग माळकु आदीर, अदकि वादा अनद वाचागोळद भागी ईला ईरोर, अदकि आशाहीन अदकि दुनिया दा मय रहति ईरोर. 13 लेकीन ईग मसीह यीशु दा नीव जो पयला दुर ईरीर, मसीह अनद रक्ता अन द्वारा हात्ती आगेगीर. 14 यतकी आवा नाम्द मेल हुन जो येढु मुंदरी ऊंद माळ कोंडुन अदकि अलग माळावाळा दवार इक जो बीच दा ईरोद केडु बुट्टुन, 15 *अदकि तान मय दा दुश्मनी मतलब अद व्यवस्था यदुर्द आग्यागोळ वधीगोळद रीति मा ईरव, मटिकुस बुट्टुन कियेढु देल तान दा ऊंद व्हाशोद मंळसा पैदा माळकु मेल माळसुस बुळुल, 16 *अदकि कूस मा दुश्मनी इक नाश माळकु इदुर द्वारा येढु मुंदरी ऊंद मय माळकु परमेश्वर देल भेंट माळसुस्थान. 17 आव बंदकु नीमी जो दुर ईरीर अदकि आंदरी जो हात्ती ईरोर, येढु मुंदरी मेल मलिाप इन खुशखबरी केळसदुन. 18 यतकी आऊन द्वारा नाव येढु मुंदुरद ऊंद आत्मा दा आप्प उन हात्ती प्रवेश आगतद.

19 इदुरसाटी नीव ईग परदेशी अदकि मुसाफिर ईतीदील, लेकीन पवतिर लॉकुरद संगी स्वदेशी अदकि परमेश्वर उन घराना दोर आगेदीर. 20 अदकि प्रेरतिगोळ अदकि भवषियवक्तागोळद पायवा मा, यार्द क्वाना अनद कल्ल मसीह यीशु खुद अच आन, माळकु आगीर. 21 यदुरदा पुरा रचना ऊंद सांगुळ मलिसकु प्रभु दा ऊंद पवतिर मंदिर बनसतेला होगतद, 22 यदुरदा नीव भी आत्मा अनद द्वारा परमेश्वर उन नवास स्थान आगोर साटी ऊंद सांगुळ माळकु आगतीर.

3

गैरयहूदीगोळ दा पौलुस उन स्यावा

1 ईदा कारण ना पौलुस जो नीव गैरयहूदीगोळद साटी मसीह यीशु दा बंदीन. 2 अगर नीव परमेश्वर उन आ अनुग्रह अनद प्रबन्ध इन समाचार केळीदीर, जो नीम्द साटी नानी कोटकु आग्याद, 3 मतलब ईद किये अद भेद नान मा प्रकाशन इन द्वारा प्रगट आत, ह्यांग ना पयला अच थवाळासा दा लखिसदीन, 4 *यारी नीव वाचुसकु जानुस सकतीर कनिा मसीह अनद अद भेद यल ताका समसतीन. 5 जो अन्य समयगोळ दा मंळसागोळद औलादगोळ इक हगि ईला हेळकु आगीत, ह्यांग किये आत्मा अनद द्वारा ईग आऊन पवतिर प्रेरतिगोळ अदकि भवषियवक्तागोळ मा प्रगट माळकु आग्याद. 6 मतलब ईद किये मसीह यीशु दा खुशखबरी इन द्वारा गैरयहूदी लॉकुर मीरास दा हसिसेदार, अदकि ऊंद अच मय इन अदकि वादा अनद भागी आर.

7 ना परमेश्वर उन अनुग्रह अनद आ दान इन अनुसार, जो आऊन सामर्थ्य अनद प्रभाव इन अनुसार नानी कोटकु आग्याद, आ खुशखबरी इन सेवक बनसदीन, 8 नान मा जो सप्पा पवतिर लॉकुर दा टु स्याणेव दा टु भी स्याणेव आईन, ईद अनुग्रह आत किये ना गैरयहूदीगोळ इक मसीह अनद अगम्य धन इन खुशखबरी केळसाईन, 9 अदकि सब मा ईद मात प्रकाशति माळुल किये आ भेद इन प्रबन्ध येन आद, जो सप्पा मुंदुर सृजनहार परमेश्वर दा सुरूवात टु गुप्त ईरोद. 10 ताकी ईग मंडली इन द्वारा, परमेश्वर उन अलग अलग प्रकार इन ग्यान आ प्रधानगोळी अदकि अधिकारीगोळ मा जो स्वर्गीय जागा दा आर, प्रगट माळकु आगुल. 11 आ अनन्त मंळसा अनद अनुसार जो आव नाम प्रभु मसीह यीशु दा माळीदुन. 12 यदुर दा नामी आऊन मा विश्वास माळदुर देल साहस अदकि भरोसा अनद सांगुळ परमेश्वर उन हात्ती बरोद अधिकार आद. 13 इदुरसाटी ना वनिती माळतीन किये जो क्लेश नीम साटी नानी आगेत्याद, अदुर कारण साहस बळिबाळी, यतकी अदुर दा नीम्द महमा आद.

मसीह अनद प्यार

14 ना ईदा कारण आ पृथ्वी मा आप्प उन मुंद ट्वांगरा टेकसतीन, 15 यदुर देल स्वर्ग अदकि पृथ्वी मा, हर ऊंद घराना अनद हेसुर ईटकु आगतद, 16 किये आव तान महमा अनद धन इन अनुसार नीमी ईद दान कोळुल किये नीव आऊन आत्मा देल तान बुळ्क इन मंळसातत्व दा सामर्थ्य हासलि

माळकु बलवन्त आगतेला होगी; 17 अदकि वशिवास इन द्वारा मसीह नीमद दलि दा कुरूल कनीव प्यार दा जळ हुळकु अदकि पायवा हाक्कु, 18 सप्पा पवतिर लॉकुरद सांगुळ भला-भाता समसोद शक्तिसकिल का आऊन चौळाई, अदकि लंबाई, अदकि ऊँचाई, अदकि गहराई याट आद, 19 अदकि मसीह अन्द आ प्यार इक जान्स सकी जो ग्यान देल अनजान आर कनीव परमेश्वर उन पुरा भरपुरी ताका परपिर्ण आगेगी.

20 ईग जो हगि सामर्थी आन कनिामद वनिती अदकि समझ देल मात्त यक्कुल कयालसा माळ सकतान, आ सामर्थ्य अन्द अनुसार जो नाम दा कार्य माळतान, 21 मंडली दा अदकि मसीह यीशु दा आऊन महिमा पीढी टु पीढी ताका हमेशा हमेशा आगतेला ईरूल. आमीन.

4

मसीह अन मय दा एकता

1 इदुरसाटी ना जो प्रभु दा बंदीन नीम से वनिती माळतीन का या बुलाहट देल नीव कारूकु आगीदीर, अदुर लायक व्यवहार माळी, 2 मत्तलब पुरा दीनता अदकि नम्रता सहति, अदकि धीरज हुळकु प्यार देल आबुर दाबुरद सहन माळी; 3 अदकि मेल इन बंधन दा आत्मा अन्द एकता ईटोद यत्न माळी. 4 ऊँद अच मय आद अदकि ऊँद अच आत्मा; ह्यांग नीमी जो कारूकु आगीदीर तान कारूकु आगेर देल ऊँद अच आशा आद. 5 ऊँद अच प्रभु आन, ऊँद अच वशिवास ऊँद अच बपतस्मा, 6 अदकि सब मुंदुरव ऊँद अच परमेश्वर अदकि आप्प आन, जो सप्पा मुंदुर म्याकुच अदकि सप्पा मुंदुर बीच दा अदकि सब मुंदुर दा आन.

7 लेकीन नाम दा टु हर ऊँद मळसा अक मसीह अन्द दान इन परमाण इन अनुसार अनुग्रह सकियाद. 8 इदुरसाटी आव अनतान:

“आव ऊँचाई मा येरदुन

अदकि बंदीगोळ इक कटकु ओतुन,

अदकि मळसागोळ इक दान कोट्टुन.”

9 आऊन येरदुर देल, अदकि येन सकितद सर्फि ईद का अद पृथ्वी इन ल्यालमा जागागोळद दा ईळसी भी दुन. 10 अदकि जो ईळदुन ईव आवा हुन जो पुरा आकाश टु म्याकुच येरे भी दुन का सब येनारा परपिर्ण माळुल. 11 आव थ्वाळासा लॉकुरी प्रेरति नयिक्त माळकु, अदकि थ्वाळासा लॉकुरी भवषियवक्ता नयिक्त माळकु, अदकि थ्वाळासा लॉकुरी खुशखबरी केळावाळेर नयिक्त माळकु, अदकि थ्वाळासा लॉकुरी रखवाला अदकि उपदेशक नयिक्त माळकु कोट बुट्टुन, 12 यदुर देल पवतिर लॉकुर सदिध आगेगुल अदकि स्यावा अन्द कयालसा माळकु आगुल अदकि मसीह अन्द मय इक उन्नती सकिकुल, 13 यागासताका कनिाव सब इन सब वशिवास अदकि परमेश्वर उन पार उन पहचान दा ऊँद आगबाळुल, अदकि ऊँद सदिध मळसा आगबाळुल अदकि मसीह अन्द पुरा डील-डौल ताका ना वाळुसुल. 14 ताकी नाव मुंदु टु चकिोर ईरतीदील जो मळसागोळद ठग-वदिया अदकि चतुराई देल, आंदुर भ्रम इन युक्तगोळद अदकि उपदेश इन हर ऊँद ध्वाका देल उच्छलस्कु अदकि ईल अल तरिगुसकु आगताव. 15 बल्की प्यार दा सच्चाई देल माताळतेला सब मातगोळ दा अदुरदा जो ताल्ला आद, मत्तलब मसीह दा वाळुसतेला होगुल, 16 यदुर देल पुरा मय, हर ऊँद जोळ इन सहायता देल ऊँद सांगुळ मलिसकु अदकि ऊँद सामर्थ्य सांगुळ गठुस्कु, आ प्रभाव उन अनुसार जो हर ऊँद अंग इन ठीक-ठीक कार्य माळोर द्वारा आऊन दा आगतद, तान तान इक वाळुसतद का आव प्यार दा उन्नती माळतेला होगुल.

मसीह दा व्हाशोद जीवन

17 इदुरसाटी ना ईद अनतीन अदकि प्रभु दा आग्रह माळतीन का ह्यांग गैरयहूदी लॉकुर तान मन इन अनर्थ रीति मा नळुतार, नीव ईगी टु बाक हगि व्यवहार माळबाळेतीर. 18 यतकी आंदुर बुद्धी भ्रष्ट आगेग्याद, अदकि आ अग्यानता अन्द कारण जो आंदुर दा आद अदकि आंदुर मन

इन कठोरता अन्द कारण आंदुर परमेश्वर उन जीवन टु अलग माळकु आदुर; 19 अदकि आंदुर सुन्न आगकु लुचपन दा हतेदुर की सब प्रकार इन खराब क्याल्सा लालसा देल माळुल.

20 पर नीव मसीह अन्द हगि शकिषा ताकोंडीदील. 21 बल्की नीव खराखुरा आऊंदा केळदीर अदकि, ह्यांग यीशु दा सच्चाई आद, अदुर दा कल्सकु भी आग्यार 22 *कनीव पछिला चाल चलन इक हाळोद मंळसातत्व अक जो भरमुसावळ्त अभलिषागोळ्द अनुसार भ्रष्ट आगेतद, ईळु बुळी 23 अदकि तान मन इन आत्मकि स्वभाव दा व्हाशोद बन्सतेला होगी, 24 *अदकि व्हाशोद मंळसातत्व अक हाक्क कोमी जो परमेश्वर उन अनुरूप सच्चाई इन न्यायीपन अदकि पवतिरता दा सजुस्कु आग्याद.

25 ई कारण ख्वाटा माताळोद बटिकु हर ऊंद मंळसा तान मान्ना हातळोर से सही माताळुल, यतकी नाव आपस दा आबुर दाबुर अंग हुयेव. 26 सट्टि रा माळी, पर पाप माळबाळी; सुर्य मुळका ताका नीमद् गुस्सा ईरबाळुल, 27 अदकि ना शैतान उक मवका कोळी. 28 काळताना माळावाळा बाक काळताना माळबाळुल, बल्की वळ्दीद क्याल्सा माळोर साटी तान कयगोळ देल मेहनत माळुल, इदुरसाटी कियारी प्रयोजन आद आऊक कोळली आऊन हात्ती येनारा ईरूल. 29 यातोदु सही मात नीमद् बाय देल होळबाळुल, पर जरवत इन अनुसार अदा होळुल जो उन्नती इन साटी वळ्दीद ईरूल, ताकी आऊन से केळावाळेर मा अनुग्रह ईरूल. 30 परमेश्वर उन पवतिर आत्मा अक दुख माळबाळी, यदुर देल नीम मा छुटकारा अन्द दनि इन साटी छाप कोटकु आग्याद. 31 सब प्रकार इन कळवाहट, अदकि प्रकोप अदकि सट्टि, अदकि कलह, अदकि अपमान, सप्पा बैरभाव समेत नीम से दुर माळकु आगुल. 32 *आबुर दाबुर मा कृपा माळी अदकि मेहरबान आगी, अदकि ह्यांग परमेश्वर मसीह दा नीमद् अपराध माफ माळदुन, हांग अच नीव भी आबुर दाबुरद अपराध माफ माळी.

5

ऊजुळ दा ईरोद

1 इदुरसाटी प्रयि चकिोरगोळ घाई परमेश्वर उन अनुकरण माळी, 2 अदकि प्यार दा नळी ह्यांग मसीह भी नीम से प्यार माळदुन, अदकि नाम साटी तान तान इक सुखदायक सुगन्ध इन साटी परमेश्वर उन मुंद भेट माळकु बलदान माळ बुट्टुर.

3 ह्यांग पवतिर लाँकुर्द लायक आद. हांग नीम दा व्यभिचार अदकि यातोदु प्रकार इन अशुध्द क्याल्सा या लोभ इन मात भी आगबाळुल; 4 अदकि ना नरिलज्जता, ना मूढता अन्द मातचीत माळदेव, ना मज्याक माळदेव; यतकी ईव मातगोळ शोभा कोळालव, बल्की धन्यवाद अच केळकु आगुल. 5 यतकी नीव ईद जान्सतीर की यावारा व्यभिचारी, या अशुध्द जन, या लोभी मंळसा अन्द, जो मूर्ति इन पुजा माळावाळा अन बराबर आन, मसीह अदकि परमेश्वर उन राज्य दा मीरास ईल्लच.

6 यावारा नीमी व्यर्थ मातगोळ देल ध्वाका कोळबाळुल, यतकी ईवा क्याल्सागोळ्द कारण परमेश्वर उन सट्टि आग्या ईला मान्सावाळेर मा भळकुसतद. 7 इदुरसाटी नीव आंदुर सहभागी ईरबाळी. 8 यतकी नीव रा पयला अंधकार ईरीर लेकीन ईग प्रभु दा ज्योर्ति आईर, इदुरसाटी ज्योर्ति इन औलाद इन घाई नळी 9 यतकी ज्योर्ति इन फल सब प्रकार इन भलाई, अदकि न्यायीपन, अदकि सच्चाई आद, 10 अदकि ईद परखुसी कप्रभु उक येन भाऊसतद. 11 अंधकार इन नष्फल क्याल्सागोळ दा सहभागी ईरबाळी, बल्की अदुर मा उलाहना कोळी. 12 यतकी आंदुर गुप्त क्याल्सागोळ्द चर्चा भी शरम इन मात आद. 13 पर यास क्याल्सागोळ मा उलाहना कोटकु आगतद अव सप्पा ज्योर्ति टु प्रगट आगतद, यतकी जो सप्पा येनारा अक प्रगट माळतद अद ज्योर्ति हुन. 14 ई कारण आव अनतान,

“हे मगिवाळा,

जाग्स अदकि मुरदागोळ दा टु जत्तिता येळ;
रा मसीह अन्द ज्योर्ति नीन मा चमकुसीत.”

15 इदुरसाटी ध्यान देल नोळी, की ह्यांग चाल नळुतीर: नरिबुद्धीगोळ्द घाई ईला पर बुद्धमिानगोळ्द घाई नळी. 16 *मवका अक बार्र सम्सी, यतकी दनि बुरा आव. 17 ई कारण नरिबुद्धी ईरबाळी, पर ध्यान देल सम्सी की प्रभु उन इच्छा येन आद.

18 अंगुर इन रास्सा टु मतवाला बन्सबाळी, यतकी इदुर देल लुचपन आगतद, पर आत्मा देल परपुर्ण आगतेला होगी, 19 *अदकि आपस दा भजन अदकि स्तुर्ता हाळ अदकि आत्मकि हाळगोळ हाळतोगी, अदकि तान तान मन दा प्रभु उन मुंद हाळतेला अदकि कीर्तन माळतेला ईरी. 20 अदकि हमेशा सब मातगोळ्द साटी नाम्द प्रभु यीशु मसीह अन्द हेसुर देल परमेश्वर आप्प उन धन्यवाद माळतेला ईरी.

गांड्ड अदकि हगिस

21 मसीह अन्द अंज्क देल आबुर दाबुरद हात्ती ईरी.

22 *हे हगिसुरा, तान तान गांड्ड उन हगि हात्ती ईरी जसा प्रभु उन. 23 यतकी गांड्ड हगिस उन ताल्ला हुन ह्यांग की मसीह मंडली इन ताल्ला आन अदकि खुद अच मय इन उद्धारकर्ता आन. 24 पर ह्यांग मंडली मसीह अन्द हात्ती आद, हांग अच हगिसुर भी हर मात दा तान तान गांड्ड उन हात्ती ईरूल.

25 *हे गांड्डुरा, तान तान हगिसुर से प्यार ईटी ह्यांग मसीह भी मंडली से प्यार माळकु तान तान इक अदुर साटी कोट बुट्टुन 26 की आऊक वचन इन द्वारा नीर इन मयतोळदुर देल शुद्ध माळकु पवतिर माळी, 27 अदकि आऊक ऊंद हगि तेजस्वी मंडली माळकु तान हात्ती नदिरसुल, यदुर दा ना कलंक, ना झुरी, ना यातोदारा अदकि हगि वस्तु ईरूल बल्की पवतिर अदकि नरिदोष ईरूल. 28 ईदा प्रकार उचति आद की गांड्ड तान तान हगिसुर से तान मय इन घाई प्यार ईटली पायजे. जो तान हगिस उन से प्यार ईटतान, आव तान तान से प्यार ईटतान. 29 यतकी याऊ यागलु तान मय देल दुश्मनी ईटीदलि बल्की अदुरद पालन-पोषण माळतान, जसा मसीह भी मंडली इन सांगुळ माळतान. 30 इदुरसाटी की नाव आऊन मय इन अंग हुयेव. 31 “ई कारण मळसा तान मोय-आप्प उक बटिकु तान हगिस उन सांगुळ ईततान, अदकि आंदुर येदुद ऊंद तन आदार.” 32 ईद भेद रा धोळ आद, पर ना ईल मसीह अदकि मंडली इन बारा दा अनतीन. 33 पर नीम दा टु हर ऊंद तान हगिस उन से तान घाई प्यार ईटुल, अदकि हगिस भी तान गांड्ड उन आदर माळुल.

6

मोय-आप्प अदकि चकिोर

1 *हे चकिोरगोळा, प्रभु दा तान मोय-आप्प उन आग्याकारी बन्सी, यतकी ईद उचति आद. 2 “तान मोय अदकि आप्प उन आदर माळ ईद पयला आग्या हुन यदुर सांगुळ वादा भी आद. 3 की अपमान भला आगुल, अदकि नी पृथ्वी मा हापाळ दनि ताका जतिता ईर.” 4 *हे चकिोरवाळेरा, तान चकिोर इक गुस्सा तरगोळबाळी लेकीन प्रभु उन शकिषा अदकि चेतावनी कोळतेला आंदुरद पालन-पोषण माळी.

स्वामी अदकि दास

5 *हे दासगोळा, जो लॉकुर ई दुनयिा दा नीम स्वामी आर, तान मन इंद सही देल अंज्क अदकि नळगतेला, ह्यांग मसीह अन्द हांगा आंदुरद भी आग्या मान्सी. 6 मळसागोळी खुश माळावाळेर घाई तोरसोर साटी स्यावा माळबाळी, लेकीन मसीह अन्द दासगोळ घाई अंतर आत्मा देल परमेश्वर उन इच्छा मा नळी, 7 अदकि आ स्यावा अक मळसागोळ्द ईला लेकीन प्रभु उन स्यावा जान्सकु खरा मन देल माळी. 8 यतकी नीव जान्सतीर की हर मळसा ह्यांगारा वळ्तीद क्याल्सा माळ्यान, या रा दास ईरूल या रा स्वतंत्र, प्रभु से हांगा हासलि माळ्यान. 9 *हे स्वामीगोळा, नीव भी धमकीगोळ कोळव बटिकु आंदुर सांगुळ हांग अच व्यवहार माळी; यतकी नीव जान्सतीर की आंदुर अदकि नीम येदुद मुंदुरव स्वामी स्वर्ग दा आन, अदकि आव यारदु पक्षपात माळालुन.

* 5:16 ५:१६ कुलुससगिळ ४:५ * 5:19 ५:१९ कुलुससगिळ ३:१६,१७ * 5:22 ५:२२ कुलुससगिळ ३:१८; १ पतरस ३:१ * 5:25 ५:२५ कुलुससगिळ ३:१९; १ पतरस ३:७ * 6:1 ६:१ कुलुससगिळ ३:२० * 6:4 ६:४ कुलुससगिळ ३:२१ * 6:5 ६:५ कुलुससगिळ ३:२२-२५ * 6:9 ६:९ कुलुससगिळ ४:१; कुलुससगिळ ३:२५

आत्मकि लळाई इन औजार

10 इदुरसाटी प्रभु दा अदकि आऊन शक्ती इन प्रभाव दा ताकतवर बन्सी. 11 परमेश्वर उन सप्पा हथयार हाक्क बुळी कनिव शैतान उन युक्तगिळ मुंद नदुरकु ईर सकीर. 12 यतकी नाम्द ईद मल्लयुद्ध रक्ता अदकि मास देल ईला लेकीन प्रधानगोळ देल, अदकि अधिकारीगोळ देल, अदकि ई दुनिया अन अंधकार इन शासकगोळ देल अदकि आ दुष्टता अन्द आत्मकि सेनागोळ देल आद जो आकाश दा आव. 13 इदुरसाटी परमेश्वर उन पुरा हथयार कट कोमी कनिव बुरा दनि दा सामना माळ सकी, अदकि सप्पा येनारा पुरा माळकु संची ईर सकी.

14 इदुरसाटी सच्चाई देल तान नेळु कसुसकु, अदकि न्यायीपन इन कवच हाक्कु, 15 अदकि कालगोळ दा मेल इन खुशखबरी इन तयारी इन जुता हाक्कु; 16 अदकि ई सब मुंदुर सांगुळ वशिवास इन ढाल हुडुकु स्थरि ईरी यदुर देल नीव आ दुष्ट इन सब होततेला तीरगोळ इक नुनाक सकी. 17 अदकि उदधार इन टोप, अदकि आत्मा अन्द तलवार, जो परमेश्वर उन वचन हुन, ग्रहण माळकोमी. 18 हर समय अदकि हर प्रकार देल आत्मा दा प्रार्थना, अदकि वनिती माळतेला ईरी, अदकि इदुरसाटी जाग्सतेला ईरी कनि सब पवतिर लॉकुरद साटी लगातार वनिती माळतेला ईरी, 19 अदकि नान साटी भी कनि नानी माताळोद समय हगि प्रबल वचन कोटकु आगुल कनि साहस इन सांगुळ खुशखबरी इन भेद खोलसोद कार्य माळ सकाईन, 20 ई खुशखबरी इन खातरि ना शंकली देल जकळुसकु राजस्वर्गदूत हुईन; हालाकि ईग ना जयल दा आईन. प्रार्थना माळी कनि ना खुशखबरी इन बारा दा माताळली साहसी आग सकतीन ईद जरूरी आद जसा कनि आईन.

आखरी अभविदन

21 ✠तुखकिस, जो प्रयि वार्ट अदकि प्रभु दा वशिवासयोग्य सेवक आन, नीमी सब मातगोळ हेळ्यान कनिव भी नान दशा जान्सी कनि हयांग ईरतीन. 22 आऊक ना नीम्द हात्ती इदुरसाटी कळुदीन कनिव नाम्द दशा अक जान्सी, अदकि आव नीम्द मनगोळ इक शांती कोळुल.

23 परमेश्वर आप्प अदकि प्रभु यीशु मसीह अन्द दी टु वार्टुरी शांती अदकि वशिवास सहति प्यार सकिल. 24 जो नाम्द प्रभु यीशु मसीह टु खरा प्यार ईटतार, आ सब मा अनुग्रह आगतेला ईरूल.

फलिपिपी के नाम पौलुस प्रेरति की चट्ठी फलिपिगोळ हेसुर पौलुस प्रेरति उन चट्ठी परचिय

पौलुस फलिपिपी दा वशिवासीगोळ इक यीशु उन जनम इन लगभग ६१ वर्ष इन बाददा चट्ठी लखिसदुन. आव बंदीगृह दा १:१३ ईरतेला लखिसदुन, शायद रोम दा. ईद चट्ठी फलिपिपी नगर दा स्थिति मंडली इक लखिसकु आगीत. नाव फलिपिपी इन बारा दा अधनियिमगोळद कतिब देल थ्वाळासा कलु सकतेव. फलिपिपी मकदिनया प्रांत इन ऊंद राजधानी ईरोद. ईद पयला मंडली ईरोद यदरी मकदिनया दा स्थापति माळकु आगीत. पौलुस अदकि सलास ऊंद सांगुळ मंडली इन सूवात माळदुर अदकि ईल ताका की ऊंद ईळलक इन साटी बंदीगृह दा हाक्कु आत, याग आंदुर अल ईरोर प्रेरतिगोळ १६ ईद चट्ठी इक लखिसोर दा पौलुस उन कई उद्देश ईर सकताव. आंदुर ईद मवका अन उपयोग मंडली इक आंदुर द्वारा कळुकु आग्याव उपहार इन साटी धन्यवाद कोळोर साटी माळदुर याग आंदुर केळदुर की आव बंदीगृह दा आन ४:१०-१९ आंदुर बंदीगृह दा आंदुरद स्थिति मा आंदरी अध्ययन भी माळदुर अदकि मंडली इक तीमुथयिस अदकि एपाफ्रदितिस उन सफारीश माळदुर २:१९-३० ताकी आंदुर आंदुरद स्वागत माळुल अदकि आंदुरद नेतृत्व अन्द सम्मान माळुल.

रूप रेखा

१. फलिपिप फलिपिपी दा मंडली इक नमस्कार माळकु चट्ठी सुरू माळतान. १:१-२
२. मुंद आव तान स्थिति इन बारा दा थ्वाळासा जानकारी साझा माळतान अदकि थ्वाळासा चितागोळ जो आऊन हात्ती आव १:३-२:३०
३. बाक आव ईसाई जीवन जीऊसोर साटी हापाळ व्यावहारिक निर्देश कोळतान ३:१-४:९
४. पौलुस फलिपिपीया अन्द मंडली इक आंदुरद उपहार इन साटी धन्यवाद कोटकु अदकि आंदुरद अभिवादन कळुकु चट्ठी खतम माळतान ४:१०-२३

1 *मसीह यीशु उन दास पौलुस अदकि तीमुथयिस उन दी टु, सप्पा पवतिर लॉकुर हेसुर जो यीशु मसीह दा आगकु फलिपिपी दा, अध्यक्षगोळ अदकि सेवकगोळ सांगुळ ईरतार.

2 नामव आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

पौलुस उन प्रार्थना अदकि धन्यवाद

3 ना याग याग नीमी याद माळतीन, आग आग तान परमेश्वर उन धन्यवाद माळतीन; 4 अदकि याग यागलु नीम सप्पा अन साटी वनिती माळतीन, रा हमेशा खुशी इन सांगुळ वनिती माळतीन. 5 इदुरसाटी की नीव पयला दनि टु हुडुकु ईद ताका खुशखबरी बगरूसदुर दा नान सहभागी ईतीर. 6 नानी ई मात इन भरोसा आद की याव नीम दा वळ्ळीद क्याल्सा सुरू माळ्यान, आवा अदरी यीशु मसीह अन्द दनि ताका पुरा माळ्यान. 7 उचति आद की ना नीम सप्पा मुंदुर साटी हगि अच वचारि माळाईन, यतकी नीव नान मन दा बंदकु बसुसेगीर, अदकि ना शंकलीगोळ देल कैद दा अदकि खुशखबरी इन साटी उत्तर अदकि प्रमाण कोळदुर दा नीव सप्पा मुंदुर नान सांगुळ अनुग्रह दा सहभागी आगी. 8 इदुर दा परमेश्वर नान गवाह आन की ना मसीह यीशु उन घाई प्यार माळकु नीम सप्पा मुंदुरद लालसा माळतीन. 9 ना तरी भी ईद प्रार्थना माळतीन की नीम प्यार ग्यान अदकि हर प्रकार इन वविक सांगुळ अदकि यक्कुल वाळुस्त होगुल, 10 ईल ताका की नीव वळ्ळीद से वळ्ळीद मातगोळद जाच माळी, अदकि मसीह अन्द दनि ताका खरा बनसकु ईरी, अदकि ठोकर तनिबाळी; 11 अदकि आ न्यायीपन इन काय देल जो यीशु मसीह अन्द द्वारा आगताव, यक्कुल आगुत होगी यदुर देल परमेश्वर उन महिमा अदकि स्तुति आगुत ईरूल.

पौलस उन कैद टु खुशखबरी इन उननती

12 हे वारटुरा, ना चाहासतीन की नीव ईद जान्स कोमी की नान मा जो घळुसयाद, अदुर देल खुशखबरी वाळुसतेला होग्याद. 13 *ईल ताका की कैसर उन राजभवन इन सप्पा पलटन अदकि मगिद सप्पा लाँकुर मा ईद प्रगट आगोग्याद की ना मसीह अन्द साटी शंकलीगोळ देल कैद दा आईन; 14 अदकि प्रभु दा जो वारटुर आर, आंदुर दा टु यक्कुल मुंदुर नान शंकलीगोळ देल कैद आगदुर कारण, भरोसा माळकु परमेश्वर उन वचन बेधळक केळसोद मातत यक्कुल हमिमत माळतार.

15 थ्वाळासा रा जलन अदकि झगळा अन्द कारण मसीह अन्द प्रचार माळतार अदकि थ्वाळासा भला इच्छा देल. 16 हापाळ पुरा रा ईद जान्सकु की ना खुशखबरी इन साटी उत्तर कोळली ठहूरुसकु आगीन, प्यार देल प्रचार माळतार. 17 अदकि हापाळ मुंदुर रा सरका ईला लेकीन मतलब देल मसीह अन्द कात्ता केळसतार, ईद वचार माळकु की ना शंकलीगोळ देल कैद दा आईन नान साटी क्लेश पैदा माळुल. 18 रा येन आत? सरिफ ईद की हर प्रकार देल, या बहाना देल या सच्चार्ई देल, मसीह अन्द कात्ता केळसकु आगतद, अदकि ना ईदुर देल खुश आईन अदकि खुश भी ईराइन. 19 यतकी ना जान्सतीन की नीम वनिती इन द्वारा, अदकि यीशु मसीह अन्द आत्मा अन्द दान इन द्वारा, इदुरद प्रतफिल नान उद्धार आदीत. 20 ना रा ईदा हापाळ लालसा अदकि आशा ईटतीन की ना यातोदु मात दा लज्जति आगतीदील, लेकीन हयांग नान प्रबल हमिमत इन कारण मसीह अन्द बळार्ई नान मय इन द्वारा हमेशा आगत ईताद, हांग अच ईग भी आगुल, चाहे ना जतिता ईराइन या सोतोगार्ईन. 21 यतकी नान साटी जतिता ईरोद मसीह हुन, अदकि सोतोगोद फायदा हुन. 22 लेकीन अगर मय दा जतिता ईरोद अच नान क्याल्सा साटी फायदा मंद आद रा ना जान्सालीन की यदुरद चुनाव माळार्ईन. 23 यतकी ना येदुद चीज इन न्याड्या अधर दा हलिगुसकु आर्ईन; जीव रा चाहासतद की होगकु मसीह अन्द हात्ती ईराइन, यतकी ईद रा हापाळ वळ्लीद आद, 24 लेकीन मय दा ईरोद नीम कारण मातत यक्कुल जरूरी आद. 25 इदुरसाटी की नानी इदुरद भरोसा आद इदुरसाटी ना जान्सतीन की ना जतिता ईराइन, उलटा नीम सप्पा मुंदुर सांगुळ ईराइन यदुर देल नीव वशिवास दा मजबूत आगत होगी अदकि अदुर दा खुश ईरी; 26 अदकि जो घमण्ड नीव नान बारा दा माळतीर, अद नांद मातत नीम हात्ती बंदुर देल मसीह यीशु दा यक्कुल वाळुसेगुल.

27 सरिफ ईट माळी की नीम चाल-चलन मसीह अन्द खुशखबरी इन लायक ईरूल की चाहे रा ना बंदकु नीमी नोळार्ईन, चाहे रा बर भी तदिलि, नीम बारा दा नानी ईदा केळ सकिल की नीव ऊंद अच अंतरात्मा दा जतिता आर्ईर, अदकि ऊंद मन आगकु खुशखबरी इन वशिवास इन साटी मयनत माळत ईरतीर. 28 अदकि यातोदारा मात दा वरिध माळावाळेर से अंजक तुमालीर. ईद आंदुर साटी वनिश इन स्पष्ट चमत्कार हुन, लेकीन नीम साटी उद्धार इन अदकि ईद परमेश्वर उन दी टु आद. 29 यतकी मसीह अन्द कारण नीम मा ईद अनुग्रह आत की ना सरिफ आऊन साटी भरोसा कोळी लेकीन आऊन साटी दुख भी नेगी; 30 *अदकि नीमी हांग अच मयनत माळोद आद, हयांग नीव नानी माळतेला नोळीर, अदकि ईग भी केळतीर की ना हांग अच माळतीन.

2

मसीह अन्द दीनता अदकि महानता

1 इदुरसाटी अगर मसीह दा थ्वाळासा शांती, अदकि प्यार देल हमिमत, अदकि आत्मा अन्द प्रोत्साहन, अदकि थ्वाळासा करूणा अदकि संगती आद, 2 रा नान ईद खुशी पुरा माळी की ऊंद मन आगकु ईरी, अदकि ऊंद अच प्यार, ऊंद अच चतित, अदकि ऊंद अच मनसा ईटी. 3 मतलब देल या ख्वाटा बळार्ई साटी येनु माळबाळी, लेकीन दीनता देल आबुर दाबुर इक तान से वळ्लेर समसी. 4 हर ऊंद तान हति इन ईला, उलटा दुसरा अन्द हति इन भी चनिता माळुल. 5 हयांग मसीह यीशु उन वचार ईरव हांग अच नीम भी वचार ईरूल;

6 याव परमेश्वर उन स्वरूप दा ईतकु भी

परमेश्वर उन तुल्य आगली तान वश दा ईटोद वस्तु समसीदील.

7 उलटा तान तान इक हगि शुन्य माळ बुट्टुन,
अदकि दास उन रूप धारण माळदुन,
अदकि मंळसा अन्द समानता दा आगेदुन.

8 अदकि मंळसा अन्द रूप दा प्रगट आगकु तान तान इक दीन माळदुन,
अदकि ईल ताका आग्याकारी ईत्तुन कर्मृत्यु, हव, क्रूस इन मृत्यु भी सहन माळदुन.

9 ई कारण परमेश्वर आऊक हापाळ महान भी माळदुन,
अदकि आऊक अद हेसुर कोट्टुन जो सप्पा हेसुरगोळ से श्रेष्ट आद,

10 क्कि जो स्वर्ग दा अदकि पृथ्वी मा अदकि पृथ्वी इन ल्यालमा आद,
अव सप्पा यीशु उन हेसुर मा ट्वांगरा टेकसुल;

11 अदकि परमेश्वर आप्प उन महमि साटी हर ऊंद ल्यालग्या अंगीकार माळ कोमुल
क्कि यीशु मसीह अच प्रभु हुन.

दुनया दा ज्योती इन घाई चमकुसी

12 इदुरसाटी हे नान प्रयिगोळा, ह्यांग नीव हमेशा टु आग्या मानसतेला बंदीर, हांग अच ईग भी ना सरिफ नान सांगुळ ईरा होती लेकीन जरूर माळकु ईग नान दुर ईत्तुर मा भी अंजक अदकि नळगतेला तान तान उद्धार इन क्याल्सा पुरा माळत होगी; 13 यतकी परमेश्वर अच हुन याव तान खुद इन इच्छा अन्द कारण नीम मन दा इच्छा अदकि क्याल्सा, येद्दु मातगोळ्द माळोद प्रभावे हाक्यान.

14 सप्पा क्याल्सा बनि बळबळ अदकि बनि बाय कय मुसद माळतोगी, 15 क्कि नीव नरिदोष अदकि भोला आगकु वाकळा अदकि जिदी लॉकुर न्याड्या परमेश्वर उन नषिकलंक औलाद बन्सकु ईरी, यार न्याड्या दा नीव जीवन इन वचन हुडुकु दुनया दा होतकु दगियागोळ घाई कांळसतीर, 16 क्कि मसीह अन्द दशी नान हात्ती कारण ईरूल क्कि ना नान जित्ता इरोद अदकि ना नांद घमण्ड माळोद बेकार आत. 17 अगर नानी नीम वशिवास रूपी बलदान अदकि स्यावा अन्द सांगुळ तान रक्ता भी वाहुसोद बळिल, तरी भी ना खुश आईन अदकि नीम सप्पा मुंदुर सांगुळ खुशी माळतीन. 18 हांग अच नीव भी खुश ईरी अदकि नान सांगुळ खुशी माळी.

तीमुथयिस अदकि इपफुरदीतुस

19 नानी प्रभु यीशु दा आशा आद क्कि ना तीमुथयिस उक नीम हात्ती तुरन्त कळाईन, ताकी नीम दशा केळकु नानी खुशी सकिल. 20 यतकी नान हात्ती हगि स्वभाव इनव याऊ हैलेच जो शुद्ध मन देल नीम चन्ता माळुल. 21 यतकी सप्पा मुंदुर तान स्वार्थ इन खोज दा ईरतार, ना क्कि यीशु मसीह अन्द. 22 लेकीन आऊक रा नीव परकुसदीर अदकि जान्स भी कौडीर क्कि ह्यांग पार आप्प उन सांगुळ माळतान, हांग अच आव खुशखबरी इक फैलुसदुर दा नान सांगुळ स्यावा माळदुन. 23 इदुरसाटी नानी आशा आद क्कि ह्यांग नानी समझ दा बंदीत क्कि नान येन दशा आदीन, हांग अच ना आऊक तुरन्त कळु बुळाईन. 24 अदकि नानी प्रभु दा भरोसा आद क्कि ना खुद भी राटनेरी बराईन.

25 लेकीन ना इपफुरदीतुस उक जो नान वार्ट अदकि सहकर्मी अदकि संगी योद्धा अदकि नीम स्वर्गदूत, अदकि जरूरी मातगोळ दा नान स्यावा टहल माळावाळा हुन, नीम हात्ती कळोद जरूरी समसदीन. 26 यतकी आऊन लालसा नीम सप्पा मुंदुर दा हतकु ईरोद, ई कारण आव व्याकुल ईरतोगोन यतकी नीव आऊन बमिरी इन बारा दा केळीदीर. 27 नश्चय आव बमिर रा आगेगदिन ईल ताका क्कि सायोर मा ईरोन, लेकीन परमेश्वर आऊन मा दया माळदुन, अदकि सरिफ आऊन मा अच ईला लेकीन नान मा भी क्कि नानी शोक मा शोक सकिबाळुल. 28 इदुरसाटी ना आऊक कळोद मात्त यक्कुल कोशिशि माळदीन क्कि नीव आऊक मात्त नोळकु खुश आगेगी अदकि नान भी दुख गोरत आगेगुल. 29 इदुरसाटी नीव प्रभु दा आऊन से हापाळ खुशी इन सांगुळ मुलाकात माळतीर, अदकि ईत्तोरद आदर माळतोगेतीर. 30 यतकी आव मसीह अन्द क्याल्सा साटी तान जीव इक

जोखमि दा हाक्कु मृत्यु उन हात्ती होट बंदीदुन ताकी जो कमी नीम दी टु नान स्यावा दा आत अदरी पुरा माळुल.

3

सही न्यायीपन

1 इदुरसाटी हे नान वारटुरा, प्रभु दा खुश ईरी. अव अच मातगोळ नीमी घळी घळी लखिसली नानी रा येनु तकलीफ आगाल, अदकि ईदुर दा नीम कुशलता आद, 2 नायगोळ से सावधान ईरी, आ बेकार क्याल्सा माळावाळेर से सावधान ईरी, आ काट कूट माळावाळेर से सावधान ईरी. 3 यतकी खतनावाळेर रा नाव अच हुयेव जो परमेश्वर उन आत्मा अन्द अगुवाई देल उपासना माळतेव, अदकि मसीह यीशु मा घमण्ड माळतेव, अदकि मय मा भरोसा ईटालेव. 4 लेकीन ना रा मय मा भी भरोसा ईट सकतीन. अगर यारारा दुसरा अक मय मा भरोसा ईटोद वचार आगुल, रा ना आऊन से यक्कुल ईट सकतीन. 5 *आठवा दशिी नान खतना आत, इस्त्राएल इन वंश अदकि बन्यामीन इन गोत्र नव हुईन; इब्रानगोळव इब्रानी हुईन; व्यवस्था अन्द बारा दा अगर अंदीर रा फरीसी हुईन. 6 *उत्साह अन्द बारा दा अगर अंदीर रा मंडली इन सतुसावाळा; अदकि व्यवस्था अन्द न्यायीपन इन बारा दा अगर अंदीर रा नरिदोष ईरीन. 7 लेकीन जो जो मातगोळ नान फायदा नव ईरव, अवरीका ना मसीह अन्द कारण नुकसान सम्स कौडीन. 8 उलटा ना तान प्रभु यीशु मसीह अन्द पयचान इन उत्तमता अन्द कारण सप्पा मातगोळी नुकसान सम्सतीन. यदुर कारण ना सप्पा वस्तुगोळद नुकसान नेगदीन, अदकि अवरी काळी कचरा सम्सतीन, यदुर से ना मसीह अक हासलि माळाईन 9 अदकि अदुर दा ना सक्कि आगुल; ना कितान अद न्यायीपन इन सांगुळ, जो व्यवस्था देल आद, उलटा आ न्यायीपन इन सांगुळ जो मसीह मा वशिवास माळदुर कारण आद अदकि परमेश्वर दी टु वशिवास माळदुर मा सकितद; 10 ताकी ना अदरी अदकि अदुरद मृत्युंजय इन सामर्थ्य अक, अदकि अदुर सांगुळ दुखगोळ दा सहभागी आगोद मर्म इक जानसाईन, अदकि आऊन मृत्यु उन समानता अक हासलि माळाईन. 11 कनि यातोदारा भी रीति देल सोत्तुर दा टु जित्ता आगोद पद ताका पोहचुसाईन.

नशिाना दी ओळोद

12 ईद मतलब हैलेच कनि ईग हासलि माळ कौडीन, या सदिध आगोगनि; लेकीन आ पदार्थ अक हुडोर साटी ओळत होगतीन, यदुर साटी मसीह यीशु नानी हुळददिन. 13 हे वारटुरा, नान ईद भावना हैलेच कनि हासलि माळ कौडीन; लेकीन सरिफ ऊंद क्याल्सा माळतीन कनि जो मातगोळ हदि ईतोग्याव अवरी मारूकु, मुंदळव मातगोळ दी वाळुसतेला, 14 नशिाना दी ओळत होगतीन, ताकी अद ईनाम हासलि माळाईन यदुर साटी परमेश्वर नानी मसीह यीशु दा म्याकुच कारदान. 15 नाम दा टु यास सदिध आर, ईदा वचार ईटुल, अदकि अगर यातोदारा मात दा नीम दुसरा अच वचार ईरूल रा परमेश्वर अदरी भी नीम मा प्रगट माळ बुट्टान. 16 इदुरसाटी यल ताका नाव पोहचुसेव, अदुरदा अनुसार नळदेव. 17 *हे वारटुरा, नीव सप्पा मुंदुर मलिसकु नान घाई व्यवहार माळी, अदकि आंदरी पयचान दा ईटी जो ई रीति मा नळुतार यदुर उदाहरण नीव नाम दा नोळतीर; 18 यतकी हापाळ सा हगि व्यवहार माळतार, यार्द चर्चा ना नीम से घळी घळी माळीन, अदकि ईग भी वरूल वरूलकु अनतीन कनि आंदुर तान चाल-चलन देल मसीह अन्द क्रूस देल दुश्मनी माळावाळेर उर. 19 आंदुर अन्त वनिाश आद, आंदुर मय व्हाट्टा हुन, आंदुर तान शरम इन मातगोळ मा वचार माळतार अदकि पृथ्वी इन वस्तुगोळ मा महिमा हचकु ईरतार. 20 लेकीन नाम स्वदेश स्वर्ग मा आद; अदकि नाव ऊंद उद्धारकर्ता प्रभु यीशु मसीह अन्द अल टु बरोद हादी कायेतेव. 21 आव तान शक्ती इन आ प्रभाव इन अनुसार यदुर द्वारा आव सप्पा वस्तुगोळी तान वश दा माळ सकतान, नाम दीन-हीन मय इन रूप बदलुसकु, तान महिमा अन्द मय इन अनुकूल माळ बुट्टान.

* 3:5 ३:५ रोमियों ११:१; प्रेरतिगोळ २३:६; २६:५ * 3:6 ३:६ प्रेरतिगोळ ८:३; २२:४; २६:९-११ * 3:17 ३:१७ १ कुर्निथि ४:१६; ११:१

4

नरिदेश

1 इदुरसाटी हे नान प्रयि वारटुरा, यदुर दा नान जीव हतकु ईरतद, जो नान खुशी अदकि मुकुट हुईर, हे प्रयि वारटुरा, प्रभु दा हगिा हादी कायतेला स्थरि ईरी.

2 ना यूओदयिा अक भी वनिती माळतीन अदकि सुन्तुखे अक भी, क्कि आंदुर प्रभु दा ऊंद वचिार आगकु ईरूल. 3 हे खरा सहकर्मी, ना नीन से भी वनिती माळतीन क्कि नी आ आर्तेर मदत माळ, यतकी आंदुर नान सांगुळ खुशखबरी प्रचार माळदुर दा, क्लेमेस अदकि नान दुसरा सहकर्मीगोळ सांगुळ मयनत माळदुर, यार्द हेसुर जीवन इन कतिाब दा लखिसकु आव. 4 प्रभु दा हमेशा खुश ईरी; ना मात्त अनतीन, खुश ईरी. 5 नीम कोमलता सप्पा मंळसागोळ मा प्रगट आगुल. प्रभु हात्ती आन. 6 यातोदु मात इन चन्तिा माळबाळी; लेकीन हर ऊंद मात दा नीम नविदन, प्रार्थना अदकि वनिती इन द्वारा धन्यवाद इन सांगुळ परमेश्वर उन मुंद उपस्थति माळकु आगुल. 7 आग परमेश्वर उन शांती, जो सप्पा मुंदुर समझ इन व्हार्या आद, नीम मन अदकि नीम वचिारगोळी मसीह यीशु दा सुरक्षति ईट्टीत. 8 इदुरसाटी हे वारटुरा, जो जो मातगोळ सच्चाई आव, अदकि जो जो मातगोळ आदरणीय आव, अदकि जो जो मातगोळ उचति आव, अदकि जो जो मातगोळ पवतिर आव, अदकि जो जो मातगोळ सुहावनी आव, अदकि जो जो मातगोळ मनभावनी आव, मतलब जो भी सदगुण अदकि प्रशंसा अन्द मातगोळ आव अऊर मा ध्यान हचतोगी. 9 जो मातगोळ नीव नान हात्ती टु कलतीर, अदकि ग्रहण माळदीर, अदकि केळदीर, अदकि नांदुरदा नोळदीर, अऊरदा पालन माळतोगी, आग परमेश्वर जो शांती नव सोता आन नीम सांगुळ ईत्तान.

दान इन साटी धन्यवाद

10 ना प्रभु दा हापाळ खुश आईन क्कि ईग ईस दनिगोळ बाददा नीम चन्तिा नान बारा दा मात्त जागृत आग्याद; नश्चय नीमी सूरवात दा भी इदुरद वचिार ईरोद, लेकीन नीमी मवका सकिदील. 11 ईद ईला क्कि ना तान क्की इन कारण ईद अनतीन यतकी ना ईद कलतीन क्कियाता दशा दा आईन; अदा दशा दा संतुष्ट ईराइन. 12 ना दीन आगोद भी जान्सीतीन अदकि वाळुसोद भी जान्सीतीन; हर ऊंद मात अदकि सप्पा दशागोळ दा ना संतुष्ट आगोद, उपास ईरोद, अदकि वाळुसोद-घटुसोद कलतीन. 13 जो नानी सामर्थ्य कोळतद अदुर दा ना सप्पा येनारा माळ सकतीन.

14 तरी भी नीव वळ्ळीद माळदीर क्कि नान क्लेश दा नान सहभागी आदीर. 15 हे फलिपिपिगोळा, नीव खुद भी जान्सीतीर क्कि खुशखबरी प्रचार इन सूरवात दा, याग ना मकदिनयिा टु वदिा आदीन, आग नीमी बटिकु मात्त यातोदु मंडली लेन देन इन बारा दा नान सहायता माळीदलि. 16 ✠ईदा प्रकार याग ना थसिसलुनीके दा ईरीन, आग भी नीव नान क्की पुरा माळोर साटी ऊंद घन येन उलटा येढ्ढ घन येनारा कळीदरि. 17 ईद ईला क्कि ना दान बेळोद चाहासतीन लेकीन ना हगि काय चाहासतीन जो नीम फायदा साटी वाळुस्त होगुल. 18 नान हात्ती सप्पा येनारा आद, उलटा हापाळ पुरा भी आद; जो वस्तुगोळ नीव इपफरुदीतुस उन कय देल कळीदरि अवरी प्राप्त माळकु ना संतुष्ट आगेगनि, अद रा सुखदायक सुगन्ध, ग्रहण माळा लायक बलदान आद, जो परमेश्वर उक वळ्ळीद हततद. 19 नान परमेश्वर भी तान आ धन इन अनुसार जो महिमा सांगुळ मसीह यीशु दा आद, नीम हर ऊंद क्की इक पुरा माळीत. 20 नाम परमेश्वर अदकि आप्प उन महिमा हमेशा हमेशा आगतेला ईरूल. आमीन.

आखरी नमस्कार

21 हर ऊंद पवतिर जन उक, जो यीशु मसीह दा आन नमस्कार अनी. जो वार्ट नान सांगुळ आन, नीमी नमस्कार अनतार. 22 सप्पा पवतिर लॉकुर, वशिष माळकु जो कैसर उन घराना नोर उर, नीमी नमस्कार अनतार.

23 नाम प्रभु यीशु मसीह अन्द अनुग्रह नीम आत्मा अन्द सांगुळ ईरूल.

कुलुससयियों के नाम पौलुस प्रेरति की पत्री कुलुससगिळ हेसुर पौलुस प्रेरति उन चट्ठी परचिय

कुलुससयियों अन्द चट्ठी प्रेरति पौलुस उन १:१ द्वारा मंडली इक लखिसकु आगीत. आव ईद चट्ठी आग लखिसदुन याग आव जयल दा ईरोन, शायद रोम दा, मसीह अन जनम इन लगभग ६० साल बाददा. कुलुससयियों, इफसियों अदकि फलिमोन ईद चट्ठी पौलुस जयल दा ईतकु लखिसीदुन इदुरसाटी ईदरी जयल चट्ठी अंदकु आगतद.

आव ईद चट्ठी कोलोसे शयर दा मंडली इक लखिसीदुन. पौलुस कुलुससे दा मंडली चालु माळलका ईरोन, यतकी आंदुर २:१ दा उल्लेख माळ्यार, लेकीन इदुरसाटी येनारा जमिमेदारी महसूल माळीदुर. ईद संभव आद कएपाफरास मंडली इन स्थापना माळीदुर यतकी आंदुर कोलोसे टु ईरोर. पौलुस कोलोसे अन्द मंडली दा येनारा गलत शक्तिगोळ देल संबंथति ईरोन. आंदुर ईदुर बारा दा चट्ठी लखिसुसोर दा हापाळ खर्च माळदुर, आग सकतद कयिहूदी ईसाईगोळद ऊंद समुह ईतीदाद, जो हाळोद नयिम देल यहूदी कानूनगोळद पालन माळोर साटी दुसरा ईसाई वार्दुरगोळी मजबुर माळोद कोशशि माळोर, वशिष रूप देल खतना. पौलुस वशिष रूप देल लखिसतान क मसीह अक परमेश्वर १:१५-२० उन द्वारा स्वीकार माळकु आगोद अलावा मसीह अन्द अलावा येनु ईला या यावारा दुसरा अन्द जरवत आद अदकि मानव तर्क मा आधारति शक्तिगोळ बेकार आव २:८ रूप-रेखा

१. पौलुस कोलोसे दा मंडली इक नमस्कार माळकु चट्ठी सूरु माळतान. १:१-२
२. बाक आव मसीह अन्द महानता अन्द बारा दा लखिसतान वशिष रूप देल कोलोसे १:३-३:४ दा खवाटा शक्ति अन जवाब दा.
३. पौलुस हापाळ चट्ठी गोळ दा, आव चट्ठी गोळद उत्तरार्ध इक व्यक्त माळतान, जो वळलीद ईसाई जीवन जीऊसोर साटी थ्वाळासा वशिषिट नर्देश कोळतद ३:५-४:६
४. पौलुस अन्य मंडलीगोळ ४:१७-१८ दा जोर देल वाचुसद चट्ठी इन साटी शुभकामनागोळ अदकि नर्देश कोळतान.

1 पौलुस अदकि आऊन वार्ट तीमुथयिस उन दी टु, जो परमेश्वर उन इच्छा देल मसीह यीशु उन प्रेरति आन,

2 कुलुससे दा ईरावाळेर परमेश्वर उन आ पवतिर वशिवासयोग्य वार्दुर इक जो मसीह दा ऊंद आर:

नाम आप्प परमेश्वर उन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

3 नाव नीम साटी हमेशा प्रार्थना माळतेव आग नाव तान प्रभु यीशु मसीह अन्द आप्प परमेश्वर उन धन्यवाद माळतेव. 4 यतकी नाव मसीह यीशु दा नीम वशिवास अदकि सप्पा परमेश्वर उन पवतिर लॉकुर प्रती नीम प्यार इन बारा दा केळेव; 5 याग सही बातणी, खुशखबरी, पयला घन नीम हातती बत्त, रा नीव ई आशा अन्द बारा दा केळदीर क ईद प्रदान माळतद. इदुरसाटी नीम वशिवास अदकि प्यार आ वस्तु मा आधारति आद, यदुर नीव उम्मीद माळतीर, जो नीम साटी स्वर्ग दा सुरक्षति ईटकु आद. 6 खुशखबरी आशरिवाद तरेत्याद अदकि सप्पा दुनया दा फैलुसेत्याद, ठीक हांग अच हयांग नीम न्याड्या दा आ दशिी टु आद या दशिी टु नीव पयला घन परमेश्वर उन कृपा अन बारा दा केळीदीर अदकि अदुर देल ईद पता नळुत क ईद सही दा आद. 7 *परमेश्वर उन अनुग्रह अक नीव नाम प्रयि सहकर्मी सेवक इपफरास उन से कलतीर, जो नाम दी टु मसीह नव वशिवासयोग्य कर्मचारी आन. 8 आवा नामी आ प्यार इन बारा दा हेळ्यान जो आत्मा नीमी कोटाद.

* 1:7 १:७ कुलुससगिळ ४:१२; फलिमोन १:२३

9 ई कारण यागी टु नाव नीम बारा दा केळेव आगी टु नाव नीम साटी हमेशा प्रार्थना माळेव, परमेश्वर उन से नाव प्रार्थना माळतेव कि अद पुरा बुद्धी अदकि समझ जो आऊन आत्मा कोळतद आऊन सांगुळ अदुर्द इच्छा अनंद ग्यान देल नीमी तुम बुळुल. 10 ताकी नीमद चाल चलन प्रभु उन लायक ईरूल, अदकि आव सब प्रकार देल प्रसन्न ईरूल, अदकि नीम जीवन दा टु वळेव क्याल्सा होळुल, अदकि नीव परमेश्वर उन ग्यान दा वाळुसतेला होगी. 11 आऊन महिमामय शक्ति देल जो सामर्थ्य प्राप्त आगतद अदुर दा शक्तशाली आगत ईरी, ताकी नीव धीरज इन सांगुळ सप्पा येनारा सहन माळा लायक बनसी. 12 अदकि खुशी इन सांगुळ आप्प उक धन्यवाद माळी, याव नीमी ई लायक माळदुन कि परमेश्वर उन आ लॉकुर सांगुळ जो आव आंदुर साटी पयले टु ना सुरक्षति माळद प्रकाश इन राज्य दा नीव पवतिर लॉकुर सांगुळ उत्तराधिकार प्राप्त माळदुर दा सहभागी बनसी. 13 आवा नामी अंधकार इन वश टु बचाव माळकु तान प्रयि पार उन राज्य दा प्रवेश माळसुसदुन, 14 अदकि आऊन द्वारा नाव स्वतंत्र माळकु आदेव, मतलब नामी नाम पापगोळद माफ सक्ति.

मसीह नव क्याल्सा अदकि व्यक्तित्व

15 मसीह अदृश्य परमेश्वर उन समानता दा दृश्य रूप हुन अदकि आव सप्पा नरिर्मतिगोळ दा पयला पार हुन. 16 परमेश्वर तान द्वारा स्वर्ग अदकि पृथ्वी मा सूरुवात टु सप्पा येनारा माळदुन, आध्यात्मिक शक्तिगोळ, प्रभुगोळ, शासकगोळ अदकि अधिकारीगोळ सहति नोळद या बनिनोळद वस्तुगोळ, परमेश्वर आऊन द्वारा पुरा ब्रम्हाण्ड इन नरिमाण माळदुन. 17 सप्पा वस्तुगोळ से पयले मसीह अनंद अस्तित्व ईरोद अदकि आऊन दा सप्पा वस्तुगोळ तान सही जागा मा स्थरि ईरताव. 18 आव तान मय इन स्याणा हुन, मतलब मंडली इन ताल्ला हुन; आवा सूरुवात हुन, अदकि सोत्तुर दा टु जतिता आगावाळा पयला जनम ताकोमावाळा पार हुन, ताकी सप्पा वस्तुगोळ दा पयला स्थान हासलि माळ सकुल. 19 यतकी परमेश्वर उन खुद इन ईद फैसला ईरोद कि आऊन दा परमेश्वर उन सप्पा परिपूर्णता वास माळुल. 20 पार उन माध्यम देल परमेश्वर पुरा दुनिया अक तान ताना वापस तरोद फैसला माळदुन परमेश्वर क्रूस मा तान पार उन रक्ता अन माध्यम देल शांती माळदुन अदकि इदुरसाटी पृथ्वी अदकि स्वर्ग दा सप्पा वस्तुगोळी वापस तंदुन.

21 ऊंद समय ईरोद याग नीव परमेश्वर उन से हापाळ दुर ईरीर अदकि तान वचारगोळ अदकि बेकार कर्मगोळ कारण परमेश्वर उन दुश्मन ईरीर; 22 लेकीन ईग, आव तान पार उन शारीरिक मय इन मृत्यु उन द्वारा नीमी तान संगी माळ कौडान, ताकी नीमी तान हात्ती पवतिर अदकि शुद्ध, अदकि नरिदोष माळकु उपस्थति माळुल. 23 अगर नीव विश्वास इन पायवा मा मजबूत बनसकु ईत्तीर अदकि आ खुशखबरी इन आशा अक यदरी नीव केळीर बळिबाळी, यदुर्द प्रचार आकाश इन ल्यालमा अनंद पुरा दुनिया दा माळकु आत, अदकि यदुर्द ना, पौलुस, सेवक बनसदीन.

पौलुस उन मंडली दा स्यावा कार्य

24 ईग ना आ दुखगोळद कारण खुशी माळतीन, जो नीमद साटी नेगेतीन अदकि मसीह अनंद क्लेशगोळद कमी आऊन मय इन साटी, मतलब मंडली इन साटी, तान मय दा पुरा माळतीन; 25 अदकि नानी परमेश्वर उन द्वारा मंडली इन सेवक माळकु आत अदकि याव नानी नीम भलाई इन क्याल्सा अनंद साटी कोट्टुन, अदकि ई क्याल्सा पुरा तरीका देल आऊन बातणीगोळद घोषणा माळतद. 26 ईद बातणी रहस्य पुरण सच्चाई आद जो सूरुवात काल टु सप्पा मळसागोळ से गुप्त ईटसुसकु आग्याद, लेकीन ईग आऊन पवतिर लॉकुर मा प्रगट माळकु आग्याद. 27 परमेश्वर उन ईद योजना ईरोद कि तान लॉकुर मा ईद रहस्य प्रगट माळुल कि ईद रहस्य याट महिमामय कमिती आ जो तान लॉकुर साटी आद. अदकि अद रहस्य ईद हुन कि मसीह नीम दा आन, मतलब नीव परमेश्वर उन महिमा अनंद सहभागी आग सकतीर. 28 इदुरसाटी नाव मसीह अनंद प्रचार सप्पा मुंदुरी माळतेव. अदकि जो बुद्धी नामी प्राप्त आग्याद आ सप्पा बुद्धी इन इस्तेमाल माळतेला नाव सप्पा मुंदुरी नरिदेश अदकि शिक्षा प्रदान माळतेव ताकी नाव आंदरी मसीह दा

ऊंद व्यक्तगित परपिण मळसा माळकु परमेश्वर उन मुंद उपस्थति माळ सक्केव. 29 अदकि इदरी पुरा माळोर साटी मसीह अनंद महान सामर्थ्य जो नानी सकितेला ईरतद अदकि नान दा कार्य माळतद, अदुरद इस्तेमाल माळतेला ना कठनि मयनत अदकि संघर्ष माळेतीन.

2

1 ना चाहासतीन नीमी ई मात इन पता नळदोगुल का ना नीम साटी, लौदीकया दा ईरावाळेर लॉकुर साटी अदकि आ सप्पा मुंदुर साटी जो व्यक्तगित रूप देल नानी यागलु सकिदील, ना याट कठनि मयनत माळेतीन. 2 ताकी आंदुर मनगोळी प्रोत्साहति सकिल अदकि परस्पर प्यार दा एकजुट आगोगुल, अदकि अद पुरा वशिवास इन धन जो खरा समझ देल प्राप्त आगतद आंदरी सकिकेगुल. ई प्रकार देल आंदरी परमेश्वर उन भेद पता नळदोदति, जो मसीह खुश आन. 3 याऊन दा परमेश्वर उन बुद्धी इन भंडार अदकि ग्यान होचकु आद.

4 ईद ना इदुरसाटी अनतीन कयावारा मळसा नीमी ख्वाटा वाद ववाद देल ध्वाका कोळबाळुल. बाक चाहे आंदुर याटारा भी वळलेर येती हतबाळुल. 5 ना मय इन भाव देल नीम से दुर आईन, तरी भी आत्मकि भाव देल नीमद हात्ती आईन, अदकि नीमद व्यवस्थति जीवन इक अदकि नीमद वशिवास इन, जो मसीह दा आर, मजबूती नोळकु प्रसन्न आगतीन.

मसीह दा जीवन इन परपिणता

6 इदुरसाटी ह्यांग नीव मसीह यीशु उक प्रभु मानसकु ग्रहण माळ कौडीर, हांगा आऊन दा बन्सकु ईरी. 7 अदकि अदुरदा जळ हुळकु अदकि वाळुसतेला ईरी; अदकि ह्यांग नीव कल्सकु आगीर हांग अच वशिवास दा मजबूत आगतेला होगी, अदकि यक्कुल से यक्कुल धन्यवाद माळतेला ईरी.

8 सावधान ईरी कयावारा नीमी आ मळसा अनंद बुद्धी इन व्यर्थ ध्वाका देल गुलाम माळसुस बुळुल, जो मळसागोळद परंपरागोळ देल प्राप्त आगतेला बंदाद अदकि ब्रमहाण्ड इक शासन माळावाळा आत्मागोळद देन हुन, ना का मसीह अनंद. 9 यतकी आऊन दा ईश्वरत्व स्वभाव हमेशा मसीह अनंद मय दा वास माळतद. 10 अदकि नीमी आऊन एकता दा पुरा जीवन कोटकु आग्याद. आव सूरुवात टु सप्पा आध्यात्मकि शासकगोळ अदकि अधिकार इन स्याणा हुन.

11 मसीह अनंद सांगुळ दा नीमद खतना माळकु आग्याद, ना का आ खतना अनंद सांगुळ जो मळसागोळ कय देल माळकु आग्याद, लेकीन मसीह अनंद द्वारा माळद खतना अनंद सांगुळ, नीम पापगोळद सामर्थ्य देल मुक्त माळकु आगताव. 12 *याग नीव बपतसिमा ताकोडीदरि रा नीमी मसीह अनंद सांगुळ दफनुसकु आगीत अदकि बपतसिमा दा नीम परमेश्वर उन सक्रयि शक्ति दा वशिवास इन माध्यम देल मसीह अनंद सांगुळ भी नेगुकु आगीत, आऊन सांगुळ जित्ता भी आदुर. 13 *ऊंद समय नीव भी आत्मकिता दा सोतकु ईरीर यतकी नीव पापी, अदकि गैरयहूदी बनिा व्यवस्था नोर ईरोर. लेकीन ईग परमेश्वर नीमी मसीह अनंद सांगुळ जीवन दा तंदान. परमेश्वर नाम सप्पा अपराधगोळ इक माफ माळ्यान. 14 *परमेश्वर नाम बेकार क्याल्सागोळद लेखा जोखा अक नाम न्याड्या दा टु हटुस बुट्टुन यदुर दा आ वधीगोळद उल्लेख माळकु आगीत जो नाम प्रतकिल अदकि नाम वरिद्ध ईरोद आव अदरी क्रूस मा खल्लिगोळ देल ठोक्सकु मट्टिस बुटान. 15 अदकि मसीह क्रूस इन द्वारा आध्यात्मकि शासकगोळद सूरुवात टु सामर्थ्य अक अदकि अधिकारीगोळी शासन हीन माळ बुट्टुन अदकि तान वजिय अभयान दा बंदी माळकु लॉकुर मुंद आंदुर तमाशा माळदुन.

16 *इदुरसाटी यावारा भी मळसा नीम तनिोद-कुडोद या हाब्ब या व्हाशोद चांद इन हाब्ब, या वशि्राम इन दनि इन बारा दा नीमद याऊ न्याय माळबाळुल. 17 यतकी ईव सब बरावाळा मातगोळद छाया हुव, लेकीन वास्तवकिता अच मसीह हुन. 18 यातोवारा भी मळसा अनंद द्वारा तान अपमान माळसुसोद इजाजत कोळबाळी जो विशेष दर्शन इन कारण श्रेष्ट आगोद दावा माळतद अदकि जो ख्वाटा वनिम्रता अदकि स्वर्गदूतगोळद पुजा मा जोर कोळतद. बनिा

* 2:12 २:१२ रोमियो ६:४ * 2:13 २:१३ इफसिगिळ २:१-५ * 2:14 २:१४ इफसिगिळ २:१५ * 2:16 २:१६ रोमियो १४:१-६

यातोदारा कारण इन ईत्ता मंळसा तान मानवीय सोच देल व्यर्थ बायतान. 19 *अदकि मसीह अक हुळकु ईटोद बंद माळ बुटार, आव मसीह जो मय इन ताल्ला हुन. मसीह अन्द हात्ती ता दा सप्पा मय आद जो जोळगोळ अदकि नशगोळ से ऊंदा सांगुळ जोळसकु आव, अदकि परमेश्वर जसा वाळुसोद चाहासतान हांग वाळुस्त होगतद.

मसीह अन्द सांगुळ सायोद अदकि ऊळोद

20 यतकी नीव मसीह अन्द सांगुळ सोतोगीर अदकि ब्रम्हाण्ड इन शासन माळावाळा आत्मागोळ से मुक्त माळकु आगीर. रा बाक येती आंदुर घाई जो दुनिया नोर आर जीवन जीऊसतीर? नीव ईत्ता वधीगोळ वश दा येती ईरतीर. 21 क “इदरी मुठबाळेतीर, अदरी नेकबाळेतीर, अदकि अदरी कय हचबाळेतीर?” 22 ईव सप्पा वस्तुगोळ क्याल्सा दा तरास ताका नष्ट आगेदव यतकी ईव मंळसागोळ नयिम अदकि आग्यागोळ अदकि शकिषागोळद अनुसार आव. 23 नश्चिती अच ईत्ता प्रकार इन सप्पा नयिम स्वर्गदूतगोळद जवरदस्ती देल पुजा अदकि ख्वाटा वनिम्रता, अदकि मय इन गंभीर उपचारगोळ ग्यान मा आधारति आद लेकीन शारीरिक लालसागोळी रोक्सदुर दा ईऊर देल येनु उच फायदा आगाल्द.

3

1 याग नीव मसीह अन्द सांगुळ जत्तिता माळकु आगीर, इदुरसाटी तान दलि इक स्वर्गीय मातगोळ मा हची, यल मसीह तान ऊम्मा कय दी वरिजमान आन अदकि परमेश्वर उन ऊम्मा कय दी कुरतकु आन. 2 पृथ्वी माकळव वस्तुगोळ ईला लेकीन स्वर्गीय वस्तुगोळ मा ध्यान हची, 3 यतकी नीव रा सोतोगीर अदकि नीमद जीवन मसीह अन्द सांगुळ परमेश्वर दा होचकु आद. 4 नीम खरा जीवन मसीह हुन याग मसीह प्रगट आदान, आग नीव भी आऊन सांगुळ महमा सहति प्रगट माळकु आदीर.

हाळोद अदकि व्हाशोद जीवन

5 इदुरसाटी पृथ्वी माकळव तान आ संसारकि इच्छागोळी कोंद बुळी जो नीम दा कार्य माळतद, मतलब व्यभचार, अशुध्दता, दुष्कामना, बेकार लालसा अदकि लोभ इक जो मूर्तपूजा अन्द बराबर आद. 6 यतकी ईवा मातगोळ कारण जो आऊन आग्या मानसालुर आंदुर मा परमेश्वर उन सट्टि प्रगट आगली होगेत्याद. 7 अदकि ऊंद समय ईरोद याग नीव भी ईत्तव इच्छागोळ अनुसार तान जीवन जीऊसतोगीर, अदकि नीम जीवन आऊंदा प्रभुत्व दा का ईरोद.

8 लेकीन ईग नीव भी ईव सप्पा मातगोळी, मतलब सट्टि, उत्तेजना, बैरभाव, अपमान अदकि बाय देल बोयोद ईव सप्पा मातगोळ बटि बुळी. 9 *आबुर दाबुर से ख्वाटा माताळबाळी, यतकी नीव हाळोद स्वभाव इक आऊन आदतगोळ सांगुळ ईळस कोंडीर. 10 *अदकि व्हाशोद व्यक्तित्व अक धारण माळ कोंडीर, जो तान सृजनहार इन स्वरूप दा पुरा ग्यान प्राप्त माळोर साटी लगातार व्हाशोद बनसतेला ईरतद. 11 अदकि ईदुर परणाम ईद आद क अल यहूदी अदकि गैरयहूदी दा येनु फरक ईराल, अदकि ना रा यातोदारा खतना माळद अदकि खतनारहति दा, अदकि ना यातोदारा सभ्य अदकि ना असभ्य दा, ना दास अदकि ना स्वतंत्र मंळसा दा, लेकीन मसीह अच सब येनारा हुन अदकि सप्पा वशिवासीगोळ दा मसीह अन्द वास आद.

12 *अदकि नीव परमेश्वर उन लॉकुर हुईर आव नीम से प्यार माळतान अदकि आव तान पवतिर आगोर साटी नीम चुनाव माळ्यान. रा बाक सहानुभुती, दया, नम्रता, कोमलता अदकि धीरज इक धारण माळी. 13 *अदकि अगर यारीकारा यारदारा मा दोष हचोद यातारा कारण ईरूल, रा आबुर दाबुर सहन माळी अदकि आबुर दाबुरद अपराध माफ माळी; ह्यांग प्रभु नीमद अपराध माफ माळदुन, हांग अच नीव भी माळी. 14 अदकि ई सप्पा मातगोळ अलावा प्यार इक धारण माळी, प्यार अच सप्पा मुंदुरी आपस दा कटकु ईटतद अदकि परपुर्ण माळतद. 15 नीम साटी होगवाळा नरिणयगोळ मा अद शांती इन जो मसीह देल प्राप्त आगतद मार्गदर्शन ईरूल, इदुरसाटी परमेश्वर नीमी ऊंदा सांगुळ आ शांती दा ऊंद मय आगोर साटी कारस्यान. अदकि हमेशा

धन्यवाद माळत ईरी. 16 *तान सप्पा संपन्नता अन्द सांगुळ मसीह अन्द बातणी नीम दलिगोळ दा वास माळुल. अदकि तान सप्पा बुद्धी देल आबुर दाबुर इक शक्किषा अदकि नरिदेश कोळत ईरी. भजनगोळ स्तुति अदकि आत्मकि हाळगोळी हाळतेला तान दलिगोळ दा परमेश्वर उक धन्यवाद कोळत ईरी. 17 जो येनारा भी नीव माळी या अनी अद सप्पा प्रभु यीशु उन हेसुर मा आग पायजे, अदकि आऊन द्वारा परमेश्वर आप्प उन धन्यवाद माळी.

व्हाशोद जीवन इन पारिवारकि नयिम

18 *हे हगिसुरा, तान तान गांडुर्द हात्ती ईरी, हयांग मसीह अन्द अनुयायीगोळी शोभा कोळतद.

19 *हे गांडुर्द, तान तान हगिसुर से प्यार ईटी, अदकि आंदुर से कठोर व्यवहार माळबाळी.

20 *हे चकिरा, सप्पा मातगोळ दा तान तान मोय-आप्प उन आग्या अन्द पालन माळी, यतकी मसीह अनुयायी इन ईत्ता व्यवहार देल परमेश्वर प्रसन्न आगतान.

21 *हे मोय आपपुरा, तान चकिर इक तंग माळबाळी, हगि आगबाळुल कि आंदुरद साहस मुरदोगुल.

22 *हे सेवकगोळा, जो मय इन अनुसार नीमद स्वामी आन, सप्पा मातगोळ दा आंदुरद आग्या अन्द पालन माळी, सरिफ लॉकुरी खुश माळेर साटी अदा समय ईला याग आंदुर नोळतेला आर, बल्की खरा मन देल आंदुरद मान्सी यतकी नीव प्रभु उन आदर माळतीर. 23 जो येनारा कयाल्सा नीव माळतीर, तान पुरा मन देल माळी, ईद समसकु कि मंळसागोळ्द साटी ईला लेकीन प्रभु उन साटी माळतेव; 24 याद ईटी कि प्रभु ईदुर प्रतफिल नीमी कोट्टान जो आव तान लॉकुर साटी ईट्यान, यतकी मसीह खरा स्वामी हुन यार्द नीव स्यावा माळतीर. 25 *जो अपराध माळतान आव तान अपराध ईद फल ताकोडान, यतकी परमेश्वर यारदारा सांगुळ पक्षपात माळालुन.

4

1 *हे स्वामीगोळा, नीव तान तान सेवकगोळी आंदुर कयाल्सागोळ अनुसार जो सही बदला आद आंदरी कोळी. याद ईटी कि स्वर्ग दा नीमव भी यावारा स्वामी आन.

थ्वाळासा व्यावहारकि नरिदेश

2 प्रार्थना दा लगातार हतकु ईरी, अदकि परमेश्वर उक धन्यवाद कोळतेला अदुर दा जागृत ईरी; 3 अदकि इदुर सांगुळ सांगुळ अच नाम साटी भी प्रार्थना माळतेला ईरी, कि परमेश्वर नाम साटी मसीह अन्द आ भेद इन बातणी प्रचार माळेर साटी वळ्लीद मवका प्रदान माळुल, यतकी इदुर दा कारण ना कैद दा आईन. 4 प्रार्थना माळी कि ना इदरी हगि स्पष्टता अन्द सांगुळ हेळ सकाईन हयांग नानी हेळोद जरूरी आद.

5 *समय इन पुरा पुरा इस्तेमाल माळी अदकि अवशिवासीगोळ सांगुळ बुद्धमिनी देल व्यवहार माळी. 6 नीम मातगोळ पुरा अनुग्रह देल तुमकु अदकि लॉकुरी पसंद बरा लायक ईरूल ताकी नीव जान्स कोमी कि हर मंळसा अक हयांग उत्तर कोळोद जरूरी आद.

आखरी अभिवादन

7 *नाम प्रियि वार्ट अदकि विश्वासयोग्य सेवक, तुखकिस, जो प्रभु दा नान सहकर्मी आन, नान सप्पा समाचार नीमी हेळ बुट्टान. 8 आऊक ना इदुरसाटी नीमद हात्ती कळुदीन कि नीमी नाम्द दशा मालूम आगेगुल अदकि आव नीमद दलिगोळ इक प्रोत्साहति माळुल. 9 *आऊन सांगुळ ना उनेसमिस उक भी कळुदीन जो विश्वासलायक अदकि प्रियि वार्ट अदकि नीम दा टु ना ऊंद हुन; ईदुर नीमी ईलेव सप्पा मातगोळ हेळ बुट्टार.

* 3:16 ३:१६ इफसिगोळ ५:१९,२० * 3:18 ३:१८ इफसिगोळ ५:२२; १ पतरस ३:१ * 3:19 ३:१९ इफसिगोळ ५:२५; १ पतरस ३:७ * 3:20 ३:२० इफसिगोळ ६:१ * 3:21 ३:२१ इफसिगोळ ६:४ * 3:22 ३:२२ इफसिगोळ ६:५-८ * 3:25 ३:२५ इफसिगोळ ६:९ * 4:1 ४:१ इफसिगोळ ६:९ * 4:5 ४:५ इफसिगोळ ५:१६ * 4:7 ४:७ प्रेरतिगोळ २०:४; २ तीमुथयिस ४:१२ * 4:7 ४:७ इफसिगोळ ६:२१,२२ * 4:9 ४:९ फलिमोन १:१०-१२

10 ✨अरसित्खुस, जो नान सांगुळ बंदीगृह दा सांगुळ ईतान, अदकि बरनबास उन वार्ट मरकुस उन नीमी नमस्कार, मरकुस उन बारा दा नीमी नरिदेश सकिकेग्याद अच अगर आव नीम हात्ती बंदान रा आऊन स्वागत माळकु आऊक ग्रहण माळेतीर. 11 यूस्तुस अंदकु आगावाळा यीशु उन भी नीमी नमस्कार सकिल. सरिफ ई मुरा मुंदुरा यहूदी वशिवासी परमेश्वर उन राज्य अनंद साटी नान सांगुळ क्यालसा माळेत्यार, अदकि ईदुर्द नानी हापाळ सहायता सकियाद.

12 ✨इपफ्रास, जो नीम दा टु ऊंद आन अदकि मसीह यीशु उन दास आन, नीमी नमस्कार अनतान अदकि सदा नीम साटी प्रार्थनागोळ दा प्रयत्न माळतान, ताकी नीव सदिध आगकु पुरा वशिवास इन सांगुळ परमेश्वर उन इच्छा मा स्थरि ईरी. 13 ना व्यक्तगित रीतदेल आऊन गवाह आईन की आव नीम साटी अदकि लौदीकिया अदकि हयिरापुलसिवाळेर्द साटी कठनि मेहनत माळतेला ईरतान. 14 ✨नाम प्रयि वैद्य लूका अदकि देमास नीमी नमस्कार कळुतार.

15 लौदीकिया अनंद वशिवासी वार्टुर, अदकि आकतींग नुमफास अदकि आकनि मानना अनंद मंडली इक नाम दी टु नमस्कार अनेत. 16 याग ईद चटिठी नीम अल वाचुसकु आदीत रा हगि माळेतीर की लौदीकिया अनंद मंडली दा भी वाचुसकु आगुल, अदकि अदा समय अद चटिठी जो लौदीकिया नोर वशिवासी नीमी कळ्यार अदरी नीव भी वाचुसेतीर. 17 ✨अदकि अरखपिपुस से अनेतीर की “जो स्यावा प्रभु दा आऊक सौप्सकु आग्याद आव अदरी नशिचय इन सांगुळ पुरा माळुल.

18 “ना पौलुस खुद तान कय देल नीमी नमस्कार लखिसेतीन. याद ईटी की ना शंकलीगोळ देल कटकु बंदीगृह दा आईन,”

परमेश्वर उन अनुग्रह नीम सांगुळ बन्सकु ईरूल.

✨ 4:10 ४:१० प्रेरतिगोळ १९:२९; २७:२; फलिमोन १:२४; प्रेरतिगोळ १२:१२,२५; १३:१३; १५:३७-३९ ✨ 4:12 ४:१२ कुलुससगिळ १:७; फलिमोन १:२३ ✨ 4:14 ४:१४ २ तीमुथयिस ४:११; फलिमोन १:२४; २ तीमुथयिस ४:१०; फलिमोन १:२४ ✨ 4:17 ४:१७ फलिमोन १:२

थसिसलुनीकियों के नाम पौलुस प्रेरति की पहली पत्री थसिसलुनीकगिोळ हेसुर पौलुस प्रेरति उन पयला चट्ठी परचिय

थसिसलुनीकगिोळ्द पयला चट्ठी पौलुस १:१ लखिसीदुन पयले पवतिरशास्त्र अन भाग बनसत अदकि मसीह अन जनम इन ५१ साल इन बाददा लखिसकु आगीत, याग पौलुस चट्ठी लखिसदुन आग आव कुरन्थि नगर दा ईरोन थसिसलुनीकगिोळ्द मंडली यारी आव चट्ठी लखिसदुन दुसरा मशिनरी यात्रा अन न्याड्या दा स्थापति माळकु आगीत प्रेरतिगोळ १७:१-१० प्रेरतिगोळ क्याल्सागोळ्द कतिबगोळ दा हगि हेळकु आग्याद कि ईद मंडली यहूदीगोळ्द अदकि ग्रीकगोळ्द बनसकु ईरोद.

ई मंडली इन स्थापना माळदुर बाददा पौलुस थसिसलुनीकियों दा यक्कुल दनि ताका रूक्सीदलि. इदुरसाटी आव ई चट्ठी इक प्रोत्साहन कोळेर साटी लखिसदुन, ई चट्ठी दा हापाळ वषियगोळ्द चर्चा माळकु आग्याद, जसा कि मसीहगोळ ह्यांग ईरली पायजे. पौलुस मसीह अन दुसरा आगमन इन ताका लखिसतान सायद इदुरसाटी कि थसिसलुनीकगिोळ्द मंडलीगोळ दा ईरावाळेर वशिवासीगोळी केळसदुर दा हापाळ उत्साह ईरोद, पौलुस ई बारा दा चट्ठी इन द्वारा यीशु उन दुसरा आगमन इक लखिसकु हगि जीवन व्यतीत माळली प्रोत्साहति माळतान यदुर देल परमेश्वर संतुष्ट आन ५:६-८

रूप-रेखा:

१. मंडली इक नमस्कार अदकि परमेश्वर उन धन्यवाद १
२. पौलुस तान कार्य अन बारा दा अदकि तीमुथयुस जो समाचार इन साटी ईरोन आऊन बारा दा चर्चा माळदुन २-३
३. यीशु उन दुसरा आगमन इन तयारी माळेर साटी मसीह दा ह्यांग जीवन व्यतीत माळ पायजे ४:१-५:१५
४. पौलुस उन मंडली इक नमस्कार अदकि सप्पा मुंदुर आऊन चट्ठी वाचुस पायजे ईदुर बारा दा सुचना ५:१६-२८

1 *पौलुस अदकि सलिवानुस अदकि तीमुथयुस उन दी टु थसिसलुनीकेगोळ मंडली नव हेसुर जो परमेश्वर आप्प अदकि प्रभु यीशु मसीह अन लॉकुर आर अनुग्रह अदकि शांती नीमी सकितेला ईरूल.

थसिसलुनीकगिोळ्द जीवन अदकि वशिवास

2 नाव तान प्रार्थनागोळ दा नीमी हमेशा याद माळतेव अदकि हमेशा नीम सप्पा अन बारा दा परमेश्वर उन धन्यवाद माळतेव. 3 अदकि तान परमेश्वर अदकि आप्प उन मुंद नीमव वशिवास इन क्याल्सा अदकि प्यार इन मेहनत अदकि नाम प्रभु यीशु मसीह दा धीरज देल हुळकु आशा अक लगातार याद माळतेव. 4 नामोर वार्टुरा अदकि आकतीगेरा, नाव जानसतेव कि परमेश्वर नीम से प्यार माळतान आव नीमी नीवळुस्यान. 5 यतकी नाव नीम हात्ती नाम्द खुशखबरी सरिफ शब्दगोळ देल अच ईला लेकीन सामर्थ्य देल, अदकि पवतिर आत्मा अन्द पुरा सच्चाई इन नश्चिता देल तंदान; ह्यांग नीव जानसतीर कि नाव नीम सांगुळ ईरेव, रा नाव ह्यांग ईततेव ईद नीम भलाई इन साटी ईरोद. 6 *नीव धोळ्द क्लेशगोळ बावजुद. पवतिर आत्मा देल सकिद खुशी इन सांगुळ, वचन इक ग्रहण माळदुर अदकि नाम्द अदकि प्रभु उन अनुकरण माळली हतदुर. 7 इदुरसाटी हगि माळदुर देल मकदिनया अदकि अखाया द्याश इन सप्पा वशिवासीगोळ साटी नीव आदर्श बनसेदरि. 8 यतकी नीम हात्ती टु प्रभु उन वचन सरिफ मकदिनया अदकि अखाया दा अच केळसकु आत हगि अच ईला, लेकीन नीम वशिवास इन जो परमेश्वर मा आद, हर जागा दा अदुर चर्चा फेलुसेत कि ईदुर बारा दा नामी येनु अनोद जरवत अच हैलेच. 9 यतकी आ लॉकुर

नाम बारा दा हेळतार कनिमीद हातती नाम्द स्वागत ह्यांग आत; अदकि नीव ह्यांग मूरतीगोळ देल परमेश्वर उन दी तरिगदरि ताकी जतिता अदकि खरा परमेश्वर उन स्यावा माळी, ¹⁰ अदकि आऊन पार उन स्वर्ग मा टु बरोद हादी कायतेला ईरी यारी आव सोत्तुर दा टु जतिता माळ्यान, अर्थात यीशु उन, जो नामी परमेश्वर उन बरोद आद प्रकोप देल उळस्तान.

2

थसिसलुनीकियों दा पौलुस उन कार्य

¹ हे वारटुरा अदकि आकतींगेरा, नीव खुद अच जानसतीर कनि नाम नीम हातती बरोद बेकार आगीदील ² लेकीन नीव खुद अच जानसतीर नीम हातती बरोर से पयले फलिपिपी दा दुख नेगुली अदकि अपमान सहन माळदुर मा भी नाम परमेश्वर नामी ईतता साहस कोट्टुन, कनिाव परमेश्वर उन खुशखबरी भारी वरिधगोळ ईरतेला भी नीमी केळसेव. ³ यतकी नाम्द उपदेश गलतीगोळ से हैलेच अदकि अशुध्द वचार देल, अदकि चालाकी इन सांगुळ हैलेच; ⁴ लेकीन ह्यांग परमेश्वर नामी योग्य ठहूसकु खुशखबरी सौपसदुन, नाव हांग अच हेळतेव, अदकि इदुर दा मंळसागोळी इक ईला, लेकीन परमेश्वर उक, जो नाम मन इन उद्देशगोळी जाच तान, प्रसन्न माळतेव. ⁵ यतकी नीव जानसतीर, नाव ना रा यागलु चापलुसी माळेव अदकि ना पैस्या अन लालच इन साटी येनारा बहाना माळेव परमेश्वर नाम गवाह आन ⁶ अदकि नाव ना मंळसागोळ देल, ना दुसरा से, अदकि ना खुद देल प्रशंसा चाहसदेव. ⁷ यीशु मसीह अन प्रेरति आगा नाता देल नाम नीम मा बोझ हाक सकेव. लेकीन याता प्रकार मोय तान चकिोर्द पालन पोषण माळतार हांग अच नाव भी नीम न्याड्या दा ईतकु धोळद कोमलता तोर्सदेव; ⁸ अदकि हांग अच नाव नीमी हापाळ प्यार माळतेला, नाव खुशी इन सांगुळ परमेश्वर उन खुशखबरी दा नाम जीवन इन द्वारा पुरा तरीका देल सामर्थ्य देल नीम्द मदत माळली तयार ईरेव, इदुरसाटी कनि नीव नाम प्रयि आगेगीदीर.

⁹ यतकी, हे वारटुरा अदकि आकतींगेरा, नश्चिति अच नीव नाम मेहनत अदकि कष्ट इक याद ईटतीर; नाव इदुरसाटी ईळलक हागुल क्याल्सा थंदा माळतेला नीम दा परमेश्वर उन खुशखबरी प्रचार माळदेव कनिमी दा टु यारदु मा भार आगबाळुल. ¹⁰ नीव ई मात इन गवाह हुईर, अदकि हांग अच परमेश्वर भी आन, कनिाव नीम वशिवासीगोळ सांगुळ पवतिरता, लायकत अदकि नरिदोषता अन व्यवहार माळेव. ¹¹ नीव जानसतीर कनिाव नीम सांगुळ हांग अच व्यवहार माळतेव ह्यांग आप्प तान चकिोरगोळ सांगुळ व्यवहार माळतान. ¹² कनिाव नीमी प्रोत्साहति माळदेव दलासा कोट्टेव नाव नीमी वनिती माळतेला ईततेव कनिाव जीवन हगि बतिसी कनि परमेश्वर खुश आगुल, याव नीमी तान महिमा अदकि राज्य दा सहभागी आगोर साटी कारदान. ¹³ इदुरसाटी नाव भी परमेश्वर उन धन्यवाद लगातार माळतेव कनिाग नाम द्वारा परमेश्वर उन खुशखबरी इन वचन नीम हातती पोहचुस्त, रा नीव अदरी मंळसागोळद ईला लेकीन परमेश्वर उन वचन सम्सकु ग्रहण माळदीर; अदकि सही दा ईद हगि अच आद; अदकि अद नीम वशिवासीगोळ दा जो वशिवास ईटतीर, प्रभावशाली आद. ¹⁴ इदुरसाटी हे वारटुरा अदकि आकतींगेरा, नीम सांगुळ भी अदा मात आगतद ह्यांग मसीह यीशु दा परमेश्वर उन आ मंडलीगोळद यहूदिया दा आद, यतकी नीव तान लॉकुर से हांग अच छल सहन माळतीर, ह्यांग आंदुर भी यहूदीगोळ द्वारा सहन माळीदुर, ¹⁵ यार प्रभु यीशु उक अदकि भवषियवक्तागोळी भी कोंद कोंडुर अदकि नाम सांगुळ छल माळदुर, अदकि परमेश्वर आंदुर से प्रसन्न हैलेच, अदकि आंदुर सप्पा मंळसागोळद वरिध माळतार, ¹⁶ अदकि आंदुर गैरयहूदीगोळी आंदुर उद्धार इन साटी परमेश्वर उन खुशखबरी हेळोर साटी नामी रोकसतार कनि हमेशा तान पाप इन घळा तुमतेला ईरूल; लेकीन आंदुर मा परमेश्वर उन भयानक प्रकोप होट बंदाद.

पौलुस उन दुबारा थसिलनीकगोळी सकिोद अभलाषा

¹⁷ हे वारटुरा अदकि आकतींगेरा, याग नाव थ्वाळासा समय इन साटी, मन दा ईला लेकीन मय देल, नीम से अलग आगेगीदेव, रा नाव हापाळ कोशशिगोळ सांगुळ नीमी नोळोर साटी हापाळ

✱ 2:2 २:२ प्रेरतिगोळ १६:१९-२४; प्रेरतिगोळ १७:१-९ ✱ 2:14 २:१४ प्रेरतिगोळ १७:५ ✱ 2:15 २:१५ प्रेरतिगोळ ९:२३,२९; १३:४५,५०; १४:२,५,१९; १७:५,१३; १८:१२

कोशशि माळदेव. 18 इदुरसाटी नाव ऊंद धन ईला लेकीन घळी-घळी नीम हात्ती बरोद चाहसदेव, लेकीन शैतान नामी रोक्सकु ईटदुन. 19 भला नाम आशा या आनन्द या बळाई इन मुकुट येन आद? येन नाम प्रभु यीशु उन मुंद आऊन बरोद समय नीम अच ईरतीदील? 20 नाम बळाई अदकि खुशी नीव अच हुईर.

3

तीमुथयिस उन मुलाकात

1 इदुरसाटी याग नाम से अदकि ईतकु आगीदील, रा नाव ईद ठहरूसदेव कि एथेस नगर दा आबना ईतोगुल, 2 अदकि नाव तीमुथयिस उक, जो मसीह अन खुशखबरी दा नामव वार्ट अदकि परमेश्वर उन भी सेवक आन, इदुरसाटी कळ्यान कि आव नीमी संची माळुल अदकि नीम वशिवास इन बारा दा नीमी समझुसुल.

3 कि नीम दा टु यावारा भी इव क्लेशगोळ कारण डगमगुस बाळुल. यतकी नीव खुद अच जान्सतीर कि ईद सताप नाम साटी परमेश्वर उन इच्छा अन भाग हुन. 4 यतकी पयला अच, याग नाव नीम सांगुळ ईर तोगेव रा नीम से अन तोगेव कि नामी क्लेश नेगव बदिदव, अदकि हगि अच आग्याद, ह्यांग कि नीव जान्सतीर भी. 5 ईद कारण याग नान से अदकि ईतकु आगीदील, रा नीमद वशिवास इन बारा दा जानसोर साटी कळुदीन, कियगलु हगि आगबाळुल कि परीक्षा माळावाळेर शैतान नीम परीक्षा माळीदार, अदकि नाम मेहनत बेकार आगीदाद.

6 लेकीन ईगल्या तीमुथयिस, जो नीम हात्ती टु नाम हात्ती बंदान, नीमद वळलीद वशिवास अदकि प्यार इन बातणी केळसदुन अदकि ईद मात इक भी केळसदुन कि नीव हमेशा प्यार इन सांगुळ नामी याद माळतीर, अदकि ह्यांग नाव नीमी नोळोर साटी लालच ईटतेव हांगा नीव भी ईटतीर. 7 इदुरसाटी हे वार्टुरा अदकि आकतीगेरा, तान सप्पा दुख अदकि क्लेश दा नीम वशिवास इन कारण नामी नीम बारा दा प्रोत्साहन सकित. 8 यतकी ईग अगर नीव प्रभु दा संची ईरी रा नाव जतिता आयेव. 9 यतकी नाव नीम साटी परमेश्वर उन धन्यवाद माळ सकतेव. जो खुशी नामी परमेश्वर उन उपस्थिती दा सकितद, इदुरसाटी परमेश्वर उन धन्यवाद माळतेव. 10 नाव ईळलक हागुल हापाळ अच प्रार्थना माळतेला ईरतेव कि नीमी मुंद नोळेव, अदकि नीम वशिवास इन कमी पुरा माळेव.

11 ईग नामव परमेश्वर अदकि आप्प खुद अच अदकि नाम प्रभु यीशु, नीम हात्ती बरोर साटी नाम हादी तेरुल; 12 अदकि प्रभु हगि माळुल कि ह्यांग नाव नीम से प्यार ईटतेव, हांग अच नीम प्यार भी आपस दा अदकि सप्पा मळसागोळ सांगुळ वाळुसुल, अदकि उन्नती माळतेला होगुल, 13 ताकी आव नीम मनगोळी हगि संची माळुल कियग नामव प्रभु यीशु तान सप्पा पवतिर लाकुर सांगुळ बरूल, रा खुद नाम परमेश्वर आप्प उन उपस्थिती नरिदोष ठहरूसुल.

4

जीवन जो परमेश्वर उक खुश माळुल

1 इदुरसाटी हे वार्टुरा अदकि आकतीगेरा, नाव नीम से वनिती माळतेव अदकि नीमी प्रभु यीशु मसीह दा समझुसतेव कि ह्यांग नीव नाम से योग्य चाल नळोद अदकि परमेश्वर उक खुश माळोद कलतीर, अदकि ह्यांग नीव नळुतीर भी, हांग अच अदकि भी वाळुस्तेला होगी. 2 यतकी नीव जान्सतीर कि नाव प्रभु यीशु उन अधिकार देल नीमी याता-याता शकिषागोळ कोटेव. 3 परमेश्वर उन इच्छा ईद आद कि नीव पवतिर बन्सी: अरथात व्यभचार देल उळदकु ईरी, 4 अदकि नीम दा टु हर ऊंद मळसा अक ईद जान्स पायजे कि तान-तान हगिस् उन सांगुळ पवतिरता अदकि आदर इन सांगुळ व्यवहार माळोद आद ईद नीमी कलु पायजे, 5 अदकि ईद क्याल्सा अभलिषा देल ईला, अदकि ना आ गैरयहूदीगोळ घाई जो परमेश्वर उक जान्सालुर, 6 कि ईद मात दा याऊ तान सहकर्मी वार्ट उक ठगुसबाळुल, अदकि आऊन फायदा नेगुबाळी, यतकी प्रभु ईव सप्पा मातगोळ बदला ताकोमावाळा आन; ह्यांग कि नाव पयले अच नीम से अदेव अदकि चतिस देव भी.

7 यतकी परमेश्वर नामी अशुध्द दा ईरोरसाटी ईला, लेकीन पवतिर आगोर साटी कारदान. 8 ईद कारण जो ईद शक्षिा अक नकारसतान, आव मंळसा अक ईला लेकीन परमेश्वर उक नकारसतान, जो तान पवतिर आत्मा नीमी कोळतान.

9 लेकीन भाईचारा अन प्यार इन बारा दा ईद जरूरी हैलेच कनिा नीम हात्ती येनारा लखिसाईन, यतकी आपस दा प्यार ईटोद नीव खुद अच परमेश्वर देल कलतीर; 10 अदकि पुरा मकदिनया नोर सप्पा वार्टुर आकतीगेर सांगुळ हगि प्यार माळतीर. लेकीन हे वार्टुरा अदकि आकतीगेरा, नाव नीमी समझुसतेव क्कियक्कुल अच वाळुसतेला होगी, 11 अदकि ह्यांग नाव नीमी आग्या कोटेव, हांग अच शांती देल जीवन जीऊसोद अदकि तान-तान क्याल्सा माळली अदकि तान-तान कय देल कमसोद कोशशि माळी; 12 ताकी व्हार्यावाळेरे से आदर प्राप्त माळी, अदकि नीमी यातोदु वस्तु उन कमी आगबाळुल.

प्रभु उन दुबारा बरोद

13 हे वार्टुरा अदकि आकतीगेरा, नाव चाहसालेव क्कनीव आंदुर बारा दा जो सोतकु आर, अग्यानी ईरी; हगि आगबाळुल क्कनीव दुसरा अन घाई शोक माळी यारी आशा हैलेच. 14 यतकी अगर नाव वशिवास माळतेव क्कयीशु सोत्तुन अदकि जत्तिता भी आदुन, रा हांग अच परमेश्वर आंदरी भी जो यीशु मा वशिवास माळतेला सोत्तुर, यीशु उन सांगुळ जत्तिता माळयान. 15 यतकी जो प्रभु नामी कलसयान नाव प्रभु उन वचन इन अनुसार नीम से ईद अनतेव क्कनाव जो जत्तिता आयेव अदकि प्रभु उन बरासताका ताका उळ्दकु ईत्तेव, सोत्तुर देल मुंद वाळुसतीदलि. 16 यतकी प्रभु खुद अच स्वर्ग टु ईळदान; आ समय ललकार, अदकि प्रधान स्वर्गदूत उन शब्द केळ बंदीत, अदकि परमेश्वर उन तुरही उदकु आदीत; अदकि जो मसीह दा वशिवास माळतेला सोतार, आंदुर पयले जत्तिता माळकु आदार. 17 आग नाव जो जत्तिता अदकि उळ्दकु ईत्तेव आंदुर सांगुळ बादलगोळ मा नेगुक्कु आदेव क्कहवा दा प्रभु उन सांगुळ सकिल; अदकि ईद रीर्ता देल नाव हमेशा प्रभु उन सांगुळ ईत्तेव. 18 ईद प्रकार इव मातगोळ देल आबुर दाबुरी प्रोत्साहिति माळतोगी.

5

प्रभु उन बरोद साटी तयार ईरी

1 लेकीन हे वार्टुरा अदकि आकतीगेरा, समय अदकि कालगोळ बारा दा नीमी येनु लखिसोद जरवत हैलेच. 2 यतकी नीव खुद अच जानसतीर क्कह्यांग ईळ्लक इक काळल बरतान, हांग अच प्रभु उन दनि बरोद आद. 3 याग लॉकुर अनतेला ईत्तार, “कुशल आद, अदकि येनु अंजक हैलेच,” रा आंदुर मा अचानक वनिाश बंदीत, याता प्रकार व्हाट्या दी आर्त इक दुख; अदकि आंदुर यातोदु रीर्ता देल ऊळुतीदील. 4 लेकीन हे वार्टुरा अदकि आकतीगेरा, नीव रा अंधकार दा हैलेच क्कअद दनि नीम मा काळल उन घाई बंदकु बळिल. 5 यतकी नीव सब ज्योर्ता अदकि हागुल इन चकिोर हुईर; नाव ना ईळ्लक इन आयेव, ना अंधकार इन आयेव. 6 इदुरसाटी नाव दुसरा अन घाई मगिक्कु ईरतीदील, लेकीन जागसतेला अदकि सावधान ईत्तेव. 7 यतकी जो मींगतार आंदुर ईळ्लकी इच मींगतार, अदकि जो मतवाला ईरतार आंदुर ईळ्लकी इच मतवाला ईरतार. 8 लेकीन नाव जो हागुल इनोर हुयेव, वशिवास अदकि प्यार इन कवच हाक्कु अदकि उद्धार इन आशा अन टोप हाक्कु सावधान ईत्तेव. 9 यतकी परमेश्वर नामी सट्टि इन साटी ईला, लेकीन इदुरसाटी ठहूरसयान क्कनाव तान प्रभु यीशु मसीह अन द्वारा उद्धार प्राप्त माळेव. 10 यीशु नाम साटी ईद कारण सोत्तुन क्कनाव जत्तिता ईरूल या सोतकु ईरूल, याग आव बंदान आग सप्पा मीलुस्कु आऊंदा सांगुळ जीऊसेव. 11 ईद कारण आबुर दाबुरी दलिासा कोळी अदकि आबुर दाबुर इन मदत इन कारण बनसी, ह्यांग क्कनीव माळतीर भी.

आखरी शक्षिा

12 हे वार्टुरा अदकि आकतीगेरा, नाव नीम से वनिती माळतेव क्कजो नीम दा मेहनत माळतार, अदकि नीम मसीह जीवन दा नीमोर अगुवे आर, अदकि नीमी शक्षिा कोळतार, आंदुर्द सम्मान

☆ 4:15 ४:१५ १ कुरन्थि१५:५१,५२

☆ 5:2 ५:२ मत्ती २४:४३; लूका १२:३९; २ पतरस ३:१०

☆ 5:8 ५:८ इफसिगोळ

माळी. 13 अदकि आंदुर क्यालसा अन कारण प्यार इन सांगुळ आंदरी हापाळ अच आदर इन योग्य समसी. आपस दा मेल मलिाप देल ईरी. 14 हे वार्दुरा अदकि आकतींगेरा, नाव नीमी समझुसतेव कि जो ठीक चाल नळालुर आंदरी समझुसी, कायरगोळी हमिमत कोळी, नरिबलगोळी सभांळसी, सप्पा दी सहनशीलता तोरसी. 15 सावधान. याऊ यारदु से बुराई इन बदला बुराई माळबाळुल; लेकीन हमेशा वळ्लीद माळदुर मा तत्पर ईरी, आपस दा अदकि सप्पा मुंदुर से भी भलाई माळी. 16 हमेशा खुश ईरी. 17 हमेशा प्रार्थना दा हतकु ईरी. 18 हर मात दा धन्यवाद माळी; यतकी नीम मसीह यीशु दा परमेश्वर उन ईदा इच्छा आद. 19 आत्मा अक नुनाक बाळी. 20 परमेश्वर उन दी टु बरावाळा बातणी इन धक्कार माळबाळी. 21 सप्पा मातगोळी परखुसी; जो वळ्लेव आव अवरी हुळकु ईटी. 22 सप्पा प्रकार इन बुराई देल उळ्दकु ईरी.

23 शांती नव परमेश्वर खुद अच नीमी पुरा रीतदिल पवतिर माळुल; अदकि नीमद आत्मा अदकि जीव अदकि शरीर नाम प्रभु यीशु मसीह अन बरोद ताका पुरा-पुरा अदकि नरिदोष सुरक्षति ईरूल.

24 नीमव कारावाळा वशिवासलायक आन, अदकि आव हगि अच माळ्यान.

25 हे वार्दुरा अदकि आकतींगेरा, नाम साटी प्रार्थना माळी.

26 सप्पा वशिवासी वार्दुरी परमेश्वर उन पवतिर प्यार दा नमस्कार.

27 ना नीमी प्रभु उन अधकार देल नीमी वनिती माळतीन कि ईद चट्टी सप्पा वशिवासी वार्दुरी वाचुसकु केळसकु आगुल.

28 नाम प्रभु यीशु मसीह अन्द अनुग्रह नीम मा आगतेला ईरूल.

थसिसलुनीकियों के नाम पौलुस प्रेरति की दूसरी पत्री थसिसलुनीकगिोळ हेसुर पौलुस प्रेरति उन दुसरा चट्ठी परचिय

ईद थसिसलुनीकगिोळ लखिसद पौलुस उन दुसरा चट्ठी १:१ पयला चट्ठी लखिसदुर बाददा ईद चट्ठी लगभग मसीह अन्द जनम इन ५१ साल इन बाददा लखिसदुन. याग आव ईद चट्ठी लखिसदुन आग आव कुरनिथि नगर दा ईरोन ईद चट्ठी जो थसिसलुनीकगिोळ मंडली इक लखिसकु आगीत, ईद पौलुस तान दुसरा मशिनरी यात्रा अन न्याड्या दा स्थापति माळदुन प्रेरतिगोळ १७:१-१० ईद मंडली यहूदी अदकि गैरयहूदीगोळ बन्सकु ईरोद.

ई मंडली इन लॉकुर आखरी समय इन बारा दा अदकि प्रभु अन दुसरा आगमन ईद बारा दा इन बारा दा जानसोर साटी हापाळ उत्सुक ईरोर, इदुरसाटी पौलुस तांद येदु चट्ठी दा ई मातगोळद जकिर माळतोगोन. ईद दुसरा थसिसलुनीकगिोळ चट्ठी हुन आर्धा से यक्कुल हसिसा आखरी समय इन बारा दा आद जो आलसी आर आंदुर बारा दा भी जकिर माळतान. अदकि ईद अनतान कि हर ऊंद मळसा तान जीवन नरिवाह माळोर साटी क्याल्सा माळुल ३:६-१०

रूप-रेखा

१. पौलुस खुद इन अदकि तान संगीगोळद परचिय कोळतान १:१-२
२. पौलुस परमेश्वर उन थसिसलुनीकगिोळद मंडली इक धन्यवाद माळतान, अदकि आंदुर साटी प्रार्थना माळतान १:३-१२
३. आखरी समय इन बारा दा चर्चा २
४. आलस इन वरिध दा अदकि मयनत इन जरवत इन बारा दा पौलुस उन शक्ति ३:१-१५
५. पौलुस उन मंडली इक दुबारा नमस्कार ३:१६-१८

1 *पौलुस अदकि सलिवानुस अदकि तीमुथियुस इन सांगुळ नाम आप्प परमेश्वर अदकि प्रभु यीशु मसीह अन लॉकुरी चट्ठी लखिसतीन, थसिसलुनीकगिोळ मंडली दा आद: 2 नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

न्याय इन दनि

3 हे वारटुरा अदकि आकतीगेरा, नीम बारा दा नामी हर समय परमेश्वर उन धन्यवाद माळ पायजे, अदकि ईद उचति भी आद, इदुरसाटी कि नीम वशिवास हापाळ वाळुसीग्याद, अदकि नीम सप्पा मुंदुरद प्यार आपस दा हापाळ अच वाळुसतेला होगेत्याद. 4 ईल ताका कि नाव खुद परमेश्वर उन मंडली दा नीम बारा दा घमण्ड माळतेव कि यास उपद्रव अदकि क्लेश नीव सहन माळतीर, आ सब दा नीम धीरज अदकि वशिवास प्रगट आगतद.

5 ईद परमेश्वर उन खरा न्याय इन स्पष्ट प्रमाण हुन कि नीव परमेश्वर उन राज्य अन योग्य ठहूसी, यदुर साटी नीव दुख भी नेगुतीर. 6 यतकी परमेश्वर उन हात्ती ईद न्याय आद किजो नीमी क्लेश कोळतार, आंदरी बदला दा क्लेश कोळुल 7 अदकि नीमी, जो क्लेश पाऊसतीर, नाम सांगुळ चैन कोळुल; आ समय याग कि प्रभु यीशु तान सामर्थी स्वर्गदूतगोळ सांगुळ, धधकुसतेला बेक्की दा स्वर्ग टु प्रगट आदान, 8 अदकि जो परमेश्वर उक अरालुर अदकि नाम प्रभु यीशु उन खुशखबरी इक मानसालुर आंदुर से बदला ताकोडान. 9 आंदुर प्रभु उन मुंदु टु अदकि आऊन ताकत इन तेज देल दुर आगकु अनन्त वनिश इन दण्ड ताकोडार. 10 ईद आ दशि आदीत, याग आव तान पवतिर लॉकुर दा महमा ताकोमोर अदकि सब वशिवास माळावाळेर दा आश्चर्य अन कारण आगोर साटी बंदान; ईदुर दा नीव भी सहभागी आईर यतकी नीव नाम गवाही मा वशिवास माळदीर. 11 इदुरसाटी नाव हमेशा नीम साटी प्रार्थना भी माळतेव कि नाम परमेश्वर नीमी आ जीवन इन योग्य समसुल, अदकि भलाई इन हर ऊंद इच्छा अदकि वशिवास इन हर ऊंद क्याल्सा अक सामर्थ्य सहति पुरा

माळुल, ¹² ताकी नाम परमेश्वर अदकि प्रभु यीशु मसीह इन अनुग्रह अन अनुसार नाम प्रभु यीशु उन हेसुर इक महमा सकिल, अदकि नीमी भी.

2

दुष्ट मळसा

¹ हे वारटुरा अदकि आकतींगेरा, ईग नाव तान प्रभु यीशु मसीह अन बरोद, अदकि आऊन हात्ती तान जमा आगोद बारा दा नीम से वनिती माळतेव. ² की परमेश्वर उन दी टु बरावाळा बातणी, या वचन, या चट्टी इन द्वारा, जो की नाम चट्टी इन द्वारा नीमी ईतीदाद, ईद समसकु की प्रभु उन दनि होट बंदाद, नीम मन अचानक असंची आगबाळुल अदकि नीव दुखी आगबाळी. ³ यातारा रीती देल यारदारा ध्वाका दा बरबाळेतीर, यतकी प्रभु उन दनि आगासताका बरतीदील यागासताका परमेश्वर उन खलिाप आखरी वदिरोह सुरू आगतीदील, अदकि आव पाप इन मळसा मतलब दुष्ट मळसा प्रगट आगतीदील जो नरक दा नष्ट माळकु आदान. ⁴ आव दुष्ट मळसा वरिध माळतान, अदकि हर ऊंद से जो ईश्वर उन या पुजा अन वस्तुगोळद वरिध माळतान, तान तान इक अदुर से धोळद ठहरूस्तान, ईल ताका की आव परमेश्वर उन मंदरि दा कुरतकु तान तान इक ईश्वर कहलुस्तान. ⁵ येन नीमी याद हैलेच की याग ना नीम सांगुळ ईरीन, रा नीम से ईव मातगोळ अनतोगनि? ⁶ नीव आ मात इक जान्स्तीर, जो आऊक ईग प्रगट आगली रोकसेत्याद. अदकि आव दुष्ट मळसा सही समय मा बंदान. ⁷ यतकी होचद दुष्ट शक्तगोळ ईग भी क्याल्सा माळत होगताव, लेकीन ईगल्या ऊंद रोकसावाळा आन, अदकि यागासताका अद दुर आगेगाल आव रोकसकु ईततान. ⁸ आग आव दुष्ट मळसा प्रगट आदान, लेकीन याग प्रभु यीशु मसीह बंदान अदकि आ दुष्ट मळसा अक तान बाय इन फुक देल कोंद बुट्टान, अदकि तान आगमन इन तेज देल भसम माळयान. ⁹ आ दुष्ट मळसा अन बरोद शैतान उन सामर्थ्य देल आदीत सब प्रकार इन ख्वाटा सामर्थ्य, अदकि चमत्कार, अदकि अदभुत क्याल्सागोळ सांगुळ आदीत, ¹⁰ अदकि नाश आगावाळेर साटी सप्पा प्रकार इन दुष्टता देल फसुसयान. यतकी आ लॉकुर नाश आदीत यार आ सत्य से प्यार ईटीदलि. ¹¹ ईदा कारण परमेश्वर आंदुरदा ऊंद जो भटकुसतद आ सामर्थ्य अक कळयान की आंदुर ख्वाटा अन वशिवास माळुल, ¹² ताकी यास लॉकुर सत्य अन वशिवास माळालुर, उलटा अन्याय देल प्रसनन आगतार, आंदरी सप्पा मुंदुरी दण्ड सकिल.

मजबूत बनसकु ईरी

¹³ हे वारटुरा अदकि आकतींगेरा, अदकि प्रभु उन प्रयि लॉकुरा, आगली होना की नाव नीम बारा दा हमेशा परमेश्वर उन धन्यवाद माळतेला ईततेव, यतकी परमेश्वर पयले टु नीमी नीवळुसयान की पवतिर आत्मा अन सामर्थ्य अन्द द्वारा पवतिर आगकु, अदकि सत्य अन वशिवास माळकु उद्धार ताकोमी, ¹⁴ यदुर साटी नाव जो खुशखबरी नीमी केळसदेव, की नीव नाम प्रभु यीशु मसीह अन महमा दा सहभागी आगी. ¹⁵ इदुरसाटी हे वारटुरा अदकि आकतींगेरा, संची ईरी; अदकि जो जो मातगोळ नीव उपदेश या चट्टी इन द्वारा नीमी कोटेव, अवरी हुळकु ईटी.

¹⁶ नाम प्रभु यीशु मसीह खुद अच, अदकि नाम आप्प परमेश्वर, याव नाम से प्यार ईटदुन अदकि अनुग्रह देल प्रोत्साहन शांती अदकि वळ्ळीद आशा नामी कोटान, ¹⁷ नीम मनगोळ दा प्रोत्साहन कोळुल अदकि नीमी हर ऊंद वळ्ळीद क्याल्सा अदकि वचन दा मजबूत माळुल.

3

नाम साटी प्रार्थना

¹ अनूत दा, हे वारटुरा अदकि आकतींगेरा, नाम साटी प्रार्थना माळतोगी की प्रभु उन वचन हगि राटनेरी फैलुसुल अदकि महमा आगुल, ह्यांग नीम दा आत, ² अदकि नाव तेळा अदकि दुष्ट मळसागोळ देल उळदकु ईरूल यतकी हर मळसा वचन मा वशिवास माळालुन.

3 प्रभु विश्वासयोग्य आन; आव नीमी मजबूती देल संची माळ्यान अदकि आ शैतान उन से सुरक्षति ईट्यान. 4 नामी प्रभु नीम बारा दा भरोसा कोळतान कि जो-जो आग्या नाव नीमी कोळतेव, अवरी नीव मान्सतरि, अदकि मान्सतेला भी ईत्तीर. 5 परमेश्वर उन प्यार अदकि मसीह दा हम्मत ईला बळोद अदकि प्रभु नीम मन इन अगुवाई माळुल.

कार्य माळोद उत्तरदायतिव

6 हे वार्दुरा अदकि आकतींगेरा, नाव नीमी तान प्रभु यीशु मसीह अन हेसुर देल आग्या कोळतेव कि नीव हर ऊंद ईत्ता विश्वासी से ब्यार ईरी जो अनुचति चाल नळुतान अदकि जो शकिषा आव नाम से ताकोडान अदुर अनुसार माळालुन. 7 यतकी नीव खुद अच जान्सतीर कियिता रीति देल नाम घाई चाल नळु पायजे, यतकी नाव नीम न्याड्या दा ईरेव आग आलसी ईला ईरेव, 8 अदकि यारदु रोटी फुकट दा तंददिल; लेकीन मयनत अदकि कष्ट देल ईळ्लक हागुल क्याल्सा धंदा माळतोगेव कि नीम दा टु यारदु मा भार बरबाळुल. 9 हगि ईला कि नामी नीम से मदत बेळोद अधिकार हैलेच, लेकीन इदुरसाटी कि तान तान इक नीम साटी आदर्श ठहरूसदेव कि नीव नाम घाई चाल नळी. 10 यतकी याग नाव नीम मान्या ईरेव, आग भी ईद आग्या नीमी कोळ तोगेव कि “अगर यावारा क्याल्सा ईला माळोद चाहसतदान रा ऊम भी बाळुल. 11 नाव केळतेव कि थ्वाळासा लॉकुर नीम न्याड्या दा आलसी आर अदकि येनु क्याल्सा धंदा माळालुर, लेकीन दुसरा अन क्याल्सा दा कय हाकतोगतार. 12 ईत्ता मंळसागोळी नाव प्रभु यीशु मसीह दा आग्या कोळतेव अदकि समझुसतेव कि वळ्लीद रीति देल क्याल्सा माळकु तांद अच रोटी तनिल.

13 “नीव, हे वार्दुरा अदकि आकतींगेरा, भलाई माळदुर दा हम्मत बळिबाळी. 14 अगर यावारा नाम ई चट्टी इन मात इक मान्सालुन रा आऊन मा नजर ईटी, अदकि आऊन संगत माळबाळी, यदुर देल आव लज्जति आगुल. 15 तरी भी आऊक दुश्मन सम्सबाळी, लेकीन सप्पा मुंदुरी विश्वासी जान्सकु समझुसी.”

आखरी शब्द

16 ईग प्रभु जो शांती नव सोता हुन खुद अच नीमी हमेशा अदकि हर प्रकार देल शांती कोळुल. प्रभु नीम सप्पा मुंदुर सांगुळ हमेशा ईरूल.

17 ना, पौलुस, तान कय देल नमस्कार लखिसतीन. हर चट्टी इक ना हगि खतम माळतीन; ना ईदा प्रकार देल लखिसतीन अदकि हर ऊंद चट्टी दा ना हगि हस्ताक्षर माळतीन. 18 नाम प्रभु यीशु मसीह अन्द अनुग्रह नीम सब मा आगतेला ईरूल.

तीमुथयिस के नाम पौलुस प्रेरति की पहली पत्री तीमुथयिस उन हेसुर पौलुस प्रेरति उन पयला चट्ठी परचिय

पयला तीमुथयिस उन कतिाब प्रेरति पौलुस तान चेला तीमुथयिस उक लखिसद ऊंद चट्ठी हुन. तीमुथयिस उन कतिाब शायद मसीह अन जनम इन बाददा ६२ से ६४ साल इन बाददा लखिसकु आगीत. ईद पौलुस उन जीवन इन अन्त इन हात्ती आत. पौलुस उन तीमुथयिस उन सांगुळ ऊंद करीबी रशिता ईरोद अदकि आव आऊक हापाळ घन पार उन रूप दा संदर्भति माळदुन फलिपिगोळ २:२२१ तीमुथयिस १:२; १:१८

ईद पौलुस उन नाक चट्ठी गोळ दा टु ऊंद चट्ठी हुन यदरी मंडली इन बजाय यातारा मंळसा अक संबोधति माळकु आगतद. दुसरा मुर चट्ठी दुसरा तीमुथयिस, तीतुस, अदकि फलिपिपी. पयला तीमुथयिस दा मंडली इन आराधना २:१-१५ मंडली नोर अधिकारीगोळ साटी लायकत ३:१-१३ अदकि ख्वाटा गुरुगोळ खलिाप चेतावनीगोळ १:३-११; ४:१-५; ६:२-५ ईद तोरसतद की पौलुस तीमुथयिस उक मंडली इन न्याड्या उपदेशक बनसोद प्रशिक्षण कोळोन. पयला तीमुथयिस दा हापाळ सदिधांतगोळ आव जो नाम मंडली इन मंत्रालय इन प्रबंधन माळोर दा सहायता माळ सकतेव.

रूप-रेखा

१. पौलुस तीमुथयिस उन अभवादन से सुरूवात माळतान. १:१-२
२. आग आव तीमुथयिस उक ख्वाटा गुरुगोळ खलिाप चेतावनी कोळतान. १:३-११
३. पौलुस यीशु मसीह अन साटी याट आभारी आन, ईद हेळतान. १:१२-१९
४. ईदुर बाददा आव तीमुथयिस उक आराधना अदकि मंडली इन अगुवा अन बारा दा नरिदेश कोळतान. २-३
५. पौलुस तीमुथयिस उक थ्वाळासा आखरी नरिदेश कोटकु तान चट्ठी पुरा माळतान. ४-६

1 नामव उद्धारकर्ता परमेश्वर अदकि नाम्द आशा अन आधार मसीह यीशु उन आग्या देल मसीह यीशु उन प्रेरति पौलुस उन दी टु,

2 तीमुथयिस उन हेसुर जो वशिवास दा नानव खरा पार आन.

आप्प परमेश्वर, अदकि नामव प्रभु यीशु मसीह अन दी टु नीनी अनुग्रह, अदकि दया अदकि शांती सकितेला ईरूल.

ख्वाटा गुरुगोळ वरिद्ध चेतावनी

3 ह्यांग ना मकदिनया अक होगतेला नीनी समझुसीदीन, कइफसिस दा ईतकु थ्वाळासा लॉकुरी आग्या कोळुल की ख्वाटा सदिधांतगोळ शिक्षा कोळबाळुल, 4 आंदरी अन पुरातन काल्पनकि कात्तागोळ अदकि अनन्त वंशावलीगोळ मा मन हचबाळी, यदुर देल वविाद आगताव, इव परमेश्वर उन कार्य ईला, जो वशिवास इन द्वारा आव आन. 5 आग्या अन उद्देश ईद आद की शुद्ध मन अदकि वळ्लीद वविक, प्यार अदकि कपट रहति वशिवास इन द्वारा बरतद. 6 इवरी बटिकु थ्वाळासा लॉकुर बेकार मातगोळ दी भटकसेग्यार. 7 अदकि आंदुर व्यवस्था अन गुरु रा आगोद चाहसतार, लेकीन जो मातगोळ अनतार अदकि यवरी मजबूती देल माताळतार, आंदरी समसालेव भी.

8 लेकीन नाव जानसतेव की अगर यावारा व्यवस्था अक उचति रीतदिल क्याल्सा दा तंदान रा अद भला आद. 9 नाव ईद भी जानसतेव की व्यवस्था लॉकुर साटी ईला लेकीन व्यवस्था अक ईला मानसावाळेर, वदिरोह, परमेश्वर उन अनादर माळावाळेर, पापीगोळ, अपवतिर अदकि न्यायी मंळसागोळ, मोय आप्प उन घात माळावाळेर, हत्या माळावाळेर, 10 व्यभचारीगोळ, गंळ्स

गामगिळ, गुलाम उक मारावाळेर, ख्वाटा माताळावाळेर, अदकि ख्वाटा गवाही तीनावाळेर, अदकि इंदुरद अतरिकित खरा सदिधांतगोळ शक्शा अन वरिधीगोळ साटी ठहरूसकु आग्याद. 11 ईद खुशखबरी महामिमय परमेश्वर यार हात्ती सप्पा आशीषगोळ आव अदकि आऊन द्वारा नानी सौप्सकु आग्याद.

पौलुस मा प्रभु उन अनुग्रह

12 ना तान प्रभु यीशु मसीह अन्द याव नानी सामर्थ्य कोटान, धन्यवाद माळतीन क आव नानी वशिवासलायक समसकु तान स्यावा अन्द साटी ठहरूसदुन. 13 *ना रा पयले अपमान माळावाळा, अदकि सतुसावाळा, अदकि हसिा माळावाळा ईरीन; तरी भी नान मा दया आत, यतकी ना अवशिवास इन दशा दा बनिा सोच समझुसकु ई क्याल्सागोळ माळीदीन. 14 अदकि नाम प्रभु उन अनुग्रह आ वशिवास अदकि प्यार इन सांगुळ जो मसीह यीशु दा आद, हापाळ इदुर देल आत. 15 ईद मात खरा अदकि हर प्रकार देल मानसोद लायक आद क मसीह यीशु पापीगोळ उद्धार माळोर साटी दुनिया दा बंदुन, यारदा सब से बेकार पापी ना आईन. 16 लेकीन नान मा इदुरसाटी दया आत क ना सब से बेकार पापी नान दा यीशु मसीह तान पुरा सहनशीलता तोरसुल, क जो लॉकुर आऊन मा अनन्त जीवन साटी वशिवास माळ्यार आंदुर साटी ना ऊंद आदर्श बनसाईन. 17 ईग अनन्त राजा मतलब अवनिाशी, अदृश्य, ऊंद मात्र परमेश्वर उन आदर अदकि महामिा हमेशा हमेशा आगतेला ईरूल. आमीन.

18 हे नान पारा तीमुथयिस, आ भवषियवाणीगोळ अनुसार जो पयले नीन बारा दा माळकु आगीदव, ना ईद आग्या कोळतीन क नी अऊर्द अनुसार वळलीद लळाई माळतेला ईर, 19 अदकि वशिवास अदकि आ वळलीद वविक इक हुडुकु ईट, यदुरद इनकार माळदुर कारण यास मुंदुरद वशिवास रूपी जहाज मुळकेत. 20 आंदुर दा टु उच हुमनियुस अदकि सकिन्दर हुन, यारी ना शैतान उक कोट्ट बुटीन क आंदुर परमेश्वर उन अपमान माळोद कलु बाळुल.

2

आराधना अन नरिदेश

1 ईग ना सब से पयले ईद आग्रह माळतीन क विनिती, प्रार्थना, नविदन, अदकि धन्यवाद सप्पा मंळसागोळ साटी माळकु आगुल. 2 राजागोळ अदकि सप्पा धोळ अधिकारीगोळद नमित्त इदुरसाटी क नाव शांती अदकि चैन इन सांगुळ परमेश्वर उक आदर कोळतेला अदकि पवत्रिता देल जीवन बीतुसेव 3 ईद नाम उद्धारकर्ता परमेश्वर उक वळलीसा हततद अदकि प्रसन्न भी माळतद, 4 जो ईद चाहासतान क सप्पा मंळसागोळ ऊळसकु आगुल, अदकि आंदुर सच्चाई इन ग्यान इक जान्स कोमुल. 5 यतकी परमेश्वर ऊंद अच आन, अदकि परमेश्वर अदकि मंळसागोळ न्याड्या दा भी ऊंद अच मध्यस्थ भी आन, मतलब मसीह यीशु जो मंळसा हुन. 6 यीशु नाम सप्पा मुंदरी छुटकारा कोळोर साटी तान बलदान कोटकु आजादी कोंडुन, अदकि आऊन गवाही सही समय मा कोटकु आत. 7 *ना सही अनतीन, ख्वाटा माताळालीन, क ना ईदा उद्देश देल प्रचारक अदकि प्रेरति अदकि गैरयहूदीगोळ साटी खरा वशिवास इन उपदेशक ठहरूसकु आदीन.

8 इदुरसाटी मंडली दा आराधना हाळाहोती ना चाहसतीन क हर जागा मंळसा, बनिा सट्टि अदकि ववाद इन पवत्रि कयगोळी नेगुकु प्रार्थना माळतोगुल. 9 *हांग अच आर्तेर भी नम्रता अदकि खुद: नयित्रण इन सांगुळ साधासुधा कपळागोळ देल तान तान इक सवारसुल; ना क चुट्टी सवारसकु अदकि ना व्हानना अदकि मोती अदकि कमिती कपळा देल, 10 लेकीन भला क्याल्सा देल, यतकी परमेश्वर उन भक्ती माळावळतेर आर्तेरी भी ईदा वळलीद आद. 11 आर्त इक शांतता देल अदकि पुरा हात्ती ता देल कलु पायजे. 12 ना आर्तेरी ईजाजत कोळालीन क आर्त ना शक्शा कोळुल अदकि ना मंळसा मा अधिकार जतुसुल, लेकीन सुंगा मुंगा ईरूल. 13 यतकी आदम पयले, आऊन बाद्दा हवा माळकु आदुर; 14 अदकि आदम ईला जो बहकुसकु आगीदुन, लेकीन आ आर्त

हुळ जो बहकुसकु आगदुर अदकि पापी ठहरूसदुर. 15* तरी भी आरत इक चकिोर पैदा माळोर द्वारा उद्धार सक्कीत, अगर आक संयम सांगुळ वशिवास, प्यार, अदकि पवत्रिता दा संची ईरूल.

3

मंडली नोर अध्यक्ष

1 ईद मात सही आद अगर यावारा तान मन दा सोचतान कि स्याण्णा आगोद चाहासतान, आव भला क्याल्सा अन इच्छा माळतान. 2* ईद जरूरी आद कि स्याण्णा नरिदोष, अदकि ऊंदा हगिस उन गंळ्स, शालीन, आत्मसंयमी, आदरणीय, अतथी-सत्कार माळावाळा, अदकि कलसोर दा नपिण ईरूल. 3 कुडावाळा या बडाबडी माळावाळा ईला ईरूल; बल्की मुलायम ईरूल, अदकि ना झगळेलु, अदकि ना धन इन लालची ईरूल. 4 तान मान्ना अन वळ्ळीद व्यवस्था माळुल, अदकि तान चकिोर चळिगेर अनुशासन दा ईटकु आंदुर से आदर ताकोमावाळा ईरूल. 5 अगर यावारा तान मान्ना अनद अच व्यवस्था माळोद ईला जान्सतीदान, रा परमेश्वर उन मंडली इन रखवाली ह्यांग माळ्यान? 6 बाक ईद कि आव वशिवास दा परीपक्व ईरूल, ईदारा हगि आगबाळुल कि अभिमान माळकु शैतान उन घाई दण्ड पाऊसुल. 7 अदकि मंडली इन व्हार्या दा भी आऊन हेसुर आगुल, हगि आगबाळुल कि अपमानीत आगकु शैतान उन फासा दा फसुसगुल.

मंडली नोर सेवक

8 हांग अच मंडली अनद सेवकगोळी भी गंभीर आग पायजे, येढ्ढ रंगवाळेर, कुडावाळेर अदकि नीच कमाई इन लोभ माळावाळेर ईला ईरूल; 9 लेकीन वशिवास इन भेद इन शुद्ध वविक इक गहराई देल हुडुकु ईटुल. 10 अदकि आंदुर पयले परख आगुल, आग अगर नरिदोष होट्टुर रा बाक मंडली इन सेवक उन क्याल्सा माळुल. 11 ईदा प्रकार देल आंदुर हगिसुर भी आदर ताकोमा लायक आरतेर ईरूल; अदकि अपमान इन मातगोळी माळावळतेर ईला ईरूल, लेकीन शालीन अदकि सप्पा मातगोळ दा वशिवास इन लायक ईरूल. 12 मंडली इन सेवक ऊंदा हगिस उन गंळ्स ईरूल अदकि चकिोर चणिंग अदकि तान मान्ना अनद वळ्ळीद व्यवस्था माळोद जानसुल. 13 यतकी जो मंडली इन सेवक वळ्ळीद क्याल्सा माळतार, आंदुर तान साटी वळ्ळीद पद अदकि मसीह यीशु दा जो आंदुरद वशिवास आद, अदुरदा महान साहस हासलि माळतार.

महान राज

14 ना नीन हात्ती राटनेरी बरोद आशा ईटदुर मा भी ई चट्टी नीनी इदुरसाटी लखिसतीन, 15 कि अगर नान बंदुर दा समय आगुल, रा नी जान्स कोम कि परमेश्वर उन घराना दा जो जतिता परमेश्वर उन मंडली आद अदकि जो सच्चाई इन खंबा अदकि पायवा आद, लॉकुर आपस दा ह्यांग बर्ताव माळ पायजे. 16 ईदुर दा संदेह हैलेच कि भक्ती इन भेद गंभीर आद, मतलब अद जो मय दा प्रगट आत,

आत्मा दा न्यायी ठहरूसत,
स्वर्गदूतगोळ इक कांळसदुन,
गैरयहूदीगोळ दा आऊन प्रचार आत,
दुनिया दा आऊन मा वशिवास माळकु आत,
अदकि महमा दा म्याकुच नेगुकु आदुन.

4

तीमुथयुस उक नरिदेश

1 पवत्रि आत्मा स्पष्टता देल अनतद कि बरावाळा समयगोळ दा हापाळ सप्पा लॉकुर तान वशिवास इक त्याग्स बुट्टार अदकि भटकुसावाळा आत्मागोळ अदकि शैतान उन द्वारा कल्सद मातगोळ हींद आगेदार. 2 ईद आ ख्वाटा पाखंडी मळसागोळ्द कारण आदीन, यार्द वविक मान्सी होततेला लोवा देल दाग्सकु आग्याद, 3 जो मदा माळोर से रोकस्यार, अदकि ऊमोद येनारा

* 2:15 २:१५ चकिोरी पैदा माळकु उद्धार ताकोडार: या चकिोरी हाळाहोती सुरक्षति ईटकु आदार. * 3:2 ३:२ तीतुस १:६-९

* 3:2 ३:२ सरिफ ऊंदा हगिस ईरूल; या ऊंदा धन मदा आगुल.

वस्तुगोळ देल अलग ईरोद आग्या कोट्टार, यवरी परमेश्वर इदुरसाटी घळुस्यान की वशिवासी अदकि सच्चाई इक अरावाळेर अवरी धन्यवाद इन सांगुळ तनिल. 4 यतकी परमेश्वर उन माळ्द हर ऊंद वस्तु वळ्लीद आद, अदकि यातोदु वस्तु अस्वीकार माळोद लायक हैलेच; लेकीन ईद की धन्यवाद इन सांगुळ तनिकु आगुल, 5 यतकी परमेश्वर उन वचन अदकि प्रार्थना अन द्वारा शुद्ध आगेतद.

यीशु मसीह ऊंद वळ्लेव सेवक

6 अगर नी वारट्टर इक ई मातगोळ्द याद कोळतेला ईत्या, अदकि वशिवास इन सच्चाई अदकि आ वळ्लीद शक्ति अन मातगोळ से, जो नी मानसतेला बंद्या; रा मसीह यीशु उन वळ्लेव सेवक ठहरूस्या. 7 परमेश्वर रहति कात्ता-कात्तागोळ देल जो सर्फ हाळामुंडगोळ द्वारा केळसकु अशुध्द कात्तागोळ आव येनु संबंध ईटबाळ, लेकीन भक्ति इन साधना माळ. 8 यतकी मय इन साधना देल फायदा गोर्त आगतद, लेकीन भक्ति सप्पा मातगोळ साटी लाभदायक आद, यतकी ई समय इन जीवन अदकि बरावाळा जीवन इन भी वादा इदुरदा साटी आद. 9 हगि ऊंद वशिवास ईटा लायक कहावत आद, जो पुरा रीति देल स्वीकार माळा लायक आद. 10 यतकी नाव मयनत अदकि कोशशि इदुरसाटी माळतेव की नाम आशा आ जित्ता परमेश्वर मा आद, जो सप्पा मंळसागोळ्द अदकि खास माळकु वशिवासीगोळव उद्धारकर्ता आन.

11 इव मातगोळ्द आग्या कोळ अदकि कलसतेला ईर. 12 याऊ नीन जवानी इक तुच्छ सम्सबाळुल; लेकीन वचन, माताळदुर दा, चाल-चलन, अदकि प्यार, अदकि वशिवास, अदकि पवतिरता दा वशिवासीगोळ साटी आदर्श बनसेग. 13 यागासताका ना बरालीन, आगासताका लाँकुर न्याड्या प्रभु उन वचन वाचुसदुर दा अदकि उपदेश कोळदुर दा अदकि कलसदुर दा तान इक मग्न ईट. 14 आ वरदान इन प्रती जो नीन दा आद, अदकि भवषियवाणी इन द्वारा स्याणागोळ्द कय दा ईटा होती नीनी सीकीत, अदरी अनदेखा माळबाळ. 15 ई मातगोळ्द वचिर माळ्द ईर अदकि ईऊर दा तान ध्यान हचकु ईट, ताकी नीन उन्नती सप्पा मुंदुर मा प्रगट आगुल. 16 तान जीवन इन दी अदकि तान शक्तिगोळ सावधानी ईट. ई मातगोळ मा संची ईर, यतकी अगर हगि माळतेला ईत्या रा नी तान अदकि तान केळावाळेर साटी भी उद्धार इन कारण आद्या.

5

वशिवासीगोळ प्रती जमिंदारीगोळ

1 यातारा बाट्ट उक कठोरता देल दनकुस बाळेत, लेकीन आऊक आप्प सम्सकु समझुसबुळ, अदकि हारोदोर मंळसागोळी वारट सम्सकु; 2 हाळामुंड आर्तेर इक मोय सम्सकु; अदकि हारोदोर आर्तेर इक आकतींग सम्सकु पुरा पवतिरता देल समझुसबुळ.

3 आ रांड्यागोळ्द ध्यान ईट, जो सही दा जरवतमंद आर. 4 अगर यातारा रांड्या अन चकिोर या नातु-नतरागोळ ईतीदार, रा आंदुर तान मोय-आप्प अदकि आज्ञा-आजी इन पालन पोषण इन बदला चुकुसली अदकि तान परिवार इन चन्तिता माळोर द्वारा तान न्यायी मातगोळी जीवन कार्य दा तरोद पयले कलु पायजे, यतकी ईद परमेश्वर उक पंसद आद. 5 जो रांड्या सही दा जरवतमंद आर, अदकि आकनि यारू हैलेच, अदकि आक तान पुरा आशा परमेश्वर मा ईट्यार, अदकि ईळलक हागुल वनिती अदकि प्रार्थना माळतेला परमेश्वर से मदत बेळतार; 6 लेकीन जो रांड्या भोग वलास दा जीऊसतार, आक जित्ता हैलेच लेकीन जित्ता दा का सोतोग्यार. 7 इव मातगोळ्द भी लाँकुरी नरिदेश कोळतोग ताकी आंदुर नरिदोष ईरूल. 8 लेकीन अगर यावारा तान रशितेदारगोळ दी, वशिष तान परिवार इन सदस्यगोळ्द मदत माळालुन, रा आव वशिवास देल तरिगेग्यान अदकि अवशिवासी देल भी हापाळ बुरा बनसेग्यान.

9 आ रांड्यागोळ्द वशिष सुची दा जो आर्थिक सहायता ताकोमेत्यार आका रांड्या अन हेसुर लखिसकु आगुल जो साठ वर्ष से कमीनोर ईला ईतीदार, अदकि तान गंळस उन वशिवासलायक ईतीदार, 10 अदकि भला क्याल्सा दा सुनाम ईतीदार, याक चकिोर्द पालन-पोषण माळीदार; पाऊनागोळ्द स्यावा माळीदार, पवतिर लाँकुरद काल तोळददार, दुखीगोळ्द सहायता माळीदार, अदकि हर ऊंद भला क्याल्सा दा मन हचीदार.

11 लेकीन हारोदोर रांड्यागतिर ईद सुची सम्मलीत माळबाळी यतकी मसीह अन प्रती आंदुरद समरपन मा याग आंदुरद बारा दा वासना पुरा इच्छागोळ हावी आगताव रा आंदुर मात मदा माळोद चाहसतार, 12 अदकि दोषी ठहरूसतार, यतकी आंदुर तान पयला वचन इक मुर्द बुट्टुर. 13 ईदुर अलावा आंदुर बेकार आगतार अदकि मानोन-मान्नी वयाळकु आलसी आगोद कलुतार, अदकि सरिफ आलसी ईला लेकीन ईत्त आत्त माळतार अदकि बनिा मतलब इन अनुचति मातगोळ माताळतार. 14 इदुरसाटी ना ईद चाहासतीन की हारोदोर रांड्यागतिर मदा माळुल, अदकि चकिोर हाळुल अदकि मान्न मकान संभाळसुल, अदकि यातारा वरिोध इक बदनाम माळोद मवका कोळबाळुल. 15 यतकी हापाळ रा बयकुस्कु शैतान उन हदि आगेग्यार. 16 अगर यातारा वशिवासीगीत इन मान्या रांड्यागोळ आर, रा आका आंदुरद सहायता माळुल की मंडली मा बोझ ईला आगुल, ताकी आंदुर आंदुरद सहायता माळ सकुल जो रांड्यागोळ खराखुरा जरवतमंद आर.

17 जो हाळाबाट्टुर मंडली इन वळ्ळीद स्यावा माळतार, खास माळकु आंदुर जो वचन केळसोर अदकि कलसदुर दा मयनत माळतार, आंदुर येदूढ गुणा आदर इन लायक सम्सकु आगुल. 18 यतकी शास्त्र अनतद, “जो वस्ता दावन इन आद अदुर बाय कट बाळेतीर,” यतकी “मजदूर तान मजदूरी इन हकदार आन.” 19 यातारा दोष यातारा मंडली इन हाळाबाट्टुर मा हचकु आगुल रा येदूढ या मुर गवाहगोळद बनिा अदरी केळबाळ. 20 पाप माळावाळेर इक सप्पा मुंदुर मुंद दनकुस, ताकी दुसरा लाँकुर भी अंजुल.

21 परमेश्वर, अदकि मसीह यीशु अदकि नविळुसुद स्वर्गदूतगोळ इक उपस्थति जान्सकु ना नीनी चेतावनी कोळतीन की ई नरिदेशगोळी बनिा मतभेद इन अदकि यावारा ऊंद इन पक्षपात ताकोमकु यातोदु क्याल्सा माळबाळ. 22 मंडली इन स्यावा अनन्द नयिकुती इन साटी बनिा सोच सम्सकु यारदारा मा तान कय राटनेरी ईट बाळेते, अदकि दुसरा अन पापगोळ दा भागी आगबाळेते; तान-तान इक पवतिर माळकु ईटेते.

23 सरिफ नीर इक अच कुडावाळा ईरबाळ, लेकीन तान व्हाट्टा अनन्द घळी-घळी बमिर आगोद कारण थ्वाळा-थ्वाळा अंगुर इन रास्सा भी क्याल्सा दा तरतोग.

24 थ्वाळासा मंळसागोळव पाप स्पष्ट रूप देल प्रगट आगेगताव, अदकि न्याय इन साटी प्रस्तुत माळकु आगेगताव, लेकीन दुसरा मंळसागोळव पाप बाददा प्रगट आगताव. 25 ईदा प्रकार भला क्याल्सा भी स्पष्ट रूप देल प्रगट आगेगताव; लेकीन जो भला क्याल्सा प्रगट आगालव अव भी होचकु ईर सकालव.

6

1 यास दासगोळ जुआळी इन ल्यालमा आर, आंदुर तान-तान स्वामी इक धोळद आदर इन लायक जानसुल, ताकी परमेश्वर उन हेसुर अदकि शकिषा अनन्द अपमान आगबाळुल.

ख्वाटा शकिषा अदकि धन इन लोभ

2 यार स्वामी वशिवासी आर आंदरी आंदुर कम आदर कोळबाळुल यतकी आंदुर वारट्टुर उर, बल्की आंदुरद मात्त यक्कुल स्यावा माळी, यतकी यारी स्यावा अन लाभ सीकतद आंदुर वशिवासी अदकि आंदुर प्रयि आर. ई मातगोळ शकिषा कोळी अदकि हांग अच माळोर साटी प्रोत्साहति माळतेला ईरी. 3 अगर यावारा दुसरा अच प्रकार इन शकिषा कोळतान अदकि सही मातगोळी, मतलब नाम प्रभु यीशु मसीह अनन्द नरिदेशगोळ इक अदकि आ शकिषा इक मान्सालुन, जो देवी शकिषा अन अनुसार आद, 4 रा आव अभिमानी आगेदुन, अदकि येनु जान्सालुन; बल्की आऊक वविाद अदकि शब्दगोळ मा तर्क हचोद बमिारी आद, यदुर देल ह्यावा, अदकि झगळा, अदकि अपमान नव मातगोळ, अदकि बेकार-बेकार संक्या, 5 अदकि आ मंळसागोळ दा फालतु लळाई-झगळा पैदा आगताव यारद दमिक भ्रष्ट आगेग्याद, अदकि आंदुर सच्चाई इन हादी देल अलग आगेग्यार, जो सम्सतार कभिकुती कमाई इंद जरया हुन.

6 लेकीन सन्तोष इन सांगुळ भक्ती माळोद धोळद कमाई आद. 7 यतकी नाव रा ना दुनया दा येनारा हुडुकु बंदेव अदकि ना येनारा वय सकेतेव. 8 अगर नाम हात्ती तनिली अदकि हाकली

आद, रा ईऊरदा का सन्तोष ईर पायजे. 9 लेकिन जो धनी आगोद चाहासतार, आंदुर ईत्ता परीक्षा अदकि फासा अदकि हापाळ सा मूर्खतापुर्ण अदकि हानकारक लालसागोळ दा फसुसतार, जो मंळसागोळी बगिळुस बुळतद अदकि वनिाश इन खाई दा ढकलुस बुळतद. 10 यतकी पैस्या अन्द लोभ हर प्रकार इन बुराईगोळ्द जळ हुन, यदरी हासलि माळोद कोशशि माळतेला हापाळ मुंदुर वशिवास देल भटकुसकु तान-तान इक कई प्रकार इन दुखगोळ देल छल्ली माळ कोंडार.

तीमथयिस उन व्यक्तगित नरिदेश

11 लेकिन हे परमेश्वर उन वशिवासी जन, नी ई मातगोळ हात्ती टु ओळ, अदकि नयाय, भक्ती, वशिवास, प्यार, धीरज अदकि नम्रता अन्द हृदि हत. 12 वशिवास इन वळ्लीद कुस्ती आळ; अदकि तान साटी आ अनन्त जीवन इक हासलि माळकोम, यदुर साटी नी कारूकु आग्या अदकि हापाळ सा गवाहगोळ मुंद वळ्लीद अंगीकार माळीद. 13 *ना नीनी ईद आग्या परमेश्वर उन मुंद जो सप्पा मुंदुरी जीवन कोळतान, अदकि मसीह यीशु उक गवाह माळकु याव पुन्तयिस पलिातुस उन मुंद वळ्लीद गवाही कोट्टुन. कोळतीन, 14 कानी नाम प्रभु यीशु मसीह अन्द प्रगट आगासताका ई आग्या अक नषिकलंक अदकि नरिदोष ईट, 15 परमेश्वर जो परमधन्य अदकि ऊंद मात्र शासक अदकि राजागोळ राजा अदकि प्रभुगोळ प्रभु हुन, आऊन द्वारा यारी आव ठीक समय मा प्रगट माळ्यान. 16 अदकि अमरता सरिफ आऊंदा हुन, अदकि आव ज्योतीदा ईरतान, येल ताका याऊ पोहचुस सकालुन, अदकि ना आऊक यावारा मंळसा नोळ्यान अदकि ना नोळ सकतान. आऊन प्रतषिठा अदकि सामर्थ्य हमेशा हमेशा ईत्तीत. आमीन.

17 ई दुनिया अन धनवानगोळी आग्या कोळ की आंदुर अभिमानी आगबाळुल अदकि चंचल धन मा आशा ईट बाळुल, लेकिन परमेश्वर मा जो नाम सुख इन साटी सप्पा येनारा बहुतायत देल कोळतान. 18 आंदरी आग्या कोळ की आंदुर भलाई माळुल, अदकि भला क्याल्सागोळ दा धनी आगुल. अदकि उदारता देल सहायता कोळदुर दा तयार ईरूल, 19 अदकि मुंदळोद साटी ऊंद वळ्लीद पायवा हाक्कु ईटुल कखिरा जीवन इक वश दा माळ कोमुल.

20 हे तीमथयिस, ई धरोवर इन रखवाली माळ; अदकि यदरी येनारा लॉकुर गलती देल ग्यान अनतार, अदुरद बेकार मातगोळ अदकि वरिध इन मातगोळ देल अलग ईर. 21 यास मुंदुर ई ग्यान इक मानसकु वशिवास देल भटकुसेग्यार.

नीम मा अनुग्रह आग्त ईरूल.

तीमुथयिस के नाम पौलुस प्रेरति की दूसरी पत्री तीमुथयिस उन हेसुर पौलुस प्रेरति उन दुसरा चट्ठी परचिय

दुसरा तीमुथयिस उन कतिाब प्रेरति पौलुस उन दुसरा चेला तीमुथयिस उन साटी दुसरा चट्ठी हुन. दुसरा तीमुथयिस पौलुस उन जीवन इन आखरी दा लखिसकु आगीत. ई समय रोम दा आऊक कैद माळकु आगीत १:१६ पौलुस तीमुथयिस उन सांगुळ घनषिठ संबध ईटदुन अदकि आऊक पार उन रूप दा संदर्भति माळदुन. फलिपिपगिोळ २:२२,१ तीमुथयिस १:२; १:१८

ईद पौलुस उन नाक चट्ठी दा टु ऊंद हुन याऊक मंडली इन बजाय यातारा मंळसा अक संबोधति माळकु आगतद. अनय हगि मुर चट्ठी गोळ आव हयांग कि पयला तीमुथयिस, तीतुस अदकि फलिपिपी. आ समय इन दौरान यदद तीमुथयिस लखिसकु आगीदव, रोमन साम्राज्य देल मसीहगोळी सतुस्कु आगोद. शायद ईदा कारण ईरोद कि पौलुस जयल दा ईरोन अदकि तीमुथयिस उक कठनाई ईद सामना माळोद नरिदेश कोळोन. पयला तीमुथयिस दा, पौलुस तीमुथयिस उक खवाटा गुरुगोळ बारा दा हापाळ चेतावनीगोळ कोट्टुन १ तीमुथयिस १:१६-१८ आव तीमुथयिस उक भी हेळतान कि मुंद कठनि समय ईततव ३:१

रूप-रेखा

१. पौलुस तीमुथयिस उक बधाई कोळतान अदकि बाक आऊक प्रोत्साहति माळतान १:१-१८
२. आग आव तीमुथयिस उक मुंद वाळुसोर साटी चुनौती कोळतान २:१-१३
३. ईदुर बाददा आव आंदरी थ्वाळासा साधारण नरिदेश कोळतान २:१४-२६
४. बाक आव भवषिय अन घटनागोळ अदकि जवाब कोळोद सही तरीका अन बारा दा चेतावनी कोळतान ३:१; ४:८
५. पौलुस तीमुथयिस उन साटी येनारा व्यक्तगित टपिपणगिोळ सांगुळ चट्ठी खतम माळतान ४:९-२२

1 पौलुस इन दी टु जो परमेश्वर उन इच्छा देल मसीह यीशु उन प्रेरति आन, अदकि यारी यीशु मसीह दा ऊंद आगोर साटी वादा अन प्रचार माळोर साटी कळ्यान,

2 *प्रयि पार तीमुथयिस उन हेसुर:

परमेश्वर आप्प अदकि नामव प्रभु मसीह यीशु उन दी टु नीनी अनुग्रह अदकि दया अदकि शांती सकितेला ईरूल.

धन्यवाद अदकि प्रोत्साहन

3 याता परमेश्वर उन स्यावा ना तान आप्प दादागोळ रीति मा शुद्ध वविक देल माळतीन, आऊन धन्यवाद आगुल अदकि ईळलक हागुल याग ना प्रार्थनागोळ दा नीमी हमेशा याद माळतीन, अदकि आऊक धन्यवाद माळतीन. 4 अदकि नीन कण्ण दाकळव नीर इन याद माळ माळकु दलि देल नीनी भेंट माळोद लालच ईटतीन कि खुशी देल तुमेगाईन. 5 *ना नींद आ खरा वशिवास इक याद माळतीन, जो पयले नीन आजी लोईस अदकि नीन मोय यूनीके दा ईरोद, अदकि नानी पुरा यकीन आद कि अदा वशिवास नीन दा भी आद. 6 ईदा कारण ना नीनी याद कोळतीन कि नी आ वरदान इक जतिता ईट जो नीन म्याकुच नांद कय ईटदुर द्वारा परमेश्वर नीनी कोटान. 7 यतकि परमेश्वर नामी अंज्क इन ईला लेकीन सामर्थ्य अदकि प्यार अदकि संयम इन आत्मा कोटान.

8 ईदुरसाटी नामव प्रभु उन गवाही देल, अदकि नान देल जो मसीह अन कैदी आईन, लज्जति आगबाळ, लेकीन आ सामर्थ्य जो परमेश्वर नीनी कोटान अदुर अनुसार खुशखबरी साटी नान सांगुळ दुख नेगु 9 याव नामी ऊळस्यान अदकि पवतिर जीवन जीऊसोर साटी नामी कारदुन, अदकि

ईद नाम क्याल्सा अन अनुसार ईला लेकीन आऊन उद्देश अदकि अनुग्रह अन अनुसार आद. आव ईद अनुग्रह नाम मा माळ्यान मतलब प्रभु यीशु मसीह अन द्वारा काल इन सूरवात देल नाम मा आग्याद, 10 लेकीन ईग नाम उद्धार माळावाळा मसीह यीशु उन प्रगट आगोद द्वारा प्रगटीत आत, याव मृत्यु उन सामर्थ्य अन नाश माळदुन अदकि जीवन इक खुशखबरी इन द्वारा प्रगट माळदुन.

11 *यार साटी परमेश्वर नानी प्रेरति, अदकि शक्ति कोळावाळा नयिकुत माळदुन, ताकी ना खुशखबरी इन प्रचार माळाईन. 12 ई कारण ना ई दुखगोळी भी नेगुतीन, लेकीन नाचालीन, यतकी ना आऊक यार मा ना वशिवास माळदीन, अरूतीन; अदकि नानी वशिवास आद कि आव नांद धरोवर इंद आ दनि ताका रखवाली माळ सकतान. 13 जो सही मातगोळ नी नान बाय देल केळ्या अवरी आ वशिवास अदकि प्यार इन सांगुळ, जो मसीह यीशु दा आद, तान आदर्श माळकु ईट, 14 अदकि पवतिर आत्मा अन द्वारा जो नाम दा समुस्कु आद, ई वळ्दीद मातगोळ रखवाली माळ.

15 नी जान्सत्या कि आसिया नगर वाळेर सप्पा मुदुर नान से तरिगेग्यार, यारदा फूगलिस अदकि हरिमुगनिस आर. 16 उनेसफिरूस उन घराना मा प्रभु दया माळुल, यतकी आव हापाळ अनली नानी सुख पोहचुसयान, अदकि आव नान शंकलीगोळ दा ईत्तुर देल नाचीदलि. 17 लेकीन याग आव रोम दा बंदुन, रा यागासताका ना सकिदिल आगासताका आव नानी दुंदसतेला ईत्तुन, अदकि नान से मुलाकात माळदुन 18 प्रभु माळुल कि आ दशी आऊन मा प्रभु उन दया आगुल अदकि जो जो स्यावा आव इफसिस दा माळ्यान अवरी भी नी वळ्दीद देल जान्सत्या.

2

मसीह यीशु उन स्वामीभक्त सैनिक

1 इदुरसाटी हे नान पारा, नी आ अनुग्रह देल जो मसीह यीशु दा आद, बलवन्त आगेग, 2 अदकि जो शक्तिगोळ नी हापाळ सा गवाहगोळ मुंद नान से केळ्या, अवरी वशिवासी मळसागोळी सौप्स बुळ; जो दुसरा अक भी कलसोद लायक ईरूल.

3 मसीह यीशु उन वळ्दीद योद्धा अन घाई नान सांगुळ दुख नेगु. 4 याग यावारा योद्धा लळाई मा होगतान, रा इदुरसाटी कि आऊक जो भरती माळ्यार आंदरी खुश माळुल, आव तान तान इक दुनिया अन क्याल्सागोळ दा फसुसालुन. 5 बाक अखाळा दा लळुसावाळा अगर नयिम इन अनुसार लळुसालुन रा ईनाम सीक सकाल. 6 जो मयनती कसान मयनत माळतान, रा काय इन अंश पयले आऊक सीक पायजे. 7 जो ना अनतीन ई सप्पा मातगोळ मा ध्यान कोळ, अदकि प्रभु नीनी सप्पा मातगोळद समझ कोळुल.

8 यीशु मसीह अक याद ईट, जो दाऊद उन वंश देल आग्यान अदकि सोत्तुर दा टु जतिता आदुन, अदकि ईद नान खुशखबरी इन अनुसार आद. 9 यार साटी ना कुकर्मी इन घाई दुख नेगुतीन, ईल ताका कि बंधन भी आईन; लेकीन परमेश्वर उन वचन कैद हैलेच. 10 ई कारण ना नविळुसद लाँकुर साटी सप्पा येनारा सहन माळतीन, कि आंदरी भी आ उद्धार जो मसीह यीशु दा आद अनन्त महिमा अन्द सांगुळ सकिल. 11 ईद मात खरा आद, कि अगर नाव आऊन सांगुळ सोतोगेव,

रा आऊन सांगुळ जतिता भी आदेव;

12 *अगर नाव धीरज देल सहन माळत ईत्तेव,

रा आऊन सांगुळ राज्य भी माळेव;

अगर नाव आऊन इनकार माळेव,

रा आव भी नाम इनकार माळ्यान;

13 अगर नाव अवशिवासी भी आयेव,

तरी भी आव वशिवासयोग्य बन्सकु ईरतान,

यतकी आव खुद तान इनकार माळ सकालुन.

वळ्दीद कारीगर

14 ई मातगोळ्द याद आंदरी तोरस अदकि प्रभु उन मुंद वशिवास देल हेळ कशिबद्गोळ्द मा तरक्-
वतिरक माळतोग बाळुल, यऊर देल येनु फायदा आगाल उलटा केळावाळेरद नाश आगेगतद.
15 तान तान इक परमेश्वर उन ग्रहण माळा लायक अदकि हगि क्याल्सा माळावाळा ठहूसोद
कोशशि माळ, जो नाचक ईला पायजे, अदकि जो सच्चाई इन वचन इक बराबर रीतदिल क्याल्सा
दा तरतोगुल. 16 लेकीन बेकार मातगोळ देल ऊळ्दकु ईर, यतकी हगि लॉकुर मात्त यक्कुल
अभक्ती दा वाळुस्त ईत्तार, 17 अदकि आंदुर वचन हुळ्दतकु दुख घाई फैलुस्त होदति. हुमनियुस
अदकि फलितुस आंदुर दा टु आर, 18 जो ईद अंदकु कशि पुनरूत्थान आगेग्याद सच्चाई इन हादी टु
काळदोग्यार, अदकि यास मुंदुरद वशिवास इक नाश माळ बुळतार. 19 तरी भी परमेश्वर उन पक्का
पायवा बनसकु ईरतद, अदकि आऊन मा ईद छाप हतकु आद: “प्रभु तान लॉकुरी अरूतान,” अदकि
“जो यावारा प्रभु उन हेसुर ताकोमतान, आव अन्याय देल ऊळ्दकु ईरूल.”

20 धोळ मान्या सर्पि व्हानना-बेळ्ली इंद अच ईला, लेकीन हुळ्ली अदकि मुण्ण इन भी
गळग्या ईरताव; यातारा-यातारा आदर, अदकि यातारा-यातारा अनादर इन साटी. 21 अगर यावारा
तान तान इक ईऊर देल शुद्ध माळ्यान, रा अद आदर इन गळग्या मात्त पवतिर ठहूसीत; अदकि
स्वामी इन क्याल्सी बंदीत, अदकि सप्पा वळ्लीद क्याल्सा साटी तयार आदीत. 22 हारोदपन
इन मोहमाया देल ओळ, अदकि जो शुद्ध मन देल प्रभु उन हेसुर ताकोमतार आंदुर सांगुळ न्याय,
अदकि वशिवास, अदकि प्यार, अदकि मेल मलाप इन हदि हत. 23 लेकीन मूर्खपन अदकि अवदिया
अनूद ववादागोळ देल अलग ईर, यतकी नी जानसत्या कशि ईऊर देल झगळा नरिमाण आगताव.
24 प्रभु उन दास उक झगळेले ईला ईर पायजे, लेकीन आव सप्पा मुंदुर सांगुळ मुलायम अदकि
शिक्षा दा नपिण अदकि सहन माळावाळा ईरूल. 25 आव वरिध माळावाळेर इक नम्रता देल
समझुसुल, येन मालूम परमेश्वर आंदरी मन तरिगुसोद मन कोळुल कशि आंदुर भी सच्चाई इक अरूल,
26 अदकि आंदुर सचेत आगकु शैतान उन फासा दा टु बट्टोगुल. याव आंदरी आंदुरद इच्छा पुरा
माळोर साटी बंदी माळदुन.

3

आखरी दनि

1 लेकीन ईद याद ईट कशि आखरी दनिगोळ दा कठनि समय बंदव. 2 यतकी मंळसा मतलबी,
धन इन लालची, घमण्ड माळावाळेर, अभिमानी, अपमान माळावाळेर, मोय-आपपुरद आग्या
कडावाळेर, एहसान मारावाळेर, अपवतिर, 3 प्यार ईला माळावाळेर, माफ ईला माळावाळेर,
अपमान माळावाळेर, असंयमी, कठोर, भलाई इन दुश्मन, 4 वशिवासघात माळावाळेर, लापरवाह,
घमण्ड माळावाळेर, अदकि परमेश्वर उन ईला उलटा सुखवलास इक चाहासावाळेर ईत्तार.
5 आंदुर भक्ती इन भेष रा माळ्यार, लेकीन अदुरद ताकत इक मानसतदिलि; हगि लॉकुर से दुर
ईरेत. 6 ईदुर दा टु अच आ लॉकुर आर जो मान्नागोळ दा वत्त काल देल होक्कोमतार, अदकि
आ दुर्बल आर्तेर इक वश दा माळ कोमतार जो पापगोळ देल वोतकु अदकि सप्पा प्रकार इंद
अभलाषागोळ्द वश दा आर, 7 अदकि ईत्ता आर्तेर हमेशा कलुतेला रा ईरतार लेकीन सच्चाई
इक जानस सकालुर. 8 ह्यांग यन्नेस अदकि यम्ब्रेस मूसा अनूद वरिध माळीदुर, हांग अच ईदुर भी
सच्चाई इन वरिध माळतार; ईदुर हगि मंळसा आर, यार्द दमाक भ्रष्ट आगेग्याद अदकि ईदुर
वशिवास दा असफल आर. 9 लेकीन ई लॉकुर ईदुर से मुंद वाळुस सकालुर, यतकी सप्पा लॉकुर
नोळ्यार कशि आंदुर याट मूर्ख आर. हांग अच ह्यांग यन्नेस अदकि यम्ब्रेस उन सांगुळ आत.

तीमूथयिस उक वशिष नरिदेश

10 लेकीन नी नान शिक्षा, नान जीवन इन आचरण, उद्देश वशिवास, धीरज, प्यार, सहनशीलता
ई सप्पा मातगोळी वळ्लीद रीतदिल जानसत्या; 11 *नांद सताव अदकि नानव दुख, अदकि
अनूताकिया अदकि इकुनियुम अदकि लुस्त्रा दा जो भयंकर यातनागोळ नानी कोटकु आगीदव
अदकि यदरी ना सहन माळदीन, ईद नी जानसत्या, तरी भी प्रभु नानी ईव सप्पा दुखगोळ से

बीळसदुन. 12 लेकीन यास मसीह यीशु दा भक्ती इन सांगुळ जनिदगी बतिसोद चाहासतार आंदुर सप्पा मुंदुर सतुसकु आदार; 13 लेकीन दुष्ट अदकि बयकुसावाळेर ध्वाका कोळतेला अदकि ध्वाका तनितेला, बगिळुस्त होटोदार. 14 लेकीन नी आ सचचाई इन मातगोळ मा जो नी कलत्या अदकि वशिवास माळ्या, ईद जान्सकु मजबूत बनसकु ईर कनी अवरी याता लाँकुर से कलत्या, 15 अदकि स्याणपन टु पवतिरशास्त्र अपमान अर्तकु आद, जो नीनी यीशु मसीह मा वशिवास माळदुर देल उद्धार हासलि माळोर साटी हुश्यार माळ सकतद. 16 सम्पूर्ण पवतिरशास्त्र परमेश्वर उन प्रेरणा देल रचुसकु आग्याद अदकि उपदेश, अदकि समजुसोद, अदकि सुधारन माळोद, अदकि न्यायीपन इन शक्शा साटी फायदेमंद आद, 17 ताकी परमेश्वर उन जन सदिध आगुल, अदकि हर ऊंद वळ्लीद क्याल्सा साटी तयार आगेगुल.

4

1 ना परमेश्वर अदकि मसीह यीशु उन मुंद जो जतिता अदकि सोतकु मंळसागोळ्द न्याय माळयान, अदकि राजा आगकु शासन माळोर साटी बंदान, आंदरी गवाह मान्सकु ना वनिती माळतीन, 2 कनी वचन इन प्रचार माळ, समय बेसमय तयार ईर, सप्पा प्रकार इन सहनशीलता अदकि शक्शा अनंद सांगुळ नरिदेश कोळ, दनकुस अदकि समजुस. 3 यतकी हगि समय बंदीत याग लाँकुर सचचाई इन शक्शा केळतीदलि, लेकीन आंदुर खुद इक समाधान सीकुल ईतता मातगोळ केळोर साटी तान अभलिषागोळ्द अनुसार तान साटी हापाळ सा शक्शा कोळावाळेर जमा माळ कोंडार, 4 अदकि तान कवि सचचाई इन हादी दी टु तरिगुसकु काल्पनकि कात्तागोळ मा हच्यार. 5 लेकीन नी सप्पा मातगोळ दा नयितरण ईट, दुख नेगु, खुशखबरी प्रचार इन क्याल्सा माळ, अदकि तान स्यावा अक पुरा माळ.

6 यतकी ईग नांद अर्पण इन घळी होट बंदाद, अदकि नान ईद जीवन इक त्यागसोद समय होट बंदाद. 7 ना वळ्लीद कुस्ती आळ कोंडीन, ना तान दवळ पुरा माळ कोंडीन, ना वशिवास इन रखवाली माळीन. 8 भवषिय दा नान साटी वजियी ईनाम इन मुकुट ईटकु आद, यदरी प्रभु, जो आसान हादी देल नळसावाळा हुन, नानी आ दशिी कोट्टान, अदकि नानी इच ईला उलटा आ सप्पा मुंदुर इक भी जो आऊन प्रगट आगोद प्रयि जान्सतार

व्यक्तगित वचन

9 नान हात्ती राटनेरी बरोद कोशशि माळ. 10 *यतकी देमास ई दुनया अक प्रयि जान्सकु नानी बटि बुटान अदकि थसिसलुनीके अक होटोग्यान. क्रेसकेस गलातया अक अदकि तीतुस दलमतया अक होटोग्यान. 11 *सरिफ लूका नान सांगुळ आन. मरकुस उक हुडुकु होटबर; यतकी स्यावा अनंद साटी आव हापाळ उपयोगी आन. 12 *तुखकुस उक ना इफसिस कळीन. 13 *याग नी बंदया रा झागा अक यदरी ना तरोआस दा करपुस उन मान्या बटिकु बंदीन तरेत; अदकि नानव कतिबगोळ वशिष माळकु तोगुल इन चटिठी गोळी हुडुत बरेत.

14 *धातु उन क्याल्सा माळावाळा सकिन्दर नानी हापाळ नुकसान पोहचुस्यान; प्रभु आऊक आऊन क्याल्सागोळ अनुसार बदला कोट्टान. 15 नी भी आऊन से सावधान ईर, यतकी आव नाम उपदेशगोळ्द हापाळ अच वरीध माळयान.

16 नान पयले पक्ष इन समय याऊ भी नान साथ कोटीदील, उलटा सप्पा मुंदुर नानी बटि बुटीदुर. 17 लेकीन प्रभु नान सांगुळ नीदुरकु ईततुन अदकि नानी सामर्थ्य कोट्टुन, ताकी नान द्वारा पुरा पुरा प्रचार आगुल अदकि सप्पा गैरयहूदी लाँकुर केळ कोमुल. ना हुल्ल इन बाय देल बळिसकु आगीन. 18 अदकि प्रभु नानी हर ऊंद बुरा क्याल्सा देल बळिस्यान, अदकि तान स्वरगीय राज्य दा उद्धार माळकु पोहचुस्यान. आऊन महिमा हमेशा हमेशा आगतेला ईरूल. आमीन.

आखरी अभिवादन

* 4:10 ४:१० कुलुससगोळ ४:१४; फलिमोन १:२४; २ कुरिन्थि ८:२३; गलातगोळ २:३; तीतुस १:४ * 4:11 ४:११ कुलुससगोळ ४:१४; फलिमोन १:२४; प्रेरतिगोळ १:२२,२५; १३:१३; १५:३७-३९; कुलुससगोळ ४:१०; फलिमोन १:२४ * 4:12 ४:१२ प्रेरतिगोळ २०:४; इफसिसगोळ ६:२१,२२; कुलुससगोळ ४:७,८ * 4:13 ४:१३ प्रेरतिगोळ २०:६ * 4:14 ४:१४ १ तीमूथयुस १:२०; रोमियो २:६

19 ✨प्रसिका अदकि अक्वलिा अक अदकि उनेसफिरूस इन घराना अक नमस्कार. 20 ✨इरास्तुस कुरन्थुस दा ईतोदुन, अदकि त्रुफमिस उक ना मलितुस दा बमिर आगा कारण बटिन. 21 सोळीन दनि से पयले बरोद कोशशि माळ. यूबूलुस, अदकि पूदेस, अदकि लीनुस अदकि क्लौदया, अदकि सप्पा वशिवासी वार्टुर्द नीनी नमस्कार.

22 प्रभु नीन आत्मा अन सांगुळ ईरूल.

नीम मा अनुग्रह आगतेला ईरूल.

तीतुस के नाम पौलुस प्रेरति की पत्री तीतुस उन हेसुर पौलुस प्रेरति उन चट्ठी परचिय

तीतुस उन ईद कतिब पौलुस उन नाक चट्ठी गोळ दा टु ऊंद आद यदरी मंडली इन बजाय यातारा मंळसा अक संबोधति माळकु आगतद. दुसरा मुर चट्ठी गोळ १ तीमुथयिस, २ तीमुथयिस अदकि फलिमोन ईव हुव. पौलुस तीतुस उक लखिसोन, लेकीन आव ईद भी लखिसदुन की ई चट्ठी सार्वजनिक रूप देल धोळ्द रीति देल वाचुसकु आगतद. नाव ईऊक अरू सकतेव यतकी आव ऊंद प्रेरति उन रूप दा तान लायकत हेळतान, जो की पौलुस पयले टु अच जानसोन. पौलुस शायद मसीह अन जनम इन बाददा ६३ से ६५ साल इन न्याड्या दा ई चट्ठी लखिसीदुन.

पौलुस तीतुस उक क्रेते मा जो मंडलीगोळ आव अऊर नेतृत्व माळोद नरिदेश कोटीदुन. पौलुस उपदेशकगोळ इक मंडली इन उपदेशगोळ्द चयन शक्ति मा नरिदेश कोळोर साटी ई चट्ठी इक लखिसीदुन. आव तीमुथयिस उक तान चट्ठी गोळ दा सारखा नरिदेश कोटान. आंदुर चट्ठी दा वर्णन माळकु आग्याद की ह्यांग मंडली अन उपदेशकगोळी उच्च मानक इन साटी माळकु आग पायजे. मंडलीगोळ अदकि मंडली इन उपदेशकगोळी ईद नेतृत्व दा आ लॉकुर साटी जरूरी मानकगोळ मा सावधानी पुर्वक ध्यान कोळ पायजे.

रूप-रेखा

१. पौलुस यात्रीगोळ इक नयिकृत माळोर साटी तीतुस उक नरिदेश कोळतान १:१-१६
२. आव लॉकुरी भी ईश्वरीय जीवन जीऊसोर साटी प्रशक्ति माळोद नरिदेश कोळतान २:१-३:११
३. अनंत दा, पौलुस तान थ्वाळासा योजनागोळ इक साजा माळकु अदकि बधाई बातणी कळुकु चट्ठी खतम माळतान ३:१२-१५

1 पौलुस उन दी टु जो परमेश्वर उन दास अदकि यीशु मसीह अन्द प्रेरति हुन.

नाम मंडली इन खरा ग्यान इन अगुवाई माळोर साटी कळकु आग्याद अदकि सच्चाई इन पयचान जो भक्ति इन अनुसार आद, 2 आ अनन्त जीवन इन आशा मा यदुरद वादा परमेश्वर, जो ख्वाटा माताळालुन सनातन देल माळयान, 3 लेकीन सही समय मा तान वचन इक आ प्रचार इन द्वारा प्रगट माळदुन, जो नाम उद्धारकर्ता परमेश्वर उन आग्या अन अनुसार नानी सौप्सकु आग्याद.

4 *तीतुस उन हेसुर, जो विश्वास इन सहभागीता अन्द वचार देल नान खरा पार हुन:

परमेश्वर आप्प अदकि नाम उद्धारकर्ता मसीह यीशु उन दी टु नीनी अनुग्रह अदकि शांती सकितेला ईरूल.

क्रेते दा तीतुस उन कार्य

5 ना इदुरसाटी नीनी क्रेते दा बटिकु बंददिन की नी मगिद मातगोळ्द सुधारन माळ्या, अदकि नान आग्या अन अनुसार नगर नगर स्याणागोळी नयिकृत माळ्या. 6 *जो नरिदोष अदकि ऊंदा हगिस उन गंळ्स ईरूल, यारोर चकिोर विश्वासी ईरूल, अदकि अनुशासन इन हनिता अन्द दोष आंदुर मा हचकु ईला आग सकुल तथा आंदुर नरिकुश भी ईरबाळुल. 7 यतकी मंडली इन अध्यक्ष उक परमेश्वर उन कार्य अन नरिक्षक आगा कारण आव नरिदोष ईर पायजे; आऊक ना हटीला, ना सटिट, या कुडावाळा, या झगळेले, या पैस्या अन लालची ईला ईर पायजे, 8 लेकीन पाऊनागोळ्द आदर माळावाळा, भलाई इक चाहसावाळा, संयमवाळा, न्याय माळावाळा, पवतिर अदकि सभ्यताशील ईरूल; 9 आऊक आ विश्वास माळा योग्य अदकि सदिधांतगोळ मा सयमत

आगावाळा बातणी इक मजबूती देल हुडुकु ईर पायजे ई प्रकार आव लॉकुरी सही शक्तिषा कोटकु आंदरी प्रोत्साहति माळुल अदकि ईदुर दा सांगुळ जो ईदुर वरिधी आर आंदुरद खंडन माळ सकुल.

10 यतकी हापाळ सा लॉकुर नरिकुश, व्यर्थ माताळावाळेर अदकि ध्वाका कोळावाळेर आर; यक्कुल माळकु यहूदी दा टु बंदार. 11 ईद जूरी आद कि ईदुर बाय बंद माळ पायजे. यतकी ई लॉकुर नीच कमाई साटी अनुचति मातगोळी कल्सकु मान्ना अन्द मान्ना बगिळुस बुळतार. 12 आंदुर दा टु ऊंद करेते नोर अच भवषियवकता, तान लॉकुर बारा दा खुद अंदान, “करेते अन नवासी हमेशा ख्वाटा माताळतार आंदुर आळी दाकळोद जनावर आर अदकि आलसी व्हाट्टा तुमावाळेर आर.” 13 ईद गवाही सत्य आद, इदुरसाटी आंदरी कळकता देल चेतावनी कोळतोग कि आंदुर वशिवास दा पक्का आगोगुल, 14 अदकि यहूदीगोळद कहानी कात्तागोळ अदकि आ मळसागोळद आग्यागोळ मा मन हचबाळुल, जो सच्चाई इन हादी देल काळदोगतार. 15 शुद्ध लॉकुर साटी सप्पा वस्तुगोळ शुद्ध आव, लेकीन अशुद्ध अदकि अवशिवासीगोळ साटी येनु भी शुद्ध हैलेच, उलटा आंदुरद बुद्धी अदकि वविक येदुद अशुद्ध आव. 16 आंदुर अनतार कि नाव परमेश्वर उक अरूतेव, लेकीन तान क्याल्सा देल आऊन इनकार माळतार; यतकी आंदुर बेकार अदकि आग्या ईला मानसावाळेर उर, अदकि यातोदु वळ्लीद क्याल्सा अन लायक हैलेच.

2

आचरण इन साटी सही शक्तिषा

1 लेकीन नी ईत्ता मातगोळ अनतोग जो सही सदिधांतगोळ लायक आव. 2 मतलब हाळाबाट मळसा शालीन, सचेत अदकि खुद नियंत्रति ईरूल, अदकि वशिवास दा मजबूत, प्यार अदकि धैर्य पुरण सहनशील ईरूल. 3 हांगा हाळामुंड आर्तेरद चाल-चलन पवतिर लॉकुर घाई ईरूल; आंदुर नदिक आगबाळुल तथा अंगुर शयद या याल्ला अन्द लत आंदरी ईरबाळुल लेकीन वळ्लीद मातगोळ कल्सावळ्तेर ईरूल. 4 ताकी आंदुर हारोदोर आर्तेर इक चेतावनी कोळत ईरूल कि तान गांडुर से अदकि चकिोर से प्यार ईटुल; 5 अदकि खुद नियंत्रति, पवतिर, अदकि मान्ना अन्द वळ्लीद व्यवस्था माळावळ्त, अदकि तान गांडुड उन हात्ती ईरावळ्त ईरूल, ताकी यावारा भी परमेश्वर उन दी टु बरावाळा वचन इन अपमान ईला माळुल.

6 हागि अच हारोदोर मळसागोळी भी समझुसतोग कि खुद नियंत्रति आगुल. 7 सप्पा मातगोळ दा तान तान इक वळ्लीद आचरण इन नमुना माळ. नीन शक्तिषा दा सफाई, गंभीरता, 8 अदकि हागि सच्चाई सकुल कि यावारा अदुरद आलोचना माळ सकबाळुल, ताकी नीन वरिधी लज्जति आगुल यतकी आंदुर हात्ती नीन वरिध दा अनली येनु ईरतीदील.

9 दासगोळी समजुस कि तान-तान स्वामी इन सांगुळ ईरूल, अदकि सप्पा मातगोळ दा आंदरी खुश ईटुल, अदकि तरिगकु जवाब कोळबाळुल; 10 काळलपनी अदकि चालाकी माळबाळुल, लेकीन हर प्रकार देल पुरा वशिवासी होळुल कि आंदुर सप्पा मातगोळ दा नाम उद्धारकर्ता परमेश्वर उन बारा दा शक्तिषा अन शोभा वाळुसुल.

11 यतकी परमेश्वर उन अद अनुग्रह प्रगट आद, जो सप्पा मळसागोळद उद्धार इन कारण आद, 12 अदकि अद अनुग्रह नामी कल्सतद कि नाव अभक्ति इन जीवन अदकि सांसारिकि अभलिषागोळी त्यागुस बुटेव अदकि खुद नियंत्रति, अदकि पवतिर अदकि भक्तमिय जीवन ईद दुनया दा माळेव. 13 अदकि धन्य आर आ आशा अन्द मतलब तान महान परमेश्वर अदकि उद्धारकर्ता यीशु मसीह अन्द महमा अन्द प्रगट आगोद हादी काईत ईरूल. 14 याव तान तान इक नाम साटी कोट बुट्टुन कि नामी सप्पा प्रकार इन अन्याय देल बीळसुस बुळुल, अदकि नामी आऊंदा पवतिर लॉकुर माळुल अदकि वळ्लेव-वळ्लेव क्याल्सागोळ दा ईरूल.

15 तान पुरा अधिकार इन सांगुळ ई मातगोळ कल्स, ह्यांग नी तान वरिधीगोळी दनकुसत्या अदकि प्रोत्साहति माळत्या. ताकी याऊ नीनी तुच्छ समसबाळुल.

3

मसीह चाल-चलन

1 लॉकुरी याद तोरस की शासक अदकि अधिकारीगोळ हात्ती ईरूल, अदकि आंदुरद आग्या मानसुल, अदकि हर ऊंद वळ्लीद क्याल्सा साटी तयार ईरूल, 2 आंदरी हेळ की यारदु बारा दा बुरा अनबाळुल, लेकीन शांती प्रयि अदकि संगीभाव देल ईरूल, अदकि सप्पा मुंदुर सांगुळ हमेशा शालीन व्यवहार ईटुल. 3 यतकी नाव भी पयले नरिबुद्धी, अदकि आग्या ईला मानसावाळेर, अदकि गलत ईरेव. अदकि अलग अलग प्रकार इन अभलिषागोळ अदकि सुखवलास इन गुलामी दा ईरेव, अदकि दुश्मनी भाव, अदकि जलनखोरी माळदुर दा जीवन व्यतीत माळतोगेव, अदकि बेकार ईरेव, अदकि आबुर दाबुर से दुश्मनी ईटतोगेव. 4 लेकीन याग नाम उद्धारकर्ता परमेश्वर उन करूणा अदकि प्यार प्रगट आत, 5 रा आव नाम उद्धार माळदुन; अदकि ईद वळ्लेव कर्मगोळ वजह देल ईला, जो नाव खुद माळेव, लेकीन आऊन दया देल नामी उळसदुन पवतिर आत्मा अन द्वारा, जो नामी व्हाशोद जनम कोळतान अदकि शुद्ध माळकु व्हाशोद जीवन कोळतान. 6 परमेश्वर नाम मा पवतिर आत्मा अक उद्धारकर्ता यीशु मसीह अन द्वारा भरपुरी देल कोटान. 7 इदुरसाटी परमेश्वर नामी तान अनुग्रह अन द्वारा आऊन सांगुळ न्यायी ठहूसयान ताकी यारद आशा नाव माळेव आ अनन्त जीवन इन उत्तराधिकारी इक हासलि माळ सक्कव.

8 ईद सही अनकु आग्याद, अदकि ना चाहासतीन की नी ई मातगोळद बारा दा हम्मित देल माताळ इदुरसाटी की यार परमेश्वर मा वशिवास माळ्यार, आंदुर वळ्लीद-वळ्लीद क्याल्सागोळ दा हतकु ईरोद ध्यान ईटुल. ई मातगोळ वळलेव अदकि मंळसागोळद फायदा नव आव. 9 लेकीन मूर्खपन इंद वविदगोळ अदकि वंशावलीगोळ, अदकि वरिध अदकि झगळागोळ देल जो व्यवस्था अनद बारा दा आद, रा ऊळदकु ईर; यतकी अव नष्फल अदकि व्यर्थ आव. 10 यावारा फूट हाकावाळा मंळसा अक कम से कम येढढ घन चेतावनी कोळ, अदकि बाक आऊन सांगुळ ज्यादा येनु माळबाळ. 11 यतकी नीव जानसतीर की ईत्ता लॉकुर भ्रष्ट आगेग्यार अदकि आंदुर पाप आंदुरद गलत आगोद प्रमाण कोळताव.

व्यक्तगत नरिदेश अदकि अभविदन

12 *याग ना नीन हात्ती अरतमिास या तुखकिस उक कळाईन रा नान हात्ती नकिपुलसि नगर दा बरोद कोशशि माळेत, यतकी ना अल्या सोळ कडोद तय माळीन. 13 *जेनास व्यवस्थापक अदकि अपुल्लोस उक कोशशि माळकु मुंद पोहचुस बुळ, अदकि नोळ की आंदरी यातोदु चजि इन कमी आगबाळुल. 14 नाम लॉकुर भी वळ्लेव क्याल्सा माळोर साटी समय तेगोद कलु पायजे ताकी जो जरूरी आद अदुरद पुर्ती आग सकुल ताकी आंदुर बेकार इन जीवन जीऊस बाळुल.

15 नान सप्पा साथीगोळद नीनी नमस्कार. जो वशिवास इन कारण नाम से प्यार ईटतार, आंदरी नमस्कार.

नीम सप्पा मुंदुर मा परमेश्वर उन अनुग्रह आग्त ईरूल.

फलिमोन के नाम पौलुस प्रेरति की पत्री फलिमोन उन हेसुर पौलुस प्रेरति उन चट्ठी परचिय

फलिमोन उन स्यांळद कतिाब प्रेरति पौलुस द्वारा लखिसकु आगीत. १:१ पौलुस जयल दा ईरोन, जब कऱ आव लखिसीदुन, यदुर मतलब आद कऱ आव शायद रोम टु ईऊक लखिसोन. अगर आव रोम दा ईरोन रा ईद मसीह अन जनम इन ६१ साल इन बाददा लखिसीदान, जो अदा समय हुन याग आव कुलुससयिों लखिसोन.

आव ईद चट्ठी इक फलिमोन हेसुर इनव मंळसा अक लखिसीदुन. फलिमोन मंडली इन सदस्य अदकि मालकि भी ईरोन. पौलुस आऊन से केळदुन कऱ आव तान दास ओनेसमिस उक दंडति माळतीदील जो फलिमोन टु ओळोगीदुन. रोमन कानून द्वारा फलिमोन अदकि ओनेसमिस उक मृत्यु साटी ईटोद अधिकार ईरोद. पौलुस फलिमोन उक ऊंद मसीह वार्ट उन रूप दा ओनेसमिस उक स्वीकार माळोर साटी प्रोत्साहति माळोर साटी प्रेरति तर्कगोळद इस्तेमाल माळतान अदकि ईद भी सलाह कोळतान कऱ ओनेसमिस उक पौलुस १:१३-१४ उन सांगुळ स्यावा माळोद इजाजत कोटक आदीत.

रूप-रेखा

१. पौलुस फलिमोन उक नमस्कार कोळतान १:१-३
२. आग पौलुस ओनेसमिस उन दी टु केळतान कऱ फलिमोन आऊक ऊंद मसीह वार्ट उन रूप दा स्वीकार माळ्यान १:४-२१
३. पौलुस यात्रा माळली अदकि बधाई कळोद तान ईरादा अन घोषणा माळकु चट्ठी खतम माळतान १:२२-२५

१ पौलुस उन दी टु जो मसीह यीशु उन कैदी आन, अदकि वार्ट तीमुथयिस उन दी टु नाम प्रयि सहकरमी फलिमोन, २ *अदकि आकतींग अफफया, अदकि नाम संगी योद्धा अरखपिपुस अदकि फलिमोन उन मान्ना अनूद मंडली नव हेसुर:

३ नाम आप्प परमेश्वर अदकि प्रभु यीशु मसीह अनूद दी टु अनुग्रह अदकि शांती नीमी सकित ईरूल.

फलिमोन उन प्यार अदकि वशिवास

४ वार्ट फलिमोन, ना हमेशा परमेश्वर उन धन्यवाद माळतीन, अदकि तान प्रार्थनागोळ दा भी नीनी याद माळतीन, ५ यतकी ना नीन आ प्यार अदकि वशिवास इन चर्चा केळतीन, जो सप्पा परमेश्वर उन पवतिर लॉकुर सांगुळ अदकि प्रभु यीशु मा आद. ६ ना प्रार्थना माळतीन कऱ खुद वशिवास दा नीन सहभागी आगोद, नीम सप्पा भलाई इन पयचान दा, मसीह अनूद साटी प्रभावशाली ईरूल. ७ यतकी हे वार्ट, नानी नीन प्यार देल हापाळ खुशी अदकि शांती सकियाद, इदुरसाटी कऱ नीन द्वारा परमेश्वर उन पवतिर लॉकुरद मन वळ्लेव आगेग्याव.

उनेसमिस उन साटी नविदन

८ इदुरसाटी अगर नानी मसीह दा हापाळ साहस आद कऱ जो मात ठीक आद, अदुर आग्या नीनी कोळाईन. ९ तरी भी ना बाट्ट पौलुस उक जो ईग मसीह यीशु उन साटी कैदी आईन, ईद मात्त वळ्लीद जान्सकु आत कऱ प्यार देल वनिती माळाईन. १० *ना तान चगिद उनेसमिस उन साटी, जो नान देल नान बंधन दा पैदा आग्यान, नीन से वनिती माळतीन. ११ आव रा पयले नीन येनु क्याल्सा नव ईला ईरोन, लेकीन ईग नीन अदकि नान येदुद मुंदुरद हापाळ क्याल्सा नव आन.

१२ आऊका मतलब जो नान दलि इन तुकळा हुन, ना नीन हात्ती वापस माळ बुटीन. १३ आऊक ना तान हात्ती इच ईटोद चाहासीन कऱ आव नीन दी टु ई बंधन दा जो खुशखबरी इन कारण आन,

नान स्यावा माळुल. 14 लेकीन ना नीन इच्छा अन्द बगेर येनु भी माळोद चाहासीदलि, कि नीन ईद कृपा दबाव देल ईला लेकीन इच्छा देल आगुल

15 यतकी शायद आव नीन से थ्वाळासा दनि साटी ईदा कारण अलग आदुन कि हमेशा नीन हात्ती ईरूल. 16 लेकीन ईगी टु दास उन घाई ईला उलटा दास से भी वळ्लेव प्रयि वार्ट उन घाई, मतलब ना रा आऊन से प्यार माळतीन, लेकीन नीव आऊक मळसा अन नाता देल अदकि प्रभु उन नाता देल नान से यक्कुल प्यार माळी.

17 इदुरसाटी अगर नी नानी तान सहभागी समसत्या, रा आऊक ईत्ता प्रकार देल ग्रहण माळ ह्यांग नानी माळत्या. 18 अगर आव नीन येनारा नुकसान माळ्यान, या आऊन मा नांद येनारा कर्ज बरतद, रा नान हेसुर मा लखिस कोम. 19 ना पौलुस तान कय देल लखिसतीन कि ना खुद तुम कोळाईन; अदकि ईद अनोद येनु जरवत हैलेच कि नान कर्जा जो नीन मा आद आव नी अच हुय. 20 हे वार्ट, ईद खुशी नानी प्रभु दा नीन दी टु सकियाद. मसीह दा नान जीव इक हरिवा-गार माळ बुळ.

21 ना नीन आग्याकारी आगोद भरोसा ईटकु नीनी लखिसतीन, अदकि ईद जान्सतीन कि जो येनारा ना अनतीन, नी नान से यक्कुल माळ्या. 22 अदकि ईद भी कि नान साटी ठहरूसोद जागा तयार ईट. नानी आशा आद कि नीम प्रार्थनागोळ द्वारा ना नीमी कोटकु आगोगाईन.

आखरी अभविदन

23 ✨इपफ्रास, जो मसीह यीशु दा नान सांगुळ कैदी आन, 24 ✨अदकि मरकुस अदकि अरसित्खुस अदकि देमास अदकि लूका जो नान सहकर्मी आर, ईदुर्द नीनी नमस्कार.

25 नाम प्रभु यीशु मसीह अन्द अनुग्रह नीम आत्मा मा आगतेला ईरूल. आमीन.

इब्रानयो के नाम पत्री इब्रानगिळ हेसुर चट्ठी परचिय

यीशु हाळोद नयिम इन हापाळ सा भवषियवाणीगोळी पुरा ह्यांग माळतान ईदा तोरसावाळा “इब्रानयो अनूद चट्ठी” ईद ऊंद धरिज कोळावाळा कतिब हुन. ऊंद उपदेश देल इदुर रचना माळकु आग्याद. सप्पा भवषियवाणी अदकि स्याणा याजकगोळद जमिमेदारीगोळी यीशु ह्यांग पुरा माळदुन ईद सरलता देल तोरसावाळा ६० से यक्कुल हाळोद नयिम इन संदर्भ ई कतिब दा आव. ईदा कारण देल ई कतिब इक यहूदी मसीह लाकुर साटी दलिासा कोळावाळा मान्सकु आग्याद. इदुर मुंद याजकगोळी यग्य माळोद जरवत हैलेच ईद व्यवस्था यीशु ह्यांग पुरा माळदुन ईद ई कतिब दा स्पष्ट माळकु आग्याद. सप्पा पापगोळ साटी ऊंदा घन अदकि हमेशा हमेशा अनूद यग्य हगि यीशु आदुन. ई कतिब देल नामी हगि समझ दा बरतद कि, यीशु मसीह, नामी परमेश्वर मा वशिवास माळोर साटी तयार माळतान. १२:२ ईदा रीति देल ई युग इन नाव मसीह वशिवासीगोळ साटी ई कतिब दा धोळद दलिासा आद. नामी अदुर मा नरिभर ईर पायजे.

इब्रानयो अनूद चट्ठी याव लखिसदुन ईद नामी मालूम हैलेच तरी भी थ्वाळासा वधिवान लाँकुर मानना आद कि, ईद प्रेरति पौलुस, लूका या बरनबास ई परमेश्वर उन सेवकगोळ लखिसीदार. हांगा ईद कतिब याग लखिसकु आग्याद ईद भी नामी मालूम हैलेच. तरी भी हापाळ सा वधिवान लाँकुर हगि मानसतार कि, ईद मसीह अनूद जनम इन बाददा ७० वर्ष इन पयले लखिसकु आगीदाद. इदुर कारण हगि कि, याग यरूशलेम नगर ७० इन साल दा नाश माळकु आत तरी भी ई कतिब दा यरूशलेम इन वर्णन ईत्ता प्रकार देल माळकु आग्याद, जसा कि अद नाश माळकु अच ईला आगीत. ईद कतिब हापाळ सा मंडलीगोळ दा हांगकु वाचुसकु आगीदाद. अद रोम नगर दा लखिसकु आगीत. १३:२४

रूप रेखा

१. लखिसावाळा हगि तोरसतान कि, यीशु ईव परमेश्वर उन सप्पा भवषियवक्ता अदकि स्वर्गदूत इंदुर से भी महान आन १:१-४:१३
२. इदुर बाददा आव ईद तोरसतान कि, जो याजकगोळ यरूशलेम इन मंदिर दा स्यावा माळतार आंदुर से भी यीशु महान आन ४:१४-७:२८
३. मूसा अक कोटक आगीद आ आग्यागोळ द्वारा जो हाळोद व्यवस्था परमेश्वर तान लाँकुर से माळदुन अदुर से भी यीशु उन स्यावा महान आद ८:१-१०:३१
४. यीशु हर मात दा श्रेष्ट आन ईद स्पष्ट माळदुर बाददा लेखक हापाळ सा दनिचर्या अनूद व्यवहारगोळ बारा दा सुचना कोळतान १०:३२-१३:१७
५. आखरी दा थ्वाळासा बोध अदकि शुभेच्छा कोटक लेखक ई चट्ठी इक खतम माळतान १३:१८-२५

परमेश्वर उन वचन, पार उन द्वारा

१ पयला अनूद युग दा परमेश्वर आप्प दादागोळ से थ्वाळा-थ्वाळा माळकु अदकि अलग-अलग देल भवषियवक्तागोळ द्वारा मातगोळ हेळदुन, २ ई आखरी दनिगोळ दा आव नाम से पार उन द्वारा मातगोळी हेळदुन, यारी आव सप्पा वस्तुगोळद वारीस ठहरूसदुन अदकि आऊंदा द्वारा परमेश्वर सप्पा दुनिया अनूद रचना माळयान. ३ आव परमेश्वर उन महिमा अनूद ऊजुळ अदकि आऊन स्वरूप इन छाप हुन, अदकि सप्पा वस्तुगोळी तान सामर्थ्य अनूद वचन देल संभाळसतान. आव मंळसा जाती इन पापगोळी माफ माळकु स्वर्ग दा हांगकु महामहिम परमेश्वर उन ऊमा कय दी हांगकु कुरतुन;

परमेश्वर-पार उन महानता

4 ई प्रकार पार स्वरगदूतगोळ से महान माळकु आदुन, अदा प्रकार ह्यांग परमेश्वर आऊक स्वरगदूतगोळ से वळ्दीद हेसुर कोट्टुन. 5 यतकी परमेश्वर यातोदु भी स्वरगदूतगोळ से हगि अंददील, “नी नान पार हुय, ईद ना नीन आप्प बनसीन.” अदकि ना यातोदु स्वरगदूत से परमेश्वर ईद अंदुन, “ना नीन आप्प बनसाईन, अदकि नी नान पार बनस्या.”

6 अदकि याग परमेश्वर तान पयला पैदा आग्द पार उक दुनयिा दा कळुतान, रा आव अनतान, “परमेश्वर उन सप्पा स्वरगदूत आऊंद उपासना माळुल.” 7 लेकीन स्वरगदूतगोळ्द बारा दा परमेश्वर ईद अनतान, “आव तान दूतगोळी पवन, अदकि तान सेवकगोळी भळकुसुद बेक्की माळतान.” 8 लेकीन परमेश्वर पार उन बारा दा अनतान, “हे परमेश्वर, नीन सहिसन हमेशा हमेशा ईत्तीत: अदकि नीन शासन नीन लॉकुर मा न्याय इन सांगुळ आगतद. 9 नी सच्चाई से प्यार अदकि अन्याय से दुश्मनी ईट्टद; ईद कारण परमेश्वर, नीन परमेश्वर, आनन्द इन याण्णा देल अभषिक माळदुर द्वारा नीन संगीगोळ से वाळुसकु नविळुसदुन.” 10 वचन ईद भी अनतद, “हे प्रभु, सूरुवात दा नी पृथ्वी इन पायवा हाक्द, अदकि स्वरग नीन कय ईद कारीगरी हुन. 11 अव रा नाश आगदव, लेकीन नी हांगा ईत्या; अदकि अव सप्पा फळक्यागोळ घाई कंदुसेदाव, 12 अदकि नी अवरी चादर इन घाई गुंडस्या, अदकि अव फळक्यागोळ घाई बदलुसेदव: पर नी हांग अच बनसकु ईत्या अदकि नीन जीवन इन अन्त आगतीदील.” 13 अदकि स्वरगदूतगोळ दा टु परमेश्वर यार से याग अंदुन, “नी नान ऊम्मा कय दी कुर, यागासताका कि ना नीन दुश्मनगोळी नीन कालगोळ्द ल्यालमा अन्द पाळ्सी माळ कोमालीन?” 14 येन स्वरगदूत अव आल्लच, जो आत्मागोळ परमेश्वर उन स्यावा अदकि आऊन द्वारा उद्धार ताकोमावाळेर इक मदत माळोर साटी कळुकु आग्याव.

2

महान उद्धार

1 ई कारण पायजे की जो सत्य मातगोळी नाव केळेव, अदकि यक्कुल अच सावधानी देल अऊर मा मन हची, हगि आगबाळुल की वाहुसकु अऊर से दुर होटोगुल. 2 यतकी जो बातणी स्वरगदूतगोळ द्वारा नाम पुर्वजगोळी कोटकु आत अद खरा ठहरूसुत, यार आंदुरद उल्लंघन माळदुर आंदरी दण्ड प्राप्त आत यदुर आंदुर लायक ईरोर. 3 अगर नाव ईद महान उद्धार मा ध्यान कोटीदील रा नाव ह्यांग उळु सकतेव? यदुर चर्चा पयले पहल प्रभु उन द्वारा आत, अदकि यार केळदुर आंदुर नामी ईद साबति माळदुर की अद उद्धार खरा आद. 4 अदकि सांगुळ अच परमेश्वर भी तान इच्छा अन्द अनुसार चमत्कारगोळ, अदकि अदभुत क्यालसागोळ, अदकि अलग प्रकार इन सामर्थ्य इन क्यालसागोळ, अदकि पवतिर आत्मा अन्द वरदानगोळी वाट्सदुर द्वारा इदुरद गवाही कोळतेला ईत्तुन.

उद्धार इन मार्गदर्शन

5 परमेश्वर आ बरावाळा दुनयिा अक यदुर चर्चा नाव माळतेव, स्वरगदूतगोळ हात्ती माळीदलि. 6 *बल्की यावारा शास्त्र दा ईद गवाही कोटान,

“मंळसा येन हुन की नी आऊक याद माळत्या?

या मंळसा येन हुन की नी आऊंद चति माळत्या?

7 नी आऊक स्वरगदूतगोळ से थ्वाळासा अच गोर्त माळ्द;

नी आऊन मा महमिा अदकि आदर इन मुकुट ईट्टद,

8 अदकि आऊक तान कयगोळ्द क्यालसागोळ मा अधिकार कोट्ट

नी सप्पा आऊन कालगोळ ल्यालमा माळ्द.”

इदुरसाटी याग आव सप्पा येनारा आऊन हात्ती माळ कोंडुन, रा आव येनु भी बटिदलि जो आऊन हात्ती ईला ईरोद. लेकीन ईग नाव सप्पा येनारा वस्तु आऊन हात्ती नोळालेव. 9 लेकीन नाव यीशु उक जो स्वरगदूतगोळ से थ्वाळासा कम माळकु आगीदुन, मृत्यु उन दुख नेगदुर कारण महमिा अदकि आदर इन मुकुट हाक्कु नोळतेव, ताकी परमेश्वर उन अनुग्रह देल आव हर ऊंद मंळसा अन्द साटी सायुल.

10 ईद परमेश्वर उन साटी वळलीद हत्त याव सप्पा मातगोळी माळदुन अदकि संभाळ्सकु ईटदुन, यीशु उक भी यातनागोळ द्वारा परपिर्ण माळ पायजे ताकी हापाळ सा चकिोर आऊन मह्मिा दा भागी आगुल. यतकी यीशु अच आव ऊंद हुन जो आंदरी उद्धार इन दी ओयतान. 11 यतकी लॉकुरी आंदुर पापगोळ से पवतिर माळतान अदकि आंदुर येदु पवतिर माळकु आग्यार, सप्पा मुंदुरव आप्प ऊंद अच आन, इदुरसाटी यीशु आंदरी तान वारटुर अनोर से नाचालुन. 12 *आव परमेश्वर से अनतान, “ना तान वारटुर अदकि आकतींगेर न्याड्या दा नीद हेसुर इन प्रचार माळाईन; सभा अनन्द न्याड्या दा ना नीद प्रशंसा माळाईन.” 13 अदकि आव ईद भी अनतान, “ना तान भरोसा परमेश्वर मा ईटाईन. अदकि अनतान, ना ईल परमेश्वर उन कोळ्द चकिोर सांगुळ आईन,”

14 इदुरसाटी याग क्ति पारगोळ मास अदकि रक्ता अनन्द भागी आर, रा यीशु खुद भी आंदुर घाई आंदुर सहभागी आगेदुन, ताकी मृत्यु उन द्वारा शैतान उक नाश माळ सकुल मतलब यार हाती मृत्यु उन शक्ति आद; 15 ईदा रीतदेल आ मंळसागोळी मुक्त माळकोमी यार्द जीवन मृत्यु उन अंजुक इन मारा गुलामी या दासत्व दा ईरोर. 16 यतकी ईद स्पष्ट आद क्ति आव रा स्वर्गदूतगोळ इक ईला बल्की अब्राहम उन वंश इन सहायता माळतान. 17 ई कारण आऊक चाहसोद ईरोद, क्ति सप्पा मातगोळ दा तान वारटुरगोळ घाई बनसुल; यदुर देल आव आ मातगोळ दा जो परमेश्वर देल संबंध ईटतद, ऊंद दयालु अदकि वशिवासलायक महायाजक बनसुल ताकी लॉकुरद पापगोळ साटी प्रायश्चति माळुल. 18 यतकी याग आव परीक्षा अनन्द दशा दा दुख नेगदुन, रा आव आंदुरद भी मदत माळ सकतान यार्द परीक्षा आगतद.

3

यीशु मूसा से महान आन

1 इदुरसाटी हे मसीह वारटुरा अदकि आकतींगेरा, नीव जो परमेश्वर उन द्वारा कारूकु आगरि नीव तान ध्यान यीशु मा हचकु ईटी यारी परमेश्वर प्रमुख याजक माळोर साटी कळुकु आगीदुन, आ अदुर मा नाव तान कबुली कोळतेव. 2 आव याव आऊक नविळुस्यान आ परमेश्वर उन प्रती वशिवासलायक ईरोन, ठीक हांगा ह्यांग मूसा तान कयाल्सा अन प्रती परमेश्वर उन घराना दा वशिवासलायक ईरोन. 3 ह्यांग भवन इन निर्माण माळावाळा अक खुद भवन से यक्कुल आदर सकितद, हांग अच यीशु मूसा से यक्कुल आदर इन पात्र मान्सकु आदुन. 4 यतकी हर ऊंद मान्ना अनन्द यावारा ना यावारा माळावाळा ईरतान, लेकीन परमेश्वर रा सप्पा वस्तु उन माळावाळा हुन. 5 मूसा रा परमेश्वर उन मान्या सेवक घाई वशिवासलायक ईरोन, अदकि आव अव मातगोळी अंदुन जो भवष्य दा परमेश्वर उन द्वारा अंदकु आगोव ईरव. 6 लेकीन मसीह पार आगा नाता देल परमेश्वर उन मान्या वशिवासलायक आन. अदकि आऊन मान्ना नाव हुयेव, अगर नाव नाम साहस अदकि यदुर मा नाव घमण्ड माळतेव आ आशा मा मजबूती देल स्थरि ईरूल.

परमेश्वर उन लॉकुरी आराम

- 7 इदुरसाटी ह्यांग पवतिर आत्मा अनतद,
“अगर ईद परमेश्वर उन आवाज केळी,
8 रा तान मन इक कठोर माळबाळेतीर,
ह्यांग क्ति निमोर पुर्वजगोळ याग आंदुरद मरूस्थल दा परीक्षा आगोद
परमेश्वर उन खलिाप बगावत माळीदुर.
9 परमेश्वर अनतान क्ति अल आंदुर नांद परीक्षा माळदुर अदकि परखुसदुर,
अदकि नान कयाल्सागोळी नोळदुर
यवरी ना चालीस साल टु माळतेला बरेतीन.”
10 ईद कारण ना आ समय इन लॉकुर से सट्टि दा ईत्तीन,
अदकि अंदीन, “इंदुर मन हमेशा टु अच अप्रामाणकि आव
अदकि नान आग्या अक टुकूसतार.”

11 *इदुरसाटी ना सट्टि दा बंदकु करिया तदिनि,
“इदुरसाटी येल ना आंदरी आराम कोळ्ळईन
आ जागा दा आंदुर यागलु होग सकतीदलि.”

12 हे वारट्टुरा अदकि आकतींगेरा, सावधान ईरी क्नीम दा ईत्ता बेकार अदकि अवशिवासी मन आगबाळुल, जो नीमी जत्तिता परमेश्वर से दुर ओयुल. 13 लेकीन ईदुर बदला यागासताका ईद “ईद इन दनि” अनकु आगतद, नीव हर दशिी आबुर दाबुर इक धीरज कोळतेला ईरी, ताकी नीम दा टु यावारा भी पाप दा भरमुसकु ईला आगुल, अदकि ना कठोर आगेगुल. 14 अगर नाव आखरी ताका मजबूती इन सांगुळ तान सुरूवात इन आत्मवशिवास इक हुडुकु ईरतेव रा नाव मसीह अन भागीदार बनसेगतेव. 15 *ह्यांग शास्त्र अनतद, “अगर ईद नीव परमेश्वर उन आवाज केळीर, रा तान मन इक कठोर माळबाळेतीर, ह्यांग क्बिगावत इन दनिगोळ दा नीम पुर्वजगोळ माळीदुर.”

16 भला आंदुर या लॉकुर ईरोर यार परमेश्वर उन आवाज केळदुर अदकि आऊन खलिाप बगावत माळदुर? येन आंदुर आ लॉकुर ईला ईरोर, यारी मूसा मस्त्र दा टु उळ्सकु तेगदीदुन? 17 अदकि परमेश्वर चालीस वर्ष ताका याता लॉकुर से सट्टि दा ईत्तुन? येन आंदुर से अच ईला यार पाप माळदुर, अदकि आंदुर लाश मरूस्थल दा बदिकु ईत्तव? 18 अदकि परमेश्वर याता लॉकुर साटी करिया तदिनि क्नीव नान आराम इन जागा दा प्रवेश माळ सकतीदलि? येन आंदुर ई लॉकुर आल्लच यार आऊन आग्या मान्सीदील? 19 इदुरसाटी नाव नोळतेव क्नी आंदुर अवशिवास इन कारण अच आ जागा दा प्रवेश माळ सकदील.

4

1 इदुरसाटी याग क्नी परमेश्वर उन आराम इन जागा दा प्रवेश माळोद प्रतगिया ईगासताका ताका आद, रा नामी ध्यान ईट पायजे हगि आगबाळुल क्नी नीम दा टु यावारा जन आऊन से वंचति ईतोगुल. 2 यतकी नाव खुशखबरी केळदेव ह्यांग आंदुर केळीदुर, लेकीन जो बातणी आंदुर केळीदुर आंदुर साटी येनु क्मिमत ईला ईरोद, यतकी याग आंदुर अदरी केळदुर रा ईदरी वशिवास इन सांगुळ स्वीकार माळीदलि. 3 नाव जो वशिवासी आयेव, आ आराम इक यदुरद परमेश्वर प्रतगिया माळीदुन अदरी नाव प्राप्त माळतेव. ह्यांग क्नी परमेश्वर अंदान, “ना सट्टि दा ईदुर मा करिया तनिकु अंददिनि आंदुर यागलु नान आराम इन जागा दा शामिल आग सकतीदलि.” आव ईद अंददिनि, याग क्नी दुनिया अनद रचना माळदुर बाददा आऊन क्क्याल्सा पुरा आगेगीत. 4 यतकी सातवा दनि इन बारा दा येल्यारा तरी शास्त्र दा आद, “अदकि बाक सातवा दशिी तान सप्पा क्क्याल्सागोळ माळकु परमेश्वर आराम माळदुन.” 5 अदकि ई संदर्भ दा आव मात्त अनतान, “आंदुर नान आराम इन जागा दा यागलु प्रवेश माळ सकतीदलि.” 6 यार पयले खुशखबरी केळदुर आंदुर आ आराम इक प्राप्त माळ सकदील यतकी आंदुर वशिवास ईला माळीदुर. लेकीन दुसरा अन साटी आराम इन दरवाजा ईगलु तेरकु आव. 7 *इदुरसाटी परमेश्वर बाक ऊंद वशिष दनि नश्चिति माळदुन अदकि अदरी अनकु आत “ईद इन दनि.” थ्वाळासा साल इन बाददा दाऊद उन द्वारा परमेश्वर आ दनि इन बारा दा शास्त्रगोळ दा हेळीदुन यदुरद उल्लेख शास्त्र पयले टु अच माळतद, “अगर ईद नीव परमेश्वर उन आवाज केळीर, ह्यांग पयले अंदकु आग्याद, रा तान मन इक कठोर माळबाळी.”

8 अगर यहोशू आंदरी आ आराम इन जागा दा ओयायदुन यदुरद परमेश्वर प्रतगिया माळीदुन, रा परमेश्वर बाददा यातोदु दुसरा दनि इन बारा दा ईला अनायदुन. 9 रा जो भी आगुल, ह्यांग परमेश्वर सातवा दनि दा आराम माळतान हांग अच परमेश्वर उन लॉकुर साटी अल ऊंद आराम मक्कि आद. 10 यतकी जो यावारा भी परमेश्वर उन प्रतगिया माळद आराम दा प्रवेश माळतार, आंदरी तान कर्म इन अनुसार अदुर दा आराम सकिकीत हांग अच ह्यांग परमेश्वर उक तान क्क्याल्सागोळ से आराम सकियाद. 11 इदुरसाटी बरी ईग नाव भी आ आराम इक हासलि माळोर साटी पुरा रीतदिल कोशशि माळाता, ताकी हगि आगबाळुल क्नी नाम न्याइया दा टु यावारा भी अदरी हासलि माळदुर दा असफल आगबाळुल ह्यांग आंदुर तान वशिवास इन क्मी इन द्वारा आगीदुर.

12 यतकी परमेश्वर उन वचन जतिता, कूरियाशील, अदकि हर ऊंद दोधारी तलवार से भी हापाळ तेज आद; अदकि हर जीव आत्मा अक, अदकि जोळ-जोळ इक ब्यार माळकु आर-पार गड्डा माळतद अदकि मन इन इच्छागोळ अदकि वचारगोळ्द न्याय माळतद. 13 अदकि दुनिया अन्द यातोदारा भी वस्तु परमेश्वर उन नजर देल होचकोमकु हैलेच, आऊन कण्णगोळ मुंद यारी नामी लेखा जोखा कोळोद आद हर वस्तु बीना यातोदु आवरण इन तेरकु आद अदकि येनु अच ओझल हैलेच.

यीशु महान महायाजक

14 इदुरसाटी याग नामव ईत्ता धोड्डेव महायाजक आन, जो स्वर्ग दा टु आगकु होग्यान, मतलब परमेश्वर उन पार यीशु, रा बरी, तान वशिवास इक जो नाव प्राप्त माळेव मजबूती देल हुडुकु ईत्तेव. 15 यतकी नामव जो महायाजक आन आव हगि हैलेच कि जो नाम कमजोरीगोळ सांगुळ सहानुभुती ईट सक्यान, आऊक हर प्रकार देल हांगा परखुसकु आत ह्यांग नामी लेकीन आव हमेशा पाप रहति ईत्तुन. 16 रा बाक बरी, नाव आत्मवशिवास इन सांगुळ अनुग्रह ताकोमोर साटी परमेश्वर उन सहिसन दी वाळुसेव ताकी जरवत बीळदुर मा नाम सहायता अन साटी नाव दया अदकि अनुग्रह अक हासलि माळ सक्केव.

5

1 हर ऊंद महायाजक मंळसागोळ दा टु अच नविळुसकु आगतान, अदकि लॉकुरद प्रतनिधीत्व माळोर साटी परमेश्वर इन स्यावा साटी नयिकुती माळकु आगतद ताकी आव पापगोळ साटी भेंट अदकि बलदान येरसुल. 2 यतकी खुद भी हापाळ रीतदिल कमजोरी इन हात्ती आन इदुरसाटी आव अग्यानीगोळ अदकि भुला भटका लॉकुर सांगुळ कोमलता देल व्यवहार माळ सकतान. 3 इदुरसाटी आऊक पायजे कि ह्यांग लॉकुर साटी हांग अच तान साटी भी पाप-बली येरसुल. 4 ईद मुख्य याजक आदर इन पद याऊ तान तान इक नविळुसकु ताकोमालुन, याग कि हारून उन घाई परमेश्वर उन दी टु ठहरूसकु आगालुन.

5 हांग अच मसीह भी महायाजक आगोद आदर तांदुर देल ग्रहण माळीदील, बलकी परमेश्वर आऊन से अंदुन “नी नान पार हुय, अदकि ईद ना नीन आप्प बनसीन.” 6 ईदा प्रकार आव दुसरा जागा दा भी अनतान, “नी मलकिसिदिक इन रीतिमा हमेशा साटी याजक आय.”

7 यीशु तान शरीर दा ईरोद दनिगोळ दा धोळ्द शब्द दा वरल-वरलकु अदकि कण्ण इन नीर वाहुसकु आऊन से जो आऊक मृत्यु देल ऊळस सकोन, प्रार्थना अदकि वनिती माळदुन, भक्ति अदकि नम्रता अन कारण परमेश्वर आऊन केळदुन. 8 लेकीन अगर आव परमेश्वर उन ईरोन तरी भी दुखगोळ झेलसतेला आव आग्या अन पालन माळोद कलतुन. 9 अदकि सिद्ध बनसदुर मा, तान सप्पा आग्या मानसावाळेर साटी अनन्त काल इन उद्धार इन स्त्रोत बनसेदुन, 10 अदकि आ परमेश्वर उन दी टु मलकिसिदिक इन रीतिमा महायाजक बनस्कु आदुन.

वशिवास देल भटकुसकु होगोद वरिध दा चेतावनी

11 इदुर बारा दा नामी हापाळ सा मातगोळ माताळोव आव, लेकीन यऊर्द वर्णन माळोद कठनि आद, यतकी नीव समसदुर दा हापाळ धीरा आईर. 12 वास्तव दा ई समय ताका रा नीमी शक्षिक आगोद हुन, तरी भी ईद जरूरी आगोद्याद कि यावारा नीमी परमेश्वर उन वचनगोळ्द शक्षिा सुरूवात टु मात्त कलसुल. नीव रा हगि आगोदीर कि नीमी ठोस भोजन इन बदला ईग भी हाल अच पायजे. 13 यतकी जो हाल कुडुतान आव चगिद अच आन अदकि आऊक सही गलत इन येनु अनुभव ईराल. 14 लेकीन ठोस भोजन स्याणागोळ साटी आद, आव याव तान अनुभव देल वळ्दीद अदकि बुरा अन्द ग्यान माळोद कलतोग्यान.

6

1 इदुरसाटी बरी मसीह अन सुरूवात इन स्त्र शक्षिा अक सुरूवात इन मातगोळी बटिकु नाव सिद्धता दी मुंद वाळुस्तेला होगता, मृत्यु उन अगुवाई माळोर द्वारा प्रायश्चिति इन पायवा

मात हाकबाळुल, अदकि परमेश्वर मा वशिवास माळोद, ² बपतसिमा अनंद शकिषा अदकि म्याकुच कयगोळी ईटोद, अदकि सोत्तुर दा टु जतिता आगोद, अदकि अनन्त न्याय ताका. ³ अगर परमेश्वर चाहास्यान रा नाव ईदा माळोव.

⁴ जो लॉकुर तान वशिवास इक त्यागस बुळतार आंदरी मात पश्चाताप माळोर साटी हयांग तनकु आग सकतद, आंदुर ऊंद घन परमेश्वर उन प्रकाश दा ईरोर, आंदुर स्वर्ग इन उपहार नेकदुर अदकि पवतिर आत्मा अनंद तान हसिसा हासलि माळदुर, ⁵ अदकि परमेश्वर उन वळ्लीद वचन इन अदकि बरावाळा दुनिया अन सामर्थ्य अन अदकि आंदुर परमेश्वर उन वचन याट वळ्लीद आद ईदुरद अनुभव माळ्यार. ⁶ अगर आंदुर आंदुरद वशिवास देल भटकसेदार रा आंदरी मन तरिगुसोर साटी मातत वापस तरोद असंभव आद; यतकी आंदुर परमेश्वर उन पार उक मातत कूस मा येरसतार, तथा आऊक सार्वजनिक रूप देल अपमान इन वषिय बन्सतार.

⁷ आ धरती जो हमेशा बळिवाळा बरसात इन नीर इक सोक्स बुळतद, जो जोतसावाळेर अदकि बोऊसावाळेर साटी उपयोगी फसल प्रदान माळतद, अद मुण्ण परमेश्वर से आशीष ताकोमतद. ⁸ लेकीन आ धरती मुळल अदकि घासपुस पैदा माळतद, रा अद बेकार इन आद अदकि अद परमेश्वर उन दी टु श्रापति आगदुर मा आद अदकि अदुरद अनंत होताककु आगोद हुन.

⁹ हे प्रयि संगीगोळा, नाव भला ईत्ता प्रकार इन मातगोळ चाहसतेव लेकीन नीम बारा दा नामी ईदुर से भी वळ्लीद मातगोळद आत्मवशिवास आद अव मातगोळ जो नीम वशिवास से जुळसकु आव. ¹⁰ नीव परमेश्वर उन लॉकुरद लगातार मदत माळतेला जो प्यार तोरसीर, अदरी अदकि नीम दुसरा कयाल्सागोळी परमेश्वर यागलु मारूतीदलि, आव अन्यायी हैलेच. ¹¹ नाव चाहसतेव की नीम दा टु हर ऊंद आखरी ताका हगि अच मेहनत माळतेला ईरूल, ताकी नीव नशिचय अदरी हासलि माळ सकीर यदुरद नीव आशा माळतेला ईतीर. ¹² नाव चाहसालेव की नीव आलसी आगोगी, बल्की आंदुरद अनुकरण माळी जो वशिवास अदकि धीरज इन सांगुळ आ वस्तुगोळी हासलि माळेत्यार यऊरद परमेश्वर प्रतगिया माळ्यान.

परमेश्वर उन अटल प्रतगिया

¹³ परमेश्वर अब्राहम से प्रतगिया हाळाहोती याग करिया तीनोर साटी यारीकु तान से धोडडेव नोळीदील, रा तांद अच करिया तदिन, ¹⁴ अदकि अंदुन “ना सही दा नीनी हापाळ आशीष कोळाईन, अदकि नीनी अनेक वंशज कोळाईन.” ¹⁵ अदकि ईत्ता रीतदिल अब्राहम धीरज हुडुकु परमेश्वर उन माळद प्रतगियागोळी हासलि माळदुन. ¹⁶ मंळसा रा तान से यातारा धोडडेव मंळसा अन करिया तीनतार, अदकि अद करिया सप्पा तर्क वरितकगोळद अनंत माळकु जो येनारा अंदकु आगतद, अदरी पक्का माळ बुळतद. ¹⁷ परमेश्वर उन माळद प्रतगिया अक हासलि माळावाळेर इक परमेश्वर सपष्ट माळकोमोद चाहासतान की आव तान उद्देश इक यागलु बदलुसालुन इदुरसाटी आव तान प्रतगिया अन सांगुळ तान करिया अक जोळ्स बुट्टुन. ¹⁸ ईल येढढ मातगोळ आव आऊन प्रतगिया अदकि आऊन करिया जो यागलु बदलुस सकालव, अदकि यऊर बारा दा परमेश्वर यागलु ख्वाटा माताळ सकालुन. इदुरसाटी नाव जो परमेश्वर उन हात्ती सुरक्षा ताकोमोर साटी बंदेव, अदकि जो आशा आव नामी कोटान अदरी हुडुकु हापाळ उत्साहीत आयेव. ¹⁹ अद आशा नाम जीव इन साटी ईत्ता लंगर आद जो स्थरि अदकि मजबूत आद, अदकि परदा अन बुळक इन पवतिर जागा ताका पहुचुसतद, ²⁰ यल यीशु नाम दी टु नाम से पयले प्रवेश माळदुन, अदकि मलकिसिदिक इन परंपरा दा हमेशा हमेशा साटी प्रमुख याजक बनसेदुन.

7

मलकिसिदिक याजक

¹ ईव मलकिसिदिक शालेम इन राजा ईरोन, अदकि परमप्रधान परमेश्वर उन याजक ईरोन. याग अब्राहम नाक राजागोळी युद्ध दा पराजीत माळकु वापस आगोन आग मलकिसिदिक अब्राहम उक सकिदुन अदकि आऊक आशीष कोट्टुन. ² अदकि अब्राहम आ सप्पा दा टु जो आव युद्ध दा जीकसीदुन अदुरद दसवा हसिसा कोट्टुन. मलकिसिदिक उन हेसुर इन पयला मतलब आद न्यायीपन इन राजा, अदकि अदुरद ईद भी मतलब आद, “शालेम उन राजा” मतलब “शांती इन राजा.” ³ यार

आपप, मोय, अदकि पुर्वजगोळ्द यातोदु इतहास सकिल, आऊन जनम या मृत्यु उन भी यातोदु उल्लेख हैलेच; लेकीन परमेश्वर उन पार उन घाई इच हमेशा अन साटी याजक बन्सकु ईरतान.

4 थ्वाळासा वचिार माळी की आव याट महान ईरोन यारी कुलपती अब्राहम युद्ध दा हासलि माळ्द माल इन दसवा हसिसा कोट्टुन. 5 अदकि लेवी इन वंशज दा टु जो याजक इन पद हासलि माळतार, आंदरी व्यवस्था अन अनुसार आग्या सकियाद की इस्राएल इन लॉकुर से मतलब तान खुद इन लॉकुर से, दसवा हसिसा ताकोम बाक आंदुर अब्राहम उन वंशजगोळ्द भी वंशज येती आगबाळुल. 6 लेकीन मलकिसिदिक, जो लेवी वंशज दाकळव भी ईला ईरोन, अब्राहम से दसवा हसिसा ताकोडुन, अदकि आ अब्राहम उक आशीषगोळ कोट्टुन यार हात्ती परमेश्वर उन प्रतगियागोळ ईरव. 7 इदुरदा येनु शक हैलेच की जो आशरिवाद कोळतान आव आरशवािद ताकोमावाळा से धोड्डेव ईरायदुन. 8 यल ताका लेवीगोळ सवाल आद आंदुर दा दसवा हसिसा आ मंळसागोळ द्वारा संघूसकु आगतद जो मंळसागोळ सायतार लेकीन मलकिसिदिक उन यल ताका सवाल आद दसवा हसिसा आऊन द्वारा संघूसकु आगाईत जो शास्त्र अन अनुसार ईग भी जतिता आन. 9 रा नाव ईद भी अन सक्तेव की लेवी भी, जो दसवा हसिसा ताकोमतान, अब्राहम उन द्वारा दसवा हसिसा कोट्टुन. 10 यतकी याता समय मलकिसिदिक अब्राहम से भेंट माळीदुन, आग रा लेवी इन जनम भी ईला आगति आव रा तान पुर्वजगोळ्द शरीर दा ईरोन.

11 अगर लेवी याजकता अन परंपरा अन द्वारा संपूर्णता हासलि माळकु आग सकोद रा यावारा दुसरा याजक उन बरोद अच येन जरवत ईरोद? यतकी ईदुर दा आधार मा लॉकुरी व्यवस्था भी कोटकु आगति, ऊंद हगि याजक उन येन जरवत ईरोद जो मलकिसिदिक उन परंपरा नव ईरूल ना की हारून उन परंपरा नव. 12 यतकी याग याजक उन पद बदलुसेगतद, रा व्यवस्था अन भी बदलुसोद जरूरी आद. 13 यतकी नाम प्रभु उन बारा दा ईव मातगोळ अनकु आगताव की आव दुसरा गोत्र इनव हुन, यार गोत्र दा टु याऊ याजक उन रूप दा वेदी इन स्यावा माळीदलि, 14 रा प्रगट आद की नाम प्रभु यहूदा अन गोत्र दा टु पैदा आग्यान, अदकि ई गोत्र अन बारा दा मूसा याजक पद इन येनु चर्चा माळीदलि.

मलकिसिदिक उन घाई दुसरा याजक

15 नाम दावा मात्त स्पष्टता देल प्रगट आगेगतद, याग मलकिसिदिक उन घाई दुसरा याजक पैदा आगतान, 16 जो शारीरिक आग्यागोळ अन नयिमगोळ अनुसार ईला, लेकीन अवनिशी जीवन इन सामर्थ्य अन अनुसार याजक बनस्यान. 17 यतकी शास्त्र अनतद, “नी मलकिसिदिक उन रीतमा युगानुयुग याजक आय.” 18 पयला नयिम इदुरसाटी रद्द माळकु आत, यतकी अद कमजोर अदकि व्यर्थ ईरोद. 19 इदुरसाटी की मूसा अन्द व्यवस्था यारीकु पुरा सदिध माळ सकदिल. अदकि ईग आऊन जागा मा ऊंद हगि वळ्लीद आशा ईटकु आग्याद यदुर द्वारा नाव परमेश्वर उन हात्ती होग सक्तेव.

20 मसीह अन नयिकृती परमेश्वर उन करिया अन्द द्वारा आत लेकीन दुसरा अक बनि करिया अन्द अच याजक माळकु आगीत.

21 *लेकीन यीशु आग ऊंद करिया देल याजक बनसीदुन, याग परमेश्वर आऊन से अंददिन, “प्रभु करिया तदिान अदकि आव तान मन यागलु बदलुसतदिल, ‘नी हमेशा साटी याजक बन्सकु ईत्या.’”

22 ई करिया अन कारण यीशु मात्त ऊंद वळ्लीद वाचा अन्द हमी बनसेदुन.

23 ईग नोळी, हगि हापाळ सा याजक ईरतोगोर लेकीन आंदरी मृत्यु आंदुर पदगोळ मा कायम ईर गोटीदिल, 24 लेकीन यीशु अमर आन, अदकि आऊन याजक इन क्याल्सा हमेशा हमेशा साटी बन्सकु ईरोदाद. 25 इदुरसाटी जो आऊन द्वारा परमेश्वर उन हात्ती बरतार, आव आंदुर पुरा रीतमा देल उद्धार माळदुर दा समर्थ आन यतकी आव परमेश्वर से आंदुर साटी वनिती माळली हमेशा जतिता आन.

26 हगिा महायाजक नाम जरवतगोळी पुरा माळ सकतान. आव पवतिर आन, आव नरिदोष आन अदकि आऊन दा यातोदु पाप हैलेच, आव पापीगोळ से भी ब्यार माळकु आग्यान, अदकि स्वर्ग

* 7:21 ७:२१ भजन संहिता ११०:४

से भी आऊक म्याकुच नेगुकु आग्याद. 27 आ दुसरा महायाजकगोळ घाई आऊक जरूरी हैलेच की हर रोज पयले तान पापगोळी अदकि बाक लाँकुर पापगोळ साटी बलदान येरसुल; यतकी आव तान तान इक बलदान येरसकु अदरी ऊंद अच घन दा पुरा माळ कौडुन. 28 मूसा अनन्द व्यवस्था मळसागोळी जो पुरा हैलेच आंदरी महायाजक नयिकुत माळतद, लेकीन परमेश्वर उन प्रतगिया आऊन करिया अन सांगुळ बनसकु आग्याद ईद प्रतगिया व्यवस्था अनन्द बाददा बंदाद अदकि ई प्रतगिया प्रमुख याजक उन रूप दा पार उक नयिकुत माळ्याद जो हमेशा हमेशा साटी आद अदकि परपुर्ण बनसकु ईरतद.

8

यीशु नाम महायाजक

1 ईग जो मातगोळ नाव अनतेव आंदुर दा टु अदुरदा सब से धोळ्द मात ईद आद की नाम ईतता महायाजक आन, जो स्वर्ग मा महा महमा अनन्द सहिसन इन ऊमा कय दी होगकु कुरतान, 2 अदकि पवतिर जागा दा मतलब खरा तम्बू दा यदरी परमेश्वर स्थापति माळ्यान ना की मळसा, आ जागा दा आव महायाजक कयाल्सा माळतान. 3 यतकी हर ऊंद महायाजक भेंट अदकि बलदान येरसोर साटी ठहूसकु आगतान, ईद कारण जरूरी आद की ई याजक उन हात्ती भी येनारा येरसली ईरूल. 4 अगर आव पृथ्वी मा ईरायदुन रा यागलु याजक ईला आगायदुन, यतकी अल पयले टु अच हगि याजक आर जो यहूदी व्यवस्था अनन्द अनुसार भेंट येरसतार. 5 जो याजकपन इन कयाल्सा आंदुर माळतार, अद स्वर्ग दा जो आद अदुरद ऊंद सावली अदकि प्रतीकृती आद. ईद हांगा प्रकार आद याग मूसा पवतिर तम्बू उन निर्माण माळावाळा अच ईरोन आग परमेश्वर आऊन से अंददिन, “ध्यान दा ईरूल कीनी हर चीज बराबर अदा प्रतरूप इन अनुसार माळ जो नीनी पहाळी मा तोरसकु आगीत.” 6 लेकीन आ याजकगोळ से वाळुसकु स्यावा यीशु उक सकित्त यतकी आव मात्त वळलीद-वळलीद वाचा अन मध्यस्थ ठहूसदुन, जो मात्त वळलीद प्रतगियागोळ आसरा देल कटक आग्याद.

7 यतकी अगर अद पयला वाचा नरिदोष ईराईत, रा दुसरा वाचा साटी येनु जरवत ईला ईराईत. 8 लेकीन परमेश्वर उक आ लाँकुर दा दोष सकित्त अदकि आव अनतान, “प्रभु अनतान, नोळी, अव दनि बरताव कीना इस्त्राएल इन लाँकुर सांगुळ, अदकि यहूदा अनन्द लाँकुर सांगुळ व्हाशोद वाचा कटाईन. 9 ईद आ वाचा अन घाई ईरतीदील, जो ना आंदुर आप्प-दादागोळ सांगुळ आ समय कटक आगीत, याग ना आंदुरद कय हुळकु आंदरी मसित्तर द्याश टु तेगुकु तंदीन; यतकी आंदुर नान वाचा मा वशिवासयोग्य ईतीदील यदरी ना आंदुर सांगुळ कटीदनि, अदकि इदुरसाटी ना आंदुर मा ध्यान हचीदलि. 10 बाक प्रभु अनतान, कीजो वाचा ना आ दनिगोळ बाददा इस्त्राएल इन घराना अन सांगुळ कटाईन, अद ईद हुन कीना तान व्यवस्था अक आंदुर मनगोळ दा हाकाईन, अदकि अदरी आंदुर दलिंगोळ मा लखिसाईन, अदकि ना आंदुरव परमेश्वर ठहूससाईन अदकि आंदुर नान लाँकुर ठहूसयार. 11 अदकि यावारा भी तान संगीगोळी अदकि मान्ना हात्तीवाळेर वार्दुर इक ईद शिक्षा कोळतीदील, कीनी प्रभु उक अरू, यतकी स्याण हाती टु धोड्डेर ताका सप्पा नानी अरत कौडार. 12 ना आंदुर पापगोळी माफ माळाईन अदकि यागलु आंदुर पाप याद ईटतदलि.” 13 ई वाचा अक व्हाशोद अंदकु आव पयला वाचा अक हाळोद माळ बुट्टुन अदकि जो हाळोद अदकि जीर्ण आगोतद अद रा बाक राटनेरी गायब आगेदीत.

9

पृथ्वी अदकि स्वर्ग इन आराधना

1 ईग नोळी आ पयला वाचा दा भी उपासना माळोद नयिम ईरव, अदकि ऊंद उपासना अनन्द जागा ईरोद जो मळसा अन द्वारा माळकु आगीत. 2 ऊंद तम्बू माळकु ईरोद, यदुरद पयला कमरा दा दगिया ईटोद जागा, अदकि मेज अदकि परमेश्वर उक भेंट माळव रोटीगोळ ईरव; अदकि आ जागा अक पवतिर जागा अंदकु आगतोगोद. 3 दुसरा परदा अन हदि मात्त ऊंद कमरा ईरोद, यदरी परम पवतिर जागा अंदकु आगतोगोद. 4 ईऊर दा सुगन्धति धूपदानी इन साटी व्हान्ना अन वेदी,

अदकि व्हानना देल मळुसुद वाचा अनूद संदुक ईरोद ई संदुक दा व्हानना अनूद माळद मनना अनूद ऊंद जार इरोद, अदकि हारून उन आ छळी ईरोद यदुर मा अंकुर वेळ्दीदव अदकि येढ्ढ कल्ल यदुर मा आग्यागोळ लखिसकु ईरव. 5 संदुक इन म्याकुच परमेश्वर उन उपस्थिती इन प्रतकि मतलब करूब बन्सकु ईरव जो तान पक्कागोळी फैलुसकु माफ अन जागा मा सावली माळतोगव. लेकीन ई समय नाव ईव मातगोळ्द वसितार देल चर्चा माळ सकालेव.

6 सप्पा येनारा संची आगदुर बाददा याजक पयला कमरा दा हर रोज प्रवेश माळकु तान स्यावा अनूद कार्य पुरा माळोर साटी होगतोगोर. 7 लेकीन परदा अन बुळ्क इन दुसरा कमरा दा सरिफ प्रधान याजक अच साल दा ऊंद अनली प्रवेश माळतोगोन, आव बनिा आ रक्ता अन यागलु प्रवेश ईला माळतोगोन यदरी आव तान द्वारा अदकि तान लॉकुर द्वारा अनजाना दा माळ्द पापगोळ साटी परमेश्वर उक भेट येरसतोगोन. 8 ईदुर द्वारा पवतिर आत्मा स्पष्ट रीति देल ईद कल्सतद कि यागासताका ताका पयला तम्बू नदिरकु आद आगासताका ताका परम पवतिर जागा अनूद हादी ईगासताका तेरकु ईला ईरोद. 9 ईद ऊंद तम्बू हुन जो वर्तमान समय इन साटी ऊंद उदाहरण आद; मतलब यदुरदा उन ईत्ता भेट अदकि बलदिन येरसदुर बाददा भी आराधना माळावाळेर मन सदिध आग सकालव. 10 ईद रा सरिफ तनिोद कुडोद अदकि अलग-अलग प्रकार इन सुद्धकिरणगोळ्द वधीगोळ हुव. अद तम्बू यदुर दा आव स्यावा माळतान अद यक्कुल वळ्दीद परपिण तम्बू हुन अद मळसागोळ्द कय इन माळ्द तम्बू आल्लच अदकि अद ई संसार इन नरिर्मिती इन भाग आल्लच.

11 लेकीन जो मातगोळ पयले टु अच ईल आव हगि वळ्दीद वस्तुगोळ्द याग मसीह पयले टु प्रधान याजक बन्सकु बंदान. रा आव मात्त यक्कुल धोळ्द अदकि सदिध तम्बू टु आगकु, जो मळसा अन कय ईद बन्सकु ईला मतलब ई सृष्टी इन ईला, 12 अदकि व्हातगोळ अदकि वस्तागोळ रक्ता अन द्वारा ईला लेकीन तांद अच रक्ता अन द्वारा, मसीह ऊंद अच घन तम्बू दा टु आगतेला महापवतिर जागा दा प्रवेश माळदुन अदकि नाम साटी पापगोळ देल अननूत छुटकारा प्राप्त माळदुन. 13 यतकी याग व्हातगोळ अदकि वस्तागोळ्द रक्ता अदकि होद पाड्डगोळ्द राकळ इक वधी इन अनुसार अशुध्द लॉकुर मा छळिकुसदुर देल आंदुर शुद्ध आगेगतर अदकि वधी इन अनुसार आंदुर अशुध्दता व्हात्यागोळ्द रीति देल होटोगतद. 14 याग ईद सही आद रा मसीह अन रक्ता याट प्रभावशाली ईतीदाद, आव अननूत आत्मा अन द्वारा तान तान इक ऊंद संपूर्ण बली इन रूप दा परमेश्वर उक समरपति माळ बुट्टुन. रा आऊन रक्ता नाम चेतना अक आ कर्मगोळ देल कोळसुसति जो मृत्यु दी ओयतार कि नाव जतिता परमेश्वर उन स्यावा माळ सक्केव.

15 ईदा कारण मसीह ऊंद व्हाशोद वाचा अनूद मध्यस्थ आदुन, ताकी यारी परमेश्वर उन द्वारा कारूकु आग्याद आंदुर परमेश्वर उन प्रतगिया माळ्द अननूत आशषिगोळ्द वारीस आग सकुल. ईग नोळी पयला वाचा अन हात्ती ता दा माळ्द पापगोळ से मुक्त माळोर साटी फरिती इन रूप दा आव तान जीव कोट बुटान. 16 यल ताका वसीयत नामा अन सवाल आद रा अदुर साटी याव आऊक माळ्यान आऊन मृत्यु उक प्रमाणति माळोद जरूरी आद. 17 यतकी यातोदारा भी वसीयत नामा सरिफ आगा प्रभावति आगतद याग अदुरद लखिसावाळा अन मृत्यु आगेगतर, यागासताका अदुरद लखिसावाळा जतिता ईरतान रा अदुरद यागलु प्रभावति बळाल. 18 इदुरसाटी पयला वाचा भी रक्ता अनूद इस्तेमाल द्वारा प्रभावति आत. 19 पयले मूसा याग व्यवस्था अन वधान इन सप्पा आदेशगोळी सप्पा लॉकुरी घोषणा माळ कोडान रा आव नीर इन सांगुळ व्हातगोळ अदकि पाड्डगोळ्द रक्ता अक क्याचांद इन अदकि हसिसप इन डगालगोळ देल व्यवस्था अन कतिाब अदकि सप्पा लॉकुर मा छळिकुस बुटीदुन. 20 अदकि आव अंददिन, “ईद आ वाचा अन रक्ता हुन, यदरी पालसोद आग्या परमेश्वर नीमी कोटान.” 21 अदकि ईदा रीति देल आव तम्बू अदकि उपासना माळोद सप्पा वस्तुगोळ मा रक्ता छळिकुसदुन. 22 वास्तव दा व्यवस्था अन अनुसार लगभग रक्ता द्वारा अच सप्पा वस्तुगोळ शुद्ध आगताव, अदकि बनिा रक्ता वाहुसुद पापगोळी माफ हैलेच.

मसीह अन बलदिन द्वारा पाप-माफ

23 रा बाक ईद जरूरी आद की अव वस्तुगोळ जो स्वर्ग इन प्रतकृती आव अवरी जनावरगोळद बलदानगोळ से शुद्ध माळकु आगुल लेकीन स्वर्ग टु वस्तुगोळ रा ईऊर से भी वळ्ळीद बलदानगोळ देल शुद्ध माळकु आगोद अपेक्षा माळतद. 24 यतकी मसीह मंळसागोळद कय इन माळद पवतिर जागा दा, जो खरा पवतिर जागा अन नमुना आद, प्रवेश माळीदलि लेकीन स्वर्ग दा अच प्रवेश माळदुन, ताकी नाम दी टु परमेश्वर उन मुंद प्रगट आगुल. 25 ईद ईला की आव तान तान इक घळी-घळी बली येरसुल, ह्यांग की महायाजक हर साल पशुगोळ रक्ता हुडुकु पवतिर जागा दा प्रवेश माळतान, 26 ईलारा दुनया अन उत्पत्ती टु हुडुकु मसीह अक घळी-घळी दुख नेगोद बळ्ळीदत; लेकीन ईग युग इन अनंत दा आव ऊंद अच घन सप्पा मुंदुर साटी प्रगट आग्यान, ताकी तांद अच बलदान इन द्वारा पाप इक दुर माळ बुळुल. 27 अदकि ह्यांग मंळसागोळ साटी ऊंद घन सायोद अदकि अदुर बाददा परमेश्वर उन द्वारा न्याय इन आगोद तय आद, 28 हांग अच मसीह भी हापाळ मंळसागोळद पापगोळी नेगोर साटी ऊंद घन बलदान आदुन; अदकि जो लॉकुर आऊन हादी कायतार आंदुर उद्धार इन साटी ईग आव दुसरा घन प्रगट आदान रा पापगोळी दुर माळोर साटी ईला बल्की जो आऊन हादी कायतार आंदरी उद्धार कोळोर साटी.

10

1 व्यवस्था रा बरावाळा वळ्ळीद मातगोळद सरिफ सावली हुन, लेकीन अद आ वास्तवकि मातगोळद सप्पा अदकि वास्तवकि मातगोळद दाखला ईला. इदुरसाटी अवा बलगिळ द्वारा यवरी लगातार हर साल अनन्त रूप देल येरसकु आगतद, आराधना अन साटी हात्ती बरावाळेर इक हमेशा साटी सम्पूर्ण सदिध माळकु आगसकाल. 2 अगर हगि आग सकाईत रा येन अऊरद येरसकु आगोद बंद ईला आगेगाईत? यतकी बाक रा उपासना माळावाळेर ऊंदा घन दा हमेशा साटी पवतिर आगेगायदुर अदकि तान पापगोळ साटी बाक यागलु तान इक दोषी ईला समसायदुर. 3 लेकीन हर साल येरसद बलगिळ मंळसागोळी आंदुर पाप याद तोरसतद. 4 यतकी वस्तागोळ अदकि व्हातगोळद रक्ता पापगोळी दुर माळुल, ईद संभव हैलेच.

5 इदुरसाटी याग मसीह दुनया दा बंदीदुन रा आव अंददिन, “नीनी याऊ बलदान अदकि भेट चाहासीदलि, लेकीन नी नान साटी ऊंद शरीर तयार माळद.”

6 अग्न-बलगिळद अदकि पाप-बलगिळ देल नी खुश आगीदील.

7 आग बाक ना अंददिन, अदकि ह्यांग व्यवस्था अन कतिब दा भी लखिसकु आद, “ना ईल आईन, हे परमेश्वर, नीन इच्छा पुरा माळोर साटी बंदीन.”

8 आव पयले अंददिन, “बलगिळ अदकि भेट, अग्न-बलगिळद अदकि पापबलीगोळ नी चाहसाल अदकि ना रा नी अऊर से खुश आगीद.” तरी भी व्यवस्था ईद चाहासतद की अव येरसकु आगुल. 9 बाक आव अंददिन, ना ईल आईन, नान नीन इच्छा पुरा माळोर साटी बंदीन, रा आव दुसरा व्यवस्था अक स्थापति माळोर साटी पयला रदद माळ बुळतान. 10 परमेश्वर उन इच्छा देल नाव यीशु मसीह अन शरीर इन पयला अच घन बलदान येरसकु आगदुर द्वारा पवतिर माळकु आदेव.

11 हर ऊंद याजक हर रोज नीदुरकु तान न्याय इन कर्तव्यगोळी पुरा माळतान, अदकि ऊंद अच प्रकार इन बलदान इक जो पापगोळी यागलु दुर माळ सकालव घळी-घळी येरसतान. 12 लेकीन मसीह रा याजक उन रूप दा पापगोळ साटी, हमेशा साटी ऊंदा बलदान येरसकु परमेश्वर उन ऊम्मा कय दी होगकु कुरतुन, 13 अदकि अदा समय टु तान वरीधीगोळी परमेश्वर उन द्वारा कालगोळद पांळसी माळकु आगोद हादी कायेत्यान. 14 यतकी आव ऊंद अच चढावा अन द्वारा आंदरी जो पवतिर माळकु आगतार, हमेशा साटी पुरा सदिध माळ कौंडान.

15 अदकि पवतिर आत्मा भी नामी ईदा गवाही कोळतद; यतकी अद पयले अनतद.

16 “परभु अनतान की जो वाचा ना आ दनिगोळ बाददा आंदुर से कटाईन अद ईद हुन की ना तान नयिमगोळी आंदुर दलिगोळ मा मंळसाईन अदकि ना आंदुर मनगोळ मा लखिसाईन.”

17 बाक आव ईद अनतान, “ना आंदुर पापगोळी अदकि आंदुर अन्याय इन क्याल्सागोळी बाक यागलु याद माळतीदील.” 18 अगर ईदुरद पापगोळ्द माफ आगेग्याद, रा यातोदु बली इन येनु जरवत अच हैलेच.

बरी नाव परमेश्वर उन हात्ती होगाता

19 इदुरसाटी हे वारटुरा अदकि आकतीगेरा, यतकी यीशु उन रक्ता अन द्वारा आ परम पवतिर जागा दा प्रवेश माळोद नडिर आत्मवशिवास आद, 20 यारी आव परदा अन द्वारा, मतलब आऊन खुद इन शरीर इन द्वारा ऊंद वहाशोद अदकि जत्तिता हादी इन माध्यम नाम साटी तेर्द बुटान. 21 अदकि नाम हात्ती हगि महान याजक आन, जो परमेश्वर उन मानना अन अधिकारी आन, 22 रा बरी, नाव खरा मन अदकि पुरा वशिवास इन सांगुळ, अदकि नामी मन इन दोष इन भावनागोळी शुद्ध माळोर साटी अदकि दलि मा रक्ता छळिकुसकु, अदकि शरीर इक शुद्ध नीर देल तोळकु परमेश्वर उन हात्ती होदेव. 23 बरी नाव तान आशा अन अंगीकार इक मजबूती देल हुडुकु ईत्तेव, यतकी याव प्रतगिया माळ्यान, आव वशिवासयोग्य आन; 24 अदकि बरी नाव ध्यान ईटाता कनि नाव प्यार अदकि वळ्लीद क्याल्सागोळ्द प्रती आबुर दाबुर इक ह्यांग मदत माळ सकतेव, 25 अदकि ऊंद सांगुळ सभागोळ दा बरोद तान ई आदतगोळी बळिबाळी, ह्यांग कनि थ्वाळासा लॉकुरी अल ईला बरोद आदत बदिग्याद, लेकीन आबुर दाबुरी मात्त यक्कुल प्रोत्साहति माळतेला ईरी; ह्यांग कनि नीव नोळेतीर प्रभु उन दनि हात्ती बरेत्याद.

26 यतकी सत्य अन पयचान हासलि माळदुर बाददा अगर नाव जान बुझुसकु पाप माळतेला ईत्तेव, रा पापगोळ साटी बाक यातोदु दुसरा बलदान मक्कि हैलेच. 27 उलटा बाक रा बरावाळा न्याय अदकि भीषण बेक्की इन अंजक इन सांगुळ हादी कायोद अच सरिफ मक्कि ईरतद जो परमेश्वर उन वरिधीगोळी भसम माळ कोंडीत. 28 जो यावारा मूसा अन व्यवस्था अन पालन माळालुन, आऊन मा बनिा दया माळ्द येढ्ढ या मुर मुंदुर गवाहगोळ्द गवाही मानसकु कोंदकु आगतद, 29 रा वचिर माळकोमी कनि आव याट मात्त भारी दण्ड इन लायक ठहरूस्यान, याव परमेश्वर उन पार उक काल देल मेटदुन अदकि वाचा अन रक्ता अक, यदुर द्वारा आव पवतिर ठहरूसकु आगीदुन, अपवतिर जान्सदुन, अदकि अनुग्रह अन आत्मा अन अपमान माळदुन. 30 यतकी नाव आऊक अरूतेव, याव अंददिन, “बदला ताकोमोद नान क्याल्सा आद, ना अच बदला ताकोमाईन.” अदकि बाक आव ईद भी अनतान, कनि “प्रभु तान लॉकुरद न्याय माळ्यान.” 31 जत्तिता परमेश्वर उन कय दा बळोद भयानक मात आद.

32 लेकीन आ हदिळोव दनिगोळी याद माळी, यदुर दा नीव परमेश्वर उन ऊजुळ हासलि माळकु, अदकि अदुर बाददा याग नीव मयनतगोळ्द सामना माळतेला कठोर संघर्ष दा मजबूती इन सांगुळ बन्सकु ईत्तीर. 33 आग यागल्यारा रा सप्पा लॉकुर मुंद नीमी अपमानीत अदकि सतुसकु आत अदकि यागल्यारा यार सांगुळ हगि बर्ताव माळकु आगतोगोद, नीव आंदुर साथ कोट्टीर. 34 यतकी नीव कैदीगोळ दुख दा भी सहभागी आदीर, अदकि तान संपत्ती भी खुशी देल लुटुस गोट्टीर; ईद जान्सकु कनिम हात्ती ऊंद मात्त वळ्लीद अदकि हमेशा ठहरूसावाळा संपत्ती आद. जो हमेशा साटी बन्सकु ईरतद. 35 इदुरसाटी तान नडिर आत्मवशिवास बळिबाळी यतकी अदुरद प्रतफिल धोळ्द आद. 36 यतकी नीमी धीरज ताकोमोद जरूरी आद, ताकी परमेश्वर उन इच्छा अक पुरा माळ सकीर अदकि जो प्रतगिया माळकु आग्याद अदरी हासलि माळीर. 37 “यतकी ह्यांग शास्त्र अनतद, हापाळ जल्दी जो बरावाळा आन आव बंदान आव बलिकुल समय हचतदील. 38 नान सच्चाई देल नळावाळेर लॉकुर वशिवास देल जत्तिता ईत्तार; अदकि अगर आंदुर दा टु यावारा हदि हटस्यान रा ना आऊन से खुश ईरतीदील.”

39 लेकीन नाव आंदुर दा टु हैलेच जो हदि हटसतार अदकि नाश आगेगतार उलटा आंदुर दा टु आयेव जो वशिवास माळतार अदकि ऊळ्सकु आगतार.

11

वशिवास

1 वशिवास इन मतलब आद यार्द आशा हचकु ईटतेव आऊन साटी नश्चिति आगोद, अदकि यातोदारा वस्तु उक नाव चाहे नोळालेव अदुर अस्तत्तिव अन बारा दा नश्चिति आगोद अच वशिवास हुन. 2 ईदा कारण स्याणा लॉकुर काल इन लॉकुरी आंदुर वशिवास इन द्वारा परमेश्वर उन सहमती हासलि आगति.

3 *वशिवास देल अच नाव जान्स कोमतेव क्पिपुरा दुनयिा अन्द रचना परमेश्वर उन शब्द अन द्वारा आग्याद. इदुरसाटी जो माळ्द मातगोळ दृश्य आव, अव दृश्य देल अच बनसीदील.

4 वशिवास इन द्वारा अच हाबील परमेश्वर उक कैन से वळ्ळीद बलदान येरसीदुन, अदकि आऊन वशिवास इन द्वारा अच सच्चाई देल नळावाळा मंळसा आगोद सहमती परमेश्वर से हासलि माळदुन; यतकी परमेश्वर खुद अच आऊन दानगोळी सहमती कोट्टुन. ईदुर मतलब हाबलि वशिवास इन कारण अच ईद भी माताळतान, याग क्पिआव सोतोग्यान.

5 वशिवास देल अच हनोक नेगुकु आदुन क्पिमृत्यु उक नोळवाळुल, अदकि आऊक याऊ हुंदस सकदील यतकी परमेश्वर आऊक म्याकुच नेगु कोंडीदुन, शास्त्र अनतद क्पिहनोक उन म्याकुच नेगा से पयले आव परमेश्वर उक प्रसन्न माळीदुन. 6 अदकि वशिवास बनिा परमेश्वर उक खुश माळोद असंभव आद; यतकी जो परमेश्वर उन हात्ती बरतान आऊक वशिवास माळ पाहीजे यतकी परमेश्वर उन अस्तत्तिव आद अदकि आंदरी प्रतफिल कोळतान जो आऊक हुंदसतार.

7 वशिवास इन कारण देल अच नूह अक याग परमेश्वर उन द्वारा अव भवष्य अन मातगोळ्द बारा दा चेतावनी कोटकु आगति जो आव नोळीदुन भी ईला, रा आव पवत्ति अंजक पुर्वक तान परिवार इक ऊळसोर साटी ऊंद इवांगा अन निर्माण माळीदुन. परिणाम स्वरूप आऊन वशिवास इन द्वारा अच आव दुनयिा अक दोषी ठहूसदुन; अदकि वशिवास इन द्वारा परमेश्वर से बरावाळा न्यायीपन इक हासलि माळदुन.

8 वशिवास देल अच अब्राहम उक याग परमेश्वर कारदुन रा आग्या मान्सकु ईत्ता जागा दा होटोदुन यदुरद परमेश्वर प्रतगिया माळीदुन; अदकि आव ईला जानसोन क्पिआव यल होगेत्यान, तरी भी तान द्याश बटि बुट्टुन. 9 वशिवास इन कारण अच प्रतगिया माळ्द धरती मा आव ऊंद अनजाना परदेशी घाई तान मान्ना माळकु नविास माळदुन. आव तम्बूगोळ दा हांगा ईत्तुन ह्यांग इसहाक अदकि याकूब ईतदुर जो आऊन सांगुळ परमेश्वर उन अदा प्रतगिया अन उत्तराधिकारी ईरोर. 10 अब्राहम आ नगर इन हादी कायोन, यदरी परमेश्वर आकार कोटकु माळदुन अदकि हमेशा मजबूत ईरावाळा पायवा हाकदुन.

11 वशिवास इन कारण अच अब्राहम जो हापाळ बाट्ट आगेगदिन अदकि सारा जो खुद वांझला ईरोर, लेकीन आक परमेश्वर मा वशिवास माळदुर क्पिआव आकनि प्रतगिया पुरा माळतान अदकि अब्राहम आप्प बनसेदुन. 12 ईद कारण अब्राहम देल अच, जो सोत्तुर घाई ईरोन, आकाश ईनव तारागोळ अदकि समुद्र अन धुळा घाई अनगनित वंशज पैदा आदुर.

13 वशिवास इक तान मन दा हुडुकु ई सप्पा लॉकुर सोतोदुर; याता वस्तुगोळ्द परमेश्वर प्रतगिया माळीदुन आंदुर ई वस्तुगोळ हासलि माळीदलि, आंदुर बस अवरी दुर टु ना नोळदुर अदकि अऊर्द स्वागत माळदुर अदकि आंदुर ईद खुला हिसाब देल मान्स कोंडुर क्पिआंदुर ई धरती मा परदेशी अदकि अनजाना आर. 14 आ लॉकुर जो ईत्ता मातगोळ अनतार, आंदुर ईद तोरसतार क्पिआंदुर ऊंद ईत्ता द्याश इन खोज दा आर जो आंदुरद खुद इन आद. 15 जो द्याश आंदुर बटार अदुर बारा दा आ लॉकुर वचार माळतेला ईरालुर, अगर वचार माळतेला ईरायदुर रा आंदरी मात्त वापस बरोद मौका ईराइत. 16 लेकीन आंदुर ऊंद वळ्ळीद मतलब स्वर्गीय द्याश इन अभलिाषी आर; इदुरसाटी परमेश्वर आंदुर परमेश्वर कहलुसली सरमुसालुन, यतकी आव आंदुर साटी ऊंद नगर तयार माळयान.

17 वशिवास इन कारण अच अब्राहम, याग परमेश्वर आऊन परीक्षा ताकोमोन, तान पार इसहाक उक बलदान इन रूप दा भेट कोट्टुन; अब्राहम आव ईरोन यार से परमेश्वर प्रतगिया माळीदुन तरी भी आव तान ऊंद ठैसा पार उक बली येरसोर साटी तयार ईरोन. 18 रा इदुरसाटी परमेश्वर आऊन से अंददिन, “इसहाक उन द्वारा अच नीन वंश वाळुसति.” 19 अब्राहम वचार

माळीदुन परमेश्वर इसहाक उक सोत्तुर दा टु भी जतिता माळ सकतान, अदकि हांग नोळकु आगुल रा ऊंद प्रकार देल अब्राहम इसहाक उक मृत्यु दा टु मात्त वापस नोळदुन.

20 वशिवास देल अच इसहाक याकूब अदकि एसाव उक आंदुर भवषिय अन बारा दा आशीष कोट्टुन.

21 वशिवास देल अच याकूब साया होती यूसुफ उन येढु पारगोळ दा टु ऊंद ऊंद पार उक आशीष कोट्टुन, अदकि तान कोल इन सहारा ताकोमकु परमेश्वर उन आराधना माळदुन.

22 वशिवास देल अच यूसुफ, याग आव सायदुर मा ईरोन, रा इस्त्राएलगोळी मसित्तर टु होटकु होगोद बारा दा माताळीदुन, अदकि तान अस्थीगोळ सांगुळ येन माळ पाहीजे अदुर नरिदेश हेळीदुन.

23 वशिवास देल अच मूसा अन मोय आप्प आऊक पैदा आगदुर बाददा मुर तगिळ ताका होचकोमकु ईटदुर; यतकी आंदुर नोळदुर, कचिगिद सुंदर आद, अदकि आंदुर राजा अन्द आग्या मुरदुर देल अंजीदलि.

24 वशिवास देल अच मूसा धोड्डेव आगकु फरौन उन पोर इन पार अंदकु आगली इनकार आदुन. 25 इदुरसाटी कचि आऊक पाप दा थ्वाळासा दनि इन सुख भोगसदुर देल परमेश्वर उन लॉकुर सांगुळ दुख भोगसोद यक्कुल वळ्ळीद हत्त. 26 अदकि मसीह अन कारण ननिदीत आगली मसित्तर अन भंडार देल धोळ्द धन सम्सदुन: यतकी आऊन कण्ण भवषिय अन प्रतफिल हासलि माळदुर दी हतकु ईरव.

27 वशिवास देल अच राजा अन सटिट देल बनि अंजकु मूसा मसित्तर अक बटि बुट्टुन, यतकी मान्सी कचि आऊक अदृश्य परमेश्वर काळसोन. 28 वशिवास देल अच आव फसह अन हाबबा अदकि कवाळ मा रक्ता छळिकुसोद पालन माळदुन, कचि मृत्यु उन दूत इस्त्राएलीगोळ्द पैदा आगद पयला औलादगोळी कौद सकबाळुल.

29 वशिवास देल अच इस्त्राएली लॉकुर क्याचांद समुद्र अन आप्पाटी हगि ईळदुर, ह्यांग कचि वळ्ळीद जागा मा टु; अदकि याग मसित्तीगोळ हांग अच माळोद चाहासदुर, रा सप्पा नीर दा मुळकेदुर.

30 वशिवास देल अच यरीहो अन दवार, याग येळ दनि ताका अदुरद परकिरमा इस्त्राएलीगोळ माळदुर रा अद बदीत. 31 वशिवास देल अच राहाब वेश्या आग्या ईला मान्सावाळेर सांगुळ कोनसुसकु आगीदील; यतकी आक इस्त्राएली गुप्तचरगोळ संगीपना पुर्ण स्वागत माळीदुर.

32 ईग ना मात्त येन अनाईन? यतकी समय ईतीदील, कचि गदिन, बाराक अदकि शमिशोन, यफिताह, दाऊद शमूएल अदकि भवषियवक्तागोळ्द वर्णन माळाईन. 33 इंदुर वशिवास इन द्वारा अच राज्य जीक्स कौडुर; जो सही अवा क्याल्सा माळदुर; अदकि परमेश्वर प्रतगियागोळ कोट्टुन अवरी हासलि माळदुर, आंदुर हुल्लीगोळव बाय बंद माळ बुट्टुर. 34 बेक्की इन लपटागोळी शांत माळदुर; तलवार इन धार देल उळ्दकु होट्टुर, नरिबलता दा ताकतवर आदुर; लळाई दा वीर होट्टुर; परदेशीगोळ फौजगोळ मा वजिय हासलि माळदुर.

35 वशिवास इन द्वारा आर्तेर तान सोतकु रशितेदारगोळी मात्त जतिता नोळदुर; यास रा सतुसतेला कोनसुसकु आदुर; अदकि छुटकारा चाहासीदलि; इदुरसाटी आंदुर कचि वळ्ळीद जीवन इन पुनरूत्थान हासलि माळ सकुल. 36 हापाळ मुंदुर मज्याक हारसकु आत; अदकि क्वाळागोळ्द सामना माळकु आत याग कचि थ्वाळासा मुंदुरी संकलीगोळ देल कटकु बंदीगृह दा हाक्कु आत. 37 आंदुर मा पथराव माळकु आदव, आंदरी आरी देल सळिकु येढु भाग माळकु आदव, आंदरी तलवार देल मौत इन घाट ईळ्सकु आत. आंदुर गरीब ईरोर आंदरी यातनागोळ कोटकु आदव अदकि आंदुर सांगुळ बुरा व्यवहार माळकु आत. मर्री म्यांडागोळ तोगुल हाक्कु ईत्त आत्त भटकुसतेला ईत्तुर. 38 अदकि मरूथल, पहाळीगोळ, गुफागोळ दा अदकि धरती इन फुटगोळ दा वयाळदुर, ई दुनिया आंदुर लायक ईला ईरोद.

39 वशिवास देल अच आंदुरद वळ्ळीद लेखा जोखा ईटकु आत, तरी भी परमेश्वर उन परतगिया माळ्द मातगोळ आंदरी सकदील. 40 यतकी परमेश्वर नाम साटी पयले टु ऊंद वळ्ळीद योजना ठहूसीदुन, आऊन उद्देश ईद ईरोद क्क आंदरी भी नाम सांगुळ अच संपुर्ण सदिध माळकु आगुल.

12

परमेश्वर नाम आप्प

1 यल ताका नाव गवाहगोळ्द हगि धोळ्द बादल देल घेरस्कु आयेव, रा बाक बरी, हर ऊंद बादा हाकावाळा वस्तु उक अदकि आ पाप इक जो आसानी देल नामी ऊलझुस बुळतद अदरी भीट बुटेव, अदकि बरी, अद दवळ जो नामी ओळोद आद अदरी धरिज इन सांगुळ ओळव, 2 अदकि नाम वशिवास इन कर्ता अदकि सदिध माळावाळा यीशु उन दी तान कण्णगोळी हचकु ईत्तेव. याव तान मुंद उपस्थति खुशी इन साटी कूस इन यातनागोळ झेलसदुन, अदुर शरम इन येनु चनिता माळीदलि अदकि परमेश्वर उन सहासन इन ऊमा कय दी वरिजमान आगेदुन.

3 इदुरसाटी आऊन मा ध्यान माळी, याव तान वरिध दा पापीगोळ्द ईट वरिध सहन माळदुन क्क नीव नरिश आगकु साहस बटि बुळतदिलि. 4 नीव लॉकुरी पाप इन वरिध दा संघर्ष माळतेला ईट सहन माळोद बदिदिल क्क नीम रक्ता वाहुसदिद; 5 येन नीव आ प्रोत्साहन इन शब्दगोळी, यारी परमेश्वर तान चकिर समस्कु नीम से अंदुन, येन नीव मारतोगीर? “हे नान पारा, याग परमेश्वर नीनी सुधूसयान आग ध्यान हच, अदकि याग आव नीन ताळना माळयान रा हताश आगबाळ. 6 यतकी प्रभु यार से प्यार माळतान, आऊक सुधूसतान भी, अदकि यारी पार माळ कोमतान, आऊक दण्ड भी कोळतान.”

7 नीव दुख इक ताळना समस्कु सहन माळकोमी; परमेश्वर नीमी पार जानस्कु नीम सांगुळ बर्ताव माळतान. हगि याता पार हुन जो आप्प उन द्वारा सजा भोगसालुन? 8 अगर अद ताळना यदुर भागी सप्पा आगतार, नीमद आगीदिल रा नीव आऊन चकिर आल्लच, लेकीन नीव घटिया मळसा आईर. 9 बाक याग क्क नाम शारीरकि आप्प भी नाम ताळना माळतोगोर अदकि नाव आंदुरद आदर माळदेव, रा येन नाव आत्मकि आप्प उन यक्कुल हात्ती आगकु जीवन ईला बीतुसेव. 10 नाम शारीरकि आप्पगोळ थ्वाळासा समय इन साटी ह्यांग आंदुर वळ्ळीद समसदुर नामी ताळना माळदुर, लेकीन परमेश्वर नाम भलाई इन साटी ताळना माळतान यदुर देल नाव आऊन पवतिरता अन सहभागी आग सक्केव. 11 वर्तमान दा हर ऊंद प्रकार इन ताळना आनन्द इन ईला, लेकीन अद दुखद हततद; तरी भी जो अदरी सहन माळ-माळकु पक्का आगेग्यार, बाददा आंदरी न्यायीपन इन जीवन अदकि शांती इन परतफिल हासलि आगतद.

उपदेश अदकि चेतावनी

12 इदुरसाटी थक्स कयगोळी नेगी अदकि नरिबल ट्वांगरागोळी मजबूत माळी, 13 अदकि तान कालगोळ साटी सीधा हादी माळी क्क लिंगळा भटकुस बाळुल लेकीन भला चंगा आगेगुल.

14 सप्पा मुंदुर सांगुळ शांती इन सांगुळ ईरली अदकि पवतिर जीवन जीऊसोर साटी हर प्रकार देल प्रयत्नशील ईरी, यतकी इदुर बनि यावारा भी प्रभु उक नोळ सकतीदलि. 15 तान तान इन सावधानी माळी, ताकी यावारा परमेश्वर उन अनुग्रह देल हींद होगबाळुल. अदकि यावारा भी केय खांदी घाई वाळुस बाळुल, यतकी आदुर जहर देल यातोदारा झगळा उत्पन्न आग ईला पाहीजे. 16 यावारा भी अनैतिक अदकि अन्यायी या एसाव उन घाई आगबाळुल याव ऊंद घन इन भोजन इन बदला तान धोळ पार आगेद अधकार मार बुट्टुन. 17 अदुर बाददा नीव जानसतीर क्क याग आव तान आप्प उन से आशीष ताकोमोद चाहासदुन रा अयोग्य आळुकु आदुन, अदकि वरल-वरलकु आव आशीष ताकोमोद कोशिश माळदुन तरी भी आऊक आऊन पाप इन मन तरिगुसोद मौका सकिदिल.

18 नीव बेक्की देल होद्द आ सनाय पहाळी इन हात्ती बंदीदलि, यदरी महसुस माळकु आग सकोद अदकि ना रा अंधार अदकि ना रा उदासीनता अदकि बवंडर इन हात्ती बंदीर ह्यांग इस्त्राएली लॉकुर बंदीदुर. 19 अदकि तुरही इन आवाज, अदकि माताळावाळेरद ईत्ता शब्द अन हात्ती बंदीदलि, यार केळावाळेर वनिती माळदुर क्क ईंग नाम से मात्त मातगोळ माळकु आगबाळुल. 20 यतकी आंदुर आ आग्या अक सहन माळ सकदील: “अगर यातोदारा प्राणी भी

पहाळ इक मुट्टीत रा अदुर मा कल्लगोळ भटिकु आगुल.” 21 अदकि अद नजारा हगि भयानक ईरोद क मूसा अंदुन, “ना हापाळ अंजक्या देल अदकि नळ्गेतीन.”

22 लेकीन नीव सयियोन इन पहाळी, जत्तिता परमेश्वर उन नगर, अदकि स्वरगीय यरूशलेम अदकि हजार स्वरगदूतगोळ आनन्द पुरण सभा दा होट बंदीर. 23 नीव परमेश्वर से पयले पैदा आगद यार हेसुर स्वरग दा लखिसकु आव आंदुर सभा दा पोहचुसेगीर. नीव आ परमेश्वर उन हात्ती बंदीर जो सप्पा लॉकुर न्याय माळतान क न्यायी लॉकुर आत्मागोळ सदिध आगुल. 24 अदकि ऊंद व्हाशोद वाचा अन मध्यस्थ यीशु अदकि छळिकाव इन आ रक्ता अन हात्ती होट बंदीर, जो हाबील उन रक्ता अन अपेक्षा वळ्ळीद वस्तुगोळ्द प्रतगिया माळतान.

25 सावधान ईरी, अदकि आ अनावाळा से बाय तरिगुसबाळी, यतकी आ लॉकुर याग पृथ्वी माकळव चेतावनी कोळावाळा से नकार माळकु ऊळु सकदील, रा नाव स्वरग मा टु चेतावनी कोळावाळा से बाय वाकळा माळकु ह्यांग ऊळु सक्केव? 26 आ समय रा आऊन शब्द पृथ्वी इक आलगाळस कोमत्, लेकीन ईग आव ईद प्रतगिया माळयान, “ऊंद घन बाक ना सरिफ पृथ्वी इक बल्की आकाश इक भी आलगाळसकु ईट बुळाईन.” 27 ईव शब्द “ऊंद घन मात्त” आ हर वस्तु दी प्रगट माळतद क जिो मातगोळ नरिमति माळकु आग्याव अव आलगाळसकु आदव अदकि अस्थरि ईत्ताव क जिो मातगोळ आलगाळसकु आगालव अव स्थरि ईरूल.

28 इदुरसाटी बाक याग नामी हगि राज्य सकित्याद यदरी आलगाळसकु आगाल रा बरी धन्यवादी बनसाती अदकि आदर मलिसकु अंजक इन सांगुळ परमेश्वर उन उपासना माळेव क परमेश्वर अदुर देल प्रसन्न आगुल; 29 यतकी नाम परमेश्वर भसम माळावाळा बेक्की हुन.

13

परमेश्वर उक ह्यांग प्रसन्न माळेव

1 आबुर दाबुर दा वशिवासी वारटुरद प्यार बनसकु ईरूल. 2 अनजाना लॉकुरद तान मान्या सत्कार माळोद मारूबाळी, यतकी हगि माळतेला अच थवाळासा लॉकुर अनजाना दा स्वरगदूतगोळ्द स्वागत माळदुर. 3 कैदीगोळ्द इत्ता सुधी ताकोमी, क मान्सी आंदुर सांगुळ नीव भी कैद आईर; अदकि यार सांगुळ बुरा बर्ताव माळकु आगतद, आंदुरद ईत्ता प्रकार सुधी ताकोमी, मान्सी नीव भी पळित आगेतीर.

4 मदा सब दा आदर इन मात समसकु आगुल, अदकि गांड-हगिस आबुर दाबुर सांगुळ वशिवासयोग्य ईरूल, यतकी परमेश्वर अनैतिक अदकि व्यभिचारीगोळ्द न्याय माळयान.

5 *नीम स्वभाव धन से प्यार माळोद ईरबाळुल, अदकि जो नीम हात्ती आद, अदुर दा संतुष्ट ईरी यतकी परमेश्वर अंदान ना नीनी यागलु बळितीदील, अदकि यागलु मारूतीदलि. 6 इदुरसाटी नाव बेधळक आगकु अनतेव, क प्रभु, नान सहायक आन; ना अंजालीन; मळसा नान येन माळ सकतान.

7 जो नीमोर अगुवागोळ ईरोर, अदकि यार नीमी परमेश्वर उन वचन केळस्यार, आंदरी याद ईटी; अदकि ध्यान देल आंदुरद चाल चलन इन अन्त नोळकु आंदुरद वशिवास इन अनुकरण माळी. 8 यीशु मसीह नीन अदकि ईद अदकि युगानुयुग ऊंदा घाई आन. 9 हर प्रकार इन अपरचिति शकिषागोळ देल भरमुसकु आगबाळी. नाम मन इन साटी ईद वळ्ळीद आद क आंदुर अनुग्रह अन द्वारा मजबूत बनसुल ना क तनिद कुडोद संबंध दा नयिमगोळी मान्सदुर देल, यदुर देल आंदुर यागलु भला आगीदील यार अवरी मान्सदुर.

10 नाम्द ऊंद हगि वेदी आद यदुर मा टु तनिद अधिकार आ याजकगोळी हैलेच, जो तम्बू दा स्यावा माळतार. 11 यतकी याता पशुगोळ रक्ता महायाजक पाप-बली इन साटी महापवतिर जागा दा ओयतान, अदकि आ जनावरगोळ शरीर आ तम्बूगोळ्द छावनी इन व्हार्या होताककु आगताव. 12 ईदा कारण, यीशु भी नगर इन व्हार्या सोत्तुन ताकी लॉकुर पापगोळ देल आऊन रक्ता अन द्वारा शुद्ध आग सकुल. 13 रा बाक बरी, आऊन हात्ती छावनी इन व्हार्या होगता, अदकि आऊन अपमान दा सहभागी आगता. 14 यतकी ईल पृथ्वी मा नाम येनु स्थाई नगर हैलेच, बल्की

* 13:5 १३:५ व्यवस्थाविवरण ३१:६

नाव ऊंद बरावाळा नगर इन हादी कायेतेव. ¹⁵ नळी नाव यीशु उन द्वारा परमेश्वर उक स्तुतरूपी बलदान अर्पण माळाता जो आ टुटगोळ्द काय हुन यार आऊन हेसुर इक अरतार. ¹⁶ भलाई माळोद अदकि आबुर दाबुर सहायता माळोद मारूबाळी, यतकी परमेश्वर हगिा बलदानगोळ देल खुश आगतान.

¹⁷ तान अगुवागोळ्द आग्या मान्सी अदकि आंदुर आदेशगोळ मा नळी. आंदुर नीम मा बनिा आराम माळ्द हगिा सावधानी ईटतार ह्यांग मान्सी आंदरी तान क्याल्सागोळ्द लेखा जोखा परमेश्वर उक कोळोद आद; अगर नीव आंदुर आग्या मानसीर रा आनन्द इन सांगुळ तान क्याल्सा माळ्यार, अगर मानसतीदील रा आंदुर दुख इन सांगुळ तान क्याल्सा माळ्यार अदकि अद नीम साटी मदतगार साबति आगतीदील.

¹⁸ नाम साटी प्रार्थना माळतेला ईरी, यतकी नामी भरोसा आद क्नि नाम वविक शुद्ध आद: अदकि नाव सप्पा मातगोळ दा वळ्दीद चाल नळोद चाहसतेव. ¹⁹ ना नीम से आग्रह माळतीन क्नि नीव प्रार्थना माळतोगी ताकी राटनेरी ना नीम हाती बर सकाईन.

आखरी प्रार्थना

²⁰ याव म्यांडागोळ घाई आ महान चरवाहा नाम प्रभु यीशु उन रक्ता अन द्वारा आ सनातन वाचा मा मोहर हचकु सोत्तुर दा टु जतिता माळदुन आव शांती इन दाता परमेश्वर, ²¹ नीमी सप्पा वळ्दीद साधनगोळ देल संपन्न माळुल, यदुर देल नीव आऊन इच्छा पुरा माळ सकीर, अदकि यीशु मसीह अन द्वारा आव नाम बुळ्क आ सप्पा मातगोळी सक्रियि माळुल जो आऊक वळ्दीद हततद. मसीह अन महमा युगानुयुग आगतेला ईरूल. आमीन.

आखरी शब्द

²² हे वारटुरा अदकि आकतींगेरा, ना नीम से आग्रह माळतीन क्नि ईद प्रोत्साहन इन संदेश इक धीरज इन सांगुळ केळी, यतकी ई चट्टी जो ना नीमी लखिसीन यक्कुल धोळ्द हैलेच. ²³ ना चाहासतीन क्नि नीमी ईद पता नळुल नाम वारट तीमुथयिस कैद दा टु बटिकु आग्यान. अदकि अगर आव राटनेरी बंदुन रा ना आऊन सांगुळ नीम से मुलाकात माळली बराईन.

²⁴ तान सप्पा अगुवागोळी अदकि सप्पा परमेश्वर उन लॉकुरी नमस्कार अनेतीर. इटलीवाळेर वशिवासी लॉकुर नीमी नमस्कार अनतार.

²⁵ नीम सप्पा मुंदुर मा परमेश्वर उन अनुग्रह आगतेला ईरूल. आमीन.

याकूब की पत्री याकूब उन चट्टी परचिय

याकूब उन साटी परचिय याकूब उन कतिाब याकूब हेसुर इनव यातारा मंळसा द्वारा लखिसकु आगीत. ईव संभव यीशु उन वार्ट याकूब ईरोन, जो सूरवाती मंडली दा ऊंद अधिकारी ईरोन अदकि यरूशलेम नगर इन हसिसा ईरोन प्रेरतिगोळ १५:१३ प्रेरति पौलुस आऊक गलातगोळ २:९ दा मंडली इन खंबा भी अंदुन. वधिवानगोळ मानसोद भी आद क याकूब उन कतिाब मसीह अन जनम इन ५० साल इन बाददा लखिसकु आगीत. यतकी याकूब यरूशलेम दा मंडली इन अधिकारी ईरोन, इदुरसाटी आव अल ईरतेला शायद कतिाब लखिसीदुन.

याकूब तान कतिाब इक “राज्यगोळ न्याड्या बखिरूसद व्हार्या जनजातीगोळ” इक संबोधति माळदुन १:१ याकूब दा सप्पा च्या सप्पा मसीहगोळ मा लागु आगताव लेकीन “व्हार्या जनजाती” शब्दगोळ उपयोग ईद संभव आगतद क याकूब सीधा यहूदी मसीहगोळी लखिसोन. यतकी ईद कतिाब पाठकगोळ ऊंद व्यापक समुह ताका पोहचुसोर साटी माळीदुन. ईद हापाळ वषियगोळी संबोधति माळत. याकूब वशिवास अदकि कार्यगोळ न्याड्या संबंधगोळ मा ध्यान केंद्रति माळतान. खरा आराम कारवाई दा तोरसकु आदीत २:१७. आव धनवान लॉकुरी २:१-४ पक्षपात तोरसोर खलिाप भी चेतावनी कोळतान अदकि नामी हेळतान क नाव येन अनतेव ३:१-१२ रूप-रेखा

१. याकूब तान पाठकगोळी धन्यवाद कोळतान. १:१
२. ईदुर बाददा आव मसीहगोळी सहन माळोर साटी प्रोत्साहति माळतान याग आंदुर बमिार आगतार. १:२-२७
३. बाक आव अनतान क वशिवासगोळ माध्यम देल वशिवास इन साटी ह्यांग जरूरी आद. २:१-२६
४. अदुर बाददा आव अनतान क यास शक्तशिली शब्द आग सकताव. ३:१-१२
५. आग याकूब हेळतान क ह्यांग परमेश्वर उन ग्यान दुनया अन ग्यान से अलग आद. ३:१३-४:१०
६. ईदुर बाददा आव तान पाठकगोळी घमण्डी आगा खलिाप चेतावनी कोळतान. ४:११-५:६
७. याकूब थ्वाळासा साधारण नरिदेश कोटकु तान कतिाब खतम माळतान. ५:७-२०

1 *परमेश्वर उन अदकि प्रभु यीशु मसीह नव दास याकूब उन दी टु आ हननेळ गोत्रगोळी जो ततिर-बतिर आगकु ईरतार नमस्कार पोहचुसुल.

वशिवास अदकि बुद्धमिानी

2 हे नान वार्टुरा अदकि आकतींगेरा, याग नीव अलग प्रकार इन परीक्षागोळ दा बळी, रा इदरी पुरा खुशी इन मात समसी, 3 ईद जानसकु क नीम वशिवास इन परख आगदुर देल धीरज पैदा आगतद. 4 लेकीन धीरज इक तान सप्पा क्याल्सा माळगोळी क नीव पुरा अदकि सदिध आगेगी, अदकि नीम दा यातोदु मात इन कमी ईरबाळुल.

5 लेकीन नीम दा टु यारीकारा दमाक इन कमी ईरूल रा परमेश्वर से बेळुल, जो सप्पा मुंदुरी बनिा दोष हचकु अनुग्रहपूर्वक कोळतान, अदकि आऊक कोटकु आदीत. 6 लेकीन वशिवास देल बेळुल, अदकि येनु सक माळबाळुल, यतकी सक माळावाळा समुद्र अन्द लयर इन घाई आन जो हवा देल वाहुसतद अदकि हारतद. 7 हगि मंळसा ईद समसबाळुल क नानी प्रभु उन हाती टु येनारा सकिकीत, 8 आ मंळसा येढढ चित्तवाळा हुन अदकि तान सप्पा मातगोळ दा संची हैलेच.

गरीबी अदकि अमीरी

* 1:1 १:१ मत्ती १३:५५; मरकुस ६:३; प्रेरतिगोळ १५:१३; गलातगोळ १:१९

9 गरीब वारटुरा याग परमेश्वर नीमी धोळ्द पद कोळतान रा खुशी माळी, 10 अदकि अमीर तान नीच दशा मा; यतकी आव काड्डा अनूद फूल इन घाई ओळेदान. 11 यतकी सुर्य अन होळतेला अच हापाळ बसिल बळितद अदकि काड्डा अक वंळ्गास बुळतद, अदकि अदुरद फूल झळसेगतद अदकि अदुर शोभा नाश आगेगतद. ईदा प्रकार अमीर भी तान हादी मा नळुत-नळुत नाश आगेदान.

परख अदकि लालच

12 धन्य आन आ मंळसा जो परीक्षा दा स्थरि ईरतान, यतकी आव सही होटकु जीवन इंद अद मुकुट हासलि माळ्यान यदुरद वादा प्रभु तान प्यार माळावाळेर से माळ्यान. 13 याग यारदारा परीक्षा आगुल, रा आव ईद अनबाळुल कनिान परीक्षा परमेश्वर उन दी टु आगतद; यतकी ना रा बेकार मातगोळ से परमेश्वर उन परीक्षा आग सकतद, अदकि ना आव यारदारा परीक्षा खुद माळतान. 14 लेकीन हर ऊंद मंळसा तांद अच बेकार अभलिषागोळ देल जेडुकु अदकि फसुसकु परीक्षा दा बळितान. 15 बाक बेकार अभलिषा व्हाट्टा दी ईतकु खुद इन नरिमाण माळतद अदकि पाप याग पुरा रीर्ता देल वाळुसेगतद रा मृत्यु उक तयार माळतद.

16 हे नान प्रयि वारटुरा अदकि आकतींगेरा, ध्वाका तनिबाळी. 17 यतकी हर ऊंद वळ्लीद दान अदकि हर ऊंद परपुर्ण उपहार स्वर्ग टु अच आद, अदकि अद आ परमेश्वर उन द्वारा ज्योर्ता याव स्वर्गीय प्रकाश इक माळ्यान ल्यालमा तनकु आगताव, आव हमेशा बदलुसत सावली घाई बदलुसालुन. 18 आव तांद अच इच्छा देल नामी सच्चाई अनूद वचन इन द्वारा तयार माळदुन, कनिाव आऊन दुनया दा जो वस्तुगोळ आव अऊर दा टु ऊंद प्रकार इन पयला काय आदेव.

केळोद अदकि माळोद

19 हे नान प्रयि वारटुरा अदकि आकतींगेरा, ईद मात नीव जान्स कोमी: हर ऊंद मंळसा केळोर साटी तत्पर अदकि माताळदुर दा धीर अदकि सट्टि दा धीरा ईरूल, 20 यतकी मंळसा अनूद सट्टि परमेश्वर उन न्यायी उद्देश इक प्राप्त माळ सकाल्द. 21 इदुरसाटी सप्पा मईलपन अदकि दुश्मनी भाव इन बळती इक दुर माळकु, आ वचन इक नमरता देल ग्रहण माळकोमी जो मन दा बोऊसकु आत अदकि जो नीम उद्धार माळ सकतद. 22 सर्फि केळावाळेर अच ईला जो तान तान इक ध्वाका कोळतार, लेकीन वचन मा नळावाळेर बनसी. 23 यतकी जो यावारा वचन इन केळावाळा ईरूल अदकि अदुर मा नळावाळा ईला आगुल, रा आव आ मंळसा अनूद घाई आन जो तान स्वाभावकि माररा आरसा दा नोळतान. 24 आव तान तान इक नोळकु होटोगतान अदकि तुरन्त मारतोगतान कनिा ह्यांग ईरीन. 25 लेकीन जो मंळसा स्वतंत्रता अनूद सदिध व्यवस्था मा ध्यान माळतान, आऊक परमेश्वर आऊन क्यालसा दा इदुरसाटी आशीष कोट्टान कनिा केळकु मारालुन लेकीन हांग अच क्यालसा माळतान. 26 येन नीम दा टु यावारा तान तान इक न्यायी समसतान? अगर नीव तान ल्यालग्या अक वश दा माळ सकालीर रा नीव तान तान इक ध्वाका कोळतीर अदकि नीम न्यायीपन बेकार आद. 27 नाम परमेश्वर अदकि आप्प उन हात्ती शुद्ध अदकि नरिमल भक्ती ईद आद कनिा अनाथगोळ अदकि रांड्यागोळ्द क्लेश दा आऊन सुधी ताकोमुल, अदकि तान तान इक दुनया से नष्कलंक ईटुल.

2

पक्षपात इन खलिाप चेतावनी

1 हे नान वारटुरा अदकि आकतींगेरा, नाम महमियुकुत प्रभु यीशु मसीह मा नीम विश्वास पक्षपात इन सांगुळ आगबाळुल. 2 समसी अगर ऊंद धनवान मंळसा व्हान्ना अनूद छल्ला अदकि सुंदर फळक्या हाक्कु नीम सभा दा बरूल, अदकि ऊंद गरीब मंळसा भी रेंदुसदव फळक्या हाक्कु बरूल, 3 अदकि नीव आ सुंदर फळक्यावाळा अनूद चेहरा नोळकु अंदीर, “नी अल वळ्लीद जागा दा कुर,” अदकि आ गरीब मंळसा से अंदीर, “नी ईल नदिरकु ईर,” या “नान कालगोळ हात्ती कुर.” 4 रा येन नीव आपस दा भेद-भाव माळीदलि अदकि बेकार उद्देश देल न्याय माळावाळेर ठहरूसीदील? 5 हे नान प्रयि वारटुरा अदकि आकतींगेरा, केळी. येन परमेश्वर ई दुनया अनूद गरीबगोळ्द चुनाव माळीदलि कनिा विश्वास दा धनी अदकि आ राज्य अनूद अधिकारी आगुल, यदुरद वादा आव आंदुर

से माळ्यान जो आऊन से प्यार ईटतार? ⁶लेकीन नीव गरीब उन अपमान माळदीर. अदकि आंदुर यार उर जो नीम मा अत्याचार माळतार अदकि नीमी कचेरीगोळ दा जेडु जेडुकु ओयतार?

⁷येन आंदुर ईदुर आल्लच जो मसीह अन वळ्लीद हेसुर इंद अपमान माळतार? जो नीमी कोटकु आग्याद. ⁸तरी भी अगर नीव पवत्रिशास्त्र अनंद ई वचन इन अनुसार कि “नी तान मान्ना हातळोर वाळेर से तान घाई प्यार ईट” खराखुरा आ राज व्यवस्था अक पुरा माळतीर, रा वळ्लीद अच माळतीर. ⁹लेकीन अगर नीव लॉकुर बाहरी पहराव नोळकु व्यवहार माळतीर, रा नीव पापी आईर, अदकि व्यवस्था नीमी नयिम मुरावाळा ठहरूसतद. ¹⁰यतकी जो यावारा सप्पा व्यवस्था अनंद पालन माळतान लेकीन ऊंद अच मात दा चुकसेगुल रा आव सप्पा मातगोळ दा दोषी ठहरूसकु आग्यान. ¹¹याव ईद अंदुन, “नी व्यभचारि माळबाळेत,” आवा ईद भी अंददिन, “नी हत्या माळबाळेत,” इदुरसाटी अगर नी व्यभचारि रा माळीदलि लेकीन हत्या माळद तरी भी नी व्यवस्था अनंद उल्लंघन माळावाळा ठहरूसद. ¹²नीव आ लॉकुर घाई वचन माताळी अदकि क्याल्सा भी माळी, यारद न्याय आ व्यवस्था अनंद अनुसार आदीत जो नामी स्वतंत्र माळतद. ¹³इदुरसाटी जो दयालु हैलेच आऊन साटी परमेश्वर उन न्याय भी बनि दया अनंद अच आदीत लेकीन दया न्याय मा वजियी आद.

वश्वास अदकि कर्म

¹⁴हे नान वारटुरा अदकि आकतीगेरा, अगर यावारा अनुल कानानी वश्वास आद लेकीन आव कर्म माळालुन, रा इदुर से येन फायदा? येन ईत्ता वश्वास यागल्यारा आऊन उद्धार माळ सकतद? ¹⁵अगर यावारा वारटुरा या आकतींग इन हाती जंग कपळा ईरूल अदकि आंदरी हर रोज भोजन इंद कमी ईरूल, ¹⁶अदकि नीम दा टु यावारा आंदुर से अनुल, “शांती देल होगी, नीमी पर्याप्त कपळा सकिल अदकि नीव वळ्लीद खाना तीनकु संतुष्ट ईरी,”

लेकीन जो वस्तुगोळ मय इन साटी जरूरी आव अव आंदरी ईला कोळुल रा येन फायदा? ¹⁷हांग अच, अगर वश्वास भी कर्म सहति हैलेच रा तान स्वभाव दा सोतकु आद.

¹⁸अगर यावारा अनतान, “नीनी वश्वास आद अदकि कर्म ना माळतीन.” नी तान वश्वास नानी कर्म इन बनि रा तोरस; अदकि ना तान वश्वास तान कर्मगोळद द्वारा तोरसाईन. ¹⁹येन नीनी वश्वास आद किऊंद अच परमेश्वर आन? नी वळ्लीद माळत्या. दुष्टआत्मा भी वश्वास ईटताव, अदकि नळगताव. ²⁰लेकीन हे नकिम्मा मंळसा, येन नी ईद भी अरू सकाल कि कर्म इन बनि वश्वास व्यर्थ आद? ²¹याग नाम पुरवज अब्राहम तान पार इसहाक उक वेदी मा यरसदुन, रा येन आव कर्मगोळ देल न्यायी ईला ठहरूसीदुन? ²²इदुरसाटी नी नोळ कौड कि वश्वास आऊन क्याल्सागोळ सांगुळ मलिसकु प्रभाव हाक्याद, अदकि कर्मगोळ देल वश्वास सिद्ध आत, ²³*अदकि पवत्रिशास्त्र अनंद ईद वचन पुरा आत: “अब्राहम परमेश्वर उन वश्वास माळदुन, अदकि ईद आऊन साटी न्यायी आळुकु आदुन,” अदकि आऊक परमेश्वर उन संगी अंदकु आत. ²⁴ई प्रकार नीव नोळ कौडीर कि मंळसा सिर्फ वश्वास देल अच ईला, उलटा कर्मगोळ देल भी न्यायी ठहरूसकु आगतान. ²⁵हांगा राहाब वेश्या भी, याग आक स्वर्गदूतगोळी तान मान्या ईळसदुर अदकि दुसरा हादी देल वदि माळदुर, रा येन आक कर्मगोळ देल न्यायी ठहरूसदुर? ²⁶हांगा ह्यांग मय आत्मा अनंद बनि सोतकु आद, हांग अच वश्वास भी कर्म इन बनि सोतकु आद.

3

ल्यालग्या अक वश दा माळोद

¹हे नान वारटुरा अदकि आकतीगेरा, नीम दा टु हापाळ सा लॉकुर शिक्षा कोळावाळेर बनसबाळुल, यतकी जानसतीर कि नाव शिक्षा कोळावाळेरद यककुल गंभीरता देल न्याय माळकु आदीत. ²इदुरसाटी कि नाव सप्पा मुंदुर हापाळ घन चुकसेगतेव; लेकीन अगर यावारा माताळदुर दा यातोदारा भी गलती माळतीदील रा आव ऊंद सिद्ध मंळसा आन अदकि सप्पा मय मा भी नयित्रण ईट सकतान. ³याग नाव तान आग्या मानसुसोर साटी घ्वाळा अनंद बाय दा लगाम

* 2:23 २:२३ उत्पत्ति१५:६

हचतेव, रा नाव अदरी बाक यल चाहे अल तरिगुसकतेव. 4 जहाज भी, हगि धोड्डेव ईरताव अदकि प्रचंड हवा देल नळसकु आगताव, तरी भी ऊंद स्याळदतुसा सा पतवार इन द्वारा माँझी इन इच्छा अन्द अनुसार तरिगुसकु आगताव. 5 हांग अच ल्यालग्या भी ऊंद स्याळदतुसा सा हसिसा आद अदकि अद धोळ्द-धोळ्द डींग होडुतद. जरासा सोची, थ्वाळासा बेक्की देल याट धोळ्द आळी दा बेक्की हत्तेगतद. 6 ल्यालग्या भी ऊंद बेक्की हुन; ल्यालग्या नाम मय इन हसिसा दा अन्याय इन दुनयिा हुन, अदकि सप्पा मय मा कलंक हचतद, अदकि जीवन-गति मा बेक्की हच बुळतद, अदकि नरक कुण्ड इन बेक्की देल होत्त ईरतद. 7 यतकी सप्पा प्रकार इन आळी, पशु, पक्षी, अदकि रेंगसावाळा जन्तु, अदकि नीर इन जीव जन्तु रा मंळसा जाती इन वश दा आग सकताव अदकि आगेग्याव भी, 8 लेकीन ल्यालग्या अक मंळसागोळ दा टु याऊ वश दा माळ सकालुन; अद ऊंद हगि बला आद जो यागलु अच रूकसाल, अद जीव नाशक जयर देल तुमकु आद. 9 इदुर देल अच नाव प्रभु अदकि आप्प उन सत्तुती माळतेव, अदकि इदुर देल अच मंळसागोळी जो परमेश्वर उन स्वरूप दा पैदा आग्यार शराप कोळतेव. 10 ऊंद अच बाय देल धन्यवाद अदकि शराप येदुदु होळताव. हे नान वारटुरा अदकि आकतींगेरा, हगि ईला आग पायजे. 11 येन नीर इन सोता अन्द ऊंद अच बाय देल सय अदकि डवला नीर येदुदु होळताव? 12 हे नान वारटुरा, येन अंजीर इन मार्र मा जैतून, या अंगुर इन केई मा अंजीर हत सकताव? हांग अच डवला नीर इन सोता टु सय नीर होळ सकाल.

स्वर्गीय बुद्धी

13 नीम दा बुद्धमिन अदकि समझदार याव आन? जो हगि आन आव तान क्यालसागोळी वळ्ळीद चाल चलन देल आ नमरता सहति प्रगट माळुल जो ग्यान देल पैदा आगतद. 14 लेकीन नीव तान-तान मन दा जलन, कळवाहट अदकि स्वार्थीपन ईटतीर, रा बुद्धी मा घमण्ड माळकु सचचाई इन वरिध दा पाप माळबाळी. 15 ईद ग्यान अद आल्लच जो स्वर्ग टु ईळुतद, उलटा सांसारकि, अदकि शारीरकि, अदकि शैतानी आद. 16 यतकी यल जलन अदकि स्वार्थीपन ईरतद, अल अव्यवस्थापन अदकि सप्पा प्रकार इन बेकार मातगोळ आगताव. 17 लेकीन जो ग्यान स्वर्ग टु बरतद अद पयले रा पवतिर ईरतद बाक मलिनसार, मुलायम अदकि शांतीमय अदकि दया अदकि वळ्ळीद काय देल लटालोम अदकि पक्षपात अदकि कपट रहति ईरतद. 18 शांती प्रस्थापति माळावाळेरे लाँकुरी अच न्यायी जीवन इन काय प्राप्त आदीत अगर अदरी शांतीपूर्ण वातावरण दा बोऊसकु आग्याद.

4

दुनयिा से संगीपना

1 नीम दा लळाई झगळागोळ यल टु होटबंदव? येन ईद नीम इच्छागोळ देल आगालद जो नीम मय दा लळाई-झगळा माळताव? 2 नीव चाहासतीर, लेकीन नीमी सकाल; इदुरसाटी नीव हत्या माळतीर. नीव पुरा रीति देल इच्छा ईटतीर, अदकि येनु हासलि माळ सकालीर; इदुरसाटी नीव लळाई अदकि झगळा माळतीर. जो नीव चाहासतीर नीमी सकाल यतकी नीव परमेश्वर से बेळालीर. 3 नीव बेळतीर लेकीन नीमी सकाल, इदुरसाटी का बेकार इच्छा माळकु बेळतीर, कितान भोग-वलिास दा हारस बुळी. 4 हे विश्वासहीन लाँकुरा, येन नीव जान्सालीर का दुनयिा से संगीपना माळोद परमेश्वर से दुश्मनी माळोद हुन? जो यावारा दुनयिा अन्द संगी आगोद चाहासतान, आव तान तान इक परमेश्वर उन दुश्मन माळतान. 5 येन नीव ईद समसतीर का पवतिरशास्त्र बेकार अनतद, “याता आत्मा अक आव नाम बुळ्क घळुसयान, येन अद हगि लालसा माळतद यदुर्द प्रतफिल इर्ष्या आगुल?” 6 आव रा मात्त यक्कुल अनुग्रह कोळतान; ई कारण ईद शास्त्र दा लखिसकु आद, “परमेश्वर अभमिनीगोळद वरिध माळतान लेकीन गरीबगोळ मा अनुग्रह माळतान.” 7 इदुरसाटी परमेश्वर उन हात्ती आगेगी; अदकि शैतान उन सामना माळी, रा अद नीमद हात्ती टु ओळकु होदति. 8 परमेश्वर उन हात्ती बरी रा आव भी नीमद हात्ती बंदान. हे पापीगोळा, तान कय तोळ कोमी; अदकि हे पाखंडी लाँकुरा, तान मन इक शुद्ध माळी. 9 दुखी

आगी, अदकि शोक माळी, अदकि वरली. नीमद् नेगगोद शोक दा, अदकि नीमद् खुशी उदासी दा बदलुसुल. ¹⁰ प्रभु उन मुंद नम्र बन्सी रा आव नीमी म्याकुच नेगदान.

मसीह वारटुर मा दोष हचोद

¹¹ हे वारटुरा अदकि आकतीगेरा, आबुर दाबुर अपमान माळबाळी. जो तान मसीह वारटु उन अपमान माळतान या मसीह वारटुन मा दोष हचतान, आव व्यवस्था अन्द अपमान माळतान अदकि व्यवस्था मा दोष हचतान; अदकि अगर नी व्यवस्था मा दोष हचत्या, रा नी व्यवस्था मा नळावाळा ईला पर अदुर मा न्याय माळावाळा ठहरुसुद. ¹² व्यवस्था कोळावाळा अदकि न्याय माळावाळा रा ऊंद अच परमेश्वर आन, आव आबना अच ऊळस सकतान या नाश माळ सकतान. नीव याव आगतीर तान मान्ना हातळोर न्याय माळावाळेर?

घमण्ड इन वरिद्ध चेटावनी

¹³ केळी, नीव जो ईद अनतीर, “ईद या नाळ नाव यातोदारा अदकि नगर दा होगकु अल ऊंद वरष बत्तिसेव, अदकि व्यापार माळकु पैस्या कमसेव.” ¹⁴ अदकि ईद जान्सालेव क्नि नाळ येन आदीत. केळ रा कोमी, नीमद् जीवन आद अच येन? नीव रा भाप इन घाई आईर, जो घळीतीम काळसतद बाक गायब आगेगतद. ¹⁵ इदुर उलटा नीमी ईद अनली पायजे, “अगर प्रभु चाहास्यान रा नाव जत्तिता ईत्तेव, अदकि ईद क्याल्सा या अद क्याल्सा भी माळेव.” ¹⁶ लेकीन ईग नीव तान डींग होडुतीर अदकि घमण्ड माळतीर; हगि सप्पा घमण्ड बेकार आगतद.

¹⁷ इदुरसाटी जो यावारा भलाई माळोद जान्सतान लेकीन माळालुन, आव पाप इन दोषी आन.

5

धनवानगोळी चेटावनी

¹ हे अमीरगोळा, केळ रा कोमी, नीव तान बरावाळा वपित्तीगोळ मा वरली अदकि ऊंचा स्वर देल वलाप माळी. ² नीम धन हुळतोग्याद अदकि नीम फळक्यागोळी उदई हत्तेग्याद. ³ नीम व्हान्ना-बेळ्ली दा जंग हत्तेग्याद; अदकि अद जंग नीम मा गवाही कोट्टीत, अदकि बेक्की घाई नीम मास तदि बुट्टीत. नीव आखरी दुनया दा धन जमा माळीर. ⁴ नोळी, याता क्याल्सावाळेर नीम केई दा मजदूरी माळदुर, आंदुरद अद मजदूरी जो नीव ध्वाका कोटकु ईट बुट्टीर कटिरेत्याद, अदकि कडावाळेरद आक्रोश सर्वशक्तमान प्रभु उन कवि ताका ओळ्ळेग्याद. ⁵ नीव पृथ्वी मा भोग-वलास दा हतकु ईत्तीर अदकि हापाळ सुख भोग्सदरि; नीव ई वध इन दनि इन साटी तान मन इंद पालन-पोषण माळकु खुद इक मोटा-तरोताजा माळदीर. ⁶ नीव न्यायी मंळसा अक दोषी ठहरूसकु कोंद बुट्टीर, आव नीम सामना ईला माळायदुन.

धीरज अदकि प्रार्थना

⁷ इदुरसाटी हे वारटुरा अदकि आकतीगेरा, प्रभु उन आगमन ताका धीरज ईटी. नोळी, कसान पृथ्वी इन कमिती फसल इन आशा ईटतेला पयला अदकि आखरी माळ बळिस ताका धीरज ईटतान. ⁸ नीव भी धीरज ईटी; अदकि तान आशा अक माळकु ईटी, यतकी प्रभु उन आगमन हात्ती होट बंदाद. ⁹ हे वारटुरा अदकि आकतीगेरा, आबुर दाबुर प्रती सकायत माळबाळी ताकी परमेश्वर नीम न्याय माळबाळुल; नोळी, न्यायाधीश प्रगट आगदुर मा आन. ¹⁰ हे वारटुरा अदकि आकतीगेरा, याता भवषियवक्तागोळ प्रभु उन हेसुर देल मात माळदुर, आंदरी दुख नेगोद समय आंदुर धैर्य अक ऊंद आदर्श समसी. ¹¹ नोळी, नाव आ भवषियवक्तागोळी यार धीरज ईटदुर धन्य अनतेव. नीव अय्यूब उन धीरज इन बारा दा रा केळदीर अच, अदकि प्रभु उन दी टु जो अदुरद प्रतफिल आत अदरी भी अर्त कोंडीर, यदुर देल प्रभु उन यक्कुल करूणा अदकि दया प्रगट आगतद.

¹² लेकीन हे नान वारटुरा अदकि आकतीगेरा, सब से धोळ मात ईद आद क्किरिया ईला तनिोद, ना आकाश इन, ना धरती इन, ना यातोवारा दुसरा चजि इन; लेकीन नीम मातकात हव इन हव, अदकि ईला अन्द ईला ईरूल, क्नि परमेश्वर उन न्याय नीम मा बरबाळुल.

13 अगर नीम दा यावारा वपित्ती दा बदान? रा आंदरी प्रार्थना माळ पायजे. येन नीम दा यावारा खुश आन? रा आंदरी स्तुति अनूद भजन हाळ पायजे. 14 *येन नीम दा यावारा रोगी आन? रा आंदरी पायजे की मंडली इन स्याणा गवाहगोळी कारूल, की आंदुर आंदुर साटी प्रार्थना माळुल अदकि आंदुर मा प्रभु उन हेसुर देल जैतून इन याण्णा हचुल. 15 अदकि वशिवास इन प्रार्थना अनूद द्वारा रोगी ऊळस्यान अदकि प्रभु आऊक मात्त स्वस्थ मय प्रदान माळ्यान; अदकि अगर आव पाप भी माळीदान, रा अव भी माफ आगेदव. 16 इदुरसाटी नीव आपस दा आबुर दाबुर मुंद तान-तान पापगोळी मान्स कोमी, अदकि आबुर दाबुर साटी प्रार्थना माळी, यदुर देल चंगा आगेगी: न्यायी जन इन प्रार्थना प्रभावशाली अदकि परिणाम कारक आगतद. 17 * एलयियाह भी रा नाम घाई दुख-सुख भोगसावाळा मळसा ईरोन; अदकि आव गळिगळिसकु प्रार्थना माळदुन की माळ बरबाळुल; अदकि सादे मुर वर्ष ताका पृथ्वी मा माळ बंददिल. 18 बाक आव प्रार्थना माळदुन, रा आकाश टु माळ बत्त, अदकि पृथ्वी फलवन्त आत्त. 19 हे नान वार्टुरा, अगर नीम दा टु यावारा सत्य अन हादी टु भटकुस्यान अदकि यावारा आऊक हादी मा तरूल, 20 *रा आव ईद जान्स कोमुल की जो यावारा यातोदारा भटकुस्त पापी इक हादी मा तंदान, आव ऊंद जीव इक सोत्तुर देल ऊळस्यान अदकि अनेक पापगोळ मा परदा हाक्यान.

पतरस की पहली पत्री पतरस उन पयला चट्टी परचिय

१ पतरस उन चट्टी प्रेरति पतरस उन द्वारा लखिसकु आगीत. पतरस ईद अंदकु तान चट्टी इन सुरूवात माळदुन की आव याव ईरोन अदकि यार साटी आव लखिसोन. आव आ सप्पा इसाईगोळी चट्टी संबोधति माळदुन यारी आव “अजनबीगोळ” १:१; १:१७२:११ अंदुन. अदकि आव तान पाठकगोळी ईत्ता प्रकार देल हापाळ अनली संदर्भति माळदुन यतकी आंदुर ब्यार्र-ब्यार्र दयाशगोळ दा बगरूसेगीदुर. यतकी ईद चट्टी थ्वाळासा तरीका देल इफसीगोळी पौलुस उन चट्टी घाई कांळसतद, हापाळ लॉकुर मानसतार की मसीह अन जनम इन ६५ साल इन बाददा इफसीगोळी पयला पतरस लखिसकु आगीत. पतरस रोम नगर टु ईद चट्टी लखिसीदुन यदरी बेबीलोन अनतार ५:१३.

पतरस अनतान की ई चट्टी इक “नीमी प्रोत्साहति माळली अदकि ईद प्रमाणति माळोद उद्देश देल लखिसीन की ईद परमेश्वर उन खरा कृपा हुन” ५:१२. १ पतरस २:११-३:७, इफसिगोळ ५:१८-६:१ अदकि कुलुससगोळ ३:१८-४:६ अनद न्याड्या दा हापाळ समानता आव. ई मूर कतिबगोळ दा पारवारिकि रश्तागोळ अदकि अधिकारगोळ पालन माळोद बारा दा नरिदेश सकितद. अद दुखी लॉकुरी दुखी आगदुर मा मजबूती देल प्रोत्साहति माळतद यतकी अन्त हात्ती आद. ४:१

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. बाक आव छुटकारा साटी परमेश्वर उन धन्यवाद माळतान की आंदुर सप्पा मुंदुर साझा माळतार अदकि ईदुर मतलब आंदुर जीवन इन साटी येन आद १:३-२:१०
३. आव वशिवासीगोळी नरिदेश कोळतान की ह्यांग दुनया दा वळ्लीद रीतदिल ईरोद आद अदकि गांडड अदकि हगिस अदकि दास अदकि गुरु उन न्याड्या दा अलग रश्तागोळी संबोधति माळोद हुन. २:११-४:११
४. पतरस दुखी लॉकुरी मजबूती देल प्रोत्साहति माळतान अदकि तान चट्टी बंद माळतान. ४:१२-५:११
५. आग आव तान चट्टी लखिसोद बंद माळतान. ५:१२-१४

1 पतरस उन दी टु जो यीशु मसीह अन प्रेरति आन,
आ नविळुस्कु आदुर परमेश्वर उन लॉकुरद हेसुर जो ततिर बतिर आगकु पुन्तुस, गलातया,
कप्पदूकया, आसया अदकि बतिनया दा ईरतार,

2 नीव परमेश्वर आप्प उन पूर्व उद्देश इन अनुसार नविळुस्कु आगीर अदकि आऊन आत्मा अनद क्याल्सा द्वारा पवतिर लॉकुर ठहरूस्कु आगीर, इदुरसाटी की यीशु मसीह अन आग्या मानसुल अदकि आऊन रक्ता अन द्वारा शुद्ध आगेगुल. नीमी अनुग्रह अदकि शांती बहुतायत देल सकितेला ईरूल.

ऊंद जतिता आशा

3 नाम प्रभु यीशु मसीह अन परमेश्वर अदकि आप्प उन धन्यवाद आगुल, याव यीशु मसीह अन सोत्तुर दा टु जतिता आगोर द्वारा, तान हापाळ प्यार देल नामी जतिता आशा कोळोर साटी व्हाशोद जनम कोट्टुन, 4 मतलब ऊंद अवनिशी, अदकि नरिमल, अदकि अजर वरिसत इन साटी जो नीम साटी स्वर्ग दा ईटक आद; 5 जो वशिवास इन द्वारा सुरक्षति आर, परमेश्वर उन सामर्थ्य अन द्वारा आ उद्धार इन साटी जो आखरी समय दा प्रगट आगोर साटी तयार आद.

6 ई कारण नीव हापाळ खुश ईरी, लेकीन येनारा थ्वाळासा समय इन साटी अलग अलग परीक्षागोळ दा बदिकु दुख नेगोद बदिदीत; 7 अदकि ईद इदुरसाटी आद की नीमद वशिवास परखुसकु

आगुल, शुद्ध होळी अदकि स्थरि ईरी, जो नाशवान व्हान्ना आद यदरी बेक्की दा परखुस्कु आगतद अदुर देल भी हापाळ यक्कुल बार आद, आ दनि याग यीशु मसीह प्रगट आदान आग नीमी प्रशंसा अदकि महिमा अदकि आदर प्राप्त आदीत. 8 नीव आऊन से प्यार माळतीर जब कनि नीव आऊक नोळीदील, अदकि नीव आऊन मा वशिवास माळतीर जब कनि नीव आऊक ईगल्या नोळीदील. रा नीव हापाळ महिमामय खुशी देल खुश आईर जो शब्दगोळ देल बयान माळकु आगसकाल; 9 नीमद आत्मागोळ उद्धार ईद जो नीमद वशिवास इन उद्देश नीव अदुरदा प्राप्त माळतीर.

10 ईदा उद्धार इन बारा दा आ भवषियवक्तागोळ ध्यान देल खोजबीन अदकि जाँच पळताल माळदुर, यार आ अनुग्रह अन बारा दा जो नीम मा आगली ईरोद, भवषियवाणी माळीदुर. 11 आ भवषियवक्तागोळ मसीह मा बरावाळा दुखगोळद समय अदकि अद महिमा जो ई दुखगोळद बाददा प्रगट आदव इदुरद खोज मसीह अन्द आत्मा अन द्वारा माळदुन जो आंदुर दा ईरोद. 12 परमेश्वर आ भवषियवक्तागोळ मा प्रगट माळदुन की आंदुर तान ईला बल्की नीमद स्यावा अन साटी ईव मातगोळ अनतोगोर, यारद जानकारी ईग नीमी आंदुरद द्वारा सकित यार पवतिर आत्मा अन द्वारा, जो स्वर्ग टु कळकु आग्याद, नीमी खुशखबरी केळसदुन; अदकि ई मातगोळ इक स्वर्गदूत भी ध्यान देल नोळोद लालसा ईटतार.

पवतिर जीवन जगुसोद बुलाहट

13 ई कारण तान तान नेळु कटक सावधान ईरी, खुद नयंत्रति ईरी, याग यीशु मसीह प्रगट आदान आग जो आशीष नीमी सकोद आद, अदुर मा तान आशा पुरा रीति देल हचकु ईटी. 14 आग्या मानसावाळेर चकिरगोळ घाई, आ समय इन बेकार इच्छागोळद अनुसार तान तान इक ढालसबाळी जो नीम दा पयले ईरोद, याग नीव अग्यानी ईरीर. 15 लेकीन ह्यांग नीम कारावाळा पवतिर आन, हांग अच नीव भी तान सप्पा चाल चलन दा पवतिर बन्सी. 16 यतकी शास्त्र दा लखिसकु आद, “पवतिर बन्सी, यतकी ना पवतिर आईन.”

17 अदकि याग कनि नीव “हे आप्प” अनकु आऊन से प्रार्थना माळतीर, जो बनि पक्षपात हर ऊंद उन क्याल्सा अन आचरण इन अनुसार न्याय माळतान, इदुरसाटी तान परदेशी आगोद समय अंजुक देल बत्तिसी. 18 यतकी नीव जानसतीर कनि नीमद नकिम्मा चाल चलन तरीका जो आप्प दादागोळ हाती टु नळुतेला बरेत्याद, अदुर देल नीमद छुटकारा व्हान्ना बेळ्ली मतलब नाशवान चजिगोळ द्वारा आगीदील; 19 बल्की कमिती मसीह अन्द अर्पण इन द्वारा जो ऊंद नरिदोष अदकि कलंक रहति म्यांडा अन पाड्डा अन रक्ता अन घाई ईरोन. 20 दुनिया अन नरिमाण इन पयले परमेश्वर उन द्वारा मसीह अक चुनुस्कु आगीत, लेकीन नीम साटी ईव आखरी दनिगोळ दा आऊक प्रगट माळकु आत. 21 आ मसीह अन द्वारा नीव आ परमेश्वर मा वशिवास माळतीर, यारी परमेश्वर आऊक सोत्तुर दा टु जतिता माळदुन अदकि महिमा कोट्टुन ताकी नीमद वशिवास अदकि आशा परमेश्वर मा पक्का आगुल.

22 ईग याग नीव सच्चाई इन पालन माळतेला खरा भाईचारा अन प्यार इक प्रदर्शति माळोर साटी तान आत्मागोळ इक शुद्ध माळ कोडीर, रा पुरा मन इन सांगुळ आबुर दाबुर से प्यार माळी. 23 यतकी नीमी नाशवान ईला लेकीन अवनिशी बीजा देल, परमेश्वर उन जतिता अदकि हमेशा ठहरूसावाळा वचन इन द्वारा व्हाशोद जनम सक्याद. 24 यतकी पवतिरशास्त्र दा लखिसकु आद:

“हर ऊंद मंळसा प्राणी काड्डा अन घाई आन,

अदकि आऊंद सप्पा शोभा आळी दाकळोद फूला अन घाई आव.

अदकि काड्डा वळ्गेगतद, अदकि फूला झळसेगताव,

25 लेकीन प्रभु उन वचन हमेशा हमेशा संची ईरतद.”

अदकि ईदा खुशखबरी इन वचन आद जो नीमी घोषति माळकु आगीत.

2

जतिता कल्ल अदकि पवतिर प्रजा

1 इदुरसाटी सपपा प्रकार इन बुराईगोळ अदकि पाखंड अदकि पुरा ख्वाटा मातगोळ या होतूतोद या अपमानीत माळोर भाषा देल तान तान इक ऊळसकु ईटी. 2 व्हासा पैदा आगा चकिोर इन घाई हमेशा नरिमल आत्मकि हाल इन लालच ईटी, इदुरसाटी इदरी कुडोद द्वारा नीमद वकिस अदकि उद्धार आगुल. 3 जसा कपिवत्रिशास्त्र दा लखिसकु आद, “नीव तान तान इन साटी जान्स कोंडीर कि प्रभु याट भला आन.”

4 प्रभु उन हात्ती बरी, अद सजीव कल्ल जो लॉकुर द्वारा बेकार सम्सकु नकारसकु आगीदुन लेकीन आव परमेश्वर साटी कमिती आन जो परमेश्वर उन द्वारा नविळुसकु आगीदुन. 5 नीव भी खुद जतिता कल्लगोळ घाई ऊंद आध्यात्मकि मंदिर इन रूप दा माळकु आगेतीर, ताकी ऊंद हगि पवत्रि याजक मंडल इन रूप दा स्यावा माळ सकी यदुर्द कर्तव्य हगि आत्मकि बलदान समर्पति माळोद आद जो यीशु मसीह अन द्वारा परमेश्वर उक ग्रहण लायक आगुल. 6 ईद कारण पवत्रिशास्त्र दा भी लखिसकु आद:

“ना ऊंद कमिती कल्ल नविळुसकु

यारी ना सयियोन इन क्वाना अनूद कल्ल माळकु ईटेतीन:

अदकि जो यावारा आऊन मा वशिवास माळ्यान, आव यातोदारा रीति देल नरिाश आगतीदील.”

7 नीव वशिवासीगोळ साटी ईद कल्ल हापाळ कमिती आद; लेकीन जो वशिवास माळालुर आंदुर साटी

“अद कल्ल यारी राजमसित्रीगोळ बेकार सम्सकु इनकार माळीदुर,

अदा कल्ल सपपा मुंदुर साटी महत्वपुर्ण क्वाना अन कल्ल बनसेत,”

8 अदकि शास्त्र दा ईद भी लखिसकु आद,

“ईद अद कल्ल हुन जो अपराधी लॉकुरी ठेस पहुचुसोद कारण बनसीत,

ईद चट्टान लॉकुरी ठोकर हचकु केळदति.” आंदुर ठोकर तदिर यतकी आंदुर परमेश्वर उन वचन मा वशिवास माळालुर

अदकि ईदा आंदुर साटी परमेश्वर उन इच्छा ईरोद.

9 *लेकीन नीव ऊंद नविळुसकु वंश, राज-पदधारी याजकगोळद समाज, पवत्रि जाती, अदकि परमेश्वर उन खुद इन लॉकुर आईर, इदुरसाटी कियाव नीमी अंधकार दा टु तान अदभुत ज्योती दा कारसदुन, आऊन महान कार्य अनूद घोषणा माळी. 10 ऊंद समय दा नीव परमेश्वर उन लॉकुर ईला ईरीर, लेकीन ईग नीव आऊन लॉकुर हुईर; ऊंद समय ईरोद याग नीम मा परमेश्वर उन दया ईला आगीत, लेकीन ईग नीम मा आऊन दया आग्याद.

परमेश्वर उन दास

11 हे प्रयि संगीगोळा, ना नीम से, जो ई दुनया दा अजनबीगोळ रूप दा आईर, नविदन माळतीन कि आ शारीरकि इच्छागोळ देल दुर ईरी जो नीमद आत्मा से लळुसतेला ईरतद. 12 दुसरा जातीगोळ न्याड्या तान चाल चलन हगि वळ्लीद माळकु ईटी कि चाहे आंदुर अपराधीगोळद रूप दा नीमद आलोचना माळ्यार लेकीन नीमद वळ्लीद कर्मगोळद परिणाम स्वरूप आऊन बरव दनि आंदुर परमेश्वर उक महमा प्रदान माळुल.

13 प्रभु उन साटी तान तान इक हर मानव अधिकार इन हात्ती ईरी: राजा अन हात्ती इदुरसाटी कि आव सब मा शासन माळतान, 14 अदकि शासकगोळद, यतकी आंदुर बुरा लॉकुरी दण्ड कोळोद अदकि वळ्लेव लॉकुरद प्रशंसा अन साटी आऊन द्वारा कळुकु आग्यार. 15 यतकी परमेश्वर उन नीम से ईद इच्छा आद कि नीव तान भलाई इन क्याल्सागोळ देल मूर्ख लॉकुरद अग्यान देल तुमकु मातगोळ इक सुंगा माळबुळी. 16 स्वतंत्र मळसा अन घाई जीवन बीतुसी, लेकीन तान स्वतंत्रता अनूद इस्तेमाल बुरा मातगोळ इक होचोर साटी माळबाळी; लेकीन परमेश्वर उन सेवकगोळद घाई जतिता ईरी. 17 सपपा मुंदुरद आदर माळी, तान दुसरा वशिवासी वार्दुर से प्यार ईटी, परमेश्वर उन आदर इन सांगुळ अंजक मान्सी, राजा अन सम्मान माळी.

मसीह अनन्द तकलीफ इन उदाहरण

18 हे सेवकगोळा, तान तान इक तान स्वामीगोळ्द हात्ती ईटी, अदकि आंदरी पुरा रीति देल आदर कोळी, ना सरिफ आंदरी जो वळ्लेर आर अदकि दुसरा अन भलाई माळतार बल्की आंदरी भी जो कठोर आर. 19 यतकी अगर यावारा परमेश्वर उन वचारि माळकु अन्याय देल दुख नेगुतेला क्लेश सहन माळतान रा ईद वळ्लीद आद. 20 यतकी अगर नीव अपराध माळकु बुक्की तदिीर अदकि धीरज हुळदीर, रा ईदुर दा येन बळाई इन मात आद? लेकीन अगर भलाई इन क्याल्सा माळकु दुख नेगुतीर अदकि धीरज हुडुतीर, रा ईद परमेश्वर उक भाऊसतद. 21 लेकीन नीमी परमेश्वर इदुरसाटी कारदुन, यतकी मसीह नीम साटी दुख नेगदुन अदकि हगि माळकु नाम्द साटी ऊंद उदाहरण बट्टुन ताकी नीव भी आऊन पद-चमत्कारगोळ मा नळु सकीर. 22 आव येनु पापगोळ माळीदलि अदकि यावारा यागल्यारा भी आऊन बाय देल ख्वाटा मातगोळ केळीदील. 23 याग आव अपमानीत आदुन आग आव याऊकु अपमानीत माळकु प्रती उत्तर माळीदील, याग आव दुख झेल्सदुन आग आव यारूकु धमकी कोटीदील, बल्की आ खरा न्याय माळावाळा न्यायी परमेश्वर दा तान आशा अक ईटदुन. 24 मसीह खुद अच नामव पापगोळ तान मय मा ताकोमकु क्रूस मा येरेदुन, ताकी नाव तान पापगोळ्द प्रती नाम मृत्यु आगेगुल अदकि न्यायीपन इन साटी जीवन बतुसेव: ईद आऊन आ बलदान इन कारण अच आत यऊर देल नीव चंगा माळकु आगीर. 25 यतकी नीव पयले भटकुसकु म्यांडा अन घाई ईरीर, लेकीन ईग तान जीवगोळ रखवाला अदकि अध्यक्ष अन हात्ती बंदीर.

3

गांडड अदकि हगिस

1 ✨ईदा रीति देल हे हगिसुरा, नीव भी तान गांडड उन हात्ती ईरी, ताकी याव परमेश्वर उन वचन मा वशिवास माळालुर रा तान चाल चलन देल अच नीव आऊक वशिवास देल जीत सकतीर. इदुरसाटी नीमी आऊन से मातचीत माळोद भी जरवत हैलेच. 2 यतकी आंदुर नोळ्यार नीम्द चाल चलन ह्यांग पवतिर अदकि भक्तपुर्ण आद. 3 ✨तान तान इक सुंदर माळोर साटी व्हार्या अन साझ श्रृंगार इन इस्तेमाल माळबाळी, जसा की चुट्टी गुथसोर साटी, या बाक व्हानना अन बांगळागोळ, या वळ्लेव-वळ्लेव कपळा हाक्कोर साटी, 4 बल्की नीमी सुंदर नीम्द भतिरी व्यक्तित्व माळतद, मुलायम मन अदकि शांत आत्मा अनन्द अवनिशी सुंदरता देल युक्त आगी, परमेश्वर उन नजर दा जो कमिती आईर. 5 पूर्वकाल दा भक्ती माळावाळेर आर्तेर भी, जो परमेश्वर मा पवतिर आशा ईटतोगोर, तान तान इक ईदा रीति देल सवारसतोगोर अदकि तान तान गांडड उन हात्ती ईरतोगोर. 6 जसा सारा तान गांडड अब्राहम उन आग्या मानसोर अदकि आऊक तान स्वामी अनतोगोर. ईदा प्रकार नीव भी अगर भलाई माळीर अदकि यातोदारा प्रकार इन अंजक देल अंजतीदील, रा प्रभु पोरगोळ ठहरूसीर.

7 ✨हांग अच हे गांडड उरा, नीव तान हगिसुर सांगुळ समझदारी देल ईरी, अदकि आंदरी कमजोर आर्त जान्सकु आंदुर आदर माळी, परमेश्वर उन जीवन इन वरदान दा आंदरी तान सह उत्तराधिकारी मानसी, ताकी नीम्द प्रार्थनागोळ दा बाधा बळिबाळुल.

भलाई माळोद कारण कष्ट

8 अनत दा नीव सप्पा मुंदरी समान वचारि, सहानुभुती, तान वार्दुरगोळ से प्यार माळावाळा, दयालु अदकि नम्र आगली पायजे. 9 बुराई इन बदला बुराई माळबाळी अदकि श्राप इन बदला श्राप कोळबाळी; बल्की प्रत्युत्तर दा आशीष अच कोळी, यतकी आशीष अच आद जो परमेश्वर नीमी कोळोद वचन कोटीदुन याग नीमी कारसीदुन. 10 जसा शास्त्र दा लखिसकु आद, “अगर आव जीवन इन प्यार ताकोमोद चाहासतान, अदकि वळ्लेव दनि नोळोद चाहासतान,

✨ 3:1 ३:१ इफसिगोळ ५:२२; कुलुसगोळ ३:१५

✨ 3:3 ३:३ १ तीमुथियुस २:९

✨ 3:7 ३:७ इफसिगोळ ५:२५;

कुलुसगोळ ३:१९

आव तान ल्यालग्या अक बुरा मातगोळ देल, अदकि तान टुट्टीगोळ इक ख्वाटा माताळदुर देल

रोक्सकु ईटी इदुरदा अच भलाई आद.

11 आव बुराई इन सांगुळ बळिल, अदकि भलाई इच माळुल;

आव पुरा मन देल शांती इन साटी प्रयास माळुल.

12 यतकी प्रभु उन कण्णगोळ न्याय मा हतकु ईरताव,
अदकि आऊन कवि आंदुरद वनिती दा हतकु ईरताव;
लेकीन प्रभु बुराई माळावाळेरद वमिख ईरतान.”

13 अगर नीव भलाई माळोर साटी तयार ईत्तीर रा नीमद बुराई माळावाळा बाक याव आन?
14 *अगर नीव सच्चवाई इन कारण दुख भी नेगदीर, रा धन्य आईर; लेकीन लाँकुरद अंजुसदुर देल अंजबाळी, अदकि घबरूसबाळी, 15 लेकीन तान मन दा मसीह अन साटी सम्मान ईटी, आऊक प्रभु जान्सकु आदर कोळी. अदकि अगर यावारा नीम इक नीमद शुद्ध आशा अन बारा दा जो नीम दा आद समझुस्ली अनुल; रा आऊक उत्तर कोळोर साटी हमेशा तयार ईरी. 16 लेकीन ईद वनिम्रता अदकि भलाई इन सांगुळ अच माळी. अदकि तान वविक इक भी शुद्ध ईटी, ताकी यीशु मसीह दा नीमद वळ्लीद चाल चलन देल नीम सम्मान आगुल अदकि नदिा माळावाळेर लाँकुर नीमद अपमान माळाहोती लज्जति आगुल. 17 यतकी अगर परमेश्वर उन ईदा इच्छा आद का नीव भलाई माळोद कारण दुख नेगी, रा बुराई माळोद बदला दुख नेगोद वळ्लीद आद. 18 इदुरसाटी मसीह भी पुरा पापगोळ न्याय माळोर साटी ऊंद अच घन सोत्तुन, मतलब आव जो नरिदोष ईरोन नाव पापीगोळ साटी सोतोदुन का नामी परमेश्वर उन हाती ओयुल. मय इन भाव देल रा आव कोंदकु आदुन, लेकीन आत्मा अन भाव देल जतिता माळकु आदुन. 19 अदकि आऊन आत्मा अन्द स्थिती दा अच आव होगकु आ कैदी आत्मागोळ इक प्रचार माळदुन, 20 ईव अव आत्मागोळ हुव जो आ समय परमेश्वर उन आगयागोळ मा वशिवास ईला माळतोगोर याग नूह अन्द इवांगा माळकु आगोद अदकि परमेश्वर धीरज इन सांगुळ हादी कायोन आग आ इवांगा दा थ्वाळासा मतलब सरिफ येठठ मळसागोळ अच नीर दा टु ऊळदीदुर. 21 ईद नीर आ बपतसिमा अन्द घाई आद यदुर देल नीमद भलाई आगतद इदुर दा मय इन मईल तोळोद ईला बल्की ऊंद शुद्ध वविक इन साटी परमेश्वर से वनिती आद ईंग रा बपतसिमा नीमी यीशु मसीह अन्द पुनरूत्थान इन द्वारा ऊळसतद. 22 आव स्वर्ग मा होगकु परमेश्वर उन ऊमा कय दी कुरतोदुन; अदकि स्वर्गदूत अदकि स्वर्गीय अधिकारी अदकि सामर्थ्य आऊन हात्ती माळकु आदुर.

4

परविरतति जीवन

1 इदुरसाटी याग का मसीह मय दा आगकु दुख नेगदुन रा नीव भी अदा मनसा अक हथयार इन घाई धारण माळी, यतकी याव मय दा दुख नेगदुन आव पापगोळ देल बटोदुन, 2 ईग टु मुंद नीमद वाचुसत समय पृथ्वी इन जीवन मानवीय इच्छागोळद अनुसार ईला बल्की परमेश्वर उन इच्छा अन अनुसार जीवन व्यतीत माळुल. 3 यतकी मूर्ति पुजा माळावाळेरद इच्छा अन्द अनुसार कयाल्सा माळोद, अदकि असभ्यता, वासना, पयिक्कळपन अवैध संबंध, रंगरेली, अदकि बेकार मूर्तपूजा दा यल ताका नाव पयले समय गऊसदेव, अदा हापाळ आत. 4 इदुर देल आंदुर अचम्भा माळतार का नीव हगि बोयोद जंगलीपन अदकि लापरवाह अन्द जीवन जगुसोर दा आंदुर साथ कोळालीर, अदकि इदुरसाटी आंदुर नीमद अपमान माळतार; 5 लेकीन जो सोतकु आर अदकि जतितागोळद न्याय माळोर साटी तयार आन आ परमेश्वर उक नामी तान व्यवहार इन लेखा जोखा कोळोद बदिदीत. 6 इदुरसाटी आ वशिवासीगोळ इक जो सोतोग्यार खुशखबरी इन उपदेश कोटकु आगीत का शारीरिक रूप देल चाहे आंदुरद न्याय मानवीय स्थल मा आगुल लेकीन आत्मिक रूप देल आंदुर परमेश्वर उन अनुसार जतिता ईरूल.

परमेश्वर उन वळ्लेर भंडारी

7 सपपा मातगोळ्द अनंत तुरन्त आगावाळा आद; इदुरसाटी संयमी आगकु प्रार्थना माळोर साटी सचेत ईरी. 8 सब से धोळ मात ईद आद क आबुर दाबुर से प्यार ईटी, यतकी प्यार अनेक पापगोळ इक मुच्च बुळतद. 9 बनिा कुळकुळसकु आबुर दाबुर अतथी-सत्कार माळी. 10 यारी जो वरदान सकियाद, आव अदरी परमेश्वर उन अलग-अलग प्रकार इन अनुग्रह अन भला भंडारीगोळ घाई आबुर दाबुर स्यावा दा हची. 11 जो यावारा प्रचार माळुल, आव परमेश्वर उन वचन इन प्रचार माळुल; जो यावारा स्यावा माळुल, रा आ शक्ती इन सांगुळ माळुल जो परमेश्वर कोळतान; इदुरसाटी ई सपपा मातगोळ दा यीशु मसीह अन द्वारा, परमेश्वर उन स्तुति आगुल. महमा अदकि साम्राज्य हमेशा हमेशा आऊन आद. आमीन.

मसीह आगोद नाता देल दुख नेगोद

12 हे प्रयि संगीगोळा, याग नीमद अग्न परिक्षा आगतद आग हगि असामान्य मातगोळ आगतेला नोळकु नीव आश्चर्य चकति आगबाळी. 13 लेकीन ह्यांग-ह्यांग मसीह अन दुख दा सहभागी आगतीर, खुश ईरी, यदुर देल याग आऊन महमा प्रगट आदीत आ घन भी नीव पुरा रीति देल आनन्दति आगेगी. 14 बाक अगर मसीह अन हेसुर इन साटी नीव अपमानीत आगतीर रा नीव धन्य माळी, यतकी आव महमामय परमेश्वर उन आत्मा नीम मा आगतद. 15 नीम दा टु यावारा मंळसा हत्यारा या काळल या कुकमी आगदुर मा, या पराया कयालसा दा कय हाका कारण दुख ईला सकिल. 16 लेकीन ई मात साटी परमेश्वर उन धन्यवाद माळी, यतकी नीव मसीह हेसुर ग्रहण माळदीर.

17 यतकी न्याय माळोद समय इन सुरूवात आगेग्याद क पयले परमेश्वर उन लॉकुरद न्याय माळकु आगुल; अदकि याग क न्याय इन सुरूवात नाम देल अच आदीत रा आंदुरद येन अनंत आदीत जो परमेश्वर उन खुशखबरी मा वशिवास माळालुर? 18 हगि शास्त्र दा लखिसकु आद, “अगर वळलेव न्याय माळावाळा मंळसा अक अच कठनिाई देल उद्धार सकिकीत,

रा भक्तहीन बयमान अदकि पापी इन येन आदीत?”

19 इदुरसाटी जो परमेश्वर उन इच्छा अन अनुसार दुख नेगुतार, आंदुर भलाई माळतेला तान-तान जीव वशिवासलायक सृजनहार इन कय दा सौप्स बुळुल.

5

स्याणागोळी अदकि नवयुवकगोळी बातणी

1 नीम दा जो स्याणा आन, ना आंदुर घाई स्याणा अदकि मसीह अन दुखगोळद गवाह अदकि प्रगट आगावाळा महमा दा सहभागी आगकु आंदरी ईद समझुसतीन. 2 *क परिमेश्वर उन आ झुण्ड इन, जो नीमद न्याइया दा आद रखवाली माळी; अदकि दबाव देल ईला लेकीन परमेश्वर उन इच्छा अन अनुसार खुशी देल, अदकि कमाई इन लालच साटी ईला लेकीन मन हचकु. 3 जो लॉकुर नीमद देखरेख इन साटी सौप्सकु आग्यार, नीव आंदुर मा अधिकार जतुसबाळी, बल्की झुण्ड इन साटी ऊंद आदर्श बन्सी. 4 याग प्रधान रखवाला प्रगट आदान, रा नीमी महमा अन मुकुट कोटक आदीत यदुरद चमक यागलु खतम आगाल.

5 ईदा प्रकार हे नवयुवकगोळा, नीव भी तान स्याणागोळ्द हात्ती ईरी, अदकि नीव सपपा च्या सपपा आबुर दाबुर स्यावा माळोर साटी वनिम्रता धारण माळी, यतकी शास्त्र दा लखिसकु आद, “परमेश्वर अभिमानीगोळ्द वरिध माळतान, लेकीन नम्र लॉकुर मा अनुग्रह माळतान.”

6 *इदुरसाटी परमेश्वर उन बलवन्त कय इन ल्यालमा दीनता देल ईरी, यदुर देल आव नीमी उचित समय मा वाळुसुल. 7 तान सपपा चन्ति आऊन मा हाक बुळी, यतकी आऊक नीमद ध्यान आद.

8 सचेत आगी, अदकि जागसतेला ईरी; यतकी नीमद दुश्मन शैतान गरजुसतेला हुल्ल इन घाई ईल अल ओयाळतेला ई ताक दा ईरतान क यारीक हरकु तनिल. 9 वशिवास दा मजबूत आगकु, अदकि ईद जान्सकु आऊन सामना माळी क नीम वार्टुर जो दुनया दा आर हगि अच दुख झेलसेत्तार. 10 ईग परमेश्वर जो सपपा अनुग्रह अन दाता आन, याव नीमी मसीह दा तान

अनन्त मह्मिा अन साटी कारदुन, नीम्द थ्वाळासा समय ताका दुख नेगदुर बाद्दा खुद अच नीमी सद्दिध अदकि संची अदकि बलवन्त माळ्यान. 11 आऊंदा साम्राज्य हमेशा हमेशा ईरूल. आमीन.

आखरी अभविदन

12 ✨ना नीमी ऊंद संक्षपित्त चट्टी सलिवानुस उन सहयोग देल लखिसदीन, यारी ना वशिवासलायक मसीह वार्ट मान्सतीन. ना नीमी प्रोत्साहति माळोद चाहसतीन अदकि नांद गवाही कोळतीन जो परमेश्वर उन सही अनुग्रह हुन, ईदुर दा संची ईरी.

13 ✨जो बेबीलोन दा नीम्द घाई नविळुसुद मंडली इन लॉकुर, आंदुर नीमी नमस्कार अनतार अदकि मसीह दा नान पार मरकुस उन भी नीमी नमस्कार. 14 मसीह दा प्यार पुर्ण भाव देल आबुर दाबुर इक कुतक्या हुडुकु नमस्कार माळी.

नीमी सप्पा मुंदरी, जो मसीह दा आईर, शांती सकितेला ईरूल.

पतरस की दूसरी पत्री पतरस उन दुसरा चिट्ठी परचिय

२ पतरस उन चिट्ठी दा अंदकु आग्याद कि ईद प्रेरति पतरस उन द्वारा लखिसकु आगीत, लेकीन ईदीनोर हापाळ वधिवानगोळी हताल कि ईद सही आद. ईद संभव आद कि यावारा दुसरा ई चिट्ठी इक पतरस उन दी टु लखिसीदान. लेखक अनतान कि आव यीशु उन जीवन अदकि वशिष रूप दा रूपान्तरण १:१७-१८ इन साटी ऊंद प्रत्यक्षदर्शी ईरोन, अगर पतरस चिट्ठी लखिसीदुन रा संभव आद कि आव रोम नगर दा ६५ टु ६९ साल इन बाददा अदकि मसीह अन्द जनम इन बाददा लखिसीदान. पतरस १ पतरस इन चिट्ठी इन बाददा लेखन इन तारीख ईटकु तान दुसरा चिट्ठी ३:१ भी लखिसदुन. आव सप्पा इसाईगोळी चिट्ठी संबोधति माळदुन.

पतरस ई चिट्ठी इक वळलीद जीवन जीऊसोर साटी प्रोत्साहति माळली अदकि ख्वाटा गुरुगोळ्द २ पालन ईला माळोर साटी चेतावनी कोळोर साटी लखिसीदुन. आव आंदरी आ लाँकुरी अनदेखा माळोर साटी प्रोत्साहति माळदुन जो अनेत्यार कि यीशु वापस बरली हापाळ लंबा समय ताकोमेत्यान. ईदुर उलटा आव आंदरी इंगति माळदुन कि परमेश्वर धीरा हैलेच बल्की सप्पा मुंदुरी ऊळसोद चाहासतान २ पतरस ३:८-९ ईद वळलीद जीवन जीऊसोद ऊंद कारण आद ३:१४.

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२
२. आव आंदरी वळलीद जीवन जीऊसोद याद तोरसतान यतकी परमेश्वर नामी सक्षम माळ्यान. १:३-२१
३. आव ख्वाटा गुरुगोळ्द खलिप चेतावनी कोळतान अदकि अनतान कि आखरी दा ख्वाटा गुरुगोळ सांगुळ येन आदीत. २:१-२२
४. पतरस यीशु उन बरोर साटी तयार आगोर साटी वळलीद जीवन जीऊसोद साटी वशिवासीगोळी प्रोत्साहति माळतान. ३:१-१७

1 शमौन पतरस उन दी टु, जो यीशु मसीह अन्द दास अदकि प्रेरति आर,
आ लाँकुर हेसुर यार नामव परमेश्वर अदकि उद्धारकर्ता यीशु मसीह अन्द न्याय इन द्वारा नाम घाई कमिती वशिवास प्राप्त माळ्यार.

2 परमेश्वर उन अदकि नाम प्रभु यीशु उन पयचान इन द्वारा अनुग्रह अदकि शांती नीम दा बहुतायत देल वाळुस्त होगुल.

ईश्वरीय बुलाहट अदकि चुनाव

3 यतकी परमेश्वर उन ईश्वरीय सामर्थ्य सप्पा येनारा जो भक्तमिय जीवन हततद, नामी अदुरदा पयचान इन द्वारा कोटान, याव नामी तान अच महिमा अदकि सदगुण इन अनुसार कारदान. 4 यऊर द्वारा आव नामी कमिती अदकि हापाळ अच धोळ्द वादा कोटुन: कि इऊर द्वारा नीव आ भ्रष्टता देल बीळस्कु, जो दुनया दा बेकार अभलिषागोळ देल आगतद, ईश्वरीय स्वभाव इन सहभागी आगोगी. 5 ईदा कारण सप्पा प्रकार इन कोशिशि माळकु तान वशिवास दा भक्तभाव इक जोळसी; अदकि भक्तभाव दा ग्यान इक, 6 अदकि तान ग्यान दा आत्मसंयम इक जोळस, अदकि आत्मसंयम दा धीरज इक जोळसी, अदकि धीरज दा परमेश्वर उन भक्ती इक, 7 अदकि नीमद परमेश्वर उन भक्तीदा मसीह भाईचारा अक; अदकि मसीह भाईचारा दा प्यार इक जोळसी. 8 यतकी ईव पुरा गुणगोळ्द जरवत आद, अदकि अगर ईव मातगोळ नीम दा बहुतायत देल आव रा ईद नीमी नाम्द प्रभु यीशु मसीह अन ग्यान दा क्रियाशील अदकि प्रभावशाली माळ्याव. 9 लेकीन अगर नीम दा ईव मातगोळ ईलच, रा नीम इक दुर दृष्टी ईला नीव कुद्व आईर तथा मारतोगीर कि नीमद पयला अन पाप तोळकु आगेग्याव.

10 ईदा कारण हे वार्दुरा, तान कारूकु आगोद, अदकि नविळुसुद आगोद इक सदिध माळोर साटी वळ्लीद रीती देल कोशशि माळतोगी, यतकी अगर हगि माळीर रा यागलु ठोकर तनितीदील; 11 बल्की ई रीती देल नीव नाम्द प्रभु अदकि उध्दारकर्ता यीशु मसीह अन्द अनन्त राज्य दा धोळ्द आदर इन सांगुळ प्रवेश माळ सकीर.

12 इदुरसाटी अगर नीव ईव मातगोळी जान्सतीर, अदकि जो सच्चाई इन वचन नीमी सकियाद अदुर दा बन्सकु ईरतीर, तरी ना नीमी ईव मातगोळ्द याद तोरसोर साटी हमेशा तयार ईराइन. 13 ना ईद तान साटी सही सम्सतीन कि यागासताका ना ईद मय दा जतिता आईन, आगासताका ना नीमी याद तोरसतेला ईराइन. 14 यतकी ना जान्सतीन कि ना तान नाशवन्त मय बळिवाळा आईन, हयांग कि नामव प्रभु यीशु मसीह नानी ईद हेळीदुन. 15 इदुरसाटी ना तान दी टु पुरा कोशशि माळाईन कि नान सोत्तुर बाद्दा भी नीव लॉकुर ईव सप्पा मातगोळ इक हमेशा याद माळ सकीर.

मसीह अन महमि अन कण्णगोळ नोळ्द गवाह

16 यतकी याग नाव नीमी तान प्रभु यीशु मसीह अन सामर्थ्य इन अदकि आगमन इन समाचार कोटीदेव, रा अद चतुराई देल नटकु कात्तागोळ्द अनुकरण ईला ईरोद बल्की नाव खुद अच आऊन महानता अक नोळीदेव. 17 यतकी याग आऊक परमेश्वर आप्प से आदर अदकि प्रशंसा सकित अदकि आ प्रतापमय महमि दा टु ईद वाणी बत्त, “ईव नान प्रिय पार हुन, यार देल ना खुश आईन.” 18 याग नाव आऊन सांगुळ पवतिर पहाळी मा ईरेव अदकि आकाश टु ईद वाणी बर्त केळदेव.

19 नाम हात्ती जो भवषियवक्तागोळ वचन आद, अद ई घटना देल मजबूत ठहूरुस्त. नीव ईद वळ्लीद माळतीर जो ईद सम्सकु आऊन मा ध्यान माळतीर कि आव ऊंद दगिया हुन, जो अंधार जागा दा आ समय ताका उजुळ कोळतेला ईरतद यागासताका कि व्हातुर आगाल अदकि व्हातुर इन तारा नीम्द मन दा चमकुसाल्द. 20 सब से धोळ मात ईद आद कि नीमी ईद जान्स कोम पायजे कि शास्त्र अन यातोदारा भी भवषियवाणी यातोदु भवषियवक्ता अन नीजी वचारगोळ्द आधार मा कोळ्द स्पष्टीकरण आल्लच. 21 यतकी यातोदारा भी भवषियवाणी मंळसा अन इच्छा देल यागलु आगीदील, लेकीन भक्त जन प्रभावति आगकु पवतिर आत्मा अन द्वारा परमेश्वर उन दी टु माताळतोगोर.

2

ख्वाटा गुरु

1 हयांग पूर्वकाल दा लॉकुरद न्याड्या दा ख्वाटा भवषियवक्ता प्रगट आगीदुर, अदा प्रकार नीम्द न्याड्या दा भी ख्वाटा गुरु प्रगट आदार. आंदुर भटकुसावाळा सच्चाई सदिधांतगोळ इक तंदार, अदकि आ स्वामी इन इनकार माळ्यार याव आंदरी कोंड कोडान, अदकि हगि माळकु आंदुर तान जल्दी वनाश इक नमित्तरण कोट्टार. 2 तरी भी हापाळ पुरा लॉकुर आंदुरद अनैतिकि हादीगोळ मा नळदार; यतकी जो आंदुर माळतार, आदुर वजह देल दुसरा मुंदुर अपमान सच्चाई अन्द बदला माळ्यार. 3 आंदुर लोभ दा बंदकु ख्वाटा मातगोळी माळ्यार अदकि नीम से अनुचति लाभ नेगदार. दण्ड इन आग्या रा आंदुर मा पयले टु अच आगेग्याद, अदकि आंदुरद वनाश इन नरिणय आगेग्याद.

4 यतकी याग परमेश्वर आ स्वर्गदूतगोळ इक यार पाप माळदुर आंदरी बट्टीदलि, लेकीन नरक दा कळुकु अंधार दा हाक्क बुट्टुर ताकी न्याय इन दनि ताका शंकलीगोळ दा दुख सहन माळुल; 5 अदकि स्याणा लॉकुर युग इन दुनया अक भी बट्टीदलि बल्की भक्तहीन दुनया मा महा जल प्रलय कळुदुन, लेकीन न्याय इन प्रचार माळावाळा नूह अदकि येळ मंळसागोळी ऊळ्स बुट्टुन; 6 अदकि सदोम अदकि गमोरा अन नगरगोळ इक दोषी ठहूरुसकु दण्ड कोट्टुन अदकि आंदरी बेक्की देल भसम माळदुन ताकी आंदुर बरावाळेर भक्तहीन लॉकुरद शकिषा अन साटी उदाहरण बनसुल, 7 अदकि न्यायी लूत इक जो अन्यायीगोळ्द अनैतिकि चाल चलन देल हापाळ दुखी ईरोन छुटकारा कोट्टुन. 8 यतकी आव न्यायी आंदुर बीच दा ईरतेला अदकि आंदुर अन्याय इन क्वालसागोळ

✳ 1:17 १:१७ मत्ती १७:१-५; मरकुस ९:२-७; लूका ९:२८-३५

इक नोळ नोळकु अदकि केळ केळकु, हर दनि दुख देल तळपुस तोगोन. 9 रा प्रभु भक्तगोळ इक परीक्षा दा टु तेगोद अदकि अन्यायीगोळ इक न्याय इन दनि ताका दण्ड इन दशा दा ईटोद भी जानस्तान, 10 वशिष माळकु आंदरी जो कलंकीत अभलिषागोळ हदि मय इन अनुसार नळुतार अदकि प्रभु अक तुच्छ जानस्तार.

आंदुर ढीठ, अदकि जदिदी आर, अदकि धोळ पदवाळेर इक भला बुरा माताळली अंजालुर, 11 तरी भी स्वर्गदूतगोळ जो न्याय अदकि सामर्थ्य दा ख्वाटा गुरुगोळ देल धोडेर आर, प्रभु उन मुंद आंदरी बुरा भला अनकु दोष हचालुर. 12 लेकीन ई लाँकुर नरिबुद्धी पशुगोळद अच तुल्य आर, जो हुळकु आगोर साटी अदकि नाश आगोर साटी पैदा आग्यार; अदकि या मातगोळ इक जानसालुर अच अदुर बारा दा दुसरा अक भला बुरा अनतार, आंदुर आळी दाकळोद पशुगोळद घाई नाश माळकु आदार. 13 दुसरा अन बुरा माळोद बदला आंदुर दा बुरा आदीत. आंदरी ईळलक हागुल भोग वलास माळोद भला हततद. हगि लाँकुर कलंकीत अदकि दोषी आर; याग आंदुर नीम सांगुळ तनितार अदकि कुडुतार, रा आंदुर ध्वाका धळी देल भोज माळकु भोग वलास माळतार. 14 आंदुर कण्णगोळ दा व्यभचार कुरतकु आद, अदकि आंदुर पाप माळदुर बना रूक्स सकालुर. आंदुर कमजोर लाँकुरी जाल दा फसुस कोमतार. आंदुर मन इक लोभ माळोद अभ्यास आगेग्याद; परमेश्वर उन शराप आंदुर मा आद. 15 आंदुर सीदा हादी अक बटिकु भटकसेग्यार, अदकि बओर उन पार बलाम उन हादी मा आगेग्यार, याव अन्याय इन मजदूरी इक प्रयि जानसदुर; 16 अदकि आऊक आऊन पाप इन बारा दा फटकार सकित, ईल ताका क्कि अबोल गधा मळसा अन बोली देल आ भवषियवक्ता अक आऊन बावलापन देल रोक्सत.

17 ई लाँकुर वळगीद भायगोळ, अदकि आंधी इन हारसुद बादल उर; परमेश्वर आंदुर साटी अननत खोल अंधकार ठहरसुयान. 18 आंदुर बेकार घमण्ड इन मातगोळी माळ माळकु अनैतिक क्यालसागोळ द्वारा, आ लाँकुरी शारीरिक अभलिषागोळ दा फसुस बुळतार जो भटकसकु दा टु होळोद सूरवात ईगल्या अच माळेत्यार. 19 आंदुर आंदरी स्वतंत्र माळोद प्रतगिया रा माळतार, लेकीन खुद अच भ्रष्टता अन दास आर; यतकी जो मळसा यार देल हारसेग्यान, आव आऊन दास बनसेगतान. 20 याग आंदुर प्रभु अदकि उद्धारकर्ता यीशु मसीह अन पयचान इन द्वारा दुनिया अन नाना प्रकार इन कलंक देल उळदकु होट्टुर, अदकि मातत आंदुर दा फसुसकु हारसेदूर, रा आंदुरद पछिला दशा पयले टु भी बेकार आगेग्याद. 21 यतकी न्याय इन हादी इन ईला जानसोद अच आऊन साटी इदुर से भला आगाईत क्कि अदरी जानसकु, आ पवतिर आग्या देल बदलुसेगायदुर जो आंदरी कोटकु आगीत. 22 आंदुर मा ईद कहावत सही कुरतद, क्कि नाय तान माळस इन दी अदकि मय कय तोळद हंदी केसुर दा गळबळ्या होडोर साटी मातत ओळगतद.

3

प्रभु उन मातत बरोद वाचा

1 हे प्रयि संगीगोळा, ईग ना नीमी ईद दुसरा चट्टी लखिसतीन, अदकि येदुदु दा याद कोळसुसकु नीमद शुद्ध मन इक जागृत माळोद वचार माळतीन, 2 क्कि नीव आ मातगोळ इक जो पवतिर भवषियवक्ता पयले टु अंदार, अदकि प्रभु अदकि उद्धारकर्ता अन आ आग्या अक याद माळी जो नीमद प्रेरतिगोळ उन द्वारा कोटकु आगीत. 3 *सब से पयले ईद जानस कोमी क्कि आखरी दनिगोळ दा नीमद मज्याक हारसावाळेर बंदार जो तान अच अभलिषागोळद अनुसार नळदार 4 अदकि केळ्यार, “आव बरोद प्रतगिया माळीदुन, येन आव माळीदलि? आव येल आन? नाम पुर्वज रा पयला टु अच सोतोग्यार लेकीन यागी टु दुनिया बनस्याद सप्पा मातगोळ हांग अच नळुतेला बरेत्याव.” 5 आंदुर रा जान बुझुसकु ईद मारतोदुर क्कि परमेश्वर उन कोळद आग्या देल आकाश अदकि पृथ्वी माळकु आग्याद अदकि पृथ्वी नीर दा टु बनसत अदकि नीर दा संची आद, 6 इदुरदा कारण आ दुनिया अन दुनिया नीर दा मुळककु नाश आगेत. 7 लेकीन ईद आकाश अदकि पृथ्वी ईद अस्ततिव दा आद, आऊंदा आदेश इन द्वारा बेक्की देल नाश आगोर साटी सुरक्षति

आद; इंदरी आ दनि इन साटी ईटकु आगेत्याद याग अन्यायी लॉकुरद न्याय आदीन अदकि आंदुर नाश माळकु आदार.

8 हे प्रयि संगीगोळा, ईद ऊंद मात इक मारूबाळी क प्रभु उन नजर दा ऊंद दनि अदकि ऊंद हजार साल दा येनु फरक हैलेच; आऊन साटी ईव येदुदु बराबर आव. 9 प्रभु तान प्रतगिया अन बारा दा समय माळालुन, ह्यांग समय थ्वाळासा लॉकुर समस्तार; लेकीन नीमूद बारा दा संयम हुडुतान, अदकि चाहासालुन क यावारा नाश आगुल, बल्की ईद क सप्पा मुंदरी मन फरिाव इन मवका सकुल.

10 *लेकीन प्रभु उन दनि काळल उन घाई होट बंदीत, आ दशी आकाश हापाळ गर्जना अन सांगुळ अदृश्य आगेदीत, अदकि आकाश इन पुरा चजिगोळ होतकु नाश आगेदव अदकि पृथ्वी अदकि अदुर दाकळव सप्पा मातगोळ गायब आगेदव. 11 जब क ईव सप्पा वस्तुगोळ ई रीर्ता देल नाश आगावाळा आव, रा नीमी याता प्रकार इन लॉकुर आग पायजे? नीमूद जीवन पवतिर अदकि परमेश्वर उन दी समर्पति आगली पायजे, 12 अदकि परमेश्वर उन आ दशी इन हादी याता रीर्ता देल काय पायजे अदकि आऊन जल्दी बरोद साटी ह्यांग कोशशि माळ पायजे, यदुर कारण आकाश बेक्की देल नाश माळकु आदीत, अदकि आकाश इन पुरा वस्तुगोळ गरमी देल पधिलुसेव. 13 *लेकीन आऊन वादा अन अनुसार नाव ऊंद व्हाशोद आकाश अदकि व्हाशोद पृथ्वी इन आस नोळतेव यदुर दा न्याय वास माळीत.

14 इदुरसाटी, हे प्रयि संगीगोळा, ह्यांग नीव आ दनि इन हादी कायेतीर, रा तान दी टु पुरा कोशशि माळी कनीव शांती देल परमेश्वर उन नजर दा आलोचना रहति अदकि नषिकलंक ठहूसी, 15 नामूद प्रभु उन धीरज इक जो आव नामी कोटान उद्धार इन संधी समसी, ह्यांग नाम प्रयि संगी पौलुस भी आ ग्यान देल जो परमेश्वर वार्ट उक कोटीदुन अदुरद इस्तेमाल माळकु लखिसदुन. 16 हांग अच आव तान सप्पा चट्टी गोळ दा भी ईव मातगोळ इक लखिसदुन, यारदा येनारा मातगोळ हंगि आव यवरी समसोद कठनि आद, अदकि अनपद अदकि चंचल लॉकुर अदुर अर्थगोळी इक भी शास्त्र अन अन्य मातगोळ घाई जेडुकु तांद अच नाश इन कारण माळतार.

17 इदुरसाटी हे प्रयि संगीगोळा, नीव लॉकुर पयला टु उच ईव मातगोळी जानसकु सावधान ईरी, ताकी न्यायवरिद्ध लॉकुरद गलतीगोळद द्वारा तान स्थरिता अक येल्यारा कय देल काळुकोमी. 18 लेकीन नामव प्रभु अदकि उद्धारकर्ता यीशु मसीह अन अनुग्रह अदकि ग्यान दा वाळुसतेला होगी. आऊन दा प्रशंसा सही मायना दा आगुल, अदकि हमेशा आगतेला ईरूल. आमीन.

यूहन्ना की पहली पत्री यूहन्ना अन्द पयला चट्ठी परचिय

१ यूहन्ना अन्द चट्ठी प्रेरति यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा जान्सालुन. लेकीन पयला अध्याय तोरसतद क आव यीशु उन जीवन अदकि पुनरूत्थान इन साटी ऊंद प्रत्यक्षदर्शी आन १:१-३ पयला यूहन्ना दा लेखन शैली यूहन्ना अन्द अनुसार खुशखबरी दा सकिद लेखन शैली घाई कांळसतद. हागि मानसकु आगतद क १ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक सप्पा इसाई लॉकुरी लखिसीदुन याग मंडली इक “ग्यानवादी” हेसुर इनोर लॉकुर इन समुह देल परेशानी आगोद. ई लॉकुर मानस तोगोर क यीशु पुरा तरीका देल परमेश्वर ईरोन लेकीन आव सही दा पृथ्वी मा मास अदकि रक्ता अन मय इन सांगुळ मळसा ईला ईरोन. ईदा कारण यूहन्ना यीशु उन जीवन इन प्रती प्रत्यक्षदर्शी आगोद बारा दा लखिसदुन अदकि अंदुन क आऊन कयगोळ यीशु उक मुटदव १:१-३. ई चट्ठी इक लखिसदुर दा यूहन्ना अन्द उद्देश आंदुर खुशी इक पुरा माळोद ईरोद १ यूहन्ना १:४, वशिवासीगोळी पाप माळदुर देल रोकसोर साटी १ यूहन्ना २:१, ख्वाटा शक्ति देल वशिवासीगोळद रक्षा माळोर साटी १ यूहन्ना २:२६ अदकि वशिवासीगोळी आश्वस्त माळोद क आंदुर ऊळसकु आग्यार. ५:१३
रूप-रेखा

१. यूहन्ना तान चट्ठी प्रस्तुत माळदुन अदकि इदरी लखिसोद ऊंद उद्देश कोट्टुन. १:१-४
२. बाक आव समझुसतान क परमेश्वर ह्यांग ऊजुळ आन अदकि नामी जीवन स्वरूप ईरली पायजे. १:५-३:१०
३. इदुर बाददा आव नामी आबुर दाबुर से प्यार माळोद आदेश इन याद तोरसतान. ३:११-५:१२
४. आव तान चट्ठी खतम माळतान. ५:१३-२१

जीवन इन बातणी

1 *आ जीवन इन वचन इन बारा दा जो पयले टु ईरोद. यदरी नाव केळेव, अदकि यदरी तान कण्णगोळ देल नोळदेव, उलटा यदरी नाव ध्यान देल नोळदेव अदकि कयगोळ देल मुटदेव. 2 *ईद जीवन प्रगट आत्त, अदकि नाव आऊन नोळदेव, अदकि आऊन गवाही कोळतेव, अदकि नीमी आ अनन्त जीवन इन समाचार कोळतेव जो आप्प उन सांगुळ ईरोन अदकि नाम मा प्रगट आदुन. 3 जो येनारा नाव नोळेव अदकि केळेव अदुरद समाचार नीमी भी कोळतेव, इदुरसाटी क नीव भी नाम सांगुळ सहभागी आगी; अदकि नाम्द ईद सहभागीता आप्प उन सांगुळ अदकि आऊन पार यीशु मसीह अन सांगुळ आद. 4 अदकि ई मातगोळ नाव इदुरसाटी लखिसतेव क नाम्द खुशी पुरा आगेगुल.

प्रकाश दा नळोद

5 जो समाचार नाव आऊन से केळेव अदकि नीमी केळसतेव, अद ईद हुन क परमेश्वर प्रकाश हुन अदकि आऊन दा येनु उच अंधकार हैलेच. 6 अगर नाव अंदेव क आऊन सांगुळ नाम्द सहभागीता आद अदकि मात्त पाप दा नळदेव, रा नाव ख्वाटा आयेव अदकि सच्चाई मा नळालेव; 7 लेकीन अगर ह्यांग आव प्रकाश दा आन, हांग अच नाव भी प्रकाश दा नळदेव, रा आबुर दाबुर से सहभागीता ईटतेव, अदकि आऊन पार यीशु उन रक्ता नामी सप्पा पापगोळ देल शुद्ध माळतद.

8 अगर नाव अंदेव क नाम दा येनु भी पाप ईल्लच, रा तान तान इक ध्वाका कोळतेव, अदकि नाम दा सच्चाई ईल्लच. 9 अगर नाव तान पापगोळी मानस कौडेव, रा परमेश्वर नामव पापगोळ

इक माफ माळोद अदकि नामी सप्पा पापगोळ देल शुद्ध माळदुर दा वशिवासलायक अदकि न्यायी आन. 10 अगर नाव अंदेव कनिाव येनु पाप माळीदलि, रा परमेश्वर उक ख्वाटा ठहरूसतेव, अदकि आऊन वचन नाम दा हैलेच.

2

मसीह नामव सहायक

1 हे नान चकिरगोळा, ना ईव मातगोळ नीमी इदुरसाटी लखिसतीन कनिीव पाप माळबाळी; अदकि अगर यावारा पाप माळतान, रा आप्प उन हात्ती नामव ऊंद सहायक आन, मतलब न्यायी यीशु मसीह; 2 अदकि आवा नामव पापगोळ इक माफ माळतान, अदकि उलटा नाम्द अच ईला बल्की पुरा दुनया अन पापगोळ्द भी.

3 अगर नाव परमेश्वर उन आग्यागोळ इक मान्सतेव, रा इदुर देल नाव जान्स कोंडेव कनिाव आऊक जान्सेगेव. 4 जो यावारा ईद अनतान, “कनिाव आऊक जान्स कोंडीन,” लेकीन आऊन आग्यागोळ इक मान्सालुन, रा आव ख्वाटा आन अदकि आऊन दा सच्चाई ईल्लच; 5 पर जो यावारा आऊन आग्यागोळ मा नळुतान, आऊन दा खराखुरा परमेश्वर उन प्यार सदिध आग्याद. इदुर देल नाव जान्सतेव कनिाव परमेश्वर उन संगती दा ऊंद आयेव: 6 जो यावारा ईद अनतान कनिाव आऊन दा बन्सकु ईरतीन, आऊक पायजे कनिाव भी हांग अच नळुल ह्यांग आव नळुतोगोन.

व्हाशोद आग्या

7 हे प्रयि, ना नीमी यातोदु व्हाशोद आग्यागोळ लखिसालीन, पर अदा हाळोद आग्या जो पयले टु नीमी सकियाद; ईद हाळोद आग्या अद वचन हुन यदरी नीव केळीर. 8 तरी भी ना नीमी व्हाशोद आग्यागोळ लखिसतीन, अदकि ईद अदुर दा अदकि नीम दा सही ठहरूसतद; यतकी अंधकार खतम आगेगतद अदकि सच्चाई इन प्रकाश ईग चमकुस्ली हत्याद.

9 जो यावारा ईद अनतान कनिाव प्रकाश दा आईन अदकि आव तान मसीह वार्ट से दुश्मनी ईटतान, आव ईगासताका अंधकार दा अच आन. 10 जो यावारा तान मसीह वार्ट से प्यार ईटतान आव प्रकाश दा ईरतान, अदकि आव यारदु ठोकर इन कारण बन्स सकालुन. 11 पर जो यावारा तान मसीह वार्ट से दुश्मनी ईटतान आव अंधकार दा आन अदकि अंधकार दा नळुतान, अदकि जान्सालुन कनिाव जागा दा होगेत्यान, यतकी अंधकार आऊन कण्णगोळी कुदढ माळबुटाद.

12 हे चकिरगोळा, ना नीमी इदुरसाटी लखिसतीन कनिाव आऊन हेसुर देल नीम पाप माफ आग्याव. 13 हे आप्पगोळा, ना नीमी इदुरसाटी लखिसतीन कनिाव जो पयले टु आद नीव अदरी अरूतीर. हे हारोदोरा, ना नीमी इदुरसाटी लखिसतीन कनिाव आ दुष्ट मा जय हासलि माळीर. हे पारगोळा, ना नीमी इदुरसाटी लखिसतीन कनिाव आप्प उक जान्स कोंडीर.

14 हे चकिरगोळा, ना नीमी इदुरसाटी लखिसतीन कनिाव जो पयले टु आद नीव अदरी जान्स कोंडीर. हे हारोदोरा, ना नीमी इदुरसाटी लखिसतीन कनिाव ताकतवर आईर, अदकि परमेश्वर उन वचन नीम दा बन्सकु ईरतद, अदकि नीव आ दुष्ट मा जय हासलि माळीर.

15 नीव ना रा दुनया से अदकि ना दुनया अन्द वस्तुगोळ से प्यार ईटी. अगर यावारा दुनया से प्यार ईटतान, रा आऊन दा आप्प उन प्यार हैलेच. 16 यतकी जो येनारा संपत्ती दुनया दा आद, मतलब मय इन अभलिषा अदकि कण्णगोळ्द इच्छा अदकि जीव इन घमण्ड, अद आप्प उन दी टु ईला लेकीन दुनया दी टु उच आद. 17 पुरा दुनया अदकि अदुरद अभलिषागोळ येदुदु मट्टिसेगताव, लेकीन जो परमेश्वर उन इच्छा मा नळुतान आव हमेशा बन्सकु ईटतान.

मसीह-वरिधी

18 हे पारगोळा, ईद आखरी समय आद; अदकि ह्यांग नीव केळीर कनिाव मसीह अन्द वरिधी बरावाळा आन, अदुर अनुसार ईग भी हापाळ सा मसीह-वरिधी यदकु नदिर्यार; इदुरसाटी नाव जान्सतेव कनिाव ईद आखरी समय हुन. 19 आदुर होटार भी रा नाम दा टु उच, लेकीन नाम दा टु ईला

ईरोर; यतकी अगर आंदुर नाम दा टु ईरायदुर रा नाम सांगुळ ईरायदुर; लेकीन होटकु इदुरसाटी होदुर कि ईद प्रगट आगुल कि आंदुर सप्पा मुंदुर नाम दा टु आल्लच.

20 लेकीन नीमद रा आ पवत्रि आत्मा देल अभषिक आग्याद, अदकि नीव सप्पा येनारा जान्सतीर. 21 ना नीमी इदुरसाटी लखिसदिलि कि नीव सच्चाई इक जान्सालीर, लेकीन इदुरसाटी कि आऊक जान्सतीर, अदकि इदुरसाटी कि यातोदु भी ख्वाटा वस्तु, सच्चाई दी टु हैलेच.

22 ख्वाटा याव आन? सर्फि आव जो यीशु उन मसीह ईरोद से इनकार माळतान; अदकि मसीह अनन्द वरिधी आवा हुन, जो आप्प उन अदकि पार उन इनकार माळतान. 23 जो यावारा पार उन इनकार माळतान आऊन हात्ती आप्प भी हैलेच: जो पार उक मान्स कोमतान, आऊन हात्ती आप्प भी आन.

24 जो येनारा नीव पयले टु केळीर, अदा नीम दा बन्सकु ईरूल; जो नीव सूरु टु केळीर, अगर अद नीम दा बन्सकु ईरूल रा नीव भी पार दा अदकि आप्प उन दा बन्सकु ईत्तीर. 25 अदकि यदुर्द आव नाम से वादा माळदुन अद अनन्त जीवन हुन.

26 ना ई मातगोळ नीमी आ लॉकुर बारा दा लखिसतीन, जो नीमी बैकुसतार; 27 लेकीन नीमद अद अभषिक जो आऊन दी टु माळकु आत्त, नीम दा बन्सकु ईरतद, अदकि नीमी इदुर्द जरवत ईला कि यावारा नीमी कलसुल, उलटा ह्यांग अद अभषिक जो आऊन दी टु माळकु आत नीमी सप्पा मातगोळ कल्सतद, अदकि ईद सही आद अदकि ख्वाटा हैलेच; अदकि ह्यांग आव नीमी कलस्यान हांग अच नीव अदुर्दा बन्सकु ईरतीर.

28 इदुरसाटी हे चकिोरा, अदुर्दा बन्सकु ईरी कि याग आव प्रगट आदान रा नाम दा हम्मिमत ईरूल, अदकि नाव आऊन बंदुर मा आऊन मुंद नाचकतदिलि. 29 अगर नीव जान्सतीर, कि आव न्यायी आन, रा ईद भी जान्सतीर कि जो यावारा न्याय इन क्याल्सा माळतान आव आऊन से पैदा आग्यान.

3

परमेश्वर उन चकिोर

1 *नोळी, आप्प नाम से ह्यांग प्यार माळकु कारदुन कि नाव परमेश्वर उन औलाद अंदकु आदेव; अदकि नाव आयेव भी. ईद कारण दुनया नामी अराल, यतकी आव आंदरी भी अरतीदलि. 2 हे प्रयि संगीगोळा, ईग नाव परमेश्वर उन औलाद आयेव, अदकि ईगासताका ईद प्रगट आगीदील कि नाव अदकि येन आदेव! ईट जान्सतेव कियोग प्रगट आदीत रा नाव आऊन घाई आदेव, यतकी आऊक हांग अच नोळेव ह्यांग आव आन. 3 अदकि जो यावारा मसीह मा ईद आशा ईटतान, आव तान तान इक हांगा शुद्ध माळतान ह्यांग मसीह शुद्ध आन

4 जो यावारा पाप माळतान, आव व्यवस्था अनन्द वरिध माळतान; अदकि पाप रा व्यवस्था अनन्द वरिध हुन. 5 *नीव जान्सतीर कि आव इदुरसाटी प्रगट आदुन कि पापगोळी तेग्द बुळुल; अदकि आऊन स्वभाव दा पाप हैलेच. 6 जो यावारा आऊन एकता दा बन्सकु ईरतान, आव पाप माळालुन: जो यावारा पाप माळतान, आव ना रा आऊक नोळ्यान अदकि ना आऊक जानस्यान.

7 हे चकिोरा, यारदारा बैकावा दा बरबाळेतीर. जो न्याय इन क्याल्सा माळतान, आव अच आऊन घाई आन. 8 जो यावारा पाप माळतान आव शैतान दी टु आन, यतकी शैतान पयले टु उच पाप माळत बंदान. परमेश्वर उन पार इदुरसाटी प्रगट आदुन कि शैतान उन क्याल्सागोळ्द नाश माळकु छुटकारा कोळुल.

9 जो यावारा परमेश्वर उन से पैदा आग्यान आव पाप माळालुन; यतकी आऊन स्वभाव दा बन्सकु ईरतान, अदकि आव पाप माळ अच सकालुन यतकी आव परमेश्वर देल पैदा आग्यान. 10 इदुर देल अच परमेश्वर उन औलाद अदकि शैतान उन औलाद अरूकु आगतद; जो यावारा न्याय इन क्याल्सा माळालुन आव परमेश्वर देल पैदा आगीदील, अदकि ना आव जो तान मसीह वार्ट से प्यार ईटालुन.

आबुर दाबुर से प्यार ईटी

11 *यतकी जो समाचार नीव पयले टु केळीर, अद ईद आग्या हुन कनिाव आबुर दाबुर से प्यार ईट्टेव; 12 अदकि कैन उन घाई बन्सबाळी जो आ दुष्टगोळ दा टु ईरोन, अदकि याव तान मसीह वार्ट उक कौद बुट्टुन. अदकि आऊक याता कारण देल कौद बुट्टुन? ई कारण कि ईऊन क्याल्सा बुरा ईरव, अदकि आऊन क्याल्सा न्याय इनव ईरव.

13 हे मसीह वार्ट अदकि आकतींगेरा, अगर दुनया नीम से दुश्मनी माळतद रा अचमभा माळबाळी. 14 *नाव जान्सतेव कनिाव मृत्यु टु पार आगकु जीवन दा प्रवेश माळेव; यतकी नाव मसीह वार्टुर से प्यार ईटतेव. जो प्यार ईटालुन आव मृत्यु उन दशा दा ईरतान. 15 जो यावारा तान मसीह वार्ट से दुश्मनी ईटतान, आव हत्यारा हुन; अदकि नीव जान्सतीर कयावारा हत्यारा दा अनन्त जीवन ईरालद. 16 नाव प्यार ईदुर देल अच जान्सदेव कनिाव नाम साटी तान जीव कोट बुट्टुन; अदकि नामी भी खुद मसीह वार्ट अदकि आकतींगेरा साटी जीव कोळ पायजे. 17 लेकीन जो यारदारा हात्ती दुनया अनन्द संपत्ती ईरूल अदकि आव तान मसीह वार्ट उक कंगाल नोळकु आऊन जरवत मा तरस तनिोद चाहासालुन, रा आऊन दा परमेश्वर उन प्यार हयांग बन्सकु ईर सकतद? 18 हे चकिोरा, नाव वचन अदकि ल्यालग्या देल अच ईला, लेकीन क्याल्सा अदकि सच्चाई अनन्द द्वारा भी प्यार ईट्टेव.

परमेश्वर उन हात्ती हम्मत

19 इदुर देल अच नाव जान्सेव कनिाव सच्चाई नव हुयेव; अदकि याता मात दा नाम मन नामी दोष कोट्टीत, अदुर बारा दा नाव परमेश्वर उन मुंद आत्मवश्वास देल ईत्तेव; 20 यतकी परमेश्वर नाम मन देल हापाळ धोड्डेव आन, अदकि सप्पा येनारा जान्सतान. 21 हे प्रयि संगीगोळा, अगर नाम मन नामी दोष कोळाल, रा नामी परमेश्वर उन मुंद हम्मत ईरतद; 22 नाव आऊन से जो येनारा बेळतेव, अद नामी आऊन हात्ती टु सकितद, यतकी नाव आऊन आग्यागोळ इक मान्सतेव अदकि जो आऊक वळ्ळीद हततद अदा माळतेव. 23 *आऊन आग्या ईद आद कनिाव आऊन पार यीशु मसीह अनन्द हेसुर मा वश्वास माळेव, अदकि हयांग आव नामी आग्या कोटान आऊंदा अनुसार आबुर दाबुर दा प्यार ईट्टेव. 24 जो परमेश्वर उन आग्यागोळ इक मान्सतान, आव परमेश्वर दा अदकि परमेश्वर आंदुर दा बन्सकु ईरतान: अदकि इदुर देल अच, मतलब आ आत्मा देल जो परमेश्वर नामी कोटान, नाव जान्सतेव कनिाव परमेश्वर नाम दा बन्सकु ईरतान.

4

आत्मागोळ्द परख माळी

1 हे प्रयि संगीगोळा, हर ऊंद आत्मा अनन्द वश्वास माळबाळी, उलटा आत्मागोळ्द परख माळी कि अव परमेश्वर दी टु हुव का आल्लच; यतकी हापाळ सा ख्वाटा भवषियवक्तागोळ दुनया दा होटकु नदुरकु आर. 2 परमेश्वर उन आत्मा नीव ईदा रीति देल जान्स सकतीर: जो आत्मा मान्स कोमतद कियीशु मसीह मय दा टु आगकु बंदान आव परमेश्वर उन दी टु हुन, 3 अदकि जो आत्मा यीशु मसीह इक मानसाल, अद परमेश्वर उन दी टु आल्लच; अदकि अदा रा मसीह अन वरिधी इन आत्मा हुन, यदुरद चर्चा नीव केळ कौंडीर कि आव बरावाळा आन, अदकि ईग भी दुनया दा आन. 4 हे चकिोरा, नीव परमेश्वर नोर हुईर, अदकि नीव आ आत्मागोळ मा जय हासलि माळीर; यतकी जो नीम दा आद अद आऊन से जो दुनया दा आन, महान आन. 5 आंदुर दुनया नोर आर, ई कारण आंदुर दुनया अन मातगोळ माताळतार, अदकि दुनया आंदुरद केळतद. 6 नाव परमेश्वर उन हुयेव. जो परमेश्वर उक जान्सतान, आव नाम्द केळतान; जो परमेश्वर उक जान्सालुन आव नाम्द केळालुन. ई प्रकार नाव सच्चाई इन आत्मा अदकि भरम ईद आत्मा अक अर्त कोमतेव.

परमेश्वर प्यार हुन

7 हे प्रयि, नाव आबुर दाबुर दा प्यार ईट्टेव, यतकी प्यार परमेश्वर से आद, जो यावारा प्यार माळतान, आव परमेश्वर से पैदा आग्यान अदकि परमेश्वर उक जान्सतान. 8 जो प्यार ईटालुन आव परमेश्वर उक जान्सालुन, यतकी परमेश्वर प्यार हुन. 9 जो प्यार परमेश्वर नाम से ईटतान, अद ईदुर देल प्रगट आग्याद कि परमेश्वर तान ऊंद ठैसा पार उक दुनया दा कळ्यान कि नाव आऊन द्वारा जीवन प्राप्त माळेव. 10 प्यार इदुर दा हैलेच कि नाव परमेश्वर से प्यार माळदेव, लेकीन इदुर दा आद कि आव नाम से प्यार माळदुन अदकि नाम पापगोळ्द माफ अन साटी तान पार उक कळुदुन.

11 हे प्रयि, याग परमेश्वर नाम से हगि प्यार माळदुन, रा नामी भी आबुर दाबुर दा प्यार ईट पायजे. 12 *परमेश्वर उक याऊ यागलु नोळीदील; अगर नाव आबुर दाबुर दा प्यार ईट्टेव, रा परमेश्वर नाम दा बन्सकु ईरतान अदकि आऊन प्यार नाम दा सद्धि आग्याद.

13 इदुर देल अच नाव जान्सतेव कि नाव आऊन दा बन्सकु ईरतेव, अदकि आव नाम दा; यतकी आव तान आत्मा नामी कोटान. 14 नाव नोळ भी कोण्डेव अदकि गवाही कोळतेव कि आपप पार उक दुनया दा उद्धारकर्ता माळकु कळ्यान. 15 जो यावारा ईद मान्स कोमतान कि यीशु परमेश्वर उन पार हुन, परमेश्वर आऊन दा बन्सकु ईरतान, अदकि आव परमेश्वर दा

16 जो प्यार परमेश्वर नाम से ईटतान, अदरी नाव जान्स कोडेव अदकि नामी आऊन वश्वास आद. परमेश्वर प्यार हुन, अदकि जो प्यार दा बन्सकु ईरतान आव परमेश्वर दा बन्सकु ईरतान, अदकि परमेश्वर आऊन दा बन्सकु ईरतान. 17 इदुर देल अच प्यार नाम दा सद्धि आग्याद कि नामी न्याय इन दशिी हम्मिमत ईरूल; यतकी ह्यांग मसीह आन हांग अच दुनया दा नाव भी आयेव. 18 प्यार दा अंज्क ईराल, उलटा सद्धि प्यार अंज्क इक दुर माळ बुळतद; यतकी अंज्क इन संबंघ दण्ड देल ईरतद, अदकि जो अंज्क ईटतान आव प्यार दा सद्धि आगीदील.

19 नाव इदुरसाटी प्यार माळतेव, कि पयले आव नाम से प्यार माळदुन. 20 अगर यावारा अंदान, “ना परमेश्वर से प्यार ईटतीन,” अदकि तान मसीह वार्ट से दुश्मनी ईटुल रा आव खवाटा आन; यतकी जो तान वार्ट से यारी आव नोळ्यान प्यार ईटालुन, रा आव परमेश्वर से भी यारी आव नोळीदील प्यार माळालुन. 21 आऊन से नामी ईद आग्या सक्याद, कि जो यावारा परमेश्वर से प्यार ईटतान आव तान मसीह वार्ट से भी प्यार ईटुल.

5

दुनया मा जय हासलि माळोद

1 यार्द ईद वश्वास आद कि यीशु अच मसीह हुन, आव परमेश्वर से पैदा आग्यान; अदकि जो यावारा पैदा माळावाळा से प्यार ईटतान, आव आऊन से भी प्यार ईटतान जो आऊन से पैदा आग्यान. 2 याग नाव परमेश्वर से प्यार ईटतेव अदकि आऊन आग्यागोळ इक मान्सतेव, रा इदुर देल अच नाव जान्सतेव कि नाव परमेश्वर उन औलादगोळ से प्यार ईटतेव. 3 *यतकी परमेश्वर से प्यार ईटोद ईद हुन कि नाव आऊन आग्या अक मानसेव; अदकि आऊन आग्यागोळ कठनि हैलेच. 4 यतकी जो येनारा परमेश्वर देल पैदा आग्याद, अद दुनया मा जय हासलि माळतद; अदकि अद वजिय यदुर देल दुनया मा जय हासलि आगतद अदा नाम वश्वास हुन. 5 दुनया मा जय हासलि माळावाळा याव हुन? सर्फ आव यार्द ईद वश्वास आद कि यीशु, परमेश्वर उन पार हुन.

यीशु मसीह अनूद बारा दा गवाही

6 ईवा हुन आव जो नीर अदकि खुन अन द्वारा बंदीदुन, मतलब यीशु मसीह: आव सर्फ नीर इन द्वारा ईला लेकीन नीर अदकि रक्ता येदु चजि इन द्वारा बंदीदुन ईद गवाही सच्चाई हुन. 7 अदकि जो गवाही कोळतद, अद आत्मा हुन; यतकी आत्मा सच्चाई आद. 8 गवाही कोळावाळा मुर आव, आत्मा, अदकि नीर, अदकि रक्ता; अदकि मूर ऊंदा मात मा सयमत आव. 9 याग नाव मंळसागोळ्द गवाही मान्स कोमतेव, रा परमेश्वर उन गवाही रा अऊर से वाळुसकु आद; अदकि परमेश्वर उन गवाही ईद आद कि जो आव तान पार उन बारा दा कोटान. 10 जो परमेश्वर उन पार मा

वश्वास माळतान आव तान मन दा अच गवाही ईटतान. याव परमेश्वर मा वश्वास माळीदलि आव आऊक ख्वाटा ठहरूसदुन, यतकी आव आ गवाही मा वश्वास माळीदलि जो परमेश्वर तान पार उन बारा दा कोटान. 11 अदकि अद गवाही ईद हुन कि परमेश्वर नामी अनन्त जीवन कोटान, अदकि ईद जीवन आऊन पार उन दा आद. 12 यार हात्ती पार आन, आऊन हात्ती जीवन आद, अदकि यार हात्ती परमेश्वर उन पार हैलेच, आऊन हात्ती जीवन भी हैलेच.

अनन्त जीवन

13 ना नीमी, जो परमेश्वर उन पार उन हेसुर मा वश्वास माळतीर, इदुरसाटी लखिसतीन कि नीव अर्त कोमी कि अनन्त जीवन नीम्द आद. 14 अदकि नामी आऊन मुंद जो हमिमत सकितद, अद ईद हुन; कि अगर नाव आऊन इच्छा अन्द अनुसार येनारा बेळतेव, रा आव नाम केळतान. 15 याग नाव जो येनारा आऊन से बेळतेव आव नाम केळतान, रा ईद भी जान्सतेव कि जो येनारा नाव आऊन से बेळदेव, आव कोळतान.

16 अगर यावारा तान मसीह वार्ट उक हगि पाप माळतेला नोळुल यदुर्द अंजाम मृत्यु आगाल, रा वनिती माळकु बेळुल, अदकि परमेश्वर आऊक आंदुर साटी, यार हगि पाप माळ्यार यदुर्द अंजाम मृत्यु आगाल, जीवन कोटान. पाप हगि भी आगतद यदुर्द अंजाम मृत्यु आगतद; इदुर बारा दा ना वनिती माळोर साटी हेळालीन. 17 सप्पा प्रकार इन अन्याय रा पाप हुन, लेकीन हगि पाप भी आद यदुर्द अंजाम मृत्यु आल्लच.

18 नाव जान्सतेव, कि जो यावारा परमेश्वर उन से पैदा आग्यान, आव पाप माळालुन; लेकीन जो परमेश्वर से पैदा आग्यान, आऊक आव ऊळसकु ईटतान, अदकि आ दुष्ट आऊक मुट सकाल.

19 नाव जान्सतेव कि नाव परमेश्वर से आयेव, अदकि सप्पा दुनिया आ दुष्ट उन वश दा बदिक् आद.

20 नाव ईद भी जान्सतेव कि परमेश्वर उन पार होट बंदान अदकि आव नामी समझ कोटान कि नाव आ सही परमेश्वर उक अरतेव; अदकि नाव अदुर दा जो सच्चाई आद, मतलब आऊन पार यीशु मसीह दा ईरतेव. खरा परमेश्वर अदकि अनन्त जीवन ईदा हुन.

21 हे चकिरा, तान तान इक मूर्तीगोळ देल ऊळसकु ईटी.

यूहन्ना की दूसरी पत्री यूहन्ना अन्द दूसरा चिट्ठी परचिय

२ यूहन्ना अन्द चिट्ठी यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा अरालुन, बल्की आव खुद इक स्याणा अनतान. यूहन्ना अन्द अनुसार खुशखबरी दा सकिद सामग्री इन तुलना दा २ यूहन्ना अन्द सामग्री हात्ती टु सकितद. ईद वशिष रूप देल स्पष्ट आद क् याता प्रकार देल आव आबुर दाबुर से प्यार माळोर साटी यीशु उन आदेश मा जोर कोळतान अदकि याता प्रकार देल आव तान आदेशगोळ पालन माळोर सांगुळ यीशु से प्यार माळतान १:५-६, यूहन्ना १५:९-१०. हगि मान्सकु आगतद क् १ यूहन्ना अन्द चिट्ठी इन अनुसार खुशखबरी लखिसीदुन अदकि इफसिस दा ईरतेला मुर चिट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चिट्ठी इक नविळुसुद आर्तेर अदकि आकनि चकिोर इक संबोधति माळ्यान. आव शायद ऊंद मंडली इन जकिर माळोन. ई चिट्ठी इक लखिसदुर दा यूहन्ना अन्द उद्देश मंडली इक प्रोत्साहति माळोद ईरोद अदकि आ ख्वाटा गुरुगोळी चेतावनी कोळोद ईरोद.
रूप-रेखा

१. यूहन्ना ईद अंदकु चिट्ठी प्रस्तुत माळतान क् ईद यार्द साटी हुन अदकि इदरी प्राप्तकर्तागोळद अभविदन इन द्वारा याव आन. १:१-३
२. बाक आव मंडली इक प्रोत्साहति माळतान अदकि आंदरी धोळ्द आदेश इन याद तोरसतान. १:४-६
३. ईदुर बाददा, आव आंदरी ख्वाटा गुरुगोळ्द चेतावनी कोळतान. १:७-११
४. यूहन्ना मंडली दा वशिवासीगोळ से बधाई बातणी कोटकु तान चिट्ठी पुरा माळतान यल आव ईरतान. १:१२-१३

1 नानी स्याणा दी टु आ नविळुसुद आर्तेर अदकि आंदुर चकिोरगोळव हेसुर, यार से ना खरा प्यार ईटतीन, अदकि सरिफ ना अच ईला उलटा आंदुर सप्पा मुंदुर भी प्यार ईटतार जो सच्चाई इक अरूतार; 2 अद सच्चाई जो नाम दा स्थरि ईरतद, अदकि हमेशा नाम सांगुळ अटल ईटतीत;

3 परमेश्वर आप्प, अदकि आप्प उन पार यीशु मसीह दी टु अनुग्रह अदकि दया अदकि शांती, सच्चाई अदकि प्यार इन सांगुळ नाम सांगुळ ईत्ताव.

सच्चाई अदकि प्यार

4 ना हापाळ खुश आदीन क् ना नीन थ्वाळासा चकिोर इक आ आग्या अन्द अनुसार, जो नामी आप्प उन दी टु सकीत, सच्चाई मा नळुतेला सकित. 5 *ईग हे आर्त, ना नीनी ईग यातोदु व्हाशोद आग्या ईला, लेकीन अदा जो पयले टु नाम हात्ती आद, लखिसतीन; अदकि नीन से वनिती माळतीन क् नाव आबुर दाबुर से प्यार ईट्टेव. 6 अदकि प्यार ईद हुन क् नाव आऊन आग्या अन्द अनुसार नळदेव; ईद अदा आग्या हुन जो नीव पयले टु केळीर, अदकि नीमी इदुर मा नळुली भी पायजे.

7 यतकी हापाळ सा हगि बैकुसावाळेर दुनया दा होटकु बंदार, जो ईद मान्सालुर क् यीशु मसीह मय दा टु होटकु बंदान; बैकुसावाळा अदकि मसीह-वरीध माळावाळा ईवा हुन. 8 तान बारा दा सावधान ईरी, क् जो मयनत नाव माळेव अद नीम से काळुबाळुल, उलटा अदुर सप्पा प्रतफिल नीव ताकोमी.

9 जो यावारा मसीह अन्द शिक्षा देल मुंद वाळुसेगतान अदकि अदुर दा बन्सकु ईरालुन, आऊन हात्ती परमेश्वर हैलेच; जो यावारा आऊन शिक्षा दा स्थरि ईरतान, आऊन हात्ती आप्प भी आन अदकि पार भी. 10 अगर यावारा नीम हात्ती बरतान अदकि ईदा शिक्षा कोळालुन, आऊक ना रा

* 1:5 १:५ यूहन्ना १३:३४; १५:१२,१७

मान्या बरगोळी अदकि ना नमस्कार माळी. 11 यतकी जो यावारा ईत्ता मंळसा अक नमस्कार माळतान, आव आऊन बुरा क्वाल्सागोळ दा सहभागी आगतान.

आखरी अभविदन

12 नानी हापाळ सा मातगोळ नीमी लखिसव आव, लेकीन कागद अदकि स्याही देल लखिसोद चाहासालीन, लेकीन आशा आद काना नीम हात्ती बराईन अदकि आमने-सामने मातकात हेळाईन, यदुर देल नीम खुशी पुरा आगुल.

13 नीन नविळुस्द आकतींग इन चकिोर नीनी नमस्कार अनतार.

यूहन्ना की तसिरी पत्री यूहन्ना अन्द तसिरा चट्ठी परचिय

३ यूहन्ना अन्द चट्ठी यूहन्ना अन्द द्वारा मसीह अन्द जनम इन ५० से १०० साल इन न्याड्या दा लखिसकु आगीत. यूहन्ना खुद इक लेखक इन रूप दा अरालुन, बल्की ईदुर बजाय खुद इक स्याणा १:१ अनतान. आव २ यूहन्ना १:१ दा भी अदा अनतान. हगि मान्सकु आगतद कियूहन्ना ३ यूहन्ना अन्द चट्ठी इन अनुसार खुशखबरी लखिसीदुन अदकि इफसिस दा ईरतेला मुर चट्ठी १ यूहन्ना, २ यूहन्ना अदकि ३ यूहन्ना ईरव.

यूहन्ना ई चट्ठी इक गोयास हेसुर इनव ऊंद आस्तकि उक लखिसीदुन. आव गोयास उक ऊंद संगी इन रूप दा संबोधति माळतान अदकि आऊक आ क्षेत्र अन्द माध्यम देल जो यात्रा माळेत्यार आ इसाई वार्दुर साटी पाऊना नयोजति आगोद नरिदेश कोळतान.

रूप-रेखा

१. यूहन्ना तान चट्ठी प्रस्तुत माळतान. १:१
२. अदुर बाददा आव गोयास उक प्रोत्साहति माळतान अदकि वार्दुर इक पाऊना तोरसोर साटी नरिदेश कोळतान. १:२-८
३. ईदुर बाददा, आव दुसरा येद्व मंळसागोळ, दयित्त्रफिस अदकि दमित्त्रयिस उन मात माळतान. १:९-१२
४. आखरी दा आव तान चट्ठी खतम माळतान. १:१३-१४

1 *नान स्याणा अन दी टु प्रयि गयुस उन हेसुर, यार से ना सही प्यार ईटतीन.

2 हे प्रयि, नान ईद प्रार्थना आद किय्यांग नी आत्मकि उन्नती माळेत्या, हांग अच नी सप्पा मातगोळ दा उन्नती माळ अदकि भला चंगा ईर. 3 यतकी याग वार्दुर बंदकु नीन आ सच्चाई इन गवाही कोट्टुर, यदुर मा खराखुरा नळेत्या, रा ना हापाळ खुश आदीन. 4 नानी इदुर से यक्कुल मातत यातोदु खुशी इन जरवत हैलेच यदरी ना केळाईन, कनान चकिोर सच्चाई मा नळुतार.

गयुस उन प्रशंसा

5 हे प्रयि, जो येनारा नी आ वार्दुर सांगुळ माळेत्या, जो परदेशी आद, अदरी सच्चाई देल माळेत्या. 6 आंदुर मंडली इन मुंद नीन प्यार इन गवाही कोटार. अगर नी आंदरी आ प्रकार देल वदि माळ्या यातता प्रकार देल परमेश्वर उन लॉकुर साटी उचति आद रा वळ्लीद माळ्या. 7 यतकी आंदुर आ हेसुर साटी होटार, अदकि दुसरा जाती नोर लॉकुर से येनु ताकोमालुर. 8 इदुरसाटी नाव मसीह लॉकुरी हगि लॉकुर्द स्वागत माळ पायजे, यदुर देल नाव भी सच्चाई अन्द पक्ष दा आंदुर सहकर्मी आदेव.

दयित्त्रफिस अदकि दमित्त्रयिस

9 ना मंडली इक येनारा लखिसीदनि, लेकीन दयित्त्रफिस जो आंदुर दा धोडडेव आगोद चाहासतान, नामी ग्रहण माळालुन. 10 इदुरसाटी याग ना बराईन रा आऊन कयाल्सागोळ्द जो आव माळेत्यान, सुधी तोरसाईन, किय आव नाम बारा दा बेकार-बेकार मातगोळ माताळतान; अदकि इदुर मा भी संतोष ईला आगकु खुद अच वार्दुर इक ग्रहण माळालुन, अदकि आंदरी जो ग्रहण माळोद चाहासतार मना माळतान अदकि मंडली दा टु तेग्द बुळतान.

11 हे प्रयि, बुराई इन ईला लेकीन भलाई इन अनुयायी आगी. जो भलाई माळतान, आव परमेश्वर उन दी टु हुन; लेकीन जो बुराई माळतान, आव परमेश्वर उक नोळीदील.

12 देमेत्त्रयिस उन बारा दा सप्पा मुंदुर, उलटा सच्चाई भी खुद अच गवाही कोळ्त; अदकि नाव भी गवाही कोळतेव, अदकि नी जानसत्या किय नाम गवाही सही आद.

* 1:1 १:१ प्रेरतिगोळ १९:२९; रोमयिों १६:२३; १ कुरन्थि १:१४

आखरी अभविादन

13 नानी नीनी हापाळ येनारा लखिसोद रा ईरोद, लेकीन स्याही अदकि कलम देल लखिसोद चाहासालीन. 14 लेकीन नानी आशा आद कनीन से राटनेरी मुलाकात माळाईन, आग नाव आमने-सामने मातकात हेळाता.

15 नीनी शांती सकित ईरूल.

ईलेर संगी नीनी नमस्कार माळतार. अलेर संगीगोळ हेसुर ताकोम ताकोमकु नमस्कार माळ कोमेत.

यहूदा की पत्री यहूदा अन्द चट्ठी परचिय

यहूदा हेसुर इन चट्ठी इन हेसुर इदुर लेखक उन हेसुर मा ईटकु आग्याद. यहूदा खुद इक याकूब, यीशु उन वार्ट उन रूप दा अरूतान. इदुरसाटी आव भी यीशु उन वार्टुर दा टु ऊंद मान्सकु आगतान १. नाव जान्सालेव कि ई चट्ठी ऊंद वशिष्ट मंडली इन साटी ईरोद अदकि हाळोद नयिम इन संदर्भगोळ कारण, यहूदा अन्द मुल पाठकगोळद संभावना यहूदीगोळ से आगीत. हालाकि, आव तान चट्ठी इक संबोधति माळतान “आ सप्पा मुंदुर इक यारी कारूकु आग्याद, यारी आप्प उन से प्यार आद अदकि यीशु मसीह अन्द साटी ईटकु आद” १. ईद चट्ठी शायद मसीह अन्द जनम इन ६० साल इन बाददा लखिसकु आगीत.

सप्पा इसाईगोळी चट्ठी लखिसोद आंदुर उद्देश आंदरी ख्वाटा गुरुगोळ यहूदा १:४ द्वारा भटकुसोद खलिाप चेतावनी कोळोद हुन. आव हाळोद नयिम इन घटनागोळ अदकि खातागोळी आंदुर तर्कगोळी ताकत कोळोर साटी संदर्भति माळतान. ईद चट्ठी दुसरा पतरस उन चट्ठी इन सांगुळ ख्वाटा गुरुगोळ यहूदा १:४, २ पतरस २:१ सांगुळ-सांगुळ स्वर्गदूतगोळ अदकि सदोम अदकि अमोरा अन्द संदर्भगोळद खलिाप चेतावनी सहति हापाळ वचिर मुंद तरतद.

रूप-रेखा

१. यहूदा पयले तान पाठकगोळी संबोधति माळतान. १:१-२
२. ईदुर बाददा, आव लेखन इन साटी तान कारण कोळतान जो आंदरी ख्वाटा गुरुगोळद खलिाप चेतावनी कोळोद हुन. १:३-४
३. अदुर बाददा आव हाळोद नयिम दा लॉकुर अदकि घटनागोळद उदाहरण कोळतान. १:५-१६
४. बाक आव आंदरी हेळतान कि आंदुर प्रतिक्रिया चेतावनी इन साटी येन ईर पायजे. १:१७-२३
५. आखरी दा आव आ चट्ठी इक परमेश्वर उन स्तुति माळकु खतम माळ बुळतान. १:२४-२५

1 *यहूदा अन दी टु जो यीशु मसीह अन दास अदकि याकूब उन वार्ट हुन, जो कार्सकु आग्यार आंदुर हेसुर जो परमेश्वर आप्प दा प्रयि अदकि यीशु मसीह अन साटी सुरक्षति आन.

2 दया अदकि शांती अदकि प्यार नीमी हापाळ सा प्राप्त आगतेला ईरूल.

ख्वाटा गुरु

3 हे प्रयि संगीगोळा, याग ना नीमी आ उद्धार इन बारा दा लखिसदुर दा हापाळ मेहनत देल कोशिशि माळीन यदुर दा नाव सप्पा सहभागी आयेव, रा ना नीमी ईद समझुसोद जरूरी समसदीन कि नीमी प्रोत्साहति माळाईन आ वशिवास इन साटी पुरा कोशिशि माळी जो पवतिर लॉकुरी ऊंद अच घन सौप्सकु आगीत. 4 यतकी यास ईत्ता मळसा चुपचाप नाम दा बंदकु सकिदुर, यार्द ई दण्ड इन वर्णन हाळोद समय दा पयले टु अच भवषियवाणी माळकु आगीत: हगि लॉकुर परमेश्वर उन बनिा, अदकि हगि लॉकुर परमेश्वर उन अनुग्रह अक लुचपन दा बदलुस बुळतार, अदकि नाम ऊंद मात्र स्वामी अदकि प्रभु यीशु मसीह अन इनकार माळतार.

5 लेकीन नीव सप्पा मात ऊंद घन जान्स कौडीर, तरी ना नीमी ई मात इन सुधी कोळोद चाहासतीन कि प्रभु ऊंद कुल इक मसित्तर द्याश टु बीळसदुर बाददा वशिवास ईला तरावाळे इक नाश माळ बुट्टुन. 6 बाक जो स्वर्गदूतगोळ तान धोळद पद इक संची ईटीदील उलटा तान नजि नवास इक बटि बुट्टुर, आव आंदरी भी आ भीषण दनि इन न्याय इन साटी अंधकार दा, जो सदा काल इन साटी आद बंधनगोळ दा ईटकु आद. 7 याता रीति देल सदोम अदकि गमोरा अदकि

आंदुर आसपास इन नगर, जो स्वर्गदूतगोळ घाई व्यभिचारी आगोगीदुर अदकि पराया मय इन हदि हत्तेगीदुर बेक्की इन अनन्त दण्ड दा बदिक् उदाहरण ठहरूस्यार.

8 अदा रीतदिल ई स्वपनदर्शी भी तान तान मय इक अशुध्द माळतार, अदकि परमेश्वर उक तुच्छ जानसतार, अदकि दविय स्वर्गदूतगोळ इक बुरा भला अनतार. 9 *लेकीन प्रधान स्वर्गदूत मीकाईल, याग शैतान से मूसा अन लाश इन बारा दा वाद ववाद माळदुन, रा आऊक बुरा भला अनकु दोष हचोद साहस माळीदील लेकीन ईद अंदुन, “प्रभु नीद न्याय माळूल.” 10 लेकीन ई लॉकुर याता मातगोळी जानसालुर आंदरी बुरा भला अनतार, अदकि याता मातगोळी अचेतन पशुगोळ घाई स्वभाव देल अच जानसतार, आंदुर दा तान तान इक नाश माळतार. 11 आंदुर मा हाय! यतकी आंदुर कैन इन चाल नळदुर, अदकि पैस्या अन लोभ इन साटी बल्लाम इन घाई भ्रष्ट आगोग्यार, अदकि कोरह अन घाई वरिध माळकु नाश आग्यार. 12 ईद नीम प्यार भोज दा आ होचकु चट्टानगोळ घाई आद जो घातक आद. जो सरिफ तान स्वार्थ इंद अच चिता माळतार. अदकि बनि नीर इन बादल इन घाई आर, आंदुर पतझळ इन ईत्ता मारर उर यदुर मा काय ईराल्द आंदुर येद्व घन सोतकु आर अदकि आंदरी जळ देल कीतकु आग्याद. 13 इंदुर समुद्र अन प्रचंड लयर उर, जो तान शरम इन फेस भळितार; इंदुर डावाडोल तारा उर, यार साटी परमेश्वर सनातन काल ताका घोर अंधकार ईट्यान.

14 हनोक भी जो आदम टु सातवा पीढी दा ईरोन, इंदुर बारा दा ईद भवषियवाणी माळदुन, “नोळी, प्रभु तान हजारो पवतिर स्वर्गदूतगोळ सांगुळ बंदान.” 15 कसिपपा मुंदुर न्याय माळूल, अदकि सपपा भक्तहीनगोळी आंदुर अभक्ती इन सपपा क्यालसागोळ बारा दा जो आंदुर भक्तहीन आगकु माळ्यार, अदकि आ सपपा कठोर मातगोळ बारा दा जो भक्तहीन पापीगोळ आऊन वरिध दा अंदार, दोषी ठहरूसुल.

16 इंदुर रा असंतुष्ट, कुळकुळुसावाळेर, अदकि तान बेकार लालसागोळ्द अनुसार नळावाळेर उर, अदकि तान बाय देल घमण्ड इन मातगोळ माताळतार, अदकि आंदुर लाभ इन साटी बाय नोळकु बळई माळतार.

चेतावनी अदकि उपदेश

17 लेकीन हे प्रियगोळा, नीव आ मातगोळी याद ईटी जो नाम प्रभु यीशु मसीह अन प्रेरति पयले अच अन कौडार. 18 *इंदुरसाटी आंदुर नीम से अनतोगोर, “आखरी दनिगोळ दा हगि मज्याक माळावाळेर ईत्तार जो तान भक्तहीन लालसा अन अनुसार नळदार.” 19 इंदुर आंदुर उर जो फूट हाकतार; इंदुर जो शारीरिक इच्छागोळ्द नमितरण दा आर, यारदा परमेश्वर उन आत्मा हैलेच. 20 लेकीन हे प्रिय संगीगोळा, नीव तान अतिपवतिर विश्वास दा उन्नती माळतेला अदकि पवतिर आत्मा दा प्रार्थना माळतेला, 21 तान तान इक परमेश्वर उन प्यार दा माळकु ईटी; अदकि अनन्त जीवन इन साटी नाम प्रभु यीशु मसीह अन दया अन हादी कायतेला ईरी.

22 आंदुर मा जो शंका दा आर दया माळी; 23 अदकि हापाळ मुंदरी बेक्की दा टु झपटुसकु तेगी; अदकि हापाळ मुंदुर मा अंजक इन सांगुळ दया माळी, लेकीन आंदुर कपळागोळ से भी सट्टि माळी जो मय इन द्वारा कलंकीत आगोग्याद.

आर्शवाद

24 ईग जो नीमी आऊन प्रती बळिदुर देल ऊळ्स सकतान, अदकि तान महमा अन भरपुरी इन मुंद नरिदोष नदिरूस सकतान, 25 आ ऊद मात्र परमेश्वर नामव उद्धारकर्ता अन महमा अदकि गौरव अदकि पराक्रम अदकि अधिकार, नामव प्रभु यीशु मसीह अन द्वारा हयांग अनन्त काल टु आद, ईग भी आगुल अदकि हमेशा हमेशा ईरूल. आमीन.

प्रकाशतिवाक्य यूहन्ना के द्वारा प्रकाशतिवाक्य यूहन्ना अन्द द्वारा परचिय

प्रकाशतिवाक्य अन ई कतिब व्हाशोद नयिम इन आखरी कतिब हुन अदकि अद आखरी दा लखिसकु आग्याद प्रेरति यूहन्ना यीशु उन जनम इन बाददा इसवी सन ९५ इन हात्तीपास लखिसकु आग्याद. १:१ अदकि आवा यूहन्ना रचति खुशखबरी अदकि यूहन्ना अन्द कतिब १, २, ३ लखिस्यान. ईवा यूहन्ना अक लॉकुर यार मा यीशु उन प्यार ईरोद हगि माताळकु अरू तोगोर यूहन्ना १३:२३ यीशु मसीह अन खुशखबरी इन पातमा हेसुर इन टापू मा याग सजा कडोन आग आव ईद कतिब लखिस्यान. प्रकाशतिवाक्य १:९

ईद कतिब लखिसोद हींद यूहन्ना अन्द ईद उद्देश ईरोद की नानोर वाचुसावाळेर इक यीशु उन सांगुळ वशिवास दा ईरोरसाटी हमिमत कोळोद अदकि यीशु उन मातत वापस बरोद हात्ती ईरोद इदुरसाटी आऊंदा आशा नरिमाण माळी. १:३२२:७ आव सप्पा वशिवासीगोळ इक ईद चटिठी लखिसदुन वशिष माळकु येळ मंडली इक लखिसदुन यऊर्द उल्लेख अध्याय २३ दा सीकतद, यूहन्ना खुद इन लखावट इक परमेश्वर उन दी टु बंदाद बातणी, भवषियवाणी हगि हेळतद. अदकि जो मातगोळ इक आव खुद नोळदुन आ मातगोळ्द वर्णन अद अलंकारी शब्द देल मीलुसतद ईद जो कतिब आद ईद हाळोद नयिम इन भागगोळ देल मीलता जुलता आद. वशिष माळकु जकर्याह ६:१-८ आयातगोळ से अदुरद समानता आद हांग अच येळ तुतारी अदकि येळ कटोरा ईव परमेश्वर मसित्तर दा तंदुन आ दुखगोळ घाई आव. नरिगमन ७:९ प्रकाशतिवाक्य आखरी दनिगोळ्द वर्णन माळतद. आखरी दा यीशु वजियी ह्यांग आदान अदकि आऊन मा वशिवास ईटावाळेर आऊन सांगुळ अनन्त काल ताका ह्यांग जीवीत ईततार हगि आव हेळतान ईद कतिब इन द्वारा नीमी शक्ति सकिल अदकि यीशु उन दुबारा बरोर साटी नीमी आशा सकिल.

रूप-रेखा

१. यूहन्ना सुरूवात दा खुद इन पयचान माळकु आऊक भवषियवाणी ह्यांग हासलि आत ईद हेळकु सुरूवात माळतान प्रकाशतिवाक्य १:१-२०
२. यीशु उन दी टु येळ मंडली इक मुंद सकिद बातणी यूहन्ना कोळतान. प्रकाशतिवाक्य १:१-३:२२
३. बाक आव येळ सकिकागोळ्द बारा दा हेळतान प्रकाशतिवाक्य ४:१-८:५ अदकि येळ तुतारीगोळ्द वर्णन माळतान. ८:६-११:१९
४. ईदुर बाददा यूहन्ना ऊंद स्याण पार येळ ताल्लावाळा हाव सांगुळ ह्यांग लळाई माळतान ईद हेळतान. १२:१-१४:२०
५. ईदुर बाददा यूहन्ना सटिट इन कटोरा अन बारा दा लखिसतान १५:१-१६:१८
६. ईदुर बाददा परमेश्वर आऊन आकाश दाकळोर दुश्मनगोळ मा ह्यांग वजिय हासलि माळतान ईद हेळतान. प्रकाशतिवाक्य १७:१-२०:१५
७. जो व्हाशोद स्वर्ग अदकि व्हाशोद पृथ्वी आखरी दा बंदीत अदुरद वर्णन माळतान. प्रकाशतिवाक्य २१:१-२२:२१

1 यीशु मसीह अन्द प्रकाशतिवाक्य, जो आऊक परमेश्वर इदुरसाटी कोटान कतिब दासगोळी आ मातगोळ, यऊर्द राटनेरी आगोद जरूरी आद, तोरसुल; अदकि आव तान स्वर्गदूतगोळ इक कळुकु आऊन द्वारा तान दास यूहन्ना अक हेळदुन, 2 यूहन्ना परमेश्वर उन वचन अदकि यीशु मसीह अन्द गवाही, मतलब जो येनारा आव नोळीदुन अदुरद गवाही कोट्टुन. 3 धन्य आन आव जो ई भवषियवाणी इन वचन इक वाचुसतान, अदकि आंदुर जो केळतार अदकि इदुर दा लखिसद मातगोळी मान्सतार; यतकी समय हात्ती आद.

येळु मंडलीगोळ्द अभविदन

4 *यूहन्ना अनूद दी टु आसया अनूद येळ मंडलीगोळ्द हेसुर:

आऊन दी टु जो आन अदकि जो ईरोन अदकि जो बरावाळा आन; अदकि आ येळ आत्मागोळ दी टु जो आऊन सहासन इन मुंद आन, 5 अदकि यीशु मसीह दी टु जो वशिवासयोग्य गवाह अदकि सोत्तुर दा टु जीत्ता आगावाळेर दा पयला अदकि पृथ्वी इन राजागोळव न्यायाधीश हुन, नीमी अनुग्रह अदकि शांती सकितेला ईरूल.

आव नाम से प्यार ईटतान, अदकि आव तान रक्ता अन द्वारा नामी पापगोळ देल बळिसुस्यान, 6 *अदकि नामी ऊंद राज्य अदकि तान आप्प परमेश्वर उन साटी याजक भी माळ बुट्टुन; आऊंदा महमा अदकि पराक्रम हमेशा ईरूल. आमीन.

7 *नोळी, आव बादलगोळ सांगुळ बरावाळा आन, अदकि हर ऊंद कण्ण आऊक नोळीत, उलटा यार आऊक छेद केळदीदुर आंदुर भी आऊक नोळ्यार, अदकि पृथ्वी इन सप्पा जाती आऊन कारण याददा बळदार. हव. आमीन.

8 *प्रभु परमेश्वर, जो आन अदकि जो ईरोन अदकि जो बरावाळा आन, जो सर्वशक्तमान आन, ईद अनतान, “ना अच पयला अदकि आखरी हुईन.”

यूहन्ना अक मसीह अनूद दर्शन

9 ना यूहन्ना, जो नीम वार्ट अदकि यीशु उन क्लेश अदकि राज्य अदकि धीरज दा नीम सहभागी आईन, परमेश्वर उन वचन अदकि यीशु उन गवाही इन कारण पतमुस हेसुर इन टापू दा ईरीन. 10 ना प्रभु उन दनि आत्मा दा होटबंदीन, अदकि तान हदि तुरही घाई धोळ्द शब्द ईद अनतेला केळदीन, 11 “जो येनारा नी नोळत्या अदरी कतिब दा लखिसकु येळु मंडलीगोळ्द हात्ती कळुबुळ, मतलब इफसिस, स्मुरना, परिगमुन, थुआतीरा, सरदीस, फलिदलिफया, अदकि लौदीकया अक.”

12 आग ना आऊक, जो नान से माताळोन, नोळोर साटी तान मार्रा तरिगुसदीन; अदकि हदि तरिगु ना व्हानना अनूद येळ दगिया ईटोद जागा ऊंद जागा नोळदीन, 13 अदकि आ दगिया ईटोद जागा अनूद न्याड्या दा मळसा अन पार उन घाई ऊंद आरी इक नोळदीन, जो काल ताका फळक्या हाककु, अदकि याददा मा व्हानना अनूद पट्टा कटकु ईरोन. 14 आऊन ताल्ला अदकि चुट्टी बळिव ऊन बल्की पाला अन घाई चमकदार ईरव, अदकि आऊन कण्णगोळ बेक्की इन ज्वाला अनूद घाई ईरव. 15 आऊन कालगोळ वळलीद पीतळा अन घाई ईरव जसा हगि हतव क भिट्टी दा सेक्सकु आग्याव, अदकि आऊन शब्द हापाळ नीर इन आवाज इन घाई ईरोद. 16 आव तान ऊम्मा कय दा येळ तारा हुळकु ईरोन, अदकि आऊन बाय देल तेज येढ्ढ धार इन तलवार होळतोगोद. आऊन मार्रा हगि प्रज्वलति ईरोद, हयांग सुर्य भर बसिल इन समय चमकुसतद. 17 *याग ना आऊक नोळदीन रा आऊन कालगोळ मा मुरदा घाई बदिदीन. आव नान मा तान ऊम्मा कय ईटकु अंदुन, “अजबाळ; ना पयला अदकि आखरी अदकि जीवता हुईन; 18 ना सोतोगीदीन, अदकि ईग नोळ ना हमेशा हमेशा जत्तिता आईन; अदकि मृत्यु अदकि अधोलोक इन चाबीगोळ नान दा हात्ती आव. 19 इदुरसाटी जो मातगोळ नी नोळ्या अदकि जो मातगोळ आगेत्याव अदकि जो मातगोळ ईदुर बाददा आगव आव, अव सप्पा मातगोळी लखिस कोम. 20 मतलब आ येळ तारागोळ्द भेद नी अवरी नान ऊम्मा कय दा नोळीद, अदकि आ येळ व्हानना अनूद दगिया ईटोद जागा अनूद भेद: अव येळ तारा येळु मंडलीगोळव स्वर्गदूत हुव, अदकि अव येळ दगिया ईटव जागा येळ मंडलीगोळ हुव.

2

इफसिस उक बातणी

1 “इफसिस उन मंडली इन स्वर्गदूत उक ईद लखिस:

* 1:4 १:४ प्रकाशतिवाक्य ४:५ * 1:6 १:६ प्रकाशतिवाक्य ५:१० * 1:7 १:७ मत्ती २४:३०; मरकुस १३:२६; लूका २१:२७; १ थसिसलुनीकी ४:१७; यूहन्ना ११:३४,३७; मत्ती २४:३० * 1:8 १:८ प्रकाशतिवाक्य २२:१३ * 1:17 १:१७ प्रकाशतिवाक्य २:८; २२:१३

“जो येळु तारा तान ऊम्मा कय दा हुळकु आन, अदकि व्हान्ना अनन्द येळु दगिया ईटोद जागा अनन्द न्याड्या दा टेटतद, अद ईद अनतद क²ना नीन क्याल्सा, नीन मयनत, अदकि नीन धीरज इक जान्सतीन; अदकि ईद भी क¹नी बेकार लॉकुरी नोळ सकाल, अदकि जो तान तान इक प्रेरति अनतार, अदकि आल्लच, आंदरी नी परखुस्कु ख्वाटा माळ्द. ³नी धीरज हुडुत्या, अदकि नान हेसुर इन साटी दुख नेगुत नेगुत थक्सीदील. ⁴लेकीन नानी नीन खलिाप ईद अनोद आद क¹नी तान पयला अनन्द घाई प्यार बटिबुट्या. ⁵इदुरसाटी याद माळ क¹नी यल टु बदि्या, अदकि मन तरिगुस अदकि पयला अनन्द घाई क्याल्सा माळ. अगर नी मन तरिगुसतदिलि, रा ना नीन हात्ती बंदकु नीन दगिया ईटोद जागा अक अदुर जागा दा टु सरकुस बुळाईन. ⁶लेकीन हव, नीन दा ईद मात रा आद क¹नी नीकुलइयोगोळ्द क्याल्सागोळ्द देल घृणा माळत्या, आंदुर देल ना भी नफरत माळतीन.

⁷☆“यार कवि ईतीदाव आव केळ कोमुल क¹आत्मा मंडलीगोळ से येन अनतद. जो वजिय हासलि माळतान, ना आऊक आ जीवन इन मारर दा टु जो परमेश्वर उन स्वर्गलोक दा आद, काय तनिली कोळाईन.”

स्मुरना अक बातणी

⁸☆“स्मुरना अनन्द मंडली इन स्वर्गदूत उक ईद लखिस:

“जो पयला अदकि आखरी आन, जो सोतोगीदुन अदकि ईग जतिता आगेग्यान, आव ईद अनतान क¹ना नीन क्लेश अदकि गरीबी इक जान्सतीन लेकीन नी धनी आय, अदकि जो लॉकुर तान तान इक यहूदी अनतार अदकि आल्लच, लेकीन शैतान उन सभा उर, आंदुर अपमान इक भी जान्सतीन. ¹⁰जो दुख नीनी झेलसोद बदिदीत, अऊर देल अंजबाळ. यतकी नोळी, शैतान नीम दा टु काईक मुंदुरी जेलखाना दा हाकावाळा आन ताकी नीम परख आग सकुल; अदकि नीमी हत्त दनि ताका क्लेश नेगोद बदिदीत. जीव कोळासताका वशिवासी ईर, रा ना नीनी जीवन इन मुकुट कोळाईन.

¹¹☆“यार कवि ईतीदाव आव केळ कोमुल क¹आत्मा मंडलीगोळ से येन अनतद. जो वजिय हासलि माळतान, आऊक दुसरा मृत्यु देल नुकसान आगतीदील.”

परिगमुन उक बातणी

¹²“परिगमुन उन मंडली इन स्वर्गदूत उक ईद लखिस:

“यार हात्ती येढ्ढ धार ईद अदकि तेज तलवार आद, आव ईद अनतान क¹ना ईद जान्सतीन क¹नी अल ईरत्या यल शैतान उन सहिसन आद; नी नान हेसुर मा स्थरि ईरत्या, अदकि नान मा वशिवास माळदुर देल आ दनिगोळ दा भी हदि हटसीदलि यदुर दा नान वशिवासयोग्य गवाह अनूतपास, नीम न्याड्या आ जागा मा घात माळकु आदुन यल शैतान ईरतद. ¹⁴लेकीन नानी नीन खलिाप येनारा मातगोळ माताळोव आव, यतकी नीन अल काईक मुंदुर हगि आर, जो बलाम इन शकिषा अक मानसतार, याव बालाक उक इस्त्राएलीगोळ्द मुंद टोकर इन कारण ईटोद कल्सदुन क¹आंदुर मूर्तीगोळ मा येरसद चीजगोळ तनिल अदकि व्यभचार माळुल. ¹⁵हांगा नीन अल काईक हगि आर, जो नीकुलइयो अनन्द शकिषा अक मानसतार. ¹⁶इदुरसाटी मन तरिगुस, ईलारा ना नीन हात्ती राटनेरी बंदकु तान बाय इन तलवार देल आंदुर सांगुळ लळाई माळाईन.

¹⁷☆“यार कवि ईतीदाव आव केळ कोमुल क¹आत्मा मंडलीगोळ से येन अनतद. जो वजिय हासलि माळतान, आऊक ना गुप्त मन्ना दा टु कोळाईन, अदकि आऊक ऊंद बळीद कल्ल भी कोळाईन; अदकि आ कल्ल मा ऊंद हेसुर लखिसकु ईत्तीत, अदरी हासलि माळावाळेर्द अलावा अदकि याऊ अदरी अरूतीदील.”

थुआतीरा अक बातणी

¹⁸“थुआतीरा अनन्द मंडली इन स्वर्गदूत उक ईद लखिस:

“परमेश्वर उन पार यारव कण्णगोळ बेक्की इन ज्वाला घाई, अदकि यारव कालगोळ वळ्लीद पीतळा अनन्द घाई आव, आव ईद अनतान क¹ना नीन क्याल्सागोळ, नीन प्यार अदकि वशिवास

☆ 2:7 २:७ प्रकाशतिवाक्य २२:२ ☆ 2:8 २:८ प्रकाशतिवाक्य १:१७; २२:१३ ☆ 2:11 २:११ प्रकाशतिवाक्य २०:१४; २१:८

☆ 2:17 २:१७ यूहन्ना ६:४८-५०

अदकि स्यावा अदकि धीरज, इक जानसतीन अदकि ईद भी की नीनव हदिळोव क्याल्सा पयले से वळ्लेव आव. 20 लेकीन नानी नीन खलाप ईद अनोद आद की नी आ आरत इजेबेल इक ईरगोळत्या जो तान तान इक भवषियवक्ता अनतार, अदकि नान दासगोळी व्यभचार माळली अदकि मूर्तीगोळ मा येरसद चीजगोळी तनिोद कल्सकु भरमुसतार. 21 ना आककि मन तरिगुसोर साटी मवका कोट्टीन, लेकीन आक तान व्यभचार देल मन तरिगुसोद चाहासालुर. 22 नोळ, ना आककि व्हर्स मा हाकतीन यल आक रोगशैय्या मा ईरोर; अदकि जो आकनि सांगुळ व्यभचार माळतार अगर आंदुर भी आकनि घाई क्याल्सागोळ देल मन तरिगुसतदिलि रा ना आंदरी धोळ्द क्लेश दा हाकाईन. 23 ना आकनि चकिोर इक कोंद बुळाईन; आग सप्पा मंडली जान्स कोंडीत की दलि अदकि मन इक अरावाळा ना अच हुईन, अदकि ना नीम दा टु हर ऊंद मळसा अक आऊन क्याल्सा अन्द अनुसार बदला कोळाईन. 24 लेकीन नीव थुआतीरा अन्द बाकी लॉकुर से, यास ई शक्षिा अक मानसालुर अदकि आ मातगोळी यवरी शैतान उन गयरा मातगोळ अनतार जानसालीर, ईद अनतीन की ना नीम मा मात्त ओझा हाकतदिलि. 25 लेकीन हव, जो नीम हात्ती आद अदरी नान बरासताका ताका रोक्सकु ईटी.

26 “जो वजिय हासलि माळुल अदकि नान क्याल्सागोळ्द अनुसार आखरी ताका माळ्त् ईरूल, ना आऊक गैर यहूदी लॉकुर मा अधिकार कोळाईन, 27 अदकि आव लोवा अन्द छळी हुडुकु आंदुर मा राज्य माळयान, याता प्रकार गळग्या माळावाळा नव मुण्ण इन बर्तन चकनाचुर आगेगताव: नानी भी हगिा अधिकार तान आप्प उन हात्ती टु सकियाद; 28 अदकि ना आऊक व्हातुर इंद तारा कोळाईन. 29 यार कवि ईतीदाव आव केळ कोमुल की आत्मा मंडलीगोळ से येन अनतद.”

3

सरदीस उक बातणी

1 सरदीस उन मंडली इन स्वर्गदूत उक ईद लखिस:

“यार हात्ती परमेश्वर उन येळ आत्मागोळ अदकि येळ तारा आव, आव ईद अनतान की ना नीन क्याल्सागोळी जानसतीन: नीनी जत्तिता रा अंदकु आगतद, लेकीन आय नी सोतकु 2 जागृत आग, अदकि आ चीजगोळी जो मक्किग्याव अदकि अऊर नाश आगली आद, अवरी मजबूत माळ; यतकी ना नीन यातोदु क्याल्सा अक तान परमेश्वर उन हात्ती पुरा आग्त नोळीदिल. 3 *इदुरसाटी याद माळ की नी ह्यांग शक्षिा प्राप्त माळीद अदकि केळीद, अदकि अदुर दा बन्सकु ईर अदकि मन तरिगुस. अगर नी जागृत ईरतीदिल रा नी यागलु जान्स सकतीदलि की ना याता समय नीन मा बंदकु बळीईन. 4 लेकीन हव, सरदीस दा नीन अल काईक हगि लॉकुर आर यार तान तान फळक्यागोळ अशुध्द माळीदलि, आंदुर बळिव फळक्या हाक्कु नान सांगुळ टेट्यार, यतकी आंदुर ईदुर लायक आर.”

5 *जो वजिय हासलि माळयान आऊक हगिा बळिव फळक्या हाकसुसकु आदीत, अदकि ना आऊन हेसुर जीवन इन कतिाव दा टु यातोदु रीत दिेल कडुतदिलि; लेकीन आऊन हेसुर तान आप्प अदकि आऊन स्वर्गदूतगोळ मुंद मान्स कोमाईन. 6 यार कवि ईतीदाव आव केळ कोमुल की आत्मा मंडलीगोळ से येन अनतद.

फलदलिफयिा अक बातणी

7 “फलदलिफयिा अन्द मंडली इन स्वर्गदूत उक ईद लखिस:

“जो पवत्तिर अदकि सही आन, अदकि जो दाऊद उन चाबी ईटतान, यारद तेरदुर बाददा याऊ बंद माळ सकालुन अदकि बंद माळदुर बाददा याऊ तेरू सकालुन, आव अनतान की 8 ना नीन क्याल्सागोळी जानसतीन; नोळ, ना नीन मुंद ऊंद दरवाजा तेरूकु ईटीन, यदरी याऊ बंद माळ सकालुन; नीन सामर्थ्य थ्वाळासा रा आद, तरी भी नी नान वचन इन पालन माळ्द अदकि नान हेसुर इन इनकार माळीदलि. 9 नोळ, ना शैतान उन आ सभावाळेर इक नीन वश दा माळ बुळाईन जो यहूदी बन्सकु कुरतोग्यार, लेकीन आल्लच उलटा ख्वाटा माताळतार-नोळ, ना हगि माळाईन

* 3:3 ३:३ मत्ती २४:४३,४४; लूका १२:३९,४०; प्रकाशतिवाक्य १६:१५ * 3:5 ३:५ प्रकाशतिवाक्य २०:१२; मत्ती १०:३२; लूका १२:५

की आंदुर बंदकु नीनी प्रणाम माळ्यार, अदकि ईद जानस कोडार कीना नीन से प्यार ईटीन. 10 नी नांद धीरज इन वचन इक हुळद्या, इदुरसाटी ना भी नीनी परीक्षा अनंद आ समय ऊळसकु ईटाईन जो पृथ्वी मा ईरावाळेरद परख माळोर साटी दुनया मा बरावाळा आद. 11 ना राटनेरी इच बरावाळा आईन; जो येनारा नीन हात्ती आद अदरी हुडुकु ईर कीयाऊ नीन मुकुट कसुबाळुल. 12 *जो वजिय हासलि माळ्यान आऊक ना तान परमेश्वर उन मंदरि दा ऊंद खंबा माळाईन, अदकि आव बाक यागलु व्हाऱ्या होळतीदलि; अदकि ना तान परमेश्वर उन हेसुर अदकि तान परमेश्वर उन नगर मतलब व्हाशोद यरूशलेम इन हेसुर, जो नान परमेश्वर उन हात्ती टु स्वर्ग मा टु ईळोद आद, अदकि तान व्हाशोद हेसुर अदुर मा लखिसाईन. 13 यार कवि ईतीदाव आव केळ कोमुल की आत्मा मंडलीगोळ से येन अनतद.

लौदीकिया अक बातणी

14 “लौदीकिया अनंद मंडली इन स्वर्गदूत उक ईद लखिसः

“जो आमीन अदकि वशिवासयोग्य अदकि खरा गवाह आन, अदकि परमेश्वर उन दुनया अन मुल कारण हुन, आव अनतान की 15 ना नीन क्यालसागोळी जानसतीन की नी रा ना टंडा आय अदकि ना बसिक्यांडः वळलीद आगाईत की नी टंडा या बसिक्यांड ईराईद. 16 इदुरसाटी की नी क्वामा-क्वामा आय, अदकि ना टंडा आय ना बसिक्यांड, अनकु ना नीनी तान बाय दा टु तेगदुर मा आईन. 17 नी अनत्या की ना धनी आईन अदकि धनवान आगेगनि अदकि नानी यातोदु चीज इन कमी हैलेच; अदकि ईद जानसाल की नी अभागा अदकि तुच्छ अदकि भखारी अदकि कुढ अदकि ऊगळा आय. 18 इदुरसाटी ना नीनी सम्मती कोळतीन की बेक्की देल शुद्ध माळद व्हानना नान से कोम कीनी धनी आगेग, अदकि बळिवे फळक्या कोंड कोम की हाक्कु नीनी तान ऊगळापन ईद शरम हतबाळुल, अदकि तान कण्णगोळी हचोर साटी सुरमा कोंडकु रगळुस कीनी नोळली हत्तेग. 19 *ना यार यार से प्यार माळतीन, आ सप्पा मुंदुरी उलाहना अदकि शिक्षा कोळतीन; इदुरसाटी आस्था ईट अदकि मन तरिगुस. 20 नोळ, ना दरवाजा मा नदिरकु ठोकसतनि; अगर यावारा नान शब्द केळकु दरवाजा तेरदान, रा ना आऊन हात्ती बुळक बंदकु आऊन सांगुळ ऊमाईन अदकि आव नान सांगुळ.

21 “जो वजिय हासलि माळ्यान ना आऊक तान सांगुळ तान सहिसन मा कुरसाईन, ह्यांग ना भी वजिय हासलि माळकु तान आप्प उन सांगुळ आऊन सहिसन मा कुरतोदनि. 22 यार कवि ईतीदाव आव केळ कोमुल की आत्मा मंडलीगोळ से येन अनतद.”

4

स्वर्ग दा आराधना

1 ई मातगोळ बाददा जो ना दृष्टी माळदीन रा येन नोळतीन की स्वर्ग दा ऊंद दरवाजा तेरकु आद, अदकि यारी ना पयले तुरही इन घाई शब्द देल तान सांगुळ माताळत केळीदीन, आवा अनतान, “ईल म्याकुच होटबर; अदकि ना आ मातगोळ नीनी तोरसाईन, यऊर्द ई मातगोळ बाददा पुरा आगेद जरूरी आद.” 2 तुरन्त ना आत्मा दा होटबंदीन; अदकि येन नोळतीन की ऊंद सहिसन स्वर्ग दा ईटकु आद, अदकि आ सहिसन मा यावारा कुरतकु आन. 3 जो अदुर मा कुरतकु आन आव यशब अदकि माणकिय घाई काळसदुर दा बरतान, अदकि आ सहिसन इन नाकु दी मरकत घाई ऊंद मेघधनुष काळसतद. 4 आ सहिसन इन नाकु दी ईप्पतनाक सहिसन आव; अदकि ई सहिसनगोळ मा ईप्पतनाक स्याणा लॉकुर बळी फळक्या हाक्कु कुरतकु आर, अदकि आंदुर ताल्लागोळ मा व्हानना नव मुकुट आव. 5 *आ सहिसन दा टु बजिली अदकि गर्जन गुमरान होळतद अदकि सहिसन इन मुंद बेक्की इन येळ दगिया होतेत्याव, अव परमेश्वर उन येळ आत्मागोळ हुव, 6 अदकि आ सहिसन इन मुंद मानसी जसा बल्लौर घाई काँच इन समुद्र आद.

सहिसन इन न्याड्या दा अदकि सहिसन इन नाकु दी नाक प्राणी आव, यऊर्द हदि मुंद कण्ण अच कण्ण आव. 7 पयला प्राणी हुल्ल इन घाई आद, अदकि दुसरा प्राणी गोसी इन पाड्डा घाई

आद, तसिरा प्राणी इन बाय मंळसा अन्द घाई आद, अदकि चौथा प्राणी ऊळुसतेला गीधाळ इन घाई आद. ⁸ नाकु प्राणीगोळव आरः पक्का आव, अदकि नाकु दी अदकि बुळ्क कण्ण अच कण्ण आव; अदकि अव ईळ्ळक हागुल बनिा आराम ताकोमूत ईद अनतेला ईरताव,

“पवतिर, पवतिर, पवतिर प्रभु परमेश्वर, सर्वशक्तमान,
जो ईरोन अदकि जो आन अदकि जो बरावाळा आन.”

⁹ याग अव प्राणी आऊन जो सहिसन मा कुर्तकु आन, अदकि जो हमेशा हमेशा जतिता आन, महमा अदकि आदर अदकि धन्यवाद माळ्याव; ¹⁰ आग ईपपतनाक इन ईपपतनाक स्याणा लॉकुर सहिसन मा कुरावाळेर मुंद बदिोदार; अदकि अदुरद पुजा माळतार, जो हमेशा हमेशा जीवति आर प्रणाम माळ्यार. अदकि आंदुर तान-तान मुकुट सहिसन इन मुंद ईद अनतेला हाक्क बुट्टार,

¹¹ “हे नाम प्रभु अदकि परमेश्वर, नी अच महमा

अदकि आदर अदकि सामर्थ्य अन्द लायक आय;

यतकी नी अच सप्पा चीजगोळी निर्माण माळ्या

अदकि अव अपमान अच इच्छा देल ईरव अदकि अस्तत्व दा बंदव.”

5

मोहरबन्द कतिब अदकि म्यांडा अन्द पाड्डा

¹ जो सहिसन मा कुर्तकु ईरोन, ना आऊन ऊम्मा कय दा ऊंद कतिब नोळदीन जो बुळ्क अदकि व्हार्या टु लखिसकु ईरोद, अदकि अद येळ मोहर हचकु बंद माळकु आगीत. ² बाक ना ऊंद ताकतवर स्वर्गदूत उक नोळदीन जो धोळ शब्द देल ईद प्रचार माळतोगीन, “ई कतिब इक तेरोद अदकि अदुरद मोहर मुरोद लायक याव आन?” ³ लेकीन ना स्वर्ग दा, ना पृथ्वी मा, ना पृथ्वी इन ल्यालमा यावारा आ कतिब इक तेरोद या अदुर मा दृषटी हाक्कोद लायक होट्टुन. ⁴ आग ना हुदक्या कोट कोटकु वरली हतदीन, यतकी आ कतिब इक तेरोद या अदुर मा दृषटी हाक्कोद लायक याऊ सकिदील. ⁵ ईदुर मा आ स्याणागोळ दा टु ऊंद नान से अंदुन, “वरलबाळ; नोळ, यहूदा अन्द गोत्र नव अद हुल्ल जो दाऊद उन मुल आद, आ कतिब इक तेरोद अदकि अदुरद येळु मोहरगोळ मुरोद साटी जयवन्त आग्याद.”

⁶ आग ना आ सहिसन अदकि नाकु प्राणीगोळ अदकि आ स्याणागोळ्द न्याड्या दा, मतलब ऊंद बली कोळ्द म्यांडा अन्द पाड्डा नीदुरकु नोळदीन. अदुर येळ गाँट्टा अदकि येळ कण्णगोळ ईरव; ईव परमेश्वर उन येळु आत्मागोळ हुव, जो सप्पा धरती मा कळुकु आग्याव. ⁷ आव बंदकु आऊन ऊम्मा कय देल जो सहिसन मा कुर्तकु ईरोन, आ कतिब हुळ्द कौडुन. ⁸ याग आव कतिब हुळ्द कौडुन, रा अव नाकु प्राणी अदकि ईपपतनाक इन ईपपतनाक स्याणा लॉकुर आ म्यांडा अन्द पाड्डा अन्द मुंद बदिोदुर. आंदुर दा टु हर ऊंद जन उन कय दा वीणा अदकि ऊदबत्ती, जो पवतिर लॉकुरद प्रार्थनागोळ हुव, देल तुमकु व्हानना नव कटोरा ईरव. ⁹ आंदुर ईद व्हाशोद हाळ हाळली कुरतुरे,

“नी ई कतिब इक हुडोद, अदकि ईदुरद मोहरगोळ

तेरोद लायक आय;

यतकी नी बली आगकु तान रक्ता देल

हर ऊंद कुल अदकि भाषा अदकि लॉकुर अदकि

जाती दा टु

परमेश्वर उन साटी लॉकुरी कोड्या, ¹⁰ अदकि आंदरी नाम परमेश्वर उन साटी ऊंद राज्य अदकि याजक माळ्द;

अदकि आंदुर धरती मा राज्य माळतार.”

¹¹ याग ना नोळदीन, रा आ सहिसन अदकि आ प्राणीगोळ अदकि आ स्याणागोळ नाकु दी हापाळ सा स्वर्गदूतगोळ्द शब्द केळदीन, यार गनिती लाखों अदकि करोळो अन्द ईरोद, ¹² अदकि आंदुर धोळ शब्द देल अनतोगोर,

“बली कोळ्द म्यांडा अन्द पाडडा अच

सामर्थ्य अदकि धन अदकि ग्यान अदकि ताकत अदकि आदर
अदकि महिमा अदकि धन्यवाद इन लायक आद!”

13 बाक ना स्वर्ग दा अदकि धरती मा अदकि धरती इन ल्यालमा अदकि समुद्र अन्द सप्पा
माळ्द वस्तुगोळी,

अदकि सप्पा येनारा जो अऊर दा आव, ईद अनतेला केळदीन,

“जो सहासन मा कुर्तकु आन आऊन अदकि म्यांडा अन्द पाडडा अन्द धन्यवाद
अदकि आदर अदकि महिमा अदकि राज्य हमेशा ईरूल!”

14 अदकि नाकु प्राणीगोळ आमीन अंदव, अदकि स्याणागोळ बांगकु दण्डवत माळदुर.

6

येळ मोहरगोळ्द तेरूकु आगोद

1 बाक ना नोळदीन की म्यांडा अन्द पाडडा आ येळ मोहरगोळ दा टु ऊंद मोहर इक तेरूत; अदकि
आ नाकु प्राणीगोळ दा टु ऊंद प्राणी इंद गर्जन घाई शब्द केळदीन, “बर!” 2 ना दृष्टी माळदीन,
अदकि नोळी, ऊंद बळी घ्वाळा आद, अदकि अदुर सवारी माळावाळा बाण हुडुकु आन; अदकि
आऊक ऊंद मुकुट कोटकु आत, अदकि आव जय जयकार माळ्द होट्टुन की मात्त यक्कुल जय
हासलि माळुल.

3 याग अद दुसरा मोहर तेरूत, रा ना दुसरा प्राणी इक ईद अनतेला केळदीन, “बर!” 4 बाक मात्त
ऊंद घ्वाळा होळ्द जो क्याचांद रंग इन ईरोद; अदुर सवारी माळावाळा अक ईद अधिकार कोटकु
आत की धरती मा टु मेल मलिाप नेग्द बुळ, ताकी लॉकुर आबुर दाबुर इक कोनुल; अदकि आऊक
ऊंद धोळ्द तलवार कोटकु आत.

5 याग अद तसिरा मोहर तेरूत, रा ना तसिरा प्राणी इक ईद अनतेला केळदीन, “बर!” ना दृष्टी
माळदीन, अदकि नोळी, ऊंद करीद घ्वाळा आद, अदकि अदुर सवारी माळावाळा अन्द कय दा
ऊंद तराजू आद; 6 अदकि ना आ नाकु प्राणीगोळ न्याड्या दा टु ऊंद शब्द ईद अनतेला केळदीन,
“दीनार इन सेर तीम गोदी, अदकि दीनार इन मुर सेर जऊस, लेकीन याण्णा अदकि अंगुर इन रास्सा
अन्द नुकसान माळबाळेतीर.”

7 याग अद चौथा मोहर तेरूत, रा ना चौथा प्राणी इन शब्द ईद अनतेला केळदीन, “बर!”
8 ना दृष्टी माळदीन, अदकि नोळी, ऊंद पविळा रंग घाई घ्वाळा आद; अदकि अदुर मा सवारी
माळावाळा अन्द हेसुर मृत्यु आद, अदकि अधोलोक आऊन हदि हदि आद; अदकि आंदरी धरती
इन ऊंद चौथाई भाग मा ईद अधिकार कोटकु आत की तलवार, अदकि अकाल, अदकि मरी, अदकि
धरती इन आळी दाकळव पशुगोळ द्वारा लॉकुरी कोंदबुळुल.

9 याग अद पाचवा मोहर तेरूत, रा ना वेदी इन ल्यालमा आंदुर जीवगोळी नोळदीन जो परमेश्वर
उन वचन इन कारण अदकि आ गवाही इन कारण जो आंदुर कोटीदुर बली येर्सकु आगीदव. 10 आंदुर
धोळ शब्द दा कारूकु अंदुर, “हे स्वामी, हे पवतिर अदकि सत्य; नी यागासताका न्याय माळ्या?
अदकि धरती मा ईरावाळेरे से नाम रक्ता अन बदला यागासताका ताकोड्या?” 11 आंदुर दा टु हर
ऊंद जन उक बळी फळक्या कोटकु आत, अदकि आंदुर से अंदकु आत की मात्त घळी तमि आराम
माळी, यागासताका की नीम संगी दास अदकि वार्टुर जो नीम घाई बली येर्सकु आगावाळेरे आर
आंदुर भी गनिती पुरा आगेगाल.

12 *याग अद सहावा मोहर तेरूत, रा ना नोळदीन की ऊंद धोळ्द भूकम्प आत, अदकि सुर्य
धुसा घाई करीद अदकि पुरा बेळदगि रक्ता अन घाई आगेत. 13 आकाश इन तारागोळ धरती मा
हगि बदिदव जसा धोळ्द आंधी देल आळगाळकु अंजीर इन मार्र मा टु कच्चा काय झळ्दसताव.

14 *आकाश हगि सरकुसेत जसा चट्टी गुंळसदुर देल सरकुसेगतद; अदकि हर ऊंद पहाळी,
अदकि टापू तान तान जागा मा टु सरकुसेदव. 15 आग धरती इन राजा, अदकि प्रधान, अदकि

सरदार, अदकि धनवान अदकि सामर्थी लॉकुर, अदकि हर ऊंद दास अदकि हर ऊंद स्वतंत्र पहाळीगोळद गुफागोळ दा अदकि चट्टानगोळ दा होगकु होचकोंडव, ¹⁶ *अदकि पहाळीगोळ अदकि चट्टानगोळ देल अनली हतदव, “नाम मा बळी; अदकि नामी आऊन बाय देल जो सहिसन मा कुरतकु आन, अदकि म्यांडा अन्द पाड्डा अन्द प्रकोप देल होचसकोम बुळी. ¹⁷ यतकी आंदुर प्रकोप इन भयानक दनि होट बंदाव, ईग याव ऊंजर सकतान?”

7

इस्त्राएल इन 1,44000 लॉकुर

¹ इदुर बाददा ना पृथ्वी इन नाकु क्वाना मा नाक स्वर्गदूत नीदुरकु नोळदीन. आंदुर पृथ्वी इन नाकु हवा अक रोक्सकु ईरोर ताकी पृथ्वी या समुद्र या यातोदु मार्र मा हवा नळु बाळुल. ² बाक ना मातत ऊंद स्वर्गदूत उक जतिता परमेश्वर उन मोहर हुडुकु पूर्व टु म्याकुच बरत नोळदीन; आव आ नाकु स्वर्गदूतगोळ देल यवरी पृथ्वी अदकि समुद्र अन्द नुकसान माळोद अधिकार कोटकु आगीत, धोळ शब्द देल कारूकु अंदुन, ³ “यागासताका नाव तान परमेश्वर उन दासगोळ ह्याणा मा मोहर हच कोमालेव, आगासताका पृथ्वी अदकि समुद्र अदकि मार्रगोळी नुकसान पोहचुस बाळेतीर.” ⁴ यार मा मोहर कोटकु आत ना आंदुर गनिती केळदीन, मतलब इस्त्राएल इन औलादगोळद सप्पा गोत्र दा टु ऊंद लाख चौवालीस हजार मा मोहर कोटकु आत: ⁵ यहूदा अन्द गोत्र दा टु हन्नेळ हजार मा मोहर कोटकु आत; रूबेने अन्द गोत्र दा टु हन्नेळ हजार मा, गाद इन गोत्र दा टु हन्नेळ हजार मा. ⁶ आशेर इन गोत्र दा टु हन्नेळ हजार मा, नप्ताली इन गोत्र दा टु हन्नेळ हजार मा, मनशशहि अन्द गोत्र दा टु हन्नेळ हजार मा, ⁷ शमौन उन गोत्र दा टु हन्नेळ हजार मा, लेवी इन गोत्र दा टु हन्नेळ हजार मा, इसाकार इन गोत्र दा टु हन्नेळ हजार मा, ⁸ जबूलून उन गोत्र दा टु हन्नेळ हजार मा, यूसुफ उन गोत्र दा टु हन्नेळ हजार मा, अदकि बन्यामीन उन गोत्र दा टु हन्नेळ हजार मा मोहर कोटकु आत.

ऊंद धोळद भीळ

⁹ इदुर बाददा ना नजर तरिगुसदनि, अदकि नोळी, हर ऊंद जाती अदकि कुल अदकि लॉकुर अदकि भाषा दा टु ऊंद हगि धोळद भीळ, यदरी याऊ आळु ईला सकोन, बळी फळक्या हाक्कु अदकि तान कयगोळ दा खजुर इन डगालगोळ हुडुकु सहिसन इन मुंद अदकि म्यांडा अन्द पाड्डा अन्द मुंद नदुरकु आद, ¹⁰ अदकि धोळद शब्द देल कारूकु अनतद, “उद्धार इन साटी नाम परमेश्वर उन, जो सहिसन मा कुरतकु आन, अदकि म्यांडा अन्द पाड्डा अन्द जय-जयकार आगुल!” ¹¹ अदकि सप्पा स्वर्गदूत आ सहिसन अदकि स्याणागोळ अदकि नाकु प्राणीगोळ नाकु दी नदुरकु आर; बाक आंदुर सहिसन इन मुंद बाय इन भार देल बदिदुर अदकि परमेश्वर उक दण्डवत माळकु अंदुर, ¹² “आमीन! नाम परमेश्वर उन स्तुति अदकि महिमा अदकि ग्यान अदकि धन्यवाद अदकि आदर अदकि सामर्थ्य अदकि ताकत हमेशा हमेशा बन्सकु ईरूल. आमीन!”

¹³ इदुर मा स्याणागोळ दा टु ऊंद नान से अंदुन, “ई बळी फळक्यागोळ हाक्कु यार उर? अदकि यल टु बंदार?”

¹⁴ *ना आंदुर से अंदीन, “हे स्वामी, नी अच जानसत्या.”

आव नान से अंदुन, “ईदुर आंदुर उर, जो आ महाक्लेश दा टु होटकु बंदार; इंदुर तान-तान फळक्या म्यांडा अन्द पाड्डा अन्द रक्ता दा तोळकु बळिवे माळ्यार. ¹⁵ ईदा कारण आंदुर परमेश्वर उन सहिसन इन मुंद आर, अदकि आऊन मंदिर दा ईळलक-हागुल आऊन स्यावा माळतार, अदकि जो सहिसन मा कुरतकु आन, आव आंदुर म्याकुच तान तम्बू तानस्यान. ¹⁶ आंदुर बाक उपासा अदकि नीरअळक देल ईरतीदील; अदकि ना आंदुर मा यागल्यारा बसिल बदिदीत. ¹⁷ यतकी म्यांडा अन्द पाड्डा जो सहिसन इन न्याड्या दा आद आंदुर जागनी माळीत, अदकि आंदरी जीवन रूपी नीर इन डोबन इन हात्ती ओतीत; अदकि परमेश्वर आंदुर कण्णगोळी बाक यागलु वरलगोळतदिलि.

8

सातवा मोहर अदकि व्हान्ना अनन्द ऊदबत्ती दान

1 “याग आव सातवा मोहर तेरदुन, रा स्वर्ग दा आर्धा घंटा ताका सन्नाटा आगेत. 2 आग ना आ येळु स्वर्गदूतगोळ इक नोळदीन जो परमेश्वर उन मुंद नदिरकु ईरतार, अदकि आंदरी येळ तुरहीगोळ कोटकु आत.”

3 बाक मात्त ऊंद स्वर्गदूत व्हान्नोद ऊदबत्ती दान हुडुकु बंदुन, अदकि वेदी इन हात्ती नदिरदुन; अदकि आऊक हापाळ ऊदबत्ती कोटकु आत क्क सप्पा पवतिर लॉकुर्द प्रार्थनागोळ सांगुळ व्हान्ना अनन्द आ वेदी मा, जो सहिसन इन मुंद आद येर्सुल. 4 आ ऊदबत्ती इन धुंगा पवतिर लॉकुर्द प्रार्थना सहति स्वर्गदूत उन कय दा टु परमेश्वर उन मुंद पोहचुसेत. 5 *आग स्वर्गदूत ऊदबत्ती दान हुडुकु अदुर दा वेदी इन बेक्की तुमदुन अदकि धरती मा हाक बुट्टुन; अदकि गर्जन अदकि शब्द अदकि बजिलीगोळ अदकि भूकम्प आगली कुरतव.

येळ तुरहीगोळ

6 आग आ येळु स्वर्गदूत यार हात्ती येळ तुरहीगोळ ईरव अवरी ऊरूली तयार आदुर.

7 पयला स्वर्गदूत तुरही ऊरदुन, अदकि रक्ता देल मलिसकु क्वांडागोळ अदकि बेक्की तयार आत, अदकि धरती मा हाककु आत; अदकि धरती इन ऊंद तहिाई भाग होत्तेत, अदकि मार्रगोळद ऊंद तहिाई भाग होत्तेत, अदकि सप्पा हविरा काडडा भी होत्तेत.

8 दुसरा स्वर्गदूत तुरही ऊरदुन, रा बेक्की घाई होत्तेतेला ऊंद धोळद पहाळी समुद्र दा हाककु आत; अदकि समुद्र अनन्द ऊंद तहिाई भाग रक्ता आगेत, 9 अदकि समुद्र अनन्द ऊंद तहिाई जीव सोतोदव, अदकि ऊंद तहिाई जहाज नाश आगेदव.

10 तसिरा स्वर्गदूत तुरही ऊरदुन, अदकि ऊंद धोळ तारा जो मशाल घाई होत्तेगोद स्वर्ग दा टु मूरत, अदकि गांगागोळद ऊंद तहिाई मा अदकि नीर इन डोबनगोळ मा बंदकु बत्तित. 11 आ तारा अनन्द हेसुर नागदौना आद; अदकि ऊंद तहिाई नीर नागदौना घाई केय आगेत, अदकि हापाळ सा मंळसागोळ आ नीर इन केय आगदुर देल सोतोदुर.

12 चौथा स्वर्गदूत तुरही ऊरदुन, अदकि सुर्य अनन्द ऊंद तहिाई भाग, अदकि बेळदगिया अनन्द ऊंद तहिाई अदकि तारागोळद ऊंद तहिाई भाग मा आपत्त बत्त, ईल ताका क्क अऊरद ऊंद तहिाई भाग अंधार आगेत अदकि दनि इन ऊंद तहिाई भाग दा ऊजुळ ईतीदील, अदकि हांगा ईळलक दा भी.

13 याग ना मात्त नोळदीन, रा आकाश इन न्याड्या दा गीधाळ इक ऊळुसतेला अदकि धोळ शब्द दा ईद अनतेला केळदीन, “आ मुर स्वर्गदूतगोळद तुरही इन शब्दगोळ कारण, यार्द ऊरोद ईगल्या मक्कि आद, धरती नोर ईरावाळेर मा हाय, हाय, हाय!”

9

1 याग पाचवा स्वर्गदूत तुरही ऊरदुन, रा ना स्वर्ग टु पृथ्वी मा ऊंद तारा बळितेला नोळदीन, अदकि अदरी अथाह अधोलोक इंद चावी कोटकु आत. 2 अद अथाह अधोलोक इक तेरूत, अदकि कुंड दा टु धोळद भट्टी घाई धुंगा येळत, अदकि कुंड इन धुंगा देल सुर्य अदकि वायु अंधारकाय आगेदव. 3 आ धुंगा दा टु पृथ्वी मा हत्तीफाफा होट्टव, अदकि अवरी पृथ्वी इन चेळगोळ घाई शक्ती कोटकु आत. 4 अऊर से अंदकु आत क्क ना पृथ्वी इन काडडा अक, ना यातोदारा हरयाली इक, ना यातोदारा मार्र इक नुकसान पोहचुसेत, सरिफ आ मंळसागोळी नुकसान पोहचुसेत यार ह्याणा मा परमेश्वर उन मोहर हॅलेच. 5 अवरी लॉकुरी कौद बुळोद रा ईला लेकीन अईद तगिळ ताका पीळा कोळोद अधिकार कोटकु आत: अदकि आंदुर पीळा हगि ईरोद ह्यांग चेळ उन डंक होळदुर देल मंळसा अक आगतद. 6 आ दनिगोळ दा मंळसागोळ मृत्यु उक दुंढस्यार अदकि आंदरी मृत्यु सकितीदील; अदकि सायोद लालसा माळ्यार, अदकि मृत्यु आंदुर से दुर ओळीत.

7 आ हत्तीफाफागोळद आकार लळाई इन साटी तयार माळद घ्वाळागोळ घाई ईरव, अदकि अऊर ताल्लागोळ मा व्हान्ना अनन्द मुकुट ईरव; अदकि अऊर मार्रगोळ मंळसागोळ घाई ईरव.

* 8:5 द:५ प्रकाशतिवाक्य ११:१९; १६:३८

8 अऊर चुटगोळ आरतेर चुटगोळ घाई अदकि हल्ल हल्ल इन हल्लगोळ घाई ईरव. 9 अव लोवा घाई झलिम हाक्कु ईरव; अदकि अऊर पक्कागोळ्द शब्द हगि ईरोद जसा रथ अदकि हापाळ सा घ्वाळागोळ्द जो लळाई दा ओळताव. 10 अऊर्द पुसटी चेळगोळ घाई ईरव अदकि अऊर दा डंक ईरव, अदकि अवरी अईद तगिळ ताका मंळसागोळी दुख पोहचुसोद जो शक्ति सिकीत, अद अऊर्द पुसटीगोळ दा ईरोद. 11 अथाह अधोलोक इन स्वर्गदूत अऊर मा राजा ईरोन; आऊन हेसुर इब्रानी दा अबद्दोन, अदकि यूनानी दा अपुल्लयोन आद.

12 पयला वपित्ती नष्ट आगेत, नोळी, ईग इदुर बाद्दा येढ्ढ परेशानीगोळ मात्त बरव आव.

13 याग सहावा स्वर्गदूत तुरही ऊरूदन रा व्हानना अनूद वेदी जो परमेश्वर उन मुंद आद अदुर गॉटगोळ दा टु ना हगि शब्द केळदीन, 14 मतलब यावारा सहावा स्वर्गदूत से, यार हात्ती तुरही ईरोद, अनेत्यान, “आ नाकु स्वर्गदूतगोळ इक जो धोळ गांगा फुरात इन हात्ती कटकु आर, खोल्स बुळ.” 15 आ नाकु स्वर्गदूत खोल्सकु आदुर जो आ समय, अदकि दनि, अदकि तगिळ, अदकि साल इन साटी मंळसागोळ्द ऊंद तहाई भाग इक कोंद बुळली तयार माळकु आगदुर. 16 अऊर्द फौज इन सवारगोळ्द गनिती ईपपत करोळ ईरोद; ना अऊर्द गनिती केळदीन. 17 नानी ई दर्शन दा घ्वाळागोळ अदकि अऊर्द हगि सवार काळसदुर यार झलिमगोळ बेक्की, अदकि धूम्रकान्त, अदकि गन्धक घाई ईरोद, अदकि आ घ्वाळागोळ्द ताल्ला हल्ल इन ताल्ला घाई ईरव; अदकि अऊर बाय दा टु बेक्की, धुंगा अदकि गन्धक होळतोगोद. 18 ई मूर महामारीगोळ्द मतलब बेक्की अदकि धुंगा अदकि गन्धक देल, जो अऊर बाय दा टु होळतोगोद मंळसागोळ्द ऊंद तहाई कोंदकु आत. 19 यतकी आ घ्वाळागोळ्द सामर्थ्य अऊर बाय अदकि पुसटीगोळ दा ईरोद; इदुरसाटी क अऊर पुसटीगोळ हावगोळ घाई ईरव, अदकि आ पुसटीगोळ्द ताल्ला भी ईरव अदकि ईऊर देला अव दुख पोहचुसतोगव.

20 मगिद मंळसागोळ जो आ मरी देल सायली ईरोर, तान कयगोळ्द क्याल्सा देल, मन तरिगुसदुर, क दुष्टआत्मागोळ्द, अदकि व्हानना अदकि बेळली अदकि पीतळा अदकि कल्ल अदकि हुळली इन मूर्तीगोळ्द पुजा माळबाळुल जो ना नोळ सकताव, ना केळ सकताव, ना नळु सकताव; 21 अदकि जो रक्ता, अदकि जादू टोना, अदकि व्यभिचार, अदकि काळलपनी आंदुर माळीदुर, अदुर देल मन तरिगुसदिलि.

10

स्वर्गदूत अदकि स्याळ्द कतिब

1 बाक ना मात्त ऊंद ताकतवर स्वर्गदूत उक आकाश होचत स्वर्ग टु ईळुत नोळदीन. आऊन ताल्ला मा मेघधनुष ईरोद. आऊन बाय सुर्य अनूद घाई अदकि आऊन कालगोळ बेक्की इन खंबा घाई ईरव. 2 आऊन कय दा ऊंद स्याळ्दतुसा कतिब तेरूकु ईरोद. आव तान ऊम्मा काल समुद्र मा अदकि डाक्या काल पृथ्वी मा ईटदुन, 3 अदकि हगि धोळ्द शब्द देल चलिळासदुन, ह्यांग हल्ल गरजुसतद; अदकि याग आव चलिळासदुन रा गर्जन इन सांगुळ शब्द केळ बंदव. 4 याग येळु गर्जन इनव शब्द केळकु आगेदव, रा ना लखिसदुर मा ईरीन, लेकीन ना स्वर्ग टु ईद शब्द केळदीन, “जो मातगोळ गर्जन इन आ येळ शब्दगोळ से केळ्या अवरी गुप्त ईट, अदकि लखिसबाळ.”

5 याता स्वर्गदूत उक ना समुद्र अदकि पृथ्वी मा नदिरुत नोळीदनि, आव तान ऊम्मा कय स्वर्ग दी नेगदुन, 6 अदकि जो हमेशा हमेशा जतिता आन, अदकि याव स्वर्ग इक अदकि जो येनारा अदुर दा आद, अदकि पृथ्वी इक अदकि जो येनारा अदुर दा आद, अदकि समुद्र अक अदकि जो येनारा अदुर दा आद सजुसकु, अऊर्दा करिया तनिकु अंदुन, “ईग रा मात्त समय आगतीदील. 7 बल्की सातवा स्वर्गदूत उन तुरही ऊरदुर मा जो आगव आव शब्द इन दनिगोळ दा परमेश्वर उन गुप्त मनोरथ आ खुशखबरी इन अनुसार जो आव तान दास भवषियवक्तागोळी कोटदुन, पुरा आदीत.”

8 याता शब्द अक ना स्वर्ग टु माताळ्द केळीदीन, अद मात्त नान सांगुळ मात हेळली कुरत, “होग, जो स्वर्गदूत समुद्र अदकि पृथ्वी मा नदिरुकु आन, आऊन कय दाकळोद अद कतिब हुडु कोम जो तेरकु आद.”

9 ना स्वर्गदूत उन हात्ती होगकु अंदीन, “ईद स्यांळ्द कतिब नानी कोळ.” आव नान से अंदुन, “हुडु, इदरी तनि कोम; ईद नीन व्हाट्टा केय रा माळीत, लेकीन नीन बाय दा सयद घाई सय हत्तीत.”

10 अतः ना अद स्यांळ्द कतिब आ स्वर्गदूत उन कय दा टु हुडुकु तदि बुटीन. अद नान बाय दा सयद घाई सय रा हत, लेकीन याग ना अदरी नुंग बुटीन, रा नान व्हाट्टा केयजोर आगेत. 11 आग नान से ईद अंदकु आत, “नीनी हापाळ सा लॉकुर, अदकि जातीगोळ, अदकि भाषागोळ अदकि राजागोळ्द बारा दा मात्त भवषियवाणी माळोद बदिदीत.”

11

येढ्द गवाह

1 बाक नानी आळोर साटी ऊंद सरकंडा कोटकु आत, अदकि यारारा अंदुर, “येळ, परमेश्वर उन मंदिर अदकि वेदी, अदकि अदुर दा उपासना माळावाळे इक आळ्द कोम. 2 *लेकीन मंदिर इन व्हाण्या अनंद आंगुळ बटि बुळ; अदरी आळुबाळ यतकी अद गैरयहूदी इक कोटकु आग्याद, अदकि आंदुर पवतिर नगर इक ब्यालीस दनि ताका काल दशी मेट्ट्यार. 3 ना तान येढ्द गवाहगोळी ईद अधकार कोळाईन का टाट होदुकु ऊंद हजार येढ्द सौ साठ दनि ताका भवषियवाणी माळुल.

4 “ईव अवा जैतुन इन येढ्द मारर अदकि येढ्द दगिया ईटव जागा हुव, जो पृथ्वी इन प्रभु उन मुंद नदिरकु ईतार. 5 अगर यावारा आंदरी नुकसान पोहचुसोद चाहासतान, रा आंदुर बाय दा टु बेक्की होटकु आंदुर दुश्मनगोळी भसम माळतद; अदकि अगर यावारा आंदरी नुकसान पोहचुसोद चाहासयान, रा जरूर ईत्ता रीत दिेल कोनसुसकु आदान. 6 आंदरी अधकार आद का आकाश इक बंद माळुल, का आदुरद भवषियवाणी इन दनिगोळ दा सयद बरसुसबाळुल; अदकि आंदरी सप्पा नीरनळी मा अधकार आद का अदरी रक्ता माळुल, अदकि याग याग चाहास्यार आग आग पृथ्वी मा हर प्रकार इंद वपित्ती तरूल.”

7 *याग आंदुरद गवाही कोटकु आगेदीत, रा अद पशु जो अथाह अधोलोक दा टु होट्टीत, आंदुर से लळाई माळकु अवरी जीतुसति अदकि आंदरी कोद बुट्टीत. 8 आंदुर लाश आ धोळ्द नगर इन चौक दा बदिकु ईत्ताव, यदरी आत्मकि रूप देल सदोम अदकि मसित्तर अंदकु आगतद, यल आंदुर प्रभु भी कूस मा येसकु आगदिन. 9 सप्पा लॉकुर अदकि कुलगोळ अदकि भाषागोळ अदकि जातीगोळ्द लॉकुर आंदुर मुरदागोळी इक साढे मुर दनि ताका नोळतेला ईत्तार, अदकि आंदुर मुरदागोळ इक कबर दा ईट कोळतीदील. 10 धरती मा ईरावाळे आंदुर सोत्तुर देल खुश अदकि मग्न आदार, अदकि आबुर दाबुर हात्ती भेंट कळ्यार, यतकी ई दनिगोळ दा भवषियवक्तागोळ धरती मा ईरावाळे इक सतुस्यार. 11 लेकीन साढे मुर दनि इन बाददा परमेश्वर उन दी टु जीवन इन श्वास आंदुर दा होक्त, अदकि आंदुर तान कालगोळ ताकत देल नदिरेदुर, अदकि आंदुर नोळावाळे मा धोळ्द अंजुक तुममेत. 12 आग आंदरी स्वर्ग टु ऊंद धोळ्द शब्द केळ बत्त, “ईल म्याकुच बरी!” ईद केळकु आंदुर बादल मा सवार आगकु तान दुश्मनगोळ नोळतेला अच स्वर्ग मा येरेदुर. 13 *बाक आ घळी ऊंद धोळ्द भूकम्प आत, अदकि नगर इन दहावा भाग बदिदीत; अदकि आ भूकम्प देल येळ हजार मंळसागोळ सोतोदुर, अदकि बाकी नोर जो ऊळ्दकु ईरोर आंदुर अंजेदुर अदकि स्वर्ग इन परमेश्वर उन महिमा माळली कुरतुर.

14 दुसरा परेशानी बतिसेत; नोळी, तसिरा परेशानी जल्दी बरावाळा आद.

सातवा दूत उन द्वारा तुरही ऊरकु आत

15 याग सातवा स्वर्गदूत तुरही ऊरदुन, रा स्वर्ग दा ई बारा दा धोड्डेव-धोड्डेव शब्द आगली कुरतव: “दुनिया अन राज्य नामव प्रभु उन अदकि आऊन मसीह अनंद आगेत, अदकि आव हमेशा हमेशा राज्य माळयान.” 16 आग चौबीसा स्याणा लॉकुर जो परमेश्वर उन मुंद तान तान सहासन मा कुरतकु ईरोर, बाय इन भार देल बदिकु परमेश्वर उक प्रणाम माळकु 17 ईद अनली कुरतुर, “हे सर्वशक्तमान प्रभु परमेश्वर, जो आन अदकि जो ईरोन,

नाव नीन धन्यवाद माळतेव की नी तान धोळ्द सामर्थ्य
इक क्योल्सा दा तनकु राज्य माळया.

18 अन्य जातीगोळ सट्टि दा तुमकु ईरोर,

लेकीन नीद प्रकोप बंदकु बतित,

अदकि अद समय बंदाद की जो सोत्तुर आंदुरद न्याय माळकु आगुल,

अदकि नीनोर दास परमेश्वर उन बातणी केळसावाळेर

अदकि पवतिर लॉकुरी अदकि आ स्याण धोड्डेर इक जो नीद हेसुर देल अंजतार
बदलुसकु आगुल,

अदकि पृथ्वी इक बगिळुसा वाळेर इक नष्ट माळकु आगुल.”

19 ✨आग परमेश्वर उन जो मंदिर स्वर्ग दा आद अद तेरकु आत, अदकि आऊन मंदिर दा आऊंदा
वाचा अनूद संदुक काळसत; अदकि बजिलीगोळ अदकि शब्द अदकि गर्जन अदकि भूकम्प आदव
अदकि धोड्डेव ओला बदिदव.

12

आर्त अदकि अजगर

1 बाक स्वर्ग दा ऊंद धोळ्द चनिह काळसत, मतलब ऊंद आर्त जो सुर्य होदुकु ईरोर, अदकि
बेळदगि आकनि काल दशी ईरोद, अदकि आकनि ताल्ला मा हननेळ तारागोळ्द मुकुट ईरोद.

2 आक व्हाट्या दी आदुर, अदकि कटिरोर, यतकी आक प्रसव इन दुख दा ईरोर.

3 ऊंद अदकि चनिह स्वर्ग दा काळसत; अदकि नोळी, ऊंद धोळ्द क्याचांद अजगर ईरोद, अदरी
येळ ताल्ला अदकि हतत गॉट्टा ईरव, अदकि अदुरद ताल्ला मा येळ राजमुकुट ईरव. 4 अदुर पुसटी
आकाश इन तारा अनूद ऊंद तहिई इक जेडुकु पृथ्वी मा हाक कोम्त. अद अजगर येनारा ईरोर आ
आर्त इन मुंद ईरोद, नदिरुत की याग आक चगिद हाळदार रा आ चगिद उक नुंग कोमुल. 5 आक
पार हाळदुर जो लोवा अनूद छळी इक ताकोमकु सप्पा जातीगोळ मा राज्य अनूद साटी बंदीदुन,
अदकि आव पार एकाएक परमेश्वर उन हात्ती अदकि आऊन सहिसन इन हात्ती नेगुकु पोहचुसकु
आदुन; 6 अदकि आ आर्त आ आळी दा ओळतेला होदुर यल परमेश्वर उन दी टु आकनि साटी ऊंद
जागा तयार माळकु आगीत की अल आक ऊंद हजार येढ्ढ सौ साठ दिन ताका सालकु आगुल.

7 ✨बाक स्वर्ग दा लळाई आत, मीकाईल अदकि आऊन स्वर्गदूत अजगर इन सांगुळ लळाई
माळली होट्टुर; अदकि अजगर अदकि अदुर दूत आऊन सांगुळ लळुसदव. 8 लेकीन प्रबल
आगीदील, अदकि स्वर्ग दा आंदुर साटी बाक जागा ईतीदील. 9 ✨आग अद धोळ्द अजगर, मतलब
अदा हाळोद हाव जो इब्लीस अदकि शैतान कहलुसतद अदकि पुरा दुनिया अक भरमुसावाळा हुन,
पृथ्वी मा केळसुसकु आत, अदकि अदुर दूत अदुर सांगुळ केळसुसकु आदव. 10 बाक ना स्वर्ग टु
ईद धोळ्द शब्द बरतेला केळदीन,

“ईग नाम परमेश्वर उन उद्धार अदकि सामर्थ्य

अदकि राज्य

अदकि आऊन मसीह अनूद अधिकार प्रगट आग्याद,

यतकी नाम वार्दुर मा दोष हचावाळा,

जो ईळ्लक हागुल नाम परमेश्वर उन मुंद

आंदुर मा दोष हचतोगोन केळसुसकु आदुन.”

11 “आंदुर म्यांडा अनूद पाड्डा अन कारण

अदकि तान गवाही इन वचन इन कारण

आऊन मा जयवन्त आदुर,

अदकि आंदुर तान जीव इक प्रयि जानसीदलि,

ईल ताका की मृत्यु भी सहन माळ कोडुर.”

12 “ई कारण हे स्वर्गगोळा अदकि अदुरदा ईरावाळेर,

✨ 11:19 ११:१९ प्रकाशतिवाक्य ८:५; १६:१८; प्रकाशतिवाक्य १६:२१

✨ 12:7 १२:७ यहूदा १:९

✨ 12:9 १२:९ लूका

मग्न ईरी; हे पृथ्वी, अदकि समुद्र, नीम मा हाय!
यतकी शैतान बळा सट्टि इन सांगुळ नीम हात्ती ईळुकु बंदुन,
यतकी जानसत्या कथिवाळासा अच समय अदकि बाकी आद.”

13 याग अजगर नोळत कथि ना पृथ्वी मा केडुकु आगेदीन, रा आ आर्त इक जो पार हाळीदुर, सतुसत. 14 लेकीन आ आर्त इक धोळ गीधाळ इन येढ्ढ पक्का कोटकु आगीदव कथि हाव उन मुंद टु ऊळुसकु आळी दा आ जागा दा होटोगुल, यल अद ऊंद समय अदकि समयगोळ, अदकि आर्धा समय ताका पालसकु आगुल. 15 अदकि हाव आ आर्त इन हदि तान बाय देल गांगा अनंद घाई नीर वाहुसत कथि आकी ई गांगा देल वाहुस बुळुल. 16 लेकीन पृथ्वी आ आर्त इन सहायता माळत, अदकि तान बाय खोल्सकु आ गांगा अक जो अजगर तान बाय देल वाहुसीदुन कळुत. 17 आग अजगर आर्त मा गुस्सा आतत, अदकि आकनि बाकी नव चकिोर देल, जो परमेश्वर उन आग्यागोळ इक मानसोर अदकि यीशु उन गवाही कोळदुर मा स्थरि आर, लळाई माळली होतत. 18 अदकि अद समुद्र अनंद धुळा मा हागकु नीदुरकु ईतत.

13

येढ्ढ पशु

1 आग ना ऊंद पशु उक समुद्र दा टु होळत नोळदीन, यदुरद हत्त गॉट्टा अदकि येळ ताल्ला ईरव. अदुर गॉट्टागोळ मा हत्त राजमुकुट अदकि अदुर ताल्लागोळ मा परमेश्वर उन ननिदा नव हेसुर लखिसकु ईरव. 2 जो पशु ना नोळदीन अद चतिता अनंद घाई ईरोद; अदकि अदुर कालगोळ भालू घाई, अदकि बाय हुलली इन घाई ईरोद. अद अजगर तान सामर्थ्य अदकि तान सहिसन अदकि धोळद अधिकार अदरी कोट बुळत. 3 ना अऊरद ताल्लागोळ दा टु ऊंद मा हगि भयंकर घाव हतकु नोळदीन कथि हगि हतुल कथि अद सायदुर मा आद, बाक अदुरद प्राणघातक घाव वळलीद आगेत, अदकि सप्पा धरती इन लाँकुर आ पशु उन हदि-हदि अचम्भा माळतेला नळदुर. 4 लाँकुर अजगर इन पुजा माळदुर, यतकी अद पशु उक तान अधिकार कोट बुटीत, अदकि ईद अनकु पशु उन पुजा माळदुर, “ई पशु उन घाई याव आन? याव ईदुर से लळाई माळ सकतान?”

5 बळा बोल माताळली अदकि अपमान माळोर साटी अदरी ऊंद बाय कोटकु आग्याद, अदकि अदरी ब्यालीस तगिळ ताका क्याल्सा माळोद अधिकार कोटकु आग्याद. 6 आव परमेश्वर उन अपमान माळोर साटी बाय तेरदुन कथि आऊन हेसुर अदकि आऊन तम्बू मतलब स्वर्ग इन ईरावाळेर इन अपमान माळुल. 7 आऊक ईद भी अधिकार कोटकु आग्याद कथि पवतिर लाँकुर सांगुळ लळाई माळुल अदकि आंदुर मा जय सकिल, अदकि आऊक हर ऊंद कुल अदकि लाँकुर अदकि भाषा अदकि जाती मा अधिकार कोटकु आग्याद. 8 धरती मा ईरावाळेर आंदुर सप्पा, यार हेसुर आ म्यांडा अनंद पाडडा अनंद जीवन इन कतिाव दा लखिसकु आगीदील जो दुनया अन उत्पत्ती इन समय टु घात आग्याद, आ पशु उन पुजा माळ्यार.

9 यार कवि आव आव केळुल. 10 यारी कौद दा बळोद आद, आव कौद दा बदिदान; जो तलवार देल कौदान, जरूरी आद कथि आव तलवार देल कौदकु आदान. पवतिर लाँकुरद धीरज अदकि वशिवास ईदुर दा आद.

11 बाक ना ऊंद अदकि पशु उक पृथ्वी दा टु होळतेला नोळदिनि, अदुरद म्यांडा अनंद पाडडा अनंद घाई येढ्ढ गॉट्टा ईरव, अदकि अद अजगर इन घाई माताळोद. 12 अद आ पयला पशु उन पुरा अधिकार अदुर मुंद क्याल्सा दा तरोद; अदकि पृथ्वी अदकि अदुरद ईरावाळेर देल आ पयला पशु उन, यदुरद जीव घातक घाव वळलीद आगेगीत, पुजा माळसुसोद. 13 अद धोळ-धोळ चनिह तोरसोन, ईल ताका कथि मंळसागोळद मुंद स्वर्ग टु पृथ्वी मा बेक्की बरसुस बुळोन. 14 आ चनिहगोळद कारण, यारी आ पशु उन मुंद तोरसोद अधिकार अदरी कोटकु आगीत, अद पृथ्वी इन ईरावाळेर इक भरमुसोद अदकि पृथ्वी इन ईरावाळेर देल अनोद कथि या पशु उक तलवार हतीत अद जतिता आग्याद, अदुरद मूर्त्ति माळी. 15 अदरी आ पशु उन मूर्त्ति दा जीव हाक्कोद अधिकार कोटकु आग्याद कथि पशु उन मूर्त्ति माताळली हतुल, अदकि यास लाँकुर आ पशु उन मूर्त्ति इन पुजा

माळतीदील, आंदरी कोन्सुस बुळुल. 16 आव स्यांळ्द-धोळ, धनी-कंगाल, स्वतंत्र-दास सप्पा मुंदुर ऊम्मा कय दी या आंदुर मस्तक मा ऊंद ऊंद छाप माळ बुट्टुन, 17 का अदरी बटिकु याऊन मा छाप मतलब आ पशु उन हेसुर या अदुर हेसुर इन अंक ईरूल, दुसरा यावारा लेन-देन माळ ईला सकुल.

18 ग्यान ईदुर दा आद: यारी बुद्धी आद आव ई पशु उन अंक जोळ्स कोमुल, यतकी अद मंळसा अनूद अंक हुन, अदकि अदुर अंक आर सौ छैसठ आद.

14

मेमना अदकि अदुर लॉकुर

1 *बाक ना नजर माळदीन, अदकि नोळी, आ म्यांडा अनूद पाड्डा सय्योन पहाळ मा नीदुरकु आद, अदकि अदुर सांगुळ ऊंद लाख चौवालीस हजार मुंदुर आर, यार हयाणा मा आऊन अदकि आऊन आप्प उन हेसुर लखिसकु आद. 2 अदकि स्वर्ग टु नानी ऊंद हगि शब्द केळ बत्त जो नीर इन हापाळ धारागोळ अदकि बळा गर्जन इन शब्द ईरोद, अदकि जो शब्द ना केळदीन अद हगि ईरोद मान्सी वीणा मुरसावाळेर वीणा मुरसेत्यार. 3 आंदुर सहिसन इन मुंद अदकि नाकु पुराणीगोळ अदकि स्याणागोळ्द मुंद ऊंद व्हाशोद हाळ हाळोर. आ ऊंद लाख चौवालीस हजार लॉकुरी बटिकु, जो पृथ्वी मा टु कोंडकु आगीदुर, यारू आ हाळ इक कलु ईला सकोर. 4 इंदुर आंदुर उर जो आर्तेर सांगुळ अशुध्द आगीदील, पर कुवारा आर; इंदुर आंदुरा उर का येल्यारा म्यांडा अनूद पाड्डा होगतद, अऊर आऊन हदि आगोगतार; इंदुर रा परमेश्वर उन नमित्तित पयला फल आगोर साटी मंळसागोळ दा टु कोंडकु आग्यार. 5 आंदुर बाय दा टु यागलु ख्वाटा मात होतीदलि, आंदुर नरिदोष आर.

मुर स्वर्गदूत

6 बाक ना ऊंद अदकि स्वर्गदूत उक आकाश इन न्याड्या दा उळुसतेला नोळदीन, यार हात्ती पृथ्वी माकळोर ईरावाळेरुद हर ऊंद जाती, अदकि कुल, अदकि भाषा, अदकि लॉकुरी केळसोर साटी अननूत खुशखबरी ईरव. 7 स्वर्गदूत धोळ शब्द देल अंदुन, “परमेश्वर से अंजी, अदकि आऊन महिमा माळी, यतकी आऊन न्याय माळोद समय होट बंदाद; अदकि आऊन भजन माळी, याव स्वर्ग अदकि पृथ्वी अदकि समुदर अदकि नीर इन झरना माळ्यान.”

8 *बाक इदुर बाददा ऊंद मात्त, दुसरा, स्वर्गदूत ईद अनतेला बंदुन, “बत्तित, आ धोळ बेबीलोन बत्तित, यार तान व्यभचार इन कोपमय सारा पुरा जातीगोळी इक कूळसयाद.”

9 बाक इंदुर बाददा ऊंद मात्त, तीसरा, स्वर्गदूत धोळ शब्द देल ईद अनतेला बंदुन, “जो यावारा आ पशु अदकि अदुरद मूर्त्ति इन पुजा माळुल, अदकि तान हयाणा या तान कय मा अदुरद छाप ताकोमुल 10 अद परमेश्वर उन प्रकोप इन नरी सारा, जो आऊन सट्टि इन कटोरा दा हाक्कु आग्याद, कूळदान अदकि पवतिर स्वर्गदूतगोळ्द मुंद अदकि म्यांडा अनूद पाड्डा अनूद मुंद बेक्की अदकि गन्धक इन पीळा दा बदिदान. 11 आदुरद पीळा अनूद धुंगा हमेशा हमेशा येळतेला ईत्तीत, अदकि जो आ पशु अदकि अदुरद मूर्त्ति इन पुजा माळतार, अदकि जो अदुर हेसुर इन छाप ताकोमतार, आंदरी ईळ्लक हागुल चैन सकितीदील.”

12 पवतिर लॉकुरद धीरज इदुर दा आद, जो परमेश्वर उन आग्यागोळ इक मानसतार अदकि यीशु मा वशिवास ईटतार.

13 बाक ना स्वर्ग टु ईद शब्द केळदीन, “कलिखिस: जो मुरदा प्रभु दा सायतान, आंदुर ईग टु धन्य आर.”

आत्मा अनतद, “हव, यतकी आंदुर तान पुरा मेहनत देल आराम ताकोंडार, अदकि आंदुर कार्य आंदुर सांगुळ ईत्ताव.”

कटाई

14 ना दृष्टी माळदीन, अदकि नोळी, नान मुंद ऊंद बळीद ढग आद, अदकि आ ढग मा मंळसा अन पार उन घाई यावारा कुर्तकु आन, आऊन ताल्ला मा व्हान्ना अनूद मुकुट अदकि कय दा

पन्यार कुळगुल आद. ¹⁵ बाक ऊंद अदकि स्वर्गदूत मंदरि दा टु होटकु आऊन से, जो ढग मा कुर्तकु ईरोन, धोळ शब्द देल कारूकु अंदुन, “तान कुळगुल हचकु कटाई माळ, यतकी कटाई इन समय होट बंदान, इदुरसाटी की पृथ्वी इन केई इन फसल हण्ण आगेग्याद.” ¹⁶ इदुरसाटी जो ढग मा कुर्तकु ईरोन आव पृथ्वी मा तान कुळगुल हचदुन, अदकि पृथ्वी इन केई इन कटाई माळदुन.

¹⁷ बाक ऊंद अदकि स्वर्गदूत आ मंदरि दा टु होटदुन जो स्वर्ग दा आन, अदकि आऊन हात्ती भी पन्यार कुळगुल ईरोद.

¹⁸ बाक ऊंद अदकि स्वर्गदूत, यारी बेक्की मा अधिकार ईरोद, वेदी दा टु होटदुन, अदकि यार हात्ती पन्यार कुळगुल ईरोद आऊन से धोळ शब्द देल अंदुन, “तान पन्यार कुळगुल हचकु पृथ्वी इन अंगुर इन केई इन काय इन गुच्छा कडुकोम, यतकी अद अंगुर इन काय हण्ण आगेग्याद.”

¹⁹ आग आ स्वर्गदूत पृथ्वी मा तान कुळगुल हचदुन अदकि पृथ्वी इन अंगुर इन गुच्छा अन्द काय कडुकु तान परमेश्वर उन प्रकोप इन धोळ रसकुण्ड दा हाक्क बुट्टुन; ²⁰ अदकि नगर इन व्हार्या आ रसकुण्ड दा अंगुर मेटकु आदव, अदकि रसकुण्ड दा टु ईट रक्ता होळ्त्त की घ्वाळा अन्द लगामगोळ ताका पहुचुस्त, अदकि मुर सौ कलिमीटर ताका वाहुसेत.

15

आखरी परेशानीगोळ सांगुळ स्वर्गदूत

¹ बाक ना स्वर्ग दा ऊंद अदकि धोळ अदकि अदभुत चनिह नोळदीन, मतलब येळ स्वर्गदूत यार हात्ती येळु आखरी परेशानीगोळ ईरव, यतकी अदुर खतम आगदुर मा परमेश्वर उन प्रकोप इन अनन्त आद.

² आग ना बेक्की दा मलिसकु काँच इन घाई ऊंद समुद्र नोळदीन; अदकि जो लॉकुर आ पशु मा अदकि अदुर मूर्ति मा अदकि अदुर हेसुर इन अंक मा जयवन्त आगीदुर, आंदरी आ काँच इन समुद्र अन्द हात्ती परमेश्वर उन वीणागोळ इक हुळकु नीदुरकु नोळदुर. ³ आंदुर परमेश्वर उन दास मूसा अन्द हाळ, अदकि म्यांडा अन्द पाड्डा अन्द हाळ, हाळ हाळकु अनतोगोर,

“हे सर्वशक्तमान प्रभु परमेश्वर,
नीन कार्य महान अदकि अदभुत आव;

हे युगयुग इन राजा,
नीन चाल वळ्लीद अदकि खरा आद.”

⁴ “हे प्रभु, याव नीन से अंजतीदील
अदकि नीन हेसुर इन महिमा माळतीदील?
यतकी सरिफ नी आबना अच पवतिर आय.

पुरा द्याश इन लॉकुर बंदकु
नीन मुंद दण्डवत माळ्यार,
यतकी नीन न्याय इन क्याल्सा प्रगट आगेग्याव.”

⁵ इदुर बाददा ना नोळदीन की स्वर्ग दा गवाही इन तम्बू उन मंदरि खोल्सकु आगेग्याद; ⁶ अदकि आंदुर येळु स्वर्गदूत यार हात्ती येळु परेशानीगोळ ईरव, मलमल इन शुद्ध अदकि चमकदार कपळा हाक्कु अदकि याददा मा व्हान्ना अन्द पट्टागोळ कटकु मंदरि टु होटदुर. ⁷ आग आ नाकु प्राणीगोळ दा टु ऊंद आ येळ स्वर्गदूतगोळी परमेश्वर, जो हमेशा हमेशा जित्ता आन, आऊन प्रकोप देल तुमकु व्हान्ना अन्द येळ कटोरा कोट्टुर; ⁸ अदकि परमेश्वर उन महिमा अदकि आऊन सामर्थ्य अन कारण मंदरि धुंगा देल तुम्मेत, अदकि यागासताका आ येळु स्वर्गदूतगोळ्द येळु परेशानीगोळ खतम आगीदील आगासताका याऊ मंदरि दा होग सकदील.

16

परमेश्वर उन प्रकोप इन येळ कटोरा

1 बाक ना मंदरि दा यारीकारा ऊँचा शब्द देल आ येळु स्वरगदूतगोळ देल ईद अनतेला केळदनि, “होगी, परमेश्वर उन प्रकोप इन येळु कटोरागोळ इक पृथ्वी मा पलटुस बुळी.”

2 इदुरसाटी पयले स्वरगदूत होगकु तान कटोरा पृथ्वी मा पलटुस बुट्टुन. आग आ मंळसागोळद, यार मा पशु उन छाप ईरव अदकि जो अदुरद मूर्तति इन पुजा माळोर, ऊंद प्रकार इन बुरा अदकि दुखदाई फ्वाळा होळत.

3 दुसरा स्वरगदूत तान कटोरा समुद्र मा उलटुस बुट्टुन, अदकि आव सोतकु मंळसा अनूद रक्ता घाई बनसेदुन, अदकि समुद्र दाकळव हर ऊंद जीवधारी सोतोदव.

4 तीसरा स्वरगदूत तान कटोरा गांगागोळ अदकि नीर इन झरनागोळ मा पलटुस बुट्टुन, अदकि आंदुर रक्ता बनसदुर. 5 आग ना नीर इन स्वरगदूत उक ईद अनतेला केळदीन, “हे पवतिर, जो आद अदकि जो ईरोद, नी न्यायी आय अदकि नी ईद न्याय माळद. 6 यतकी आंदुर पवतिर लॉकुर अदकि भवषियवक्तागोळद रक्ता वाहुसीदुर, अदकि नी आंदरी रक्ता कुळसद; यतकी आंदुर ईदा योग्य आर.” 7 बाक ना वेदी टु ईद शब्द केळदीन, “हव, हे सर्वशक्तमिान प्रभु परमेश्वर, नीन नरिणय वळ्लीद अदकि खरा आद.”

8 चौथा स्वरगदूत तान कटोरा सुर्य मा उलटुस बुट्टुन, अदकि आऊक मंळसागोळ इक बेक्की देल झुलसुसोद अधिकार कोटक आत. 9 मंळसा हापाळ बसिल देल झुलसुसदुर, अदकि परमेश्वर उन हेसुर इन यारी ई परेशानीगोळ मा अधिकार आद, अपमान माळदुन लेकीन आऊन महमिा माळोर साटी मन तरिगुसदील. आऊन महानता अनूद प्रशंसा माळतार.

10 पाचवा स्वरगदूत तान कटोरा आ पशु उन सहिसन मा पलटुस बुट्टुन, अदकि आऊन राज्य मा अंधार छासेत. लॉकुर दुख इन मारा तान तान ल्यालग्या कचली हतदुर, 11 अदकि तान पीळागोळ अदकि फ्वाळागोळद कारण स्वरग इन परमेश्वर उन अपमान माळदुर; लेकीन तान तान क्यालसागोळ देल मन तरिगुसदील.

12 सहावा स्वरगदूत तान कटोरा महागांगा फुरात मा पलटुस बुट्टुन, अदकि अदुरद नीर वंळगेत कि पूर्व दशा अनूद राजागोळद साटी हादी तयार आगोगुल. 13 बाक ना आ अजगर इन बाय देल, अदकि आ पशु उन बाय देल अदकि आ खवाटा भवषियवक्ता अनूद बाय देल मुर अशुध्द आत्मागोळ इक भ्याबकागोळद रूप दा होळतेला नोळदनि. 14 ईव चनिह तोरसावाळेर दुष्टआत्मागोळ हुव, जो पुरा दुनयिा अन राजागोळद हात्ती होटकु इदुरसाटी होगताव कि आंदरी सर्वशक्तमिान परमेश्वर उन आ धोळ दनि इन लळाई इन साटी जमा माळुल.

15 *नोळ, ना काळल उन घाई बरतीन; धन्य आव आन जो जागसुतेला ईरतान, अदकि तान कपळागोळद सावधानी माळतान कि ऊगळा वयाळबाळुल, अदकि लॉकुर आऊन ऊगळापन नोळबाळुल.”

16 अदकि आंदुर आंदरी आ जागा दा जमा माळदुर जो इब्रानी दा हर-मगदिन कहलुसतद.

17 सातवा स्वरगदूत तान कटोरा हवा मा उलटुसदुन, अदकि मंदरि इन सहिसन टु ईद धोळ शब्द आत, “आगोग्याद!” 18 *बाक बजिलीगोळ चमकुसदव, अदकि शब्द अदकि गर्जन आत, अदकि ऊंद हगि धोळ भूकम्प बत्त कियगी टु मंळसा अनूद उत्पत्ति पृथ्वी मा आत, आगी टु हगि धोळ भूकम्प यागलु बंददील. 19 इदुर देल आ धोळ नगर इन मुर तुकळा आगेदव, अदकि गैर यहूदीगोळव नगर बदिदव; अदकि धोळ बेबीलोन इन याद परमेश्वर उन अल आत कि आव तान सट्टि इन जलजलाहट इन सारा आऊक कुळसुल. 20 *अदकि हर ऊंद टापू तान जागा टु टलुसेत, अदकि पहाळगोळद पता हतीदील. 21 *आकाश टु मंळसागोळ मा मन-मन तुमकु धोळ गारगोटी बदिदव, अदकि इदुरसाटी कि ईद वपित्ती हापाळ अच भारी ईरोद, लॉकुर गारगोटी इन वपित्ती इन कारण परमेश्वर उन अपमान माळदुर.

17

धोळ वेश्या

* 16:15 १६:१५ मत्ती २४:४३,४४; लूका १२:३९,४०; प्रकाशतिवाक्य ३:३ * 16:18 १६:१८ प्रकाशतिवाक्य ८:५; ११:३३,१९

* 16:20 १६:२० प्रकाशतिवाक्य ६:१४ * 16:21 १६:२१ प्रकाशतिवाक्य ११:१९

1 या येळ स्वर्गदूतगोळ्द हात्ती अव येळ कटोरा ईरव, आंदुर दा टु ऊंद बंदकु नान से ईद अंदुन, “ईल बर, ना नीनी आ धोळ वेश्या अनूद दण्ड तोरसाईन, जो हापाळ सा नीर मा कुरतकु आर, 2 यार सांगुळ पृथ्वी इन राजागोळ व्यभचार माळदुर; अदकि पृथ्वी इन ईरावाळेर आऊन व्यभचार इन सारा देल मतवाला आगेगीदुर.”

3 ☆आग आव नानी आत्मा दा आळी दी ओतुन, अदकि ना क्याचांद पशु मा, जो अपमान इन हेसुरगोळ देल तुमकु ईरोद अदकि यार येळ ताल्ला अदकि हत्त गॉट्टा ईरव, ऊंद आरत इक कुरतकु नोळदनि. 4 ई आरत जाभळा रंग इन अदकि क्याचांद रंग इन कपळा हाक्कु ईरोर, अदकि वहानना अदकि कमिती मणगोळ अदकि मोतगोळ देल सजुस्कु ईरोर, अदकि आकनि कय दा ऊंद वहानना अनूद कटोरा ईरोद जो बेकार वस्तुगोळ देल अदकि आकनि व्यभचार इन अशुधद वस्तुगोळ देल तुमकु ईरोद. 5 आकनि हयाणा मा ई हेसुर लखिसकु ईरोद, “भेद-धोळ बेबीलोन पृथ्वी इन वेश्यागोळ अदकि बेकार वस्तुगोळ्द मोय.” 6 ना आ आरत इक पवतिर लॉकुरद रक्ता अदकि यीशु उन गवाहगोळ्द रक्ता कुळदुर देल मतवाला नोळदीन;

आकी नोळकु ना चकति आगेदीन. 7 आग आ स्वर्गदूत नान से अंदुन, “नी येती चकति आद? ना ई आरत अदकि आ पशु उक, यदुर मा आक सवार आर अदकि यार येळ ताल्ला अदकि हत्त गॉट्टा आव, नीनी भेद हेळतीन.

8 ☆“जो पशु नी नोळया, अद पयला रा ईरोद पर ईग ईल्लच, अदकि अथाह अधोलोक दा टु होटकु वनिश दा बदिदीत; अदकि पृथ्वी इन ईरावाळेर यार हेसुर दुनिया अन उत्पत्त इन समय टु जीवन इन कतिब दा लखिसकु आगीदील, ई पशु उन ईद दशा नोळकु कर् पयला ईरोद अदकि ईग ईल्लच अदकि बाक होट बंदीत, अचम्भा माळ्यार. 9 आ बुद्धी इन साटी यारदा ग्यान आद, ईदा मवका आद: अव येळु ताल्ला येळ पहाळ हुव यार मा आ आरत कुरतकु आर. आंदुर येळ राजा भी उर. 10 अव येळ राजा भी हुव, अईद रा आगेग्याव, अदकि ऊंद ईग आन, अदकि ऊंद ईग ताका बरली आन, अदकि याग बंदान रा येनारा समय ताका अदुरद ईरोद भी जरूरी आद. 11 जो पशु पयला ईरोन, अदकि ईग ईल्लच, आव खुद आठवा हुन अदकि आ येळु दा टु पैदा आदुन, अदकि वनिश दा बदिदान. 12 जो हत्त गॉट्टा नी नोळ्द अव हत्त राजा हुव यारी ईग ताका राज्य सक्कीदील, पर आ पशु उन सांगुळ घळी तीमोर साटी राजागोळ घाई अधिकार सक्कीत. 13 ईव सप्पा ऊंद मन आदार, अदकि अव तान तान सामर्थ्य अदकि अधिकार आ पशु उक कोट्टार. 14 अव मेमनागोळ देल लळाई माळ्याव, अदकि म्यांडा अनूद पाड्डा अऊर मा जय पाऊस्याव, यतकी आव प्रभुगोळ प्रभु अदकि राजागोळ राजा हुव, अदकि जो कारूकु आग्याव अदकि नविळुस्कु आग्याव अदकि वशिवासी आव अव आऊन सांगुळ आव; आंदुर भी जय पाऊस्याव.”

15 बाक आव नान से अंदुन, “जो नीर नी नोळ्द, यदुर मा वेश्या कुरतकु आर, आंदुर रा लॉकुर अदकि भीळ अदकि जातीगोळ अदकि भाषागोळ हुव. 16 जो हत्त गॉट्टा नी नोळ्द, अव अदकि पशु आ वेश्या देल दुश्मनी ईट्याव, अदकि आकी लाचार अदकि नंगा माळ बुट्टाव, अदकि आकनि मास तीन बुट्टाव, अदकि आकी बेक्की दा होताक बुट्टाव. 17 यतकी परमेश्वर आंदुर मन दा ईद हाक्यान कर् आंदुर आऊन मनसा पुरा माळुल, अदकि यागासताका परमेश्वर उन वचन पुरा आगाल्द आगासताका ऊंद मन आगकु तान तान राज्य पशु उक कोटबुळी. 18 आ आरत, यारी नी नोळ्द, अद धोळ नगर हुन जो पृथ्वी इन राजागोळ मा राज्य माळतद.”

18

बेबीलोन इन पतन

1 इदुर बाददा ना ऊंद स्वर्गदूत उक स्वर्ग टु ईळुतेला नोळदीन, यारी धोळ अधिकार प्राप्त ईरोद; अदकि पृथ्वी आऊन तेज देल चमकुसकु येळत. 2 ☆आव धोळ शब्द देल कारूकु अंदुन, “बदिदोत, धोळ बेबीलोन बदिदोत! अद दुष्टआत्मागोळ्द नवास, अदकि हर ऊंद अशुधद आत्मा अनूद हड्डा, अदकि हर ऊंद अशुधद अदकि बेकार पक्षी इन हड्डा आगेत. 3 यतकी आऊन

व्यभचार इन भयानक सारा अनन्द कारण सब जातीगोळ बदिव, अदकि पृथ्वी इन राजागोळ आऊन सांगुळ व्यभचार माळदुर, अदकि पृथ्वी इन व्यापारी आऊन सुख-वलिास इन बहुतायत इन कारण धनवान आदुर.”

4 बाक ना स्वर्ग टु ऊंद अदकि शब्द केळदीन, “हे नान लॉकुरा, आऊन दा टु होटबुळी कनिीव आऊन पापगोळ दा भागी आगबाळी, अदकि आऊन वत्तिगोळ दा टु याऊ नीम मा बरबाळुल. 5 यतकी आऊन पापगोळ्द ढेर स्वर्ग ताका पहुचुसेत, अदकि आऊन अपराध परमेश्वर उक याद होट बंदाव. 6 ह्यांग आव नीमी कोट्टुन हांग अच आऊक कोळी, अदकि आऊन क्याल्सागोळ्द अनुसार आऊक येढ्ढ गुणा ज्यादा कोळी; या कटोरा दा आव तुमकु कोटीदुन अदुर दा आऊन साटी येढ्ढ गुणा तुमकु कोळी.” 7 याट आव तान बळाई माळदुन अदकि सुखवलिास माळदुन, आट आऊक दुख अदकि शोक कोळी; यतकी अद तान मन दा अनतद, “ना रानी आगकु कुरतीन, रांड्यागीत ईला; अदकि शोक दा यागलु बळितीदील.” 8 ई कारण ऊंद अच दनि दा आकी मा परेशानीगोळ होट बंदाव, मतलब सायोद, अदकि शोक, अदकि अकाल, अदकि आक बेक्की दा भसम माळकु आदार, यतकी आकनि न्यायी प्रभु परमेश्वर शक्तमिान आन.

9 “पृथ्वी इन राजा यार आऊन सांगुळ व्यभचार अदकि सुख-वलिास माळदुन, याग आऊन होत्तोद धुंगा नोळ्यार, रा आऊन साटी वर्लेयार अदकि याददा पीटस्यार.” 10 आऊन पीळा अनन्द अंज्क इन मारा आंदुर बळा दुर नीदुरकु अंदार, “हे धोळ नगर, बेबीलोन! हे मजबूत नगर, हाय! हाय! घळीतीम दा अच नीनी दण्ड सकिग्याद.”

11 “पृथ्वी इन व्यापारी आऊन साटी वर्लेयार अदकि कलपुस्यार, यतकी ईग याऊ आंदुर माल कोम सकालुन; 12 मतलब व्हानना, बेळली, रत्न, मोती, अदकि मलमल, अदकि जांभळा, रेशमी, अदकि क्याचांद रंग इन कपळा, अदकि हर प्रकार इन सुगन्धति हुळ्ली अदकि हत्ती इन हल्ल इन हर प्रकार इन वस्तुगोळ, अदकि कमिती काठ अदकि पीतळा अदकि लोवा अदकि संगमरमर इन सब प्रकार इन वस्तुगोळ, 13 अदकि ब्याळा चाकरा, मसाला, धूप, अत्तर, लुबान, सारा, जैतुन इन याणणा, मैदा, गोदी, गोसी-वस्ता, म्यांडा-आळगोळ, घ्वाळा रथ, अदकि दास, अदकि मंळसागोळ्द जीव. 14 ईग नीन मन भाऊसावाळा काय नीन हात्ती टु होगतेला ईत्तव, अदकि स्वादष्टि अदकि भळकीला वस्तुगोळ नीन से दुर आगेग्याव, अदकि अव बाक यागलु सकितीदील.” 15 ई वस्तुगोळ व्यापारी जो आऊन द्वारा धनवान आगीदुर, आऊन पीळा अनन्द अंज्क इन मारा दुर नीदुरकु ईत्तार, अदकि वर्लतेला अदकि कलपुस्तेला अंदार, 16 “हाय! हाय! ईद धोळ नगर जो मलमल, अदकि जांभळा रंग इन अदकि क्याचांद रंग इन कपळा हाक्कु ईरोन, अदकि व्हानना अदकि रत्नगोळ अदकि मोतगोळ देल सजुस्कु ईरोन; 17 घळीतीम दा अच आऊन हगि भारी धन नाश आगेत.” हर ऊंद माँझी अदकि यात्री अदकि मल्लाह, अदकि याट समुद्र टु कमुसतार, सब दुर नीदुरदुर, 18 अदकि आऊन होत्तोद धुंगा नोळकु कारूक अंदार, “यातोद नगर ई धोळ नगर इन घाई आद?” 19 अदकि तान तान ताल्लागोळ मा धुळा हाक्यार, अदकि वर्लतेला अदकि कलपुस्तेला चलिास चळिलासकु अंदार, “हाय! हाय! ईद धोळ नगर यदुर्द सम्पत्ती इन द्वारा समुद्र अनन्द सब जहाजवाळेर धनी आगेगीदुर, घळीतीम दा अच ऊजळुसत.”

20 हे स्वर्ग, अदकि हे पवतिर लॉकुरा, अदकि प्रेरतिगोळा, भवषियवक्तागोळ, आऊन मा आनन्द माळी, यतकी परमेश्वर न्याय माळकु आऊन से नीमद बदला ताकोडुन!

21 बाक ऊंद बलवान स्वर्गदूत बळा चक्की इन पट्टा अनन्द घाई ऊंद कल्ल नेगदुन, अदकि ईद अनकु समुद्र दा भीट बुट्टुन, धोळ नगर बेबीलोन हगि अच धोळ ताकत देल केडुकु आदीत, अदकि बाक यागलु अदुर पता हततदील. 22 वीणा मुरसावाळेर, अदकि गायकगोळा, अदकि कोळल मुरसावाळेरा, अदकि तुरही ऊयावाळेरद शब्द बाक यागलु नीन दा केळ बरतीदील; अदकि यावारा उद्घम उन यावारा कारीगर भी बाक यागलु नीन दा मलिसतीदील; अदकि जाता अनन्द नळोद आवाज बाक यागलु नीन दा केळ बरतीदील; 23 अदकि दगिया अनन्द ऊजुळ बाक यागलु नीन दा चमकुसतीदील, अदकि मंळगार अदकि मंळगीत इन शब्द बाक यागलु नीन दा केळ बरतीदील; यतकी नीन व्यापारी पृथ्वी इन प्रधान ईरोर, अदकि नीन टोना देल सब जातीगोळ भरमुसकु आगीदव.

24 भवषियवक्तागोळ अदकि पवतिर लॉकुर, अदकि पृथ्वी मा सब घात माळकु आदुर आंदुरद रक्ता आऊन दा सकियाद.

19

1 इदुर बाददा ना स्वर्ग दा मान्सी धोळ भीळ इक ऊँचा शब्द देल ईद अनतेला केळदीन, “हल्लल्लिय्याह! उद्धार अदकि महमा अदकि सामर्थ्य नाम्द परमेश्वर उन अच हुन. 2 यतकी आऊन नरिणय खरा अदकि ठीक आव. आव आ धोळ वेश्या अन्द, जो तान व्यभचार देल पृथ्वी इक भ्रष्ट माळोर, न्याय माळदुन अदकि आकनि से तान दासगोळ्द रक्ता अन बदला ताकोडुन.” 3 बाक दुसरा बार आंदुर अंदुर, “हल्लल्लिय्याह! आऊन होत्तोद धुंगा हमेशा हमेशा येळतेला ईत्तीत.” 4 आग चोवीस स्याणागोळ अदकि नाक प्राणीगोळ बदिक् परमेश्वर उक प्रणाम माळदुर, जो सहिसन मा कुर्तकु ईरोन, अदकि अंदुन, “आमीन! हल्लल्लिय्याह!”

मेमना अन्द मदा

5 आग सहिसन दा टु ऊँद शब्द होळ्त्त, “हे नामव परमेश्वर देल सब अंजावाळेर दासगोळा, येन स्याणेव, येन धोड्डेव; नीव सब आऊन स्तुर्ता माळी.” 6 बाक ना धोळ भीळ इन घाई अदकि हापाळ नीर इन घाई शब्द, अदकि गर्जन इन घाई धोळ शब्द केळदीन: “हल्लल्लिय्याह! यतकी प्रभु नाम्द परमेश्वर सर्वशक्तमिान राज्य माळतान. 7 बरी, नाव आनन्दति अदकि मग्न आगाता, अदकि आऊन स्तुर्ता माळाता, यतकी म्यांडा अन्द पाड्डा अन्द मदा होट बंदाद, अदकि आऊन मंळगीत तान तान इक तयार माळ कोंडुर. 8 आऊक शुद्ध अदकि चमकदार महीन मलमल हाककोद अधिकार कोटकु आग्याद.” यतकी आ साफ मलमल इन मतलब पवतिर लॉकुरद न्याय इन कयाल्सा आद.

9 *आग स्वर्गदूत नान से अंदुन, “ईद लखिस की धन्य आंदुर आर, जो म्यांडा अन्द पाड्डा अन्द मदा अन्द भोज दा कारूकु आग्यार.” बाक आव नान से अंदुन, “ई वचन परमेश्वर उन सत्य वचन हुन.”

10 आग ना आऊक प्रणाम माळोर साटी आऊन कालगोळ मा बदिदीन. आव नान से अंदुन, “नोळ, हगि माळबाळ, ना अपमान अदकि नीन वार्दुरगोळ्द संगी दास हुईन जो यीशु उन गवाही कोळदुर मा स्थरि आन. परमेश्वर उक अच प्रणाम माळ.” यतकी यीशु उन गवाही भवषियवाणी इन आत्मा हुन.

बळिद घ्वाळा मा कुरावाळा

11 बाक ना स्वर्ग इक तेरूकु नोळदीन, अदकि नोळतीन की ऊँद बळिद घ्वाळा आद; अदकि अदुर मा ऊँद सवार आन, जो वशिवासयोग्य अदकि सत्य कहलुस्तान; अदकि आव न्याय इन सांगुळ न्याय अदकि लळाई माळतान. 12 आऊन कण्णगोळ बेक्की इन ज्वाला आव, अदकि आऊन ताल्ला मा हापाळ सा राजमुकुट आव. आऊन मा ऊँद हेसुर लखिसकु आद, यारी आऊक बटिकु अदकि याऊ जान्सालुन. 13 आव रक्ता सपिसकु कपळा हाक्कु आन, अदकि आऊन हेसुर परमेश्वर उन वचन हुन. 14 स्वर्ग इन सेना बळिद घ्वाळागोळ मा सवार अदकि बळिद अदकि शुद्ध मलमल कपळा हाक्कु आऊन हदि हदि आर. 15 *जाती जाती इक बडोर साटी आऊन बाय देल ऊँद तेज धार इन तलवार होळतद. आव लोवा अन्द छळी हुळकु आंदुर मा राज्य माळ्यान, अदकि सर्वशक्तमिान परमेश्वर उन भयानक प्रकोप इन जलजलाहट इन सारा अन्द कुंड दा अंगुर मेट्यान. 16 आऊन कपळा अदकि जांध मा ईद हेसुर लखिसकु आद: “राजागोळ राजा अदकि प्रभुगोळ प्रभु.”

17 बाक ना ऊँद स्वर्गदूत उक सुर्य मा नीदुरकु नोळदीन. आव धोळ शब्द देल कारूकु आकाश इन न्याड्या दा टु ऊळुसावाळेर सब पक्षीगोळ देल अंदुन, “बरी, परमेश्वर उन धोळ भोज इन साटी जमा आगेगी, 18 यदुर देल नीव राजागोळ्द मास, अदकि सरदारगोळ्द मास, अदकि शक्तमिान गंळसगोळ्द मास, अदकि घ्वाळागोळ्द अदकि अऊर मा सवार आगतार आंदुर मास, अदकि येन स्वतंत्र येन दास, येन स्याणेव येन धोड्डेव, सब लॉकुरद मास तनी.”

19 बाक ना आ पशु, अदकि पृथ्वी इन राजागोळ इक अदकि आंदुर सेनागोळ इक आ घ्वाळा अनंद सवार अदकि आऊन सेना से लळाई माळोर साटी जमा नोळदीन. 20 *अद पशु, अदकि अदुर सांगुळ आव ख्वाटा भवषियवक्ता हुळकु आदुन याव आऊन मुंद हगि चनिह तोरसीदुन यदुर द्वारा आव आंदरी भरमुसदुन यदुर मा आ पशु उन छाप ईरोद अदकि जो अदुर मूर्ति इन पुजा माळतोगोर. ईव येदुदु जतिता जीव आ बेक्की इन झील दा, जो गन्धक देल होततद, हाक्कु आदुर. 21 बाकी नोर लॉकुर आ घ्वाळा अनंद सवार इन तलवार देल, जो अदुर बाय देल होळतोगोद, कोंदकु आदुर; अदकि सब पक्षी आंदुर मास देल संतुष्ट आगेदुर.

20

हजार वर्ष इन राज्य

1 बाक ना ऊंद स्वर्गदूत उक स्वर्ग टु ईळुतेला नोळदीन, याऊन कय दा अथाह-अधोलोक इन कुंजी अदकि ऊंद धोळ शंकली ईरोद. 2 आव आ अजगर, मतलब हाळोद हाव इक, जो इब्लीस अदकि शैतान आन, हुडुकु हजार वर्ष इन साटी कट बुट्टुन, 3 अदकि अदरी अथाह-अधोलोक दा हाक्कु बंद माळ बुट्टुन अदकि अदुर मा मोहर हच बुट्टुन क्ति अद हजार वर्ष इन पुरा आगासताका गैर यहूदी लॉकुरी बाक भरमुस बाळुल. इदुर बाददा जरूरी आद क्ति अद घळी तीम साटी बाक खोलसकु आगुल.

4 बाक ना सहिसन नोळदीन, अदकि अऊर मा लॉकुर कुरतुर, अदकि आंदरी न्याय माळोद अधकार कोटकु आत. ना आंदुर आत्मागोळ इक भी नोळदीन, यार ताल्ला यीशु उन गवाही कोळोद अदकि परमेश्वर उन वचन इन कारण कडुकु आगीदव, अदकि यार ना आ पशु उन, अदकि ना अदुर मूर्ति इन पुजा माळीदुर, अदकि ना अदुर छाप तान ह्याणा अदकि कयगोळ मा ताकोडीदुर. आंदुर जतिता आगकु मसीह अनंद सांगुळ हजार वर्ष ताका राज्य माळतेला ईरूल. 5 यागासताका ईव हजार वर्ष पुरा आगीदील आगासताका बाकी नोर सोतकु मंळसा जतिता आगीदील. ईद रा पयला पुनरूथान हुन. 6 धन्य अदकि पवतिर आव आन, जो ई पयला पुनरूथान इन भागी आर. हगिरु मा दुसरा मृत्यु उन यातोदु अधकार हैलेच, पर आंदुर परमेश्वर अदकि मसीह अनंद याजक आदार अदकि आऊन सांगुळ हजार साल ताका राज्य माळ्यार.

शैतान उन वनिश

7 याग हजार साल पुरा आगेदव रा शैतान कैद टु बळिसुसकु आगेदान. 8 अद आ जातीगोळी जो धरती इन नाकु दी ईत्तीत, मतलब गोग अदकि मागोग इक यऊरद गनिती समुद्र अनंद गागरा अनंद बराबर ईत्तीत, भरमुसकु लळाई इन साटी जमा माळली होट्टीत. 9 अव सप्पा धरती मा फैलुसकु पवतिर लॉकुरद छावनी अदकि प्रथि नगर इक घेरस बुट्टाव; अदकि बेक्की स्वर्ग टु ईळुकु आंदरी भसम माळीत. 10 आंदुरद भरमुसावाळा शैतान बेक्की अदकि गन्धक इन आ झील दा, यदुर दा आ पशु अदकि ख्वाटा भवषियवक्ता भी ईत्तान, हाकसुसकु आदार; अदकि आंदुर ईळ्लक हागुल हमेशा हमेशा दुख दा तळपुळस्त ईत्तार.

आखरी न्याय

11 बाक ना ऊंद धोळ बळीद सहिसन अदकि आऊक, जो अदुर मा कुरतकु आन, नोळदीन; आऊन मुंद टु पृथ्वी अदकि आकाश ओळेदव, अदकि आंदुर साटी जागा सकिदील. 12 बाक ना स्याणेर धोडंडेर सब सोतकु मंळसागोळ इक सहिसन इन मुंद नीदुरकु नोळदीन, अदकि कतिबगोळ खोलसकु आदव; अदकि बाक ऊंद मात्त कतिब खोलसकु आत, मतलब जीवन इन कतिब; अदकि ह्यांग आ कतिबगोळ दा लखिसकु ईरोद, हांग अच आंदुर कयाल्सागोळद अनुसार सोतकु मंळसागोळद न्याय माळकु आत. 13 समुद्र आ सोतकु मंळसागोळ इक जो अदुर दा ईरव कोट बुळत, अदकि मृत्यु अदकि अधोलोक आ सोतकु मंळसागोळ इक जो अदुर दा ईरव कोट बुळत; अदकि आंदुर दा टु हर ऊंद मंळसा अक आंदुर कयाल्सागोळ अनंद अनुसार आंदुर न्याय माळकु आत. 14 मृत्यु अदकि अधोलोक बेक्की इन झील दा हाक्कु आदव. ईद बेक्की इन झील दुसरा

मृत्यु हुन; ¹⁵ अदकि यारदारा हेसुर जीवन इन कतिब दा लखिसकु सकितीदील, आव बेक्की इन झील दा हाक्कु आदुन.

21

व्हाशोद आकाश अदकि व्हाशोद पृथ्वी

¹ *बाक ना व्हाशोद आकाश अदकि व्हाशोद पृथ्वी इक नोळदीन, यतकी पयला आकाश अदकि पयला पृथ्वी होगतेला ईरोद, अदकि समुद्र भी ईतीदील. ² *बाक ना पवतिर नगर व्हाशोद यरूशलेम इक स्वर्ग टु परमेश्वर उन हात्ती टु ईळुतेला नोळदीन. अद आ मंळगीत इन घाई ईरोद जो तान गांडड उन साटी सगार माळकु आर. ³ बाक ना सहिसन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळ्द न्याड्या दा आद. आव आंदुर सांगुळ ड्यारा माळ्यान, अदकि आंदुर आऊन लॉकुर आदार, अदकि परमेश्वर खुद आंदुर सांगुळ ईततान अदकि आंदुर परमेश्वर आदान. ⁴ आव आंदुर कण्णगोळ देल सप्पा नीर सट्टि कौडान; अदकि इदुर बाद्दा मृत्यु ईला ईत्तीत, अदकि न शोक, न वलिाप, न पीळा ईत्तीत; पयला मातगोळ होगतेला ईत्तव.”

⁵ जो सहिसन मा कुरतकु ईरोन, आव अंदुन, “नोळ, ना सब येनारा व्हाशोद माळकु कोळतीन.” बाक आव अंदुन, “लखिस कोम, यतकी ईव वचन वशिवास इन योग्य अदकि सत्य आव.” ⁶ बाक आव नान से अंदुन, “ईव मातगोळ पुरा आगेग्याव. ना अल्फा अदकि ओमेगा, पयला अदकि आखरी हुईन. ना प्यासा अक जीवन इन नीर इन झरना दा टु फुकट दा कुडोद अधिकार कोळाईन. ⁷ जो वजिय आदान आवा ई वस्तुगोळ्द वारीस आदान, अदकि ना आऊन परमेश्वर आगाईन अदकि आव नान पार आदान. ⁸ लेकीन डरपोकगोळा, अदकि अवशिवासीगोळा, अदकि नीच हरकत माळावाळेरा, अदकि हत्या माळावाळेरा अदकि व्यभिचारीगोळा, अदकि जादू टोना माळावाळेरा, अदकि मूर्ति इन पुजा माळावाळेरा, अदकि सब खाटा मातगोळ्द भाग आ झील दा सक्कीत जो बेक्की अदकि गन्धक देल होततेला ईरतद: ईद दुसरा मृत्यु हुन.”

व्हाशोद यरूशलेम

⁹ बाक आ येळ स्वर्गदूतगोळ हात्ती येळ आखरी परेशानी देल तुमकु येळ कटोरागोळ ईरव, आंदुर दा टु ऊंद नान हात्ती बंदुन, अदकि नान सांगुळ मातगोळ माळकु अंदुन, “ईल बर, ना नीनी मंळगीत मतलब म्यांडा अन्द पाड्डा अन्द हगिस तोरसाईन.” ¹⁰ आग आव नानी आत्मा दा ऊंद धोळ अदकि ऊँचा पहाळ मा ओतुन, अदकि पवतिर नगर यरूशलेम इक स्वर्ग टु परमेश्वर उन हात्ती टु ईळुतेला तोरसदुन. ¹¹ परमेश्वर उन महमा आंदुरदा ईरोद, अदकि आऊन ज्योर्ता हापाळ अच कमिती कल्ल, मतलब बलिलौर इन घाई यशब उन घाई स्वच्छ ईरोद. ¹² आऊन दविर शयरपनाह धोळ ऊँचा ईरोद, अदकि आऊन हन्नेळ फाटक अदकि फाटकगोळ मा हन्नेळ स्वर्गदूत ईरोर; अदकि आ फाटकगोळ मा इस्त्राएलीगोळ्द हन्नेळ गोत्रगोळ्द हेसुर लखिसकु ईरव. ¹³ पूर्व दशिा अन दी मुर फाटक, उत्तर दशिा अन दी मुर फाटक, दक्षणि दशिा अन दी मुर फाटक, अदकि पश्चमि दशिा अन दी मुर फाटक ईरव. ¹⁴ नगर इन दविर इन शयरपनाह अन्द हन्नेळ नीवगोळ ईरव, अदकि अदुर मा म्यांडा अन्द पाड्डा अन्द हन्नेळ प्रेरतिगोळ्द हन्नेळ हेसुर लखिसकु ईरव. ¹⁵ जो नान सांगुळ मातगोळ माळोन आऊन हात्ती नगर अदकि आऊन फाटकगोळ अदकि आऊन शयरपनाह अक आळोर साटी ऊंद व्हान्ना अन्द गज ईरोद. ¹⁶ अद नगर वर्गाकार बसुसकु ईरोद अदकि अदुरद लंबाई, चौळाई इन बराबर ईरोद; अदकि आव आ गज देल नगर इक आळदुन, रा सादे येळ सौ कोस इन होळत: अदुरद लंबाई अदकि चौळाई अदकि ऊँचाई बराबर ईरोद. ¹⁷ आव आऊन शयरपनाह अक मंळसा अन्द मतलब स्वर्गदूत उन नाप देल आळदुन, रा ऊंद सौ चौवालीस कय होळत. ¹⁸ आऊन शयरपनाह यशब इन बन्सकु ईरोद, अदकि नगर हगि शुद्ध व्हान्ना अन्द ईरोद जो स्वच्छ काँच इन घाई ईरूल. ¹⁹ आ नगर इन नीवगोळ हर प्रकार इन कमिती कल्लगोळ देल सवारसकु ईरोद; पयला पायवा यशब देल, दुसरा नीलमणी

देल, तीसरा लालळी देल, चौथा मरकत देल, 20 पाचवा गोमेदक देल, सहावा माणकिय देल, सातवा पीतमणी देल, आठवा पेरोज देल, नववा पुखराज देल, दसवा लहसनएि देल, ग्यारवा धूम्रकान्त देल, अदकि बारवा चन्द्रकाँत मणी देल बन्सकु ईरोद. 21 हन्नेळु फाटक हन्नेळ मोतीगोळ्द ईरव; ऊंद ऊंद फाटक ऊंद ऊंद मोती इन माळकु ईरोद. नगर इन सळक स्वच्छ काँच इन घाई शुद्ध व्हानना अनंद ईरोद.

22 ना अदुरदा यातोदु मंदरि नोळीदील, यतकी सर्वशक्तमिान प्रभु परमेश्वर अदकि म्यांडा अनंद पाड्डा अदुरद मंदरि आद. 23 आ नगर दा सुर्य अदकि चंद्रमा अनंद ऊजुळ इन जरवत हैलेच, यतकी परमेश्वर उन तेज देल अदुरदा ऊजुळ आगेत्याद, अदकि म्यांडा अनंद पाड्डा आऊन दगिया हुन. 24 जाती-जाती इन लॉकुर आऊन ज्योतीदा नळुकु वयाळ्यार, अदकि पृथ्वी इन राजा तान तान तेज इन सामाईन अदुर दा तंदार. 25 आऊन फाटक हागुल इक यागलु बंद आगतीदील, अदकि ईळलक अल आगतीदील. 26 लॉकुर जाती जाती इन तेज अदकि वैभव इन सामाईन अदुर दा तंदार. 27 लेकीन अदुरदा यातोदु अपवतिर वस्तु या बेकार कयालसा माळावाळा, या ख्वाटा माततगोळ गढुसावाळा यातोदु रीती देल प्रवेश माळ सकालुन, पर सरिफ आ लॉकुर यार हेसुर म्यांडा अनंद पाड्डा अनंद जीवन इन कतिाब दा लखिसकु आव.

22

1 बाक आव नानी बलिलौर इन घाई झलकुसतेला, जीवन इन नीर इन गांगा तोरसदुन, जो परमेश्वर अदकि म्यांडा अनंद पाड्डा अनंद सहासन टु होटकु 2 आ नगर इन सळक इन न्याड्या वाहुसोद. गांगा अन ईपाटी अदकि आप्पाटी जीवन इन मारर ईरोद; अदुरदा हन्नेळ प्रकार इन काय हत्तव, अदकि अदरी हर तगिळ काय हत्तव; अदकि आ मारर इन याल्लागोळ देल गैर यहूदी लॉकुर चंगा आगतोगोर.

3 बाक श्राप आगतीदील, अदकि परमेश्वर अदकि म्यांडा अनंद पाड्डा अनंद सहासन आ नगर दा ईत्तीत अदकि आऊन दास आऊन स्यावा माळ्यार. 4 आंदुर आऊन बाय नोळ्यार, अदकि आऊन हेसुर आंदुर ह्याणागोळ मा लखिसकु ईत्तीत. 5 बाक ईळलक आगतीदील, अदकि आंदरी दगिया अदकि सुर्य अनंद ऊजुळ इन जरवत बळितीदील, यतकी प्रभु परमेश्वर आंदरी ऊजुळ कोट्टान, अदकि आंदुर हमेशा हमेशा राज्य माळ्यार.

यीशु उन दुबारा बरोद

6 बाक आव नान से अंदुन, “ईव मातगोळ वशिवास इन योग्य अदकि सही आव. प्रभु, जो भवषियवक्तागोळ आत्मागोळ्द परमेश्वर हुन, तान स्वर्गदूत उक इदुरसाटी कळुदुन कतिान दासगोळी अव मातगोळ, यदुर राटनेरी पुरा आगोद जरूरी आद, तोरस्यार.”

7 “नोळ, ना राटनेरी बरावाळा आईन! धन्य आन आव, जो ई कतिाब इन भवषियवाणी इन मातगोळ मान्सतान.”

8 ना आवा यूहन्ना हुईन, जो ईव मातगोळ केळीन अदकि नोळतोगीन. याग ना केळदीन अदकि नोळदीन, रा जो स्वर्गदूत नानी ईव मातगोळ तोरसतोगीन, ना आऊन कालगोळ मा प्रणाम माळोर साटी बदिदीन. 9 लेकीन आव नान से अंदुन, “नोळ, हगि माळबाळ; यतकी ना नीन, अदकि नीन वार्ट भवषियवक्तागोळ, अदकि ई कतिाब इन मातगोळ इक मान्सावाळेर्द संगी दास हुईन. परमेश्वर उक अच प्रणाम माळ.” 10 बाक आव नान से अंदुन, ई कतिाब इन भवषियवाणी इन मातगोळी बंद माळबाळ; यतकी समय हात्ती आद. 11 जो अन्याय माळतान, आव अन्याय अच माळतेला ईरूल; अदकि जो मलनि आन, आव मलनि बन्सकु ईरूल; अदकि जो न्यायी आन, आव न्यायी बन्सकु ईरूल; अदकि जो पवतिर आन; आव पवतिर बन्सकु ईरूल.

12 “नोळ, ना राटनेरी बरावाळा आईन; अदकि हर ऊंद मळसा अनंद कयालसा अनंद अनुसार मोहबदला कोळोर साटी प्रतफिल नान हात्ती आद. 13 *ना अल्फा अदकि ओमेगा, पयला अदकि आखरी, पयले टु अदकि अन्त हुईन.

14 “धन्य आंदुर आर, जो तान कपळा ओगु कोमतार, यतकी आंदरी जीवन इन मार्र इन हात्ती बरोद अधिकार सकीत, अदकि आंदुर फाटकगोळ देल आगकु नगर दा प्रवेश माळ्यार. 15 लेकीन नायगोळ, अदकि टोना माळावाळेर, अदकि व्यभचारी, अदकि खुनीगोळ अदकि मूर्त्ति इन पुजा माळावाळा, अदकि हर ऊंद खाटपन इक चाहसावाळा अदकि घळुसावाळा व्हार्या ईत्तान.

16 “नानी यीशु तान स्वर्गदूत उक इदुरसाटी कळुदुन की नीम मुंद मंडलीगोळ्द बारा दा ई मातगोळ्द गवाही कोळुल. ना दाऊद उन मुल अदकि वंश, अदकि व्हातुर इन चमकुसतेला तारा हुईन.”

17 आत्मा अदकि मंळगीत येदु अंतार, “बर!”

अदकि केळावाळा भी अंदान, “बर!”

जो नीरळ्कु ईतीदान आव बरूल, अदकि जो यावारा चाहासतान आव जीवन इन नीर फुकट दा ताकोमुल.

समापन

18 ना हर ऊंद मंळसा अक, जो ई कतिाब इन भवषियवाणी इन मातगोळ केळतान, गवाही कोळतीन: अगर यावारा मंळसा ई मातगोळ दा येनारा वाळुस्यान रा परमेश्वर आ परेशानीगोळ इक, जो ई कतिाब दा लखिसकु आव, आऊन मा वाळुस्यान. 19 अगर यावारा ई भवषियवाणी इन कतिाब इन मातगोळ दा टु येनारा तेगु कोंडान, रा परमेश्वर आ जीवन इन मार्र अदकि पवतिर नगर दा टु, यदुरद वर्णन ई कतिाब दा आद, अदुर भाग तेगु कोंडान.

20 जो ईव मातगोळ्द गवाही कोळतान आव ईद अनतान, “हव, ना जल्दी बरावाळा आईन.”
आमीन.

हे प्रभु यीशु बर!

21 प्रभु यीशु उन अनुग्रह पवतिर लॉकुरद सांगुळ ईरूल. आमीन.